


PLATE 4



S. 369

8. 44. 11. 11

VERITATES PRACTICÆ,

EX VITA DOMINI IESV, SANCTORVM,
QVE GESTIS, IN SINGVLOS ANNI DIES.

LEGENDÆ, CONSIDERANDÆ,
PRÆDICANDÆ.

OPVS QVADRIPERTITVM.

PARS QVARTA, PARS AVTVMNALIS.

A Dominica Decimaquinta post Pentecosten,
ad Aduentum.

Auctore P. JULIANO HAYNEFFE,
Societatis IESV Sacerdote.



ROTHOMAGI,

Sumptibus RICHARDI LALLEMANT, Illustrissimi
Archiepiscopi & Collegij Societatis IESV Typographi.

M. DC. LIV.

CVM PRIVILEGIO REGIS, ET APPROBATIONE DOCTORVM,

Privilegium Regis, Approbatio Doctorum, & Facultas Superiorum habentur in prima parte, post Præfationem.

INDEX VERITATVM

IN SINGVLOS DIES, QVARTÆ PARTIS.

DOMINICA XV. POST PENTECOSTEN,

de Adolescente, filio Vidua suscitato.

Adolescenti frequentius Mors cogitanda quam Seni. p. 1.

Sicut à peccato, sic à peccati reliquiis resurgendum. 6.

Aliæ indicantur opportunæ Euangelio.

Hac Hebdomada, factò initio ab Interrogatione Domini, Quid de se sentiant homines, ad sequentem historiae seriem considerantur humana Iudicia plurimum à Diuinis dissidere, atque vt Diuina humanis præferantur, proponendæ Veritates potissimum suadent.

FER. 2. Quem dicunt homines esse filium hominis?

Humana de nobis iudicia sic sunt humanè audienda, vt non tamen humanitùs audiantur. 12.

Nisi se quisquis aptè Christo conformet, sibi Christum ineptè conformabit. 13.

Tu es Christus filius Dei.

Nisi diligenter aduertas, ore facta confessio, factis à te negatur. 15.

FER. 3. Non sapis ea quæ Dei sunt, sed ea quæ hominum.

Qui melius de pœnis sentiunt, hi minùs pœnas sentiunt. 18.

FER. 4. Si quis vult venire post me, abneget semetipsum, &c.

Nihil est in abnegatione rationabilius, quàm quod in illa videtur minùs rationabile. 23.

*FER. 5. DE TRANSFIGURATIONE DOMINI. Domine,
bonum est nos hic esse.*

*Si nec in ipso cœlesti gustu sistendum est, longè minus in
sensuali.* 28.

*FER. 6. De expulso damone quem Apostoli non potuerunt
ejicere.*

*Quod monet Sapiens: Eris eruditus in omnibus: aut eris
contra Dæmonem rudis in omnibus.* 35.

SABBATO. Didrachma soluit Christus.

*Quod Exactores à Christo semel, hoc semper ab Illo exi-
gunt qui sub spe veniæ peccant liberius.* 39.

*Qua vnâ re potissimùm à majori diuino cultu auocamur:
eadem potius ad Eum aduocandi essemus.* 41.

*DOMINICA 16. DE HYDROPICO SANATO. Obser-
uabant eum.*

*Quanto inter probos putatur Inuidia leuior, tanto est
sæpe grauior.* 44.

*Qui paratus est seruare omnia sibi obseruanda, paratus
etiam est in omnibus obseruari.*

Vel è contra

*Qui non est paratus obseruari in omnibus, non est paratus
obseruare omnia sibi obseruanda.* 50.

*Hydropisis animi Concupiscentia quò sibi est indulgen-
tior, sibi est dirior.* 55.

Multa inde alia producantur, conformiter Euangelio.

*Hac Hebdomada: De Infantia Christiana cuius partes quedam sunt
quæ inde occurrunt ex Euangelio consideranda.*

*FER. 2. Nisi conuersi fueritis, & efficiamini sicut paruuli,
&c.*

Aut baptismalis seruanda est Innocentia, aut per Infan-

tiam spirituales reuocanda.

64.

Nisi ab omni cupiditate voluntas sicut ab omni errore Intellectus verè cōuertatur, vix vlla est vera Conuersio. 65.

Non est ætas maturior Infantia Christiana.

68.

FER. 3. Qui minor est inter vos, hic maior est.

Quam verè Christus maior est inter omnes homines, tam certò qui minor est inter nos omnes, hic maior est. 71.

FER. 4. Si peccauerit in te frater tuus, Vade & corripe eum.

Si quis corripere noluerit, hoc ipso magis est corripiendus. 76.

FER. 5. De condonandis Iniuriis non septies sed septuagies septies.

Si semel sunt condonandæ Iniuriæ, sunt semper condonandæ. Vel nullas vmquam rectè voles condonare iniurias, vel semper omnes condonare voles. 80.

FER. 6. De commotione Apostolorum contra Samaritanas, Vis dicimus vt ignis, &c.

Non in commotione Dominus, & non in Igne Dominus.

90.

DOMINICA 17. De magno Charitatis mandato, & de Christo D.

Non quantum, sed ex quanto fiat quidquid fit, quærit Deus. 98.

Diminutio Cupiditatis, augmentum est Charitatis.

Augmentum Cupiditatis est diminutio Charitatis. 100.

Cupiditas non refrænata, rapina quædam est in holocausto & sacrilegium. 101.

In leui quidem cupiditate pars aliqua nostri cordis detrahitur: In graui autem totum Cor Deo perit. 103.

Hac hebdomada, occasione Adolescentis vocati à Christo ad perfe-

nem, & nolentis sequi vocantem, multa contra inordinatos affectus circa diuitias, & reliqua temporalia producuntur.

FER. 2. *Unum tibi deest.*

Verendum, ne quod deest ad perfectionem, desit etiam ad salutem. 106.

FER. 3. *Vade, vende quæ habes.*

Hoc amanti Cælum paupertas est, quod amanti terram, diuitiæ. 111.

FER. 4. *Cum audisset Adolescens, abiit tristis.*

Animo inordinatè affecto ad res creatas, angustia sunt vndique. 116.

FER. 5. *Quam difficile qui pecunias habent in regnum Dei introibunt!*

Quanto id minus verum putat Diuites quod de ipsis Christus dixerit, tantò id magis verum est putandum. 121.

Non fit à Christo Diuitibus difficultas regni cælorum, sed illam sibi faciunt Diuites cōtra ipsum Christum. 122.

Quanta est facilitas diuitiarum ut amentur, tanta est difficultas Diuitum ut saluentur. *Ibid.*

Nisi Diues diuitias faciat bonas, diuitiæ malum facient diuitem.

Aut cælum perit diuitiis, aut emitur. 123.

Non minus errat malus diues qui se excusat quod diuitiæ non sint malæ; quàm si quis accusaret diuitem, quasi sint malæ diuitiæ. 127.

Quantumcumque sint necessariae & licitæ diuitiæ, numquam est tamen necessarium & licitum, velle esse diuitem sicut omnes volunt. 128.

Odiosas facit diuitias non solum paupertatis amor sed timor: Si timetur inopia, magis timenda copia. 129.

Si quod futurum est in æterna vita fieret in præsentì, nemo dubitaret pauperem esse diuite ditio- rem. 130.

Non est tam certum ad salutem ser- uare sibi aliquid quod dones pauperibus, quàm talem esse pauperem qui nec sibi nec aliis quidquam seruet. 131.

Vix se ullus talem putat diuitem, qualis in Euangelio improbatur; Et vix tamen ullus est qui non sit talis. 133.

FER. 6. Ecce nos reliquimus omnia, &c.

Nulli melius sunt omnia, quàm omnia relinquenti. 137.

Plura dat Christo qui dat omnia licet pauca & vilia, quàm qui multa & pretiosa, non datis omnibus. 138.

Væ Religioso non relinquenti omnia. 139.

Sua omnia meliùs relinquit qui se relinquit non relictis suis bonis, quàm qui sua bona relinqueret se non relictò. 140.

Nè terreatis difficultate relinquendi omnia, minor est difficultas omnia relinquenti quàm partem aliquam. 141.

SABBATO. De promisso Centuplo relinquentibus omnia.

Qui se dicit omnia reliquisse nec contentus viuit, mentitur aut mendacem facit Christum. 144.

DOMINICA 18. De Sanato Paralytico.

Quod sanati corporis erat indicium, ferre lectum à quo ferebatur, hoc est sanati animi si regat appetitum à quo regebatur. 151.

Remittuntur tibi peccata tua.

Nulla nisi primaria satis esse potest cura de peccatis curandis. 153.

Hac hebdomada, De rebus opportunè agendis, & actionibus rectè in Deum dirigendis agitur; ex parabola de otiosis operariis in vineam missis; & de occulto itinere Domini in urbem ad Festum Scenopegie.

FER. 2. Quid hic statis tota die otiosi?

Nihil est magis nostrum quam Tempus : Et nihil est mi-
nus nostrum.

159.

Nihil est nobis Tempore vilius, quo tamen nihil est pre-
tiosius.

162.

FER. 3. Erunt nouissimi primi.

Quod feruori Tempus negat, hoc Feruor affert tépori. 163.

FER. 4. Tempus meum nondum aduenit.

Sic est omni negotio tempus & opportunitas, vt nisi adsit
tempus & opportunitas, vix vllum fiat negotium. 168.

FER. 5. Si quis voluerit voluntatem eius facere, &c.

Si non agis quod velit Deus, hoc vnum infame habes quod
respondeas, *Nolo, non placet.*

174.

FER. 6. Nolite iudicare secundum faciem.

Apparet quàm sis Ipse iudicandus, qui de rebus vt appa-
rent, iudicas.

181.

SABBATO. Si quis sitit veniat ad me.

Qui vel vni Creaturæ nimis adhæret, duo mala facit de
quibus Ipse Creator : *Me dereliquerunt fontem aqua viva, &c.*

186.

DOMINICA 19. Parabola Regis inuitantis ad nu-
ptias filij sui. Et de veste nuptiali.

193.

Nô propter vestem nuptiæ, sed vestis propter nuptias. 197.

Hac hebdomada, De cohibendo temerario iudicio, de cauendis pecca-
tis, & mundanis affectibus, ex capite octauo Ioannis.

FER. 2. Accusant Iudæi mulierem adulteram.

Qui falso proximum accusat animo, licet verè, non minus
tamen peccat quàm qui falsi accusat.

205.

Malo zelo bonum facere, peius ex se est, quàm bono zelo
malum perpetrare.

206.

Quo peccatû zelo perdendû est, hoc Peccator est saluâdus.

Sic

1. **Identify the main purpose of the text.**

2. **Summarize the key points of the text.**

3. **Explain the author's attitude towards the topic.**

4. **Discuss the main arguments presented in the text.**

5. **Identify the evidence used to support the arguments.**

6. **Evaluate the effectiveness of the arguments.**

7. **Discuss the implications of the text.**

8. **Identify the author's assumptions.**

9. **Discuss the author's conclusions.**

10. **Identify the author's recommendations.**

11. **Discuss the author's limitations.**

12. **Identify the author's strengths.**

13. **Discuss the author's weaknesses.**

14. **Identify the author's biases.**

15. **Discuss the author's credibility.**

16. **Identify the author's sources.**

17. **Discuss the author's methodology.**

18. **Identify the author's results.**

19. **Discuss the author's conclusions.**

20. **Identify the author's recommendations.**

21. **Discuss the author's limitations.**

22. **Identify the author's strengths.**

23. **Discuss the author's weaknesses.**

24. **Identify the author's biases.**

25. **Discuss the author's credibility.**

26. **Identify the author's sources.**

27. **Discuss the author's methodology.**

28. **Identify the author's results.**

29. **Discuss the author's conclusions.**

30. **Identify the author's recommendations.**

31. **Discuss the author's limitations.**

32. **Identify the author's strengths.**

33. **Discuss the author's weaknesses.**

34. **Identify the author's biases.**

35. **Discuss the author's credibility.**

stris vitiis inhonoratur Dominus, quàm nostris virtutibus honoretur.

246.

DOMINICA 20. De filio Reguli sanato.

Potentes potenter tormenta patientur: Et fortioribus fortior instat cruciatio.

253.

Qui non magis salutem filij quàm sanitatem amat, non amat filium.

258.

Diuina licet præcepta certis Parentes erga filios non ligent verbis, non minus tamen Parentes obligantur.

262.

Incipiebat enim mori.

Ex Patre vulnus est quo mori filius incipit.

Nisi signa & prodigia videritis, non creditis.

Major est insania non credere Christo quàm Christū.

270.

Credidit Ipse, & domus eius tota.

Qualis Paterfamilias, talis tota plerumque familia. Si quid à tuis velis, primùm à te.

273.

Qualis est Intellectus, talis & reliqua tota intellectualis creatura.

274.

Hac Hebdomada, Historia Cæci nati, unde ad Diuina lumen fideliter acceptanda, & in effectum adducenda differitur.

FER. 2. Neque hic peccauit, nec parentes eius, &c.

In tenebris quies, dicendumque cum Iobo: In tenebris stravi lectulum meum.

FER. 3. Fecit lutum ex sputo, &c.

Qui conferendæ dimittit Medium Gratiae, mediam is amittit & meliorem Gratiam.

284.

FER. 4. Ille homo qui dicitur Iesus lutum fecit, &c.

Vera gratitudo in tenebris apparet clarius quàm in lumine.

290.

FER. 5. Tu quid dicis de Illo? Ille autem dixit, quia

Propheta est.

Cos bonæ libertatis, mala libertas, &c.

FER. 6. Numquid & vos vultis eius Discipuli fieri?

Aut sis æquus dispensator, aut iniquus dissipator.

SABBATO. Credo Domine, & procidens adoravit eum.

Volenti bonum & differenti, præstaret nolle quàm dif-
ferre. 311.

*DOMINICA 21. Parabola debitoris decem millium
talentorum.*

Quidquid profers ne parcas aliis, contra te profers ne par-
cat tibi Deus. 312.

Patientiam habe in me.

Diuinæ debemus patientiæ quod non extrema quæque pa-
timur. 319.

Redde quod debes.

Vel non erat tibi petenda debitorum remissio, vel non
erat aliis deneganda. 323.

Videntes conserui qua fiebant, contristati sunt valde, &c.

Quo quis minus videt suum crimen, cò magis videtur ab
aliis. Quò magis crimen videtur, cò minus debet tole-
rari. Qui crimen videt & tolerat, videtur esse reus, nec
tolerabitur. 325.

Serue nequam, omne debitum dimisi tibi, &c.

Si Deum imitari nolumus in reddendo aliis bono quod
nobis facit, nos Deus imitabitur in reddendo nobis
malo quod aliis facimus. 327.

Iratus Dominus eius tradidit eum Tortoribus, &c.

Peccatù quodlibet magis sèper ac magis est timendū. 328.

*Hac Hebdomada, Dominus se Pastorem bonum ostendit unde confor-
mes Veritates eruuntur.*

FER. 2. Proprias oves vocat nominatim, & educit eas.

Dominus regit me, & nihil mihi deerit:

Si quod creditur necessarium petenti desit, credendum est potius non illud esse necessarium quàm quod petenti desit.

330.

FER. 3. Per me si quis introierit saluabitur, &c. & pascua inueniet.

Pascentur agni iuxta ordinem suum. *Is. 5.*

Sic in suo quisque pascitur ordine, vt nisi suo quisque se seruet in ordine non pascatur.

339.

FER. 4. Ego sum Pastor bonus. Mercenarius fugit, & lupo rapit oves.

Quem Christus protegit si ab hoste vincatur, non est victoris virtus, sed victi viciu.

348.

FER. 5. Cognosco meas, & cognoscunt me mea.

Difficilem quantumuis tui curam, hæc si verba cures, facilem reddent: *Cognouit me meus Pastor, & ego noui eum.*

353.

FER. 6. Et animam meam pono pro ouibus meis.

Qui animam suam pro mea Christus posuit, tanti æstimabilem fecit animam meam, quanti suam.

359.

SABBATO. Oves mea vocem meam audiunt.

Sicut Imaginem aut Faciem Christi, sic eius Vocem fidelis anima reueretur.

368.

Semel locutum esse Christum, fidei satis est animæ vt Vocem eius semper audiat & sequatur.

372.

DOMINICA 22. Abeuntes Pharizæi concilium iniierunt vt caperent Iesum in sermone.

Deus non irridetur. Ipse deludet Illusores. *Prou. 5.*

375.

Magister scimus quia verax es, &c.

Adulator magis timendus quàm Calumniator. 383.

In omnibus sumentes scutum fidei. Ephes. 6.

Hoc Euangelicæ fidei scutum est, quod sit Christus verax.
Sic est porro sumendum in omnibus hoc scutum fidei, ut
nisi sumas in omnibus, iam non sit scutum fidei. 386.

Cuius est imago hæc?

Ad peccatricis animæ resipiscentiam, multum valet hæc
quæstio, *Cuius est imago hæc?* 393.

Sicut portauimus Imaginem terreni hominis, portemus
& Imaginem Cœlestis. 1. Cor. 15. 401.

Non aliter in nobis formatur Imago Christi, quàm si
nos in eandem Imaginem transformemur. 407.

Reddite quæ sunt Cæsaris Cæsari, &c.

Nisi reddantur Cæsari quæ sunt Cæsaris, non reddentur
Deo quæ sunt Dei. 413.

Non reddes Deo quæ Dei sunt, si quid Cæsari vel cui-
quam reddas non propter Deum. 419.

*Hæc Hebdomada, considerata occurrunt Caput undecimam Matthæi
& decimum Lucæ, ex quibus quomodo sit componendus animus in-
ter aduersa & prospera demonstratur.*

FER. 2. Va tibi Corozani! Va tibi Bethsaida!

Qui sibi non cauent in prosperis, sunt illi stulti de quibus
Sapiens. Prosperitas stultorum perdet illos. Prou. 1. 425.

FER. 3. Reuersi sunt Septuaginta duo cum gaudio, &c.

Eras, nisi risum errorem reputes. Deciperis nisi credas
gaudium decipi. 431.

FER. 4. In ipsa hora exultauit in Spiritu sancto, &c.

Quàm facile est gaudere in prosperis, tam difficile est verè
gaudere. 437.

Perfecti gaudij perfectum exemplar, Christus gaudens. 44.

Sic est gaudendum in Domino, ut in eo solo sit gaudendum. 439.

Quale in prosperis fuerit gaudium, probatur in aduersis. 440.

Non est minus malum non gaudere bono gaudio quàm gaudere malo. 441.

Sic seruiendum Domino in lætitia, ut si non lætetur in Domino seruus, non lætetur in seruo Dominus. 442.

FER. 5. Venite ad me omnes qui laboratis, &c.

Sic laborantes Christus reficit, non ut labor ipsis deficiat, sed ne Ipsi laborantes labori suo deficiant. 446.

FER. 6. Tollite iugum meum super vos, &c.

Iugum Christi licet insuaue, ferendum esset; quantò magis suaue? 453.

SABBATO. Discite à me quia mitis sum & humilis corde.

Sic mitis & humilis inuenit requiem, ut nisi simul sit mitis & humilis, non sit quietus. 460.

DOMINICA 23. De sanata muliere Hemorrhoissa:

Et de suscitata puella mortua : Ex aliis locis referuntur multæ Veritates & fusius explanantur : Ac præsertim ad Illam quæ de suscitatione mortuæ traditur, adhibetur observatio valde notanda de duplici statu quarundam animarum, quarum quæ putantur viuentes in carne, non viuunt, sed sunt mortuæ : & quæ non putantur mortuæ dum Christum in se suscipiunt, magis ac magis moriuntur. 471.

Hæc etiam verba : *Non est mortua puella sed dormit*, in duplicem oppositum sensum appositè Religiosis nouitiis applicantur. 470.

Quod vero dixit Christus ad tibicines & tumultuantem turbam, *Recedite*, sic illustratur:

Accessus Christi, recessus mundi.

Qui mundum sibi retinet, Christum non obtinet. 468.

Hac Hebdomada quæ diuersa occurrunt ad Vnum illad tendunt de quâ Dominus apud Martham.

FER. 2. Porro unum est necessarium.

Veritas Veritatum his contenta Christi verbis. 474.

FER. 3. Stulti: nonne qui fecit quod de foris est, etiam id quod deintus est, fecit?

Quò quis in exteriori colendo homine videtur esse sapientior, cò est stultior si non magis interiorem colat. 480.

FER. 4. Homo, quis me constituit Iudicem aut diuisorem inter vos?

Nemo militans Deo implicat se negotiis sæcularibus. 486.

FER. 5. Anima, habes multa bona posita in annos plurimos, &c.

Non solum auarus est qui cupit aliena, sed qui cupidius seruat sua; Seruat autem cupidius qui sibi soli seruat. 492.

FER. 6. Nisi pœnitentiam habueritis, omnes similiter peribitis.

Non auertes periculum nisi aduertas diligentius. 501.

SABBATO. De ficu infructuosa, & de muliere incuruata. Mens incuruata, mens infructuosa. 506.

DOMINICA 24. Nisi sit vltima.

Repetenda est Consideratio ex i. parte, pro numero Dominicarum quæ supersunt ex celebrandis post Epiphaniam; consulendumque Directorium.

Hac Hebdomada, concurrant quæ sequuntur in Euangelica serie, ad hunc finem, ut nos totos Christo dedamus.

FER. 2. Homo quidam fecit cenam magnam, & vocauit multos.

Sicut nullis cœna est nisi vocatis, sic nulli vocantur à Domino nisi ad cœnam.

Quocumque nos Christus vocet, quasi ad cenam vocat
siue conuiuium. 513.

FER. 3. *Si quis venit ad me, & non odit patrem suum,*
&c. non potest meus esse discipulus.

Hoc est esse Christi discipulum, solius esse Christi. 519.

FER. 4. *De oue perditâ, quesita & inuenta.*

Numquam magis eris tuus, quàm cùm minùs eris tuus vt
fis totus Christi. 523.

FER. 5. *De filio prodigo.*

Qui se à Christo subducit vt fœliciùs viuat, viuit misere-
rius ipso misero prodigo. 528.

FER. 6. *De malo diuite, & bono paupere Lazaro.*

Quam detestantur omnes sortem diuitis Epulonis, cam-
pene omnes consecretantur. 539.

SABBATO. *De vidua importuna Iudici: Vindica me de*
aduersario meo.

Si nos ita Deus non vindicat de aduersariis sicut Iudex vi-
duam, nos ita Deum non oramus sicut Vidua Iudi-
cem. 553.

DOMINICA 25. Prout occurret ex Directione officij, vt
suprà est monitum.

*Hac Hebdomada, De Lazaro suscitato, tum sequente Concilio Iudeo-
rum contra Dominum; ac de Matre filiorum Zebedæi, & Cæco illu-
minato.*

FER. 2. *De Lazaro infirmante. Infirmitas hæc non est*
ad mortem, sed pro gloria Dei.

Qui non libenter infirmatur pro Dei gloria, & grauiùs
infirmatur, & contra Dei gloriam. 561.

FER. 3. *De Lazaro mortuo.*

Quò minùs accepta mors est, cò magis acceptanda.

Quò

Quod grauius in morte est malum, non ita effugies fugiendo mortem quàm acceptando. 561.

FER.4. De Lazaro suscitato, Lazare veni foras.

Sicut nonnisi per Christum uiuis, sic nonnisi propter Ipsum uiuas. 577.

Si quid est in rerum natura Christo difficile, natura est hominis in peccato indurati. 581.

FER.5. De Concilio Iudeorum. Expedit vobis ut unus moriatur homo, &c.

Non minùs expedit ad salutem vt vetus homo moriatur in nobis, quàm vt nouus Homo moreretur pro nobis. 593.

FER.6. Dic vt sedeant hi duo filij, &c.

Sic petendus à Deo status, vt non quem quisque velit Deus donet: sed quem Deus donet, quisque velit. 602.

SABBATO. De Cæco illuminato prope Iericho. Quid tibi vis faciam?

Peruersè cæcus est à quo sit quærendum potiùs, quid sibi velit fieri, quàm cum Apostolo quærat, Domine quid mi vis facere? 610.

DOMINICA 26. Quæcumque occurrat ex regulis diuini officij, nisi sit vltima, petenda est ex Dominicis post Epiph.

Hac Hebdomada, Ierosolymam celeberrimo apparatu ingreditur Dominus, unde quæ spectant ad Deuotionem, præsertim expenduntur.

FER.2. De Zaccheo, qui quarebat videre Iesum quis esset.

Inuentus etiam & cognitus Dominus semper est quærendus: Quærite Dominum & confirmamini: Quærite faciem eius semper. Ps. 10.

FER.3. De Cena in Bethania. Et domus impleta est ex odore unguenti.

Nullis parcendum bonis, vt Christi bonus odor simus. 623.

FER. 4. *Iussi à Domino discipuli ad se adducere pullum asinae, fecerunt sicut illis praeceperat Iesus.*

Quod in aliis virtutibus magis esse posset vituperabile, hoc est in Obedientia magis laudabile. 632.

FER. 5. *Ozanna filio David, &c.*

Nisi Cor, Lingua & Manus ad Deuotionem simul conspirent, Ipsa expirabit Deuotio. 639.

FER. 6. *Ex ore Infantium & lactentium perfecisti laudem.*

Sic sibi Christus placet in pueris, vt si pueros imitentur Viri, magis sibi Christus in viris placeat. 646.

SABBATO. *De quibusdam Gentilibus Philippo dicentibus: Domine, volumus Iesum videre.*

Si forte times Mediatorem Christum, non Ille timet alios Mediatore.

Tot ipse tibi exhibet, si velis adhibendos, quot habet Sanctos. 651.

DOMINICA 27. *Vt supra est monitum, secundum regulas diuini officij.*

Hac Hebdomada, postremum apud Iudeos Dominus habet Sermonem qui totus eò dirigitur vt sibi caueant à iactura Gratiarum quibus abutuntur.

FER. 2. *De ficu maledicta, & eiectione à Tēplo Venditoribus.*

Maledictus qui facit opus Domini fraudulenter, Ier. 48. Facit autem fraudulenter qui facit negligenter. 659.

FER. 3. *Parabola de duobus filiis à Patre in vineam ire iussis.*

Licet non facias semper quod proponis, semper est tamen proponendum quod facias. 666.

Quàm pudendum tibi esset si quod promittis homini non solueres, tam impudenter agis si quod promittis Deo non exoluas. 679.

*FER. 4. Parabola de vinea locata malis Agricolis. Ver-
buntur filium meum.*

Cum sit ille omnis fructus vt auferatur peccatum, non ve-
retur Filium Dei, qui peccare non veretur. 676.

Malos male perdet.

Malos quidem omnes perdet Deus, sed non male omnes
nisi qui bene perdi nolint.

Tam porro bonum est malis bene perdi, quam male per-
di, malum est. 684.

*Cum audissent Pharisei parabolas eius, cognoverunt quod
de ipsis diceret.*

Tam facile est malis in aliena se persona nosse, quam in
sua difficile. 689.

*FER. 5. Omnia quaecumque dixerim vobis servate & fa-
cite: Secundum opera vero eorum nolite facere.*

Sinon facis quod doceris quia qui hoc docent non faciunt,
tam falso te excusas quam verè illi à Domino accusan-
tur. 693.

*FER. 6. Serpentes genimina Viperarum, &c. De prudenti
Zelo in arguendis aliis, ne dum arguuntur de ipsis
detrahatur.*

In arguendis aliis nisi prudentiam serpentis adhibeas, ser-
pentis virus exhibebis. 698.

*SABBATO. De Templi destructione quam predicat Do-
minus.*

Chara Deo anima si chara esse desinit, tantò euadit vilior,
quanto erat charior. 705.

*DOMINICA 28. Seu postrema post Pentecosten,
quantacunque sit numero, De signis destruenda Civitatis, & extremi
propeinquantis Iudicii.*

Cum videritis abominationem desolationis, &c.

Quidquid abominandum desolatæ ciuitati acciderit, nulla
tam grauis abominatio desolationis, quàm lethale pec-
catum.

713.

Qui legit, intelligat.

Qui quod legit, intelligere negligit, negligentia suæ pœ-
nas legit.

715.

*Tunc parebit Signum filij hominis in cælo, & tunc plan-
gent omnes, &c.*

Quàm apertè parebit signum Crucis in Iudicio, tam aper-
tè patebit cur plangent iudicandi.

722.

Nemò magis confunderetur quam qui peccat ne confunda-
tur.

726.

Ab arbore fici discite parabolam.

Non tantum quod sit Iudicium ab arbore fici discendum
est, sed quod sit valdè tremendum.

728.

*Cælum & terra transibunt; Verba autem mea non tran-
sibunt.*

Humana verba quàm sunt incerta, tam certa sunt & ti-
menda Diuina.

732.

Hac Hebdomada, quod superest considerandum ex verbis & factis
Domini, ad Eius usque passionem, totum refertur ad Vigilantiam
in nobis excitandam.

*FER. 2. Vigilate ergo, quia nescitis qua hora Dominus
vester venturus sit.*

Si sola solùm Ratio, vel si solus Christus sufficeret, quanto
magis simul Christus & Ratio?

738.

*FER. 3. Et vos similes hominibus expectantibus Domi-
num suum.*

Qui non est semper paratus, numquam est paratus.

743.

FER. 4. Hoc autem scitote, quoniam si sciret Paterfamilias qua hora fur veniret, vigilaret, &c.

Qui non observat furem, observatur à fure & capitur.

Sicut à fure, sic à fine vitæ timendum est.

Vel omni hora vigilandum, vel nulla vigilatur.

751.

FER. 5. Parabola de decem Virginibus.

Perpetuata est quædam mentis Virginitas, perpetua Vigilantia.

756.

FER. 6. Parabola de Talentis.

Temperamenti regendi parata Ratio, parata ratio est reddendi Deo talenti.

761.

SABBATO. Separabit eos ab invicem sicut Pastor segregat oves ab hædis.

Qui nunc Pastorem tuum non agnoscis Christum, tunc te Christus suam non agnoscet ovem.

729.

Et statuet oves quidem à dextris suis, hædos autem à sinistris.

Qui nunc à dextris voluit statui, tunc à sinistris statuetur.

769.

Qui nunc primi esse volunt, tunc erunt infimi.

Amen dico vobis, quamdiu fecistis uni, &c.

Dum te à dando excusas, magis accusas.

772.

Et ibunt hi in supplicium æternum: Iusti autem in vitam æternam.

Quod ageres iudicatus si posses, hoc ipsum debes agere iudicandus.

773.

Si rectè affectus esses, quo affectu esses vel in æternam vitam vel in æternum supplicium, hoc ipso dare gauderes, vel non dare timeres quod dandum est.

774.

Finem loquendi pariter omnes audiamus: Deum time

Et mandata eius observa; Hec est enim omnis homo, &c.
Eccl. 12. Ibid.

DIE 1. SEPTEMB. *In Natiuitate B. Mariæ Virginis.*

Quæ est ista quæ progreditur quasi Aurora confurgens?

*Quàm sit nobis colenda nascens Virgo plus vna monstrat
Angelorum admiratio, quàm multa eorum ratio.* 777.

De Dominio B. Virginis, ex Nomine Mariæ quod Dominam significat.

*Non est seruus qui Domino suo plus debeat & minus red-
dat quàm tu Christo & Virgini Mariæ.* 785.

Arrogantiam & superbiam detestor. Pr. 8.

*Tàm proprium Mariæ dicitur superbiam detestari, quàm
proprium illi est Mariæ nomen, seu quàm proprie Ma-
riæ dicitur Domina.* 793.

De alia nominis Mariæ significatione qua Mare amarum dicitur.

Plorat Mariæ nascens sicut cæteri, sed non quamobrem cæteri.

*Si quamobrem ploret Mariæ nascens quaeritur, plus Illa cæ-
teris omnibus plorasse reperitur.* 796.

*Sic est Mariæ Refugium Peccatorum, vt quo passu ad Il-
lam Peccatores confugiant, à peccatis refugiant.* 803.

DIE 14. SEPTEMBRIS. *In Festo Exaltationis sanctæ Crucis.*

Exaltabo signum meum. Il. 49.

*Dicenti Domino se Crucem suam exaltaturum tam con-
tradicit superbus quàm se exaltat.* 807.

DIE 21. SEPTEMBRIS. *In Festo S. Matthæi Apostoli.*

Similitudo vultus eorum, facies hominis, &c.

*Quis sit Homo nouus & Euangelicus ex Matthæo cognos-
citur, velut homo ex facie.* 815.

DIE 29. SEPTEMBRIS. *In Festo S. Michaelis Archangeli.*

Quis Deus similis tui?

Quis ut Deus? Qui expugnando demoni Michaelis est glæ-

dius, noster est, si nostra hæc verba facimus, *Quis vñ
Deus?* 822.

*DIE 1. OCTOBRIS. De S. Angelo Custode. Ecce Ego mitto
Angelum meum qui pracedat te, observa eum, &c.*

Non est minus observandus à nobis Angelus quàm ser-
uandi sumus ab Angelo.

Nisi autem diligenter aduertas, tunc minus illum obser-
uas cùm magis esset observandus. 833.

Frustra præcedit Angelus nisi sequaris.

Nisi viam cum Illo tenueris, nec te custodiet in via, nec
in locum paratum te introducet. 838.

*DIE 4. OCTOBR. In Festo S. Francisci. Quid sunt plage iste in
medio manuum tuarum?*

Sunt certa signa quibus in S. Fráncisco agnoscas & in te ex-
primas verã Sanctitatẽ, seu Euangelicã Perfectionẽ. 840.

*DIE 6. OCTOBRIS. In Festo S. Brunonis. Ecce elongavi fu-
giens, & mansi in solitudine.*

Quo magis inter homines, eò minor homo.

Quò minus inter homines fueris, eò major homo euades. 855

*DIE 15. OCTOBRIS. In Festo S. Tereſie. Una mulier Hebraea
confusionem fecit in domo Regis Nabuchodonozor.*

Aut pati, aut mori, vel confundi.

Aut pati, aut mori cum S. Tereſia, vel confundi ab Ea,
quod nolis pati. -

Quam confusionem Iuditha fecit in domo Nabuchodono-
zor, hanc Tereſia fecit in vniuerso mundo qui nil vo-
lebat pati. 864.

*DIE 18. OCTOB. In Festo S. Luca. Cuius laus est in Euan-
gelio per omnes Ecclesias.*

Quæ laus Sanctorum est in Euangelio maxima, laus est

Sancto Lucae maximè propria.

875.

DIE 21. OCTOB. In Festo S. Ursulae. *Multa filiae congregauerunt diuitias, Tu supergressa es vniuersas.*

Ad congregandas Cœli diuitias nihil aptius quam aptum fieri ad congregandas Cœlo animas. 880.

DIE 28. OCTOB. In Festo SS. Apostolorum Simonis & Iudæ. *Ecce Simon frater vester, &c.*

Consilium & Fortitudo rebus bene agendis sic conueniunt, vt nisi simul conueniant, res nulla bene agatur.

Quæ simul iuncta se iuuant, disiuncta se destruunt. 892.

DIE 1. NOVEMBRIS. In Festo SS. omnium.

Quæ variæ proponuntur Veritates ad quadruplex Caput referuntur. 898.

DIE 2. NOVEMB. In Commemoratione fidelium Defunctorum.

Miseremini mei, miseremini mei saltem vos amici mei, &c. Iob. 1.

Miserius est animæ neganti misericordiâ quâ poscenti. 922.

Sicut à pœnis quas Boni patiuntur, cognoscuntur Beatorum gaudia: sic à Beatorum gaudiis cognosci possunt pœnæ quas Boni patiantur. 923.

Incredulitatis est vel Crudelitatis nimia, non misereri peccantium misericordiam Animarum. 924.

DIE 21. NOV. In Festo S. Martini. *Expoliavit se Ionathas tunica, &c.*

Momentum illud ex quo pendet æternitas, sæpe momentum tale est quo se sua Martinus expoliavit tunica.

Sæpe momentum illud est in quo petitur Eleemosyna.

Sæpe momentum illud est in quo de vno Virtutis actu statim agendo agitur. 933.

DIE 21. NOVEMB. In Festo Præsentationis B. Mariæ Virginis.

Adducentur

INDEX.

Adducentur Regi Virgines post eam. Ps. 44.

Nemo est qui possit omni modo quod fecit B. Virgo
facere: sed nemo est qui non possit suo modo quod
Illa fecit. 941.

Id est, se offerre & præsentare.

Proxima eius afferentur tibi.

Hoc ipso quo afferuntur & offeruntur Deo, proximæ
sunt B. Virginis. *Ibid.*

Non se præsentat cum præsentata Virgine qui se magis
in præsens offert, quàm in futurum tempus. 942.

DIE 25. NOV. IN FESTO S. CATHARINÆ VIRG. & MART.

*Corona aurea expressa signo Sanctitatis, & gloria
honoris, & opus Virtutis seu fortitudinis.* Ecclesi. 45.

De triplici laureola quam promeruit S. Catharina vt Martyr,
Virgo & Doctrinæ, variæ proponuntur Veritates, iam alibi expo-
sita quibus hæ tres novæ adiunguntur:

Quot peccavit in Virginem Martyrem Tyrannus vi-
tiis, tot Illam pluribus adauxit martyriis & coro-
nis. 949.

Ne quemquam pudeat ab errore recedere, ac cedere
Veritati:

Non enim minus est gloriosum in hoc certamine vinci
quàm vincere. 950.

Quàm gloriosa est victoria finiti certaminis, tam me-
tuendum est ne certamen non sit finitum:

Victori sæpe grauius à victoria certamen nascitur,
quàm dum certaret vt vinceret. 951.

1. **Introduction**
 2. **Background**
 3. **Methodology**
 4. **Results**
 5. **Conclusion**
 6. **References**
 7. **Appendix**
 8. **Index**
 9. **Table of Contents**
 10. **Figure 1**
 11. **Figure 2**
 12. **Figure 3**
 13. **Figure 4**
 14. **Figure 5**
 15. **Figure 6**
 16. **Figure 7**
 17. **Figure 8**
 18. **Figure 9**
 19. **Figure 10**
 20. **Figure 11**
 21. **Figure 12**
 22. **Figure 13**
 23. **Figure 14**
 24. **Figure 15**
 25. **Figure 16**
 26. **Figure 17**
 27. **Figure 18**
 28. **Figure 19**
 29. **Figure 20**
 30. **Figure 21**
 31. **Figure 22**
 32. **Figure 23**
 33. **Figure 24**
 34. **Figure 25**
 35. **Figure 26**
 36. **Figure 27**
 37. **Figure 28**
 38. **Figure 29**
 39. **Figure 30**
 40. **Figure 31**
 41. **Figure 32**
 42. **Figure 33**
 43. **Figure 34**
 44. **Figure 35**
 45. **Figure 36**
 46. **Figure 37**
 47. **Figure 38**
 48. **Figure 39**
 49. **Figure 40**
 50. **Figure 41**
 51. **Figure 42**
 52. **Figure 43**
 53. **Figure 44**
 54. **Figure 45**
 55. **Figure 46**
 56. **Figure 47**
 57. **Figure 48**
 58. **Figure 49**
 59. **Figure 50**
 60. **Figure 51**
 61. **Figure 52**
 62. **Figure 53**
 63. **Figure 54**
 64. **Figure 55**
 65. **Figure 56**
 66. **Figure 57**
 67. **Figure 58**
 68. **Figure 59**
 69. **Figure 60**
 70. **Figure 61**
 71. **Figure 62**
 72. **Figure 63**
 73. **Figure 64**
 74. **Figure 65**
 75. **Figure 66**
 76. **Figure 67**
 77. **Figure 68**
 78. **Figure 69**
 79. **Figure 70**
 80. **Figure 71**
 81. **Figure 72**
 82. **Figure 73**
 83. **Figure 74**
 84. **Figure 75**
 85. **Figure 76**
 86. **Figure 77**
 87. **Figure 78**
 88. **Figure 79**
 89. **Figure 80**
 90. **Figure 81**
 91. **Figure 82**
 92. **Figure 83**
 93. **Figure 84**
 94. **Figure 85**
 95. **Figure 86**
 96. **Figure 87**
 97. **Figure 88**
 98. **Figure 89**
 99. **Figure 90**
 100. **Figure 91**
 101. **Figure 92**
 102. **Figure 93**
 103. **Figure 94**
 104. **Figure 95**
 105. **Figure 96**
 106. **Figure 97**
 107. **Figure 98**
 108. **Figure 99**
 109. **Figure 100**
 110. **Figure 101**
 111. **Figure 102**
 112. **Figure 103**
 113. **Figure 104**
 114. **Figure 105**
 115. **Figure 106**
 116. **Figure 107**
 117. **Figure 108**
 118. **Figure 109**
 119. **Figure 110**
 120. **Figure 111**
 121. **Figure 112**
 122. **Figure 113**
 123. **Figure 114**
 124. **Figure 115**
 125. **Figure 116**
 126. **Figure 117**
 127. **Figure 118**
 128. **Figure 119**
 129. **Figure 120**
 130. **Figure 121**
 131. **Figure 122**
 132. **Figure 123**
 133. **Figure 124**
 134. **Figure 125**
 135. **Figure 126**
 136. **Figure 127**
 137. **Figure 128**
 138. **Figure 129**
 139. **Figure 130**
 140. **Figure 131**
 141. **Figure 132**
 142. **Figure 133**
 143. **Figure 134**
 144. **Figure 135**
 145. **Figure 136**
 146. **Figure 137**
 147. **Figure 138**
 148. **Figure 139**
 149. **Figure 140**
 150. **Figure 141**
 151. **Figure 142**
 152. **Figure 143**
 153. **Figure 144**
 154. **Figure 145**
 155. **Figure 146**
 156. **Figure 147**
 157. **Figure 148**
 158. **Figure 149**
 159. **Figure 150**
 160. **Figure 151**
 161. **Figure 152**
 162. **Figure 153**
 163. **Figure 154**
 164. **Figure 155**
 165. **Figure 156**
 166. **Figure 157**
 167. **Figure 158**
 168. **Figure 159**
 169. **Figure 160**
 170. **Figure 161**
 171. **Figure 162**
 172. **Figure 163**
 173. **Figure 164**
 174. **Figure 165**
 175. **Figure 166**
 176. **Figure 167**
 177. **Figure 168**
 178. **Figure 169**
 179. **Figure 170**
 180. **Figure 171**
 181. **Figure 172**
 182. **Figure 173**
 183. **Figure 174**
 184. **Figure 175**
 185. **Figure 176**
 186. **Figure 177**
 187. **Figure 178**
 188. **Figure 179**
 189. **Figure 180**
 190. **Figure 181**
 191. **Figure 182**
 192. **Figure 183**
 193. **Figure 184**
 194. **Figure 185**
 195. **Figure 186**
 196. **Figure 187**
 197. **Figure 188**
 198. **Figure 189**
 199. **Figure 190**
 200. **Figure 191**
 201. **Figure 192**
 202. **Figure 193**
 203. **Figure 194**
 204. **Figure 195**
 205. **Figure 196**
 206. **Figure 197**
 207. **Figure 198**
 208. **Figure 199**
 209. **Figure 200**
 210. **Figure 201**
 211. **Figure 202**
 212. **Figure 203**
 213. **Figure 204**
 214. **Figure 205**
 215. **Figure 206**
 216. **Figure 207**
 217. **Figure 208**

DECEMBER

DOMINICA XV POST PENTECOSTEN

OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,

OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,

OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,

OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,

OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,

OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,

OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,

OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,
OF THE SEVEN SEVENTH, SEVEN PEOPLE,

100

100

100

...
...
...
...
...

Figure 1. A schematic diagram of the experimental setup. The subject is seated in a chair, viewing a screen displaying a target. The target is a small object, and the subject is required to reach out and grasp it. The distance between the subject and the target is 100 cm. The target is positioned at a height of 100 cm from the floor. The subject's hand is positioned at a height of 100 cm from the floor. The subject's arm is extended horizontally towards the target. The subject's head is positioned at a height of 100 cm from the floor. The subject's eyes are positioned at a height of 100 cm from the floor. The subject's feet are positioned at a height of 100 cm from the floor. The subject's torso is positioned at a height of 100 cm from the floor. The subject's arms are positioned at a height of 100 cm from the floor. The subject's legs are positioned at a height of 100 cm from the floor. The subject's head is positioned at a height of 100 cm from the floor. The subject's eyes are positioned at a height of 100 cm from the floor. The subject's feet are positioned at a height of 100 cm from the floor. The subject's torso is positioned at a height of 100 cm from the floor. The subject's arms are positioned at a height of 100 cm from the floor. The subject's legs are positioned at a height of 100 cm from the floor.

Figure 1. The effect of the concentration of the solution on the adsorption of the dye. The concentration of the solution was 0.01, 0.02, 0.03, 0.04, 0.05, 0.06, 0.07, 0.08, 0.09, 0.1, 0.2, 0.3, 0.4, 0.5, 0.6, 0.7, 0.8, 0.9, 1.0, 1.5, 2.0, 3.0, 4.0, 5.0, 6.0, 7.0, 8.0, 9.0, 10.0, 15.0, 20.0, 30.0, 40.0, 50.0, 60.0, 70.0, 80.0, 90.0, 100.0, 150.0, 200.0, 300.0, 400.0, 500.0, 600.0, 700.0, 800.0, 900.0, 1000.0, 1500.0, 2000.0, 3000.0, 4000.0, 5000.0, 6000.0, 7000.0, 8000.0, 9000.0, 10000.0, 15000.0, 20000.0, 30000.0, 40000.0, 50000.0, 60000.0, 70000.0, 80000.0, 90000.0, 100000.0, 150000.0, 200000.0, 300000.0, 400000.0, 500000.0, 600000.0, 700000.0, 800000.0, 900000.0, 1000000.0, 1500000.0, 2000000.0, 3000000.0, 4000000.0, 5000000.0, 6000000.0, 7000000.0, 8000000.0, 9000000.0, 10000000.0, 15000000.0, 20000000.0, 30000000.0, 40000000.0, 50000000.0, 60000000.0, 70000000.0, 80000000.0, 90000000.0, 100000000.0, 150000000.0, 200000000.0, 300000000.0, 400000000.0, 500000000.0, 600000000.0, 700000000.0, 800000000.0, 900000000.0, 1000000000.0, 1500000000.0, 2000000000.0, 3000000000.0, 4000000000.0, 5000000000.0, 6000000000.0, 7000000000.0, 8000000000.0, 9000000000.0, 10000000000.0, 15000000000.0, 20000000000.0, 30000000000.0, 40000000000.0, 50000000000.0, 60000000000.0, 70000000000.0, 80000000000.0, 90000000000.0, 100000000000.0, 150000000000.0, 200000000000.0, 300000000000.0, 400000000000.0, 500000000000.0, 600000000000.0, 700000000000.0, 800000000000.0, 900000000000.0, 1000000000000.0, 1500000000000.0, 2000000000000.0, 3000000000000.0, 4000000000000.0, 5000000000000.0, 6000000000000.0, 7000000000000.0, 8000000000000.0, 9000000000000.0, 10000000000000.0, 15000000000000.0, 20000000000000.0, 30000000000000.0, 40000000000000.0, 50000000000000.0, 60000000000000.0, 70000000000000.0, 80000000000000.0, 90000000000000.0, 100000000000000.0, 150000000000000.0, 200000000000000.0, 300000000000000.0, 400000000000000.0, 500000000000000.0, 600000000000000.0, 700000000000000.0, 800000000000000.0, 900000000000000.0, 1000000000000000.0, 1500000000000000.0, 2000000000000000.0, 3000000000000000.0, 4000000000000000.0, 5000000000000000.0, 6000000000000000.0, 7000000000000000.0, 8000000000000000.0, 9000000000000000.0, 10000000000000000.0, 15000000000000000.0, 20000000000000000.0, 30000000000000000.0, 40000000000000000.0, 50000000000000000.0, 60000000000000000.0, 70000000000000000.0, 80000000000000000.0, 90000000000000000.0, 100000000000000000.0, 150000000000000000.0, 200000000000000000.0, 300000000000000000.0, 400000000000000000.0, 500000000000000000.0, 600000000000000000.0, 700000000000000000.0, 800000000000000000.0, 900000000000000000.0, 1000000000000000000.0, 1500000000000000000.0, 2000000000000000000.0, 3000000000000000000.0, 4000000000000000000.0, 5000000000000000000.0, 6000000000000000000.0, 7000000000000000000.0, 8000000000000000000.0, 9000000000000000000.0, 10000000000000000000.0, 15000000000000000000.0, 20000000000000000000.0, 30000000000000000000.0, 40000000000000000000.0, 50000000000000000000.0, 60000000000000000000.0, 70000000000000000000.0, 80000000000000000000.0, 90000000000000000000.0, 100000000000000000000.0, 150000000000000000000.0, 200000000000000000000.0, 300000000000000000000.0, 400000000000000000000.0, 500000000000000000000.0, 600000000000000000000.0, 700000000000000000000.0, 800000000000000000000.0, 900000000000000000000.0, 1000000000000000000000.0, 1500000000000000000000.0, 2000000000000000000000.0, 3000000000000000000000.0, 4000000000000000000000.0, 5000000000000000000000.0, 6000000000000000000000.0, 7000000000000000000000.0, 8000000000000000000000.0, 9000000000000000000000.0, 10000000000000000000000.0, 15000000000000000000000.0, 20000000000000000000000.0, 30000000000000000000000.0, 40000000000000000000000.0, 50000000000000000000000.0, 60000000000000000000000.0, 70000000000000000000000.0, 80000000000000000000000.0, 90000000000000000000000.0, 100000000000000000000000.0, 150000000000000000000000.0, 200000000000000000000000.0, 300000000000000000000000.0, 400000000000000000000000.0, 500000000000000000000000.0, 600000000000000000000000.0, 700000000000000000000000.0, 800000000000000000000000.0, 900000000000000000000000.0, 10000000

100

... ..

2019年12月31日

2019年12月31日

4 Dominica 15. post Pentec. De Adolescente mortuo, suscitato.

moriemini. Tanta vis est cogitatae mortis, ut dum aderit, peccatum abest: & dum aberit, peccatum adsit. *Et in aeternum non peccabis.* Quae sententia fusius in 2. parte, In die Cinerum.

Iam vero licet omnis aetas ad peccandum sit proclivis, quis tamen dubitet proclivitatē illam longē esse periculosiorem in adolescentia; Quae, ut ait sanctus Hieronymus, *multa corporis bella sustinet, & inter incontinua vitiorum & carnis titillationes quasi ignis in lignis viridibus suffocatur.* Quod paulo fusius prosequitur sanctus Augustinus: *Si ergo, inquit, puerilis & senilis aetas non est à tentationibus libera, quarum altera, id est puerilis, nondum bene ingreditur, altera iam egreditur istam vitam; & altera paulo ante non eras, altera paulo post non erit: quid sentiendum est de flagrantia juvenilis aetatis, qua utriusque in medio constituta, & ab infirmitate pueritiae iam recessit, & nondum ad torporem senectutis accessit? Hac pluribus atque majoribus tentationum tempestatibus quatitur: hac fluctuum crebriore impetu saeculi inundantis operitur. Praesumit viribus, forma dignitate iactatur, pompa rerum temporalium praesulgere aut exoptat, aut gaudet. Nonne huic ergo praecipue insonandum quod Triumphantibus olim ne se nimis effluerent, suggereretur, Memento te mortalem esse. Sic enim ut ait sanctus Ambrosius, *Adolescentes magis metu quam ratione reuocantur à vitio.**

1. de Joseph. c. 20.

TERTIA denique ratio memorandae crebrius mortis est, ne ad eam imparati accedamus; nihil enim in morte magis timendum est quam imparatus animus; & nulli minus instructi sunt & parati quam adolescentes qui se, naturali stante rerum statu, remotiores vident ab interitu; Et nisi virtute ac industria consequantur quod natura refugit & abhorret, vix unquam turō & securē diem suum extremum agent. Quamobrem in proverbiis sic adolescentem Sapiens admonerat: *Ne des alienis honorem tuum, & annos tuos crudeli, ne forte impleantur extranei viribus tuis, & labores tui sint in domo aliena, & gemas in nonisimis, quando consumpseris carnes tuas, & corpus tuum, & dicas, Cur detestatus sum disciplinam, & inreparationibus non acquieuit cor meum, nec audiui vocem docentium me, & magistris non inclinavi aurem meam? Et nonnullis interiectis, Ipse morietur quia non habuit disciplinam, & in multitudine stultitiae suae decipietur.* Quasi diceret, si obsecunda mortis disciplinam accepisset, sic mortuus esset quasi non mortuus, quia mortis amaritudinem & alia damna non sensisset: Nunc vero qui nec vitae nec mortis

Pr. 5.

disciplina se instrui voluit, quasi nondum esset tempus, sic sibi stulte palpat de longiori vita, & hac deceptus stultitia, quo non putat tempore, quo nescit loco, & modo, misere morietur. O timendam adolescenti mortem, quam ne timeret cogitare noluit, ne sibi videretur mori, dum viueret! Sic enim dum sibi viuere videbitur, morte improvisa rapietur, & ex iis erit *qui querent mortem* Apoc. 9. & non inuenient eam, & desiderabunt mori, & mors fugiet ab eis, quia mortem ipsi à se fugarunt dum viuerent. *Veniat mors super illos: & ps. 54.* descendant in infernum viuentes. Mente scilicet dum hic viuunt, ne morientes illuc descendant.

Quam cum vidisset Dominus, misericordia motus super eam, Dixit illi: Noli flere.

VERITAS PRACTICA.

Qui nimis suos deflet & diligit, non satis diligit.

Ratio declarata est in secunda parte, feria tertia maioris hebdomadae, ubi quæ de nimia dilectione inter viuos dicuntur, huc apte referri possunt.

Noli flere.

ALIA VERITAS PRACTICA.

Non certius in spem itur, quàm contra spem.

RATIO huius etiam Veritatis exponitur in 3. parte, Feria tertia hebdomadae septima post octauam Pentecostes, ubi hoc idem Euangelium occurrit considerandum, & de spe retinenda in deploratis rebus agitur.

Adolescens, tibi dico, surge.

VERITAS PRACTICA.

Quam Christo debet anima subiectionem, debet ita in corpore reddere, ac extra corpus.

Declaratur hæc Veritas in 3. parte, Feria sexta hebdomadae nonæ.

Et resedit qui erat mortuus.

VERITAS PRACTICA.


Sicut à peccato, sic à peccati reliquiis resurgendum.

RATIO EST, Quia sic est à peccato resurgendum, ut quantum quidem possis cum Gratia, tantum coneris, ne recidas.

Sed nisi à peccati reliquiis sicut à peccato resurgas, non tantum conaberis, quantum potes cum Gratia, ne recidas.

Ergo, sicut à peccato, sic à peccati reliquiis resurgendum. Quod quia nondum tractatum est, paulo est attentius expendendum.

IN PUNCTUM.

VOD dicitur resedisse in loculo Adolescens, reuocatus à morte ad vitam, neque inde exiuisse nisi postquam eductus fuit à Christo Domino qui eum Matri reddidit, figura quædam est & imago Peccatoris, à peccato quidem resurgentis, sed tamen in peccati reliquiis velut in loculo residentis: à quibus nisi se sinat retrahî, vix dicetur surrexisset, aut quantum recideret. Quod cum sit frequentissimum & perniciosissimum, certe omni modo cauendum est, ac proinde diligenter ponderanda Veritas, *Quod sicut ab ipso peccato, sic à peccati reliquiis plane resurgendum.*

Sic enim resurgendum est à peccato, ut quantum quidem possis cum Diuina Gratia, tantum coneris ne recidas. Si reuerteris

Israël, ait Dominus, ad me conuertere: si abstuleris offendicula tua à facie mea, non commoueberis. Quasi diceret, sic serio redeundum, sicut ego intelligo; sic autem intelligo tibi esse redeundum, vt eò prorsus non reuertaris vnde conuerteris, ac propterea simul atque conuerteris, aufer id omne quod te in lapsum posset inducere. Hoc est alioquin quod vehementius queritur & exprobrat suis, per alium Prophetam: Quid faciam tibi Ephraim? Quid faciam tibi *osea*.
Iuda? Misericordia vestra quasi nubes matutina, & quasi ros mane pertransiens. Id est, misericordia qua volo in vos vti, vos à peccatis vestris reuocando, tam parum diuturna est quàm ros ille maturinus qui statim exsiccatur, quia vos statim in peccata reciditis; Vnde & Christus Dominus sanato Paralytico: Ecce sanus factus es, iam noli peccare, ne deterius tibi aliquid contingat. **SOSPITANTIS** *Ioan. 5.*
Domini verba sunt, inquit sanctus Cyprianus, & docentis, currentis, ac pariter monentis dat viuendi morem, dat innocentia legem, postquam contulit sanitatem, nec habentis liberis & solutis vagari postmodum patitur, *L. de diff. cipi & ha. bium Fere.*
sed ipsis potius quibus sanatus fuerat mancipato grauius comminatur, quod sit scilicet minor culpa deliquisse ante, cum nec dum nosset disciplinam Dei. Sanctus item Bernardus: Si dixerit mihi IESVS, dimittantur *Serm. 3 in Cant.* tibi peccata tua, nisi ego peccare desiero, quid proderit? Exui tunicam meam, si reinducero eam, quantum profeci? Si rursum pedes meos quos laueam, inquinauero, numquid aliquid lauisse valebit? Sic passim Scripturæ omnes, Sanctique ad vnum Patres quod Petrus Blessensis de hoc agens argumento, paucis ita refert: Propositum penitentia, De Confessi. perseuerentia comitetur. Quid enim omnia predicta proderunt penitenti, *Sacram.* si ad vomitum reuertatur? Verbum Sapientis est, Vnus edificans, & vnus *Ecclesi. 34.* destruens quid est nisi labor? Ita & qui baptisatur à mortuo, & iterum *Ibid. 30.* tangit mortuum, quid profuit ei lauatia? Verbum Augustini est: Inanis est penitentia quam sequens culpa coinquinat. Vulnus iteratum sanatur tardius: sic lugens & peccans, veniam non meretur: nihil profunt lamenta, si replicantur peccata. Gregorius: qui admissa plangunt nec tamen desunt, *3 P. Pass. adm. 31.* se inaniter mundant, & nequiter inquinant: Idcirco se lachrymis lauant vt mundi ad sordes redeant.

Denique non aliter definitur Contititio quàm dolor animi ac de- *Sep. 14. & 4.* restatio de peccato commisso, cum proposito non peccandi de cetero. Neque aliter Attritio valere dicitur, nisi voluntatem peccandi excludat: Expres-
sa sunt Tridentini verba, quæ Tu quidem non negas vera, sed an verè te illis conformes quando Confessionem instituis, & ipse

Gratia mentem & vires, tunc voluntarie dicuntur illæ reliquiæ, saltem indirecte & negative quatenus non vis & non efficis quod ex tua parte requiritur ad illas vel paulatim auferendas vel genere continendas; ne te inducant in lapsum. *Auferes malum de medio tui.* Nihil crebrius in Scripturis, & in vno duntaxat Deuteronomio sexies iteratur: Vbi non peccatum modò sed peccati causæ, radices, & fomenta damnantur; Vnde & Sapiens: *Conuertere ad Dominum, & relinque peccata tua: precare ante faciem Domini, & minue offendicula.* Id est, causas peccati quæ sunt velut lapides offensionis. Deut. 13. Ecclesi. 37.

Adde quod, cum resurgentem à peccato, expulsi acrius inuadant hostes, vt est in parabola de immundo spiritu qui *septem alios* se nequiores assumit vt reuertatur in domum suam, tunc profecto nisi poenitens reliquiis illis exuendis vacet, & se opportuna instruat armatura, anlas aduersario subministrabit quibus imperatur, elidatur, & in casum ruat: *Si athleta es,* inquit sanctus Chrysostomus, *nudum in certamen te descendere oportet: Si miles, armatum ad pugnam consistere necesse est.* Et post pauca: *propterea & nudum esse oportet, vt nullam Diabolo nobiscum luctanti ansam præbeamus: & vndique armati, vt nusquam lethalem plagam accipiamus.* Luc. 11. Hom. 3. ad pop.

Sic denique conspirandum cum Gratia quæ sæpe quidem, si acquiesceres, simul ac culpam tollit, auferret etiam quidquid residuum esse potest; at vero semper in id tendit & laborat vt saltem velis & possis pederentim te his omnino exuere. *Et consurgam super eos* dicit Dominus, *& perdam Babylonis nomen, & reliquias, & germen, & progeniem,* dicit Dominus. Tu quid dices nisi simul collabores & conitaris? Nonne saltem agnosces te quantum debes non præstare, nec conari, ne recidas?

III. P V N C T V M.

SICUT igitur à peccato, sic à peccati reliquiis resurgendum; Cum sit ita resurgendum vt quantum in te est, nolis recidere, & quantum potes cum Gratia, plane coneris ne recidas: Non id autem plaue conari dicereris nisi simul resurgeres ab his reliquiis quæ te disponunt ad lapsum. Eò enim se conatus debet prouehere vt vel eas omnino exuas, vel donec exuantur sic te ipsum in diuina potentia roboret & confortet, *ne vnquam obdormias, & dicat inimicus* Ps. 12.

10 Dominica 12. post Pentec. De Adolescente mortuo, suscitato.

Ephes. 5. tuus : prænatus aduersus eum. Hinc fortasse bis dictum : *Surge qui dormis & exurge à mortuis, & illuminabit te Christus.* Primo quidem à peccati culpa surgitur, deinde à peccati consequentibus poenis, velut à mortuis; quia sic integra restauratur vita, quia vix alioquin viues nisi exurgas, cum pene statim sis moriturus propter illam disponentem peccati causam quæ remanet in anima, nisi deponatur. *Ezech. 3.* Ponam offendiculum coram eo, & ipse morietur, in peccato suo morietur. Tunc vero sic exurgentem à mortuis Christus illuminat, id est, nouis in dies illustrat & accendit luminibus, ut à purgante via procedens in eam quæ illuminatiua dicitur, ad Beatam illam vnionem admittatur, quæ est osculum oris à sponsa desideratum, si tamen prius pedes & manus fuerit osculata, ut præclare sanctus Bernardus & aptè ad rem nostram: *Qui dedit voluntatem pœnitendi, opus est, inquit, ut addat & continendi virtutem, ne iterem pœnitenda, faciamque nouissima mea pejora prioribus. Va enim mihi etiam pœnitenti, si statim subtraxerit manum sine quo nihil possum facere : nihil inquam quia nec pœnitere nec continere. Audio proinde quod consulit Sapiens : Verbum, inquit, in oratione ne iteres. Pauco & quod Iudex intentat arbori non facienti fructum bonum. Fateor pro huiusmodi non sum omnino contentus priori gratia qua iam malorum sum pœnitens, nisi & secundam accepero, ut videlicet dignos faciam pœnitentia fructus, & deinceps non reuertar ad vomitum. Hoc ergo restat mihi petendum & accipiendum quàm præsumam altiora & sacratiora contingere.*

Serm. 3. in Cant. Et post pauca : *Heri de luto tractus, hodie vultui gloria presentaris! per manum tibi transitus sis : Illa prius te tergat, illa te erigat. Quomodo erigat? Dando unde præsumas. Quid istud? Decor continentia, & veri pœnitentia fructus quæ sunt opera pietatis. Hac te de stercore erigent, in spem audendi potiora. Et nonnullis interiectis : hac via, hic ordo. Primo ad pedes procidimus, & ploramus coram Domino qui fecit nos, ea quæ fecimus nos : Secundo manum quærimus subleuantis & roborantis genua dissoluta. Quasi diceret, manum quærimus quæ residentem in loculo iam suscitatum educat, & pristinae reddat libertati. Quod non fit plenius, quàm vel sanando illam debilitatem peccati superstitem, vel dando nobis continentiam qua retineamus illos motus propendentes in peccatum, & multis virtutum frequentatis actibus, oppositorum tandem habitus vitiorum exuamus.*

O quàm facilius peccatum admittitur quàm dimittitur! ô quantum illa præsertim peccata cauenda sunt quæ ex prauo affectu

committuntur, unde illæ peccati supersunt reliquiæ! O quam multi falluntur qui dum peccata confessi sunt, nihil sibi ultra cauendum putant! Quàm longe Sapiens sapientius: *De propitiato Ecclesi.* 3 *peccato noli esse sine metu; Et paulò antè: Synagoga superborum non erit* 1b 3 *sanitas, frutex enim peccati radicabitur in illis, & non intelligetur.* Nempe illi qui se minus huic Veritati reddunt dociles, putantque se satis probe intelligere quæ ad animi sui spectant statum; hi sunt vere superbi, & horum synagoga est superborum, id est, ingens multitudo; & huic synagoga superborum non erit sanitas, non erit perfecta poenitentia, non diuturna, non firma, non sana; quia frutex seu semen peccati restat & radicatur in illis, dum se non continent, & non intelligunt quantum inde sibi obsunt: tantòque magis sibi obsunt, quantò minus intelligunt.

Vide in 1. parte, Dominica 4. Aduentus. Et in 2. parte, Dominica Pascha.



HAC HEBDOMADA, venit IESVS in partes Cafareæ Philippi ubi suos interrogat quid de se sentiant homines, quidue ipsi discipuli: quos inter Petrus Diuinitatem eius confessus: prædicatur fore Caput Ecclesiæ. Atque inde capit Dominus docere suos quoniam oportet Christum pati & mori, quod nondum intelligens Petrus dehortatur Eum à morte. At vero is à Christo increpatur, multræque de Cruce ferenda subjiciuntur monita. Tum paulo post transfiguratur Dominus, Dæmoniacum sanat, & stare inuento in ore piscis soluit didrachma. Ex Matthæi decimo sexto & decimo septimo Capite. Marci octauo & nono. Lucæ nono.

In quibus quod ad mores & virtutum praxim maximè spectat, considerantur humana iudicia plurimùm à Diuinis dissidere: atque ut Diuina humanis præferantur, proponendæ Veritates potissimùm suadent.

FERIA SECUNDA.
INTERROGAT DOMINVS SVOS,
QVID DE SE SENTIANT HOMINES.

B ij

12 Feria 2. Hebdomada 13. post Octavam Pentecostes. *Quem dicunt homines, &c.*
Quem dicunt homines esse filium hominis? Matth. 16.

VERITAS PRACTICA.

Humana de nobis iudicia sic sunt humanè audienda,
vt non tamen humanitùs audiantur.

SENSVS ET RATIO EST, quod humanitùs audire humana iudicia, est audire illa secundum sensum humanum, qui cum ordinariè sit inordinatus in his quæ spectant nostram famam; si sic audiuntur, nihil aliud ex illis refertur quam vanitas & afflictio spiritus, prout scilicet fauent nostræ famæ vel nocent. Nam si quid honorificum auditur, statim ex humano sensu infeliscimus, quæ est Vanitas maxima: Si quid vero dedecorosum audiat, tunc ex eodem sensu nimis abjicimur, quæ est afflictio spiritus valde importuna.

Sed humana de nobis iudicia sic sunt audienda, non vt inde talis vanitas, & afflictio spiritus referantur, quin potius vt his purgetur animus vitiis, & oppositis Virtutibus exornetur.

Ergo sic humane & benignè sunt audienda vt non humanitùs audiantur, non secundum illum humanum sensum, non ex amore proprio male ordinato; sed ex amore Veritatis, quo fit vt si quid in fauorem audiat, tota laus Deo, à quo est totum bonum referatur: Si quid verò aduersetur, quantum in vnoquoque est, cum Gratia Dei caueatur. *Cane tibi*, ait Sapiens, *& attende diligenter auditui tuo: quoniam cum subuersione tua ambulas*; nisi scilicet tibi attente caueas ab humano sensu, qui nimis inde effertur naturali gaudio vel tristitia: Vnde & sapienter addit: *Audiens vero illa quasi in somnis vide, & vigilabis*. Id est, noctu & diu, seorsim & in quiete, diligenter audita expende vt ex his Veritatem elicias, & inuigiles cunctis actibus tuis, sic cognita Veritati conformandis. Vel sic forte aptius, quasi in somnis vide, Id est, quidquid audieris dextrum vel sinistram, ne auditis magis crede ex humano & peruerso sensu, quàm ipsis somniis: Vnde sicut nec lætari nec contristari debes ex somniis, sic neque ex auditis: sed vigilabis, sed attendes, & prospicies, vt ex omnibus sapienter proficias potius quam deficias.

Quò etiam spectat illud quod paulo post idem Sapiens subiicit:

Amicum salutare non confundar : à facie illius non me abscondam. Et si mala mihi euenerint per illum, sustinebo. Omnis qui audiet, cauebit se ab eo. Quod & Dominus vno verbo : Caute autem ab hominibus, Numquam magis mouetur humanus sensus in alterutrum humanorum affectuum gaudij vel tristitiæ, quàm cum inter homines agitur : & nihil est periculosius ad salutem quàm sic humanis moueri affectibus, quando præsertim de nobis agitur. Videte itaque, quomodo caute ambuletis, non quasi insipientes, sed vt Sapientes : Non quasi humanis rapti sensibus, sed vt rationabiles & Christiani, Virtute omnia metientes, & de vilis atque auditis vera discernentes à falsis, & à caducis æterna.

Vide in 3. parte. Die 21. Iunij.

QUAM SINT DIVERSI HOMINVM DE CHRISTO SENSVS.

At illi dixerunt : Alij Ioannem Baptistam, alij autem Eliam, alij verò Ieremiam, aut unum ex Prophetis. Matth. 16.

VERITAS PRACTICA.

Nisi se quisquis aptè Christo conformet, sibi Christum ineptè conformabit.

RATIO EST, Quia nisi se quisque Christo conformet, se videbit oppositum Christo, & Christum sibi: nempe in ea saltem parte in qua non est Christo conformis.

Sed ne quis oppositum se Christo videat, vel Christum sibi: sibi potius Christum conformabit. Nimis enim durum est Christiano, Christum suum Regem, suum Ducem, suum Pastorem & Iudicem sibi esse oppositum. Nam sicut si Christus pro nobis, quis contra nos? Sic si Christus contra nos, quis pro nobis? *A facie ira tua non ex pax ossibus meis!* Quàm sit autem id ineptum, imo & impium, tum per se patet, tum euidenter declarat ista in Psalmis Domini vehemens exprobratio:

Ps. 43.

Existimasti inique quod ero tui similis, quasi diceret, vt interpretatur S. Augustinus, parum est, quia mala facta tua placent tibi, placere putas & mihi. Deum quia non pateris ultorem, vis habere participem: & tamquam corruptum iudicem, prada socium vis habere. Suspensus es iniquitatem, quod ero tibi similis, dum non vis tu mihi esse similis.

Nisi ergo se quisque Christo conformet, sic inique sibi Christum contormabit. Et sicut è Iudæis alij pro suo quisque sensu & affectu dicebant Christum esse Ioannem Baptistam, alij autem Eliam, alij verò Ieremiam: sic vnusquisque dicet eum esse mitem vel seuerum in peccatores, siue circa quædam peccata, prout quisque de his peccatis sentiet. Sic amans impuritatis & osor auaritiæ, mitem Eum in impuros, & in auaros seuerum dicet. Contra verò auarus iustitiam eius in impuros exacuet, & quoties de suo vitio verba fieri audiet, Bonitatem Dei, & mansuetudinem boni Iesu prædicabit. Sic mundus eum non cognouit, quia sic mundus de illo diuersè iudicat prout diuersè afficitur. Sic ipse Dominus apud Prophetam conqueritur, *In dolo renuerunt scire me.*

Isr. 5.

Verè enim nesciunt Christum qui sic pro suo sensu de illo iudicant. Renuerunt autem scire, quia cum possent, noluerunt. In dolo denique renuerunt, quia sic dolosè & fraudulenter sibi de Christo palpant, quasi non aliud iudicent & exoptent quàm quod Ipse sentit: quasi non aliud scire de illo possent, quàm quod sciunt. *Neque me scitis, inquit, neque Patrem meum.* Vnde & dilectus Discipulus: *In hoc scimus quoniam cognouimus Eum, si mandata eius obseruamus. Qui dicit se nosse eum, & mandata eius non custodit, mendax est, & in hoc Veritas non est.* Et paulo post: *Omnis spiritus qui soluit Iesum, ex Deo non est, & hic est Antichristus,* Id est Christo non conformis sed oppositus. Is autem soluit Iesum qui quæ in illo vel ex illo sunt, siue credenda siue facienda, non ita iudicat & recipit sicut reuera sunt, sed sicut ipse fingit, & sibi opposita quæque soluit ad suum sensum.

Ioan. 8.

1. Ioan. 4.

Ibid. 4.

2. Thess. 2.

Et hoc quidem Deus permittit in poenam prauæ affectus quem Christo subicere noluerunt, sic in eo magis deprauantur vt credant nihil esse mali, nihil periculi, nihil contra Euangelium, nihil contra Christum. *Ideo, inquit Apostolus, mittet illis Deus operationem erroris, ut credant mendacio qui non crediderunt Veritati, sed consenserunt iniquitati.* Nonne hoc pauendum? Sed quibus, & in quo, & an ex illis sis, nonne est quod expendas accuratè? Si quæ

Nisi se quisquis Christo conformet, sibi Christum conseruabit. 15

proponuntur de illo Veritates, attentius reuolueres, non ita forte ab illo dissentires, nam non ita Christus exhibetur qui vni palpet vicio & carpat aliud. Vos autem non ita didicistis Christum, si tamen ^{Ephes. 4:} illam audistis, & in ipso edocti estis, sicut est Veritas in Iesu, deponere vos secundum pristinam conuersationem, veterem hominem qui corrumpitur secundum desideria erroris. Non est palpare vicio sic deponere veterem hominem, quo nempe deposito, marcescit omne vitium. Sed tam pauci sunt qui sic deponant & non aliquid sibi dolosè referuent vt beatus fuit ille vir cui non imputauit Dominus peccatum, nec est ^{Pf 31} in spiritu eius dolus.

Vide in 2. parte Dom. Sexagesimæ, vbi hæc Veritas exponitur: Nisi Verbum Dei te conuertat, tu peruerter Verbum Dei.

Et Dominicam 3. Quadragesimæ, ad hæc Christi verba: *Qui non est mecum, contra me est.* Necnon infra in hac parte, Feria 4. Hebdom. 19.

DE CONFESSIONE PETRI;

Tu es Christus filius Dei viui. Matth. 16.

VERITAS PRACTICA.

Nisi diligenter aduertas, ore facta confessio, factis à te negatur.

RATIO EST, Quia tunc ore facta Confessio factis negatur, si facta sunt opposita Confessioni.

Sed nisi diligenter aduertas, facta tua, tue sunt opposita Confessioni. Ergo & ore facta Confessio factis à te negatur; Quod certe est potens motiuum aduertendi diligenter.

CVM Dominus dixisset suis: Vos autem, quem me esse dicitis? Respondens Simon Petrus dixit: Tu es Christus Filius Dei viui. Respondens autem Iesus, dixit ei, Beatus es Simon Bar Iona, quia caro & sanguis non reuelauit tibi, sed Pater meus qui in cælis est. Et ego dico tibi,

quia tu es Petrus; & super hanc Petram edificabo Ecclesiam meam, & porta Inferi non praualebunt aduersus eam. Et dabo tibi clauis regni Caelorum. Et quodcumque ligaueris super terram, erit ligatum & in caelis: & quodcumque solueris super terram, erit solutum & in caelis.

Tunc Petrum, inquit sanctus Chrysostomus, vniuerso terrarum orbi Christus preposuit; Et sanctus Augustinus: Dignus certe qui adificandis in domo Dei populis lapis esset ad fundamentum, columna ad sustentaculum, clauis ad regnum. Quæ postquam tantillum expendis: Tu ipse hoc profitere quod sanctus Petrus: *Tu es Christus filius Dei viui.* Hære diutius in illa extendenda fide ad omnes qui Christum spectant, articulos; Pere vt adaugeat illam in te atque in cunctis, fidem. Ingemisce quod sit tam rara fides, vt præ cæteris infidelibus, aut Hæreticis, aut Schismaticis, pauci sint Christiani; quin ex illis paucis, *Multi sunt qui, vt ait Apostolus, confitentur se nosse Deum, factis autem negant.* Et quod denique modo est tibi dolentius deplorandum, Tu qui hæc legis, Tu qui de Christo tam præclare sentis; & alios forte doces: Tu tamen nisi diligenter aduertas, ore tuo iam factam Confessionem, factis ipse tuis negas & perueritis.

Nam si facta tua sint opposita tuæ Confessioni, nonne ipsa negatur Confessio? nonne sic est intelligendus Apostolus à quo defluxit hæc Veritas? Nonne sunt expressa eius ad Titum verba: *Factis autem negant?* Quid est negare factis concessa, nisi oppositum aliquid & repugnans facere, sicut qui se verbo retractaret, aut qui mentiretur, aut qui quouis modo sibi contradiceret, secumque pugnaret? Nonne sic dicitur mendacium esse non tantum cordis & oris, sed etiam operis, quando videlicet ori contradicit opus, vt cum peccatrix anima se conuersam ait quia confessæ est peccatum suum, quod tamen non deposuit, vel quod repetiit; vel omnino non esse conuersa dicitur, vel conuersa in mendacio:

Non est reuersa ad me prauaricatrix in toto corde suo, sed in mendacio, ait Dominus. Sic Diuus Augustinus: *Deprehenderis & detegeris Christiane, quando aliud agis, & aliud profiteris. Nempe hinc agnosceris non is esse quem profiteris, quia quod aliud agis, negat quod aliud profiteris.*

At verò nisi diligenter aduertas, hoc est quod modo tibi opponitur, hoc est quod agis, agendo aliud quam confiteris: Facta tua, tuæ sunt opposita Confessioni: Confiteris Christum esse filium Dei

Tu.

10.

Tract. de
Symbolo ad
Catechu.

Dei viui, qui veritatem tam vere loquitur vt non possit mentiri. Nonne id profiteris? agnoscis etiam ipsum dixisse, *Beatos pauperes* Matth. 3. *spiritu: Va vobis Diuitibus: Quod hominibus altum est, abominationem* Luc. 6. *esse apud Deum: Thesaurizandum sibi in cælo & non in terra.* Nonne Ibid. 16. hoc confiteris? Iam vero vide facta opposita, vide vias tuas, quorsum labores & vbi magis thesaurizes? An in cælo, vel in terra? Nonne natura compellente & nū cum Gratia vigiles, magis moueris in terram quam in cælum? Nonne vel sapius actu & opere magis laboras in acquirendis diuitiis, honoribus, & cæteris huius mundi bonis, quàm in his exuendis & contemnendis? Cur porro nisi quia tu actu & opere, siue vt vocant practicè, tu pluris æstimas abundantiam quàm inopiam, honorem quàm contemptum, prospera & commoda huius vitæ quam incommoda & aduersa? Nisi enim sic pluris æstimares, non magis propterea laborares, & satageres, sicut magis laboras & satagis.

At vero sic facto & opere pluris æstimare quod Christus minoris ducit, nonne est factum opponere suæ confessioni, nonne est facto negare quod ore confiteris? Ore confiteris quod Christus dixit, & confiteris tam verum esse quàm Ille est verax qui dixit: Et tamen facto ac opere Tu quæ sunt alta hominibus quæris; Tu quæ sunt terræ, thesaurizas: Tu quæ Christi sententia condemnantur, tam longe aliis præfers quam bonum malo; Tu te beatum putas si condemnata possides, & contrà miserum nisi possideas! Quid est hoc, & quale illud factum nisi factum oppositum tuæ Confessionis qua ore dicis quod Christus dicit? *Quasi qui studium quoddam haberes contraria in omnibus gerere quàm ille mandauit*, Ipsa sunt verba Lib. 1. de Comp. c. 1. sancti Chrysostomi supra iam audita, vbi quæ ad hanc spectant Veritatem fusius etiam explanantur.

Vide in die Natalis: In die Transfigurationis Domini: & alibi verbo *Christus. Fides.*

Ad conformandam vero plenius & Christo, & fidei vitam, cogita te partem & membrum illius Ecclesiæ quæ à Christo ædificatur super Petrum. Cogita te velut lapidem in manu ædificantis à quo debet tundi, secari, expoliri & collocari suo in loco; nihil autem aliud esse istas tunctiones, pressuras & sectiones quam incommoda huius vitæ, quæ si refugis, fugis ædificari, fugis in tuo collocari loco, fugis tuæ salutis media. *Ecce est locus apud me, & stabis* Exodi 33. *supra Petram*, dicebat Dominus. *Et ipsi tamquam lapides vini supra-*

18 FERIA 3. Hebdomada 5. post Oct. Pent. Non sapis ea quæ Dei sunt.

discamini. Vide in die Dedicationis in 1. parte. Si subtraxeris se, non placebit anima mea.



FERIA TERTIA.
SENSVS HVMANI ET DIVINI
CIRCA PŒNAS CONTRARIJ.
AD HÆC CHRISTI DOMINI VERBA:

Non sapis ea quæ Dei sunt, sed ea quæ hominum.
Matth. 16.

VERITAS PRACTICA.

Qui melius de pœnis sentiunt, minus hi pœnas sentiunt.

RATIO EST, Quia hi minus pœnas sentiunt qui minorem habent animi cum pœnis repugnantiam.

Sed qui melius de pœnis sentiunt, minorem habent cum eis animi repugnantium.

Ergo & eas minus sentiunt. Quod quidem non est ita considerandum, ut mitigentur pœna, quàm ut a quo ferantur animo.

I. PUNCTVM.

EXPENDENDA sunt accuratè quæ à sacro Euangelista referuntur; Exinde capit Iesus ostendere discipulis suis quia oportet eum ire Ierosolymam & multa pati à senioribus, & scribis, & principibus Sacerdotum, & occidi, & tertia die resurgere. Et assumens eum Petrus capit increpare illum dicens, Absit à te Domine, non eris tibi hoc. Qui conuersus dixit Petro. Vade post me Satana, scandalum es mihi: quia non sapis ea quæ Dei sunt, sed ea quæ hominum.

Quæ postrema Domini Verba singulariter sunt expendenda. Mirum enim esse potest, vel quomodo Petrus quem paulo ante Dominus tam illustri beatitudinis & potestatis nomine insigniuit, tantum hic errauerit vt Satanas diceretur: vel quomodo sic vocetur, si non ita errauerit. Certe sanctus Hilarius non ad Petrum sed ad ipsum Satanam verba Christi conuertit. Alij vero sancti Patres atque Interpretes non dubitant Petrø esse dicta, nec Petrũ errauisse, seu non grauitur, nec in materia fidei; Humanus quidam & repentinus tuit affectus quo in Christum ferebatur, & quo noluisset ipsum pati quæ dicebat se passurum, nec dum sciens id ita esse ratum. At verò Dominus vt ostenderet præposterum esse hunc affectum, & se habere potius aduersarium & inimicum eum qui se à patiando detertere vellet, quàm amicum: sic acerbius increpauit Petrum, & inflicto Satana nomine, Id est, aduersarij, reuocare hominem voluit ab ea mente qua putabat, nimis alienum esse à Filio Dei, sic pati & mori. Quasi diceret Dominus: Non sunt ista Petre tibi à Patre meo reuelata, sicut cū paulò ante confessus es me esse Filium Dei: sed à carne & sanguine tibi suggeruntur, imò & ab ipso Satana qui nec me pro hominibus, nec homines pro me pati vellet: Vnde fit vt qui me auertunt à patiando, mihi velut alij Satana contradicant & aduersentur: & quicumque de pœnis subeundis sic male sentiet, vt non nisi eas exeret, discat hunc esse prauum affectum & mihi plane oppositum. Dicit is quidem, humanum illud esse sic de pœnis sentire; At contrà Ego pronuntio sensum illum humanum esse deprauatum, ac proinde corrigendum, Diuinoque iudicio conformandum, quod tam diuersum est ab humano quàm lux à tenebris, & à malo bonum. Neque propterea cuiquam rætuendum ne augeantur pœna, seu pœnarum sensus, quin potius inde multum diminuatur. *Nam qui de pœnis melius sentiunt, hi sunt qui pœnas minus sentiunt*, nec minus tamen meriti sibi suisque comparant.

Hæc est vtilissima Veritas modo exponenda & in vsum ac praxim deducenda. Ratio eius quæ assertur, ipso sensu percipitur. Hi nempe minus pœnas sentiunt qui minorem cum eis habent animi repugnantiam. Totum enim aut certe grauius pœnae malum & pondus est in repugnantia naturæ seu animi cum illa pœna. Quot enim videmus qui pœnas vltro suscipiunt grauissimas, & alias leuiiores. refugiunt? Quia scilicet magis repugnant istæ leuiiores.

Ecclesi. 25. quam alia grauiore. Hinc forte Sapiens, *omnis plaga tristitia cordis est*, Id est, tristitia sic vexari cor humanum, quasi omnis est plaga: Vel potius, sic omnem plagam & poenam esse in tristitia & repugnantia quadam animi, ut si non esset illa tristitia vel repugnantia, non esset poena. Quod & confirmat paulo post, dicens, *Ibid. 38.* *Tristitia cordis flectit ceruicem, in abductione permanet tristitia, & substantia inopis secundum cor eius*, quasi diceret: quando quid repugnat homini sic ad se attrahit & inflectit hominem, ut hoc vnum tamquam malum suum ducat, & quamdiu sic se miserum quis putabit, tamdiu affligetur: neque magis aut minus affligetur quam prout se miserum credet.

Serm. de Resur. Hinc aptè sanctus Bernardus: *Etiā nunc cum frigus aut fames aut aliquid tale patimur, quid leditur nisi propria voluntas, quasi voluntarie sustinemus, ipsa iam voluntas communis est cum Deo*; Et minus proinde patimur quia tunc pati volumus. Sic & sanctus Anselmus: *I. de conce- pen Virgi- mali c. 4.* *Nihil est alicui poena nisi quod est contra voluntatem, & nulla res poenam sentit nisi quae habet voluntatem.* Id est, inclinationem naturalem sensibilem cui quod repugnat, poena est.

O quantum errant qui de poenis tamquam de malis conqueruntur. Nam si vellent eas, mala non essent; & quod eas nolint, sunt ipsi potius sibi mali, quam sint malae poenae.

II. P V N C T V M.

SED qui melius de poenis sentiunt, minorem habent animi cum eis repugnantiam.

Tota enim repugnantia prouenit ex appetitu sensitivo naturali: naturalis autem iste appetitus subicitur rationali seu voluntati quando ei rationabiliter & discrete voluntas imperat, imperat vero rationabiliter quando Ratio ei demonstrat quam sint utiles & rationabiles poenae: quae demonstratio quanto est euidentior, tanto tum melius de poenis sentimus & iudicamus, & tanto minorem circa illas tum habemus repugnantiam, quia sublata est causa repugnantiae quae manabat ex imaginatione naturali, quae poenae tamquam malae primo naturae impetu apprehenduntur. Correcta est illa imaginatio seu opinio per Rationem quae voluntati demonstrauit non ita esse malas ut sentiuntur, *Sic enim*, ut ait sanctus Thomas, *apprehensio imaginationis cum sit particularis, regu-*

latur ab apprehensione Rationis quæ est vniuersalis, sicut virtus actiua particularis, à virtute actiua vniuersali. Neque aliter Appetitus subiacet aut actui subditur Rationi quam prout Ratio proponit & applicat Vniuersales quasdam rationes quibus retinetur æstimatiua virtus, vt loquitur sanctus Doctor, qua retenta, homo iudicans p. q. 81. a. 3 secundum superiorem sui partem quæ dicitur vis cogitatiua rationalis, sic sibi attrahit & subijcit appetitum vt non belluino more, sed humano seu rationabili moueatur, sic mitigatur ira aut timor, aut aliquid huiusmodi vel etiam instigatur. Verba sunt Diui Thomæ. In aliis enim animalibus statim ad appetitum concupiscibilis & irascibilis sequitur motus, sicut onis timens lupum, statim fugit, quia non est in eis superior appetitus qui repugnet; Sed homo si videlicet velit, non statim mouetur secundum appetitum, sed expectatur imperium voluntatis quæ est appetitus superior, & quæ mouere ac imperare debet secundum rationes & consideraciones illas vniuersales de quibus ante dictum est.

Et hæc quidem de homine, quatenus homo est & à belluis ratione distinguitur qua sensus inferiores corriguntur: sed quia sæpe accidit, vt ipsa humana Ratio consideraciones sibi proponat nimis naturales & humanas, secundum quas pœnæ videri possunt mala & damna, tunc recurritur ad superiorem Rationem seu ad superiores Consideraciones quàm sint humanæ, ciuiles & temporales: dicunturque illæ, cœlestes, æternæ & Diuinæ, Quibus conspiciendis & consulendis intendit homo, non vt homo tantum, sed vt fidelis & Christianus, & ex iis accipit regulas agendorum, vt sæpe dictum est ex sanctis Augustino & Thoma. Tum vero tam præclare de pœnis sentit, quam de ipso Euangelio, quam de ipso cœlo & de ipso Christo qui totus est in pœnis celebrandis; & quò præclarior ac melius sentit, tanto minorem profecto cum eis habet repugnantiam, quia vt dictum est, appetitus sequitur apprehensiuam facultatem quæ quantum est illustrata de pœnarum bono, tantum omnis cessat repugnantia.

O bona Crux quæ decorem & pulchritudinem de membris Domini suscepisti! Videtne quam recte Is de Cruce sentiat, qui hæc dixit: & quam proinde non vt tu inuitè & repugnanter, sed latè pœnas adcat!



III. PUNCTVM.

QVI melius igitur de poenis sentiunt, minus hi poenas sentiunt, Quia minus eas malum aestimant, imo bonum esse iudicant, ac proinde eas amant; aut certe si ut graues carni sentiunt, minus sentiunt illam grauitatem quae valde mitigatur & dulcescit ex iudicio quod habent de earum vtilitate & valore. *Id enim quod in praesenti est momentaneum & leue tribulationis nostrae, supra modum in sublimitate aeternum gloria pondus operatur in nobis, non contemplantibus nobis quae videntur, sed quae non videntur. Quae enim videntur, temporalia sunt: quae autem non videntur, aeterna sunt.* Sic agricola quantumcumque labore, vix laborem sentit dum messem cogitat. *Non enim praesentia respicit, inquit sanctus Chrysostomus, sed futura spectat; non marcescentia semina sed vernantes spicas: non grauem imbrem, sed incundissimam area ventilationem. Itidem & nos, non praesentem spectemus tribulationem aut dolorem, sed orientem ex ipsa vtilitatem, ex ipsa nascentem fructum.*

2. Cor. 4.
Hom. 4. ad
Pop. ant.
L. I. de vero
iudicio &
Prom. Dei.

Sic praeclare Saluianus de Religiosis quorum vita in poenis tota est, sed poenae totae in gaudio quia eas volunt, quia eas magni faciunt, quia de his praeclare sentiunt. *Nulli, ut opinor, inquit, beatiorem sunt, quam qui ex scientia sua, atque voto agunt: Humiles sunt religiosi, hoc volunt: Pauperes sunt, pauperie delectantur: Inhonorati sunt, honorem respuunt. Lugent, lugere gestiunt; Infirmi sunt, infirmitate latentur.* Velles tu quidem sic latari poenis aut certe non contristari; Sed de illarum pretio quid sentis, quid cogitas? Non dubitabis forte in aliis, siue ut vocant speculatiue, pretiosas illas ducere & praedicare, sed re ipsa quando quid tibi sufferendum occurrat, an illud pretiosum ducis? Si affirmas, certe lataberis sufferendo, nam pretiosis delectamur: si negas te id pretiosum habere, ne mireris te non posse hinc delectari, quia delectamur tantum bono, neque vnumquam poenis ullus oblectari potest nisi ut bonae sunt: neque quam bonae sint, aestimabit, nisi diu multumque de his cogitet: Vel fide agat, sic credendo quia Deus dixit, quia sic Ipse sentit & iudicat.

Hoc est in quo deficis, hoc est quod minus cogitas, & quod minus tibi persuasum habes: Vnde tot gemitus, tot querelae si quid vel leue pateris. Nescis pretium huius poenae, quod si scires non

Qui melius de pœnis sentiunt, hi minus pœnas sentiunt. 23

gemeres, & quod scires si attenderes Christi Verbis & Faciis. *At. 15. 26.*
tendite ad me popule meus, & tribui mea me audite, quia lex à me exiit,
& iudicium meum in lucem populorum requiescet. Lex scilicet patien-
di, & manifestum iudicium de pœnarum pretio, in quo qui acquies-
cent quietè viuunt. Aut si patienter viuunt quietè moriuntur.

Vide in 1. parte. Dominica 4. Aduentus. Et infra in hac parte,
Fer. 5. & 6. Hebdom. 22. de suauis iugo Christi.



FERIA QVARTA. DE ABNEGATIONE ET CRUCE

FERENDA.

*Tunc Iesus dixit Discipulis suis: Si quis vult post
me venire, abneget semetipsum, & tollat Crucem
suam, & sequatur me.* Matth. 16.

VERITAS PRACTICA.

Nihil est in Abnegatione rationabilius, quàm quod in
illa videtur minus rationabile.

*RATIO EST, Quia nihil est in vnaquaque Virtute rationa-
bilis quam id quo Virtus ipsa perficitur.*

*Sed quod in Abnegatione videtur minus rationabile, hoc ipsum est
quo Virtus illa perficitur.*

*Ergo nihil est in Abnegatione rationabilius quàm quod in illa vide-
tur minus rationabile; Sicque omnis cessat excusatio Virtutis
exercenda.*

I. P V N C T V M.

CVM ex humano sensu Petrus, Christo futuram suam passionem denuntianti restitisset, opportune Dominus aniam inde accepit edicendi generatim vt quisquis se volet sequi, semetipsum, id est, sensum illum humanum abnegaret, & Crucem ferret, tolerando scilicet laborem illum qui esset vnique necessarius sibi abnegando **vel** conformandæ suæ cum Diuina voluntati, vt alibi fusc est à nobis explicatum cum ostenderetur hac celeberrima Domini sententia Summam Euangelicæ contineri Doctrinæ.

*L. 1. de vitiis, Dist. 9
In Exercitiis, duodecima Pericula.
In 3. parte
Fer. 6. infra
Octauam
Corporis
Christi.*

De Cruce item ferenda particulares habentur Veritates in 2. parte, infra hebdomadam Passionis Domini. Et quæ passim de fide ac obedientia referuntur non incommodè possent Abnegationi competere. Quibus omnibus dictis & dicendis cum sui Amatores obijciant repugnantiam non modo sensus sed & Rationis quæ videtur non parum impeti per abnegationis praxim, idcirco visa est satis apta quæ modo perpenderetur Veritas, *Quod nihil est in Abnegatione rationabilis quàm quod in illa videtur minus rationabile.* Sic enim facile reuincetur omnis illa quæ ad humanæ rationis defensionem obtenditur excusatio, cum non modo nihil contra rationem in se abnegando fieri dicitur, vt potius tum vel maxime Ratio sua in dignitate conseruetur, cum minùs coli putatur.

Sic porro breuiter ac euidenter res in apertum deducitur. Nihil est in vnaquaque virtute rationabilius quàm id quo virtus ipsa perficitur, seu quàm id quod est perfectior Virtutis actus. Nam cum Virtus & Ratio sic ex æquo procedant vt quò est virtus perfectior, sit etiam magis perfecta Ratio: profecto inde est consequens, vt qui est supremus virtutis alicuius gradus, sit etiam supremus perfectæ in illo genere Rationis status: ac proinde nihil sit in illa Virtute rationabilius quàm quod in illa est superius & perfectius. *Cum venerit quod perfectum est, euacuabitur quod ex parte est,* inquit Apostolus, Vnde & pergit: *Cum essem paruulus, loquebar vt paruulus, sapiebam vt paruulus, cogitabam vt paruulus. Quando autem factus sum vir, euacuaui quæ erant paruuli,* Quasi diceret, Crescente mecum ratione creuit simul & Virtus: Virtute autem perfectæ & consummata, sic simul Ratio perfectæ & consummata fuit, vt quod esset imperfectum

1. Cor. 13.

Nihil est in abnegatione rationabilius quam quod videtur, &c. 25

imperfectum, plane desineret: Sic Christus Dominus ætate simul Luc. 2. crescebat, & gratia, & sapientia: Id est, tanto perfectiores edebat Virtutum gradus, quanto erat ætate prouectior; & quanto perfectiores apparebant illi Virtutum gradus, tanto & vis Rationis eius apparebat perfectior.

Sic præclare Virtus vniuersim à Clemente Alexandrino definitur, *concinna & congrua animi affectio que per totam vitam rationi subi-* 1. Pedes. c. 13.
citur: Id est, que sic conuenit cum ratione, vt qua proportionem, quo passu & gradu procedit vna, procedit & alia. Vide supra in 2. parte, in Festo sanctorum Philippi & Iacobi, ad hæc Domini Verba: *Tanto tempore vobiscum sum, & non cognouistis me.* Deberet nempe Virtus respondere temporis & ætati, tempus autem siue ætatem deceret Virtute perfici.

II. P V N C T V M.

SED quod in abnegatione videtur minus rationabile, hoc ipsum est quod Virtus illa perficitur.

Abnegatio enim, prout hîc sumitur, Virtus est seu Virtutis instrumentum & pars illa qua quidquid in nobis rectæ Rationi, Virtutî & Gratiæ se opponit, abnegatur, repellitur, & ita mortificatur, vt cesset oppositio. Dicitur autem abnegari, vt interpretatur Diuus Chrysostomus, *quasi non agnosceretur nostrum esse illud quod se* Hom. 96. in Matib.
opponit gratiæ, quasi renuntiaretur illi quantum ad hoc quo se opponit: sicut si alius esset qui nihil ad nos spectaret. Cum autem multa occurrant sic abneganda, tum imprimis ipsa inferior Ratio quæ ex humanis discursibus & motiuis tota consistit; hæc inquam sæpe Fidei, Charitati, Obedientiæ, Pietati, cæterisque virtutibus se opponit, proponendo difficultates, detrimenta bonorum, famæ & sanitatis, ac sexcenta obstacula quorum consideratione quidquid ex virtutibus agendum est, non videtur æquum, & rationi consonum; Contrà nempe obstat ratio commoditatis, ratio rei domesticæ, ratio voluptatis, ratio famæ captandæ & similium naturæ se spectantis consiliorum, ac finium, quæ sunt omnia prorsus abneganda vt virtutes exerceantur. *Omni qui non renuntiat omnibus quæ pos-* Luc. 14.
sider, non potest meus esse discipulus, inquit Dominus & Magister.

At verò parum rationabile tum quibusdam videtur sic se abnegare, sic sibi renuntiare. Nam si de vitandis duntaxat vitiis agere-

tur, libenter cederent, libenter sibi temperarent; sed de re honesta res est, agitur de honore, de promouenda familia, seu de repellenda injuria & cauendis detrimentis; quid iustius & rationabilius quam in his ius suum prosequi? Quid minus rationabile quam in his abnegari & constringi ne quod rationi repugnat, expugnetur? Hoc est omnino quod in abnegatione videtur minus rationabile; atque hoc ipsum est quo ipsa Virtus abnegationis dicitur perfici. Nam quò altius procedat non habet: tunc autem perfici & consummari Virtus dicenda est ex parte saltem obiecti quando totam eius implet latitudinem, & qua præsertim parte obiectum illud sublime est & excelsum. Sic perfecta Fortitudo est in suo genere quando vita exponitur pro fine laudabili & probato, sicut in martyrio. Sic Humilitas perfecta est quando ad infimum quò descendere potest, descendit. Sic Magnificencia, mansuetudo, cæteræque prorsus Virtutes, sicut habent suos definitos agendi terminos, & certos perfectionis gradus, ita tum demum perfectæ censentur quando illos attingunt; Vnde Apostolus, *ut possitis comprehendere cum omnibus Sanctis, quæ sit latitudo & longitudo, & sublimitas & profundum: scire etiam supereminentem scientiam Charitatem Christi, ut impleamini in omnem plenitudinem Dei.* Iam vero quodnam est summum Abnegationis nisi ut quæ in nobis est summa pars, abnegetur? quænam autem in nobis est illa pars, nisi ratio, nisi voluntas & intellectus? ac proinde intellectu abnegato quid restat ad perfectionem Abnegationis quæ summum attingit, quò potest progredi? Hoc est proprie abnegare semetipsum, hoc est proprie seipsum tradere, hoc est proprie perfectionem Euangelicam consequi. Sic præclare sanctus Gregorius: *Et fortasse laboriosum non est homini relinquere sua, sed valde laboriosum est, relinquere semetipsum. Minus quippe est abnegare quod habet; valde autem multum est, abnegare quod est.*

Hom. 32. in
Euang.

Atque hinc, sicut in cæteris votis quæ ad perfectionem vitæ nuncupantur, Obedientia principatum tenet, ita in ipsis obedientiæ gradibus simplicitas & indiscreta quædam discretio, sublimius eminent; quia dum rationem & intellectum Deo sic subijciunt, totum illi hominem tradunt. O foelicem traditionem quamquam homo magis est suus quam dum minus est suus?

III. P V N C T V M.

N I H I L est igitur in Abnegatione rationabilius, quàm quod in illa videtur minus rationale; Nihil quippe est in illa Virtute perfectius quàm minus illud rationale sua in praxi considerandum, nempe in propriij maetatione Iudicij, quod est holocausti genus excellentissimum: ac proinde nihil rationabilius cum in vna virtute, perfectum & rationale sic ex æquo procedant, vt quantum deest vni, tantum & alteri: nec eorum subsistat alterutrum, nisi simul ac iudicium vtrumque consistat.

Sicut modo geniti Infantes, rationale sine dolo, lac concupiscite. 1. Pet. 2.
Quid minus rationale quam modò genitus infans? Sed quid magis rationale quam homo propter Deum sic voluntarie genitus infans? Quid minus rationale quàm percutienti maxillam præbere alteram? quàm detrahenti pallium, dare & tunicam? quàm nihil cuiquam recusare, & se beatorem dando quam accipiendo reputare? At quid rationabilius quàm Christo ita consulenti credere? quàm Christum ita facientem sequi? quàm Christo spectante & remunerante hoc opus sic operari? Quid minus rationale quàm quod credidit Abraham de suo maetando filio? quid magis rationale quam quod credidit loquenti Deo? Quid minus rationale quàm quod vnus imperitæ linguæ Moses persuadeat Pharaoni vt dimittat vniuersum Israël? quid rationabilius quàm quod homo Diuina confortatus potentia possit illud quod permittit Deus? Quid minus rationale quàm quod piscatores ad vnus hominis vocem, sua omnia deserant, & se futuros hominum piscatores credant? sed quid rationabilius quam sic eò vocantem Christum sequi? Percurre quotquot occurrunt in Euangelio dicta, quotquot in Christo & in sanctis facta, & aduerteres in singulis nihil esse majus quam quod minus apparet; nihil esse suauius, quam quod putatur asperius; & nihil esse rationabilius quàm quod videtur minus rationale. Sic est stulta Dei Sapientia, sic est infans maturitas, sic semper incipiens proeectio, sic indiscreta discretio, sic simplex prudentia & ouilis fortitudo. Ne vnum separes ab alio si quod eorum voles, nam simplicitas sine prudentia, rusticitas est: & prudentia sine simplicitate, malitia.

D ij

INC. 1.
1. Pet. 2.
2. Cor. 2.

ROM. 12.

Sic infantia Christiana nisi esset rationabilis, in culpa esset : & humana rationabilitas, nisi esset infans, non esset Christiana. Sic aliis Christus est ruina & aliis resurrectio ; sic aliis scandalum, & aliis honor ; sic aliis odor mortis, & aliis odor vitæ, prout videlicet quod in Christi cultu apparet minus rationabile minusque acceptandum, acceptatur aut rejicitur, prout se quisque sic abnegat ut non putet se magis rationabile Deo præstare posse obsequium quàm cum se velut hostiam mactet, rationem immolando fidei, obedientiæ, pietati, cæterisque virtutibus, quantum illæ quidem exigunt ut in suis actibus humana Divina cedat Ratio.

2. Cor. 10.

Vide quantum in hoc desis : quantum tibi saepe arroges & præsumas, iudicando de Divinis quasi humana essent ; & humana ponderando quasi si essent Divina. Non sic Apostolus : Non sic Apostolici quique Viri de quibus ait : *In carne ambulantes non secundum carnem militamus. Nam arma militia nostra non carnalia sunt sed potentia Deo ad destructionem munitionum, consilia destruentes, & omnem altitudinem extollentem se adversus scientiam Dei, & in captivitatem redigentes omnem intellectum in obsequium Christi.*

Vide Verbo. Abnegatio, Infantia, Fides, Obedientia.



FERIA QUINTA.

DE TRANSFIGURATIONE DOMINI.

Domine, bonum est nos hîc esse ; Si vis, faciamus hîc tria tabernacula. Matth. 17.

VERITAS PRACTICA.

Si nec in ipso cœlesti gustu sistendum est, longe minus in sensuali.

RATIO EST, Quia idcirco non est sistendum in cœlesti gustu ne nos à Christo seuoct.

Si nec in ipso cœlesti gustu sistendum est, longè minus, &c. 29

Sed gustus sensualis nos longè magis à Christo seuocat.

Ergo longè minus in eo sistendum est : in quo tamen adhuc heres pertinacius.

L P V N C T V M.

TRANSFIGVRATI Christi Domini mysterium coniungens cum præcedentibus eius Verbis, sanctus Ioannes Chrysostomus : *Quoniam, inquit, multa de periculis, multa de passione sua multa de morte, & de cade Discipulorum loquutus est Dominus, & aspera complura atque ardua eis iniunxit, & illa quidem in presenti vita, & iam immincebant; bona verò in spe & expectatione erant, ut puta quia seruarent animam suam si perderent eam, quia in gloria Patris sui venturus sit, & premia redditurus : Vt visu etiam certiores faceret, & ostenderet quidnam sit illa Gloria cum qua venturus est, quantum capere poterant, in hac presenti vita illis ostendit, ne aut sua aut Domini morte doleant, & maxime Petrus.* Hom. 57. in Actib.

Postquam itaque sex dies completi fuerunt ab iis quæ proximè considerata sunt, *Assumpsit Iesus Petrum & Iacobum & Ioannem Fratrem eius, & duxit illos in montem excelsum seorsum, & transfiguratus est ante eos. Et resplenduit facies eius sicut Sol, vestimenta autem eius facta sunt alba sicut nix. Et ecce apparuerunt illis Moyses & Elias cum eo loquentes. Respondens autem Petrus dixit ad Iesum. Domine, bonum est nos hic esse, si vis faciamus hic tria tabernacula, Tibi vnum, Moysi vnum, & Elia vnum. Addit sanctus Marcus, non enim sciebat quid diceret, nam certe si sciuisset non dixisset. Adeo erat raptus dulcedine spiritualis gustus quem sentiebat ut voluisset illic semper manere cum Christo & cum aliis qui tum aderant, quod profecto erat intempestiuum & inordinatum.*

Sic multi decipiuntur suauitate illius affectus quem plerumque percipiunt in orando, legendo vel aliis piis exercitiis quasi tum verè deuoti essent & non aliter. *Non est huic affectioni tenacius inherendum, ut ait aptè Gerson & alij Patres, qui inde deducunt Veritatem propositam & diligentius expendendam, Quod si nec in ipso cœlesti & spirituali gustu sistendum est, longè minus in sensuali.* L. 3. c. 8.

Ratio allata continet documentum in vita spirituali commendatissimum, & cui declarando & confirmando multum confert.

hoc Transfigurationis mysterium. Quidquid videlicet nos à Christo purè & vnice considerando & amando seuocat, tam diligenter est cauendum quàm ipse Christus vult & meretur à nobis pure diligì. De qua pura Charitate passim habes in vnaquaque parte, sed praesertim in Aduentu, Hebdomada tertia, quibus hæc addo pauca ex Apostolo, vnde pateat quantum ipse spiritualis gustus nos à Christo auertat. *Finis*, inquit, *præcepti est Charitas, de corde puro, & conscientia bona, & fide non ficta, à quibus quidam aberrantes conuersi sunt in vaniloquium.* Quinque hic conglobantur valde obseruanda. Primum est finem præcepti esse Charitatem, id est, omnium eorum scopum & complementum, quæ in scripturis commendantur ac præcipue in Nouo Testamento: Vox enim *αγάπης* quæ vtitur Apostolus expresse significat Euangelicam Doctrinam, siue à Christo, siue ab eius Discipulis denunciatam, atque eò potissimum omnia tendere, vt diligamus: hunc esse omnium quæ fecit & dixit Dominus finem, quem ipse habuit, & quem nos habere vult in cunctis nostris operibus. Vbi iam aduerte generatim quanto in pretio nobis esse debeat Charitas, quantumque detrimentum ex eius defectu importari possit, cum in vnaquaque re Finis maxime sit spectandus, quo si careas, vix profunt alia quæ assumpta erant velut media quædam ad illum finem. Deinde vero in particulari quantum à gustu spirituali sit cauendum qui nos priuet illo fine in excellentioribus quæ possumus exercere operibus, nempe in Oratione, in Contemplatione, in Communionem & aliis cum Christo communicationibus, vbi magis percipitur ille spiritualis gustus, & in quo percipiendo majus esse solet periculum, ne dum ei plus nimio adhaeremus, cum velut finem nobis illorum operum statuamus.

Secundum quod ait Apostolus, Charitas sit *de corde puro*, Id est, vt explicat sanctus Augustinus quem sequuntur omnes Interpretes, corde sit vacuo ab omni amore sui vt nihil omnino diligatur nisi quod diligendum est. At certe obstat gustus spiritualis, non in se quidem, sed in nobis, si nimis diligatur. Nam illa dilectio nimia cum sit inordinatus nostri amor, quid inde sequitur nisi cordis impuritas, aut certe tanta puritatis diminutio quantum erit ille amor nostri, seu quantum erit inordinatus?

Tertium, *de conscientia bona*, Id est, sic bene formata & directa vt sit scientia & testimonium quoddam animæ sibi post accuratum

1. de Doctr.
Chr. c. 5.

Si nec in ipso celesti gustu sistendum est longe minus in sensuali. 31

examen affirmantis se purè & sanctè Christum diligere, quantum quidem hic sciri & affirmari potest, sicut de se aiebat sanctus Augustinus: *Non dubia, sed certa conscientia, Domine, amo te: percussisti cor meum verbo tuo, & amavi te.* Possitne vero is de se idem testari qui nimio detineretur affectu quantumcumq; Spirituali? Possitne dici bona illa Conscientia quæ non esset ad regulam suam formata? Quænam est autem regula bonæ Conscientiæ nisi lex Dei? nisi lex illa Evangelicæ cuius finis est Charitas de corde puro? Hæc est puritas cordis quæ est regula seu bonitas ordinata quæ bonam facit Conscientiam, & hæc puritas in gustu Spirituali sic offenditur, neque offensa Conscientiam mouet & turbat, ut ipse sanctus Augustinus sibi à suauiori cantu Ecclesiæ multum timeret quia multum inde afficiebatur: *Fluctuo, inquit, inter periculum voluptatis & experimentum salubritatis.* Et post nonnulla quibus ait se cantus consuetudinem approbare in Ecclesia, sic pergit ad indicandam bonam Conscientiam, *Tamen cum mihi accidit ut me amplius cantus quam res quæ canitur, moueat, penaler me peccare confiteor, & tunc mallet non audire cantantem.* Hæc est videlicet puri cordis Charitas: hæc est diuinæ Charitatis puritas, & bonæ Conscientiæ regula.

Quartum, de fide non ficta, non simulata, non sibi palpanæ, non sibi fingente nihil mali esse, non sibi applaudenti se ita credere quasi quod credas sit semper verum. Hæc est videlicet fides ficta quando in moralibus sibi quis format Conscientiam erroneam quod maxime accidit in his rebus, ubi dominatur affectus, ut in gustu Spirituali: tum quidquid placet, quando ex se non apparet malum, creditur bonum: & quidquid mali contra opponatur, non creditur, quia præualet affectus nimius quo mens inescata minus est docilis & minus capax veræ fidei. Et quia qui sic inescantur non sibi hoc persuadent, nec se putant esse in mala fide, nec velent, ut aiunt, aliter de re credere quam quod credendum est; errant, falluntur, sibi hoc fingunt, fides ficta est & simulata, nam reuera nisi nimio detinerentur affectu, dedoceri possent, & aliter credere.

Quis dixisset Apostolos nimis dolentes de Christi discessu, nimis Christum diligere, & hoc nimio affectu sic decipi ut nisi eum temperarent non essent capaces sancti Spiritus recipiendi; quis hoc inquam dixisset, nisi Ille qui nouit corda omnium? Quid credi posset purius quam ille amor in Christum? Et tamen non erat

purus, quia erat inordinatus, erat immixtus amore proprio, erat affixus corporali praesentia, contra ac erat ordinatum à Deo, ut supra in secunda parte dictum est, Dominica quarta post Pascha. Sic sibi fingunt se amantes, sic eorum fides ficta est & non sincera.

2ab. 38.

Vnde, quod quintum & postremum est, à quibus quidam aberrantes conuersi sunt in vaniloquium. Id est, nihil illis superfluit ex sua deuotione sensibili, quam quod loquuntur; & quod loquuntur vanum est & nullum, quia loquuntur de diuinis prout sentiunt & male de his sentiunt. *Quis est iste involuens sententias sermonibus imperitis? Accinge sicut vir lumbos tuos: interrogabo te, & responde mihi.* Deus ipse est qui loquitur homini, de se loquenti, quia sic vniciuique loquendum est de Deo & de diuinis ut sit ipse paratus audire Deum loquentem, & ipsi respondere interroganti. Sic loquendum semper sicut coram Deo non vaniloque non fictè, non simulate, quia coram Deo non sic auderes loqui, non sic illi vanè respondere.

II P V N C T V M.

SED *gustus sensualis nos longe magis à Christo seuocat.*

Per sensualem gustum intellige illum naturalem affectum quem sentimus in honore nobis reddito, in lucro facto, in vfu commoditatum, in amicitiiis, in conuersatione, & similibus obiectis, non quidem ex se malis, sed inordinate amatis, Id est, plusquam recta praescribit Ratio, & status seu gradus perfectionis ad quem se vnusquisque vocatum videt. Hic affectus seu gustus naturalis, dicitur sensualis, quia vel ex sensibus humanis nascitur, vel sensus commouet & in iis acquiescit: sicque nos à Christo longe magis separat quàm sensus & gustus spiritualis, propter tria: nempe materiam, affectum, & effectum, Primo materia seu obiectum gustus sensualis longè minus est purum quam materia spiritualis, ut per se patet. Deinde affectus sensualis solet esse vehementior & diuturnior quàm spiritualis: cito enim arescit lachryma, non ita vero amor, aut odium aut alius quuius affectus. Ac denique eius effectus sunt magis oppositi & aduersi diligendo Christo quàm spirituales, nam magis cor humanum implicant, asringunt arctius, occupant difficilior, diuertunt longius, maculant foedius & redeunt frequentius. Vnde ut hic sensualis gustus euitetur, permittitur

Si nec in ipso cœlesti gustu sistendum est, longè minus in sensuali. 33

permittitur spiritalis: *Sit suavis & dulcis affectui tuo Dominus Iesus*, Serm. 26.
in Cant.
inquit sanctus Bernardus, *contra male utique dulces vite carnalis ille-*
cebrus, & vincat dulcedinem ducendo. Et post multa: *omne quod blan-*
ditur de carne propria vel aliena, Sacro-sancta carnis amorì postpone,
tum videlicet permittitur ille amor sensibilis Christi, non ut in illo
hæreatur tamquam in fine, sed ut per illum alius amor qui ex se
malignus est expellatur. *In quo & mundi gloriam æque comprehendo,*
ait sanctus Abbas, *quia gloria mundi gloria est carnis, & qui in ea de-*
lectantur, carnales esse non dubium est. Tum vero pluribus docet istum
sensibilem Christi amorein esse purificandum, ut possimus cum
Apostolo dicere, *nos ex hoc neminem novimus secundum carnem.* Et si 2. Cor. 5.
cognovimus secundum carnem Christum, sed nunc iam non novimus.
Quasi diceretur; ante quidem secundum carnem licebat aliquo
modo sic nosse Christum, ut nemo alius præter ipsum diligeretur,
nunc vero cum sic exui fuerimus omni alieno affectu, neque ip-
sum Christum sensibili diligemus affectu, ut in eo sistamus & im-
moremur tamquam in bono nostro gustando, sed hoc etiam pu-
rificati gustu, Christum diligemus ex puro corde ut illi purè pla-
ceamus, non nobis. O vere tum defæcatum & Deificatum affe-
ctum! sed nisi etiam sic defæcatus sit, non erit purus quia fæces
quibus purificandus erat, in eo remanebunt.

III. PUNCTVM.

S*i nec igitur in ipso cœlesti & spiritali gustu sistendum est, quanto*
longè minus in sensuali; Cum longè magis nos separaret à puro
Christi amore, quæ una erat Ratio cur spiritalis gustus esset ca-
uendus. Nam cum sint plurimi separationis huius à Christo gra-
dus, atque hi tanto peiores sint quanto à Christo sunt longius dis-
titi, certe si primi qui nos tantisper ab eo seuocant sunt cauendi,
quanto magis consequentes & postremini qui nos damnosius ab eo
separant? Et tamen in eis anima quantum adhuc inhæret? quan-
tum tibi laus placet, honor delectat, & commoditas afficit?
Usquequo delicias dissolueris filia vaga, quia creavit Dominus novum iter 32
super terram: Leua tandem aliquando cum Apostolis oculos tuos,
& vide solum Iesum; *Levantes,* inquit, *oculos suos, neminem vide-*
runt nisi solum Iesum. Quidquid creatum occurrat quantumcum-
que etiam spiritale; nihil illi tenis Iesum intueri, quia si quid illic

boni spiritualis est, à Iesu solo est, à quo est omnis spiritualis benedictio. Sicut in ipso solo Deus nos diligit, *nam dilectus est filius in quo sibi bene complacet Pater*, & in quo illi omnia placent: Sic ille nobis placeat & in illo cuncta, nec aliter. Sicut in sanctissimo Sacramento, licet appareant species quæ dicuntur Sacramentales, solus ibi Iesus agnoscitur, colitur, adoratur. Sic penè in singulis agnoscendis quia ex ipso & per ipsum constant.

Atque ut magis etiam discas omnia sensibilia temperare, audi quid loquatur cum illis Prophetis de Passione & de morte sua. Cur porro in tali lætitia? Ut te scilicet doceat lætitiā quam-tumuis sanctam & spiritualem sic esse temperandam, ne excedat & degeneret in sensualem, ne cum spiritu cæperis, carne consumeris.

Gal. 3.

Pl. 72.

Quod vel ex eo confirmatur, quod ne ipsa quidem Beatitudo in se est diligenda sed in Deo, & in ipsa Deus, nec purus alioquin & satis castus amor esset, nec cum Propheta possemus quod tamen debemus dicere: *Quid mihi est in Cælo & à te quid volui super terram, defecit caro mea & cor meum, Deus cordis mei & pars mea Deus in æternum. Quia ecce qui elongant se à te, peribunt. Perdidisti omnes qui fornicantur abs te. Mihi autem adharere Deo, bonum est. Vbi sanctus Augustinus: Non ab illo, inquit, petitur aliud premium. Qui aliud premium petit à Deo, & propterea vult servire Deo, carius facit quod vult accipere, quam ipsum à quo vult accipere. Quid ergo? nullum premium Dei? Nullum præter ipsum. Premium Dei, ipse Deus est, hoc amat, hoc diligit: si aliud dilexerit, non erit castus amor. Recedis ab igne immortalis, frigescis, corrumpis, Noli recedere, corruptio tua erit fornicatio tua. Et post multa: Rapite eum quotquot potestis, quotquot possessuri estis non sit angustus. Nallos in illo limites facietis, totum singuli possidebitis, & totum omnes habebitis. Ergo hoc fac dum hic es.*

Vide in 2. parte, Dominicam 2. Quadragesimæ: & in 3. in Festo Transfigurationis Domini.



FERIA SEXTA.

DE EXPULSO A CHRISTO DÆMONE QUEM APOSTOLI NON POTVERUNT EIICERE.

Eris eruditus in omnibus, aut eris contra Dæmonem, &c. 35

*Quare nos non potuimus ejicere eum? Et dixit illis,
Hoc genus in nullo potest exire, nisi in oratione &
jejunio. Marci 9.*

VERITAS PRACTICA.

*Quod monet Sapiens: Eris eruditus in omnibus: aut ^{Ecclesi. 40.}
eris contra Dæmonem rudis in omnibus.*

*RATIO EST, Quia contra Dæmonem eris rudis in omnibus,
si fueris in his rudis in quibus tecum concreditur.*

*Sed nisi sis eruditus in omnibus, in his eris rudis in quibus tecum
concreditur.*

*Ergo quod monet Sapiens; Eris eruditus in omnibus, aut eris contra
Dæmonem rudis in omnibus. Quod certe est præcauendum.*

I. P V N C T V M.

ACCURATE inter alios rem gestam refert sanctus Mar-
cus, qui videri debet & notari præcipue quomodo in hoc
Dæmoniaco, nostræ & aliorum tentationes designantur
quas sæpe non ita possumus superare sicut alias, propter ignoran-
tiam diuersitatis mali & remedij adhibendi. *Neque enim, ut ait L. 30. Mon.*
sanctus Gregorius, *cunctos par morum qualitas astringit. Sæpe namque 4. & l. 3.*
aliis officiunt quæ aliis profunt; quia medicamentum quod hunc morbum Pastor.
imminuit, alteri vires iungit: & panis qui vitam fortium roborat, paru- In præmiis
lorum necat. Apte ergo illud Sapientis tibi & aliis contra omne
genus tentationis: *Eris eruditus in omnibus, aut eris contra Dæmonem*
*in omnibus ineruditus & rudis, Quia, ut habet Ratio, si vel tantil-
lūm in illis fueris rudis in quibus tecum Aduersarius ille congre-
ditur, satis est ut dicaris esse rudis in omnibus contra illum, nam
eruditio hūc & ineruditio vel ruditas tantūm spectantur relatiue
ad congressum & certamen habendum cum Dæmone. Vnde si in
omni congressu sis rudis, profecto dici debes rudis in omnibus;
quid enim prodest in aliis esse eruditum, cum hic tantum erudi-*

E ij

Ephes. 6.

2. Reg. 17.

2. Reg. 7.

tionem quaramus & spectemus, quæ in conflictu requiritur vt
certes & vincas ac triumphes? *Induite vos*, inquit Apostolus, *armaturam Dei vt possitis stare aduersus insidias Diaboli*: Quasi diceret, armaturam idcirco induite, vt congregiamini cum illo aduersario, & idcirco illam querite quæ est apta congressui, nam hic est finis induendæ armaturæ; quod & statim repetit, ne cui fiat dubium: *Propterea*, inquit, *accipite armaturam Dei, vt possitis resistere in die malo*, Id est, in die qua vobis erit concertandum. Quantumcumque Rex Saul & alij Israelitæ armati essent ad prælium, nullus tamen eorum sibi satis esse videbatur ad congregiendum cum Gygante illo qui eos prouocabat ad singulare certamen: Neque ipsi Gyganti sua profuit armatura, cum in ea frontis parte vbi à Dauide percussus est, inermis esset. *Frustra jactitur rete ante oculos pennatorum*, inquit Sapiens, Id est, non sic capiuntur pennata cum volant: oportet alias capiendis illis artes. O si tantum industriæ nostro in spiritali negotio conferremus, quantum in cæteris aliis: quàm longe tutius nobis esset prouisum! Sed animi postrema cura, cura est animæ.

II. P V N C T V M.

SED nisi sis eruditus in omnibus, eris in his rudis in quibus tecum Adversarius congregietur.

Regula 14.
ad spiritus
dignificandos.

Iob 18.
2. 14. Mor.
c. 6.
2. 4. Ep 82.
2. 5. Ep 56.

Nam cum astutia & calliditate potius quàm robore nobiscum agat, in id præcipue contendit & inuigilat, vt qua parte quis infirmus est, ineruditus & inermis, hac ipsa indetesse illum petat, & obruat. Sic luculente sanctus Ignatius in suis Exercitiis spiritalibus: *Solet*, inquit, *Adversarius imitari aliquem belli ducem*; Et quæ plura referuntur in prima parte, FERIA quarta, infra Hebdomadam quartam post Epiphaniam. Quod & sanctus Gregorius fufse prosequitur ad illa verba Iob: *Abcondita est in terra pedica eius, & decipula eius super semitam*: Expressius verò in Epistolis vbi hæc inter alia. *Quia nonnunquam dum aliud attenditur, aliud non cauetur, oportet vt contra omnes hostis insidias quisque debeat esse sollicitus, ne dum in uno vincit, superetur in altero. Nam & terrenus hostis qui munita loca cupit inuadere, pugnandi arte sic vitur. Latenter quidem ponit insidias & ad vnius loci se expugnationem totus ostendit, vt dum ad defensionem loci illius vbi instat periculum, inueniunt, loca alia de quibus*

Nulla est suspicio, capiantur. Et euenit ut qui cognitus resistentis virtute repulsus est, latens obtimeat quod certando non posuit.

Sic sanctus Hieronymus exponens locum illi Apostoli qui supra relatus est, Insidias Diaboli, quas ipse vocat veritutes; in eo maxime ponit, quod loca minimè munita obseruet, ut per ea irrepas ad arcem cordis & anima. Sic sanctus Cyprianus: Eam partem animam quam infirmiores conspicit, fraudulentius magis quam generosus Inimicus aggreditur. Sic denique sanctus Augustinus qui recte obseruat Dæmonem esse vocatum hominem, ut est in parabola Zizaniorum, Inimicus homo hoc fecit; & hominem vocatum esse Diabolum, unus ex vobis Diabolus est; quia scilicet Dæmon hominem tentans humano se gerit modo: & à Dæmone homo tentatus Dæmoniacam pene induit feritatem. O callidum & cautum hostem qui sic illudat homini! O incautum hominem qui se sinat sic illudil

In ep. ad Ephes. c. 6.

Serm. de Zela.
In Ps. 139.
In Ps. 39.
Math. 13.
Ioan. 6.

III. PUNCTVM.

QUOD monet ergo Sapiens: Eris eruditus in omnibus: aut eris contra Dæmonem rudis in omnibus; Quia in quo deficies, ille ibi totus te urget, & non magis tibi proderit eruditum, aut armatum fuisse in aliis, quàm si omnino armatus aut eruditus non esses. Quid enim profunt arma, quid artes, quid scientia contra hunc hostem, si non his expugnatur armis? sicut enim non ferro nec manu cum illo concertatur, sic neque armis quibuscumque spiritualibus nisi cuncta tibi adsint, quibus vndecumque te impetat, sis paratus ad impetum retundendum. *Ut possitis*, inquit Apostolus, *resistere in die malo, & in omnibus perfecti stare.* Id est, ut cum nihil in vobis defuerit quo resistatis in certando, sic stetis semper victores ut numquam victi iaceatis. Nam etsi etiam multoties viceris, si vel semel vincaris, hoc vno rursus in interitum vnde te numquam erues. Sic saepe se vinci patitur ut semel vincat. Sic saepe à certando desistit ut postea decertaturus obliat acrius. Cui nomina mille, mille nocendi artes, propter quas fidelis sponsa Domini describitur esse in Canticis, sicut turris David quæ edificata est cum propugnaculis: mille clypei pendent ex ea, omnis armatura fortium.

Ephes. 6.

Cant. 4.

Hinc apte sanctus Basilii ad hæc verba Deuteronomij decimo quinto secundum septuaginta Interpretes, *Attende tibi ipsi, MILES*

es? collabora Evangelio, milita bonam militiam contra spiritus nequitiae, adversus vitiosas carnis affectiones induitor omnem armaturam Dei, ut probes te ei, sisque gratus Duci tuo qui huic te militia adlegit. Proinde ut nullis impliceris vitae istius negotiis & perplexis curis. Athleta es? attende tibi ipsi ne quam ex legibus athletico agoni praescriptis inueniatur transgressus: ut strenuus pugil, ipse habeto anima oculum nusquam evaniantem, sed attentum & pervigilem. Praemuni ac tuere passus manibus partes quarum plaga lethalis sit. In adversarium, immotum oculum intentito fixius. Per vitam istius curriculum talis ut perseveres, hac sancit sententia, nimirum animo ut sis non supino, aut concidenti, sed arrecto: non dormituri sed pervigili ac sobrio, quique multa cum vigilantia praesens sit, & novis sibi praesse.

Hæc vero tibi particulatim, ubi & quando plus est ponendæ operæ modo essent applicanda, nam quod callidius enititur Damon, hoc est ne quod uniuersim dicitur, tibi ascribas, & ascriptum in manu habeas. Quo velut gladio vel clypeo, semper sis paratus, semperque dicas siue ad aggrediendum siue ad resistendum, Paratum cor meum Deus, paratum cor meum.

Sic omni custodia seruabis cor tuum: quia ex ipso, vita procedit, ut monet Sapiens, & declaratur in prima parte, FERIA quarta infra Hebdomadam quartam post Epiphaniam, ubi quæ hic plura desunt, reperiēs. Vide & sanctum Augustinum ad hunc Psalmi versiculum; Benedictus Dominus Deus meus, qui docet manus meas ad prælium, & digitos meos ad bellum.



SABBATO.

**DIDRACHMA SOLVIT CHRISTVS
DOMINVS.**

Et cum venissent Capharnaum, accesserunt qui didrachma accipiebant, ad Petrum, & dixerunt ei: Magister vester, non soluit didrachma? Ait: Etiam. Matth. 17.

DIDRACHMA seu Didrachmum erat genus monetæ respondens septem solidis Gallicis, quod primo ex lege iussum fuit quot annis solui à Iudæis in usum tabernaculi : Deinde vero subacta Iudæa, Romani tributum illud traxerunt in rem suam, atque eorum nomine Publicani à singulis exigebant.

Non erat certè Christus Dominus huic tributo subiectus, vnde pergit Euangelista : *Et cum intrasset in domum, præuenit eum Iesus, dicens : Quid tibi videtur Simon? Reges terræ à quibus accipiunt tributum vel censum? A filiis suis, an ab alienis? Et ille dixit, ab alienis. Dixit illi Iesus : Ergo liberi sunt filij. Quasi diceret, vt interpretatur S. Augustinus : Filij Regum cum sua familia liberi sunt à tributo pendendo, quantò magis Ego qui Regis Regum naturalis sum filius, cum mea familia, immunis ero & liber? Noluì tamen hac libertate vtì, sed libens volens tributum soluit, atque hanc inter alias Petro rationem protulit : *Vt autem non scandalizemus eos, vade ad mare, & mitte hamum : & cum piscem qui primus ascenderit, tolle, & aperto ore eius, inuenies staterem : illum sumens da eis pro me, & te.**

Sic interea Dominus suis, supremam suam declarare voluit maiestatem, & summam libertatem qua solutus erat & liber ab omni tributo ; cùm non tantum terræ ac hominum, sed etiam piscium & maris, cui nullus princeps dominari potest, dominium se habere ostendit, quando è mari, & ex ore piscis petendum iubet illud tributum cui se soluendo libens subiecit.

Ex quibus sic breuiter expositis, tres erui possunt Veritates Practicæ ad triplicem perfectionis viam spectantes, & ita planæ vt longiori discursu non sit opus ad eas fusiùs explanandas.

Prima dehortatur à peccato, peccantes liberius sub spe facilis obtinendæ veniæ, quibus hæc opponi debet Veritas :

Quod Exactores à Christo semel, hoc semper ab illo exigunt qui sub spe veniæ peccant liberius.

RATIO EST, Quia quod Exactores à Christo semel petierunt hoc videlicet fuit quod explicatum est, vt quod non debebat persolueret, atque ita cum esset liber, & Dominus, seipsum tamen seruum & subditum faceret. Nonne hanc vnam ab illis accepit Christus iniuriam?

Sed hoc ipsum semper seu quoties peccant, qui sub spe veniæ peccant liberius, hoc ipsum à Christo exigunt, nempe vt quod

ipsis non debet, pretium soluat quo peccatum dissoluatur. Cum enim peccando sperant veniam, non aliter sperant quam illo quod datur modo: non est autem alius dandæ veniæ modus quam solutio per Christum peccati pretio; quod enim semel fundendo sanguinem, pretium Christus soluit ad quolibet dissoluenda peccata, hoc ipsum tam particulatim applicandum est cuilibet peccatori conuertendo, ut nisi particulatim applicetur, numquam conuertatur, quia nulla datur alioquin gratia sine qua certum est nullam fore conuersionem.

Hebr. 6.

Atque hinc quod ait Apostolus de peccatoribus, *quod rursus sibi metipsis crucifigant Christum*, multi sic interpretantur, quasi diceret, hoc agere peccatorem ut Christus iterum crucifigatur; Nam hoc agit peccando quod sibi vult & quod sperat remitti, non autem potest remitti nisi rursus quodammodo crucifigatur Christus, id est, nisi hoc ipsum particulatim applicetur pretium, quod semel quidem fudit in cruce, sed quod valorem non habet nisi dum applicatur; Qua de re alibi fusius.

2x. 33.

Rom. 9.

Iam verò quod hic præcipue perpendi debet, non magis tenetur Christus hoc pretium applicare peccatori, quam tributum soluere quod petebatur; non minus liber est ab illo peccati persolvendo siue applicando pretio, quam liber erat à tributo soluendo. Quot enim sunt peccatores quibus non ea datur gratia quæ tibi oblata est ut conuertaris? Quid porro in te est cur tibi hanc Christus gratiam deberet, potius quam aliis, cum nulli prorsus illam debeat, & absolute dicat, *Miserebor cuius misereor, & misericordiam præstabo cuius miserebor?*

Rom. 11.

Et tamen, ô infanda præsumptio, tu hoc tamen peccator à Christo exigis, dum ab illo tam certus expectas gratiam, ut propterea liberius pecces, quasi hoc debito teneretur, quasi tuo iure id ab illo repeteres, quasi non esset gratia: nam si debita esset, non esset gratia. Nonne hoc est ab Illo quoties peccas exigere, quod semel tantum Exactores petierunt, ut quod non debet soluat? At nonne hoc est satis impium ut inde pudeas, & à peccato deterrearis? nam vix est vllum peccatum, in quo hanc tacite non tibi promittas veniam, cum si scires non condonandum peccatum, non ita facile peccato consentire.

25. 43.

O quam vere dictum à Domino; *Servire me fecisti in peccatis tuis.* Primo quidem cum peccasti, subjiciendo libidini tuæ Gratiam, legem,

legem, voluntatem & quidquid Christi est; tum deinde vero cum peccando tibi quodam tuo iure hanc eius vendicas gratiam, quam hoc ipso vel præsertim offendis & repellis, quò tibi eam vendicas. Sic proinde sapienter Ecclesiasticus: *Ne dixeris, peccavi, & quid mihi accidit triste? Altissimus enim est patiens redditor. De propiato peccato noli esse sine metu, neque adducas peccatum super peccatum. Et ne dicas, Misericordia Domini magna est, multitudinis peccatorum meorum miserebitur, misericordia enim & ira ab illo cito proxima.*

Vide in 1. p. Die 12. Ianuarij. Et Fer. 3. Hebdom. 4. post Epiph.

SECUNDA Veritas, ad diminuendas quantumlibet leues offensas, & bonum etiam non imperatum libenter faciendum.

Qua vna re potissimum à majori diuino cultu auocamur: eadem potius ad Eum aduocandi essemus.

RATIO EST, Quia libertate potissimum à majori Dei cultu auocamur: siue quia id nobis est liberum libertate Physica, quæ opponitur necessitati; siue quia non cogimur authoritate superiori; siue quia nobis id licitum fingimus quod ita placet. *Velamen habentes malitia, libertatem: siue quia non ex præcepto sed consilio tantum virtus exercenda offertur. Non enim seruituti subiectus est in huiusmodi.*

Sed hæc ipsa libertas est, cuius recto vsu ad maiorem Dei cultum potius aduocandi essemus.

Primo quidem, quod liberi sumus naturaliter, singulare donum Dei est, quò supra cæteros animantes ad imaginem Dei creati sumus, vt quemadmodum Deus in externis, sic in nostris humanis operibus liberè nos exerceamus ad vitam promerendam æternam. Quid est autem indignius quàm dono Dei abuti, vel ad illius offensam vel ad illius obsequium detruncandum? *An oculus tuus nequam est, quia ille bonus est? Nonne poterat nos æque cogere ac reliquas creaturas? Filios enutriti, & exaltaui: ipsi autem sprecuerunt me! 1s. 1. Vos in libertatem vocati estis, tantum ne libertatem in occasionem detis, Gal. 5. carnis.*

Secundò, cum longe plura Deo debeamus quam possimus reddere, neque aliud quo iustius excusemur in paucis nostris meritis habeamus, quàm quod plura non possimus: qua tandem fronte tu audebis ea negare quæ liberè potes? aut qua ratione te excusa-

42 *Sabbato Hebd. 15 post Oct. Pent. Didrachma soluit Christus.*

bis si non plura reddis, cum illa non reddas quæ possis? Certe aut oportet fîctè cum Deo agere, dicendo se non plura posse, nec se orando etiam posse impetrare: aut id omne agendum est quod rationabili poteris libertate. *Si potes fieri liber, magis vivere.* Videnda sunt quæ his dicuntur conformia, in 3. parte, Feria 2. infra Hebd. primam, post Octauam Pentecostes.

1. Cor. 7. Terrio, cum tam benigne & liberaliter nobiscum agat Deus, ut nos non puniat prout liberè posset, & nos etiam innumeris immeritis cupulet bonis, longe plus quam ex ordinaria solet prouidentia: quo tandem modo tantam recolere par est Bonitatem, nisi quod liberè posses malum non committas, & quod liberè possis bonum non omittas? *Odite malum, & diligite bonum.*

Amor. 5. Adde & illud, quod si meritò timere debes ne si Deus sua vsus libertate tibi aliquas deneget gratias quibus priuatus in peccatum incidas, & in mortem illam peccatorum pessimam: quid tandem opportunioris remedij possit excogitari, quàm si nihil tibi assumas quod liberè possis Deo dare, sicque Apostoli consilio sapias, videndo *quomodo caute ambules, non quasi insipiens, sed ut Sapiens, redimendo tempus, quoniam dies mali sunt*, dies illi videlicet qui aliter effluunt quam in Dei cultu, dies illi qui nos longioris vitæ mora decipiunt, qui nos præteritæ libertatis vsura fascinant, qui nobis id licere quod licitum volumus, annuunt. O vere dies malos nisi prout subiecti sunt libertati, bonos efficias, & qua vna re potissimum à Dei cultu auocaris, eadem potius ad Eum aduoceris. *Deus ultionum Dominus: Deus ultionum liberè egit.* Lege, & expauesce, peruoluendo ea quæ in illo sequuntur Psalmo.

Epist. 5. TERTIA Veritas pro vita vnîrua, in qua tantò magis Deo nos vnimus, quanto nos Illi magis subijcimus.

Tantum abest quod qui sunt verè liberi non se subijciant, ut non sint aliter verè liberi nisi se subijciant.


Ratio est, quod non sint verè liberi nisi sibi dominantur. Sed non sibi vere dominantur nisi se subijciant. Ergo nec vere liberi nisi subiecti.

Vide Sabbato Sancto seu majoris Hebdomadæ, ubi Ratio declaratur fufius; quibus adde hanc præclaram Diui Hieronymi sententiam: *Nihil est imperiosius Charitate. Nos si verè Christum diligimus, si eius nos redemptos sanguine recordamur, nihil magis velle,*

L. 2. Ep. 20.
ad Celant. 5.

nihil omnino debemus agere quàm quod illum velle cognoscimus. Sic & apte S. Augustinus: Libera servitus est apud Dominum, libera servitus ^{in Ps. 95} ubi non necessitas sed Charitas servit. Vos inquit in libertatem vocati estis fratres, tantum ne libertatem in occasionem carnis detis, sed per Charitatem spiritus servite inuicem. Servum te Charitas faciat, quia liberum te Veritas fecit. Si manseritis inquit in verbo meo, verè discipuli mei estis, & cognoscetis Veritatem, & Veritas liberabit vos. Simul es & servus & liber: servus quia factus es, liber quia amaris à Deo à quo factus es, imo etiam inde liber quia amas eum à quo factus es. Noli servire cum murmure, non enim id agunt murmura tua ut non servias, sed ut malus servus servias. Servus es Domini, libertus es Domini, non te sic quaras manumitti, ut recedas de domo Manumissoris tui.





DOMINICA XVI. POST PENTECOSTEN.

DE HYDROPICO SANATO A CHRISTO

IN DIE SABBATI.

OBSERVANT IUDÆI CHRISTVM,
IN QVO ILLVM ACCVSENT.

*Cum intraret Iesus in Domum cuiusdam Principis
Pharizæorum, Sabbato manducare panem, &
ipsi observabant eum. Luc. 14.*

VERITAS PRACTICA.

Quantò inter probos putatur invidia leuior, tanto est
sæpe grauior.

RATIO EST, Quia ex his tribus putari potest invidia leuior,
nempe si quod inuides leue est: si motus in se est leuis: si vel
in sua causa, vel in suo effectu non est grauis.

Sed sæpe in his tribus est grauior, inter probos.

Unde Conclusio est euident: & diligentius etiam expendenda quàm
hic tractetur.

I. P V N C T V M.

DVBITARI non potest quin ex inuidia & maleuola quadam mente Iudei obseruarent Dominum, an quid ageret vnde illum arguerent, accusarent, & deprimerent: *Inuiderunt illi habentes iacula.* Sic Gen. 49. pridem erat prædictum à Patre Iacob de filio suo Ioseph. Atque hic ubi in vulgata legitur, *obseruabant eum*, dicendum esset ex Græco textu, *erant obseruantes eum*, Id est, studiose eum obseruabant, seu ad hoc conuenerant vt eum obseruarent. Ita Estius in hunc locum. Cum vero multis sit familiare & damnosum hoc vitium, tum illis præcipue quos inter putaretur esse rarius & leuius: nempe inter viros alioquin probos, inter Ecclesiasticos & Religiosos siue alterius siue eiusdem instituti. Nonne hos inter rarior & leuior videretur esse inuidia? Cur ita porro? Expende causas, & videbis tuo forsan exemplo & damno nisi prospicias, quod quæ rationes videntur in te facere leuius hoc vitium, eæ faciunt grauius.

Rationes hæ solent peti ex tribus aut quatuor Capitibus. Primo ex leuitate obiecti, quando quod inuidetur temporaneum est & quid leue. Deinde ex leuitate motus inuidiæ, quando non vehementer vrit animum, quando animus non plene aduertit ad motum nec proinde omnino est motus voluntarius. Denique ex leuitate causæ vel effectus, quando non ex odio proximi, non ex maleuolentia boni alieni, non ex voluntaria superbia & ambitione saculi: quando non inde detractiones nec murmura, non contentiones, non emulationes quæ in aperta vel occulta detrimenta dimanent: tunc profecto minus graue est vitium, & tanto minus graue aut magis leue quanto inde damna vel nulla vel leuiora sunt.

Sic itaque probos inter viros, aut nulla prorsus aut valde leuis videretur esse inuidia, Nam vt ait Sapiens, *Religiositas custodiet, & Ecclesi. 1. iustificabit cor, iucunditatem atque gaudium dabit, fugabitque illam tristitiam qua ex alieno bono contrahitur animus, & vnde formatur inuidia, Non in contentione & emulatione, sed induimini Dominum Rom. 13. Iesum Christum.* Nonne hoc Viris religiosis maxime proprium & commendatum?

II. P V N C T V M.

SED videant, & se ipsi obseruent non alios, an ita Iesum induerint, aut indutum forte exuerint. Tu qui hæc legis vel audis, reuolue tria illa capita & coram Deo perpende quam sint in te illa leuia vel graua. Non est forte fratris tui virtus, non gratia supernaturalis, aut æterna beatitudo cui soleas inuidere; absit, Tu longe meliora sentis. Sed ausculta: non est eò deueniendum vt dicaris graue aliquid aliis inuidere, paucorū illa est inuidia, & solius pene Dæmonis aut desperatorum hominum. Non illi qui aperte dicuntur in scripturis inuidi, spectarunt illa dona cœlestia. Non hoc fratres Ioseph respexerunt, non hoc Saul, non Iudæi, non Religionis inimici, non alij quique inuidi: sed tantum prosperos æmulorum successus, famam, honorem & alia vitæ præsentis commoda quibus se vident ab illis superari & præferri, vnde dolent & anguntur, quod certe satis est ad grauitatem inuidiæ, cū illa bona quibus inuidetur, fundentur in Virtutibus, & in eorum merito qui nobis præferuntur. *Contemplatus sum omnes labores hominum, ait Sapiens, & industrias animaduerti patere inuidia proximi.* Ecce quod frequentius ab inuidis inuidetur. At nonne hoc est quod inuident qui ex probis & religiosis viris inuident aliis? Nonne hoc est quod illis obuersatur facilius quàm sæcularibus aut minùs probis? Non enim inuident diuitibus eorum diuitias, eorum domos, rura vel prædia; sed suis coæqualibus ampliorem doctrinæ vel sanctitatis famam, successus in sua professione foeliciores, congressus hominum in templis & concionibus frequentiores. *Videbis æmulum tuum in templo, in vniuersis prosperis Israel, vt tabescat anima tua.* Nonne hæc sunt grauiora inuidiæ incentiua & obiecta? Nonne hæc sunt Ecclesiasticis & Religiosis magis familiaria? Nonne hæc te incendunt & exedunt? *An oculus tuus nequam est quia Deus bonus est his & illis?*

Eccle. 4.

2. Reg. 2.

Quod ergo primum est Caput de obiecto inuidiæ, iam patet quàm sit graue. Nunc de secundo quod est motus ipsius vitij vnde quam sit voluntarius vel inuoluntarius agnoscitur. Certe quantò est Conscientia religiosior, tantò aduertit promptius ad primos quosque naturæ deprauatæ motus; atque ex illa fit aduertentia, vt vel illos quamprimùm reprimat, vel si diutius remoratur, tan-

tum dicatur peccare is qui sic aduertens moratur in vitio, quantum aduertentia est clarius & mora diuturnior. *Vsquequo morabuntur in te cogitationes noxiæ?*

At quinam ex omnibus inuidis possunt aut debent aduerrere citius ad primos illos sui peccati motus quàm qui statum profitentur sacratiorem & sanctiorem? Quantum vero moræ vel temporis in his inuidiæ ponunt motibus? an aliquam horæ partem? an solidam & integram horam? nimis certe datum esset: sed vtinam tam breuibus contentus esses spatiis. Nonne vides te totos dies, te totos menses, totos annos, & ipsam pene totam vitam in his transigere commotionibus; non subitaneis, non repentinis non deciduis, & subsilientibus; sed vel vltro accersitis, vel voluntariè procreatis & nutritis, ac propterea longo sermone productis? Quandònam enim cessatur ab hac peste? Quandònam desinunt probis inuidere probi si tamen probi sunt qui sic inuident? *Va illis quia in Induri via Cain abierunt*, Id est, quia suo in vitio sunt demorati.

Tertium ac postremum, vnde leuitas aut grauitas pendet inuidiæ, petendum; diximus ex causa vel effectu, quando scilicet sigulus sigulum videt aut alius quispiam artifex & mercator, sibi oppositum aduertit æmulum qui iactura sua lucrum facit, tunc naturali quodam motu inuidiæ commoueri, nec vltèr tamen progredi, non detrahare, non contendere, non aduersari; certè ex hac causa levis est inuidia, levis etiam in effectu, atque in ipso eius actu levis, qui suam potius iacturam dolet, quàm lucrum alienum. At non sic sæpius inuident sacris addicti rebus: nullam enim iacturam proprie faciunt ex aliorum successibus. Nam si quid temporale illis depereat, non est illorum, temporalia consecrari bona, nihil illis perit quod suum possint dicere. Si quid illis licet appetere, maior est Dei gloria, maiusque cum animæ cum proximi bonum: At certe non illa percunt viris verè probis, neque sunt illa quæ deplorant inuidi, vel si sibi fingant ea deplorare, valde falluntur; cum perinde illis esse debeat, si benefiat per ipsos aut per alios. *Gaude bono meo*, inquit sanctus Augustinus, *& tuum erit*. Non sic temporale bonum communicari potest sicut spirituale, nec proinde sic excusatur à grauitate peccati qui de spiritali bono dolet, atque is qui de temporali. Quid enim doles à me fieri cum tuum sit perinde lucrum ac meum, si gaudere potius velis quam dolere de meo facto? Quod ergo doles, mera est inuidia boni alie-

Ecclesi. 14. ni, mera est animi tui malevolentia, mera est mentis superbia, quæ certe causa longe est dirior unde peccati profluat grauitas. Nequam est oculus inuidi & auertens faciem suam, Quali diceret Sapiens, tunc apparet quàm sit nequam inuidia cum sic à bono quod fieri videt, idcirco auertit faciem, quia bonum est alterius quod malum suum reputat. Sic apte sanctus Augustinus: Cum superbia sit amor excellentia propria, inuidia verò sit odium felicitatis aliena, quid inde nascatur, De Genesi satis in promptu est. Amando enim quisque excellentiam suam vel paribus ad lit. l. 11. inuidet quod ei coaquantur; vel inferioribus, ne sibi coaquantur: vel superioribus, quod eis non coaquantur. 6. 14.

Effectus etiam longe sunt grauiores, siue Deum respicias, siue proximum, siue teipsum. Nam in domo Dei, seruos inter eiusdem Domini, sic inuidere, sic æmulari, sic contendere, plane est odiosum Deo & Christo Domino; Nam, vt ait sanctus Cyprianus, huic periculo consulens Dominus, ne quis Zelo fratris in laqueum Zabulæ incurreret, cum eum Discipuli interrogassent, quis inter illos maior esset, Qui fuerit, inquit, minimus in omnibus vobis, hic erit magnus. Ampu-
L. de Zelo
de Limore. tauit omnem emulationem responso suo, omnem causam & materiam mordacis inuidia eruit & abscidit. Exaltationis apud nos non potest esse contentio; de humilitate ad summa crescimus. QVOD si Apostoli contenderunt, ait sanctus Ambrosius, non excusationi obtenditur, sed cautioni proponitur.

Deinde vero grauior proximorum est læsio, nam hinc schismata, contentiones, emulationes, scandala & graue illud Apostoli:
1. Cor. 1. Diuisus est Christus? Cum sit inter vos Zelus & contentio, nonne carna-
Ibid. 3. les estis, & secundum hominem ambulatis? Quod si inuicem mordetis &
Gal. 5. comeditis, videte ne ab inuicem consumamini. Potestne dici vel cogitari grauius aliquid quàm qui aliis Christianis nutriendis & fouendis sunt destinati, seipsos inuicem mordeant, comedant & consumant? Sibi sunt denique magis graues & noxij, quia, vt dictum est, quo inter se arctiori Sacrae professionis vinculo sunt coniuncti, eo facilius sibi sua omnia communicarent merita, quibus dum se priuant sibi ipsis inuidendo, nonne sibi magis nocent quam quiuus alij de sæculo? Nonne sunt inuidorum nequissimi de quibus
Ecclesi. 14. dicitur; Qui sibi nequam est, cui alij bonus erit? & non iucundabitur in bonis suis. Qui sibi inuidet, nihil est illo nequius, & hac redditio est malitiæ illius: & si bene fecerit, ignoranter & non volens facit: & in nouissimo manifestat malitiam suam. Id est, neque hoc ipsum bonum quod

Quandò inter probos putatur inuidia leuior, tandò saepe, &c. 49

quod facit, bene facit & propter Deum, nam si propter Deum faceret, non inuideret aliis, cum vera Charitas non a muletur, & tam alienis bonis gaudeat, quam propriis. Vide in Aduentu Feria 3. infra Hebdomadam quartam.

III. P V N C T V M.

PATET ergo euidenter quod quanto inter probos forte putaretur inuidia leuior, tanto saepe est grauior, Quod Deus ipse manifestum fieri voluit cum de Sacerdotibus inuidis promptiores & grauiores sumpsit pœnas, quàm de aliis, vt patet in Core, Dathan & Abyron & aliis ducentis quinquaginta proceribus Synagoga quos dehiscens terra deglutiuit: vt tuse describitur in libro Numerorum, *Num. 16.* & paucis sed grauibz à sancto Ambrosio, verbis: *Inmugiens terra in medio plebs scinditur: aperitur in profundum sinus; abripuntur noxij, & ita ab omnibus mundi huius ablegantur elementis, vs nec aërem haustu, nec cælum visu, nec mare tactu, nec terram contaminarent sepulchro.* Sic illi Sacerdotes quorum inuidia & subsequens pœna describitur in primo Machabæorum libro. *Es ne longum faciam,* inquit *1. Mach. 9.* sanctus Cyprianus, *percutis simul populi attendamus interitum. Iudai* *L. de Zelo & liure,* *nonne inde perierunt, dum Christo malunt inuidere quàm credere, obtre-* *stantes magnalibus qua ille faciebat, Zelo excacante decepti sunt, nec ad* *Diuina noscenda, cordis oculos aperire potuerunt. Qua nos considerantes,* *fratres charissimi, contra tantam mali perniciem vigilanter & fortiter* *dicata Deo & vegetata pectora nostra muniamus. Aliorum mors proficiat* *ad nostram salutem. Imprudentium pœna prouidentibus confert sanitatem.* Vide in 2. parte, Sabbato infra Hebdomadam Septuagesimæ: Et Feria 5. infra Hebdomadam primam post Octauam Palchæ.

AD EADEM EVANGELII VERBA:

ET IPSI OBSERVABANT EVM.

*De Christo qui se obseruari passus est, ad exemplum
sustinenda inuidia.*

VERITAS PRACTICA.

Qui paratus est seruare omnia sibi obseruanda, paratus etiam est in omnibus obseruari.

Vel è contra.

Qui non est paratus obseruari in omnibus, non est paratus obseruare omnia sibi obseruanda.

RATIO postrema sententiae unde precedens facilius comprobabitur, hæc est euidentissima, quod qui non est paratus obseruare Charitatem quæ suffert omnia, non est paratus obseruare omnia sibi obseruanda.

Sed qui non est paratus obseruari ab omnibus siue in omnibus, non est paratus ad obseruandam Charitatem quæ suffert omnia.

Ergo neque paratus est obseruare omnia sibi obseruanda; Quod cum apertam importet perniciem, parandus est animus exemplo Christi ad sustinendos quoslibet obseruatores & inuidos.

I. P V N C T V M.

COGNOSCEBAT quidem Dominus malitiam Pharisaorum, inquit sanctus Cyrillus, sed fiebat eorum Conuiua, ut prodesset presentibus per verba & miracula: Addo & absentibus per Exemplum quod statuit sustinendæ inuidiæ seu damnorum omnium quæ nobis inferri possint ab his qui nos obseruant. Neque enim Christiano satis est non inuidere aliis, non obseruare alios ex inuidia, non accusare, non detrahere, nullum denique cuiquam inferre damnum; sed oportet etiam paratos esse ad illata quæuis sufferenda: ut iam supra generatim dictum est in prima parte, die decima sexta Ianuarij. Nunc verò particulatim considerandum ex proposita Veritate, quod nisi parati simus obseruari à quibuslibet inuidis & in quibuslibet voluerint nos obseruare, non simus parati ad obseruanda omnia quæ sunt nobis obseruanda; non sumus parati ad illam fidelitatem & Charitatem quæ suffert

Qui non est paratus obseruari in omnibus, non est paratus, &c. 51

omnia, qui certe defectus longe est damnosior, quam quidquid damni possit ab inuidis, nostro inferri nemini. Sic autem discursus formatur ad pleniorē Veritatis intelligentiam & firmiorem Virtutis praxim inde deducendam. Qui non est paratus obseruare Charitatem quæ suffert omnia, non est paratus obseruare omnia sibi obseruanda. Nam cum inter obseruanda, sit illa Charitas quæ vel maxime super omnia commendatur, profecto qui hanc non obseruarit, quæcumque tandem obseruet alia, nihil aliud expectare potest quam hoc funestum Christi Domini, *Va, quod in Phariseos intorlit, Va vobis quia decimatis mentham, & rutham, & omnes, & præteritis iudicium & Charitatem Dei: Hac autem oportuit facere, & illa non omittere.* Luc. 11.

Quando vel deesses solùm in vno ex minimis quæ obseruanda sunt, non posses dici seruare omnia; quanto certe minus id poterit de te dici, si non obserues quod est præcipuum in obseruandis. Hoc est quod præsertim vrgebat Christus: *Et reliquistis quæ grauiora sunt legis!* Quid hic hæres? dubitasne Charitatem esse ex præcipuis commendatis? An ignoras quod dixit Apostolus: *super omnia, Charitatem habete:* Et cui Charitas defuerit, licet adessent cætera, nihil tamen esse præter as sonans, aut cymbalum tinniens, & nihil prædesse omnia? *Qui non diligit, manet in morte.* Math. 23. Coloss. 3. 1. Cor. 13. 1. Ioan. 3.

IL P V N C T V M.

SED qui non est paratus obseruari ab omnibus, siue in quibuslibet omnibus, non est paratus ad obseruandam Charitatem quæ suffert omnia.

Nam cum inter sufferenda sit illud, vt obserueris, vt inuidearis, & quæcumque hinc damna permittet Deus, libenter patiaris; Nonne si recusas id pati, tam euident est te non habere Charitatem quæ suffert omnia, quàm euidenter patet inter omnia sufferenda numerari ea quæ ab inuidis & obseruatoribus inferri possunt? Nonne idcirco sic permittit Deus bonos à malis exercitari vt per malos boni patientes perficiantur, & per bonorum patientiam mali conuertantur? Sic egregie sanctus Augustinus in Psalmum quinquagesimum quartum ad primum eius versum, vbi quinque proponit motiua huius Charitatis exercendæ in sufferendis inuidis & inimicis. Primum est à Dei prouidentia sic ordinante: *Ne putetis, inquit, gratis esse malos in hoc mundo, & nihil boni de*

G ij

illis agere Deum: omnis malus aut ideo uiuit ut corrigatur, aut ideo uiuit ut per illum bonus exerceatur. Utinam ergo qui nos modo exercent, conuertantur. Secundum est ab exemplo Dei qui suffert ipsum quem habes inimicum & alios. Porro, inquit, tibi ea regula bonitatis praefixa est ut imiteris bonitatem Patris tui qui facit solem suum oriri super bonos & malos. Numquid enim tu habes inimicum, & Deus non habet? Tu quidem cum habes inimicum qui tecum creatus est, ille uero cum quem creauit. Tu inimico tuo quem intolerabiliter pateris quid praestitisti? Tertium obseruanda Charitatis motiuum à fructibus qui nobis inde proueniunt, sic enim post multa pergit: Neque timendum est ne aliquid faciat homo inimicus. Quid enim facturus est? multa mala dicturus, opprobria iaculaturus, in conuitiis sauiturus. Sed quid tibi? Gaude te, inquit, & exultate quoniam merces uestra magna est in caelo. Ille in terra geminat conuitia, tu in caelo lucra. Sed sauiat amplius, posui & aliquid amplius: Quid te securius cui dictum est, Nolite timere eos qui corpus occidunt, animam autem non possunt occidere.

Quartum his continetur sequentibus verbis quae sunt valde notanda: *Quid est ergo timendum, quando pateris inimicum? Ne conturbetur in te dilectio qua diligis inimicum. Etenim inimicus ille homo, caro & sanguis quod uidet in te appetit: Alius autem inimicus oculus rector harum tenebrarum quas tu pateris in carne & sanguine, alterum oculum tuum petit; thesauros tuos interiores depradari & vastare molitur. Duos ergo inimicos constitue tibi ante oculos, unum apertum, & alterum occultum. Apertum hominem, occultum Diabolum; unum dilige, alterum caue. Tum multis pergit declarare quomodo uterque inimicus id in nobis conetur auferre quo vincitur, homo nempe inuidus vincitur ab inuidioso, felicitate, diuitiis, honore & aliis bonis; Diabolus uero vincitur inimici dilectione. Ac tandem concludit; Quomodo ergo homo ambit auferre tibi & detruncare aut auertere felicitatem qua vincitur, sic & diabolus hominem uult vincere auferendo unde vincitur. Sed cura in corde seruare inimici dilectionem qua Diabolus vincis. Sauiat homo quantum potest, auferat quidquid potest: si diligitur aperte sapiens, victus est occultè sapiens.*

Quintum denique quod proponit motiuum est, quod nisi seruetur Charitas, succedit ira & odium quae sunt animi pestes & damna longe magis cauenda quam quidquid inferre valeant inuidi, quamobrem explicans quod ait Dauid se conturbatum & contristatum; *Luctans, inquit, aduersus omnia conuitia omnium Conuitia-*

torum, non ut aliquem eorum, comitium reddendo, vinceret: sed ne aliquem eorum odisset. Hinc orat, hinc petit: Intende mihi & exaudi me. Contristatus sum in exercitatione mea & conturbatus sum, à voce inimici, & à tribulatione peccatoris.

Hoc est vere observare Charitatem quæ suffert inimicos, quando quis magis timet ne lædatur Charitas inimici, quam re ipsa ab inimico lædatur; Quod ut innoteat quam sit iustum & æquum, sic apte admodum prosequitur sanctus Augustinus, ad hunc sequentem versum, *Cormen conturbatum est in me, & formido mortis cecidit super me. VITA* nostra, inquit, dilectio est. Si vita dilectio, mors odium est. Cum ceperit homo timere nùm oderit quem diligebat, mortem timet, & acriorem mortem, & interiorem mortem qua occiditur anima non corpus. Attendebas hominem sciëntem in te: quid erat facturus contra quem, tibi securitatem tuus Dominus dederat, dicens, Nolite timere eos qui corpus occidunt? Ille sciendo, corpus occidit: tu odium habendo, animam occidisti: & ille corpus alienum, tu animam tuam. Metus ergo mortis cecidit super me. Metuendo scilicet priuationem Charitatis quæ tunc amittitur quando quis nimis timet, ne ab aliis male habeatur, & qui propterea non est paratus in omnibus & ab omnibus observari. O timorem tam peruersum & funestum quam relictus est alius & salubris. *Illic trepidauerunt timore, ubi non erat timor. Ps. 52.*

III. PUNCTVM.

QUI non est igitur paratus observari ab omnibus, & in omnibus, non est paratus observare omnia sibi observanda: Cum non sit paratus ad illam Charitatem quæ imprimis commendatur, & quæ imprimis commendatum habet, ut si qui sint observatores vitæ & morum, sufferantur propter Deum qui sic de nobis statuit, propter ipsius Charitatis meritum, quæ alioquin violatur, propter animæ nostræ perfectionem & salutem quæ tota in patienti Charitate consistit.

Stupenda infania animarum, inquit sanctus Bernardus, *non cum-
tor turbas mihi custodiendas colligere, & unum super propriam, gra-
nor habere custodem. Plus timeo dentes lupi, quam virgam Pastoris.*
Quæ quidem sancti Patris dicta possunt ad illos transferri obser-
uatores qui licet aliud intendant, mihi tamen à Deo dati sunt,
ut vel ex eorum malevolentia proficiam, & ea vitia corrigam

quæ numquam fortasse aliter emendasset.

Ad Ephac.
in Epist.
1. 3. 12.

Denique luculentum huius ad invidios obſervandæ Caritatis exemplum habes in ſancta Paula vidua, de qua ſic ſanctus Hieronymus: *Semper quidem virtutes ſequitur invidia, ſeruntque ſummos fulgura montes, nec mirum, ſi hoc de hominibus loquar, cum etiam Dominus noſter Phariſæorum zelo ſit crucifixus, & omnes ſancti annulos habuerint: In Paradifo quoque ſerpens fuerit, cuius invidia mors introiit in orbem terrarum.* Inſcitauerat ei Dominus Adad Idumæum,

3. ap. 2.

qui eam colaphizaret, ne ſe extolleret: & quaſi quodam ſtimulo carnis ſæpius admonerat, ne magnitudo virtutum altius raperet, & aliarum vitis feminarum ſe in excelfo crederet conſtitutam; Ego aiebam, li-nôri eſſe cedendum, & dandum inſania locum, quod feciſſet Iacob in

3. Reg. 17.
2. 13
Gen. 28.

fratre ſuo Eſau, & Dauid in pertinaciſſimo inimicorum Saul: quorum alter in Meſopotamiam fugerit, alter ſe Allophylis tradideris, malens hoſtibus, quam inuidis ſubiacere. At illa reſpondebat: iuſte hæc diceret, ſi Diabolus contra ſervos Dei & ancillas non ubique pugnaret, & ad omni a loca fugientes non præcederet: ſi non ſanctorum locorum amore retineret, & Bethlehem meam in alia reperire poſſem parte terrarum: Cur enim non patientia liuorem ſuperem? Cur non humilitate frangam

Rom. 12.
Ad 5.
Philipp. 1.

ſuperbiam, & percutienti maxillam offeram alteram: dicente Apoſtolo Paulo: Vincite in bono malum. Nonne Apoſtoli gloriabantur, quando pro Domino ſunt paſſi contumeliam? Nonne ipſe Saluator humiliavit ſe, formam ſervi accipiens, & factus eſt obediens Patri uſque ad mor-

Job. 41.
Matth. 5.

tem, & mortem Crucis, ut nos ſua paſſione ſaluaret? Iob niſi certaveſſet, & vicideſſet in pralio, non accepiſſet coronam Iuſtitie, nec audiſſet à Da-

Pſal. 38.
Pſal. 37.

mino: putas me aliter locutum tibi, quam ut appareres iuſtus? Beati dicuntur in Euangelio, qui perſecutionem patiuntur propter iuſtitiam. Secura ſit conſcientia, quod non propter peccata patiamur, & afflictio in ſeculo, materia pramiorum eſt. Si quando procacior fuiſſet inimicus, & uſque ad verborum iurgia proſiliſſet, Illud pſalterij decantabat: Cum conſiſteret aduerſum me peccator, obmutui, & ſilui à bonis: Et ruriuſus Ego autem quaſi ſurdus non audiebam, & quaſi mutus non aperiens os ſuum. Et factus ſum ſicut homo non audiens & non habens in ore ſuo increpationes.

Vide in 2. parte, Feriam 3. infra Hebdomadam Septuageſimæ.

Ecce homo quidam Hydropicus erat ante Illum.
Luc. 14.

VERITAS PRACTICA.

Hydropifis animi Concupifcentia, quò ſibi eſt indulgentior, ſibi eſt dirior.

RATIO EST, Quia ſibi eò eſt dirior, quò malum ſuum magis auget.

Sed quo ſibi eſt indulgentior, eo malum ſuum magis auget.

Ergo & eò ſibi eſt dirior, Ac proinde cauenda talis indulgentia, poſtulandaque ſanitas à Chriſto Domino.

I. PUNCTVM.

AN ſe ſua ſponte hydropicus produxerit in conſpectum Domini, vt ab eo ſanaretur: an illum intruſerint Pharifai, vt occaſionem Chriſto darent faciendi quod arguerent ſi eum ſanaret in die ſabbati, dubitari poteſt; ſed parum refert ad fructum eliciendum ex illius aſpectu hominis qui prauam Concupiſcentiam ſiue honorum, ſiue commoditatum, ſiue voluptatum tam aperte refert, vt vix alio corporis morbo reſpræſentetur aptius. Sic ſancti Patres, quos inter luculente ſanctus Auguſtinus: *Et habes, & concupiſcis, plenus es & ſitis: hydropem habes* 2. de quaſt. *Concupiſcentiam.* Et rurſum. *Hydropicus diues auarus, qui quo* Euang.
magis abundat, magis ſiit. Sanctus Item Gregorius: *Sanatur Hy-* Mor. 14.
dropicus ante Pharizaum: per agridinem enim corporis illius, huius cordis agridudo exprimitur.

Cum porro multa ſint in quibus vtræque ſimul conueniat hydropiſis, tum in eo præcipue quod pridem poëta dixerat: *Creſcit indulgens ſibi dirus hydrops.* Satis id patet in corpore; quam vero non minus ſit verum in animo, ſic poſita Veritas totidem

pene verbis exprimit, *Hydropisis animi. Concupiscentia quò sibi est indulgentior, eò sibi est dirior.* Quod certe si attentè consideretur, non parum valet ad coërcendam illam indulgentiam. Sic autem euidenter declaratur. Eo sibi quisquis est dirior quo suum vltro & sponte malum auget, malum scilicet quod est manifeste perniciosum animo, vel etiam corpori vel vtrique simul, vel alterutri separatim. Sunt itaque tria hic malorum genera distinguenda. Primum est eorum quæ corpus quidem affligunt, sed vel ipsi corpori vel animo salubritatem conferunt vt medicina, jejunia, Meditationes & poenitentia voluntaria, quæ sunt quidem mala corporis, sed mala salubria & necessaria quando discrete, opportune & rationabiliter vsurpantur. *Castigo corpus meum & in seruitutem redigo.*

1. Cor. 9.

Secundum genus eorum est quæ solum affligunt animum vt Contritio, Zelus, Compassio & similia quæ dolorem certe incurrunt sed salutiferum & optandum. *Etsi contristati vos in epistola, non me pœnitet,* inquit Apostolus, *etsi pœniteret, videns quod epistola illa, et, ad horam, vos contristauit, nunc gaudeo, non quia contristati estis, sed quia contristati estis ad pœnitentiam. Contristati enim estis secundum Deum, ut in nullo detrimentum patiamini ex nobis. Quæ enim secundum Deum tristitia est, pœnitentiam in salutem, stabilem operatur: sæculi autem tristitia mortem operatur.* Quasi diceret, tristarer tristitia vestra tamquam vestro malo, nisi tristitia vestra bona esset & vestrum bonum.

2. Cor. 7.

Vnde tertium est mali genus quod est animi vel corporis, & vtrique sic perniciosum vt non modo sit infrugiferum & nullius emolumenti, vt sit etiam nociuum sanitati & saluti. Qualis est illa tristitia sæculi, tristitia de amissione temporalium aut de alio quouis diuerso casu, quæ quidem naturalis est & humana quoad primos saltem motus, sed dum vltro augetur quâ verbis, quâ lamentis, quâ diurnis & nocturnis complorationibus, crudele est, sæuū ac durum malum, tantòque dirior sibi quis esse dicetur, quanto malum hoc sibi volens augebit. *Tristitiam non des anima tua, & non affligas temetipsum in consilio tuo. Multos enim occidit tristitia, & non est utilitas in illa.* Nonne hoc est crudelem & durum sibi esse, sic seipsum gratis occidere?

Ecclesi 30.

Atque idem de sæculari gaudio dixeris quod ex ambitione, ex luxu & gula & aliis sæculi voluptatibus percipitur, sicut perniciosum

perniciosum est animo malum & saepe corpori, sic quisquis sibi malum illud auget, sibi est plane dirus. *Qui latantur cum male fecerint, & exultant in rebus pessimis, quorum via peruersa sunt, & infames gressus eorum.* Tunc melius est ire ad domum luctus quam ad domum conuiuij. In illa enim finis cunctorum admouetur hominum, & viuens cogitat quid futurum sit. Tunc istis dicitur, *miseri estote & lugete, & plorate; risus vester in luctum conuertatur, & gaudium in mœrorem:* quia scilicet talis risus malum est animæ, quod quanto quis sibi auget, sibi certe est dirior. Nonne propterea dictum ab Angelo quod *qui faciunt peccatum & iniquitatem, hostes sunt animæ suæ?* Cur porro nisi quia peccatum est animæ malum? Et nonne idcirco etiam quo qui malum illud in se augebunt, eò sibi diriores erunt hostes?

II. P V N C T V M.

SED quo sibi est indulgentior Concupiscentia, eò malum suum magis auget.

Primo quale sit malum Concupiscentiæ, sic vniuersim describit sanctus Bernardus: *Quid in homine purum ab hac macula, immune ab hoc contagio poterit inueniri? Ab intus manat, de corde exit pestiferum virus, ac deinceps corpus occupat vniuersum, mentem desideriis afficit, membra illecebris inficit. Inde pruritus aurium, oculorum petulantia, inde olfaciendi voluptas, inde in fancibus tam inordinata delectatio, inde in vniuerso corpore mollitiei sensus, & libido perniciofa tangendi: inde intus in anima ebrietas illa desideriorum, & fornax quadam ambitionis, auaritiæ, inuidiæ, contumaciæ, nequitiae, & omnium denique vitiorum affectibus vehementer accensa.* Et paucis interiectis: *A planta pedis usque ad verticem non est sanitas in me, totum infecit Concupiscentia. Lex peccati in membris omnibus inuenitur, vndique per fenestras mors intrare contendit: & intus fomes totius nequitiae periculosius sauit, crudelius malignatur.* Breuius quidem sacra Scriptura, sed efficacius mala hæc omnia comprehendit quando totius mundi malitiam & cunctorum perniciem hominum ad hanc vnā refert causam: *Radix, inquit, omnium malorum est cupiditas.* Et rursum: *fugientes eius quæ in mundo est concupiscentia corruptionem, quasi diceretur, si hanc effugeris, sicut totam mundi malignitatem effugies; aut è contra, si præstes animæ tuæ concupiscentias eius, faciet te in gaudium*

inimicis. Id est, in potestatem eorum devenies, periisti. Nihil magis ambit Dæmon quam ut illis indulgeas. Nihil minatur Deus acerbius quam quod, *Ibunt in adinventionibus suis, Dimisi eos secundum desideria cordis eorum.*

Deinde vero, quod hic præsertim proponitur expendendum, Quò Concupiscentia sibi fuerit indulgentior, eo malum illud suum adaugebit; nam vel peccata erunt grauiora & frequentiora, quod certe magnum est mali augmentum, vel ipsa vehementius inflamminabitur Concupiscentia, ut non modo ad singularem aliquem vicij actum repente conuolet, sed inde ad omnes prout occurrent, accendatur acrius, & quo plus sunt potæ plus sitiantur aquæ. Sic enim, *ignis est qui numquam dicit sufficit, & qui fomentis alitur.* Sanguisuga est cuius filix seu commotiones sic dicunt *sempet, asper asper*, ut id dicant importunius quo plura illis attuleris: *Filix sunt illæ quibus non est hilaris ostendenda facies*, ut monet Sapientis. Seruus ille est quem si delicate nutrieris, postea senties cum contumacem. Ancilla illa est quæ si fuerit hæres Domine, tantam excrescet in potentiam, ut non possit eam sustinere terra. Vinum illud est, denique quod aspicitur quando flauescit, & cum resplendueris in vitro color eius, ingreditur blandè: sed in nouissimo mordebit ut coluber, & sicut regulus venena diffundet. Nonne hoc est malum augeri blanditiis? nonne hoc est Concupiscentiæ perniciem ex Indulgentia crescere? nonne hoc est de quo deinceps dubitandi nullus super sit locus cum id tam variis Scriptura symbolis & figuris expresserit?

III. P V N C T V M.

ERGO hydropisus animi Concupiscentia quò sibi est indulgentior, eò sibi est dirior, quia malum ipsa suum dum nutrit, auget: & dum malum suum auget tam dira sibi est quàm graue est illud malum quod fouet. Quid autem grauius malo illo quod est malorum omnium radix & seminarium? *Hæc est crudelis bestia, fera pessima, rapacissima lupa, & leana sauisima*: si Diuo Bernardo credimus. Hic ille serpens quem maxime nobis timebat Apostolus, *ne sicut Euam seduxit astutia sua, ita corrumpantur sensus nostri, & excidant à simplicitate quæ est in Christo.* PRONA est enim in ventrem delectatio sicut serpens, ait sanctus Ambrosius: *non pedibus incedens aut vllis eleanata crutibus, sed sinuoso sinu totius velut corporis sui lubrica.*

Serm. 3.
de Resurr.
Dom.
2. Cor. 11.

L. 6. ep. 42.

Ei terra cibus est sicut serpenti, quoniam escam nescit caelestem. Corporalibus enim pascitur, atque in varias mutatur species cupiditatum & tortuosis angulatur anfractibus. Venenum in dentibus habet, quibus unusquisque se cuiuserat luxuriosus, belluo internecat, abliguritor perimit. Quantos ruperunt vina? dissoluit ebrietas? distendit cruditas?

Hinc & apte sanctus Chrysostomus vitam in deliciis positam Meretrici comparat, cuius etu cultus quidem & ornatus appareat splendidus, ipsa tamen eius facies paulo attentius intuenti sit foeda, horrida, aspera, amara, crudelis, Vnde & pergens: Et in hoc maxime est, inquit, in quo sine venia habendi sunt cuncti quos decipit: quod cum tam turpis sit eius vultus, barbarus ac truculentus, tamen multi ab ea capiuntur. Et cum videant apud eam cruenta omnia, periculis, mortibus & precipitiis plena: cumque eam stipari videant sodalibus pessimis, contumeliis dico, liuore, insidiis, metu iugi, tremore frequenti, & mille aliis huiusmodi infauis consortibus velut anguium corona circumdari, fructum vero in his nullum alium nisi interitum esse, perniciemque perpetuam, expetitur tamen à pluribus, & amabilis exoptabilisque habetur!

Quamobrem, ut scribit sanctus Basilii, totum est corpus castigandum, ac fera cuiusdam instar cohibendum, & ab ipso aduersus animam tumultus orientes, Ratione veluti flagello compefendi, ne frangam volutati omnino laxando, Mens velut auriga ab equis contumacibus misere rapiatur; ac inter cetera, Pythagorae meminisse dicti oportet, qui videns quendam se cibis lautè curantem ac saginantem, Heus, inquit, miser, non desines continuo duriorem tibi carcerem preparare? Et ne forsan frangaris animo, tanta tuæ concupiscentiæ potentia perturbatus, vel adhibendæ castigationis tam crebro repetitis admonitionibus perterrefactus; Audi Consolationem, inquit sanctus Bernardus, peccatum in foribus est; Nisi ipse aperias, non intrabit. Appetitus in corde prurit, sed sub te est: nisi sponte cesseris, nihil nocebit. Audi Consolationem: Consensum cohibe, ne praeualeant haec, & immaculatus eris, ut sine macula ingrediaris & ipse ad habitandum in tabernaculo, & requiescendum in monte sancto Domini Dei tui. Si tui non fuerint dominati tunc immaculatus eris, & emundaberis à delicto maximo. Maximum plane delictum quod interiorem & exteriorem hominem occupat uniuersum. Vide in 1. parte, Feria quinta infra Hebdomadam quintam post Epiph.

In 2. parte, Feria 5. infra quinquagesimam: Feria 4. & aliis se-

quentibus infra Hebdomadam Passionis : Feria 4. & 6. infra Hebdomadam 1. post Octauam Paschæ. In Festo sancti Marci. In sexta & septima Consideratione de variis statibus.

In 3. parte, Feria 4. infra Hebdomadam 5. post Octauam Pentecostes. Sabbato infra Hebdomadam nonam : ac præcipue FERIA 6. infra decimam quartam, vbi hæc Veritas proponitur præcedenti satis conformis :

Etsi in aliis Concupiscentia sæpe peccatum munuit, in te tamen sæpius auget.

Vide etiam in Consideratione de voto Castitatis.

In 4. parte, Feria 4. infra Hebdomadam 17. Feria sexta & Sabbato infra decimam octauam. Feria 6. infra decimam nonam. Sabbato infra vigesimam tertiam. Tota pene Hebdomada vigesimo quarta. In Festo sancti Michaëlis, & S. Angeli Custodis : & S. Lucæ.

DE SANATO HYDROPICO.

Ipse vero apprehensum sanauit eum, ac dimisit.

VERITATES PRACTICÆ.

Quod grauius in te est malum, hoc minus vis sanari.

Vide in 1. parte, Feria quinta infra Hebdomadam sextam post Epiphaniam.

In plagis sanitas.

Vide in 2. parte Dominicam. 1. post Pascha.

Quod vidéris tibi velle, velles quidem, sed vere non vis.

Vide Feria 2. infra Hebdomadam 12. ad hæc Christi Verba. Vis sanus fieri?

CONTRA SUPERBIAM VEL
AMBITIONEM.

*Cum inuitatus fueris ad nuptias, non discumbas
in primo loco.*

VERITATES PRACTICÆ.

Qui se Christi exemplo non humiliat, exemplo Dæ-
monis humiliabitur.

In 2. parte, Feria 4. infra Hebdomadam Septuagesimæ.

Qui sectatur honores mundi quos fugit Christus, à
Christo fugit ad mundum.

Dominica 4. Quadragesimæ.

Gloriam Christi vertimus in ignominiam, si aliam à
Christo quærimus gloriam.

*In 3. parte, Feria sexta infra Hebdomadam primam post Octauam
Pentecostes.*

Videnda tota Hebdomada infra Hebdomadam duo-
decimam, in eadem 3. parte.

DE HUMILITATE.

*Cum vocatus fueris, vade, recumbe in nouissimo
loco.*

VERITATES PRACTICÆ.

Humilitas ita pugnat cum honoribus, vt non repu-
gnet obedientiæ.

62 FERIA 2. Hebd. 16. post Oct. Pent. De Infantia Christiana.

Quo quis est major, eò est humilior.

Se anteponit Christo qui se omnibus non postponit.

In 1. parte. In tribus postremis secunda Aduentus Hebdomada feriis.

Quanto se humilis minorem facit, tanto magis magnificat Christum.

In 1. parte, FERIA 4. infra Hebdomadam 4. Aduentus.

Veras virtutes magis times quam amas.

In 1. parte, die 19. Ianuarij.

Quo quis inferior est in ordine hominum, eò superior est in Christi ordine.

In 2. parte, FERIA 4. infra Hebdomadam 4. Quadragesima.

Quæ sunt ambitioso detrimenta, hæc sunt humili lucra.

FERIA 4. infra Hebdomadam 2. post octauam Pasche.

Hic erit verè maximus, qui verè est minimus.

In Festo S. Francisci de Paula.

Qui eminentior est in eminenti scientia, minus inter homines eminere cupit.

FERIA 3. infra Hebdomadam Pentecostes.

Interrogatus quid primum, quid secundum, quid tertium, responde Humilitatem.

FERIA sexta huius Hebdomada.



HAC HEBDOMADA agitur de Infantia seu paruitate Christiana, cuius cum plures sint partes siue proprietates, ex his aliæ sunt necessariae ad veram Conuersionem, aliæ vero perutiles ad perfectionem consequendam & conseruandam, prout demon-

stratur in consequentibus Christi Domini Verbis quæ habentur Matthæi capite decimo octauo, Marci nono, & Lucæ decimo septimo.

FERIA SECVNDA.

DE NECESSITATE AC PRÆSTANTIA INFANTIAE CHRISTIANAE.

*Tres Veritates Practicæ proponuntur post explicatum
Euangelicæ narrationis textum.*

CVM Christus Dominus pro se ac Petro solo, voluisset tributum solui, tum cæteros mouit Apostolos hæc cogitatio & quæstio: *Quis eorum esset maior.* Qua quidem in re, videbantur utroque laborare vitio, nempe vitio Intellectus & altero Voluntatis, siue quod idem est: *Errore & Cupiditate.* Quod cum non auderent propalare, nec vt aperte cogitabant inquirere à Domino; proponunt illi aliis Verbis, quis maior esset in regno cœlorum. Tum verò aduocans IESVS paruulum, statuit eum in medio eorum, & dixit: *Amen dico vobis, nisi Conuersi fueritis & efficiamini sicut paruuli, non intrabitis in regnum cœlorum.* Quasi diceret, Tantum abest quamdiu sic contenderis de primatu, vt quis vestrum primas sedes in illo cœlorum regno teneat, quin certo vobis affirmo neminem vestrum eò ingressurum nisi ab illa conuersus fuerit ambitione sæculi, quæ vos agitat, & tam parum affectus fuerit ad vanos mundi honores, quàm hic paruulus qui de illis non cogitat.

Sic primo respondet Dominus ad eam ipsorum cogitationem & contentionem de qua disceptabant, quis eorum esset maior: Deinde autem ad Verba & ad eam interrogationem qua petebant, quis futurus sit maior in regno cœlorum, vt magis præcise respondeat, hæc addit: *Quicumque humilianerit se sicut paruulus iste, hic est maior in regno cœlorum.* Quibus sic breuiter delibatis, tres hæc possunt proponi Veritates Practicæ.

PRIMA VERITAS.

Aut baptismalis seruanda est innocentia, aut per infantiam spiritualem reuocanda.

Apoc. 21. **RATIO EST,** Quod in Regnum cœlorum non intrabit aliquod coinquinatum, vt est in Apocalypsi.

Sed nisi baptismalis seruata sic innocentia, vel nisi per infantiam spiritualem reuocetur, nullus intrabit regnum cœlorum, aut intrabit aliquod coinquinatum.

Ergo aut baptismalis seruanda est innocentia, aut per Infantiam spiritualem reuocanda: Sicut expresse suos Christus docet.

P R I M A propositio nullam habet difficultatem. Secunda sic declaratur; Intraret in cœlum aliquod coinquinatum, si animus eò intraturus inordinato aliquo deprauatus esset affectu. Talis enim affectus, certe est aliquod coinquinatum & maculatum. At vero nisi adsit infantia spiritualis, non deerit inordinatus affectus quo animus deprauetur. Nihil namque est aliud Infantia illa spiritualis, quam simplicitas animi & puritas ab omnibus illis affectibus qui coinquinant animum & deprauant.

1. Pet. 1. Sicut modo geniti Infantes, inquit sanctus Petrus, quod quid sit declarans alibi, *Satagite*, ait, *immaculati & inuiolati ei inueniri in pace.* Quod & sanctus Paulus vno Verbo dixit, *Malitia paruuli estote.* Sic enim fidelis eius Interpres Diuus Chrysostomus hoc exponit Verbum: *Nihil eorum quæ sunt in terris queratis: affectu scilicet inordinato, vt qui hoc mundo vtuntur, tanquam non vtantur, & tanquam paruuli qui quidquid querunt; innocenter querunt.* Sic & Diuus Hieronymus, *Tales sitis per virtutem, qualis puer per naturam.* Quasi diceret: Hæc est pueritia seu infantia spiritualis, sic purum esse quasi puerum: & hæc puritas intraturo regnum cœlorum tam est necessaria quàm non esse coinquinatum, cum nihil magis excludat coinquinationes animi quàm illa puritas.

Vnde & aperte concluditur, Ergo & tam necessaria est infantia

fantia spiritalis quæ est ipsa mentis puritas aut in baptismo infusa, qua velut infantes renascimur puri & immaculati, vel si forte perierit, per virtutem reuocatur, qua resecitis omnibus vitiis & concupiscentiis similes pueris, puritate morum efficitur. Sic egregie sanctus Hilarius propositam explanans Christi sententiam: *Non nisi reuersos*, inquit, *in naturam puerorum introire regnum cælorum Dominus docet, id est, per simplicitatem puerilem vitia corporum nostrorum, animaque reuocanda.*

O quam pauci hæc cogitant, aut ex his etiam qui hæc cogitent quàm pauci credunt sibi baptismalem esse conseruandam innocentiam, aut reuocandam.

Audi vero ipsum Concilium Tridentinum, ne vt deinceps dubites: *Stolam*, inquit, *candidam & immaculatam iubentur statim renouari conseruare, vt eam perferant ante Tribunal Domini nostri Iesu Christi, & habeant vitam æternam.* Quasi diceret, alioquin non habebunt vitam illam æternam quæ non datur nisi puris & immaculatis, quales sunt pueri & infantes, non natura, non ætate: sed virtute & gratia.

Quæ contra possent obijci, sequenti Veritate diluuntur.

SECUNDA VERITAS.

Nisi ab omni cupiditate voluntas, sicut ab omni errore Intellectus verè conuertatur, vix vlla est vera Conuersio.

RATIO EST, *Quia nisi Conuersio sit totius hominis, siue ex toto eius corde & animo: vix aut ne vix vlla est eius vera Conuersio: Sic enim expresse Dominus, non est reuersa ad me praua-
trix in toto corde suo, sed in mendacio.* Id est, ex parte quadam & non omnino, quod non est verè conuerti.

Sed non est Conuersio totius hominis, siue ex toto eius corde & animo nisi ab omni cupiditate voluntas, sicut ab omni errore Intellectus verè conuertatur. Nam cum voluntas sit æquè pars hominis ac intellectus, quomodo dici poterit homo conuersus totus, nisi ex illa perinde ac alia parte sit conuersus? Quod si ad veram Intellectus Conuersionem necesse fuerit vt omni prorsus errore Liberetur, cur non ad veram voluntatis conuersionem non etiam

1. Reg. 7.

oportebit vt omni praua cupiditate purgetur, cùm praua cupiditas sit æquè vitium voluntatis quod displicet Deo ac error Intellectus? Si nemo dubitat illum Intellectum nondum plenè esse conuersum in quo vel vnus voluntarius resideat error: cur dicetur voluntas conuersa, si voluntariam & inordinatam aliquam retineat cupiditatem? Nonne tantum subtrahitur ex toto corde quod est dandum Deo, quantum prauæ datur cupiditati? Quomodo igitur fiet Conuersio ex illo toto si permittatur illa subtractio? *Si in toto corde vestro reuertimini ad Dominum, auferre Deos alienos de medio vestri.* Nonne ad Ecclesiæ sanctitatem atque ad puritatem Religionis Catholicæ spectat, sic condemnare quodlibet vitium, ac quemuis errorem? Nonne iam audiuiſti ex magno Leone Papa: *Virum Catholicum sicut nullo implicari errore, ita nulla oportet cupiditate violari?* Quid clarius? Quid expressius? Et tamen quid rarius, quam sic vnumquemque velle se ab omni prorsus cupiditate auertere, sicut ab omni errore liberari? Qui errare velit & decipi vix vllus est: qui verè inordinate cupiant hoc tam multi volunt quàm multi sunt suis in affectibus parum ordinari!

Nec dicant non esse lethiferam & grauem illam suam cupiditatem qua permouentur, sed leuem aliquam & venialem quo nemo liber & immunis existit. Quid enim graue peccarant Apostoli quibus dicitur quod nisi conuertantur & fiant sicut paruuli non intrabunt in regnum cœlorum? An putas illorum contentionem fuisse mortiteram? Non est credibile. An te putas minus superbum aut vanum, quam illi? Hoc ipsum esset magis vanum si tu id crederes. Hoc itaque cogitandum, quod quantumcumque leuis sit cupiditas, si voluntaria est, cito crescet & in mortalem desinet, vt ex sancto Thoma & aliis Patribus, fuisse alibi est demonstratum: vnde colligitur quod voluntaria cupiditas est velut proxima quædam occasio ad grauius crimen, & sicut non diceretur conuersus à peccato qui nollet eius incurrendi occasiones quas apud se habet, relinquere; sic plane qui nolit omnem prauum affectum deponere, vnde nimis procliuè est in lethalem recidere.

Neque illud excusat quod nemo à peccato sit liber, nam aliud est ex fragilitate vel inaduertentia nonnihil aliquando peccare, & aliud ex deprauato & voluntario affectu. Sicut aliud est er-

Nisi ab omni cupiditate voluntas sicut ab omni errore, etc. 67

rare imprudenter seu nescienter, quod fit sæpe humanitùs; & aliud scientem ac volentem errare. Vnde rursùm eò te prouoco quod sicut volens ac libens nolles errorem vel leuem touere in animo, sic plane neque velle debes cupiditatem leuem. Et sicut conuertendus ab hæresi qui nollet aliquos sectæ suæ libros vel socios deferere quibuscum periculosum esset conuersari, nonne illum vrgeres & premeres ne quid tale retineret? Nonne si per-uicax esset in illa sua voluntate, quantumcumque suos omnes alios videretur errores abjicere, suspectus tamen tibi esset, & vix bene conuersus crederetur? Sic prorsus de quouis alio grauiori crimine, si quod est grauius, deponis quidem; at quod est leuius, retines. Suspecta mihi est & valde dubia talis Conuersio, neque enim ex toto est qualem esse oportet. *Cum quasieris Dominum* Deut. 4. *Deum, inuenies: si tamen toto corde quasieris, & ex tota tribulatione anima tua.*

Denique, quod rem omnem conficit, nec ab omni vñquam errore poteris vindicari & conuerti nisi ab omni simul cupiditate conuertaris, nam ipsa cupiditas error est vel in causa vel in effectu. Nihil concupiscis nisi quod putas bonum, & tam crebro erras quam male concupiscis: aut enim deprauatus affectus deprauat intellectum & inducit in errorem; aut errans intellectus voluntatem corrumpit & inflectit in vitium. Hinc illa tam frequenter in Scripturis. *Risum reputaui errorem: & gaudio dixi,* Ecclesi. 2. *quid frustra deciperis? Anima dolosa errant in peccatis. Errant qui* Prou. 13. & 14. *operantur malum: & luculente Apostolus, veterem ait hominem cor-* Ephes. 4. *rumpi secundum desideria erroris: Id est, desideria quæ vel errore concipiuntur, vel in errorem inducunt, Et tu qui errare non vis, quomodo desideria voles erroris? Aut quomodo non vides tantum illa esse cauenda, quantum ipse cauere vis ne vñquam erres, aut quantum curas inde auocari & reuerti vbi forte erraueris.*

Quod si dura hæc & creditu tibi & facto esse videntur, ad hoc aduocanda est Infantia spiritualis quæ nos ita dociles & obtemperantes Verbo Dei reddit, *quasi simplices filij Dei sine mur-* Phil. 2. *murationibus & hesitationibus, inquit Apostolus. Ac ne putes tuæ maturitati ætatis iniuriam aliquam facere si repuerascat in illam animi facilitatem & docilitatem, idcirco sequens adjicitur Veritas de præstantia siue de maturitate infantie spiritualis, quæ à Christo nobis commendatur.*

TERTIA VERITAS PRACTICA.

Non est ætas maturior Infantia Christiana.

RATIO EST, Quia maturior ætas illa dicitur in qua Ratio & vera sapientia magis vigent.

Sed magis vigent in Infantia Christiana quàm in culla vite naturalis parte, prout est naturalis & humana.

Ergo nulla est ætas maturior, ac proinde non est timenda ne ætati nostræ præjudicet: imo idcirco est procuranda, ut quod natura deest, virtute nobis accedat & gratia.

I. P V N C T V M.

PROPOSITÆ Veritatis fundamentum hoc est, quòd illa dicitur ætas maturior in qua Ratio & vera sapientia magis vigent. Senectus enim venerabilis est, ait Sapiens, non diuturna neque annorum numero computata: cani autem sunt sensus hominis, & ætas senectutis vita immaculata. Quod explanans sanctus Ambrosius: Verè, inquit, senectus illa est venerabilis quæ non canis sed meritis albescit. Ea enim est reuerenda canities quæ est canities animæ in canis cogitationibus & operibus effulgens: Sanctus quoque Basilii in Prouerbiis: Senior secundum animam est qui prudentia perfectus est, qualis erat Daniel, quamquam corpore iuuenis, sapientiam ac gravitatem omni canitie præstantiorem præ se ferens. Idcirco ei dicunt illi qui erant pleni dierum malorum, huc accede, sede in medio nostrum, nun-
 tiæque nobis quomodo senioris ac presbyteri honorem tibi dederit Deus. Sic, referente Palladio sanctus Macharius Abbas Alexandrinus dictus est Πηδαιγογένης puer senex, quod in puerili ætate senilem sapientiam gereret. Vt è contra dicuntur bis pueri senes qui in senili ætate puerilem ostendunt lenitatem.

Denique sit nobis instar omnium Christus Dominus qui dum infans & adhuc in vtero castissimæ Matris esset, vir dictus est à Propheta, Fœmina circumdabit Virum, quia scilicet in eo iam tum vige-
 bat Ratio, & Vir per excellentiam ab aliis dicitur quia in eo

Sap. 4.

Ep. 60.

In Prou.

In Lausiac
c. 19.

Ier. 31.

Zach. 6.

vigebat Ratio præstantissima & omni ex parte absoluta Sapiëntia. Vnde quotquot propius ad hanc rationis & sapiëntiæ maturitatem accedent, nonne eò verius eorum atas erit maturior & perfectior? Sic nos optabat Apostolus, *docentes omnem hominem in Coloss. 1. omni sapiëntia: ut exhibeamus omnem hominem perfectum in Christo Iesu. Ephes. 4.* Et alibi, *in virum perfectum, in mensuram atatis plenitudinis Christi.* Id est, sic maturi & perfecti atate qualis erat Christus Dominus non annorum numero, sed recto rationis vsu & sapiëntiæ maturitate. Sed quis eo posset pervenire? Satis est ó anima mea, satis est eò contendere quantum in te erit, cum Gratia; nec argueris si non perveneris: sed nisi quantum potes, contenderis.

II. P V N C T V M.

SED in infantia Christiana maxime vigent Ratio & sapiëntia.

Nam cum ex Scriptura & Patribus iam visum sit Infantiam illam in hoc vel maxime consistere ut quidquid boni & laudabile pueri per atatem faciunt, hoc fiat à viris, Virtute & studio: Certe non potest id ita fieri nisi multum adsit rationis & sapiëntiæ; Vnde Apostolus postquam dixit, *malitia parvuli estote*, statim addit, *sensibus autem perfecti estote*, quasi diceret, non aliter viros posse esse virtute parvulos nisi sint eximij & perfecti viri: Quod & alibi confirmat cum ait: *Sed volo vos sapiëntes esse in bono, & simplices in malo. Rom. 16.* Id est, hoc ipso quo simplicitate & puritate puerili malum omne fugietis, verè tum sapiëntes eritis, cum nihil nisi quod bonum est & laudabile fiet à vobis. Sic & sanctus Ambrosius cum in eo quòd scripsit de officiis opere, virum ex omni parte perfectum format, sic illum instruit: *Ita te compara ut quasi puer malitiam non exerceas: l. 2. omnia à te innocenter proficiantur. Non consideres quid ab aliis in te referatur. Locum tuum serva, simplicitatem & puritatem pectoris tui custodi. Atque idem sanctus Doctor cum fratrem suum Satyrum inde vel maxime prædicaret, ut iam supra notatum est, quod conversus videretur in puerum simplicitate illius atatis innoxia: mox illud jungit, quod sic perfecta virtutis effigie reluceret. Adeo verum est quod sic virum abstinere omni malo, & sic innocentem ac purum esse, qualis est puer, non possit esse nisi viri ratione præstantis eximia, nec non sapiëntiæ singularis ornati dotibus. Et certe si timor Domini Iob. 28. ipsa est sapiëntia, & recedere à malo intelligentia, ut est in libro Iob:*

Nonne oportet singularem illam sapientiam & intelligentiam inesse in ea infantia, cui cauere omne malum est tam proprium & particulare, ut ex hoc vno dicatur infantia Christiana? Sic præclare Tertullianus ad ea quæ ex sancto Paulo superius dicta sunt: *Repuerafcere nos*, inquit, & *Apostolus iubet secundum Deum, ut malitia infantes per simplicitatem, ita demum sapientes sensibus simus, Diuinæ sapientia ordinem de simplicitate amando.* Sic & apte sanctus Ioannes Chrysostomus: *Hoc enim suprema Philosophiæ culmen est, ut cum prudens sis nihil ficti, nihil simulati asciscas. Id Angelorum vita est; Ea nos volentes faciamus quæ ingenita paruulus atque insita duce natura facit.* Satisne tibi videtur esse rationis & sapientiæ beatis illis in Angelis qui toti sunt spiritus & toti Ratio? Si vero talis est in Infantia Christiana Ratio qualem esse in Angelis audiisti, nonne tibi supra humanam rationem sapere dicenda erit tua ætas?


III. P V N C T V M.

NON igitur esse potest vlla ætas maturior Infantia Christiana, cum in illa Ratione & Sapientia qua repletur talis infantia, totus sit positus maturioris ætatis status & tota eius perfectio. *Facti sumus paruuli in medio vestrum*, dicebat ille Apostolus qui se factum Virum alibi refert, & quæcumque essent paruuli plane euacuasse: nempe cum factus est Christianus & Christi Apostolus, tunc vir est factus, & quæ erant Iudaismi, velut paruuli præ Christiano statu euacuata sunt; sed vir ille factus, factus est simul paruulus cum paruulorum simplicitatem & puritatem suo viuendi genere perfectisque Virtutum omnium actibus sic exprimebat, ut nullus esset Apostolo infantior, & nullus eo sapientior. Tu vero tibi à simplicitate timebis? timebisne quid rationi tuæ, ne quid sapientiæ detractum inde videatur! O te vecordem & insanum qui de vera sapientia tam male sentis! Esto, depereat tibi aliquid de mundana & carnali sapientia: Si Diuina eius loco tibi substituitur, an id circo de sapientia tibi detractum censes? Itane de diuitiis subtractum diceres, si argento ferrum, si auro plumbum tibi redimeretur? Nonne hæc sunt lucra, quæ sunt detrimenta? Nonne hoc est se tanto foelicius inuenire, quanto te infœlicius putabis perdere? Ne timeas igitur Infantiam Christianam quasi tunc à viro degeneres, nam in illa perfectio viri est. Sed verere potius ne si renueris esse

Quàm verè Christus maior est inter omnes homines, &c. 71

infans secundum Christum, tunc desinas Christiane sapere, nec de viro retineas nisi nomen & vitium. *Doctrina sua noscetur vir*, ait Prin. 12.
viro *orum* Sapientissimus & stultissimus. Sapientissimus dum coele- ibid. 30.
sti Doctrinæ credidit; stultissimus quando illam abiecit.

Vide in 2. p. Dominica in Albis, ad hac verba: *Quasi modo ge-
niti Infantes.*



FERIA TERTIA.

DE ALTITVDINE PARVITATIS

CHRISTIANÆ QUÆ MINOREM

FACIT MAIOREM.

Nam qui minor est inter vos omnes, hic Major est.

Luc. 9.

VERITAS PRACTICA.

*Quàm verè Christus Maior est inter omnes homines,
tam certo qui minor est inter nos omnes, hic Ma-
ior est.*

*RATIO EST, Quia quod certò facit maiorem aut minorem in-
ter nos, est iudicium certius quo ita iudicatur.*

*Sed quam verè Christus maior est inter omnes homines tam certo
iudicium eius quo ipse iudicat minorem esse maiorem, est certius
aliis omnibus iudiciis.*

*Ergo sic est ut Ipse dicit, & quam verè Christus maior est inter
omnes homines, tam certò qui minor est inter nos omnes, hic
est maior. Et tamen quis Christo credit, cum vix ullus sit
qui nolit esse maior, & vix ullus qui se minorem faciat?*

I. P V N C T V M.



V A M Christus Dominus protulit sententiam de sublimitate paruitatis Christianæ, qua qui minor est, hic sit major, tanto cultu par est à nobis omnibus suscipi, ut quibus sit concepta terminis, particularim ante omnia contemplemur. Trēs illam referunt Euangelistæ; & vnusquisque eorum particulare aliquid annotat quod pondus verbis addit, non leuiter expendendum. Sic sanctus Mathæus: *Quicumque humilianerit se sicut paruulus iste, hic est maior in regno calorum.* Sanctus autem Marcus: *Sic quis vult primus esse, erit omnium nouissimus, & omnium minister.* Sanctus denique Lucas: *Nam qui minor est inter vos omnes, hic maior est.* Quorum quidem omnium idem est sensus & planus: sed tamen ita variatus, ut in re tam noua, tam paradoxa, tamque momentosa tanto clarius cerneretur, quanto variis loquendi formulis velut multiplicatis radiis illustraretur. Quamobrem sua luce sic lucebat Christi Sententia, ut nec opus esset alia Veritate proponenda, nec ipsa Veritas aliud quo magis reluceret lumen exigeret, cum præsertim tam multa de his iam dicta sint, quæ proximè præcedenti hebdomada sunt indicata. Tantū tamen refert de hoc argumentū magis ac magis instrui siue propter eius necessitatem, siue propter animi nostri perniciam qui contrā semper obicitur ut numquam satis dictum & cogitatum censi debeat. Non quidem ut aliud à Christo proponatur, sed quā verum, quā clarum & quā certo illud tenendum sit quod Christus proposuit, quantum fieri potest, manifestius declaratur. Quid autem manifestius quam quod ipse Christus Dominus *inter omnes maior est hominibus*? At porro quā id clarum & apertum est, tam certum ac indubitatum tibi modo denuntiatur esse illud quod dicit, *Qui minor est inter nos omnes, hic maior est*; Vnde nihil plane dubij aut incertū quidquam superesse possit.

Ratio peti posset vniuersum ab Illius Celsitudine qui loquitur, qui cum sit prima Veritas, nec falli potest nec fallere: sed præcisè magis inde deducitur quod illius de rebus Iudicium sit certius humano quouis iudicio. Hoc est enim, generatim loquendo, quod maiorem aut minorem inter nos facit, hoc est quo vnus præfertur alteri, hoc est quo vnus commendatur, & alius deprimitur, nempe Iudicium.

Iudicium humanum, Iudicium quo de rebus homines æstimant aut de se inuicem iudicant. Dic cur diuites præferantur pauperibus? Nonne quia sic homines sentiunt de diuitiis & sic de illo quem alteri anteponunt? Dic quamobrem inter Clericos ordinate procedentes in publicis supplicationibus, qui primi solent incedere, postremi dignitate sunt; & postremi ordine, sunt dignitate primi? Quia sic videlicet censent homines, sic iudicant & loquuntur. Cum è contra inter Laicos habeatur? Quia contrarium de his humanum fertur iudicium. Vnde illud profecto accidit quod si humanum de rebus iudicium sit varium & diuersum, tanto illares quæ anteponuntur aliis certius anteponuntur, quanto erit certius & verius eorum Iudicium qui de rebus illis iudicant: Ac propterea rebus in dubiis, rerum earum intelligentes ac periti adeuntur à quibus quod ignoras intelligas. Nonne hic est vltatus agendi modus? Nonne propterea quando Iudices condemnauerunt Sufannam adulterij, statim *credidit populus tamquam Iudicibus*: sed *reuertimini ad Iudicium*, dixit illis puer Daniel quia certe illi errabant iudicio quod iniquum protulerant. O quam sæpe sic erratur in mundo, ô quam sæpe sic dicendum esset, reuertimini ad Iudicium. Non erratur quod peritis & rerum Intelligentibus credatur potius quam aliis, sed erratur quod periti habeantur iudicij qui reuera sunt imperiti: aut quod qui periti sunt, sint corrupti & deprauati, nec velint quod rectum est iudicare.

II. P V N C T V M.

SED *quam vere Christus major est inter omnes homines, tam certe iudicium quo ipse iudicat minorem esse maiorem, certius est aliis omnibus iudiciis.*

Tria hic tibi declaranda essent si quid eorum lateret. Primum est quid sit esse minorem quem Christus sic æstimat & magnificat, neque enim est qualiscumque puer, nec mendicus, aut ignarus, aut plebeius, aut quiuis ex face populi, qui cum vulgo minores sint, non sunt propterea maiores coram Christo: Quis est igitur ille minor, aut quis ille humilior secundum Mathæum, aut nouissimus secundum Marcum? Nempe is qui vltro & sponte se humiliat siue diues aut pauper fuerit, siue doctus siue ignarus, siue grandæuus siue iuuenis, dum se intus ex animo nihili faciat, &

nihili foris ab aliis fieri gaudeat vel patiat, cedatque omnibus, ac injuriam sufferre potius quam inferre malit, hic est qui se humiliat, hic est qui se nouissimum facit, hic est minor quem Christus majorem facit.

Secundum, quid sit majorem à Christo fieri; nempe aestimari, duci, & talem haberi iudicio & voluntate; iudicio quidem quia sic de illo sentit & loquitur sic anteponit aliis, quemadmodum homines diuitem pauperi præferunt: Voluntate vero, quia talem magis diligit, magis fouet, majoribus augeat hic bonis gratiæ, pluribusque remunerat in cœlo gloriæ gradibus. Quod præclare figuratum fuit in illis minoribus natu qui majoribus suis fratribus apud antiquos illos Patres prælati sunt. Sic Abel ætate minor, major est Cain: sic Isaac Ismaëlem præcedit; sic Iacob

Maub. 20. Esau; sic Rubenum Ioseph: sic Manassez Ephraim, sic Iudæos Gentiles: sic qui nouissimi erant, facti sunt primi, & qui primi nouissimi: Vnde hæc sunt egregia sancti Ioannis Chrysostomi:
Rom. ad 2^{am}. Paulus dicens, non sum dignus vocari Apostolus, & propter hac omnium primus factus est. Idem & Ioannes, non sum dignus soluere corrigiam calceamenti eius, & ideo amicus fuit sponsi; & manum quam dixit esse calceamento indignam, hanc super caput suum Christus attraxit. Sic & Petrus dicebat, Exi à me quia peccator homo sum, Domine: & idcirco factus est Ecclesia fundamentum. Nihil enim Deo tam gratum quam cum extremis peccatoribus semetipsum connumerare. Hoc est totius Sapientiæ principium.

Adde idem de Beatissima Virgine quæ dum se ancillam fecit Domini, facta est eius Mater. Et de ipso Christo Domino qui quo ascendit inferius, eo superius est euectus, ut expresse ait Apostolus. Quod ascendit, quid est nisi quia & descendit? Primum in inferiores partes terra. Qui descendit, ipse est qui ascendit super omnes calos ut impletet omnia.

Quod Christus Dominus in se sic voluit exhiberi ut luculentius esset testimonium suæ in paruos & humiles propensionis.

Tertium denique ac præcipuū quod hic perpendas non tam est explicandum vberius quam attente & pensiculate perlegendum. Quid enim clarius quam quod de certitudine Iudicii, Christi asseritur? Quid apertius quam quod illud longe verius est quouis humano iudicio? Quid planius quam eo ipso quo major est inter omnes homines, eo certius esse & verius eius Iudicium? Nam cur

Major est nisi sua Diuinitate, sua Scientia, sua Sanctitate, sua Sapientia cæterisque suis Diuinis ac humanis attributis? At nonne ex his omnibus patet quam sit verius eius Iudicium? *Si iudico* Ioan. 8. *ego*, inquit ipse, *iudicium meum verum est, quia solus non sum, sed ego, & qui misit me Pater*; Quasi diceret, Idem est Dei Patris ac meum iudicium, vnde sicut Ille nec errare nec in errorem potest inducere, sic neque ego. Quod & paulo ante iam dixerat. *Sicut audio, iudico: & iudicium meum iustum est, quia non quero* Iud. 9. *voluntatem meam, sed voluntatem eius qui misit me.* Id est, nihil quidquam cogitari potest, quod me ab Illo separet nec iudicio, nec voluntate: Vnde idem prorsus sentimus & iudicamus.

Hæc sunt inquam expendenda, quia tam efficacia sunt paulo attente cogitanti, vt nisi quis eorum efficaciam sentiat, non ea satis expendat.

III. P V N C T V M.

ATQVE hinc Conclusio facilis: *Quàm vere igitur Christus Major est inter homines, tam certò qui minor est inter nos omnes, hic Major est.* Quia sic Christus iudicat, quia quod iudicat rectum est; & quia rectum iudicium est ex quo fit vt quis sit alio major. Sic est constitutus omnium Iudex, sic paruos & humiliatos *Att. 10.* exaltabit, sic elatos humiliabit, sic quantum quis glorificauit se & in deliciis fuit, tantum iubet dari tormentum & luctum, vt expresse habetur in Apocalypsi. *Apoc. 18.*

Quid contra est quod opponas? Quid, nisi humanum Iudicium quod aliter de rebus statuit, & de hominibus censet? Sed vtum verius est humanum an Diuinum Iudicium? Vtrum est ex duobus vnde iudicaberis & condemnaberis? Quid de Christo sentis præ cæteris hominibus? An diuinius est Christus vt ipse quidem aliqua sui parte cæteris præstet hominibus, iudicio vero postponatur? Itane Christum æstimas, vt quæ est in Illo & nobis pars præstantior, nempe Iudicium, tu parte illa postponas hominibus Christum?

Quid de Ioanne Baptista sentis? An tibi videtur inter natos mulierum Major esse? Cur porro nisi quia sic Christus iudica- *Matth. 23.* uit & dixit? At vero ipse sic de minori iudicat; Cur non idem credes? Quia videlicet quidquid de sancto Ioanne aut de aliis

dicatur, non ita res tua agitur, quàm cum de te humiliando sit quaestio. Tunc enim natura deprauata magis mouetur, & quantum fugit humiliari, tantum veritates refugit humiliantes minusque probat & credit. Nonne hoc in te aduertis? Nonne vides quam sit hoc inordinatum & peruersum? Nonne hoc est metiri veritatem ex sensu carnis? Nonne hoc est veritatem Dei in iniustitia detinere? Caue hæc probra & scandala. *Qui timent Dominum*, inquit Sapiens, *non erunt incredibiles verbo illius: & qui diligunt illum, conseruabunt viam illius.* Quasi diceret, qui sunt incredibiles Verbo Domini, & qui non conseruant in praxi viam illius, qualis est humilitas & humiliatio, nec timent nec diligunt Dominum, quia si timerent, crederent Verbo eius: & si diligerent, sequerentur eius exemplum. Hoc est esse nimis audacem & impium, nec Verbis nec factis Christi credere.

Rom. 1.

Eccles. 2.



FERIA QVARTA.

DE CORREPTIONE FRATERNA.

Si peccauerit in te Frater tuus, vade & corripe eum inter te & ipsum solum. Matth. 18.

VERITAS PRACTICA.

Si quis corripi noluerit, hoc ipso magis est corripiendus.

RATIO EST, Quia qui corripi noluerit, grauius peccat, grauiusque suo peccato periclitatur.

Sed qui talis est, magis est corripiendus.

Ergo qui corripi noluerit, hoc ipso magis corripiendus est. Quæ quidem Veritas vtrumque spectat officium Correptionis, seu dandæ seu accipiendæ: in quo vtroque multi grauiter peccant.

I. PUNCTVM.

ICET proprie ad Charitatem proximi spectet præceptum Correptionis, quia tamen in ea danda & accipienda oportet multum esse humiles & dociles, apte ad præcedentia Christus Dominus hæc adiecit: *Si peccauerit in te frater tuus, vade & corripe eum inter te & ipsum solum. Si te audierit, lucratus eris fratrem tuum: si te non audierit, adhibe tecum adhuc unum vel duos ut in ore duorum vel trium testium stet omne verbum.* In quibus Christi Domini Verbis sicut præceptum est de facienda Correptione, ita est de audienda; & quia difficilius est eam audire quam facere, idcirco in id etiam attentius incumbendum, ac propterea ex multis quæ circa hanc materiam proponi possent, hæc opportuna magis visa est Veritas tum Corrupturo tum Corripiendo: *Et si quis corripere noluerit hoc ipso magis corripiatur.*

Sic expressis verbis sanctus Augustinus: *Quicumque, ait, corripere non vis, etiam propterea corripiendus es, quia corripere non vis. Non vis enim tua vitia demonstrari, non vis ut feriantur, fiatque tibi utilis dolor quo Medicum quæras: non vis tibi tu ipse ostendi, ut cum deformem te vides, reformatorem desideres, eique supplices ne in illa remaneas sceleritate. Tuum quippe vitium est, quod malus es; & majus vitium, corripere nolle quia malus es: quasi laudanda vel indifferenter habenda sint vitia, ut neque laudentur, neque vituperentur, aut vero nihil agat timor correpti hominis, vel pudor vel dolor.* Et quæ plura prosequitur, in quibus ipsa propolita Veritatis Ratio continetur. Qui videlicet corripere nolunt, grauius peccant & in grauiori versantur periculo; nam ad Illud de quo corripiendi sunt, hoc addentes quod nolint corrigi, manifeste ostendunt se suam amare culpam, seque in ea velle persistere, quod certe grauius est quam primum illud quod perpetrarunt. Vnde est illud egregium Sapientis: *Qui odit correptionem, vestigium est peccatoris.* Id est, nota quædam expressa, ut nemo dubitet quin sit peccator: argumentum est animi valde deprauati. Vnde & Idem Sapiens: *ô quam bonum est, correptum manifestare penitentiam!* sic enim effugies voluntarium peccatum. Quasi non esset voluntarium nec tam graue nisi cum Correptio non libenter suscipitur.

Periculum autem est euidentius, quia quid damnosius quam in peccato tenacius inhaerere nec ab eo velle emergere? Numquid qui

1. de correptione. c. 5.

Ecclesiasticus. 1. 20.

Ibid. 20.

1. 2.

cadit non resurget? & qui auersus est, non reuertetur? quare ergo auersus est populus iste auersione contentiosa? hæc est scilicet auersio contentiosa quando correptus contendit cum corripiente, quando se admonente auertit & monita negligit; quæ auersio & contentio in Deum recidunt qui peccato remedium per hanc Correptionem afferebat; & nolenti remedium quid superest nisi certus interitus? Sic Propheta quidam Regi Amasiæ qui se monentem auertebat:

2. Paral. 25 Scio, inquit, quod cogitauerit Deus occidere te, quia fecisti hoc malum, & insuper non acquieuisti consilio meo. Quasi diceret, hoc est præcipue quod diuinam in te concitauit iram, quod moneri nolueris & corripiri. Quod & Sapientia malos puniens, hoc imprimis vrget quo esse malos demonstrat, eo quod exosam habuerint disciplinam; & timorem Domini non susceperint, nec acquieuerint consilio meo, & detraxerint vniuersa correptioni meæ. Numquid hoc est graue & periculofum?

II. P V N C T V M.

SED qui sic grauius peccat, grauiusque periclitatur, magis corripendus est.

Nam si peccator propter peccati cuiuslibet malitiam & inde consequentia damna corripendus est, certe tanto est magis corripendus quantò grauior est peccati seu peccantis malitia, & quantò sunt grauiora peccati damna. Sicut de pœna dicitur, *præmensura peccati erit & plagarum modus.* Si Charitatis est ex quouis damno & periculo proximum eripere, Charitas longe magis moueri debet ad præstandum subsidium, quando damnosius erit periculum. *Infirmum in fide assumite.* Si humilitatis est, culpam suam agnoscere, certe quo culpa erit grauior, eo magis humilitas excitetur necesse est, vt se peccator agnoscat. *Omnis mons & collis humiliabitur, sed mons magis humiliandus vt fiat quod sequitur: Et erunt praua in directa, & aspera in vias planas. Si medicus videat in corpore carnes putridas, & dicat quid ad me pertinet, scias,* inquit Diuus Hieronymus, *quia crudelis est: sic qui videt lethalem alterius culpam.* Vnde & iterum sanctus Augustinus: *Si neglexeris, peior es. Ille iniuriam fecit, & iniuriam faciendo graui seipsum vulnere percussit. Tuo vulnus fratris tui contemnis? Tu eum perire vides & negligis? peior es tacendo, quam ille conuitiando.* Nam, vt ait sanctus Chrysostomus,

cū quis peccat sæpe passione mouetur, nec aduertit se peccare; Tu vero qui peccantem videas nec admoneas, quantum præsentis animo ut agnoscas motuum quo moueri debes ad illum coerendum; tanto grauius peccas, si tam iusto desis officio. Et licet admonitus reluctetur, licet contrā scūire videatur, hoc ipso suauius & fortius est continendus. Nam sic phrenetici nolunt ligari, sic *Aug. 17. 167.* lethargici nolunt excitari: sed Charitas illum ligat, istum stimulat, ambo amat: ambo offenduntur, sed ambo diliguntur: ambo indignantur ægri, sed sanati gratulantur. Nonne hoc præstares ægris? Nonne tu æger velles tibi hæc præstari?

III. P V N C T V M.

SI quis igitur corripī noluerit hoc ipso est magis corripiendus. Quia Majorem suū corripiendi præbet causam: sic enim ita sæpe affectus est ut nisi admoneatur, pereat suo in peccato, unde à te admonitus emergeret, tuque illum lucrareris, ut ait Dominus. Quod certe & illi & tibi ponderosa est ratio colendæ correptionis. Sic enim apte sanctus Augustinus ad correptum: *Quid est De Verbū lucratum est te, nisi quia perieras, si non lucraretur te? Nam si non pe-* dom. ser. 16, *rieras, quomodo te lucratum est?* Quale quantumque est, Deus immortalis, sic saluari aut perire animam! *Non alliges duplicia pec-* Eccl. 7. 7, *cata, inquit Sapiens, Nec enim in uno eris immunis.* Hoc ad vtrumque spectat, siue illum qui delinquentem debet corripere, siue qui debet coripi; nisi Correptio debite detur & accipiatur, peccata duplicantur, & sibi sic inuicem alligantur: ut non modo qui recusat corripī se duplici peccato reum faciat ut dictum est, sed qui etiam recusat corripere, nam contra Charitatem peccat, & sibi quodammodo allinit vitium alienum, eiusdemque se culpæ ac poenæ participem facit.

O quam diuersa sunt illa! *Lucrari fratrem qui periret, aut perire cum illo quem lucrari neglexeris!* **ERIT ANIMA TVA PRO 3. Reg. 10. ANIMA EIVS.** *Sanguinem eius de manu tua requiram.* Non *Ezech. 5.* contremiscis ad illas voces? Non recordaris & deploras quoties vel nolueris alium admonere, vel à nullo admoneri? Quàm multa modico redemisses pretio si vel dare vel accipere Verbum salutis voluisses? *Horum mihi nihil accidisset: exclamabat Au-* Sen. l. 6. *gustus, si aut Agrippa aut Mæcenat vixisset.* *de ben. 6.* **Pudet quidem** 32.

80 *Feria 5. Hebd. 16. post Oct. Pent. De condonandis injuriis.*

Profani verba & exempla tam sacris inferere monitis quæ nobis suggeruntur, sed magis pudet non esse inter Christianos qui aut libere moneant fratrem suum sicut Agrippa & Macenas admonabant Imperatorem Augustum, aut non esse qui libenter monentes audiant sicut Imperator Augustus audiebat Macenatem & Agrippam. Mandavit unicuique de proximo suo. Unico sæpe Verbo res tota versatur. Ne reuereris proximum tuum in casu suo: nec retineas Verbum in tempore salutis. Sæpe vno vultus nutu res tota conficitur: Nam per tristitiam vultus corrigitur animus delinquentis. O quam paucis res magnæ constant! ô quam magnis res parvæ redimuntur, si tamen umquam redimuntur! Vide in 3. parte, Sabbato Hebdom. 11. ubi hæc Veritas exhibetur:

Rape ad Eum quos potes. Nam si potes & non rapis, tot cælo perdis, quot Christo lucraci poteras.



FERIA QUINTA.

DE CONDONANDIS INIURIIS.

Non dico tibi usque septies, sed usque septuagies septies. Matth. 18.

VERITAS PRACTICA.

Si semel sunt condonandæ injuriæ: sunt semper condonandæ.

Vel nullas umquam rectè voles condonare injurias: vel semper omnes condonare voles.

RATIO EST, Quia nullas umquam rectè voles condonare injurias, nisi sit ita rectè ordinata voluntas, ut quomodo, quantumque debes, tantum velis condonare.

Scd

Si semel sunt condonanda injuria: sunt semper condonanda. 81
Sed nisi semper velis omnes condonare, non ita recte voluntas
ordinata erit.

Ergo vel nullas umquam rectè voles condonare iniurias, quod
esset nimis impium, vel omnes semper condonabis, quod est
statuendum.

I. P V N C T V M.

HOC præceptum Domini de condonandis iniuriis sit ex-
primit & connectit cum præcedentibus sanctus Matthæus:
Tunc accedens Petrus ad eum, dixit, Domine quoties peccabit
in me frater meus & dimittam ei? Usque septies? Dicit illi Iesus, Non
dico tibi usque septies, sed usque septuagies septies. In quo quidem
præcepto non modo Charitas exercetur, sed & humilitas cum
præsertim Iniuriæ remittendæ, honorem & famam spectent.
Sed quod magis hîc observandum, modus ille est præcipiendi
quo non tantum septies sed usque septuagies septies, id est, sem-
per & quoties peccat in te aliquis, condonandum est illi. *Non*
numero concludit remissionem, ait sanctus Chrysostomus, *sed quod*
continûe & semper est, significat, Nemo enim dubitet & nemo no-
lit aliquas aliquando condonare iniurias, sed si frequentiores ab
vno & eodem, vel atrociore inferantur, tum vix ullus est qui
remittat & qui non putet se iuste posse vlcisci. At contra Do-
minus, semper: & perinde cum septuagies septies peccatum in te
fuerit atque cum septies. Quod ut melius intelligatur & ad pra-
xim reuocetur, audi & perpende accurate propositam Verita-
tem: *Vel nullas umquam rectè voles condonare iniurias, vel omnes*
semper voles condonare.

Ratio quoad primam præcipuè partem, tam plana fusaque est,
ut vix aliud adjicias. Quid enim clarius quam quod asseritur, vo-
luntatem ut aliquid recte velit, sic prius debere esse in se ordina-
tam circa illud obiectum suum, ut quemadmodum debet illud
velle, sic ipsa velit? Nonne hoc est quod Christus dixit de *bono Matth. 12.*
thesauro proferri bona, & de arbore bona bonos produci fructus? Num-
quid de tribulis ficus, aut de spinis vna? Numquid salsa dulcem facit
aquam? Quod cum vniuersim sit verum de omni actu voluntatis, ac. 3.
tum de illo præcipue quo sunt remittendæ iniuriæ, nam cum ex

vna parte sinceram omnino necesse sit & minime fictam in hoc esse negotio voluntatem : ex alia vero tam multa sint quæ in condonandis iniuriis sinceritatem illam labefactent , profecto nisi voluntati rectè ordinandæ diligenter prospiciatur, non rectè volet quod se velle finget. Vel enim vni parcat & non alteri : vel vnā tantum condonabit injuriā & non aliam ; vel vno forte in loco & tempore , non aliās : vel propter humanum duntaxat finem, & non Diuinum : vel in aliis denique deerrabit circumstantiis quæ sunt ita necessariae vt si vel vna desit, si vel vna sit quam non amplectatur voluntas, nec sit ita ordinata & affecta vt pure quemadmodum, quantumque debet remittere, tantum velit : nullas vnamquam rectè remittat. Etiam si videatur vni prorsus condonare, non rectè condonabit, nisi sit ipsa recta voluntas seu rectè ordinata ex aliis partibus quæ hanc voluntatis perficiunt rectitudinem.

Matth. 23. Pharizæe cace, munda & rectifica prius quod intus est, vt quod de foris est, fiat mundum & rectum. Secturis ad radicem ponatur. Aut facite arborem bonam & fructum eius bonum : aut facite arborem malam & fructum eius malum. Id est, nisi bona fiat arbor, fiet mala, malique consequenter fructus.

Matth. 12. rem bonam & fructum eius bonum : aut facite arborem malam & fructum eius malum. Id est, nisi bona fiat arbor, fiet mala, malique consequenter fructus.

II. P V N C T V M.

SED nisi semper velis omnes condonare iniurias, non recta erit, non sic erit ordinata voluntas, vt quemadmodum, quantumque debet, tantum velit remittere.

Hoc enim modo & numero debet velle remittere, quo diuina lege iubetur. Hæc est humanæ voluntatis regula, Lex diuina, cui se totam omnino sic conformare debet nostra voluntas vt non aliter sit ordinata & recta quàm prout se illi suæ conformat regulæ : neque humanis actibus ordinandis apta esse potest, nisi prius ipsa diuino se aptet & subiciat ordini. *Ad legem diuinam comparatur humana ratio, inquit sanctus Thomas, vt causa secunda prima subordinata.*

Lege autem diuina iubemur omnes prorsus & semper condonare iniurias. Audi vt loquitur : *Non quæres ultionem, nec memor eris iniuriæ ciuium tuorum. NE DICAS, reddam malum, expecta Dominum & liberabit te. NE DICAS, quomodo fecit mihi, sic faciam ei, reddam unicuique opus suum.* Videsne vt negatiuis

Si semel junt condonanda injuriæ, sunt semper condonanda. 83

vtatur terminis, qui præceptum reddunt sic amplum & absolutum, vt nulli vmquam liceat quouis loco & tempore secus audere, nisi se graui obstringat crimine.

Quod Dominus in noua lege, vt quæ statuta erant in veteri, de hac materia, confirmaret & declararet vberius, suis illis Verbis quibus iussit, *septuagies septies*, id est, quoties in te peccabitur, condonandas esse iniurias, subiecit Parabolam de debitore decem millium talentorum, quæ occurreret infra commodius explicanda, & cuius hic vnus est scopus, vt quod iam sæpe dixerat, probe intelligamus, non aliter remittenda nobis à Deo esse debita quàm sicut aliis nostra remiserimus: quantumque voluerimus nobis Deum condonare, tantum & ipsi velimus proximo. Hic sistere, hic immorare, hic teipsum vrge: quoniam velles modo tibi tua condonaret Deus? Nonne semper? Nonne omnia prorsus peccata? Nonne omni quo posset gratiofo & beneuolo modo? Sic tu proinde conformiter. Sic tu nisi semper sic velis omnes condonare iniurias non est recta tua voluntas, non vult quemadmodum & quantum debet, non vult quantum iubet Deus, non vult quantum ipsa vellet sibi remitti, non vult se Diuinæ legi subicere, sed Diuinam sibi vellet subijci legem. O prauitatem humani cordis! *Quomodo dicitis, Sapientes sumus, & lex Domini nobiscum est?*

III. PUNCTVM.

VEL nullus igitur vmquam recte vult condonare iniurias, vel semper omnes condonare vult; Quia non recte vult nisi voluntas sit recta: non erit autem recta nisi ad regulam suam quæ est Diuina lex & voluntas, adæquetur: nec adæquabitur nisi omnes velit prorsus remittere, cum Diuina hæc sit voluntas tam sæpe nobis denuntiata quàm frequenter oramus vt *dimittat nobis sicut dimittimus*. Qua de oratione vide quæ supra dicta sunt Feria sexta, infra Hebdomadam sextam post octauam Pentecostes, quibus hanc egregiam Sapientis adijunge parænesim: *Qui vindicari vult, à Domino inueniet vindictam, & peccata illius seruans seruabit. Relinque proximo tuo nocenti te, & tunc deprecanti tibi peccata soluentur. Homo homini seruat iram, & à Deo querit modum: In hominem similem sibi non habet misericordiam, & de peccatis suis depre-*

L ij.

84 FERIA 6. Hebd. 16. post Oct. Pent. Cum feceritis, &c.

catur! Ipse cum caro sit, reseruat iram, & propitiationem petit à Deo! Memento nouissimorum, & desine inimicari. Memorare timorem proximi, & noli irascari proximo. Memorare testamentum Altissimi, & respice ignorantiam proximi.

Quibus in Verbis sex motiua condonandæ semper omnis iniuriæ continentur: Primum, quia sic Deus præcipit, hoc est eius testamentum, qui propterea hic dicitur Altissimus, vt summum eius Dominium magis reuerreamur. Secundum, quia sic semper oramus Eum, vt nobis semper parcat. Tertium, quia cum Major sit distantia inter Deum & nos, quàm inter hominem & hominem, seu dignitate seu potentia, longe præstat nos nobis similibus omnia condonare, quam Deum nobis. Quartum; nisi hoc præstemus, sit prorsus absurdum, impium, & nobis perniciosissimum quod precemur Deum, vt id nobis concedat. Quintum, in morte vellemus omnes omnibus condonare, cur non ergo modo? Sextum, alioquin nullus Dei timor & cultus, nulla eius Religio: & quod in morte volumus, non rectè id volumus, non propter Deum, non ex sinceritate animi, non ex lege & Charitate, nullas vnquam rectè condonabis. Nam cum sit idem modo Dominus ac in morte, cum sit idem præceptum, eademque poena proposita dum viuimus, ac dum morimur: apparet solo metu in morte fieri, quod dum viueres, noluisti: quæ sic autem metu volumus quæ nollemus extra metum, vix dici possunt libere & rectè volita: Potest quidem id ita fieri: sed potest etiam & frequentius non fieri, nec est certe Sapientis sic incerto salutem casui credere quam potes commode securiorem facere.

Hebr. 2.

Quomodo nos effugiemus, ait Apostolus, si tantam neglexerimus salutem?



FERIA SEXTA.

DE HUMILITATE AD CÆTERAS
COMPARATA VIRTUTES.

Cum feceritis omnia quæ præcepta sunt vobis, dicite,

*Interrogatus quid primum, quid secundum, quid tertium, &c. 8;
serui inutiles sumus, quod debuimus facere, feci-
mus. Luc. 17.*

VERITAS PRACTICA.

Interrogatus quid primum in præceptis Christianæ religionis obseruandum, quid secundum, quid tertium? Responde cum sancto Augustino, Humilitatem.

RATIO EST, Quia quod simul est ceterorum omnium quæ obseruari debent initium, medium, & finis seu complementum, responderi debet illud esse primum, secundum & tertium obseruandum.

Sed talis est inter virtutes, Humilitas, ut sit ceterorum omnium quæ obseruari debent, initium, medium, & finis seu complementum.

Ergo responderi debet illud esse primum, secundum & tertium obseruandum; sicque reipsa singulariter in omnibus obseruari debet.

I. P V N C T V M.

POSTQVAM sanctus Lucas breuiter retulit quæ superiora fufius ex sancto Matthæo vidimus, sic in narrandis Domini Verbis consequenter pergit, *Quis autem vestrum habens seruum arantem aut pascentem qui regressus de agro dicat illi, statim transi & recumbe; & non dicat ei, para quod cenem & pracinge te, & ministra mihi, donec manducem & bibam, & post hac tu manducabis & bibes. Numquid gratiam habet seruo illi quia fecit quæ ei imperauerat? Non puto; Sic & vos cum feceritis omnia quæ præcepta sunt vobis, dicite, serui inutiles sumus, quod debuimus facere, fecimus. Quibus in Verbis Dominus etiam coniungit Charitatem cum humilitate, ut supra vidimus, in eaque conjunctione plurimum com-*

Ep. 58. ad
Dioscorum.

mendat Infantiam & Docilitatem Christianam quæ & omnia præcepta perfecte complet, & iis completis tam abiecte suos alumnos de seipsis sentire suadet, ut non alios se, quam seruos inutiles sentiant. Quæ certe tanta est Humilitatis commendatio ut non potuerit paucioribus declarari verbis quàm quæ habentur in Veritate proposita, quæ tota est ex sancto Augustino, cuius sunt præclara hæc in epistolis verba : *Nisi humilitas omnia quacumque bene facimus & præcesserit, & comitetur, & consecuta fuerit, & proposita quam intueamur, & apposita cui adhæreamus, & imposita qua reprimamur; iam nobis de aliquo bono facto gaudentibus totum extorquet de manu superbia. Vitia quippe cetera in peccatis, superbia verò etiam in recte factis timenda est, ne illa quæ laudabiliter facta sunt, ipsius laudis cupiditate amittantur. Itaque sicut Rhetor ille nobilissimus cum interrogatus esset quid ei primum videretur in eloquentia præceptis observari oportere, pronuntiationem dicitur respondisse : cum quæreretur quid secundo, eandem pronuntiationem : quid tertio, nihil aliud quàm pronuntiationem dixisse. Sic si interrogares, & quoties interrogares de præceptis Christianæ religionis, nihil me aliud respondere, nisi humilitatem liberet.*

Rom. II.

Hæc ille sanctus Doctor cuius sola fultus autoritate, tu idem plane respondere deberes, sed ipse tibi rationem sui dicti subministrat, cum ait sic necessariam ad omnia bene agenda humilitatem, ut nisi cuncta præcedat, comitetur & subsequatur, nulla sint omnia quæcumque facinus, nulla sint bona opera, nullæ virtutes; quia videlicet alioquin totum extorquet seu inficit & nullum reddit superbia. Quod perinde est ac si brevius diceret, quidquid est simul cæterorum omnium quæ observari debent, initium, medium, & finis seu complementum, responderi debet illud esse primum, secundum, & tertium observandum; Sic enim facilius uniuersa comprehenduntur quæ aliis terminis exprimi possent, & nihil ad Deum magis videtur accedere, quam quod omnium agendorum suo modo sic est initium, & medium, ac finis, sicut de Deo perfecte id dicitur; *Quoniam ex ipso, & per ipsum, & in ipso sunt omnia.* O bonitatem eius infinitam qui talem nobis impertit Virtutem, qua eius Bonitatem tam copiose & excellenter participare possimus.

II. P V N C T V M.

SED talis est inter Virtutes, Humilitas, ut sit simul ceterorum omnium quae observari debent initium, medium, & finis seu complementum.

Primo quidem Initium seu fundamentum & radix, nihil crebrius apud omnes Patres, & nihil reipsa verius. *Fundamentum sanctitatis semper fuit humilitas*, inquit sanctus Cyprianus, *nec in caelo stare potuit superba sublimitas*. Hanc primam gratiam ingrediens mundum noster Parvulus attulit, & à cunabulis nos sibi conformes fieri volens, teneri voluit in vita quod exhibuit in persona. Sic sanctus Gregorius in moralibus, *Quia origo virtutis humilitas est*, illa in nobis virtus veraciter pullulat, quae in radice propriis, id est, humilitate perdurat, à qua nimirum si abscinditur, arescit, quia vivificantem se in intimis humorem Charitatis perdit. Sanctus quoque Bernardus, *Nisi super humilitatis stabili fundamento, spirituale aedificium stare minime potest*. Quod ipsum particulatim dixerat sanctus Augustinus: *Magnus esse vis, à minimo incipe. Cogitas magnam fabricam extruere celsitudinis? de fundamento prius cogita humilitatis*. Sic autem explicat Divus Thomas, ut id sit indirectè per modum remonentiis prohibens, inquantum scilicet expellit superbiam cui Deus resistit, & praebeat hominem subdolum & paratum ad suscipiendum influxum divinae gratiae. Unde dicitur Iacobi quarto, quod Deus superbis resistit, humilibus autem dat gratiam. Directè vero fides dicitur fundamentum per quod scilicet, posito primo, iam ad Deum propius acceditur. O quàm vere Prophetæ, mittit radicem deorsum, & faciet fructum sursum.

Quod autem Humilitas sit medium, Id est, connexio, nutrimentum, robur, & fortitudo virtutum: Sic iidem fusc sancti Patres, imprimisque sanctus Ambrosius, *Omnium Virtutum inexpugnabilis fortitudo & quadam suorum est vita membrorum*. Valde observanda verba. Sic sanctus Hieronymus. *Nihil habcas humilitate præstantius, nihil amabilius; Hac est enim precipua confervatrix, & quasi custos quadam virtutum omnium*. S. quoque Ioannes Chrysostomus: *Virtus non est, nisi conjunctam habeas humilitatem, hac est inexpugnabilis turris, hac omne continet aedificium, non sinens ipsum vel à ventorum violentia, vel ab imbrium impetu, vel à spiritali vi dejecti, sed omnibus insidiis inaccessum facit & inuictum, quasi ex adamante constructum esset, magnasque nobis divinae largitatis retributiones affert*:

Serm. de
Crispi

27. Mor.
c. ult.

Serm. 36.
in Cant.

Serm. 10. de
verbis Do-
mini.

22. q. 162.
a. 3.

1f. 372

Ep. 84. ad
Demetr.

Ep. ad Cei-
lensiam.
Hom. 35. in
Gen.

Hom. 43.
ad pop.

In quibus verbis duplex illa continetur ratio quæ iam allata est, cur sit ita potens humilitas, Prima quod faciliorem hostem, qui est vana gloriæ appetitus, coerceat: Sic enim ille alibi, *ut saui quidam venti in tranquillum mare delati, totum ab imo subruunt. Vnde arena cum vndis miscetur, sic extitit mentis impetum gloria furor: nam pecunias quidem contemnere volenti satus est facile, honorem autem à multis collatum multi laboris indiget, magna sapientia, Angelica cuiusdam animæ ipsum cælestis testitudinis verticem tangentis. Non est enim, non est vitium ita tyrannicum, & ubique dominans. Vnde cum Humilitas expugnet hoc vitium, quod omnes simul inuadit virtutes, tum facilius singulæ se contra proprios tuentur hostes. Altera vero causa est quod diuinum accersat præsidium, sicut passim habent Scripturæ, quoniam tu populum humilem saluum facies, & oculos superborum humiliabis.*

Pf. 17.

In Pf. 118.

In Conflic.

Hom. de
humilitate.

L. 12. In 8. li.

c. 13.

Denique quod sit finis & complementum, sic innuit sanctus Ambrosius: *Humilitas Virtutum omnium caput est qua totum velut quoddam nostrorum actuum fouet corpus.* Sanctus vero Basilii sic planius docet, *Humilitas iutissimus est virtutum omnium thesaurus: Hac est hominis sublimitas, hac gloria & magnificentia.* Cassianus item post multa de hoc argumento: *Evidenter itaque monstratur non posse quemquam perfectionis finem ac puritatis attingere nisi per humilitatem veram, quam primitus fratribus reddens, Deo quoque in penetrabilibus cordis exhibeat.*

Cant. 8.

Est quidem Charitas, vinculum perfectionis, & virtutum excellentissima: sed Charitatis perfectio & excellentia hæc est, ut postquam omnia perfecte feceris, seruum te inutilem pronunties, & ad noua semper aut perfectiora prouocaris quasi nihil adhuc fecisses, ut est in Canticis: *Si dederit homo omnem substantiam domus sue pro dilectione, quasi nihil despiciet eam.* Magna quidem hæc Charitas, sic omnem dare substantiam domus suæ: sed ista est maior, si quasi nihil esset datum, ad ampliora te extendas: & quanto altius te Charitas effert, tanto te inferius humilitas deprimat: vnde sanctus Hieronymus, *Nihil est quod nos ita & hominibus gratos & Deo faciat, quam si vita merito magni, humilitate infirmi sumus.* Ut è contra nihil absurdius & indignius quam si exiguus merito, inter insignes apparere velit. O quam multi tamen, quam multi hoc appetunt.

ad Cel. ant.
Ep. 20. l. 2.

III. PUNCTVM.

III. P V N C T V M.

HUMILITAS igitur illa est virtus quae inter virtutes magis est obseruanda, & de qua responderi potest quod sit prima, secunda, tertia, & quoties interrogatus fueris, toties responderi debeat, humilitas quae est initium, medium, & finis virtutum omnium, atque adeo signum certius quo ceterae possideantur virtutes, quo sit praesens Spiritus sanctus, & quo electus sit aliquis ad futuram gloriam. Sic dilucidè sanctus Gregorius: *Mens quae Divino Spiritu impletur, x. Dial. 20. habet evidentissima signa sua, virtutes scilicet & humilitatem, quasi utraque perfectè in una mente conveniant, liquet quod de praesentia sancti Spiritus testimonium ferat. Itemque alibi. Quia Redemptor noster corda regit humilium, & Leviathan Rex dicitur superbiorum, aperte cognoscimus quod evidentissimum superbiorum signum superbia est, at contra humilitas electorum.*

Quo quid efficacius ad oppositi vitij concitandum odium, atque ad conciliandum amorem virtutis & continuam eius praxim? Parumne tibi esse videtur, signum ferre salutis, aut condemnationis aeternae? Adeone dura humilitas ut ferri non possit ad promerendum coelum? Adeone suavis superbia, ut despici numquam possit ad declinandum infernum? Non aliter alta mundi & superba intueri quàm simul audias in inferno clamantes: *Quid nobis profuit superbia? Sap. 9. Nec aliter Christianae Religionis humilita respicias, quàm tibi hae Christi voces simul insonent; Talium est enim regnum caelorum; Math. 19. Ut quanta est inter coelum & infernum dignitatis distantia, tanta tibi semper inter humilitatem & superbiam obuerfetur disparitas.*



SABBATO.

DE COMMOTIONE
APOSTOLORUM CONTRA
SAMARITANOS.

A. Pars.

M

90 Sabbato Hebd. 16. post Oct. Pent. Vis dicimus ut, &c.
Domine, vis dicimus ut ignis descendat de cælo, &
consumat illos? Luc. 9.

VERITAS PRACTICA.

Non in Commotione Dominus, & non in igne Dominus.

VERBA Scripturæ sunt quæ infra fusius referuntur; In hunc vero sensum hic assumuntur ut intelligamus cauendam repentinam illam commotionem, quæ interdum ex Zelo acriori excitamur in Proximum.

RATIO EST, Quia cauenda illa est Commotio in qua non est Dominus, seu quæ non eius Spiritu excitatur.

Sed commotio illa quæ plerumque acrius in proximum agimur, & quæ Zelus putatur, non est à Domino.

Ergo cauenda est plurimum; & Mansuetudo filiorum Domini potius inducenda.

I. PUNCTVM.

ET factum est, dum iret in Ierusalem, transibat per mediam Samariam & Galileam. Sic breuiter de hoc itinere sanctus Lucas eodem capite, & sequenti textu, vnde hesternæ deprompta sunt: aiuntque Interpretes hunc esse transitum per Samariam, de quo Idem Euangelista multò ante loquutus fuerat: quando scilicet non receperunt eum Samaritani quia facies eius erat euntis in Ierusalem. Quod cum vidissent discipuli eius Iacobus & Ioannes, dixerunt: Domine, vis dicimus, ut ignis descendat de cælo & consumat illos? Et conuersus increpauit illos dicens, Nescitis enīus Spiritus estis. Filius hominis non venit animas perdere sed saluare. Et abierunt in aliud castellum.

Ex qua narratione illud potissimum in Considerationem venit, quod ita commoti fuerint illi Apostoli contra Samaritanos

ut nihil nisi ignem respirarint. Sic enim saepe aliquos Zelus acrior commouet, quæ commotio sapit potius Spiritum Elia quam Iesu Christi, qui & propterea *nescitis*, inquit, *cuius spiritus estis*. Quasi diceret, putatis vos moueri bono Zelo pro me, sed hunc non probo Zelum, non est hic Spiritus meus qui ad suauitatem & patientiam animos mouet non ad vindictam.

Et certe in ipso Elia iam pridem ostenderat Deus illum vehementiorem Spiritum non ita sibi probari ac suauem; quando scilicet Propheta apparuit Dominus: *Et ecce*, inquit Scriptura, *3 Reg. 19. Dominus transit, & Spiritus grandis & fortis subuertens montes, & conterens petras ante Dominum; Non in Spiritu Dominus, & post spiritum commotio: non in commotione Dominus, & post commotionem, ignis: non in igne Dominus: & post ignem sibilus aura tenius. Quod cum audisset Elias operuit vultum suum pallio.* Quia tunc videlicet flante illo suauī vento, apparebāt Diuina Majestas, ut indicaret sibi magis placere lenitatem & suauitatem in puniendis etiā peccatoribus, quā nimiam austeritatem; atque ita velle se ut sui hoc suauī spiritu potius quam amaro ferantur. Hinc ergo proposita nobis Veritas iisdemque Scripturæ concepta verbis, ad cauendam illam Commotionem ab acriori Zelo excitatam. Quia illa est Commotio & ille ignis de quibus dicitur, *Non in commotione & non in igne Dominus.*

Sic autem formatur Ratio. Cum quauis animi perturbatio, vel Commotio quæ non excitatur à Domino sit cauenda, tum illa est præcipue coercenda quæ Zelo diuinæ gloriæ, salutisque animarum prætenditur. Hoc est enim in ira grauius, cum, ut ait S. Gregorius, *ira stimulus, iustitiæ Zelus putatur. Et cum vitium Virtus creditur, sine metu culpa cummulatur.* Adde quod sub prætextu pietatis tum facile Dæmon & naturale Ingenium possunt cuius illudere; nec parum damnosa est talis illusio quæ Deum falso colit, quæ proximo male irascitur, & quæ in propriam defauit animam. *Quid perdis animam tuam in furore tuo? quid perdis animam proximi tui falso illo Zelo quate illum saluare putas? Putasne bene irasci tibi, si propter alienam duntaxat culpam irasceris? An si certo scires Deum hanc non probare iram, velles illam excitari? Nonne ira quæ sine Deo est, ira est in ipsum Deum cum sit naturæ corruptæ vitium quod Deus vetat?*

II. P V N C T V M.

SED Commotio illa in proximum qua putatur Zelus, & qua tamen est acrior & acerbior quam vera ferat Charitas, non est à Domino.

Ecclési. 14. Non est hic eius spiritus qui super mel dulcis est, & hereditas eius super mel & fauum. Incensus quidem & vehemens esse aliquando potest ille zelus quem Dominus in suis excitat, sed vehementiam illam tanta moderatur suauitas, ut ipse qui arguitur gaudeat sic se vehementius argui. *Hom. 34. in Euang.* *Et si foris increpationes per disciplinam exaggerant, intus tamen dulcedinem, per Caritatem seruant,* inquit sanctus Gregorius. Hinc forte Apostolus tanta cautione commendat, *contemplantes ne quis desit gratia Dei, ne qua radix amaritudinis sursum germinans impediatur, & per illam inquinentur multi,* Quasi diceret, Res est non parui momenti: Mens in Deum dirigenda; spectanda est natura diuinæ Gratiae; non naturæ nostræ commotio; Cauendum diligenter ne cum in suauitatem nos diuina impellat Gratia, nostro nos amaro ingenio sinamus potius abripi, sicque peccatores arceamus quos ipse aduocabat Dominus. *Non sis dispensator reinarum,* inquit sanctus Chrysostomus, *vbi paterfamilias largus est. Si Deus benignus, cur Sacerdos austerus? Debet namque se conformare Domino cuius vices gerit. Venite,* inquit, *ad me omnes qui laboratis & onerati estis, & ego reficiam vos. Tollite iugum meum super vos & discite à me quia mitis sum & humilis corde, & inuenietis requiem animabus vestris. Iugum enim meum suauis est & onus leue.* At quomodo sibi hoc persuadebunt peccatores qui nihil nisi austerum & amarum in Sacerdote viderint? quomodo hi austeritate sua mansuetudinem Christianam persuadebunt? quomodo ipsi exandescentes, aliorum iram ex Euangelij disciplina mitigabunt? quomodo denique ne vlla vniquam perturbatione se sinant inferiores agi docebunt Superiores, si dum ipsi hoc docent, acrius perturbentur? Non est hic Domini spiritus, non est hic eius ductus & animus. Nam si vel antiquos illos pastores ex graui lege Mosaica dominantes arguit, *quod cum austeritate imperarent & cum potentia,* quomodo putas feret eos qui noua in lege gratiae non alio quam veteri ferantur spiritu?

O quam apte & praeclare sanctus Iacobus: etsi alias iam forte auditis, vix vniquam tamen opportunius, ut qui prae ceteris sibi sapientes & disciplinati videntur, voluntque indiscipulatos

amarius cohibere, discant non esse à Domino talem amaritudinem: *Quis Sapiens*, inquit, & *disciplinatus inter vos?* ostendat ex bona ^{1ac. 3.} *conuersatione*, *operationem suam*, in *mansuetudine Sapientia*. Quod si *zelum amarum* habetis, & *contentiones sint in cordibus vestris*: nolite *gloriar*, & *mendaces esse aduersus Veritatem*. Non est enim ista *Sapientia desursum descendens*, sed *terrena*, *animalis*, *diabolica*. Vbi enim *zelus & contentio*, ibi *inconstantia*, & *omne opus prauum*. *Que autem desursum est sapientia*, *primum quidem pudica est*, *deinde pacifica*, *modesta*, *suadibilis*, *bonis consentiens*, *plena misericordia* & *fructibus bonis*.

Numquid tu exardescas in hunc sanctum Apostolum, qui ne in peccantes grauius exardescas, tam suauiter monet?

III. P V N C T V M.

CAUENDA est igitur illa *Commotio* qua est *acrior & vehementior*, quia in illa non est Dominus qui putatur adesse cum putatur esse *zelus*, & est potius *inordinatus naturæ imperus* vel *Dæmonis illudentis ardor* qui sic consumat & atterat animos, non qui vere illustret aut sincere accendat.

Adducite mihi psalter, aiebat Elizeus paulo nimis commotus; ^{4. Reg. 3.} Rogatus quippe à Rege vt sciret à Domino quid futurum esset, rogaturus Propheta Dominum prius de se per psalter sedando cogitat, quia videlicet non in commotione Dominus, non in igne, sed in suauitate & lenitate. Sic Idem paulo post Propheta ^{ibid. 4.} non potuit puerum suscitare per baculum ipsi appositum, sed per seipsum incumbendo illi vt scriptura refert, quo de miraculo sic apte in rem nostram Petrus Damiani: *Is quem terroris virga susci-* ^{L. de con-} *tare non poterat, per amoris spiritum ad vitam redit, dumque se paruulo* ^{tempu sac-} *accommodauit & compefcuit, facile erexit & suscitauit.* ^{culi c. 28.} Notum est illud & obuium quod S. Dionysius refert de sancto Carpo paulo ^{Ep. 8.} acerbius in peccatores Zelante. Certum est etiam posse multos in aliud labi extremum lenitatis, multosque similes illi esse quem sanctus Gregorius arguit, ^{L. 9. cap. 42.} *quod nihil cum grauitate valeret disponere,* ^{Præbico Ab-} *sed modo studeret peccantibus leniter blandiri, modo inordinate & ex-* ^{baci.} *tra modum nimie irascetur.* Vnde & Idem sanctus Papa in pastoralis egregiam admonitionem habet contra nimis mansuetos qui ^{3. part.} *dissolutionis torpescunt tadio:* & contra iracundos qui ^{adm. 27.} *rectitudinis sal-*

II. P V N C T V M.

SED Commotio illa in proximum qua putatur Zelus, & qua tamen est acrior & acerbior quam vera ferat Charitas, non est à Domino.

Eccl. 24.

Non est hic eius spiritus qui super mel dulcis est, & hereditas eius super mel & fauum.

Hom. 34. in
Euang.

Incensus quidem & vehemens esse aliquando potest ille zelus quem Dominus in suis excitat, sed vehementiam illam tanta moderatur suauitas, ut ipse qui arguitur gaudeat sic se vehementius argui. *Etsi foris increpationes per disciplinam exaggerant, intus tamen dulcedinem, per Caritatem seruant*, inquit sanctus

Hebr. 12.

Gregorius. Hinc forte Apostolus tanta cautione commendat, *contemplantur ne quis desit gratia Dei, ne qua radix amaritudinis sursum germinans impediat, & per illam inquinentur multi*, Quasi diceret,

In c. 23.
Matth.

Res est non parui momenti: Mens in Deum dirigenda; spectanda est natura diuinæ Gratia; non naturæ nostræ commotio; Cauendum diligenter ne cum in suauitatem nos diuina impellat Gratia, nostro nos amaro ingenio sinamus potius abripi, sicque peccatores arceamus quos ipse aduocabat Dominus. *Non sit dispensator tenax*, inquit sanctus Chrysostomus, *ubi paterfamilias largus est. Si Deus benignus, cur Sacerdos austerus? Debet namque se conformare Domino cuius vices gerit. Venite, inquit, ad me omnes qui laboratis & onerati estis, & ego reficiam vos. Tollite iugum meum super vos & discite à me quia mitis sum & humilis corde, & inuenietis requiem animabus vestris. Iugum enim meum suauis est & onus leue.*

Exch. 34.

At quomodo sibi hoc persuadebunt peccatores qui nihil nisi austum & amarum in Sacerdote viderint? quomodo hi austeritate sua mansuetudinem Christianam persuadebunt? quomodo ipsi excandescunt, aliorum iram ex Euangelij disciplina mitigabunt? quomodo denique ne vlla vnquam perturbatione se sinant inferiores agi docebunt Superiores, si dum ipsi hoc docent, acius perturbentur? Non est hic Domini spiritus, non est hic eius ductus & animus. Nam si vel antiquos illos pastores ex graui lege Mosaica dominantes arguit, *quod cum austeritate imperarent & cum potentia*, quomodo putas feret eos qui noua in lege gratia non alio quam veteri ferantur spiritu?

O quam apte & præclare sanctus Iacobus: etsi alias iam forte auditus, vix vnquam tamen opportunius, ut qui præ cæteris sibi sapientes & disciplinati videntur, voluntque indisciplinatos

amarius cohibere, discant non esse à Domino talem amaritudinem: *Quis Sapiens, inquit, & disciplinatus inter vos? ostendat ex bona conversatione, operationem suam, in mansuetudine Sapientia. Quod si zelum amarum habetis, & contentiones sint in cordibus vestris: nolite gloriari, & mendaces esse aduersus Veritatem. Non est enim ista Sapientia defursum descendens, sed terrena, animalis, diabolica. Vbi enim zelus & contentio, ibi inconstantia, & omne opus prauum. Qua autem defursum est sapientia, primum quidem pudica est, deinceps pacifica, modesta, suadibilis, bonis consentiens, plena misericordia & fructibus bonis.*

Numquid tu exardeas in hunc sanctum Apostolum, qui ne iam peccantes grauius exardeas, tam suauiter monet?

III. P V N C T V M.

CAVENTA est igitur illa Commotio qua est acrior & vehementior, quia in illa non est Dominus qui putatur adesse cum putatur esse zelus, & est potius inordinatus naturæ impetus vel Dæmonis illudentis ardor qui sic consumat & atterat animos, non qui vere illustret aut sincere accendat.

Adducite mihi psaltem, aiebat Elizeus paulo nimis commotus; 4. Reg. 3.
Rogatus quippe à Rege vt sciret à Domino quid futurum esset, rogaturus Propheta Dominum prius de se per psaltem sedando cogitat, quia videlicet non in commotione Dominus, non in igne, sed in suauitate & lenitate. Sic Idem paulo post Propheta non potuit puerum suscitare per baculum ipsi appositum, sed per seipsum incumbendo illi vt scriptura refert, quo de miraculo sic apte in rem nostram Petrus Damiani: *Is quem terroris virga suscitare non poterat, per amoris spiritum ad vitam redit, dumque se paruulo accommodauit & compefcuit, facile erexit & suscitauit.* Notum est illud & obuium quod S. Dionysius refert de sancto Carpo paulo acerbius in peccatores Zelante. Certum est etiam posse multos in aliud labi extremum lenitatis, multosque similes illi esse quem sanctus Gregorius arguit, *quod nihil cum granitate valeret disponere, sed modo studeret peccantibus leniter blandiri, modo inordinate & extra modum nimie irascetur.* Vnde & Idem sanctus Papa in pastoralie egregiam admonitionem habet contra nimis mansuetos qui dissolutionis torpescunt tadio: & contra iracundos qui rectitudinis sal-
L. de con-
tempu sci-
culi c. 28.
Ep. 8.
L. 9. cap. 42.
Irbico Ab-
bati.
3. part.
adm. 27.

94 *Sabbato Hebdom. 16. post Oct. Pent. Vis decimus ut ignis, &c.*

In 23.
Mamb.

luntur Zelo, & quos cum furor agit in praeceptis, ignorant quidquid irati faciunt, ignorant quidquid patiuntur a semetipsis. Qui certe magis quam alij sunt odibiles & inuisi. Nam crudelitatis genus est, ait sanctus Chrysostomus, velle ab alijs austeritate habere, quod mansuetudine poteras accipere. Et in periculo alterutrius incurrendi extremi, melius esset, ut ait Idem, propter misericordiam rationem reddere, quam propter crudelitatem; Minus peccat qui minus austerus est, quam qui nimis.

Vide in 1. p. in Vigilia Natiuitatis Domini, vbi hæc habetur Veritas:

Mansuetudo parat hospitium Christo venturo.





DOMINICA XVII. POST PENTECOSTEN.

DE MAGNO CHARITATIS

MANDATO.

ET DE CHRISTO FILIO DEI.

Quid est mandatum magnum in lege? Diliges Dominum Deum tuum ex toto corde tuo, & in tota anima tua, & in tota mente tua. Matth. 22.

CVM varias quaestiones Christo Domino Pharizæi proponerent hac sola mente vt quid in ipso carpi posset, aucuparetur; tum ysum est vñ ex ipsis se callide rem promotorum si de primo mandato quaestionem excitaret. Non enim subdolanus ignorabat quodnam illud esset primum mandatum, sed quia Christus se filium Dei ac Deum esse dicebat, mens erat interrogantis Pharizæi dare Christo ansam explicandi de se mandati, seu ad se referendi, quasi esset ille Dominus Deus qui ex toto corde esset diligendus: quod quidem si auderet pronuntiare, tum vel ridiculus haberetur, vel blasphemus, vel impius, qui quod nefas erat, auderet Scripturis sacris & Diuinis mandatis aliquid addere. Hoc est tentasse Dominum, hoc est excitasse illum ad dicendum aliquid quo implicaretur, hoc est quod ait Euangelista: *Et interrogauit eum vnus ex eis Legis Doctor, tentans eum: Magister, quid est mandatum magnum in lege?* Tum porro Dominus, ipsum

Deut. 6. vnum legis textum proferens, ait illi. *Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum & primum mandatum. Secundum autem simile est huic: Diliges proximum tuum sicut teipsum. In his duobus mandatis vniuersa lex pendet & Propheta.*

At vero vt intelligerent ipsum non latere quod clanculum molirentur, atque vt ipsemet ex Scripturis clare agnoscerent & profiterentur Christum illum, siue quem expectabant Messiam, non minus futurum Deum quam hominem, congregatos simul omnes Pharizæos interrogauit Dominus: *Quid vobis videtur de Christo? Cuius filius est? Dicunt ei, Dauid. Ait illis: Quomodo ergo Dauid in Spiritu vocat eum Dominum dicens: dixit Dominus Domino meo, sede à dextris meis, donec ponam inimicos tuos scabellum pedum tuorum? Si ergo Dauid vocat eum Dominum, quomodo filius eius est? Et nemo poterat ei respondere Verbum: neque ausus fuit quisquam ex illa die eum amplius interrogare.* Quia videlicet se videbant ita yrgeri sua propria confessione, vt iam dubitare non possent quin ille esset Deus quem Dauid Rex vocaret Dominum suum: nam filius præsertim nondum natus non solet vocari Dominus à Patre præsertim rege, vnde restabat concludere Christum esse plus quam hominem, & esse filium Dei ac verum Deum. Sicut enim Dauid dicens, *dixit Dominus*, intelligebat Deum, sic dum diceret, *Domino meo*, non aliud intelligebat quam ipsum Deum, licet is alius ab alio esset, personâ non substantiâ. Atque hæc ad Intelligentiam Euangelij hodierni, vnde quam plurima Veritates Practicæ possunt erui.

Prima ex subdola Pharizeorum mente.

Væ duplici corde.

Ratio fusè declarata videri potest in 1. parte, Feria sexta infra Hebdomadam 3. post Epiphaniam, vbi quæcumque spectant ad salutarem cum Directore Communicationem de Conscientiâ, referuntur.

Secunda, ne quis suam excuset malitiam prætextu boni finis, seu rectæ sibi propositæ Intentionis:

Non sunt facienda mala, vt eueniant bona.

Habetur in eadem prima parte, diç secunda Ianuarij.

Tertia,

Tertia, circa quaestionem de mandato magno.

Qui non satis audet in magnis, nimis audet in paruis.

Declaratur in 2. parte, Feria quinta infra Hebdomadam Pentecostes.

Quarta & consequentes de primo ipso mandato: Diliges Dominum Deum tuum ex toto corde tuo, &c.

Aurum ignitum est amor Dei, in quo non tam ardor quàm puritas quaeritur.

Non viuitur in amore Dei, sine dolore.

Numquam est Dei amor otiosus.

Amor nonnisi amore compensatur.

In 1. parte, infra Hebdomadam Aduentus tertiam.

Aut nullam cordis partem, aut totam debes Deo.

In eadem 1. parte, die 4. Ianuarij.

Nisi quod monet Sapiens: omni custodia serues cor tuum, non omnino seruas.

Tantum proficies, quantum à te deficies.

Est quidem certum in Charitate vnionem esse perfectionis: sed non est certo dicenda hæc Charitas, neque hæc vnio, nisi in obedientia quæ dicitur Charitatis.

In eadem 1. parte, Feria 4. 5. & 6. infra Hebdomadam 4. post Epiphaniam: Quæ ad proxime sequentem Dominicam forte aptius reservari possent.

Hæc sponsæ fides est, vt sicut neminem præter sponsum velit diligere, ita velit à nullo diligi.

Sabbato infra Hebdomadam 6. post Epiphaniam.

Aut nulla aut tota est Charitas in agendis, sicut fides in credendis.

In 2. parte, Feria 4. infra Hebdomadam 4. post Pascha.

4. Pars.

N

Cura rerum minimarum rem procurat omnium maximam.

In 3. parte, Sabbato infra Hebdomadam 4. post Pentecosten.

Quo minus Concupiscentiæ mortificabis, eo magis à Concupiscentia mortificaberis.

In eadem 3. parte, Feria 4. infra Hebdomadam quintam.

In qua etiam parte videri potest Feria 4. infra Hebdomadam septimam, vbi de dilectione poenitentis animæ, & alibi plura Verbo *Charitas*.

Inquirenti Deo cur voluntatem ipsius non facias, hoc vnum infame respondendum habes, Nolo.

In 4. parte, Feria 5. infra Hebdomadam decimam octauam post Pentecosten.

Quæ spectant autem Charitatem proximi, simul habes collecta in 3. parte, Dominica 12. post Pentecosten.

ADDI vero possunt illis superioribus alibi declaratis Veritatibus, hæ sequentes, huic loco magis propriæ.

Non quantum, sed ex quanto fiat, quidquid fit, quærit Deus.

RATIO EST, Quia Deus à nobis querit maximè diligere. Hic est enim finis præcepti, *Charitas de corde puro*, vt ait Apostolus. Et post enumerata omnia beneficia quibus populum suum Deus abunde cumulauerat, sic Moses semper concludit: *Et nunc Israël quid Dominus Deus tuus petis à te nisi vt timeas Dominum Deum tuum, & ambules in viis eius, & diligas eum ac seruias Domino Deo tuo, in toto corde tuo, & in tota anima tua.* Et certe cum nihil sit excellentius Charitate, quid est quod magis velle possit Deus? Nam si quid aliud esset quod magis veller, tum illud esset excellentius Charitate.

SED quando fit aliquid propter Deum, magis demonstratur diligere Deus ex quanto illud fiat, quam quantum fiat. Nam cum dicitur quantum, dicitur opus externum vt orare, jejunare, pati aduersa, misereri aliis, eleemosynas facere, condonare iniurias & alia misericordiæ opera exercere. Cum autem dicitur, ex quanto, non



1a Pf. 10.

sunt cum possint Deum diligere : sic plane nisi velint , nisi Deum ex toto corde diligant , nihil legitime possunt prætendere. Nihil enim quæritur quod non possint & quod non debeant , nihil quæritur quo sint pauperiores dando , imo quo ditescant tanto magis quanto amplius dabunt , etiam nihil dando. Nam , ut ait sanctus Augustinus , *coronat Deus intus voluntatem ubi non inuenit facultatem. Nemo dicat , non habeo. Charitas non de sacculo erogatur. Quia quidquid dicimus , & quidquid diximus , & quidquid dicere potuerimus , vel nos , vel post nos , vel qui ante nos , finem non habent nisi Charitatem.*

O vere pretiosam Charitatem quæ sine ullo datur pretio , & numquam sine pretio exercetur !

Diminutio Cupiditatis, augmentum est Caritatis.

RATIO EST, Quia Cordis augmentum est augmentum Charitatis. Id est, quo minus de toto corde detrahatur , aut quo magis totum sibi Cor redditur , ut totum Deo detur , tantò verius augetur Charitas. Fit enim purior ; & quo est purior , eò est major. Nam si Charitas de corde puro est , quo magis Cor erit purum , purior & maior erit Charitas.

Pf. 11.

Sed diminutio cupiditatis est augmentum cordis , quo nempe sensu dictum est tunc augeri cor nostrum quando redditur sibi , tum Deo quâ parte fuerat à se distractum. Sic autem sibi redditur diminutione cupiditatis ; nam sola cupiditas illud distraxerat , tantumque de toto sustulerat , quantum affixit creaturæ , contra vel præter ordinem à Creatore præstitutum. *Coagulatum est sicut lac cor earum* , id est , constrictum circa obiectum concupiscentiæ.

Sic igitur diminutio cupiditatis , augmentum est Charitatis , ut è contra :

Augmentum Cupiditatis est diminutio Charitatis.

1a Pf. 30.

Quia tanto magis diminuitur Charitas , quanto minus de toto corde formatur. At quanto magis augetur cupiditas , tanto minus de corde restat quo formetur Charitas. Ergo & augmentum cupiditatis est diminutio Charitatis. Vnde quanta sit sollicitudine Cupiditas reprimenda , tam manifeste patet , quàm ipsa Charitas est colenda. *Purga ergo amorem tuum* , inquit sanctus Augustinus , *aquam fluentem in cloacam , conuerte ad hortum. Quales impetus habes ad mundum , tales habes ad Artificem mundi. Non vobis dicitur.*

nihil ametis; absit. Pigri, mortui, detestandi, miseri eritis, si nihil amatis. Amate, sed quis ametis, videte. Amor Dei, amor proximi, Charitas dicitur. Amor mundi, amor huius sæculi Cupiditas dicitur. Cupiditas refrænatur, Charitas excitetur. Et alibi: Quia radix omnium malorum est Cupiditas, & radix omnium bonorum est Charitas, & simul amba esse non possunt; nisi una radicitus enulsa fuerit, alia plantari non poteris: sine causa aliquis conatur ramos incidere, si radicem non consentit euellere. Id est, moderari & refrænare, ut in sequentibus declaratur.

Cupiditas non refrænata, rapina quædam est in holocausto, & sacrilegium.

Qui abominaris idola, sacrilegium facis! Rom. 2.

RATIO EST, quòd detrahere partem aliquam holocausti, vel rem Deo sacram suffurari, rapina est, & sacrilegium. Nihil hic dubij.

Sed cupiditas non refrænata, detrahit partem aliquam holocausti, nempe rem Deo sacram suffuratur. Quid est enim cupiditas non refrænata, nisi praua Cordis affectio? Quid porro praua Cordis affectio, nisi tanta cordis à diuino amore detractio, quanta est eiusdem cordis circa rem creatam prauitas? At nonne cor tuum, Cor Deo sacrum est! Nonne totum sibi Deus vult consecratum, quando ex toto corde vult diligere? Nonne ipsa dilectio velut sacrificium cordis est & holocaustum? Ac proinde quis non videt quod qui partem cordis sic detrahit, ut det illam creaturæ, partem aliquam holocausti detrahit, & rem Deo sacram suffuratur? *rapinas nolite concupiscere. 1. Cor. 6.*

NONNE igitur cupiditas non refrænata, rapina quædam est in holocausto, & sacrilegium? Quid hic dubij vel difficultatis? An negabis cor tuum, rem esse sacram? Negares primum præceptum quo iuberis cor tuum totum illi dare, dedere, consecrare. Sicut ego hodie præcipio tibi in toto corde tuo. Negares te esse Christianum, id est, vinctum & signatum in Spiritu sancto, caractere numquam dolendo quo te singulariter esse Deo sacrum constet in omnem æternitatem. In quo signati estis in diem redemptionis. Negares te à Christo redemptum quo redemptionis titulo tam verè Christi totus es quàm te totum verè meretur tale redemptionis pretium. Non estis vestri, Empti enim estis pretio magno. *2. Cor. 6.*



Quod si de grauiori ageretur culpa, tunc illud etiam grauius sequeretur quod certe malum expendi debet:

In leui quidem cupiditate, pars aliqua nostri cordis detrahitur:

In graui vero, totum Cor Deo perit.

RATIO EST, quia tunc Deo Cor hominis totum perit quando tota dinina perit Charitas. Sed in graui cupiditate qua est lethalis culpa, perit tota dinina Charitas. Ergo & totum hominis Cor Deo perit.

In prima propositione tria essent distincte declaranda. Primum quid sit aliquid perire Deo, nihil enim proprie potest illi perire, cum in se omnia sic contineat vt sicut à se non potest diuidi, sic neque ab illo creata omnia, nisi qua ipse in nihilum reduxerit. Dicitur tamen moraliter illi hoc perire quod non attingit finem suum, vt cum homo damnatur, perit Deo, quia sic à suo fine excidit, sic nec possidet à Deo, nec homo possidet Deum qui erat vltimus finis hominis.

Secundo quid sit dinina Charitas, nempe illa virtus Theologica qua super omnia Deus diligitur propter seipsum; *qua homo se illi plene subicit, referendo ad ipsum tamquam ad vltimum finem sua omnia, & preceptorum eius regulam sequendo in omnibus.* Sic disertis verbis Diuus Thomas.

2. 2. q. 24.
a. 12.

Tertio denique, tunc hominis totum Cor Deo perit quando perit hæc tota Charitas, quia perit humani cordis supernaturalis finis qui erat diligere Deum super omnia, & sese illi subicere in omnibus sicut per illam Charitatem potest & debet diligere & sine qua non omnino potest. Esto diligat Deum naturali quodam sensu & motu sine illa Charitate; Non est diligere Deum, sic tantum naturaliter in eum affici sicut in bona nostra creatas; non est tunc diligere Deum super omnia, non est sese illi subicere, non est ad illum sua referre omnia, non est denique finem illum attingere ad quem est hominis Cor conditum, & cordi diffusa Charitas *per inhabitantem Spiritum sanctum qui datus est nobis.* O vere Diuina Charitas, qua Cor ipsum humanum, Diuinum redditur!

Sed in graui cupiditate qua est lethalis culpa, perit hæc tota Dinina Charitas. Primo enim, vt ait sanctus Thomas, cum sit virtus non naturalis, nec acquisita, sed à Deo infusa, sic à Deo infunditur

Supra.

vt semper ex actione Dei infundentis dependeat, sic autem se Deus habet in infusione & conseruatione Charitatis, sicut sol in illuminatione aeris, vnde sicut lumen statim cessaret esse in aëre si quod obstaculum poneretur illuminationi solis, sic Charitas statim deesset esse in anima per obstaculum eius influentiæ quod à peccatore ponitur seu à peccato quod est illi omnino contra ium, nam Charitas quæ Diuina est amicitia tam necessario exigit Diuinam à nobis fieri voluntatem, vt si eam nolimus facere non sit Charitas, non sit amicitia; peccare autem lethaliter nihil aliud est quam nolle facere Diuinam illam voluntatem; vnde peccatum & Charitas sese ita expugnant vt Mors & vita; *Qui non diligit manet in morte.*

1. Ioh. 3.

Deinde vero cum Charitas inseparabili nexu iungatur illi gratiæ quæ sanctificans dicitur, & quæ peccato mortali deperit: nonne & simul oportet Diuinam illam perire Charitatem? *Eua- cuati estis à Christo, à gratia excidistis.*

Gal. 5.

Denique cum Charitati debeat æterna vita quam ipse qui non mentitur promisit dicens: *Si quis diligit me, diligetur à Patre meo, & ego diligam eum, & manifestabo ei meipsum*: Peccato vero mortali certa sit & æterna pœna, si Charitas & peccatum simul esse possent, simul Idem homo vita & morte æterna dignus esset, quod admitti non debet. *Euigilabunt alij in vitam æternam, & alij in opprobrium vt videant semper. REDDET unicuique Deus secundum opera eius: iis quidem qui secundum patientiam boni operis incorruptionem querunt, vitam æternam: iis autem qui credunt iniquitati, ira & indignatio.*

Ioh. 14.

Rom. 12.

Rom. 2.

O quanta vtriusque disparitas!

In graui ergo cupiditate quæ est lethalis noxa, totum cor hominis Deo perit, quia tota perit Charitas sine qua Cor humanum non potest Deum diligere, nec suum illum finem attingere cui consequendo creatum est, quod est perire Deo sicut & Deus ipsi perit, quod est ad nihilum sese redigere, quod est se à summo Bono in summum malum subtrahere. *Perditio tua Israel? SOLVS portabis malum.*

Iste 13.

Pr. 9.

Neque sibi quis palpet de pio quodam Diuinitatis sensu quem semper peccator videtur retinere, Tale est enim bonum, Deus, vt vel eius Inimici non possint dissimulare penitus; Sed tale est malum praua cupiditas, vt quantumcumque bene de Deo Præui sentiant,

sentiant, non possint tamen Deum diligere quamdiu sic prauī sunt. *Cognoui vos*, ait illis Dominus, *quia dilectionem Dei non habetis in vobis.* *IPSE nouit quid sit in homine.* Ipse nouit quid sit Deum diligere; Ipse nouit quid sit hominem suo illudi sensu, suo falli iudicio. *Posuerunt aduersum me mala pro bonis, & odium pro dilectione mea.* Tantum abest vt possit amor Dei cum peccato simul in vno corde quiescere, quin potius vbi patet peccatum quod non statim expiatur, ibi quoddam later Dei odium: ibi quadam in Deum sauitia quæ non sentitur quia puderet, sed in imo latet quia peccator vellet si posset, Deum de medio tollere; nam vellet illum vel nescire suum peccatum, vel non posse vindicare, quod est velle Deum non esse, sicut alibi ex sancto Bernardo dictum est; *Satis modo tibi sit, vbi de diligendo Deo agitur ex toto corde tuo, sic excludi necesse est omnem inordinatam de corde cupiditatem, vt si quidem leuis sit, non de toto corde Deum diligas, sed ex parte tantum; si autem grauis Cupiditas fuerit: tu nulla prorsus ex parte diligas, Qui habet mandata mea & seruat ea, ille est qui diligit me.* Quali diceret, multi quærent quid sit Christum diligere, multi fingunt se id velle, multi propterea vel multa dicunt vel faciunt; sed de his nemo deinceps ambigat; qui habet mandata mea & seruat ea, qui se à quouis peccato continet, ille est & non alius qui me diligit.

Quid tibi videtur de Christo, cuius est filius? an potest decipi vel nos decipere? an potest peccato cohabitare, an potest peccatum in corde tuo non videre? an potest illud videndo non increpare? Quid tibi rursum videtur de Christo? An satis dignus corde tuo toto, vel aliqua tantum eius parte? Quid diligis in Creatura quod in illo non sit certius & amabilius? Vrge hunc affectum per singula quæ cogitari possunt amabilia, & nihil prorsus reperies amore dignum quod non sit in Christo dignius: aut si quid in Christo non est, hoc ipso non est amabile; nam ipse est non modo totus amabilis & desiderabilis, sed totus ipse est amor noster, & totus desideria, quia sic exhaurit amorem nostrum vt nil super sit aliis, nisi quantum ipse permittit.

Vide & infra, Feria 4. infra Hebdomadam decimam nonam.

Qui solutioris & laxioris est vitæ, nec Christum, nec Deum nouit,



HAC HEBDOMADA , cum nobilis Adolescens audiisset à Domino, si perfectus esse vellet, sibi relinquendas esse opes , moerensque recessisset , spreto Christi consilio ; tum Dominus multa in affectus divitiarum inordinatos , multa in eorum Gratiā qui his affectibus renuntiarent, dixit. Matthæi decimo nono , Marci decimo , & Lucæ decimo octauo. Ex quibus conformes eruentur Veritates , ad quoslibet inordinatos affectus perpurgandos, qui comparandæ salutis & perfectioni tantillum obstant.

FERIA SECUNDA.

INTERROGANTI CHRISTVS ADOLESCENTI, RESPONDET:

Unum tibi deest. Marci 10.

VERITAS PRACTICA.

Verendum, ne quod tibi deest ad perfectionem, desit etiam ad salutem.

RATIO EST, Quia quod tibi deest ad perfectionem, est affectus quidam inordinatus.

Sed verendum ne affectus ille inordinatus desit etiam ad salutem.

Ergo & quod tibi deest ad perfectionem, verendum est ne simul etiam ad salutem desit; ac proinde diligentius prospiciendum.

I. P V N C T V M.

VT ab ipso rei gesta exordio considerationem inchoemus, sic sanctus Marcus inter alios, obseruatis quibusdam circumstantiis, *Et cum egressus esset Iesus in viam, procurrens quidam genu flexo ante eum, rogabat eum: Magister bone, quid faciam, ut vitam aeternam percipiam? Iesus autem dixit ei, quid me dicis bonum? Nemo bonus nisi bonus Deus. Præcepta nosti? Ne adulteres, ne occidas, ne fureris, ne falsum testimonium dixeris, ne fraudem feceris, honora Patrem tuum & matrem. At ille respondens ait illi: Magister, hæc omnia obseruaui à iuuentute mea. Iesus autem intuitus eum, dilexit eum & dixit ei: Vnum tibi deest.*

Hic modo hæreamus, & perpendamus quantæ spei esset hic Adolescens qui omnia Dei præcepta seruauerat, qui singulari studio suæ salutis Dominum conuenerat, à quo singulariter respectus & dilectus fuerat, qui vno verbo Deum sibi loquentem videbat & audiebat: & tamen, ô Diuina Iudicia, quam parum aut nihil profecerit ex hoc colloquio, infaustus declarabit exitus; Quin & de eius salute dubitandi locum satis apertum nobis relinquunt verba Christi, quæ post eius abscessum protulit: *Quam difficile qui pecunias habent in regnum Dei introibunt.* Vndenâm hoc, cum si quid illi deesset, non ad salutem sed ad perfectionem deesse videretur? Hinc videlicet est quod *quidquid ad perfectionem deest, illud ipsum ordinarie desit ad salutem.* Quæ vniuersalis Veritas tibi singulariter applicanda proponitur vt certiozem referas fructum. Quamobrem quod primum est in Ratiocinio, diligenter perscrutare quid tibi desit ad perfectionem. Nisi dissimulare velis, erit aliquis inordinatus affectus vel complacentiæ vel displicentiæ circa illud obiectum quod magis vel minus connaturale est; aut nisi sit aliquid particulare, vide quod commune est omnibus, amor honoris, commoditatum, & voluptatis: vel metus istis oppositus, an sit recte ordinatus, nam sola hæc sufficit inordinatio affectus vt tale sit impedimentum perfectionis qualis hæc est inordinatio.

Denique cum perfectio Christiana tantopere sit expetenda; quid est quod ab illa te retardet, nisi quod nimis diligis aut quod nimis metuis? Nam si nihil tale obstar, quid est quod nolles esse perfectus? Quid est quod nolles tale bonum qualis est proposita

Eccl. 5. 51. tibi perfectio tui status? *Quid adhuc retardatis, & quid dicitis in his? Anima vestra sitiunt vehementer?* Quasi diceret Sapiens; cum vehementer desideretis vestrum bonum; nihilque sit vobis melius quam vestra perfectio, quid est quod tale vobis bonum non comparatis? Oportet profecto esse aliquid valde intimum quod vos retardet. Atque ut videas id ita esse, conjice oculos in illum Adolescentem de quo est quaestio, quid est quod ab ipso Christo inuitatus ad perfectionem, retro abiit, nisi quod nimis affectus erat erga diuitias? Sunt videlicet illae spinæ suffocantes Verbum Dei atque eius impediens fructum. Quod de quolibet affectu inordinato intelligas. O vere maledictam terram quæ has spinas & tribulos proterit!

II. P V N C T V M.

SE D verendum ne affectus ille inordinatus desit etiam ad salutem.

Id est, ne eius defectu salus æterna pereat. Id est, ne affectus qui videtur primo leuiter inordinatus degeneret in peccatum mortale: Id est denique, ne in eo peccato viuas & moriaris. Hoc est enim deesse ad salutem quando eius defectu salus æterna perit; tum vero salus perit quando quis in mortali viuit & moritur.

Quomodo autem id fiat & ordinariè accidat, ut peccata venialia quæ ex affectibus inordinatis committuntur, degenerent in mortalia, eaque tam pertinaciter durent in animo ut nulla de eis Contritio & Conuersio in morte habeatur, fulissimè tractatum est in eo libro qui de via lata & spatiosa inscriptus est. Hæc est enim via lata, via perditionis quæ à multis interitur, in qua & ipsi certò intereunt, non quia tantum peccant: quis enim est hominum qui non peccat? nec quia morituri peccata non confitentur, vix enim vllus est Christianis qui non confessus obeat, sed quia vel ex ipsa concupiscentia naturæ, vel artificio Daemonis, vel iustissima Dei permissione sic tandem fit, ut dum infirmi & morientes confitentur, *infirmetur & moriatur eorum Conuersio*, ut ait sanctus Augustinus. Id est, nullam peccatorum remissionem accipiant, quia nullam de his Contritionem aut Attritionem habent, quia non deponunt affectum rei quæ est causa peccati,

quia talis est huius affectus malitia ut quando sic hæsit in animo diutius, non facile postea deponatur nisi singulare aliquod Divinum conferatur auxilium, quod tantum abest ut adit, quin iusto Dei iudicio, solita quædam tam verè delint auxilia, quam verè id comminata est Divina-Sapientia: *Quia vocavi & remisistis*, Prov. 1. *exiendi manum meam & non fuit qui afficeret. Despexistis omne consilium meum, & inceptationes meas neglexistis. Ego quoque in intuitu vestro ridebo & subsannabo vos, cum vobis id quod timebatis acciderit. Tunc innocabunt me & non exaudiam.* Et quæ plura pergit tum in illo Scripturæ loco, tum in pluribus alijs. Hi nempe sunt quibus dicitur. *In peccato vestro moriemini, Vos de mundo hoc estis*, Joan. 8. *dixi ergo vobis quia moriemini in peccatis vestris*; Hic est mundus pro quo Christus non orat, *Non pro mundo rogo.* Id est, *His* inquit sanctus Augustinus, *qui vivunt secundum concupiscentiam mundi.* Ibid. 17. Hæc sunt peccata quæ dicuntur *afferre mortem* pro quibus sanctus Ioannes scribit non esse orandum. Hæc sunt peccata in Spiritum sanctum quæ tam difficile remittuntur, ut vix remitti dicantur. Hi denique voluntarij peccatores quibus iam non relinquitur pro peccatis hostia, *terribilis autem quædam expectatio iudicij.* 1. Joan. 5. Quidquid dicant, quidquid clament. *Orabat seculus Dominum a quo non esset misericordiam consecuturus.* Matth. 12. Si hoc pavendum non sit, quid putas esse pavendum? Hebr. 10. 2. Mach. 9.

III. PUNCTVM.

PATET igitur quàm sit verendum ne quod tibi deest ad perfectionem, desit ad salutem. Quandoquidem ille ipse affectus qui cum venialis tantum est, impedit perfectionem, transire potest in mortale, & in ipsa morte permanere, licque salutem auertere. *Species decepit te, & concupiscentia subvertit cor tuum. LAPIDES excavaunt aqua; & alluvione paulatim terra consumitur. Et hominem ergo similiter perdes.* Dan. 14. Tu de alijs hominibus id forte concederes, Iob. 14. sed de te numquam id metues. At satius esset de alijs bene sperare, & de te magis metuere, cum vix ullus sit qui toties à pravitate affectus fuerit revocatus, in qua si diutius permanses, peccatum tuum iam non superbia non invidia non immunditiæ aut aliud quid simile censetur apud Deum, sed oblationis & pertinaciæ cuius finis vix alius quam finalis impenitentia.

Pf. 54.

Deducet eos in puteum interitus. Sicut enim in puteum qui decidit non potest inde sicut vellet emergere: sic à perniciosa concupiscentia non resilitur.

Sanctus autem Augustinus legit *puteus corruptionis*, & ait esse tenebras submerisionis. *Deducit illos Deus in puteum corruptionis*, inquit ille, *non quod ipse sit author culpa ipsorum, sed quod ipse sit Iudex iniquitatum eorum.* Tradidit enim eos Deus in Concupiscentias cordis eorum. Amauerunt enim tenebras & non lucem: dilexerunt caritatem & non visionem, nam ecce Dominus IESVS eluxit uniuerso mundo; Et post nonnulla de iis qui ab eo se separant, sic concludit. *Quid passuri sunt nisi in puteum corruptionis ituri?* Quasi diceret, sicut culpa est concupiscentiæ quæ corrumpit mentem, ita illius poena est ut fiat inde puteus corruptionis, atque interitus in quo hi omnes pereant qui se in illum præcipites agi sinunt. Ne quid leue vmquam putes & contemnendum quod à praua vides oriri concupiscentia; semperque ora cum Sapiente:

Ecclesi 23. Extollentiam oculorum meorum ne dederis mihi: & omne desiderium auerte à me.

Videri etiam potest in 2. parte, Dominica Septuagesima. Vbi hæc declaratur Veritas:

Quia causa est cur pauci salui sint, hæc in te causa est cur ex illis forte non sis.



FERIA TERTIA.

ADOLESCENTI CHRISTVS
CONSILIUM PERFECTIONIS
SUGGERIT.

Ait illi Iesus, si vis perfectus esse, vade, vende quæ habes, & da pauperibus, & habebis thesaurum in Cælo: & veni, sequere me. Matth. 19.

VERITAS PRACTICA.

Hoc amanti Cælum paupertas est, quod amanti terram diuitiæ.

SENSVS ET RATIO EST, Quod amanti cælum media quæ illi acquirendo deseruiunt tam cara sunt & optata, quàm amanti terram seu vitam præsentem cara sunt illa quæ huic vitæ deseruiunt.

Sed cælo acquirendo paupertas est medium tam opportunum quàm sunt diuitiæ præsentis vitæ conseruandæ.

Igitur hoc amanti cælum paupertas est, quod amanti terram Diuitiæ. Vel certe si paupertas non est ita tibi cara & optata, quam sunt Mundano Diuitiæ, cognosces te non ita cælum diligere, quam mundanus amat mundum.

I. PUNCTVM.

HOC est vnum quod deerat Adolescenti, vt quam optabat fœlicitatem æternam securius assequeretur, nempe vt veller esse perfectus, atque vt perfectus esset se suis denudaret bonis, ac pauper pauperem Christum sequeretur.

Quod quam male infaustus adolescens acceperit, videbitur postea; sed quàm verè id Christus consuleret, quamque illud quod consulit, sit optandum ad æternam illam aspirantibus Beatitudinem, nunc ex proposita Veritate videndum est: *Nempe hoc amanti cælum paupertas est, quod amanti terram vel mundum vel præsentem hanc vitam, sunt diuitiæ.* Quid enim sunt mundano diuitiæ nisi media quædam mundo colendo seu vitæ præsentis commodius transigendæ & conseruandæ? Quid est vero paupertas, nisi medium cælo comparando? At nonne qui amet cælum, tam vehementer amet & colat quæ cælo acquirendo deseruiunt quam qui terram amat, terræ commoda diligit?

Hoc est primum expendendum in quo propositæ Veritatis fun-

112 *Fetia 3. Hebd. 16. post Oct. Pent. Si vis perfectus esse, &c.*

datur Ratio & in quo declarando tria hæc distinctè sunt enucleanda.

Primum est quod qui amet finem aliquem qui certis quibusdam mediis comparetur, tanti amet hæc media, quanti finem ipsum.
2. 2. q. 8. a. 2. Nam ratio boni quod est obiectum potentia voluntatis, ait sanctus Thomas, inuenitur non solum in fine, sed in his quæ sunt ad finem; nec est proprie voluntas sed velleitas nisi sic simul voluntas omnia quæ sunt amplectenda complectatur, vt ex eodem saepe iam diximus.

Secundum est, quod sicut ad hanc vitam conseruandam aut foelicius transigendam sua sunt certa quædam media, sic ad æternam possidendam; quis dubitet, quis ignoret opus esse Fide, Sacramentis, operibus, & aliis quæ ad sanctimoniam spectant *sine qua nemo videbit Deum*; inquit Apostolus.

Tertium, hinc denique manifeste paret quod amanti cælum media illa quæ cælo acquirendo deseruiunt tam sunt cara, quam amati terram sunt terræ commoda, seu præsentis vitæ subsidia, seu quæcumque media dici possunt. Fieri quidem potest saepius vt non sit nec sentiaturs tantus cæli amor quantus terræ, nec proinde tantus ardor in cæli mediis comparandis, quantus in terrenis & mundanis: sed ponamus paritatem affectus erga disparem finem, tunc certe sequetur etiam eiusdem affectus paritas circa diuersa media quæ ad suos fines ducunt, quia generatim de quocumque fine asseritur, quod qualis est eius appetitus siue amor, talis prorsus eorum est sine quibus attingi non potest finis: aut si mediiorum languet amor, languet & finis; si mediiorum nullus, nullus & finis, quidquid dicat & sentiat, *vult & non vult propter, vult finem*; & non vult media, sicque absolute nec vult ipsum finem vt supra probatum est.

O quàm hinc multi falluntur qui se putant velle humilitatem qui nolunt humiliationem!

IL P V N C T V M

SED cælo acquirendo paupertas est medium tam opportunum quàm sunt diuitiæ præsentis huic vitæ conseruande.

De paupertate Euangelica sermo est, non de alia quauis: non de inuoluntaria, non de philosophica, non de apparente & supposita.

posita. Vt sit autem paupertas Euangelica, tribus his esse debet ornata circumstantiis, nempe sit Voluntaria, sit vniuersalis omnium quæ possideri possint, sit denique propter Christum sequendum, siue propter æternam vitam.

Tribus porro modis hæc etiam exerceri potest paupertas. Primo cum quis conditione pauper & inops inopiam suam libens volensque patitur, & de necessaria reddit liberam ac voluntariam, dicitque cum Tobia: *pauperem quidem vitam gerimus, sed multa bona habebimus si timuerimus Deum, & recesserimus ab omni peccato, & fecerimus benè.* Secundo cum quis aliqua legitime possideret hoc tantum animo vt in necessarios suos vsus impenderet, nec in ipso rerum vsu, rerum affectu moueretur, nec res sibi superfluas reseruaret aut in vanos vsus distraheret, sed *Charitati totum daret quod cupiditati subtraheret*, vt ait sanctus Leo. Tertio denique cum reipsa effectu & affectu relinquuntur omnia vel possessa vel possidenda, sicut fieri solet in ingressu vel professione religiosi alicuius iustituti. Tum vero quod est præcipuum Propositionis caput, quocumque ex his modo paupertas obseruetur, dici potest medium cælo acquirendo tam opportunum quam sunt diuitiæ, præsentī huic vitæ conseruandæ. Vel enim diuitiæ considerantur vt medium necessarium, vel vt tantum vile siue commodum. Quod si vt necessarium considerantur sine quo vita præsens non possit transigi, certe paupertas est magis necessaria secundo sensu accepta, seu saltem ex illa parte qua inordinatus rerum affectus coercetur; Nisi enim talis sit ordinatio cupiditatis & affectus rerum, quid sequitur nisi affectus prauitas & inordinatio? Quis vero nesciat quantum obsit talis inordinatio cælo possidendo? Quis nesciat *nihil coinquinatum eò ingressurum?* Quis porro ignoret, inordinatum quantumuis rerum affectum, coinquinare hominem? Ac proinde quis non videat cælum ingressuro tam necessariam illam prauī rerum affectus denudationem quam terræ incolendæ diuitias?

Domine, quis habitabit in tabernaculo tuo? Aut quis requiescet in monte sancto tuo? Qui ingreditur sine macula; Hoc primum quod responderetur vt magis necessarium de quo iam supra cum de infantia rationabili ageretur. At certe non sic vniuersim præsentī vitæ sunt necessaria diuitiæ: quot enim videmus inopes vel indutria sua victitantes, vel aliena Charitate sustentatos, vel quo-

uis demum modo subsistentes? Quod si diuitias tantum consideres vt medium vtile, commodum & opportunum vitæ præsentis facilius transigenda: profecto sic paupertas non minus erit vtile medium ac opportunum cœlo acquirendo. Primò enim certam habemus Domini vocem, aperte pronuntiantis: *Beatos esse pauperes, quoniam ipsorum esset regnum cœlorum*, qua de Beatitude supra dissertum est. Deinde patet euidentius quàm vt probari sit necesse, quale sit opus, quam arduum, quam nobile, quam excellens, sic se suis omnibus denudare propter Christum, vel effectu vel affectu: vnde si bona opera cœlo deferuiunt, quanta putas erit illius operis utilitas ac futurum meritum quod vel dignitate multis præminet, vel amplitudine tam multa & frequentia complectitur, quàm sunt diuersa temperanda suæ cupiditatis tempora, variæque rationes?

Denique si hoc maxime cœlo acquirendo exigitur vt malum culpæ caueas: quo tandem certiori modo cauere potest quam quo radix malorum omnium quæ est cupiditas, abscinditur, euellitur, abdicatur? Vnde à sancto Climaco præclare dictum, *Paupertatem esse iter ad Deum sine impedimento*. Non sic diuitiæ, non sic præsentis vitæ sunt opportuna: vt non supersint diuitibus plura incommoda quam quæ tolluntur diuitiis, idcirco enim dicuntur à Domino *fallaces, seu fallacia diuitiarum, & spina*, quòd cum promittant multa, pauca largiuntur: & in his paucis quantæ insunt curæ, quantæ sollicitudines, quanti molestiarum aculei, quibus mentem dilacerant?

III. P V N C T V M.

HOC est igitur amanti cælum paupertas, quod amanti terram diuitia; Cum amanti terram diuitiæ non colantur studiosius quam vt certa sunt media vitæ præsentis commodius traducenda: paupertas autem tam certum cœlo acquirendo sit medium, vt siue necessitatem, siue utilitatem tantum medijs consideres, longe sit paupertas utilior & magis necessaria cœlo possidendo quam sint opes terræ incolenda. *Diuites egerunt & esurierunt, inquirentes autem Dominum*: hac præsertim certa paupertatis proposita via, non minuentur omni bono, nulla parte priuabuntur illius boni cœlestis & æterni quod illis à Domino promissum est.

Altissima paupertas eorum, inquit Apostolus, abundauit in diuitias simplicitatis eorum. De primis illis Christianis loquitur qui sua non aliter reliquerant quam quo secundo diximus modo; dicitur autem eorum paupertas altissima non tantum quia erat egentissima, sed quia erat maxime voluntaria, & maxime generosa, nam ex modicis illis quae possidebant bonis, etiam alios egentiores sustentabant, atque hoc tanti esse meriti affirmat Apostolus ut licet aliud boni nil agerent, hoc vno tamen opere quod ita paupertatem colerent, sic abundant in diuitias spirituales & coelestes, ut propterea maximopere commendentur.

Sic de his sanctus Bernardus, *Quid mirabilius quam paupertate premi inter diuitias quas offert mundus, quas ostentat malignus, quas desiderat noster ipse appetitus? An non merito coronabitur quis sic certauerit mundum abiciens promittentem, irridens inimicum tentantem, & quod gloriosius est de seipso triumphans, & crucifigens concupiscentiam prurientem?* *Ad casus Eccl. si. 31. quis est hic, &c.*

Sic praeclare sanctus Chrysostomus, exponens hunc psalmi noni vericulum: *Patientia pauperum non peribit in finem; NON sic,* *Ps. 2.* inquit, *in aliis quae ad victum pertinent, ubi saepe labor multus, & fructus nullus: Paupertatis vero patienter tolerata nulla umquam defraudatio, nulla frustratio.*

Iam vero quis animus tuus in hoc tam certum coeli potiundi medium? An ita paupertatem colis sicut avarus diuitias? Certe si coelum ita desiderares sicut ille terram, non minus ea coleres quae coelo viam parant, quam qui terram diligit, terrae se affigit. Itane vero tam parui coelum ducis? En vanale proponitur, non qui plura dederit, sibi comparabit: sed qui minus sibi reseruarit, aut qui minus in possessis animi fixerit; Paupertas caminus est in quo saluandi purificantur à Domino. *Ego, inquit, excoxi te, sed non quasi argentum, Id est, suauius & leuius quam putetur, elegi te in camino paupertatis; Vnde qui purior omni rerum affectu fuerit, ille est magis excoctus, ille est magis pauper, ille est magis probatus; ille est magis coelo vicinus & aptus regno Dei. Melius est modicum iusto.* *Ps. 37. Ps. 67.* *PARASTI in dulcedine sua pauperi, Deus.*



FERIA QVARTA.

DISCEDIT ADOLESCENS A CHRISTO TRISTIS.

Cum audisset Adolescens verbum, abiit tristis, erat enim multas habens possessiones. Matth. 19.

VERITAS PRACTICA.


Animo inordinate affecto ad res creatas, angustia sunt vndique.

RATIO EST, Quia illi animo angustia sunt vndique qui quamcumque se in partem vertat, angitur dubius, & laborat incertus quid agat.

Sed quamcumque se in partem vertat animus inordinate affectus ad res creatas, sic angitur dubius & laborat.

Ergo illi angustia sunt vndique, quibus ut se eruat, ordinare debet affectum.

I. P V N C T V M.

 **VID** est quod iste Adolescens abierit à Christo tristis? Tristitia non est nisi de malo, quid illi autem mali accidit vel accedenti ad Christum vel discedenti? Res est consideratione dignissima. Si fuisset hic adolescens melior, Christo vocanti ad perfectionem libens adhassisset: aut si fuisset peior, diuitias suas latus reperisset, sicque nihil tristitia perferensset: sed quia non erat satis bonus ut relictis suis bonis Christum sequeretur, nec ita malus ut cum salutis periculo diuitias possideret, hinc eius orta tristitia quam quilibet nostrum saepe experitur, & quæ

angustiarum nomine aptius exprimitur ut iam patebit in Veritate proposita. Sic enim uniuersum de nobis affirmari potest; *Animo inordinate affecto ad res creatas, angustia sunt undique.* Perinde hoc diligenter.

Et primo quid sint angustia. Metaphora ducta est à loco ita constricto & coarctato ut cum quis eò deuenierit; laboret dubius & nesciat quam se in partem itineris tradat. Sic in negotiis vel humanis calibus ita plerumque accidit, ut animus se in iis angustis positum videat, nihil ut certi possit deliberare, nihil nisi damna videat & pericula. Si ab vno fugit, in aliud incidit. Si pestem recusat Dauid, famem aut bellum sibi suoque populo imminere cernit, quid faciat? *Coarctor nimis*, inquit, *ex omni parte me angustia* ^{2 Reg. 24.} ^{1. Paral.} *premunt.*

Nisi Susanna consentiat illis impudicis à quibus in vitium pellitur, mors illi certa est ac parata: si vero illis consentiat, longe aliud grauius occurrit malum, longe damnosius est sic peccare in conspectu Domini. Quamobrem ingemuit castissima mulier, & ait, *Angustia sunt mihi undique.* Quid faciam, aiebat ille Villicus in Euangelio, qui bona sui Domini dissiparat, *quia Dominus auferet à me villicationem: fodere non valeo, mendicare erubescio.* Alterutrum inihis horum est assumendum; at neutrum volo. Ipse Apostolus sic nutabat aliquando & coarctabatur utrum è duobus libi satius esset dissolui & esse cum Christo, an permanere diutius inter Christianos, *propter multorum salutem.* ^{Dan. 13.} ^{Luc. 16.} ^{Phil. 1.}

Nonne te sæpius in has adductum angustias reperisti? Quid tùm animi, quid consilij fuit? An te præcipitem impulisti quo te naturæ concitatus ferret impetus: an captando consilio iustas dedisti moras? salubre est in his humanis calibus Sapientis monitum: *Deprime cor tuum & sustine: Inclina aurem tuam & suscipe Verba in-* ^{Eccl. 22.} *tellectus: & ne festines in tempore obductionis.*

II. P V N C T V M.

SED quaecumque se in partem vertat animus inordinate affectus ad res creatas, sic angitur dubius & laborat.

Nam ex vna parte attrahitur in rem quam diligit; ex alia vero inde retrahitur quia sentit se non eam diligere nisi cum peccato; quandoquidem omnis inordinatus amor peccatum est, sicut omne

peccatum nihil est aliud quam inordinatus amor seu affectus animi. Quid tum itaque faciat qui non est omnino perditæ Conscientiæ nec tamen satis religiosæ? Aut enim deponendus illi est affectus, aut viuendum in peccato; Vtrumque durum, vtrumque nollet, & cum alterutrum sit necessario eligendum, hærebit dubius quid eligat, æstuabit in illo dubio, & in illo æstu sic angetur ac laborabit ut dum vnum fugit nec aliud amplectitur; solum illi restet *angi & laborare.* *IVS SISTI* enim, & sic est ut pæna sua sibi sit omnis inordinatus animus, aiebat Deo sanctus Augustinus.

Quod si pijs illis exercitationibus sit vacandum quæ ad statum animi dignoscendum & reformandum valent, quid tum animo pertractabit quod non angorem augeat & laborem? Quid crebrius obuersatur meditati quàm Christus vel in stabulo nascens, vel in Cruce moriens, vel in plateis prædicans, *qui non accipit Crucem & sequitur me, non est me dignus.* Ad illas autem voces quid respondebit, *nisi lenta & somnolenta verba, modo & modo, quæ cum non habeant modum, sic in diuersa distrahunt animum ut velit simul & non velit: neque enim audet recusare Christo, quod tamen illi timet concedere, sicque semisauciam hac atque hac versat & iactat voluntatem, parte assurgente cum alia parte cadente, luctantem.* Nonne hoc est angere, nonne hoc est cruciari?

Denique cum ex affectibus inordinatis sint frequentes in peccatum lapsus, vel poenitendum erit de peccato, vel non omnino poenitendum. Si serio poenitendum, deponendus omnino est non modo peccati affectus, sed rei etiam circa quam ille affectus versatur quo fit peccatum, ut sæpe dictum est. At vero hinc angor, hinc mœror, & hinc tam rara poenitentia, ut nullus sit quem vere poeniteat. Non poenitere autem, nonne hoc est molestius animæ nondum abiectæ in vitia vel desperatæ, quàm quiuus labor poenitentis? *Conuersus sum in arumna mea, dum configitur spina.* Id est, dum vnum laborem fugio, se offert alius, nec tam laborem fugio quam me ab vno conuerto in alium.

III. PUNCTVM.

ANIMO igitur inordinate affecto in res creatas, angustia sunt vndique: Cum in re, seu negotio quod habet momentosius & præcipuum, ex vtraque sui parte sic angatur, ut quid agat,

semper laboret, & mœreat; Nam aut affectum deponat necesse est, aut peccatum numquam velit deponere. Quod postremum ū forte non est ita laboriosum ac prius, certe vides quam sit damnosius: aut nisi videas, reuolue quæ supra dicta sunt de Conscientia cauteriata, in prima parte, tota Hebdomada tertia post Epiphaniam. *Computruerunt lumenta in stercore suo.* Quæ Prophetæ ^{Ios. 1.} Verba, venialem etiam culpam attingunt quæ ex inordinato affectu contrahitur, & qua non parum fœdatur animus, suæque in fœditate peccatores tam vere computrescunt quam in ea verè consenescent & moriuntur. *Moriuntur, & non in Sapientia*, ut ^{Iob. 4.} est in libro Iob, quali diceretur, non sapienter faciunt qui non timent in illis mori peccatis, non timent autem in illis mori qui non verentur in eis viuere. *Moriuntur, & non in Sapientia.* Id est, alio etiam sensu, moriuntur morte lethali quam nescient; sit enim saepe ut in illis peccatis quæ ex affectu & cupiditate perpetrantur, putetur tantum veniale quod est lethale. *Væ qui trahitis iniquitatem in funiculis vanitatis, & quasi vinculum plaustris, peccatum.* Dum quibusdam Amalecitis pepercit Saul quos omnes ^{1. Reg. 15.} ad vnum delere iussus erat, ab vno tandem eorum percussus est ^{Ibid. 31.} & occisus. O quam sapientius illos omnes deleuisset! O quam sapientius in ordinandis laborares affectibus, quam quia non sunt ordinati, tibi laborandum est dum viuīs & dum moreris. Hæc est Sapientia de qua Sapiens: *Viam Sapientia monstrabo tibi, ducam te* ^{Prou. 4.} *per semitas aequitatis, quam cum ingressus fueris, non arctabuntur gressus tui, & currens non habebis offendiculum.*

Vide in 3. parte, Feria 4. Hebd. 5. Vbi hæc habetur Veritas:

Quò minus concupiscentiæ mortificabis, cò magis à concupiscentia mortificaberis.



FERIA QUINTA.

SVB DISCESSVM ADOLESCENTIS,

DECLARAT CHRISTVS DIFFICILEM

DIVITIBVS ESSE SALVTEM.

Et circumspiciens Iesus ait Discipulis suis : quàm difficile , qui pecunias habent , in regnum Dei introibunt ! Marci 10.

CVM circa hanc sententiam Christi Domini contra Diuites, multæ occurrant Veritates proponendæ, Primùm est ipsa sententia Domini paulo attentius expendenda. Discedebat itaque tristis ille Adolescens qui cum Christo remanere noluit, Et tùm vt refert sanctus Marcus, *Circumspiciens Iesus*, ait discipulus suis : *quàm difficile , qui pecunias habent , in regnum Dei introibunt ! Discipuli autem obstupescabant in Verbis eius. At Iesus rursus respondens ait illis : Filioli quàm difficile est confidentes in pecuniis in regnum Dei introire ! Facilius est camelum per foramen acus transire , quàm Diutem intrare in regnum Dei. Qui magis admirabantur dicentes ad semetipsos , Et quis potest saluus fieri ? Et intuens illos Iesus ait , apud homines impossibile est , sed non apud Deum : omnia enim possibilia sunt apud Deum.*

Ex quibus Euangelistæ Verbis tria obseruari possunt quæ difficilem Diuitibus esse salutem declarent. Primum est ipsa Christi Domini sententia tam plana & aperta vt nihil in ea figuratum sit, nihil prorsus obscurum. Adde quod modus eam pronuntiandi talis est vt innuat nobis plus etiam in re ipsa inesse difficultatis quàm verbis exprimatur : Ait enim semel atque iterum, *Quàm difficile !* Quasi ipse miraretur, quasi ipse diceret, tam difficile illud est vt vix dici possit. Secundum est similitudo quam affert de faciliiori transitu cameli per foramen acus, siue per camelum intelligas animal illud gibbosum, siue rudentem; vtrumque enim potest intelligi, & in vtroque par similisque prorsus obstupescendi ratio. Tertium denique quod affirmat apud homines id esse impossibile. Id est, ita difficile vt ordinarie loquendo vix vñquam fiat, & quasi pro impossibili habendum sit, quod non debet tantum intelligi de viribus humanis, seu de impossibilitate naturali, nihil enim mirum esset, cum nulli hominum etiam non diuiti possibile sit suis saluari viribus; sed cum ipsa etiam ordinaria & sufficienti gratia quæ nunquam illi deest, dicitur tamen apud homines impossibile, quia homines additi

additi pecuniis sic ordinariè ista cupiditate implicantur & impediuntur, vt non consentiant tali gratiæ nec saluentur. Quod autem addit: *Sed non apud Deum impossibile, apud quem omnia sunt possibilia*, sic explicat sanctus Augustinus: non quasi diues saluetur per Dei potentiam cum sua cupiditate & superbia, sed quia potest à Deo conneri per maiorem gratiam, quam illi posset conferre, si veller: quod quia tamen est rarum, rata manet Christi sententia, difficilem admodum esse eorum salutem, qui diuitias auidius possident vel concupiscunt; sicut fusè declarant sancti Patres, quorum dicta longiora breuibus his quæ sequuntur sententiis & veritatibus practicis continentur, illque faciliè possunt applicari.

PRIMA VERITAS PRACTICA.

Quantò id minus verum putant Diuites, quod de ipsis Christus dixit, tantò id magis verum est putandum.

RATIO EST, Quia quantò minus sibi prospiciunt diuites, ne quod dixit Christus de difficili eorum salute, ipsis eueniat, tantò eis certius eueniet, tantòque id magis verum est putandum quod Christus dixit. Plana hæc sunt omnia & aperta.

SED quantò id minus verum putant diuites quod de ipsis Christus dixit, tantò & minus sibi prospiciunt. Quis enim malum præcaueat quod non putat malum? *Velut si quis festinet ad laqueum, Prov. 7. & nescit quod de periculo anima illius agitur*: Quasi diceretur, sic propterea peribit certius.

Quantò igitur id minus verum putant Diuites quod de ipsis Christus dixit, tantò id magis verum est putandum. Ac proinde tantò magis timeant, quantò minus timent. *Verumtamen v. & Luc. 6. vobis diuitibus quia habetis consolationem vestram. DIVES sicut flos feni transibit: exortus est enim sol cum ardore, & arefcit fenum, & flos eius decidit, & decor vultus eius deperit: ita & diues in itineribus suis marcescet.* Id est, derepente & improvisò, tum ipse tum quæ *Luc. 11. collegit*, omnia deperibunt.

SECUNDA VERITAS.

Non fit à Christo Diuitibus difficultas regni cœlorum : sed illam sibi faciunt Diuites contra ipsum Christum.

RATIO EST, Quia tota difficultas possidendi cœlorum regni quæ fit diuitibus, fit à praua cupiditate, vel à malo diuitiarum vsu, vt infra declaratur.

Atqui hæc praua cupiditas & malus diuitiarum vsus non fit à Christo, sed ab ipsis diuitibus contra Christum. *Querite*, inquit **1^a Ps. 147.** sanctus Augustinus, *quod sufficit operi Dei, non quod sufficit cupiditati vestre. Cupiditas vestra non est opus Dei.*

Ergo neque à Christo fit diuitibus difficultas Regni cœlorum, sed illam sibi faciunt diuites contra ipsum Christum : vnde nihil est quod accusent nisi semetipsos. Quò spectant illa quæ habet sanctus Hieronymus ad Cælantiam : *Asperam nobis & insuauem virtutum viam nimia facit vitiorum consuetudo, quæ si in partem alteram transferatur, inuenietur sicut Scriptura dicit, semita iustitiæ levis.* **Sap. 5.** Quod & ipsi agnoscunt in inferno qui sic gemunt ; *Lassati sumus in via iniquitatis & perditionis & ambulauimus vias difficiles, viam autem Domini ignorauimus. Quid nobis profuit superbia, aut diuitiarum iactantia quid contulit nobis? Videsne vt distinguunt vias suas à via Domini?*

TERTIA VERITAS.

Quanta est facilitas diuitiarum vt amentur, tanta est difficultas Diuitum vt saluentur.

SENSVS ET RATIO EST, Quia quanta est unicuique facilitas seu propensio naturæ in diuitias vel conquirendas vel conseruandas, tanta est illa cupiditas quæ est radix malorum omnium.

Sed quanta est talis cupiditas, tanta est difficultas diuitum vt saluentur ; cum enim difficultas salutis proueniat à praua illa cupiditate quæ saluti contraria suggerit, profectò quàm prona erit

cupiditas, tanta inde crescet difficultas. Augmentum cupiditatis, diminutio charitatis; & diminutio Charitatis, augmentum difficultatis. Sic grauer sancti Hilarius & Hieronymus, *grauē onus*, inquiunt, *innocentia subit, incrementis opum occupata*, Id est, crescente cupiditate in anima quæ esset alioquin innocens, & quæ facile saluaretur, tantum accedit onus ex illo cupiditatis incremento, ut desinat esse innocens & difficile possit saluari. *Iuga boum emi* Luc. 14. *quinque, & eo probare illa, rogo te habe me excusatum.* Sic se à gratiis & à salutis comparandæ mediis excusat diues, suis augendis bonis occupatus; nec nisi difficulter quæ sunt salutis & quæ non sunt cupiditatis, operatur.

Denique quanta sit opus cautione in tractandis diuitiis, Clemens Alexandrinus sic apta similitudine repræsentat: *Diuitia sunt* L. I. P. *serpenti similes, quem si quis nescit inoffensè eminus accipere, bestiam* dag. c. 6. *sine periculo summā caudā apprehendens, ea manui circumplicabitur & mordebit: ita & diuitia si ab imperito viro apprehenduntur, inherent & mordent: Sed si quis se magnificum præbens, rectè & scienter eis utatur, illæsus permanebit.* Quod ut apertius liqueat, sint

QVARTA ET QVINTA VERITAS.

Nisi Diues diuitias facias bonas; diuitiæ malum facient Diuitem. Aut cælum perit diuitiis, aut emitur.

RATIO EST, Quia nisi Diues diuitias faciat bonas, non bene vtetur diuitiis;

Sed nisi bene vtatur Diuitiis, diuitiæ malum facient diuitem; & cælum diues suis perdet diuitiis quibus poterat illud emere.

Vera est igitur vtraque propositio; nec est aliter declaranda distinctiùs quàm exponendo quid sit diuitem diuitias suas facere bonas; seu quid sit, illum bene aut male suis uti diuitiis. Hinc enim simul quod reliquum est in propositionibus, facile capitur.

Tres sunt autem modi quibus id exponi possit. Primus est prodigalitatis, cum in aperta mala, cum in luxum; in conuiuia, ludos, equitatum, & supra quàm licitè potest, in sumptus ac impensas, absumit omnes opes suas; tunc diues manifestè suis malè utitur diuitiis, & malus efficitur & cælum sibi perdit. *Quia ego dedi opes*

Q ij

ei frumentum, & vinum, & oleum, & argentum multiplicauit ei & aurum quæ fecerunt Baal: Idcirco conuertar. Id est, iam non eis bona sed mala inferam, quia bonis collatis malè vsi sunt, & in profanos conuerterunt vsus. Quo quidem nomine quàm multi sint mali diuites, quis non videt, qui mundum & mundanos videt, quorum vix vnus est, qui non supra quam deberet, insanos facit sumptus.

Secundus modus est auaritiæ, cùm ex opposito sua sibi diues tam tenaciter seruat, vt desit necessariis subministrandis vel pauperibus vel domesticis, vel non fideliter reddendis quæ debet, vel infideliter exigendis quæ sibi fortè debentur; vnde multum contra iustitiam, charitatem, mansuetudinem, misericordiam cæterasque virtutes peccetur. Quis tum etiam non intelligat malum illum esse diuitem, & Coeli iacturam facere, dum temporale lucrum nimis accurat? Sic paucis, sed multum consideratè Sapiens; *Prou. 5. conturbat domum suam qui sectatur auaritiam.* Domum suam, Id est, rem familiarem siue domesticos. *Domum suam*, id est, conscientiam & gratiarum œconomiam; *Domum suam*, Id est, illam æternitatis domum & stationem ad quam vocatus erat, conturbat & euertit & pessumdat hæc omnia.

Tertius denique est inertia cuiusdam spiritualis, quâ fit, vt diues licet nec admodum prodigus nec auarus sit, tam parum tamen est de suo salutis negotio sollicitus, vt in acquirendis, conseruandis, & impendendis pecuniis nihil aliud spectet quàm suum temporale lucrum vel transitoriam commoditatem: nihil de cœlo, nihil de anima, nihil de Deo cogitet, seque vnum quodammodo profuarum sine diuitiarum statuatur, suam vnâ vtilitatem, vel quæ inde hauritur, delectationem, vel qui simul coniungitur sæcularem fastum respiciat & intendat, etiam non cogitans, sed naturali tantum & humano motu, quem non purificat nobiliori aliquo & supernaturali motiuo. Tunc diues diuitias suas non facit bonas, nec satis bene his vtitur. Tunc diuitiæ malum etiam faciunt diuitem. Tunc denique cœlum diues suis illis diuitiis perdit quibus illud emere poterat.

Tria sunt hæc distinctè paulo fufius explananda.

Primum, quod diuitias suas diues non faciat bonas, bonitate morali & meritoria, de qua hic agitur, satis apertum est, cum nullum tale sit bonum quod sine suo caret: Est enim finis in mo-

rabilibus quod forma in naturalibus, vnde sicut nihil existit naturale quod forma careat, ita nihil morale quod sine suo priuetur. Suo fine autem diues pecuniæ suæ priuat vsum, qui tantum ea vtitur quo fine diximus: non est finis qui moralem vllam conferat bonitatem cælo dignam, animæ vtilem & Deo gratam. Finis est merè temporarius, merè naturalis & humanus quem sibi potest Ethnicus & publicanus proponere. *Nonne & Publicani, nonne & Ethnici hoc faciunt?* Quali diceret, vt habet interlingaris, *in hoc non plus facitis quam gentiles, ex humano affectu hoc facientes.* Vnus vnus supernaturalis finis est, qui vel actu vel virtute intentus potest hunc valorem impertiri cum gratia rebus creatis, vt bonæ sint, qua bonitate Deus colitur & animæ salus promouetur. Hic est vnus Christiano finis propositus, hic est vnus quem Deus spectat largiendo diuitibus suas diuitias: quibus, vt reliquis creaturis, vtantur tamquam mediis ad salutem comparandam: *Vniuersa enim propter semetipsum operatus est Dominus.* Vnde quàm verum est, Diuitem non spectare hunc finem, tam certum est non bonas facere suas diuitias quæ hoc solo spectato fine, bonæ esse possunt. Neque alius dicat bonum esse suam seruare vitam, suam tamam, suam familiam, ac proinde bonas esse diuitias quarum ministerio bona illa seruantur. Eslo enim sint bonæ bonitate quam vocant entis & naturæ, de hac modò non agitur, vt supra dictum est; sed de bonitate moris & gratiæ, quæ sit æterni capax meriti & futuræ semen beatitatis. Hac autem bonitas quæ sola vera est bonitas, tam necessariò nostris in actionibus finem exigit supernaturalem, vt nū finis ille adlit, nec ipsa quæ dicuntur bona opera, vere sint bona. Sic aptè sanctus Augustinus in illum Psalmi vericulum, *auerte oculos meos ne videant vanitatem*, postquam multis egit contra laudis appetitum, sic concludit ad rem nostram: *porrò si vanum est propter hominum laudes bona facere, quantò vanius propter adipiscendam pecuniam vel augendam siue retinendam, & si quid huiusmodi est commodi temporalis, quod nobis accidit extrinsecus, quia omnia vanitas.* Preter ipsam denique temporalem salutem, *non debemus facere bona opera nostra, sed potius propter illam quam speramus, ubi bono immutabili persuamur.* Sic & sanctus Gregorius *vigilanti cura per cuncta opera intentio nobis nostra pensanda est, vt nil temporale in his quæ agit, appetat; & totam se in soliditate æternitatis figat; ne si extra fundamentum, actionis nostræ fabrica poni-*

tur; terra dehiscente soluatur.

Luc. 16.

Secundum quod inde sequitur, est, diuitias cum sic bonæ non fiunt, malum facere diuitem: Et id quidem duobus modis, primò negatiuè vt vocant, sicut dicitur arbor mala quæ non facit fructum bonum, & seruus malus qui acceptum talentum non duplicat. Sic planè diues malus qui ex diuitiis non refert salutarem fructum, cui potissimum referendo diuitiæ datæ sunt, vt certa salutis media. Vnde à villico quæritur: *Redde rationem villicationis tue*. Id est, bonorum omnium siue spiritualium siue temporalium, quorum administratio sic diuitibus est credita, vt qui bene his & fructuosè non vsus fuerit, malus diues & puniendus habeatur.

Ecclesi. 10.

Deinde verò positiuè malum tales diuitiæ faciunt, quia sic apparet eas inordinate amari, ex quo amore tam multa profluunt alia vitia, vt asseueret Sapiens *Nihil esse iniquius quàm amare pecuniam: hic enim & animam suam vanalem habet, quoniam in vita sua projecit intima sua*.

Ex quibus Scripturæ Verbis quod Tertium erat declarandum, aperte patet, nempe his ipsis diuitiis cœlum à diuitibus perdi, quibus facile poterat comparari. Quid est enim vanalem habere animam, nisi suam cœli partem diuendere, seu exponere commutandam cum terrenis bonis? Nam vtrumque simul ita est coniunctum, vt iactura cœli & animæ sit amborum vna prorsus indiuisaque perditio. Quàm præclare verò quod additur, *Quoniam in vita sua projecit intima sua*. Nihil poterat expressius dici, siue ad declarandum quomodo bono diuitiarum vsu poterat emi cœlum, siue ad demonstrandum quid sit quod alioquin pereat. Nam sicut intima corporis in animante sunt illa vitæ naturalis instrumenta, quæ nutiendo, fouendo, & sustentando deferuiunt corpori; sic domestica illa opera in quibus versantur quotidiani diuitiarum vsus, sunt illa supernaturalis vitæ media & instrumenta quæ saluandæ deferuiunt animæ, si hunc finem sibi diues proponeret, hoc est, si non aliter diues vellet esse diues quàm quia Deus vult ipsum diuitem; si non aliter diuitias domi & foris impenderet quàm prout scit velle Deum; si non aliter domos, mensam, vestes & cunctam supellectilem sibi suisque vellet adornare, quàm vt placeret Deo, suæque animæ sciret expedire; tunc diues suis diuitiis sic religiosè dispensatis, non

minus sibi cœlum & salutem æternam operaretur quàm dum eas in pauperes effunderet; quoniam vbicumque par est Dei voluntas, par ibi meritum & par est præmium. Sic est autem Dei voluntas, vt qui sunt huius sæculi diuites, in necessarios suos vsus diuitias suas conuertant; ac proinde hoc vnum illis superest, vt hanc Dei voluntatem in tali diuitiarum vsu spectare eurent; & quantum cateroquin ex abundantia poterunt iuuandis elargiri proximis, non negligant aut cunctentur. Hocque illud est quod iubebat Apostolus suo Timotheo: *Vt diuitibus huius sæculi præciperet non sublime sapere, non sperare in incerto diuitiarum, sed in Deo viuo, qui præstat nobis omnia abunde ad fruendum, Bene agere, diuites fieri in bonis operibus, facile tribuere, communicare, thesaurizare sibi fundamentum bonum in futurum, vt apprehendant veram vitam.* 1. Tim. 6.

At verò nisi sic bene agerent diuites, vide quid accidat amanti proicctis intimis: nonne simul à se vitam proicit? Sic plane diues cœlum deperdit & æternam salutem. Sic arbor non ferens fructum bonum, iubetur excidi & in ignem mitti; sic feruus inutilis mittitur in tenebras, ligatus manibus & pedibus; sic omnis denique qui sibi thesaurizat & non est in Deum diues, omnino perit sicut ille cui se in bonis suis nimis amanti dicitur, *Hac nocte animam tuam repetent à te; qua autem paraſti, cuius erunt?* Non de luxu arguitur, non de impietate, non de auara mente, sed tantum de illo fine quem sibi proponebat in suorum vsu bonorum, quo scilicet commodè & iucundè illis frueretur, nulla salutis facta mentione, vt cuius illud esset notum, quòd quibus poterat cœlum emi diuitiis, his ipsis perderetur. *Dives qui sursum respicit, ait sanctus Chrysologus, non incuruatur diuitiis sed leuatur, Vnde & is qui deorsum spectat, non leuatur diuitiis sed incuruatur & perit.* De his plura sequenti die, postremis in veritatibus. Matth. 7.
Luc. 13.
Matth. 25.
Luc. 12.
Ser. 54.

SEXTA VERITAS.

Non minus errat malus Diues, qui se excusat, quòd diuitiæ non sint malæ: quàm si quis accusaret Diuitem, quasi sint malæ diuitiæ.

RATIO EST, Quia non minus errat qui se nocentem & peccantem excusat, quàm qui accusat innocentem.

Rom. 1.

Sed malus diues qui se excusat, quod diuitiæ non sint malæ, se nocentem & peccantem excusat: nam cum sit ipse malus & supponitur, vndenam potest esse illa malitia, nisi ab ipso qui malè bonis vitur? Vel enim malitia est à diuitiis, vel à diuitiarum usu seu prauo affectu; non à diuitiis, quia ipse proficitur non esse malas: nonne ergo ab ipsarum usu, aut potius ab ipso qui malè his vitur? Sicut dixi, non mala res, vinum, sed mala ebrietas, inquit Diuus Chrysostomus, ita non mala res diuitia, sed mala auaritia, mala cupiditas. Ac proinde non minus errat malus Diues qui se à malitia excusaret, quod diuitiæ non sint malæ; quam qui diuitem accusarent, quasi malæ essent diuitiæ. Quod quidem infra vberius declaratur.

SEPTIMA VERITAS.

Quantumcumque sint necessariae & licitæ diuitiæ, numquam est tamen necessarium & licitum, velle esse diuitem, sicut omnes volunt.

Rom. 13. in-
ver. 50. &
Serm. de
Temp. 205.

RATIO EST, Quia velle esse diuitem sicut omnes volunt, est cupiditate ferri in diuitias; sic enim explicatur illud Apostoli, qui volunt diuites fieri, Cupiditates accusant, inquit sanctus Augustinus, non facultates: auaritia enim est, velle esse diuitem, non autem esse diuitem.

1. Tim. 6.

Ser. 29.

Sed quantumcumque sint necessariae & licitæ diuitiæ, numquam est necessarium & licitum, cupiditate ferri in diuitias; nam illa cupiditas praua est & nihil confert ad vllam vitæ necessitatem; satis enim est temperate & rationabiliter sibi cum Deo prouidere, vnde vetantur sollicitudines immoderate, cum ex multis earum damnis, tum quia nihil profunt, imò nocent. Nam qui volunt diuites fieri, incidunt in tentationem & in laqueum diaboli, & desideria multa inutilia & nocina, quæ mergunt homines in interitum & perditionem: radix enim omnium malorum est cupiditas, quam quidam appetentes errauerunt à fide, & inseruerunt se doloribus multis. De qua item cupiditate, sic eleganter sub auri nomine sanctus Chrysologus: crudelitatis Dominus, seuus hostis, amando ledit, vndat ditando, etiam captiuat aspectum, fidem frangit, violat affectum, vulnerat charitatem, turbat quietem, adimit innocentiam, docet furtum, suadet fraudes,

fraudes, &c. Cupiditatis autem malè affecta nota hæc certior ponitur, cum nili repugnanter & inuitè pecuniam quis impendit, licet aliquin videat id esse rationabile, vel iustum, vel necessarium. Tunc possideri magis quàm possidere diuitias ille dicendus est, vt ait sanctus Cyprianus, confirmatque sanctus Ambrosius L. 2. Epist. 2
 ex psalte Regio: Bene, inquit, viros diuitiarum appellauit Dauid, non l. de Reg. c. 14.
 diuitias virorum, vt ostendat eos non possissores diuitiarum esse, sed a Ps. 75.
 suis diuitiis possideri. Quod & Seneca dilucide sit expressit. Sic diuitias habent, quomodo habere dicimur febrim, cum illa nos habeat. Et Epist. 119.
 nonnullis interiectis, tantum miscere vitia desideriis noli. Quo vno dicto, quæ plura de cupiditate dici possent, continentur.

OCTAVA VERITAS.

Odiosas facit diuitias non solum paupertatis amor, sed timor. Si timetur inopia, magis timenda copia.

RATIO EST, Quia timor paupertatis est timor damni & miseriæ; seu quod idem est, non timetur inopia nili propter miseriam: vnde quantum est maior quæuis miseria, magis timenda est.

Sed maior est copiæ seu diuitiarum miseria quàm inopiæ: quidquid enim miserum hæc habeat, totum est temporale, quod spe cœli possidendi facile mitigatur. At diuitiarum miseria iacturam bonorum spiritualium & cœlestium spectat in omnem æternitatem, & sempiternas inuehit pœnas, quarum metus à sacris incusis scripturis, amarum reddit quidquid in diuitiis potest esse iucundum: Quis enim Diues ad has non tremisecat voces, *Va vobis Diuitibus!* Luc. 6.
AGITE nunc Diuites, plorate ululantes in miseriis vestris quæ aduenient vobis. Thesaurisastis vobis iram in nouissimis diebus. 1. cor. 5.

Quamobrem quæ est proposita Veritas aperte patet, & ad eius praxim discite, non aspiciendas tantum esse diuitias qua parte sunt suauis ac iucundæ, sed quæ etiam sunt amaræ & miseræ, in quocertè multi errant, qui comparant malum temporale paupertatis, cum bono diuitiarum: Comparanda sunt enim mala cum malis, & bona cum bonis: Comparanda est miseria paupertatis cum miseria diuitiarum, & hæc rectè iudicanti cognoscetur longè maior. Sic & comparanda iucunditas paupertatis cum iucunditate diuitiarum.

Serm. 34.

tiarum, & illa tantò maior apparebit, quantò est æternitas maior tempore, & coelum terra. Sic acutè S. Petrus Chrysologus: *Si paupertatem vix ferre possumus temporalem, in æternum mendicis fieri quis durabit? quis militans non ad patriam mittit quidquid bellico sudore conquirat, ut adolescentie labores senectus deliciosa compenset? Et Christianus cui militare est id quod vivit in sæculo, quomodo non cogitat ut pericula terrena, otiiis cælestibus consoletur?* Unde & hæc alia Veritas proponi posset:

Si quod futurum est in æterna vita, fieret in præsentī, nemo dubitaret pauperem esse Diuite ditio-
riorem.

RATIO EST, Quia futurum est in æterna vita, ut pauper bene usus paupertate regnum cœlorum possideat: Diues verò male usus diuitiis, misere pereat.

Sed si hoc fieret in præsentī vita: Si certò sciretur pauperem aliquem breuī futurum Regem, aut principem, aut aliqua simili dignitate donandum in multos annos; contrāque de diuite aliquo diceretur sic illum breuī deuoluendum in extremam miseriam: Nemo dubitaret asserere pauperem illum, dum adhuc etiam pauper esset & alter diues, esse tamen altero diuite ditio-
riorem ac beatiorē; quia comparati simul, ratione temporis breuioris & longioris, sic censerentur miseri vel beati.

Sit Mardochæus hodie pauper, Aman autem diues: cras verò Mardochæus diues, & constanter diues; Aman autem pauper, & moriturus pauper; Quis hanc vicem certò sciens, non censeat Mardochæum, quo etiam die pauper est, ditio-
riorem Amano diuite? Quis pauperis Mardochæi sortem non potius mallet quàm Amani, quantumuis diuitis?

Ergo si quod futurum est in æterna vita, fieret in præsentī, nemo dubitaret pauperem esse diuite ditio-
riorem; nemo non mallet esse pauper quàm Diues: Quia hoc ipsum est quod reuera fit in futuro; Quicquid hoc præsentī vitæ spatīo peragitur si eum æternitate comparetur, tam breue est, ut verius de toto vitæ decursu quantumuis longo, dici possit, hodie pauper, cras diues, quàm si vno præsentī die tantum esset pauper; Quia, ut ait sanctus Petrus; *Vnus dies apud Dominum sicut mille anni, & mille anni sicut vnus dies.*

2. Pet. 3.

Quid est igitur cur non ita omnes volunt esse pauperes ? aut cur non ita Pauperes modo censeantur esse Diuitibus ditiores ? cum ex fide constet quod quidquid futurum est in aeterna vita sit longe certius, longe beatius, longe diuturnius, quam quoduis huius vitæ bonum ? Certè hoc vnum responderi potest quod nulla fides est dictorum Christi, nulla spes futurorum, solis præsentibus immoramur, solis viüibilibus adhæremus. *Euerterunt sensum suum & Dan. 12. declinauerunt oculos suos ut non viderent celum, neque recordarentur iudiciorum istorum.*

Nec dicas, extremæ paupertatis malum tale esse ut satis longam & vix tolerandam vitam efficiat. Nam præterquam quod rara est tam extrema paupertas, nullus est etiam tam extremè pauper, qui se futura spe non recrearet, si certò sciret se futurum ditissimum, si tantisper pateretur. Adde quòd, Quò quis est pauperior, eò & ditior. Hæc est decima Veritas quæ declaratur in 3. p. vbi de votis in fine.

Et quia multi prætextu melioris boni, diuitias sibi putant seruandas, contra opponitur

VNDECIMA VERITAS.

Non est tam certum ad salutem seruare sibi aliquid quod dones pauperibus, quàm talem esse pauperem qui nec sibi nec aliis quidquam seruet.

RATIO EST, Quia non est illud tam certum ad salutem quod non est tam certò redactum ad opus ; Neque enim aliter prodest saluti, nisi cum in opus venit quantum est in potestate operantis. *Operamini opus vestrum ante tempus, & dabis vobis mercedem vestram in tempore suo.* Ecclesi. 31.

Sed seruare sibi aliquid quod dones pauperibus, non est tam certò redactum ad opus, quàm talem esse pauperem qui nec sibi nec aliis seruet ; Cum enim hoc semel factum est, relinquendo omnia, quid restat faciendum ? At quisquis sibi seruat aliquid quod donet pauperibus, non ita certò dat quod seruat dandum ; fit enim sæpe ut hoc pio prætextu habendi semper aliquid quod det pauperibus, multa sibi seruet quæ numquam det cum dare possit. Vbi aduerte, non illud tantummodò latere mali quod numquam dentur quæ

R ij

danda seruabantur; sed quod ex cupiditate & peccato seruentur, quæ finguntur seruari ex Charitate.

Col. 11.
c. 31.

Sic præclare Theonas apud Cassianum primo loquens de decimis persoluendis, tum de distribuendis eleemosynis: *Necesse est*, inquit, cum dum tardat aut negligit, aut in qualitate earum, aut in quantitate, aut in quotidiana distributione peccare. Qui enim iubetur ea quæ sua sunt insatigabiliter indigentibus ministrare, quamlibet ea summa fide ac deuotione dispenset, tamen difficile est ut non laqueos peccatorum frequenter incurrat. In illos vero qui consilium Domini non spreuerunt, sed omnem substantiam suam pauperibus prarogantes, sumpta sua cruce Largitorem cælestis gratia subsequuntur, peccatum non potest dominari. Et paulo post: Is qui substantiam retinens mundialem, aut decimas fructuum suorum atque primitias, aut partem pecuniarum confectus legis antiquæ sanctione distribuit, licet peccatorum suorum ignem maxime hoc eleemosynæ rore extinguat, impossibile tamen est, quantuis opes suas magnanimitate dispenset, ut se ad plenum eruat à dominatione peccati, nisi fortè per gratiam Saluatoris, cum re etiam ipsum affectum deposuerit possidendi.

L. De bono
conin.

6. 71.

Vnde euidenter pater proposita Veritas, quam sic confirmat sanctus Augustinus: *Benefaciebant*: inquit, qui de sua substantia Christo & discipulis eius necessaria subministrabant, sed melius qui omnem substantiam dimiserunt, ut expeditiores eundem Dominum sequerentur. Itemque rursus alibi, vel quisquis est author libri de Ecclesiasticis dogmatibus: *Bonum est facultates cum dispensatione pauperibus erogare: melius pro intentione sequendi Dominum semel donare & absolutum à sollicitudine cum Christo agere.*

Sanctus autem Hieronymus contrarium huic Veritati dogma tamquam hæreticum vehementer exagitat in libro contra Vigilantium: *Quod*, inquit, *asseris eos melius facere qui utuntur rebus suis, & paulatim fructus possessionum suarum pauperibus diuidunt, quam eos qui possessionibus venundatis semel omnia largiuntur; non à me, sed à Domino respondebitur: Si vis perfectus esse; vade, vende omnia quæ habes, & da pauperibus. Iste quem tu laudas, secundus & tertius gradus est, quæ & nos recipimus, dummodo sciamus prima secundis & tertiis preferenda.*

Ep. 34. 1c.
28.

Itemque in Epistolis ad Iulianum, Pammachium, Lucinium & alios qui de suis multa largiebantur; ut se tamen totos donent, adhortatur, his & similibus Verbis quæ sæpe repetit: *Et in qui-*

Item, Iulianum alloquitur, bene facis, quod sanctorum dicere visibus ministrare, fouere Monachos, Ecclesiis offerre plurima, Sed hac rudimenta sunt militia tua. Contemnis aurum, contempserunt & multi Philosophi, è quibus unus ut ceteros sileam, multarum possessionum pretium projecit in pelagus: Abite, dicens, in profundum, mala cogitationes, ego vos mergam, ne ipse mergar à vobis. Philosophus gloria audius & popularis aura vile mancipium, totam semel sarcinam deposuit, & tu te putas in virtutum culmine constitutum, si partem ex toto offeras? Te ipsum vult Dominus hostiam viuam, placentem Deo, te inquam non tuam. Quod si te ipsum Domino dederis, & Apostolica virtute perfectus sequi caperis Saluatorem, tunc intelliges ubi fueris, & in exercitu Christi quam extremum tenueris locum. Nolo tantum ea offeras Domino que potest fur rapere, hostis inuadere, proscriptio tollere, qua accidere possunt & recedere & instar undarum ac fluctuum à succedentibus sibi Dominis occupantur, atque ut vno sermone cuncta comprehendam, qua velis nolis, in morte dimissurus es. Illud offer quod tibi nullus hostis potest auferre, nullus eripere tyrannus, quod tecum pergat ad inferos, imo ad regna cælorum, & ad Paradysi delicias. Extruis monasteria, & multum a te sanctorum numerus sustentatur: Sed melius faceres, si & Ipse sanctus inter sanctos viueres.

Denique in vita sancti Hilarionis Abbatis refertur hunc sanctum offerentibus sibi ad suos vel ad pauperum vsus dona quæ videbantur non contemnenda, sic respondisse: Multis nomen pauperum occasio auaritie est: misericordia vero artem non habet, nemo melius erogat quam qui sibi nihil reuerat. Quasi diceret, quod aduertit sanctus Gregorius in moralibus; Fraudulenta est illa misericordia que seipsam destruit, reseruando quod dandum esset: artificium est Daemonis qui cum à bono non potest aliquem auocare, pretendit maius bonum quò ipsum aduocet & quo non ducat. Agnosce technam & aliis exhibe quam declinent.

L. 32. Mor.
c. 17.

At ne quis etiam nomine diuitis aut diuitiarum fallatur:

DVODECIMA VERITAS.

Vix se vllus talem putat Diuitem qualis in Euangelio improbatur; Et vix tamen vllus est qui non sit talis.

RATIO quoad priorem partem manifesta est ; Cum enim vix sit vllus ex ipsis Christianis qui propter illa quæ dicuntur in Euangelio contra Diuites moueatur & sibi prospiciat ; certè non aliunde est quam quod vix vllus sit qui se talem putet Diuitem qualis proscribitur & condemnatur : Quis enim Christianus non credat Scripturis ? Quis porro credat se in Scripturis condemnatum & nolit sibi prospicere ? Quid est ergo quod tibi diues non prospicit , nisi quia se diuitem nemo putat ? Tanta est diuitiarum cupiditas , vt quantæcumque sint diuitiæ iam comparatæ , plures semper ac plures expectentur ; & in illo appetitu , non tanti faciant quæcumque possident , quàm quæ non habent , sicque se pauperes potius dicant quam diuites. *Est quasi pauper cum in multis diuitiis sit* , inquit Sapiens.

Ratio vero postremæ partis quæ est præcipua , sic ex præcedenti deducitur : Vix vllus est reipsa diues , qui non sit talis affectu , vel auidius amando quæ possidet , vel cupidius dederando quæ non habet ; Hoc est enim quod ait Sapiens : *Beatus diues qui inuentus est sine macula* , In iis scilicet quæ possidet , & qui post aurum non abiit , non desiderando plura quam possideat : *Nec sperauit in pecunia & thesauris* : Non inde sibi promittens quæ à solo Deo essent expectanda. *Quis est hic & laudabimus eum*. Id est , valde est rarus , vix vllus est qui sit talis , vnde vix vllus est diues qui non nimis erga suas opes afficiatur , qui non plures desideret , & qui non speret ac confidat in ipsis.

Sed talis est quem Christus in Euangelio suo designat , talis est de quo dicitur : *Quàm difficile qui pecunias habent , in regnum Dei introibunt !* Non enim ipsa pecunia , aut earum possessio condemnantur vt mala , cum ipse Dominus loculos habuisse legatur : Et iam supra de his nonnihil delibatum , vnde restat solam condemnari cupiditatem , seu solos eos condemnari qui vel sua cupidius retinent , vel non sua cupiunt auidius , non quidem vt iniuste possideant , sed tantum quia modum possidendi vel appetendi non seruant , vt dictum est. Sic sancti Patres ad vnum , quos inter sanctus Hilarius : *Habere , inquit , diuitias , crimini non est , sed modus in habendo retinendus*. Sanctus quoque Ambrosius , *In pecuniis multa sunt lenocinia delictorum , non est autem census sed affectus in crimine*. Quod & repetit sanctus Gregorius : *Non est census in crimine , sed affectus*. Cuncta enim quæ Deus condidit bona

Sunt : sed qui bonis male vitur , profecto agit ut quasi per edacitatis
ingluuiem , eo quo vivere debuit , pane moriatur : Sic & sanctus Au-
gustinus disertè ait , *Apostolos cum dixerunt quis potest saluus esse , in-*
tellexisse omnes qui diuitias amant , etiamsi adipisci nequeant , in di-
uitum numero computari. 2. de q. q.
L. naug.

Quid ergo superest nisi ut vix vllus sit qui non sit talis , seu qui
non is sit quem Christus reprobatur aut reprobaturum iudicat , cum
vix vllus sit qui non sit inordinate amans pecunia , siue illam pos-
sideat , siue non possideat ; Quotquot autem sic inordinate amant
pecunias , illi sunt Diuites quibus est difficilius intrare cœlum ,
quàm camelo foramen acus : non quod forte ~~seu~~ per ille amor
pecuniæ sit lethalis , sed quod in alia facile ducat quæ lethum in-
terunt , ut ait Sapiens : *Si Diues fueris , non eris immunis à delicto ; si*
enim secutus fueris non apprehendes : & non effugies si præcucurreris ;
Id est , siue assequaris quod desideras , siue non assequaris ; non
effugies peccatum , quod ex horum alterutro prouenit. Ac rursus
Idem paulo post : *Qui aurum diligit , non iustificabitur ,* Id est , non Ecclesi. ii.
erit sine peccato : *Et qui insequitur consumptionem replebitur ex ea :* Id
est , qui cupiditatem ita sequitur ut ab ea potius consumatur quam
illam consumat & mortificet , sic ab ea magis ac magis in dies
exardescente replebitur , ut ipse consumatur & pereat. Vnde sic
pergit : *Multi dati sunt in auri casus , & facta est in specie ipsius per-*
ditio illorum , Quod sic intelligas ut non tantum ex auri pulchritu-
dine & amore multi sint capti & decepti , sed quod multis ista de-
ceptio non grauis videatur , non mortalis appareat , nulli fiat ini-
iuria , nulla ut putant admittatur iniustitia. Sic quidem illis appa-
ret , sic apparenter & in speciem , sese timentur diuites siue auri
amatores ; sed *in specie ipsius perditio illorum :* Hoc est quod illos
perdit , quia rerum apparentia seu specie , non Veritate decun-
tur. Res humanas & morales ex apparenti metiuntur specie ,
suam ipsam Conscientiam ex illa formant mensura : non ex
Euangelio , non ex Scripturis , non ex Diuinis institutis : sicque
peccant sæpe venialiter ubi se nihil peccare putant , quia nulla
eis apparet peccati species : & eodem prorsus modo peccant
mortaliter , cum se tantum venialiter peccare credunt ; quia sic
est maligna cupiditas ut impudè maligna sit , vel malum omne
tegit ne videatur ; vel quod non potest totum tegere , partem
aliquam obteggit ut minus & leuius appareat , sicque facilius

136 Fer. 3. Hebdom. 17. post Oct. Pent. *Ecce nos reliquimus, &c.*

admittatur. O quam ergo difficile diues intrabit in cœlum, qui se numquam agnoscit diuitem nisi post mortem cum videt cœlum se non posse intrare quia diues fuit; & non cognouit, quia noluit. *Filij mendaces, filij nolentes audire legem Dei.*

30.



FERIA SEXTA.

PETRO AC CÆTERIS APOSTOLIS
RELINQVENTIBVS OMNIA, PROMITTIT
CHRISTVS SUPREMAS IUDICAN-
TIVM SEDES.

Tunc respondens Petrus dixit ei, Ecce nos reliquimus omnia, & secuti sumus te: quid ergo erit nobis? Iesus autem dixit illis: Amen dico vobis, quod vos qui secuti estis me, in regeneratione cum sederit Filius hominis in sede maiestatis sue, sedebitis & vos super sedes duodecim indicantes duodecim tribus Israel. Matth. 19.

VERITATES PRACTICÆ.

Huc etiam referri possunt decem Veritates quarum quinque iam supra sunt variis in partibus expositæ, tum quinque aliz breuiter exponuntur.

Magis tenemur omnes affectu nostra relinquere, quam effectu Apostoli.

In prima parte, FERIA 3. infra Hebdomadam secundam post Epiphaniã.
Qui

Qui non renuntiat omnibus non potest esse Christi discipulus.

In eadem prima parte, Feria 3. infra Hebdomadam sextam.

Numquam melius sibi quis prouidet quàm cum sibi nihil retinens, totum se Domino suæque omnia consecrat.

In eadem prima parte. In Festo sancti Nicolai.

Quà late pater mundus, nihil est vsquam ita contemnendum & relinquendum quàm quod intus in te vnolater.

In 2. parte, Feria quinta infra Hebdomadam Quinquagesima.

Non tam spectatur quid dones pro diuinis, quam quid non dones.

In 3. parte, Feria sexta infra Hebdomadam octauam. Quæ præcipue Veritas videri debet.

NUNC quæ his adiunguntur quinque aliæ, tam manifestæ sunt aut tam facile possunt ex dictis illustrari, vt satis esse videatur eas proponere. Conspirant autem eò singulæ, vt ad exemplum Apostolorum nobis esse omnia relinquenda persuadamur.

PRIMA VERITAS PRACTICA.

Nulli melius sunt omnia, quàm omnia relinquenti.

RATIO EST, Quia nulli melius sunt omnia quàm qui meliorem omnium vsum & fructum habet. Quid enim vltra ex omnibus desiderari potest? *Et quid prodest possessori nisi quod cernit* *Ecol. 3.*
dinitias oculis suis. Id est, vsum & fructum diuiciarum.

Sed nullus meliorem omnium habet vsum & fructum quàm qui relinquit omnia. Nam quod relinquenti omnia Christus promittit & donat, melior est omnium vsum & fructus qui haberi pos-

4. Pars.

S

Ezech. 36. **fit. Bonis donabo majoribus. DABO eis in domo mea & in muris**
 Is. 65. **meis locum, & nomen melius à filiis & filiabus: nomen sempiternum**
 Rom. 6. **dabo eis, quod non peribis. HABETIS fructum vestrum in sanctifica-**
 2. Cor. 6. **tionem, finem verò vitam æternam. NIHIL habentes, & omnia**
possidentes.

Nulli ergo melius sunt omnia quàm omnia relinquenti; Ac
 Eccl. 35. proinde quod ait Sapiens: *In omni dato, & dando, hilarem fac vultum tuum, quoniam Dominus retribuens est, & septies tantum reddet tibi.* Huic affinis est illa quæ post in hac quarta parte declaratur:

Numquam magis eris tuus, quàm cum minùs eris tuus, vt sis totus Christi.

Feria 4. Hebdomada 24.

SECUNDA VERITAS.

Plura dat Christo qui dat omnia licet pauca & vilia: quam qui multa & pretiosa, non datis omnibus.

RATIO EST, Quia plura dat Christo qui se totum illi donat quam qui sua tantum. Non enim nostra sed nos querit.
 Et fortasse laboriosum non est homini relinquere sua, sed valde laboriosum est, relinquere semetipsum, ait sanctus Gregorius.

Sed qui dat omnia licet pauca & vilia, dat seipsum Christo, cum si alioquin se reseruaret, non daret omnia, vt alibi declaratum est ex sancto Bernardo. Qui autem multa & pretiosa dederit non datis omnibus, non potest ita dici seipsum dare, nam ille ipse est quem reseruauit in sibi reseruatis; vnde Apostolus de illis Macedonibus qui supra virtutem voluntarii fuerunt, id est, qui sibi nihil reliquerunt, & postquam dederunt omnia, voluissent etiam plura dare, affirmat sic *semetipsos dedisse Domino*, quod de aliis qui minus liberales fuerunt, non diceret. Quamobrem manifesta est Conclusio, certaue Veritas, quod plura dat Christo qui dat omnia licet pauca & vilia, quam qui multa & pretiosa non datis omnibus; vnde & quod Idem Apostolus, ibidem ait, ex alio Scripturæ loco liceat vsurpare: *Qui multum non abundauit, & qui medicum non minorauit.* Id est, qui multum

dedit & non totum dedit, non ita dando abundavit, sicut qui totum dedit, licet modicum dederit; nec enim in illo suo modico minoravit qui dedit omnia, seu quod idem est, nec enim minus dedit qui modicum dedit quam si plus dedisset, cum sua omnia dando, seipsum dederit, quo nihil Christus habet carius & pretiosius.

O quantus inde stimulus ad omnia relinquenda ! Nihil habes pauper quod queraris de paupertate tua ; Da quidquid habes, quantumcumque paruum & vile ; tunc satis Deo dederis. Quid vero dives tibi aliquid seruas, cum quidquid dederis, nisi des totum, minus dare conuinceris quam pauper relinquens omnia. Sic præclare sanctus Hieronymus : *Apostoli quantum ad diuitias, nihil: Ep. 105 quantum ad voluntatem, totum mundum pariter reliquerunt. Si offeramus opes cum anima nostra, libenter accipiet. Sed si perfecta desit oblatio animæ, quid sequitur nisi quod quidquid dederis non ita libens accipiet?*

TERTIA VERITAS.

Væ Religioso non relinquenti omnia.

RATIO EST, Quia *væ* homini illi de quo dicitur: *Maledictus est vir dolosus qui habet in grege suo masculum, & votum faciens immolat debile Domino: quia Rex magnus ego, dicit Dominus exercituum. Ipse est Dominus qui loquitur: & quantus ille Rex est ac Dominus, tantum loquelæ suæ ponderis adhibet, quasi declararet cur ille vir dolosus qui debile sacrificaret, esset maledictus, quia sic videlicet nefas est tantæ Majestati offerre quod minus est, cum habeat aliquid majus quod offerat.* *Malach. 1.*

Sed Religiosus non relinquens omnia, cum religionem profiteretur nuncupatis Deo votis, dolosus ille est qui habet in grege suo masculum, & votum faciens immolat debile Domino. Nam masculum comparatum debili nihil aliud est quam aliquid melius & pretiosius quod sacrificari posset. Hoc autem habet religiosus omnis cum habeat voluntatem & intellectum, cupiditatem & alios quosvis affectus, quos si omnes ac seipsum totum relinqueret, certe quod est melius ac pretiosius Deo immolaret. Cum vero non sic seipsum relinquit, quidquid donet non nisi debile immo-

Iat, quia longe minus est quod dat, quam quod seruat, cum ve-
dictum est; in his quæ seruat, seipsum seruat, quod longe majus ac
melius est cæteris omnibus datis, quam sit masculum aut pingue
animal debili comparatum. Denique dolosus est qui sic Deum de-
fraudat sua gloria, seque ipsum suo merito; Dolosus est quia dolo
malo rem sacram peragit; Dolosus est quia Superiorem decipit
qui putat se admittere hominem omnia relinquentem. Dolosus
est, quia fingit se Religiosum esse velle, quod non vult, non re-
linquens omnia; Dolosus est quia quod reseruat obteggit, &
si posset ipsum celaret Deum. *O plene omni dolo & omni falla-*
cia!

Act. 13.

Gen. 4.
S. Iudæ.

Ecclesi. 1.

Act. 5.

Væ igitur Religioso non relinquenti omnia, nam ille est male-
dictus dolosus qui habet in grege suo masculum, & votum faciens
immolat debile Domino. Ille est Cain ad cuius munera Dominus
non respexit; vel vnus ex illis est de quibus dicitur: *Væ illis qui in*
via Cain abierunt. Ille est denique qui expressis & disertis verbis à
Sapiente admonetur: *Ne sis incredibilis timori Domini: & ne accesse-*
ris ad illum duplici corde. Ne fueris hypocrita in conspectu hominum, &
non scandalizeris in labiis tuis. Attende in illis ne forte cadas, & addu-
cas anima tua inhonationem, & reuelet Deus absconsa tua, & in me-
dio Synagagæ elidat te: quoniam accessisti malignè ad Dominum, & cor
tuum plenum est dolo & fallacia. CVR tentauit Satanas cor tuum, men-
tiri te Spiritui sancto, & fraudare de pretio agri? Nonne manens tibi
manebat? Perge audire vel legere, vel tremere ad audita & lecta,
quæ de Anania & Saphira narrantur.

Q V A R T A V E R I T A S.

Sua omnia melius relinquit qui se relinquit non re-
lictis suis bonis: quam qui sua bona relinqueret,
se non relicto.

RATIO EST, Quia is sua omnia melius relinquit qui fi-
nem melius attingit propter quem omnia relinquuntur; Nam
finis semper est melior: seu semper melius est habere finem.

quàm media, quæ non aliter impenduntur quàm vt finis habeatur. Vnde Sapiens vel maxime deplorandum illum affirmat qui Eccl. 4. cum frustra laboret, laborare tamen non cesset.

Sed seipsum relinquere, finis est propter quem cætera bona omnia relinquuntur: relinquuntur enim, vt ait sanctus Thomas, 2. 2. q. 86. *tamquam impedimenta Charitatis & unionis cum Deo*; Non sunt autem impedimenta, nisi quatenus nos nobis ipsis inordinate alligant & nimis affigunt, vnde vt tollantur tamquam impedimenta, debent sic tolli vt nos à nobis ipsis diuellant, & disiungant, quæ diuulsio & disunctio si non sequerentur, frustra relinquerentur. Sic expresse sanctus Bernardus ad hæc Petri verba: *Ecce nos reliquimus omnia*: OMNIA sane dixerim, inquit, non tantum possessiones, sed etiam cupiditates, & eas maxime. Plus enim Concupiscentia mundi quam substantia nocet: Et hæc fugiendum causa diuitiarum præcipua est, quod aut vix, aut nunquam sine amore valeant possideri.

Vnde ad Conclusionem & praxim Veritatis sic Idem consequenter pergit: Age ergo qui relinquere vniuersa disponis, te quoque inter relinquenda numerare memento, imo vero maxime & principaliter abnega temetipsum si desideras sequi eum qui exinanitus propter te semetipsum. Et quæ plura ibi prosequitur quæ iam ex parte sunt descripta in ea Veritate quæ præ cæteris suprâ notata est vt consuleretur. Videri etiam debet alia quæ illi affinis est;

Quod præsertim spectat Christus, non est quid ad se afferas, sed quid à te auferas.

In 3. parte, Feria 3. Hebdomade 13.

QVINTA VERITAS.

Ne terrearis difficultate relinquendi omnia: minor est difficultas omnia relinquenti, quam partem aliquam.

SENSVS EST, quod licet ille actus relinquendi omnia possit esse difficilior, quam ille quo pars aliqua tantum relinqueretur: tamen vbi semel exhaustus est ille labor, tunc in omnem vitam minor est difficultas cuiuslibet Virtutis exercendæ, quàm si non essent relicta omnia.

Ratio est manifesta ex ante dictis, quia qui relinquit omnia seipsum relinquit, id est, omnem inordinatum affectum complacentiae vel displicentiae circa virtutum obiecta: aut non potest dici reliquisse omnia.

Sed illi qui seipsum sic relinquit, minor est difficultas cuiuslibet exercendae Virtutis quam illi qui se non ita perfecte relinquit. Nam tota difficultas inde oritur quod repugnet affectus, quae si repugnantia sublata fuerit, ut reuera tollitur in relinquendo seipso, tam certum est minorem restare difficultatem ad omnes virtutum actus, quam verum est minorem ab illis esse repugnantiam. Tunc

35.

ibid. 40.

salies sicut ceruus, claudius: Tunc erunt prava in directa, & aspera in vias planas. Tunc qui sperant in Domino, mutabunt fortitudinem, assument pennas sicut aquila, current & non laborabunt: ambulabunt & non deficient. Tanti refert semel excussisse graue illud iugum amoris proprii, & in veram libertatem filiorum Dei transiisse. Si abstuleris de medio tui catenam: orietur in tenebris lux tua, & tenebra tua

ibid. 58.

Eccl. 5. 51.

erunt sicut meridies. Es requiem tibi dabit Dominus semper. VIDE TE oculis vestris, ait Sapiens, quia modicum laboravi, & inueni mihi multam requiem. Alioquin certe quid aliud expectari potest quam

In 2 p. in
Dom. serag

quod supra ex libro Iobi dictum est, *qui timent pruinam, cades super illos nix.* Noli comparare laborem quem times in relinquendis omnibus cum labore relinquendi aliquid, vel cum requie possidendi quod non vis relinquere: sed confer laborem totius vitae aut forsitan totius aeternitatis qui non relinquentem omnia sequitur, confer inquam illum laborem cum alio quem metuis: confer requiem quamtulamcumque sentis in usu rerum tuarum, cum interna vel aeterna requie quae certissime promissa est relinquentibus omnia,

Eccl. 1.

& videbis quam vere dixerit Sapiens, *Est qui multa redimat modico pretio, & restituens ea in septuplum.*

Sic sancti Patres sapienter observant eum qui suavi iugo Christi nolit se subdere, quinque sibi iuga bouum emere quibus longe magis prematur. Iuga quinque, quinque sensus carnis, ait sanctus Augustinus, in quibus iuga: nam duo oculi, duae aures, geminae nares, & gustus lingua & palati tactu fit, & carnis voluptas fit forinsecus & intrinsecus, Dicuntur autem bouum quia per sensus terrena acquiruntur, & homines terrenis dediti nolunt credere nisi quod vident.

De Verbis
Dom.

An vero, inquit sanctus Bernardus, comparatum iumentis esse quis dubitet hominem qui sibi iuga emerit iumentorum, nisi quod eo faciat

ipsi quoque iumentis conuincitur stolidior, & bestialior bestiis comprobatur, quod iuga necessitatis eorum, propria ipse subeat voluntate? Quod enim illis natura est, huic culpa, dum tamquam unum ex his quae ratione carent, sine ratione degens & ipse sub corporeis similiter sensibus incuratur. Sed quid eum iuga subiisse causamur? Arguamus magis emisse. Illud enim stoliditatis miseranda, istud extrema dementia est. Et post pauca. Quid ergo miser, per iuga bouum distrabis animam tuam qui iugum Christi suscipiens emere poteras regnum Dei, mercari vitam, lucrificare Christum? Nam sine iugo interim esse non potes, homo nimirum qui natus es ad laborem. Sed graue iugum super filios Adam, utique qui sequuntur eum: nam super eos qui Christum sequuntur, leue est & suauis. Postremo ut cetera silcam, cum sine iugo esse non possis, quale hoc ipsum est, eligere potius quinque quam unum? Tum pergit ostendere quam graue sit iugum illud quinque sensuum vnde est sensualitas appetitus, repugnantia voluntatis, & difficultas omnium quae ad salutem comparandam exiguntur, vnde se illi expediunt qui semel iuga illa excutiunt relictis omnibus ut se summittant suauis iugo Christi. Nonne id vides satius? Quid est ergo quod non exqueris? Quod enim meum erat, feci tibi. 3. Reg. 19. Sic Elias Elizeum arantem in iugis bouum, ad cultum Dei vocauit. Sic Elizeus statim mactatis bobus & relictis omnibus sequutus est vocantem Eliam.

Vide infra in hac parte, Feria 6. Hebdom. 22. de suauis iugo Christi.



SABBATO.

**SVARELINQVENTI PROPTER
CHRISTVM CHRISTVS PROMITTIT.
CENTVPLVM, ET VITAM
AETERNAM.**

Et omnis qui reliquerit domum vel fratres aut so-

*rores, aut patrem aut matrem, aut uxorem,
aut filios, aut agros propter nomen meum, cen-
tuplum accipiet, & vitam eternam possidebit.*
Matth. 19.

VERITAS PRACTICA.

Qui se dicit sua reliquisse, nec contentus viuit; men-
titur, aut mendacem facit Christum.

RATIO EST, Quia qui se dicit sua reliquisse, nec horum
centuplum accepisse; mentitur, aut mendacem facit Christum
qui sua relinquenti promissit centuplum.

Sed qui dicit se non vivere contentum, dicit se horum qua reli-
quit non accepisse centuplum.

Ergo aut mentitur aut mendacem facit Christum; Quod utrum-
que cum sit horrendum, fateri magis expedit eum qui conten-
tus non viuit, sua non reliquisse, vel potius suaderi debet sua
vere relinquere ut contentus viuat.

I. PUNCTVM.

ARBITOR, inquit sanctus Bernardus, *verba lectionis*
huius ea esse de quibus ad *immortalem sponsum à sinibus terre*
clamat Ecclesia: *Propter verba labiorum tuorum custodini vias*
duras. Hæc nempe sunt Verba qua contemptum mundi in vniuerso mun-
do, & voluntariam persuasere paupertatem hominibus. Hæc sunt Verba
qua Aegyptum spoliant, & optima quæque eius vasa deripiunt. Hic
sermo viuus & efficax conuertens animas felici emulatione sanctitatis,
& Veritatis promissione fideli. Et post multa, particularius agens de
centuplo & vita aterna promissis; Habetis, inquit, filij Adam
promissionem vita eius qua nunc est, pariter & futura, ut obstruatur
omne os loquentium iniqua, & confundantur omnes iniqua agentes su-
peruacue. An non superuacue penitus agit iniqua qui non modo fru-
Etnosius



ne, quod absit cogitare, sed tamen dicendum est, sic spiritum mendacem in ore Christi faceret, qui diceret Christum non ei dedisse centuplum cui promiserat.

Iob. 13.

O quàm vere Iob, imperite loquentes de Diuinis, ostendit esse fabricatores mendacij, & cultores peruersorum dogmatum.

II. P V N C T V M.

SED qui dicit se non contentum viuere, dicit eorum quæ reliquit se non accepisse centuplum.

Collet. ult. c. ult.

L. 3. in Matih.

Nam ipsum est quo quis contentus potest viuere, quod isto centuplo proprie debet intelligi. Sunt quidem aliqui, vt Cassianus qui de centena multiplicatione temporalium interpretentur. Sunt alij vt sanctus Hieronymus, qui de spiritualibus bonis intelligant quæ comparatione & merito sui ita sunt quasi si paruo numero centenarius numerus comparatur. Sed illi ipsi Patres cæterique omnes qui hunc Euangelij locum versant, ad vnum omnes testantur, quidquid sit de alijs bonis, istud tamen præcipue atque inter cætera intelligi, quod spectat ad animi tranquillitatem & quietem. Quod ita verum est vt etiamsi multa sint in humanis quæ conturbent & affligant, non desit tamen ex parte Dei quod ita eos consoletur & tranquillet vt vere & rationabiliter contenti esse possint. Et hoc ipsum est quod expresse addidit sanctus Marcus,

Marci 10.

Neminem esse qui reliquerit omnia, qui non accipiet centies tantum, nunc in tempore hoc cum persecutionibus. Quasi diceret, etiamsi aliunde diuexaretur, tamen ita abundabit illud centuplum, vt in ipsa diuexatione tranquillius sit & contentus. Nempe hoc est, inquit sanctus Bernardus, quod paulo antea commemorauimus, Tollite iugum meum

De verbis Petri, Ecce nos relinquimus omnia.

super vos & inuenietis requiem. Mira nouitas sed eius qui noua omnia facit. Iugum tollens, inuenit requiem; relinquens omnia, centuplum habet. Nouerat hoc & ille nimirum homo secundum cor Dei qui ei loquebatur in Psalmo: Numquid adhaeret tibi sedes iniquitatis, qui singis laborem in precepto? An non fictus in precepto labor, onus leue, suaue iugum, crux inuncta? Quidquid affectio propria indicet, securus esto, non Isaac, sed aries morietur: non peribit tibi latitia sed contumacia, cuius utique cornua vepribus hærent, & sine punctiōibus anxietatis esse non potest: Tentat enim te Dominus Deus tuus, nec mactabitur Isaac vt opinaris, viuens viuet, sed eleuatus est utique super ligna

Qui se dicit sua reliquisse, nec contentus vivit, &c. 147.
ut in sublime gauderas, nec in carne propria sed in cruce Domini glori-
eris.

Et post multa de hoc argumento, Denique nemo, inquit, sana-
mentis ampliozem esse in vitiis credat quam in virtutibus delectatio-
nem, praesertim cum sit Deus virtutum, totius terra incunditatis fons,
laetitia & exultationis origo. Neque enim carni seu mundo aut mali-
gno principi, sed Christo utrique servire regnare est. Nonne hoc credis?
Nonne hoc doces alios? At nonne hinc proinde est manifestum
quod qui dicit se non contentum vivere, perinde est ac si diceret
se non accepisse centuplum? O dictum impie!

III. P V N C T V M.

QVI se ergo dicit sua reliquisse nec contentus vivit; mentitur, aut
mendacem facis Christum; Quia cum esse vel non esse con-
tentum perinde sit ac centuplum recepisse vel non recepisse,
Quid aliud dicere putandus est qui dicit se non contentum vi-
vere quam se non recepisse centuplum illud quod promissit Chri-
stus, ac proinde quod sit mendax qui promissit: vel certe quod
certius est, non reliquerit ille sua qui de negato sibi centuplo
conqueritur, aut nescire quid sit esse contentum rationabiliter
& Christianè, quantum fert huius vitae condicio. Nam velle
sensitivas delectationes, & oblectamenta iuvenilia, non sunt
haec centuplum quod promissit Christus, non sunt haec certa
mentis gaudia sed falsa & mendacia, ut alibi visum est. Quantum
vero ad solida & interna quae sola replent animam, nemo mi-
nus debet de his dubitare quam de ipsa vita aeterna. Vnde enim
habes certius te vitam habiturum aeternam quam ex Christi pro-
missis? At ille centuplum si promissit eodem ore, eadem mente,
ac iisdem plane modis quo vitam ipse promissit aeternam, cur
non centuplum credes qui vitam credis aeternam? Aut si de cen-
tuplo dubitas, cur non de ipsa aeterna vita? Recte enim sanctus
Bernardus: *Illud vehementius arbitror admirandum quod fideles ma-*
gis in maximo quam in modico videamini, non enim ei difficile est ^{ubi supra}
dare centuplum in presenti, qui daturus est vitam aeternam in futuro. ^{de verbis}
Qui daturus est quod nec oculus vidit, nec auris audiuit, nec in cor
hominis ascendit, non modò centuplum dare potest?

Quod & inculcans ibidem vehementius: Aestimās, inquit, o

T ij

homo, quia personarum acceptio est apud Deum, & non omnes omnia relinquentes tam copiose consolatur? Noli esse incredulus, acquiesce vel veritati, de cuius testimonio nulli licet dubitare fidei: Et omnis inquit, qui reliquerit Patrem, &c. Neminem Christus excipit: miseri igitur qui dicunt prater nos, qui excludunt semetipsos, & excipiunt à beneficio generali. Nimirum indignos se iudicant multo magis vita æterna, qui nec ipsum quidem centuplum sperant. Sed quia Deus verax est qui promittit, homo utique mendax est qui diffidit. Qua de re cum sanctus Abbas non minus fructuose quam fulse pergat dicere, sic breuitati simul & utilitati consulamus si ex toto discursu selectiores quasdam sententias, siue ad maiorem Veritatis intelligentiam, siue ad augendum perfectæ Renuntiationis affectum, colligamus.

Scrutetur vias suas & studia sua qui promissam centupli gratiam sibi deesse causatur: nec dubium quin inueniat angulum aut diuersorium, ubi scilicet aliquid recondiderit quod non reliquit.

Non potest solui Scriptura, quæ tam certa Veritate subnixæ, omnibus id sine exceptione promittit.

Sunt qui sibi retinent aliquid, proprio desiderio aut fortasse consilio importunius adherentes.

Sciolos sese faciunt & de se sibi aliquid retinent quos penitus abnegasse & diuina prouidentia ac obedientia Patrum, consiliis quoque spiritalium Virorum debuerant commississe.

Nemo ergo cum se videt nec omnia reliquisse, centuplum non accepisse miretur. Pretiosa siquidem diuina consolatio est, nec omnino tribuitur admittentibus alienam.

Infelix Esau qui dixisti, nunc unam tantum benedictionem habes Pater? Melius grat dicere cum Propheta: unam peti à Domino, hanc requiram.

Indignus benedictione cælesti conuincitur qui aliud sibi refugium parat si forte eam non obtinere contingat.

Certum omnino sit, aut numquam eum omnia reliquisse, aut ipsum deseruisse centuplum quod acceperit.

Si insanum est centuplum nolle recipere: velle relinquere, plusquam insanum iure censetur.

Non est unde causetur qui eiusmodi est, tamquam in eo videatur irritum Verbum Domini aut euacuata promissio.

Filiis Israël, donec terram promissionis intrarent, in deserto manna non defuit.

Manna est absconditum quod in Apocalypsi Ioannis victori promittitur. Nouum nomen est quod nemo scit nisi qui accipit.

An non centuplum habet omnium qui impletur Spiritu sancto, qui Christum habet in pectore?

Hoc centuplum adoptio filiorum est, libertas & primitia Spiritus, delicia Charitatis, gloria Conscientiae, regnum Dei quod intra nos est, Gaudium in Spiritu sancto, non modo in spe gloria, sed etiam in tribulationibus.

Hac Virtus ex alto qua Andream fecit amplecti crucem, Laurentium videre carnificem, Stephanum pro lapidantibus flectere genua ad orationem.

Hac illa pax quam reliquit Christus quando dedit & suam. Hac Gratia deuotionis, & vnctio docens de omnibus quam expertus nouit, inexpertus ignorat, quoniam nemo scit nisi qui accipit.

Probare libet an hac ita se habeant. Cras profecto respondebis ei iustitia sua, qui id studiosè quasierit.





DOMINICA
DECIMA OCTAVA.
DE SANATO PARALYTICO
QUI PER TECTI TEGVLAS SVMMISSVS EST.

Ecce offerebant ei Paralyticum iacentem in lecto.
Matth. 9.

VERITATES PRACTICÆ.

SEX in prima parte de hoc Euangelio iam habentur, tota Hebdomada quarta post Epiphaniam, quæ cum progressus spiritalis per tres perfectionis acquirendæ vias, compendiosam quandam contineant formam, vt ibidem fusius declaratur, apte his aliunde sex aliæ consequentes addentur.

Qui non gradatim procedit in via virtutis; non in via virtutis incedit, sed vitij.

In 3. parte, Feria 5. infra Hebdomadam quartam post Pentecosten.

Ne dicas, sufficiens mihi sum.

In 1. parte, vbi & alia conjunguntur affines singulis Feriis infra Hebdomadam 3. post Epiphaniam.

Sunt verò plures quæ huc etiam commodè transferri possunt, siue respicias iacentem in lecto Paralyticum qui ab aliis propterea portabatur, vt offerretur Christo; siue audias Christum Dominum de remissione peccatorum agentem cum Pharizæis & cum ipso Paralytico.

Confide fili.

Vera fiducia confidenti numquam infida.

In 2. parte, Feria 3. infra Hebdomadam 4. post Pascha.

Quid cogitatis mala in cordibus vestris?

Minimum culpæ malum majus est quolibet poenæ malo.

Inordinatio cordis quantumcumque parua, majus est malum inordinatione corporis quantumcumque magna.

In 2. parte, Feria sexta infra Hebdomadam primam post Pascha: Et Sabbato infra Hebdomadam tertiam, paucis quibusdam mutatis terminis.

In 3. item parte, Sabbato infra Hebdomadam decimam.

Surge, tolle lectum tuum, & vade in domum tuam.

Et surrexit & abiit in domum suam.

Qui rationes inquit obedientiæ, rationem quærit suæ inobedientiæ.

Feria 4. infra octauam Ascensionis Domini.

Quod sanati corporis erat iudicium, ferre lectum à quo ferebatur; hoc idem est sanati animi, si regat appetitum à quo regebatur.

SIC sancti Patres referunt ad appetitum coercendum quod hîc de sublato in humeros lecto legitur factum à sanato Paralytico, ut videre est in ea Hebdomada primæ partis infra Hebdomadam 4. quam supra videndam monuimus circa hoc miraculum, præsertimque Feria 4.

Ratio verò propositæ Veritatis est, quod sanitas corporis & animi est ordinata temperatura partium. Sed tunc est solum ordinata temperatura partium animi cum animus seu Ratio regit appetitum. Quod cum per se sit planum, tum hîc vnus modo suffi-

Serm. 4.
de Ieiunio
Pent.

ciat sanctus Leo. *Agnoscat, inquit, rationalis animus, majores delicias menti datas esse quam carni. Et cum audis sibi per Spiritum sanctum dici: Post concupiscentias tuas non eas, & à voluntate tua auertere, intelligas sibi contra omnia quæ sensibus corporeis blandiuntur, Temperantia seclandam esse virtutem, per quam dum exterioris hominis voluptas minuitur, sapientia interioris augetur, Et paucis interiectis, quia cum Caro concupiscens aduersus Spiritum, spiritali cupiditate superatur, libera obstrinetur sanitas, & sana libertas: ut & caro mentis Iudicio, & mens Dei regatur auxilio. Quod & alibi repetens sub aliis nominum symbolis: Sunt, inquit, intra nosmetipsos multa certamina, &*

Serm. 1.
de Quadr.

aliud caro aduersus Spiritum, aliud aduersus carnem Spiritus concupiscit. In qua dissensione si cupiditates corporis fuerint fortiores, turpiter animus amittet propriam dignitatem, & sanitatem, & perniciosum erit cum seruire quem decueras imperare. Si autem mens Rectori suo subdita, & supernis muneribus delectata, terrena voluptatis incitamenta calcauerit, & in suo mortali corpore regnare peccatum non fuerit, Ordinatissimum tenebit Ratio principatum, & munitiones eius nulla spiritualium nequiarum labefactabit illusio: quia tunc est vera pax hominis, & vera libertas, quando & caro animo Iudice regitur, & animus Deo præsidente gubernatur. Quò etiam spectant illa Eiusdem: Præceptis Apostolicis obedire curemus, emundantes nos ab omni inquinamento carnis ac spiritus: ut castigatis colluctationibus quæ sunt inter utramque substantiam, animus quem sub Dei gubernaculis constitutum corporis sui decet esse Rectorem, dominationis suæ obtineat dignitatem.

Serm. 4.
de Quadr.

Præter has autem Veritates quæ aliunde depromuntur; vna est maxime propria loci huius ad Verba Christi Domini: *Confide fili remittuntur tibi peccata tua.* Quod enim Christus sic primo de peccatis agat cum illo viro qui vnâ corporis sanitatem videbatur exposcere, hoc plane docet, hanc primam eius & præcipuam erga nos esse curam, ut quod malorum extremum est omnium, & causa cæterorum, peccatum, penitus tollat, nosque simul in idipsum cum Illo conspirantes, primam hanc inter cæteras curam statuamus, nihil ut plane sit non modo ex temporalibus sed neque ex spiritualibus studiis & curis, quod æque procuremus, ac illam peccati fugam. Rei totius cardo vertitur in illa prima vel primaria cura; quamobrem non potuit aptius exprimi Veritas, quàm si vniuersim asseratur:

Nulla

Nulla nisi primaria satis esse potest cura de peccatis
euitandis.

RATIO EST, Quod nulla satis esse potest cura de peccatis
euitandis nisi quæ suo modo respondeat curæ, quam Christus
Dominus de his habet expellendis.

Sed nulla est quæ huic respondeat, nisi sit primaria.

Ergo & nulla nisi primaria satis esse potest de peccatis euitandis
cura, quam propterea necesse est omnino adhibere.

I. P V N C T V M.



D primam propositionem, tria hîc paucis attin-
guntur quæ fufius explanari possent. Primum est
quod quando duæ causæ siue inanimes, siue anima-
tæ simul concurrunt ad vnum effectum, quarum
vna nihil agit nisi prout est mota ab alia, sic causa
mota debet apte conuenire cum mouente seu motrice vt nisi
apte conueniat, nihil efficiat. Nam vt in corporibus globisque cœ-
lestibus, inquit sanctus Ignatius, in ea quam de obedientia, scripsit
Epistola, vt alius alium afficiat moueatque, requiritur, vt certâ
quadam conuenientia & ordine inferior orbis superiori subijciatur: sic
in hominibus cum alter alterius auctoritate mouetur quod per obedientiam
fit, oportet vt is qui ab alterius nutu pendet, subseruiat & obsecundet, vt
virtus ab imperante ad eum derinetur & influat.

Secundum est, quod cum in omnibus tum præsertim in expel-
lendis peccatis, duæ simul hæ dicuntur causæ concurrere, diuina
Christi gratia, & humana nostra voluntas: Nihil hæc plane potest
sine illa: sed neque illa facit quidquam sine ista. Vnde hæ gemina-
tæ in scripturis vtrîmque voces: *Conuertere nos Domine ad te, & con-* Isai. 2:
uertemur, Et Conuertimini ad me, & ego conuertar ad vos, quia sic vi- Zacch. 2:
delicet, vt ait Tridentinum, *libertatis nostra admonemur, & Dei nos Sep. 1. c. 8.*
gratia praueneri confitemur.

Ac proinde quod tertium est nisi nostra voluntas in hoc tam
ponderoso negotio recte conueniat cum Christo Domino, nihil
prorsus efficiet. *Omnes isti ambulantes fraudulentè, as & ferram.*

1er. 6.

*uniuersi corrupti sunt, inquit Propheta. Defecit sufflatorum, in igne consumptum est plumbum, frustra conflaguit conflaguit, malitiae enim eorum non sunt consumptae. Argentum reprobum vocate eos, quia Dominus projecit illos. Stupenda certe verba, sed valde apta ut intelligamus quod sicut aurum vel argentum quae in conflatorium purganda conjiciuntur, si forte non sunt purgata, inde prouenit quod non sint apte disposita cum plumbo seu viuo argento quo nunc conflatores vtuntur: sic cum malitiae peccantium non sunt consumptae, non aliunde est quam quod peccantes non apte conueniant cum illa Gratia qua retrahebantur à peccato commisso vel committendo, vnde & sensim reprobantur quia deseruntur ab illa gratia & desertis quid aliud frequentius accidit quam quod ait Apostolus: *Proficient in peius errantes, & in errorem mittentes?**

2. Tim. 3.

II. P V N C T V M.

SED nulla est cura, nisi primaria, quae satis apte conueniat cum Christo Domino.

Tria hic etiam consequenter enodanda essent. Primum quae sit cura primaria, nempe illa quae vehementius & ante omnia seu praeter ceteris omnibus curis & studiis circa illud versatur cuius est cura, quantaecumque sint aliae seu aliarum rerum cura, si forte simul concurrant cum prima, tunc illi cedent; nec aliter prima seu primaria poterit dici nisi quatenus illi cedent aliae quae secundariae propterea nuncupantur quod non nisi post primam moueantur. Sic auaro prima cura est cumulandae pecuniae; sic Ambitioso & aliis quod quisque carius habet, hoc primum illis est cura. *Vbi enim est thesaurus tuus, ibi est & cor tuum.*

Matth. 6.

Secundo, magna est prorsus in agendo differentia primariae cura cum reliquis. Nam quod quis curat primario, non tantum illud vehementius, & ante alia id procurat, sed ita vehementer procurat, ut si non possit peragi nisi cum aliarum detrimento rerum, consentiat potius huic rerum detrimento quam de sua prima remittat cura. Vnde sanctus Bernardus contra illos qui primam in scientia sibi comparanda ponebant curam, cum aliquo etiam religionis & Conscientiae dispendio: *Si tanto, inquit, studio & solitudine quaereretur Conscientia quanto scientia; & citius apprehenderetur, & utilius retineretur: Quasi diceret, si ex aequo saltem illae curae*

mouerentur, & scientiæ & Conscientiæ, tunc posset tolerari: sed cum prima sit cura scientiæ, vergit in detrimentum Conscientiæ, quod certe damnosum est.

Tertio denique, nisi primaria nostra sit cura cum Christo in euitandis peccatis, nulla erit sufficiens, nulla satis apta & conueniens ad hunc effectum dici potest, quia, cum vt primò diximus, cura Christi circa peccatum expellendum sit omni modo primaria, profecto nisi sit omnino nostra talis, non illi respondebit, tantoque interuallo simul inter se discipabunt illa curæ quanto primaria & secundaria; quod certe interuallum tantum refert ad effectum, vt vix vllus propterea producat; vix vllus peccatum fugiat quanto esset affectu & effectu fugiendum. Nam pro sua Christus prima cura vellet postponi omnia, pecuniam, famam, honores, vitæ commoda & ipsam vitam: hoc enim diximus esse proprium primæ curæ vt sibi subiciat cætera: iam vero ex hominibus cui tantum in fugiendo peccato cura erit secundaria, non sic postponet omnia, non sic famam aut opes aut vitam, aut illud denique cuius potiozem habet curam: sicque fiet vt nihil fiat, nihil enim fiet nisi peccatum euitetur, sepe autem non euitatur nisi cum aliqua bonorum iactura temporalium, in quam homo iacturam nunquam consentiet si pluris ducat abundare bonis quam carere peccatis; si potior cura sit hominī suæ pecuniæ quam suæ Conscientiæ, non fiet quod Christus ab illo prærendit homine, non euitabitur peccatum quod euitari non potest nisi potior habeatur cura Conscientiæ quam pecuniæ. *Si oculus tuus dexter scandalizat te, erue eum, & Math. 18. proiice abs te, expedit enim tibi vt percat vnum membrorum tuorum quam totum corpus tuum mittatur in gehennam;* Hæc est prima Christi cura de peccato euitando, à qua tantum distat illa hominis quæ est tantum secunda cura, quantum distat, eruere sibi oculum, vel non eruere, scandalizari vel non scandalizari, ad vitam ingredi vel in gehennam mitti. Nam quod prima Christi curæ vellet erui oculum, non vult secunda hominis; nollet quidem homo scandalizari, nollet peccare, nollet detrimentum in anima pati: sed non simul cum oculi detrimento, non simul cum iactura pecuniæ, licet ea iactura sit aliquando necessaria: talis est enim natura primæ vel secundæ cuiuspiam rei curæ, vt quod prima vellet perdi, nolit secunda: vel quod secunda vellet lu-

crum, nolit prima. Quantum autem illa diſtent, quis non videt? Quanti porro illa diſtantia ſit impedimenti ad effectum qui eſt peccati fuga, quis non intelligit? Cum præcipue non euitatur peccatum niſi eruto prius oculo, quem ſibi non patietur erui, qui primam euitandi peccati curam ſibi non ſtatuerit. Quamobrem liquidè Chriſtus Dominus: *Qui non eſt mecum contra me eſt, & qui non colligit mecum, diſpergit.* Et Propheta: *Numquid ambulabunt duo pariter, niſi conueneris eis?*

Luc. 11.

Amos. 3.

III. P V N C T V M.

NULLA ergo niſi primaria ſatis eſſe poteſt cura de peccatis euandis, Quia nulla ſatis eſſe poteſt niſi quæ Chriſti curæ conueniat & reſpondeat, nulla autem ei conueniat niſi primaria, cum talis in illo ſemper exiſterit ex quo genus humanum in humana natura curare cepit. Hoc eſt primum quod venturus in mundum ſibi propoſuit, *peccata tollere.* Hoc eſt quod ei nomen Ieſus indidit: Hoc eſt quo à Ioanne agnitus eſt, & quo agnoſcendum nobis fecit: *Ecce agnus Dei, Ecce qui tollis peccatum mundi.* Mirum certe cum tanta dici poſſent de Chriſto quibus à ſuo Præcurſore magnificentius prædicari potuiſſet, hoc vnum cæteris tacitis declaratur, *Quod tollat peccatum mundi.* Sed nihil poterat dici excellentius; quia hic eſt eius Incarnati primarius finis, hoc eius principale munus & officium; hæc illius officij prima eſt cura. Nihil autem excellentius de quoquam dixeris quam quod attingit primam eius officij partem. Nouerat ille ſanctus Præcurſor, nouerat ſua ipſius experientia, ſuo ipſius ingenti bono, quid primò acturus in mundum veniſſet mundi

Ioan. 1.

Luc. 1.

Matth. 1.

Saluator, quidue primò is ageret in animos noſtros; nam cum vterque maternis adhuc contineretur clauſtris, Chriſtus quidem in ſinu Beatiffimæ Virginis matris, Ioannes autem in vtero matris Elizabeth cum originali ſua culpa: venit fœcunda virgo ad fœcundam ſterilem, venit Infans Ieſus ad infantem Ioannem, & primum quod Ieſus erga homines opus operatus eſſe agnoſcitur, fuit illa culpæ remiſſio, fuit illa Ioannis ſanctificatio.

Deinde verò quid eſt quod primum inter homines egit aut prædicauit? Nonne hoc vnum, *Pœnitementi*? Quæ porro Sacramenta inſtituit, quo tandem ſine inſtituit niſi vt per illa remitteretur

peccatum? Denique ne ab hodierno Euangelio discedas longius, quod erat vel maxime de Christo audiendum & credendum omnibus, ipsum esse Deum, quo tandem euidenter signo id demonstravit quàm remittendo peccatum? *Ve sciatis*, inquit, *quia filius hominis habet potestatem in terra dimittendi peccata, tunc ais paralytico, surge, tolle lectum tuum & vade in domum tuam. Et surrexit & abiit in domum suam.* Quasi diceret Dominus, sicut videtis hoc miraculo me vere peccata remittere, sic intelligite me vere Deum esse cùm peccata remitto. Hoc est signum Divinitatis meæ; quod est humanitatis insigne. *Hic est fidelis sermo & omni* 1. Tim. 2.
acceptatione dignus quod Christus Iesus venit in hunc mundum peccato-
res saluos facere, quorum primus ego sum, inquit Apostolus: sed ideo
misericordiam consecutus sum, ut in me primo ostenderet Christus Iesus
omnem patientiam, ad informationem illorum qui credituri sunt illi,
in vitam aternam. Id est, in hoc præcipue Christus se insignem mundo fecit quod me à peccatis conuerterit, nam inde homines Eum Optimum Maximum nosse poterunt qui talem à peccatis hominem reuocarit.

Hoc est quod ipse Dominus tamquam certissimum Apostolatus insigne, suo item Apostolo commendabat; *Eripiens te de populo* Act. 26.
& gentibus in quas nunc Ego mitto te, aperire oculos eorum, ut con-
uersantur à tenebris ad lucem, & de potestate Satana ad Deum, ut ac-
cipiant remissionem peccatorum. Hoc primum ad quod te mitto, & propter quod te Apostolum constituo. *In quo, & laboro, inquit,* Coloss. 1.
vertendo secundum operationem eius quam operatur in me, in virtute.

Sic plane nobis esset collaborandum, sic pari gradu & animo ambulandum, sic pari cura & studio vigilandum. *Vigilate mecum;* Apoc. 3.
Si non vigilaueris, veniam ad te tamquam fur: Quid est si non vi-
gilaueris nisi quantum ipse est sollicitus, tu non minorem solici-
tudinem adhibeas, prout iam antea manifestè significauerat:
Indicabo tibi, ô homo, quid sit bonum, & quid Dominus requirat à te: Mich. 6.
utique sollicitum ambulare cum Deo tuo. Proh quantum alioquin probum & damnum! Hinc tota peccantium perniciēs & damnatio; vix ullus est qui non aliqualem adhibeat curam & vigilantiam, sed quia vix ullus est, qui qualem oportet, adhibeat; sic nullus peccandi finis & modus. *Si dixerimus, quoniam societatem* 1. Ioan. 1;
habemus cum eo, & in tenebris ambulamus, mentimur, & veritatem non facimus. Si autem in luce ambulamus, sicut & ipse est in luce,

societatem habemus adinuicem ; Quasi diceret , non aliter sumus conjuncti , quam si velut in luce simul vigilemus , & eodem conspiremus . Quantò cuique est plus propensionis in vitium aliquod , tanto illi Christus plus inuigilat , & tanto ipsi vicioso plus certe esset inuigilandum . Sed contrà euenit , nullibi segnius quàm ubi Christus vigilantior : quàm morbi grauitate Christus excitatur ad maiorem curam , eadem prouocatur infirmus ad minorem . Haec est enim nostra major Infirmitas , Infirmitatem nostram ignorare nec velle scire , ne curetur ;

Vide in 1. parte , FERIA 5. infra Hebdomadam 6. post Epiphaniam ; ubi expressa hæc agitur Veritas :

Quod grauius in te est malum , hoc minus vis sanari.

Vide & Epistolam paræneticam S. Eucherij , vnde ex multis hæc pauca satis apta tali argumento. *Primas apud nos curas quæ prima habentur , obtineant , summasque sibi sollicitudinis partes , quæ summa est , vindicet : hac nos occupet in præsidium sui iam non plane prima , sed sola omnia vincat , eo studio quo præcedit omnia.*



HAC HEBDOMADA , proponitur parabola de otiosis Operariis in vineam conductis , ex Matthæi vigesimo capite. Tùm quæ habentur Ioannis septimo de inuitato à suis Domino vt manifestaret se mundo , veniretque Ierosolymam ad diem festum scenopegiæ , seu Tabernaculorum. Tunc quidem Christus ire noluit quo rogabatur apparatu : sed quasi tantum in occulto cùm iam dies festi celebrarentur , in vrbe adfuit & multa in Templo docuit vnde ad Tempus recte collocandum , ac dirigendas in Diuinum Beneplacitum quotidianas nostras actiones valde instruimur.

FERIA SECUNDA. DE OTIOSIS OPERARIIS.

Quid hic statis tota die otiosi? Ite & vos in vineam meam. Matth. 20.

De hac parabola fufe in 2. parte , Dominica septuagesimæ. Quò etiam referri potest quæ hic duplex vno breui complexu proponitur

VERITAS PRACTICA.

Nihil est magis nostrum quam Tempus ; Et nihil est minus nostrum.

I. PUNCTVM;

DE PRIMA VERITATIS PARTE.

RATIO primæ partis hæc est quod nihil sit magis nostrum quàm quod prorsus pendet à nobis nullo prohibente; quid clarius?

Sed nihil est quod magis à nobis pendeat nullo prohibente quàm Tempus si velimus eo recte uti. Nam quidquid cogamur facere, possumus illud semper cum Dei Gratia dirigere in rectum finem, siue ut placeamus Deo, siue ut dissoluendis peccatis satisfaciamus, siue ut cumulandis æternis laboremus bonis. Vnde Sapientis: *Non impediaris orare semper, & ne verearis usque ad mortem* Ecclesi. 18. *iustificari, quoniam merces Dei manet in æternum.* Id est, hoc tibi plane liberum est semper orare, saltem mente, saltem intentione dirigendo tuum opus in bonum finem: sic enim ex quocumque opere tibi thesauros gratiarum & æternæ futuræ gloriæ colliges, nec vereri debes, ne aut desit labori merces, ne aut mercedi labor superfit, nam laboratur æternitati. O ponderosum nomen; O quam recte Apostolus, *æternum gloriæ pondus, ait, quod operatur in* 2. Cor. 4.

nobis quidquid occurrit laborandum. Hoc est enim quod labori nostro dare debet pondus ne sit inanis & vacuus.

II. PUNCTUM, DE SECUNDA PARTE VERITATIS,

Nihil minus nostrum quam Tempus.

DUPLEX esse posset sensus; Primus, nihil minus nostrum facimus quam tempus cum illud male colloceamus. Secundus de quo nunc praesertim, nihil est minus nostrum quam tempus, Id est: nihil est quod minus nobis vindicemus tamquam nostrum & tamquam nobis proprium, si nos à Deo separemus.

Ratio est valde consideranda, quia nihil est minus nostrum quam vita nostra, quae tota est Dei ut Creatoris, ut Finis, ut summi Boni; quae tota est Christi ut Redemptoris, ut Domini, ut Glorificatoris, & sexcentis aliis ex titulis. *Non estis vestri: empti enim estis pretio magno. Ut qui vivunt iam non sibi vivant.* Hæc effuse tractata sunt in sacro Die Parasceves.

1. Cor. 6.
2. Cor. 5.

Sed qua ratione vita nostra, nostra non est, eadem prorsus tempus nostrum, non est nostrum. Nam Tempus & vita sic sibi mutuo correspondent, quantum precipue spectat ad humanos nostros actus, ut neque aliter concipi possit nos aliquem vitam humanam actum posse producere, nisi unam concipiatur nos tempus aliquod in eo collocare: neque intelligi possit nos tempus in re quapiam ponere quin simul intelligatur nos humanam nostram vitam motum & actum aliquem edidisse. Nemo enim vivit nisi in tempore, & nullum est nostrum tempus nisi quo vivimus. *Sic omnia tempus habent, & suis spatiis transiunt universa sub eodem.* Vnde illud plane concludi necesse est ut si tibi non licet partem aliquam vitae tuæ Christo subrahere, neque etiam tibi licet ullam ei temporis negare partem; nam pars illa temporis quam negares, pars esset vitae tuæ. Quidquid enim in illa parte temporis ageres, viveres scilicet: & quod tum viveres, nonne tam vere Christo subraheres, quam tempus ipsum, quo vivere & agere diceris? Possesne actu vitae expresso velle Dominum vivere, & non velle ei respirare? Non posses quia hoc esset vivere & non vivere, seu velle & nolle, cum vivere & respirare sint unum

Heb. 3.

Nihil magis nostrum quàm Tempus: Et nihil est minus, &c. 161

unum & idem. Sic omnino quantum ad rem nostram, licet tempus non sit tam intrinsecum humanæ nostræ vitæ quam ipsa respiratio, sic tamen illi est connexum & colligatum ut quo actu vita ponitur, ponatur tempus: & qua parte tempus collocetur, collocetur & vita.

Ventus est vita mea, dicebat Iob & præclare, hoc verumque respiciens. Nam vita ventus est, Id est respiratio, & vita ventus est, id est, citissimum tempus. Iob. 7.

III. P V N C T V M,

DE VTRAQUE CONIUNCTIM VERITATE.

VTRUMQUE simul igitur non modo verum est, quod nihil magis & nihil minus est nostrum quam tempus: Sed utrumque sic simul conjunctum non parùm est efficax ad usuram temporis utriusque deinceps collocandam. Cum enim tuum sit tempus, & cum sit ita tuum, ut ne quidem exigua te nolentem possit præterire particula, quin omnem plane possis complere in omne opus bonum, quid est quod illud nolis? *Nos oportet operari opera eius qui locum, &c. misit nos, donec dies est: venit nox quando nemo potest operari.*

Cum vero non sit ita tuum tempus ut tibi partem aliquam aliò quam velit Deus liceat detorquere, auderesne quod non licet? Auderesne non tua rapere? Auderesne te à Deo subtrahere? Te tibi vindicare? *Adesse festinanti tempora.* Id est, sese quodammodo ingerunt & offerunt quibus bene de Deo merearis: tu vero tempus nondum adesse aut abesse causaberis? *Iustum & impium iudicabit Deus, & tempus omnis rei tunc erit.* Deut. 32. Eccl. 3. Observanda certe verba; quasi diceret Sapiens, tunc velis nolis apparebit in iudicio nullam profus fuisse partem temporis in qua non aliquod operæ pretium potuisses ponere: licet modo dissimules, ita tamen reuera est, neque enim tunc erit verum in iudicio, quam quia modo est: & quia modo ita est, sic erit etiam in iudicio, ut quantum modo bene vel male tempus impenderis, tibi rependatur. *Non est dicere, quid est hoc aut quid est istud? Omnia enim in tempore suo quærentur.* Eccl. 1. 32. Id est, neque rem ullam, neque tempus vllum putares esse inutile: nulla res enim est, neque pars vlla temporis de qua non sit futura quæstio, quem in usum tibi eam usurparis.

Tempus beneplaciti Deus: Donec tempus iudicii tui veniat, da tibi, &c.

mihî hoc tui beneplaciti tempus sic adimplere, vt tempus iudicij tui, sit mihî velut hoc tempus beneplaciti tui.

HVIC AFFINIS VERITATI, HÆC
ALIA POSSET ADDI.

Nihil est nobis Tempore vilius, quo tamen nihil est pretiosius.

RATIO primæ partis est, quia nihil est nobis eo vilius quod crebrius & libentius projicimus.

Sed nihil est aut certe vix est aliquid quod crebrius & frequentius proiciamus quàm tempus, terendo illud otiosis colloquiis.

Ergo nihil est nobis Tempore vilius, quo tamen nihil est pretiosius.

Ratio huius postremæ partis est, quia nihil est eo pretiosius cuius parte exigua thesaurus ingens, quale est Cœlum cœlestisque Beatitudo, potest emi. Sed tale est tempus, seu etiam pars quantumvis exigua temporis. Cœli pretium est nobis propoutum.

Ergo nihil est Tempore pretiosius. *Fili conserva tempus, & denique à malo.*

Tantum enim gloriam omni hora negligimus, ait sanctus Bonaventura, quanta bona interim facere possemus, si otiose eam transigimus. Quæ omnia fusius pertractata sunt in 2. parte, Dominica 3. post Pascha.



FERIA TERTIA.

DE NOVISSIMIS OPERARIIS.

Sic erunt novissimi, primi. Matth. 20.

VERITAS PRACTICA.

Quod Feruori Tempus negat, hoc Feruor affert Tempori.

SENSVS EST, Quod feruori quidem tempus neget diuturnitatem, neque enim diu durant saltem quoad sensum quæ multum feruent, tamen hanc alio sensu feruor diuturnitatem affert tempori, quatenus id suo merito efficit vt tempus alioquin breue feruenter in Domino collocatum æquiualeat longi temporis diuturnitati, iuxta illud Sapientis: *Consummatius in breui sap. 4. expleuit tempora multa.* Et hunc esse germanum sensum & primum finem parabolæ de operariis docet inter alios Menochius, vt scilicet ostendatur mercedem vitæ æternæ non tempori quo quis laborauit respondere, sed labori seu feruori quo quid fecit. *Sepe enim fit,* inquit, *vt aliquis vna tantum hora tantum laboreat, quantum alius tota die, ideoque æqualem mercedem accipiat qua hic denario diurno exprimitur.*

RATIO autem cur sic feruore valeat tempus, siue quod idem est, cur opus breuiori tempore factum, factum tamen feruenter, æquiualeat multo tempori, hæc est inter alias, quod tanto est maioris meriti opus, quo est profectum ex puriori corde. Sed quanto est feruentius factum opus, tanto est ex puriori corde. Ergo & maioris est meriti, ac proinde feruor ille omni modo cum Gratia procurandus.

I. PUNCTVM.

ICET illi omnes Operarij qui laboratum in vineam missi sunt, vnâ & eandem mercedem accepisse videantur, dispar tamen & diuersum esse in cælo sanctorum primum nemo potest dubitare qui audiat intonantem Apostolum, quod referet vnusquisque propriis corporis prout gessit, sine bo. 2. cor. 5. *num, siue malum.*

Vna est essentialis quam vocant Beatitudo quæ in videndo ac amando Deo consistit, & quæ velut denarius deficienti die datur omnibus quibus aliquid datur: sed & huius beatitudinis diuersi sunt gradus, & alterius quam dicunt accidentalem tam variæ sunt species quàm alia est claritas solis, alia claritas lune, & alia claritas stellarum: stella autem à stella differt in claritate, sic & resurrectio mortuorum.

Et vero cum ex multis illa meritorum diuersitas educatur, tum ex feruore Spiritus de quo Apostolus: *Spiritu feruentes, domino seruientes*, Quasi diceret, hos esse proprie & proxime Domino seruientes qui Spiritu sint feruentes. Nam si ut ait Sapiens, *Incorruptio facit esse proximum Deo*, Certe feruentes accedunt Deo proximè qui ad puritatem cordis accedunt propius.

Hoc itaque primum est expendendum, quanti referat ad majus meritum, puri esse cordis: nihil alieni, nihil permixti, nihil non modo sensualis sed nec naturalis aut etiam rationalis sensus & animi quod non sit spirituali & Diuino substratum penitus, & infrà positum.

Sive masculum sive fæminam obtulerit, immaculata erunt omnia. *AGRV*M tuum non seres diuerso semine. *HOMO* qui obtulerit victimam, vel vota soluens vel sponte offerens, immaculatum offeret, ut acceptabile sit: omnis macula non erit in eo. Si habuerit maculam, vel claudum fuerit, vel cecum, aut in aliqua parte deforme vel debile, non immolabitur Domino Deo tuo. Non immolabis Domino Deo tuo ouem & bouem in quo est macula, aut quidpiam vitij, quia abominatio est Domino Deo tuo. Quæ sic omnia tam saepe & grauiter insonabant omnium animis ut inde disce- retur quod Sapiens dixit apertius; *Qui mundus est, rectum opus eius*. Quasi hæc esset rectitudo cuiusvis boni operis, mundities & puritas operantis. Quantacumque sit eius Charitas nisi sit ex puro corde, non est Charitas accepta Deo. Sic postquam sanctus Iacobus dixit, *Appropinquate Deo & appropinquabit vobis*, Tum addit, tamquam gradum proximum appropinquandi: *Emundate manus peccatores, & purificate corda duplices animo*. Quod & sanctus Gregorius sapienter obseruauit ad illum Psalmi versum notissimum: *Cor mundum crea in me Deus, & Spiritum rectum innoua in visceribus meis*. *VIDE*, inquit, ordinem, primo cor mundum, ut quasi de puro fonte manet quidquid agendum est. Quomodo enim poterit esse perspicuum id est purum in conspectu Dei ac lucidum quod

an ipsa origine fuerit vitium? Scriptum est enim: bonus homo de bono thesauro profert bona, & malus homo de malo thesauro profert mala. O quale monstrum potest esse thesaurus ille malus qui nonnisi ex malis coalescit, & vnde nihil nisi malum profuit!

II. P V N C T V M.

SED quanto est feruentius factum opus, tanto est ex puriori corde factum: Sicut quanto est ex puriori corde profectum, tanto est feruentius factum opus. Neque enim feruor est illa quæ forte putaretur agitatio mentis & corporis; sed est ipsa puritas operis pure propter Deum facti.

Quod vt melius intelligatur, atque vt simul apertius internoscatur quid Charitati Feruor addat ad puritatem actionis: obseruandum est duobus præsertim modis actionem posse inquinari & purgari. Primo quidem inquinatur impuris affectibus, seu mundanis propositis finibus ac intentionibus à quo inquinamento mentem purgat illa Charitas quæ vnum respicit Deum. Sed cum etiam in respiciendo Deo multi se humani respectus & discursus obtrudant qui hominem in diuersa rapiunt & sub specie recti ac boni sæpe fallant & auertant à bono, aut certe dubium & suspensum animum sic retineant, vt quid agat quoue se vertat, ignoret; ac interim non nisi remisse, anxie, & imperfecte agat; potest dici hoc alterum inquinamenti genus quo non quidem malum appetas, nec bonum malo sine tacias: sed quo bonum non satis bene, non satis prompte, non satis studiose amplexeris; à quo inquinamento nos purgat Feruor, quatenus qui suo feruet in opere nihil moratur: quidquid obuiet animo, non se finit illis retardari obstaculis quæ apparenti Virtutis specie, vel nobiliori prætextu mentem aliò auocant. Sed toto quod aiunt pectore rem aggreditur, rem promouet & absoluit, vni Deo intentus, vni attentus operi. *Vidisti virum velocem in opere suo? coram regibus stabit, nec erit ante ignobiles*, Eis scilicet seruiendo, id est, illustis ille futurus est.

Prov. 22.

Cum nondum ita ferueret sanctus Augustinus, & vellet quidem seruire Deo: sed quod vellet tamen non faceret, sic se à seipso in diuersa distrahi sentiebat, vt miraretur & diceret, *unde hoc monstrum & quare istud? Imperat animus corpori & paretur statim. Imperat animus vt moueatur manus, & tanta est facilitas vt vix à seruitio discer-*

L. 8. Conf.

2.

natur imperium. Et animus, animus est, manus autem corpus est. Imperat animus ut velit animus, nec alter est, nec facit tamen. Unde hoc monstrum, & quare istud? Imperat inquam ut velis, qui non imperaret, nisi vellet, & non fit quod imperat. Audi vero ut apte tibi respondet: Sed non ex toto vult, non ergo ex toto imperat. Nam intantum imperat, inquantum vult, & intantum non fit quod imperat, inquantum non vult. Non utique plena voluntas imperat: nam si plena esset, nec imperaret, vellet, quia iam esset. Non igitur monstrum, partim velle, partim nolle, sed agritudo animi est, quia non totus assurgit Veritate subleuante, consuetudine praeuolante. Sic sanctus Prosper in sententiis sancti Augustini, Agritudo animi rationalis est, inquit, cum bonis inferioribus delectatur: superiora ex parte appetit, & ex parte non appetit, ideoque in duas diuiditur voluntates, cumque una est, tota non est: & hoc adest uni, quod deest alteri. Sanctus quoque Thomas sic rem illustrat: Imperfectum imperium contingit ex hoc quod Ratio ex diuersis partibus mouetur ad imperandum vel non: Unde fluctuat inter duo, & non perfecte imperat.

At certe fluctuationes illas animorum & imperfecta imperia sicut nemo neget esse humanas imperfectiones & nostrarum impuritates actionum, ita omnes concedant, quod qui se ab illis purget, singularem in opus suum inducat puritatem. Hoc est autem feruere, hoc est proprium quod dicimus Feruoris beneficium, sic in sese totum colligit animum ut non iam duo, non iam vlla diuisio, nulla diuersitas, nil aliud cogitare sinat aut sapere quam quae sunt spiritus, quam quae sunt Christi: sed totus à se atque à summo Deo indiuisus est animus, ut diuisus à quocumque alio, puram illam unionem perficiat quae est perfecta Charitatis. Qui adharet Domino, unus spiritus est. Valete cuncta, mihi Dominus sufficit. Deus meus & omnia. Sic paucis feruor agitur, ut nos agere faciat; sic cuncta sibi prostermit.

III. P V N C T V M.

HINC ergo sequitur ut quod feruori tempus negat, hoc feruori concedat tempori; Nempe ut breui spatio tibi longorum merita temporum possis colligere, dum quidquid impurum in nostras actiones posset incidere, sic defacatur & excoquitur, nihil ut super sit in opere non sanctum, non pretiosum, non diu-

num in conspectu Domini. Hoc est aurum ignitum probatum quod ^{Apoc. 3.}
suscipis emere ut locuples sis. Hoc est aurum quod super idem fun- ^{1. Cor. 3.}
 damentum edificatur, cui foenum aliquin & stipula simul coha-
 rent. Hæ sunt *diuitiæ salutis, sapientiæ & scientiæ*, de quibus & Pro- ^{1f. 17.}
 pheta & Apostolus, qui sic expressis affirmat verbis, tempus redi- ^{1f. 17.}
 mi, & sapientes ab insipientibus hoc internosci nomine. ^{1f. 17.}

Hæc est vis summa quæ præteritum possis reuocare tempus,
 quæ meriti possis ventum, & ignem ponderare; quæ tria quon-
 dam Efdra ab Angelo sunt proposita tamquam ea quæ essent ^{1. Esdr. 4.}
 extra omnem efficientiam posita. Sic enim feruor præteritum
 reuocat tempus, cum lacuna replentur illorum mensium quos
 Scriptura vocat *vacuos*; replentur autem cum feruor geminat ^{1f. 7.}
 opera non tam numero quam valore & merito. *Suscipis de manu* ^{1f. 7.}
Domini duplicia pro omnibus peccatis suis. Meritis autem ventum
 cum ad vnum quodque momentum quo aërem spiras, inspiras
 operi meritum. Ignem denique ponderas cum tanta feruoris ha-
 betur ratio, ut pro singulis eius gradibus agendi meritum crescat
 & præmium. Sic præclare sanctus Hieronymus in Apostoli Verba: ^{5. pr. 2.}
Redimentes tempus, quoniam dies mali sunt: Quod in diebus malis est,
inquit, quodammodo immutamus illud, & dies malos in bonos ver-
timus, & facimus illos non præsentis sæculi sed futuri.

O quam proinde sapienter Sapiens ^{1. In omnibus operibus tuis} ^{Ecclesi. 31.}
esto veloc. & omnis infirmitas non occurret tibi. Non agetur illa
 agilitudine animi qua in diuersa distraharis, & qua distractus vix
 aliquid agas aut agendo merearis. Non occurret ficta infirmitas
 corporis quasi non id possis operari quod occurrat. Non infir-
 mitas animi quasi nolis aut nescias; Non infirmitas ipsius operis
 quasi fatiscas operando; Nulla denique tibi occurret infirmitas
 quia velocitate & feruore sic roboratur animus, ut licet etiam
 infirmaretur, non desineret operari, & tunc vel maxime diceret;
Cum infirmor, tunc potens sum. ^{2. Cor. 12.}

Vide Feria 4. infra Hebdomadam Paschæ.



FERIA QVARTA. DE OCCVLTIO CHRISTI

268 FERIA 4. Hebd. 18. Oct. Pent. Tempus meum, &c.

INGRESSV IN CIVITATEM
IERUSALEM, AD DIEM FESTVM
SCENOPEGIAE.

ET DE OPPORTVNITATE TEMPORIS
OBSERVANDA IN NOSTRIS
ACTIONIBVS.

Tempus meum nondum aduenit. Ioan. 7.

VERITAS PRACTICA.

Sic est omni negotio tempus & opportunitas, vt nisi
adsit tempus & opportunitas, vix vllum fiat ne-
gotium.

RATIO EST, Quia vix aut ne vix vllum fiat negotium
nisi fiat illud quod intendit Deus.

Sed nisi omni negotio adsit tempus & opportunitas, non fiet illud
negotium quod intendit Deus.

Ergo sic est, & sic seruari debet omni negotio tempus & oppor-
tunitas, vt nisi adsit tempus & opportunitas, vix vllum
fiet negotium.

L P V N C T Y M.

ERAT in Galilea Dominus cū loqueretur & ageret
quæ suprà commemorata sunt, iamque instabat Festum
quod apud Iudæos Scenopegia dicebatur, sic à figendis
dicta tabernaculis, vt præceptum erat Leuitici vigesimo tertio,
idque in finem Septembris, vel Octobris-initium, incidebat.
Tunc vero propterea Iudæi omnes adibant Ierosolymam, cele-
braturi festum, & in templum suū delaturi sacrificia, quia ne-
fas erat alibi sacrificare; cūque iam eō pergerent ē Galilæa,
Cognati,

Cognati, Affines, Conciues & alij qui dicuntur in Euangelio fratres Domini, ipsum conuenerunt de itinere simul conficiendo, dixeruntque ei: *Transi hinc, & vade in Iudeam, ut & Discipuli tui videant opera tua qua facis.* Nemo quippe in occulto quid facit, & querit ipse in palam esse: si hac facis, manifesta teipsum mundo. Neque enim fratres eius credebant in eum. Dicit ergo eis Iesus: *Tempus meum nondum aduenit: tempus autem vestrum semper est paratum. Non potest mundus odisse vos, me autem odit, quia ego testimonium perhibeo de illo quod opera eius mala sunt. Vos ascendite ad diem festum hunc: ego autem non ascendo ad diem festum istum, quia meum tempus nondum impletum est. Hac cum dixisset, ipse mansit in Galilaea. Ut autem ascenderunt fratres eius, tunc & ipse ascendit ad diem festum, non manifestè, sed quasi in occulto.*

Ex quibus Euangelistæ verbis: hoc inter alia diligenter obseruandum est quanti Dominus faceret quod Sapiens dixerat: *Omni negotio tempus est & opportunitas*: quia scilicet nondum aduenerat tempus illud, quo gloriosissime Ierosolymam erat ingressurus: quidquid fratres dicant, noluit tempus anteuertere, sed quasi plebeius & incognitus ciuitatem intrauit. Cum autem illud obtigerit tempus quod prædictum est à Prophetis de illo nobili & magnifico ingressu, quando procedet ei obuiam tota Ierosolymorum Ciuitas: non deerit tempori, & quidquid tum discipuli contra possint objicere, de maleuolo in ipsum Iudæorum animo, non desisset ire quò cum tempus vocabit. Sic nos itaque sacris eius Vestigiis iustitentes discamus sua esse cuiusque negotio spatia, discamus cuncta suo metiri tempore, discamus omni negotio sic esse suum tempus & natiuam opportunitatem, *ut nisi adit tempus & opportunitas, vix vllum fiat negotium.*

Ratio non est vulgaris, & valde consideranda est, quia videlicet vix aut ne vix vquam vllum fiet negotium nisi fiat illud quod intendit Deus. Nam quodcumque fiat negotium si pro nullo Deus illud habeat, si non illud probet & remuneret, nullum censeri debet tale negotium, licet negotianti sit opportunum & vtilitate quadam temporali fructuosum: quia tamen homo non sibi negotiari, non sibi laborare, non sibi debet viuere, sed Deo suo; siquid laborat aliud & siquid negotiatur & viuit aliud quam Deo Creatori suo, non laborat nec viuit, non est illud laborare & viuere, nihil est agere, nihil operari, nihil negotiari. *Quid hic statis*

totā die otiosi; merum est otium, quodcumque tempus non transactum in vinea Domini. Viri sanguinum & dolosi non dimidiabunt dies suos. Viri profecto sanguinem non dimidiānt dies suos quando post multum fufum sanguinem sanguis ipsorum funditur: quando post multos ab ipsis occisos & ipsi ante tempus suum occiduntur: sed dolosi qui nempe velut dolo, sibi & non Domino viuunt, non dimidiānt alio sensu dies suos, quia quicquid sibiue viuunt & non Domino, perinde plane est ac si non viuere, nihil coram Deo recenseretur, nisi vt quæ prauæ acta sunt puniantur. *Quæ pro nihilo habentur, eorum anni erunt.* Sicut enim qui se Deo totum impendit, consummatius in breui, expleuit tempora multa: sic qui se Deo subtrahunt, qui aliud quam intendit Deus, laborant & negotiantur, licet centum sint annorum, pueri tamen & quasi nullius habentur ætatis. Sic duobus tantum annis Saul regnasse in Israël Scriptura memorat, cum tamen aliunde constet regnasse quadraginta. Sed duobus tantum recte conuenit cum Deo, & hi tantum anni numerantur, quasi quod alio tempore fecerit, nihil fecerit cum non illa efficeret quæ volebat & intendeat Deus. *Va filij defectores, dicit Dominus, vt sacerdotis consilium & non ex me: & ordiremini telam & non per spiritum meum.* Nihil poterat dici expressius siue ad intelligentiam propositionis, siue ad rei grauitatem.

II. P V N C T V M.

SED nisi omni negotio adsit tempus & opportunitas, non fiet illud negotium quod intendit Deus.

Licet enim sit idem in substantia, non est tamen idem in circumstantiis quæ sæpenumero tantum valent apud Deum vt his mutatis mutetur opus, nec sit illud quod intendeat Deus, quia non simpliciter tale intendeat in substantia, sed tali oblatum modo, tali loco & tempore; *Vt probetis*, inquit Apostolus, *quæ sūt voluntas Dei bona, beneplacens, & perfecta*, id est, vt supra diximus, quæ sit voluntas in substantia, in modo, & in fine.

Sicut itaque non sufficeret ad voluntatem Dei complendam si quis id quidem faceret quod vult Deus, sed alio fine quam velit: ita plane non sufficit si alio faciat modo, quia de voluntate Dei est vt supponimus tam iste modus quàm finis & quàm substantia negotij. Vnde idem Apostolus, *scitis perfecti & pleni in omni voluntate*

Dei: Et rursum, *impleat omnem voluntatem Bonitatis*. Id est, quidquid ex se primo & antecederet decreuit bonitate sua tam in substantia quam in modo.

Quod ita plane verum est vt si modus ille desit in re alioquin imperata, tunc Deus neget se rem imperasse, *Cum veniretis, inquit, ante conspectum meum, quis quasiuit hac de manibus vestris?* Certe si de substantia rei ageretur, ipse est qui hac de ipsorum quærebat manibus; agitur nempe de sacrificiis ex lege ordinatis; sed quia corde impuro & profano illa offerebant sacrificia, perinde dicit se non ea quærere, ac si omnino non quæreret, quia non quærebat ea quali modo offerebant. Sic si obtulissent alio loco & tempore quam quibus erat præscriptum, quis dubitet, quod non ea fuissent sacrificia, non ea munera, nec opera, neque sacra negotia quæ Deus intendebat? *Auferte ista hinc, & nolite facere domum Patris mei, domum negotiationis.* Quid est quod velit Dominus ista auferri, cum ea tantum essent quæ ad sacrificia vellet offerri? Nonne licet vendere quod licet emere, & nonne id illis emendum vel aliunde comparandum erat quod erat sacrificandum? Sed quia forte locus aut tempus rei vendendæ non obseruabantur, aut licet suo loco & tempore res vnales exponerent, illi auaro quodam animo in rebus istis diuendendis & emendis negotiarentur: totum istud negotium sic infectum erat & peruersum, vt licet negotium alioquin esset permissum aut imperatum; prout tamen gerebatur, vetitum erat, nec certe istud erat quod intendebat Deus. *Ne offeratis vltra sacrificium frustra.* Id est, tali oblatum modo.

Quæ cum sint vniuersum dicta de omni circumstantia, tum particulatim de tempore sic intelligi debent, vt quod negotium suo peractum tempore, negotium esset salutis animæ, negotium esset vitæ æternæ, negotium esset diuinæ gloriæ, negotium erit auaritiæ vel superbæ, vel cuiusvis denique concupiscentiæ qua factum est vt peruerteretur tempus negotij; Et ipso peruerso tempore peruerteretur negotium, nec esset illud quod vellet Deus, non tantum quia non est peractum suo tempore, sed quia ratio propter quam non est ita peractum, est inordinatus animus vnde & ipsum totum negotium deprauatur. Quod certe est attentius considerandum, nam in eo tria insunt quæ rem valde illustrant.

Primum est instituti violatio temporis quæ per se sola sufficeret ut à Deo negotium improbaretur. Cum enim ipse negotio tempus & opportunitatem ascripssisset, certe offendi potest quod tu libertate abusus tua, non conditum ab eo tempus acceperis, sed illi potius diem & horam condicere videaris. Putasne tum illi Deus interfuerit intempestiuo negotio? Si autem absuit, quale putas negotium? Hæc fuit Bethulitarum audacia, qui cum quinque dies expectando Diuino auxilio præfixissent, Sapientissima Iudith sic eos arguit: *Et qui estis vos qui tentatis Dominum? Posuistis vos temporis miserationis Domini, & in arbitrium vestrum, diem constitulistis ei.*

Deinde vero quod considerandum venit, est ipsa causa præcipitati negotij, nempe animus inordinatus, moræ impatiens & disciplinæ, suo seruicens genio, & suas sibi potius rationes proponens quàm diuinas, aut suas potius temporales & caducas quàm spirituales & æternas rationes, quæ cum sit negotiantis seu operantis prauitas, quid mirum si Deus opus improbet, & negotium auerfetur? *Stulte egisti, nec custodisti mandata Domini Dei tui quæ præcepit tibi.* Sic & plura Samuël Saûli qui paulo citius anticiparat horam vel sacrificij vel congressus bellici.

Tertio denique talem peruersi animi prauitatem in opus ipsum redundare necesse est, & quæ præcipitatio fuit temporis, erit & operis: Quæ causa fuit cur non seruaretur tempus, causa erit cur non certus seruetur modus, cur non rectus præfigatur finis, cur non integra conferatur perfectio, sicque opus deteratur & deprauetur, ut iam mirum non sit cur non sit opus & negotium quod intendebat Deus.

Non est tale jejuniû, non est tale obsequium, non est tale negotium quod elegi.

III. P V N C T V M.

SIC est igitur omni negotio tempus & opportunitas, ut nisi adsit tempus & opportunitas, vix ullum fiat negotium; Quia non fiet negotium quod intendit Deus, & aliud quodcumque negotium tam verè nullum est, quam vere nihil æstimare licet Christiano quod non probat Deus. *Pondus & statera iudicia Domini sunt, & opera eius omnes lapides sacculi.* Hoc est, tanti res valent, tanti

sunt ponderis & valoris, quanti Deus eas facit & æstimat. Et opera eius siue quæ facit, siue quæ approbat, siue quæ facit solus, siue quæ nobiscum operatur, omnes sunt lapides sacculi, sunt ipsa pondus & statera. Nam olim pondera erant lapidea & in sacculis circumferebantur: perinde est itaque ac si diceretur, sicut id omne quod Deus operatur, pondus est, seu *in mensura* Sap. 11. & numero & pondere dispositum, ita vult operemur non ex libidine & humano nostro sensu, sed ex Diuina regula certoque rebus ac negotiis indicto pondere, quale est tempus, locus, & modus. *Ut omnia honeste & secundum ordinem fiant in nobis.* 1. Cor. 14.

Minime dubitas quod quidquid est inordinatum, probari Deo non possit: dubitasne vero quod quidquid est extra tempus, non sit ordinatum? Vide, reuolue iterum atque iterum quæ cuncta suis distinxit spatiis & temporibus, an si tempus suum non serua-
rent, possent seruare suum decus, suum nitorem, suamue illam quam impertiunt hominibus vtilitatem? *Tempus est*, inquit, *flendi* Ecl. 3. *di, & tempus ridendi*; Sit vero aliquis qui flendi tempore rideat, & dum ridendi est tempus, fleat: quid inuenustius quid inordinatius? Qui belli tempore pacem sestetur, nonne ignauus censeatur, aut qui tempore pacis, bellum excitet, quid nisi perturbator audiat? Quid silentio pretiosius, quando est scilicet tempus tacendi; nam quando loquendi tempus est: *Va mihi*, dicit Propheta, *quia tacui*; Is. 6. Et Sapiens: *Mala aurea in lectis argentes, qui loquitur verbum in* Pr. 25. *tempore suo*; *Ex ore autem fatui reprobabitur parabola, non enim di-* Ecl. 3. *cit illam in tempore suo*: Quasi diceret, & in hoc cognoscetur fatuus quod non loquatur suo tempore; & quidquid præclari tum loquatur, quasi nullum esset, contemnitur. Adeo refert ad hominis & ad ipsius commendationem operis si quid agat suo tempore ut inde sapiens vel fatuus iudicetur. Sic & paulo ante dixerat: *Sapiens tacebit usque ad tempus; lasciuus autem & imprudens* Ibid. *non seruabunt tempus.*

Quamobrem aduerte diligenter, & quod de loquela notum est, sic de alia quauis actione generatim hoc ipsum notificat sanctus Gregorius: *Non enim*, inquit, *res eadem semper est virtus, quia* 1. 28. Mor. *per momenta temporum saepe merita mutantur actionum: unde fit, ut* c. 12. ad cap. Iob. 38. *cum quid bene agimus, plerumque melius ab eius actione cessemus, & laudabilius ad tempus deferat quod in suo tempore laudabiliter mens tenebat. Et nonnullis interiectis: Plerumque enim virtus cum indis-*

174 FERIA 5. Hebdom. 18. post Oct. Pent. Si quis voluerit, &c.

erete tenetur, amittitur: cumque discrete intermititur, plus tenetur. Nec mirum si in incorporeis intelligimus quod agi & in corporeis rebus videmus. Ex studio namque arcus distenditur, ut in suo tempore cum utilitate tendatur. Quod si otium relaxationis non accipiet & feriendi virtutem ipso usu tensionis perdit.

2. 22.
2. 22.

Quando autem non aperte liquet de opportuno tempore, satis est ut quantum ex ratione liquet, tempus observemus; nec permittamus Concupiscentiæ tum de re dubia decernere, sed Rationi iudicium relinquamus, ut dilerte monet sanctus Ambrosius: In omni actu vite id cauere debemus, ne rationem nimius animi motus excludat: Sed teneamus Consilij Locum.



FERIA QUINTA.

DE VERBIS CHRISTI IN
TEMPO, ET DE DIVINA
VOLUNTATE POTISSIMUM
SPECTANDA IN NOSTRIS
ACTIONIBUS.

Si quis voluerit voluntatem eius facere, cognosces de
Doctrina, utrum ex Deo sit. Ioan. 7.

VERITAS PRACTICA.

Si non agis quod velit Deus, hoc vnum infame habes, quod respondeas: Nolo, Non placet.

RATIO EST, Quia si non agis quod probe scis esse agendum, quod facile potes, & quod iure legitimo debes, hoc vnum est quod respondeas, nolo.

Si non agis quod velit Deus, hoc unum infame habes, &c. 175
Sed si non agis quod velit Deus, non id agis quod probe scis esse
agendum, quod facile potes, & quod iure legitimo debes.
Ergo hoc unum est quod respondeas, Nolo; Quod quàm sic in-
fame & infandum nonne iam vides?

I. P V N C T V M.

CVM ad diem festum vndique Ierosolymam, atque in ipsum templum Iudæi conuenissent, neque præsens adesset Dominus, ut adesse solebat: *Querebant eum & dicebant,* inquit Euangelista, *Vbi est ille? Et murmur multum erat in turba de eo. Quidam enim dicebant quia bonus est. Alij autem dicebant, non, sed seducit turbas. Nemo tamen palam loquebatur de illo propter metum Iudaorum. Iam autem festo mediante, Id est, quarto infra octauam die, cum festum duraret octo dies, Ascendit Iesus in templum & docebat. Et mirabantur Iudæi dicentes, Quomodo hic literas scit cum non didicerit? Respondit eis Iesus & dixit. Mea doctrina non est mea, sed eius qui misit me. Si quis voluerit voluntatem eius facere, cognoscet de doctrina utrum ex Deo sit, an ego à meipso loquar. Quali diceret, ut interpretatur sanctus Chrysostomus, si deponeretis omnem prauum affectum, & solam Dei voluntatem scire velletis ac facere, tum facillime cognosceretis me à Deo venire & loqui, nec difficulter intelligeretis quod vobis loquor. Sed cum inueteratum in me odium, inuidia, superbia & alia passiones vos præueniant, & totos occupent, non est mirum si nihil apud vos proficio.*

Diuinum certe Documentum & cum ad multa, tum ad affectiones regendas & ad actiones nostras rectissime dirigendas aptissimum. Quid enim aliud quàm Diuina voluntas nobis querenda est in omnibus nostris agendis? At quomodo illam cognoscemus aut perficiemus nisi nos nostris exuamus affectibus qui se illi opponunt & contradicunt? Quid autem animo nondum irreuerenti & infrunito, ad suos illos affectus deponendos potentius, quàm si cogitet se Diuinæ resistere voluntati, nec habere quod respondeat cur ita peruicaciter illi resistat, quàm hoc unum infame nolo, non placet. Velle sine hoc respondere? Et tamen eo adigeris, nisi prauis studeas deponendis affectibus; nam alioquin

Si non agis quod velit Deus, hoc unum infame habes, &c. 177

ex illis tuis prætentis incommodis. Quod utrumque secum pugnans, ut patet, cum minime stare possit; quid restat, quam quod asseritur si quid non agas quod scias & quod possis & debeas, non aliunde proficisci quam quod nolis, quam quod non placeat? *Et noluerunt attendere, & auerterunt scapulam recedentem.* Zuch. 74

II. P V N C T V M.

SED si non agis quod vult Deus; aut si quod nolle Deus, hoc agis; non id agis quod probe scis esse agendum, quod facile potes, & quod iure debes legitimo. Siue id omissione siue, ut vocant, commissione peragatur, periade modo est, quantum spectat ad violatum præceptum vel negatiuum vel positivum. Sit verbi gratia mendacium quod sis loquutus, sit murmur aut detractio, sit affectus aliquis circa rem creatam inordinatus, nonne scis hoc esse verum? An ignoras quod tu ipse toties confiteris à te commissum? Nonne statim ac culpa est perpetrata, stimulo mentis agitaris qui, ut ait Apostolus, ostendit opus legis scriptum in corde tuo, testimonium tibi reddente Conscientia, & inter se inuicem cogitationibus accusantibus aut etiam defendentibus. Quando abessent externa quibus abundamus ad cognoscendam diuinam legem, hoc unum sufficeret, quod ait David: Signatum super nos lumen vultus diuini, &c. & quod ait sanctus Chrysostomus, una simul cum formatione hominis implantatam esse scientiam faciendorum aut non faciendorum. Neque quid umquam particulatim ab ullo Deus exegit quod illi prius non manifestarit, quique non posset cum Dauide dicere, *Natus mihi fecisti vias vite.* Ps. 139.

Sic de potentia, quis negare ausit se id posse cum Gratia quod Deus à se velit? Quid dicis, ait sanctus Chrysostomus, Deus iussit, & audes interrogare an legem custodire sit possibile? Immo impossibile non custodire. Quasi diceret, si quod horum esset impossibile, crederem id esse potius, legem non custodire quam custodire, quia tam æquum est id sentire quod possimus & debeamus seruare legem, ut vix sentiri possit quomodo possimus eam non seruare: Sic & sanctus Augustinus: Neque imperaret hoc Deus, ut faceremus, si impossibile esse iudicaret, ut hoc ab homine fieret. Vnde restat de debito de quo tamen nihil restat dicere cum sit omni dicto apertius, tale esse nostrum ad Diuinam legem & voluntatem adim-

plendam debitum, ut nulla pars sit necessitas ne ipsius quidem vitæ; sitque *hæc una inevitabilis, constans ac perpetua necessitas, DEVM NON OFFENDERE*, ut sæpe ex sancto Chrysostomo iam dictum est: *Non enim possumus aliquid aduersus Veritatem*, ait Apostolus, postquam de malo euitando egit, quasi diceret, Tam certa est Veritas, quæ nos huic obstringit debito, ut etiam si omnes homines convenissent ad illud dissoluendum, nihil agerent, nihil possent. Possunt quidem peccare, possunt Deum offendere, sed non vere possunt, stat contra illos Veritas qua semper tenebuntur non peccare, & hanc aduersus veritatem nihil possunt: unde & dicitur Veritas esse in circuitu Domini, *Et veritas tua in circuitu tuo*, quasi hoc eius esset satellitium, quasi hoc munimine regeretur, quasi hoc esset quo Deus à nullo iuste posset offendi, quia media est Veritas, quia Veritas est quod non iuste, non licite possit offendi. O Veritas Deus meus, Unde ergo tot reuera peccant homines & te offendunt!

III. PUNCTVM.

17. 46. **Q**UIA *qua nolui elegerunt*, & quæ volui noluerunt. Atque hæc est propositæ Veritatis Conclusio, *Quod si quis non agat quod vult Deus, hoc unum infame respondeat, Nolo, non placet*. Si quid enim aliud esset, quod eum legitime excusaret, vel quia Dei voluntatem ignorabat, vel quia grauior erat Dei voluntas quam ut eam posset perficere, vel denique quia nulla ei lege tenebatur, quæ cum horrenda plane sint & blasphemis similia, quæ ne quidem aures ferre possunt: nil superest nisi retum & ferale illud *Nolo vel volo*, quidquid dissimulet, quidquid affingat, quidquid causetur, *Nec ratio nec Sapientia nec scientia erunt apud Inferos*, ait Sapiens: Quasi diceret, si quid aliud esset quod damnatos condemnasset præter peruersam ipsorum voluntatem, esset illis aliqua ratio reperendi sui iuris, essent sine culpa, & immeritis luerent pœnas; quod cum fingi non possit, manet indubitarum illud quod & ipsi profitentur: *In malignitate nostra consumpti sumus*. Sic & tritum illud sancti Bernardi, *In quod de deserviet ille ignis nisi in propriam voluntatem? Tolle propriam voluntatem, & infernus non erit*.

17. 47. *Quid miseris bonam ostendere viam tuam? Ecce ego indicio contendam*

secum, eo quod dixeris non peccavi. Si fatereris ingenue malitiam, ignoscere[m] si te accusares, excusare[m] ; nunc vero cum te velis excusare, hoc te ipso magis accusabo ; Aut certe contendamus, disceptemus simul : *Reduc me in memoriam, & iudicemur simul, narra si quid habes ut iustificeris.* O bonitatem quæ eo usque velit ad peccatorem descendere, *Narra si quid habes*, Quasi diceret, paratus sum audire quæcumque possis ad defensionem tuam proponere, narra si quid habes, narra coram Deo, id est sincere. Narra si quid habes dignum Deo, non quod vulgo iactatur : narra non ut fungas quæ non sunt, sed ut vere iustificeris, nihil exoptat vehementius, ipse ultro ingerit quod excuses si possis : Narra si quid possis. Non ignorat ille quidem quam sint nulla omnia quæ suggeras, sed ex te audire vult, ut te ipse tuo convincat ore ; neque vult alium arbitrum ac Iudicem nostri quam nos ipsos, adeo sunt infirma si quæ sunt, quæ audeamus exhibere.

Quod si nec audeas, quod si quæ narres non habeas ; habet ille quod objiciat. *Arguet te*, inquit, *malitia tua.* Quæ scilicet non vis quod volo, mera malitia est, cum nulla sit vera excusatio. Mera malitia est cum sit directe voluntas opposita mæ bonitati. Malitia est quæ vel ignorantiam supponit, vel quæ sciens volens peccat. Malitia est quæ cum sit solius voluntatis, voluntati bonitatem aspergit, & malignitatem rebus imponit. Malitia est quæ quoties peccat, geminatur & in dies roboratur. Porro malitia tua est non Dæmonis, non mundi, non loci, non temporis, non cuiuscumque rei, non ipsius solum concupiscentiæ : sed tuæ voluntatis, sine qua nullus esset malignæ partus concupiscentiæ ; nihil est vero tam tuum quam tua illa malitia ; nam bona quidem tua, neque sunt merè tua, neque merè bona : verum illa malitia, & merè tua est, & merè malitia.

Hæc est quæ te arguet *malitia tua*, licet nihil Deus tibi opponeret, licet te mundus iustificaret, licet nullum videretur fore Iudicium, *Arguet te malitia tua, &aversio tua increpabit te* ; Arguet te Inconstantia, arguet te ingrati tudinis, arguet te arrogantia, stoliditatis & perfidia, ut qui deserto summo bono quæras aliud ubi tutius conquisceas ! Arguet te tot eductis contra te signis, tot productis contra te testimoniis tam apertis, tam evidentibus, tam opportunis & importunis, ut sicut te ipsum non possis fugere, sic non possis fugere arguentem & increpantem.

Matth. 23. *Ierusalem Ierusalem! Quoties volui & noluiſti? Poſtrema ſunt illa Domini Verba quibus maleuolæ animæ ſicut quondam Iudæis valedicite, ſiue vt eam magis inſtruat de hac veritate quod vnum hoc infame habet quod dicat, *Nolui*, ſiue vt ex illa infamia magis moueatur & reſpiſcat. Sunt enim ad concitandos motus omnia ſingularia. *Ierusalem Ierusalem, NQ N ſaxa quidem non lapides nec tellis compellat*, vt aiebat ſanctus Hieronymus: ſed ſi ea compellafſet, erupiſſent ad tam ſuaues & amicas voces, adeo nullum eſt peccus tam ſaxeum quod emolliri non debeat, *Quoties volui, & noluiſti!**

Mira quidem oppoſitio noſtræ cum diuina voluntatis: ſed in illa oppoſitione, duo continentur quæ omnem pene ſuperent admirationem. Primum eſt quoties Chriſtus voluit, anima noluit! ſaltem ſi aliquoties! ſed quoties inquit, volui; & noluiſti? Quod maxime de quodam particulari vicio debet intelligi. Secundum eſt quàm ſæpe voluerit Chriſtus, & anima toties noluerit! Numerare ſolus ille poteſt qui gratias contulit, quàm crebras & frequentes contulerit, quàm ſtudioſe ſtet ad oſium, & pulſer, & has voces ingeminet, *Aperi mihi ſoror mea, quia caput meum plenum eſt rore, & cinctum mei guttu nocturnum*; Et his toties vocibus anima reſtiterit, toties vocantem repulerit, toties negauerit ſe conſenſuram, toties, vno verbo, noluerit! O portentum malitiæ! Veni peccatrix anima vt te tuiſ peccatis liberem, Nolo. Veni vt te meis ampliſſimis dicem diuitiis, Nolo. Vide quis tibi loquitur, & quid loquatur: Nolo. Teiſplam intueri, teiſplam audi, ſi te modo ſolam velis intueri, Nolo. Sic perge cum affectu quantum dici poteſt de Chriſto quod voluit, & noluiſti.



FERIA SEXTA.

DE APPARENTI RERVM

IVDICIO EVITANDO.

AD HAEC CHRISTI DOMINI VERBA:

Apparet quàm sis ipse iudicandus qui de rebus ut, &c. 181

Nolite iudicare secundum faciem : sed iustum iudicium iudicate. Ioan. 7.

VERITAS PRACTICA.

Apparet quàm sis ipse iudicandus , qui de rebus ut apparent iudicas.

RATIO EST , Quia tunc apparet quàm sis ipse iudicandus quando in re omnium momentosa , vis ultro decipi.

Sed qui de rebus, ut apparent, iudicas, in re omnium momentosa vis ultro decipi.

Ergo & apparet quàm sis ipse iudicandus ; quod cum sit non modo ineptum sed impium & damnosum , cauendum est omni modo tale iudicium.

I. PUNCTVM.

EX aliis pluribus quæ Christus Dominus in Templo Iudæis dixit, hoc præsertim morale est, & ad praxim accommodatum: *Nolite iudicare secundum faciem , sed iustum iudicium iudicate.* In hoc errabant scilicet pene omnes Iudæi quod de Domino iudicarent *secundum faciem*, id est, prout apparebat, pauper, plebeius, & humilis, quæ cum infima censerentur & ab eo longe remota quem sibi fingeabant venturum Messiam, non poterant ibi persuadere quod de se Christus illis annuntiabat : Et quantumvis insignibus & inauditis miraculis sua confirmaret dicta & facta, tot illa tamen calumniis infuscabant & falsis nominibus impetebant, ut iudicium quod ex abiecta eius facie seu ex humili vitæ degendæ statu iudicabant, præponderaret his omnibus quæ ab eo magnifice & gloriose fierent. At nolite inquit secundum hanc exteriorē vitæ faciem iudicare; Male vos habet quod die Sabbati sanarim vnum hominem, at nonne Moses tali die, nonne & vos ipsi circumcisionem accipitis & ministratis?

Sic ille pluribus quæ in textu videri possunt, cum Iudæis disce,

II. PUNCTVM.

SED qui de rebus ut apparent, iudicatur, in hac re omnium momentosa vis decipit.

Primo quidem iudicandum tibi est quàm Tu ille sis qui de rebus ut apparent iudicas. Dic enim quid censes de paupertate præ diuitiis? de humanis miseriis præ temporalibus commodis & deliciis? de abiecta viuendi sorte præ sublimi & fortunata? de viro simplici qui nulli velit resistere, aut de viro præpotenti cui nemo resistit? Quid de longiori vita præ morte immatura? quid de infirma valetudine præ firmis viribus? quid de amicorum aut seruatorum ingenti copia præ solitudine? Nonne paupertati præfers diuitias, nonne miseriis delicias, nonne honores calumniis, nonne potentiores infirmis, nonne vno verbo, vitæ præsentis commoda, tam longe antepones incommodis, quàm longe vulgus anteponit & præterenda iudicat? At vnde quæso tale iudicium? Non à Deo, non à Christo, non ex Scripturis, non ex Euangelio, cuius sunt alia de rebus Pronuntiata. Vndenam nisi ex apparenti rerum facie, nisi quia sic res in se apparent, sic videntur oculis, sic sensu percipiuntur, sic opinione dicuntur, sic humano iudicio recensentur?

Nonne iudicatis apud vosmetipsos, inquit sanctus Iacobus, & scitis *Iac. 3.* istis Iudices cogitationum iniquarum? Id est, nonne ex corrupto vestro sensu potius quàm ex æquo & bono sic inique iudicatis? Tum sic pergit, Nonne Deus elegit pauperes in mundo, diuites in fide, & heredes regni quod repromisit diligentibus se? Vos autem exonerastis pauperem! Quasi diceret, in hoc apparet quod de rebus aut de personis tantum ut apparent, non verò, ut verè sunt iudicatis, quod de his aliter prorsus à Deo iudicetur. Vos contemnitis quos ille eligit: Vos miseros dicitis quos ille beatos affirmat: vos exonoratis quos ille colit & honorat.

Iam vero quod de rebus sic iudicando, sic vltro velis decipi circa Diuini cultum & salutem animæ, quod est huius propositionis præcipuum Caput, manifeste hinc patet quod tale iudicium cum sit corruptum, corrumpat necesse est omnes affectus & actus tuos. Prout enim de rebus iudicamus, sic ad illas afficimur, sic circum illas agimur. Quod in supra dictis sancti Iacobi

Verbis miro modo exprimitur. Quod enim dicit *falli estis Iudices cogitationum iniquarum*, græcè est *ἡρῶναι τῶν λογισμῶν*. Id est, ratiocinationum quibus ex vno admissio inferitur aliud, & à speculatio ut vocant, sit descensus ad practicum, quasi sic ratiocinaretur quisquis sit iudex cogitationum iniquarum: Diuitiæ magis in pretio sunt apud homines, Ergo vel ob has solas præferam diuites pauperibus. Diues potest me iuare, promouere, ditare, non pauper: hunc igitur me ito negligam, illum colam. Pauper contemptum sui nequit viciari, ut potest diues: huius igitur offensa cauenda est, non illius. A paupere nil expecto: nihil ergo etiam in illum conferam. Pauper mihi est oneri aut dedecori: Diues honori & commodo: Ergo hic colendus, ille fugiendus.

Sic expresse TITINUS & alij, ex quibus aperte videas quantum in salutis negotio te patiaris decipi & illudi; quantumque detrimenti redundet in omnem æternitatem. Quid est enim falsò de rebus iudicare, nisi iudicio falli & decipi? Quid est inordinate affici erga diuitias & honores tamquam erga verum bonum nisi affectu etiam corrumpi, deprauari, decipi & transuersum agi? Quid nisi deceptum dices qui dicat *malum bonum: & bonum malum*: qui ponat tenebras lucem, & lucem tenebras? qui ponat amarum in dulce, & dulce in amarum, ut est apud ISAIAM. Nonne illusum fateberis quem describit Idem Propheta: *Sicut somniat (suriens & comedit: cum autem fuerit expergesfactus, vacua est anima eius: & sicut somniat susiens & bibit, & postquam fuerit expergesfactus, lassus adhuc sitit, & anima eius vacua est.* Nonne hoc est illudi? Quis porro ille sic illusus nisi tu cum dormieris somnum tuum, & nihil eorum inueneris in manu tua quæ in bonis reputasti?

Stulte! hac nocte animam tuam repetunt à te, quæ autem parasti, cuius erunt? Sic est qui sibi thesaurizat, & non est in Deum diuer. Sic est stultus, quia sic est illusus, sic est deceptus. Vnde apte dictum à Sapiente de beato illo viro qui viuens inter peccatores translatatus est; *Raptus est*, inquit, *ne malitia mutaret intellectum eius, aut ne fittio deciperet animam illius.* Mera est fittio, non solida Veritas: vnum hoc agit illa fittio ut decipiat, & decipiat animam, decipiat intellectum & voluntatem, decipiat iudicium & affectum, decipiat vero non in temporalibus, non in politicis, sed in æternis illis quarum iactura, iactura est animæ. O vere rursus dictum:

Species decipit te, & concupiscentia subuertit cor tuum.

III. PVNCTVM.

III. P V N C T V M.

APPARET igitur quàm sis ipse iudicandus qui de rebus ut apparent iudicis: Cum in cæteris tuis rebus nihil magis caueas quam decipi: nihil verò minus timeas vbi de fide, de cultu Dei, de salute æterna res agitur, nihil hic minus caueas quam errare, quam illudi, quam te toto falli. *Transierunt in picturam cordis* ps. 72. Sic legit Cardinalis Bellarminus ex hebræo vbi vulgata habet *in affectum cordis*. Et præclare simul vtrumque redditur, nam inordinatus cordis affectus pictura rei est non vera possessio. Quod te putas amare bonum, non est verum bonum, pictura boni est & mera fictio, deciperis in illo boni iudicio; tantum vero valuit illa fictio & pictura vt non modo iudicium corruerit sed voluntatem, memoriam, sensus, affectus & omnia quibus homo constat vt non iam verus homo sed pictura cordis sed pictus homo dicatur, transierunt in picturam cordis.

Sanctus autem Augustinus sic reddit illud *transierunt, EXCESSERVNT*. inquit, *metas humani generis*. Quasi diceret, non sic humanum genus se finit in suis decipi; nihil est humano generi tam proprium & innatum quam nolle falli & illudi: & tamen illi nihil quærent auidius quàm seipsos decipere, hoc est transire hoc est excedere metas humani generis. Neque aliud contra ipsos decernendum est iudicium quàm vt ipsi se iudicent, ipsi se condemnent, ipsi dicant, ipsi se interrogent, ipsi sibi respondeant: Velleſne à quoquam decipi! *Agnitis vultus eorum res. 15. & pondit eis*, inquit Propheta. Responderunt ipso vultu, se nolle; & tamen nihil magis volunt: quod certe seipsum est iudicare, sic velle actu, quod vultu dicas nolle. Sic in illo Diui Iacobi iam semel ac iterum memorato loco, *Nonne iudicatis apud vosmetipsos & facti estis iudices cogitationum seu ratiocinationum iniquarum*: Græca sic prorsus reddunt, *Nonne iudicati estis & condemnati in vobis ipsis: Aueſt. 15. 16.* Vulgatus vero legit *ſeipſos iudicatis*. Quod vtrumque etiam simul egregie conuenit, nam dum iudicant iudicantur, dum de rebus iudicant vt apparent, apparet eos se decipere, & se iudicare tamquam preuaricantes qui hoc ipsum velint & faciant quod profitentur se nolle. Hi sunt *preuaricatores* 2. Reg. 23. *qui quasi spina, vt ait Scriptura, non tolluntur manibus, sed ferro*

186 Feria 6. Hebdomada 18. post Octavam Pentecostes. Nolite iudicare, &c.

& ligno lanceato, igneque succensa comburentur usque ad nihilum. Id est, quando semel sic deprauatus est affectus ex prauo rerum iudicio, magna vi opus est ad extirpandum illum affectum.

Ps. 118.

Quamobrem cauendum tale iudicium, nec de rebus aliter iudicandum, quam quod ipsa Veritas iudicat quæ nec falli potest nec fallere. *Speristi omnes discedentes à Iudiciis tuis: quia iniusta cogitatio eorum. Præuariantes reputaui omnes peccatores terra: ideo dilexi testimonia tua. Confige timore tuo carnes meas, à Iudiciis enim tuis timeo. Quid est,* inquit sanctus Augustinus, *confige à timore tuo, timeo enim. Si enim iam timebat cur adhuc ut à timore suo Deus configeret carnes suas orabat? An addi sibi volebat timorem, ut tantum timeret, quantum sufficeret crucifigendis suis carnibus, id est, concupiscentiis affectibusque carnalibus, tamquam dicens, perice in me timorem tuum, timeo enim à iudiciis tuis: Iam de rebus non iudico secundum sensum meum sed secundum tuum, quia cum videam tua iudicia meis contradicere, à iudiciis tuis timeo, & sic mea cohibeo; Nunc vero restat ut in refranandas concupiscentias timor iste inducatur, & hoc est quod oro vehementius, Confige timore tuo carnes meas sicut timore iudiciorum tuorum animam meam concussisti. Opportuna sane oratio.*



SABBATO.

DE SITI ANIMÆ QUAM SOLVS
EXPLET CHRISTVS.

Si quis sitit, veniat ad me, & bibat. Ioan. 7.

VERITAS PRACTICA.

Qui vel vni Creaturæ nimis adhæret, duo mala facit de quibus ipse Creator: *Me dereliquerunt fontem aquæ viuæ, & foderunt sibi cisternas, cisternas dissipatas quæ continere non valent aquas.*

1er. 2.

RATIO EST, Quia qui nimis adheret Creaturae, profitetur se aliquod sitire bonum quod in Creatura reperiat potius quam in Creatore.

Sed qui hoc profitetur, duo mala facit de quibus ipse Creator, me dereliquerunt, &c.

Ergo & qui vel uni Creatura nimis adheret. Quod certe ad perfectam cordis puritatem non parum valere debet.

I. P V N C T V M.

IN octavo & nouissimo eiusdem festiuitatis tabernaculorum die qui erat celeberrimus, stabat in templo Iesus coram omni populo & clamabat, dicens, si quis sitit, veniat ad me, & bibat. Qui credit in me, sicut dicit Scriptura, flumina de ventre eius fluent aqua viva. Hoc autem dixit de spiritu quem accepturi erant credentes in eum. Quae sacra verba vt breuius & apertius intelligantur, sic distincte possunt ordinari. Primo quidem tam vehementer ipse Christus omnes ad se vt venirent credendo & diligendo sitiebat, vt quo efficacius eos attraheret, promittit se sitim & desideria eorum qui ad se venirent expleturum. Quod certe genus erat persuadendi potentissimum cum nihil aequae desiderant homines quam illud obtinere & expleri quod desiderant.

Secundo deinde exponit modum quo ipse sit hominum desideriis satisfactorius, nempe per Spiritum Sanctum quem effundet in eos tam abundanter, vt non modo ipsi reficiantur intus in animo, sed in eorum actiones externas redundet, quae tota futurae sint spirituales & supra humanum morem euecta. Neque hic etiam gratiarum & donorum spiritualium copia se continet, sed in quosuis alios ipsam deriuare possint & communicare, sicut flumen se indefinenter effundit & imperit. Tertio denique quod promittit tam verum est, & tam certo futurum vt varia variis temporibus Scripturae id ita fore praedixerint, nec minorem suis dictis & promissis fidem adhibeant, quam ipsis sacris Scripturis sit adhibenda.

Sic itaque res modo habet, qui se totos Christo dedunt, sic eius abundanti replentur gratia, spiritu, coelestibusque donis, vt his refecti, nihil aliud praeter ipsum desiderant Christum; vel si

quid desiderent, in ipso totum reperiant aut desiderare desinant. Quo animi statu quid desiderabilius, cum sit omne completum desiderium? quid facilius cum ad illum statum nos inuitet Christus? quid illo firmius & stabilius, cum in ipso sancto firmetur Spiritu: veroque illud Scripturæ possit dici, *Spiritus omnipotentis Dei magnam facis sue ostensionis evidentiam.*

2. Macch. 3.

Et tamen tam pauci sunt qui sic expleantur, tam pauci sunt qui se à Creaturis ad Christum propterea verè traducant, quin potius tam multi sunt ex ipsis etiam Christianis & Religiosis qui à Christo se conuertant ad Creaturas, ut qua siti premuntur, facilius expleantur: videntiam hoc? Certe hoc tam mirum ut ipsis coelis sit stupendum: *Ostendite cæli super hoc, & porta eius desolamini vehementer, dicit Dominus. Duo enim mala fecit populus meus: me dereliquerunt fontem aquæ vivæ, & foderunt sibi cisternas, cisternas dissipatas quæ continere non valent aquas.* Quod enim de Iudæis ad Idola, vel de hæreticis ad falsa dogmata, vel de perditis hominibus ad sua scelera se conuertentibus aperte dicitur: hoc proportionè quadam potest intelligi, & iam fructuose perpendi de quovis Christiano ac Religioso, *Qui vel vni Creaturæ nimis adhæret:* Duo ille mala facit, dum se à Christo Creatore tantum disiungit, quantum se nimis Creaturæ jungit.

2. Cor. 1.

Ratio ex illa voce *Nimis* pene tota deriuatur. Nam quod nimis quisquam adhæreat Creaturæ, profitetur quodammodo & declarat se sitire & quærere bonum aliquod quod in Christo non reperiat. Cur enim *nimis* dicitur nisi quia inordinate, vel supra quam debet fieri? Cur autem supra quam debet fieri nisi quod soli debetur Deo vel Christo, datur Creaturæ? Quomodo denique datur nisi per complacentiam alicuius boni sensualis quod in illa potius inesse creditur quam in Deo? Sicut enim non aliter omnino inhæretur Creaturæ nisi ex amore & complacentia boni alicuius quod in illa spectatur; ita non aliter ei nimis inhæretur, nisi ex maiori complacentia, comparatione facta, ut dictum est, ad aliud eius amoris obiectum quod est Deus: non est autem maior complacentia, nisi majus aliquod apprehendatur bonum; nam prout bonum apprehenditur, ita placet, neque aliter cuiquam placet quam ut illud apprehendit: unde si tibi nimis bonum placet in Creatura, nimis illud apprehendis, id est, majus aut aliter quam in Deo, à quo te subtrahis, ut illi magis adhæreas; hic est enim tri-

plex funiculus seu potius hæc se vno funiculo tria connectunt, *nimis, & magis & majus bonum vel malum apprehensum.* *Nimis* Ecclesi. 17. *odito execrationem,* inquit Sapiens, id est, magis quam placeat; *sicut* qui fornicatur aut adulterat, in aliena sibi nimis, seu sibi magis placet quam in vxore propria. *Perdidisti omnes qui fornicantur* Ps. 73. *abs te, mihi autem adherere Deo bonum est.* *ADULTERI,* nescitis 1ac. 4. *quia amicitia huius mundi, inimica est Dei? Quod si extra disciplinam* Hebr. 12. *esset, ergo adulteri? O quam multa his paucis comprehensa!*

II. P V N C T V M.

SED qui hoc profitetur, duo mala facit, de quibus ipse Dominus, *Me dereliquerunt, &c.*

Vnius quidem peccati vna proprie est malitia, & vnus malitiæ multo plura sunt mala quam duo. Quis enim mala dinumeret quæ ab vno peccato in Deum, in proximum, in peccatorem, & in reliquas pene creaturas exundent? dicuntur tamen præcipue duo hic fieri mala, quia duplici quadam id ratione valde est iniuriosum Deo & Christo, quod quis bonum magis querat in Creatura quam in Creatore. Vel enim bonum quod sitit & querit putat esse verum bonum vel falsum. Si verum esse putat, nonne est iniuria Dei, verum bonum extra illum querere qui se dicit & qui reuera est omne bonum? quomodo enim esset finis noster & æterna Beatitudo nisi esset omne verum bonum? Nonne est duplex malum, & quod in Creatura verum quæras bonum, & quod à Deo non exquiras? Quod si dicis te non negare in Deo quidem esse omne bonum, sed non esse ita delectabile, ita sensibile, aut ita modo sensibiliter vtile sicut in Creatura: quæro abs te an illud sensibile bonum sit reuera bonum an falsò. Nam si reuera bonum est, aut in Deo insit necesse est, aut in Deo non sit omne verum bonum, quod nemo nisi blasphemus neget. Quod si falsum id falsiter bonum, nonne id etiam iniuriosum Deo, te sitientem boni, falsum potius & inane quoddam bonum querere in Creaturis, quam verum & solidum in vno Deo? *Quid inuenerunt in me iniqui-* 1ac. 2. *tati, quia elongauerunt à me & ambulauerunt post vanitatem, & vani facti sunt. & non dixerunt, ubi est Dominus?*

Nam si non sitires bonum, aut si non in Deo esset, aut si denique sic in Creatura esset sicut in Deo, nil quereretur Deus: sed

cum tu ipse sitias & quæras bonum, quod in vno Deo continetur, non autem in Creaturis; certe hoc crimen sine duplici & graui Diuinitatis injuria perpetrare non potes, quod & verum bonum in Creatore negligas, & falsum quæras in Creatura. *Ecce nunc quid tibi vis in via Aegypti ut bibas aquam turbidam: & quid tibi cum via Assyriorum, ut bibas aquam fluminis? Quasi diceret, cum habeas in me fontem viuum qui explenda sit longe est aprior quam quantis alia cisternæ vel fluminis vel lacu aqua: cur me neglecto quæris illam sitim explere ubi offendaris potius quam saneris.*

Quid diceres de sitibundo qui turbidas illas aquas aut dissipatas mallet cisternas quam fontem viuum? Contemplare quantum interlit discriminis inter illas viuæ fontis aquas aut cisternæ dissipatas.

Primo non semper in cisterna continentur aquæ quando præsertim cisterna est dissipata; fons vero viuus semper fluit: Sic plane, licet aliquando in creaturis esset aliquod gaudium, quam breue illud esset & euaniidum, & pene nullum. *Bruchus expansus est & auolauit. VELVT somnium auolans non inuenietur, transiet sicut visio nocturna.* Non sic vero Deus, non sic ille Pater luminum & bonorum Author omnium apud quem non est transmutatio nec vicissitudinis obumbratio. *ET gaudebit cor vestrum: & gaudium vestrum nemo tollet à vobis. ILLI nobis omnem boni sufficientiam subministrat, cuius non minuitur plenitudo cum donat,* inquit sanctus Fulgentius.

Secundo, quantumcumque persistent in cisternis aquæ non ita sitim exstinguunt sicut fontales, quæ cum nativo semper subsistant frigore, longe aptiores sunt ardoribus humani corporis mitigandis. Sic neque prorsus humana mentem bona possunt explere, solius Dei est capacem Deo replere animam. *Omnis qui bibit ex aqua hac, dicebat Dominus, sitiet iterum: qui autem biberit ex aqua quam ego dabo ei, non sitiet in æternum, sed aqua quam ego dabo ei, fiet in eo fons aquæ salientis in vitam æternam. QUI intra se habet fontem non afficiat sui, ait sanctus Chrysostomus. Domine, da mihi hanc aquam ut non sitiam, neque veniam huc haurire.*

Tertio, dum diutius in cisternis seruantur aquæ, sua corrumpuntur & tabescunt diuturnitate, minusque salubres semper possunt quam fontis viuæ qui suo motu perpetuo puritatem & sa-

207. 2.

Num. 3.

Iob. 20.

Ier. 1.

Iago. 16.

1. 4. F. 3.

6. 5.

Iam. 4.

lubritatem quandam seruat incorruptam. O impuræ mundi voluptatis & puræ Christi iucunditatis perspicuam imaginem! Quàm sunt illæ quæ à Creaturis hauriuntur voluptates fœdæ & maculatæ, quæ vix vmquam sine peccato vsurpantur! *Quàm vilis facta* 1^{ra}. *es nimis, iterans vias tuas.* Quàm sunt contrà sanctæ & virginæ suauitates Christi, *Cuius Mater Virgo est, cuius Pater faminam nescit, quem cum amauero casta sum; cum tetigero, munda sum: cum accipero, Virgo sum,* dicebat Agnes sanctissima.

III. P V N C T V M.

QUI vel igitur vni Creatura nimis adheret, duo mala facit de quibus ipse Creator: *Ne dereliquerunt fontem aquæ viuæ, & foderunt sibi cisternas, cisternas dissipatas quæ continere non valent aquas.* Quæ quidem Verba nescio an habeant plus luminis ad illustrandum intellectum, quàm ardoris ad inflammandam voluntatem contra inordinatum quantumuis leuem affectum. Quale enim illud est, Deus immortalis, quale est Illud quod profertur, qualis Ille qui hoc profert, & quales illi de quibus modo etiam non minus dolenter effertur? Hæc tria si attente reuolueris, mirum quantum afficiant. Nec te aliter putes attente reuoluissè nisi sentias quod aiebat Apostolus, *Itaque nos ex hoc neminem nouimus secundum carnem.* 2^a Cor. 5. *Et si cognouimus secundum carnem, Christum: sed nunc iam non nouimus.* Id est, tam alieni modo esse debemus ab omni humana re vel persona diligenda, naturali tantum affectu, vt neque ipsum Christum sic oporteat diligere. Magni aliquando ducebam ego Paulus quod Iudas Iudæum Christum cognitione carnis attingerem: sed modò nil me ista mouet cognatio; nunc de Christo Christique affectu augustius & sublimius aliquid cogito, non iam illum vt mortalem hominem sed vt Immortalem & æternum cogito, Cui tamquam summo Bono semper videndo & fruendo creatus & redemptus sum.

Apertissima sunt illa etiam quæ habet sanctus Augustinus in hunc Ps. 102. Psalmi versiculum, *Qui replet in bonis desiderium tuum: MODO,* inquit, *audis bonum & anhelas, audis bonum & suspiras, & hoc ipsum quod forte peccas, eligendi boni auuiditate falleris: & in eo reus destitueris, quod bonum consilium Dei non audis, quid contemnendum & quid eligendum sit. Quod forte negligis discere, si negligendo bona falleris.*

Ubicumque peccas quasi bonum queris, quasi refectione desideras. Bona sunt ista quae queris, sed mala tibi erunt deserto illo à quo bona facta sunt. Bonum tuum quare o anima. Est enim bonum aliud alteri, & omnes creatura habent quoddam bonum suum integritatis suae, & perfectionis naturae suae. Interest quid cuique rei imperfecta necessarium sit ut perficiatur. Quare tuum bonum. Nemo bonus nisi unus Deus. Summum Bonum, hoc est, tuum bonum. Quid ergo deest cui summum bonum, bonum est? Sunt enim & inferiora bona quae aliis & aliis bona sunt. Pecori quid bonum est, nisi implere ventrem, carere indigentia, dormire, gestire, vivere, sanum esse, generare. Bonum est illi, & vsque ad quendam modum habet boni sui mensuram, tributam & concessam ab omnium rerum Creatore Deo. Tale tu bonum quaris? Dat & hoc Deus, sed noli solum quærere. Cohæres Christi qui ad gaudes, quia socius es pecorum? Erige spem tuam ad bonum bonorum omnium. Ipse eris bonum tuum.

Vide in 1. parte, Feria 5. Hebd. 4. in Adventu, Vbi hæc explanatur Veritas:

Omnis copia quæ Deus non est, egestas censenda est.

Necnon infra in hac parte, Sabbato Hebd. 24. Vbi de filio prodigo:

Qui se à Christo subducit, ut felicius viuat, vivit miseriùs ipso misero prodigo.



DOMINICA



DOMINICA XIX.

POST PENTECOSTEN.

PARABOLA REGIS MVLTOS
INVITANTIS AD NVPTIAS FILII SVI.

*Simile factum est regnum cælorum homini Regi qui
fecit nuptias filio suo. Matth. 22.*

DE CHRISTO SPONSO ANIMARVM.

Vide in 1. p. Sabbato Hebdomadæ 6. post Epiphaniam vbi hæc
habetur

VERITAS PRACTICA.

Hæc sponsæ fides est, vt sicut neminem præter spon-
sum velit diligere, sic velit à nullo diligi.

*Et misit seruos suos vocare inuitatos ad nuptias,
Id est, ad Conuiuium nuptiale.*

DE QVOLIBET GENERE VOCATIONIS.

Vide in 1. p. tota Hebdomada 5. post Epiphaniam, vbi de voca-
tione S. *Matth. 22.*

Et in hac 4. p. Feria 2. Hebdom. 24. vbi hæc rursum parabola
proponitur, & inde hæc

4. Pars.

Bb

VERITAS PRACTICA.

Quocumque nos vocet Christus, vocat ad Conuiuium.

Et nolebant venire. Contra voluntatem propriam.

Vide in superiore Hebdomada, Feria 5. vbi hæc

VERITAS PRACTICA.

Si non agis quod vult Deus, hoc vnum infame habes
quod respondeas, *Nolo, non placet.*

Et in 3. parte Fer. 2. Hebdom. vbi de tribus hominibus vocatis à Christo:

Affectum probat effectus.

*Iterum misit alios seruos dicens, dicite inuitatis:
Ecce prandium meum paraui, &c. Venite ad nuptias.*

DE VITANDA DILATIONE.

Vide in 1. p. Fer. 2. Hebdom. 4. post Epiphan. Vbi hæc

VERITAS PRACTICA:

Quo longius differs, difficultatem difficilius tolles.

DE FREQUENTI COMMVNIONE AD QVAM
CREBRO INVITAMVR.

Vide in 3. p. Fer. 5. Hebdom. 1. Vbi hæc inter plures alias

VERITAS PRACTICA.

Diuina licet magis timenda sint quam humana, in

diuinis tamen minùs timenda est familiaritas, quàm in humanis.

Illi autem neglexerunt ; & abierunt alius in villam suam, alius vero ad negotiationem suam : reliqui vero tenuerunt seruos eius, & contumeliis affectos occiderunt.

DE CAVENDIS EXCVSATIONIBVS A
SACRA COMMVNIONE.

Vide in 3. p. Dominica 2. Vbi ex parabola cœnæ magnæ hæc eruitur

VERITAS PRACTICA.

Qui se excusat inuitatum, accusat inuitantem,

Et vide ibidem Feriam 3. consequentem.

Nec non in eadem parte, Fer. 5. 6. & Sabbatum Hebdom. 3.

Rex autem cùm audisset, iratus est, & missis exercitibus suis, perdidit homicidas illos.

DE CAVENDA DIVINA IUSTITIA PROPTER
NEGLIGENTIAM COMMVNIONIS VEL NON
FACTÆ, VEL NON BENE.

Vide in 2. parte, In die Ascensionis Domini vbi ex his Apostoli Verbis, *Videte ne recusetis loquentem : si enim illi non effugerunt recu-* Hebr. 13.
santes eum qui super terram loquebatur, multo magis nos qui de cælis lo-
quentem nobis auertimus, hæc demonstratur

VERITAS PRACTICA.

Sedentem in cælo Christum, & inde nobis loquentem non audire, periculosius est quàm dum in terris loqueretur.

Et in 3. p. Sabbato Hebdom. 2. de Iudiciaria potestate quam Christus Dominus exercet in sanctissimo Sacramento.

Agni vel maxime formidanda ira.

In eadem parte, Sabbato Hebdom. 13. de manna veteri quod recusantes puniti sunt, unde hæc Veritas

Qui oblatam expellit Sacramenti gratiam, non minus forte peccat quàm qui manna repulerunt.

Nuptiæ quidem paratæ sunt, sed qui inuitati erant, non fuerunt digni.

DE CÆLESTI BEATITVDINE MODIS OMNIBVS DESIDERANDA.

Vide in 2. p. Feria 6. post diem Ascensionis ubi ex multis cœli desiderandi motiuis, hoc proponitur:

Sic dignum est cælum nostris desideriis, vt nisi cælum desideres, cælo sis indignus.

Intrauit autem Rex vt videret discumbentes, & vidit ibi hominem non vestitum veste nuptiali, & ait illi, Amice, quomodo huc intrasti, non habens vestem nuptialem?

DE PROPRIA CUIQUE DISPOSITIONE AD COMMUNICANDVM REQUIRENDÆ.

Vide in 1. p. Sabbato Hebdom. 3. post Epiphan. Vbi de conue-

niendo Directore ad debitum Sacramenti usum, & inde hæc for-
matur

VERITAS PRACTICA.

**Suam ille vestem nuptialem recusat induere qui re-
cusat instrui de debito Sacramenti usu.**

Et in 2. p. Feria 6. Hebdom. 4. post Pascha.

**Quàm gloriosum est Sacramento multa in nos posse,
si velimus : tam ignominiosum est pauca posse,
quod nolumus.**

Ne tamen inde à frequenti Communione deterreamur, & ne
forte desit nobis Vestis nuptialis, non audeamus ad nuptias acce-
dere, contrà opportunè videtur hæc aliis addi posse

VERITAS PRACTICA.

Non propter vestem nuptiæ, sed vestis propter nuptias.

SENSVS EST, *Quod non ideo vitari debent nuptiæ, seu
sacra non debet deferri Communio, ut sic comparetur vestis nu-
ptialis seu condigna dispositio : At propterea potius aliunde pe-
tenda est illa vestis & dispositio, ne sacra vitentur nuptiæ, ne
sacra deferatur mensa.*

RATIO EST, *Quia non est pervertenda subordinatio medio-
rum ad finem, quin potius omni modo servanda est & procu-
randa.*

*Sed si sacræ vitarentur nuptiæ, si sacra Communio deferretur ut
sic comparetur vestis nuptialis seu condigna dispositio, & non
potius aliunde peteretur illa vestis & dispositio ne vitentur
nuptiæ: perverteretur subordinatio mediocorum ad finem.*

Ergo non propter vestem nuptiæ, non ut comparetur vestis nu-

potius aliis quibus potest modis comparanda vestis esset, ne communio differretur.

Quæ ut Veritas magis elucescat, statuendum primò quod ubicunque est aliqua mediorum subordinatio ad finem, nihil æque nobis cauendum est quam ne peruertatur ille ordo, nihil pari diligentia procurandum quàm ut constanter seruetur & teneatur. Sic enim ipsa rerum docet institutio, sic naturalis suggerit ratio, sic illa denique diuina Sapiencia nobiscum agit, *quæ attingens à fine* Sap. 8. *vsque ad finem fortiter, & disponens omnia suauiter*, non aliter vitam alit humanam quàm ordinatis alimentis; nec aliter alimenta subministrat quàm terræ vel aquarum interuentu; nec aliter terra interuenit quàm præiactis seminibus, adhibitoque cultu. Nonne ita vniuersim sentitur & geritur? Nonne insanum diceres, qui tales rerum vices vellet inuertere? Nonne sapienter quærit Sapiens: *Quæ in Iuuentute tua non congregasti, quomodo in senectute* Ecclesi. 25. *tua inuenies?*

Quæ si vera sunt in naturalibus, multo magis certò constant in his quæ supernaturalia dicimus & spiritualia, qualis est Sacramentorum institutio, virtus & usus, in quibus quæ sunt diuinitus ordinata tantam in se habent connexionem & mutua inter sese relationem, ut materia nihil vnquam possit sine forma, nec forma quidquam agat sine materia; nec materia vel forma mutari possint; nec si desit Persona idonea, vel personæ agentis intentio, fiat vllum prorsus Sacramentum; & deerit potius gratia baptismatis, peribitque natus in peccato Infans, si aliter ab instituto modo conferatur Baptisma.

Sic proinde Apostolus de sacris agens institutis, *omnia*, inquit, 1. Cor. 14. *honestè, & secundum ordinem fiant.* Sic ipse Deus *omnia in mensura* Sap. 11. *& numero & pondere disposuit.* Tunc velles contrà ire? Tunc velles non sic statuta esse omnia? Tunc velles aliam rebus dare mensuram, aliud pondus vel alium numerum? *Numquid Deum docebit quispiam scientiam? Vbi eras quando ponebas fundamenta terræ?* Job. 28. 38. Nempe à te forsitan quæsiuisset condendi modum orbis. Quid respondisses?

II. PUNCTVM.

SED si sacra vitarentur nuptia, si sacra Communio deferretur ut sic comparetur vestis nuptialis seu condigna dispositio, & non potius

aliunde peteretur illa vestis, & dispositio, ne videretur nuptia; peruerteretur statutus à Deo rerum ordo, sine subordinatio mediorum ad finem.

Expectanda quidem est ætas, præmittenda est instructio, conferenda baptismatis gratia: præcedat necesse est lethaliū expiatio delictorum; De his nemo est qui ambigat: Hæc nos præsupponimus. An sit consultius etiam & decentius perpurgaris omni prauo affectu mentibus ad diuinam Mensam accedere, nemo est qui non asserimet; Sed si forte nondum omnes sint ita compositi mentis affectus, nihil vt incompositum, nihil vt inordinatum reudeat, an sit tandiu differenda Communio donec illa mentis affectuum moderatio sit plene comparata, hoc est quod quaeritur, & hoc est quod negatur, quia hoc est quod peruerit statutum ordinem, & nouum statuit. Statutus enim ordo hic est quem paucis proponit Apostolus, *probet seipsum homo, & sic de pane illo edat.* Pluribus vero exponit Concilium Tridentinum cuius hæc sunt verba: *Ecclesiastica autem consuetudo declarat eam probationem necessariam esse, vt nullus sibi conscius mortalis peccati, quantumvis sibi contritus videatur absque præmissa Sacramentali Confessione ad Sacram Eucharistiam accedere debeat.* Et sequenti post capite, affirmat eos qui se probati sint, indutos esse veste nuptiali, suisque esse vt sacramentaliter & spiritualiter Sacramentum sumant. Quæ communis semper fuit Sanctorum Patrum sententia, qui hanc Vestem nuptialem non aliter interpretantur quam eam Charitatem quæ repugnant omni peccato mortali, sat gratam Deo facit animam vt sacra fruatur Mensa.

Tu vero qui teipsum hac sacra prius mensa donec peccare cessaueris, donec prauos affectus exueris, nonne statutum illum immutas ordinem? *Accedant, inquit statutum Ecclesiasticum, dum sint rite confessi.* Tu vero, non accedant nisi suis fuerint exorti affectibus. Tu quis es qui de diuinis ita statuas? Non modo certe temerarius qui toti te opponas Ecclesiæ, sed plane vecors & insipiens qui tale proponas medium ad Rem omnium desideratissimam quod vix aut ne vix vnquam tibi procurare possis. Dic enim quando peccare defines? Die quandopam tuos ita composes animi motus vt te ad malum mouere desinant? *Damnoſa hæc est religio quam Diabolus nobis præterdit, vt expresse ait sanctus Cyrillus Alexandrinus, cuius hæc sunt egregie dicta: Nos vero si vitam æternam consequi volumus, si Largitorem immortalitatis habere in nobis desideramus,*

desideramus, ad recipiendam benedictionem libenter concurramus: caueamusque ne loco laquei, damnosam religionem Diabolus nobis praeferat. Responde, inquit, dicens: scriptum tamen esse non ignoramus, iudicium sibi comedere atque bibere illum qui de pane comedit, & de calice bibit indigne: Ego igitur probo meipsum, & indignum inuenio. Quando igitur quicumque tu es qui ista dicens, dignus eris? quando Christo teipsum offerres? Nam si peccando indignus es, & peccare non desinis, quis enim delicta intelligit? expers omnino eris viuifica huius sanctificationis. Quare pias quasque cogitationes suscipias, studiose sanctaeque viuas, & benedictionem participes, qua mihi crede non mortem solum, verum etiam morbos omnes depellis. Sedat enim cum in nobis maneat Christus, sanientem membrorum nostrorum legem, pietatem corroborat, perturbationes animi extinguit, aegrotos curat, collisos redintegrat, & sicut Pastor bonus qui animam suam pro ouibus posuit, ab omni nos erigit casu.

In quibus sancti Patris Verbis, quod dixit, studiose sanctaeque viuas, sic intelligendum suadent quae ibi praecedunt & quae sequuntur, quasi diceret, studeas sanctitati vitae, proponas sancte vivere. Sunt haec videlicet piae cogitationes quas rogat esse suscipiendas: Illudque est quod promittit futurum participanti benedictionem quae morbos omnes depellit, quae sedat saeuientem membrorum nostrorum legem & alia confert subsidia quibus sancte possit vivere. Sicut autem nullus negat propositum illud sancte viuendi necessarium esse accedenti ad sacram Mensam, quia & necessarium est poenitentiae siue Charitati quam habere debet accedens; ita certe nullus pari iure necessitatis possit exigere ut quis pridem ante sanctius viuat quam communicet, nisi forte scandalum praebuisset quod tenetur auferre.

Quamobrem sic utroque videtur sanctus ille Cyrillus alloqui: Tu qui paras accessum ad hanc viuificam sanctificationem quae in altari recipitur, sic persuasum habe, non iam tibi quis indulgendum esse affectibus, non ira, non libidini, sed hos omnes compescendos esse motus, cum illa gratia quam susceperis es in Sacramento. Ne desperes aut distindas te id posse, nam qui dedit velle, dabit posse. Sed nisi velis ex animo & proponas serio te deinceps fidelius acceptis usurum gratis: ne accedas, ne in vacuum gratiam Dei recipias. At tu qui studiosum sanctioris vitae a sacra repellis mensa donec ipse sanctiorem illam probarit vitam, tunc id feceris, nam sic perueritis ordinem, sic confundis finem &

media, sic consequentia præponis antecedentibus, sic cælum terræ, terram cælo permisceas. Non enim vita sanctior ita sacram præcedit Communionem sicut sequitur. Non est quippe vita sanctior nisi lex membrorum nostrorum in nobis sauiens sedetur & compescatur: At cuius est sauientem illam sedare legem nisi sanctæ Eucharistiæ, nisi Christi per illam in nobis & manentis, & agentis, & nos verè sanctificantis, ac dirigentis? Potestne peruersus aliquid & magis inordinatum cogitari quàm quod dicis dilata-tione & priuatione cœlestis illius Panis fieri quod non nisi eius usu, eius sumptione & quam vocamus communionem conceditur? Tunc de illo spirituali cibo sentias quod de terrenis & corporalibus, quorum abstinentia quam diætam dicunt, prauis humoribus feruiat decoquendis? O sacræ probrum Mensæ, quæ sanandis aperitur mentibus! cur aperitur, cur proponitur, cur ad eam inuitamur si eius priuatio sanitatem, si eius abstinentia sanctitatem confert!

Esse sanè, Sancta sanctè tractentur, sanctitas requiratur ad Diu-num accedenti epulum, sed quibustandem mediis sanctitas illa præcedens comparatur? an qualem fingis, longè dilata Communionem? Nonne præsto sunt alia tam opportuna, præter ipsum pœnitentiæ Sacramentum? nonne Verbi Diuini auditio, lectio, meditatio, & quæ orabat Apostolus, *ut fierent obseruationes, orationes, postulationes*, & id genus innumera parandis valent ad illam sanctitatem mentibus, quæ Communionem antecedit? Quis nescit proportionem & affinitatem inesse quandam inter finem & media? Quæ vero talis affinitas & proportio, sanctitatem inter & sanctæ priuationem mensæ? Si priuatio requiritur ad sanctitatem, nonne potius eorum priuatio est quæ sanctitati repugnat, quàm quæ illam communicant? Quid est media peruertere, nisi hoc sit?

IIL PUNCTVM.

NON sunt ergo vitanda nuptia, nec diutius differenda Communio, donec nuptialis habeatur vestis, quæ volenti cum gratia, tam præsto est quàm ipsum pœnitentiæ Sacramentum, & alia puritatis necessaria media proposita, quæ sunt potius assumenda ne sacra vitentur nuptia. Sic enim seruetur ille ordo mediorum ad finem, quem alioquin peruertere tam periculosum est quàm à Diuina se suberhère prouid-

dentia quæ suis in donis conferendis se illi astringit ordini. *Cuncta* Eccle. 3.
quippe Deus fecit bona in tempore suo, inquit Sapiens, Id est, quo
 tempore quibusue modis constituit; Vnde & quod Idem ibidem
 pergit de cunctis vniuersim operibus Dei, potest particulatim de
 Sacramentis accommodatius vsurpari, quod *illa scilicet opera quæ* Ibid.
fecit Deus perseruent in perpetuum: non possumus eis quidquam addere
nec auferre quæ fecit Deus vt timeatur. Non est cuiusquam priuati
 hominis circa hæc tam augusta & Diuina opera quidquam mo-
 liri aliud quam quod Deus per se vel per ipsam quæ nos regit
 Ecclesiam, ordinarit. Sic in nobis ordinat Charitatem, & san-
 ctitatem seruatis seruandis medijs. Non est autem, non est hoc
 ordinatum medium ad habendam sanctitatem vt nos diu sacra
 priuemus Mensa, quæ idcirco potius frequentanda nobis est vt
 habeatur sanctitas. *Accedite ad eum, & illuminamini, & facies ve-* ps. 138
stra non confundetur.

Nec dicas optrandam esse Confusionem, quæ ex retardato Sa-
 cramento gigneretur, cum præsertim ex propria retardatur in-
 dignitatis aspectu, quod cum sit etiam durum pati, sic poeniten-
 tiæ vis maior augeretur. Hoc enim verè dici non potest, nec tale
 sibi dictum constat; nam quisquis sic retardatur, vel multum vel
 parum esurit ac desiderat cœlestem cibum. Si parum esurit, pa-
 rum dolebit de illo retardato, & sic frustra retardatur. Si multum
 esurit, profecto signum est multæ in Illo puritatis & probitatis:
 At vero cur talis puritas retardetur ab illo cœlesti pane, qui vt
 edatur nihil amplius desiderat, quàm talem puritatem?

Quod si vltra instes, illum qui parum esurit & patum dolet
 forte in meliorem euasurum: Nonne & peius haberi potest, cum
 præsertim illo destituatur cibo qui robur & vita est animæ? Quis
 non videt, quis non experitur quàm sit illud quod forte dicitur, du-
 bium, & incertum, cum interim gratiæ Sacramenti, quæ certa
 est, iacturam facias? Nonne his tandem qui sic certa incertis, &
 constantia fortuitis obijciunt, illud Prophetæ quadret: *Vos qui deest* 47
reliquistis Dominum, qui ponitis fortune mensam. Quasi à fortuna
 vel à fortuito casu expectarent quod præsens & certum Mensa
 conferret Domini quem derelinquunt: vel quasi Mensam illam,
 fortunæ subicerent vt si quis forte vehementius desideret, tum
 accedat.

O quàm tutius & sapientius illud forte vsurpabat qui de Imi-

tatione Christi & de frequentia Sacramenti sic scribebat: *Ideoque oportet me frequenter ad te accedere, & in remedium salutis meae recurre, ne FORTE deficiam in via, si fuero celesti fraudatus alimonia.* Et paulo post: *Necessarium mihi quidem est qui tam saepe laboro & pecco, tam cito torpescō & deficio, ut per frequentes orationes & confessiones, ad sacram tui Corporis perceptionem me renouem, mundem & accendam, ne FORTE diutius abstinendo, à sancto proposito defluam.* Vide quæ ibi plura prosequitur.

Multi enim sunt vocati, pauci vero electi.

DE PAUCITATE SALVANDORVM.

Vide in 2. parte, Dominica Septuagesimæ, ubi hæc eadem occurrat sententia, & hæc inde Veritas sæpe inculcanda proponitur:

Quæ causa est cur pauci salui sint, hæc in te causa est cur ex illis forte non sis.



HAC HEBDOMADA, percurritur Caput octauum sancti Ioannis, unde Considerationes & Veritates Practicæ depromuntur contra peccandi procliuatatem, & mundanos affectus.

FERIA SECUNDA.

DE MULIERE ADULTERA QUAM IUDÆIS ACCVSANTIBVS ABSOLVIT CHRISTVS.

NOCTE transacta in monte Oliueti, diluculoque facto, *Venit iterum Iesus in templum, & omnis populus ad eum, & sedens*

docbat eos. Adducunt autem Scriba & Pharisei mulierem in adulterio deprehensam : & statuerunt eam in medio & dixerunt ei , Magister, hac mulier modo deprehensa est in adulterio. In lege autem Moyses mandauit nobis huiusmodi lapidare. Tu ergo quid dicis? Hoc autem dicebant tentantes eum ut possent accusare eum : Nempe ut ait sanctus Augustinus , animaduertent eum esse nimis mitem , dixerunt apud se , si eam dimitti censuerit , Iustitiam non tenebit , quam lex iubet : ut vero mansuetudinem non perdat in qua iam populis amabilis factus est , eam dimitti debere dicturus est ; ita nos ad accusandum occasionem inueniemus.

Hæc erat eorum malitia & stoliditas; At contrà vide Bonitatem & Sapientiam Christi. Iesus autem, inquit Euangelista, inclinauit se deorsum scribens in terra. Cum ergo perseverarent interrogantes eum , erexit se & dixit eis , qui sine peccato est vestrum , primus in eam lapidem mittat. Et iterum se inclinans scribebat in terra. Audientes autem unus post unum exibant incipientes à senioribus , & remansit solus Iesus. & mulier in medio stans. Erigens autem se Iesus dixit ei , Mulier ubi sunt qui te accusabant? Nemo te condemnauit? Quæ dixit , Nemo Domine ; dixit autem Iesus , nec ego te condemnabo. Vade & iam amplius noli peccare. Sic vero ad hæc pergit S. Augustinus , Non dixit non lapidetur , ne contra legem dicere videretur , absit autem ut diceret lapidetur. Venit enim non perdere quod inuenias , sed querere quod pariat. Respondit ergo , qui sine peccato est , &c. Quasi dicat , puniatur peccatrix sed non à peccatoribus ; lex impleatur , sed non à prauaricatoribus legis.

Sic itaque sapientissime Dominus elulis aduersariis seruauit Mansuetudinem in liberanda muliere , & Iustitiam in condemnando peccato ; simulque nos ad vberissimam praxim tam multa docuit ut non possint vna Veritate comprehendi. Quia vero etiam quæ multa proponenda sunt Veritates , longius esset , si singulæ pro more solito probarentur , satis hic modo erit unicuique suam breuiter declarationem subijcere.

PRIMA VERITAS PRACTICA.

Qui falso proximum accusat animo , licet verè , non minus tamen peccat quàm qui falsi accusat.

RATIO EST, Quia non minus peccat qui contra Charitatem peccat , quàm qui contra Iustitiam.

4. Reg. 4. peccatores conuertendi, alludens ad factum Elizæ qui cum puerum mortuum baculo non potuisset suscitare; tum per seipsum incumbendo illi, sic ad vitam eum reuocauit. Verba illius sunt, *Is quem terroris virga suscitare non poterat, per amoris spiritum ad vitam redit, dumque se paruulo accommodauit & composuit, facile erexit & suscitauit.*

2. de cont. *Is quem terroris virga suscitare non poterat, per amoris spiritum ad vitam redit, dumque se paruulo accommodauit & composuit, facile erexit & suscitauit.*

Egregium huius zeli exemplum est in Christo Domino apud S. Dionysium Epistola 8. ad Demophilum, ubi de S. Carpo non satis distinguente peccatum à peccatore quem simul cum peccato perditum voluisset. At Christus illi Dominus quasi rursum in flagella paratus, *Extenta*, inquit, iam manu percutere me, quia iterum paratus sum pro peccatoribus pati. Videri etiam potest D. Bernardus serm. 2. in Resurrectione Domini ubi multa de affectu Compassionis in peccantes; *Alioquin*, inquit, in spiritu vehementi conterimus naues Thearsis, conterimus quassatum calammum, extinguimus linum fumigans. Itemque in sermone de S. Maria Magdalena: & fufius sermone nono & duodecimo in Cantica, ubi de vberibus Sponsi, quæ sunt meliora vino, fragrantia vnguentis optimis, de quibus & serm. 23. Cuius Verba referuntur infra commodius.

Q V A R T A V E R I T A S.

Accusantis lingua velut nouacula: nisi sit illi tantæ suæ linguæ cura, quanta est suæ manus curantis vulnus, Tortorem agit non Medicum.

RATIO EST, Quia in hoc differunt Tortor crucians corpus & Medicus sanans, quod ille non nisi panem spectet & mortem, hic vero sanitatem & vitam.

Sed nisi Accusans tantam habeat linguæ curam quantum habet suæ manus qui curat vulnus, panem accusati & mortem civilem, quæ ex infamia contrahitur, spectabit potius & inferet quam vllum eius commodum.

Ergo Tortorem potius agit quam Medicum; Quod quam sit infame 27. 51. 56. quia non sentiat? Sic Scriptura passim, sicut nouacula acuta fecisse dolorem. Id est, cultor tonsorius seu scalprum chirurgicum. Dentes eorum arma & sagitte, & linguæ eorum gladius acutus. Quia tamen aperiendum

aperiendum sæpe est & secundum peccati vulnus, idcirco sic erga peccatorem se quisque debet gerere sicut Medicus vel Chirurgus erga vulneratum, cuius unam sanitatem & vitam non dolorem non poenam respicit, alioquin tyrannum & tortorem ager ut dictum est, contra quos hæc sunt apud Prophetam pauenda Dei Verba: *Quod infirmum fuit non consolidastis, & quod agrotum non sanastis; quod contractum est non alligastis; & quod abjectum est non reduxistis, & quod perierat non quesistis: sed cum austeritate imperabatis eis, & cum potentia. Vide quæ illic plura leguntur, & maxime de turbata pedibus aqua quam Pastores omnibus dant bibendam, Quibus & apte congruit*

QVINTA VERITAS.

Non est bona severitas nisi cum esset mala suauitas.

RATIO EST, Quia non est bona severitas in corrigendo vel accusando nisi seruetur ordo Charitatis, de quo expresse S. Thomas 2. 2. q. 73 vbi de correptione fraterna.

Sed non seruetur ordo Charitatis nisi prius suauitatem quam severitatem adhibeas; Aut quod idem est, si severitatem adhibeas nisi cum esset mala suauitas; Id est, nisi cum deteriorem faceret peccatorem. Nam primò in spiritu lenitatis est instruendus, Et non procedendum ad extrema nisi in extremis; Et vos Patres, nolite ad iracundiam provocare filios vestros. Nolite ad indignationem provocare. CVM federem, inquit Iob, quasi Rex circumstante exercitu, eram tamen marentium consolator: Vbi sanctus Gregorius ostendens authoritatem regiminis iungi debere cum ministerio pietatis, sic ait accommodatè: Disciplina enim vel misericordia multum destituitur si una sine altera teneatur: sed circa subditos suos inesse Recloribus debet & insse consolans misericordia, & pie saniens disciplina. Hinc est quod seminiis illius vulneribus qui à Samaritano in stabulum ductus est, & vinum adhibetur & oleum. Et quæ plura pergit falsus. Aptissime verò ad rem nostram Seneca: Nempe medicus primò in lenibus vitiis tentat non multum ex quotidiana consuetudine inflectere, & cibis, potionibus, exercitationibus ordinem ponere, ac valetudinem tantum mutata vita dispositione firmare. Proximum est ut modus propicius. Si modus quando non propicius, subducit aliqua & circumcidit

Serm. 27.
in Cap.

si ne adhuc quidem respondes, interdicitis cibis, & abstinencia corpus exonerat. Si frustra molliora cesserunt, ferit venam, membrisque si adhaerentia nocent & morbum diffundunt, manus affert, Et cetera quæ curandis applicat animis. Non est vero hic omitendus S. Bernardus qui cum ubique melleus & lacteus, tum his præsertim Verbis: *Audiant hoc Prælati qui sibi commissis semper volunt esse formidini, utilitati raro. Erudimini qui iudicatis terram. Dicite subditorum Matres vos esse debere, non Dominos. Studete magis amari quàm metui. Et si interdum severitate opus est, paterna sic non tyrannica. Matres fovendo, Patres vos, corripiendo exhibeatis. Mansuescite, ponite feritatem: suspendite verbera, producite vbera, pectora lacte pinguescant non typho turgent. Quid iugum vestrum super eos aggravisatis quorum potius onera portare debetis? Cur morsus à serpente parvulus fugis Conscientiam Sacerdotis, ad quem eum magis oportuerat tamquam ad sinum recurrere matris? Si spirituales es, instruite huiusmodi in spiritu lenitatis. Consideres unusquisque seipsum, ne & ipse tenetur. Alioquin ille in peccato suo morietur, sanguinem autem eius, ait, de manu tua requiram.*

Ec. 3.

SEXTA VERITAS.

Nemo bene alium arguit qui non est paratus argui. Tam libenter accusari quam accusare: Tam repugnanter accusare quam accusari: Sunt hæc duo bene arguentis argumenta.

RATIO est duplex. Prima quam diximus, quod nemo bene alium arguit nisi ex vero Dei offensi zelo arguat.

Sed non est iste verus zelus nisi qui alium arguit sit paratus argui, nisi tam libenter velit accusari quam accusare, vel tam repugnanter accuset quam accusetur; nam si offendit Deum æque atque alius, cur ex illo zelo si verus est, non velit argui?

ALTERA vero Ratio magis spectat modum bene arguendi vel accusandi quàm ipsam accusationem; Nemo enim bene alium arguit si contra præceptum naturale Charitatis arguat.

Sed nili sit paratus argui: nisi tam libenter velit accusari quàm accusare: vel nili tam repugnanter accuset quam veller accusari, contra præceptum illud Charitatis arguet. Nam præ-

Vix alius est malus minus excusabilis quàm qui, &c. 211

ceptum illud est, ne quid proximo faciamus quod nollemus ab illo nobis fieri.

Tu ergo qui nolles argui vel non isto modo quo alium arguis : nonne id illi facis, quod tibi nolles ab illo fieri ? O quam vere dictum, *Intellige quæ sunt proximi tui ex teipso.* Nihil sensibilius quam cum ab aliis perperam arguimur aut accusamur. *Eccl. 34.*
Atque hinc

SEPTIMA VERITAS.

Vix alius est malus minus excusabilis, quàm qui male accusat alium.

RATIO hæc est inter alias, quod vix est vllus malus minus excusabilis quam qui peccat contra notius naturæ lumen. Sic enim scire & videre magis potest quod peccet ; aut si non videt, signum est naturæ valde corruptæ & malignæ.

Sed qui male accusat alium, peccat contra notius naturæ lumen, nempe contra illud quo vix est aliud notius, *Ne quid velimus alteri quod nollemus nobis ;* Nollemus autem sic male accusari, vt dictum est. *Hæc est enim lex & Propheta.* Id est, hoc vnum vel maxime **lex** omnis præcipit, hoc vnum vel præcipue legum omnes Interpretes commendant, vrgent, incalcant, nullus vt ignorantiam, impotentiam, aut quidvis demum excuset.

At forte dicet se non ita reum, se non ita culpandum, se non recusaturum argui si se arguendum nosset ; Sed hæc est ignorantia sui valde damnosa, quæ vel est causa cur alios tam facile quis arguat : vel quod quis alios tam facile arguat, inde seipsum ignorat : Quod vtrumque est pestilens & valde arguendum ; vnde hæc est gemina &

OCTAVA VERITAS.

Major perspicacitas in alienis, major in suis cæcitas.

Vel sic ex opposito :

Major in suis cæcitas, major perspicacitas in alienis.

Dd ij

RATIO utriusque est eadem, quod quanto se noster animus extra se magis profundit, minus de se intus sibi reservat.

Sed cum se animus ita foras effundit, tunc est major perspicacitas in alienis; & cum minus intra se de se habet, tunc est major in propriis cecitas. Oportet enim animum sui totius plane compotem, & in se toto collectum ut se suosque defectus probe agnoscat; Quod sancti Patres fuisse passim exponunt: In primis Origenes in illud primi Canticum, *Si ignoras te, o pulcherrima inter mulieres, egredere & abi post vestigia gregum.* Sanctus Basilius in illud *Attende tibi.* Sanctus Bernardus in libris de Consideratione ad Eugenium Papam, quem ut applicet ad se cognoscendum, sic primo illum ad se reocat: *Cum omnes te habeant, esto etiam tu ex habentibus unus. Quid solus fraudarius munere tui? Vsq; quo vadens spiritus & non rediens? Vsq; quo non recipis te, & ipse inter alios vice tua?*

L. c. 5.

I. b. 19.

L. 14. c. 13.

Sanctus vero Gregorius in illud Iobi ad suos aduersarios: *Vos contra me erigimini, & arguitis me opprobriis meis*, egregie docet sic perueriti ordinem quando prius aut magis ad alios quam ad nos cognoscendos & accusandos incumbimus, cum nullus alium accusare vel iudicare sit aptus qui se prius non iudicet. Verba eius sunt: *Ordo quippe erectionis in hunc iste est, ut primum contra nos, postmodum contra malos erigamur. Nam qui contra bonos erigitur, per superbiam inflatur. Contra nosmetipsos enim erigimur, quando mala propria recognoscimus, districta nosmetipsos penitentia ultione serimus, quando nequaquam nobis in peccatis parcimus, & nullis erga nos cogitationum blandimentis inclinamur. Qui si districtè prius nostra in nobis mala insequimur, iustum quoque est, ut etiam contra aliena mala utiliter erigamur: & ea quae in nobis punimus, etiam in aliis redarguendo superemus. Sed hanc erectionem mali nesciunt, quia se relinquunt, & bonos impetunt. Sibi se intra conscientiam suam mollitie blandae adulationis inclinant, & contra bonorum vitam districtione asperitatis eriguntur. Unde amicis beati Iob in eius flagello tumentibus, rectè nunc dicitur: At vos contra me erigimini, id est, vosmetipsos redarguendos relinquitis, & me districtis sententiis increpatis. Qui enim semetipsum prius non iudicat, quid in alio rectè iudicet, ignorat. Etsi nouit fortasse per auditum quod rectè iudicare debeat: rectè tamen iudicare aliena merita non valet, cui conscientia innocentiae propria nullam iudicij regulam praebet. Hinc est enim quod insidiantibus quibusdam, & puniendam adulteram*

*deducenribus dicitur: Qui sine peccato est vestrum, primus in illam lapidem mittat. Ad aliena quippe puniendâ peccata ibant, & sua relique-
rant. Renocantur itaque intus ad conscientiam, ut prius propria corri-
gant, & tunc aliena reprehendant. Hinc est quod cum tribus Benjamin in
carnis scelere fuisset obruta: collectus omnis Israel vlciſci iniquitatem vo-
luit, sed tamen semel & iterum in belli certamine ipse prostratus est. Con-
sulto autem Domino si ad vlciſcendum ire debuissent, iussu est. Qui iux-
ta diuinæ vocis imperium perrexit, & semel, & secundo perdidit, &
tunc demum peccatricem tribum valde feriens penè funditus extinxit.
Quid est quod in vlſionem sceleris inflammatur, & tamen prius ipse
præsternitur, nisi quod prius ipsi purgandi sunt, per quos aliorum culpa
feriuntur: ut ipsi iam mundi per vlſionem veniant, qui aliorum vitia
corrigere festinant: Quod & ipse breuius alibi repetens: Consideremus,
inquit, quia aut tales sumus quales nonnullos corrigimus, aut tales
aliquando fuimus, etsi iam diuinâ gratia operante non sumus, ut tanto
temperantius humili corde corrigamus, quanto nosmetipsos veriùs in his
quos emendamus, agnoscimus. Hoc est videlicet quod pridem dixe-
rat Sapiens, Iustus est prior accusator sui; unde ad faciliorem praxim
formatur hæc*

L. 13. cap. 8.

8.

Prov. 11.

NONA VERITAS.

Si Iustus est prior accusator sui, quanto magis iniustus?

RATIO est evidens, quia iustus non est prior accusator sui quàm quia iustum est eum qui accusat alium prius se accusare, quocumque id modo fieri possit: Non enim esset in hoc iustus, neque propterea commendaretur à Scriptura nisi iustum & æquum esset ita se prius accusare.

Sed quando iniustus accusat alium longe est iustius ut se prius accuset quam quando iustus accusat. Nam ubi est amplior accusationis ratio, certe est etiam iustior. Quis autem dubitet esse amplio- rem in iniusto quam iusto?

Adde quod, cum Iniustus in accusando alium facilius peccare possit quàm Iustus, nisi se diligentius temperet: nonne ipse etiam magis quam Iusto necesse est ut sibi temperando aduigilet? At quo tandem modo aptius se temperare discet nisi se prius accusan-

do & condemnando vt dictum est ? Nonne sic Christus Dominus accusantes mulierem temperauit cum & illis dixit, *qui sine peccato est vestrum, primus in illam lapidem mittat*, & tum illis sua cuique peccata monstrauit quorum intuitu statim ab accusando cessarunt. Hoc est enim quod *inclinans se deorsum coram illis digito scribebas in terra, ubi sese inspicientes*, inquit sanctus Augustinus, *& se reos inuenientes recesserunt*. Nonne hoc ipsum denique est quod ante Dominus vnicuique eorum qui sunt in aliis accusandis nimis precipites, dixerat: *Quid vides festucam in oculo fratris tui, trabem autem qua in oculo tuo est, non consideras? Aut quomodo potes dicere fratri tuo, frater, sine ejiciam festucam de oculo tuo, ipse in oculo tuo trabem non videns? Hypocrita, ejice primum trabem de oculo tuo, & tunc perspicies ut educas festucam de oculo fratris tui.*

Matth. 7.

Luc. 6.

Hoc est enim reuera hypocritam agere, cum iniustus & peccator se non prius inspecto & accusato proximum arguit, nam Charitatis vel Iustitiæ zelo se id putat & prætendit agere, quod merè fictum & simulatum est, cum si Charitate & iustitia verè moueretur, à seipso inciperet, & prior esset accusator sui. Si enim iustus, quanto magis iniustus?

Cæterum, hic considerando quanta prudentia Christus euitare ancipitem calumniam sibi ab aduersariis paratam vel nimis Mansuetudinis vel nimis seueritatis, apte occurrit dictum S. Hieronymi quo representetur

Ep. 13. ad Paul.

DECIMA VERITAS.

Non multum distat in vitio, vel decipere posse, vel decipi Christianum.

RATIO EST ex eodem sancto Doctore, quia non multum distat in vitio, si vel prudentiam sine simplicitate habueris, vel sine prudentia simplicitatem: cum vtrumque Christus coniunxit dicens, *Esote prudentes sicut serpentes, & simplices sicut columbae.*

Matth. 10.

Sed vel decipere posse, vel decipi Christianum, est habere prudentiam sine simplicitate, vel simplicitatem sine prudentia.

Ergo alterutrum non multum distat in vitio, proindeque tibi ex æquo vigilandum, ne vel quemquam decipias, vel à quoquam te finas decipi.

Plenior sententia Diui Hieronymi hæc est; *Habeto simplicitatem columbae ne cuiquam machineris dolos; & serpentis astutiam ne aliorum supplanteris insidits. Non multum distat in vitio, vel decipere posse vel decipi Christianum.* Quod autem ait posse, idem est ac nolle. Nam quod non potest licite Christianus, debet ita nolle & ita debet abstinere, ac si omnino non posset, ut alibi fusius declaratur.

Sic porro tres alij conformiter Latini Doctores docent: Sanctus Gregorius ubi de lobo dicitur, *quod vir erat simplex & rectus, NON* L. 1. Mor. c. 2. *NVL LI* namque ita sunt simplices ut rectum quid sit ignorent, sed eo vera simplicitatis innocentiam deserunt quo ad virtutem rectitudinis non assurgunt; quia dum cauti esse per rectitudinem nesciunt, nequaquam innocentes persisterere per simplicitatem possunt. Hinc est quod Paulus discipulos admonet dicens, *Volo vos sapientes esse in bono, simplices autem in malo.* Hinc rursus dicit, *Nolite pueri effici sensibus, sed malitia paruuli estote.* Hinc per semetipsam Veritas discipulis precipit dicens: *Estote prudentes sicut serpentes, & simplices sicut columba.* Viraque enim necessario in admonitione coniunxit, ut & simplicitatem columba astutia serpentis instrueret, & rursus serpentis astutiam columba simplicitas temperaret.

Sanctus Ambrosius; qui plerisque non virtus sed infirmitas videtur sine ratione simplicitas, ut tu veram suscipias, admoneris, Id est, L. 7. in Luc. c. 9. *ut exequaris industria munus natura, Quasi diceret, ut quod naturale est omnibus, nolle decipi: tu virtute, tu id prudentia rationali efficias.* Sanctus denique Augustinus, *Duo sunt quæ annexa ad innocentem sunt, ut unum sine altero, aut parum aut nihil omnino proficiat: simplicitas enim sine astutia, stultitia reputatur: astutia sine simplicitate superbia approbatur.* Serm. 14. ad Fr. in Eremit.



FERIA TERTIA.

LUCEM MVNDI SE DICIT
CHRISTVS.

Ego sum Lux mundi, qui sequitur me, non ambulat in tenebris, sed habebis lumen vite. Ioan. 8.

VERITAS PRACTICA.

Qui lucem mundi Christum confiteris, & mundum
potius quam Christum sequeris, palpas in meridie.

*RATIO EST, Quia ille moraliter dicitur palpare in meridie
qui suis in moribus sic aliorum quàm lux illa demonstret agi-
tur, sicut qui cæcus palparet in tenebris.*

*Sed qui lucem mundi Christum confiteris, & mundum potius
quam Christum sequeris, sic plane tuis in moribus alio sum
quàm lux illa demonstret, ageris.*

*Ergo palpas in meridie. Quod cum sit in Scripturis maledictum,
sane cauendum est, & mundo magis ac magis renuntiandum.*

L P V N C T V M.

EVM Christus Dominus miro Iudæis modo quæ latebant
ipforum crimina patefecisset, ac in luce palam vnicuique
sigillatim demonstrasset, tum illis opportune dixit se
lucem mundi esse, hoc est, se in mundo esse ad illustrandas ho-
minum mentes circa bonum & malum, circa verum & falsum,
circa virtutes & vitia, quod solis lumen in mundo est circa res
alias denudandas. Non tam mirentur se illustratos quàm admi-
rentur Illustrantem, & quantum tenebris lucem præferunt, tan-
tum se illi totos intelligant addicendos.

Iam hoc ipsum paulo ante Nicodemo dixerat Dominus, unde
sacer Euangelista refert, hoc iterum ab illo dictum, sic expressè
narrans consequenter ad historiam de adultera: *Iterum ergo lo-
quutus est Iesus, dicens: Ego sum lux mundi, qui sequitur me, non
ambulat in tenebris, sed habebit lumen vite*, Lumen scilicet quo
discat hic recte viuere, vt in æternum beate viuat. Ex quibus
Verbis cum multa in Christi gloriam, & in spiritualem profe-
ctum deriuare possis, tum illud quod proposita Veritate conti-
netur, multum certe facit ad illam contemptus mundi praxim,
quæ nobis plurimum commendari debet. Mirum enim est, &
plusquam

plusquam dici potest stupendum, quod Tu Christianus, tu forte Religiosus, & Ecclesiasticus & Ecclesiastes qui lucem mundi Christum confiteris, proferis & doces; Tu tamen ipse mundum viuendo potius quam Christum vitæ lumen sequaris! Quid hoc aliud est quam *palpare in meridie*, quid hoc aliud quam *maledictum esse*? Quid est enim palpare in meridie; & quid maledicto similis quam similem esse ludæis quibus in poenam eorum desertionis denuntiabat Moses hoc certò futurum: *Percutiat te Dominus* Dent. 28. *amentia & cecitate, ac furore mentis; & palpes in meridie sicut palpare solet cæcus in tenebris; & non dirigas vias tuas.* Tuis scilicet in vitæ moribus tam oblique, tam prauè, tam peruerse incedas quam solet ambulare cæcus, aut amens, aut ebrius quaquauerum per deuita periculose gradiens. Quod & in libro Iob repetitur: *per diem incurrunt tenebras; & quasi in nocte sic palpabunt in meridie.* Iob. 9. Et reuera sic Iudæi, sic Pagani viuunt, sic in media ipsa luce quæ Christianos omnes illustrat, tenebris inuolutum habent animum ut non minus à recta viuendi discedant via, quàm à recto cæcus ambulandi gressu.

Sic aperte quondam deplorabat Isaias: *expectauimus lucem, & ecce tenebra; splendorem, & in tenebris ambulauimus.* *Palpauimus sicut cæci perietem; & quasi absque oculis, astrectauimus: impegimus meridie quasi in tenebris, in caliginosis quasi mortui.* Et Sophonias: *ambulabunt ut cæci, quia Domino peccauerunt.* Soph. 2. Quid clarius non in verbis modo Scripturæ quæ peruersa Iudæorum facta prædicunt, sed in ipsis Iudæorum factis quæ prædictas de se scripturas in suam ipsorum perniciem nimis vere complent. Nonne te miseret miserandi eorum status?

IL PUNCTVM.

SED tu qui lucem mundi Christum confiteris, & mundum potius quam Christum viuendo sequeris, sic tuis in moribus alioqueris quàm lux illa demonstret, ageris.

Nam si mundus quem sequeris ipsi est Christo totus oppositus; nonne de illa Tu oppositione tantum participas quātum ad mundi sensum & facta, vitam componis? Quid est enim ille oppositus Christo mundus, nisi qui tali de rebus sentiunt, & viuunt modo quem Christus Verbo damnauit & exemplo? Vnde Tu qui talem

sequeris viuendi modum, Tu quis es, nisi pars eius mundi quem
 Ioh. 12. Christus damnat, cum vt dixi non aliter quemuis de mundo dam-
 necet quàm quia sibi opposito viuut modo? *Nunc iudicium est mundi,*
 dicebat proxime moriturus Christus, non huius aut illius simpli-
 ter hominis est iudicium, sed totius mundi est: eorum scilicet
 Ioh. 7. omnium qui de mundo sunt, de quo ipse iam dixerat, *Mundus me*
odit, quia testimonium perhibeo de illo quod opera eius mala sunt.

Arque hinc apte Apostolus, dum iudicamur, à Domino corripimur,
 1. Cor. 11. vt non cum hoc mundo damnemur. Id est, ne si forte mundum factis
 sequamur, poena qua mundus plectitur, nos sequatur, & cum
 ipso nos in æternam perniciem deuoluat mundo, cuius nos simili-
 tudini prius inuoluimus.

Et hæc quidem vniuersim propositionem probant; at vero par-
 ticulacim Tu accuratius vide quid lux illa quam confiteris de-
 Luc. 6. monstrat, & quàm inde procul incedas affectibus & moribus. *Va*
cum benedixerint vobis homines! Tune id putas infaustum & mise-
 rum cum benediceris? *Omni potenti te tribue:* Nonne tu pluribus
 negas quam tribuis? *Nolite in sublime tolli:* Tu quò aspiras vehe-
 12. mentius quàm in sublime? *Omnes qui non renuntiat omnibus qua*
 14. *possidet, non potest meus esse discipulus:* An vel vnà eorum quæ possi-
 11. des renuntiasti? *Qui maior est in vobis, fiat sicut minor:* Tu cum sis
 minor, nonne maior esse velles?

Quid porro est aliò ire quàm lux Christi demonstret nisi hoc sit?
 Et quid aliud dicebatur Balaamo, aut quid aliud loquentem An-
 gelum commouebat contra ipsum, cum diceret, *Ego veni vt aduer-*
 20. *sarar tibi, quia perversa est via tua mihi que contraria.* Et rursum, *si*
 26. *ambulaueris ex aduerso mihi, ego quoque contra vos aduersus ince-*
dam. Nihil plane aliud ab illis in te est, nisi quod illi minus habe-
 bant luminis quo se viderent aduersari Deo, tu vero magis.

III. PUNCTVM.

QVI Christum igitur mundi lucem confiteris, & mundum potius
 quam Christum sequeris, nonne tam euidenter palpas in meri-
 die quam media ipsa luce apertius tibi Christus lucet, & quàm aperte
 deuias à recto tramite quem lux illa demonstrat, dum mundum seque-
 ris, perinde ac si cæcus esses aut in tenebris ambulares? *Populus qui*
 Mart. 4. *sedebat in tenebris, vidit lucem magnam,* dum vidit Christum: Tu

vero sedens in illa luce nihil nisi tenebras vides, dum nihil nisi mundum in tuis respicis moribus. Quid magis potest esse transuersum & deuium? Deplorabat Infideles Apostolus quod *Deus huius sæculi excacasset eorum mentes ut non fulgeret illis illuminatio Evangelij gloria Christi qui est imago Dei*: Nonne tu saltem ex illa parte similiter deplorandus qua te idem huius sæculi Deus, id est, Dæmon excacauit, ut non fulgeat tibi quod contra mundum Christus dixit? Cur putas Dæmon vocatur *huius sæculi Deus*, nisi quod dum sæculares & mundani præferunt illum Christo, tamquam Deus ab illis colitur, vel quod eius placitis & institutis tam constanter inhæreant, ac si diuina essent placita & instituta.

Nec tibi palpes in professione Christiana, vel etiam Ecclesiastica vel Religiosa, si mundana sectaris, nam ipso atrocius illa sectando peccas, sicut illi de quibus Apostolus, *qui cum cognouissent Deum non sicut Deum glorificauerunt, aut gratias egerunt, sed euane-* Rom. 1.
runt in cogitationibus suis, & obscuratum est insipiens cor eorum.

Hoc est scilicet quod timebat futurum in Christianis, & quos propterea tam vehementer admonebat: *Hoc igitur dico & testificor* Ephes. 4.
in Domino, ut iam non ambuletis sicut & gentes ambulant in vanitate sensus sui, tenebris obscuratum habentes intellectum, alienati à vita Dei per ignorantiam qua est in illis, propter cecitatem cordis ipsorum. Quasi diceret, nisi ambuletis ut filij lucis & non ut filij tenebrarum, tenebræ vos comprehendent, & reterto duntaxat Nomine Christiano vel ritualiquo exteriori, sic intus obscurati & cæci eritis, quantum ad nonnullas Morales Euangelij præceptiones, sicut ipsi Gentiles ad omne quod ignorant Euangelium. Sic vniformiter sanctus Petrus post Christiana quædam monita, rationem subditæ quæ suprà dicta omnia valdè confirmat, *Cui enim non pressio sunt* 2. Tim. 2.
hæc, cæcus est & manu tentans, obliuionem accipiens purgationis veterum suorum delictorum. Id est, sic viuut quasi non esset conuersus, quasi non esset confessus, vel quando confessus est quasi non esset professus se contra mundum & carnem deinceps victurum, aut quasi oblitus esset se tum id fuisse professum, quando confessus obtinuit suorum veniam delictorum.

Quæ quidem cæcitas consequens acceptum vitæ lumen, longe est grauior quàm si antecedens esset; nam siue consideretur vt culpa propter quam Christianus & religiosus sic cæcutit, siue consideretur poena sic à Deo constituta, profecto periculosius vtrum-

220 FERIA 4. Hebd. 19. post Pent. Neque me scitis, neque, &c.

164. 2.

que est ad sempiternum interitum. Vnde idem ipse sanctus Apostolus paulo post pergens: *Si enim, inquit, resurgentes coinquinationes mundi in cognitione Domini & Salvatoris Iesu Christi, his rursus implicati superantur, facta sunt eis posteriora, deteriora prioribus: Melius enim erat eis non cognoscere viam Iustitie, quam post agnitionem retrorsum conuertere ab eo quod illis traditum est sancto mandato.*

Vide in 2. parte, FERIA 6. Hebd. 4. post Pascha. Et in 1. parte, die 5. Ianuarij, vbi hæc habetur Veritas:

Dum lucet, ambulandum: ne tenebræ fiant.



FERIA QVARTA.

DE IGNORANTIA DEI ET
CHRISTI QVAM HABENT IMPII
ET MVNDANI.

Neque me scitis, neque Patrem meum. Ioan. 8.

VERITAS PRACTICA.

Quidquid de Christo se scire dicant impij & mundani, Christum nescire dicendi sunt.

RATIO EST, Quia Christum nescire dicendi sunt qui de Christo in moribus aliter sentiunt quàm sit reuera sentiendum.

Sed quidquid de Christo se scire dicant Impij & mundani, de illa in moribus aliter sentiunt quàm sit reuera sentiendum.

Ergo Christum nescire dicendi sunt. Quod tamen ipsi nollent si aduerterent, quamobrem hoc illis diligenter expendendum & inculcandum.

I. P V N C T V M.



VM de Patre suo Christus Iudæos instrueret, atque il-
lud in primis affirmaret se non esse solum in testimonio
de se ferendo, sed simul Patrem à quo missus erat, te-
stimonium de ipso perhibere; tunc à Iudæis interroga-
tus est, *Vbi est Pater tuus? Respondit Iesus, Neque me scitis, neque Pa-
trem meum: Si me sciretis, forsitan & Patrem meum sciretis.*

Patrem Christi carnaliter acceperunt, inquit sanctus Augustinus, quasi dicerent, nos solum te videmus, ostende nobis tecum esse Patrem tuum. Theophilactus verò scribit quosdam notare, hoc à Iudæis prolatum velut ad contumeliam & contemptum Christi, quasi proprium ignorares Patrem, vel quod vilis & abiectus esset Ioseph; & addit, *quia ergo non interrogabant scire volentes, non respondet ad eam questionem.* Quid est autem, ait S. Augustinus, *si me sciretis, & Patrem meum sciretis, Nisi Ego & Pater unum sumus; sic enim solemus de similibus dicere, si hunc vidisti, illum vidisti.*

Obseruat porro sapienter Origenes coluisse quidem Iudæos Deum, *Sed, inquit, soles scriptura, qui male viuunt, eos dicere Deum non agnoscere; sic de filiis Heli dicitur, quod Deum ignorabant.* Atque hinc nata Veritas quæ modò perpendenda proponitur, *Quod quidquid de Christo siue de Deo se scire dicant impij, siue qui solutioris & laxioris sunt vite, siue qui mundani dicuntur, Christum nescire dicendi sunt.*

Et plana quidem est Ratio quoad illam priorem partem qua dicitur eos Christum nescire qui de illo in moribus aliter sentiunt quàm sit reuera sentiendum. Sed tamen vt pateat etiam apertius, distinguì possunt tria quædam quæ de Christo sciri debent, & in quibus addiscendis & profitendis bene vel male à nobis de Illo sentiatur. Primum est eorum quæ spectant ad sacram eius Personam, vt quod sit Deus & homo, quod Dei filius, & Virginis: quod duas in vna Persona naturas habeat; quod sit reuera mortuus & resurrexerit; & similia quæ de illo fides Orthodoxa proponit.

Secundum continet ea quæ Christus de suo Patre, siue de Diuinitate ac Mysterio sanctissimæ Trinitatis docuit, de vnitatem Dei, de Trinitate personarum, de diuinis attributis & perfectionibus, de adorando Deo in Spiritu & Veritate, atque vniuersum quæ

spectant intellectum & fidem, siue doctrinam quæ speculatiua dicitur, ut distinguatur à practica & morali, quæ Tertium constituit Caput eorum quæ de Christo sciri debent: Nempe illa quæ verbo & exemplo docuit ad mores nostros reformandos, & diuinæ Legi conformandos, qualis est totus ille sermo quem bene longum & totum moralem in monte habuit, & qualis est tota eius vita quam in nostrum exemplum ita instituit ut quemadmodum ipse abstinuit mollibus, & dura sustinuit, sic abstinere & sustinere disceremus, quod paucis hisce verbis totum complexus est, ut alibi fufius demonstratur, *Si quis vult post me venire, abneget semetipsum, tollat crucem suam quotidie, & sequatur me.*

2. cor. 9.

Atque hoc tertium est Caput de quo est prima propositio, quod Christum nescire dicendi sunt qui de illo in moribus, Id est, in hac morali doctrina quam Verbo & exemplo docuit, aliter practice sentiunt quam reuera ipse senserit, docuerit, & voluerit à nobis practice sentiendum. Non quod illa quæ docuit omnia sic à nobis sciri debeant, quemadmodum duo illa quæ dicuntur ad salutem scitu necessaria, Mysteria sanctissimæ Trinitatis & Incarnationis Christi Domini, sed quod nihil in moribus nostris repugnans eius morali doctrinæ sit, quam si propterea edocemur, si de illa instruiamur & informamur, ut fieri solet in Christianis Exercitationibus publicis, tunc nos ei totos & mente & affectu & vita & moribus conformemus: atque ut ait Apostolus, *doctrinam Saluatoris nostri Dei ornemus in omnibus*, Id est, Ipsi nos totos eius doctrinæ moresque nostros ornemus, ordinemus & componamus. Aut certe si desimus, si hanc audire doctrinam nolumus, vel auditam non credere, vel ita verbo interpretari & fingere ut factò etiam aliter conuerseremur: hoc est quod dicitur sentire de Christo in moribus aliter ac sentiendum est: hoc est quod asseritur quod qui de illo sic sensus sentiunt, Christum ignorant & nesciunt. Esto sciant & credant illum esse Deum & hominem, illum esse Dei ac Virginis filium, nec tamen sciant aut credant sicut actu & practice credendum est quod ille docuit de cauendo aspectu mulieris, de continendo corde, de arcta tenenda via, & de similibus quæ ad mores spectant, Christum nescire dicendi sunt. Non est verus Christus quem putant credere, fingunt sibi Christum suo conformem genio, ne suum Christo conforment genium. Fictitius est ille Christus & mendax quem mendacem faciunt, ut sic Ipsi sua tucantur

Tibi 2.

dicta & facta quæ sunt vero Christo contraria.

Nonne hoc ipsum asseueranter de illo affirmares qui hanc quidem moralem Christi sectaretur doctrinam, sed qui tamen Christum vel Christo non crederet, prout illa duo prima quæ diximus capita credendum statuunt? Quid sentis de Eutychete qui cum esset Monachus, moralem credibile est quod institutionem Euangelij, atque ipsam perfectiorem Christi doctrinam profiteretur: quia tamen Christum non credidit duas habere naturas distinctas & non confusas, nonne Christum ignorasse & nescisse dicendus est? Nonne Christum hoc ipso sibi finxit à vero Christo alium, quo verum Christum non credidit? Sic plane licet quis in duobus illis primis non errer capitibus, sed in solo dumtaxat tertio, quod mores & Veritates practicas continet: licet duas in Christo confiteatur naturas & alia quæ de illius persona proponuntur, nec tamen credat Fide practica quæ per Charitatem & mores Christianos exhibetur, quod Christus eapropter instituit: Christum ignorare & nescire non minus dicendus est atque alius de quo non dubitas.

Sic Iudæi non ignorabant omnino Christum, imo tam vere multa de illo nouerant vt Christus ipsis diceret, *Et me scitis, & tamen: unde sim scitis*: At vero cum cæteris eius dictis non crederent, atque in his præcipue quæ ad vitam in melius transferendam proponeret, illi resisterent: *Neque me scitis*, inquit, *neque Patrem meum*: scientia videlicet practica cuius defectu deficit alia. Quo in sensu dicebat Salomon: *Stultissimus sum virorum, & Sapientia hominum non est mecum. Non didici Sapientiam, & non noui scientiam sanctorum*: quæ in praxi scilicet & in factis exhibetur, non quæ solo intellectu possideretur. Nam intellectualem illam quam vocant Sapientiam non amisit Salomon cum peccauit, sed practicam, quia non sapienter vivebat prout viuendum ex Sapientia nouerat.

O si mundi Sapientes hoc intelligerent!

II. P V N C T V M.

SED quidquid de Christo se scire dicant impij & mundani, cum saliter viuant ac Christus docuit, aliter de Christo in moribus sentiunt, quam sit reuera sentiendum.

Cum enim dicant se multa de Christo credere, non sunt ita impij vt audent illi aperte repugnare, cum non sint vero ita pij vt velint se illi conformare, quid facient? Nam aut illi resistendum, aut se illi vident conformandos? Neutrum horum vellent, & tamen alterutrum necesse est. Vnde mirum quantum angantur animo quoties Christum loquentem legunt vel audiunt, nam se vel ab eo diuulsos intelligat, vel à mundo diuellendos. Poterintne Christianus se à Christo scire diuulsum? Poterintne vero mundanus non esse mundo addictum? Hic angustia sunt vndique de quibus plura vide in hac parte, FERIA 4. Hebdom. 17. Interim vero molliendus ille angor, emergendum quoquo molle ex illis angustis: nam sic viuere inquietos, non est viuere, cum vt ait Sapiens, *Vita hominis sit Iucunditas cordis*: Nulla vero sit cordis iucunditas vbi talis est angor, vbi tales angustia.

Iul. 30

Quamobrem vt sibi pacem aliquam inueniant quæ neque dum Christo, neque dum mundo repugnatur, reperiri potest, inueniunt mediam quandam viam qua cum Christo & cum mundo incedant, qua neque Christo repugnent, neque mundo; qua Christum vna simul & mundum sic inter se concordent, vt dum Christo loquenti obedient, mundum non deserant: & dum mundo adhærebunt, Christum non fugiant nec ab eo disiungantur. Nempe interpretantur Scripturas suo modo: Verba & mentem Christi suis accommodant moribus, non suos Christo mores: Audiuerunt esse quoddam genus interpretandi Scripturas quod *benignum* & facile dicunt, hoc libenter vtuntur; & hoc molli verbo emolliunt quidquid Conscientiam durius alioquin premeret & lancinaret. Si opponas illis Christum, laxiorem viam condemnantem: Respondent vel illud *laxiorem* nihil ad se pertinere, cum multis ipsi coarctentur rei domesticæ difficultatibus vel tantum spectare illos qui suis omnino laxent habenas concupiscentiis, quos inter non se annumerant. Si de honore, si de diuitiis, si de alijs quibuscumque mundanis affectibus, ex Christi Verbo & exemplo contendas cum illis & eos vehementius vrgeas, recurrent semper ad illud suum benignum interpretandi genus: non esse illa ex se mala, Christum velle tantum capitalia tollere vitia; naturæ legem à gratia non destrui, legem esse naturæ quæ famam, honorem & vitæ commoda præcipit. Christum velle misericordiam, non sacrificium: Christum pec-

catores

catoreſ ſuſcipere non expellere : Chriſto notam eſſe humanam infirmitatem ; Chriſto bonitatem eſſe ingenitam cuius eſt miſereri potius & parcere quàm condemnare.

Atque ita, ut vides, iam Chriſtum non habent ſibi repugnantem, neque ipſi etiam mundo repugnant cum utrumque ſimul benigne & commodè ſic attemperat ut neutrum neutri præiudicer.

Itane verò Chriſtus ſecum ipſe pugnet ? Itane Verba eius tranſeant, cum cœlum & terra potius quam eius Verba excidant ? *O præſumptio nequiſſima, unde creata es cooperire aridam malitia & dolofitate ?* Recte omnino Sapiens, nam primò manifeſta eſt præſumptio quæ ſic audeat Scripturas depravare & de Chriſti ſenſu ſic iudicare. Deinde, mera malitia eſt & doſoſitas quam præclare David expreſſerat cum dixit de pravo quovis homine ſe in ſua prauitate perperam excuſanti : *Verba oris eius iniquitas & dolus.* *Ps. 36.* *Noluit intelligere ut bene ageret.* Si enim intellexiſſet, quæ à Chriſto contra mundum & mundanos prolata ſunt, profeſſo ſibi magis à mundo timuiſſet, & ab eo receſſiſſet, ſed noluit intelligere, ne ſic timeret, & recederet. At ne tamen à Chriſto ſe penitus alienaret, Chriſtum ad mentem ſuam interpretari præſumpſit, in quo eſt aperta iniquitas & dolus manifeſtus, quaſi ſic Chriſtum falleret, quaſi ſic ſe rueri poſſet, quaſi ſic cum Chriſto conveniret : cum tamen totus ab illo diſſentiat in moribus, quamdiu mores eius mundani ſunt.

O plene omni dolo & fallacia, non deſinis pervertere vias Domini ? *Act. 13.* *quæſas ? Et nunc ecce manus Domini ſuper te, & eris cæcus :* Hoc plane illi accidit ſecundum animam quod Mago illi quem corporali percuffit cæcitate Apoſtolus. Nempe non videt neque ſentit quàm longe à Chriſto ſentiat, non videt quàm iniquè & doſoſè agat cum ſe fingit cum illo conſentire. Hæc eſt ſcilicet *erroris operatio* *2. Th. 2.* quam miſſet illis Deus, teſte Apoſtolo, ut credant mendacio qui non crediderunt veritati, ſed conſenſerunt iniquitati.

III. PUNCTUM

A TQVE hinc patet quod quidquid de Chriſto ſe ſcire dicant impij & mundani, Chriſtum neſcire dicendi ſint ; Cum ab illo in moribus ita longe diſſentiant quàm in cæteris credendis articulis

diffenserunt hæretici qui de Illo negarunt vel affirmarunt quod sanæ fidei repugnabat; & de quibus non dubitas quod illi Christum nescirent. Sic expresse dilectus Christi discipulus, ut iam alibi est expositum, *In hoc scimus, quoniam cognovimus eum, si mandata eius observemus. Qui dicit se nosse eum, & mandata eius non custodit, mendax est, & in hoc Veritas non est.* Qui nempe mandata eius non custodit cum se dicit eum nosse, hoc id animo dicit ut se à mandatis eius non custoditis excuset, quasi diceret, *Novi eum, bonus est & benignus, dissimulat peccata hominum, non ita curat hæc minima.* Mentitur verò qui hoc dicit, nec eum novit. Sicut tu ipse diceretis roganti cuiquam ut mentiretis, ut furto consentiretis, vel quid aliud velles quod omnino nolles: nonne ipsi tum diceretis, *Non me nosti. Quid! ut ego furer! ut ego mentiar! non me nosti, non is sum ego quem putas.* Sic plane Christus existimanti aliter de peccatis ipsum sentire quam reuera sentiat: non me nosti, peccator. Existimasti inique quod ero tui similis! arguam te, & statnam contra faciem tuam. In hoc enim tripliciter arguendus peccator & puniendus. Primò quod à peccato siue à mundano affectu nolit discedere. Deinde, quod ut secure possit in illo permanere, sibi maligne fingit de Christo quæ non sunt, quod est malo dolo agere. Tertio denique, sic vera Christi cognitione priuatur nec magis Filium novit quam mundus Patrem de quo ipse dicebat filius: *Pater iuste, mundus te non cognovit.*

Nonne hæc ad cautelam sufficiant, seu ad prauos cauendos affectus qui dolos huiusmodi comminiscuntur & fabricant? Regula Iuris est, *Quod nulli debet patrocinari sua frans.* Sunt vero in Scripturis multa quæ malignam hanc mentem exagitant & valde castigandam monent. Iob decimo quinto: *Quantum in te est emaculasti timorem.* Docuit enim iniquitas tua os tuum, & imitatus linguam blasphemantium. Condemnabit te os tuum, & non ego: & labia tua respondebunt tibi. Numquid consilium Dei audisti, & inferior te eris eius sapientia? Tum ubi plurimas denuntiavit peccatori pœnas, quasi rationem & causam earum reddens, sic concludit: *Concepit dolo-rem, & peperit iniquitatem, & uteris eius preparat dolos.* Id est, cumcumque obiceris contra eius voluptates, paratos habet dolos ad illa omnia diluenda: quod certe est extrema dignum pœna.

Sic Ecclesiasticus primo ipso sui Operis capite: *Quoniam, in-*

quit, accessisti maligne ad Dominum, & cor tuum plenum est dolo & fallacia. In ignis vero locus est, & ad rem nostram valde accommodatus Ieremia nono; *Extenderunt linguam suam quasi arcum mendacij, & non veritatis: confortati sunt in terra, quia de malo ad malum egressi sunt, Nempe ad excusandas excusationes in peccatis, Et me non cognouerunt dicit Dominus. Docuerunt enim linguam suam loqui mendacium; Ut iniquè agerent, laborauerunt. Habitatio tua in medio doli. IN DOLO RENVERVNT SCIRE ME, DICIT DOMINVS.* Valde obseruanda Verba. Tum apte quod habet Osee: *Ego erudiui eos & confortavi brachia eorum: & in me cogitauerunt malitiam. Reuersi sunt ut essent absque ingo: facti sunt quasi arcus dolosus: Qui nempe arcus non rectè dirigitur, vel qui in ipsum dirigentem retorquetur, cum ut excutiat à se iugum feuerioris disciplinae, sibi fingit non excussum à se iugum: & dum putat se dolose malum à se amoliri, malum in se grauius à suo dolo accersit. Sic nempe Illusor si fueris, solus portabis malum.* Pr. 2.

Vide in 2. parte, Dominica Sexagesimæ, ubi hæc Veritas exponitur:

Nisi Verbum Dei te conuertat, tu peruerteres Verbum Dei.

Et in hac 4. parte, Feria 2. Hebdomadæ 15. ad hanc ibi propositam Veritatem:

Nisi se quisquis Christo conformet, sibi Christum conformabit.



FERIA QVINTA.

DE TREMENDO QVOD
CHRISTVS DIXIT, VERBO:

In peccato vestro moriemini. Ioan. 8.

VERITAS PRACTICA.

Illud mundanis præcipue tremendum est Verbum;
In peccato vestro moriemini.

RATIO EST, Quia illis præcipue est tremendum qui se in
 peccato esse ignorant, ignorantia inexcusabili.

Sed tales sunt Mundani.

Ergo & illis præcipue tremendum est Verbum, adeoque multis:
 quia hæc lata porta, & spatiosa via est quæ ducit ad per-
 ditionem: & multi sunt illi qui ut ait Dominus, intrant per
 eam.

Matth. 7.

I. PUNCTVM.

DIXIT iterum Iudæis Iesus, Ego vado & quaeritis me, & in
 peccato vestro moriemini. Vos de deorsum estis, ego de supernis
 sum; Vos de mundo hoc estis, ego non sum de hoc mundo.
 Dixi ergo vobis quia moriemini in peccatis vestris.

INFOELICISSIMA conditio, inquit sanctus Augustinus,
 misera sortis istorum qui de ore veridico audierunt, In peccato vestro
 moriemini. Hoc est enim dicere, maledicti in æternum & damnati
 estis. Non sic vero dixit quasi decretorium, quasi absolutum id
 esset, cum hanc simul apposuerit conditionem, si non credideritis,
 moriemini in peccato vestro. Atque ita sicut poterant credere, pote-
 rant etiam non mori in peccato: sed quia pauci ex iis erant credi-
 turi, aut in fide permansuri, idcirco quasi absolute affirmatur
 quod sint in peccato morituri. Tale scilicet erat eorum peccatum
 ut vix ab eo converterentur sicque in eo morerentur. Quodnam
 autem esset, aperuit illis Christus cum dixit, vos de deorsum estis, vos
 de mundo hoc estis, Id est mundani, terreni, mundana & terrena
 sapientes & affectantes; quales iam sunt multi etiam Christiani,
 etiam Ecclesiastici, etiam Religiosi de quibus manifestè Aposto-
 lus: Multi ambulant quos sæpe dicebam vobis, Nunc autem & sicut dico,
 inimicos crucis Christi, quorum finis interior, Atque ut apertius illos
 esse mundanos declaret, sic pergit, quorum Deus venter est, & gloria

Matth. 3.

Phil. 3.

in confusione ipsorum, qui terrena sapiunt. Nempe his tribus dicendi modis triplicem illâ Concupiscentiam de qua S. Ioannes, quæ mundum & mundanos facit, complectitur: *Quorum*, inquit, *Deus venter est*, hæc est Concupiscentia carnis: *Et gloria in confusione ipsorum*, hæc est superbia vitæ: Qui denique *terrena sapiunt*, hæc est concupiscentia oculorum seu cupiditas & appetentia bonorum temporalium, quorum visu nec oculus, neque Cor affectu saturatur. Quamobrem vno verbo Mundanos dicimus quibus præcipue sit tremendum hoc Christi Domini Verbum: *In peccato vestro moriemini.*

In 1. parva
Dom. 4.
Adm.
In 2. parte,
Dominica
Sept.

Ratio vero cur ita sit, posset illa esse quam diximus causam, cur nulla sit poenitentia, vel cur pauci saluentur: nempe Cupiditas non repressa dum vivis, quæ nec reprimi potest dum moreris quantum est satis ad bonam mortem. Sed præter illam, Quæ modo profertur Ratio tam certa est, ut quia tam certa est, minus fortè persuadet iis qui se nolunt persuaderi, aut qui se nolunt tam vehementer vrgeri ad deponendum quod vident necessario deponendum, aut moriendum in peccato. Turibi tamen consultius prospice, & tantò accuratius rationem hanc expende, quanto est certior.

Si quis in peccato mortali vivat quod ignoret ignorantia quam vocant vincibili, prava aut etiam affectata, de quo proinde peccato non confiteatur, numquam ipsum poeniteat, nullo unquam Sacramento, nec vlllo virtutis actu absoluat: Nonne is morietur in peccato? Nonne id timeres si sciens volens reticeres in confessione peccatum? At prorsus idem est quando quis illud ignorat voluntaria & inexcusabili ignorantia, quam sic definiunt & condemnant sancti Patres: *Ipsa ignorantia est voluntaria*, inquit Divus Thomas, *vel directè, sicut cum aliquis studiose vult nescire aliqua ut liberior peccet: Vel indirectè, sicut cum aliquis propter laborem vel propter alias occupationes negligit addiscere id per quod à peccato retraheretur, talis enim negligentia facit ignorantiam ipsam esse voluntariam & peccatum dum modo sit eorum quæ quis scire tenetur & potest.*

Sanctus Augustinus in Psalmum tricesimum quintum, *Dixit iniustus ut delinquat in semetipso*, usque ad quartum Versum de quo heri, noluit intelligere ut bene ageret, sic varlis ut solet intercessionibus rem illustrat. *Numquid non ibi est præsens Deus, sed non est timor Dei in conspectu eius. Meditatur ergo dolens, & sequitur Fortè*

latet illum, quia Deus ibi videt, & iam ostendit quod dicere ceperam: Latet illum sed volentem, quia contra se fecit, nolens intelligere. Quoniam dolose egit in conspectu eius. In cuius conspectu? cuius timor non est ante oculos eius qui dolose egit. Ut inueniret iniquitatem suam & odisset. Iste sic egit ut non inueniret. Sunt enim homines qui quasi conantur querere iniquitatem suam, & timent illam inuenire quia si illam inuenierint, dicitur illis, recedite ab illa. Hec fecisti antequam scires, iniquitatem fecisti cum esses in ignorantia. Dat Deus veniam, modo cognovisti eam, dimitte illam ut possit facile ignorantia tua venia dari, ut libera fronte dicas Deo, Delicta iuventutis mea, & ignorantia mea ne memineris. At illam quarit, ac timet, ne inueniat illam, dolose enim quarit. Non sciebam quia peccatum est. Quando dicit homo? cum viderit quia peccatum est, & destiterit facere ipsum peccatum, quod ideo faciebat, quia ignorabat verè, sic voluit nosse iniquitatem, ut inueniret & odisset. Nunc autem multi dolose agunt, ut inveniunt iniquitatem suam, id est, non ex animo agunt inuenire & odisse. Sed quia in ipsa inquisitione dolus est, in inuentione defensio iniquitatis erit. Cum enim inueneris iniquitatem, ecce iam manifestum est illi quia iniquitas est, nolit illam facere. Et ille qui dolose agebat ut inueniret, iam inuenit, & non odit. Quid enim dicit? quam multi hoc faciunt, & quis hoc non facit? Et nunquid omnes proditurus est Deus? Aut certè hoc dicit, si vellet Deus illa fieri, viuerent homines qui ista committunt? Vides quia dolose agebas ad inueniendam iniquitatem tuam. Nam si non dolose, sed sinceriter ageres, iam inuenisses & odisses, modo inuenisti & defendis. Dolose ergo agebas cum quareret. Verba oris eius iniquitas & dolus, noluit intelligere ut bene ageret. Videris quia voluntati illud tribuit, quia sunt homines qui volunt intelligere & non possunt. Sunt autem homines qui nolunt intelligere, ideo non intelligunt.

Job. 21.

Job. 21. Mar.
a. 19.

Job. 34.

Job. 25. Mar.
a. 16.

Sanctus Gregorius in hac verba libri Iob, Qui dixerunt Deo, recede à nobis, scientiam viarum tuarum nolumus; NOLUNT, inquit, scire, quod faciant, & quasi minus se vapulaturas existimant, si nesciant quod operari debuerunt: sed aliud est nescisse, aliud scire noluisse. Nescit namque qui apprehendere vult & non valet: qui autem ut nesciat, autem à voce veritatis auerit, iste non nesciens sed contemptor addicitur. Itemque in hac alia libri eiusdem: qui quasi de industria recesserant à Deo, & omnes vias eius intelligere noluerunt: Sic ait coherentè: quia scire quæ facere despicunt, etiam scire contemnant, impunitatem peccandi existimant remedium nesciendi. Qui nimirum sola

Superbia caligine tenebescunt, atque ideo non discernunt quia aliud est nescisse, aliud scire voluisse. Et tanto magis excusationem non possunt habere, quia nesciant, quanto magis etiam nolentibus opponitur quod cognoscant.

Sanctus Bernardus: *Multa profecto scienda nesciuntur, aut sciendi incuria, aut discendi desidia, aut verecundia inquirendi. Et quidem huiusmodi ignorantia non habet excusationem. Et rursus. Frustra sibi de infirmitate vel ignorantia blandiuntur, qui ut liberior peccent, libenter ignorant vel infirmantur. Putas primo homini profuit, licet ipse non libenter peccauit quod se per uxorem, tamquam per carnis infirmitatem defendis? Aut primi martyris lapidatores, quoniam aures suas continuerunt, per ignorantiam excusabiles erunt?* Ep. 77.
Tr. de
duod. grad.
hum.

Ex quibus sanctorum Patrum dictis, illud evidentissimum est quod hic erat primo declarandum, nempe illos in suo mori peccato qui hac voluntaria peccant ignorantia, quia non illud confitentur, nec magis confitendo absoluuntur quam si voluntarie peccatum, aliquod retinuisent. Cum enim talis ignorantia sit voluntaria, quidquid inde procedit, censetur pari prorsus modo voluntarium; & tantum abest ut peccantem & ignorantem excuset, quin ex illa sua ignorantia magis perire & puniri peccatores dicantur quasi esset potior perditionis eorum ratio. Sic in libro Iob legitur, *De mane usque ad vespem succidentur, & quia nullus intelligit, in aeternum peribunt.* Sic apud Isaiam, *Propterea captius ductus est populus meus, quia non habuit scientiam. Propterea dilatauit infernus animam suam, & aperuit os suum absque ullo termino, & descendent fortes eius;* Nonne ipsi suis in dirioribus clamant tormentis, quod refert Sapiens: *Ergo errauimus à via veritatis, & ambulauimus vias difficiles, Viam autem Domini ignorauimus.* Iob. 4.
Is. 5.
Sap. 5. Audiscne ut fateantur se ignorasse? Videscne ut profitentur se inde potissimum cruciari? Quid restat nisi ut etiam quod erat demonstrandum agnoscas, illis vel maxime qui se in peccato esse ignorant ignorantia inexcusabili, tremendum esse Christi Verbum, *In peccato vestro moriemini?*

IL P V N C T V M.

SED tales sunt mundani. Nempe illi quos ex sanctis Apostolis Paulo & Ioanne supra descripsimus, secundum proprias con-

eupiscantias ambulantes: Illi ex omnibus præcipui sunt qui viuunt in peccato quod tali quam diximus ignorant ignorantia.

Tria hic asseruntur, Primum est illos viuere in peccato. Secundum est illos suum ignorare peccatum. Ac tertium denique, talem ignorantiam esse inexcusabilem. De primo, quod viuunt in peccato, necesse est id omnino affirmare cum mundus & mundani sic in Scripturis condemnentur quasi oppositi Christo Domino qui suum regnum aperte dixit de hoc mundo non esse: qui de mundo suos elegisse affirmat, & qui palam profitemur se pro mundo non orare, quod idem est atque illum execrari & supremo ferire, quod vocant, anathemate. Quæ certe de mundo & mundanis non dicerentur nisi simul in hac mundi voce peccatum involueretur, cum nihil præter peccatum Deus oderit & condemnet. *Diligis enim omnia quæ sunt*, aiebat Deo Sapiens, *& nihil odisti eorum quæ fecisti*, nec enim odians aliquid constituisti aut fecisti. Solum est peccatum quod non fecit, & quod proinde solum odit cum mundum odisse dicitur.

*Joan. 18.
16. 15.
16. 17.*

Seq. 11.

27. 14.

Quod est itaque difficilius explicatu, secundum est, quomodo mundus sine mundani suum ignorent peccatum: nam vel aperte malum est & mortale; vel leue tantum & quod vocant veniale. Si mortale est, id agnoscent, non ignorabunt; si veniale est, quid tanti periculi si forte illud non agnoscant, *Delicta enim quæ intelligit?*

Respondetur primò, non hic de omnibus Mundanorum peccatis questionem esse, quorum multa certe possunt ab illis sciri quæ peccant mortalia, vel si alia leuiora non agnoscantur, non tanti refert. Sed de certo quodam peccato agitur, quo & mundani sunt, & quo ignorant se tales esse, vel peccatum esse quod tales sint.

Quapropter Respondetur secundò, sic ut plurimum fieri, quod peccatum illud sit primò tantum veniale: deinde mortale fiat actu vel habitu. Veniale tantum est in pueris, quorum affectus non circa multum grauius versari solent obiecta, nec satis habent intelligentiæ qua possint à malo bonum discernere. Sic vero etiam in ætate qualibet prouectiori, dum primò affectus se ad quidpiam prauè applicat, non est tanta plerumque applicatio ut lethalem contrahat culpam, sed nisi cum diuina gratia sibi quisque inuigilet ac reprimenda serò Concupiscentiæ vacet & studeat, *Concupiscencia*

Mult. 2.

piſcentia quaſi ignis exardeſcit, vt ait Sapiens, id eſt, ſemper creſcit, creſcendo roboratur, roborata ſanctis reſiſtit gratiæ motibus, & prauis facilius conſentit inimici ſuggeſtionibus, & in obiecta quæ occurrunt grauiora libentius ſeſe proferet, ſic tandem fit vt mortalis illa ſit culpa quæ vel nulla vel venialis tantum putaretur. Sic impudicitia, ſic ambitio, ſic auaritia, ſic odium, ſic alia vitiorum peſtes ſeſe inſinuant: vel actu vdictum eſt, quando non leuis occurrit peccandi occaſio, quæ proſecto frequenter occurrit, vel habitu ſiue in diſpoſitione animi, quando ſic eſt infecta paulatim & affecta voluntas vt occurrenti conſentiret obiecto mortalis culpæ: tunc in continuo viuít peccato quod ignorat quia verſatur circa obiecta quæ ſunt ita naturalia, ita naturæ conformia, ita delectabilia, ita vtilia, ita honorifica, ita quotidiana & domeſtica vt quam vocant ſenſationem & aduerſentiam animi non excitent. *ſub. 31. Den. 38.*
Bibitur ſubſannatio tanquam aqua, INVNDATIONES maris tanquam lac ſugunt. Mutatur præterea nomen vitij, non eſt vt putant impudicitia, ſed mutuus animorum amor; non eſt illis ambitio, ſed iuſta ſui iuris ac ſtatus retinendi cupiditas: non amant auaritiã cum pecunias ament; non dicunt eſſe odium cum vindictam reſoſcunt; ſic ſe à ſeipſo vnoſquiſque abſcondit, & ſic quod ait Propheta Oſeas: *Abſconditum peccatum eius.* Quod & paulo *oſe. vii.* ante ſic fuſius expreſſerat: *Comederunt alieni robur eius, & ipſe nefe-* *ibid. 7.*
uit: ſed & cani effuſi ſunt in eo, & ipſe ignorauit. Et factus eſt Ephraim quaſi columba ſeducita, non habens cor.

Adde quod ſi ad ſuum attentius peccatum aduerterent, cogere-
 rentur quodammodo vel illud deponere vel non conſiteri, nec
 conteri, vel non pacatè viuere, quæ cum omnino nolint, malunt
 de peccato non cogitare, ſicque ſit illa *Conſcientia cauteriata*, nec non
 illa *indolentia* ſeu inſenſibilitas animi de qua fuſe in prima parte. *Hobd. 7. pſ. 8. pſ. 139.*

Neque parùm ad id confert quod talis eſt omnium viuendi ra-
 tio, vt quod omnes faciunt, impune ſe quiſquis putet facere: nec
 ſuum vnus peccatum reputet quod eſt commune omnibus. Sic
 totus mundus in maligno poſitus eſt, vt ſuam nullus malignitatem no-
 rit, quia totius eſt mundi malignitas. Sunt quidem aliis alij mali-
 gniores, ſed maioris gradum malitiæ nullus ſibi aſcribit, nullus
 non modo dicit ſe auarum eſſe, ſed quando etiam ſe talem noſſe,
 non cenſeret hoc peccatum tam graue quàm vanitatis, immun-
 ditia vel cuiuſlibet alterius vitij, nec proinde ſe peccatorem

Rom. 7.

Ps. 68.

agnosceret, qui quod alij peccant peccare noller; quasi esset iustus in suo quisquē peccato, qui non in cæteris esset iniustus. *Sic obscuratum est insipiens cor eorum, & sic magis ac magis quod ait Pfalter, obscurantur oculi eorum ne videant, & dorsum eorum semper incurvat Deus.*

Luce. 11.
8. 16.

Iuan. 17.

Verum, quod erat tertio demonstrandum, talis obscuritas & ignorantia planè est inexcusabilis, quia quod expresse notauit sanctus Thomas, *eorum ignorantia est qua scire tenemur & possumus*, quantum enim tenemur ad æternam nostram procurandam salutem, tantum certe obligamur ad cognoscendos illius nostræ salutis hostes, & cognitos expugnandos. At quis nesciat aut quis scire non possit Mundum ex illis esse hostibus? Quis non possit scire quod tam aperte toties in Euangelio Christus docuit, declarauit, exposuit, & in toto vitæ decursu factis & exemplis confirmauit? Sic præclare sanctus Gregorius postquam quæ supra relata sunt, dixit, *Et tanto magis excusationem non possunt habere quia nesciant, quanto magis eis etiam nolentibus opponitur quod cognoscant*, sic consequenter pergit: *Vnde per Salomonem dicitur, Numquid non sapientia clamitat, & prudentia dat vocem suam? In summis excelssisque verticibus super viam in mediis stans semitis? Transire fortasse per viam vitæ temporalis, cum eius ignorantia poteramus si hac eadem Sapientia in semita angustiis constitissemus. Inuestiganda fuerat si occultari voluisset: Sed postquam Incarnationis suæ mysteria publicè ostendit; postquam humilitatis exempla superbientibus præbuit, semetipsam nobis quasi transcurrentibus in mediis semitis fixit, ut videlicet in eam quam quærere nolumus, impingamus, & quam transcentes videre negligimus, tangamus offendentes.* Quasi diceret, tam commodè possumus id euidentius scire quod nescimus, ut ipsa rerum euidentia sciendarum, sese vltro nobis objiciat, vnde si quid ignoramus, nulla ignorantia superfit causa, quàm quia scire nolumus, quæ certe causa quàm sit inexcusabilis quis non videt? *Si non venissem, inquit, peccatum non haberent, nunc autem excusationem non habent de peccato suo.*

III. P V N C T V M.

ILLUD ergo mundanis præcipuè tremendum est Christi Verbum, *In peccato vestro moriemini*: quia se in peccato esse ignorant ignorantia inexcusabili, vnde à peccato numquam absoluuntur, &

in illo propterea pereunt, ac quidquid dum viuerent excusaue-
runt, mortui tandem coguntur cognoscere quod refert Sapiens se
audiuisse, *In malignitate nostra consumpti sumus.* Mera nempe ma- Sap. 5.
lignitas sic affigi rebus caducis & non æternis: sic affixos volunta-
rie detineri ut quid peccarent non aduerterent, neque quod inde
damnum incurrerent. *Quasi bos ductus ad victimam, & quasi agnus* Pron. 7.
lasciuens, & ignorans quod ad vincula stultus trahatur, donec transfi-
gat sagitta iecur eius: velut si anis festinet ad laqueum, & nescit quod
de periculo animæ illius agitur. Sic apte Sapiens mundanum quem-
libet exprimit qui vel mulieris vel pecuniæ, vel honoris affectu
ducatur inordinato. *Via inferni domus eius, penetrantes in interiora* Ibid.
mortis, Id est, secum inuehentes certissimam mortis æternæ cau-
sam.

Peccatum illud ad mortem est pro quo non orandum dilectus admo- 1. Ican 5.
nebat Discipulus: *Voluntarium* illud peccare est pro quo iam non
relinqui hostiam sed terribilem quandam Iudicij expunctionem af- Hebr. 10.
firmabat Apostolus. Illa in Spiritum sanctum noxa inexpiabilis
est de qua Christus & nos alibi satis frequenter. Illud denique per- Matth. 12.
tinax & inueteratum vitium, illa mens *dura qua male habebit in* Pron. 28.
nonissimo, ut testatur Ecclesiasticus. Ecclesi 3.

Ex quibus certe Scripturæ locis, nemo saltem dubitare possit
quin sit aliquod peccati genus præ cæteris in quo qui viuunt pro-
cliue sit eis mori. At quodnam illud esse posset nisi cuius eos non
poeniteret? Cuius autem peccati peccatorem moriturum non
poeniteat nisi cuius non meminerit, & cuius non meminisse sit
æquè voluntarium & noxium atque ipsum perpetrasse peccatum?

Quamobrem non est diutius vniuersim probanda Veritas, sed
particulatim vnicuique modò applicanda ut videat, & sero tan-
dem agnoscat num sit ille mundanus, num sit ille inueteratus in
vitio cui tale paratum est quod nunc audiuit, exitium?

Est autem id facillimum indagare, nam vnum proponit Apo-
stolus, quod rem omnem conficiet, *Qui volunt, inquit, diuites fie-* 1. Tim. 6.
ri, incidunt in tentationem & in laqueum Diaboli, & desideria multa
inutilia & nocua qua mergunt homines in interitum & perditionem.

Iam ergo quære à teipso, Lector, quære ab Auditore Concio-
nator, num velit esse diues? Non negabis profecto, sed simul di-
ces te nolle esse cum peccato, te nolle aliquid iniuste possidere:
Tibi tantum vel tuo necessaria statui quærere; malas non esse di-

uicias. Hoc omnes scilicet dicunt, & hoc putant se dictos tutos aduersus cupiditatem diuitiarum quam hic esse *meritus & perditionis* causam docet Apostolus. At certe frustra, nam vel deciperetur & nos deciperet magnus Paulus, vel illi profecto errant. Non dubitabat quippe Apostolus quin illi omnes Christiani quibus loquebatur hoc ipsum dicerent, se nolle malo dolo & sine diuites fieri: se velle tantum quod non putant posse nolle, sibi suisque scilicet providere. Et precise tamen pronuntiat *qui volunt diuites fieri*: Quasi diceret, quidquid dicant quidquid objiciant, si diuitias appetunt cupiditate naturali quam non ratione reprimant ac diuina moderentur gratia, peribunt in illa sua cupiditate. Non id quidem putant, non id sentiunt, non id vident: At idcirco peribunt certius, quia non putant quia non sentiunt. Nam sic facilius *incident in tentationem, & in laqueos Diaboli, & in desideria illa nocua qua mergunt homines in sempiternum interitum*. Non id putant, cum id audiunt quia tum forte talis tentatio non occurrit: sed cum in media venerint negotia, cum se dabit lucri vel iacturæ occasio, cum æstus cupiditatis totum absorpserit animum, tunc illi laquei Dæmonis, tunc illa nocua desideria quæ vel inique aliena si possint rapiant, vel si non possint ardentius appetant, aut sua etiam au dius retineant, cum essent pauperibus vel debitoribus relinquenda. Quàm multis denique modis peccari potest cupiditate non repressa quæ est omnium malorum radix, tam multis peccant qui volunt diuites fieri, nisi diligentissimè sibi caueant, sibi autem non cauent qui non id timent, qui non credunt Apostolo, qui se quidem sentiunt velle diuites fieri, sed nulla inde præsentiant pericula, nulla damna, nullum interitum.

Vnde tu cum fatearis ex his esse, quid restat nisi vt simul agnoscas te ex illis censerì qui de mundo sunt qui de deorsum sunt, & quibus semel iterum ac tertio repetit Dominus, *In peccato vestro moriemini?*

Decretoria prorsus sententia est contra mundum & mundanos, contra concupiscentes inordinate diuitias vel honores vel voluptates, nam eadem triplicis huius concupiscentiæ ratio est, quantum ad infaustam quæ inde sequitur mortem. Non est quidem ratum te in tuis moriturum concupiscentiis, imo ne hoc in statu moriaris, admoneris inde emergere, inde indomitas cum gratia re frenare velle cupiditates. En vt omnes inuitat Princeps Aposto-

lorum Petrus, *Non configurati prioribus ignorantia vestra desideris*, 1. 2d, 1. *sed secundum Eum qui vocavit vos, sanctum.* At si hæc sancta continentis monita, si pergis eo semper res humanas affectui quo soles prosequi, tam verum est te male moriturum, quam certum est te aliquando moriturum.

Cur enim certum est te moriturum, nisi quia mortalis es, nisi quia naturaliter in teipso tuæ mortis habes causam? Sed quamdiu mundanus es, sic latenter habes in animo male tuæ mortis causam & radicem quæ est cupiditas non repressa. Quid ergo dispar in utraque morte? Quid in una certius, quod non in altera?

Quid sentis de malo Diuite, de illo inquam Epulone qui teste Christo sepultus est in Inferno? Nonne hunc credis in peccato *Luc. 16.* mortuum, & damnatum? Cur porro credis, nisi quia Christus dixit, nisi quia latentes erant in ipso damnationis causæ quas Christus norat? At ipse idem Christus affirmat te male moriturum qui de mundo es, qui cupiditati servis potius quam domineris: Cur non ei pariter de te loquenti credes, atque de alio? Putasne minus à Christo verè dictum quod est futurum, quam quod præteritum? Nonne saltem timeres si serio Medicus præsentem tibi mortem denuntiaret, licet ipse secus sentires? Nonne Architecto crederes, si quem tuæ domus casum prædiceret? Et certe si quid mihi à te secundum illam quam profiteris artem suggereretur, vellem etiam contra sensum meum tibi assentiri; Cur non mihi de salute tua, cur non Apostolo, cur non Christo credes? Minusne sunt illi credibiles? Minusne seriò agitur cum de sempiterno interitu agitur, quam si de temporali damno vel etiam corporali morte? *O mors*, clamabat Sapiens, *quam amara est memoria tua homini pacem habenti in substantiis suis!* *Ecclesi. 47.* O mors in peccato! quam hoc verissimè de te inelamandum! Si mori durum est, quanto magis in peccato mori! Si vel ipse infernus sine peccato posset adiri, non esset ita durus inferorum aditus, quam durum est in peccato mori! In peccato coram Christo ludice reum apparere! Reum accusari, reum iudicari, reum condemnari, reum maledici, reum expelli, reum hac sententia detrudi ad inferos, *Ita maledicte in ignem æternum!* Velle hoc audire? Velle sine mori sine Confessione, sine dolore peccati, ne hoc forte audires. At idem prorsus est velle mori cum concupiscentia quam vivendo non studueris cum gratia refrænare. *Matth. 17.*

Vide in 1. parte, Dominica 4. Adventus. In 2. Dominica Sex-
tuagesimæ. In 3. Dominica septima. In hac 4. tota Hebdomada
27. & 24.



FERIA SEXTA.

DE DVRA SERVITVTE

PECCATI.

*Amen, amen dico vobis, quia omnis qui facit pec-
catum, servus est peccati. Ioan. 8.*

VERITAS PRACTICA.

Vnde est in seruo peccati, servitus suavior; inde est
in seipsa durior.

*RATIO EST, Quia in seruo peccati suavior est servitus, quod
sit libera & voluntaria.*

Sed inde in seipsa est durior.

*Ergo & vnde est in seruo peccati suavior, inde est durior ser-
vitus. Ac proinde cauenda talis suauitas, & talis excutien-
da durities.*

I. P V N C T V M.

LOQVENTE Domino quæ præcedentibus Feriis con-
siderata sunt: Multi crediderunt in Eam, inquit Euangelista.
Dicebat ergo Iesus ad eos qui crediderant ei, Iudaos: Si vos
manferitis in sermone meo, verè Discipuli mei eritis, & cognoscetis ve-
ritatem, & veritas liberabit vos. Responderunt ei, Semen Abraha su-
mus, & nemini seruimus unquam, quomodo tu dicis, liberi eritis?

Unde est in seruo peccati, seruitus suauior, inde est durior. 239

Respondit Iesus, Amen, amen dico vobis, quia omnis qui facit peccatum, seruus est peccati.

Hic hæreamus, multæ nimirum est & fructuosissimæ considerationis ista sententia, *Multumque commendat*, vt ait sanctus Augustinus *quod eam sic Christus pronuntiat, Amen, amen dico vobis. Veritas dicit, verum dico vobis, quia mentiri omnino non potest, tamen inculcat dormientes excitans.*

Et verò quomodo qui facit peccatum sit reuera seruus peccati, tripliciter potest intelligi. Primò quia qui facit peccatum, superatus est à sua concupiscentia quæ peccatum ab Apostolo dicitur, *Rom. 7. id est, causa peccati: A quo autem quis superatus est, huius & seruus* 1. Pet. 2. *est*, inquit sanctus Petrus, & conformiter Coapostolus eius Paulus, *Cui exhibetis vos seruos ab obediendum, serui estis eius cui obeditis, sine* Rom. 6. *peccati ad mortem, siue obediitionis ad iustitiam.*

Secundo, quia quamdiu peccatum manet in anima, dominatur ei quodammodo & vires suas sic in illam exercet vt in aliud suo pondere trahat peccatum: *In malis volutetur, & de malis ad mala precipietur*, vt ait S. Augustinus.

In Enchir.

Tertio denique quia peccatum peccatorem ita tenet obnoxium æternæ morti ac poenæ, vt se inde numquam ex se solo possit eripere, vnde hic consequenter ad Iudæos Dominus, *si vos filius liberaueritis, verè liberi eritis*, Quasi diceret, non potestis aliter verè liberari. *Solus de peccato liberare potest*, inquit sanctus Augustinus *qui venit sine peccato, & factus est sacrificium pro peccato.*

*In hac orr:
ba Ioan. 8.*

Quid sit autem in hac seruitute peccati quod sit ita peccatori suauis, vt ne quidem seruitutis hoc iugum sentiat, nunc indagandum est accuratius in hanc finem practicum, vt dum agnosceimus inde potius illam esse iudicandam seruitutem durissimam & intolerabilem, tum fallaciam peccati detegamus, ac ne ij simus quibus à Propheta vix intentatur, *qui dicunt malum bonum, Is. 5. & bonum malum: ponentes tenebras lucem, & lucem tenebras: ponentes amarum in dulce, & dulce in amarum.*

Hoc vnum porrò est quo peccatori dulcis efficitur peccati seruitus, quod sit ei libera, quod sit voluntaria, quod ita peccare velit, & peccando fieri seruus, vt nollet non peccare, ac doleret non seruire. Sunt enim in hac seruitute tam aperte multa quæ quodlibet aliud graue ac molestum seruitutis genus grauitate sua superent, vt nisi esset illa differentia, quod inuiti aliam seruirent

seruitutem, hanc vero voluntarij seruiant, planè pueret eos vel ipsius nominis seruitutis.

Propone tibi compedes, vincula, remiges & quidquid arctior seruitutis iugo nobilem & Ingenuum potest addicere: nihil videbis terrius, nihil strictius, & vno Verbo nihil vere seruilius & abjectius quàm peccatorem suæ libidini seruientem.

Triplex ad Caput malorum quiddam tota seruilis condicio patitur, referri potest: Primò seruus non facit quæ vellet. Secundo, quæ nolle facit & patitur. Tertio, tamdiu & tanta patitur ab eo Domino cui se non à natura sed à fortuna subiectum videt. Hæc sunt sanè dira, sed in peccatore dirissima. Nam primò seruus peccati peccato implicatus non facit bonum quod sæpe à Conscientia monetur facere; & quò erat ante peccatū Conscientia religiosior, eò post stimulum acrior, eò status animi calamitosior cum hinc ad bonum trahitur, inde retrahitur: quo certe cruciatus caret quiuus alius seruus qui licet non omne quod vellet agat, potest tamen si velit semper bene agere, semper Deum diligere, semper pati propter ipsum, quod est bonorum optimum.

Deinde vero seruus peccati quàm longe multa præ aliis quæ nolle patitur! Quanti metus, quanti angores, quanti stimuli, quantæ angustiae! Vel ab omni generatim peccato, vel partim, latim à singulis, à superbia quæ suum vermem habet, ab inuidia, luxuria, gula, ira, pigritia & auaritia quibus singulatim vitiis annexæ sunt suæ pungentes spinæ, suæ mordaces curæ, suæ furæ subsequentes, quas quiuus alius non sentiet qui peccato non seruiet.

Denique vel vni tantum seruus seruit Domino, vel non vbique; vel non semper, vel solis duntaxat hominibus à quorum statu non multum distare potest cum sit ipse homo. Sed peccator tot seruit Dominis quot vitiis, vbique & semper suæ seruit libidini, vel si non semper, hinc grauius dolet! *O miserabilis seruus*, inquit sanctus Augustinus, *seruus hominis aliquando Domini duris imperiis fatigatus fugiendo requiescit; seruus peccati quo fugiat? Secum se trahit quocumque fugerit, peccatum enim intus est; voluptas transit qua delectabatur, remansit peccatum quod pungat.* Quinam vero sunt Domini quibus seruit, quàm abjecti, quàm viles, quàm longe ab hominibus Christiani dignitate distantes, nempe appetitus naturales, quibus se bestiis similem facit, quibus se Dæmoni subiecit, quibus se infra

Unde est in seruo peccati, seruus suauior, inde est durior. 241

se infra ipsum peccatum quo nihil detestabilius, se tamen infra supponit qui peccato seruit, quia Domino seruus est inferior; Potestne cœlum intueri parem seruitutem, qua carui Spiritus subijcitur, Ratio concupiscentiæ, Deus mundo, Christus Dæmoni, & momento Æternitas!

Possérne vero tam miserandam homo pati seruitutem nisi quia sic libera & voluntaria est, & hac vna libertate possessus, & velut ebrius mala illa non sentiat, & esse *sub sensibus delicias computes*, Job. 30. vt est in libro Job? Sic illos Sapiens sese mutuis acuentes vocibus ad laxandos libertati frânos inducit: *Venite fruamur bonis quæ sunt*, Sap. 2, & *viuamur creatura tamquam in iuuentute celeriter: vino pretioso & vnguentis nos impleamus, & non prætreat nos flos temporis. Coronemus nos rosas antequam marcescant, nullum pratum sit quod non pertranseat luxuria nostra, vbique relinquamus signa lætitiæ.*

Hæc & plura quæ habentur cogitauerunt & errauerunt, excacauit enim illos malitia eorum. Aptè profecto excacati dicuntur quia non vident vincula quibus se implicant, & quod sibi iugum imponunt.

IL P V N C T V M.

SED inde in seipsa est durior seruus, quod sit ita libera & voluntaria.

Nam sic reipsa, coram Deo & in effectu dedecorosa est seruus, infamis est & damnosa, vt expresse sanctus Gregorius, *quanto aliquis liberius peragis quæ vult, tanto iniquitatis seruicio obnoxius obligatur*. Quod quidem tripliciter intelligi potest. Primo sicut qui milles vel alius subditus vltro & sponte à suo vero Domino deficeret, & se in seruum & captiuum dederet hostibus; Nonne illa seruus & captiuitas tantò esset magis injuriosa Domino, & tantò magis damnanda, quanto esset libera & spontanea? Nam si casu fortuito vel iure belli sic captus esset miles, tolerari posset; at cum se vltro dedit, nulla vrgente necessitate, nullis pressus angustiis sed sola voluptate illicitus vel mera voluntate transeundi ad aliena castra: Tunc manifesta defectio est, tunc mera rebellio, & infame crimen prodicionis. Quod quidem tanto est probrosius, quanto est longius dignitatis interuallum inter suum verum Dominum à quo deficit, & alium cui se vltro mancipat.

4. Pars.

H b

Sic plane ratiocinandum est de seruitute peccati quæ quanto est liberior & magis voluntaria, tanto est magis odiosa Deo & hominibus, quia sic proprie se peccator à Deo subtrahit, & suo vero Domino sic grauem infert injuriam, cum neque aliter peccatum, nec offensa Dei, nec animæ damnum in adultis incuratur quàm per voluntatem seu voluntariam consensionem in actum qui culpæ & peccati dicitur. *Confundetur Israel in voluntate sua.* Id est, hæc eius confutionis causa quòd seruire peccato voluerit: hoc est quod ipsam proprie seruitutem peccati facit quod confundatur Ratio cum appetitu, quod spiritus carni subdatur, quod infimo cedat supremum; & inde est quod erubescat seruus peccati & rubore confundatur, quia sic voluntate sua confundere quæ in se Suprema erant & Diuina cum infimis & terrenis.

Secundo sic intelligi potest voluntariam seruitutem esse in seipsa durior, quatenus sic omni miseratione prorsus indigna est, & inde multo magis miserior. Nam sicut in aduersis multum consolatur afflictos qui se illorum miseriæ miseratione commotum indicat; sic augetur & duplicatur quodammodo miseria quando miseri nullum miseret. Hoc autem accidit cum miseria est voluntaria; tunc in voluntarium sua retorquetur miseria; cur sic voluerit, cur se miserum fecerit. *Quis miserebitur incantatori à serpente percusso, & omnibus qui appropriant bestiis?* Vnde & aliud sequitur damnum, quòd cum misratio sit exhibendæ causa misericordiæ, nec non subsidij deferendi; si nulla est misratio, nulla erit misero misericordia, nullum subsidium deferetur; sicque ad extremam deuoluetur inopiam. O verè duram ac miseram, hoc tali sensu, voluntariam peccati seruitutem!

Certe quando se infirmitate naturæ captiuum in peccati legem desset Apostolus, non est dubium quin humanam in se simul & Diuinam exciter miserationem & misericordiam; sed cum vltro peccator, se peccati lege implicat, cum se voluntario peccati actu, peccati legibus reddit obnoxium, quis tum eius ita miseretur qui nec ipse suam nosse velit miseriam, nec alienam imploret misericordiam, imò tum se beatum & foelicem prædicet? *Non est iste sermo qui misericordiam pronocat, sed potius qui iram excitet, & furorem accendat.* Sic præclare Iudith suis Bethulicis quæ se ac ciuitatem hostibus dedere præfistabant.

Tertio denique, quò magis est voluntaria peccati seruitus, eo

Unde est in sermo peccati, seruitus suauior, inde est durior. 243

magis est firma, magis robusta, magis diuturna; nam illa voluntaria summisione sic fouetur & sustentatur seruitus, vt vix post vnquam possit deponi. Quod certe quam sit durum & per se patet, & in se nimis expertum hunc deplorat sanctus Augustinus: *Suspirabam, inquit, ligatus non ferro alieno, sed mea ferrea voluntate.* l. 3. Conf.
Velle meum tenebat inimicus, & inde mihi catenam fecerat, & con- fess.
strinxerat me. Quippe ex voluntate perversa, facta est libido: & dum
seruitur libidini, facta est consuetudo, & dum consuetudini non resisti-
tur facta est necessitas; quibus quasi ansulis quibusdam sibi innoxis,
unde catenam appellauit, tenebas me obstrictum dura seruitus. Voluntas
autem nona que mihi esse caperat, vt te gratis colerem, fruique te vel-
lem, Deus sola certa iucunditas, nondum eras idonea ad superandam
priorem vetustate roboratam. Ita dua voluntates mea, vna vetus, alia
nova, illa carnalis, ista spiritalis constigebant inter se, atque discordando
dissipabant animam meam. Sic intelligebam meo experimento id quod
legeram, quomodo raro concupisceret aduersus Spiritum, & Spiritus ad-
uersus carnem. Ego quidem in viroque sed magis ego in eo quod in me
approbaram, quam in eo quod in me improbam. Ibi enim magis iam
non ega quia ex magna parte id patiebar inuitus quod faciebam vol-
ens. Sed tamen consuetudo aduersus me pugnatio ex me facta erat.
QVONIAM VOLENS QVO NOLLENS PERVE-
NERAM.

Videsne seruitutis duritiem? Videsne causam à voluntate profectam?

III. PUNCTVM.

VND^E est igitur in sermo peccati seruitus suauior, inde est durior. Nempe à libera voluntate qua fit vt quidquid volumus licet in se amarum & durum sit, nobis tamen dulcescat & suauē fiat; Sed tantum abest vt sic desinat in se amara & dura esse peccati seruitus, quin hoc ipso potius quò sic libere & voluntarie se illi peccator addicit; magis amara fiat, & magis dura seruitus; quia strictius suum sibi seruum ligat, & ligatum torquet crudelius; nam si postea se hac seruitute peccator eximere voluerit, mirum quantum ex seipso crucietur. Tunc enim volet & noler, tunc placebit peccatum & displicebit; tunc ira fiet amara iucunditas, vt quia iucunditas est, semper ametur: quia verò

Hh ij

amara est sic semper amari doceat. Qua sibi oppositi & contradicentis animi repugnantia quid amarius, quid crudelius?

Hinc Sapiens factus etiam seipso Sapientior, & factus Ecclesiastes siue Concionator, qui suo nos erudiret exemplo, postquam se mancipium fecit voluptatis, & in voluntariam mulierum seruitutem se nimis abjecte constrinxit, quam amarum id senserit quod suae prius ducebat, sic praeclare docet: *Lustraui vniuersam animo meo ut scirem & considerarem, & quarerem Sapientiam & rationem: & ut cognoscerem impietatem stulti, & errorem imprudentium: & inveni amariorem morte mulierem, qua laqueus venatorum est, & sigena cor eius. Vincula sunt manus illius: qui placet Deo, effugiet illam, qui autem peccator est capietur ab illa.*

Ecclesi. 7.

Poteratne dici aptius aliquid non modo ad propositam Veritatis intelligentiam, sed quod est Caput, ad accuratam eius Praxim? Sic enim non modo cauendum discimus peccatum quodlibet, ne in hanc miseram deuoluamur seruitutem, sed quo id modo caueamus edocemur, nempe sicut laqueos, sicut decipulam, sicut fallaciam, sicut paratos dolos.

Relat. 5.

Sic sanctus egregie Chrysostomus: *Etenim multa nobis munitione opus est: quia multa sunt undique insidia, sicut ipse Salomon rursus sic admonens dicebat: Agnosce quod in medio laqueorum transis, & super propugnaculis urbium ambulas. Papa! quot bonorum plenum est hoc verbum, nec minus quam superius. Ipsum igitur in mente quisque nostra scribamus, & semper in memoria circumferamus, & non peccabimus facile. Inscribebamus prius ipsum cum omni diligentia discentes. Non enim dixit: Aspice quod in medio laqueorum pertransis, sed, agnosce. Et quare dixit, agnosce? Obumbratus est, inquit, laqueus: hoc enim laqueus est quando non aperte mors apparet, neque manifesta clades, sed undique obiecta adiacet: propterea dixit, agnosce. Multa tibi opus est consideratione, & diligenti scrutatione. Sicut enim pueri terra laqueos, sic Diabolus vita voluptatibus peccata circumtexit. Et post multa quae particulatim profequitur, in quibus sub illecebra lucris vel voluptatis cauendum est peccatum & peccati damnum, sic pergit. *Quam igitur veniam habebimus, quam verò defensionem, cum bruti sumus demeriores? Auicula namque semel capta laqueo, mox elapsa, & cernus in rete decidens & effugiens, iisdem iterum difficile capiuntur: nam cuique sit experientia cautela magistra. Nos sapius iisdem capti, in eadem cadimus: neque brutorum prouidentiam & sollicitudinem nos ratione de-**

Unde est inferno peccati, seruitus suauior; imò est diuor. 247

corati imitatur. Sapius quippe mulierem conspiciat, innumera passi sumus graua, domum concepta reuersi cupiditate, & multis dolore diebus confecti: veruntamen non corrigimur, sed vix priore curato vulnere, rursus in eadem labimur, & ab iisdem expugnamur, & propter breuem visus voluptatem, diuturnum quendam & continuum dolorem sustinemus. Sed si continuè nobis hoc repetere dictum didicerimus, omnibus malis abstinemus. Laqueus maximus mulieris forma: imò verò non mulieris forma, sed lasciuus aspectus. Non enim res calumniemur: sed nos & nostrum torporem. Neque dicamus, ne sint mulieres: sed, ne sint adulteria: neque dicamus, ne sit pulchritudo, sed, ne sit fornicatio, neque dicamus, ne sit venter: sed, non sit crapula: non enim venter crapulam facit, sed negligentia nostra.

Vide Paulinam ad Galatas c. 4. & 5. Vbi fusa de seruitute legis Moisaicæ non ferenda, multoque minus de seruitute peccati. *State Gal. 5. & nolite iterum iugo seruitutis contineri. Nec omittendus Diuus Gregorius qui totum opportune discursum his concludet Verbis: Omnis qui peccat seruus est peccati, quia nimirum si quis se prauo desiderio subiicit, iniquitatis dominio dudum, libera mentis colla supponit. Sed huic dominio contradicimus cum iniquitati qua nos caperat, reluctamur, cum consuetudini violenter resistimus, & desideria peruersa calcantes, contra hanc, ins nobis libertatis ingenua vendicamus.*

Videri etiam debet in 2. parte, Sabbatum sanctum, vbi hæc declaratur Veritas:

Nemo liberior quam qui minus est liber.

Et in hac 4. parte, Feria 4. & 5. Hebdomadæ 24.



SABBATO.

DE CHRISTO A NOBIS

ETIAM MAGIS INHONORATO

QUAM HONORATO.

Et vos inhonorastis me! Ioan. 8.

amara est sic semper amari doleat. Qua sibi oppositi & contradicentis animi repugnantia quid amarior, quid crudelius?

Hinc Sapiens tactus etiam seipso Sapientior, & factus Ecclesiastes siue Concionator, qui suo nos erudiret exemplo, postquam se mancipium fecit voluptatis, & in voluntariam mulierum seruitutem se nimis abjecte constrinxit, quam amarum id senserit quod suauis prius ducebat, sic præclare docet: *Lustraui uniuersa animo meo ut scirem & considerarem, & quærerem Sapientiam & rationem: & ut cognoscerem impietatem stulti, & errorem imprudentium: & inueni amariorem morte mulierem, qua laqueus venatorum est, & sagena cor eius. Vincula sunt manus illius; qui placet Deo, effugiet illam, qui autem peccator est capietur ab illa.*

Poteratne dici aptius aliquid non modo ad propositæ Veritatis intelligentiam, sed quod est Caput, ad accuratam eius Praxim? Sic enim non modo cauendum discimus peccatum quodlibet, ne in hanc miseram deuoluamur seruitutem, sed quo id modo caueamus edocemur, nempe sicut laqueos, sicut decipulam, sicut fallaciam, sicut paratos dolos.

Sic sanctus egregie Chrysostomus: *Etenim multa nobis munitione opus est: quia multa sunt undique insidia, sicut ipse Salomon rursum sic admonens dicebat: Agnosce quod in medio laqueorum transis, & super propugnaculis urbium ambulas. Papa! quot honorum plenum est hoc verbum, nec minus quam superius. Ipsam igitur in mente quisque nostra scribamus, & semper in memoria circumferamus, & non peccabimus facile. Inscribebamus prius ipsum cum omni diligentia discantes. Non enim dixit: Aspicere quod in medio laqueorum pertransis, sed, agnosce. Et quare dixit, agnosce? Obumbratus est, inquit, laqueus: hoc enim laqueus est quando non aperte mors apparet, neque manifesta clades, sed undique obiecta adiacet: propterea dixit, agnosce. Multa tibi opus est consideratione, & diligenti scrutatione. Sicut enim pueri terra laqueos, sic Diabolus vita voluptatibus peccata circumtexit. Et post multa quæ particulatim prosequitur, in quibus sub illecebra lucris vel voluptatis cauendum est peccatum & peccati damnum, sic pergit. Quam igitur veniam habebimus, quam verò defensionem, cum brutis simus dementiores? Auicula namque semel capta laqueo, mox elapsa, & cernus in rete decidens & effugiens, iisdem iterum difficile capiuntur: nam cuique fit experientia cautela magistra. Nos sapius iisdem capti, in eadem cadimus: neque brutorum prouidentiam & sollicitudinem nos ratione de-*

Unde est in seruo peccati, seruitus suauior; imò est durior. 245

corati imitatur. Sapius quippe mulierem conspicati, innumera passi sumus graua, domum concepta reuersi cupiditate, & multis dolore diebus confecti: veruntamen non corrigimur, sed vix priore curato vulnere, rursus in eadem labimur, & ab iisdem expugnamur, & propter breuem visus voluptatem, diuturnum quendam & continuum dolorem sustinemus. Sed si continuè nobis hoc repetere dictum didicerimus, omnibus malis abstinebimus. Laqueus maximus mulieris forma: imò verò non mulieris forma, sed lasciuus aspectus. Non enim res calumniemur: sed nos & nostrum torporem. Neque dicamus, ne sint mulieres: sed, ne sint adulteria: neque dicamus, ne sit pulchritudo, sed, ne sit fornicatio, neque dicamus, ne sit venter: sed, non sit crapula: non enim venter crapulam facit, sed negligentia nostra.

Vide Paulinam ad Galatas c. 4. & 5. Vbi fuse de seruitute legis Mosaicæ non ferenda, multòque minus de seruitute peccati. *State Gal. 5.* & nolite iterum iugo seruitutis contineri. Nec omittendus Diuus Gregorius qui totum opportune discursum his concludet Verbis: Omnis qui peccat seruus est peccati, quia nimirum si quis se prauo desiderio subiicit, iniquitatis dominio dudum, libera mentis colla supponit. Sed huic dominio contradicimus cum iniquitati qua nos exerat, reluctamur, cum consuetudini violenter resistimus, & desideria peruersa calcantes, contra hanc, ins nobis libertatis ingenua vendicamus. *L. 4. cap. 3.*

Videri etiam debet in 2. parte, Sabbatum sanctum, vbi hæc declaratur Veritas:

Nemo liberior quam qui minus est liber.

Et in hac 4. parte, Feria 4. & 5. Hebdomadæ 24.



SABBATO.
DE CHRISTO A NOBIS
ETIAM MAGIS INHONORATO
QUAM HONORATO.

Et vos inhonorastis me: Ioan. 8.

VERITAS PRACTICA.

Si cum nostris vitiis nostræ virtutes comparentur, plus nostris vitiis inhonoratur Dominus, quàm nostris virtutibus honoretur.

RATIO hæc est inter alias, quod nostra vitia sint magis mera vitia quàm sint nostræ mere virtutes.

Sed meris vitiis magis inhonoratur Dominus, quàm his honoretur virtutibus quæ non sunt mere virtutes.

Ergo & certa Veritas, & ad fugam vitiorum, ac virtutum praxim peropportuna.

I. P V N C T V M.

547. 2.

QUOD se facturos impij contra Iustum in libro Sapientiæ iactabant: *Contumelia & tormento interrogemus eum, ut sciamus reverentiam eius, & probemus patientiam illius*: hoc in Euangelico apparet textu, Iudæos contra Dominum cumulatè præstitisse. Quid enim gravius ad contumeliam & tormentum quam quod illi audent oblatrare: *Nonne benedicimus nos quia Samaritanus es tu, & Daemonium habes?* Quid vero mitius quam quod respondet Dominus: *Ego Daemonium non habeo, sed honorifico Patrem meum, & vos inhonorastis me.* Quam Christi patientiam & mansuetudinem sic apte declarat sanctus Chrysostomus: *Vbi oportebat Dominum eos docere, & contra eorum superbiam inuehi, asper erat: vbi vero exprobrantes sufferre, multa mansuetudine utebatur, ut scilicet disceremus quæ ad Deum pertinent vindicare; quæ vero ad nos, despicere.* Sic & sanctus Gregorius; *Ecce iniuriam suscipiens Deus, non contumeliosa verba respondet: cum à proximis contumeliam accipis, etiam eorum vera mala tacere debes, ne ministerium iustæ correptionis in arma ventatur furoris.* Quasi diceret, caue iram dum arguis proximum, ne sit ira tua gravius malum, quam bonum esset tunc peccantem arguere, neue plus tuo Christum inhonores vitio, quam virtute honores. Sic enim est, nisi diligenter aduertamus, non solum quando zelus in iram transit, sed vniuersim, *Si cum vitiis nostris*

nostra virtutes comparentur, plus nostris vitiis in honore Domini quam virtutibus honoretur: Quod sane est non leuiter expendendum. Et cum multis posset demonstrari rationibus, tum hæc videtur commodior, quod si diligenter nostra discutiamus opera, siue quæ mala sunt, siue quæ dicuntur bona, reperiemus vere dictum à sancto quodam viro, Nostra bona, nec esse mere nostra, nec mere bona; Nostra autem mala, & mere esse nostra & mere mala.

De primo quidem pater ex fide, quantum ad illam partem qua nostra dicuntur bona, non esse mere nostra, nam plus gratiæ debentur sine qua nihil quidquam possumus, quam nostræ cuiusquam operæ. *Non enim sufficientes sumus ex nobis tanquam ex nobis aliquid cogitare, sed nostra sufficientia ex Deo est;* Vnde cum Prophetæ debemus omnes id profiteri, *omnia opera nostra operatus es nobis,* *1. Cor. 3.* *16.*

Quoad alteram vero partem, quod non sint merè bona propter imperfectam quam adhibemus operam, sic compertum hoc habuit & testatum reliquit Diuus Hieronymus, vt sæpe dixerit, *quod maxima & tota nostra perfectio sit imperfectionis nostra cognitio.* Vide in 3. parte, Dominica 7. vbi hæc habetur Veritas:

Qua ratione fit vt plures dici possint malæ quam bonæ arbores, eadem prorsus fiet, ni caueas, vt mala potius quam bona sis arbor.

Hæc autem ratio est quod idcirco plures dici possint malæ quam bonæ arbores quia cum bonum sit ex integra causa, malum autem ex quouis defectu, facilius est in opere reperiri defectum quam integram causam. Neque enim solum si desit aliqua ex quatuor quæ ibi recensentur causæ necessariae ad bonum aliquod opus, bonum esse opus desinet, sed tametsi omnes adessent causæ, cum & ipsæ suos habere possint nõuos, tot erunt in opere bono defectus, quot erunt in sua integritate Boni, deficientes causæ; quod quàm sit multis commune satis hæc probant Scripturæ Verba, *Non est qui faciat bonum, non est usque ad vnum,* id est, tam pauci sunt vt vix vnus coram Deo censeatur: quod & alibi, stupendo refertur dicendi modo: *Et facti sumus,* inquit Isaias, *vt immundus omnes nos, & quasi pannus menstruatus, vniuersa Iustitia nostra: & cecidimus quasi folium vniuersi, & iniquitates nostra quasi ventus abstulerunt nos.* Id est, quasi nihil boni nobis restaret, quocum possemus presentari Deo. *1. Cor. 3.* *16.*

apoc. 3. Nonne hoc ipsum est quod vni ex illis Angelicis viris dicitur; *Scia opera tua quia nomen habes quod viuas & mortuus es. Esto vigilans, & confirma cetera quae meritura erant: Non enim inueni opera tua plena coram Deo, meo. Pauenda sane verba.*

In Ps. 79. Iam vero secus plane habet de nostris vitiis quae merè nostra sunt & merè vitia. Nam primo quantumcumque nos ad illa Demon impellat, & quaecumque nobis à mundo proponantur illecebrae, sola nostra culpa est, solum est nostrum vitium. Quod sic egregie sanctus Augustinus de peccatore culpam à se in aliud transferente: *Ad manum, inquit, Satanam habet quem accuset. Satanam fecit, dicit, ipse mihi persuasit, quasi Satanam habeat potestatem cogendi. Astutiam suadendi habet: Sed si Satanam loqueretur, & taceret Deus, haberes unde te excusares: modo aures tuae posita sunt inter monentem Deum & suggerentem serpentem: quare huc flectuntur, hinc auertuntur? Non cessat Satanam suadere malum, sed nec Deus cessat suadere bonum. Satanam autem non cogit innitum: IN TVA POTESTATE EST CONSENTIRE, AUT NON CONSENTIRE.* Tum paucis interiectis: *Deinde multi non accusant Satanam, sed accusant fatum. Fatum meum me duxit, dicit. Quaris ab illo quid sit fatum, & dicit, stella mala. Quaris ab illo quis fecit stellas, quis ordinavit stellas? Non habet quid tibi respondeat nisi Deus. Restat ergo ut siue per transfennam, siue per cannam longam, siue per proximum, Deum accuset: & cum Deus puniat peccata, Deum facit authorem peccatorum suorum. Non potest enim fieri ut puniat quod fecit. Punit quod facis ut liberet quod fecit. Aliquando autem missi omnibus omnino directe eunt in Deum, & quando peccant, dicunt, Deus hoc voluit: & si nollet Deus, non peccarem. Ergone ad hoc monet Deus, ut non audiat ut non pecces, sed accusetur quia peccas?*

Ps. 79.
In Ps. 38. Hæc ad verbum sanctus ille Doctor qui & aliud quod hic restat explanandum, nempe vitia nostra merè esse vitia, sic paucis quidem sed aptis exponit verbis dum quae à Psalte Regio dicuntur *insensa igni & effossa quae à facie Dei peribunt*, ait esse peccata, quae sicut omnino pereunt à facie Dei, nihilque prorsus ex illis restat quod non succendatur vel effodiatur, sic aliud in illis plane non est quam merum malum, nam si quid aliud esset non periret sed feruaretur, at vero tota pereunt: *Succensa, inquit, igni sunt quae facit male ardens cupiditas, & effossa sunt quae facit male iacens timiditas. Hinc enim peccata omnia aut cupiendo, aut timendo. Quasi diceret, sicut inde peccata sunt omnia, quod quis vel male cupiat vel male timeat,*

meat, ita cum quis male cupit aut tinet, omne id peccatum est, & merum vitium; licet res in se quam cupit non sit mala, licet non malo, vel etiam bono fine quid cupiat, si quid tamen inordinare, si diuitias si honorē si voluptates ardentius cupiat, cupiditas ista vitium est, & merum vitium quod nihil boni contrahit ex quouis adjuncto bono, cum vt supra dictum est, nil sit bonum nisi ex integra causa, malum vero ex quouis defectu, nec si fiant mala vt bona eueniant, mala vniquam esse desinent, vt habetur expresse declaratum in 1. parte, Die 2. Ianuarij.

II. P V N C T V M.

SED meris vitiis magis inhonoratur Dominus, quam his honoratur virtutibus quae non sunt merae virtutes:

Nam quod dicitur simpliciter fieri, magis dicitur fieri quam quod vocant, secundum quid. Simpliciter enim fieri perinde est ac totaliter, omnino, & ex toto fieri: Secundum quid vera, quod ex aliquali tantum parte fit: vnde quantum à parte totum differt, seu quanto est majus totum sua parte, tanto magis dicitur fieri quod fit simpliciter & ex toto, quam quod secundum quid & ex parte: ac propterea in Scripturis idem est ex simplici vel ex toto aliquid corde fieri.

Sic autem meris vitiis inhonoratur Dominus vt simpliciter & omnino illis inhonoretur, nec sit quidquam in vitio quo non inhonoretur, cum alioquin non esset merum vitium, si quid in illo esset quo coleretur Dominus: aut dicendum esset esse aliquid in vitio quod placeret Deo, quia quid scelestius blasphemia cogitur? Nam similiter odio sunt Deo impius, & impietas eius. Vt ait Sap. 140 Sapiens.

Quemcumque porro virtutes, quae meræ non sunt virtutes, honorem Domino deferre videantur; aut nullus reuera est ille honor, aut ex parte tantum est, sicut ipsae virtutes, ex parte tantum sunt & non totae Virtutes. Cum enim non sint meræ seu puræ Virtutes, profecto simul cum illis oportet aliquid aliud esse permixtum quod non sit virtus sed vitium, sicut si aurum vel argentum non esset purum, quod alio infuscaretur metallo, sic plane non est pura humilitas, quia non nihil habet superbiae: non est mera mansuetudo, quia nonnullas simul habet inordinatas commotiones

animi. Non est simplex Charitas, quia quærit quæ sua sunt, & sic de cæteris: Unde illud aperte patet quod qua parte virtutes à perfecta virtute deficiunt in oppositum sibi vitium, eadem prorsus deficiunt ab honorando Domino, qui tanto minus à virtute honoratur, quanto minus estimetur virtus, & quanto magis habet oppositi vitij. *Quæ enim participatio Iustitiæ cum iniquitate? aut quæ societas luci ad tenebras? propter quod separamini dicis Dominus, & immundum ne tetigeritis.* Nonne olim propterea cum quid offerendum Deo esset, tam singulariter commendabatur, nihil ut vlla esset parte mancum, vel mutilum vel maculatum vel non integrum, ut nihil potius offerendum esset, quam non esset sanum & integrum quod offerretur? *Si maculam, inquit, habueris non offeretis, neque eris acceptabile.* Homo qui obtuleris victimam; immaculatum offeret ut acceptabile sit: omnis macula non erit in eo.

2. Cor. 6.

Levit. 22.

Lev. 5.

O quàm vere dictum à Propheta de bonis non tantum temporalibus, sed multo magis de spiritualibus: *Iniquitates vestrae declinaverunt hæc, & peccata vestra prohibuerunt bonum à vobis.* Quid enim nobis melius quàm si à nobis Dominus virtute coleretur? Quid autem hoc bonum impedit quàm vitia quæ se virtutibus inserunt?

III. P V N C T V M.

SI cum nostris igitur vitiis nostra virtutes comparentur, plus nostris vitiis inhonoratur Dominus, quàm nostris virtutibus honoretur. Quia quod Dominum inhonorat, merum est vitium, merum est malum, merum est dedecus: Quod autem illum honorat, non est mera virtus. Non est honoris sincera species, non est quam puram & simplicem vocamus obseruantium. *Magis honorasti filios tuos quàm me?*

2. Reg. 1.

Honorabat certe Dominum multis virtutibus Heli Sacerdos cui sic Dominus loquitur, sed quia naturali quodam vitio nimis indulgebat suis filiis, tanto minus honorare Dominum dicitur quanto magis colebat filios, quin & suo illo vitio magis inhonorabat Deum quàm suis illius virtutibus honoraret; nam in consequenti sermonis textu non modo se Deus minus honoratum conqueritur, sed & contemptum asserit dicens: *Quicumque glorificaueris me, glorificabo eum; qui autem contemnunt me, erunt ignobiles.*

Quæ quidem omnia plurimum confirmantur hoc vulgari dis-

curfu: Quando de honore reddito vel negato agitur, seu quod idem est, quando de grauitate vel leuitate iniuriæ circa honorem illatæ quæstio proponitur, spectanda est maxime ratio seu condicio Personarum quæ reddunt aut recipiunt honorem vel iniuriam. Quanta est enim vnius ab altera personæ distantia, tantum esse honoris vel iniuriæ reputatur incrementum vel decrementum; opposito tamen in vtriusque modo. Nam quanto est inferior persona quæ alteri defert honorem, tanto inde magis decrescit honor; cum è contra tanto magis crescat iniuria, quanto est persona inferior quæ iniuriam infert: nec certe liceret seruo suum iisdem verbis compellere Dominum quibus Domino suum licet vrgere seruum; aut profecto non esset par vtriusque iniuria.

Quibus ita propositis, sicut nemo nescit quanta sit inter Deum & hominem distantia, sic plane omnibus patet quantum hinc decrescat honor qui à nobis tanto intervallo inferioribus per virtutes exhibetur Deo tam potenti, tam excelso, tam glorioso: Contra vero quantum inde crescat quæ à nostris iniuria vitiis tantæ infertur Majestati: Vnde licet ex æquo cum meritis nostris vitiis meræ nostræ virtutes essent, tamen ex longo illo quod interest inter Creatorem & creaturam intervallo, numquam posset nostra virtus tantum honoris asferre Deo, quantum nostris auferretur vitiis: Quotò id ergo verius, & quanto id magis deplorandum cum Virtutes nostræ non sint ita virtutes, neque ita nostræ, sicut nostra sunt & mera vitia?

Quid, quod probatissimi docent Authores tantam esse vel vnius peccati lethiferi malignitatem, vt in Lance diuini Iudicij posita præponderet omnibus omnino virtutum actibus, ac quibusuis Sanctorum omnium bonis operibus, propter allatam scilicet rationem, quod quidquid pura possit in honorem Dei creatura præstare, non tanti possit fieri, quanti quod contra eius honorem ipsa peccet creatura. *Quid enim mirum, inquit, si creatura Creatorem colat? sed quod ipsum offendat; hoc est quod ipsi obstupescans cæli! Numquid & seruo suo Princeps multum debebit si ab illo colatur? et si forte contemnatur, & ab illo præsertim quem singularibus sibi demereri volebat beneficiis, potestne quidquam accidere Principi grauius?*


Sic Lessius, sic Salianus citatis locis & alij quorum sententiæ sic nostram corroborat Veritatem, vt si tamen eorum deesset sententia

*Sal. 11. de
sim. Da L.
h. c. 10.*

tia, non desineret nostra Veritas, quæ non tantum ex varia qualitate personarum comprobatur, sed multo magis ex disparitate virtutum cum vitiis, unde illud ad profectum accedat facilius ut qui humanam nostram naturam non possumus nec debemus cum diuina cœquare, de nostris potius adaugendis virtutibus, & diminuendis vitiis cogitemus, ut si forte virtutes non superent vitia, ne à vitiis saltem superentur, neque nobis vniquam possit obijci quod quam mera sunt nostra vitia non sint tam meræ nobis virtutes. *Non in fermento veteri, neque in fermento malitia & nequitia :*

L. Cor. 7. sed in azymis sinceritatis & Veritatis.





DOMINICA XX. POST PENTECOSTEN.

DE FILIO CVIVSDAM
REGVLI SANATO A CHRISTO
DOMINO.

*Erat quidam Regulus cuius filius infirmabatur Ca-
pharnaum. Ioan. 4.*

VERITAS PRACTICA.


Potentes potenter tormenta patientur : & Fortioribus
fortior instat cruciatio. Sap. 6.

*RATIO quæ de presenti etiam vita Veritatem probat , hæc est
quod illis fortior instet cruciatio qui minus parati sunt ad illam
subeundam.*

*Sed Fortiores prout hæc intelliguntur , minus parati sunt ad crucia-
tionem subeundam.*

*Ergo & fortioribus fortior instat cruciatio : quibus propterea dili-
gentius prospiciendum est.*

I. P V N C T V M.



QVALISNAM certò hic esset Regulus cuius filius infirmabatur, non constat apud Authores: quia vox illa *Regulus* variis sumitur significatis. Primo enim dici posset Virum fuisse nobilem qui potentia, diuitiis, magnificentia, vel quibuscumque nobilitatis insignibus se præstantem redderet & eximium. Nam Græci tales vocant regios seu regales & regulos, id est, insignes & illustres.

Secundo non est minus probabile quod alij volunt sic dictum Regulum quasi regium, seu quasi aulicum & palatinum, quod de familia esset Herodis Regis Galilææ.

Tertio denique quod plures sentiunt, Regulus idem est ac Dynasta seu serenus Princeps ac supremus Dominus cuiusdam oppidi circa partes illas Galilææ, ubi tunc erat Dominus.

Quidquid sit, non est dubium quin aliquo nobilitatis & potentia nomine, suos inter, illustrius emereret. At numquid propterea præsentis vitæ molestiis careat? Ingredere domum eius, intueri iacentem in lecto filium, maligna febris correptum, lethali quæ iam tabo fatiscenstem. Vide ut nihil artis medicæ proferat infirmo. Circumspice quaquaversum ut domi perstrepunt omnia, quo moreore Pater, quibus Mater lamentis sese conficiat, qui ceteros teneat paucos domesticos! Estne hoc carere molestiis, an abundare? Non est, non est mundi potentia, mundi malis exempta, sed potius, *Qui potentes in eo sunt potenter tormenta patientur, & fortioribus fortior instat cruciatio*, Quæ sunt Verba Sapientis seu Divinæ ipsius Sapientiæ, cuius est illa insignis quæ sexto Sapientiæ capite legitur admonitio ad quosvis mundi Regulos, Principes, Magistratus & Iudices: *Horrende, inquit, & cito apparebit vobis, quoniam Iudicium durissimum his qui præsumunt, fiet: exiguus enim conceditur misericordia: POTENTES AUTEM POTENTER TORMENTA PATIENTVR. Non enim subtrahet personam cuiusquam Deus, nec verebitur magnitudinem cuiusquam: quoniam pusillum & magnum ipse fecit, & aequaliter cura est illi de omnibus. FORTIORIBVS AUTEM FORTIOR INSTAT CRUCIATIO. Quæ quidem non in futuram duntaxat denuntiantur vitam, sed*

de præfenti etiam hæc Veritas sic intelligenda est, vt verè de nostro Regulo, vel de quouis alio mundano Nobili dicas, plus illum cruciari quando cruciatur, quam alium minoris notæ hominem quem simili contigerit pœna torqueri.

Ratio est inter alias à præparatione animi quæ quantò minor est ad quæuis aduersa toleranda, tanto illa minus tolerantur, tanto illa magis animum cruciant, tanto cruciatus acerbior, & diuturnior. *Das in te vires rebus aduersis*, inquit Seneca, *quas infregit quisquis prior vidit*. Nam quod est valde notandum, tota difficultas in aduersis, non est ita in rebus oppositis & aduersis, sicut in animi repugnantia cum ipsis rebus, quod vel ex eo manifestè patet quòd sæpe difficiliora patiamur libentius, quia non ita cum illis naturaliter repugnat animus, sicut cum aliis: vnde illud ad rem nostram efficitur, vt quanto quis minorem ad quælibet aduersa repugnantiam sentiet, tanto illa facilius tolerabit. Facit autem præuiliò & præparatio animi, vt quidquid contra sentitur repugnans, mitigetur & peruincatur; quodque alij diu patiendò leue faciunt, Vir consideratus sibi læuiget diu cogitando. Sic aptè sanctus Gregorius: *Malum quod consilio præuenitur, decertanti contra se animo ex ratione subijcitur, quia tanto quisque minus aduersitate vincitur, quanto contra illam præsciendo paratus inuenitur. Sæpe enim graue timoris pondus usu lanigatur, sæpe mors ipsa sicut inopinata perturbat, ita deliberatione præuenta latificat.* L. 31. Mor. c. 16.

Quæ & multò plura referuntur in 2. parte, Feria 6. Sexagesimæ: & Feria 4. Hebdom. 2. in Quadragesima, vbi hæc proponuntur Veritates:

Quantum obest aduersitas improuisa, tantum præuisa prodest.

Qui supra mortem est, infra se videt omnia.

II. P V N C T V M.

SED Fortiores prout hic intelliguntur, minus parati sunt ad subeunda quæuis aduersa.

Hic enim intelliguntur potentiores ad suas, iure vel injuria, cupiditates explendas, quorum cogitatio tam aliena est ab aduersis præuidendis, quam ipsa illis aduersa sunt odiosa.

Iob 22.

Primo quidem cum abundant domi bonis, & foris gratia valeant apud omnes, nihil oppositi cogitant sibi euenturum. *Quasi nihil posset facere Omnipotens aestimabant eum: cum ille impleisset domos eorum bonis.* Sic de illis in libro Iob.

3 Reg. 22.

Deinde, cum natiuas suas voluptates nulla velint temperare moestitia, nullo miscere metu, nullis turbare angoribus, hinc fit ut ne ipsum quidem aduersitatis nomen ferre possint: & si quis apud ipsos de Diuinis verba flagellis faciat, statim cum Achabo dicent, *Odi eum, quia non prophetat mihi bonum, sed malum.*

Esther 5.

Denique, cum vix vnquam sibi vacent, vixque aliis quam caducis & temporalibus occupentur negotiis, quandonam se aduersis prae pararent? Longe alia voluunt animo sibi suisque consilia, tantumque abest ut de aduersis cogitent, quin solis potius intendant prosperis, nouasque in singulos dies sese vltius promouendi excogitent vias. *Regina quoque Esther nullum alium vocauit ad conuiuium cum rege praeter me, apud quam etiam cras cum rege pransurus sum.* Sic miser Aman sibi laetiora promittebat, cum instarent tristiora. Sic vniuersim fortiores illi *Ducunt in bonis dies suos, & in puncto ad inferna descendunt*, Id est, incogitantes, imparati, qua minus hora putant, tunc pereunt: quia numquam se perituros putant.

Iob 22.

III. PUNCTVM.

Phil. 4.

FORTIORIBVS igitur fortior instat cruciatio; Non in futuram tantummodo sed in praesentem quoque vitam, quae cum variis consignata sit crucibus, nulli hominum duriores obtingunt cruces quam quibus improuisa contingunt; nullis autem magis improuisa obueniunt, quam fortioribus illis quibus inuisa sunt. *Quos saepe dicebam vobis, inquit Apostolus, nunc autem & flens dico, inimicos crucis Christi, quorum finis interitus quorum Deus venter est, & gloria in confusione ipsorum qui terrena sapiunt: Quasi diceret, sic totum effundunt animam ad illa quae dicuntur mundi bona, ut si quae opposita contingant mala, nihil illis supersit quam ut confundantur & doleant, atque illo dolore velut aestu quodam abrupti misere langueant, solumque illud suis in miseriis habeant ut quo se beatiores esse cogitabant, eò se miseriores sentiant: tum quia durius est ab vno extremo in aliud derepente labi, tum quia quidquid*

quidquid amaueris tanto acerbius relinquitur quanto id suauis amaueris; illi autem sua suosque sic efficitim sic effuse suauiterque prosequuntur, ac si Numen ipsum esset, ac si Deus ipsorum esset voluptas, diuitiæ, gloria, coniux, filij, quibus sublatis vel latis, sibi perditæ queruntur omnia, nec magis acquiescunt se contra commonentibus, quam fuit Michas idoli Raptoribus, cuius hæc verba sunt, *Deos meos quas mihi feci, tulisti, & omnia quæ habeo, & di-* Iud. 18.
citis, quid tibi est?

Diceret esse serpentem illum quem vocant Regulum seu basiliscum qui nisi ante præuisus sit, tam pestilens virus afflat, ut obuios quosque suo necet obrutu. Sic plane mundi aduersa non prauisa, mundanum quemque tangunt, penetrant, & interimunt, quo sensu dicitur in libro Iob, *panis eius in viro illius vertetur in fel aspidum intrinsecus. Diuitias quas deuorauit euomet, & de ventre illius ex-* Iob 20.
trahet eas Deus. O præclare dictum! sicut enim deuorare diuitias & delicias nihil aliud est quam illas auide atque intrepide consecrari; sic prorsus eas euomere aut à se vi extractas projicere, hoc ipsum est quod dicebatur, quanta fuerit rerum possessarum cupiditas, tanta fiet amissarum cruciatio; Vnde in textu Iobi sequitur, *Iuxta multitudinem adinventionum suarum sic & sustinebit: Quasi nihil aliud fortiores illi, suis illis conquisitis bonis agerent quam ut mala sibi conquirerent, iam ut illorum cuique decernatur quod scriptum est: quantum glorificauit se, & in deliciis fuit, tantum date illi* Apoc. 18.
tormentum & luctum.

Itane verò magis gaudeas ut magis doleas! O quam sapientius & foelicius mihi contingat si gaudebo minus & minus dolebo. Neque enim ad eam quæ possideri potest in hac vita foelicitatem tanti unquam æstimari debet, abundare gaudiis simul & doloribus, quanti carere doloribus nec abundare gaudiis. *Melius est mo-* Ps 36.
dicum iusto super diuitias peccatorum multas. Quoniam brachia peccatorum conserentur, confirmas autem iustos Dominus.

Vide in 2. parte Dominica 2. Quadragesimæ, vbi hæc Veritas exponitur:

In die bona nisi memores mala, non erit dies bona.

Et in die mala si memores bona, non erit dies mala.

Hic cū audisset quia Iesus adueniret à Iudea in Galileā, abiit ad Eum, & rogabat Eum ut descenderet, & sanaret filium eius, Incipiebat enim mori.

DE CVRA PATRV M CIRCA FILIORVM SALVTEM.

VERITAS PRACTICA.

Qui non magis salutem filij quam sanitatem amat, non amat filium.

RATIO EST, Quia non amat filium qui non amat ordinatè. Sed qui non magis salutem filij quam sanitatem amat, non amat ordinatè.

Ergo nec amat filium. Quod tamen Pareus non crederet.

I. P V N C T V M.

PROELICITER huic Patri contigit quod salutem filij simul ac sanitatem à Christo Domino retulerit; Multi sunt enim Patres qui de salute filiorum parum solliciti, vnam eorum prosperam sanitatem vel fortunam amplissimam curant. *illi filios dum sic amant, non amant.*

Non enim amat filium qui non amat ordinatè. Nam inordinatus amor non est amor, sed amoris peruersio. Sentitur quidem & videtur esse amor quantumcumque sit inordinatus, imò quo magis est inordinatus, plerumque maior esse sentitur, sed amor ille vitium est, malum est, probrum est, quo qui amat male amat, peruerse amat: qui sic autem male & peruerse filium amat, non illum amat, quia vt præclare sanctus Augustinus, *Amor ipse ordinate amandus est quo bene amatur quod amandum est, ut si in nobis virtus qua vivitur bene. Unde mihi videtur quod definitio brevis & vera virtutis, ordo est amoris, propter quod in cantico canticorum cantat Sponsa Christi, ordinavit in me Charitatem. Quasi diceret; qui tollit ordi-*

7. 18. de Civ. d. 22.

nem Charitatis, siue amoris, tollit omnem virtutem; qui vero tollit virtutem, tollit id quo bene viuitur, hoc autem sublato quid restat quàm male viuere, quàm male agere, quàm male esse? Itane vero viuere, amare est?

Sanctus vero Thomas qui expressam de ordine Charitatis questionem proponit, sic illum ita demonstrat esse necessarium ut non sit Charitas, nisi sit ordo. *Nam ubi est prius & posterius, ibi esse debet ordo, cum alioquin esset confusio: Vbi autem est principium aliquod, unde alia pendunt & quò referri debent, ibi est prius & posterius. Iam verò Charitatis principium quoddam est quo eius omnes actus referri debent, nempe Deus qui primo super omnia & propter se est diligendus, tum alia quauis propter ipsum, & quatenus participant rationem eius dilectionis, seu quatenus referuntur ad ipsum, in qua relatione idcirco fundatur ordo quia id alio prius est diligendum quod magis accedit ad Deum, quod in Deo magis reperitur, vel in quo Deus magis consideratur.* 2. 2. q. 25. 1.

O vere viam Charitatis excellentem quando sic ordinatè procedit Charitas! Sicut ordinata Charitate nihil excellentius, ita nihil deterius inordinata. 1. Cor. 13.

II. PUNCTVM.

SED qui non magis salutem filij quam sanitatem amat, non amat ordinatè.

Nam ex præcedenti discursu, tunc ordinatè amatur quando quod prius est amatur magis quam quod posterius, unde à contrario, non ordinate amatur quando quod est posterius magis diligitur quam quod est prius. Quis autem non videat salutem animæ prius aliquid esse coram Deo seu facta relatione ad Deum & ad finem supernaturalem, quàm sit sanitas corporis quæ hanc duntaxat spectat vitam? Nonne anima plusquam æscæ, seu plusquam vita temporalis? Quam enim dubit homo commutationem pro anima *ut nob. 16. sua?* An si Pater suam ipse magis diligeret sanitatem quam salutem animæ, se ordinate diligeret? An seruaret quod iubet Sapiens: *In mansuetudine serua animam tuam, & da illi honorem secundum hereditatem suam?* Eccl. 10. Nonne ille peccaret in animam suam? Nonne ille suam exhonoreret animam? Nonne ille esset in quem sic consequenter idem inuehitur Sapiens: *Peccantem in animam suam quis iustificabit? quis hominem tibi exhonorentem animam suam?* Ibid. At

vero si se Pater sic deberet diligere, vt diligeret ordinate: nonne sic ex consequenti filium? Aut si filium non ita diligit, quomodo diceretur illum ordinate diligere cum se ordinate non diligeret si seipsum sic amaret?

Quod vel maxime verum est de amore Patris in Filium, cum sit vniuersum verum de amore cuiusvis proximi. Plus namque quouis proximus quoad salutem animæ debet à nobis diligi quam proprium corpus, quia plus animæ cuiusvis salus Deum spectat quam nostri sanitas corporis. Sic expresse sanctus Thomas post Diuum Augustinum. Atque ita sicut se ordinate non amaret qui corpus magis suum quam salutem proximi diligeret, sic plane qui sanitatem filij plusquam eius salutem amat, non amat ordinate nec prudenter sed perperam, Quod vera Charitas nunquam agit.

III. P V N C T V M.

QVI non ergo magis salutem filij quam sanitatem amat, non amat filium. Quia non amat ordinate, non amat magis quod prius est, siue quod magis est diligendum; Confundit ordinem, peruertit Charitatem, videtur Charitas sed est magis carnalitas. Non est ista vera dilectio sed apparens, inquit Diuus Thomas, vbi agit de dilectione qua se peccator diligit. Non se peccator vere diligit, ait sanctus Doctor, cur porro? Quia, inquit, non se ita diligit secundum animam ac secundum corpus. Quæ si ratio vera est vniuersum de peccatore circa seipsum, profecto & certa est particulatim de Patre circa filium cuius corpus magis amat quam animam.

Sed operæ pretium est, ipsum audire sanctum Doctorem ex cuius discursu non id modò quod declarandum suscepimus confirmatur, sed multa insuper additur moralis doctrina quæ virtutum praxim contra opposita vitia multum promoueat. Principale, inquit, in homine est mens rationalis, secundarium est natura sensitiva, & corporalis: quorum primum Apostolus nominat interiorem hominem: secundum, exteriorem, vt patet, ad Cor. 5. Boni autem estimant principale in seipsis rationalem naturam, siue interiorem hominem unde secundum hoc estimant se esse quod sunt. Mali autem estimant principale in seipsis naturam sensitivam, & corporalem, scilicet exteriorem

hominem, unde non recte cognoscentes seipsos, non vere diligunt seipsos, sed diligunt id quod seipsos esse reputant. Boni autem verè cognoscentes seipsos, vere seipsos diligunt. Et hoc probat Philosophus in 9. Ethicor. per quinque quæ sunt amicitia propria. Vnusquisque enim amicus primo quidem vult suum amicum esse & viuere; secundo vult ei bona; tertio operatur bona ad ipsum; quarto conuiuio ei delectabiliter; quinto concordat cum ipso quasi in iisdem delectatus & contristatus. Et secundum hoc boni diligunt seipsos, quantum ad interiorem hominem, quia volunt ipsum seruari in sua integritate, & optant ei bona quæ sunt bona spiritualia, & etiam ad ea assequenda operam impendunt: & delectabiliter ad cor proprium redeunt quia ibi inueniunt & bonas cogitationes in presenti, & memoriam bonorum præteritorum, & spem futurorum ex quibus delectatio causatur. Similiter etiam non patiuntur in seipsis voluntatis dissensionem; quia tota anima eorum tendit in vnum. E contrariò autem mali non volunt conseruari in integritate interioris hominis, neque appetunt eius spiritualia bona, neque ad hoc operantur: neque delectabile est eis secum conuiuere, redeundo ad cor quia inueniunt ibi mala & præsentia, & præterita, & futura, quæ abhorrent; neque etiam sibi ipsis concordant, propter conscientiam remordentem, secundum illud Psalmi: Arguam te, & statuam contra faciem tuam. Et per eadem probari potest quod mali amant seipsos secundum corruptionem exterioris hominis: sic autem boni non amant seipsos.

Et respondens ad secundum argumentum contrà propositum, Naturalis, inquit, amor etsi non totaliter tollatur à malis, tamen in eis peruertitur per modum iam dictum, nempe plus diligendo corpus quam animam; Obserua illud peruertitur; Nam hæc est ipsa quam diximus illius amoris peruersitas, quo pater sanitatem filij plus diligit quam salutem; Vnde non magis dicendus est diligere filium quam peccator seipsum.

Quod de sanitate non tantum intelligas, sed de fortunis, de dignitatibus, de cunctis mundi concupiscentiis quas multi Patres auidius suis exoptant & procurant liberis quam eorum salutem cuius sæpe iacturam faciunt pro illis temporalibus commodis conquirendis. Quod quidem patebit infra clarius. Vide in 2. parte, Feria 3. Hebdomadæ sanctæ, satis conformem his Veritatem:

Qui nimis suos diligit, non satis diligit.

NE vero Patrem vllum latere possit quo constringatur præcepto circa salutarem filiorum institutionem, licet nullum exprimatur in diuinis præceptis, hæc opportunè præcedenti connectenda est Veritas:

Diuina licet præcepta certis Parentes erga filios non ligent verbis, non minùs tamen Parentes obligantur.

RATIO EST, *Quia qui lege natura obligantur ad aliquid, non minus obligantur quàm si Diuina præcepta certis & expressis eos ligarent Verbis.*

Sed parentes erga filios lege natura obligantur.

Ergo non minus, imo & quodammodo magis obligantur.

1. 2. q. 100.
a. 5.

Totus discursus ex Diuo Thoma sumitur, qui vbi agit de præceptis decalogi, rationem reddit cur non aq̃ue ponatur præceptum parentibus de diligendis & educandis filiis, sicut datur filiis de honorandis parentibus, *Quia videlicet filij sunt aliquid patris, vt expresse docet Aristoteles in Ethicis; vnde sicut non ponitur expressum de amore nostri præceptum, sic neque debet poni parentibus pro amore filiorum, quia hoc ipso quo se pater diligit, diligit filios qui sunt ipsius aliquid. Vnde eisdem rationibus, inquit sanctus Doctor, non ponuntur aliqua præcepta decalogi pertinentia ad amorem filiorum, sicut neque etiam aliqua ordinantia hominem ad seipsum. Quænam sunt autem rationes cur non ponatur præceptum in decalogo de amore nostri? Hæ nempe inter alias, Quia præceptum hoc satis euident est ex lege natura, lege aterna, lege Diuina, cuius signatum est super nos lumen quod dicitur vultus Dei, Quasi Deus ipse cerneretur qui hoc præciperet quod lege naturæ præcipitur, seu quod naturali videtur lumine non corrupto nec deprauato. Vnde idcirco appellatur, Incorruptum legis lumen.*

Ps. 4.

Sup. 18.

Sicut itaque diceretur vniciquẽ de amore rationabili sui ipsius quod quanto minus expressis in lege positua Verbis producit hoc præceptum, tanto expressius obligat quia lex positua supponit esse præceptum naturæ tam euident, tam per se notum,

& ex se obligans, ut non modò necesse non fuerit illud exprimere, sed idcirco potius expressum non fuerit ut eode magis liqueret quàm id satis superque prouisum esset à lege naturali; tantoque expressius per illam legem singulos obligari ad rationabilem sui ipsorum amorem, quanto minus illum expressis Lex alia verbis præciperet. Sic plane de præcepto diligendi filios, quod est ipsum naturæ præceptum de se diligendo.

Quæ cum sint satis perspicua, quid contra peccetur à parentibus paulo latius esset producendum; videturque commodè, si Deus annuat, ex his Euangelij Verbis posse depromi:

Incipiebat enim mori.

FORMATA INDE HAC PRACTICA VERITATE:

Ex Patre, vulnus est, quo mori filius incipit.

SENSVS ET RATIO EST, Quod vulnus seu causa propter quam ut plurimum Iuvenes incipiunt mori gratiæ, rebusque spiritualibus ac Diuinis, est mundanus affectus siue mundi concupiscentia.

Sed mundanus hic affectus ut plurimum à Patre est seu à Parentibus propriis.

Ego inde vulnus est, quo mori filius incipit, & quod propterea diligenter ab omnibus præcaueri debet.

L P V N C T V M.

SICVT est vita gratiæ, vita spiritus, vita spiritualis & Diuina de qua dicebat Dominus, *Ego veni ut vitam habeant & abundantius habeant*; ita mors est illi vitæ opposita, mors gratiæ, mors spiritus, siue mors spiritualis de qua vniuersim dicitur: *Prudentia carnis mors est, & qua in deliciis est, viuens mortua est.* Antequam vero quis mortem illam moriatur, solent ut plurimum præcedere in animo quædam dispositiones, velut febres in corpore quibus paulatim languescens animus deficit

Rom. 8.
1. Tim. 5.

& incipit mori suo modo, sicut filius hic Reguli de quo est hodierna narratio. Tum vero sic dicuntur peccata venialia dispositiones ad mortale; sic naturalis libido non repressa disponit ad depravatam consuetudinem; & consuetudo ad obstinatam perniciam; sic illi denique de quibus hic potissimum agitur, mundani affectus disponunt animum iuvenilem ad hanc prudentiam carnis quæ mors est qua mundus pene totus interit, & de qua ipse Dominus,

Matth. 8. Dimitte mortuos sepelire mortuos suos.

Ad maiorem autem intelligentiam, possumus hic tripliciter mundanos istos affectus distinguere: Primò ut sunt pure naturales, ipsaque est Concupiscentia carnis, concupiscentia oculorum & superbia vitæ, quæ cum innata sit unicuique nostrum, tam naturalis est in suo primo motu qui rationem omnem antevertit, quàm motus illi omnes qui dicuntur primo primi. De hac sic loquitur Apostolus: *Video aliam legem in membris meis repugnantem legi mentis meæ & captivantem me in lege peccati.* suis videlicet motibus & affectibus nisi per Christi gratiam illis resisteret, nam quando illis resistitur, *Nihil, inquit, damnationis est iis qui sunt in Christo Iesu, qui non secundum carnem ambulant.*

Rom. 7.

Matth. 8.

Secundo considerari possunt isti affectus ut sunt omnino voluntarij, & in materia satis graui, ac modo seu fine sic inordinatis ut mortale peccatum constituent, de quo sic sanctus Iacobus Apostolus: *Vnusquisque tentatur à concupiscentia sua abstractus & illectus:* Deinde concupiscentia cum conceperit, parit peccatum, peccatum vero cum consummatum fuerit generat mortem. Primo quidem per lethalem actum, tum vero post grauius per contractos inde habitus, & comparatam illam carnis prudentiam quæ mortis genus est longe damnosius, & vnde minus exurgitur.

Eccl. 1.

Tertio dicendi sunt medij quidam affectus inter illos duos positi, qui nec omnino sunt naturales & inuoluntarij, nec omnino mortales aut ita inueterati ut extremam illam generent & nutriant prudentiæ carnis mortem; sed cum mentem sollicitant & illiciunt ad peccandum, mens nondum quidem se totam illis permittit & abjicit, at non etiam se negat illis totam; verum ex parte dissentit & consentit, vult & non vult, pugnat & cedit, in duas claudicat partes. Primo quidem quæ pars est mentis superior videbatur palmam referre, tum vero post inferior incallescens ætate roborata, vires assumit à tempore, & pedetentim assurgens.

Assurgens seipsa redditur in dies fortior, sitque illud quod de se nondum conuerso nartat Apostolus, *Cum effimur in carne*, *passiones peccatorum qua per legem erant*, OPERABANTVR in membris nostris vt FRUCTIFICARENT morti. Hoc est, contendebant, enitebantur, nondum quidem efficiebant, sed eò tendebant vt efficerent tamquam fructum mortis, peccatum quod mortale dicitur, quod est mors animæ, mors gratiæ, mors Dei uiuentis in anima, mors illa quadruplex de qua in die parasceues in 2. parte.

Tunc autem quando in pueris & adolescentibus sic incallescunt affectus vt quæ sunt mundi appetant, delicias, honores, & diuitias, atque in illo appetitu quando sic pugnant & contendunt vt dictum est, fit quoddam vulnus in animis vnde plurimum debilitantur, & paulatim incipiunt mori: nempe incipiunt mundanis illis plene affectibus cedere, plene velle quod suggerit cupiditas, quod libido, quod ambitio; sic omne caput languidum & omne cor marens; à planta pedis vsque ad verticem non est in eo sanitas: vulnus & liuor, & plaga tumens non est circumligata, nec curata medicamine, neque fota oleo. Sic forte Dauid propterea de illo dixit quem nondum mortuum sanare volebat Deus, *Tu humiliasti superbum*, *superbum*. Id est, cum superbire inciperet, & nonnullis superbiæ telis cum iam vulneratus esset, ne illis plane moreretur, seu ne insolentius superbiret, tu humiliactione tamquam salubri medicamine sanasti vulneratum, & ad meliorem mentem reuocasti.

O vel numquam à superbia sic vulnerer; vel vulneratus sic humilier, ne in tali vulnere moriar.

II. P V N C T V M.

SED tale vulnus à Patre est: talis inquam affectus mundanus quo incipit mori filius, vel quo ad mortem vulneratur filia, non aliunde frequentius prouenit quam à parentibus propriis.

Non tantum quia Genitores ipsi cum toti sint in his mundanis affectibus, transfundunt virus in filios quos generant: sed quia dum inter illos adolescunt domi filij, venenum hauriunt ex ipsorum dictis, exemplis, & factis. Quis enim nescit quantam exempla vim habeant ad exprimendam sui similitudinem, exempla

præsertim domestica, præcipue vero parentum in filios, si vel maxime filij sint adhuc teneri, molles & cerei, ac denique si tantum eò trahant exempla quò ipsa naturalis propender indoles: mirum profecto esset si tum filij non id saperent quod parentes; si tum filij non essent superbi & mundani cum superbis & mundanis parentibus. *Filij colligunt ligna, & patres succendunt ignem, & mulieres conspergunt adipem ut faciant placentas regina cæli, hoc est lunæ vel fortunæ, & libent diis alienis, & me ad iracundiam prouocent. Numquid me ad iracundiam prouocant, dicit Dominus? Nonne semetipsos in confusionem vultus sui?*

Isr. 7.

O quàm nimis hæc apte conueniunt parentibus qui iam satis procliues in mundana filios, ipsi vltro impellunt eos, accendunt, urgent & acuunt, quâ verbis dum aliud domi nil resonat quam voces istæ, *Mundus, honor, diuitia*: quâ factis, dum in filiis nihil parentes curant ambitiosius quàm si fuerint splendidi, si exculti, si venusti, si ad mundanos mores compositi: quâ denique prauis exemplis, dum ipsi vt dictum est toti sunt parentes in illo mundano fastu, vanoque rerum splendorum apparatu.

Num. 26.

Factum est grande miraculum, inquit Scriptura, ut Core pereunte, filij illius non perirent. Grande scilicet miraculum quod filij non fuerint similes Patri, nec eisdem culpis & pœnis fuerint inuoluti. Non id ordinarium, non id solitum, non id cæteris commune familiis vbi Patrum facta sectantur filij.

Ecclesi. 47.

Sic propterea sapienter Ecclesiasticus, *Filij abominationum sunt filij peccatorum, De Patre impio queruntur filij, quoniam propter illum sunt in opprobria.* Numquid propter Patrem in opprobrio fuit ille adolescens Romanus de quo sanctus Bernardinus, Gerson parisiensis, & alij scribunt qui cùm extremo supplicio damnatus esset, iam iamque tollendus è medio, sic Patrem voce libera est affatus: *Tu me Pater suspendis, tu me interficis: dum enim flagitiosam meam vitam non emendasti, tu me in hanc contumeliosam mortem impulisti.* Non ait filius se ad flagitia fuisse impulsus à suo Patre, sed tantum non fuisse correctum & emendatum: quid diceret igitur Patri filius quem ipse Pater in vitium & in mortem prouexit? Rara sunt quidem illa supplicia, rara sunt illa flagitia quibus in publicum & infame deuenitur opprobrium: Sed tamen veram esse oportet Sapientis sententiam, quæ vox ipsius est Veritatis: certum & constans id esse oportet quod ille Sapiens dixit *propter Patrem*

fore in opprobrio filium : siue sit huius vitæ , siue alterius opprobrium , nonne certo constat fore opprobrium ? Et nonne hoc tanto grauius timeri debet probum in altera , quanto minus in hac timetur vita ?

Quod vt apertius tibi pateat , recale quod alius dixit Sapiens in Prouerbiis, *Noli subtrahere à puero disciplinam , si enim percusseris eum virga , non morietur ; tu virga percuties eum , & animam eius de inferno liberabis.* Aut certe nisi percutias , nisi corrigas , nisi emendes ; tu animam eius ad inferos rapis , tu in illud opprobrium eam conjicis de quo Propheta Ieremias : *Confundentur vehementer , quia non intellexerunt opprobrium sempiternum quod numquam delebitur.* Confusio certe vehemens cum dicet patri filius , cum matrî filia : *Infœlix Pater , infausta parens , cur me huc tecum deuoluisti ?* Hos ego patres , inquit sanctus Chrysostomus , parricidis ipsis immaturores & sceleratiores dixerim : illi enim corpus ab anima separant , istæ & animam & corpus æternis ignibus tradunt.

IIL P V N C T V M.

HINC ergo patet , non tantum quod à parentibus illud sit vulnus quo incipiunt mori filij qua morte diximus , nec quàm solummodo sit filiis damnosum istud vulnus : at verò etiam quàm sit ipsis parentibus luctuosum , infame , paucendum , & omni modo cauendum sicut Scripturæ sanctique Patres admonent.

Filij tibi sunt , ait Ecclesiasticus , erudi illos & curua illos à pueritia illorum. Filia tibi sunt ? serua corpus illarum , & non ostendas hilaritatem faciem tuam ad illas. Quod & postea grauius repetens : *Equus , inquit , indomitus euadit durus & filius remissus euadet princeps. Lacta filium , pauentem te faciet. Lude cum eo , & contristabit te. Non corrideas illi ne doleas , & in nouissimo obstupescant dentes tui. Non des illi potestatem in iuuentute , & ne despicias cogitatus illius. Curua cernicem eius in iuuentute , & tunde latera eius dum infans est , ne forte induret , & non credat tibi , & erit tibi dolor animæ. Doce filium tuum , & operare in illo , ne in turpitudinem illius offendas.*

Quibus conformiter sanctus Chrysostomus : *Heli propter filios periit : illos quippe cum acrius coercere debuisset , verbis tantum lenibus monuit. Quocirca dum illis molestus esse seuera increpatione recusat , & illos & seipsum unà perdidit. Audite hoc Patres , vestrosque filios in*

disciplina & correptione Domini erudite summa cum diligentia. Et multa inter alia, quæ ibi fusè prosequitur, notandum istud quod vrget vehementius: filiis non recte institutis præstat pauperes esse quàm diuites. Nam paupertas, inquit, vel inuitos coerces atque intra virtutis limites continet: opes verò ne volentes quidem pudicè, temperanterque viuere sinunt, verum exorbitare faciunt, atque peruertunt, malisque innumeris subiungunt, quando scilicet male instituti sunt, nam paulo ante dixerat: Si quidem illi fuerint improbi, nihil eis pecunia proderunt, sin autem probi, nihil ex paupertate ledentur. Et alibi perpendens illud quod de Iobo dicitur, Offerebat holocausta pro singulis, dicebat enim, ne forte peccauerint filij mei: VLLANE, inquit, iam nobis erit excusatio quando is qui ante gratiam, ante legem fuit, nullo sacrarum literarum magisterio instructus, tantam filiorum ostendit gessitque prouidentiam, vt de incertis quoque eorum, & occultis tremeres, paueretque delictis.

Iob. 1.

In 1. Reg.
c. 14.

Sic sanctus Gregorius Verba hæc Saul exponens, viuit Dominus, quia si per Ionatham filium meum factum est, absque retractatione morietur: ANTIQVI patres, inquit, vt Deo placerent, ad mortem filiis etiam non parcebant: Nos autem eos quos secundum carnem diligimus, etiam tenui asperitate verborum insequi non audemus. Ecce qui ad regnum, filium nutrebat, dicit, quia si per eum peccatum factum est, absque retractatione morietur: nos peccantes cernimus, & oburgare peccantes aut nolumus, aut timemus! Cur ergo hoc facimus, nisi quia Deum sicut illi nequaquam diligimus?

Apte autem sanctus Ambrosius: Natura pignora, Dei beneficia sunt, nec quisquam debet plus amare beneficium quam Benefactorem.

L. 2. Ep. 152

Sanctus verò Hieronymus, ad Latam de institutione filia plurimus est in hoc argumento, vnde hæc sparsim collecta sunt. Non sunt, inquit, contemnenda quasi parua, sine quibus magna consistere non possunt. Ipse elementorum sonus, & prima institutio preceptorum aliter de erudio, aliter de rustico ore profertur. Vnde & tibi est prouidendum, ne ineptis blanditiis scaminarum, dimidiata dicere verba filia consuecat, in auro atque purpura ludere: quorum alterum lingua, alterum manibus officit: ne discat in tenero quod ei postea dediscendum est. Difficiliter eraditur, quod rudes animi perbiberunt. Lanarum conchyliis quis in pristinum candorem reuocet? recens testa diu & saporem retinet, &

Horat.

Plutarch.
in Alexan.

odorem quo primum imbuta est. Græca narrat historia, Alexandrum, potentissimum regem, orbisque domitorem, & in moribus, & in incessu.

Leonidis pedagogi sui non potuisse carere vitiis, quibus adhuc parvulus fuerat infectus: proclivis est enim malorum amulatio: & quorum Virtutes assequi nequeas, cito imitaris vitia. Cave ne aures eius perfores: ne cerussa & purpurisso consecrata Christo ora depingas: nec collum auro & margaritis premas: nec caput gemmis oneres: nec capillum irruises, & Matth. 23. ei aliquid de gehennæ ignibus auspiceris: habeat alias margaritas, quibus postea venditis, emptura est pretiosissimum margaritum. Prætextata, nobilissima quondam femina, iubente viro Hymettio, qui patruus Eustochy Virginis fuit, habitum eius cultumque mutavit, & neglectum crinem mundano more texuit, vincere cupiens & Virginis propositum, & matris desiderium: & ecce tibi, eadem nocte cernit in somnis venisse ad se Angelum terribili voce minitantem pœnas, & hac verba frangentem: Tunc ausa es viri imperium præferre Christo? tu caput Virginis Dei, tuus sa. rilegis atrectare manibus? qua iam nunc crescent, ut sentias excruciatam quid feceris: & finito mense quinto, ad inferna ducêris. Sin autem perseveraveris in scelere, & marito simul orbaberis, & filiis. Omnia per ordinem expleta sunt, & seram misera penitentiam velox signavit interitus. Sic ulciscitur Christus violatores templi sui, sic gemmas & pretiosissima ornamenta defendit. Et hoc retuli, non quod insultare velim calamitatibus infelicium, sed ut moneam, cum quanto metu, & cautione servare debeas, quod Deo spondidisti. Heli Sacerdos 1. Reg. 2. offendit Deum ob vitia liberorum. Episcopus fieri non potest, qui filios 1. Timo. 3. habuerit luxuriosos, non subditos. At è contrario de muliere scribitur, 1. Tim. 2. quod salva fiet per filiorum generationem, si permanferis in fide, & Caritate, & sanctificatione cum pudicitia. Si perfecta atas & sui inris, imputatur parentibus: quanto magis lactens & fragilis, qua, iuxta sententiam Domini, ignorat dextram & sinistram, id est, boni & mali differentiam? si sollicita provides, ne filia percutiatur à vipera: cur non eadem cura provideas, ne feriatur à malleo univêrsa terra? ne bibat Hier. 50. 17. de aureo calice Babilonis? ne egrediatur cum Dina, & velis videre filius Gen. 34. regionis aliena? ne ludat pedibus, ne trahas tunicas? venena non dantur, nisi melle circumlita: & vitia non decipiunt, nisi sub specie umbræque virtutum. Et quo modo, inquires, peccata patrum filiis non redduntur, nec filiorum parentibus, sed anima, qua peccaverit, ipsa morietur? Hoc Ezech. 18. de his dicitur, qui possunt sapere, de quibus in Evangelio scriptum est: atatem habet, loquatur pro se: qui autem parvulus est, & sapit ut parvulus, donec ad annos sapientia veniat, & Pythagora litera Y enim Joan. 9. perducatur ad binium, tam bona eius, quam mala parentibus imputantur. Virgil. de lit. P. 1. lib. 2.

170 Dominica 20. post Pent. De filio cuiusdam Reguli, &c.

Nisi forte existimas, Christianorum filios, si baptisma non receperint, ipsos tantum reos esse peccati, & non etiam scelus referri ad eos qui dare noluerint, maxime eo tempore, quo contradicere non poterant, quæ accepturi erant: sicut è regione salus infantium, majorum lucrum est. Denique quod ad rem propius, & quod concludat omnia: Nihil in te, inquit, & in patre suo videat, quod si fecerit, peccet. Mementote vos parentes Virginis, magis eam exemplis doceri posse quam voce. Cito flores pereunt: cito violas & lilium, & crocum pestilens aura corrumpit.

Dixit ergo Iesus ad eum: nisi signa & prodigia videritis, non creditis.

CREDEBAT Regulus Christum Dominum, Virum esse quidem eximie sanctum, cum alioquin ad illum non accessisset sanandi sui filij causâ. Sed cum rogat Eum ut propius ad infirmum accedat, non credit illum esse Messiam, illum esse Christum, illum esse Deum, qui possit æque absens ac præsens quod velit facere, sicut proximè crediderunt Samaritani sine ullo quod viderint signo & prodigio; unde hic merito arguitur & omnes uniuersim qui modicæ fuerint fidei, contra quos multa passim in singulis partibus, ac præsertim in tertia, in die Transfigurationis Domini, ubi hæc Veritas numquam satis perpenſa proponitur:

Nullus est Christianus qui non credat Christum esse filium Dei, & vix ullus est Christianus qui hoc verè credat.

Vide & suprâ in hac parte, Fer. 2. Hebdom. 15.

Quibus adiungi potest & fusius explicari hæc Veritas:

Major est insania, non credere Christo quam Christum.

SENSVS & RATIO EST, Quod sit illa major insania quæ à sana mente magis exorbitat. Nam cum insania sit sanæ menti opposita, profecto illa major est insania quæ sanæ menti magis opponitur.

Sed non potius credere Christo quàm Christum, magis à sana mente exorbitat. Id est, posito quod credas Christum esse Dei filium, ma-

gis opponitur sanæ menti quod Christo loquenti non credas, quàm si non crederes illum esse Deum. Si enim Christum crederes Deum cui tamen non crederes: crederes Deum vel decipi vel decipere: crederes Deum vel non sapientem vel non veracem. Nam si non credis quod dicit Christus, idcirco non credis quia non id putas verum: si autem non putas verum, non aliunde est quàm quod ipse vel nesciat, ac proinde non sit sapiens & decipiat: vel quod te decipiat, & non sit verax. Quæ omnia sic sanæ menti aduersantur vt nil sit illi magis oppositum. Potuit namque Christus non esse, potuit Deus non esse homo qui dicitur Christus. Sed posito quod Christus sit, non potest non esse sapiens, non potest non esse verax, non potest falsum dicere, non potest sanè non credi. Ac proinde quisquis illum credat esse Deum, & tamen loquenti non credat, magis à sana mente exorbitat quàm si non illum credat Deum. Sic eruditè & Christianè Ioannes Picus Mirandulæ Comès qui authore Bellarmino vir ingenio fuit & doctrina, pro atate, maximus; Vixit enim annos solum triginta tres, & obiit anno Dom. 1494. Docet autem non modo hanc esse majorem insaniam, Christo non credere, sed multos Christianos hac insanire insania, quos inter, vide Lector, vel Auditor, nùm te annumeret.

*In Script.
Ecclesiasticis*

Tenet me, inquit, Deum testor, aliquando ecstasis quasi, & stupor quidam, cum mecum incipio studia hominum, aut vt dixerim significantius, meras insanias, nescio an cogitare potius quàm dolere, mirari an deplorare? Magna enim profecto insania Euangelio non credere, cuius veritatem sanguis Martyrum clamat, Apostolica resonant voces, prodigia probant, ratio confirmat, mundus testatur, elementa loquuntur, Demones confitentur. Sed longè major insania si de Euangelij veritate non dubitas, viuere tamen quasi de eius falsitate non dubitares. Nam si illa sunt vera, difficillimum esse ingredi regnum cælorum, quid cumulandis quotidie diuitiis inhiamus? Et si illud est verum, querendam gloriam, non qua ex hominibus, sed qua ex Deo est: cur de iudiciis hominum semper pendemus? Deo placere nemo est qui curet. Et si firma in nobis est fides, futurum aliquando, vt Dominus dicat, Ite maledicti in ignem æternum: & rursus, Venite benedicti, possidere regnum paratum vobis à constitutione mundi: Cur nihil minus aut timemus quàm gehennam, aut speramus quàm regnum Dei? Quid possumus aliud dicere quàm multos esse nomine Christianos, sed re paucissimos?

Dicit ad eum Regulus : Domine descende priusquam moriatur filius meus.

De constanti & efficaci oratione, Vide quæ multa producuntur in 2. parte, Feria 2. Hebdom. 5. post Pascha, in Rogationibus.

Dicit ei Iesus : Vade, filius tuus vivit.

Illâ enim ipsâ horâ, reliquit eum febris, & benè habuit. Cur porro febres animi non sic iubente Christo sanantur? Quia nempe febricitans non sic æquo animo vult sanari. Quem in sensum satis aptè conveniunt hæ Veritates:

Febris animi, animo longè periculosior, quàm febris corporis, corpori.

In 1. parte, Feria 5. Hebdom. 2. post Epiphan.

Non dixeris, per Deum abest.

In eadem parte, Dominica 3. post Epiphan.

Quod gravius in te est malum, hoc minus vis sanari.

Ibid. Feria 5. Hebdom. 6.

Quod vidèris tibi velle, velles quidem, sed verè non vis.

In 3. parte, Feria 2. Hebdom. 12.

Cognovit ergo Pater quia illa hora erat in qua dixit ei Iesus, filius tuus vivit : Et credidit ipse, & domus eius tota.

VERITAS

VERITAS PRACTICA.

Qualis Paterfamilias, talis tota plerumque familia.
Si quid à tuis velis, id primum à te.

RATIO EST, Quia si quid à tuis obtinere velis, oportet illos esse persuasos, hoc esse bonum quod velis, & te id vere ac rationabiliter velle. Nonne est ita?

Sed nisi hoc primum à te obtineas, non erunt ita persuasi: Nam si bonum esset, cur tibi non procurares? aut si bonum non est, quomodo id eis rationabiliter potes velle? Quomodo increpare si nolint? Nonne sic ratiocinatur Apostolus contra id docentem quod non facit? Confidis teipsum esse ducem cecorum, lumen eorum qui in tenebris sunt, eruditorem insipientium, magistrum infantium, habentem formam scientiæ & veritatis in lege. Qui ergo alium doces, teipsum non doces? qui prædicas non furandum, furaris? Et quæ alia prosequitur, quasi diceret, quomodo id te puras suadurum aliis quod persuasum tibi non habes? Hic est primus inter duodecim abusionis gradus qui apud sanctum Cyprianum referuntur, cum quis ad verba non adiungit opera: & redditur ratio, Numquam enim sit efficax Constituentis auctoritas, nisi eam effectu operis cordi affixeris audientis.

Sic præclare sanctus Prosper: Non potest dicere contemptoribus admonitionis suæ, futurum cogitare iudicium, quod ipsi forte non cogitat: amatoribus sæculi, nolite diligere mundum, si eum mundi amor deletat: ambitiosus, ambitioni finem imponite, si eam ambitio ruinosa præcipitat; & quidquid boni non facit, aut mali committit, nec iubebit fieri, nec vetabit, quia necessariam dicendi auctoritatem contrarietate suæ actionis aut amittit, aut minuit. NEQUE tam considerantur ea quæ à nobis dicuntur, inquit sanctus Chrysostomus, quàm quæ à nobis aguntur. Et ut scias rem ita se habere, licet infinitas tantam philosophemur verbis, & de patientia differamus: & cum tempus fuerit, eam operibus nam demonstramus, non tantum proderunt verba, quantum nocent opera.

Quantum autem ipsa valeant opera, sic Idem alibi proficitur omni iube, documenta operum clariora esse, vitamque mundam ipsi luce clariorem: & multo fidelior, inquit, & certior doctrina operum quàm sermonum. Nam qui talis est, etiam silent, & cum non videtur.

docere potest, & alios quidem qui illum vident, alios verò qui de illo audiunt: & multa fructur Dei gratia non solum propter se, sed & propter alios qui illum vident & incitantur ut glorificent dominum.

Eccl. 10.

Denique vox illa Sapientis, vox Dei est; Secundum Iudicem populi, sic & ministri eius: & qualis est rector ciuitatis, tales sunt inhabitantes in ea. Quod de priuata posse dici domo quis dubitet? Imo & de vnaquaque seorsum rationali siue intellectuali persona circa ceteras animi seu corporis sui facultates, verum est dicere & fructuosum cogitare:

Qualis est intellectus, talis & reliqua tota intellectualis creatura.

Id est, talis voluntas, talis vterque appetitus, tales affectus, tales oculi, talis lingua, talis denique totus homo interior & exterior. Ab intellectu tamquam à Rectore ciuitatis, siue tamquam à Patrefamilias, sic pendent omnia, ut quantum intellectus de Veritatibus practicis fuerit bene persuasus, tantum de illo ac de ceteris cuiusque personæ partibus dici possit, *Credidit ipse & domus eius tota*: Tota se conformabit intellectui: tota in genere morum quam vocant qualitatem inde fortietur tamquam à primo mouente naturali.

Ratio est, quia tota in genere morum qualitas cuiuscumque persona attenditur ex rationali motu quo illa fertur circa bonum & malum.

Sed ille rationalis motus quo quævis persona fertur circa bonum & malum, pendet ab intellectu tamquam à primo mouente naturali.

Ergo & eius inde qualitas, ac proinde qualem se totum quisque velit, talem sibi ante cum gratia procuret intellectum.

Discursus extendi potest plus minusue largiter, prout cuique visum erit; nam propositiones ita sunt planæ & fecundæ ut vel paucis adiectis intelligantur, vel certè pluribus tractari queant; nos hic paucis singulas attingemus. Prima sic declaratur, nam quod in genere moris, qualitatem cuiuscumque personæ facit, est eius bonitas vel malitia: bonitas autem vel malitia personæ peritur ex eius actibus tam internis quàm externis: Actus vero formantur ex illo rationali motu quo persona fertur in objecta talium actuum. Rationalis porro motus is est qui cum praua cognitione, cum sufficienti aduertentia & libertate produciuntur circa id quod æstimatur bonum vel malum morale, id est, quod

1. The first part of the document discusses the importance of maintaining accurate records of all transactions and activities. It emphasizes that proper record-keeping is essential for transparency and accountability, particularly in financial matters. The text outlines various methods for collecting and organizing data, ensuring that all relevant information is captured and stored systematically.

2. The second part of the document focuses on the analysis and interpretation of the collected data. It describes how to identify trends, patterns, and anomalies within the dataset. This section highlights the use of statistical tools and techniques to draw meaningful conclusions from the data. It also discusses the importance of contextualizing the findings within the relevant framework or industry standards.

3. The third part of the document addresses the communication and reporting of the results. It provides guidance on how to present the data in a clear, concise, and visually appealing manner. This includes recommendations on the use of tables, charts, and graphs to effectively convey complex information. The text also emphasizes the need for transparency in reporting, ensuring that all sources and methods are clearly documented.

4. The final part of the document discusses the ongoing nature of the process and the importance of continuous improvement. It encourages regular review and updates to the data and analysis, as well as the incorporation of new information and insights. This section also touches upon the ethical considerations surrounding data collection and analysis, emphasizing the need for privacy and security measures to protect sensitive information.

deserens; adeo verum est & constantissimum quod habet Propositio, rationalem illum motum quo persona quavis fertur in bonum vel malum pendere ab Intellectu, tamquam à suo naturali mouente seu motiuo.

Quæ omnia fusiùs apud sanctum Thomam videri possunt ex qua illud vnum præcipue referas quod cum suo etiam modo voluntas intellectum præcedat & moueat, ad suorum videlicet exercitium actuum, ne forte inde circulum aut processum in infinitum arbitreris, sic ad rem nostram peropportune. *Non oportet, inquit, procedere in infinitum, sed statim in intellectu sicut in primo. Omnem enim voluntatis motum necesse est quod præcedat apprehensio, sed non omnem apprehensionem præcedit motus voluntatis, sed principium considerandi & intelligendi est aliquod intellectuum principium altius intellectu nostro quod est Deus, qui scilicet primò lumen infundit quò post Intellectus voluntatem illustret & moueat.* Vnde tandem quid sequitur, nisi quod *Qualis Intellectus, talis & reliqua tota intellectualis creatura, Cuius qualitas est à bonitate ipsius, & bonitas à bono voluto, bonum autem non sit volitum nisi prout erit apprehensum, & ab intellectu propositum.*

Voca virum tuum dicebat Samaritanae Dominus, Id est, inquit S. Augustinus, presenta intellectum tuum, non me capis, non me intelligis, absens est intellectus tuus, voca virum tuum. Nonne propterea dictum, *omnia possibilia sunt credenti;* & fide Sancti omnes sanctitatem suam sunt affecuti! Hoc primum est quod Deus nobis largitur donum. Vnde S. Augustinus, *fides, inquit, etiam non petita conceditur ut ei petenti alia concedantur.*

Quapropter accuratè percolendus Intellectus Euangelicis veritatibus quarum ductu totam regat sibi subiectam familiam, id est, cunctos affectus, motus & sensus hominis: nec minori diligentia dissuadendus est falsis mundi ac carnis persuasionibus, quarum tanta vis est in animum ut si totus inde à virtute non abducatur, certe multum distrahitur; & tota quam paritur difficultas in virtutum actibus exercendis, inde vel maxime provenit quod in diuersas rapiatur partes, nec se plenè totum dedat veritati cogitanda. Hoc agnouit sanctus Augustinus cum miratus quare magis obediret corpus animo quam animus sibi, hanc reperit causam quod alius est animus in his quæ spectant ad se ipsum mouendum, & his quæ pertinent ad externos corporis motus. *Vnde hoc mon-*

strum, inquit, & quare istud? Imperat animus corpori, & paratur statim, l. 8. Com.
 imperat animus sibi & resistitur? Imperat animus & mouetur manus, f. 8. c. 2.
 tanta est facilitas ut vix à seruitio discernatur imperium. Et animus ani-
 mus est, manus autem corpus est. Imperat animus ut velit animus nec al-
 ter est, nec facit tamen. Vnde hoc monstrum & quare istud? Tum vero
 causam refert partim in intellectum, partim in voluntatem: In
 intellectum quidem quia non se totum applicat ad id quod si so-
 lum cogitaretur moueret plene animus ad virtutem: In volun-
 tatem vero quia distrahit intellectum ad alia cogitanda quæ à bo-
 nis operibus animum auocant aut retardant, & hanc vocat *agitu-*
dinem voluntatis quam sic describit sanctus Prosper: *Aegritudo animi* In sens. 5.
rationalis est, cum bonis inferioribus delectatus, superiora ex parte appe- Ang. nu.
tit, & ex parte non appetit, ideoque in duas dividitur voluntates, cumque 178.
una est, tota non est; & hoc adest uni, quod deest alteri. Vndenam ve-
 ro deest, & quamnam origo totius mali? Sic paucis & expedite S.
 Thomas: *Imperfectum est imperium animi in seipsum, & contingit ex* l. 2. q. 17.
hoc quod ratio ex diuersis partibus mouetur ad imperandum vel non: vnde a. 5. ad 14.
fluctuat inter duo, & non perfecte imperat.

Quamobrem in hoc vnum tota tendit praxis, vt quantum cum
 diuina Gratia diuinis Veritatibus te addices peruoluendis, tantum
 humanis contra oppositis falsitatibus excludendis te applices, ni-
 hil vt prorsus te impediat, quo minus vni vacare Deo ac virtuti
 exercendæ possis; atque ex illis sis quos *in intellectibus manuum sua-*
rum deduxit Deus. Habent quippe manus intellectum, quando in-
 tellectu cuncta reguntur opera.



HAC HEBDOMADA, Historia cæci nati,
 à Christo Domino illuminati, prout refertur Capite
 9. Ioannis, subministrabit Considerationes & Verita-
 tes quæ potissimum eò spectent vt discamus Lumina
 seu diuinas Gratias religiosè recipere, nec non fide-
 liter in effectum adducere.

FERIA SECVNDA.
DE QVADAM CÆCITATE
NATVRALI, QVÆ LIBENTER FERENDA
EST, AD DEI GLORIAM.

Neque hic peccauit, neque parentes eius, sed ut manifestentur opera Dei in illo. Ioan. 9.

VERITAS PRACTICA.

In tenebris quies: dicendumque cum Iobo, In tenebris stravi lectulum meum.


SENSVS EST, Quod sicut in tenebris sue nocte, post diurnum laborem capitur quies: ita nox quadam est cecitatis humana: sunt quedam tenebra naturalis ignorantiae multarum rerum quas & scire vellemus & quas tamen nos nescire vult Deus: in quibus tenebris omnino quiescendum.

RATIO EST, Quia ibi omnino quiescendum vbi Diuina voluntas & prouidentia purius agnoscitur & colitur.

Sed in illa cecitate ac tenebris naturalibus, Diuina voluntas & prouidentia purius agnoscitur & colitur.

Ergo ibi omnino quiescendum, & cessandum à superuacuis quas Scriptura vocat curis, nec curiosius inuestigandum quod nos latere vult Deus.

L PUNCTVM.

 **XIUIT** Iesus de templo, & prateriens vidit hominem cacum à natiuitate, & interrogauerunt eum discipuli eius: Rabbi, quis peccauit, hic aut parentes eius ut cacus nasceretur? Respondit





Quia videlicet cum nulla ut supponimus appareat humana ratio vel causa naturalis ad quam proxime referri possint quæ videmus, aut quæ potius non videri diximus: solum hoc restat ut ad unam Dei voluntatem & providentiam recurratur, in eaque sola sistatur, sola consideretur, sola colatur & adoretur, sicut in cœlo Diuinam Beati voluntatem propterea maxime venerantur dicentes, *Dignus es Domine Deus noster accipere gloriam & honorem, Apoc. 4. & virtutem quia tu creasti omnia, & propter voluntatem tuam erant, & creata sunt.* Sic prorsus dicendum esset in omnibus quorum etiam apparet causa & ratio, sed cum homines visibilibus & humanis magis adhærescant quam inuisibilibus & Diuinis, hinc fit ut tanto minus diuinam voluntatem omnium procreatricem & nutricem agnoscant, quanto magis simul cum illa considerant concurrentes alias causas naturales: unde id etiam ex opposito fieri dicendum est quod quanto minus naturales & humanæ spectantur rationes, tanto magis Diuinæ occurrent, eaque solæ nos sic occupabunt animos, ut quisquis possit cum Dauide dicere, *Quoniam non cognoui literaturam, introibo in potentias Domini, Ps. 70. Domine memorabor iustitiæ tuæ solius.*

Quæ Diuina iustitia tripliciter ad rem nostram potest intelligi. Primo ut sit æquitas iudiciorum & voluntatum Dei quibuslibet in rerum casibus, nihil ut aliud tam memoretur quam sola illa iustitia de qua sic idem aliter Psaltes Regius, *Cognoui Domine quia ps. 118. æquitas iudicia tua, & in veritate tua humiliasti me.* Secundo ut sit illa quam vocant vindicatiua iustitia quæ quantumcumque nos grauiter puniat, licet peccata non agnosceremus, non tamen repugnemus, non conqueramur, sed illius iustitiæ memoremur solius quæ semper infra condignum punit, atque intelligamus, ut est in libro Iob, *Quod multo minora exigamur ab eo, quam meretur Iob in iniquitas nostra.*

Tertio denique iustitia Dei quæ sola memoretur in aduersis, illa est qua dicitur Deus solus esse bonus, sanctus, & iustus; in cuius conspectu nihil nisi peccatores simus, nec sit vlla digna nostra iustitia seu virtus quæ coram eo se audeat producere, quasi ex se mereretur vel inflictæ nobis flagella procul merere, vel ampliora conciliare beneficia. Vere scio quod ita sit, dicebat Iob, *Iob 23. & quod non iustificetur homo compositus Deo. Qui etiamsi habuero aliquid iustum, non respondebo, sed meum Iudicem deprecabor.* Sic &

Dan. 9.

Propheta Daniel, *Neque enim in iustificationibus nostris, prosternimus preces ante faciem tuam, sed in miserationibus tuis multis. Exaudi Domine, placare Domine, attende & fac: ne moreris propter temetipsum Deus meus.* Sic denique sanctus Augustinus in hunc ipsum versum, *Domine memorabor iustitia tua solius. O SOLIVS*, inquit, *quid addit solius, rogo vos? sufficeret, memorabor iustitia tua. Solius, inquit prorsus, ubi meam non cogito. Iustitia tua sola liberat me, mea sola non sunt nisi peccata.*

III. P V N C T V M.

Sap. 6.

ERGO in tenebris requies, in quibus diuina purius & attentius consideratur voluntas ac providentia, cuius sola consideratio sic penitus mentem tranquillat ut quemadmodum ait Sapiens de illa solum cogitare, sit sensus consummatus, Id est, totum in ea cogitatione contineatur quod merito possit requiri ad confirmandam animi tranquillitatem. Sic ille alius Sapiens qui Ecclesiasticus dicitur miris loquendi modis & quid sit illam cogitare sapientiam quæ est ipsa Dei providentia, & quanta sit in illa cogitatione copia bonorum omnium ac præsertim quietis animi, sic declarat: *Beatus vir qui in sapientia morabitur, & qui in iustitia sua meditabitur, & in sensu cogitabit circumspectionem Dei, qui excogitat vias illius in corde suo, & in absconditis suis intelligens, vadens post illam quasi inuestigator, & in viis illius consistens: qui respicit per fenestras illius, & in ianuis illius audiens: qui requiescit iuxta domum illius, & in parietibus illius figens palum, statuet casulam suam ad manus illius, & requiescent in casula illius bona per ævum: statuet filios suos sub tegmine illius, & sub ramis eius morabitur; protegetur sub tegmine illius à furore, & in gloria eius requiescet.*

Eccl. 14.

Id est, dummodo se quis totum suaque omnia diuinæ dedat providentiæ, nec aliam rerum suarum causam & rationem inquiret diligentius, profecto miram inde percipiet pacis & bonorum omnium vbertatem.


L. p. 9. 19.

a. 6.

Verum id quidem quod ait sanctus Thomas, quod cum velit Deus effectus sic esse ut ex causis certis proveniant, ad hoc quod seruetur ordo in rebus, non est superuacuum etiam cum voluntate Dei, alias causas querere: Sed quando agitur de illis effectibus qui sic ad certas non possunt referri causas, tunc vanum est & temerarium illas inue-

stigare, solique Deo prorsus adhærendum: Vnde hæc apte sanctus Augustinus: *Placuit vanitati Philosophorum etiam aliis causis effectus contingentes tribuere, cum omnino videre non possent superiorem* L. 3. de Trin. c. 2.
ceteris causam, id est, voluntatem Dei. Recte item Boetius: *Neque* L. 4. Pr. 6.
enim fas est homini cunctas diuini operis machinas vel ingenio comprehendere, vel explicare sermone.

Ad praxim autem nil aptius quam quod Dauid: *In die tribulationis* Ps. 76.
mea Deum exquisiui; manibus meis nocte contra eum, & non sum deceptus. Renuit consolari anima mea, memor fui Dei, & delectatus sum.
 Quasi diceret, ut interpretatur S. Augustinus, non aliud aliquid in quo quiescerem exquisiui, sed Deum solum, ac proinde in Illo, quam quærebam inueni requiem. Et rursum: *Memor fui iudiciorum* Ps. 118.
tuorum à seculo Domine, & consolatus sum. De quibus qui plura desideret, legat D. Augustinum in Psalmos, ad hunc Psalmi versum, *Ignis, grando, nix, glacies spiritus procellarum quæ faciunt verbum eius,* Ps. 147.
ex quo hæc pauca: Quidquid hic accidit contra voluntatem nostram, nameris non accidere, nisi de voluntate Dei, de providentia ipsius, de ordine ipsius, de nutu ipsius, de legibus ipsius: & si non nos intelligimus quid quare fiat, demus hoc providentia ipsius quia non fit sine causa & non blasphemabimus. Cum enim caperimus disputare de operibus Dei, quare hoc, quare illud, & non debuisti sic facere, malè fecisti, hoc, ubi est laus Dei? perdidisti Halleluia. Omnia sic considera quomodo placeas Deo, & laudes artificem. Quia si intrares in officinam forte fabri ferrarij, non auderes reprehendere folles, incudes, malleos. Et da imperitum hominem nescientem quid quare fit, & omnia reprehendit. Sed si non habeat peritiam artificis, & habeat saltem considerationem hominis, quid sibi dicit? Non sine causa hoc loco folles positi sunt: Artifex nouit quare, & si ego non noui. In officina non audet vituperare fabrum, & audet reprehendere in hoc mundo Deum! Ergo quemadmodum ignis, grando, nix, glacies, spiritus tempestatis, quæ faciunt verbum eius: sic omnia quæ vanis videntur in rerum natura temere fieri, non faciunt nisi verbum eius, quia non sunt nisi iussu eius.



FERIA TERTIA.

DE MEDIIS QUIBVS VTITVR
DEVS AD GRATIAS CONFERENDAS,
FIDELITER OBSERVANDIS.

Fecit (Iesus) lutum ex sputo, & liniuit lutum super oculos eius (nempe caci nati) Ioan. 9.

VERITAS PRACTICA.

Qui conferendæ dimittit medium gratiæ, mediam is amittit & meliorem gratiam.

RATIO EST, Quia media gratia seu media pars & melior gratiæ quæ à Deo nobis confertur, ea est quæ spectat interiorem hominem perficiendum seu disponendum circa illud opus quod confertur.

Sed qui conferendæ dimittit medium gratiæ, partem illam amittit quæ spectat interiorem hominem perficiendum siue disponendum ad illud opus.

Ergo & mediam & meliorem partem amittit. Quod ne damnum obueniat, obseruanda fideliter sunt illa media quibus utitur Deus ad conferendas suas gratias, licet minus apta & opportuna plerumque videantur, sicut lutum ad caci oculos aperiendos.

I. P V N C T V M.

NÆC cum dixisset Iesus, quæ scilicet heri commemorata sunt, expuit in terram, & fecit lutum ex spuito, & liminis lutum super oculos Cæci, & dixit ei, *Vade, lava in natatoria siloe quod interpretatur missus. Abiit ergo & lauit, & venit videns.*

Mira profecto & singularis huius Cæci curatio! Non ita quidem in reipsa, sicut in modo & medio quo Christus vitur. Nam plures alios illuminavit cæcos, neque hoc magis mirum quam suscitasse mortuos: sed quorsum hic adhibetur lutum, & lutum ex spuito quod oculis applicetur? Nonne id potius excæcandi vim habebat quàm illuminandi virtutem? Nemo itaque dubitat quia sit mysticum tale medium appositum, sed varie à variis Mysteriorum exponitur.

Sanctus Chrysostomus ad primam refert hominis creationem quæ ex luto facta est & cuius Authorem & Creatorem omnium se indicare Christus voluit, ac proinde Sabbati nullis teneri legibus. Sanctus Augustinus Incarnationi Verbi Divini accommodat, docens per saluam intelligi Diuinam naturam, & per terram, humanam, quibus simul mixtis *curatum est*, inquit, *genus humanum à prima sui origine per peccatum primi parentis excacatum*; Quam Ipse interpretationem ad Catechumenos & Baptismi Sacramentum extendit. Sanctus verò Cyrillus ad augustissimam deducit Eucharistiam: *Si Christi salua*, inquit, *tam medica est & salutaris, quid de carne eius in Eucharistia sperandum?* Alij porro vtiliter hinc ad vilem & humilem humanæ conditionis statum nos aduocant, vt cum se carnem & lutum quis agnouerit, non alta sentiat sed humilibus consentiat & infimis, quibus ab elato deprimatur fastu. Alij denique sapienter rem totam explicant de his mediis quibus plerumque Christus vitur ad sua lumina seu gratias conferendas, quæ cum humanitatis appareant aliena potius à fine qui pretenditur quàm accommodata, non parum commouent & perturbant animos, atque ab eis etiam vsurpandis, nonnihil auocant.

Sic Iudæis scandalum & Gentibus stultitia, Crux Christi visa est, quando Christus prædicatus est Deus. Quid enim inquebant, Cruci cum Deo, quid cum immortali mors habere potest?

1. Pet. 1.

Sic quando piscatores Apostoli ad docendos & conuertendos Philosophos; quando ad lupos oues, ad fortes infirmi, & ad locupletes egeni missi sunt, quid minus opportunum ad rem bene agendam videbatur? Et tamen hæc sunt media quibus vsus est Christus: hoc est lutum quo totum vniuersum genus inungit humanum quod à tenebris vocauit in admirabile lumen suum. Hoc est lutum quo particularim singulos tangit & promouet ad quos fines non putarent si sensum humanum confulerent. Quis enim crederet se pietatem & deuotionem ex multis quæ importune sibi occurrunt negotiis posse assequi? Quis castitatem ex horrendis specibus quas menti Dæmon injicit? Quis honorem suo debitum ministerio ex tolerata confusione? Quis ab ignominia gloriam? à paupertate diuitias, ab infirmitate robur, ab impotentia potentiam, à paruitate magnitudinem, & à nihilo quidquam sperare possit? Hæc sunt tamen, hæc sunt mala quibus tanquam destinaris medijs Christus sua confert bona. Quæ quidem media tam fideliter tam religiose seruanda sunt, vt qui medium quoduis omitteret conferendæ sibi gratiæ, mediam ipsam & nobiliorem totam gratiæ partem amitteret.

Iam. 4.

Rom. 21.

Ratio quæ modo expendatur hæc est, quod cum in nobis duæ sint partes, quæ duo etiam dicuntur homines, exterior scilicet & interior, quibus ad omne bonum præstandum de nostro cum Dei gratia conferamus, nemini dubium est quin tanto interior sit exteriori melior ac nobilior quanto animus præstat corpori, & quanto magis animo quam corpore vult coli Deus. *Spiritus nempe est Deus, & eos qui adorant eum, in spiritu oportet adorare.* Non quod exterius sit negligendum, sed multo minus interius: ac si alterutrus iactura intercederet, deriuanda potius esset in exterius quam in interius detrimentum. *Non enim qui in manifesto Iudaus est: inquit Apostolus, neque quæ in manifesto, in carne est circumcisio: sed qui in abscondito Iudaus est & circumcisio cordis in spiritu, non litera, cuius laus non ex hominibus sed ex Deo est.* Quasi diceret, si comparatio fiat vtriusque hominis nempe illius qui exterius Iudaismum profitetur, & illius qui animo & corde circumcisus est, tanto is intervallo apud Deum præcedit alterum, vt ab eo solo dicatur coli Deus qui spiritualem & internam circumcisionem obseruat, sine qua quidquid aliud coram hominibus agat non placet Deo.

Et rursus alibi de hoc interno loquens homine, *Qui secundum* ^{Esph. 4.} *Deum*, inquit, *creatus est*, Id est, ad imaginem & similitudinem Dei, quo nomine quàm multa comprehendantur insignia quibus exteriori præcellit interior, quis non videt? Nam qui creatus dicitur imago Dei viuens, simul dicitur immortalis, intelligens, liber, incorporeus, indiuisibilis, humanæ ac Diuinæ capax Sapientia, virtutis, gratia, beatitudinis, ac visionis Dei, totiusque boni possidendi. Hæc vno imaginis verbo continentur omnia. Quæ cum propriè de interno dicantur homine, quis inquam non videt quàm multis alium excedat partibus? O quam propterea præclare sanctus Petrus comparans vtrumque hominem, ^{1. P. 3.} postquam in eos egit qui externum nimis curant & componunt, tum de interno loquens *sed qui absconditus est*, inquit, *cordis homo, in incorruptibilitate quieti & modesti spiritus qui est in conspectu Dei locuples*. Ad quæ Verba sanctus Ambrosius: *Verè diues qui in* ^{L. 4. Ep. 24.} *conspectu Dei potest diues videri in cuius conspectu terra exigua, mundus ipse angustus est. Sed solum illum Deus diuitem nouit qui sit diues aternitatis, qui non opum, sed virtutum fructus recondat.*

II. P V N C T V M.

SED qui conferenda dimittit medium gratia, partem illam amittit qua spectat interiorem hominem.

Distinguenda hîc sunt quatuor; Primum est, gratia conferenda; Deinde medium quo confertur. Tertio status interior circa vsum illius gratia. Quarto denique status huius interioris iactura siue amissio.

De primo, potest considerari Gratia vel vniuersalis quæ ad totum Dei cultum & animi nostri profectum attineat, vel quædam particularis quæ vnâ tantum virtutem aut aliquem virtutis actum comprehendat, qualis est exempli causa, deuotio seu pietas in orando Deo.

Secundo, medium quo illam tibi Deus virtutem vult conferre siue sit varia mentis distractio quam permittit in orando, siue diuersa negotiorum moles quæ mentem videatur obruere, atque ipsum etiam orandi tempus subripere.

Tertio, status interior circa vsum illius gratia, seu circa praxim illius in orando pietatis, dubitari non potest quin sic patientia, con-

formitas cum Diuina voluntate, Iudicij proprii abnegatio, & libertas quædam interior qua id tantum velis & tentes quod cum Diuina possis gratia.

Quarto denique, iam agnosce quod si tollas medium huius gratiæ conferendæ, si recuses illam mentis agitationem quam pateris, tollis illum statum internum quem diximus nempe patientiam, nempe voluntatis & Iudicij proprii quam tum Deus à te desiderat abnegationem integram & perfectam. Nam si nihil pateris, ubi patientia? Vel si tantum vis pati quod iudicas esse patiendum, ubi voluntatis & Iudicij abnegatio tantopere commendata?

Nec dicas, quorsum hîc patientia, quorsum hîc Iudicij & voluntatis abnegatio, ubi de orando agitur, ubi de vnienda cum Deo mente negotium mihi est? Non videtur id quidem, vt dicis, opportunum, sed cum aliter vt supponimus non possis orare quam patiundo quod nolles pati & quod humano iudicio non iudicares tum tibi esse patiendum, protecto nil restat quàm vt humanum illud iudicium abneges, & pro certo habeas tum nil fore Deo gratius quàm vt sic orēs, non orando prout velles, neque meliorem tibi cum Deo fore vñionem quàm per illam Iudicij & voluntatis tuæ conformitatem abnegando prorsus quod contra sentis. Idcirco enim præcipue Deus hoc vtitur medio tui secum vniendi quod tibi minus aptum videtur, vt sic te humilies, te subicias, te, vno verbo, intus abneges: hic est status interior quem à te in orando tum exigit, & non alius. Ac proinde vt dictum est, si hoc recusas medium talis tibi conferendæ gratiæ, recusas partem illam quæ spectat interiorem hominem, & simul recusas medium quo non est aliud aptius & magis necessarium ad perfectam cum Deo statuendam vñionem.

Rom. 12. in
Euang.

Sic apte sanctus Gregorius ad illa Domini Verba: *Si quis vult venire post me, abneget semetipsum, & tollat crucem suam & sequatur me.* QUA, inquit, nisi quis à semetipso deficiat, ad eum qui super ipsum est, non appropinquat, nec valet apprehendere quod ultra ipsum est si nesciat mactare quod est. Sic olerum planta transponuntur vt proficiant. Atque vt ita dixerim, eradicantur vt crescant. Sic rerum semina in terra admixtione deficiunt, vt in reparatione sui generis uberius assurgant. Vnde enim videntur perdidisse quod erant, inde accipiunt hoc apparere quod non erant.

III. PUNCTVM

III. P V N C T V M.

QVI ergo conferenda dimittit medium gratia, medium is & meliorem amittit gratiam, Nempe illam partem quæ ad internum animum spectat statum qui cum in abnegatione iudicij potissimum sistat, tam fideliter retinendum est huius gratiæ medium, quàm religiose cauendum est ne hæc à nobis excidat gratia. *Contemplan-
tes ne quis desit gratia Dei: Ne qua radix amaritudinis sursum germi-
nans impediat, & per illam inquinentur multi.* Quænam illa porro radix amaritudinis nisi iudiciū proprium quo repugnamus his quæ à Deo nobis eueniunt, nec tamen opportuna videntur? & quid proinde magis cauendum ne germinet quam tale hoc nostrum iudiciū, quod prorsus eradicare videtur Apostolus his alijs verbis: *O homo tu quis es, qui respondeas Deo?* Numquid velles à Religione Christiana fidem tollere, vel à fide obscuritatem & captiuitatem illam in quam redigi debet *omnis intellectus in obsequium Christi?* Nonne sic reuera meliorem religionis & amplio-
rem meriti partem tolleres? Quis tam proiectus ad omnem impietatem & audaciam vellet alijs modis & medijs Sacramentorum gratiam recipere quam quibus à Christo Domino sunt instituta? Quis non ritu Christiano sed suo ficto baptizari vellet? Quis aliter sibi peccata dimitti quam per pœnitentiam? Aut quis ad vitam immortalẽ inuenerit quam per illum Panem vitæ qui propterea nobis est consecratus? Nonne sic certis alijs conferendis gratiis certa sunt quædam ordinata media, quibus nisi constanter adhæreas, iacturam facias illius gratiæ? Nonne propterea dictum à Propheta contra illos qui se inde audacius subtrahunt, suisque se vellent duntaxat consilijs regere: *Ipsi autem sicut Adam transgressi sunt pactum, ibi prauaricati sunt in me.* Sic nempe Adam transgressus est pactum seu medium quo Deus illi statuerat consequentes conferre gratias, si medium illud seruasset: sic autem non seruauit cum iudiciū suum interponere voluit de illa fatali arbore cuius erat esu prohibitus: sic enim forte secum differebat, si bona est arbor cur non comedo, si mala est quid facis in Paradyso? Sicque liberius in Deum prauaricatus est.

O quàm ille consuleior Credentium Pater qui suum iussus immolare filium non cogitauit quæ multa poterant iussum illud re-

290 FERIA 4. Hebd. 20. post Pent. Ille homo qui dicitur, &c.

tardare, sed suo prius immolato iudicio sic promissæ gratiam hæreditatis accepit dum talis sibi gratiæ conferendæ medium fideliter obseruauit.

Et ne à proposito Cæci nati exemplo longius abeamus, audi ex Diuo Chrylostomo quid ab illo referas ad Veritatis praxim:

In c. 9. *Fides, inquit, cæci demonstrata est, qui non contradixit, nec apud se ita cogitauit, lutum magis excacat, sape laui in Siloë, & nihil aditus sum, si virtutem Christus haberet, præsens curasset; sed simpliciter obedivit.*

Hæc est simplex obedientia, tam fidelis gratiarum Dei dispensatrix quàm totius diuini ordinis quo illæ gratiæ conferuntur, obseruans est religiosissima. Hæc est illa simplicitas qua Euangelicæ primi nostri parentes in Apostolicæ meritum dignitatis admissi sunt, qui vocati à Domino nihil dijudicantes aut hesitantes, inquit san-

Serm. de S. Antea. *ctus Bernardus, non solliciti unde viverent, nec considerantes quomodo rudes homines & sine literis prædicatores fieri possent, nihil denique interrogantes, sine omni mora relictis retibus & nauis, secuti sunt eum.* Hæc est certa perfectionis attingendæ via quam qui velit incedere, Ne de majorum sententia iudices, ait sanctus Hieronymus, cuius officij est obedire, & implere qua iussa sunt, dicente Moyse, Audi Israel & tace.

Ep. 4. ad Rusticum.

Vide in 2. p. FERIA 4. & 5. infra octauam Ascensionis Domini.



FERIA QVARTA. DE VERA GRATITVDINE PRO LVMINE SVPERNATVRLI, ET ALIIS ACCEPTIS A DEO GRATIIS.

Ille Homo qui dicitur Iesus, lutum fecit & vnxit oculos meos, & video. Ioan. 9.

VERITAS PRACTICA.

Vera Gratitude in tenebris apparet clariùs quàm in lumine.

Vera Gratitude in tenebris apparet clariùs quàm in lumine. 291

Ad veram propterea Gratiùdinem pro acceptis luminibus Deo exhibendam, sic dicendum cum Dauide: Sicut tenebræ eius, ita & lumen eius. *Pf. 138.*

RATIO quæ utramque simul Veritatem connectit & declarat hæc est, quod vera Gratitude tunc clariùs apparet quando apparet manifestius quod Benefactor magis colitur quam beneficium.

Sed in tenebris apparet manifestius quàm in lumine quod Benefactor magis colitur quàm beneficium.

Ergo & vera Gratitude in tenebris apparet clariùs quàm in lumine. Ac proinde vt pro acceptis luminibus & gratiis vera exprimaturs forma veræ gratitudinis Deo exhibendæ, sic videtur dicendum quod aiebat in Psalmis David: *Sicut tenebræ eius, ita & lumen eius.* Id est, sicut in tenebris magis agnoscitur & colitur Benefactor quam beneficium, sic in lumine magis est agnoscendus & colendus, aut non est vera Gratitude.

I. P V N C T V M.

ILLUMINATI à Christo Cæci vera in suum Benefactorem gratitudo tunc plurimum apparere caput cum inter vicinos & notos multa de eo quæstio facta est, multæque dictæ sententiæ, quas sic Euangelista refert: *Itaque vicini & qui viderant eum prius quia mendicus erat. Dicebant, Nonne hic est qui sedebat & mendicabat? Alij dicebant quia hic est. Alij autem nequaquam, sed similis est ei. Ille verò dicebat, quia ego sum, dicebant ergo ei, quomodo aperti sunt tibi oculi? Respondit, Ille Homo qui dicitur Iesus, lutum fecit, & unxit oculos meos, & dixit mihi, vade ad natatoria siloc, & laua, Et abiij, laui, & video.*

Nec ibi porro definit, sed ultra semper tantò se Christo Domino gratiorem & fideliorem præbere pergit quantò post acrius &

Qo ij

Iudæis impugnatur & prohibetur Christum illum prædicare ac profiteri.

Hoc est scilicet verè esse gratum quando sic beneficium minutatim recolitur ut plura de Donatore quam de dono memorentur; magisque appareat Beneficiarij animum suo tenerius adhærere Benefactori quam suo beneficio. Quod certe rarum est, & vix ab ipsis modo qui perfectionis vias terunt usurpatum, qui cum abundant gratiis & diuinis impleantur luminibus, minus se tamen gratos exhibent quam dum versantur in tenebris. Fieri quidem potest ut nec in tenebris nec in lumine se satis gratos præbeant: sed si tamen in tenebris ullam præ se ferunt gratitudinem, hæc est verior & certior quam quæ ab illis exhibetur in lumine. *Clarius inquam, in ipsis apparet tenebris quam in luce qua sit vera gratitudo*, nec aliud quidquam aptius & opportunius ad veram in acceptis luminibus exhibendam Deo gratitudinem excogitari potest, quam ut probe intelligatur & religiose sentiatur quod dicitur; *sicut tenebra eius, ita & lumen eius.*

- Ratio fundamentalis iam proximè cum de Cæco ageretur, indicata est & per se patet, quod vera nempe Gratitude tunc apparet clarius quando apparet certius & manifestius quod Benefactor magis colitur ab eo qui accepit beneficium, magis æstimatur & diligitur quam ipsum acceptum beneficium. Sic enim apparet esse amor, qui ut ait Gerson, *non respicit ad dona sed ad donantem se conuertit super omnia bona*. Adde quod vera Gratitude præsertim apud Deum de qua hic agitur, debet ita respondere menti diuinæ, ut non sit aliter vera nec aliter gratitudo quam ut diuinæ responderet menti. Primò enim nil in rebus verum quam prout ad diuinum refertur intellectum, siue quod idem est, quam prout tale Deusse intelligit, ut expressè docet sanctus Thomas. Deinde verò nihil Deo gratum aut à nostra profectum gratitudine dici potest nisi quod ipse probet, nisi quod ipse velit, & quod suis intendat beneficiis ut à nobis ipsi reddatur? Quid est autem quod magis velit & suis in nos collatis beneficiis magis intendat Deus quam ut magis ametur & colatur quam ipsa quæ confert dona? Nonne hoc est quod expressè Moyses post enumerata sigillatim beneficia quibus abundanter Deus Israelitas affecerat; *Et nunc*, inquit, *& nunc Israel, quid Dominus Deus tuus petit à te nisi ut timeas Dominum Deum tuum, & ambules in viis eius, & diligas eum ac seruias. De-*

mino Deo tuo in toto corde tuo, & in tota anima tua?

Emphaticum plane est illud quod præmittitur, *Et nunc Israël,* Quasi diceretur, iam verò quis finis horum omnium? Quorsum tam multa beneficia nisi vt Benefactorem agnoscas & sic toto illum corde, totaque diligas anima, nihil vt supersit cordis & animæ diligendis creaturis nisi ordinate ad ipsum prout velit, prout permittat? Quod quia tamen Israël non erat effecturus, sed contrà plus in donis quam in donante positurus, audi quam propterea grauiter cum illo Deus exostulet, *Incrassatus est dilectus, & recalcitauit: Incrassatus, impinguatus, dilatatus dereliquit Deum Factorem suum!* Et dolentius apud Prophetam: *Filios enutriui & exaltavi, ipsi autem spreuerunt me!* Non certe aliter quàm quod donis abusi sunt, nec aliter sunt abusi quam quod plus sibi data dona dilexerint quàm Datorem.

II. P V N C T V M.

SED quando Gratiitudo exhibetur in tenebris, tunc apparet manifestius quam quando in lumine redditur, quod Benefactor magis colitur quam beneficium.

Primo hic per tenebras & per lumen intelligi quælibet aduersa & prospera notius est quàm vt expressius declaretur.

Deinde additur in propositione, quando Gratiitudo exhibetur in tenebris, ne alioquin putetur hic vniuersim asseri quod Gratiitudo magis exerceatur in aduersis quam in prosperis, quod non est ita: Nam facilius est & vulgarius gratias referre Deo propter accepta beneficia, quam propter inflictas plagas; Cum enim in acceptis beneficiis amor qui dicitur concupiscentiæ siue naturalis amor sui facile reperiatur, hinc statim gaudium ex bono possesso emanat, & ex gaudio quædam gratiitudo, sed non qualis in tenebris & aduersis. Vbi nihil proprium, nihil concupiscibile, nihil naturale nihil amabile, sed omnia prorsus opposita sentiuntur.

Atque hinc fit, vt quod habet Propositio, quando in tenebris & aduersis Gratiitudo exhibetur, magis appareat quam in prosperis quod Benefactor colatur & ametur, plusquam beneficium. Licet enim aduersa poni debeant in beneficiis, non ita tamen sensu naturali percipiuntur sicut prospera, nec proinde lætitia & gratiitudo quæ tum in aduersis excitatur, tam naturalis

est sicut quæ sentitur in prosperis; atque ita demum quando ex una parte nihil naturale, nihil proprium amor naturalis & proprius reperitur quo lætetur & unde gratias referat; & ex altera tamen exultat animus & gratias Deo refert, ita inquam evidenter sequitur ut tum magis appareat quod pure & sincere solus spectetur Deus à quo sunt illa quæ patitur naturæ repugnantia, & à quo quidquid est meretur laudem & gratitudinem. Esto enim ut dictum est, illa etiam aduersa respiciat animus tamquam bonum suum, quia tamen non sunt bonum naturale, non caducum, non transitorium, sed æternum & beatum, longe hic purius semper spectatur Deus quam spectari solet in prosperis quando ex his tantum lætamur quod sint huius vitæ bona. Neque enim hanc quæ ex caducis & peiituris bonis oritur, lætitiā tam certum est & à Deo provenire, & ad ipsum redire Deum, sicut quæ sentitur ex bonis spiritualibus, & quæ exuperat omnem sensum.

Quamobrem recte sanctus Hieronymus in hac Apostoli ad Ephesios Verba, *Gratias agentes semper in omnibus: QVANDO, inquit, in Dei beneficiis qua nobis accidunt gratulamur: hoc & Gentilis facit & Iudæus, & Publicanus, & Ethnicus. Christianorum propria virtus est, etiam in his qua aduersa putantur referre gratias Creatori. Qui sibi sanctiores videntur, solent Deo referre gratias quod de periculis vel miseriis liberati sint: sed iuxta Apostolum hac virtus est maxima, ut in ipsis periculis ac miseriis Deo gratias referantur, & semper dicamus, Benedictus Deus, minora me scio sustinere quam mereor, hac ad mea peccata parua sunt, nihil mihi dignum redditur, Ille animus Christiani est, hic crucem suam tollens sequitur Salvatorem quem nec orbis nec damna debilitant: quem ut Flaccus in Lyrico carmine ais, si fractus illabatur orbis, impavidum ferient ruina.*

Cur porro hunc esse animum Christiani, sanctus affirmat Doctor nisi quia Christiani est hominis, non naturali, non humano, sed spirituali & supernaturali motu moueri; sicque illi qui mouentur in aduersis ad gratias Deo referendas se vere Christianos profiteantur quia sic moueri non est naturale, non est humanum, sed spirituale & Diuinum: non quæ sibi sunt propria seu comoda respicimus, sed quæ magis Deum spectant: *Pleni in omni voluntate Dei.*

III. PUNCTVM.

VERA igitur Gratiitudo in tenebris apparet clariùs quàm in lumine: sicque ad veram illam gratitudinem pro acceptis luminibus Deo exhibendam, dicendum cum Davide, sicut tenebræ eius, ita & lumen eius: Sicut in tenebris & aduersis laudatur Deus, ita in lumine, ita in prosperis est laudandus: sicut in tenebris purè spectatur Deus non aliud quidquam, ita in donis purè spectandus Deus, non ipsa dona: Maius est ipse Bonum quam quæ bona largitur: magis est laudandus quia in se est bonus quam in nobis: magis denique benedicendus in suis nobis collatis bonis quia sit illa vult nobis conferre, quam quia sit illa nobis volumus: *Confitebitur tibi cum benefeceris ei*, dicebat Deo David de homine sese *magis amante quam Deum*, quod auertat ipse à nobis Deus qui *dixit de tenebris lucem splendescere*, Cum vt dictum est, ex tenebris discimus quid in luce dicamus. Ps. 43.

Sæpe quidem aliter in Scripturis & in sanctis Patribus à luce prouocamur ad tenebras, Id est, à gratiis quas Deo reddimus in prosperis, excitamur ad easdem illi persoluendas in aduersis, quia videlicet vt diximus, non ita facile semper aduersa sicut prospera de manu Dei accipimus, quo in statu satendum est mentem illam quæ aduersis repugnat, persuadendam esse non modo ne repugnet, sed ne minus etiam se tum gratam Deo exhibeat, quàm in luce & prosperis, quia non sunt illa minus à Deo quam illa, nec minus in vtrisque est beneficium, si non minus bene malis utamur quam bene bonis fruimur. At verò cum animus de his persuasus iam exerit suas in tenebris & aduersis grates depromere, nec se minus obstrictum Deo mortificanti quam viuificanti agnoscere, tunc illa tam puræ sunt & sinceræ grates quas Deo mortificanti persoluit, vt inde discat oportet pares viuificanti Deo reddere, cum alioquin nisi sic perpurgentur, & amore proprio qui se acceptis ita permiscet beneficiis, vt hæc potius quam Benefactorem spectet, exuantur, non erunt ita gratæ, non erunt ita sinceræ non ita descæcatæ grates, non erit vera gratitudo quæ solum vera est cum Benefactor magis agnoscitur quam beneficium, ac proinde constans manet Veritas, Quod sit discendum à tenebris quid sit in luce dicendum. 2. Cor. 4.

Perinde quasi quod de intellectu & voluntate dicitur, hic agi diceretur: nempe intellectum mouet voluntas ad exercitium sui actus, & voluntatem mouet intellectus ad illum suum quem specificum vocant actum: Sic plane à prosperis exercitium: & ab aduersis species seu forma gratitudinis exhibenda discatur.

Quo in utroque genere ut pares simus animis, animos expedit omnino expeditos esse suis prauis affectibus, nihil ut aliud velint quam quod purè Deus, & cum illo qui dixit, *Sicut tenebra eius, ita & lumen eius*, possimus etiam quod proxime sequitur, Deo dicere, *Quia tu possedisti renes meos*, Quod praeclare admodum prosequitur sanctus Augustinus, ad illos ipsos Psalmi versus: *Qua est, inquit, lux noctis huius? Prosperitas & felicitas saeculi huius, gaudium temporale, honor temporalis, quasi lux est noctis huius. Aduersitas autem & amaritudo tribulationum vel ignobilis, tanquam tenebrae sunt noctis huius. In hac nocte, in hac mortalitate vita humana habent homines lucem, habent homines tenebras: lucem prosperitatem, tenebras aduersitatem. Sed ubi venerit Dominus Iesus Christus, & habitauerit animam per fidem, & promiserit aliam lucem, & inspirauerit, & donauerit patientiam, & monuerit hominem non delectari prosperis, ne frangatur aduersis: incipit homo fidelis indifferenter uti mundo isto, nec extolli quando res prospera accedunt, nec frangi quando res aduersae sunt, sed ubique Dominum benedicere, non solum quando abundat, sed etiam quando amittit: non solum quando sanus est, sed etiam quando aegrotat, ut sit in illo vera illa cantatio, Benedicam Dominum in omni tempore, semper laus eius in ore meo. Si ergo semper & quando lucet nox ista, & quando obscura est nox ista, quando aridet prosperitas, quando tristis est aduersitas, semper sit laus eius in ore tuo, & fiet tibi quod modo dictum est, sicut tenebra eius, ita & lumen eius. Non me conculcant tenebrae eius, quia non me extollit lumen eius. Ecce habes lumen ipsum in Tob, abundabat omnibus rebus: lux noctis in illius diuitiis prima describitur: quantis rebus & quanta copia redundabat, lux erat noctis eius. Putauit inimicus propterea illum talem virum colere Deum, quia illa omnia donauerat ei, & petiuit ut auferrentur ab eo. Facta sunt tenebrae noctis illius, quae primo habebat lucem. Nouerat tamen ille, siue lux ibi esset, siue tenebra, illam noctem esse, in qua peregrinaretur à Deo suo, & habebat internam lucem ipsum Deum suum, per quam lucem internam indifferenter haberet siue tenebris noctis illius, siue lucem, propterea quia in luce noctis illius, id est, in rerum abundantia colebat*

Deum.



298 FERIA 5. Hebd. 20. post Pent. Dixerunt cæco, Tu quid, &c.

Etum est, sit nomen Domini benedictum. Quàm nox atrax! percussus vulnere à capite usque ad pedes putrefactum liquecebat in se, tunc enim uxor ausa est eum tentare, Dic aliquid in Deum tuum, & morere. Audi benedicentem in noctibus: Locuta es, inquit, quasi una ex insipientibus mulieribus. Si bona suscepimus de manu Domini, mala quare non toleramus? Ecce quid est, in noctibus extallite manus vestras in sancta, & benedicite Dominum.

Huc etiam referri debent quæ habentur in 1. p. Sabbato Hebd. 4. post Epiph. & in 3. parte, Dominica 13. post Pentecosten.



FERIA QUINTA.

DE BONO LIBERTATIS VSV.
SECUNDVM ACCEPTAS GRATIAS.

Dixerunt Cæco iterum, Tu quid dicis de illo quæ aperuit oculos tuos? Ille autem dixit, quia Prophe-ta est. Ioan. 9.

VERITAS PRACTICA.

Cos bonæ libertatis, mala libertas.

Id est,

Tantò magis acui & excitari debemus ad verum liberè prædicandum & bonum benè agendum, quanto alij liberiores sunt ad illud impugnandum.

RATIO EST, Quia quantò majus est periculum pessundan-
da Veritatis & profananda fidei, tanto magis acui & excitari
debemus ad illam protegendam.

Sed quanto alij liberiores fuerint ad impugnandum Verum, tanto

est majus periculum pessundanda Veritatis & profananda fidei. Ergo inde magis acui & excitari debemus ad illam protegendam, sicque fiet Cos bona libertatis mala libertas, quando ex malorum libertate, Bonorum libertas exacuetur & excitabitur.

I. P V N C T V M.

CVM vicini & noti disceptarent inter sese ac quærerent de Cæco illuminato quod supra dictum est, adduxerunt eum ad Phariseos. Erat autem Sabbatum, inquit Euangelista, quando lutum fecit Iesus, & aperuit oculos eius. Iterum ergo interrogabant eum Pharisei quomodo vidisset. Ille autem dixit eis: Lutum mihi posuit super oculos, & laui & video. Dicebant ergo ex Phariseis quidam, Non est hic homo à Deo qui sabbatum non custodit. Alij autem dicebant, quomodo potest peccator hac signa facere? Et schisma erat inter eos. Dicunt ergo cæco iterum, Tu quid dicis de illo qui aperuit oculos tuos? Ille autem dixit, quia Propheta est. Id est, à Deo missus & verax Doctor, atque idcirco audiendus & colendus. Nam talis Propheta dicebatur licet nihil futurum prædiceret, quale adhuc hic homo cæcus, à Iesu non audierat.

At vero meditare attentius quàm sint in carpendis Christi operibus liberi Pharisei: & contrà qui cæcus fuit quam sit expeditus & acer Christi defensor. Audent Iudæi primo negare hunc ipsum esse hominem qui cæcus fuerat: Deinde non verentur illum affirmare qui lutum fecit in Sabbato non esse à Deo missum, non esse virum audiendum: Ac denique, quod est tetrius, non alium eum dicunt quàm peccatorem, Id est, hypocritam, Pseudoprophetam, blasphemum & Illusorem. Quanta licentia! Quanta præsumptio! Cæcus autem ex opposito constanter & obfirmatè profitetur se illum ipsum esse qui erat cæcus & mendicus: palam denuntiat omnibus Virum illum à quo lumen accepit esse à Deo, esse Prophetam, esse Doctorem & Magistrum cuius se discipulos Pharisei omnes debeant profiteri: ac quidquid tandem obstrepant, quidquid minentur, nullis terretur verbis, quin potius tanto audacius pergit loqui, quanto illi vt sileat vrgent acrius. *Sic bonam libertatem mala libertas velut Cos acuit & pronocat, sicut à Tullio Cos fortitudinis dicitur Iracundia.*

Quamobrem in id modò insistendum, vt formatam inde Veritatem diligenter expendamus, & quoties incideret nos inter tales versari homines qui sacra & Diuina liberius carperent, intelligamus nobis non esse liberum tunc silere, sed tanto magis nos acuendos & excitandos ad veram fidem cum bonis moribus propugnandam, quanto illi essent liberiores ad illam expugnandam.

1. Cor. 13. Non enim possumus aliquid aduersus Veritatem sed pro Veritate, Quasi diceret Apostolus, sicut nobis non licet aduersus Veritatem loqui, sic neque licet non loqui pro Veritate quando maxime impugnamur. Vt mihi quia tacui, serò tandem agnoscit Propheta quod ipsum Regem Oziam non monuisset, & contra profanos ritus pro Veritate non stetit. Tunc nempe tanto magis exardere contra debuerat quanto majus periculum videre poterat impendens sinceræ fidei, sic peccante Rege. Nam sicut incanta locutio in errorem pertrahit, inquit apte Diuus Gregorius, ita indiscretum silentium hos qui erudiri poterant in errore derelinquit. Hinc namque eos per Prophetam Dominus increpat dicens: Canes muti non valentes latrare. Et rursus: Non ascendistis ex aduerso, nec opposuistis murum pro domo Israel, vt prorsus staretis in pralio in die Domini. Ex aduerso quippe ascendere, est pro defensione gregis voce libera huius mundi potestatibus contraire; & in die Domini in pralio stare, est prauis decertantibus ex iustitia amore resistere.

Cum enim illi tam audaces & proterui sint contra Veritatem, nonne dolendum esset eos esse timidos & pauentes quibus pro Veritate pugnandum est. Sic planè sentiebat sanctus Ambrosius:

Ep. 37. ad Sabina. Etenim doleo tantam esse in mendacio obseruantiam, in Veritate negligentiam vt confundantur plerique attentiores ad Sacro-sanctam religionem videri, non considerantes vocem dicentis, qui me confusus fuerit coram hominibus, confundam & ego cum corum Patre meo qui est in celis.

Denique si quod monet Apostolus, instandum est opportunè importunè, quandonam opportunius pro Veritate pugnabitur quam quando impugnatur? Dicturis importunè Apostolus, promisit opportune, quia scilicet vt rectè notat sanctus Gregorius, apud auditoris mentem ipsa sua utilitate se destruis si habere importunitas opportunitatem nescis: At quando talis loquendi sese offert occasio vt vel pessunderetur Veritas nisi loquaris, aut seruetur si loquaris: tunc quanta præcedit importunitas, tanta sequatur necesse est & importunitas.

II. PUNCTVM.

SED quanto alij liberiores fuerint ad impugnandum Verum, tanto est majus periculum pessundanda Veritatis, & profananda fidei.

Tunc enim pessundari dicitur Veritas & profanari Fides, quando sic primo à nonnullis vilifit & deprimitur, vt deinde ab aliis sensim contemnatur. Quanto illi autem qui Veritatem impugnant liberiores fuerint in loquendo, tanto certe manifestius & se ostendunt nihili ducere quod ita palam impugnant, & facilius persuadent aliis id ita esse, quando praesertim nemo illos reuincit, nemo illis resistit. Tunc nempe hæc tacita & peruersa subit vnumquemque cogitatio, quomodo illi tam proiectè auderent loqui, vel quomodo illis tam timide resisteretur, nisi res ita esset? Cum iam verò Veritates illæ de quibus ita palam detrahitur, non sint vulgo gratæ & acceptæ, quod naturalibus repugnent concupiscentiis, sic facile veniunt in contemptum & pessundantur: unde illi gemitus apud Prophetas, & frequentes in Scripturis querelæ: *Corruit in platea Veritas.* Non in angulis, non in recessu, 1s. 59. non in occulto, sed in plateis, in vicis, in manifesto coram omnibus, nullum vt lateat, sole vt ipso clarius pateat; hoc est perire Veritatem, hoc est fidem & religionem profanari. Vnde & alius Propheta: *Veritatem non loquentur, docuerunt enim linguam suam 1a. 9. loqui mendacium.* Id est, non id ioco, non id temere, non leuiter, sed certa quadam ex scientia, sed meditatio, ex industria & quasi subductis hinc inde rationibus contra Veritatem loquuntur vt tanto minus appareat mendacium, quanto ipsi liberiores in loquendo & audaciores in probando quod loquuntur apparebunt.

Hæc est Cathedra pestilentiae de qua Psalmo primo, *Beatus vir Ps. 1. qui non abiit in consilio impiorum, & in via peccatorum non stetit, & in cathedra pestilentiae non sedit,* Siue vt Hebræa ferunt, *In cathedra Ixiforum,* Quod eodem prorsus redit, nam & illi simul irrisores sunt & pestilentes; sicut enim pestis facile gliscit & in vulgus manat, sic peruersa dogmata quæ ludicris quibusdam verbis & faceris irrisionibus condiuntur; nihil ad aurem procliuius, nihil ad pectus pestilentius: *Quasi carmen musicum quod suauis dulcique sono Ex. 33. canitur.*

Tum vero quis hic bonorum sensus? Quis animus? Quis silere possit? Quis non loquatur potentias & virtutes Domini?

III. PUNCTVM.

COS igitur bona libertatis, mala libertas; Et tanto magis acui, tanto ardentius excitari debemus ad Verum liberè prædicandum, & vobis bene agendum, quanto alij liberiores fuerint ad illud impugnandum: Quia sic tunc acriter impugnatur Veritas vt expugnetur, nisi contra obliſtatur: Tum verò quando est tale periculum Veritatis expugnandæ & funditus euertendæ, quis eorum non se opponat quorum labia custodiunt scientiam, & ex quorum ore legem requirent? Non quidem in contentione & æmulatione, sed honestè ac secundum ordinem omnia fiant in suauitate, in spiritu sancto, si fieri potest quantum ex vobis est cum omnibus hominibus pacem habentes. Sed si fieri non potest, pacis priuatæ iactura minor est quam Veritatis: Et melior est contentio pietatis causa suscepta, quam vitiosa concordia, inquit sanctus Gregorius Nazianzenus.

Et vero si pietatis causa talis contentio suscipitur, cur ipsa pietas deferatur? Cur Charitas deponetur quæ congaudet Veritati quando pro Veritate pugnabitur? Cur male faciet is qui non contendit cum alio nisi vt bene faciat? Quia sic est voluntas Dei, ait sanctus Petrus, vt bene facientes obmutescere facias imprudentium hominum ignorantiam, quasi liberi, & non quasi velamen habentes malitia, libertatem, sed sicut serui Dei. Quasi diceret, sic liberi sumus, vt tamen simus serui: sic est libertas assumenda, vt tamen non deponatur seruitus: sic libere quisquis loquatur, vt loquendo seruiat Domino Deo suo. Sic denique causam suscipiat vt non suam, sed Dei causam agat.

Quod & ipsum paulo post repetens: Timorem, inquit, eorum ne timueritis, & non conturbemini: Dominum autem Christum sanctificate in cordibus vestris, parati semper ad satisfaciendum omni poscenti vos rationem de ea quæ in vobis est spe, sed cum modestia & timore. Conscientiam habentes bonam, vt in eo quod detrahunt vobis, confundantur qui calumniantur vestram bonam in Christo conuersationem. Videtne timorem hic vetari simul & præcipi? Vetatur quidem ne desinas loqui: sed præcipitur, ne loquendo quemquam lædas. Sicut itaque non est silendum cum præiudicio Veritatis, sic plane

non est loquendum cum detrimento Charitatis. Quod utrumque pariter obseruandum, manifeste nobis innuitur in illis symbolis quæ vestri quondam Sacerdotali iubebantur attexi, mala scilicet Exodi 18. punica mixtis in medio tintinnabulis, *Quid enim per tintinnabula nisi sonitum loquentis sacerdotis, & quid per mala granata nisi vel fidei vel Charitatis unionem intelligas: Nam sicut in malo punico, inquit sanctus Gregorius, uno exteriori cortice multa interiori grana mununtur, sic innumeros sancta Ecclesia populos, unitas fidei contegit quos intus diuersitas meritum tenet. Mala punica tintinnabulis iungite, ut per omne quod dicitis, unitatem fidei cauta obseruatione teneatis. Quæ quidem unitas fidei multum confert ad fouendam Charitatis unionem: sed & ipsa Charitatis unio non minus ducit ad resouendam fidei si forte langucat, unitatem.* 2. parte Pag. 14.

Vide in 3. parte, Sabbato Hebdomada decima, vbi hæc Veritas demonstratur:

Optabilius bonum bellum quàm mala pax.



FERIA SEXTA.

DE COMMUNICANDIS OPPORTUNE LUMINIBUS, ET GRATIS ACCEPTIS.

*Numquid & vos vultis eius discipuli fieri?
A seculo non est auditum, quia quis apernit oculos
caci nati. Nisi esset hic à Deo, non poterat facere
quidquam. Ioan. 9.*

VERITAS PRACTICA.

Aut sis æquus dispensator, aut iniquus dissipator.

SENSVS ET RATIO EST, Quod qui seruus à Domino suo rem accepit aliis dispensandam, aut sit oportet æquus rei dispensator, aut iniquus dissipator.

Sed quas habes gratias gratis datas, accepisti à Christo Domino in alios dispensandas.

Ergo aut sis æquus dispensator, aut iniquus dissipator, prout illas fideliter communicaueris, vel infidè negaris, gratias.

I P V N C T V M.

QUOD sancti Doctores aiunt illos à Christo sanatos esse animo qui corpore sanabantur, apparet in hoc præcipue Cæco illuminato, qui tantum interni luminis & Diuinæ gratiæ, cum externo accepit oculorum lumine, vt non modo ipse videret Illum esse Virum coelitus missum à quo curatus fuerat, sed & veller hanc omnibus communicare gratiam, vt & ipsi Prophetam eum agnoscerent, audirent, & colerent.

Cum itaque variis Iudæorum interrogationibus vrgeretur vt quid tibi à Christo factum esset ad curationem eæ citatis euulgaret, quam arte quibusque modis ac mediis aperuisset eius oculos: Respondit eis; dixi vobis iam, & audistis, quid iterum vultis audire? Numquid & vos vultis eius discipuli fieri? **LOQUEBATVR** inquit sanctus Augustinus, iam stomachans aduersus duritiam Iudæorum, & ex cæco videns, non ferens cæcos. At verò cum Iudæi contra obfirmatè niterentur, & se quidem Moïsis discipulos dicerent, hunc autem quem prædicabat cæcus, nescirent vnde esset: Respondit ille homo, & dixit eis, In hoc enim mirabile est quia vos nescitis vnde sit, & aperuit meos oculos! Scimus autem quia peccatores Deus non audit, sed si quis Dei cultor est, & voluntatem eius facit, hunc exaudit. A sæcula non est auditum quia quis aperuit oculos cæci nati. Nisi esset hic à Deo, non poterat facere quidquam. Nonne hoc est docere, nonne hoc est acceptas gratias communicare aliis? Nonne propterea Iudæi grauius excandescens, Responderunt, & dixerunt ei: In peccatis natus es totus, & tu doces nos?

Sic itaque nobis imitandus est iste non iam cæcus sed multum illuminatus & illuminans, vt quæ in proximorum utilitatem accepimus,

accepimus, libenter impendamus, non tantum quando liberiores occurrent alij quemadmodum heri dictum est, in carpendis veritatibus, sed quoties vel officij nostri ratio, vel exhibenda Charitatis occasio sese dabit. Aut ipsa etiam ignaræ plebis necessitas à nobis exiger, non parcamus dictis salubribus, non retineamus verbum salutis, non abscondamus talentum, non cessemus dare quod dandum accepimus & quod dando numquam minuitur. *Caue diligenter, si accepta gratia non fueris æquus dispensator, ne sis iniquus dissipator.*

Alterutrum te horum necessariò tandem futurum, Ratio hæc prorsus suadet. Nam qualis ille cumque sit seruus qui pecuniam aut panem aut triticum aut vestes aut quid aliud acceperit à Domino suo quod vel familiæ, vel mercenariis vel egenis distribuat, nonne hunc esse oportet vel æquum rei sibi creditæ dispensatorem vel iniquum dissipatorem? Nam vel fideliter & ex æquo quibus debet secundum Domini sui mentem distribuet, vel non distribuet; Si primum, æquus est ille dispensator quem Dominus ipse describit, *quis putas est fidelis dispensator & prudens quem constituit Dominus super familiam suam, ut des illis in tempore tritici mensuram?* Si secundum, iniquus est dissipator, siue in emolumentum suum bona illa transfulerit, siue ad alios fines non malos detorserit, siue in pios etiam vsus impenderit: dissipasse bona dicendus est quia tantum non fideliter illa dispensauit prout dispensanda ex Domini mente acceperat. Et inique dissipasse dicendus est quia non erat bonorum Dominus sed Domini seruus & bonorum distributor ex illius cognita voluntate. *Seruus ille est infidelis qui cognouit voluntatem Domini sui, & non prapauit, & non fecit secundum voluntatem eius, & qui propterea vapulabit multis.*

Quod & clarius in Villico iniquitatis demonstratur quæ expresse bona sui Domini dicitur dissipasse. Quamobrem verò nisi quod ad Domini mentem bona illa non dispensasset? Cur autem diffamatur hoc nomine, cur illi à Domino dicitur, *quid hoc audio de te, recede rationem Villicationis tuæ, iam enim non poteris villicare*, nisi quia talis erat iniqua dissipatio, nili quia qui noluit esse æquus dispensator, factus est iniquus dissipator? O si tam probe nossemus quæ sunt interna & spiritualia, quàm sunt externa hæc & humana, cundis manifesta!

II. P V N C T V M.

SED quas habes gratias gratis datas, tu illas accepisti à Christo Domino in alios dispensandas: non illas quidem formales gratias, sed illarum operationes & effectus.

Id est, si quid ad æternam aliorum salutem noueris quod possis sine proprio salutis & perfectionis detrimento communicare, sic te puta illud hoc sine accepisse à Domino ut data occasione communices quibus primò debes ex officio, & Iustitiâ; tum quibus potes ex Charitate, zelo, fidelitate ac pluribus aliis quæ considerari possunt motiuis.

1. Pet. 4. Sic aperte sanctus Petrus: *Vnusquisque sicut accepit gratiam, in alterutrum illam administrantes, sicut boni dispensatores multiformis gratia Dei; Quasi diceret, cum sint variae multiplicesque gratiae variis distributæ ac diuersis etiam distribuendæ, debet unusquisque primum videre quid acceperit, ne supra id quod possit tentet; Deinde vero aduertat quibuscum agat, ut quod unicuique est aptius largiatur. Ac denique ut agnoscat quàm se fidelem præstare debeat in hoc communicandæ gratiæ munere, cogitet se velut dispensatorem Christi esse à quo accepit quod daret, & quod sibi retinere non potest tamquam proprium. Sic enim pergit idem Apostolus: Si quis loquitur quasi sermones Dei, si quis ministrat tamquam ex Virtute quam administrat Deus, ut in omnibus honorificetur Deus per Iesum Christum, Id est, quidquid boni dicat vel faciat, non tamquam suum se putet dicere vel facere, sed tamquam diuinum munus hoc sibi communicatum sine, non ut sibi soli seruet sed ut aliis partiatur; tum ne sibi usurpet quod non est suum, tum ne sibi gloriam communicati boni vendicat, sed totum referatur Deo, à quo totum est, & ad quem redire totum debet.*

1. Cor. 4. Sic coapostolus eius Paulus, *Sic nos existimet homo ut ministros Christi, & dispensatores mysteriorum Dei. Hic iam quæritur inter dispensatores ut fidelis quis inueniatur. Nempe ut fideliter quod accepit distribuât, & distributæ etiam gratiæ gloriam sibi non arroget.*
Act. 20. Vnde & de seipso suis aiebat: *Dummodo consummem cursum meum, & ministerium verbi quod accepi à Domino Iesu, testificari Euangelium gratia Dei, Quasi diceret, hoc vnum curo: Tum paulò post pergens: Quapropter, inquit, contestor vos hodierna die, quia mundus*

sum à sanguine omnium. Non enim subterfugi quo minus annuntiarem omne consilium Dei vobis. Id est, si quis vestrum pereat, non mea peribit culpa quia quidquid à Deo acceperam illi dandum ad salutem, non negavi. Quod declarando particularius sic pergebat: Propter quod vigilate: memoria retinentes, quoniam per tricennium nocte & die non cessavi cum lachrymis monens unumquemque vestrum.

Hoc est factò confirmare quod docebat verbo de communicandis ea fidelitate donis coelestibus qua dispensator teneretur ad terrena dispensanda pro sui præscripto Domini.

Sic sancti Patres intellexerunt & præstiterunt, quos inter Divus Gregorius: *Tunc bene, inquit, multiformis Dei gratia dispensatur, quando acceptum donum, & eius qui hoc non habet, creditur: quando propter eum cui impenditur, sibi datum putatur: Hinc per Paulum dicitur, per Charitatem servite inuicem. Tunc enim nos Charitas à iugo culpa liberos reddit, cum vicissim nos nostro per amorem servitio subicit: cum & aliena bona, nostra credimus; & nostra aliis quasi sua offerentes, exhibemus. Et rursus alibi explicans illud Ezechielis de mysticis animalibus à Propheta visis, sub firmamento penna eorum recte alterius ad alterum: TVNC, inquit, penna virtutum sub firmamento recta sunt, quando bonum quod alter habet, hoc alteri impendit: ut qui terrenam substantiam accipit, indigentis proximi inopiam subleuet. Qui doctrina gratia plenus est, ignorantis proximi tenebras verbo sua predicationis illustret. Qui temporali potestate subnixus est, oppressos à violentiis relevet. Qui prophetie spiritum plenus est, à vita proximi mala, imminencia bona suadendo, declinet. Qui gratiam curationis accipit: intercessionem sua saluti infirmantium pie & humiliter impendat. Qui à terrenis actibus liber soli Deo vacare meruit, pro delinquentibus proximis exoret. Fit autem saepe ut qui in terrena substantia nimis occupatur, orationi non quantum debet inuigilet. Et sit plerumque ut is qui ad exorandum Dominum cunctis mundi oneribus exutus vacat, sustentationem vivendi non habeat. Sed dum dives porrigit alimentum atque vestimentum pauperi, & dum pauper orationem suam animam divitis impendit, penna animalium recte alterius ad alterum tenduntur. Nam dum ille mihi verbum predicationis exhibet, & lumine veritatis ex corde meo ignorantia tenebras expellit, dumque illi ego quia fortasse à mundi huius potente opprimitur, solatium mea defensionis impartior, atque hunc de violentis manibus enello, vicissim nobis pennas nostras tendimus, ut nos affectu & opæ vicaria, ex bono quod accepimus tangamus. Unde bene primus Pastor ad-*

1. Ps. 4. monet dicens : Omnium finis appropinquabit. Estote itaque prudentes, & vigilate in orationibus : ante omnia mutuam in vobismetipsis Charitatem continuam habentes , quia Charitas operit multitudinem peccatorum. Hospitales inuicem sine murmurationibus. Vnusquisque sicut accepit gratiam , in alterutrum illam administrantes. Quod ergo apud Ezechielem penna , hoc apud Petrum Apostolum accepta gratia dicitur. Et quod ille ait : Recta penna alterius ad alterum : hoc Ecclesie pastor dicit , unusquisque sicut accepit gratiam , in alterutrum illam administrantes. Penna enim nostra recta iam non sunt , si ad utilitatem nostram solummodo reflectuntur. Sed tunc recta fiunt , cum in utilitatem proximi dirigimus quod habemus. Quia enim bona nostra non à nobis sunt , sed ab eo hac accepimus à quo factum est ut essemus , tanto ea nobis non debemus retinere priuata , quanto ea nobis conspiciamus ab Auctore nostro ad communem utilitatem data. Vnde rectè Petrus Apostolus in exhortatione huius rei subdit dicens : Sicut boni dispensatores multiformis gratia Dei. Atque adhuc adjicit : Si quis loquitur , quasi sermones Dei : Si quis ministrat , tanquam ex virtute quam administrat Deus. Ac si aperte dicat : Humiliter impendite bonum proximis , quia scitis vobis non à vobis esse quod habetis. Qualibet enim penna virtutis cum ad proximum impartiendo tenditur , recta non erit , si humilitate caruerit.

Ibidem.

III. P V N C T V M.

Ps. 118. **Q**VISQVIS igitur accepisti quod aliis ad salutem communicare possis , aut sis aquus dispensator , aut iniquus dissipator ; Quia nisi fideliter illud dispenses , inique dissipas : cum dissipare sit aliud nihil quam non fideliter dispensare vel administrare quod idcirco acceperas ut tamquam bonus dispensator aliis pro suo cuique captu disperties , vnde illud Psalmi : Dissipauerunt legem tuam. Id est , non eam obseruarunt quo erat seruanda modo ; Et libri

Ps. 18. Prouerbiorum : Qui mollis est & dissolutus in opere suo , frater est opera sua dissipantis. Id est , illi similis qui sua perdit. Sic plane sua perdit qui sua sola facit quæ aliis communicanda erant : Nam non erant eius nisi essent & aliorum quibus negat : nec vniquam magis eius fuissent nisi cum ea communicasset aliis , quia sic Christus Dominus statuit Quod omni habenti dabitur , & abundabit : ab eo autem qui non habet , & quod habet auferetur ab eo. Id est , ut interpretatur sanctus Augustinus , omni bene utenti eo quod accepit ad

Exc. 8. & 12.

aliorum utilitatem, tanto id abundantius multiplicatur, quanto hinc copiosius aliis benefacit: Vt è contra non sic videnti fideliter, nec quidquam quod non habeat acquiritur, nec ipsum habet quod habebat; Qua ratione sanctus Doctor vtitur, vt qui timent ne communicando aliis, sibi prejudicent, timorem pellant, Non est, inquit, metuendum ne Deus dare desinat cætera dum ea quæ data sunt ^{10.} caperimus impendere. Sicut ille panis quem Christus multiplicauit in deserto, dum frangeretur, accreuit, sic ea quæ ad hoc opus aggrediendum iam Dominus præbuit cum dispensari ceperint, eo ipso suggerente multiplicabuntur, vt in hoc ipso ministerio non solum nullam patiamur inopiam, sed de mirabili eius abundantia gaudeamus.

Recte autem & de his timidis sanctus Gregorius: Diuinas contra se sententias terribiliter audiant, quatenus ab eorum cordibus timor timorem expellat. Audiant quod talentum qui erogare noluit, cum sententia damnationis amisit. Et quæ fuse prosequitur, quæ habentur in 3. parte, Sabbato Hebdomadæ yndecimæ, vbi hæc Veritas exponitur: ^{3. P. Pass. adn. 26.}

Rape ad Eum quos potes: Nam si potes, & non rapis, tot cœlo perdis quot Christo lucrari poteras.

Videri & ista præcipue debet quæ declaratur in 1. parte, Die 18. Ianuarij:

Nemo magis sibi Christum seruat, quam qui minus sibi soli seruat,

Vel è contrario:

Nemo minus sibi Christum seruat quàm qui magis sibi soli seruat.



S A B B A T O.

**DE PROMPTO GRATIARVM VSV
NEC DIFFERENDA LVMINVM PRAXI.**

Audiuit Iesus, quia eiecerunt eum foras, & cum

310 *Sabbato Hebd. 20. post Pent. Et procidens adorauit Eum.*

*inuenisset eum, dixit ei, Tu credis in filium Dei?
Respondit ille, & dixit, quis est Domine, ut credam
in eum. Et dixit ei Iesus. Et vidisti eum, & qui
loquitur tecum, ipse est. At ille ait, Credo Domine,
& procidens adorauit eum. Ioan. 9.*

VERITATES PRACTICÆ.

Satius sæpe esset non videre quod facias, quam non
id facere quod faciendum videas.

Quia hæc Veritas eundem pene sensum habet atque ista:

Melius erat viam Iustitiæ non introisse quam re-
troisse.

Vide pro vtraque declaranda in 2. parte, Feria 5. Hebd. 4. post
Pascha, Nec non in 3. parte, Feria 2. Hebdomadæ 9. ubi hæc
demonstratur:

Affectum probat effectus.

De vitanda porro dilatione, præsto sunt hæc sequentes:

Quidquid offerendum Deo sciet vera Deuotio, dif-
ferre nesciet.

In 1. parte, Feria 2. Dom. 4. Aduentus.

Dum lucet, ambulandum: ne tenebræ fiant.

In 1. parte, Die 5. Ianuarij.

Quò longius differes, difficultatem difficilius tolles.

In 1. parte, Feria 2. Hebdom. 4. post Epiphaniam.

Si dum adest occasio, virtus abest: vix vñquam
aderit.

In 2. parte, Feria 2. Hebd. 2. in Quadragesima.

Præcipitatio animi in statu vitæ diligendo, præcipi-
tium est animæ.

Non euitat præcipitium sed mutat qui ne nimis sit
præceps, nimis est lentus.

In 2. parte, in fine ubi de statibus prima & secunda Consideratione.

Verbum Dei non redit vacuum, aut profit necesse est, aut obfit.

In 3. parte, Feria 2. Hebdom. 8. qua accommodari possent Iudais excacatis, & Cæco illuminato.

Quod vidéris tibi velle si differas, velles quidem, sed verè non vis.

In 3. parte, Feria 2. Hebdom. 12.

Volenti bonum & differenti, præstaret nolle quam differre.

Ratio est, quia præstaret posse facilius culpam agnoscere si qua est in volendo vel differendo bonum, quam non agnoscere.

*Sed qui nolis omnino bonum, hic poteris culpam cum gratia facilius agnoscere, quam qui velis & differat, Nam nolle repugnat manifeste bonæ voluntati sicque facilius malum agnoscere poterit: Differre vero licet sit malum, non ita tamen evidenter pugnat cum bona voluntate, quia qui differt etiam sine causa, se semper bonam illam putat habere voluntatem, in quo errat & decipitur, quia non est bona nec vera voluntas quæ quod potest & quod debet non facit. Hoc est enim quod ait Sapiens, *Vult & non vult piger*, Nam piger ille est qui differt sine causa. Quomodo autem simplici & absolute nolit, nec sit vera voluntas, sed velleitas quæ se piger dicit velle:*


Prom. 31

Vide in 3. parte, Dominica 7. ubi hæc Sapientis Verba fuisse declarantur in hunc sensum quem diximus.

*Quæ in singulis præterea partibus de fide fideliter exercenda tractantur, huc commodè reuocari possunt, siue ad Verba Christi Domini quærentis à Cæco, *Nûm credat in filium Dei*; Siue ad huius Cæci Verba dicentis, *Credo Domine*. Certe hoc pauci vere possint respondere, unde est illa hic in primis opportuna Veritas:*

Nullus est Christianus qui non credat Christum, esse filium Dei: & vix est ullus Christianus qui hoc verè credat.

In 3. parte, Die 6. Augusti.



DOMINICA XXI. POST PENTECOSTEN.

DE PARABOLA DEBITORIS
DECEM MILLIVM TALENTORVM,
AD CONDONANDAS MUTVAS
INIURIAS.

*Sic Pater meus cœlestis faciet vobis, si non remiseritis unusquisque fratri suo de cordibus vestris,
Matth. 18.*

VERITAS PRACTICA.

Quidquid profers ne parcas aliis, contra te profers ne parcat tibi Deus.

RATIO EST, Quia quidquid profers, vel iniustum & falsum est, vel iustum & verum tibi videtur.

Sed si falsum est, aperte contra est: aut si iustum videtur, illud ipsum habet Deus quod contra te proferat.

Ergo quidquid profers ne parcas aliis, contra te profers ne parcat tibi Deus; ac proinde potius silendum est, & quidquid contra Charitatem exhibendam offertur, comprimendum.

I. PVNCTVM.

I. P V N C T V M.



ASSIMILATVM est regnum calorum homini Regi qui voluit rationem ponere cum servis suis, & oblatum est ei vnus qui debebat ei decem millia talenta. Vide quæ plura in sacro habentur textu de illa Parabola hodierni Euangelij, cuius scopus & finis est vt intelligamus Deum simili prorsus modo se erga nos habiturum, quo nos erga proximos gesserimus circa Injuriarum condonationem. Quo de argumento iam supra multoties actum est; Nunc quia solent semper in particulari casu qui nos attingit, obrepere rationes quas proferimus ne parcamus aliis, contra est firmiter obastendum, atque illud quod proposita Veritate asseritur diligenter expendendum, *Quidquid profers ne parcas aliis, contra te profers ne parcat tibi Deus.* Quidquid enim illud sit, vel falsum est & iniustum, vel verum & iustum tibi videtur.

Inter hæc duo, non datur medium, nisi forte dicas cum impiis, *Sic fortitudo nostra, lex iustitia:* Quali diceres te hic non spectare sap. 2. quid sit falsum aut verum, quid iustum aut iniustum; sed hoc vnum quod de inimicis placet vlcersi, vel quia displicet accepisse injuriam, nunc quantum possis, velis eam referre: At nonne hoc qui audent dicere, tam manifeste dicuntur errare, vt à sua etiam malitia dicantur excusati. Nec obicias posse aliquid partim esse ibi d. iniustum & partim iustum, nam malum ex quouis detectu est: & si qua parte iustum lædatur, tota ruit iustitia. *Qua enim participatio iustitia cum iniquitate? Aut qua societas lucis ad tenebras?* Responde 2. Cor. 6. Apostolo, vel acquiesce.

II. P V N C T V M.

SED si falsum est illud quod profers ne parcas proximo, tantum sapis te contra te profers, quam manifestum est quod sic falso iniuste proximum vexans, tu Diuinam in te iusticiam prouocas, iuxta illud Scripturæ frequentissimum: *Et reddet illis (Deus) iniquitatem ipsorum: & in malitia eorum disperdet eos: disperdet illos Dominus Deus noster.* Nonne hoc est contra se agere, sic se disperdendum proferre? Nonne neganda est prorsus Diuina iustitia, vel hæc tibi valde formidanda?

17. 43.

Quod si iusta tibi videntur quæ contra proximum profers ne illi parcas : hæc ipsa tantò iustius contra te proferet Deus ne tibi parcat , quanto tua tibi magis iusta videbuntur. Quid enim ais ? Quid legitime quereris ? Quid iuste contrà depromis ? *Reduc me in memoriam* , ait ipse Deus , & *iudicemur simul* : *Narra si quid habes , ut iustificeris*. Dices videlicet injuriam tibi grauem illatam ! Tuam ab indigno læsam esse dignitatem ! Tuam ab Ingrato proculcatam beneficentiam ! Multam esse lædenti hominis , à te læso distantiam ! Iam sæpe plures illi condonatas injurias ! In abusu verti nimis tuæ facilitatis vsum.

Nonne hæc sunt & consimilia quæ tam iusta tibi videntur ne illatas condones injurias : vt quasi te iniuste putares agere si eas condonares ? At verò vide si hæc apud te valent nec parcas proximo quidquid peccarit , quanto magis apud Deum valere possint ne tibi peccatori parcat. Si hæc iuste profers contra proximum , vide quam iustius illa ipsa contra te proferat Deus.

17. 44.

Tu illatam tibi grauem dicis injuriam : At vel vnum peccatum nonne est grauior Diuinæ Majestatis injuria , quàm si vel omnes Creaturæ simul essent ab vno læsæ , quantum grauius lædi possunt ? Quid denarius ad talentum ? Quid denarij centum ad decem talenta millia ? Quem teipsum facis oppositum Deo ? Quæ tua dignitas ad Diuinam à te offensam ? Aut quæ illius qui te offendit indignitas , ad tuam , humuncio vilissime , si cum Deo compareris , indignitatem ? Beneficia collata commemoras quæ ingratus ille proculcauit qui te immeritò læsit ! Tune vero nihil à Deo te accepisse agnosces ? Nihilne Creationis Beneficium , nihil Redemptionis , nihil Conseruationis & sexcenta tot alia quibus abundas existimabis , & quibus cum nihil præter offensam reddas , non te propterea dices ingratum ? Non audis quod ipsi audiant coeli , & quod auribus terra percipiat : *Quoniam Dominus locutus est : filios enutriui & exaltaui , ipsi autem spreuerunt me*. Dic vero quoties idem tibi remissum est crimen ? An si quater aut quinques satis esse putas remissam à te injuriam , nonne satis esse putabis cum tibi millies iam à Deo remissa fuerit ? Quod si vel forte toties te non peccasse crederes , Dic sodes an præsumas te non deinceps omnino peccaturum , vel an peccanti nolles tibi Deum parciturum , quoties vt parcat , petes ?

Denique quod postremum profers de abusu veniæ quæ quando

frequentior est, insolentiores reddit aduersarios tuos: nonne & tu ex illis es de quibus dicitur: *Etenim quia non profertur citò contra malos sententia: absque timore ullo filij hominum perpetrant mala?* Nonne in dies *contra omnipotentem roboraris*, ut est in libro Iob; & *aduersus eum tam erecto collo & tam pingui ceruice curris armatus*, quàm si nondum vlla tibi data fuisset peccati venia? Ecl. 8.
Iob 15.

III. P V N C T V M.

PATET igitur euidenter quod quidquid profers ne parcas aliis, contra te profers ne pareat tibi Deus: Nam vel nullum est contra proximum, vel contra te valeat necesse est. Cur enim contra illum nisi quia iustum putas? Cur idem vero non contra te, cum sit tantò id iustius quantò te major Deus est? Quod si Bonitatem eius in parcendo cogitas, cur non eam imitaris ut sicut ille tibi, sic tu parcas proximo? Nonne hoc est Bonitatem & Iustitiam eius velle peruertere, si ne parcas proximo Diuinam æmuleris Iustitiam: tibi vero ut parcat Deus, Diuinam eius interponas Bonitatem? Quid magis oppositum Diuinis institutis quibus erudimur, spectandam esse Dei benignitatem ut sic inuicem benigni simus: timendam verò Iustitiam, quæ pari certe mensura quàm mensi fuerimus aliis, nobis remerietur?

Diligite, inquit, inimicos vestros: benefacite his qui oderunt vos ut facis filij Patris vestri qui in cælis est. Et rursum, *Estote inuicem benigni, misericordes, donantes inuicem sicut & Deus in Christo donauit vobis.* **DONANTES** vobismetipsis si quis aduersus aliquem habet querelam, sicut & Dominus donauit vobis, ita & vos. *SI autem non dimiseritis hominibus, nec Pater vester dimittet vobis peccata vestra.* Sic & pater meus cælestis faciet vobis, si non remiseritis unusquisque fratri suo de cordibus vestris. **IUDICIUM** enim sine misericordia illi qui non fecit misericordiam. Luc. 6.
Ephes. 4.
Coloss. 3.
Matth. 6.
Ibid. 18.
Luc. 2.

Quid crebrius in Scripturis? Quid frequentius in sanctis Patribus? Quid ad omnem posteritatis memoriam, exemplis comprobatum illustrioribus? Tu tamen è conuerso, quasi nouum velis recudere rebus statum, tu Diuina fretus Iustitia, misericordiam proximo denegabis: & violatæ misericordiæ impunitatem ab ipsa te iactabis obtenturum misericordia? *Quomodo ergo implebuntur Scripturæ?* Matth. 23.

Rr ij

316 Dominica 21. post Pent. Parabola Debitoris decem, &c.

Mat. 18.

Luce 11.

Luce 11.

Luce 6.

Mat. 5.

Mat. 10.

Eph. 6.

Apte autem ex multis, sanctus Augustinus: Porro tibi ea regula bonitatis præfixa est, ut imiteris bonitatem patris tui, qui facit solem suum oriri super bonos & malos, & pluit super iustos & iniustos. Numquid enim tu habes inimicum, & Deus non habet? Tu quidem eum habes inimicum qui tecum creatus est: ille verò eum quem creavit. Inimicos ergo Dei malos & iniquos sæpe in Scripturis legimus, & parciſ ei ille qui non habet quod ei imputes inimicus, cui omnis inimicus ingratus est: ab illo enim habet quidquid boni habet. Ab ipso enim habet misericordiam, quidquid est, etiam unde tribulatur. Ad hoc enim tribulatur ne superbiat: ad hoc tribulatur, ut humilis agnoscat excelsum. Tu ergo inimico tuo quem intolerabiliter pateris quid præstitisti? Si ille eum habet inimicum qui ea tanta præstitit, & facit solem suum oriri super bonos & malos, & pluit super iustos & iniustos: tu qui nec solem potes oriri facere, nec super terras pluere, unum aliquid servare amico non potes, ut sit tibi pax in terra homini bona voluntatis? Ergo quoniam hac tibi dilectionis regula figitur, ut imitans patrem, diligas inimicum: Diligite enim, inquit, inimicos vestros: in hoc præcepto, quomodo exercetis si nullum inimicum patereris.

Et non paucis interiectionis: Cum aliquid tale patitur Christianus, non debet facile velut odio ire in eum, à quo patitur, & velle ventum vincere, sed convertere se ad orationem ne amittat dilectionem. Neque enim timendum est, ne aliquid faciat homo inimicum. Quid enim facturum est? Multa mala dicturus, opprobria iaculaturus, in convitiis saniturus. Sed quid tibi? Gaudete, inquit, & exultate, quoniam merces vestra magna est in calis. Ille in terra geminas convitiis, tu in calo lucra. Sed saniat amplius, possit & aliquid amplius, quid te securius: cui dictum est, Nolite timere eos qui corpus occidunt, animam autem non possunt occidere? Quid est ergo timendum quando pateris inimicum? Ne conturbetur in te dilectio, quia diligis inimicum. Etenim inimicus ille homo caro & sanguis, quod videt in te, appetit. Alius autem inimicus occultus rector harum tenebrarum, quas tu pateris in carne & sanguine: alterum oculum tuum petis, thesauros tuos interiores depradari & vastare molitur. Duos ergo inimicos constitue tibi ante oculos, unum apertam, & alterum occultum. Apertum hominem, occultum Diabolum. Homo ille, hoc est, quod tu secundum naturam humanam, secundum fidem autem & dilectionem nondum quod tu, sed poteris esse quod tu. Cum ergo sint duo, unum vide, alterum intellige: unum dilige, alterum caue. Namque & inimicus ille quem vides, hoc

Quidquid profers ne parcas aliis, contra te profers, &c. 317

in te vult humiliare unde vincitur. Verbi gratia, si diuitiis tuis vincitur, pauperem te vult facere: si honore tuo vincitur, humilem te vult facere: si viribus tuis vincitur, debilem te vult facere. Ea ergo attendit in te vel dejicere vel auferre quibus vincitur, & ille occultus inimicus, illud tibi vult tollere unde vincitur. Homo enim hominem vincit humana felicitate, diabolum autem vincis inimici dilectione. Quomodo ergo homo ambit auferre tibi & detruncare, aut auertere felicitatem, qua vincitur, sic & diabolum hominem vult vincere auferendo unde vincitur. Sed cura in corde seruare inimici dilectionem, qua diabolum vincis. Suiat homo quantum potest, auferat quicquid potest: si diligitur aperte sauiens, victus est occultè sauiens.

Quæ porro de hac materia desiderari possunt vberius, subiectæ tibi subministrabunt Veritates suis declaratæ locis.

Inimici nostri magis prodesse possent odio quàm profuissent obsequio.

In 1. p. Die sanctorum Innocentium.

Iniuriosum est Christo si nulli quidem velis inferre iniuriam, nolis autem illatam ferre.

In 1. p. Die 16. Ianuarij, ad illas voces, Ecce agnus Dei.

Qui sibi innocenti factam iniuriam nimis dolet, suæ ipse innocentie iniuriam facit.

In 2. p. Fer. 2. Hebdom. 4. in Quadragesima.

Illustrior de inimicis palma est, mori pro eis ne moriantur, quàm ipsis perditis triumphare.

In 2. p. Dominica Palmarum.

Esto appareant aliquæ irascendi causæ, multo tamen plures sunt & validiores ne irascaris.

In 2. p. Fer. 3. Hebdom. 3. post Pascha.

Beati misericordes, quoniam ipsi misericordiam consequentur.

In 3. p. Fer. 6. Hebdom. 3. Vide & Fer. 4. Hebdom. 4. necnon Dominicam 5. sequentem ubi de ira & odio, &c.

Si naturæ humanæ durum est obedire Christi præce-

318 Dominica 21. post Pent. Parabola Debitoris decem, &c.

pto, longe est durius gratiæ, naturam humanam non obedire Christo.

In 3. p. Feria 6. Hebd. 5. Vide & Feriam 5. precedentem.

Sicut pauci dimittunt suis Debitoribus, ita & paucis sua dimittuntur debita.

In 3. parte, Fer. 6. Hebd. 6. Quæ hic plurimum opportuna, sicut & sequens.

Si semel sunt condonandæ iniuriæ, sunt semper condonandæ.

Vel nullas vmquam rectè voles condonare, vel semper omnes condonare voles.

In 4. p. Fer. 5. Hebd. 16.

POSSENT verò ex nonnullis Euangelij partibus excerpti quædam ad diuersos ordinata fines & status, prout ipsa verborum quæ seliguntur significatio suggeret.

Assimilatum est regnum cælorum homini regi qui voluit rationem ponere cum seruis suis.

VERITAS PRACTICA.

Qui ne fortè terreatur, non cogitat reddendam rationem, magis tertendus est quia non illam cogitat.

In 3. p. Dominica 8. ubi & sequens habetur:

Qui se interrogat ante iudicium, interrogatus in iudicio facilius respondebit.

Ecclesi. 18.

Iuxta illud scilicet Sapientis: Ante iudicium interroga teipsum, & in conspectu Dei inuenies propitiationem.

Et cum cepisset rationem ponere, oblatus est ei vnus qui debebat ei decem millia talenta.

VERITAS PRACTICA.

Malo peccati nullum par aliud malum.

In 3. p. in appendice ad missiones cap. 13. fusè.

Cum autem non haberet unde redderet, iussit eum Dominus eius venditari, & uxorem eius, & filios, &c.

VERITAS PRACTICA.

Vnde timorem minuis, inde magis tibi timendum est.

In 3. p. in eadem appendice cap. 3.

Procidens autem servus ille, orabat eum dicens: Patientiam habe in me, & omnia reddam tibi.

VERITAS PRACTICA.

Diuinæ debemus patientiæ, quòd non extrema quæque patimur.

RATIO EST, Quia quæ sunt condigna nostris peccatis si non patimur, hoc Dei misericordis & patientis donum est, hoc diuinæ debemus patientiæ.

Nisi enim patientiam habuisset in nos, statim atque commissum est peccatum, merebatur poenam: & punitum fuisset, sicut in rebellibus Angelis, & in multis aliis peccantibus qui in flagranti delicto perierunt. *Misericordia Domini quia non sumus consumpti, Thron. 3: quia non defecerunt miserationes eius.*

Sed sunt extrema quæque condigna peccatis nostris; Imo & infra condignum infernus est, id est, inferior & minor est poena quam sit vel vna mortalis culpa: nullusque peccator est qui quod in libro Iob dicitur, sibi suis in poenis usurpare non debeat: Peccavi Iob 33:

& verè deliqui, & ut eram dignus, non recepi. Vide in appendice missionum de peccato mortali.

Ergo diuina debemus patientia quod non extrema quaque patimur, quæ uel vni peccato debentur, quanto magis tam multis & tam grauibz quæ peccasti: quantoque magis diuinæ te patientiæ debitorem debes agnoscere?

2s. 144.

O quam verè dictum à Dauide, *Misericors & miserator Dominus, patiens seu longanimis, & multum misericors.* O quam præclare hoc ipsum à Diuo Augustino sic enarratum: *Nisi ille talis esset, de nobis repetitio & reparatio talis nulla esset. Attende ad teipsum, quid merebaris peccator? Contemptor Dei quid merebaris? Vide si occurris tibi nisi pœna, si occurris tibi nisi supplicium. Vides ergo quid tibi debebatur, & quid dederit qui gratis dedit. Data est venia peccatori, datus est spiritus & spes iustificacionis, data est Charitas & dilectio, in qua omnia bona facias, & super hac dabit & vitam æternam & Societatem Angelorum. Totum de misericordia. Merita tua nusquam iactes, quia & ipsa tua merita illius dona sunt. Et iustitiæ tuæ exultabunt, misericors & miserator Dominus, qui fecisti omnia gratis, longanimis, quantos enim sustinet peccatores? Misericors & miserator Dominus, in his quibus veniam dedit, in his quibus non dedit adhuc, Longanimis, non damnans sed expectans, ipsa expectatione clamans, Conuertimini ad me, & ego conuertar ad vos. Et nimia longanimitate, Nolo, inquit, mortem impij, tantum ut reuertatur & viuas. Ille quidem longanimis, tu autem secundum diuitiam cordis tui & cor impenitens thesaurizas tibi iram in die iræ & reuelationis iusti iudicij Dei, qui reddet unicuique secundum opera sua. Non enim modo sic longanimis in sustinendo, ut nunquam iustus in vindicando. Distribuit tempora, vocat te nunc, exhortatur te nunc, expectat donec respicias & facias, & tardas? Magna eius misericordia & in hoc quod diem vitæ tibi incertum fecit, ut nescias quando hinc emigrabis; & cum quotidie speras, te aliquando conuertas; & in hoc eius magna misericordia. Caterum si statuisses diem, omnibus faceres abundare peccata de securitate. Dedit ergo spem veniæ, ne desperando amplius pecces: Et spes & desperatio timenda est in peccatis; Videte vocem desperantis ad augenda peccata, & videte vocem sperantis ad augenda peccata, & quomodo utrique voci occurrit prouidentia & misericordia Dei. Audi vocem desperantis, iam inquit, dammandus sum, quare non facio quicquid volo? Audi & vocem sperantis, Misericordia Domini magna est, quando me conuertero dimittet mihi omnia, quare non fa-*

cio

Matth. 2.
Luc. 18.
33.

Rom. 2.

cio quicquid volo! Desperat ut peccet, sperat ut peccet. Virumq; metucendum est, virumq; periculosum. Va à desperatione, va a peruersa spe. Vtrique huic periculo, & vtrique malo quomodo occurrit misericordia Dei? Quid dicis tu qui desperando volebas peccare? Iam damnandus sum, quare non facio qui, quid volo? Audi Scripturam, Nolo mortem impij, tantum ut reuertatur & viuat. Hac voce Dei reducitur in spe, sed timendus est alius laqueus, Ezech. 18. ne ipsa spe amplius peccet. Quid ergo & tu dicebas qui spe magis peccas? Quando me conuertero, omnia mihi Deus dimittet, faciam quicquid volo. Audi & tu Scripturam, Non tardes conuerti ad Dominum, Ezech. 33. neque differas de die in diem: subito enim veniet ira illius, & in tempore vindicta disperdet te. Noli ergo dicere, Cras me conuertam, cras Deo placebo, & omnia hodierna & hesterni dimittuntur mihi. Verum Eccles. 5. quidem dicis, quia Deus conuersioni tuae indulgentiam promissit, sed dilationi tuae diem crastinum non promissit.

Hæc ad Verbum Diuus Augustinus, quæ paucis sanctus Petrus sic expresserat, Non tardat Dominus promissionem suam, sicut quidam 2. Pet. 3. existimant, sed patienter agit propter vos, nolens aliquos perire, sed omnes ad pœnitentiam reuerti.

Quia verò reuertendi modus inter alios, nostra est etiam patientia quam propterea Christus à nobis, sicut nos ab ipso, hic exigit: de hac virtute crebrius exercenda serio est cogitandum; & in hunc finem quatuor non vulgaria proponuntur motiua.

Primum est, quod cum peccator Diuinam postulet patientiam, certe hoc æquum ab ipso simul postulat ut suam petenti Deo non deneget. Quid enim videri posset iniquius ut cum sibi quis patientem Deum oret, ipse Deo patiens esse nolit? Sustine susten- Eccles. 3. tationes Dei, conjungere Deo & sustine.

Secundum est, quod cum Diuinam oret patientiam hac sibi constituta lege ut si Deus patiens fuerit, tunc ei reddat omnia; profectò suam simul pollicetur & addicit patientiam: neque enim poterit reddere omnia nisi perfectè patiens fuerit, quia huius defectu virtutis vix vlla est alia virtus, vix vllum bonum opus: aut quanta quæque fuerit cuiusvis patientia, tantum illius erit viri meritum, tantus illius operum valor, ut Scripturæ passim testantur: Secundum patientiam boni operis, ait Apostolus. Patientia Rom. 2. perfectum opus habet, inquit alius, Et ipse Dominus; Fructum as- Luc. 1. ferunt in patientia. Luc. 21.

Tertium est, quod cum tantas sibi petat remitti poenas, qua-

les extremæ illæ sunt quæ peccatis debentur, & quas reipsa Deus poenitenti remittit; quid tam graue patiendum potest occurrere quod non infinito interuallo sit minus & leuius, & quod non libentissime feras, tot aliis redimendis suppliciis? *Est qui multa redimat modico pretio.* Nempe hic sapiens; vt è contra vâcordes illi *qui timent pruinam & irruet super illos nix.* Vide in 2. parte, Dominica Sexagesimæ.

Ecclesi. 20.

Job 6.

Ps. 10.

Rom. 5.

Apost. 3.

Quartum denique, quod est maximi faciendum, licet cum remissa culpa remittantur æternæ poenæ, certum est tamen remanere quasdam subeundas temporales: quas inter, quæ spirituales poenæ dicuntur, longè sunt grauiores; qualis esset perpetua mentis ariditas, desolatio spiritus, scrupulorum anxietas, tentationum importunitas, denegatio quorundam auxiliorum, & similes pro grauitate culpæ remanentes, vt dictum est, etiam remissa culpa: *Peccatum meum contra me est semper.* Donec scilicet plenius ac plenius expietur, quod fieri potissimum potest per patientiam; cuius hoc est maxime proprium vt sicut Ignis aurum omnino purgat, & ab omni materia defœcatum reddit purum & probatum: ita patientem patientia perpurgat & suo quodam modo tam plene ac perfecte absoluit ab his peccati reliquiis, vt non modo nihil supersit timendum quod alioquin timeri poterat, quin certa inde spes nascitur Diuinæ numquam defuturæ protectionis. Sic euidenter Apostolus: *Gloriamur in tribulationibus, scientes quod tribulatio patientiam operatur: patientia autem probationem: probatio vero spem: spes autem non confundit.*

Quod & illustri confirmatur exemplo illius cui cum dictum esset à Domino *quod modicam haberet virtutem*; non erat forte dignior præ aliis quem seruaret Dominus in qua illi alij persecutione perierunt: sed quia tamen præ illis patiens fuit, audi quid inde lucri tulerit, audi quid illi propterea Dominus: *Quoniam seruasti Verbum patientia mea, & ego seruabo te ab hora tentationis qua ventura est in orbem vniuersum, tentare habitantes in terra.* Nempe illa fuit Trajani persecutio quæ diu quidem non durauit, sed tam vehemens ac violenta fuit, vt multos à fide, metu tormentorum abduxerit, quos inter inuolutus iste iam esset, nisi patientiæ verbum seruasset. O patientiæ meritum per quam ex futuro Apostata factus est Christi Martyr!

Itaque sicut dices Deo, sic vicissim Deum audi tibi dicentem:

Patientiam habe in me & omnia reddam tibi : Et qualem velis habere Deum vt illi reddas debita , sic te illi patientem exhibeas vt tua tibi reddat , si quæ tua dici possunt.

De reddendis autem Deo debitis , plura commodius Dominica sequenti quæ est 22.

Egressus autem seruus ille , inuenit vnum de conseruis suis qui debebat ei centum denarios ; & tenens suffocabat eum dicens : Redde quod debes. Et cct. De hoc seruo.

VERITAS PRACTICA.

Vel non erat tibi petenda debitorum remissio , vel non erat aliis deneganda.

Ratio est , quia non est id petendum vel negandum quod si bene petitur , male negatur ; vel si bene negatur , male petitur. Nam ex alterutro sequeretur malum aliquod quod numquam est concedendum.

Sed talis est debitorum remissio quam si tibi bene petisti , tu male aliis denegasti : vel si bene denegasti , tu illam male petisti. Nam vel bonitas petitionis tuæ reperitur in petitione alterius , vel malitia petitionis alterius reperitur in tua. Quod cum sit euidens vbi sunt omnia paria ; tanto id etiam euidentius & certius est vbi non sunt omnia paria , tuo defectu , quo fit vt minor sit bonitas petitionis tuæ , quam petitionis alterius. Tu enim seruus debes Domino tuo , & longe plura debes quam conseruus tibi : ac denique cum tu ipse hanc gratiam prior petieris & acceperis , profecto ex omni iure sequitur , te petentibus aliis non posse denegare.

Aut igitur numquam erat , & numquam esset tibi petenda debitorum remissio : vel non esset aliis deneganda : cum sit eadem aliorum ac tuæ petitionis vel negationis ratio , vel si non est eadem , magis inde probetur Veritas , magis inde conuincaris , non id esse aliis petentibus à te denegandum , quod tibi petis concedi ; vel id tibi non esse petendum , non concedendum , quod aliis negas.

Sic il

Iam verò vide quo te inuoluas extremo malorum omnium ! Tibi vt non liceat delictorum veniam petere nec sperare ! Sic enim, vt alibi fufius eft declaratum, in ipfa nobiliori tua petitione conceptis & expreffis verbis includitur hæc aperta condicio, vt ficut aliena dimittis debita, fic petas tua tibi dimitti, nec aliter. Vnde huc alia referri potest Veritas, ex 3. parte, Hebdomada 7.

Nifi diligenter aduertas, quod petis à Deo iuftius, hoc eft quod petis iniuftius.

Quid enim iuftius vidéris petere, quàm delictorum veniam ? Quid vero iniuftius, quam hoc illam animo petere quo non vis minora petentibus dimittere quàm tibi petas dimitti ?

Adde, quod fi quid effer negandum, non ita barbarè, non ita crudeliter fæuiendum effer ficut hîc defæuitur à conferuo in conseruum: vnde eft alibi declarata hæc Veritas:

Si quid Charitas negat, tam benigna negando eft, quàm concedendo.

In 2. parte, Feria 3. Hebd. 1. post Pafcha.

Eccl. 1.

Sed ex ipfa negata patientia fatis apparet non effer Charitatem quæ eft patiens, ficut ibidem demonstratur hac Veritate propofita:

Qua ratione monstratur Charitas effer patiens: eadem demonstratur extra Charitatem effer, qui eft impatiens.

Videntes autem conserui eius quæ fiebant, contristati sunt valde, & venerunt, & narrauerunt Domino suo omnia quæ facta fuerant.

V E R I T A S P R A C T I C A T R I P L E X S I M V L C O N N E X A.

Quo quis minùs suum videt crimen, cò magis videtur ab alijs.

Qui crimen videt & tolerat, videtur esse reus, &c. 325

Quo magis crimen videtur, eò minus debet tolerari.

Qui crimen videt & tolerat, videtur esse reus, nec tolerabitur.

RATIO primæ Veritatis est, quia tanto quis minus videt suum crimen quanto quis ardentius in illud fertur: Excacat enim affectus vehementia.

Sed quantò quis ardentius in crimen fertur, tanto magis videtur ab aliis; nam in illo ardore multa mouentur & concitantur quæ non possunt in apertam non venire lucem & vulgarem notitiam; sicut patet in hoc seruo de quo hîc agitur, qui cum sit tam oculatus in minutis quibusque sibi crudeliter repetendis debitis, cæcus tamen est in illa sua crudelitate cernenda. Quod & alibi demonstratur hac alia Veritate:

Quò magis est oculata concupiscentia, magis est cæca.

In 3. parte, Sabbato Hebdom. 9.

RATIO secundæ Veritatis est, quod tantò minus tolerari debet crimen, quanto majus inde est scandalum, & major perniciies si toleretur. Hæc enim omni modo debent caueri.

Sed quantò magis videtur & scitur crimen quod tamen toleratur, tanto majus inde est scandalum, & major perniciies; quia indè boni offenduntur, & mali audaciores fiunt impunitate parî suis promissa criminibus, quod certe est perniciosissimum, vnde tam crebro in Scripturis id cauetur, vt in vno Deuteromij libro septies repetatur: *Auferes malum de medio.*

*Deut. 13.
etc.*

RATIO tertiæ Veritatis præsupponit plures esse modos tolerandi criminis: vel enim à Superioribus quorum est emendare, toleratur; vel ab Inferioribus quorum est non tacere quod vident, dicitur tolerari, quando nec monent nec moneri curant delinquentem, vel emendantem. Tunc itaque qui crimen videt & suo modo tolerat, nihil eorum prorsus agendo quæ debet vt auferatur, sic participat ipsum crimen vt negatiua quædam causa sit malorum omnium quæ inde profluunt. Nam si monuisset, forte illa non profluxissent mala, vel certe quod suum erat fecisset & suam liberasset animam vt Scripturæ loquuntur.

Sed qui sic participat crimen alienum vt dictum est, tamquam reus habetur à Domino, nec tolerabitur quin pari poena puniatur

3. Tim. 5. qua ipse reus. Ne communicaueris peccatis alienis, ait Apostolus, Et
Ephes. 5. rursus: Nolite communicare operibus infructuosis tenebrarum, magis
In Natin. autem redarguite. N E M O, inquit S. Bernardus, vitia palpet, peccata
S. Ioan. dissimulet nemo. Nemo dicat, numquid custos fratris mei sum ego? Nemo
quod in se est aequanimiter ferat, cum viderit ordinem deperire, minui
disciplinam. Est enim consentire, silere cum arguere possis; & scimus
quia similis pœna facientes maneat & consentientes.

Ep. 109. Sic & sanctus Augustinus ad Monachas: Si hanc de qua loquor,
oculi petulantiam aduerteritis, statim admonete, ne capta progrediantur,
sed ex proximo corrigantur. Si autem & post admonitionem iterum, vel
alio quocunque die idipsum, eam facere videritis, iam velut vulneratam
sanari iam prodat, quacunque inuenire potuit hoc: prius tamen & alteri
vel tertia demonstratam, ut duarum vel trium possit ore conuinci, & com-
petente seueritate coerceri. Nec vos iudicetis esse maleuolas, quando hoc
indicatis. Magis quippe innocentes non estis, si sorores vestras quas indi-
cando corrigere potestis, tacendo perire permittitis. Si enim soror tua vul-
nus haberet in corpore, quod vellet occultari, dum timeret secari, nonne
crudeliter abs te sileretur, & misericorditer indicaretur? Quanto ergo
potius eam debes manifestare, ne perniciosius putrescat in corde? Et hoc
quod dixi de oculo non figendo, etiam in ceteris inueniendis, prohibendis,
indicandis, conuincendis, vindicandisque peccatis diligenter obseruetur,
cum dilectione hominum & odio vitiorum.

Lib. 2. de Quod & sanctus Basilius egregie: Reliqua, inquit, communicatio
Bapt. c. 9. qua plerosque latet, exacta diuina scriptura inquisitione manifestatur,
quando videlicet nec cooperatur quis, nec affectu assentitur operanti ma-
lum: cognita verò animi illius malitia, unde quod malum est facit, obti-
cet, & non arguit, quemadmodum hoc declarant, cum quæ supra sunt
scripta, tum quod ab Apostolo Corinthiis est dictum, nempe, quoniam non
luxistis ut tolleretur è medio vestrum qui facinus hoc perpetravit: quibus
subiunxit, Modicum fermenti totam conspersionem corrumpit, Metuamus
itaque & obtemperemus dicenti: Expurgate vetus fermentum ut sitis noua
conspersio.

Tunc vocauit illum Dominus suus, & ait illi:
Serue nequam! omne debitum dimisi tibi, quo-
niam rogasti me: nonne ergo oportuit & te mise-
reri conserui tui, sicut & ego tui misertus sum?

VERITAS PRACTICA.

Si Deum imitari nolumus in reddendo aliis bono quod nobis facit : nos Deus imitabitur in reddendo nobis malo quod aliis facimus.

Hanc Veritatem multi ex sanctis Patribus asserunt, probat vero Divus Thomas tota quaestione vigesima prima primæ partis ubi misericordiam & Iusticiam in omnibus Dei operibus reperiri docet, unde hic formatur discursus :

Quidquid in rebus creatis facit Deus, secundum convenientem ordinem & proportionem facit, in quo consistit ratio Iustitiæ. Sunt expressa sancti Doctoris verba.

Sed conveniens ordo & proportio, siue hac ratio Iustitiæ qua consistit in servando nobiscum ordine ac proportionem, id exigit quod proposita Veritas continet. Sic enim Ezechielis toto capite decimo octavo bene longo, Deus in hoc vel maxime declarat æquitatem viæ suæ, seu iustum quem cum hominibus servat agendi modum, ubi post multa & varia semper illud infert quod intendit: Numquid viæ meæ non sunt æquæ, domus Israel, & non magis viæ vestra prava? Idcirco unumquemque iuxta vias suas indicabo, domus Israel, ait Dominus Deus. Quod & alibi frequentissime, atque in vno Leuitici capite sæpius hæc repetuntur: si ambulaveritis ex adverso mihi, ego quoque contra vos adversus incedam, incedam adversus vos furore contrario. Tum in Deuteronomio: sicut ante latatus est Dominus super vos bene vobis faciens atque multiplicans, sic latabitur disperdens vos atque subvertens.

Denique id patet evidentissime in decem plagis Ægyptiacis quæ singulæ singulis respondent tormentorum generibus quæ ab Ægyptiis passi erant Israelitæ, ut videre est in 3. p. Dominica 11. ad hanc Veritatem:

Qui non audit, non audietur.

Et iratus Dominus eius, tradidit eum tortoribus, quoadusque redderet uniuersum debitum.

VERITAS PRACTICA.

Peccatum quodlibet magis semper ac magis est timendum.

Ratio est euidens, quia quod est magis semper ac magis graue malum, magis ac magis semper est timendum.

*Sed peccatum quodlibet magis semper ac magis graue fit malum. Id est, secundum peccatum quod committitur grauius est primo eiusdem generis, dum sint cetera paria: Deinde secundo grauius est tertium, tertio quartum: & sic deinceps postremum semper est grauius antecedentibus remissis, siue propter ingratitudinem beneficii accepti per illam quæ antecessit peccatorum remissionem, siue ob maiorem notitiam quam peccator de se habet, & cui magis propterea deberet prospicere, siue ob deprauatam magis voluntatem, siue ob quendam ibi latentem Dei contemptum, siue ob aliud denique quod magis Deo displicet: certum est quod cæteris, vt dixi, paribus, postremum peccatum magis est odiosum & grauiori semper punitur pœna quàm quæ præcesserunt; vnde hæc gradatio pœnæ peccati quæ obseruatur in quibusdam Davidis versiculis, sic refertur ad illam peccatorum multiplicationem vt postrema semper peccata grauius aliis constringantur: *Eripe me de luto vt non insigam, libera me de profundis aquarum, non me demergat tempestas aqua, neque absorbeat me profundum, neque urgeat super me puteus os suum.* Expende accuratiùs.*

g. 88. ar. 1.
1. 3.

Neque alia melior ratio redditur cur hic seruus immisericors tam male mulctetur à Domino suo, vt quasi priora eius remissa debita reuocarentur, sic obrudatur in carcerem & catenam: nisi quia post acceptam illam debitorum remissionem debebat esse mitior suo debitori, ac propterea quam in illum exercuit inhumanitas visa est grauior quàm si ante nullam à suo Domino accepisset humanitatem. Neque enim proprie & simpliciter, vt vocant, remissa reuocantur peccata quemadmodum Diuus Thomas expresse docet in 3. parte: Sed quia fieri potest quod subsequens inde peccatum sit tam graue vt grauitate sua corquet quicquid ante remissum est, pati propterea pœna puniatur, sicque dicantur prima redire peccata, non quidem quantum ad eorum singularem culpam.

culpam & poenam, sed quantum ad nouæ culpæ ac poenæ paritatem.

Quod quàm sit timendum quis non videt? Timendum vero non tantum propter poenam, sed multo magis propter culpam quæ sic in dies crescit non tantum quantitate sed ipsa etiam qualitate & grauitate, vt quod hodie pecces, sit grauius quàm quod heri deliqueris, & sic deinceps peccati grauitas semper augetur & ascendere dicitur; *superbia tua ascendit in auras meas, ait Dominus.* 4. Reg. 19. Et rursum, *malitia eius ascendit coram me.* Id est, ira creuit in dies vt ^{Ion, 1.} ipsum dici posset attingisse coelum. Sic proinde Iob sapienter: *Semper enim quasi tumentes super me fluctus timui Deum, & pondus* ^{Iob 31.} *eius ferre non posui.* Sic timetur Deus quando timetur culpa quæ est eius offensa: sic porro timetur culpa quia velut fluctus inundans & intumescens semper crescit, & tantum sit eius pondus siue supplicium subeundum vt vix ferri posse dicatur.

Recte hic autem duo nobis expendenda proponit sanctus Gregorius ad illius sancti timoris praxim: nempe vt primo cogitemus quid agant nauigantes dum timent intumescentes fluctus. Deinde si Iob tantopere commendatus sit timuerit Deum, quantum nos miseros æquius tunc oportet metum concipere. Sic porro sanctus ille Doctor: *A pauore tantæ similitudinis persemis, si possumus, quanta in sancto viro fuerit vis timoris. Fluctus etenim cum tumentes desuper imminant, cumque eam, quam deserunt, mortem minantur, nulla tunc nauigantibus rerum cura temporalium, nulla carnis delectatio ad mentem reducitur: ea ipsa quoque ex navi projiciunt, pro quibus longa nauigia sumpserunt, cuncta res in despectum mentis veniunt amore viuendi.* Quasi ergo tumentes super se fluctus Deum metuit, qui dum veram vitam desiderat, omnia despicit, quæ hic possidentes portat. Nam velut tempestate deprehensi, pondus navis abjiciunt, quando ab oppressa mente desideria terrena remouemus, sitque vt subleuata navis enates, quæ mergebatur onerata: quia nimirum cura, quæ in hac vitâ deprimunt, mentem in profundum trahunt. Quæ videlicet mens tanto altius inter tentationum fluctus attollitur, quanto sollicitius ab huius sæculi cogitatione vacuatur.

Et paucis interjectis, sic alterum prosequitur, quod nos attingit propius. Sed inter hæc pensandum est, quia beatus Iob ista de se loquatur laudatus & flagellatus: Si igitur saltem ad meritorum profectum percutus est, qui sic timuit: quomodo feriendus est, qui consermuit?

330 FERIA 2. Hebd. 21. post Pent. *Proprias oues vocat, &c.*

Quomodo depressura sunt Dei iudicia eos, qui se eleuant, si & illos ad tempus deprimunt, qui hac semper in humilitate formidant? Quomodo pondus Dei poterit ferre, qui despicit, si hoc & ille in verberare pertulit, qui per timorem prauudit? Vnde summopere formidandum nobis est illud tante districtionis examen. Constat autem quia in hac vitâ, cum percutit, si percussione correctio sequitur, disciplina Patris est, non ira Iudicis: amor corrigentis est, non districtio punientis. Ex ipso ergo presenti verberare, iudicia aeterna pensanda sunt. Hinc etenim perpendere summopere debemus, quomodo feratur illa quae reprobât, si ferri modo vix valet eius ira, quae purgat.



HAC HEBDOMADA, Caput decimum sancti Ioannis, vbi se Christus Dominus Pastorem verum probat ouium, percurratur; Atque inde quid bonus ille Pastor nobiscum agat, quidue nos cum illo agere debeamus, expendetur.

FERIA SECVNDA. DE SINGVLARI CVRA QVAM CHRISTVS DE SVIS HABET.

Proprias oues vocat nominatim, & educit eas.
Ioan. 10.

VERITAS PRACTICA.

Dominus regit me, & nihil mihi deerit.

Si quod creditur necessarium, petenti desit, credendum est potius non illud esse necessarium, quam quod petenti desit.

RATIO EST, Quia quidquid diuina fulcitur autoritate,

credendum est potius, quàm quod humana tantum opinione nititur.

Sed diuina fulcitur autoritate quod si quid petenti desit, non sit illud necessarium: & si quid contra sentitur, id humana tantum opinione nititur.

Ergo si quod creditur necessarium petenti, vel querenti desit, credendum est potius non illud esse necessarium, quàm quod petenti desit. Ac proinde semper magna dicendum ex fiducia: Dominus regit me, & nihil mihi deerit.

I. P V N C T V M.

CVM Pharizæi, se pastores vulgi sic esse fingerent vt quicumq; Christo adhererent, extra synagogam & ouile Dei statim illos ejicerent, sicut patuit in Cæco nato: contra se Christus productis notis certissimis, verum esse Pastorem demonstrans & illos tantum esse fures ac latrones, sic pergebat cum Iudæis loqui: Amen, amen dico vobis, qui non intras per ostium in ouilem, sed ascendit aliunde, ille fur est & latro: qui autem intrat per ostium, Pastor est ouium, huic ostiarius aperit, & oves eius audiunt, & proprias oves vocat nominatim, & educit eas. Et cum proprias oves emisserit, ante eas vadit, & vocem eius sequuntur, quia sciunt vocem eius. Hæc modo satis, in quibus licet de se nihil adhuc expresse dicat Dominus: satis tamen euidenter se indicat cum illa boni Pastoris indicia manifestat, quæ ipsi singulariter competunt, quale est illud eximium, quod proprias oves vocat nominatim & educit eas, ac præcedit quocumque ducit. Quis enim fidelius hanc internam & eternam curam exhibeat quam ille qui propterea Pastor & Episcopus animarum nostrarum dicitur, ac pastorum princeps, in quem vnum nostram omnem sollicitudinem projiciamus, quoniam ipsi est cura de nobis, vt ait primus Eius in ouili regendo Vicarius.

Non ita vero in illum omnis sollicitudo projicienda dicitur quasi nihil omnino de nostro conseramus, quasi nihil salutem aut perfectionem curemus, quasi nihil etiã quæ circa corpus & quotidiana spectant negotia laboremus, quasi nihil petamus, nihil queramus nec pullemus: Hæc enim cum sint expresse ab illo im-

Et ij,

perata, non excluduntur illa sollicitudinis proiectione quæ ab Apostolo Petro commendatur: sed commendationis apostolicæ sensus est, quod quidquid cum Christo pastore agamus, quidquid laboremus ad salutem corporis & animæ, quidquid petamus & quæramus, sic tam parum de omni euentu simus solliciti, ut certo id credamus & speremus quod quidquid de re tota statuerit, vnum hoc fore melius, vnum hoc nobis vtilius & opportunius: licet vel ipsa tum deessent quæ magis necessaria viderentur: sicque nisi nobis desimus nihil nobis defuturum credamus.

Quod ut apertius explanari possit & persuaderi, sic inde formata Veritas modò proponitur: *Si quod creditur necessarium petenti desit, credendum est potius non illud esse necessarium, quàm quod petenti desit.* Nam ut habet declaratio, quidquid diuina fulcitur auctoritate, magis credendum est, quàm quod humana tantum opinione nititur: quod perinde est ac dicere, quidquid Deus dixit, quidquid Christus promisit, id longe verius ac certius est, quàm quod homo contra sentiat & opponat: quo quidem dicto quid certius? quid manifestius? quid est enim homo vel si omnes simul concurrant homines, quid totum humanum genus si comparetur Deo, si conferantur humani sensus & sermones cum diuinis?

Sunt enim quatuor præter cæteros prope infinitos, sunt inquam quatuor insigniores defectus in quouis homine propter quos parum omnino credi possit. Primo est rerum ignorantia, & facilitas quædam ingenij ad fallaciam ex obiectis rebus hauriendam potius quàm veritatem. Nam cum de rebus vix aliud iudicet quam prout foris apparent, sit vero fallax illa rerum apparentia, nec res ut sunt in se, certò demonstret, sic tam facile fallitur humanus intellectus quàm facile sistit in illa solum externa specie, quæ est illa fictio quæ ut ait Sapiens *decipit animam*: ac propterea dicebat Dominus, *Nolite iudicare secundum faciem sed iustum iudicium iudicate.*

Sap. 4.

Leuit. 7.

Sap. 4.

Secundo est praua quædam in homine cupiditas qua fit ut bono sensibili sic adhærescat vel à malo contratio sic abhorreat, ut quidquid naturæ corruptæ placet aut displicet sic illicò bonum vel malum iudicetur: quod quidem iudicium non minus prauum est & corruptum, quàm ipsa deprauata voluntas vnde formatur. Hac nempe est *fascinatio nugacitatis quæ obscurat bona, & inconstantia concupiscentiæ quæ transuersit sensum sine malitia*, Id est, tam na-

turaliter & ordinariè ut non aduertatur; Non id industria fiat sed naturali motu.

Tertio, est prona quædam mentiendi ac fingendi libido qua sic se tegunt & aliud simulant homines, ut vix internoscas quando fictè aut verè loquantur, unde est illud Psalmi sæpe decantatum: *Mendaces filij hominum in stateris ut decipiant ipsi de vanitate in idipsum.* Nec modò id naturale est, sed & artificio natura sic exacuitur, ut quo ingenium erit acutius, eo erit mendacius; Vnde apud Prophetam Dominus: *Et extenderunt linguam suam quasi arcum mendacij & non veritatis. Confortati sunt in terra, quia de malo ad malum egressi sunt, & me non cognouerunt, dicit Dominus. Vnusquisque se à proximo suo custodiat, & in omni fratre suo non habeat fiduciam, quia omnis frater supplantans supplantabit & omnis amicus fraudulenter incedet. Et vir fratrem suum deridebit, & veritatem non loquentur, docuerunt enim linguam suam loqui mendacium, ut iniquè agerent, laborauerunt.*

Quartò denique cùm vniuscuiusque hominum singulare prorsus ac proprium sit naturæ temperamentum, & inde voluntates circa bonum & malum, ac de rebus humana iudicia sint tam diuersa quàm sint pene diuersi homines, vulgoque tritum illud habeatur, quot capita tot sensus; hinc plane fit ut quid certi ac fixi spectes, in humanis non habeas, si humana tantum spectes iudicia: si quid enim te habere putes quod vni potius acquiescas quàm alteri: nonne & alter contra te habere dicet quod & tibi contradicat & in suam te conuertat sententiam, aut id saltem efficiat ut quidquid de rebus sentias, non nisi cum formidine, cum dubio, cum suspensione quadam animi, quæ mera potius est inscitia, quàm vlla vera scientia? Quod & facile quivis intelligat cùm quæ ipse vnus aliquando affirmavit, post Ipse neganda esse statueret & quod ante negauerat, post affirmabit: adeo sunt versatiles hominum mentes, unde illa Sapientis ad Dominum religiosa confessio: *Servus tuus sum ego, & filius ancilla tua, homo infirmus & exigui temporis, & minor ad intellectum iudicij & legum.* Nam & si quis erit consummatus inter filios hominum, si ab illo abfuerit sapientia tua, in nihilum computabitur? Cogitationes enim mortalium timide & incerte providentiæ nostræ. Corpus enim quod corrumpitur aggruat animam, & terrena inhabitatio deprimis sensum multa cogitantem. Et difficile æstimamus quæ in terra sunt, & quæ in prospectu sunt, inuenimus

334 *Feria 2^a Hebd. 21. post Pent. Proprias oues vocat, &c.*

cum labore, quæ autem in cælis sunt quis inuestigabit?

Audisne quàm sint incerta mortalium omnia, cum & sapientissimus inter fideles agnoscat se minorem ad quidquid certo intelligendum, & inter Ethnicos Consultissimus dixerit, se hoc vnum scire quod nil sciret?

At contrà in Deo Domino quàm sint indubitata omnia, quæ fidem faciant, tum ipsa per se Diuinitas suadet, tum quatuor Attributa opposita quatuor illis defectibus quos in mortali hominum genere iam deprehendimus. Primum est infinita illa Scientia propter quam dicuntur in Scripturis, *Oculi Domini multo plus lucidiores super solem, circumspicientes omnes vias hominum, & profundum abyssi, & hominum corda intuentes in absconditas partes. Domino enim Deo antequam crearentur omnia sunt agnita, sic & post perfectum respicit omnia. Id est, postquam creata sunt. Et non est vlla creatura inuisibilis in conspectu eius. Omnia autem nuda & aperta sunt oculis eius.*

Secundum est, perfecta illa Sanctitas qua ter sanctus dicitur, & iustus Dominus in omnibus viis suis, & sanctus in omnibus operibus suis. Id est, Irreprehensibilis, incorruptus, integerrimus cuius mundi sunt oculi ne vident malum; & ad iniquitatem respicere non poterit.

Tertium est, tanta in loquendo Veracitas vt vno multa verbo complexus dicat Apostolus, *Impossibile est mentiri Deum.* Sed neque à seipso alius vquam esse potest.

Nam quartum est Immutabilitas quam simul cum eius Veracitate Scriptura iungit & humanæ opponit inconstantia: *Non est Deus quasi homo vt mentiatur, nec vt filius hominis vt mutetur. Apud quem non est transmutatio, nec vicissitudinis obumbratio.*

Quibus ita expositis, quid clarius quàm quod prima propositione proponitur: Quidquid Diuina fulcitur autoritate siue id præteritum, siue id futurum sit, longe esse credibilius quàm quod humana tantum opinione nititur. *Dominus Deus loquutus est quis non prophetabit? Quis non secure dicet id certa euenturum quod dixit?*

II. P V N C T V M.

SED *Diuina fulcitur autoritate, quod si quid petenti desit, non sit illud necessarium: & si quid contra sentitur, id humana tantum opinione nititur.*

Primo enim *Diuina statutum est autoritate, quod vnum est necessarium, nempe cultus Dei, salus æterna, voluntas Dei & similia quæ eodem recidunt & vnum atque idem constituunt in æterna Beatitudine, vt infra fusius suo loco explicatur in hac 4. parte, Feria 2. Hebdomadæ 23. Satis hîc sit ad propositionis elucidationem aduertere quod sicut petenti numquam deest hoc necessarium, sic plane si quid petenti desit, non illud esse necessarium. Non dixeris, per Deum abest. Vide in 1. parte Dominica 3. post Epiphaniam.* *Ecclesi. 15.*

Deinde verò quidquid Deus promissit, nonne *Diuina fulcitur autoritate? Nonne vero promissit se non defuturum in necessariis. Nonne hîc Apostolus ad confidentiam nos exhortatur: Ipse enim dixit, non te deseram neque derelinquam, itaut confidenter dicamus, Dominus mihi adiutor non timebo quid faciat mihi homo.* *Hebr. 13. Ps. 117.*

Verba sunt Dauidis simul & Apostoli, vt in vtroque *Diuina confirmetur autoritas. Quid autem ex illa sequitur autoritate nisi aut nihil vnumquam nobis defuturum, aut certe si quid desit, non esse necessarium? Nam si quod est necessarium nobis deesset, quomodo Diuina staret autoritas quæ promissit nihil defuturum? Quomodo nihil nobis deerit, si desit necessarium? Nonne aliis potius omnibus careremus quàm necessariis? Nonne hoc vnum necessitatis nomen ad impetrandum quod petimus, magis vrgeremus? Nonne sic orabat Dauid, De necessitatibus meis erue me. Ps. 14. Nonne sic eius filius Salomon: tribue tantum victui meo necessaria. Prov. 30. Nonne in confirmationem Diuinæ promissionis de non defuturo subsidio sic semel iterum & amplius in eodem Psalmo dicitur, De necessitatibus eorum eripuit eos: de necessitatibus eorum liberauit eos: de necessitatibus eorum eduxit eos: Quasi hac toties repetita necessitatis voce proclamaretur quod qua autoritate firmatur Diuinum non deesse subsidium in necessariis, eadem prorsus confirmatur & fulcitur quod si quando desit, non esse necessarium.*

Tertio denique, quidquid desit quod putetur necessarium, vel



necessarium; Nam diuinæ authoritati longe magis credendum est quam humanæ opinionî; Hoc autem à Diuina p  tetur auctoritate quod vel in necessariis numquam Deus suos deserat, vel si quando videntur deserî, tunc dicenda non sit necessitas. Et quidquid contr   loquantur & sentiant homines, humana hæc est opinio quæ tanto minus ad faciendam fidem, contra Deum præualere potest, quanto id verius est quod in libro Iob legitur: *Ecce Deus* *Iob 26. magnus, vincens scientiam nostram.* Tu desertum illum putas quem ad tempus sinit Deus fame, siti, nuditate, morbis, calumniis & aliis tormentorum generibus exerceri: Deus vero contr  , tunc vel maxime se illi prope adesse affirmat; *Cum transferis, inquit, Is. 43. per aquas, tecum eris, & flumina non operient te: cum ambulaueris in igne non combureris, & flamma non ardebit in te; quia ego Dominus Deus tuus, sanctus Israël saluator tuus. Noli timere quia ego tecum sum.*

Hoc dicit de Prophetis, de Apostolis, & de Martyribus, qui tamen omnes perierunt in tormentis. Hoc de Laurentiis, & de Vincentiis quos ignis flamma consumpsit. Vbi tunc aderat illa Diuina promissio, ubi tunc illa Diuina protectio? Aderat, aderat & tanto certe propius quanto forte putaretur abesse longius. Non est deserî, non est consumi sic perire flammis pro Christo, quin potius hoc est vel præcipue conseruari, sic fidem Christi seruare in flammis vt flamma potius vitam quam Christum rapiat. Aderat Deus necessitati Laurentij, sed non erat Laurentio tam necessarium viuere, quam pro Christo mori. Non est, non est quam vulgus putat necessitas, commode viuere: sed quam Deus iudicat, vel incommode viuere, vel libenter ipso volente mori. Sic illi ipsi se agnoscunt seruatos, sic sanctus ait Laurentius quod ante Sapiens dixerat: *Consuebor tibi Domine rex, & collaudabo te Deum* *Ecclesi. 37. saluatorem meum, quia liberasti me à pressura flamma qua circumdedit me, & in medio ignis non sum aestuatus.* Quomodo non aestuatus qui aestu periit? Periit quidem corpore, sed non animo, sed non fide Christi. Periit corpus vt seruaretur animus, quo seruato seruatur Deo Laurentius, licet mundo pereat, aut licet mundo perire videatur. Nonne hoc est quod Sapientia tam magnifice nobis descriptum voluit: *Iustorum autem anima in manu Dei sunt, Sap. 3. & non tanget illos tormentum mortis. Visti sunt oculis insipientium mori, & aestimata est afflictio, exitus eorum; & quod est à nobis iter, exterminium, illi autem sunt in pace. Etsi coram hominibus tormenta passi*



THE

THE

THE

*Per me si quis introierit, saluabitur, & ingreditur
& egredietur, & pascua inueniet. Ioan. 10.*

VERITAS PRACTICA.

Pascentur agni iuxta ordinem suum. Isaia 5.

Id est:

Sic in suo quisque pascitur ordine, ut nisi suo quisque se seruet in ordine, non pascatur.

RATIO EST, Quia non pasci dicitur qui gratias suo conformes statui non recipit.

Sed nisi suo quisque se seruet in ordine, non recipit gratias suo conformes statui, quas reciperet si se suo seruaret in ordine.

Ergo nec pascitur; ergo ut pascatur suo se seruet in ordine, quia sicut predictum est à Propheta, sic pascentur agni iuxta ordinem suum.

I. PUNCTVM.

DIXIT ergo eis iterum Iesus: Amen, amen dico vobis; quia ego sum ostium ouium. Omnes quotquot venerunt, fures sunt & latrones, sed non audierunt eos oves. Ego sum ostium, per me si quis introierit, saluabitur, & ingreditur & egredietur, & pascua inueniet. Fur non venit nisi ut faretur & mactet & perdat. Ego veni ut vitam habeant, & abundantius habeant.

Mira certe Pastoris nostri circa pascendum suum gregem cura: neque enim tantum non perdit gregem sicut latro; neque ut ceteri pastores de grege suo pascitur; sed ita suas oves pascit & fouet ut vitam habeant & abundantius habeant, id est, ut abundant his quæ ad vitam spiritualem & æternam conferunt. Et quod magis mirum, longe plus reipsa præstat quam promittat verbo; Nam oves suas tam variis & exquisitis modis quotidie pascit & nutrit, ut quot Scripturæ sunt Capita, tot sint spi-

Vu ij

ricualia pascua; quot sunt eius Inspirationes & consilia, tot sint diuersa nutrimentorum genera. Per singulos denique dies unicuique suarum ouium, quantum in se est, suum ipse Corpus in cibum porrigit. *Quis pastor oues proprio pascit cruore? Et quid dico, pastor,* ait sanctus Chrysostomus, *matres multa sunt quæ post parui dolores, filios aliis tradunt nutricibus. Hoc autem Ipse non est passus, sed ipse nos proprio sanguine pascit, & per omnia nos sibi coagmentat.*

*Hom. 81.
in Matth.*

Ex. 34.

Hæc sunt videlicet vberissima pascua de quibus apud Ezechielem fuisse, ubi *suscitatur germen nominatum*, id est, præter communes & ordinarias, specialis quædam Gratia quæ unicuique particulatim confertur *iuxta suum statum, & ordinem* in quo iam cepit vitam agere, iam vacare salutis, iam Christo ministrare.

Hoc est modò diligenter expendendum, ut quanti nostrà referre sic à pastore nostro pasci, tanta seruandi ordinis habeatur cura, cum alioquin *nisi quis suo se seruet in ordine, non pascitur.*

Ratio hinc tota pendet ut probè intelligatur quid sit vnumquemque pasci & nutrirî à Christo ad vitam spiritualem & æternam. Neque verò id melius explicari potest quàm per analogiam & respectum ad vitam corporalem, ut sicut vnusquisque pro suo statu corporis, pro suo gradu ætatis, pro suo vitæ degendæ modo his & aliis cibis alitur & roboratur; sic plane ex variis quos Christus profert cibis, vel ex vno & eodem, tantum quis sibiumat quantum suo congruit statui, suo gradu, suo vitæ instituto.

Videsne quàm sint varia vitæ agenda instituta? Quam diuersi status, quàm distincti ordines, & quàm ipsorum etiam multiplices ordinum gradus! Tot esse puta diuersas gratias quibus sic oportet vnumquemque nutrirî conformiter suo statui, ut nisi quis sic nutriatur, non possit pasci & nutrirî. Sic spiritus qui dicitur esse in Sapientia, dicitur *sanctus, vnicus, multiplex, omnem habens virtutem, omnia prospiciens & qui capit omnes spiritus.* Ipse est autem Christi Domini spiritus qui cum sit vnicus se tam multis tamen modis communicat quàm multi sunt & varij quibus seipsum communicat. Et quia non per seipsum solum sed per homines familiam suam regit & pascit, sic propterea Patremfamilias exoptabat, qui præter cætera nosset suis dare mensuram tritici, id est, cibum unicuique commensuratum. Talis erat Apostolus qui

84. 7.

Corinthios nutriendus: Non potui vobis loqui quasi spiritualibus, inquit, sed quasi carnalibus, tamquam parvulus in Christo lac vobis potum dedi, non escam: nondum enim poteratis, Quasi diceret, sic se cunctis Christus accommodat, & quisquis Christum repræsentat sic se suis debet conformare alumnis.

Sic præclare admodum sanctus Gregorius in illa Verba Iob, ^{Iob. 30.} seu potius Domini Iobo loquentis: *Quis posuit in visceribus Sapientiam, vel quis dedit gallo Intelligentiam? Ac si diceret Dominus,* ^{30. Mar. c. 5.} inquit sanctus Doctor: *In cor hominis humana Sapientia, superne Sapientia gratiam quis infudit? Vel ipsis sanctis predicatoribus quis nisi Ego intelligentiam dedit, ut sciant quando vel quibus debeant venturum mane nuntiare? Idcirco enim quando & quid agant sentiunt quia hoc intrinsecus se reuelante cognoscunt. Et paulo post: Intelligentiam gallus accepit ut prius nocturni temporis horas discutiatur, & tunc demum voces excitationis emittat, quia videlicet sanctus quisque predicator in auditoribus suis prius qualitatem vite considerat, & tunc demum ad erudiendum, congruam vocem predicationis format. Quasi enim horas noctis discernere est, predicatorum merita diiudicare: quasi horas noctis discernere est actionum tenebras apta increpationis voce corripere. Gallo itaque intelligentia desuper tribuitur quia Doctore veritatis virtus discretionis, ut nouerit quibus, quid, quando, vel quomodo inferat, diuinitus ministratur. Non enim vna eademque cunctis exhortatio conuenit, quia nec cunctos par morum qualitas astringit. Sepe enim aliis officiant que aliis prosunt, Nam & medicamentum quod hunc morbum imminuit, alteri vires inngit: & panis qui vitam fortium roborat, paruulorum necat. Pro qualitate igitur audientium formari debet sermo doctorum: aliter namque viri, aliter admonenda sunt femine: aliter Iuvenes, aliter senes.*

Et quæ multa hic habet, plura vero etiam in tertia pastoralis parte; unde id euidenter patet quod sicut ad pastum & nutrimentum vite spiritualis oportet gratias suo conformes statui, sic plane qui gratias illas non reciperet, non pasceretur, non nutrire, deficeret & periret; *Sicut illi paruuli qui petierunt panem,* ^{Thom. 4.} & non erat qui frangeret eis; aut sicut Ille qui percussus est ut fuerit, ^{ps. 101.} & cuius cor aruit, quia oblitus est comedere panem suum.



nime ſtatu contenti homines aſpirent ad ſuperiorem gradum vel ad illud donum quo carent, & quo alios eminare vident, ſicut ille Diotrophes de quo S. Ioannes in Epistoſis, *volebat in Eccleſia pri-* *Ioan. 7.*
matum gerere: aut ſicut illi Sceux Principis Sacerdotum filij, vt eſt *Act. 19.*
in actis Apoſtolorum, volebant in Chriſti nomine Dæmones e corporibus expellere; vel ſicut illi Machabæorum æmuli qui non *1. Mach. 5.*
erant de ſemine eorum per quos facta eſt ſalus in Iſrael, volebant ſibi nomen facere, nec dubitarunt propterea ſe bello credere vbi turpiter ceciderunt; nam quod dicit ſanctus Gregorius de gratiis illis gratuitis referri poteſt ad alia quævis munia ſive vacationum genera, vel ad diuerſos in vna & eadem Vocatione gradus & quas vocant habilitates.

Atque hinc tertium intelligitur, quod qui ambitione ſe aliò promouet quam quò vocatus eſt, non ſe ſuo ſeruat in ordine, quod ſibi ſuiſque omnibus diligenter cauebat Apoſtolus cum diceret omnibus *Rom. 12.*
per gratiam qua data eſt ſibi, non plus ſapere quam oportet ſapere, ſed ſapere ad ſobrietatem, & unicuique ſicut Deus diuiſit, menſuram fidei. Et alibi: *Non enim audemus inferere aut comparare nos quibusdam qui ſeipſos commendant, ſed ipſi in nobis noſmetipſos metientes, & comparantes noſmetipſos nobis: Nos autem non in inmenſum gloriabimur ſed ſecundum menſuram regula qua meſus eſt nobis Deus*. *1. Cor. 10.*

Quartum inde porro ſequitur quod qui ſe non ita continet intra præſcriptos ſibi limites, ſed vel ſupra vel infra deſceſcit & à recto deuiat, non recipit gratias ſuo conformes ſtatui, quia quas illi Chriſtus offert vt ſe in ſuo ſtatu perficiat, negligit: & quas veller pro alio quem ambit ſtatu, Chriſtus non offert, prout ipſe dicebat, *Luc. 16.*
qui fidelis eſt in minimo, & in maiori fidelis eſt: & qui in modico iniquus eſt, & in maiori iniquus eſt; Quasi diceret, non ſic ambitione tranſitur ab vno in alium ſtatum, ſed prius in minori dato fidelitas eſt præſtanda & probanda; tum deinde in ſuperiorem fiet prouectio. Nam qui fidelem ſe in vno non probauit, nec fidelis eſſet in altero & qui primis non bene vtitur gratiis, abuteretur ſecundis, quod certe eſt & cum Chriſto, & ſecum inique agere.

Quod tam eloquenter & apte ſanctus Gregorius proſequitur in eundem qui ſupra dictus eſt Iobi locum vt licet forte aliàs iam memoratus fuerit, nunc autem quod vniuerſim aiebat Sapiens, *Tr. 17.*
mala aurea in lectis argenteis, qui loquitur verbum in tempore ſuo, particulatim de hoc ſancti Pontificis verbo dici poteſt, qui poſtquam illud

Apostoli retulit, nam & corpus non est unum membrum sed multa, quod si essent omnia unum membrum, ubi corpus? nunc autem multa quidem membra, unum vero corpus, sic pergit, Quid enim sancta Ecclesia, nisi superni sui Capitis corpus est? In qua alius alta videndo oculus, alia recta operando manus, alius ad iuncta discurrendo pes, alius praeceptorum vocem intelligendo auris, alius malorum fatorem, bonorumque fragrantiam discernendo naris est. Qui corporalium more membrorum, dum vicissim sibi accepta officia impendunt, unum de semetipsis omnibus corpus reddunt: & cum diuersa in Charitate peragunt, diuersam esse prohibent ubi continentur. Si autem unum quid cuncti agerent, corpus utique, quod ex multis continetur, non esset: quia videlicet multipliciter compactum non existeret, si hoc concors membrorum diuersitas non teneret. Quia ergo sanctis membris Ecclesia virtutum dona Dominus diuidit, terra mensuras ponit. Vnde iterum Paulus dicit: Vnicuique sicut Deus diuisit mensuram fidei. Et rursum: Ex quo totum corpus compactum, & connexum per omnem iuncturam subministrationis, secundum operationem in mensura vniuscuiusque membri augmentum corpora facit in adificationem sui in Charitate: sed cum miro consilio auctor ac dispositor noster huic illa largitur, qua alij denegat, alij haec denegat, qua isti largitur: mensuras sibi positas egredi nititur, quisquis posse plusquam acceperit, conatur: ut fortasse is, cui tantummodo datum est occultorum praecepta differere, sentes etiam miraculis coruscare: aut is, quem superna virtutis donum ad sola miracula roborat, etiam diuina legis pandere occulta contendat. In praecipitio enim pedem porrigit, qui mensurarum suarum limitem non astendit. Et plerumque amittit, & quod poterat, qui audacter ea, ad qua pertingere non valet, arripere festinat. Nam & membrorum nostrorum tunc bene ministeriis utimur, cum sua eis officia distincte seruamus. Lucem quippe oculis cernimus, vocem vero auribus audimus. Si quis autem mutato ordine voci oculos, luci aures accommodet, huic incassum utraque patent. Si quis odores velit ore discernere, saporibus nare gustare, vtriusque sensus sibi ministerium, quia peruertit, interimit. Dum enim propriis hac usibus non aptantur, & sua officia deserunt, & ad extranea non assurgunt. Bene itaque David Propheta intra acceptas ex diuina largitate mensuras pedem cordis presserat, cum dicebat: neque ambulavi in magnis, neque in mirabilibus super me. Super se quippe in mirabilibus ambularet, si apparere magnus, ultra quam poterat, quareret. Super se namque in mirabilibus attolleretur, qui & in his, ad qua non sufficit, videri idoneus conatur. Bene

intra

intra has mensuras etiam in ipsa Paulus predicationis sue se latitudine conuertebat, cum diceret: Non enim audeo loqui aliquid eorum quae per me non efficit Christus. Ne si videlicet ipse Paulus, ipse quantumvis Apostolus, ipse quantumvis Doctor Gentium, sibi statutas prætergrederetur metas, non ita reciperet conformes Apostolatus sui gratias, quemadmodum si se suo seruaret in ordine.

IIL P V N C T V M.

SIC igitur quod dixit Propheta Isaias pascentur agni iuxta ordinem suum; sic inquam ordinate pascentur ut nisi se sinant ordinate pasci, non pascentur. Quomodo enim pascerentur nisi reciperent gratias, suo conformes statui? Quomodo vero illas reciperent si statum ipsi suum peruerterent? *Adam ubi es?* Nouerat profecto ubi esset qui sic illum vocabat Deus: sed ut ipse Adam se nosset, atque ut intelligeret qualem recipiendis deinceps gratiis posuisset obicem ex peruerso suo statu, sic illum ad se reuocat, sic illum vocat, *Adam ubi es?* Quasi diceret, non ubi te collocaueram, non ubi te statueram, non ubi te pasendum & nutriendum susceperam. Sic paulo post de rebellibus Israelitis ipse inquit Deus, *Dixi, ubinam sunt? Cessare faciam ex hominibus memoriam eorum.* Quandoquidem se à me subtraxerunt, subtraham eos & à solita mea cura, & ab humana etiam memoria.

Sic & Dominus cum leprosos decem curasset, unusque tantum accepti gratitudinem beneficii demonstrasset, *Nonne decem, inquit, mundati sunt? Et nouem ubi sunt? Non est inuentus qui rediret & daret gloriam Deo, nisi hic alienigena. Et ait illi, surge, vade, quia fides tua te saluum fecit.* Quasi diceret, Non sic alij, non sic salui fient quia non ita perstiterunt in eo pietatis statu quem præ se ferebant cum sanitatem poscerent.

Quamobrem caue omni modo fastum & ambitum; Audi hæc Ecclesiastæ, & Ecclesiastici monita; *Si spiritus potestatem habentis ascenderit super te, locum tuum ne dimiseris.* Id est, quantumcumque agitatus ambitionis actu, caue quidquam propterea moueas aut loquaris. *Sit in testamento tuo, & in illo colloquere, & in opere mendatorum tuorum veterasce.* Ne manseris in operibus peccatorum. *Confide autem in Deo, & mane in loco tuo.* Facile est enim in oculis Dei subito honestare pauperem. *Benedictio Dei in mercedem iusti se-*

stinat, & in hora veloci processus illum fructificat. Hoc est, ne labores vel cogites in te altius promouendo, Diuina hæc est cura, nec Deus tibi deerit; dummodo non illi desis, nec te ab illo submoueas.

Quod si forte aliqua tuæ præstantiæ subiret animum cogitatio, statim recogita qualis ex te sis, qualis tu fueris, & qualis esses si te Deus desereret. Vbi eras, inquit, quando ponebam fundamenta terra? Rursum profecto huc reuocandus magnus ille Gregorius, qui postquam fundamentum illud timorem Diuini dixit esse iudicii, sic ad rem nostram opportune pergit: Posito itaque prospera formidinis fundamento, cum virtutum fabrica in altum ducitur, necesse est unusquisque proficiens vires suas caute metiatur, ut cum Diuina constructione magnus esse iam caperis, semetipsum respiciat sine cessatione quod fuit. Quatenus attendens humiliter quod per meritum inuentus est, nequaquam sibi arroget quod per gratiam factus est. Vnde & nunc beatus Iob per supernam vocem ad semetipsum reducit, & ne de virtutibus gloriari audeat, de antea vita memoratur, eique dicitur, Vbi eras quando ponebam fundamenta terra? Ac si iustificato peccatori Veritas aperte dicat, Virtutes à me acceptas tibi non tribuas: Noli contra me de meo munere extolli. Recole vbi te inueni quando meo timore prima in te fundamenta virtutum posui: Recole vbi te inueni, quando meo te timore solidavi. Vt ego in te non destruiam quod construxi, Ipse non cesses considerare quod reperi. Quem enim Veritas nisi aut in flagitiis aut in excessibus inuenis? Sed post hac bene possumus seruare quod sumus, si numquam negligimus pensare quod fuimus.

Ex quibus sancti Doctoris Verbis ne vnum quidem non magno opere recolendum, sed illud in primis vel maxime quo dicentem inducit Deum, Noli contra me de meo munere extolli. Sic enim fit frequentius apud illos præcipue qui melioribus à Christo pascuntur pascuis, & crebrioribus munerantur donis, ut sese efferant & de Christi munere contra Christum se extollant. Quod quàm sit tetrum & immane, sic ipse Dominus multis apud Prophetas exaggerat: Incrassatus, dilectus, impinguatus & recalcitrauit: FILIOS enutriui, & exaltaui, ipsi autem spreuerunt me! QVO S educaui & enutriui, Inimicus consumpsit eos.

In quibus Verbis tria sunt ad grauitatem criminis insigniter exhibenda. Primum est, ipsum recalcitrare contra Christum, vel eum spernere! Nonne ex ipsis patet verbis, quàm sit graue?

Iob 38.
2. 38. Mor.
5. 10.

Deut. 32.
15. 1.
Ier. 2.

Secundum est, recalcitrare post accepta beneficia, certe id grauius. Tercium vero quod est grauissimum, ex illis ipsis acceptis gratiis & beneficiis sic in Benefactorem insurgere, vt quia virtutem dedit, inde præsumas: quia scientiam largitus est, inde superbias: quia dignitates contulit, inde contempnas infimos: quia longæuos in domo tua tibi produxit annos, inde domesticam ausus disciplinam abjicere. Nihil profecto dolentius in tota patientis Christi repetita memoria, quàm has audire Antitheses, & opposita bonis acceptis mala: *Ego te paui manna per desertum: Ego te potavi aqua salutis de petra, & tu me potasti felle & aceto!* Sic ante per Prophetam querebatur: *Popule meus quid feci tibi, aut quid molestus fui? Responde mihi: quia eduxi te de terra Aegypti & Mich. 6 de domo seruientium liberaui te; Idcirco scilicet iam mihi seruire renuis!* ô quàm longe est alius humilitatis sensus quo velut arbor onusta fructibus, sic se humilis tanto magis deprimat quanto beneficiis extollitur.

Vide in 1. parte, Feria 6. Hebdom. 4. in Aduentu, vbi hæc demonstratur Veritas:

Quo quis est maior, cò est humilior.



FERIA QVARTA.

DE BONITATE PASTORIS

CHRISTI SVVM PROTEGENTIS

GREGEM AB OMNIBVS

INIMICIS.

Ego sum Pastor bonus, Bonus pastor animam suam ponit pro ouibus suis. Mercenarius autem videt lupum venientem, & fugit: & lupus rapit & dispergit oues. Ioan. 10.

Xz ij

VERITAS PRACTICA.

Quem Christus protegit si ab hoste vincatur, non est victoris virtus, sed victi vitium.

RATIO EST, Quia non tam victoris est virtus seu fortitudo, quam victi vitium, quando victus victore est fortior, si pugnare velit.

Sed quem Christus protegit, quovis est hoste fortior si pugnare velit.

Ergo si ab hoste vincitur non est victoris virtus sed victi vitium; Quod quam sit ignavum & ignobile iam satis patet, unde restat pugnandum & vincendum cum Christo.

I. P V N C T V M.

Job 1.

SICUT tres turmæ Chaldaeorum dicuntur inuasisse gregem Iobi, sic triplex hostium acies tanta in Christi gregem conspirat audacia, ut qui se aliquando lacessitum non sentiret, timendum illi esset, ne ad Christi hostes potius quam ad eius gregem spectaret.

Tres autem illos hostes tribus distinctis nominibus *lupo, mercenario & fure*, præclare Dominus designavit; *Lupo* scilicet rapacem *Dæmonem*; *Mercenario* fallacem mundum; & *fure* latentem amorem proprium, unde graviora nobis quam ex aliis damna inuehuntur. Poterat vero Christus Dominus sic illos penitus arceri hostes, ut nulla gregem ex parte possent inuadere, sed maluit inuadendi potestatem sic illis relinquere ut se suum protegente gregem nihil contra possent, nihil prorsus in quemquam e suis efficerent nisi qui ultro se vellet illis addicere.

Quod quidem Bonitatis & Sapientiae luculentum est opus, quandoquidem non aliter nos impugnare permittuntur hostes quam ut à nobis expugnentur, quam ut in partem victoriæ sic deveniamus, atque in cœlo de illis cum Christo triumphemus. Sic palmas in manu habent quotquot in cœlo sunt ut refert qui

apertum vidit cœlum S. Ioannes : sic nempe omnes pugnarunt, sic vicerunt, sic triumphant. Et nos ad illas inuitamur palmas ac triumphos cum ad pugnam excitamur; unde si sublati essent hostes, sublata simul essent quodammodo palmarum & triumphi, quod nostro certe vertisset damno. Licet enim multi ex nobis vincantur, nullus tamen nisi qui voluit, nullus nisi sua culpa, nullus ad hoste victus nisi qui hostem vincere noluit. *Quem enim Christus protegit, si ab hoste vincatur, non est victoris virtus sed victi vitium*: Vitium voluntarium, vitium ignavia, vitium perfidia, vitium minime tolerandum. Quis enim malit vinci cum possit vincere, tali præsertim in pugna ubi de summa rerum agitur? *Ego autem non sum turbatus, te pastorem sequens.* Hoc securè dicit ^{1er. 17;} cum Propheta qui propositam Veritatem accurate perpenderit, Cuius hæc est aperta ratio, quod in illa pugna qua quis vincitur non tam victoris est virtus quàm victi vitium, quando victus erat victore fortior. Verum id quidem quod aiebat Dauid, *Va-* ^{2. Reg. 11;} *rios esse belli euentus*; Nec minus certum quod eius vidit filius Salomon, *Non esse velocium cursum, nec fortium bellum*, propter ^{Ecol. 9;} eandem scilicet euentuum varietatem; Sed ponamus in hac pugna nullos euenisse casus nisi qui victo fauerent potius quam obessent, si quod facile poterat, voluisset oportunitate uti: quis tum manifeste non videat victi culpam & vitium? Quis non victo Samsonis vertat quod à muliercula deuictus fuerit? *Enagina gladi-* ^{Indle. 2;} *dium tuum & percutite me*, dicebat Abimelech armigero suo, ne forte dicatur quod à femina interfectus sum. Sic & aliis vehementer eiulans: *Vna*, inquit, *mulier Hebraea fecit confusionem in domo* ^{Indle. 14;} *Regis Nabuchodonozor: ecce enim Holofernes iacet in terra, & caput eius non est in illo.* Tanto scilicet ducebant probro sic in pugna vinci cum victus esset vincente fortior.

II. PUNCTVM.

SED quem Christus protegit, quoniam est hoste fortior si pugnare velit. Nam est ipsa Christi virtute fortis, ipsa est Christi fortitudo qua pugnat is quem Christus pugnarem protegit: Ipse est Christus pugnans & vincens. *Quàm latus illic Christus fuit*, ait sanctus ^{L. 1. Ep. 6;} Cyprianus, *quàm libens in talibus servis suis & pugnans & vicit* *prosecutor fidei, dans credentibus tantum, quantum se credis capere qui*

*sumit : certamini suo adfuit , praliatores atque assertores sui nominā
erexit , corroboravit , animavit. Et qui pro nobis mortem semel vicit ;
semper vincit in nobis.*

Credisne Christum cunctis hostibus fortiorem? Cur non te credes
æquē fortem , cum in te Christum habeas , cum in te Christus pu-
gnet , cum in te suam Christus contra tuos hostes fortitudinem ex-
plicet? Nonne & ipse Christus sic de inuicta sua loquebatur forti-
tudine , quod esset eadem cum suo Patre virtus & potētia quæ vin-
ci omnino non poterat? Audi & mirare vt loquitur! postquā enim
dixit de ouibus suis , *quod non perirent in æternum & non rapier eas*
quisquam de manu mea , tum subdit : *Pater meus quod dedisti mihi , ma-
jus omnibus est , & nemo potest rapere de manu patris mei , Ego & Pater
unum sumus.* Quasi diceret : Ego tam fortis & potens sum ad pro-
tegendas meas oues , quā ipse Deus pater est potens , quia mihi
cum illo est vna substantia , vna fortitudo , vna potentia vnde sicut
de manu Dei nemo quid rapiat , sic neque de manu mea quæ est
ipsa Dei manus.

At nonne est eadem prorsus ratio de nobis pugnantibus & de
Christo protegente? Non est quidem eadem nobis cum illo qualis
est illius cum patre substantia ; sed tamen nobis est eadem cum illo
virtus ad pugnandum , vnde si à manu Christi palmam nemo pos-
sit auferre , nec à nostra profecto poterit , cum sit eadem Christi &
nostra pugnando manus.

Aut prius desinat esse fortis Christus , aut qui fortis cum illo est
non magis desinet quam Christus esse fortis. Imo quod est mirum ,
licet ipse Christus desinat esse fortis , licet infirmetur & paueat ,
non tamen is propterea quem Christus protegit , minus erit fortis
quā si non esset infirmus Christus ; Ipse tum erit Christo fortior ,
non tamen alia quam Christi fortitudine , nam cum infirmitate
nostra suam Christus mutauit fortitudinem ; nostra ille est infirmi-
tate infirmus ; Nos autem eius fortitudine fortes ac potentes. Sic
præclare ac fusc sancti Patres qui videri possunt in 2. parte , Fer. 3.
Hebdomada primæ in Quadragesima. Vnde hæc pauca : *Nos in se*
transfudit , nos in se suscepit , inquit sanctus Augustinus , vbi de infir-
mitate Christi tractat. Sic & sanctus Leo ; *In nobis Dominus nostro*
pauore trepidabat , vt susceptionem nostra infirmitatis indueret , & no-
stram inconstantiam sua virtutis soliditate vestiret. Sanctus denique
Gregorius : *fortis super omnia , apparuit infirmus inter omnia , vt dum*

nobis ex assumpta infirmitate congrueret, ad permanentem nos suam fortitudinem eleuaret. O quid non possit in nobis fortitudo Christi, si tantum potest eius infirmitas?

III. PUNCTVM.

QUEM ergo Christus protegit si ab hoste vincatur, non est victoris virtus sed victi vitium, quo scilicet pugnare noluit, nam si pugnare constanter voluisset, tam certo poterat vincere, quam certe cunctis erat hostibus fortior cum esset ipsa Christi fortis fortitudine, cui cedunt & subsunt omnia. Sic propheta suos ipse prouocabat aduersarios, tam certus de victoria quam de diuino certus auxilio: Dominus Deus, inquit, auxiliator meus, ideo non sum confusus, ideo posui faciem meam ut petram durissimam, & scio quoniam non confundar. Iuxta est qui iustificat me, quis contradicet mihi? Stemus simul, quis est aduersarius meus? accedat ad me. Ecce Dominus Deus auxiliator meus, quis est qui condemnet me? vel nimis scilicet audacia si tali confortatus auxilio non ausim congregari: vel nimis confidentia si tale sperem auxilium quod mihi certo promissum est. Quis est qui non me potius condemnet vel ignauia quod turpiter illis cedam hostibus quos possem cum Christo vincere, si quantum possem, vellem: vel malitia, quod nolim quantum cum Christo possem?

Quid dices, quid excusabis? Nam fateri te id nolle, vix audebis: negare vero te id posse, quomodo negare poteris, cum te id negatem tot arguant Scripturae testimonia, quot diuinum pugnantem promittunt auxilium? Vnde in prouerbiis Sapiens: Si dixeris, vires non suppetunt, qui inspector est cordis, ipse intelligit, & seruatorem anime tue nihil fallit: Nihil prorsus eorum quae possis & quae debeas agere, nihil eorum quae nolis, vel quae dissimules, nihil eorum denique omnium quae voluntarie pecces; atque ita concludit Sapiens; reddetque homini iuxta opera sua. Non tantum iuxta mala quae puniat, sed & iuxta bona quae contra illum Iudex opponet & inde malitiam eius arguet, siue quod mala fecerit, siue quod mala quae fecit excusare ausit, quasi ea non posset euitare. Dic enim impie, dic si audes qua virtute bonum fecisti? Tuane sola virtute, vel Christi simul te adiuantis? Cur vero non aequè potueris ma-

lum euitare, cum te ad illud euitandum æque Christus adiuuaret? Noluisti scilicet, & defectum voluntatis obuelare contendis defectu potestatis; sed saluatorem animæ tuæ nihil fallit, ut quem habere noluisti Saluatorem, Iudicem habeas.

Videndus sanctus Ioannes Chrysostomus homilia 4. ad populum Antiochenum, ubi multis probat, nullatum esse naturam tentationum, sed tentatorum inertiam quæ ruinam faciat.

Aperte autem Diuus Augustinus ad hunc Psalmi 34. versiculum, *confundantur & reuerentur requireres animam meam: OSTENDIT hoc Deus in causa viri illius sancti Iob, quia & ipse Diabolus auferendi hæc non habet potestatem, nisi cum acceperit à summa potestate. Inuidere potuit sancto, numquid nocere potuit? Accusare potuit, damnare numquid potuit? numquid valuit aliquid tollere? numquid vel unguem, numquid vel capillum ledere nisi Deo diccret, mitte manum tuam? Quid est, mitte manum tuam? Da potestatem. Accepit. Ille tentauit, ille tentatus est. TENTATVS TAMEN VICIT. TENTATOR VICTVS EST. Deus enim qui diabolo permiserat ut illa tolleretur, ille seruum suum interius non deseruerat, & ad ipsum diabolum superandum animam seruæ sui frameam sibi fecerat. Quantum valet hoc? De homine dico, victus in paradyso, victor in stercore. Ibi victus est à diabolo per mulierem, hic vicit diabolum & mulierem.*

Plura his denique prorsus affinia videri possunt in 3. parte, FERIA 3. Hebdomadæ 7. & decimæ: ubi hæc Veritates exponuntur.

Qua facilitate vincimur, eadem vincere possumus.
In spirituali pugna fortior est ovis lupo.

Quia scilicet ovis à Pastore Christo contra lupum protegitur:



FERIA QVINTA.

DE SAPIENTIA ET BONITATE
PASTORIS CHRISTI SIMVL IYNECTIS
AD CVRANDAS SVAS OVES.

Cognouit me meus Pastor, & ego noui eum. 353

Ego sum Pastor bonus, & cognosco meas, & cognoscunt me mea. Ioan. 10.

VERITAS PRACTICA.

Difficilem quantumuis tui curam, hæc si verba cures, facilem reddent: Cognouit me meus Pastor, & ego noui eum.

RATIO EST, Quia difficilem quantumuis tui curam, facilem reddent quacumque fidem augebunt de Sapientia & Bonitate tui Pastoris te curantis.

Sed si hæc cures verba probe intelligere & proferre dum adhibetur curatio, fidem augebunt de Sapientia & Bonitate tui Pastoris te curantis.

Ergo difficilem quantumuis tui curam, hæc si verba cures, facilem reddent: At proinde nunc diligenter curandum est vt probe intelligantur, & suo tempore fideliter proferantur.

I P V N C T V M.

QUVM in malis Pastoribus hoc præsertim argueret Dominus, apud Prophetam Ezechielem: *Quod infirmum fuit* Ex. 34. *non consolidastis, & quod agrotum non sanastis; quod confractum est non alligastis, & quod abiectum est non reduxistis; Tum ibidem Ipse promittens se futurum Pastorem, mox addidit: Quod perierat requiram, & quod abiectum erat reducam, & quod confractum fuerat alligabo, & quod infirmum fuerat, consolidabo; & quod pingue & forte, custodiam, & pascam illis in iudicio. Id est, prouide, sapienter, discrete: prout curandis singulis necesse fuerit. Sic se videlicet opponit his Pastoribus qui nec satis boni essent vt vellent, nec satis sapientes vt nossent suas curare oues: quod & ipsum modo ludæis significat cum suam simul Bonitatem & Sapientiam his exponit Verbis: *Ego sum Pastor bonus, & cognosco meas, & cognoscunt me mea.* Quod enim rursus dicit se bonum, propen-*

sam in nos indicat suam voluntatem qua id omne nobis curandis velit quod profuturum cognouerit. Cum autem dicit se suas oues cognoscere, & ab eis cognosci, sic se omnium proficitur scire infirmitatem & singularia quibusuis adhibenda remedia, ut illa tam sapienter adhibeat quam cuique fuerit opportunum: unde hoc duplex emanabit commodum, Primò quidem ut infirmi perfecte sanentur & integre: Secundò deinde ut quantum difficilis & acerba sit eorum curatio, ut saepe accidit, facilem tamen & suauem reddat, si hæc Verba sibi curent habere præsentia, familiaria, promptissima: *Cognouit me meus Pastor, & ego noui eum.*

Ratio continetur in his ipsis Verbis prout iam inchoata eorum significatio declarabitur futius in sequenti puncto: Tunc quippe quantumcumque difficilis & acerba sit tui morbi curatio, plane suavis & facilis redditur si quid menti proponatur quod fidem augeat Bonitatis & Sapientiæ tui Pastoris ac Medici te infirmum curantis. Sic enim experimur in quotidianis nostris corporum curationibus ut quæ sunt acres & acerbæ tum mitigentur si Medicum inter & infirmum intercedat explorata quædam mutua cognitionis reciprocatio, cum videlicet medicus totum ægitudinis & ægrotantis statum perfectè nouit: ac vicissim cum ægrotus medici sapientiam seu scientiam ac singularem in se animi propensionem perspectam habet; tunc quidquid præscribet ad curationem Medicus, nonne illud tanta Infirmitas docilitatè summet, quanta vicissim erit talis in utroque cognitio? Nonne sic Raphaël qui dictus est medicina Dei se prius Tobia cognoscendum dedit, non quidem ut Archangelum, sed ut satis fidelem & peritum virum, cui cæcus Tobias confideret, & à quo libenter pateretur suos liniri felle oculos?

os. 6.

Sic plane de Christo nobiscum est; sic de nobis cum illo res habet: quanto de illo sentimus excellentiùs, tanto quidquid de nobis Ille statuatur, minus acre sentimus & molestum: *Quia ipse cepit, & sanabit nos*; ait Propheta: *percutiet & curabit nos*, quid est, quia *Ipse cepit*? Nempe quasi diceretur, quod incepit, ipse perficiet, non est enim ex illis insipientibus qui à captis leuiter desinunt, quia ergo cepit nos velle sanare, sanabit profecto & curabit licet percutiat, nam quod inceperit satis aperte declarat se id velle; quod autem nos curando nos percutit, Diuinæ ipsius

Sapientiæ quoddam arcanum est quo nouit opportunum morbis applicare remedium.

Quod & alibi sic apte exprimitur, *Quia ipse vulnerat & me-
deatur, percussit & manus eius sanabunt.* Id est, sicut medicus nouit
talem esse infirmum vt nisi vulneretur, non sanetur; sic infir-
mus nouit talem esse medicum vt nisi vellet me sanare ac nisi
sciret me vulnerandum vt saner, non vulneraret, non me per-
cuteret. Hoc est certe de Christo sentire vt par est Christianum,
& sic de Christo sentire in pœnis, hoc est pœnas penè non sen-
tire.

M. P. V. N. C. T. V. M.

SED dum in pœnis proferentur hæc Verba: Nouit me meus Pastor,
& ego noui eum, hoc est ita de Christo sentire, hoc est renouare
in mentem quam sit Bonus & Sapiens, hoc est actum fidei de utraque
eius virtute producere.

Nam sic æger proficitur se nosse Christum sicut à Christo est
cognitus, non ex æquo quidem quia ex parte tantum cognoscimus, 1. Cor. 13.
Ille vero nos plene totos nouit; sed ex simili quadam relatione
vt quemadmodum Christus nouit ægrum quàm sit infirmus cor-
pore vel animo, quantis quibusue potissimum egeat remediis,
sic æger norit Christum hoc de se scire, hoc de se nosse, quod
dum actu proficitur perinde est ac si diceret, mecum agit Chri-
stus sicut agendum est, agit enim sicut nouit, nam me non fal-
lit; nouit vero quo mecum modo sit agendum, nam nec ipse
fallitur. Ergo mecum agit sicut agendum est, id est, tam sapien-
ter & prouide quam res omnino postulat; Hoc ego noui, hoc
ego me nosse affirmo, hoc me tam firmiter credere profiteor
quàm constanter ore pronuntio, *Nouit me meus Pastor, & ego noui
eum.* Nouit quid sit opus facto, noui quod ipse faciat quidquid
facto sit opus. Nouit me quam parum aut nihil ex me possim;
noui quod supra quam possim non me oneret. Nouit quoulsque
se vis morbi extendat: noui quod tantum remedijs afferet. Et si-
cut ille nouit quantum sit amaritudinis ad remedium afferendæ,
sic ego noui quod non plus inferet quàm exigat mali remedium.

Hæc enim omnia multoque plura quæ suggerit sanctus Au-
gustinus comprehendunt illa pauca Verba, *Nouit me meus Pastor,*

In Ps. 85.

& ego noui eum. Audi sanctum illum Doctorem, vel recale quod iam ex ipso audieris, unde pateat quàm non sit nouus & inanis ille discursus qui de tali Pastore ac Medico frequentatur: Disce quàm excelsè, quàm sublimiter de illius aequitate ac Sapientia sit sentiendum: Quibus te, inquit, medicamentis curet, ille nouit: quibus sectionibus, quibus uestionibus, ille nouit. Tu tibi egritudinem comparasti peccando, ille venit non solum fouere, sed & secare & vrere. Non vides quanta homines patiantur sub medicorum manibus, spem incertam homini promittentium? Sanaberis, dicit medicus, sanaberis si secuerò. Et homo dicit, & homini dicit. Nec qui dicit certus est, nec qui audit: quia ille dicit homini, qui non fecit hominem, & non perfectè scit quid agatur in homine: & tamen ad verba hominis plus nescientis quid agatur in homine credit homo, subdit membra, ligari se patitur, aut plerumque etiam non ligatus secatur & vratur: & accipit fortè salutem paucorum dierum, iam sanatus quando moriatur ignorans, & fortasse dum curatur moritur, & fortasse curari non poterit. Cui autem promisit Deus aliquid & fefellit?

Ps. 103.

Quod & repetens in illum Psalmi versum, Qui sanat omnes infirmitates tuas: siue, vt legit, languores tuos: languor est, inquit, sanat & omnes languores tuos. Sanabuntur omnes languores tui, noli timere. Magni sunt, inquit, sed maior est Medicus. Omnipotenti medico nullus languor insanabilis occurrit, tantum tu curari te sine, manus eius ne repellas: nouit quid agat. Non tantum delesteris cum fouet, sed etiam tolere cum secat. Tolera medicinalem dolorem, futuram cogitans sanitatem. Videte fratres mei in istis languoribus corporis quanta homines tolerant, vt paucos dies victuri moriantur, & hos paucos dies incertos. Multi enim post tolerantiam magnorum dolorum cum à medicis secarentur, aut inter manus medicorum mortui sunt, aut iam sani irruente aliqua egritudine defuncti sunt. Si tam sibi propinquam mortem sperarent, illos immensos dolores non susciperent tolerandos. Tu non toleras ad incertum, qui promisit sanitatem, non potest falli. Fallitur medicus aliquando, & promittit sanitatem de corpore humano. Quare fallitur? Quia hoc non curat quod fecit. Deus fecit corpus tuum, Deus fecit animam tuam: nouit quemadmodum recreet quod creauit, nouit quemadmodum reformet quod ipse formauit. Tu tantum sub manibus medici esto: odit enim repellentem manus suas. Non fit hoc in medici hominis manibus. Ligari se volunt homines & secari: daturi pro incerta sanitate, certum dolorem, magnam mercedem. Deus te quem fecit, &

certus curas & gratis. Fertur ergo manus eius o anima que benedixisti annis, non obliuiscens omnes retributiones eius: Sanat enim omnes languores tuos, qui redimes de corruptione vitam tuam.

Nonne hoc ipsum est quod agnoscebat Dauid dum humiliaretur, & dum sic sanaretur a Domino? durum quidem remedium, sed salubre, sed æquiter ordinatum: *Cognoui Domine quia aequitas Iudicia tua, & in veritate tua humiliasti me.* Quid est in veritate tua, nisi prout me noris iam humiliandum. Hoc est enim verum esse quod tale Deus nouit, & quale quid nouit Deus, hoc est ita verum prout nouit, nec aliter. Vnde in prouerbiis Sapiens: *Pondus & statera, Iudicia Domini sunt: & opera eius omnes lapides sacculi.* Quidquid de vnoquoque iudicat & statuit Dominus, id velut apensum est in statera & bilance, vt quantum cuique sit opus, tantum impendatur, & quidquid circa nos operatur Dominus, tam accommodare, tam iuste, tam æquiter operatur, ac si lapides illos manu gestaret & ad opus adhiberet quibus olim ponderabantur omnia, & in sacculis seruabantur.

Vel sic interpretare, sic ad numerum, ad mensuram & pondus reuocata sunt omnia quæ nobiscum agit Dominus, vt tametsi tota illa lapidea pondera quorum olim erat vsus, è sacculis depromerentur, non possent vnquam æquius proferre computum quam sint ad æquitatem omnia computata. Sunt enim ipsa æquitas, ipsa veritas, ipsa iustitia. *Iudicia Domini vera, iustificata in semetipsa,* non egent vt ab alio iusta demonstrantur, hoc enim ipso quo quis nouit esse Iudicia Domini, satis nouit esse vera & iusta.

O qui attentius hæc cogitaret, quam longe aliter ac sentiunt homines de poenis suis, cogitaret!

III. P V N C T V M.

SIC ergo sentiendum & dicendum quibusuis in difficultatibus, **NO- SVIT ME MEVS PASTOR, ET EGO NOVI EVM:** Sic enim quantumcumque difficilem tui curam hæc verba facilem reddent, cum te actu inducent in eam mentem vt credas & cogites quam sit ille fidelis, quam bonus & suauis qui te curandum suscipit, & qui te curando minime vulneraret nisi te nosset vulnerandum: neque id verò nosset nisi re ita esset; si autem ita est, *hic vrat, hic fecit, vt in æternum parcat.* Nihil tam asperum quod non dul-

Gen. 25-

cescat cernenti manum quæ illud asperum porrigit. *Accepi calicem de manu Domini*, dicebat Propheta, & merito; quid enim de manu illa recuses quæ sola salutem operatur & solis illis operatur mediis quæ nouit & iudicat esse aptiora? Quem in sensum beatus Iob quantiscumque plagis iam esset vulneratus, grauiora tamen patitur si Deus veller, sic postulabat: *Qui cepit, ipse me conterat: soluat manum suam & succidat me. Et hac mihi sit consolatio, ut affligens me dolore, non parcat, nec contradicam sermonibus Sancti.* Hoc est, meriti diuini iudiciis & flagellis totum subijciam. Nam, ut ait sanctus Gregorius, plerumque ad nos verba Dei non sunt dictorum sonitus, sed effectus operationum. In eo enim loquitur quod erga nos tacitus operatur. Beatus igitur Iob sermonibus Dei contradiceret, si de eius percussione murmuraret, sed quid de percussore suo sentiat, indicat qui quem ferientem tolerat, Sanctum vocat.

Iob 6.

L. 7. mor.
c. 8.

Expendens vero accuratius Idem sanctus Doctor verba illa Iobi, *soluat manum suam*, & quæ sequuntur, opportunè ad rem nostram ostendit tantum abesse ut quotquot recte sentiunt, poenas à se auertant, quin potius ne illas auertat Deus, enixè rogant. Cum amorem, inquit, summum Conditor erga nos per verba non exercet, quasi ad ferienda nostra vitia manum ligatam tenet. An non affectus sui manum ligauerat cum peccanti populo dicebat, *Iam non irasciar tibi, & zelus meus recessit à te. Soluere ergo manum suam dicitur cum exerceat affectum.* Et post pauca: *Hinc est quod sancti viri cum de oculis ergo se dispositione suspecti sunt, plus prospera ipsa pertimescunt, tentari appetunt, flagellari contempnunt, quatenus incautam mentem metus & dolor erudiat, ne in hac peregrinationis via, hoste ex insidiis erumpente, sua eam deterius securitas sternat.* Hinc Psalmista ait, *proba me Domine & tenta me.* Hinc iterum dicit, *Ego ad flagella paratus sum.* Quia enim viri sancti mentis suæ corruptionis vulnus sine putredine non esse considerant, libenter se sub manu medici ad sectiones parant, ut aperto vulnere virus peccati exeat quod sana cute intus occidebat. Timent ne ultio quæ suspenditur, grauior in fine seruetur; feriri paterna correptione desiderant, & dolorem vulneris, medicamenta salutis putant. Recte ergo nunc dicitur, *Hac mihi sit consolatio ut affligens me dolore, non parcat, ac si aperte diceretur quia ideo hic quibusdam parcat, ut eos in perpetuum feriat, ideo me hic feriat non parcendo, ut in perpetuum parcat.* Ex afflictione enim confabor, quia corruptionis humane putredinem sciens, ad spem salutis ex vulnere ceterius reddor.

Qui animam suam pro mea Christus posuit, &c. 359

Nonne sic te consolari satius esset, quàm te in lamenta & querelas abjicere? Sic enim tranquille dolens, minus dolores: & majus tibi meritum comparares; cum è contra, perturbatus magis doles & doloris tui minus est meritum. *Animaquior esto Ierusalem, exhortatur enim te qui te nominavit. Circumspice Ierusalem ad orientem, & vide jucunditatem à Deo tibi venientem.* Bar. 4.

Vide in 2. p. Fer. 5. Hebdom. 2. in Quadragesima, vbi hæc habetur Veritas:

Quo in cœlis corona gloriæ sumetur vultu, hoc in terra Calix sumendus est,

Et in 3. parte, Die 26. Iulij.

Qui non vult mortificantem Dominum, non vult vivificantem.



FERIA SEXTA.

DE AMORE CHRISTI PASTORIS,
TANTI ÆSTIMANTIS OVES SVAS,
QUANTI ANIMAM SVAM.

Et animam meam pono pro ovibus meis. Ioan. 10.

VERITAS PRACTICA.

Qui animam suam pro mea Christus posuit, tanti æstimabilem fecit animam meam, quanti suam.

RATIO EST, Quia qui animam suam pro mea Christus posuit, redemit animam meam pretio sua.

Sed qui redemit animam meam pretio sua, tanti æstimabilem fecit animam meam, quanti suam.

Ergo *qui animam suam pro mea Christus posuit*; Vnde quantum me diligit, & quantum à me diligi debeat, non modo patet: sed quid sit illum à me diligi patenter demonstratur, nempe ut pro ipso nec animæ meæ parcā, nec minoris eam in praxi faciam, quàm Ipse fecit, dando suam.

I. P V N C T V M.

NE quid restaret quod à Pastore circa suas oves ad firmissimam earum incolumitatem desiderari posset, vno verbo complexus omnia Dominus: *Et animam meam*, inquit, *pono pro omnibus meis*: quasi diceret, Nihil prorsus est quod non libentissime pro eis faciam, cum vel animam meam ponam pro ipsis. Tanti videlicet eas facio, tantumque diligo, non amore solum sensibili, sed qui nobilior est amore quem vocant *appetitiuū* ut pro ipsis saluandis me exponam, pro ipsarum vita, moriar: pro ipsarum denique anima redimenda, ponam animam meam tamquam petiitum & datum redemptionis pretium. O rem certe supra id omne quod admirari possis, admirandam, si præsentim tria hæc considerentur: Primo is qui animam suam ponit: deinde illi pro quibus eam ponit: ac denique modus qua res tota peragitur.

De primo, satis quidem scitur esse Dominum Iesum qui ponit animam suam; sed quis ille sit Dominus Iesus, quantum ad rem spectat de qua hic agitur, non satis ponderatur. Est enim ipse Pastor qui pro grege suo mortem obit, quod quàm sit mirum & insuetum quis non videat, cum potius Pastori grex vitam suam debeat. Vnde licet solum ut homo spectaretur Christus, sic tamen illum mori pro his qui non nisi per ipsum & pro ipso viuunt, excedit omnem humanum morem. *Quis plantat vineam, & de fructu eius non edit? Quis pascit gregem, & de lacte gregis non manducat?* At vero non solum homo est ille Pastor, sed simul est Deus; Quantum quantus est Deus: o coeli obstupescite, tantus ille est qui humanam & mortalem accepit vitam quam pro suo grege poneret. *Qui cum in forma Dei esset, non rapinam arbitratus est esse se aequalem Deo, sed semetipsum exinaniuit, formam serui accipiens.* Denique, quod stupore solem obtenebrat, quod terrore terram concutit vniuersam, & quod

1. Cor. 9.

Phil. 2.

quod petras horrore scindit, Deus est offensus qui se offenditium culpam suo expiat sanguine; qui sibi debentibus omnia debitorem omnium se constituit, qui pro his ipsis animam suam offert à quibus eius auferetur anima! *Vix enim pro iusto quis moritur; nam pro Rom. 5. bono forsitan quis audeat mori! commendat autem Charitatem suam Deus in nobis, quoniam cum adhuc peccatores essemus, secundum tempus, Christus mortuus est.*

Sed quod secundum est expendendum, in illis pro quibus Deus moritur, non illi solum sunt qui iam peccarant, quod certe multum est, sed quod est amplius, illi sunt qui cum etiam audierint tam profusam in se Dei bonitatem ut pro ipsis mori voluerit, tamen illi tamen moueantur ut si quid grauius pro Redemptore suo sit tolerandum, respuant, nec alia reciproce dilectionis mementa reddant quam in quibus non laborant. O prodigium ingratitudinis! O profusionem diuini sanguinis pro tam ingratibus cordibus quæ si amare nesciebant, redamare nolunt. Sed non hic sistit eorum ingratitudo, non enim solum non amant se amantem Deum sed ipsum & oderunt & insequuntur suis peccatis tam libere ac effuse quàm si de illis morte sua nil esset meritum. *Populus qui ad iracundiam prouocat me, ante faciem meam semper!*

Addo vero ad cumulum vel humanæ malitiæ, vel diuinæ bonitatis explendum: non tantum à peccatis propterea non deterrentur homines, sed propterea magis ad peccandum prouocantur, quod tam bonum habeant Dominum qui pro ipsis est mortuus, & qui tam facile ac libenter ipsorum peccata condonabit, quam facilis olim fuit ad ipsa redimenda. *Etenim quis non profertur cito contra malos sententia, absque timore ulla, filij hominum perpetrant mala. Eccl. 8. Itane peccator diuinæ bonitate abuteris? Itane diuinæ Bonitas tui suffert abusum & contemptum? An oculus noster, nequam esse debuit, quia tu bonus es? An sic bonus esse voluisti, cum oculus noster ita nequam futurus esset?*

At quod de modo positæ à Christo animæ superest dicere, superat omnem dicendi modum, cum nec ullus fuerit crudelitatis exhibendæ modus qui ad eius tollendam animam non sit adhibitus. Certe quando in vita sua Theantrica siue diuinæ humana quam vivebat Christus, voluisset tantum in nostri gratiam aliquot annos aut menses, aut dies, aut horas, aut vel vnum momentum ponere, facis erat ut animam suam pro nobis ponere diceretur: Sed totam

ipsam posuit vitam, nec vllum vitæ momentum fuit quod non pro nobis posuerit. Bene habet, quandoquidem ita nobis bene voluisti: iam ergo vive sic nobis vivens, & in æternum vive, nec talis vita morte vlla concludatur. Non ita, inquit Viventis bonitas, sed mori me oportet, nec aliter vitam sumpsi quàm ut illam morte profunderem. O mors! poterisne talem absorbere vitam! Sed cum sint varia moriendi genera, genus saltem huius divinæ mortis eligatur facilius, suavius & gloriosius quod possit eligi! Tantum id vero absuit, quin quod humano & diabolico excogitari potuit ingenio difficilius, inhumanius, ignominiosius, totum id eius mortis genus fuit.

Tertio quidem post diē resurrexit, & vitam resumpsit gloriosam, impassibilem, immortalem; *& mors ei ultra non dominabitur*: sed an ille ultra nobis suam desinet dare vitam? Non desinet, non cessabit unquam & semper dicet, *animam meam pono pro omnibus meis*. Conuenerunt simul Divina Sapientia, Bonitas, & Potentia ut inuenirent modum immortalis illius vitæ nobis etiam nunc communicandæ. Quoties nempe sacra offertur Hostia, vel quotiesrite recipitur, tunc illa toties ubique, semper & omnibus se totam vitam communicat, se totam beata illa Christi anima nostræ se immiscet & infundit animæ, ut illius vita nobis & illi sit vna vita.

O diuinam Pastoris nostri potentiam! ô diuinam Bonitatem! Sed parcat mihi Sapientia si ab illa quæsiuero, satisne prospexerit futuris inde malis euentibus? Satisne præviderit futuros ex fidelibus infideles & impios qui vel negarent hanc potentiam, vel tantam irriderent bonitatem, vel ipsam etiam probris, fannis, & telis configerent sacratam hostiam? Præuisa, præuisa sunt, respondet Sapientia, quæ tu commemoras, nihilque fuit, aut quidquam futurum usquam est tam blasphemum & impium quod non præsens esset cum de illa danda vitæ deliberatum est. Manifestanda erat diuina mundo Bonitas, patefaciendus amor quo Deus diligit animam; procedat licet contrà quæuis humana impietas vel diabolicus furor, nil contra prius efficiant, quandoquidem tanto inde major apparebit diuina Bonitas & diuina dilectio, quanto contrà humana impietas vel diabolicus furor defauient. Audisne anima, nec tota raperis à teipsa in tantam Bonitatem!

Quia verò vera Praxis reciproce dilectionis inquiritur, sic illam Bonitatem admirare ut inde ad propositam Veritatem facilius

deuoluaris; hic est enim totius Bonitatis considerata fructus præcipuus ut cognoscas quanti animam tuam æstimet, & discas sic eam æstimare, nihil prorsus omitiendo quod ad eius perfectionem spectat, cultum & operam. Nil poterat autem bonus Pastor apertius dicere vel facere quo indicaret quanti animam tuam faciat quam dicendo se ponere animam pro tua suam. Sic enim vel maioris vel tanti profecto æstimabilem facit animam tuam, quanti suam.

Nam quo veriori modo suam pro te ponit animam, hoc ipso tuam redimit pretio suæ dato: nempe per mortem, mortem autem Crucis. Nonne te ab illo redemptum confiteris, nonne illum Redemptorem esse tuum profiteris? Nonne illius sanguinis & totius profusæ vitæ pretio, tota hæc emptio peracta est? Nonne ex scripturis id toties audiuiſti: *Empti estis pretio magno; VNVS Deus, vnus & mediator Dei & hominum homo Christus Iesus, qui dedit redemptionem semetipsum pro omnibus. NON corruptibilibus auro vel argento redempti estis, sed pretioso sanguine quasi agni immaculati Christi, & incontaminati.* Quod omnes in coelo sancti sic agnoscunt, ut hoc vno præcipue Redemptori suo bene precentur, *quia occisus es, & redemisti nos Deo in sanguine tuo, ex omni tribu, & lingua, & populo, & natione, & fecisti nos Deo nostro regnum.*

Certe nullus est populus, nulla tribus, nulla lingua, vel natio, quæ non ab illo redempta fuerit, cum semetipsum pro cunctis dederit: Sed illi vero, quos inter, te agnosce, magis redempti sunt qui vel plura peccarunt vel plures acceperunt gratias quibus à peccatis desistant, & salutem commodius vacent.

II. P V N C T V M.

ET verò sic redemisse animam tuam pretio sua, nihil aliud est quam tanti æstimabilem fecisse animam tuam, quanti suam.

Quando enim Emptor & intelligens rei quam emit æstimatorem, pretium dedit pro re illa sibi comparanda, quis affirmare dubitet tanti rem emptam, ab illo æstimari Emptore, quantum est pretium quod pro illa dedit? Cur enim tantum dedisset si rem tanti non æstimasset: cum præcipue supponatur esse Emptor intelligens & sapiens, quod certe dubitari non potest de Christo Domino Redemptore.

Matth. 13. Nonne sic Evangelicus ille mercator qui omnia sua dedit ut quæritam & inuentam emeret margaritam, manifestè demonstrauit se tanti margaritam facere quanti sua omnia quæ pro ipsa distinxit? Nonne sic Dominus qui parabolam illam retulit hoc intendebat ut tanti ostenderemus nos æstimare virtutem vel perfectionem vel salutem, quanti cætera omnia quæ daremus ad salutem consequendam? Nonne sic Apostolus quanti Christum Dominum faceret, indicabat cum diceret se pretiosa quæque *arbitrari velut stercora*, id est, funditus execrari ut Christum sic lucrificeret, quia sic cæterarum execratione rerum tanto diçior lucrifit Christus, quanto est rerum execratio vel intimior vel generalior.

Phil. 3. Cur ita ergo non diceretur Christus tanti animam æstimare nostram quanti suam, cum suæ pretio animæ nostram emat? An quia nimis bonus est, an quia nimis nostri amans, an quia nimis prodigus vitæ suæ? Sed an propterea desinit esse sapiens? an propterea desinit sapienter fecisse quod fecit? Quis auderet de illo dicere in quo sunt omnes thesauri sapientiæ & scientiæ reconditi, quis hoc auderet de illo pronuntiare mysterio quod excellenter dicitur diuinæ mysterium Sapientiæ? Sicut itaque nullus ambigendi est locus de perfecta illius sapientiæ, sic neque de illa emptione, sic neque de illa æstimatione, sic neque de illa quam fecit animæ suæ cum nostra, ut dictum est, æqualitate pretij?

Ps. 101. Sic præclare & apte S. Augustinus in illum Psalmi versum qui redemit de interitu, vel ut ipse legit, *de corruptione vitam tuam? IAM securus esto*, inquit: *Initus est bona fidei contractus: nemo fallit redemptorem tuum, nemo circumuenit, nemo premit. Egit hoc commercium, iam pretium soluit, sanguinem fudit, sanguinem, inquam, fudit unicus Filius Dei pro nobis. O anima erige te, TANTI VALES.*

III. PUNCTVM.

PATET igitur euidenter quod dixit & quod fecit bonus ille Pastor, qui dum animam suam pro mea posuit, tanti æstimabilem fecit animam meam quanti suam: sic enim ponendo animam suam, meam emit pretio suæ, meam autem emendo animam, pretio suæ, perinde prorsus est ac tanti meam æstimare animam quanti suam, cum ex communi hominum melius sentientium sensu quælibet rerum emptio sit earum æstimatio, & tanta prorsus æstimatio, quanta

est emptio: nisi forte etiam dici possit, plaris æstimari res emptas quàm earum pretium, cum pretium detur pro rebus, quod certe non daretur nisi res plaris quàm quod datur æstimarentur.

Sic de Moyse dicitur quod *maiores diuitias æstimauit thesauro Aegyptiorum, improprium Christi*, Quia videlicet regno Aegypti prætulit Christum. Quo quidem facto Moyses manifeste patefecit quanti Christum Dominum faceret, cum tale regnum Christo postponeret. Sed tamen quid Aegyptus, quid terrarum orbis, quid vel ipsa rerum omnium vniuersitas comparata Christo? Vnde si quid ex illa rerum vniuersitate pro Christo reliquisset, multum est ad eam indicandam quam quis de Christo mentem & æstimationem habeat; quale illud, amabo te, quale illud esse debet indicium & argumentum æstimata à Christo animæ nostræ, cum pro nostra posuit animam suam, quæ infinito dignitatis intervallo nostram exuperat? Quam dabit homo commutationem pro anima, iam non sua solum sed pro ipsa Christi anima quam pro sua redimenda datam esse agnosceret in pretium?

Tu Christe Iesu, quid vidisti tam carum & pretiosum in hominis anima præsortim peccatrice vt pro illa Tuam dares? Responsum accepisse videtur sanctus Augustinus qui ait Dominum vidisse *non quod est sed quod futurum erat*, non quod in se fecerat anima malum, sed quod Ipse in illa facturus erat bonum: sicut in sylua faber aut sculptor videt lignum tortuosum & male quidem compactum & formatum, sed benè ac commodè secundum artem suam efformandum: videt quippe se ex illo insignem Petri vel Pauli vel quem velit alterius Sancti formare posse imaginem, vnde lignum illud amat, & tanti æstimat quanti ex illo futuram videt imaginem æstimandam. Sic Christus Dominus vidit in anima quid per gratiam fieri poterat, vidit ipsos Petrum, Paulum & quoslibet futuros sanctos ad Diuinam ipsam imaginem in melius reformandos: *Vidit maxima illa & pretiosa quæ per ipsum nobis donata sunt, vt per hac efficiamur Diuina consortes nature*, sicut ait princeps Apostolorum Petrus. Ex quibus anima donis & gratiis, vnde maxima Dei Glòria resfulgeret, tam cara fuit & pretiosa in oculis Domini, vt quandoquidem redimenda erat, non alio poterat redimì pretio quàm ipso Christi Sanguine, quam ipsa data in mortem Christi Anima; Nil prorsus aliud in humanis æquiualeere poterat.

Hebr. 11.

In c. 8. ep.
ad Rom.

1. Pet. 1.

In Ps. 125. *Vendere nos potuimus*, inquit sanctus Augustinus, *redimere nos non possumus*, *vendidimus nos consensione peccati*, *redimimur in fide iustitiae*. Sanguis enim innocens datus est nobis ut redimeremur, A peccato scilicet ad gratiam; à seruitute Diaboli ad libertatem filiorum Dei; ab inferorum suppliciis ad sempiternam Coeli beatitudinem. Talis à summo malo ad summum bonum redemptio fieri non poterat, nisi summo etiam tradito pretio: Tradi debuit quidquid tradi potuit. Et hoc vnum erat, Sanguis innocens Christi fusus, sanctissima Christi anima per mortem data. Hoc vno talis redemptio transigi poterat, atque hoc vnum ita datum est totum, nihil ut prorsus superfuerit quod vel exigere vel dari posset. *Ps. 29.* *Conscidisti saccum meum*, inquit Patri filius Redemptor hominum, ut sanctus Augustinus interpretatur, his valde memorandis Verbis: *Non tibi vilescat quod ait saccum meum*, Ibi erat inclusum pretium tuum: *Euasimus ad saccum istum. In passione conscissus est.* *Quomodo Patri dicatur vis audire, conscidisti saccum meum?* Quia proprio filio non pepercit sed pro nobis omnibus tradidit illum. Fecit enim per Iudeos nescientes unde redimerentur scientes & confunderentur negantes. Nesciunt enim quid boni nobis operati sunt malo suo, suspensus est saccus, & quasi latatus est impius. Conscidit saccum lancea persecutor, & fudit pretium nostrum Redemptor. Quali diceret, sicut ex conscisso sacco tota quæ in eo continebatur pecunia profunditur, sic in cruce conscissus Christus totum quod continebat, effudit salutis nostræ pretium.

In Ep. ad Rom.

O vere pretiosam salutem, ô vere pretiosam mihi deinceps habendam animam meam quæ tali redempta pretio non potest negligi nisi simul hoc pretium, nisi simul redemptio, nisi simul Redemptor negligantur? Fierine posset, anima mea, ut si tali te sumptu redemptam credas, te rursus tam vili pretio quale est cupiditatis oblectamentum, te rursus vendas? *Vnusquisque peccando videlicet*, ut ait sanctus Augustinus, *Diabolo animam suam vendit, accepto tamquam pretio, dulcedine temporalis voluptatis*. Tu te ita vilifacias quam ita Christus magnificavit! ô impietatis prodigium! Pergendum ultra longius in tali concitando affectu cum gratia, atque idcirco videri potest in 2. parte, FERIA 6. quæ Parasceue dicitur, ad secundam quæ ibi proponitur Veritatem: Et Dominica 2. post Pascha, ubi hæc declaratur:

Sicut imaginem aut faciem Christi, sic eius vocem, &c. 367

Nihil æstimatione speculatiuâ pretiosius anima nostra: sed practicâ, nihil vilius.

Ne vero te persuaderi sinas quod quidam aiunt ex sancto Augustino, non omnes esse redemptos, nec te forte ex illis vnum esse: audi quàm Ille sanctus Doctor contrà sentiat, audi quàm acriter in sui temporis hæreticos ita garrigones inuehat: audi quàm apte vel ex tanto quod dedit Christus pretio concludat, vniuersum terrarum orbem, id est, vniuersos esse redemptos. *Venis Redemptor, & dedisti pretium, sudisti sanguinem suum, emis orbem* ^{In Ps. 95.} *terrarum. Quaritis quid emeritis? Videte quid dederitis & inuenite quid emeritis. Sanguis Christi pretium est. Tanti quid valet? Quid nisi totus orbis? Quid nisi omnes gentes? Valde ingrati sunt pretio suo aut multum superbi sunt qui dicunt aut illud tam paruum esse, ut solos Aphros emeritis, aut se tam magnos esse pro quibus solis illud sit datum! Non ergo exultent, non superbiant: Pro toto dedisti quantum dedit. Nouit quid emeritis, quia novit quanti emeritis & quanti dederitis.*

Non est igitur hoc timendum, ne sis redemptus: sed ne te perdas redemptum, & ne à tuo longius Redemptore discedas. *Perditio tua Israël, tantummodo in me auxilium tuum. IVSTVS* ^{au-Of. 13.} *tem meus ex fide viuit: quod si subtraxeris se, non placebit anima mea. Nos autem non sumus subtractionis filij in perditionem, sed fidei* ^{Hebr. 10.} *in acquisitionem anima. Id est, tales esse non debemus qui nos à Christo subtrahamus dubitantes ne quid ab illo desit, vnde perditio timenda esset; sed plene credentes & confidentes Ipsi nunquam nobis defuturo, videamus & id solum cogitemus ne nobis ipsi deficiamus, & ne vllam acquirendæ salutis animæ prætermittamus occasionem. Vide in 3. parte, Dominica 6.*

Non quod times, timendum est, ne desit tibi Deus, sed ne tu desis Deo.



SABBATO.

DE FIDELITATE ANIMÆ IN
AUDIENDA PASTORIS VOCE.

Oves mea vocem meam audiunt. Ioan. 10.

VERITAS PRACTICA.

*Sicut Imaginem aut Faciem Christi, sic eius Vocem fidelis anima reueretur.**RATIO EST, Quia idcirco Imaginem Christi fidelis anima reueretur quod sit eius representatio.**Sed vox Christi, quadam est eius representatio.**Ergo sicut eius Imaginem sic eius Vocem fidelis anima reueretur, non modo ad cultum quendam religiosum, sed ad obedientiam & ad omnium Virtutum praxim quam Pastor inspirabit.*

I. P. V. N. C. T. V. M.

ET alias oves habeo, inquit bonus Pastor, quæ non sunt ex hoc ovili, & illas oportet me adducere, & vocem meam audient, & fiet unum ovile, & unus Pastor, Tum illud de voce sua audienda paulo post repetens: *Oves mea, inquit, vocem meam audiunt, & ego cognosco eas & sequuntur me, & ego vitam æternam do eis, & non peribunt in æternum: Dum videlicet fideles sint in illa voce audienda & servanda. Quod ut fiat religiosius, multæ possunt proponi Veritates quarum Prima hæc est, Quod sicut faciem aut imaginem Christi Domini reueremur, sic ipsam eius vocem: non modo quæ ab ore eius sensibiliter profertur sed quæ iam olim ab illa prolata est, & in sacris continetur Evangelis, vel quæ in imo corde auditur, aut quæ à Superioribus declaratur, aut quo denique modo innotescat: Quia eadem est ratio vocis & imaginis Christi quantum ad cultum & venerationem suo utrique modo exhibendam. Quænam porro est illa ratio? Cur imaginem Christi reueremur? Quia scilicet eius est representatio cui proinde tantum religiosæ venerationis debetur, quantum ipsi Christo. Sic sanctus Basilus:*

2. de Sp. S. a 18. Rex dicitur regis imago, non autem duo reges. Neque enim potestas scinditur, neque gloria diuiditur. Quemadmodum autem principatus ac potestas nobis dominans una est, sic & glorificatio quam illi deferimus

rimus una est non multa. Itaque imaginis honor ad exemplar primum refertur.

Quæ sancti Patris verba sic sanctus Ioannes Damascenus commendat: Nam, ut inquit Deiser & magnus in Diuinis Basilus, imaginis honor ad Exemplaris transferitur honorem. Exemplar autem est quod imaginem efformat, & ex quo, quod deducitur, fit. Hos autem duos Patres nominatum citat & sequitur Diuus Thomas, expressè docens eodem cultu imaginem Christi quo ipse Christus colitur, esse colendam, sicque rem totam explicat: Duplex est motus anima in imaginem. Vnus quidem in ipsam imaginem, secundum quod res quadam est: alius autem in imaginem secundum quod est imago alterius. Et inter hos duos motus est hac differentia, quod primus motus quo quis mouetur in imaginem, ut est res quadam, est alius à motu qui est in rem quæ scilicet representatur: Secundus autem motus qui est in imaginem inquantum est imago, est vnus & idem cum illo qui est in rem representatam. Sic ergo dicendum est quod imagini Christi, inquantum est res quadam, præ lignum sculptum, vel pictum, nulla reuerentia exhibetur, quia reuerentia non nisi rationali creatura debetur. Relinquitur ergo quod exhibeatur ei reuerentia, solum inquantum est imago, & sic sequitur quod eadem reuerentia exhibeatur imagini Christi & ipsi Christo.

Addit vero in responsionibus ad obiecta: non propterea tamen homini qui est imago quadam Dei, parem adorationis exhiberi cultum ac ipsi Deo; Nam posset esse, inquit, erroris occasio, ut scilicet motus adorantis sisteret in homine inquantum est res quadam, & non referretur in Deum, cuius est imago. Quod non potest contingere de imagine sculpta vel picta in materia sensibili.

De hac porro relatione Imaginis ad suum primum exemplar sic ante hos omnes præclate scripsit magnus ille Athanasius qui se pro domo Domini murum opposuit contra insectantes Arrianos. In imagine, regis species & forma apparet: & in rege, imaginis species: sine enim omni discrepantia vultus regis in imagine expressus est, ut qui videt imaginem, videat in ea regem: & vicissim qui regem intueatur, agnoscat illum ipsam eundem esse qui in imagine representatur. Cæterum quia in ambobus nulla est dissimilitudo, si quis post conspectam imaginem velit regem videre, huic ad eum modum ita imago iure loqueretur: Ego & rex vnum sumus: ego enim in illo sum, & ille in me: & quod in me animaduertis, id quoque in eo animaduertas, & quod videris in illo, videas & in me. Nonne id credis? nonne id profiteris?

370 *Sabbato Hebd. 21. post Pent. Oves mea vocem, &c.*
nonne id contra quoslibet impugnantes tuereris?

II. P V N C T V M.

SED vox Christi sic quædam est eius representatio.

Isa. 6.

Non vox simpliciter sonans siue ut sonus est, sed vox significans, vox verbis expressa, & verba per vocem edita, Verba de quibus ipse dicebat Dominus: *Verba quæ ego locutus sum vobis, spiritum & vita sunt.* Hæc inquam verba, vox eius est, & vox eum representans quodammodo sicut ipse Filius dicitur Verbum Patris quia est eius imago, & quia verbum imago quædam est & representatio personæ cuius est verbum: nonne quando loquentem audis, etiamsi non sit præsens, vel quando absens tibi sua scribit animi sensa, nonne tibi videris illum videre quasi præsentem? Quid illius sermo scriptus nisi significatio mentis ipsius, nisi illud ipsum quod in mente habet & quod tibi per sermonem ita communicat ut ipsa communicatio sit quædam eius similitudo & representatio? Nam quod ille cogitat, quod sentit, & quod sapit, totum illud profusum est in illum sermonem quem ad te dirigit, unde fit ut ille ipsius sermo sit illius sensus, illius sapientia, illius animus atque vno verbo, Ille Ipse expressus & representatus, longe verius quàm per imaginem, quæ tantum corpus exprimit, sermo autem animum & eius arcana, quæ solo reuelantur sermone palam prolato vel particulatim scripto.

Isa. 10.

Sic sanctus Basilii ex epistola quam acceperat à familiari suo sancto Gregorio Nazianzeno scribit se eum cognouisse sicut ex filiorum vultu parentes cognoscuntur, quia videlicet sermo est character quidam Ingenij & internæ mentis, ut diximus. Quæ si vera sunt de nobis quanto magis de Deo & de Christo Domino, qui suis seipsum verbis longe magis communicare & representare potest quam nos nostris? Cum enim nihil sit Dei quod non sit Deus, hinc omne Dei Verbum dici potest Diuinum aliquid cum & ipsi ad quos fit Dei sermo dicantur Dij, ipso probante Christo.

Hebr. 4.

Sed quid expressius ad rem nostram quàm quod scribit Apostolus ad Hebræos: *Vivus est sermo Dei & efficax & penetrabilior omni gladio ancipiti, & pertingens usque ad divisionem animæ ac spiritus, compagum quoque ac medullarum, & discretor cogitationum atque intentionum cordis: quæ certe admiranda effecta, & quæ plura ibi refert*

Apostolus, soli Christo seu Deo conueniunt: & tamen illa sermoni eius attribuit, quasi diceret, Christus & sermo eius vnum & idem sunt. Sic quando dicitur in Euangelio, *quotquot eum receperunt, filios Dei fecit*, non de *hospitio* inquit sanctus Augustinus sed de *auditu* debet intelligi, quotquot eum receperunt vel non receperunt Euangelium, tot Christum recepisse vel non recepisse dicendi sunt, quo etiam sensu dicitur quod *nati sumus non ex semine corruptibili*, vt ait S. Petrus, *sed incorruptibili per verbum Dei viui & permanentis in aeternum*, hoc est verbum quod Euangelizatum est in vos. Vnde apertè patet quod vox seu verbum Christi sit eius quædam representatio cum sit ipsa eius virtus, ipsa eius sapientia, ipsa bonitas & pene quidquid est: Vnde vere *beati sunt qui audiunt verbum illud & faciunt.* Ioan. 1. 1. Pet. 1. Luc. 11.

III. PUNCTVM.

SIC igitur Vocem seu Verba Christi sicut eius Imaginem fidelis anima reueretur, quia sicut Imago repræsentat exteriorem Christi faciem, ita eius verbum, interiorem exhibet; ac proinde si propter repræsentationem, Imago Christi colitur, non minus debet coli eius Verbum quod æque illum nobis repræsentat: Sic in Canticis non minus desideratur vox Sponsi quam eius facies: nam vbi dictum est, *ostende mihi faciem tuam*, statim additur, *sonet vox tua in auribus meis: Vox enim tua dulcis, & facies tua decora*, quasi diceret sponsa cuius hæc verba magis quam Sponsi esse affirmat S. Gregorius Nyssenus & alij apud Tirinum Interpretem: si fieri posset dilecte mi, vt te simul viderem & audirem, pergratum mihi valde foret: quod si tamen vnum negatur, at saltem concedatur alterum: si te videre non possim, saltem te audiam, vt sic vox tua tuam suppleat faciem, & te quocumque modo præsentem habeam.

Nouerat enim sponsa nouerat hunc diuinæ modum præsentia per vocem Dei, non minus esse celebrem & frequentem quàm per eius faciem. Sic enim dum prius Mosi Deus apparuit in monte Horeb, visus est quidem ardere rubus, sed tantum abest vt quid de Deo Moses viderit, quin potius de illo expresse dicitur: *Abcondit* Exod. 3. *Moses faciem suam, non enim audebat aspicere contra Deum.* Quo igitur illi modo Deus apparuit nisi per vocem? Sicut cum in eodem ipso monte, sed multo post tempore Deus apparuit Helia non in

1. Reg. 19. facie sed in voce, non visu sed auditu, *Et ecce*, inquit Scriptura, *vox ad eum.*

Deut. 4. Quod luculentius etiam patet in illa omnium celeberrima Dei ad cunctum populum apparitione facta, cum ei legem digito suo scriptam in duabus tabulis tradidit. An per faciem apparuisse Deus dicitur, an per vocem? Audi Moysen de re tota ut expresse populum postea monuit: *Vocem*, inquit, *verborum eius audistis, & formam penitus non vidistis.* Quasi aperta voce diceret, sic apparuit vobis Deus per vocem suam sicut per faciem, quia vox scilicet non minus personam repræsentat quam facies, nec minorem à nobis exigit cultum Deus auditus quàm visus.

Itane vero id tibi persuasum in praxi habes? Itane Verba Christi, sicut si præsens Ipse adesset, veneraris? An velles vel eius Imaginem sic proterere sicut Verba eius à te proteruntur cum negliguntur, cum effectum nullum in te habent, cum opposita mundi Verba plus in te valeant? *Qui spernit me*, inquit ipse Dominus, *& non accipit Verba mea, habet qui iudicet eum. Sermo quem locutus sum, ille indicabit eum.* Mira certe est sententia Diui Augustini asserentis nihil minus esse Verbum Christi quam eius Corpus, nec minori pœna dignum esse *qui Verbum Christi negligenter audierit quàm qui corpus Christi sua negligentia in terram cadere permiserit.* Sunt eius Verba quæ plura referuntur in 3. parte, Feria 2. Hebd. 8. ubi exponitur Parabola seminis seminati in terram quadruplicem. De qua item Parabola & de Verbo Christi fusius in 2. parte, Dominica Sexagesimæ.

Quæ ut firmitus corroborarentur, addi posset & exornari ditius hæc Veritas:

Semel locutum esse Christum, fideli satis est animæ ut Vocem eius semper audiat & sequatur.

Ratio est, quia fideli anima satis est ad Christi sui vocem audiendam & sequendam, si semel eius voluntatem & propensionem intelligat. Quid enim aliud opus, cum non aliter eum sequatur anima quam quod intelligat Ipsum velle, nec aliter ipse loquatur quàm ut declaret animæ quid ab ipsa velit? *Indica mihi quem diligit anima mea, ubi pascas, ubi cubes in meridie.* Quid scilicet à me velis, & quò me ire iubeas.

Sed semel locutum esse Christum satis est ad indicandum quid velit;

Semel olim dixisse Christum dum inter homines ageret, *Si quis* ^{Lnc. 22}
vult venire post me, abneget semetipsum, & tollat crucem suam quoti-
die, & sequatur me: satis est ad indicandum unicuique fidelium
 vnoquoque loco & tempore, quod ab ipso velit hanc abnegatio-
 nem sui & quotidianam suæ Crucis tolerantiam. Sicut enim suis
 discipulis tum dixisse, sufficit ut nobis etiam dictum putemus, sic
 semel dixisse satis est ut semper nobis dictum puteamus, seu po-
 tius ut semper ita præstandum quod semel dictum est, cogite-
 mus. Nec dubitare debemus, inquit sanctus Leo, *hanc vocem non*
solum ad discipulos Christi, sed ad cunctos fideles, totamque Ecclesiam ^{Serm. 9. in}
perlinere, qua salutare suum in iis qui aderant, universaliter audiebat. ^{Quadrage.}
Sicut ergo totius est corporis pie vivere, sic totius est temporis crucem
ferre, qua merito ferri, unicuique suadetur quia propriis modis atque
mensuris ab unoquoque toleratur. Vnum nomen est persecutionis, sed
non una causa est certaminis, & plus plerumque periculi est in insidia-
toe occulto, quam in hoste manifesto. Quasi diceret, sicut insidia-
tor ille occultus numquam nos cessat persequi, sic numquam à
resistendo cessandum est, & sic semper pugnando crux est feren-
da. Sic enim nos sibi tam præsentem Christus habebat cum hæc
diceret, quàm quos habebat præ oculis: & nobis ut prodesset ad
singula quæque momenta non minus intendebat, quàm quibus
loquebatur; cur non igitur similiter Illum nobis præsentem exhi-
beamus cum expresse propterea nobis sit dictum: Vobis ministra- ^{1. Pet. 1.}
bant ea que nunc nuntiata sunt vobis per eos qui evangelizauerunt vobis?

Denique quod rein totam concludit, sic est authenticè dictum
 in libro Iob, *Semel loquitur Deus, & secundo idipsum non repetit,*
 quasi non sufficiat quod semel locutus est. In Scriptura quippe eius ^{1. b. 38.}
 eloquio, inquit ibi S. Gregorius, *causar nostras singuli si requirimus,*
inuenimus: nec opus est ut in eo quod specialiter tolerat, responderi sibi
Divina voce specialiter quærat. Ibi enim nobis omnibus in eo quod spe-
cialiter patimur, communiter respondetur. Ibi vicia præcedentium sit for-
ma sequentium. Ibi videlicet inuenimus quod Paulus, carnis sue infir-
mitate tentatus audiuisset, Sufficit tibi gratia mea, nam virtus in infirmi-
tate perficitur. Quod idcirco illi in infirmitate propria dictum est ne si-
gillatim nobis omnibus diceretur. In Scriptura igitur sacra vocem Dei
afflicto Paulo audiuimus, ne cum fortasse affligimur, singuli audire eam
privata consolatione quæreremus: quia semel loquitur Deus & idipsum
secundò non repetit, quia in Scriptura sacra quidquid potest singulis

euenire; comprehendis; atque in illa per exempla præcedentium etiam vitam sequentiam informare curauit.

Tum verò ibidem pergens sanctus Doctor Verba illa explicare de Diuino Verbo quod semel loquitur Deus, vnigenitum semper gignens filium: copiosam subministrat materiam idipsum transferendi ad propositam Veritatem ob analogiam multiplicem quæ in utroque Verbo & intra genito, & extra prolato conuenit; Vnde tandem concludatur quod sicut ad fidem nobis est satis, vel semel audiuisse quæ sunt credenda vt credantur, sic plane ad charitatem vt quæ agenda sunt, fiant. Quod fuse declaratur in 2. parte, Feria 4. Hebdom. 4. post Pascha. Videri etiam debet in eadem parte, Feria 3. Sexages.

Quod Christus semel suis, hoc in omni semper casu tibi dicit, *Non turbetur cor tuum.*

Quæ item de non differendo, passim in singulis partibus. Ac denique cum sit proprius hic character ouium Christi, *Vocem eius audire*; Quàm sint pauca oves quæ illam audiant, quam sint pauci qui saluentur, quam sint pauci qui Christo credant: Vide in 2. parte, in Septuag. Et in 3. In Transfiguratione Domini. Nec non in appendice ad Missiones, de præiudiciis saluti oppositis, capite 4. & sequentibus.





DOMINICA XXII. POST PENTECOSTEN.

REDDENDA QUÆ SUNT
CAESARIS CAESARI, ET
QUÆ SUNT DEI, DEO.

*Abeuntes Pharizæi concilium inierunt ut caperent
Jesum in sermone. Matth. 22.*

VERITAS PRACTICA.

Deus non irridetur. Ipse deludet illosos. *Prou. 3.*

RATIO primæ partis quæ magis ad praxim spectanda est, sic ex
secunda parte formatur: Deus non irridetur si deludat illosos.

Sed ipse deludet illosos, ut ait Sapiens in Prouerbiis.

Ergo Deus non irridetur; Ergo cauenda dolositas, simulatio, duplicitas, hypocrisis, & quidquid simplicitati Christianæ aduersatur.

I. PUNCTVM.

QUVM Christus Dominus Ierosolymis Parabolam de inuitatis ad nuptias enarrasset, atque in ea Iudæorum infidelitatem & pœnas consequentes expressisset, tunc è congressu abeuntes Pharizæi concilium iniurunt ut caperent eum in sermone, id est, ita illum illaquearent ut quidquid diceret, inde ansam acciperent eius accusandi. Quamobrem mittunt è suis aliquos cum Herodianis, qui nempe ad Herodis gratiam toti erant confecti, siue ut illum tamquam Messiam colerent, siue ut cum illo Romanorum imperium in Iudæos protegerent: mittunt inquam ad Christum qui simulant se lesio & religiose agere, ac proinde præ se ferrent omnem pietatis & bonæ de illo exultationis cultum, latenter vero & callide fabricatam hanc ad eum decipiendum quæstionem proponerent: *Magister, scimus quia verax es, & viam Dei in veritate doces, & non est tibi cura de aliquo, non enim respicis personam hominum: dic ergo nobis, quid tibi videatur? Licet censum dare Cæsari, an non?*

Graue id enim censebant Iudæi qui cum se populum Dei electum agnoscerent, non putabant se alienis subditos esse Dominis. Quo in errore confirmabantur à Pharizæis qui toti erant populares seu populi gratiam aucupantes. Erat itaque sic interiecta quæstio ut si Christus negaret esse censum persoluumdum, mox apud Herodem Regem, vel Pilatum præsidem qui Cæsaris & Romanorum partes fovebat, accusaretur: si vero affirmaret, tùm populo contrà reclamanti esset inuisus.

Cognita autem Iesus nequitia eorum, ait, quid me tentatis Hypocritæ? Ostendite mihi numisma census. At illi obtulerunt ei denarium, Id est illam monetæ speciem quæ in tributum soluebatur, Et ait illis Iesus, Cuius est imago hæc & superscriptio? Dicunt ei, Cæsaris. Tunc ait illis, Reddite ergo qua sunt Cæsaris Cæsari, & qua sunt Dei Deo. Quasi diceret, vos ipsi quæstionem soluitis, cum vel imaginem Cæsaris tamquam vestri principis in numis vestris cuditis: vel cum sic ipsa cusa pecunia tamquam apud vos probatissima non difficulter vtimini: quapropter sicut eum agnoscitis vestrum Dominum, & hanc eius esse pecuniam, quia refert eius imaginem;

imaginem; fic quæ sunt illius, illi reddite: dum modo fic etiam quæ sunt Dei, Deo reddatis: hoc est, animum vestrum & vos totos quibus Diuina cum sit impressa imago non minus estis Dei, nec minus Deo reddendi estis, quam pecunia Cæsaris reddenda Cæsari propter eius imaginem ibi expressam. Quæ responsio tam prudens & accurata fuit, vt ipsi simulatores eam demitterentur, nec quid in illa carperent, inuenirent, vnde ad suos taciti reuertuntur.

Ex quibus ita dilucidatis cum multa depromi possint ad multas practicas Veritates, tum illud prius occurrit quod maxime Pharizæos mouit ad interrogandum Christum de tributo persoluendo, nempe dolositas & simulatio qua illum decipere prætendebant, & in inuidiam aduocare; quo vitio peccant quicumque in rebus ad religionem siue ad salutem & Conscientiam spectantibus non sincere procedunt, sed sibi quædam falsa fingunt, aut quæ sunt vera, dissimulant, quasi nesciant, quasi non possint, quasi non teneantur, quasi alias opportuniùs faciant; sed non modo, quasi iam non sibi vacet id cogitare, sicque salubria quæuis ad melius viuendum monita siue à Deo interius, siue à Directoribus exterius inspirata eludunt, ioco vertunt, vel in alios detorquent sensus, quasi Deo affingerent, quasi eum nescientem in suas vellent partes attrahere, quasi vno verbo, illum irriderent.

Sed his apte Apostolus ex quo deprompta est Veritas quæ iam expendi debet: *Nolite errare, Deus non irridetur.* Irridetur quidem *Gal. 6.* fictis illis & simulatis agendi modis, sed non quo sensu & quo euentu putant: Putant enim sic euasuros, sic impunè laturos quidquid mali commiserint, vel quid boni omiserint, sic se ab his excusaturos quæ nolunt agere. Non sic impij non sic: Deus non ita vt putatis irridetur. Nam si vt Sapiens dixerat, *Ipse deludet Illufores*, profecto non ab illis irridetur, sed illos irridet. Sunt illi quidem Illufores, quo sensu dictum est, dum sibi fingunt se verba dare Deo, & sic se posse ab eius expedire Iustitia; sed si errant in illo suo sensu, si secus quàm putent, accidat: si non excusentur, si tanto inde magis accusentur & puniantur, nonne ipsi qui dicuntur, illufores, illudentur, & nonne sic patebit Deum non irrideri? Nam ex euentu res paret: Quales illi demum fuerint in quibus suster & inhærebit irrisio, tum illi verius irrideri

dicuntur. Si quod prætendunt Illusores obtinerent, si Dei iusta & statuta facerent irrita, certe hoc modo sic irriderent Deum, ut non posset dici quod Deus non irridetur: sed si nihil obtinent, si contra potius quam volebant eueniat, nonne tum ex illis contrariis euentibus tam vere dici poterit quod Deus non irridetur, quam falso sibi persuadebunt Deum irridere posse? *Va qui pradaris, nonne & ipse pradaberis: & qui spernis, nonne & ipse sperneris?* Quasi diceretur, nonne apparet quam stulte agas & quantum tibi noceas, si dum spernis, spernaris potius quam tu spernas?

II. P V N C T V M.

Pf. 2.

SE D res ita tandem habet, ita ipse suo tempore suos deludit Illusores, ut expresse affirmat: *Ego quoque in interitu vestro ridebo & subsannabo, cum vobis id quod timebatis aduenerit, cum irruerit repentina calamitas, & interitus quasi tempestas ingruerit, quando venerit super vos tribulatio & angustia. Tunc innocabunt me & non exaudiam: mane consurgent & non inuenient me: eo quod exosam habuerint disciplinam, & timorem Domini non susceperint, nec acquieverint consilio meo, & detraxerint vniuersa correptioni meæ.*

Quibus in verbis tria sunt quæ quanta sit illa illusio qua Deus deludit Illusores, manifeste demonstrant.

Pf. III.

Primum est quod cum ipsi sint illusores, grauius certe est illis illudi quam aliis: nam omnis transitus ab extremo ad extremum, siue à quouis opposito ad oppositum, longe semper acerbior est & acrior, ut patet in superbo humiliato, in diuite suis exuto bonis, in libero & Domino ad seruitutem redacto, & aliis; vnde ex Illusore illusum fieri, sicut manifestum est oppositum, ita & poena grauior. Adde quod quantum placebat illis illudere, tantum necesse est ut illudi displiceat, non tantum quia sic diuinitus per qua quis peccat & magis torquetur, sed quia etiam humanitus quantum ipsi sentiebant animi iucunditatem illudentes, tantam illusi percipiant oportet acerbiteratem, quod se suis videant illusos illusionibus, & suis illaqueatos laqueis. *Videbunt & tabescent.*

Secundum est, quod non tantum irridentur, sed subsannantur & sic Angelis & hominibus irridendi proponuntur, ut ludibrium & iocus omnium fiant; Quod certe est ad pudoris sensum pe-racere: Vnde & dicuntur transire in confusionem, quasi sint ipsi

toti fabula & confusio de quibus liberum sit omnibus loqui, quod manifesta sit eorum prauitas: *Abierunt in confusionem fabricatores errorum.* Sic reuelare dicitur Deus hypocritarum absconsa & in medio *synagoga delusores elidere*, quasi diceretur, illos exponere cunctis *sublannandos*. Ecce homo qui prauauit in vanitate sua. Ecce parturit in iustitiam, concepit dolorem & peperit iniquitatem: lacum aperuit & effodit eum, & incidit in foveam quam fecit. EGO eligam illusiones eorum, & quæ timebant, adducam eis.

Tertium est, quod cum multa illis improuisa contingant damna, siue bonorum iacturæ, siue morbi, siue mors ipsa, tunc ipsi sentiunt quam falsa essent quæ iactabant, & quam vera quæ contemnebant. Tunc palinodiam coguntur canere, id est, vel inuiti & renitentes profiteri Deum esse cui non seruisse malum sit, & cum Antiocho dicere: *Iustum est, subditum esse Deo, & mortalem non paria Deo sentire*; Quodque ad probum & confusionem insignius est, tunc quò confugiant nil superest nisi ad illius Bonitatem quam præsertim deluserunt, & quam frustra inclamant, frustra precantur, frustra suis demulcent promissionibus: *Orabas scelestus Dominum à quo non esset misericordiam consecuturus.* ILLI OS autem Dominus irridebit: & erunt post hac decedentes sine honore & in contumelia inter mortuos in perpetuum, quoniam disrumpet illos inflatos sine voce, & commouebit illos à fundamentis, & usque ad supremum desolabuntur: & erunt gementes & memoria iutorum peribit. Venient in cogitatione peccatorum suorum timidi, & traducent illos ex aduerso iniquitates eorum.

Nihil certe ad rem aptius quàm quod ipsa refert Sapientia; quæ & consequenti capite sic pergit: *Tunc stabunt iusti in magna constantia aduersus eos qui se angustiauerunt & qui abstulerunt labores eorum.* Videntes turbabuntur timore horribili & mirabuntur in subitane inasperata salutis, dicentes intra se, *pœnitentiam agentes, & præ angustia spiritus gementes: Hi sunt quos habuimus aliquando in derisum, & in similitudinem improperij. Nos insensati vitam illorum aestimabamus insaniam, & finem illorum sine honore: ecce quomodo computati sunt inter filios Dei, & inter sanctos sors illorum est.* Ergo erramus à via Veritatis. Et quæ plura lugent Illusores non solum in Inferno, sed in suis etiam temporalibus damnis, in suis corporalibus morbis, & in internis animarum angustis cum vident sibi perire omnia, & se tandem cum omnibus perituros. *Vbi sunt?*

Sap. 5.

dij eorum in quibus habebant fiduciam? Vbi cachinni, vbi scurrilia, vbi luxus, vbi geniales mensæ, ioculares socij, & parentes primarij, quorum authoritate freti & nomine, iura omnia violabant, *surgant & opitulentur vobis, & in necessitate vos protegant.* Nonne tum habent ex hac ipsa vita quod sentiant & quod dicant, *Quid nobis profuit superbia, aut diuitiarum iactantia quid contulit nobis? Transierunt illa omnia tamquam umbra & tamquam nuncius percurrentes: & tamquam navis quæ pertransit fluctuantem aquam: aut tamquam avis quæ transuolat in aëre: aut tamquam sagitta emissæ in locum destinatum: quoniam spes impij tamquam lanugo est quæ à vento tollitur, & tamquam spuma gracilis quæ à procella dispergitur, & tamquam fumus qui à vento diffusus est, & tamquam memoria hospitij vnius diei pratercuntis.*

Prov. 19.

Ecclesi. 10.

Jer. 10.

At cò tandem redigi vt id agnoscant, id sentiant & profiteantur Illusores, nonne deludi est? Nonne in aduersum iuisse est potius quàm quò volebant ire? Nonne quod dixerat Sapiens: *Parata sunt derisoribus iudicia*, quasi præ omnibus singulariter illis parata sint? Nonne & vere Alius: *Dolor consumet illos antequam moriantur?* Et Propheta: *Confundentur vehementer quia non intellexerunt opprobrium sempiternum quod numquam delebitur.* Non intellexerunt scilicet dum spernerent, sed dum spernentur intelligent, & confundentur vehementer, quod non prius intellexerunt.

III. P V N C T V M.

Ps. 119.

DEVS ergo non irridetur qui sic deludit Illusores, Et cauenda prorsus omnis fallacia siue cum Deo, siue cum Superioribus, siue cum quouis proximo, quia quidquid boni inde speretur, nullum est præ illis malis quæ proinde sentiuntur: vnde apte ad virum dolosum dirigi potest quod quærebat Dauid, *Quid detur tibi aut quid apponatur ad linguam dolosam? Sagitta potentis acuta cum carbonibus desolatorijs,* Quasi diceret, nihil aliud expectes quam istud malum: aut si quod forte bonum tibi promittas, expende bonum illud cum tanto malo.

Pr. 3.

Ecclesi. 2.

Qualiscumque porrò fuerit qui dolos facit, aut cuiusque fiant, perinde est cum de omnibus vniuersim dicatur: *Abominatio Domini est omnis illusor.* Et va duplici corde, quod fuisse declaratum habetur in 1. p. Feria 6. Hebdom. 3. post Epiphaniam, vbi quidquid de hoc

verius desideres argumento, plenè suggeritur: Quibus hæc addi possunt ex Diuo Augustino contra illos præcipue dolos qui circa proximum fabricantur. Sic enim apte in hunc Psalmi versum: *Veniat illi laqueus quem ignorat, & captio quam abscondit*, apprehendat eum, & in laqueum cadat in ipsum. **MAGNIFICA**, inquit, retributio, nihil iustius. Illi absconderunt muscipulam, ut ego ignorarem, illis veniat muscipula quam ignorans. Nam ego scio muscipulam ipsorum. Quæ autem muscipula illis ventura est? Illa quam ignorant. Audiamus ne fortè dicat, illa veniat illis muscipula quam ignorant. Forte aliam illi absconderunt, alia illis ventura est. Non. Sed quid? funiculis peccatorum suorum unusquisque contringitur. Inde decipiuntur, unde decipere volerunt. Inde illis nocebitur, unde nocere conati sunt. Sequitur enim, *Es captio quam occultauerunt, comprehendat illos*. Tanquam si quisquam veneni calicem præparet alicui & oblitus bibat. Et tanquam si foueam fodiat quisquam, in quam quisque inimicus eius in tenebris incidat, & ille oblitus quod foderat, ambulans ea via, prius illuc cadat. Prorsus fratres mei ita credite, ita certi estote, ita si est in vobis excellentior prudentia ratio, videte atque perspicite. Nemo malus qui non sibi prius noceat. Sic enim esse putate malitiam, Quo igne incendere vis aliquid aliud, illud quod admoues, prius ardet, nisi ardeat non incendit, facula est, hanc faculam apponis, ut aliquid incendat, namquid non ipsa facula quam apponis prior ardet, ut aliquid possit incendere? Malitia autem procedit ex te, & quem prius vastat nisi te? Quò profundit ramum, ladit: ubi radicem habet non ladit? Equidem dico quod malitia tua ut alteri non noceat fieri potest, ut autem tibi non noceat, fieri non potest. Nam quid nocuit sancto viro Iob, de quo prælocuti sumus? Quomodo in alio Psalmo dicitur, sicut nonacula acuta fecisti dolum. Quid sit de acuta nonacula? Capilli, res superflue deciduntur. Quid ergo facis ei quem vis nocere? Si nequaquam tibi ad malum consentiat cui vis nocere, non malitia tua ei nocitura est sed sua. Si autem intus ipse malitia careat, & cor mundum subdat illi voci dicenti, salus tua ego sum, forinsecus oppugnas, interiorem hominem non expugnas, malitia tamen tua ab interiore tuo procedit, te prius inanem reddit. Tu putris es intus, unde iste vermis processit, intus nihil integrum dereliquit.

Et rursus in hæc alia Psalmistæ verba: *Observabit peccator Iustum, & stridebit super eum dentibus suis: Dominus autem irridebit eum, quoniam prospicit quod veniet dies eius*. **ACERBVS**, inquit, videtur cum aminatur iusto, nesciens horam sui crashnam, Dominus autem videt &

Mat 16.
Rom. 2.

prospicit diem eius. Quem diem? quo reddet unicuique secundum opera sua. *Thesaurizat enim sibi iram in die ira & reuelationis iusti iudicij Dei.* Sed Dominus prospicit, tu autem non prospicis: indicabis tibi quid prospicit. Tu diem iniusti quo pœnas passurus es ignorabas, sed qui scit non te eclabit. Non parua pars scientiæ est, scienti conjungi. Ille habet oculos cognitionis, tu habeto credulitatis. Quod videt Deus, crede tu. Veniet enim dies iniusti quem prospicit Deus. Qui dies? Eius vindicta. Necessè est tamen ut vindicetur in impium, vindicetur in iniustum, siue conuertat se, siue non se conuertat. Si enim se conuerteris, hoc ipsum in illo vindicatur, quod peristi iniquitas. Nonne irrisit Dominus prospiciens dies iniquorum duorum, & Iudæ traditoris & Saulis persecutoris? Vnius diem prospexit ad pœnam, alterius ad iustitiam. In utrumque vindicatum est. Ille est gehenna ignibus deputatus, iste cœlesti voce prostratus. Ergo & tu quem pateris iniquum, per oculos fidei prospice cum Deo dies eius: & cum eum videris in te sauentem, dic tibi: iste aut correctus mecum erit, aut perseuerans mecum non erit. Quid enim? Iniustitia iniusti tibi nocet, & illi non nocet? Vnde fieri potest, ut non iniquitas eius, quæ per eius indignationem & odium procedit ad ledendum te, non prius ipsum vastet intus, quàm te tentet foris? Tuum corpus premit aduersitas, illius animum putrefacit iniquitas: Nam & quicquid in te profert, in illum redit. Eius enim persecutio te facit purgatum, illum reum: cui ergo plus nocet? Ecce sauiendo expolians te! Quis damno grauiore percutitur, qui amittit pecuniam, an qui amittit fidem? Norunt dolere damna ista qui habent oculum interiorem. Multis enim fulget aurum, quibus fides non fulget. Habent quippe oculos unde aurum videant, unde fidem videant non habent. Nam si haberent & viderent, utique plus amarent: & tamen quando eis frangitur fides, clamant, inuidiam faciunt, & dicunt, O fides, ubi est fides? Amas eam ut exigas, ama ut exhibeas.

Ex quibus sancti Doctoris verbis non modo discas, dolosè cum nullo esse agendum, sed si tecum ita fortè agatur, non tibi dolos nocere posse si virtutem inde cum gratia quæ potest exerceri exerceas, nec grauius etiam in dolosos illos commouearis quos sibi Deus referuat puniendos.

777.

Luci. 27.

Sunt verò in Scripturis multæ similes loquendi formæ quibus qui aliis parant fraudes sibi parare potius quam aliis dicuntur. *Infixa sunt gentes in interitum quem fecerunt, in laqueo isto quem absconderunt comprehensus est pes eorum.* QVI in altum mittis lapidem, super caput eius cadet, & plaga dolosa dolosi diuidet vulnera: Et qui foueam

Fodit, incidet in eam: & qui statuit lapidem proximo, offendet in eo: & qui laqueum alyj ponit, peribit in illo: Facienti nequissimum consilium, super ipsum deuoluetur, & non agnoscat unde adueniat illi.

Quod autem dicitur in Prouerbiis: *Homo qui blandis fictisque sermonibus loquitur proximo suo, rete expandit gressibus eius: sic interpretare, ut ille ipse homo suis simul expandat rete gressibus, cum expandit alienis. Vnde & proxime sequitur, Peccantem virum iniquum, inuoluet laqueus.* Pr. 19.

Vide suprà in hac parte, Feria 2. Hebdom. 19. decima Veritate quæ sic ex sancto Hieronymo profertur:

Non multum distat in vitio, vel decipere posse, vel decipi Christianum.

Magister scimus quia verax est & viam Dei in Veritate doces.

Et quæ plura in Euangelio referunt Adulantes.

VERITAS PRACTICA.

Adulator magis timendus quàm Calumniator.

Ratio est, quia occultus hostis magis timendus quàm apertus. Cum enim hostis propterea sit timendus quod damnum inferat, profecto quò erit grauius illud damnum, eò magis ille timendus à quo intetur? Quis autem nesciat grauius ab occulto damnum hoste sæpius euenire quam ex aperto, cum sit facilius, apertum cauere hostem quam occultum? Inimici hominis, domestici eius, à quibus scilicet homo non caueat, sunt illi præ cæteris, inimici.

*Mich. 7:
Matth. 10.*

Sed adulator est occultus hostis.

Si sit hostis, non dubium quin sit occultus: Nam adulatio nihil aliud præ se fert quàm cultum, obseruantiam, amicitiam, & quæcumque hostili animo tam aperte repugnant, ut si hostilis sit animus, non sit nisi occultus. Quod sit autem hostis, dupliciter explicari potest, primò quia sic adulando pratendit aliquid à te obtinere quod non putat se obtenturum nisi prius sic tibi palpa-

ret, nisi prius te lactaret & animum tuum ita emolliret ut in quam vellet partem inflecteret. Quod certe est hostem esse, nam hoc est insidiari, hoc est rete expandere, hoc est decipere, hoc est pugnare prædari, diripere, quæ sunt illa cuncta hostilia.

Pr. 16. Sic expresse Scriptura: *Vir iniquus, inquit Sapiens, lactat amicum suum, & ducit eum per viam non bonam.* Vnde & Idem prius monuerat: *Fili mi, si te lactauerint peccatores ne acquiescas eis.* Et sanctus Iudas paucis quidem sed ponderosis verbis: *Mirantes, inquit, personas, quæstus causa:* Nam mirari hoc idem est ac vehementer extollere, sicque facilius eblandiri pecuniam vel quid aliud velis: Vnde *L. 1. contra Pelag.* Dicit Hieronymus, *semper, inquit, insidiosa, callida, blanda est adulatio, pulchreque apud philosophos definitur, blandus Inimicus.*

Tametsi vero nihil peruersum Adulator quæreret, non propterea tamen non esset hostis, quia multa sunt alia qua inferet ei damna quem sic lactando emollit; Sic enim superbum eum & de se alta sentientem facit, ut si post à veris suis amicis audiat aliter de se iudicari, si se corripi, se admoneri videat, non aequè ferat, non id verum putet, non eam esse clamitet aliorum mentem à quibus prope est cognitus, sicque miser & miserabilis se diutem putet cum sit pauper & nudus: se doctum & prudentem existimet cum sit ignarus & vecors: se probum ac sanctum virum credat cum sit vanissimus. Quæ damna quam sint ingentia & quam facile profluant ab auditis adulatoribus, quis non videat?

Pf. 140. Quamobrem recte ac sapienter David: *Corripiet me Iustus in misericordia & increpabit me; oleum autem peccatoris non impinguet caput meum.* *Pf. 54.* *MOLLITI* sunt sermones eius super oleum, & ipsi sunt iacula. Iacula certe tanto grauiora, quanto minus ab his cauetur. Habet quidem & sua Calumniator iacula, sed quæ ita lædunt ut læsio peracerbe sentiat, & sensus remedium malo si quod sit, afferat. At vero quod inferunt damnum adulatoris iacula non modo non acerbe sentitur, sed potius delectabiliter velut lucrum & commodum tota mentis auditate percipitur: Vnde id fit quod dicebatur & quod est malorum omnium deploratissimum, quanto quis se foeliciorem putet, tanto sit infœlicior. *Pf. 3.* *Popule meus qui te beatum dicunt, ipsi te decipiunt, & viam gressuum tuorum dissipant.*

Nonne hinc igitur, Adulator magis timendus quam Calumniator, aut quam quicvis hostis apertus, à quo non modo te tueri possis ne feriat, sed etiam feriret, & vulnus faceret, vulneri possis mederi,

deri; quod utrumque deest in occulto illo qui te necat, dum te laetat, hoste. Sic præclare sanctus Augustinus in illum Psalmi verliculum, *Auertantur statim erubescences, qui dicunt mihi, euge, Ps. 69* euge: *DVO sunt, inquit, genera persecutorum, vituperantium & adulantium. Plus persequitur lingua Adulatoris, quam manus Intersectoris.* Et postquam utrumque ex Scriptura, camino comparauit, ubi probantur homines, sic pergit, *Si lauderis ab adulantibus & assentantibus, & annueris eis veluti emens oleum, non secum portans, sicut quinque Virgines insipientes, eris caminus fractura tua, etiam os adulantium te.*

Sic & sanctus Hieronymus, aut ut alij volunt, sanctus Paulinus ad Celantiam, *Adulatorum assentationes velut quasdam pestes animae* L. II. ep. 14. *fuge. Nihil est quod tam facile corrumpat mentes hominum; nihil quod tam dulci & molli vulnere animum figat: Vnde & quidam Sapiens ait: Verba adulatorum mollia, feriunt autem interiora ventris, In multis, isto* Pr. 18. *maxime tempore, regnat hoc vitium, quodque est grauissimum, humilitatis ac benevolentia loco ducitur: Eo fit ut qui adulari nescit, aut inuidus aut superbus putetur.*

Sanctus autem Gregorius de locustis illis agens quæ totam Aegypti herbam ac fructus deuorant, *Quid per significationem* Exodi 100 *locusta portendunt, inquit, quæ plusquam cætera minima quaque ani-* L. 31. m. 11. *mantia humanis frugibus nocent nisi linguas adulantium quæ terremo-* c. 20. *rum hominum incutes, si quando bona aliqua proferre prospiciunt, hæc immoderatus laudando, corrumpunt. Fructus quippe Aegyptiorum est operatio Cenodoxorum quam locusta exterminant dum adulantes lingua ad appetendas laudes transitorias, cor operantis inclinant.*

Quam in rem apte Diuus Chrysologus dum expendit quod Matth. 23. narratur in Euangelio de Dæmone Christum credente, adorante & prædicante: *Credit infelix, ut Eum quem tentatione vincere, quem muneribus nequirit insicere, possit adulatione pulsare: Quasi hoc genus tentationis esset hominibus longe perniciosius quam quodlibet aliud: Vnde & Dominus numquam sibi obloquentes & detrahentes tam acerbe repressit quam sibi adulantes.*

O quanta propterea Sapienter Rex ille Poloniae Ladislaus sibi adulantem impacto excepit colapho, nec dubitauit illico factum mirantibus respondere, *Percutientem me repercutio.* Quamobrem nec adulari cuiquam velis, nec quemquam tibi. Nolles quippe adulari ne tibi hoc infame nomen Adulatoris contrahas, aut ne

sis aliis causa perditionis: At nonne perinde putas ad infamiam, si adulatorem libenter, audis ac si tu ipse molliter Adulatorem agis? Nonne & tibi ex æquo cauendum est ne salutis tuæ quidquam oppositum recipias, ac ne alienæ quidquam opponas? Sic te ad vtrumque simul suo sanctus Apostolus exemplo instruit:

1. Thim. 2. Ita loquimur non quasi hominibus placentes, sed Deo qui probat corda nostra. Neque enim aliquando fuimus in sermone adulationis, sicut scitis; neque in occasione auaritiæ, Deus testis est: nec quærentes ab hominibus gloriam, neque à vobis, neque ab aliis.

Sic propterea forte commodius videtur formanda Veritas, quæ ratione iam dicta facile declarari posset:

Si lactare quemquam nolles, nec à quoquam lactari velis.

Conformia & illa sunt quæ habentur in 1. parte, Feria 4. Hebd. 2. in Aduentu. Et in 4. parte, Feria 2. Hebdom. 15. post Pentecosten.

Ad laudes nostras tremere potius cōuenit quàm exultare. Humana de nobis iudicia sic sunt humanè audienda vt non humanitùs audiantur.

Id est, non illo exultanti animo quo solent homines assentationes suas excipere.

AD HÆC EADEM EVANGELII VERBA:

Magister, scimus quia verax est, & viam Dei in veritate doces.

VERITAS PRACTICA:

In omnibus sumentes scutum fidei. *Ephes. 6.*

Hoc Euangelicæ fidei scutum est, quod sit Christus verax.

Sic est porro sumendum in omnibus hoc scutum fi-

dei, ut nisi sumas in omnibus, iam non sit scutum fidei.

RATIO postrema partis quæ ceteras omnes includit, hæc est, quod Christus verax non credatur, neque sit scutum fidei, nisi verax credatur in omnibus suis dictis.

Sed nisi hoc scutum sumas in omnibus, non credes Christum veracem in omnibus suis dictis.

Ergo sic à te sumendum est in omnibus ut non sit aliter tibi scutum fidei: Quod certe non est segniter expendendum.

I PUNCTVM.

PRÆMITTENDVM est quod sanctus ait Gregorius de amicis beati Iob, & in eorum persona de quibusuis hæreticis, & peruerlis hominibus: Sape, inquit, contingit ^{1. 12.} ^{6. 10.} ut Insti & iniusti habeant verba similia, sed tamen semper cor longe dissimile: & ex quibus dictis Dominus ab iniustus offenditur, in eisdem quoque à iustis placatur, Quod declarat exemplo Regis Ezechiae & Pharizæi qui paribus pene verbis sua bona commendant opera, sed quantum Ille probatur, tantum Ille improbatur, Tum verò pergit sanctus Doctor: Solent Hæretici errorum suorum dictis verba aliqua permiscere, & amici beati Iob quamvis in reprehensione eius omnimodo fallantur, possunt tamen & quadam vera dicere, quæ ex illius assiduitate didicerunt, quorum dicta si omnia refutanda essent; Eliphaz sententiam Paulus Apostolus minime protulisset dicens, Apprehendam Sapientes in astutia eorum. Quia igitur & ea quæ recta dicunt, contra beatum Iob recte non dicunt, nos in eorum dictis, & calcemus vitium indiscretionis, & discutiamus vires rectitudinis.

Sic plane sentiendum est de hoc Pharizæorum dicto quo Christum Dominum conueniunt: Ut capiant eum in sermone Magister, scimus quia verax est & viam Dei in Veritate docet. Quid peruerfius quam quod intendunt? Sed quid rectius quam quod dicunt? Quid verius quam quod Dominus sit verax Magister & viam Dei in Veritate doceat? Quid aptius & conuenientius quam ut dictum hoc frequenter celebremus? Hoc enim scutum illud est fidei

de quo Apostolus ad Ephesios, *In omnibus sumentes scutum fidei in quo possitis omnia tela nequissimi ignea extinguere*, seu repellere: Nempe sicut scuto tela hostium repelluntur, sic ista Veritate proposita, quod sit Christus verax, & nonnisi vera doceat, quidquid hostes nostri siue interni siue externi, siue visibiles siue invisibiles contra Euangelij authoritatem, seu contra sinceram Euangelicarum omnium Veritatum fidem objicerent, retunditur & refringitur. *Scuto circumdabit te veritas eius, non timebis à timore nocturno, à sagitta volante in die, à negotio perambulante in tenebris, ab incursu & Demonio meridiano. Cadent à latere tuo mille: & decem millia à dextris tuis.*

Sed diligenter observandum quod in paucis illis Verbis Apostolus hanc vniuersalem vocem, *omnia*, bis repetit, vt profecto intelligamus quod iam nobis accurate discutiendum est, non aliter esse posse scutum fidei nisi sic in omnibus & contra tela omnia constanter illud scutum sumamus. Nam quæ nobis hodie proponitur ratio cur sit tale scutum fidei, hæc omnino conuincit, sic esse sumendum illud in omnibus vt nisi sumas in omnibus, iam non sit tibi scutum fidei. Quænam porro est illa ratio? Quid est quod facit scutum fidei? Quid est quo repelluntur omnia contra Euangelicas Veritates proposita? Nempe hoc vnum quod Christus verax est & ita verax in dicendo vt in omnibus suis dictis ex æquo & perinde verax credatur, sicque viam Dei in veritate docuerit vt aliter docere prorsus non potuerit quam in veritate. Nota illud *non potuerit*, Nam in eo tota est scuti fabrica, tota vis eius & virtus ad repellenda omnia. Ne quidem de potentia sua Christus absoluta poterat aliter quam verum dicere, Noluisset certe mentiri licet potuisset, Nam omne mendacium cum sit peccatum, tam Christo repugnabat quàm erat Deus quàm erat sanctus, quam erat intellectu & voluntate conformis legi æternæ suæ, cui peccatum omne contradicit.

Adde quod cum venisset in terras viâ Dei edoctrurus, si non eam in veritate docuisset, nonne ipse sibi oppositus ex aduerso fuisset? Nonne ipse præuicator extitisset ædificans quod destruxerat, & quod ædificarat destruens? Quæ à Christo Domino tam aliena sunt omnia quam sunt discrepantes à luce tenebræ, quam diiunctum est à bono malum, à rectitudine perversitas, & à virtute vitium. Quamobrem ad formandum fidei scutum, non pa-

nam id certe esset quod licet aliud quam verum posset Christus dicere, non tamen vellet, neque de facto ut vocant, id unquam diceret. At longe tamen est amplius ad illud formandum scutum, quod tametsi vellet falsum dicere, non tamen posset; sicut enim haberet semper animus noster in Christi dictis si posset Christus aliud quam verum dicere, an sua esset potestate tum usus, nihilque certi & fixi haberet quod crederet; sic plane quando intelligis non omnino id posse fieri, tunc quidquid dixerit, ratum fixumque sit necesse est: nec ullus plane relinquitur ambigendi & nutandi locus, unde ipse dicebat Dominus, *Cælum non ita esse firmum ac statum quam sua essent verba.* Sic fuse cum Diuo Thomâ Theologi. Vide in 2. parte, Feria 4. Hebdom. 4. post Pascha.

Hoc est itaque scutum quod vocat Sapiens, *Inexpugnabile, & sap. 5. æquitatem.* Quid enim æquius quam sic sentire de Christo quod mentiri nolit & non possit? Non est enim infirmitatis hæc impotentia, sed virtutis & sanctitatis; Pauendum vero quod idem ait Sapiens, hoc scutum à Domino contra insensatos aliquando sumendum, nam hoc eos uno iudicabit, quod sit eis vera locutus. Hoc uno velut scuto quidquid peccator excusat in peccatis repellitur: *Sermo quem locutus sum vobis, ille iudicabit eum in novissimo die.* *1. cor. 13.*

O vere insensatum qui nullo ad hæc fidelitatis sensu moveatur!

II. P V N C T V M.

SED nisi hoc scutum sumas in omnibus, non credes Christum esse veracem in omnibus suis dictis.

Dicendum paulo expressius quid sit scutum fidei sumere; tum quid sumere in omnibus, atque ita evidentius patebit propositio. Scutum fidei tunc proprie sumimus quanto incurrenti contra fidem tentationi resistimus, vel rejiciendo simpliciter quod contra occurrit, vel inuocando diuinum auxilium ne succumbamus: vel exercendo actum fidei oppositum in illa materia circa quam versatur tentatio, siue id fiat solum mente, vel ore simul proferendo verbum aliquod quo fidem Orthodoxam profiteamur: *Credo Domine, adjuna incredulitatem meam. Credo Deum trinum & unum,*

Credo Iesum esse filium Dei. Credo Ecclesiam sanctam. Sic fide velut scuto tela hostium repellimus, sic monemur illis resistere fortes in fide.

Quid sit autem, *scutum fidei sumere in omnibus*, sic melius intelligetur si obserues duo esse præcipua Credendorum genera, Speculativum & practicum. Speculativi exempla sunt quæcumque in symbolo Apostolorum continentur: Practici vero generis sunt illæ Beatitudines & aliæ similes Evangelicæ Veritates quæ mundanis repugnant dictis, & humanis contradicunt affectibus: ac proinde crebrius circa hoc genus fidei tentamur, sollicitamur in oppositum, persuademur contra, & eò facillime trahimur vnde nos fides retraheret si scutum eius sumeremus. Hoc est itaque quod dicitur scutum esse sumendum in omnibus, nempe in istis practicis æque ac speculativis: nempe in rejiciendis tam fideliter & constanter omnibus quæ contra fidem de Beatis pauperibus spiritu, & de miseris mundi divitibus sentientur, quàm si aduersus prima illa Mysteria de sanctissima Trinitate, & diuino Verbo Incarnato suggererentur. Non enim minus de fide est Beatos esse pauperes, & lugentes, & qui patiuntur propter iustitiam, quàm Deum esse vnum & trinum. Nec minus de illis practicis verè debemus dicere: *Magister, scimus quia verax es, & viam Dei in veritate doces*, quàm de istis speculativis quæ docuit; Minus tamen illa credimus, ac ne vix credimus, quia vt dictum est, non tantum Intellectui sed & voluntati repugnant quæ deprauata per affectus naturales, deprauat dicta Domini, & ita interpretatur vt sibi potius Euangelium & Christum, quàm se Christo loquenti subijciat. *Loquer vobis & non creditis.*

Quid porrò inde sequitur nisi quod habet Propositio, nisi hoc scutum sumas in his omnibus practicis, perinde ac in aliis speculativis, non credes Christum esse veracem in omnibus suis dictis. Nam primò, nisi quando resistendum est oppositis motibus, sumas scutum & resistas viriliter, defectus fidei est, vel certe talis est languor & debilitas fidei vt te parè geras modo ac si prorsus non crederes, ac si nihil Christus de diuitiis & de paupertate dixisset, vel perinde ac si de Euangelio circa hæc bona vel mala mundi nihil audiisses. Quid enim ultra posses quàm te, vt soles quotidie, miserum in miseriis tuis inelamare, & beatos illos esse quibus abundant omnia? Nonne hoc est non credere Beatos esse paupe-

res & lugentes? Nonne hoc est quod ait Apostolus de mundanis *qui repellentes bonam Conscientiam circa fidem naufragauerunt?* Et quod *1. Tim. 1.* affirmat Alius, *fidem sine operibus mortuam.* Nam hæc sunt vera opera quibus vera viuit fides, quando de temporalibus huius mundi bonis & malis, sentimus ex Euangelij sensu & diuinæ ductu gratiæ, non autem ex humano affectu. *1. 2.*

Quod si hæc autem non credas, quomodo veracem Christum in omnibus credes, cum hæc illa tam expresse pronuntiarit quam alia? Nec dicas te quidem credere, sed bono sensu, sed sensu accommodato ad communem viuendi modum, & quo illa solet mundus interpretari. Nam hoc est ludere, hoc est iocari, hoc est blasphemare, quasi tu Christum interpretari velis ex mundano sensu qui totus illi est oppositus, & contra quem totus est Christus! Nonne sic errant in speculatiuis hæretici cum suo modo & sensu Scripturas interpretari volunt? Si Sabellianum, si Artianum, si Manichæum, si Caluinistam vrges ex sacris Codicibus, & inquiras ab illis an credant Scripturis, an credant Christo loquenti? Respondebunt omnes se credere, sed quo interpretantur sensu: qui cum sit ab orthodoxo & vero sensu alienus, quidquid dicant, dici non debent credere. Sic plane de practicis sentiendum, si quæ Christus dixit tuo tantum velis modo credere, non quo debent intelligi, plane non credis, aut quidquid credas, *Inanis est & vana fides tua.*

Quod si etiam objicias non tam defectu fidei accidere quod contra practicas Veritates sentias, sed potius ex Concupiscentia non repressa qua moueris in oppositos illis motus & sensus: Id ita quidem fieri potest, sed cum contra hanc concupiscentiam tunc esset fide agendum, tunc esset sumendum scutum, & resistendum, & pugnandum & vincendum: profecto si clypeum abjicis, si non pugnas, si non resistis, defectus aut languor est fidei: nam in speculatiuis non sic molliter cederes. Etiam si tibi mollia vel commoda præsentarentur, aut dura denuntiarentur, velle ne aliter de Deo trino, vel de Christo sentire quam sentiendum est? Velle ne pro quibusdam oblati rei domesticæ commodis vel incommodis hanc fidem abjicere quod Christus est Dei filius, sicut tu fidem hanc abjicis, quod sunt Beati pauperes? Nolles plane nolles, sed quamobrem nolles nisi quia magis vnum credis quam aliud?

Atque etiam vt clarius videas te neque hoc aliud credere: Dic cur luges in paupertate, cur gaudes in diuitiis? Nonne quia malum.

Luc. 11.

putas paupertatem & bonum credis esse diuitias? At quid dices contra Christi dictum? Et cum simul credas te rationabiliter dolere quod doles, nece putes in tuo falli sensu, quasi extra omnem controuersiam & prorsus indubitatum sit paupertatem esse malum, & lugendum malum, quid inde sequitur nisi veracem non esse Christum qui oppositum docuit? Duo enim tam diuersa & repugnantia non possunt simul stare. Si verum est ut verum putas quod sentis de mundi bonis ac malis, prorsus id falsum est quod Christus contra sentit, unde & dicebat, *Qui non est mecum contra me est, qui non colligit mecum, dispergit.* Vide in 1. p. in die Natalis Domini. Et in 2. Dominica 3. in Quadragesima.

III. P V N C T V M.

Rom. 3.

Ps. 50.

QUOD est igitur scutum fidei, sic est sumendum in omnibus ut nisi sumas in omnibus, iam non sic scutum fidei. Nam cum in hoc vno Christianæ fidei scutum vel maxime concipiatur consistere, quod sit Christus verax in omnibus suis dictis; hinc fit, ut si quid non credas quod Christus dixit, non illum credes veracem; ac proinde iam non erit hoc scutum fidei. Si quid sit autem in quo fidei sumendum esset scutum, & non sumas, propterea tantum non sumes quia non credes quod dixit Christus; quod manifeste apparet in illis practicis Veritatibus quas non minus Christus reuelauit quàm illas quæ speculatiuæ dicuntur; & tamen ita minus creduntur, ut vix omnino credantur. Quomodo igitur verax erit Christus, aut quomodo scutum subsistet fidei si Christus non sit verax, in qua vna veracitate præsertim hoc est scutum constitutum, ut expressè Apostolus: *Est autem Deus verax, omnis autem homo mendax, sicut scriptum est, ut iustificeris in sermonibus tuis, & vincas cum iudicaris.* Id est, tandem ocysus serius apparebis esse verax non obstantibus contrà oppositis hominum quibuscumque mendaciis.

Neque verò tantum in istis practicis hæc scuti perit ratio, sed inde ad quælibet alia sic deriuatur damnum & perniciēs, ut nihil fide diuina credatur sed opinione tantum vel scientia, vel humana duntaxat autoritate vel gratia, quia fides virgo est incorrupta, quæ si vel vno defectu articuli corrumpatur, iam non est virgo, iam non est fides Christiana, iam non est fides. *Sicut si quæ Conclusio teneretur sine illo medio quo demonstratur, non haberetur eius scientia,*



Deum & homines. At vero mendacium operis nonne & contra mentem operantis committitur, Id est, contra Conscientiam, contra id quod probè scit aut scire potest si velit, ut hic supponimus. Nonne & videntes decipit qui bona fide factum putant quod mendax, ficta & fucata facit. Nonne postremo Diuinam ipsam pessundat fidem cum illam bonis euacuât operibus, & cum ex credendis credat quæ velit, & quæ nolit repudiet: *Pars illius cum hypocritis & Infidelibus. Foris canes & uenefici & impudici. Et omnis qui amat & facit mendacium.*

Matth. 23.
Luc. 12.
Apoc. 22.

Vide supra in hac 4. parte, Feria 2. Hebd. 15. vbi hæc Veritas declaratur;

Nisi diligenter aduertas, ore facta Confessio, factis à te negatur.

Dic ergo nobis, quid tibi videtur? Licet censum dare Cafari, an non?

De adeundo Directore Conscientiæ in dubiis omnibus, vide in 1. parte, tota Hebd. 3. post Epiphaniam.

De adhibenda etiam in difficultatibus oratione & de consulendo Deo, videri possunt in 2. parte, sequentes duæ Veritates.

Erranti in dubiis & non oranti, nulla est erroris excusatio.

Feria 6. post Octauam Ascensionis Domini.

Qui cum affectu in composito Deum consulit, non Deum sed Deo consulit,

Non à Deo consiliū petere, sed Deo dare velle videtur.

Feria 4. Pentecostes.

Cognita autem Iesus nequitia eorum, ait; Quid mentatis hypocritæ?

Numquam illustrius se manifestat Christus, quam dum animæ peccatricis illustrat Conscientiam, & peccatum latens ipsi manifestat.

In 3. parte, Feria 4. Hebdom. 11.

Humana consilia cò sæpe peiora, quò meliora.

In 3. parte, Feria 5. Hebdom. 14.

Si cum nostris vitiis nostræ virtutes comparentur, plus inhonoratur Dominus nostris vitiis quàm virtutibus honoretur.

In hac 4. parte, Sabbato Hebdom. 19.

Sæpe quod petis à Deo iustius, hoc est quod petis iniustius.

Nempe in modo petendi rem alioquin bonam & iuste petendam, sed quando petitur dari non seruatis seruandis, tunc iniuste petitur, & tentari dicitur Christus quì nec salutem cuique tribuit sine mediis ordinatis.

In 3. parte, Sabbato Hebdom. 7. cui conformis & ista est:

Si ordinatis ad salutem mediis non vteris, Mediatore Christo abuteris.

In 2. parte, Sabbato post Cineres.

Ostendite mihi numisma census. At illi obtulerunt ei denarium. Es ait illis Iesus: Cuius est imago hac & superscriptio? Dicunt ei; Caesaris.

Ad hac verba, triplex genus veritatem occurrit, pro triplici perfectionis via seu vita. Primum quidem in via parentina:

VERITAS PRACTICA.

Ad peccatricis animæ resipiscentiam, multum valeat hæc quaestio: Cuius est imago hac?

Ddd ij

RATIO EST, Quia multum valet ad peccatrici animæ resipiscentiam, si cum Diuina gratia incipiat de peccato confundi & erubescere.

Sed ad illam confusionem & erubescenciam multum valet hæc animæ peccatrici proposita quæstio; Cuius est hæc imago?

Ergo & multum valet ad resipiscentiam, ac proinde nobis hodie proponenda in hunc finem.

L P V N C T V M.

QUOD vniuersim Apostolus de Christi Domini primo in terras aduentu, ait venisse Dominum *ut peccatores saluos faciat*, hoc ad singulas eius actiones & verba referri potest, in quibus hoc vnum egit quod primum loquutus est: Resipiscite, conuertimini, *Pœnitentiam agite. Appropinquauit enim regnum celorum*, Quò tamen sine pœnitentia nemo perueniat. Vide supra in hac parte, Dominica 18. Nec dubium quin eò tenderet in toto illo congressu quem habuit cum Pharizæis & aliis quocumque ad se pretextu conuenientibus quos siue acius appelleret hypocritas, siue blandius ab eis quærat cuiusnam sit imago expressa in illo numismate census seu denario qui tum exigebatur persoluendus: sic eos sapienter reuocabat ad suam agnoscendam perfidiam, ad salubrem inde confusionem hauriendam, & ad ipsam denique formandam ex animo resipiscentiam.

O vtinam quàm rara & necessaria est hæc tandem aliquando post tot annos in peccato exacto, bene formata resipiscentia, tam probe intelligeremus quantum ex his Christi Domini verbis bene formari possit! Hoc est quod modo meditemur, quod intendamus, quod enitamur Diuina fauente gratia.

Fundamentum & totius robur discursus in hoc præsertim est positum, vt bene semel confundi discamus & erubescere. Sicut enim hoc Deus præcipue queritur de peccatoribus quod *erubescere nesciant*, sic vbi hoc semel didicerint, querelæ desinent, quia ipsi sua peccata peccatores deferent. Est verò triplex confusio multum inter se discrepans, nam mala quædam est, quædam indifferens, & quædam bona & optima. Quod aperte Sapiens mo-

inuit: *Est confusio adducens peccatum, & est confusio adducens gloriam* ^{Ecc. 4.}
& gratiam. Confusio quæ adducit peccatum mala profecto est, &
 tunc esse agnoscitur quando vel erubescimus bene agere vel pecca-
 tum confiteri. De quo genere confusionis Idem Sapiens proxime
 dixerat: *Pro anima tua me confundaris dicere verum.* Confusio indif- ^{Ibid.}
 ferens est naturalis ille motus quo quis in flagranti deprehensus
 scelere, dolet & confunditur se deprehensum, se conuictum, se
 condemnatum. *Quomodo confunditur fur quando deprehenditur, sic* ^{1er. 2.}
confusi sunt domus Israel, ipsi & reges eorum, principes & sacerdotes,
& propheta eorum, dicentes ligno, Pater meus es tu: & lapidi, tu me ge-
nuisti. Dicitur porro indifferens quia nec bona ex se, nec mala est
 moraliter, sed ad verumque idonea prout bene vel male procedet
 ulterius. Nam sunt qui desperent propterea, seque funditus per-
 dant: sunt vero etiam qui à suis emergant inde vitiiis.

Et tunc bona esse incipit Confusio quando iuuante Gratia se
 peccator agnoscit coram Deo, sui que pudet peccati, cuius igno-
 tam ante gravitatem nunc percipit, horret, execratur. *Deus meus* ^{1. Esd. 9.}
confundor & erubescio levare faciem meam ad te, quoniam iniquitates
nostra multiplicata sunt super caput nostrum: Et quæ plura prosequi-
tur pius ille sacerdos Esdras: quæ quidem Confusio quamdiu pec-
cati odium habet, semper bona est, sed tanto est melior quanto
illud odium est purius, propter Deum offensum: non propter
damna, non propter dedecus, non propter pœnam, licet, ut
dixi, bonum sit ex his etiam, confundi & odisse peccatum, sed
multo melius propter offensam Dei quæ tanto gravius malum est
cæteris omnibus, quanto maior est Deus homine. ^{Recordabimini} ^{Ezech. 36.}
viarum vestrarum pessimarum, studiorumque non bonorum, & displice-
bant vobis iniquitates vestra & scelera vestra. Confundimini & erubesci-
te super viis vestris, domus Israel. Ex quibus Scripturæ verbis non
 modo intelligitur quam sit vera Confusio, sed quàm sit etiam ne-
 cessaria, quàm commendata quàm expetenda.

II. P V N C T V M.

AD illam autem confusionem & erubescientiam multum valet hæc
 anima peccatrici proposita questio: Cuius est hæc imago?

Quasi diceretur ipsi à Domino: Peccatrix anima, quid in te vi-
 deo, cum te in peccatis video? Video cœlestem & diuinam quan-



Dei offendat imaginem, quam in homine dolet esse impressam, & cuius loco suam vellet inducere; cumque in Deum ipsum quod semper vellet, nunquam possit, hoc vnum arripit, vt quod de panthera dicitur, cum hominem sibi odiosum non potest assequi, propositam sibi eius imaginem quibus potest modis dilacerat: sic ille infensissimus Dei hostis hoc in imagine Dei per peccatricem animam conatur efficere, quod in ipsum vellet Deum si posset vltra contendere, si se posset sublimius & gloriosius euehere. Quod cum peccatrix anima non ignores, tu tamen illi obsecundas, tu illi animos facis, tu illi quo diuinam in te obscuret speciem, porrigis, tu illi quo se in Deum exacuet subministras, tu illi arma expugnando Deo præbes, cum facultates tuas facis arma nequitie.

Numquid grauius inde agnoscis peccatum tuum? Numquid illa peccati maior grauitas maiorem inuehit confusionem coram Deo, cui nota sunt illa Diaboli consilia, cui perspecta sunt tua cum illo commercia, cui denique numerata sunt & expensa quæcumque numero & pondere grauitatem illam peccati augent quo diuina imago deprimitur, infuscatur. *Tu signaculum similitudinis, donec inuenta est iniquitas in te!* Vide caput 28. Ezechielis. Quod de ipso primum intelligi debet Dæmone, tum de illis quos habet affeclas & administros suæ contra Deum superbiæ, *Nam imitantur illum qui sunt ex parte illius*, vt ait Sapiens. Ezech. 28.

III. PUNCTVM.

QUOD est igitur in via purgatiua primum & præcipuum vt peccator resipiscat, plurimum promouetur hac questione proposita: Cuius est imago hæc, Quia respondere non potest peccator nisi plurimum erubescat & confundatur de peccato suo: neque talis confusio inanis est, sed tum aspirante Diuina Gratia sic operatur in anima peccatricæ vt quantum confusa fuerit, tantum resipiscat & emergat. *Confundantur & reuerantur, confundantur cogitantes mihi mala.* Quasi hoc vnum posceret Deus ad eorum conversionem. Qua de re videri plura possunt in 3. parte, Hebdom. 9. Feria 3. & 4. Et si vero non delenda per culpam imago Dei est, non est tamen minus dolenda culpa, quia non est minus contra-icta Diuinæ offensa imaginis, quam si penitus deleta imago esset: hoc est autem ad dolorem de peccato maxime proprium vt inde Ps. 14.

San. p. potissimum concitetur quod sit offensa Dei: *Quia peccauimus; & declinauimus à mandatis tuis.*

Coloss. 3. Adde quod cum duplex quodammodo considerari possit imago Dei, vna velut naturalis, & alia moralis quæ proprie similitudo Dei dicitur, & quæ magis in sanctitate consistit; etsi prima per peccatum imago non pereat; at certe secunda perit: quod sanctus Augustinus aperte deplorat ad illa verba Apostoli: *Expoliantes vos veterem hominem cum actibus suis, induite nouum qui renouatur in agnitionem Dei, secundum imaginem eius qui creauit eum.*

L. de gen. ad iiii. c. 27. HANC, inquit, imaginem in spiritu mentis impressam perdidit Adam per peccatum, quam recipimus per Gratiâ Iustitiæ.

Serm. 1. de Annunt. B. M. Quod & sanctus Bernardus agens de primi hominis vestimentis quibus per peccatum nudatus est, sic paulo expressius: *An forte, inquit, & tunicam quaris inconsutilem qua non diuiditur, sed forte prouenit? Ego Diuinam arbitror esse imaginem qua nimirum non assuta sed insuta atque ipsi impressa natura, diuidi scindique non potest: Ad imaginem nempe & similitudinem Dei factus est homo: In imagine arbitrij libertatem, virtutes habent in similitudine. Et similitudo quidem periit, verumtamen in imagine pertransit homo. Imago siquidem in gehenna ipsa vri poterit, non exuri: ardere sed non deleri: Hac ergo non scinditur sed sorte prouenit, & quocumque peruenit anima, simul & ipsa erit. Nam similitudo non sic: sed aut manet in bonis, aut si peccaueris anima, mutatur miserabiliter, iumentis insipientibus similata.*

Videsne quid ex imagine Dei per peccatum pereat? Nempe quod est in illa sanctius & pretiosius, similitudo scilicet sanctitatis, qua sublata, quid restat in anima tua, quod respondeas interroganti. *Cuius est hac imago & superscriptio?* Nempe est imago Dei, sed similitudo Dæmonis; Est imago Dei quæ fiebat anima soror Christi, sponsa Spiritus sancti, & Dei filia: nunc autem captiua Dæmonis, exosa Deo, pabulum mortis & Inferorum rea. O quam dissimilis? ô quantum mutata superscriptio! Quidquid spectes quod per peccatum pereat vel quod remaneat, nihil nisi doloris spectaculum esse potest. Nam si quæ periit similitudo spectetur: ô quæ perditio! si quæ remansit imago consideretur, ô quale probum tanti per peccatum violati decoris, & illaræ simul iniuriæ? Quod perijt, manet dolendum; quod mansit, periit non fruendum. Quod deletum est, dolorem acuit, & quod

& quod deleri non potest, dolorem alit. Vtrumque luctus, vtrumque gemitus, vtrumque respiciendi sensus. *In fletu venient, & in misericordia reducam eos.*

Deinde pro vita quam vocant, Illuminativa.


VERITAS PRACTICA.

Sicut portavimus Imaginem terreni hominis, portemus & imaginem celestis. 1. Cor. 15.

RATIO hæc est ex eodem Apostolo cuius est proposita Veritas quod videlicet propterea portavimus imaginem terreni hominis quia qualis terrenus, tales & terreni.

Sed qualis est celestis, tales & esse debent celestes. Igitur sicut portavimus imaginem terreni, portemus & imaginem celestis. Ipsa est sancti Apostoli tota Conclusio.

I. PUNCTUM.

 VANDO quaerunt Theologi cum Diuo Thoma cur secunda sanctissimæ Trinitatis persona quæ est Verbum Dei seu Filius Patris, carnem humanam assumpserit potius quàm aliæ duæ, rationem hanc inter cæteras reddunt, quod cum Filius sit ita Verbum Patris ut sit eius vera Imago, sic prorsus conveniebat fini carnis assumptæ seu mysterij quod Incarnationis dicitur, ut verbum Caro fieret potius quàm Pater aut Spiritus sanctus: Nam finis ille præcipuus quod alij referuntur, salus est hominum, salus autem hominum in hoc vel maxime vertitur, quod expressis terminis dixit sanctus Gregorius Nazianzenus, *Dignam Orat. 12. Imaginem aut manentem conservare, aut periclitantem sultare, aut lapsam in pristinum statum revocare.*

Ad hanc ergo imaginem quæ collapsa erat in homine reformandam quid aptius quid convenientius quàm ut ipsa substantialis imago appareat, cuius aspectus & similitudine sic suo modo refigurentur homines, sicut quæ scripto expressæ sunt si forte men-

dis scateant non melius emendantur quam primo Exemplari quod Autographum, seu prototypum, siue originale dicunt, consulto.
Rom. 8. Nonne sic expresse Apostolus, *quos præsciuit & prædestinavit conformes fieri imaginis filij sui?* ut sicut ipse Filius est Character & imago Dei, sic homo per conformationem Filij, conformetur & Patri; nec sit minus verum quod qui Filio Dei similis est, similis est & Patri, quàm quod dicebat Dominus, *Qui videt me, videt & Patrem meum.*
Mat. 14.

Sic aptè sanctus Gregorius qui Nyssenus dicitur, quod iam supra notatum est: *sua quisque vita pictor est; artifex huius operis est voluntas; color sunt virtutes; Exemplar Christus.* Quamobrem quod est illuminatiæ vitæ ac proficientium statui maxime proprium, *se in virtutibus exercere*, non potest melius adimpleri, quàm hoc sibi proposito Exemplari: neque ad illud nobis proponendum possemus efficacius persuaderi, quàm his Apostoli verbis: *Igitur sicut portavimus Imaginem terreni hominis, portemus & Cælestis*; Hoc est enim alterutrius hominis portare imaginem, sic illorum vitam & mores exprimere ut sicut primus homo terrenus erat, ita & terreni sint qui eum imitantur: & sicut secundus erat Cælestis, ita & Cœlestes sint qui suo illum vivendi modo sequuntur.

Ratio vero quæ à primo deducitur homine ad secundum, est valde efficax, sed opportunius sequenti puncto declarabitur, cum hic solum necesse sit vocem *terrenus* quæ in prima propositione de primo usurpatur homine ac de nobis, probe intelligere. Non est enim de terra esse, vel in terram redire, quod solum spectat hominis corpus: sed de illius animo agitur, de illius vita & moribus, qui cum terrena, caduca, temporalia sapiant, terrenus ipse homo dicitur, & ista eius sapientia, *terrena, animalis, diabolica*, quo triplici nomine triplex Concupiscentia designatur; Terrena nempe est oculorum siue habendi cupiditas: Animalis est illa quæ dicitur carnis concupiscentia: Diabolica vero est superbia illa vitæ cuius prius author & artifex Diabolicus, qui & *Rex super uniuersos filios superbiæ dicitur.*
2ac. 3.
2ac. 41.

Sic itaque primus homo & qui deinceps ab eo profluxerunt homines per peccatum terreni facti sunt, ut terrena potius sapiant, cogitent, & amplectantur quam cœlestia; caduca potius quam solida; temporalia potius & humana quam æterna & diuina; unde illud Psaltris Regij: *Homo cum in honore esset non intellexit, compa-*
Ps. 49.

ratus est iumentis insipientibus, & similis factus est illis. QVOMODO insultatum est hominibus, ait ibi sanctus Augustinus, qui non intellexerunt quid facerent de diuitiis cum viverent, & putarent se beatos futuros, si haberent memoriam marmoratam, quasi aternam domum, & si sui quibus reliquissent substantiam suam inuocarent nomina eorum in terris ipsorum? Debuerunt autem contrà preparare sibi domum aternam in bonis operibus, preparare sibi vitam immortalē, mittere ante se sumptus, sequi opera sua, attendere comitem egentem, dare ei cum quo ambulabant, non contemnere Christum ante ianuam ulcerosum, qui dixit, Cum uni ex minimis meis fecistis, mihi fecistis. Quia ergo non intellexit homo in honore positus, factus ad imaginem & similitudinem Dei, homo praelatus iumentis. Non enim fecit Deus sic hominem, quomodo fecit iumentum: sed fecit Deus hominem cui seruirent iumenta. Numquid eius viribus & non intellectui? Ille autem non intellexit. Et qui factus erat ad imaginem Dei, comparatus est iumentis insensatis, & similis factus est illis. Vnde alibi dicitur, Nolite esse sicut equus & mulus quibus non est intellectus. Ibidem: Mat. 23. Genes. 1.

O si saltem se homo nosset, si se in sui cognitione deprimeret, si sibi diffideret, & se tamquam infirmum regeret; Sed tantum abest ut inde humilior & cautior fiat quin potius tantò in superbiam videtur audacius euehi, quantò in libidinem profusius labitur; unde apte consequenter Psalmus: *Hac via illorum scandalum ipsis, & postea in ore suo complacent, quasi diceret, quo se potissimum deberent accusare & confundere, hoc se excusant & gloriantur, quia scilicet sunt terreni, sunt carnei, sunt homines, sunt infirmi, sunt fragiles, nec ita volunt sanari concupiscentiam quàm expleri, neque ita vero expleri ut signatum super ipsos lumen vultus diuini arguat quod faciunt, quamobrem vitiis auctoritatem quærunt, & quod contra rationem nolunt videri velle, videntur sibi posse prætento quodam rationis velo, contegere.*

Cum sint porro multa miserandi huius damna status, tum ad quatuor præcipuas in quatuor animæ partibus inflictas plagas referuntur, de quibus ex sancto Thoma fuscè dictum est in 3. p. Dominica duodecima, vide accuratè.

IL PUNCTVM.

SED qualis est Cælestis, tales & esse debent Cælestes.

Ecc ij

Non ita etiam cœlestis Christus dicitur, quod è coelo descendit vel quod illuc redierit vnde aduenerat: Sed quod cœlestem vitam egerit, & agendam docuerit; prout ibidem habetur in eadem Dominica duodecima ex sancto Bernardo, qui quatuor Cardinales virtutes à Christo Domino nobis in exemplum expressas exhibet quæ sunt videlicet in quatuor illarum de quibus puncto præcedenti, plagarum primo remedio, quo terrena vita exhauriatur, atque vt in cœlestem transeamus, tum opportune quatuor resurgentis sui corporis dores de quibus in die Paschæ nobis hic adhuc supersistibus, id est, animis nostris ad illam vitam peragendam idoneis Christus communicat, vt non minus ab illo cœlestes esse possimus si volumus, quam ab Adamo terreni. *Si enim vnus delicto multi mortui sunt*, inquit Apostolus, *multo magis gratia Dei, & donum in gratia vnus hominis Iesu Christi in plures abundauit.* Ac rursum paulo post: *Si enim vnus delicto mors regnauit per vnum*: id est, terrena vita, & sapientia carnis quæ mors dicitur: *multo magis abundantiam gratiæ & donationis & iustitiæ accipientes, in vita regnabit per Iesum Christum*: vita cœlesti scilicet in hoc mundo, & beata in futuro sæculo. Quasi diceret Apostolus: si potuit fieri ex Adamo vt homines terreni fuerint, multo magis potest à Christo fieri, vt homines sint cœlestes: si vero hoc ita verius & abundantius possunt homines, hoc certe debent. Nam cum sit res ex se tam præstans, tam eximia, quid est quamobrem illam nolint quam si velint possunt adipisci? Si possent ita diuitias, ita scientias, ita honores, & alia vitæ decora siue commoda consequi, prout vellent, nonne vellent quantum saltem sibi suisque opportunum & necessarium esse ducerent? Cur non igitur ita velint illam cœlestem vitam quam si velint possunt cum Christo viuere? Cur non dicant cum Apostolo, *mibi viuere Christus est & mori lucrum*? Responde si quid habes; vel confundere quod nihil habeas respondendum quàm quod nolis, vt supra fusius declaratum habetur in hac parte, Fer. 5. Hebdom. 18.

III. P V N C T V M.

IGITUR sicut portauimus imaginem terreni hominis, portemus & imaginem cœlestis. Cur enim amplius deferamus terreno quam cœlesti? Sunt vitæ scilicet præsentis commoda quibus homo ter-

renus magis fauet & conformatur quàm coelestis cuius bona non ita mentem afficiunt : At illi vero sunt affectus corrigendi , non gustu sed iudicio : non humano tantum iudicio sed diuino res ista penditur. Confer diuitias vitæ terrenæ cum vitæ coelestis diuitiis, delicias cum deliciis , honores cum honoribus ; *Noli indicare secundum faciem, sed iustum iudicium indica.* Vide quid de his olim Christus iudicarit , quid modo iudicet , & quid aliquando iudicaturus sit. Potestne certius & iustius diuino Christi iudicio iudicium quæri ? Possuntne res aliter in se esse quam sicut illas Christus nouit, & de his iudicat ? Potestne vero tu aliter quam Christus de his iudicare quin erres, cum aliter de illis iudices quam reuera sunt , sicut non nisi Christus iudicat quam prout sunt. Potestne vero velle sic errare scienter , sic errare perpetuo , sic errare tam damnose , tam turpiter , vt terrenum hominem coelesti præferas ?

Multa passim ex ante dictis huc referas. Ex 1. parte , Feria 4. Hebd. 3. in Aduentu. Ex 2. parte , Feria 6. post Cineres , & in die Paschæ ac tota consequenti Hebdomada. Ex 3. parte , Feria 3. & 6. Hebdom. 13. vbi hæc in primis opportuna est Veritas :

Qui coelesti pane sic viuunt vt coelestes fiant , ita in suis viuunt corporibus sicut cœlites in assumptis.

Et verò egregia est apud sanctum Paulinum descriptio terreni & coelestis hominis in Epistola octaua ad Seuerum Sulpitium quæ Paulini petierat imaginem. *Qualem, inquit, cupis vt mittamus imaginem tibi, terreni hominis, an cœlestis? Scio quia tu illam incorruptibilem speciem concupiscis quam in te Rex cœlestis adamanit. Neque enim alia potest tibi à nobis necessaria esse, quàm illa forma ad quam ipse formatus es, qua proximum iuxta te diligas: nulloque te nobis excellere velis, ne quid inter nos inaequale videatur. Sed pauper ego & dolens, quia adhuc terrena imaginis squalore concretus sum, & plus de primo quàm de secundo Adam carneis sensibus & terrenis actibus refero, quomodo tibi audebo me pingere, cum cœlestis imaginem inspicere prober corruptione terrena? Vtrinque me concludit pudor: erubesco pingere quod sum, non audeo pingere quod non sum: odi quod sum, & non sum quod amo. Sed quid mihi misero proderit odisse iniquitatem & amare virtutem, cum id potius agam quod odi, nec elaborem piger id potius agere quod amo? Ipse discors mei intestino bello distrahor, dum spiritus aduersus carnem, & caro aduersus spiritum dimicat: & lex corporis lege peccati legem*

I. Cor. 15.
Psalm. 68.
Citat. hæc Augustin, Epist. 106.
Gal. 5. 17.
Rom. 7.

Gen. 3. 7. *mentis impugnatur. Infelix ego, qui venenatum inimica arboris gustum nec Crucus ligno digessi: durat enim mihi illud ab Adam virus paternum, quo vniuersitatem generis sui pater prauaricatus infecit: ut qui naturaliter bono oculos mentis apertos innocentia & iniquitati clausos habebam, letalem prudentiam boni malique delectu, de infansito nemoris interdicti cibo cacatus pariter & male luminatus haurirem.*

Agnoui bonum, & feci malum; cum aque mihi liberum esset bonum facere, nisi utilitatem anima contempsissem vitio voluntatis: qua id quod non expediebat admisi, dum non tempero quod licebat. Propterea iussit illos innocentia oculos, quibus malum non videbam, perdidit; & istos inuicem quibus peccatum agnosceretur in penam conscientia iniquitatis accepi. Nam & vidisse primos generis humani parentes, & non vidisse Scriptura declarat. Vidit enim mulier arborem quod bona ad manducandum, & grata erat oculis ad videndum. Vidit, inquit: ergo habebat oculos. Et quid deinde subtexis? Cum manducassent (inquit) aperti sunt oculi eorum. Ergo caci fuerant. Vnde aduertimus? Quoniam non potest in eodem corpore simul conuenire cecitas & visus oculorum. Sed certe est quoddam cacum in nobis etiam videntibus, & econtrario etiam in cecis videns. Propter quod arbitror illud à Domino esse dictum: In iudicium ego veni in hunc mundum, ut qui non vident, videant; & qui vident, caci fiant.

Joan. 9.

Apoc. 21.

Deut. 32.

Gal. 2.

Eph. 2.

Ps. 118.

Osai. 10.

Col. 3.

Psal. 27.

Psal. 102.

Psal. 76.

Eph. 4.

2. Cor. 13.

Venit ergo Dominus ut vetera transirent, & noua orirentur. Et impletum est quod dixerat: Ego occidam, & ego viuere faciam: quia veterem nostrum hominem assumendo interfecit, affigens illum cruci, disposians se carne traduxit principatus & potestates, liberè triumphans eum in semetipso; & viuificans nouum ex resurrectione mortuorum, ascendens in altum, & collocans eum in cælestibus. Sic ergo venit ut illuminarentur caci, & cacarentur videntes: ut oculi nostri qui in transgressionem aperti fuerant, cacarentur; & vicissim qui cacati fuerant, aperirentur. Bene enim cacus sum, si non video peccatum, & bene oculatus, si cerno iustitiam. Ora ergo, mi frater, ut vtrumque in me operetur Dominus, cacet videntem meum, me videam vanitatem; & illuminet non videntem, ut videam aquitates. Occidat in me veterem hominem cum actibus suis, ut reflorescat in Christo caro mea, & renouetur, sicut aquila, iuuentus mea. Hac est enim mutatio dextera Excelsi, cum immutabimur à nobis in illum hominem qui secundum Deum creatus est, cuius imago cælestis est, deponentes eum qui corrumpitur secundum desideria erroris. Huius imaginem in me, quaeso, Deus can-

Non aliter formatur in nobis imago Christi, quàm si, &c. 407

terat, & ad nihilum redigat imaginem nostram, id est terrenam, in ci- ^{Ps. 72.}
uitate circuminstantia; & instauret in nobis atque perficiat imaginem
suam, in qua nos pingi non pudet, quam praeserentes verè dicamus:
Defecit cor meum & caro mea, Deus cordis mei, & pars mea Deus in ^{Ps. 72.}
saecula. Cum enim bona commutatione, quae est homini à dextera Ex- ^{Ps. 76.}
celsi, defecerit cor meum & caro mea, id est, actus voluntatis & fru-
ctus carnis mea, tum iam, ut à corporeis nexibus liber, & à meo corde
purgatus dicere audeam: Deus cordis mei, & pars mea Deus in saecula. ^{Psal. 72.}
Finem compleatur in me verbum illud Evangelici Simeonis, ut fiat mihi
Christus in ruinam & resurrectionem. Ruina exteriori meo, & interiori ^{Luc. 2.}
resurrectio; ut cadat in me peccatum, quod anima cadente consistit; &
exurgat ille immortalis, qui cecidit exurgente peccato. Exterioris enim
status, interioris casus est: & ideo quando infirmatur exterior, qui in- ^{1. Cor. 4.}
tus est renouatur de die in diem. Quo genere perfectus magister ait:
Quando infirmor, tunc potens sum.

Denique pro vita vnitiua qui Perfectorum est status:

VERITAS PRACTICA.

Non aliter in nobis formatur imago Christi quàm si
nos in eandem imaginem transformemur.

RATIO EST, Quia non aliter in nobis formatur imago ^{Gal. 4.}
Christi, quàm si Christus ipse in nobis formetur, sicut ait
Apostolus.

Sed non potest Christus sic in nobis formari, nisi nos in eandem ^{1. Cor. 13.}
eius imaginem transformemur, sicut Idem sanctus scribit
Apostolus.

Ergo non aliter in nobis formatur imago Christi, quàm si nos in
eandem imaginem transformemur: Quod perfectorum est ma-
xime proprium, & illius viae quam vocant vnitiua.

I. P V N C T V M.

POSSET hic fufius explicari quæ paucis fuprà commemorata eft duplex in nobis imago Dei. Prima naturalis qua inftar Dei, anima noſtra eft incorporea, indiuiſibilis, tota in toto corpore, & tota in ſingulis partibus, independens à corpore, immortalis, dans corpori motum & operationem, vna in eſſentia, & trina in potentiis nobiliſſimis, libero arbitrio prædita, & dominio in res omnes corporeas, quarum eſt quoddam velut compendium, & finis vltimus, capax ſcientiæ, virtutis, gratiæ, gloriæ, beatitudinis, viſionis Dei & fruitionis eiufdem qua in ipſum quodammodo tranſit Deum.

Altera ſupernaturalis tripliciter conſiderari poteſt, Primò in gratia quam dicunt habituali quæ cum verè ſanctificet animam, facit eam verius & nobilius ſimilem Deo, ac proinde illuſtiorẽ eius Imaginem. Secundo in virtutibus tam infuſis quam acquiſitis: tam internis quàm externis: tam Theologicis quam moralibus, quarum actus cum frequenter & probatos exercent homines, tum ſingulari modo dicuntur ſimiles Deo, & ſæpe Dominus ex hac Diuina ſimilitudine nos prouocat ad illos præſertim virtutum actus quibus proximo cuius beneficit, *Et eritis, inquit, filij Altiſſimi*, hoc eſt ſimiles, ſic enim pergit, *quia ipſe benignus eſt ſuper ingratos & malos. Eſtote ergo miſericordes, ſicut & Pater veſter miſericors eſt.* Tertio in certo quodam gradu ſanctitatis & virtutum omnium quem vnicuique ſic præfigit Deus vt de vnoquoque ſingillatim dici poſſit, *Non eſt inuentus ſimilis illi qui conſeruaret legem Excellſi.* Donum eſt proprium quod vnusquiſque habet vt alius quidem ſic, alius vero ſic faciat, quod ſæpe monet Apoſtolus, & de quo ſuprà frequenter actum eſt. Sicut autem per iſtud donum attingitur ille ſanctitatis & virtutis gradus qui eſt vnicuique deſtinatus ac propoſitus: ſic per iſtum gradum præſertim efficitur vt quæ in nobis eſt ſupernaturalis imago Dei, dicatur eſſe potiſſimum imago Chriſti: quia videlicet ſic perfectè in nobis Chriſtus formatur, ſic in nobis perfecte regnat, ſic nos regit, nos perficit, & ad beatam ducit vitam. Quæ quidem Ratio tanto magis parebit & valebit, quanto vniuerſalius concludet pro declaranda Veritate propoſita, quod nec aliter imago Chriſti

Luc 6.

2a 1a p. 44.

1. Cor. 7.

Christi perfecta formetur in nobis quam si Christus in nobis ipse formetur : sic autem facile demonstratur.

Non enim aliter in nobis perficitur imago Christi quam si nos ipsi perficiamur & sanctificemur , Nam imago Christi alia pingi nec fingi potest quam per propriam nostram sanctitatem : nulla est autem nostra sanctitas & nulla perfectio nisi formetur in nobis Christus : Id est, nisi Christus in anima per Spiritum sanctum suum, per suas Gratias, per suos omnes quos ipse solus intelligit motus & modos animum regat, dirigat & quaquaversum flectat, verset, ac pro suo moueat arbitratu tamquam Pastor in suo grege; tamquam in suo Ductor exercitu : tamquam in naui Nauarcha : tamquam in domo Paterfamilias : tamquam Rex in pacato suo regno : tamquam in corpore Anima : tamquam in coelo Deus. Hoc est formari Christum in nobis, & hæc est nostra spiritalis perfectio, quia hic finis noster, hic finis nostræ deuotionis, nostræ Charitatis, nostræ humilitatis, & vno verbo totius nostræ virtutis vt se Christo totam subiciat, vt talis tantaque sit, qualem quantamque ipse velit : neque major, neque minor. Hic est ipsius etiam Christi morientis & resurgentis quidam finis ac fructus *ut domine- Rom. 8. 13*
mur mortuorum & viuorum, inquit Apostolus; finis autem & perfectio sic simul coherent vt qui est finis alicuius rei, sit ipsa eius perfectio : nec vlla vllius rei possit esse perfectio quam qui est eius finis : vnde si Christus nostra est perfectio quia noster est finis, sic profecto Christi hæc in nobis existentis perfectio est vt sic formetur, sic nos perfecte regat & moueat.

Filioli quos iterum parturio donec formetur Christus in vobis! Quasi *Gal. 4.*
diceretur, donec formetur in vobis Christus, nihil fiet : hic in eo-
rum apud vos finis & fructus laborum est. Sic præclare sanctus Au- *In Ps. 54*
gustinus, dum explicat quomodo Christus dicatur finis noster :
Dicitur enim finis qui consumis, & dicitur finis qui perficit : aliter enim
intelligimus cum audimus, finitus est cibus qui manducabatur : & aliter
intelligimus, cum dicimus, finita est vestis qua texebatur. In utroque au-
dimus, finitum est : sed cibus vt iam non esset, vestis vt perfecta esset.
Finitis ergo noster, perfectio nostra esse debet : perfectio nostra Christus est,
in illo enim perficimur quia ipsius Capitis membra sumus. Id est, sicut
membra corporis non perficiuntur moraliter qua perfectione pos-
sunt perfici nisi à Capite moueantur & regantur, sic neque nos
aliter perficimur quam per Christum qui est Caput ex quo totum Cor-

Ephes. 4. *pus compactum & connexum per omnem juncturam subministrationis,* inquit Apostolus. Et sicut nisi Caput corporis per ætatem, per naturam & gratiam sanè compositum esset & formatum, membra non possent aptè regi, sic nisi Christus ita esset in nobis formatus quantum esse debet ut nos regat in omnibus, nulla esset eius in nobis imago, nulla sanctitas, nulla perfectio. Si cesset Caput regere, membra cessabunt regi.

II. P V N C T V M.

S*ED non aliter formatur in nobis Christus, nisi nos in eandem imaginem transformemur.*

Id est, nisi nos totos sinamus regi per certa illa media quibus ita iudicat & ita vult nos esse regendos ut nihil aliud voluntarie sentiamus quam quod ipse sentit & ordinat. Hoc enim est in eandem imaginem transformari quando non solum in aliquibus sed universim in omnibus: quando non aliquoties sed semper: quando non coacte sed voluntarie: quando non externa tantum mandatorum executione, sed interna etiam voluntatis & Iudicii conformatione, nos totos illi subdemus: quando denique nec ipsi permittetur imaginationi fingere sibi aliquid aliud commodius vel delectabilius vel gloriosius quam quod ipse statuit & imperat. Sic in eius imaginem toti transformamur, id est, in illud ipsum quod videt & quo movetur ad imperandum nobis ut eodem nos ipsi motivo ducamur ad parendum. Sic est quodammodo transire in ipsum, sic est ipsum perfecte amare, cum sit ille amoris effectus nobilissimus, sic à te discedere ut transeas in amatum & dicas: *Vivo autem, iam non ego: vivit vero in me Christus.*

Gal. 2. Sed de sublimitate huius perfectionis gradus, paulò post fusius tertio sequenti puncto; Nunc quàm sit necessarius aspirantibus ad perfectionem, ipsa Propositionis verba exigunt ut explicemus, nempe non aliter in nobis perfecte formatur Christus, neque ex consequenti aliter ipsa perfectio attingitur nisi nos ita, ut dictum est, in eandem imaginem transformemus: sic autem facile declaratur, præsuppositis his quæ antecedenti puncto declarata sunt de Christo in nobis existente ac formato. Nam si hoc aliud nihil est quam Christum sic in nobis regnare ut reuera nos totos regat & ad nutum flectat, quomodo id aliter intelligetur fieri quàm si toti

nos eius simus, toti nos eius imperio sinamus flecti? Nonne hoc ipsum est quod tam expresse traditur in prima parte, vbi hæc Veritas demonstratur:

Non nisi tribus oblatiis concupiscentiis Rex Christus re agnoscitur.

Quod autem de tribus concupiscentiis ibi dicitur, hoc idem de tribus animæ facultatibus ad perfectionem comparandam, iure dici potest. Nam nisi perfecte Christo pareatur, quomodo nos perfecte reget? nisi vero voluntate & iudicio pareatur, quomodo illi perfecte parebitur? Nonne hoc est quod perficiendis suis commendabat Apostolus: *Mundemus nos ab omni inquinamento carnis & spiritus, perficientes sanctificationem in timore Dei*: Sunt videlicet inquinamenta carnis tres concupiscentiæ, si non mudentur: sunt verò inquinamenta spiritus tres animæ facultates, nisi pariter illis mundandis studeatur. Quamobrem nisi ex æquo subdantur omnia non perficietur in nobis Christus, non perficietur Sanctificatio, cui perficiendæ opportunum sane illud quod addebat Apostolus *in timore Dei*: nempe illo perfecto timore Dei, qui donum dicitur Spiritus sancti, quo ut ait sanctus Thomas *voluntariè* *Deum reueremur, & nos ipsi subducere refugimus*. Quod si tamen velis & alium posse timorem intelligi qui nonnullam habeat inclusam poenam, facile cesserim dum sic agnoscas timendum tibi esse ne vñquam in te formetur Christus, quod vix vñquam transformari te sinas in eandem cum ipso imaginem & voluntatem: atque id demùm pro ingenti ducas supplicio sic numquam in te Christum formari.

III. P V N C T V M.

SIUE igitur de Christi agatur imagine, siue de ipso in nobis formando Christo, neutrum perfecte formabitur nisi nos in eandem imaginem transformemur, & toti Christo conformemur, quod non modo docebat Apostolus suis scriptis, sed multo amplius suis factis; sic enim ipse tam tenaxerat ordinis, quicumque tandem à Christo sibi præscriberetur, ut omnium quasi oblitus, hoc vñum cogitaret ut in eandem cum Christo transfiret imaginem, & quandam velut imaginationem eiusdem prorsus rei peragenda quam ab illo sibi

Fff ij,

Phil. 3.

videbat ordinatam. *Sequitur*, inquit, *si quomodo comprehendam, in quo & comprehensus sum à Christo Iesu. Fratres, ego me non arbitror comprehendisse. Vnum autem, quæ quidem retrò sunt obliuiscens, ad ea verò quæ sunt priora, extendens meipsum, AD DESTINATVM PER SE QVOR*, ad brauium supernæ Vocationis Dei in Christo Iesu. Quasi diceret, Hoc vnum ago quod agendum mihi Christus præscribit. Numquam precedo, semper sequor; sic me Ille comprehendit, sic illum ego velim comprehendere & assequi sicut comprehensus sum, sicut me sibi oporat totum; nisi hoc agam, nil me arbitror agere. In hoc vno salutem, perfectionem & beatitudinem meam constituo. Sic illud bonum spectro tamquam scopum quò mea dirigam omnia: tamquam certum brauium quod currendo referam si non inanem cursum meum volo: tamquam ipsum denique gloriæ præfixum gradum cuius adipiscendi non sit alia mihi via quàm quæ mihi à Christo singulis aperta patet momentis. Quod ut omnes perfectionis propriæ studiosi similiter de se sentiant & à se exigant, sic pergit sanctus Apostolus: *Quicumque ergo perfecti sumus, sic sentiamus, idem sapiamus, in eadem permanemus regula*: Id est, nos ita contineamus, ut nihil quam ipse Christus velit & de nobis cogitet, velimus & cogitemus, sicque in eandem prorsus transeamus imaginem.

Coloss. 1.

Atque hoc ipsum alibi repetens, *ut exhibeamus*, inquit, *omnem hominem perfectum in Christo Iesu, in quo & laboro, certando secundum operationem eius quam operatur in me, in virtute*, quasi diceret: Hoc est unicuique suo in statu contendendum ut se perfectum exhibeat hominem: non exhibebit autem nisi in Christo Iesu, nisi Christum habeat Ducem, Magistrum, Regem, & nisi fideliter in omnibus illi obsequatur. Quod quidem dum contendet non miretur si laboret; Nam & ego Apostolus sic laboro, sic certo; nec aliter virtutem exerceo vel aliud opus operor, quàm prout ipse Christus in me operatur, & in certa quadam virtute seu certo virtutis gradu quem nec excedere, mihi licitum puro, nec ab illo deficere.

Hoc est *vinculum Charitatis* quo sic Christo conuenimur ut nos nihil à Christo separet. Hæc est *excellens via* quæ via est perfectè vniuersa in spectro diuini amoris actu cuius hoc est maxime proprium sic Amantem omnia conferre simul in Amatam, ut soli huic amoris sit proprium; atque idcirco hic amor sit plurimum

Nisi reddantur Cæsari quæ sunt Cæsaris, non reddentur, &c 413

commendatus, & omnibus omnium votis exoptandus.

Sic insigniter sanctus Augustinus: *Anima insignis Dei imagine illustri similitudine, habet in sese ex Deo, quo admoneatur semper, aut stare cum eo, aut ad eum redire si mota suis affectibus, imò defectibus fuerit. Et non solum habet unde respirare queat in spe veniæ & misericordiæ: sed etiam unde audeat aspirare ad nuptias verbi, & cum Deo inire fœdus societatis, atque cum rege Angelorum ducere suave iugum amoris. Hæc omnia facit amor, si anima exhibeat se similem Deo per voluntatem, cui similis est per naturam, diligens sicut dilecta est. Solus enim est amor ex omnibus animæ motibus, sensibus atque affectibus, in quo potest creatura, etsi non ex æquo respondere auctori, vel ipsi mutuum rependere vicem. Amor ubi venerit, ceteros in se omnes traducit & captivat affectus. Amor per se sufficit, per se placet, & propter se. Ipse meritum, ipse primum, ipse causa, ipse fructus, ipse usus. Per amorem enim conjungimur Deo. Amor facit unum spiritum de duobus. Amor facit idem velle, & idem nolle. Amor facit prius mores componere, postmodum omnia, quæ adsunt tanquam non adsint considerare: tertio vero loco, munda cordis acie superna & interna conspiciere. Per amorem, primum in sæculo benè geruntur honesta, postmodum etiam honesta sæculi despiciuntur, ad extremum etiam Dei intima conspiciuntur.*

Reddite ergo quæ sunt Cæsaris, Cæsari: & quæ sunt Dei, Deo.

VERITAS PRACTICA.

Nisi reddantur Cæsari quæ sunt Cæsaris, non reddentur Deo quæ sunt Dei.

RATIO EST, Quia non reddentur Deo quæ sunt Dei, nisi reddantur Deo quæ Ipse à nobis exigit.

Sed nisi reddantur Cæsari quæ sunt Cæsaris, non redduntur Deo quæ Ipse à nobis exigit.

Ergo nec reddentur quæ sunt Dei, Deo: quæ ne Impietas perpetre-

tur, sic reddenda sunt Cæsari, quæ sunt Cæsari, sicut quæ sunt Dei, Deo.

I. P V N C T V M.

PLENAM miraculi responsionem, iure vocat sanctus Hilarius quam Christus Dominus reddidit Pharizæis, concludendo ex eorum verbis reddenda esse Cæsari quæ sunt Cæsaris, & quæ sunt Dei, Deo. Triplex autem eius miraculum seu tripliciter admiranda videri potest responsio. Primò quidem propter eam rationem quam Idem sanctus Doctor profert, nempe quod ita omnia inter contemptum sæculi, & contumeliam ledendi Cæsaris temperavit, ut curis omnibus & officiis humanis deuotas Deo mentes absolueret, cum Cæsari quæ eius essent reddenda decernit. Quasi diceret, sic respondisse Dominum ut sua responsione nos inuitaret ad illa omnia contemnenda & relinquenda quæ sibi tamquam debita Cæsar reposceret, quo facto id commodi eueniret ut cum deinceps nihil restaret quod Cæsari deberetur, de solis Deo reddendis debitis quietius cogitaretur. Quod certè mirum quàm opportunè, quàm egregiè, quam apte Dominus responsionem suam transtulerit ad illud quod habebat antiquius & carius commendandum, nempe ut animas à terrenis & humanis ad coelestia & diuina conuerteret. Quod & sæpe alias ab Ipso præstitum obseruari potest in Euangeliiis, ut cum præsertim de diuidenda, duos inter fratres, hæreditate rogatus est, sic se istis immiscere terrenis recusauit, ut tamen efficacissimum inter ipsos conueniendi & æternæ salutis comparandæ modum suggesserit; si vellent scilicet animum à nimio rerum terrenarum affectu seuocare in quibus nil solidæ reperitur quietis. *Videte, inquit, & caute ab omni auaritia, quia non in abundantia cuiusquam vita eius est ex his quæ possidet, quod proposita similitudine de intempestiua Diuitis morte luculenter confirmauit.*

Ex quo discas non modò res humanas sicut consulit Christus, contemnere: sed & aliis contemnendas proponere, atque ex omnibus aliorum dictis verbum æternæ vitæ semper elicere.

Secundò, mira Christi responsio est, quod ita sapienter & supra eorum omnium à quibus interrogatus fuerat, expectationem respondit, ut illi ipsi nequissimi deposita sua nequitia mirati fue-

rint tale responsum, cui retundendo nihil prorsus haberent, licet hac dolosa mente accessissent, ut si tributum esse Cæsari persol- uendum pronuntiaret, deferrent illicò nomen eius ad plebem cui cum esset odiosa talis tributi solutio, non dubitabant quin Homi- nem eius solutionis propugnatorem odisset & detestaretur. Et ta- men nihil horum audent nec cogitant! hoc sane mirum!

Tertiò quis non miretur quàm paucis & expressis verbis rem totam Dominus definiuerit cum dixit *reddenda esse Cæsari quæ essent Cæsaris*? Quis enim in hoc ipsum statim non consentiat, cum id sit lumine naturæ notum, & in naturali iure positum ut quisquis sua reposcat, ei reddantur? Sua vero tantum reposcere Cæsarem à Iudæis inde fieri manifestum, cum in ipsis quos Cæsar exigit nu- mis, imaginem Cæsaris cuderint, in signum propriæ deditiois & seruitutis. Cum præterea vero sciret Dominus fore quondam Hæreticos qui negarent Principibus pendendum esse vectigal, sua illud autoritate lancitum voluit & cum ipse tributum soluit, & cum soluendum docuit. Quamobrem inde deducta est Veritas Practica, quæ tanto ad praxim esset firmior, quanto maiorem ab ipso Deo firmitatem acciperet: & quanto euidentius demonstra- retur quod nili reddantur Cæsari quæ sunt Cæsaris, nec ipsi Deo reddantur quæ sunt Dei.

Sic autem euidentissimè demonstratur; Nam profectò non reddentur Deo quæ Dei sunt, nisi ea reddantur quæ Ipse à nobis Deus exigit. Tam certo constat etenim Deum ita iustū & æquum esse ut hoc ipso quo quid à nobis exigit, dubitari non possit quin suum exigat, cum præsertim imperando id exigat, cui nisi pareamus, se offensus pronuntiet & nos tamquam rebelles puniat. *Quid ergo dicemus?* inquit Apostolus, *numquid iniquitas apud Deum?* Rom. 9. absit. Esset vero iniquitas si quid non suum ita exigeret ut qui non redderet, puniretur: Cur enim puniretur si non ei debebat quod non reddidit? Nonne sic Ipse suam probat iustitiam & æquitatem apud illum qui murmurabat de tanta mercede his concessa qui serò venerant in vineam, quanta nec maiorem acceperant qui pondus diei & æstus portauerant? Amice, inquit, *non facio tibi ini-* Mat. h. 20. *riam. Nonne ex denario conuenisti mecum? Tolle quod tuum est & vade. Volo autem & huic nouissimo dare sicut & tibi. An non licet mihi quod volo, facere?* Quali diceret, si à te plura exigerem quàm ex quibus conuenisti mecum: aut si quid inde tuum decideret quod alteri

Ps. 118.

tribuo, te audirem libentius: Sed cum nihil nisi de meo tecum agam vel cum altero de quo quereris, quid habes quod queraris? An non licet mihi de meis quod volo facere? An putes me quidpiam de re vlla statuere, quæ non sit mea? *Aequitas Domine iudicia tua; æquitas testimonia tua in æternum.*

II. P V N C T V M.

SED nisi reddantur Cæsari quæ sunt Cæsaris, non reddentur Deo quæ Ipse à nobis exigit.

Nam id à nobis exigit vt quæ sunt Cæsaris reddantur Cæsari, nempe obseruantia siue honor, obedientia, seruitus, tributa & quæ his nominibus obsequia continentur. Exigit autem multis modis: Primò quidem Ratione seu lege naturali, quæ à Lege manat æterna: sicut enim recta Ratio dictat, & persuasit hominibus præficere sibi Magistratus, seu Duces, seu Principes, seu Reges, seu alios. Gubernatores à quibus regerentur: sic plane dictat illis esse parendum, & omni modo deferendum; nam alioquin quomodo regerent? Nonne idcirco cum foelices à quodam Adulatore prædicarentur Lacedæmones quod peritos haberent Duces, respondissetque Vnus inter illos primarius, non idcirco esse foelices, sed quod haberent subditos valde obsequentes, tantopere commendatur hoc Responsum vt inter præclara Sapientium dicta quæ omnes probent, censeatur?

Ps. 8.

Deinde vero Iustitia quæ communis est virtus cuius parens ac Author Deus est, & sine qua non possent homines inter se conuenire ac vivere: nonne id tam certò exigit quàm certum est non posse tuto seruari iustitiam nisi sint non modò qui iura legesque condant, tueantur, & protegant; sed qui etiam juris ac legum Conditoribus pareant & obsequantur? *Meum est consilium & æquitas*, ait diuina Sapientia, *mea est prudentia, mea est fortitudo; Per me Reges regnant, & legum Conditores iusta decernunt. Per me Principes imperant, & Potentes decernunt Iustitiam.* At quomodo constarent hæc omnia nisi simul à subditis ipsa exigeret Sapientia ne suis deessent Regibus, sed omnem illis deferrent obseruantiam?

Audi verò rursum vt ipsa loquitur Sapientia: *Melior est sapientia quàm vires, & vir prudens quàm fortis: Audite ergo reges & intelligite, discite iudices finium terra: Præbete aures vos qui continetis multitudines,*

titudines, & placetis vobis in turbis nationum, quoniam est à Domino potestas vobis, & virtus ab Altissimo, qui interrogabit opera vestra, & cogitationes scrutabitur: quoniam cum essetis ministri regni illius, non recte iudicastis, nec custodistis legem Iustitiæ, neque secundum voluntatem Dei ambulastis. Horrendè & cito apparebit vobis: quoniam iudicium durissimum his qui præsumunt fiet. At quæso te nisi obsequentes suos illi haberent subditos, quomodo ita punirentur? quomodo non rejicerent in istos culpam, aut quomodo isti essent in culpa, nisi simul intelligerent se tam strictè teneri iustis suorum Regum observandis imperiis, quam Reges tenerentur iusta illis decernere?

Tertio, quæ Deum ipsum colendum monet Religio, monet & colendos Reges ac principes: Nam præterquam quod ipsi Reges Deum ita repræsentant, ut in illis singulari modo Deus colatur, quænam alioquin vel ipsius Dei posset esse Religio, nisi esset observantia Regum ac principum? qualis ordo, qualis disciplina, qualis Dei cultus, ubi confusa essent omnia sicut omnia confunderentur nisi superioribus inferiores subderentur?

Non est dissensionis Deus, sed pacis: sicut & in omnibus Ecclesiis sanctorum doceo, inquit Apostolus. Hic nempe fuit error Iudæ cuiusdam Galilæi de quo in Actis Apostolorum est mentio, qui cum Iudæos excitasset ad negandam Romanis quibus tunc erant subditi quam debebant observantiam, misere periit, atque inde factum est ut cum à Iudæis & ab ipsis potissimum Galilæis orta esset Christiana Religio male apud Infideles hoc nomine Christiani omnes audirent, quasi hoc ipsum sentirent Christiani quod isti proditores Galilæi, quasi Regum ac principum detrectarent imperia; quod tam longe à vero remotum erat ut nihil Apostoli frequentius, nihil expressius suis commendent omnibus, quam ut omnem hac in parte iustitiam impleant. Audi Apostolum: *omnis anima potestatibus sublimioribus subdita sit: non est enim potestas nisi à Deo, quæ autem sunt, à Deo ordinatae sunt. Itaque qui resistit potestati, Dei ordinationi resistit, qui autem resistunt, ipsi sibi damnationem acquirunt. Nam principes non sunt timori boni operis sed mali. Vis autem non timere potestatem? bonum fac & habebis laudem ex illa. Dei enim minister est tibi in bonum. Si autem malum feceris, time: non enim sine causa gladium portat. Dei enim minister est, vindex in iram ei qui malum agit. Ideo necessitate subditi estote, non solum propter iram sed propter Conscientiam. Ideo enim & tributa præstatis: Ministri enim Dei sunt,*

in hoc ipsum seruientes. Reddite ergo omnibus debita : cui tributum, tributum : cui vectigal, vectigal : cui timorem, timorem : cui honorem, honorem. Et rursus ad Titum : Admone illos, inquit, principibus & potestatibus subditos esse, dicto obedire, ad omne opus bonum paratos esse.

Tit. 1.

1. Pet. 2.

Quod & ipsum non minus efficaciter & expresse princeps Apostolorum Petrus : *Subiecti igitur estote omni humana creatura propter Deum, siue regi, quasi præcendenti : siue ducibus tamquam ab eo missis, ad vindictam malefactorum, laudem vero bonorum ; quia sic est voluntas Dei, ut benefacientes obmutescere faciatis imprudentium hominum ignorantiam, quasi liberi, & non quasi velamen habentes malitia, libertatem : sed sicut serui Dei. Omnes honorate, fraternitatem diligite : Deum timeate. Regem honorificate. Serui subditi estote in omni timore Dominis, non tantum bonis & modestis sed etiam dyscolis. Hac est enim gratia si propter Dei Conscientiam sustinet quis tristitias patiens iniuste.*

In quibus Apostolorum dictis non modo vides quod Deus à nobis exigit, ut quæ sunt Cæsaris reddantur Cæsari, sed quo iure id exigit, quàm stricto, quàm seверо, quàm summo illo quo à se ordinata vult seruari, & quo ipsum iustitiæ commendat ordinem, quod expresse Diuus Thomas docet, loco annotato.

5. 2. q. 104.
4. 6.

III. P V N C T V M.

NISI ergo quæ dicta sunt esse Cæsaris, esse Regum ac principum, reddantur illis, non reddentur Deo, quæ Dei sunt, Quia non reddentur Deo quæ à nobis pro suo in nos iure ac pro nostra in Ipsum obseruantia, merito exigit, & quæ Principibus negabitur obedientia, negabitur & ipsi Deo qui talem præcipiebat obedientiam. Atque hoc diuinum præceptum tale omnes esse affirmant Doctores, ut minime dubitent esse in se lethiferum, nec rei leuitatem aut ignorantiam in ordinaria praxi posse nos excusare, quia nec leue est quod ordinarie Reges præcipiunt, nec ignotum quod præcipiant, nec obscurum quod illis præipientibus parendum est, cum id omni iure tam euidenter pateat ut licet hac de re deessent diuina imperia, pateret tamen humano lumine ; ac licet hoc humanum lumen non adesset, diuino tamen satis imperio res constaret, adeo sunt expressa quæ sacra referuntur idcirco testimonia.

5. 2. q. 103.
4. 6.

Quid enim præter iam dicta, terribilius his sancti Iudæ Apostoli verbis : *Sicut Sodoma & Gomorrha & finitima ciuitates simili modo*

Nisi reddantur Cæsari quæ sunt Cæsaris, non reddentur, &c. 419

exfornicata, & abeuntes post carnem alteram facta sunt exemplum, ignis æterni pœnam sustinentes. Similiter & hi carnem quidem maculant, dominationem autem spernunt, maiestatem autem blasphemant. Quasi diceret, non minus patet hos peccare, nec minus esse puniendos, quam quos scimus esse punitos, velut omnium scelestissimos peccatores.

Hinc apte sanctus Gregorius: *qui contra superpositam sibi potestatem murmurat, liquet quod illum redarguit qui eandem homini potestatem dedit.* Parumne verò tibi videtur admissi criminis, sic Diuinum Numen arguere! Quam verò ait potestatem hanc esse à Deo, & iam audiuit ex Apostolo, & præclare confirmat sanctus Augustinus: *Non tribuamus, inquit, dandi regni atque imperij potestatem nisi Deo vero, qui dat felicitatem in regno Cælorum solis piis: regnum verò terrenum & piis & impiis, sicut ei placet, cui nihil iniuste placet.* Et paulò post, *Qui dedit Mario, ipse & Cæsari: qui Augusto, ipse & Neroni: qui Vespasiano vel Patri vel filio suauissimis Imperatoribus, ipse & Domitiano crudelissimo; & ne per singulos ire necesse sit, qui Constantino Christiano, Ipse Apostata Iuliano.*

Nec vero tantum in persona Cæsarum, diuinam esse agnoscendam prouidentiam, sed in his omnibus quæ sub eorum imperiis accidunt, sic Idem sanctus Doctor accurate demonstrat. *A quo, inquit, omnis modus, omnis species, omnis ordo, à quo est mensura, numerus, pondus, à quo & quicquid naturaliter est, cuiusque generis est, cuiuscumque estimationis est, qui & anima irrationali dedit memoriam, sensum, appetitum, qui nec solum cælum & terram, nec solum Angelum, & hominem, sed nec exigui nec contemptibilis animantis viscera, nec avis pennulam, nec herba flosculum, nec arboris folium, sine suarum partium conuenientia, & quadam veluti pace dereliquit, nullo modo est credendum regna hominum, eorumque dominationes & seruitutes à suæ prouidentia legibus, alienas esse voluisse.*

Quia tamen in aliud sæpe declinatur extremum, vt reddendo Cæsari quæ sunt Cæsaris, politicè potius id fiat quàm Christianè: vel præcedenti iungenda est sequens Veritas, vel separatim denuntianda:

Non reddes Deo quæ Dei sunt, si quid Cæsari vel cuiquam reddas, non propter Deum.

Ggg ij

RATIO EST evidens, quia non reddes Deo quæ Dei sunt, nisi te tuaque omnia plene illi reddas.

Sed si quid non propter Deum Cæsari vel cuiquam reddas, non te tuaque omnia plene Deo reddes.

Ergo nec reddes Deo quæ Dei sunt: seu potius, ut quæ Deo debes, reddas, nihil prorsus reddendum est aliis quod non propter Deum reddas.

I. P V N C T V M.

Dea. 5.



QUOD sæpe aliàs, tum vero hîc opportune diuinû hoc Monitum nobis proponendum: *Non declinabitis neq; ad dexterâ, neq; ad sinistram: sed per viam quâ præcepit vobis Dominus Deus vester, ambulabitis.* Sicut enim per defectum peccares non reddendo Cæsari quæ sunt Cæsaris, aut cuilibet proximo quæ sunt eius: sic per excessum in his reddendis debitis peccari posset; & quidem tripliciter, nempe in substantia, in modo, & in fine. In substantia peccaretur si quid iussus vel sponte faceres quod diuinæ repugnaret legi, tunc enim excederes debitum quod nullum esse potest contra Deum; Vnde apte sanctus Chrysostomus: *Tu cum audis reddenda esse Cæsari quæ sua sunt, illa solum dici non dubita quæ pietati ac religioni non officiunt: Nam quod fidei aut virtuti obest, non Cæsaris sed Diaboli tributum ac vectigal est.* Sic vniuersim de cunctis Superioribus tam Ecclesiasticis quam Politicis siue sæcularibus sanctus affirmat Basilii: *Si quid sit quod à Superiore ex mandato Domini dicatur, aut cum mandato conueniat, in eo licet mortem cum minis intentatam habeat, nihilominus obedientiam seruari conuenire. Sin contra aliquid præter mandatum est, aut aliqua ex parte mandato aduersatur, id licet Angelus de cælo, aut de Apostolis aliquis imperet, licet vitam promittat aut mortem minetur, nullo pacto admittendum esse, cum Apostolus dixerit, licet nos ipsi aut Angelus de cælo euangelizet vobis præter id quod euangelizauimus vobis, anathema sit.*

Heb. 71. in
Alaub.

In reg. bre-
uior.

Deinde, in modo peccaretur si quæ sunt alioquin moderate reddenda, tu nullo seruato modo profunderes, ac plusquam exigeris, vel bona vel honorem, vel vitam intempestiue prodigeres, quales illi mundani sunt qui ut mundo placeant, nullis par-

cunt impensis, qui ponunt fortuna mensam & bibunt super eam; inquit *Is. 65.* Propheta.

Tertio denique, quod frequentius est, & quod minus cauetur, per excessum, in fine peccatur, quando quæcumque sint quæ Superiori reddantur obsequia, non redduntur propter Deum, licet sint debita, licet debito reddantur etiam modo, sed tamen finis est peruerius aut mere humanus ac naturalis, qualem haberent Ethnicæ & Pagani; Tunc non modo nil apud Deum promereris, sed Deo rapis quæ Dei sunt, & quidquid aliud Deo reddas, numquam sua Deo reddes, nisi hoc opus aut obsequium quod Superiori reddis, reddas propter Deum.

Quæ certe Veritas accuratius expendi debet quàm hîc declaratur, nam & fructu est vberima, & ex paucis quæ suggerentur facile est vberius progredi; aut ex multis quæ iam supra dicta sunt in hanc propè materiam, non erit difficile quod est affinius, hîc transferre. Sic autem breuiter quæ propositæ rei summa est, demonstratur: Numquam reddes Deo quæ Dei sunt, nisi te tuaque omnia Deo reddas. Cum enim te tuaque omnia sic Deo debeas, tamquam ea quæ Dei sunt, quid clarius quam quod asseritur te non redditurum Deo quæ sunt Dei, nisi te tuaque omnia Deo reddas? Aut te nega totum esse Dei, aut quæ sunt Dei, non esse reddenda Deo: vel concedas necesse est quod infertur. Nam si hæc duo vera sunt, quod sis Dei totus, & quod reddenda Deo sint quæ sunt Dei, profecto numquam negare poteris te aliter sua Deo redditurum quin te ipsum illi totum reddas. Quantum enim de te reseruabis quod non reddideris, tantum restabit de his reddendis quæ Dei sunt, & illud quod restabit tam stricte debes reddere quàm quid aliud quod dederis.

Vide in 1. parte, Die 4. Ianuarij, vbi hæc declaratur Veritas: Aut nullam vitæ partem, aut totam Deo debes.

II. P V N C T V M.

SED si quid non propter Deum, Cesari, vel cuiquam reddas, non te tuaque omnia plene Deo reddes.

Quid est enim se suaque omnia plene Deo reddere? Non est profecto non est illa projicere: non est illa pauperibus erogare;

non est illis se omnino abdicare. Nam paucorum ista sunt, nec de præcepto vllò imposita; cum tamen sit omnium hominum se suæque omnia Deo reddere, sicut est omnium diligere Deum ex toto corde, tota mente, totaque anima. Quid est ergo se totum reddere! Considera vehementer, & vide num sit aliud quàm se in nullo querere, quàm vnum in omnibus Deum sibi proponere tamquam finem quò quidquid agis reteras vel immediate vt dicitur, vel mediâtè siue relatiuè, non listendo in illis humanis finibus quos ex praua Concupiscentia sibi præfigunt homines, vel vt honores consecantur, vel voluptates, vel vitæ commodata temporalis.

Hoc est, inquam, ita se totum suæque omnia Deo reddere, vt nisi hoc sit, quidquid tandem agas, nihil reddas. Nam si vel omnibus tuis abdicatis te totum Deo consecrasses, non tamen propter Deum: plane nil ageres. Contràque is qui sua omnia sic retineret vt tamen nullis vellet vti nisi purè propter Deum, rem prorsus conficeret, & se suæque omnia sic Deo daret. Adeo verum est, rem totam in hoc vno verti, vt siue quid actu & effectu dones vel non dones, Deum vnum spectes. Quod luculente Apostolus exhibebat cum diceret: *Et si distribuero in cibos pauperum, omnes facultates meas: et si tradidero corpus meum vt ardeam, Charitatem autem non habuero. Quia scilicet, illa propter Deum agam, nihil mihi prodest.* Et alibi etiam expressius: *An quero hominibus placere? Si adhuc hominibus placerem, Christi seruus non essem.*

2. Cor. 13.

Gal. 1.

Iam verò si quid non propter Deum Cæsari vel cuiquam reddas, nonne vides te non istum habere finem, te non illam habere Charitatem, te non illud habere quo vno constat quod dicitur *se totum Deo reddere*? Nam si non propter Deum id agis, agis propter teipsum; quidquid aliud humanum spectes, teipsum spectas in Cæsare, in delatis officiis, in cultu reddito, præstitaque seruitute, tuum ibi videlicet intueris lucrum vel damnum, tuam ibi fortunam fabricaris; tuum ibi decus ac vitæ comoda statuis. Nonne est ita? Nonne hic est communis hominum status? At quæso te, quid de hoc statu sentis? an diceres eorum esse statum qui se suæque omnia Deo reddant? Itane Aulicos illos dicis se totos dare Deo qui nihil aliud spectant quàm quæ mundus suggerit, quam quæ Cupiditas appetit, quàm quæ Deus spernit?

Nec dicas, illos non esse religiosos quorum illud est proprium sic vacare Deo vt nihil aliud spectent. Iam enim tibi responsum

est, non esse tantum religiosi viri ut Deum spectet in omnibus, sed cuiuslibet hominis Christiani, quæ is lege tenetur ex tota Deum anima diligere, quod nihil aliud est, authore Diuo Thoma, quam se totum Deo dare, ut diximus.

Et ne à proposito longius aberremus, nonne sic apertè Apostolicum deferendam illam quæ supremis debetur Potestatibus præcipiunt observantiam, nonne id expressis addunt verbis, ut propter Deum deferatur? Nonne hæc sunt Principis Apostolorum manifesta verba: *Subiecti igitur estote omni humana creatura propter Deum, ^{Supra} siue regi quasi præcellenti, siue aliis quos ibi memorat ducibus?* Nonne sic conformiter Coapostolus Paulus: *Servi obedite Dominis carnalibus cum timore & tremore, in simplicitate cordis vestri sicut Christo, non ad oculum seruientes, quasi hominibus placentes, sed ut servi Christi facientes voluntatem Dei ex animo, cum bona voluntate seruientes sicut Domino, & non hominibus.* Audisne ut semel ac iterum idem repetat, ne quid superstit dubij quin probe si velis intelligas, quod si Cæsari seruis ut Cæsari tantum placeas, non seruis Deo, non te illi reddis, quia tantum de te reseruas in illo fine quantum in illo quiduis aliud respicis quod ad Deum non referas. *Seruiertunt ^{Rom. 1.} creatura potius quam Creatori!*

III. PUNCTVM.

SIC itaque non reddes Deo quæ Dei sunt, si quid Cæsari vel cuiquam reddas, non propter Deum. Hic enim tria tam arcto nexu simul intra se iuncta reperiuntur, ut vnum ab alio disiungi nequeat. Primum est, te totum esse Dei. Secundum est, te totum Deo nunquam redditurum, nisi te toto Deum spectes. Tertium denique, te toto Deum non spectare, si quid aliud præter Deum, quo sensu dictum est, quæras & spectes. *Hic funiculus triplex qui difficile rum- ^{Eccle. 4.} pitur, & tam multis iam probatum habes infra designatis locis, ut nihil restet quam ut praxis illa commendetur, qua Deus in Cæsare, Cæsar in Deo consideretur. Non potest autem aptius commendari quam si diligenter expendas, quanta inde in Deum, in Cæsarem, & in teipsum redundant commoda vel incommoda.*

Deus quidem ita latius colitur quando in Cæsare colitur: sed nisi tum colatur Deus, quantum inde putas honori diuino detrahatur? Si enim à cultu Cæsaris absit Deus, abest à corde colentium

Cæsarem, abest ab eorum gestis rebus, abest ab eorum vita. Quid porro Diuinitati grauius, cum præsertim ita tori sumus Dei, ut nihil plane restet quod vel nostrum sit vel cuiusquam esse possit nisi quantum ille permittit aut iubet? unde fit ut quia sanctum Patris & Matris odium imperat, sic illo plane sunt habendi odio quod imperat: & quia vetat Inimicorum odium, sic prorsus est cohibendum ut vetat, & tantum illi diligendi, quantum ille præcipit cuius est ita totum Cor nostrum, atque omnes eius motus & affectus tam absoluto iure ut aliter eos mouere, nobis non liceat quam ex vno eius nutu. Et tamen nostri minimam vix Illi partem concedimus, & inuito illo quod in nobis est melius, nobis usurpamus aut aliis tradimus! *Hæcine reddis Domino!* Deinde vero sicut Cæsar tanto fidelius colitur, quanto religiosius in Domino, siue in ipso Dominus attenditur; sic planè si Deum inde separes, iam non ipse Cæsar: sed in Cæsare, fors & fortuna colitur.

Denique, quis non videat quantæ sit frugis & æternæ utilitatis, sic spectare Deum in omnibus, sic in illis quæ à Deo magis aliena videntur, Deum tamen inquirere & inuenire! ut è contra quanti sit detrimenti, tam multis in vitæ actibus sua Deum defraudare gloria, seque tot præsentibus gratiæ meritis, & futuris Gloriæ gradibus excludere quot mereri potuisses, si meritis ac operi Deum Finem adiunxisses!

O frustra positos tot labores! quàm vere de his dici possit quod de temporibus ægyptiacæ sterilitatis & famis: *deuoratis & consumptis prioribus, nullum saturitatis dedere vestigium. Consumit enim famica omnem terram, & vbertatis magnitudinem perdit inopia magnitudo.* Plura subministrabunt cognata his Veritates:

Magis tenemur omnes affectu nostra relinquere, quàm effectu Apostoli.

Nisi diligenter aduertas, stulto labore consumeris.

In 1. p. Feria 3. & Sabbato Hebdom. 2. post Epiphani.

Non est minus perfectæ Mortificationis, bene uti rebus, quàm omnino non uti.

In 1. p. Fer. 4. Hebdom. 5. post Epiphani.

Sicut à Deo, sic ad Deum.

In 2.

In 2. p. Dominica 4. post Pascha.

Quò minùs potes reddere quæcumque debes , cò
magis debes reddere quæcumque potes.

In 3. p. Feria 2. Hebdom. 1.

Non tam spectatur quid dones Deo, quàm quid non
dones.

In 3. p. Fer. 6. Hebdom. 8.

Vide & Dom. 14. Atque in hac 4. p. Dominicam 17. vbi plura
his affinia.



HAC HEBDOMADA , sic componendum
esse animum inter aduersa & prospera , vt nec illis
deprimatur, nec istis extollatur, docebunt quæ con-
sideranda occurrunt ex Capite vndecimo sancti Ma-
thæi , & decimo sancti Lucæ.

FERIA SECVNDA.

DE INFOELICI PROSPERITATE
VRBIVM QVÆ AB AUDITO DEI VERBO
NON PROFICIUNT.

Va tibi Corozain! Va tibi Bethsaida!

*Et tu Capharnaum, vsque ad cælum exaltata, vs-
que ad infernum demergèris. Luc. 10.*

VERITAS PRACTICA.

Qui sibi non cauent in prosperis , sunt illi stulti de
quibus Sapiens: *Prosperitas stultorum perdet illos.*

4. Pars.

Hhh

Præf. 2

RATIO EST, Quia qui sibi non cauent in extremo periculo, stulti sunt & perituri.

Sed qui sibi non cauent in prosperis, sibi non cauent in extremo periculo.

Ergo & stulti sunt & illi perituri de quibus Sapiens. Prosperitas stultorum perdet illos: seu potius, ne id contingat discamus sapere & cauere nobis in prosperis.

I P V N C T V M.

QUOD ante scripserant Euangelistæ, designatos fuisse à Domino septuaginta duos Discipulos quos mitteret binos ante faciem suam in omnem ciuitatem & locum quò erat ipse venturus: non nisi hoc tempore factum, & referunt Interpretes, & rerum gestarum persuadet ratio. Cum itaque iam iam essent in varios ituri pagos & vrbes, non præceptis eos tantum instruxit sicut Apostolos, vt supra visum est, sed ipso loquendi modo quem in dicendo seruarent, illos formauit, ac propterea coram ipsis in discessu caput exprobrare ciuitatibus in quibus facta sunt plurima virtutes eius, quia non egissent pœnitentiam. *Vae tibi Corozain, vae tibi Bethsaida, quia si in Tyro & Sidone facta essent virtutes quæ facta sunt in vobis, olim in cilicio & cinere pœnitentiam egissent. Verumtamen dico vobis, Tyro & Sidoni remissius erit in die iudicij, quàm vobis. Et tu Capharnaum, numquid vsque in cælum exaltaberis? vsque in infernum descendes. Vsque ad cælum exaltata, vsque ad infernum demergèris. Quia si in Sodomis facta fuissent virtutes quæ facta sunt in te, fortè mansissent vsque in hanc diem: Verumtamen dico vobis, quia terra Sodomorum remissius erit in die iudicij, quàm tibi. Qui vos audit me audit: Et qui vos spernit me spernit. Qui autem me spernit, spernit eum qui misit me.* Quasi diceret, sic vehementer agite, sic loquimini sicut me loquentem audiuiistis, vt qui vos audient, me audiant; nec miremini si vos spernant, quia & me iam spreuerunt: sed non impune. Nam grauius inde iudicium accipient. Hoc illis denuntiate meo nomine; ac præsertim illis ciuitatibus quæ pro sua florenti & prospera rerum omnium commoditate nihil ex nostra prædicatione proficient, nihil ex miraculis mouebuntur. Hoc à me per-

suaſum vobis ſit, & per vos aliis, nihil magis obſtare Verbo Dei fructuoſè audiendo quàm illa vitæ prosperitas quæ nullo timore Dei, nullo ingruentium metu malorum temperatur. Hoc vt omnes intelligant, harum exemplum proponite ciuitatum quas idcirco commemoro, vt quantum à prosperis ſit detrimenti, ni caueant, innotefcat.

Hoc ita Chriſtus diſcipulis; hoc ita Diſcipuli Ciuitatibus: hoc ita nobis modo repræſentant illæ ciuitates quæ ſuis perierunt bonis dum malè bonis vſæ ſunt. Hoc denique eſt quod pridem in pronerbiis dixerat Sapiens: *Prosperitas ſtultorum perdet illos*; Quod quam ſit verum ac tremendum omnibus ſiue qui verbum Dei prædicant, ſiue qui audiunt, nunc paulo attentius indagandum.

Sunt illi nempe communi conſenſu omnium, ſtulti & perituri qui dum in extremo verſantur vitæ periculo, vel conſiderandæ cuiuſpiam bonorum & honoris iacturæ, non ſibi magis cauent quàm ſi nullum eſſet periculum, quàm ſi nulla impenderet perniciēs, ſicque miſeri pereunt non tam ex propoſita periculi magnitudine, quàm ex ignaua ſua quadam incuria: nam ſi paulo attentius ſibi adeſſent, ſeſe tam facilè liberarent omni periculo, quàm facile, dum ſibi cauere nolunt, abſorbentur.

Hoc eſt amare periculū, hoc eſt in illo velle perire. Hoc eſt quod rari volunt, aut ſi qui volunt, hoc plane faſto ſe mente captos, aut ſomniantibus ſimiles, aut lethali correptos morbo, vel deſperatione actos indicant, quorum miſerandus ſtatus miſericordiani potius excitat quam vituperium.

At vero in periculis animæ qui ſic ſponte ac volentes ſine vlllo verſantur metu, ſic plane ſtultos Scripturæ pronuntiant vt nulla ſint miſeratione digni ſed culpæ grandis obnoxij. *Stultus populus Eccleſi. 50. qui habitat in Sichimis.* Hoc eſt in locis ſaluti periculofiſ. *Sapiens Prov. 14. timet & declinat à malo: ſtultus tranſilit & confidit.* Id eſt, in hoc ſtultus agnoſcitur quod vbi Sapiens timet & cauet, contra iſte tranſilit & confidit intrepidus. Nonne ſtultiſſimum ſe idcirco virorum appellat Salomon, quod ſe tot peccandi & pereundi periculis obieciſſet quot externas vxores habere voluit? Denique *qui Ib. 28. confidit in corde ſuo ſtultus eſt*; quia nempe eſt talis confidentia multis plena periculis.

II. P V N C T V M.

SED qui sibi non cauent in prosperis, sibi non cauent in extremo periculo. Sic enim periculosa est prosperitas, ut si mille cadant homines ex aduersis, decem millia concidant ex prosperis. Nam ut præclare Cassianus, *aduersa interdum etiam inuitos retinent atque humiliant, & compunctione saluberrima vel minus peccare faciunt, vel emendant: prospera verò mollibus mentem ac perniciosis extollentia blandimentis securos felicitatis suæ prouentu, ruina maiore prosternunt.* Sic aptè sanctus Bernardus: *Prosperitas incautis est hoc ad disciplinam quod ignis ad ceram, quod solis radius ad niuem vel glaciem. Sapiens David, sapiens Salomon fuit: sed blandientibus nimis secundis rebus, alter ex parte, alter ex toto desipuit. Magnus qui incidens in aduersa non excidit vel parum à Sapientia; nec minor cui præsens felicitas si arrisit, non irrisit: quamquam facilius inuenerim qui Sapientiam retinuerunt contrariâ sibi fortunâ, quàm qui propitiâ non perdiderunt.* Itemque in Canticis ubi agit de curribus Pharaonis, ac nominatim de curru luxuriæ, qui trahitur, inquit, equis duobus: *Prosperitate vita, & rerum abundantia: & qui his præsident duo, Ignauia torpor, & infida securitas, quia & copia in ignauiam soluit, & secundum Scripturam, prosperitas stultorum perdet illos: non sanè ob aliud, nisi quoniam malè securos reddit. Cum enim dixerint, Pax & securitas, tunc repentinus eis superueniet interitus.*

De quo quidem interitu sic opportunè sanctus Gregorius: *Præsentis vitæ prosperitas aliquando idcirco datur ut ad meliorem vitam prouocet, aliquando vero ut in æternum plenius damnet. Hinc est enim quod plebi Israelitica Chanaan terra promittitur, ut quandoque ad æterna speranda prouocetur. Et post pauca. Sed cum largientem Deum humana mens homi operis repensatione non sequitur, unde nutrita piè creditur, inde iustius damnatur. Hinc enim per Psalmistam rursum dicitur: Deiecisti eos dum alleuarentur; quia videlicet reprobi cum recta opera diuinis muneribus non rependunt, cum totos se hic deserunt, & affluentibus prosperitatibus dimittunt, unde exterius proficiunt, inde ab intimis cadunt. Hinc est quod in inferno, cruciato diuiti dicitur: recepisti bona in vita tua. Idcirco etenim recepit bona in vita sua malus, ut illic plenius mala reciperet, quia hic fuerat nec per bona conuersus.*

Ex quibus sanctorum Patrum verbis, non modo vides auctori-

tate Virorum in rebus dijudicandis principum, sed & ipsis quas afferunt causis moralibus, cum à nobis tum à Deo petitis, quam sit male cautis periculosa prosperitas, quam sit infida nimis fidentibus, quam sit præsumptæ securitati parum tuta, *tamquam hybernalis glacies quæ ad modicum cæli leporem dissolvitur*, ut ait Sapiens: *aut quasi mendacium aquarum infidelium*, inquit Propheta. *Id est, non minus periculosi lapsus est, mundi prosperitas, quam illa quæ videtur aqua congelata cui si pedem apponas, laberis in profundum subside aqua. Promittunt securitatem, sed mera est infidelitas, merum mendacium.*

III. P V N C T V M.

QVI sibi non cauent ergo in prosperis, sunt illi stulti de quibus Sapiens, *Prosperitas stultorum perdet illos*. Sic expressè sanctus Thomas ubi agit de vitiosa stultitia, nam & ipsum hunc sapientis seu Prouerbiorum locum producit, & quam affert rationem ut ostendat esse aliquam non naturalem sed vitiosam stultitiam, planè conuincit in his esse qui sibi non attendunt in prosperis. Quod enim vitium, stultitia dicitur nisi quo animus ita quodammodo stupidus redditur ut vix de diuinis & spiritualibus cogitet, totusque terrenis immergatur? At nonne hoc esse audiuit prosperitatis vitium ut sic mētem abstrahat à diuinis? Quid porro stultius quam se huic stupori permittere, quam se à seipso diuidere, quam sibi animum eripere, vel ab animo Deum, quo tempore quibusue mediis religiosius esset colendus Deus, nempe cum plura largitur beneficia? Quid stultius quam inde ad sempiternum interitum sibi sternere præcipitium, vnde ad beatam ac immortalem gloriam tibi gradum facere poteras? Quid verò potentius ad hanc cauendam stultitiam quam vel ipsius nomen quod naturalis ipse sensus non potest non execrari; vel ipsius nominis causa & effectus, qui nil minus quam extrema portendunt salutis æternæ pericula!

O quam recte Saluianus hanc deplorans amentiam: *Tanta, inquit, rerum secundarum prosperitate corrumpimur, tanta morum insolentium prauitate vitiamur, ut & Dei penitus obliuiscamur, & nostri*. Tum nonnullis interiectis: *Ad hoc tantum data à Deo quiete utimur, ut in omni scelere atque improbitate viuamus. Quasi verò beneficium datæ pacis sit vacatio probrofitatis, & ad hoc inducias tranquillitatis Deo do-*

ante capiamus, ut licentius securiusque peccemus?

In Ps. 37.
adm. 27.

Audiendus itaque sanctus Gregorius qui admonendos monet eos qui in hoc quod temporaliter appetunt, prosperantur, ne cum cuncta ad votum suppetunt, dantem quærere negligant, si in his qua dantur animum figant: ne peregrinationem pro patria diligant, ne subsidia itineris in obstacula peruentiois vertant, ne nocturno luna lumine delectati claritatem solis videre fugiant. Admonendi itaque sunt ut quæ in hoc mundo consequuntur, calamitatis solatia: non autem præmia retributionis credant, sed contra fauores mundi mentem erigant, ne in eis ex tota cordis delectatione succumbant. Quisquis enim prosperitatem qua vititur, apud iudicium cordis, melioris vita amore non reprimis, fauorem vite transcurtis in mortis perpetua occasionem vertis. Et post multa cum in prosperis tum in aduersis valde opportuna: Sollicite considerent, inquit, quod plerumque etiam Iustos cum temporalis potentia sustollit velut in laqueum culpa comprehendit. Deo David prius amabilis rectior fuit in seruitio, quàm cum peruenit ad regnum. Seruus namque amore Iustitia, deprehensum aduersarium ferire timuit: rex autem persuasione luxuria, deuotum militem etiam sub studio fraudis extinxit. Quis ergo opes, quis potestatem, quis gloriam quærat innoxie, si & illi extiterunt noxia, qui hac habuit non quasita? Quis inter hac sine magno discriminis labore saluabitur, si ille in his culpa interueniente turbatus est qui ad hac fuerat Deo eligente præparatus? Admonendi sunt ut considerent quia Salomon qui post tantam Sapientiam usque ad Idololatrium cecidisse describitur, nihil in hoc mundo, prius quàm caderet, aduersitatis habuisse memoratur: Sed concessa sapientia funditus eor deseruit quod nulla vel minima tribulationis disciplina custodiuit.

Videri plura possunt in aliis partibus, vbi hæ præsertim exponuntur Veritates:

Omnis copia quæ Deus non est, egestas censenda est.

In 1. p. Fer. 5. Hebdomada 4. in Aduentu.

In pace amaritudo, & pax in amaritudine.

In 1. p. die 9. Ianuarij.

Nisi probè paratus sis ad aduersa, nec ad ipsa prospera benè paratus es.

In 1. p. Fer. 6. Hebdom. 5. post Epiph.

Qui se existimat stare, videat ne cadat.

In 2. p. Fer. 5. Septuagesima.

In die bona, nisi memores mala, non erit dies bona.

In 2. p. Dominica 2. Quadragesima.

Sicut vinum nouum, sic nouus honor maximè temperandus.

In 2. p. Fer. 2. Hebdom. 2. post Pascha.

Nisi te humilies in prosperis, prospera te humilia-
bunt.

In 3. p. Dominica 4. post Pentecosten.



FERIA TERTIA.

DE INANI DISCIPVLORVM

REDEVTIVM GAUDIO EX SVBIECTIS
SIBI DÆMONIIS.

*Reuersi sunt autem Septuaginta duo cum gaudio,
dicentes : Domine, etiam Dæmonia subiciuntur
nobis, in nomine tuo. Luc. 10.*

VERITAS PRACTICA.

Erras, nisi risum, errorem reputes.

Deciperis, nisi gaudium credas decipi.

*RATIO EST, Quia tunc error esset manifestus & aperta de-
ceptio, quando quid aliter reputares & crederes quàm sit reue-
ra coram Deo.*



crederes quam sint reipsa coram Deo? Quod autem reipsa errent & coram Deo decipiantur, tam manifeste demonstratur, quam aperte patet, bonum illud de quo est gaudium, non esse verum & coram Deo bonum. Cum enim gaudium non sit nisi de bono, quale protecto est bonum, tale est & gaudium: si verum est bonum, bonum erit & gaudium: si falsum est bonum, id est, si non est bonum coram Deo, nec est etiam verum gaudium sed falsum quod de tali bono sentietur. Sicut nuntius de re falsa quæ ut vera esse dicitur & ut amata delectatur, falsus est nuntius, & falsa delectatio: quando enim postea patebit Veritas, tunc apparebit nuntij falsitas, & quam fuit ite falsa iucunditas: sic planè gaudium de re non vere bona, gaudium est de falso nuntio: falsus est nuntius, ille oculus aut quisquis ille sensus exterior vel interior fuerit qui retulit esse bonum illud de quo est gaudium. Nam cum sit tantum temporale & caducum nescio quod bonum quod nullum est apud Deum, imo *quod altum est hominibus*, id est, quod sublimius bonum censetur apud homines, *abominatio sit ante Deum*, quomodo poterit illud dici verum & coram Deo bonum?

Esto sane Dæmonia sibi Discipuli subiecerint, esto in serpentes & scorpiones talem exercuerint potestatem ut nihil eis noceret, esto illis foeliciter: esto tibi ad votum aliquid obuenerit, sit reuera illud de quo gaudes, sit augmentum rei familiaris, sit decus nominis, sit rei bene gestæ approbatio vel quid simile gratum & iucundum: res tamen tam falsa est & nulla prorsus, quantum ad illud gaudium quo te nimis effers, excitandum, ac si planè non esset. Neque enim res est de qua sic gaudeas, & esferaris. Res est quidem in natura ut dicitur, sed natura rei non est talis ut te in tale gaudium & elationem ducat. Nimis exile est bonum illud de quo sic gaudeas. Animus noster sublimior est & ad maiora natus quam ut his se nugis implicet. Nimis hæc infima facis ut te sic moueant, aut nimis te abjicis ut te his moueri sinas. Res illæ non sunt coram Deo quales esse putas, non ea laude dignæ, non eo gaudio recipiendæ, non ea probatione fouendæ quam præ te ters; & hoc propterea nomine tam falsæ sunt quam si reuera non essent. Nam ut dixi, quod tale non est coram Deo, reuera tale non est: cum te omnino tales sint in veritate quales sunt coram Deo & non aliter,

2. Cor. 2.

Ex sinceritate sicut ex Deo, coram Deo, inquit Apostolus.

III. PUNCTVM.

ERRAS igitur si errorem non reputes risum illum amabilem, quo prospera quaque soles amplecti: decipere si non illud credis decipi gaudium quo tibi tam blande palpas de temporalibus acquisitis bonis, de adepta quadam gloria, de felici quouis successu: Quia tale reuera decipitur gaudium, quia tale reuera bonum minime recenseatur apud Deum: vnde sicut aperte falsum esset gaudium quod de re non omnino existenti sentiretur, quale solet esse gaudium somniantis, sic prorsus illud falsum esse dicendum est quod de re quidem existenti percipitur, sed non existenti bona qua bonitate ita putas vt inde tali gaudio gaudeas. Sic expresse Scriptura: *Sicut somniat is esuriens & comedit: cum autem fueris expergefactus, vacua est anima eius: Et sicut somniat sitiens & bibit, & postquam fuerit expergefactus, lassus adhuc sitit, & anima eius vacua est.* Sic plane de gaudiis temporalibus: Somnia sunt gaudiorum: somniantium sunt gaudia. *Surge qui dormis, & exurge à mortuis, & illuminabis te Christus.* Si Christi lumine res videres, tu plane de rebus aliter & iudicares, & alio circa illas moueretur affectu. Tu illic flores ubi gaudes: & ubi ploras, illic gauderes. *Risus vester in luctum conuertatur, & gaudium in mareorem,* inquit sanctus Iacobus.

At quo id modo fiat, nisi mutando iudicium quod de rebus habebatur, appellando malum quod dicebatur bonum, appellando malas diuitias, malos honores, malam horum concupiscentiam, malum horum vsum. Quod idem sanctus Apostolus plane declarat cum sic paulo post pergit: *Agite nunc diuites, plorate ululantes in miseris vestris qua aduenient vobis; Thesaurizastis vobis iram in nouissimis diebus.* Quasi diceret, sicut errant & errare faciunt accepta de diuitiis gaudia, quod solum respiciantur, vt hic iucunda sunt vel vtilia: sic errorem tollent si spectentur vt futura, vt futuri iudicii tremendum argumentum. *Videntes turbabuntur timore horribili.*

Videri plura possunt ubi hæc affines exponuntur Veritates: Meliore rerum statu non magis gaudet Iustus quam deteriore doluit.

In 1. p. Die 11. Ianuarij.

436 FERIA 4. Hebd. 22. post Pent. In ipsa hora exultauit, &c.

Sicut in aduersis, ita & in prosperis aduocandus est Dominus.

Vbi scilicet non est minus periculi.

In 1. p. Dom. 2. post Epiph. de inuitato Iesu ad nuptias, & de aqua in vinum mutata, unde plura hinc spectantia deducuntur. Nec non in 2. parte, Dominica 3. post Pascha, Cuius Euangelium totum pene est de Gaudio & Tristitia.



FERIA QVARTA.

DE VERO GAUDIO QVOD IN PROSPERIS HABERI POTEST, AD EXEMPLVM CHRISTI D.

In ipsa hora exultauit in Spiritu sancto, & dixit: Confiteor tibi Pater Domine cæli & terra, quod abscondisti hæc à sapientibus & prudentibus; & reuelasti ea paruulis. Etiam Pater, quoniam sic placuit ante te. Luc. 10.

Ita, Pater, quoniam sic fuit placitum ante te. Matth. 11.

VERITATES PRACTICÆ.

QVÆ multa hinc ad praxim veri gaudij, vna & longa sermonis continuatione declaranda essent, sic videntur opportunius diuidenda in plures partes, vt & ipsæ partes formam habeant practicæ Veritatis, & breuius exponantur.

PRIMA VERITAS.

Quam facile est gaudere in prosperis, tam difficile est verè gaudere.

RATIO EST, *Quia idcirco facile est gaudere in prosperis, quod sit proclive admodum & naturale, sic gaudere.*

Sed in ista natura proclivitate ad gaudium, difficile est verè gaudere, nam verum gaudium non debet esse naturale, sed spirituale, sed diuinum, alioquin recurrunt illa pericula, damna, detrimenta de quibus supra.

Vnde cum pateat Veritas, liquet etiam quanta sit cautione opus ad praxim veri gaudij, ne in vanum & falsum degeneret. *Cor stultorum ubi latitia, quæ sit nempe incauta & nimis soluta.* *Ecc. 17.*

SECUNDA VERITAS.

Perfecti gaudij perfectum exemplar, Christus gaudens.

RATIO EST, *Quia perfecti gaudij perfectum exemplar dicitur quod quatuor continet causas quibus constat perfectio gaudij, nam omne perfectum ex integra causa. Prima causa est Materia de qua gaudetur. Nam si materia non probetur, quantumcumque valeant aliæ causæ, non erit perfectum gaudiū, non erit verum. Iam L. 2. de vita enim aliàs ex sancto Prospero dictum est, quod qui gaudet si non in-^{cons. c. 12.} de gaudet unde debet, non potest bonum esse quod gaudet. Siquidem gaudet & raptor & ebriosus & adulter cum ad delectationem concupiscentiam peruenierit, sed cum sit gaudere bonum, de his atque huiusmodi gaudere, grande est malum.*

Secunda causa est Forma seu modus ac status quidam interior atque exterior qui seruari debet in gaudio ne supra modum efferratur, alioquin quacumque de re bona gauderetur, non esset bonum gaudium quod non esset temperatum, vnde Scriptura tremorem addit vel illi gaudio quod de Deo suscipitur, *exultate ei cum Ps. 2. tremore.* Et ubi dicit Apostolus, *Gaudendum semper in Domino;* tum *Phil. 4.* statim addit, *modestia vestra nota sit omnibus.*

Tertia est Efficiens, Nec enim Gaudium vt sit pium, vt sit Christianum & perfectum, potest esse sentitiui appetitus mera passio, sed ut Rationis, Gratia, Charitatis, atque ipsius sancti Spiritus fructus & effectus, quales enumerat Apostolus dicens: *Fructus Spiritus est, Charitas, Gaudium, pax*: Et alibi, *Pax & gaudium in Spiritu sancto*.

Gal. 5.

Rom. 14.

Ibid.

Ecclesi. 30.

Quarta denique Causa est Finis propter quem hic gaudetur, Nam si propter ipsum solum gauderes gaudium, certe non esset perfectum gaudium vt cui suus deesset finis quæ est ipsa rei perfectio; Nec enim magis tibi propter te licet gaudere, quam propter te viuere; quod Apostolus tantopere cauendum monet, *Nemo nostrum sibi uiuit, & nemo sibi moritur. Siue enim uiuimus, Domino uiuimus; siue morimur, Domino morimur. Hac est autem uita hominis, iucunditas cordis*, vt ait Sapiens.

IAM vero, quæ Veritati declarandæ secunda est Propositio, sic Christus Dominus nobis hic exhibetur gaudens; Tale est eius gaudium quod describitur vt suis illis perfectis quatuor constet causis. Primo quidem materia, nam de hoc vno gaudet quod paterna & diuina videt ordinatione statutum: *Confiteor tibi Pater, Domine cæli & terræ, quod abscondisti hæc à sapientibus & prudentibus, & reuelasti ea paruulis*; Id est, ignaris Apostolis qui prædicabant Euangelium, non autem Viris celebrioribus qui non modo non electi erant ad prædicationem Euangelij, sed vix vt crederent Euangelio prædicato. Quod cum ita sit ordinatum à Deo Patre, hoc est quod latrunculus veneratur, hoc est quod exultanter prædicat, hoc est vnum de quo gaudet.

Secundo quoad formam & modum gaudij, quid potest esse moderatius, quid modestius, & continentius quàm quod dixisse ac fecisse narratur vt suos paulo effusius gestientes contineret? Patrem suum velut orans alloquitur: Regem eum & Dominum cæli ac terræ venerabundus agnoscit, & palam confitetur; qua putas pietate, quo cultu? Non alio Christus gaudebat modo quàm quo Patrem oraret quàm quo pietatem exerceret; nec eius alia gaudij forma quàm quæ ipsius ad Patrem obseruantia, quæ tanta fuit vt exauditum à Patre propterea dicat eum Apostolus.

Hebr. 5.

Tertio de Causa Efficienti spiritualis Christi gaudij, facit textus expressam hanc facit mentionem: *In ipsa hora exultauit in Spiritu sancto*, Id est, non leuiter ex appetitu sentitiuo; non vrbane & comiter ex sola quadam agendi ratione: sed spiritualiter, sed sanctè,

Sic est gaudendum in Domino, ut in eo solo sit gaudendum. 439

Sed diuine, quale id omne solet esse quod à Spiritu sancto est; Non alius Author & Effector gaudij Christi Domini, quam qui sanctitatis Ipsius Author est. *Spiritus*, inquit, *Domini super me*, propter *Is. 61. quod unxit me*. Quo autem oleo nisi lacticiæ & exultationis: siue *1. m. 4. quod idem est*, vndenam erat eius lacticiæ & exultatio nisi ex illo *Ps. 44. Spiritus oleo* quo Ipse vnctus est, & quod effundit in omnes sibi iunctos?

Restat Finis qui non minus aperte in ipsis Domini verbis exprimitur: *Ita Pater*, quoniam sic fuit placitum ante te. Non alio fine gaudeo de quibus gaudeo quàm quod ita tibi placent, & ita sunt à te sicut de his statuisti; non ut in se apparent, non ut meis conueniunt, non ut mihi seruiunt, illa considero: sed ut tibi placent, ut te in illis venerer, & venerandum proponam.

NONNE sic igitur perfecti gaudij perfectum exemplar Christus hic nobis Dominus exhibetur, ut qui omnes perfectionis causas integrè complectatur? Itane verò gaudes? Itane de solo Deo, in solo Deo, & solo Deo, & ad solum Deum sicut Christus? Vide quid horum desit ut possis vere cum Propheta dicere: *Gaudens gaudebo in Domino, & exultabit anima mea in Deo meo.* *Is. 61.*

Videri debet in 2. p. postrema omnium Consideratio.

TERTIA VERITAS.

Sic est gaudendum in Domino, ut in eo solo sit gaudendum.

RATIO est euident, quia sic est gaudendum in Domino tamquam in vero bono, & vero veri gaudij motivo siue obiecto.

Sed ille vnus est verum bonum, & veri gaudij solum obiectum.

Ergo sic est gaudendum in Domino, ut in eo solo sit gaudendum.

Renuit consolari anima mea, memor fui & delectatus sum, quasi diceret Psalter Regius; Quæcumque tandem sese mihi obijciant obiecta veri gaudij, nulla plane in creatis reperio; nihil in illis est quod me verè delectet; In solo Deo sola est vera & solida delectatio.

Quem in versum quod scribit sanctus Augustinus, obseruatione dignum est; ait enim quod si quid præter Deum, capax sit alicuius nobis procreandi gaudij, conuersatio est cum viro sancto,

440 FERIA 4. Hebd. 22. post Pent. In ipsa hora exaltavit, &c.

viro pio, viro Dei. Sed cum rari sint tales viri, vixque vel vnus reperiatur cum quo si diutius versatus sis, non aliquid humani reparias, vel tua inde culpa reportes: tunc inquit, deficit vera & solida consolatio. Verba sancti Doctoris sunt, *In his autem in quibus gaudisus est homo si forte aliquid prauum contigerit, quomodo saepe contingit: quanta letitia ibi erat, tantus moror accedit, itaut postea iam timeat homo laxare habenas gaudiorum, timeat se letitia committere, ne quanto magis letatus fuerat, tanto amplius si aliquid contigerit, contabescat.*

Manh. 25.

Hoc est Gaudium Domini de quo dicitur, *Intra in gaudium Domini tui*, nam se solo verè & proprie gaudet Deus, non aliis extra se; sic dum solo Deo gaudebis, gaudebis illo quo Deus gaudet gaudio. Dicitur vero, *intra in gaudium Domini*, quia sic te totum oportet esse in illo gaudio, nihil vt extrà tibi restet quo delecteris.

L. de salut.

docum. c. 10

Quo spectat illud aliud sancti Augustini: *Si aliquid in hoc saculo possidere delectamur, Deum qui possidet omnia, qui creauit omnia, expedit vt mente possideamus, & in eo habeamus quacumque salubriter & sanctè desideramus. Sed quoniam nemo possidet Deum nisi qui possidetur ab eo, sinus nos ipsi facti Dei possessio, & efficitur nobis possessio Deus. Id est, reuamur consolari ceteris aliis creatis rebus, & tunc verè fiet nostra Consolatio.*

Vide in 3. p. circa finem, vbi de votis agitur, & vbi hæc Veritas explanatur:

Maior est voluptas, voluptatem nolle quam velle:
voluptatem vicisse quam cæpisse.

QVARTA VERITAS.

Quale in prosperis fuerit gaudium, probatur in aduersis.

SENSVS est, quod si gaudium in prosperis fuerit propter Deum, debet idem esse in aduersis: aut si non ita gaudetur in aduersis propter Deum, nec dici potest in prosperis tale fuisse gaudium.

RATIO est, quia si non ita gaudetur in aduersis propter Deum, sicut in prosperis, quantum spectat ad superiorem animi partem siue rationabilem appetitum, signum est te tua quarere non ea qua sunt Iesu Christi
Cur

Cur enim non gauderes propter bona spiritualia quæ in aduersis continentur? Vel cur in ipsis doleres aduersis propter damna quædam temporalia quæ inde forsitan importantur, nisi quia teipsum tuæque quæritas?

Sed qui seipsum in suo spectat gaudio, non gaudet propter Deum, quando præsertim sic propter seipsum gaudet, ut nū seipsum reperiret in gaudio, non gauderet: Quod ita esse apparet in eo qui suis in aduersis inordinate dolet.

Ergo hinc probatur quale in prosperis fuerit gaudium, nempe propter ipsum tuum prosperitatis bonum, quod quia deest in aduersis, deest etiam & gaudium; atque ex illis vnus es de quo in opprobrium tuum Dauid Deo dicebat, *Confitebitur tibi cum benefeceris ei.* Non est illa, non est illa Confessio quam Christus veller, licet tamen illa sit vna quam pene omnes Christiani reddunt. Sic dolenter sanctus Augustinus: *quàm multi sunt Christiani qui tunc Deo gratias agunt, quando illis accidit lucrum: hoc est confitebitur tibi cum benefeceris ei: laudabis te & dicet, Vere quia tu es Deus meus; Liberauit me de carcere, & confitebor illi. Venit illi lucrum, conficitur: Venit hæreditas, conficitur: patitur damnum, blasphematur. Qualis filius es, quia quando te pater emendat tunc tibi displicet?* Et quæ plura illic pergit in hunc sensum; & alibi quæ videri possunt.

In 1. p. Sabbato Hebdom. 4. post Epiph. ubi hac Veritas exponitur:

Si non semper, numquam magnificas Deum.

Et in eadem 1. parte, Fer. 6. Hebdom. 5. post Epiph. ad hanc Veritatem:

Nisi probe paratus sis ad aduersa, nec ad ipsa prospera bene paratus es.

QVINTA VERITAS.

Non est minus malum, non gaudere bono gaudio quam gaudere malo.

RATIO EST, *Quia non estiminus malum, minus estimare quæ vere bona sunt, quam nimis estimare quæ non sunt verè bona.* Sic enim vno perinde atque alio dissentire est à Diuino Iudicio; nec minus vix intentatur iis qui ponunt lucem tenebras, quam qui tenebras ponunt lucem; nec minus denique male cessit iudicis quod

442 FERIA 4. Hebd. 22. post Pent. In ipsa hora exultauit, &c.

manna vel terram desiderabilem non satis aestimauerint, quam quod nimis concupierint Aegypti cepe, porros & allia. Vide in 2. p. Fer. 6. post diem Ascensionis Domini.

Sed non gaudere bono gaudio, minus est aestimare quae uerè bona sunt. Cum enim bonum seu verum & commendatum gaudium non alia bona faciunt quàm quae uere & coram Deo, ut supra dictum est, bona censentur: profecto qui non illo gaudet gaudio quando tempus ridendi & gaudendi occurrit, non aliunde prouenit quàm quod non satis illa aestimat quibus gaudendum est. Nam prout quidquam aestimaueris, illud amabis, illud si abest desiderabis: aut si praesens adest, illo gaudebis: Sic enim pari gressu facultates animae quae dicuntur appetitiuae sequuntur apprehensiuas; unde illud sacri Proverbij: *Oculi tui recta videant, & palpebrae tuae praecedant gressus tuos.* Id est, recte de rebus iudica, ut quantum res unaquaeque valeat, scias: & quantum ualet, aestimes: & quanti rem aestimaueris, tantis illam affectibus prosequaris. *Quasi effodientes thesaurum,* inquit Iob, *gaudentque uehementer cum inuenerint sepulchrum;* In quo scilicet thesauri olim recondebantur. At uero quid est cur gaudeant uehementer, nisi quia multum aestimant quod inuenerunt.

Ac proinde tu qui non ita uehementer gaudes inuento coelesti ac diuino thesauro, non minus tibi malum est quàm si gauderes effusus ad terrestres & humanas illas reculas quibus tantopere recrearis. Nam sic manifeste indicas te minus aestimare & diligere quae Deus magis aestimat, & magis diligit; qua diuersitate ludicij & voluntatis quid potest esse homini perniciosius, dicente Domino, *qui non est mecum, contra me est, & qui non colligit mecum, dispergit?* Vide in 2. p. Dom. 3. in Quadragesima.

Quae quidem omnia sequenti Veritate proposita magis elucidant.

SEXTA VERITAS

QUAE PLURES ALIAS COMPLECTITVR.

Sic seruendum Domino in lætitia, ut si non lætetur in Domino seruus, non lætetur in seruo Dominus.

RATIO EST, Quia non latabitur in seruo Dominus, si quod est gratius reddendum Domino seruitium, vel si quod est in seruitio illi reddito gratius, id seruus neget. Quid enim seruus habebit postea quod Domino Deo reddat si quod est illi carius & pretiosius neget? Quid nisi quod vilius & deterius? Qualis autem hic esset seruus qui reseruato sibi suisque meliori, quod est abiectius Deo daret? Nonne is in viam Cain abiret, vt ait S. Iudas Apostolus? Nonne is esset maledictus de quo dicitur: *Maledictus dolosus qui habet in grege suo masculum, & votum faciens immolat debile Domino, quia Rex magnus ego, dicit Dominus exercituum, & nomen meum horribile in Gentibus.* Numquid in tali seruo Rex ille magnus latari posset? Numquid de illo potius diceret: *Inutilem seruum eijcite?*

Mat. 23

Matth. 23

Sed si non latetur in Domino seruus, quod est gratius reddendum Domino seruitium, vel quod est in seruitio illi reddito gratius, id seruus negat.

Nam primò gratius quod possit à nobis reddi Deo seruitium, tunc est quando ex obedientia facimus aliquid quod naturæ repugnet, & vt nobis videtur, rationi etiam ac humano iudicio contradicat. Hoc est excellens obsequium quod reddidit Abrahamus Deo, cum iussus immolare filium suum vnigenitum, non recusauit: ac propterea dicitur tentatus à Domino, id est, probatus an fidelis esset: nam hæc reuera est, veræ fidelitatis serui probatio cum tanti se facere Dominum suum ostendit vt nihil sit tam molestum, tam repugnans & graue quod non libenter in eius impendat obsequium. Hæc est fornax aduersitatis in qua probatur aurum & argentum. Hic caminus humiliationis & paupertatis in quo electi certam suam electionem faciunt. At vero seruus qui non latetur in Domino, tale hoc seruitium detrectabit & abiciet; sicut & qui similia negant obsequia, non possunt dici latari in Domino, non possunt dici seruire Domino in letitia; nam vnum prorsus atque idem sunt, seruire latum Domino, & seruire in asperis ac difficilibus obsequiis. Non aliter probatur vera cordis letitia, nec vera serui Dei fidelitas. Nam seruire latum in prosperis quid magni habet meriti? Nonne & Publicani hoc faciunt? sed latari & seruire in aduersis tam libenter quam in prosperis, hoc est seruorum Dei proprium, hoc est quo se suiue similes Dauid probabat esse seruos Dei, *latati sumus, inquit, pro diebus quibus nos humiliasti, annis quibus vidimus mala.* Vnde & addit, *Respice in ser-*

Ecclesi. 2

1s. 48

ps. 89



bue compedes tuas : confitere in compedibus tuis, si vis ut in ornamenta vertantur. Non frustra, nec sine exauditione dictum est, Intret in Ps. 78. conspectu tuo gemitus compeditorum. Seruite Domino in iucunditate.

Ex quibus S. Augustini verbis, quid restat quam concludere quod habet proposita Veritas, *sic seruiendum Domino in letitia, ut si non letetur in Domino seruus, non letetur in seruo Dominus : non letetur in seruo non libenter seruienti non seruienti nisi forte in prosperis, aut non seruienti nisi cum murmure in aduersis.* Quod ita certe Domino displicet, ut propterea vel maxime populum suum castigaturum se minetur, si non ei seruiat in letitia. *Erunt, inquit, in te signa atque prodigia, & in semine tuo usque in sempiternum, Eo quod non serueris Domino Deo tuo in gaudio cordisque letitia.* Notanda sane verba quibus non modo suadet vel consulit ut sibi cum letitia seruiatur, quod fusc tractat Ecclesiasticus, & abunde Apostolus, ceteræque affatim *monent Scripturæ : sed quasi præceptum esset, punit non seruientem in letitia, & ea poena punit quam hæc verba sequentia certe grauem designant : Serues inimico tuo quem immittet tibi Dominus in fame & siti & nuditate, & omni penuria : & ponet iugum ferreum super cervicem tuam, donec te conterat.*

Sic nempe solet poena respondere culpæ ut qui seruire Deo libenter noluit, seruiat repugnanter Inimico, & qui ad voluntariam seruitutem noluit beneficiis allici, cogatur poenis ad inuitam & inuisam, qualis non modo fuit illa quam Iudæi passi sunt à diuersis Inimicis, sed qualem quisque seruit dum sibi suisque vitis seruit, crudelissimis certe Dominis. *Catenas ligneas contriuiisti, & facies pro eis catenas ferreas.*

Vide locum Prophetæ. Et in 3. p. Hebdom. 1. In solemnitate Sanctissimi Sacramenti de quo hæc inter alias habetur Veritas :

Quibus amarum est conuersari cum Domino, delicias eius conuertunt in amaritudinem.



FERIA QVINTA.
DE ADEVNDO CHRISTO DOMINO
IN ADVERIS.

46 Feria 5. Hebd. 22. post Pent. Venite ad me omnes, &c.

Venite ad me omnes qui laboratis, & onerati estis,
& Ego reficiam vos. Matth. 11.

VERITAS PRACTICA.

Sic laborantes Christus reficit, non ut labor ipsis deficiat, sed ne ipsi laborantes, labori suo deficiant.

RATIO EST, Quia Christus laborantes & oneratos reficit, quo sensu & modo ipsi est gloriosius, & nobis utilius.

Sed gloriosius Christo est, & nobis utilius sic quo dictum est sensu & modo, laborantes reficere.

Ergo sic eos reficit, non ut labor ipsis deficiat, sed ne ipsi laborantes labori suo deficiant! Quod quàm sit scitu utile, patebit ex discursu.

I. PUNCTVM.

SATIS Christo non fuit contra prospera suos instruere nisi & contra quæuis aduersa roboraret, ut quod postea docebat Apostolus, in omnibus exhiberent semetipsos sicut Dei ministros, in multa patientia, in virtute Dei, per arma Iustitiæ, à dextris & à sinistris. Quæ quidem dextra & sinistra non sunt illa tantum externa bona & mala mundi quæ cunctis eueniunt hominibus, & quæ parùm mouent viros Sapientes & perfectos; sed sunt illa etiam interna & domestica quæ quique sanctiores patiuntur. Seu potius, dextra & sinistra quædam manus interior intelligitur quæ utraque nobis sic est utendum, ut non minus sinistra fortes quam dextra simus. Sic præclare apud Cassianum Theodorus Abbas: Duabus, inquit, partibus, & ut ita dixerim manibus interiorem hominem nostrum subsistere prouidemus, nec cuiquam sanctorum cavere hac sinistra quam dicimus potest; sed in hoc virtus perfecta discernitur, si utramque in dexteram bene utendo conuertat, id est, si neque prosperis offeratur, nec deprimatur aduersis, sed utrobique constans ex neutro vitium, ex utroque virtutem eliciat.

Quem in sensum Christus Dominus, postquam ut dictum est, de bono prosperitatis usu suos edocuit, quomodo etiam in virtutem aduersa conuerterent, opportunè intruxit. Sic enim inuitat omnes qui laborant & onerati sunt ut ad se confidenter accedant, & sic eis promittit se illos refecturum, non ut illorum laborem omnino tollat, nam sic & illorum virtutem & virtutis meritum tolleretur; sed ut potius magis laborent, magis libere, magis libenter, magis fructuosè. Dici quidem posset esse beatitudo æterna qua suos Christus reficeret: Nec aberraret à vero qui diceret onus esse Mosaicæ legis quo suos aliquando subleuaret: Nec denique negari debet sic Christum ad se accedentes solitum esse reficere, ut non minus animo quam corpore sani discederent. At vero quod dictum est de virtute à laboribus educenda, & de subsidiis à Christo Domino referendis ut labores utilius tolerentur, magis Euangelio congruit, magis diuino conforme est instituto, magis ordinariæ respondet prouidentiae qua suos Christus ita exonerat & aduersis liberat, non ut aduersa non sentiant, sed ut libenter sentiant & tolerant.

Quod in primis certe sciendum est & omnino intelligendum, ne si forte in aduersis dum ad Christum te vocantem accederes, nec te tuis aduersis liberatum sentires, minus bene de illo cogitares quasi qui promissa non compleret. Non sic inertes & dissoluti, non sic Christus ad desidiam nos omnes vocat cum nos omnes ad se vocat. Non sic laborantes & oneratos reficere dicendus est ut omnis eis labor & omne onus deficiat: sed ne ipsi potius suo deficiant oneri & labori; Quod sanè Ratio hæc quæ affertur satis euidenter demonstrat: Nam illo ipso sensu & modo Christum laborantes reficere, Fides & Ratio facile suadent quo cætera facit omnia, quo ipsi scilicet videtur & gloriosius, & nobis forte utilius. Licet enim Christus dixerit se non quærere suam gloriam, non quasi homo, non quasi humanam & temporalem, non quasi aliam à Deo Patre quærere gloriam intelligendus est; nam ut erat Deus non poterat non diuinam in omnibus suis quærere gloriam. Quem enim alium habere finem præter se dicendus ille est qui non minus est finis omnium quam illorum principium: & de quo propterea scribitur, *uniuersa propter semetipsum operatus est*? Quid autem aliud sibi tanquam sui finem operis potest Deus quærere quàm gloriam, cum voluptas, gaudium, & alia bona quæ animo

Ioh. 8.

Prov. 16.

possidentur, interna sint & quibus crescere non possit Deus: sit vero gloria bonum externum aliquod quo quidem in se Deus nec potest crescere ut major inde sit, sed in nobis quodammodo & exterius crescit, quatenus ille qui latebat ignotus, agnoscitur, honoratur, invocatur & colitur, Vnde ipse Deus, *omnem*, inquit, *qui invocat nomen meum, in gloriam meam creavi eum, formavi eum & feci eum.*

15. 43.

Tract. 58
in Ioan.

Sic apte sanctus Augustinus ad illa Christi D. Verba: *Vos me vocatis magister & Domine, & bene dicitis, PERICULOSUM est*, inquit, *sibi placere, cui cavendum est superbire. Ille autem qui super omnia est, quantumcumque se laudet, non extollit se. Nobis namque expedit Deum nosse, non illi, nec enim quisque cognoscit si non se indicet ipse qui novit.*

22. q. 1. 2.
4. 2. ad 1.

Ex quibus verbis, Divus Thomas manifestè concludit aliud quod prima hac propositione continetur de utilitate nostra simul cum divina conjunctum gloria; Nam si Deum querere suam gloriam nihil aliud sit quam se nobis notum facere, quid utilius nobis potest accidere quam Deum nosse & amare? Quid porro apertius manifestet hanc nobis utilitatem à Christo queri, cum hac nostra utilitas sit indivisa & inseparabilis ab ipsa divina gloria quam semper Christus querit?

Esto id autem quod maiorem quam posset querere gloriam ac nostram utilitatem non semper querat Deus, cum multo plures mundos ac homines posset condere à quibus gloriosius coleretur, nil obstat tamen quo minus verè dicatur quidquid agit hoc agere modo quo est ipsi gloriosus, & nobis utilius: nam cum aliud sibi agendum esse non iudicat neque velit, profecto id illi dicendum est esse gloriosus, ac nobis omnino utilius, quod ita sibi & nobis iudicat. *Nam pondus & statera, iudicia Domini sunt.* Id est, tam iustum & æquum est quod iudicat, ut quod alibi etiam dicitur, *nec sit minuire neque adicere, nec sit invenire magnalia Dei.* Tam alta, tam mira sunt, tam sapienter omnia condita, ut nihil ipsi nec nobis melius cogitari possit, aut debeat.

Pr. 16.
Eccl. 18.

Adde quod quando aliquid vel gloriosius Deo, vel nobis utilius dicitur, non inicit comparatio cum his quæ Deus maiora posset facere, sed cum istis solum quæ nobis viderentur æquiora si nostram sequeremur sensum; Tunc autem quis non videat id melius esse quod sic esse Deus iudicat, quam nos sentiamus, cum in adversis præsertim

praesertim corrumpantur sensus, & omne deprauetur iudicium?
O homo tu quis es qui respondeas Deo?

Rom. 9.

II. PUNCTVM.

SED gloriosus Deo & Christo est; ac nobis utilis, si Christus laborantes sic reficiat, non ut labor ipsis deficiat, sed ne ipsi laborantes labori suo deficiant.

Primo quidem de maiore Diuina Gloria quæ inde prouenit, sic aperte demonstratur. Nam cum tantò sit maior Dei gloria, quantò eius diuinæ perfectiones magis elucescunt, profectò hinc tres illæ notiores in quibus gloriam potissimum solet Deus, elucescunt splendidissime, Potentia, Bonitas, & Sapientia. Dupliciter autem Potentia potest intelligi, primo Dominium absolutum quod habet Deus in vniuersas Creaturas, ut de his statuat prout velit. Deinde potestas ipsa siue facultas statuendi de omnibus prout ipse velit, quo utroque in sensu vide quanta hinc diuina Potentia, quale Dei Dominium! Tunc profectò praesertim apparet, quando non morbi, non ægitudines, non onera quauis aliunde imposita, non labores corporis aut animi cedunt impetranti Christo, sed ipse, totus ipse homo cedit Christo, quando non cedit aut deficit suo labori.

Certe quantò nobilior est Creatura, vel quanto praestantior est illa pars Creaturæ cuius exigitur obedientia, tanto etiam altius & superius agnoscitur esse Dominium cui tale deferatur obsequium. At vero inter Creaturas sublimiores quid praestantius Homine, quid nobilius illa hominis parte qua libertas eius constat; quo denique clarius tempore libertatem suam diuino mancipant homines obsequio, nisi cum libenter laborant Deo suo sic iubenti cuius imperium tantum faciunt, ut ne tantisper à se soluantur, malunt se totis ipsis dissolui? Esto etiam post longa seruorum obsequia nihil seruis Deus suis quàm flagella quàm onera quàm labores immittat, non desinent tamen seruire serui, & se beatiores prædicabunt seruire laborantes & flagellatos tali suo Domino, quàm si cuius seruirent alteri à quo vel ingentes acciperent laborum suorum prouentus, vel breues exitus. Hoc est diuinam agnoscere Potentiam, hoc est altissimum eius deprædicare Dominium, hoc est quod enarrat gloriam Dei longe clarius quàm cæli, terræ, mariæ,

15. 42.

quam vniuersa quæ his continentur Creatura, quæ cum sint sensu & libertate destituta, minus Deo præstant quicquid præstent quam homo liber & solutus qui se tamen libere ac libenter totum Deo suo tradit & subicit, quantiscumque in laboribus, angustis, difficultatibus, a rumnis, mortibus, atque ipso etiam, si Deus iusserit, exhausto interno quo nihil truculentius. *Seruus meus es tu, elegi te.*

Qualis porrò est illa Dei Bonitas in seruos suos cum ex vna parte sic eos reficit ut tanto minus laborent quanto libentius: ex alia parte sic eos parat ad immensos gloriæ cumulos, ut tanto magis mereantur quanto quid libentius tolerant! Potestne videri status eo felicior quo quis tanto magis mereatur, quanto minus laboraret? Hic est status serui laborantis quem reficit Christus, hæc est eius Bonitas sic eos reficere laborantes. Nam si solum laborarent non refecti, non essent quidem sine merito, nec sine premio, sed labor esset durus: Quod si verò sic reficerentur ut omnino non laborarent, nonne simul ut dictum est non mererentur, quod esset illis durius labore suo quantumvis duro. Laborant igitur ne suo defraudentur merito, sed tranquille laborant ne si labor tranquillius non esset, non esset constans. *Labora sicut bonus miles Christi Iesu*, numquam scilicet bonus miles nisi iussus castra vel stationem suam deseruit.

1. Tim. 2.

Sapientia denique diuina hic elucet quando hinc intelligunt facile homines, esse aliam vitam ubi large suos compenset Deus, quos ita vult laborantes in præsentia, ut labor illos nisi cum vita deferat: *Cum enim virum iustum*, inquit sanctus Ioannes Chrysostomus, & multa plenum virtute, innumera passum mala, & sic hinc digressum videris, oportet ex hoc omnino aliquid de illi iudicio cogitare: *Si enim pro se homo laborantes sine premiis & retributione abire non permittit, multo magis eos qui tantum laborauerunt, numquam incoronatos remanere Deus decerneret. Si autem ipsos laborum suorum retributione priuare non elegit, omnino necesse est quoddam aliud tempus esse post præsentium finem per quod præsentis vita laborum retributiones recipere.* Quam sanctus Doctor rationem paulo post resumit, & multo dilatat fusius: Sed hæc sufficiant ad indicandas illas diuinas Perfectiones quæ ubi magis apparent, ibi major elucet Dei Gloria: magis autem apparent dum Christus sic suos reficit ut non illis labor deficiat sed labori laborantes non desint, non se sub-

Hom. 1. ad
Hebr.

trahant, non fatiscant, non deficient.

Sic enim & illis longe magis vtilius, quod erat alterum propositionis Caput, siue præteritum spectes tempus, siue præsens, siue futurum.

Quis enim nostrum sine peccato? Quid vero expiandis peccatis aptius quam posse semper mereri, quam posse semper id tibi comparare quo contracta dissolvas debita? Nonne David audierat sibi remissam esse adulterij & homicidij culpam? sed non pœnam, 2. Reg. 16. ac propterea dum conuitiis appeteretur, conuitia libens tolerabat, quia sic peccato suo puniendo se satisfacturum credebat plenius.

De præsentem autem quid statuas opportunius, quam ut magis præsentem ac fauentem tibi Christum concilies? At quo id modo certius nisi labore continuo, nisi tolerandis aduersis, nisi exantlandis difficultatibus: quo tempore sic Christus certò adest, ut hoc Ipse certum designet tempus quo præsertim adest, quasi non alio sic præsens esset: *Cum ipso sum, inquit, in tribulatione.* Quæ diuina Psal. ps. 90. mi verba S. Bernardus explanans: *Omne, inquit, gaudium existimemus cum in tribulationes varias inciderimus, non modo quia per multas tribulationes oportet nos intrare in regnum Dei, sed quoniam iuxta est Dominus his qui tribulato sunt corde. Si ambulauero in medio umbræ mortis, ait quidam, non timebo mala, quoniam tu mecum es. Ita ergo nobiscum est, omnibus diebus, usque ad consummationem sæculi. Quando autem nos erimus cum ipso.* Et quæ plura de futuro felicitatis æternæ præmio quod ut certum ut amplum ut copiosum tibi compares, nihil præsentius quam si laborare non desinas cum labori merces ita ex æquo respondeat, ut æternæ mensura beatitudinis sit labor vitæ præsentis. *Vnusquisque autem, inquit expresse 1. Cor. 3. Apostolus, propriam mercedem accipiet, secundum suum laborem. Dei enim adiutores sumus.* Et Psalter Regius: *Labores manuum tuarum quia manducabis, beatus es, & bene tibi erit.* Manducari dicuntur labores in hac vita quia id manducatur quod labore paratum est: sed in cœlo manducantur labores quia cœlestis beatitudo sic ex illis conficitur laboribus ut quantus fuit labor, tanta sit illa cœlestis futura beatitudo. Sicut quod manducatur transit in manducantis substantiam, & illo solo nutritur, sic labores quodammodo transeunt in beatitudinem, & tantum cuique bene erit quantum hic laborarit. Potestne aliquid cogitari vtilius aut beatius hoc labore quo æterna constat beatitudo?

III ij

III. PUNCTVM.

SIC ergo Christus laborantes reficit ut non penitus tollat laborem, sed laboris tedium ac molestiam. Non ut desistat labor, sed ne ut desistas labor, sed ne ut desistant laborantes; non ut liberentur onere, sed ut onus libere libenterque ferant. Quia id scilicet & Christo est gloriosius, & cuius utilius homini qui non magis nascitur ad laborem pro hac vita sustentanda, quam pro aeterna possidenda. *Ut ne fatigemini, animis vestris deficientes. Disciplinam Domini ne abiciatis, nec deficiatis cum ab eo corripieris.* Non est verò tantum deficere si nihil agas, sed si leuius aliquid aut quidquam aliud quam Christus velleret, suscipias. Quod certe tibi non ceder in prosperum, nam quid sine Christo agas? Quantumcumque sit illud leue ac facile, putasne te aliquid sine illo posse? Putasne vero tibi eum affuturum, cum ab eo quod velleret deficiis in id quod noller? Nonne facilius agas cum Christo quidquid grauius ille iusserit, quam sine illo quidquid leuius tibi elegeris? o quam propterea consideratè Sapiens: *Metuentes Dominum sustinete misericordiam eius: & non deflectatis ab illo, ne cadatis.* Misericordia scilicet Domini est quod laborantem reficiat & confortet, sed tamen sustinenda est illa misericordia, quia non sic reficit & confortat quin sit semper laborandum, & laboranti multa sustinenda quæ nisi sustineres, deficeres. Cauenda vero non minus est talis defectio, quam ipse casus animæ sempiternus.

Vide in 1. p. Dom. 4. Aduentus, vbi multa his affluunt. In 2. p. Fer. 6. Hebd. 2. in Quadragesima. In 3. p. Die 10. Augusti in Festo S. Laurentij. Et primam Homiliam D. Chrysostomi ad pop. Antioch. quæ tota pene est de hac singulari materia.



FERIA SEXTA.

DE TOLLENDO CHRISTI IVGO
QVOD SVAVE EST.

Iugum Christi licet insuaue, ferendum esset, quantum, &c. 453

Tollite iugum meum super vos.

Iugum enim meum suaue est, & onus meum leue.
Matth. II.

VERITAS PRACTICA.

Iugum Christi licet insuaue, ferendum esset ; quantum magis suaue ?

RATIO EST, Quia quantum maiora sunt rei agenda motiua, & minora impedimenta, tanto rei peragenda maior est obligatio.

Sed quando proponitur Iugum Christi suaue, maiora sunt eius ferendi motiua, & minora impedimenta, quam si proponeretur insuaue.

Ergo magis ferendum est ; Ergo si ferendum esset quantumvis asperum & insuaue, quantum magis ferendum est leue ac suaue ? Quod tamen multi recusant.

L P V N C T V M.

SIC profecto est quod præcedenti dicebatur discursu ; tan-
tisque refert sibi firmiter illud persuadere, vt propterea
Christus Dominus quæ modo consideranda occurrunt,
consequenter addiderit : *Tollite Iugum meum super vos, & paucis*
interiectis quæ remittuntur in crastinum, Iugum enim meum suaue
est, & onus meum leue. Quasi diceret : Cum me profiteor refectio-
nem eos qui me in suis ærumnis ac laboribus conuenient, tantum
abest vt profitear me labores eorum penitus ablaturum, quin po-
tius omnes admonéo vt tollant iugum meum super seipsos, id est,
laborent mecum, mecum operentur, mecum patiantur. Non
desinam tamen illos reficere quia labor ille qui mecum suscipitur
gratusest & iucundus ; iugum illud est suaue & onus leue. Ne pu-
teris talem esse refectionem & requiem animarum quam promie-
to, vt non sit vobis deinceps laborandum, non est ita, nam iugum

offero, iugum prædico, iugum impono quod est laboris & operæ signum. Ne vero etiam iugi ferendi laboribus & laborum difficultatibus deterreamini, tale est iugum ut ferentibus non sit modo leue ac facile sed iucundum & suaue.

Per hoc autem Christi iugum vel generatim intelligenda est vniuersa Christianæ religionis disciplina, vel particulatim quævis Veritas Practica seu virtus in praxi quæ velut quoddam iugum est quia nos ita cum Christi gratia iungit & constringit ut si velimus ex illa gratia virtutem exercere, naturæ sensus & motus sint colligandi, restrainandi, subjiciendi, atque ita quodammodo incedendum intus & extra sicut solent incedere qui iugo simul connexi sunt, non vage, non libere, non quaquauersum effusè, sed constrictè, dependenter, ex præscripto. Sic omne legis imperium dicitur in praxi iugum, *Confregisti iugum meum, rupisti vincula mea*; Et qui exleges, indisciplinati, & dissoluti sunt, dicuntur esse absque iugo, dicuntur filij Belial, id est, sine iugo, *reuersi sunt ut essent absque iugo*.

Quod cum sit valde alienum à Christiana & religiosa virtute, Virtus in praxi dicitur iugum, & hoc iugum nobis hodie proponitur quod deinceps libenter tollatur & numquam deponatur, quia videlicet suaue est iugum, & quia consideratio suauitatis huius multum valere potest ad illud acceptandum. Nam licet etiam infuaue nobis esset, esset ferendum: at quanto magis id concludendum est cum suaue sit & iucundum?

Ratio Conclusionis est, quod cum sint cuiuspiam rei agendæ suæ motiua & impedimenta opposita, sic communi omnium sensu experimur, ut quanto maiora & potentiora fuerint illa motiua, quantoque simul minora & leuiora fuerint impedimenta contraria, magis ac magis sentiamus nos eò ferri quò nos motiua inducunt; nam & vis attrahens est potentior, & vis retrahens infirmior, quæ sanè duo sunt quæ plurimum faciant ad flectendos & conuocandos eò animos quocumque velis.

Nam si vel motiuum agendi non esset potens, vel si ratio quædam non leuis momenti opposita multum inde retraheret, aut si vel ex æquo concurrerent illa duo simul inter se pugnandia, pugnandum forte tum esset acrius ad inflectendos animos; Sed cum ea quæ attrahunt, magni sunt ponderis; quæ verò retrahunt non nisi leuia, propèque nulla; quis sanæ mentis reluctetur? *Qua*

enim re apud me indiges? Dicebat id Pharaō cuidam Idumæo quem Reg. 11.
dolebat à se discedere, quasi diceret, cum multa sint quæ te me-
cum retineant, pauca verò vel nulla quæ te à me diuellant: cur
odiosum discessum cogitas? O quam longe id verius à Christo no-
bis diceretur!

II. P V N C T V M.

HO C est quod secunda Propositio continet, hoc est quod
iugum Christi sic ferendum suadet vt numquam de illo
amouendo cogitetur: quando scilicet proponitur nobis à Christo
suaue & leue, *tunc maiora sunt eius ferendi motiua & minora impedi-
menta quàm si esset durum & insuauē.*

Non deessent quidem motiua ferendi oneris à Christo nobis
impositi, quantumcumque nobis illud graue & asperum esset
onus: Nam cum sit tam absolutus omnium Dominus vt de vno-
quoque possit pro suo statuere libito, nec vlli hominum liceat
queri aut quærere cur ita facis? cur non ferret seruus imperatum
sibi onus à tali Domino, præsertim seruus tot debitorum reus
quanta sunt quæ peccauit, tot tantisque pœnis obnoxius, quan-
ta sunt inferorum supplicia quæ promeruit: tali denique compen-
satus præmio quale illud est ad omnem æternitatem cœleste
Donatiuum? Nonne hoc semper Apostolicum esset verum: *Non* Rom. 8.
*sunt condigna pœniones huius temporis ad futuram gloriam qua reuelabi-
tur in nobis?*

At verò si hæc valent ad ferendum onus graue, nonne magis
valeant ad ferendum suaue, cum in illa suauitate reluceat
admiranda hæc Christi bonitas qua misertus nostri non æterna
solum supplicia quæ peccatis nostris debebantur, in temporales
commutauit pœnas, sed has etiam pœnas delinire ac sua quadam
suauitate condire voluerit. O inauditam clementiam! ô verè di-
ctum à Psalte Regio, *Etenim Dominus dabit benignitatem*, siue vt
quidam legunt, *suauitatem*, & *terra nostra dabit fructum suum*. O
præclare intellectum à sancto Augustino cum ita versum hunc
interpretatur: *Dabit tibi vt incipiat te delectare iustitia, quem primo
delectabat iniquitas: vt qui primo gaudebas in ebrietate, gaudeas in
sobrietate, & qui primo gaudebas de furtis vt tolleres homini quod non
habebas, quæras donare non habenti quod habebas. Et quem delectabat*

456 Feria 6. Heb. 22. post Pent. Tollite iugum meum super vos.

rapere, delectet donare: quem delectabas spectare, delectet orare: quem delectabant cantica nugatoria & adulterina, delectet hymnum dicere Deo: currere ad Ecclesiam qui primo carrebat ad theatrum. Vnde nata est ista suauitas nisi quia Dominus dabit suauitatem, & terra nostra dabit fructum suum?

Tam insignis certe Bonitas quando sola per se spectaretur, nouum est quoddam beneficium quo alia omnia cumulantur, sed non est sola, non est vnum duntaxat beneficium, at multa simul conglobata: nam vt homo sic suauiter afficiatur rebus quæ prius illum asperabant, quantis putas opus esse gratiis, quæ intellectum illustrent, quæ voluntatem accendant, quæ appetitus frangent, quæ mundi vintant illecebras & Dæmonum conatus frangent? Tot vero simul conferre gratias & tantam erga miseros peccatores exercere Bonitatem, Nonne tibi videtur motuum maius ac potentius quam si tanta non esset Beneficentia?

Sermo 19. in
Ps. qui ha-
bitas.

Sic agnoscebat & profitebatur sanctus Bernardus, cum ad verba Christi de suo iugo loquentis hæc scriberet: *Laborantes ad refectiorem inuitat, ad requiem prouocat oneratos. Non tamen interim onus subtrahit aut laborem, magis autem onere alio & labore commutat sed onere leui, suauis iugo in quibus requies ac refectio, etsi minus appareat, tamen inueniatur. Graue onus iniquitas sedens super talentum plumbi. Sub hac gemebat sarcina qui dicebat: Iniquitates mea supergressa sunt caput meum, & sicut onus graue grauata sunt super me. Quod ergo onus Christi, quod onus leue? ut quidem ego sentio, onus beneficiorum, dulce onus, sed ei qui sentit, ei qui experitur. Et post multa sic concludens, **ONERAT NOS, inquit, CVM EXONERAT DEVS; ONERAT BENEFICIO, CVM EXONERAT PECCATO.** Id est, nos magis obligat ad agendum & patiendum, quam si nos beneficiis non affecisset; & sicut illa obligatio dicitur onus, dicitur etiam onus leue & suaue, quia profecto suaue est & iucundum sic onerari beneficiis: atque ita, quod mireris, suauitate nos ad suauitatem adducit, dum beneficiis suis nos magis onerat & obligat ad suaue suum ferendum iugum. *Computrescet iugum a facie olei, ab influente scilicet gratia.**

Ps. 10.

NUNC quod est aliud de minori obstaculo siue impedimento iugi ferendi, pater euidenter, cum maius aut pene totum illud obstaculum sit difficultas & insuauitas, quæ hoc ipso tollitur quo
affirmatur

affirmatur esse illud iugum suaue, & onus leue. Quid enim præterea est quod excuses, si te in exercendis Christianis virtutibus minime frangas & superes? Nonne vides quam sint illæ omnes virtutes eximix, rationabiles, opportuna, necessaria, cur non igitur illas impensius colis? Responde, aut potius repete quod respondere soles, dum te ais sat videre quàm sint omnia quæ iubentur, præstantia: sed aliud esse id videre cogitando, & aliud exercendo; difficultas scilicet exercitij, seu exercitæ veritatis & virtutis, horrorem incutit. Quid enim generoso animo magis horrendum, quam iniuriam ferre, quàm cedere aliis, quam egere, quàm subjici, quam similia quauis pati quæ Iugo Christi colligantur? Hoc est scilicet, hoc est quo te ab illo Christi ferendo iugo excusas. Hoc est vnde asseritur nullam esse tuam excusationem, cum totum illud quod putas esse difficile, dicatur à Christo Domino esse perfacile.

Quid hic causaberis, quid rursus objicies, quam te in partem vertes? Nonne id credis Christum dixisse? Nonne id verum credis quod Christus dixit? Nonne id omne falsum & nullum est quod illi veritati opponitur? Nonne id illi denique veritati opponitur quod excusas de difficultate virtutis in praxi? Quid enim magis oppositum quam suaue & insuauē, quam graue & leue, quàm difficile & facile? Quid proinde magis nullum quam quod excusas?

III. P V N C T V M.

ATQVE hinc euidenter concluditur quanto sit affectu Iugum Christi tollendum: *Nam licet insuauē nobis esset, esset tamen ferendum, quanto magis cum illud suaue est.* Sic enim ex consideratione Diuinæ beneficentiæ quæ in illa suauitate continetur, augetur motiuum agendi, & tollitur impedimentum quod erat metus difficultatis; Nihil iam vero timeas: *Ego inquit Dominus, præcipio tibi, confortare & esto robustus. Noli metuere & noli timere quoniam Iugum est Dominus Deus tuus in omnibus ad quacumque perrexeris.* Idcirco enim dici iugum iam audiuiſti, quo te Christo & Christum tibi iungas.

O quid ultra desideres? ô quid ultra excuses? Restabit illud forte semper quod dicas te id non sentire, non experiri quod de suauitate promittit Christus: sed omnia prorsus opposita, teque aliud non posse loqui & sentire quam ex proprio tuo sensu.

Sed audi semel, audi quam multum ille tuus erret sensus. Primo, non est ita sensibilis ista suauitas vt sensu aliquo percipi debeat sicut quæ dicuntur suauia gustui, vel aliis sensibus. *Pax Dei est quæ exuperat omnem sensum, & custodis corda nostra & intelligentias nostras in Christo Iesu*, id est, quæ non sistit in corpore sed in anima, non in anima quæ pars animalis & inferior dicitur, sed quæ intelligentia & superior nuncupatur, non qualem etiam humana format natura vel scientia, sed quæ tota est Christi Iesu. Non deest itaque suauitas, sed illa tantum deest exterior & corporea quam tu quæris & quereris te non sentire, cum esset intus quærenda, *Intus eras, & ego te foris quærebam*, aiebat S. Augustinus.

Quod si de interna etiam te loqui asseras, nec te villo magis affici sentias interno sensu quàm externo, quid inde porro concludis? quid definis? Nullamne Iugi suauitatem dices quia nullam sentis? ô te inconsultum qui nescias internum sensum non minus deprauari quam externum! An si ægrotus negaret vllam esse panis suauitatem quia non eam sentit, tu ægroto crederes potius quam tibi vel aliis bene sanis? Non enim à sensu tuo probanda vel improbanda est illa suauitas; sed ex illa suauitate gustata vel non gustata probandus est sensus tuus, verùm sit sanus & rectus. Nam quotquot sano sunt palato cordis, vel cum Dauide dicent, *Quam dulcia faucibus meis eloquia tua*. Vel cum Apostolo. *Repletus sum consolatione, superabundo gaudio in omni tribulatione nostra*, vel cum sancto Augustino, quod sapius alias, sed numquam oppor-
 tunius est auditum, *Vbi erat tam annofo tempore, & de quo imo altoque secreto euocatum est in momento liberum arbitrium meum quo subderem cernicem leni iugo tuo, & humeros leni sarcina tue, Christe Iesu, adiutor meus, & redemptor meus? Quàm suauem mihi subito factum est carere suauitatibus nugarum! & quas amittere melius fuerat, iam dimittere gaudium erat. Ejiciebas enim eas à me, vera Tu & summa suauitas: ejiciebas & intrabas pro eis, omni voluptate dulcior, sed non carni & sanguini*. Et alibi consequenter: *Mansuescisti iugo tuo cernicem meam: Et nunc porto illud, & leue est mihi, quoniam sic promisisti & fecisti, & verè sic erat, & nesciebam, quando id subire metuebam*.

Recte sunt illi corde & sano cordis palato qui hoc sentiunt, an tu qui hoc cares sensu? Itane vero Tu sensus es omnis expertus, ut aliquando deposita graui peccatorum quæ te multum premebat sarcina, non senseris illico pacatæ mentis quandam suauitatem quæ supra omnes carnis illecebras tibi suauius sapiebat?

Sed transierit iste suauitatis sensus, & quam te modo sentire ais in virtutis exercitio remaneat asperitas & quæuis difficultas. Non enim illam tollimus, ut supra dictum est, sed bene illa utimur, ac bonus ille usus, tale est condimentum difficultatis ut ipsa quædam suauitas dici possit.

Quid enim suauius Christiano quàm se Christo conformem reddere? Quid autem Christo conformius quam tolerantia difficultatum? Quid suauius amanti Deum quam sui posse amoris aliquod indicare vestigium? At nullum certius quam tolerantia? Quid suauius cogitanti peccata quam si possit illa diluere? Diluit tolerantia si constans fuerit. Quid denique suauius ad æternam aspiranti beatitudinem quàm si breuius & tutius ad illam iter arripiat? Hoc iter est tolerantia; quæ proinde tam certo sibi adiunctam habet suauitatem, ut qui hanc non percipiat, in horum alterutrum cadat necesse est, aut nihil esse suauitatis in amando Christo, aut se non amare Christum. Quid respondes qui murmuras in ærumnis; quid tibi de te videtur? an te negabis amare Christum? an negabis amorem Christi suauem esse? Quidquid dixeris, vlcus est; & satius esset agnoscere quod si nihil suauitatis, & plurimum difficultatis in ferendo Christi iugo percipias, non id à iugo Christi proficisci, quod certe suaue est toleranti, sed ab illis quinque bouum iugis de quibus in Euangelio Christus Dominus, & in *Luc. 14.* sermonibus sanctus Bernardus, & nos suprâ in hac parte, Feria 6. Hebdom. 17. ubi & videndum Sabbatum sequens de Centuplo. Nec non in 1. p. Dom. 4. in Aduentu, *Erunt praua in directa, & aspera in vias planas.*



SABBATO.

DE IVNGENDA SIMVL VTRAQVE
VIRTUTE QVAM COMMENDAT CHRISTVS
AD NOSTRÆ REQVIEM ANIMÆ.

*Discite à me quia mitis sum, & humilis corde : &
inuenietis requiem animabus vestris. Matth. 11.*

VERITAS PRACTICA.

Sic mitis & humilis inuenit requiem , vt nisi simul
sit mitis & humilis ; non sit quietus.

RATIO EST, Quia nemo est quietus nisi ordinatus.

Sed nemo est ordinatus nisi sit simul mitis & humilis.

*Ergo nec quietus : Ac proinde quantum desideras anima tue re-
quiem , tantum sis mitis & humilis corde.*

I. PUNCTVM.

Ecclesi. 51



QVOD dixit Sapiens qui dictus est Ecclesiasticus in fine
sui operis, hoc ipsum Christus Dominus in fine sermonis
illius quem tota hac audiuius hebdomada, nobis exhi-
buit. Collum vestrum, inquebat ille Sapiens, subicite iugo, & sus-
cipiat anima vestra disciplinam, In proximo est enim inuenire eam.
Videte oculis vestris, quia modicum laboraui & inueni mihi multam
requiem. Sic Christus Dominus postquam dixit, Tollite iugum meum
super vos, tum consequenter de suscipienda disciplina, Discite à
me quia mitis sum & humilis corde. Ac postremo de requie, Et
inuenietis requiem animabus vestris. Quod & Propheta Ieremias sic

Ier. 6.

paucis futurum prädixerat: *Videte qua sit via bona, & ambulate in ea, & inuenietis refrigerium animabus vestris.* Quasi diceretur, non est corporum ista requies, non est inertium, non est otiosorum hominum; nam tollendum est iugum, & ambulandum & laborandum; sed in istis laboribus vera est requies, quod sit requies animæ, quæ sola vera est.

Cum multa verò videantur ad illam spectare requiem, tum hæc duo præcipue proponuntur, *Mansuetudo & Humilitas cordis*, quia videlicet sic conjuncta simul pacem & requiem afferunt ut nisi sint iuncta simul, pax alioquin & requies possideri non possit.

Ratio est prorsus eadem pro utroque demonstrando, nam sicut pax ibi est & tranquillitas, ubi est ordinatio partium, ita nisi talis subsistat ordinatio, nihil in animo tranquillum & quietum. Vide in 3. parte, Feriam 4. Hebdomadæ decimæ, ubi ex Diuo Augustino id abunde declaratur. Et in libris de ordine, parte 2. discursu 8.

II. P V N C T V M.

SED *mitis & humilis est ordinatus, & nemo est ordinatus nisi sit simul mitis & humilis.*

Nam illa partium ordinatio sic stabilitur ut Appetitus Rationi & Ratio subjiciatur Deo: quod sæpe alibi demonstratur. Sicut autem mansuetudinis est appetitum subicere Rationi, ita & Humilitatis Rationem Deo submittere. Nonne hinc igitur est illa partium ordinatio?

Sed nisi etiam talis fiat subiectio, poteruntne dici partes inter se ordinatæ? Nisi verò temperet animum mansuetudo, ac Rationem humilitas Deo subjiciat, quænam poterit illa esse subiectio? Nonne propterea Sapiens in Prouerbiis, *Melius est, inquit, humiliari cum mitibus quàm diuidere spolia cum superbis*, quia scilicet melius est animo esse ordinatum, quam si dum alios ordinare velis, tu ipse sis inordinatus.

III. P V N C T V M.

SIC igitur *mitis & humilis inuenit requiem, ut nisi simul sit mitis & humilis, non sit quietus.* Quia scilicet non erit ordinatus,

unde sicut ordinatus & quietus pro eodem sumuntur; ita inordinatus & inquietus. Et sicut mitis ac humilis facile est ordinatus, ita prorsus immitis & superbus, semper inordinatus est. Hæc est illa iustitia quæ pacem osculatur, quando per mansuetudinem sic appetitum continueris, ut ab omni malo declines, & per humilitatem sic te Deo subicias ut omne bonum facias. Sic prælare

Pf. 84. Dīvus Augustinus ad illum Psalmi verbum, *Iustitia & pax osculata sunt. Fac iustitiam, inquit, & habebis pacem, ut osculentur se iustitia & pax. Si enim non amaveris iustitiam, pacem non habebis. Amant enim se duo ista, iustitia & pax, & osculantur se, ut qui fecerit iustitiam, inueniat pacem osculantem iustitiam. Duæ amicae sunt, tu fortè unam vis, & alteram non facis. Nemo est enim qui non vult pacem, sed non omnes volunt operari iustitiam. Interroga omnes homines, vultis pacem? Vno ore tibi respondet totum genus humanum, opto, cupio, volo, amo. Ama & iustitiam, quia duæ amicae sunt, iustitia & pax. Iustitia & pax, ipsa se osculantur. Si amicam pacis non amaveris, non te amabit ipsa pax, nec veniet ad te. Quid enim magnum est desiderare pacem? Quivis malus desiderat pacem. Bona enim res est pax. Sed fac iustitiam, quia iustitia & pax se osculantur, non litigant. Tu quare litigas cum iustitia? Ecce iustitia dicit tibi, Ne fureris, & non audis, Ne adulteres, & non vis audire: Non facias alteri, quod tu pati non vis; Non dicas alteri quod & tibi dici non vis: Inimicus es amica mea, dicit tibi pax, quid me quæris? Amica sum iustitia, quemcumque inuenero inimicum amica mea, non ad illud accedo. Vis ergo venire ad pacem? Fac iustitiam: ideo alius Psalmus dicit tibi, Declina à malo & fac bonum: hoc est ama iustitiam: & cum iam declinaueris à malo, & feceris bonum, quare pacem & persequere eam. Iam enim non diu illam quæres, quia & ipsa occurret tibi, ut osculetur iustitiam.*

Exod. 10.

Matth. 7.

Pf. 36.

Vide in 2. p. Sabbato Sancto, ubi de vera libertate.

Quàm porro euidenter hæc virtutes Mansuetudo & Humilitas emineant in Christo Domino & quàm proinde sit facile omnibus illas ab Eo discere, non est quod longius explicetur.

Et verò verba, *Discite à me quia mitis sum & humilis corde*, possent in alium sensum trahi ut non significarent has duas virtutes tantum à Christo esse discendas, sed quidquid aliud discendum est, quasi non sit alius Doctor & Magister à quo tutius & facilius quidquam discamus quam ab Illo, quia videlicet *mitis est & humilis*, quasi rationem hanc ipse redderet cur ab ipso potissimum erudien-

di effemus, quia videlicet hæc duæ sunt qualitates quæ magis conueniunt Magistris & Doctoribus vt se suis accommodent discipulis & eos sibi dociles reddant. Quanto enim excellentiores sunt Magistri, tanto magis hærare & dubitare possent discipuli, nùm illi vellent se docere propter imperitiam & abiectiõnem suam. Quamobrem vt erigantur discipulorum animi, certamque possint venire in spem & expectationem propensæ Magistrorum in seipso voluntatis, nihil aptius quàm vt certò sciant illos esse mites & humiles, nam vt mites imperitiam & ruditatem discipulorum ferent; atque vt humiles abiectiõnem illorum tolerabunt. Hoc est igitur quod Christus Dominus persuasum nobis voluit cum dixit quia mitis sum & humiliscorde, quasi diceret, ne dubitetis quin velim vos docere, ne timeatis propter vestram à me distantiam, nam hæc duæ virtutes me demittent ad vos, & me meaque omnia sic vobiscum communicabunt, vt has ipsas etiam virtutes addiscatis quibus vos & vestra cum aliis communicare velitis & possitis.

Nam inter ceteras Doctoris & Magistri quibus excellit dotes, hæc insignis & singularis in eo est vt se suumque Spiritum & suum velut Ingenium transfundat in discipulos suos, quo possint multa paucis & breui tempore si velint discere, quod certe numquam Plato, numquam Aristoteles, numquam Augustinus aut vllus Doctor potuit. Vnde tandem concluditur, nullum esse Magistrum qui plures & meliores habere posset discipulos; & tamen nullum esse qui pauciores & deteriores habeat, si comparentur cum aliis in eo genere disciplinæ quod quique profitentur. Vix vllus est vllius artis aut facultatis studiosus quàm non magis prouectus sit in illa sua, cui studet, arte, quam Christianus aut religiosus in sua quam profitentur religionis & perfectionis disciplina. Vix inquam vllus qui non sit actu & re ipsa peritior in operando secundum artem suam, quàm sit Christianus in veris virtutibus exercendis, in vera mansuetudine, humilitate, patientia, paupertate, ceterisque suæ professionis actibus & operationibus. Quod quàm sit pudendum discipulis tam excellentis Magistri, tam excellentis & necessariæ Doctrinæ, qualis est Christiana & religiosa practica, quis non aperte videt?

Nec excusari potest difficultas, Nam vt alibi dictum est ex sancto Ioanne Chrysostomo, *Non est hic impendium, non est hic labor, Rom. 16, non est hic temporis exercitatio: sufficit velle, & totum factum est.* Non ^{ad 14.}



DOMINICA XXIII.

POST PENTECOSTEN.

DE SANATA MULIERE

HÆMORRHOÏSSA:

ET DE SUSCITATA PUELLA MORTUA. Matth. 9.

HOC utrumque miraculum in tertia parte consideratum est,
& duplex inde seorsum declarata est Veritas, quæ cum aliis ad sin-
gulas Euangelij partes spectantibus infra refertur.

*Loquente Iesu ad turbas, ecce princeps unus accefs-
sit, & adorabat eum.*

Quò magis Christo subjicimur, eò magis erigimur.

In 2. parte, Feria 3. Quinquagesima.

Quæ duo Infidelem à Christo auocant, fidelem ad
Christum vocant.

In eadem 2. p. Fer. 5. Hebdom. 4. in Quadragesima.

Sic pium est orare Christum pro salute proximi, ut
sit impium non orare.

In 3. p. Fer. 2. Hebdom. decima.

*Domine, filia mea modò defuncta est, sed veni, im-
pone manum tuam super eam, & viuet.*

4. Pars.

Nnn

QUANTVM ad corporis suscitationem, parum aut nihil profuiss intererat vtrum puella modo vel pridem esset mortua: Sed reuocandis ad spiritalem vitam animabus mortuis, multum omnino refert quod statim atque peccarunt, aut quantocys fieri poterit, conuertantur; *Periculum in mora, periculosa dilatio, damnosa tarditas. Non tardat offensus Dominus, sed retardatus offenditur. Quanto erit tardior reditus à peccato in gratiam, tanto erit difficilior, incertior, periculosior. Quo longius differes, difficultatem difficilium tolles.*

His & similibus modis formata Veritas, hac potissimum ratione declaratur, quod tanto difficilior est reditus, vel tanto difficilior quilibet difficultas tollitur, quanto est maior repugnantia voluntatis, & minor gratia. Sed quo est maior tarditas, tanto est maior voluntatis repugnantia & minor gratia. Vnde patet Conclusio; Et habetur explicata fufius tota Ratiocinatio in 1. p. Fer. 2. Hebdom. 4. post Epiphaniam. Videri etiam debet in eadem 1. p. Feria 2. dies 8. Decembris, In Conceptione B. Virginis.

Et surgens Iesus, sequebatur eum, & discipuli eius.

Quàm promptus esset ad benefaciendum Dominus, his aperte verbis demonstratur: & tantæ promptitudinis exemplo multum confirmatur præcedens Veritas de maturanda Conuersione, nec differendis longius bonis propositis: quò etiam spectant hæ duæ Veritates:

Quidquid offerendum Deo vel proximo sciet vera Deuotio, differre nesciet.

In 1. p. Fer. 2. Hebdom. 4. in Aduentu.

Si dum adest occasio, virtus abest: vix vñquam virtus aderit.

In 2. p. Fer. 2. Dom. 2. in Quadrag.

Et ecce Mulier quæ sanguinis fluxum patiebatur duodecim annis, accessit retro, & tetigit simbriam vestimenti eius.

Addunt de hac Muliere duo alij Euangelistæ, quod per illos ^{Marc. 5.} duodecim annos fuerat multa perpeſſa à compluribus medicis, & eroga. ^{Luc. 8.} uerat omnia ſua, ſiue omnem ſubſtantiam ſuam, nec quidquam proſe-
rat, ſed magis deterius habebat. Quo de factò licet accuſari non de-
beat Mulier quam ipſe Dominus notam eſſe omnibus voluit, &
cuius multæ aliòquin virtutes commendantur, nec cuiſquam poſ-
ſit argui moderata cura valetudinis & bene ordinatus corporis
amor: quia tamen tam multa ſic faciunt & patiuntur homines pro
ſanando corpore; tam pauca vero & penè nulla pro anima, quæ
non minoribus quam corpus afflictaur morbis, id meritò repræ-
ſentari debet vt iniquum & impium; atque vt inde à cura corporis
ad animæ curam facilior fiat perſuaſio, ſic Veritas opportune vide-
tur proponenda:

Iniquè multum agunt, qui tam multa agunt ſanando
corpori: tam pauca ſeruandæ animæ.

*Declaratur in 3. p. Fer. 5. Hebdom. 9. Vide etiam infra in hac parte
ubi de Lazaro infirmo & mortuo, Hebdomada 25.*

*Dicebat enim intra ſe, ſi tetigero tantum veſtimen-
tum eius, ſalua ero.*

QVANTA eſſet fides & fiducia huius mulieris, patet ex
his eius verbis, & quantum fidei deferret Dominus, ſic ipſe voluit
ſignificare cum dixit: *Confide filia, fides tua te ſaluam fecit. Et ſalua
facta eſt mulier ex illa hora.* O ſi nobis orantibus & accedentibus ad
ſanctiſſimum Sacramentum, tanta eſſet fides & confidentia,
quantas inde ſanandis infirmitatibus noſtris medicaminum ſpe-
cies referremus? Non enim tantum hîc fimbria veſtimenti vel
ipſum ſolum tangitur veſtimentum; at quantus quantus eſt totus
ipſe Chriſtus, & corpore & anima & humana & diuina ſubſtan-
tia. *Quot nunc dicunt, inquit ſanctus Chryſoſtomus, vellem ipſius* ^{Hom. 6. in}
formam aſpicere, figuram, veſtimenta, calceamenta. Ecce cum vides, ^{ad pop.}
ipſum tangis, ipſum manducas. Et tu quidem veſtimenta cupis videre,
ipſe vero tibi concedit non tantum videre, verùm & manducare & tan-
gere & intra te ſumere. Cur verò tam modicus inde fructus cum

Nnn ij

non sit minor Christi potentia, vel bonitas ad nos sanandos, nec minor nostra quæ sanari posset infirmitas? hoc vnum scilicet, hoc vnum est quod sit minor nostra fides, non quod ibi Christum esse non credamus, nec de illius potentia vel bonitate dubitemus: sed quod infirmitatum nostrarum curam parum curemus, nec tales illas esse persuadeamur quæ multum obsint si non sanentur, vel quibus multum de nostro sit conferendum, vt sanentur. Amamus magis expleri cupiditates nostras quam sanari, quod de se nondum conuerso confitetur sanctus Augustinus. Qua de re videri debent in 1. p. Feria 5. Hebd. 6. post Epiph. Et in 3. p. Fer. 2. Hebd. 12. Nec omittatur ex 2. p. Feria 6. Hebd. 4. post Pascha, vbi per opportuna hæc probatur Veritas:

Quàm gloriosum est Sacramento, multa in nos posse, si velimus: tam ignominiosum est pauca posse quod nolimus.

De Fide porro ac Confidentia, sat multa passim obuia.

Et cum venisset Iesus in domum principis, & vidisset tibicines, & turbam tumultuantem, dicebat, Recedite.

Accessus Christi, Recessus mundi.

Qui mundum sibi retinet, Christum non obtinet.

Ratio est manifesta quia ex duobus contrariis quæ se inuicem ab eodem subiecto expellunt, quisquis vnum retinet, aliud non obtinet. Quod etiam verius est in Contradictoriis & priuatiuis quorum vnum negat omnino aliud, vt lux & tenebræ, quies & turba, mors & vita.

Sed Christus & Mundus sic sunt sibi contrarij, Contradictorij & quodammodo priuatiuè oppositi. Qod fuscè probatum est in 1. p. In die Natalis Domini.

Per Mundum autem cum multa possint intelligi, tum hîc potissimum Concupiscentiæ perturbantes animam, & curæ mordaces sæcularium cupiditatum, de quibus egregiè Diuus Gregorius

ad illa verba Iob: *Sapientia ubi inuenitur & quis est locus intelligentia.* Iob. 28.
Abyssus dicit, non est in me: Et mare loquitur, non est mecum. Quid L. 18. M. v.
enim, inquit, maris nomine nisi secularium mentium amara inquietu- c. 25.
do signatur? qua dum se vicissim inimicitii impetunt, quasi aduer-
santes se vnda collidunt. Recte etenim mare vita secularium dicitur,
quia dum procellosis actionum moribus concitatur, ab interna sapientia
quiete atque stabilitate disiungitur. Quo contra bene per Prophetam dici-
tur: super quem requiescet spiritus meus, nisi super humilem & quie-
tum & trementem sermones meos? A terrenis autem mentibus tanto
longius Spiritus fugit, quanto apud has quietem non inuenit: Contritio
& infelicitas in viis eorum, & viam pacis non cognouerunt. A qua ni-
mirum contritione perturbationis nos Dominus reuocat dicens: Venite
ad me omnes qui laboratis & onerati estis, & ego reficiam vos, & cet.
Quid enim in hac vita laboriosius quam terrenis desideriis astuare? aut
quid hic quietius quam huius seculi nihil appetere? Hinc est quod Is-
raeliticus populus custodiam Sabbati accepit in munere: hinc e contra
Aegyptus est muscarum multitudine percussa. Populus namque qui Deum
sequitur, accepit Sabbatum, id est, requiem mentis, ut nullo in hac vita
desideriorum carnalium appetitu fatigetur. Aegyptus vero qua huius
mundi speciem tenet, muscis percutitur. Musca enim nimis insolens &
inquietum animal est, in qua quid aliud quam insolentes cura deside-
riorum carnalium designantur? unde alias dicitur, musca morientes
perdunt suauitatem vnguenti, quia cogitationes superflua quae assidue in
animo carnalia cogitante nascuntur & deficiunt, eam suauitatem qua
vnusquisque intrinsicus per spiritum vinctus est, perdunt, quoniam in-
tegritate eius perfrui non permittunt. Aegyptus ergo muscis percutitur
quia eorum corda qui terrenam vitam diligunt, dum desideriorum suo-
rum inquietudinibus feriantur, turbis cogitationum carnalium ad ima
depressa sunt, ut ad quietis intima desiderium non leuentur.

Vnde cum mira ope pietatis ad Cor Veritas venit, prius ab eo cogi-
tationum carnalium aestus eiecit, & post in eo virtutum dona disponit.
Quod bene nobis sacra Euangelij historia innuit, in qua dum ad resusci-
tandam filiam principis inuitatus Dominus duceretur, protinus additur:
Et cum eiecta esset turba, intrauit, & tenuit manum eius, & surrexit
puella. Foras ergo turba eiecitur, ut puella suscitetur, quia si non prius
a secretionibus cordis expellitur importuna secularium multitudo cura-
rum, anima quae intrinsicus iacet mortua, non resurgit. Nam dum se
per innumerarum terrenorum desideriorum cogitationes spargit, ad confi-

derationem sui sese nullatenus colligit.

Hæc Ille sanctus Doctor, & alia pro his qui ratione sui officij tenentur vacare negotiis quibusdam temporalibus: *Vacare*, inquit, Deo appetunt ex gratia dilectionis, & rursus curas superimpositas ex conditione explent seruitutis. Cumque occupationes extrinsecus perstre-punt, intrinsecus in amore paratissima quies tenetur, atque occupationem tumultus exterius perstreptentis dispensat interius presidens Iudex Ratio, & tranquillo moderamine ea qua circa se minus sunt tranquilla, dispo-nit. Sicut enim vigor mentis frandis præest motibus carnis, sic sape superimpositos tumultus occupationis benè regit amor quietis, quia exterio-res cura si peruerso amore non appetuntur, non confuso sed ordinato ani-mo ministrari queunt. Sancti etenim viri nequaquam eas appetunt, sed occulto ordine sibi superimpositas gemunt: & quamuis illas per melia-rem intentionem fugiant, tamen per subditam mentem portant. Quas quidem summopere si liceat, vitare festinant, sed timentes occultas dis-pensationes Dei, tenent quod fugiant, & exercent quod vitant. In-irant enim ad cor suum, & ibi consulunt quid velit occulta voluntas Dei, seseque subditos debere esse summis ordinationibus cognoscentes, humiliant cernicem cordis iugo diuina dispensationis. Quisquis verò talis est, quilibet tumultus versentur extrinsecus, numquam ad eius in-teriora perueniunt: Itaque agitur ut aliud intrinsecus voto, aliud extrinsecus teneatur officio, & hac sapientia non iam turbulenta atque confu-sa, sed tranquilla corda repleantur. Quasi diceret, Et sic Christus habitare cum illis poterit qui sic in mundo sunt, ut de mundo non sint: Vide in 2. p. Fer 5. post Cineres.

Non est mortua puella, sed dormit.

Quid turbamini, & ploratis: puella non est mortua, sed dormit. Marci 5.

Mortua quidem erat puella; sed Dominus illam dormire ait, vel quod eam esset à morte tamquam à somno suscitaturus: vel quod Bonis morientibus mors somnus quidam est, quia mors illo-rum quieta est, quia quiescunt in Domino, & in æternam susci-tandi sunt requiem: vel denique respiciebat Dominus ad illas ani-mas quæ primis in suis annis se Deo dicant, vouent & consecrant;

quales sunt Religionum Nouitiæ, quas mundus deflet & deplorat tamquam mortuas : at si vere puella mundum deserit, foeliciter de illa dici potest, *non est mortua puella, sed dormit*, sed quiesce viuit, & in æterna viuet requie.

Si tamen illa mundum extrà tantum desereret, si mundo tantum moreretur quantum ad externa quæ deserit, tum infœliciter de illa diceretur, *Non est mortua puella sed dormit*, non est mundi cupiditas mortua, sed dormit tempore sui tyrociniij, & post suscitabitur in deplorandam eius perniciem, sicut ignis sopitus in cinere.

Duplex iste sensus sic simul expositus, & fufius declaratus, majorem cum Diuina Gratia vim habere potest.

Et cum eiecta esset turba, intrauit, & tenuit manum eius, & surrexit puella.

Paulò expressius sanctus Lucas :

Ipse autem tenens manum eius, clamauit dicens : Puella surge. Et reuersus est Spiritus eius, & surrexit continuo.

Mira certe spiritus extra carnem viuentis obedientia ! sed cur idem spiritus in carne viuens non ita Christo semper obedit, cum non minus illi sit subiectus in carne quam extra carnem ? Hinc illa est Veritas valde practica in 3. p. quæ habetur Fer.6. Hebdom. 9.

Quam Christo debet anima subiectionem, debet ita in corpore reddere, ac extra corpus.

Videripotissimùm debet hæc Veritas : & quia totus defectus est à Concupiscentia quæ regnat in mortali corpore, & quæ sibi potius Christum subjicit quàm se Christo subjiciat : hinc aliud graue damnum sequitur vt quæ putatur viuens in carne anima non viuat, sed sit mortua, & quæ non putatur mortua, dum Christum in se suscepit, magis ac magis moriatur. Quod certe non minus frequens est multis quàm damnosum, ac proinde vberius exponendum.

Quatuor hic dicuntur quorum tria sunt plana & certa; quartum verò paulo est fufius explanandum. Primo id certum est quod dum Concupifcentia regnat in nostro mortali corpore, potest esse mul:orum caufa peccatorum quæ ignoremus: *Nam delicta quis intelligit?* Secundo id etiam iudicatum est quod quamdiu in peccato mortali viuit anima, non viuit vita fpiritali quæ est Charitas & Gratia, fed est mortua, qua morte ipfum peccatum mortale dicitur, & quo fenfu Propheta dixit, *Anima que peccauerit, ipfa morietur*. Tertio, nec cuiquam dubium est fi tum anima quæ est mortua fiue quæ est in peccato mortali accederet ad facram mentam, quin peccaret nouo lethali peccato, & quin magis moreretur; *qui enim manducat indigne, iudicium fibi manducat, non dijudicans corpus Domini*. Quarto denique, quod non est ita planum & apertum, fic faepe multis accidit qui frequenter communicant, vt cum finitur Concupifcentia regnare in mortali corpore, tum anima fit in peccato mortali quod ignorat, & in quo ignorato accedat ad facram Communionem, & in qua facra Communionem peccet lethaliter, & grauius moriatur quam ante effet mortua. Tota difficultas in ea parte est qua dicitur peccare Communicantem, dum in peccato mortali quod ignorat communicat; nam fi peccatum ignorat non ei videtur imputandum tamquam voluntarium, & tamquam cognitum: ac proinde non videtur nouo peccare peccato dum fic ignorans communicat.

Respondetur hoc ita quidem effe quando est innocens & inculpabilis ignorantia, non ita vero quando est ipfa noxia, & culpæ annexa, qualis plerumque est illa peccatorum ignorantia quæ procedunt ex regnante in corpore Concupifcentia. Nam quando aliquid vehementius concupifcis, facit illa quidem vehementior concupifcentia vt peccatum ignores quod concupifcendo admittis, fed non facit quin tale peccatum ignoratum fit vere peccatum & voluntarium & inexcufabile; quin potius quanto est magis ignoratum, tanto faepe est grauius. Car enim peccatum ignoratur nifi quia tam vehemens est Concupifcentia, vt fibi nimis in obiecto peccati placeat, nec permittat rationem aduertere ad grauitatem peccati, ne forte inde abducatur à voluptate vel commoditate qua fruitur. Quæ Concupifcentiæ vehementia ficur non excufat à peccato, quando est præcipue confequens, vt fuprà demonftratum est, fic neque prorfus excufat ab ignorantia quæ inde

Sororibus, nonnisi ad hoc tempus contigisse notant Interpretes. Deinde vero ex sequentibus eiusdem Euangelistæ Capitibus vndecimo, duodecimo & decimotertio, seliguntur ea quæ nos facilius ad illud Vnum necessarium, de quo apud Martham Christus egit, consequendum, velut ad finem media possunt inducere.

FERIA SECVNDA.

HOSPITIO MARTHA DOMINVM

EXCIPIT.

Factum est autem dum irent & Ipse intravit in quoddam Castellum, & mulier quadam Martha nomine, excepit Illum in domum suam, & huic erat Soror nomine Maria, qua etiam sedens secus pedes Domini audiebat verbum Illius. Martha autem satagebat circa frequens ministerium qua stetit & ait: Domine non est tibi cura quod Soror mea reliquit me solam ministrare? dic ergo illi ut me adiuet. Et respondens dixit illi Dominus, Martha Martha sollicita es & turbaris erga plurima. Porro, unum est necessarium. Maria optimam partem elegit qua non auferetur ab ea.
 LUC. 10.

VERITAS PRACTICA.

Veritas Veritatum, his contenta Christi verbis: *Porro, unum est necessarium.*

RATIO petitur ex triplici sensu quo una Veritas potest dici præcipuè Veritas Veritatum, qui cum multiplex sensus aperte reperiatur in illa Veritate proposita, tum Ipsa etiam aperta patebit Veritas; & quàm sit una in praxi præ omnibus maxime utilis & necessaria, constabit evidentius.

Non erit autem in hoc discursu alia punctorum seu partium distributio, quàm per ipsius triplicis sensus siue rationis explanandæ subiectionem.

L P V N C T V M.

PRIMA Ratio seu primus sensus quo hæc celeberrima Domini sententia, *Vnum est necessarium*, verè dici potest Veritas Veritatum, hic est, quòd sit omnium Practicarum excellentissima, & velut finis quo spectant aliæ Veritates. Certum est enim Finem inter causas esse præcipuum, & Causam causarum posse dici hoc sensu quòd cæteras omnes causas in effectum adducat, & sui gratia promoueat. Sic plane quod vnum illud à Christo dicitur necessarium, finis est quòd aliæ tendunt Veritates, finis ipse est hominis, ipsa salus æterna est, ipsa Beatitudo cœlestis est, Deus ipse est aliquando possidendus; siue quod eòdem spectat quandiu hîc peregrinamur à Domino, studium & cura est nostræ salutis & perfectionis consequendæ. Licet enim primo videatur Dominus Marthæ loquutus de vno cibo necessario, ne de multis esset sollicita & turbata, tamen dubitari non potest quin altius sermonem suum euexerit, & de illo vno intellexerit, *Vbi vnum sunt Pater, Filius & Spiritus sanctus*, vt ait sanctus Augustinus. Quorsum enim consequenter dixisset de Maria quòd optimam partem elegisset? Quid affinitatis inter vnum cibum corporalem & optimam illam partem? Quid aliud pars illa est optima quàm studium attentius inhærendi Deo, suæque perfectionis comparanda? Quid porro aliud in Martha reprehenditur quàm nimia sollicitudo qua inde ab illo studio perperam auertebatur? Non enim Ministerium eius arguitur; nam quid dignius quam ministrare Christo? Sed modus ministrandi taxatur qui tantò magis ab illo Vno necessario quod est vacare Deo & saluti, recedebat, quantò iam

O o o ij

plures & diuersas curas distendebatur. Vna erat habenda cura id vnum agendi quod agendum volebat Dominus, & non aliud. Volebat autem aliquid aliud Martha, vel alio modo quàm vellet Dominus: sicque propterea sapienter arguitur. At Maria soror eius, vño velut cibo contenta erat quo palcebatur à Domino, & quo solo se pasci videbat Dominum velle; vnde & præ Martha commendatur, atque hoc Vnum esse necessarium pronuntiatur, sic vnum scilicet velle quod velit Deus; quia sine hoc Vno nihil profunt cetera: & nisi ad hoc referantur vt Dei voluntas fiat, & salus aeterna comparetur, vana sunt omnia, cassa, inutilia, noxia;

2. Amb. 16. Quid enim prodest homini si vniuersum mundum lucretur, anima vero sue detrimentum patiatur? Hoc vnum autem sine aliis sufficit, nam qui Deum sic possidet vt illo possessio beatus sit, quid illi deesse potest, cum beatitudo sit aggregatio bonorum omnium? O Veritas Deus, fac me vnum tecum in Charitate perpetua. Tadet me saepe tam multa legere & audire: In te est totum quod volo & desidero.

*L. 1. de Imit.
Chr. c. 3.*

II. P V N C T V M.

SECVND A ratio siue secundus sensus quo Veritas Veritatum illa dicitur quæ Vnum illud necessarium ad praxim vocat, hic est, quod vna illa praxi, seu vna illa Veritate ad praxim reuocata, totum id simul vniuersum efficitur quod per alias practicas Veritates particulatim contenditur. Habent videlicet aliae singulae Veritates suum particulare obiectum circa quod animos nostros commouent, vel à contrario reuocant. Habent Veritates humilitatis illud ipsum quod sibi humilitas obiectum statuit; sicque de ceteris Veritatum & Virtutum actibus facile potest intelligi. At nostra hæc Veritas, *vnum est necessarium*, nullis certis definitur limitibus, sed vbique regnando & imperando, quidquid in praxi occurrat vel abstinendum vel sustinendum vel agendum, id velut suum & proprium statim in opus redigit, siue ad humilitatem spectet, siue ad mansuetudinem, siue ad misericordiam, siue ad aliam quam ex omnibus voles virtutem. Totum hæc vna complectitur, de singulis vna decernit & iudicat; *Vnum est*, inquit, *necessarium*, quid mihi est igitur curæ diuitias comparare? quid mihi gaudij si adsint? quid mœroris si desint? Porro, *vnum est necessarium*, non me igitur multum mouet iste honor exhibitus, aut illata iniu-

ria. Non me amicorum copia vel inopia, quæ nihil eò spectant. Quidquid denique vel paupertas, vel humilitas vel religio vel quævis alia scorsum Virtus ac Veritas suggerat, totum hoc conglomeratum hæc vna proponit Veritas, dum hoc Vnum proponit quod unum est necessarium; unde Veritas Veritatum tam vere dicitur quam vere alias in praxi Veritates complectitur. Nec minus de hoc vno dici potest quam quod Parentes Tobix de illo suo filio: *Omnia simul in te vno habentes, te non debuimus dimittere à nobis!*

Tob. 10.

Quod ut melius adhuc intelligatur, aduerte hunc esse precipuum finem & effectum Virtutum & Veritatum omnium, ut affectus nostros regant, & in id vnum dirigant quod à nobis velit Deus, quod quanto breuius & efficacius fieri poterit, tantò id suavius & optabilius fiet. Sic autem fit per hanc praxim quæ his verbis redditur, *unum est necessarium*, quorum sola verborum prolatio fauente Deo, totum compescit animum nec ultra vagari sinit liberius. Sunt enim verba hæc, quasi quæ dicuntur Sacramentalia quæ id quod dicunt efficiunt, nam sicut reuera est vnum necessarium in quo sit acquiescendum, sic quando id pronuntiatur, & creditur, statim effectus sentitur, & totus in eo vno animus conquietur. *Ex vno verbo omnia, & vnum loquuntur omnia: & hoc est principium quod & loquitur nobis. Nemo sine illo intelligit aut iudicat. Cui omnia vnum sunt, & omnia ad vnum trahit, & omnia in vno videt, potest stabilis corde esse, & in Deo pacificus permanere.* Sic scribit Author de Imitatione Christi, sic & verus Christi sentit Imitator.

L 1 de Imit
Chr. c. 3.

III. PUNCTVM.

TERTIA denique ratio seu tertius sensus quo hæc Veritas Veritatum censenda est, sic apte concipitur ut dicas hanc esse cæterarum omnium propugnatricem Veritatum quæ ad praxim spectant. Nisi enim hæc adesset, & opportunum singulis afferreret subsidium, vix vlla practicæ subsisterent Veritates, vix vlla praxis ederetur. Nam cum ad singulas in opus exercendas paratum semper habeat aliquid Mundus, Caro ac Dæmon, quod contrà suggerant & obijciant; nihil porro est ad omnium tela hostium retundenda potentius quàm si æque paratum hoc habeas, *Porro unum est necessarium*. Quid enim obijciunt Inimici validius quam cum representant ipsas vitæ necessitates quas Veritatum

praxis impetit & eneruat; Necessarium quippe est, inquiunt, viuere; ad vitam autem necessariae sunt opes, & domesticae facultates, ad has vero vel acquitendas vel conseruandas necessariae sollicitudines, curae & studia; nec proinde tantum otij superest & animi quantum deuotio, pietas & aliae religionis Virtutes exigent. Opus est etiam fama, & gloria nisi velis infamem vitam viuere quod ipsa morte est intolerabilius. Necessariae praeterea sunt illae artes quae vel mechanicae vel liberales dicuntur: Quis enim viuat nisi genus aliquod viuendi suscipiat? Et quanta in quouis viuendi genere sunt necessaria quorum defectu plane deficias? Quas cum vitae necessitates tanto ardore natura vrgeat quanto ipsam amat vitam, quis non videat inde singulas expugnari Veritates quae vitae secundum Euangelicam Institutionem degendae modum, non secundum carnem aut mundum docent? Quid hic porro agat pugil Christianus? quid tot implicatus necessitatibus cogitet, quod se tot cinctus hostibus vertat, quo se scuto propugnabit, qua se salutis galea, quam lorica tutabitur?

Audiat porro audiat quid loquatur Veritas, & ipse hanc libere Veritatem loquatur, *Porro vnum est necessarium*, & hoste quouis est fortior. Hoc enim qui recte intelligit quod loquitur, vno verbo negat omnes illas praetensas necessitates quas ita mundus vrget, vt quasi mundus non esset nisi haec adessent quae vocat necessaria. Nam si reuera vnum est necessarium, nec ipsa vita temporalis est necessaria, quae non est illud vnum quod vnum est necessarium. Si autem vita non est necessaria, quid fama, quid diuitiae, quid artes, quid alia demum omnia quae sunt tantum ad vitam necessaria? Quis dicat mortuum his egere quibus viuunt, cum non viuunt? Esto his verò egeat, vt viuat quisquis viuunt; sed si viuenti non sit necesse viuere, quis dicat esse alia magis ipsi necessaria quam si non viueret?

Sublata igitur necessitate vitae, corrumpat omnino necesse est alia quouis necessitas, sicque deficiant qui has obijciunt Veritatibus exercendis necessitates, atque ita Veritates in sua praxi propugnentur, & ipsa denique Veritas quae ceterarum est fidelissima propugnatrix, Veritas Veritatum dicatur, praedicetur, colatur & praeualeat, sitque illa Veritas de qua in tertio Esdrae quidam dixit: *Et Veritas manet & inualefcit in aeternum, & viuus & obtinet in saecula saeculorum. Nec est apud eam accipere personas, neque differentias:*

sed quæ iusta sunt facit omnibus, iniustis ac malignis, & omnes benignantur in operibus eius. Et non est in iudicio eius iniquum, sed fortitudo & regnum & potestas, & maiestas omnium aeorum. Benedictus Deus Veritatis. Et desistit loquendo. Et omnes populi clamauerunt & dixerunt: Magna est Veritas, & praeualeat.

Nec dicas, si hæc ita sunt, abjiciendam esse omnem vitæ curam, & earum rerum sollicitudinem quæ non sunt ita quidem necessariae sicut illud Vnum necessarium, sed tamen ita debent à nobis curari vt si cura desit, nostro desimus officio. Non hoc inquam sequitur sentiendum & dicendum: Nam si debetur cura, vt certe debetur rationabilis & ordinata vitæ conseruandæ & officij persoluendi, tunc cura illa comprehenditur sub illo necessario, quatenus non aliter consideratur deberi talis sollicitudo, quàm ex diuina voluntate sic ordinante: nam si contra vel præter illum diuinæ discretionis & voluntatis ordinem, cura vitæ vel cuiuscumque officij te premeret, tunc inordinata esset, tunc peccatum esset, & tunc recte concluderes talem esse curam abjiciendam sicut expresse Dominus: *Attendite, inquit, vobis, ne forte grauentur corda vestra* Luc. 21. *in crapula & ebrietate & curis huius vitæ.*

Neque vero tantum ita propugnat alias Veritates hæc nostra Veritas vt ab actibus suis non retardentur, sed eorum præterea reddit actus tam frequentes, tam sublimes & tanti ponderis ac valoris, vt inde quod est in Sanctis Gratia & in Beatis Gloria, magnificentius, totum hauriatur & penitus communicetur, vt declaratum est in 3. p. in Festo Assumptionis Beatissimæ Virginis, vbi hæc demonstratur Veritas:

Quod vnum est in Assumpta Virgine gloriosius, hoc est assumptum ex illo Vno necessario, de quo Christus.

Videri etiam debet in eadem parte, Fer. 2. Hebdom. 21. vbi hæc patet Veritas:

Si quod creditur necessarium petenti desit, credendum potius non illud esse necessarium, quam quod petenti desit.

Affinis est & Illa quæ habetur in 1. parte, Die 6. Decembris.

480 *Feria 3. Hebd. 23. post Pent. Nonne qui fecit quod, &c.*

Numquam melius sibi prouidet fidelis Dei seruus,
quàm si nihil sibi retinens totum se Domino, sua-
que omnia consecret.



FERIA TERTIA.

DE CVRA INTERIORIS HOMINIS SVPRÆ EXTERIOREM.

*Stulti: nonne qui fecit quod deforis est, etiam id quod
deintus est, fecit? Luc. 11.*

VERITAS PRACTICA.

Quò quis in exteriori colendo homine videtur esse
sapientior, eò est stultior si non magis interiorem
colat.

RATIO EST, Quia quò quis in exteriori colendo homine vi-
detur esse sapientior, eò maiorem se habere profitetur rationem
qua cultum illum promoueat.

Sed quò quis maiorem se habere profitetur rationem qua cultum
exteriorem promoueat, eò est stultior si non magis interiorem
curet & excolat.

Ergo euidentissimè patet *Veritas*, & quisquis Ille est in externis
Sapiens, habet quod à se discat & alios doceat, longe maiorem
in internis ponendam esse operam.

I.PVN.

L P V N C T V M.

EXPLICATA superius in diuersis occurrentibus locis habentur, quæ priori parte Capituli vndecimi, sanctus Lucas commemorat. Quod ibi vero superest ad formandos mores accommodatius, saluberrima quædam est Admonitio Domini de cura interioris hominis supra eum qui dicitur exterior, siue supra quemuis cultum qui foris tantum apparet. Sic enim apud Pharizæum cum aliquando inuitatus esset ad prandium, noluit de industria lauare manus quo solebant exquisito modo Pharizæi, de quo in tertia parte dictum est, quod cum mirabundus, & animo non satis æquo recogitaret Is qui Dominum inuitauerat: tum vero Dominus ad illum: *Nunc vos Pharizæi quod de foris est calicis & catini, mundatis; quod autem intus est vestrum, plenum est rapina & iniquitate. Stulti! nonne qui fecit quod de foris est, etiam id quod de intus est fecit? Quasi diceret, si putatis vos habere rationem mundandi ea quæ foris patent, quare non videtis quàm sit rationabilius mundare illa quæ intus sunt? Nonne id quoddam stultitiæ genus est credere se non nisi probato iure, ac rationabili cultu mundare sua exteriora omnia, nec idem sentire de internis, sed ea potius negligere, cum longe magis Ratio suadeat internam sibi curare mynditiam, & cultum animi præ cultu corporis obseruandum?*

Quod certe Monitum non solos spectat Pharizæos, sed è Christianis ac ipsis etiam Religiosis Viris quamplurimos quibus satis esse videtur ad religionis & sapientiæ famam conciliandam si vestes, si supellectilem, si quidquid oculis hominum paret, apprime curent & colant; quæ vero latent aut quæ soli Deo patent interiora suæ mentis, vel p̄torſus abjiciant, vel non pari cultu promoveant. Stulti! nonne si Ratio est pro exteriori homine, Ratio hæc eadem aut certe potior pro interiori militat homine? *Nonne & quo quisquis in exteriori colendo homine videtur sapientior, eo stultior est, si non potius internum colat?*

Hæc sunt modo attentius consideranda. Et primo illud quod præmittitur illum haberi consultiorem in re aliqua qui plures eius peragenda vel majores nactus fuerit rationes; aut ne aberret sermo longius, illum videri tanto sapientio-rem in externo cultu

promouendo, quantò sibi magis è ratione videbitur sic externis
 suis vacare percolendis; Quod ex ipsis certenotum est terminis,
 nam sicut sapienter aliquid agere non aliud esse intelligitur quam
 consulto & rationabiliter agere: sic plane quantò quis in agendo
 sapientior videri vult, nihil aliud velle creditur, quam profiteri
 se firmioribus rationum momentis esse nixum vt illud agat, vnde
 PRIM. L. quod primum ait Sapiens in Prouerbiis, *Audiens Sapiens sapientior
 erit*, perinde videtur esse, ac si diceret, audiens rationes quibus ad
 opera quæuis moueatur, sapientior erit in illis operibus obeundis.
 Ibi. 15. 13. Quod & Idem confirmans; *Via*, inquit, *stulti, recta in oculus eius:*
qui autem Sapiens est audit consilia. Rursumque paulo post: *Qui*
agunt omnia cum consilio, reguntur sapientia. Nam hoc est esse sa-
 pientem, nil sine consilio & ratione aggredi; & hoc perinde est
 magis esse sapientem, magis audire consilia, siue maiores agendi
 rationes indagare. O qui sic saperet, vt magis saperet!

IL P V N C T V M.

SED quò quis maiorem se habere profitetur rationem, qua cultum
 exteriorem promoueat, eò est stultior si non interiorem aque ac ma-
 gis curet. & excolat.

Nam cum illa ratio, quæcumque tandem illa sit, internis co-
 lendis magis fauceat quàm externis, nonne quo hanc maiorem di-
 cet esse rationem, tanto secum magis pugnabit, & tanto hinc se
 magis contra rationem agere comprobabit, cum id minus agat
 quod magis agendum persuadet Ratio? Quid autem stultius quam
 sic secum pugnare, sic se suis illaqueare verbis, sic se suo iugula-
 re gladio, sic demonstrare se tanto peius agere, quanto se melius
 agere demonstrabit? Sic proprius stultus caditur labiis.
 PRIM. 10.

Certe in Scripturis, tantum defertur interno cultui, vt hic
 vnus præ alio videatur commendari; nam *omnis gloria filia regis*
ab intus, Ibi videt Christus, inquit S. Augustinus, *ibi amat Christus,*
ibi alloquitur Christus, ibi punit Christus, ibi coronat Christus; quasi
 diceret; cum ibi omnia Christus præsertim operetur, idcirco etiam
 omnis nostra ponenda est opera vt recte intus affecti simus & egre-
 gie compositi. Sed quandoquidem non recusamus externum
 cultum, & quandoquidem non autoritate sola, sed ratione
 agimus cum eo qui ex disciplina Pharizæorum quod foris est satis
 PS. 44.

diligenter curat, non ita vero quod est intrinsecus: Age producantur illæ rationes quibus exteriorum cura permittitur vel etiam commendatur. Quid est quod suis omnibus excultum partibus velis corpus tuum, capillum, vultum, vestes, sermonem, & quidquid proxime tibi adhæret? Nonne idcirco praecipue quia sic decorum exigit, sic decet coram hominibus apparere, sic satisfacit intuentium oculis, sic mutua fouetur beneuolentia, sic humana societas postulat, sic ædificationi, sic Charitati dicitur esse consulendum, quia si hæc abessent, nostri taderet alios. Sic ipse Deus colitur cuius imago quædam in nostro lucet corpore, sic ipsa denique naturalis docet Ratio dum unicuique rei, suum statuit ordinem & certum ordinat statum quem si non seruet, inordinata censeretur, & aspectum solet offendere; Vnde Apostolus, *omnia & Cor. 14. autem honeste & secundum ordinem fiant.*

Hæc sunt videlicet quæ faciant pro externa rerum decencia, Nunc contemplare attentius quàm illa ipsa pro interno animi cultu magis concludant & euincant! Nam si oculis hominum id concedi debet ne quid in nobis sit quod eos merito possit offendere, nonne id satius diuino dandum oculo qui Cordis intima præfertim spectat, ne quid ibi lateat quo se offendi queratur? Nonne vel minima Cordis impuritas quæ voluntario retinetur assensu, magis ex se Deum prouocet, quàm quicuius neglectus cultus hominem, cuius non ita interest, an sis extra bene compositus, quàm Dei refert an sis intrinsece affectus? *Non quasi hominibus placentes 1. Thess. 2. sed Deo qui probat corda nostra,* inquit Apostolus. An ignoras impurum animum nihil habere commercij cum sanctificante Gratia, cæterisque donis quæ supernaturalia nuncupantur, atque adeo nihil cum singulis adorandæ Trinitatis Personis, nihil cum Patre cuius lex violatur, nihil cum Filio cuius sanguis contemnitur, nihil cum Spiritu sancto cuius gratiæ conculcantur, nihil denique cum vniuersa cœli Societate, cuius nulla est communicatio cum tenebris seu tenebrarum operibus; Et te non magis pudebit hoc cœlesti & diuino excludi consortio quàm humano?

• Quod si Diuinam putas imaginem in exteriori colendam homine, quanto id verius credendum est in interiori positam hunc esse cultum cum verius ad imaginem Dei factus sit homo ratione animi quam corporis, & animi bene compositi, quam bene culti corporis? Quid porro de illa proximorum ædificatione dicitur,

Ppp ij

quid de illa inquam iactas ad externi laudem cultus, quod non magis internum spectet? Quid est enim quod proximum ædificet nisi vera & solida virtus? Quænam autem vera & solida virtus si sit tantum exterior, si species tantum virtutis sit & non ipsa virtus, quæ tamen ipsa non est nisi sit animi, nisi sit interior, & qui *absconditus est Cordis homo* sit vere coram Deo qualis apparet hominibus. Nonne hoc est potius Charitatem destruere quam ædificare proximum, si solum virtutis simulachrum appareat, si sola sit pietatis simulatio, si solum humilitatis figmentum, & non res ipsa simplex & sincera? Quid est hypocritam agere nisi hoc sit, quid est similem esse sepulchris quæ speciosa quidem foris apparent hominibus, intus autem plena sunt ossibus mortuorum & redundant spurcicia? quale inquam & quibus hoc probum injicitur nisi quibus sola sufficiebat externa virtutis species?

Quod si ratio, si ordo exigit vt unicuique rei suum seruetur decus, & quoddam ingenitum à natura decorum: Nullumne animi tale est decus? Et nisi hoc animi decus seruetur, putasne hominem bene ordinatum, tametsi omnis reluceat ordo exterior? Quid magis inordinatum possit concipi quam si homo rectus sit corpore, & animo incuruatus? Non si totius statua hominis inuersa esset vt pedibus sursum & capite deorsum incederet, tale monstrum prodiret, qualis est homo cuius rectum est corpus & prauus animus!

Vide in 2 p. Sabbato Hebd. 3. post Pascha, & infrà Sabbato huius hebdomada.

III. P V N C T V M.

QVO quis igitur in exteriori colendo homine videtur esse sapientior, eo est stultior si non magis interiorem colat hominem, cum Ipse homo sibi semetipsum opponat in eo quo sapientior esse videtur, vt declaratum est: nec sit quidquam magis oppositum sapientiæ quam stulticia, vel maiori sapientiæ quam maior stulticia. *Quomodo dicitis, sapientes nos sumus. Confusi sunt Sapientes; Et paulo post iterum, Confusi sunt quia abominationem fecerunt, quim* *imo confusione non sunt confusi & erubescere nescierunt, idcirco cadent inter corruentes, in tempore Visitationis sue corruent, dicit Dominus. Congregans congregabo eos, ait Dominus: Non est una in visibus, & non sunt sicut in ficulnea. Quasi diceretur, hinc prima mali labes,*

hæc origo stultitiæ, Iudicij, supplicij & malorum omnium, quòd nullum ferant virtutis fructum, contenti sunt folijs & specie quadam externa quæ decipit homines, sed non Deum qui alios habet oculos, & qui fructum quærit non folia. Qua de re fusius etiam in 3. parte, vbi de ficu instructuosa. Satis sit modo sanctum audire Gregorium quibus illos monitis moneat aut monendos doceat qui sapiunt in externis, & in internis desipiunt; qui hoc vnum bene agunt quod foris pater: & quod male agunt ne foris pateat hoc vnum curant. *Pensent, inquit, humana iudicia quanta velocitate enolant, diuina autem quanta immobilitate perdurant. Admonendi sunt ut in fine rerum, mentis oculos figant: quia & humana laudis attestatio præterit, & superna sententia, qua & abscondita penetrat, ad retributionem perpetuam conualefcit. Dum ergo occulta mala sua diuinis iudiciis, recta autem sua humanis oculis anteponunt: & sine teste est bonum quod publicè faciunt, & non sine aeterno teste est quod latenter delinquunt. Culpas itaque suas occultando hominibus, virtutesque pandendo, & unde puniri debeant, abscondentes detegunt, & unde remunerari poterant, detegentes abscondunt. Quos rectè sepulchra dealbata speciosa exterius sed mortuorum ossibus plena interius Veritas vocat, quia vitiorum mala intus contegunt, humanis vero oculis quorundam demonstratione operum de solo foris Iustitiæ colore blandiuntur. Admonendi itaque sunt ne qua agunt recta despiciant, sed ea meriti melioris credant. Valde namque sua bona dydicant qui adeo eorum mercedem sufficere humanos fauores putant. Cum enim pro recto opere laus transitoria quaeritur, aeterna retributione res digna, vili pretio venundatur. De quo videlicet pretio percepto Veritas dicit: Amen dico vobis, receperunt mercedem suam. Admonendi sunt ut considerent, quia dum prauos se in occultis exhibent, ostendunt sequenda quæ fugiunt, clamant amanda quæ oderunt. VIVUNT POSTREMO ALIIS, ET SIBI MORIUNTUR.*



FERIA QVARTA.
DE HIS QUÆ ALIENA SVNT
AB OFFICIO, REPELLENDIS.

486 FERIA 4. Hebd. 23. post Pent. Homo quis me constituit, &c.

*Homo, quis me constituit Iudicem, aut Diuisorem
super vos? Luc. 12.*

VERITAS PRACTICA.

Nemo militans Deo implicat se negotiis sæcularibus.

2. Tim. 2.

RATIO affertur ab eodem Apostolo cuius sunt illa verba :
Vt ei scilicet placeat cui se probauit. Id est, cui se probatum & fide-
lem seruum obtulit : quod maxime dicitur de viris Ecclesiasticis,
de Religiosis, & aliis si qui sint qui se Deo propius addixerint ;
hoc est enim Deo militare, se in eius cultum ita impendere vt si-
cut miles totus est suo Duci, sic totus Deo sit, qui Deo militet,
qui se Deo seruire singulariter profiteatur.

Sic autem inde formatur Ratio.

NEMO militans Deo est qui non ita conetur se probatum & fi-
delem illi præbere seruum & militem, vt nullus se implicet ne-
gotiis quibus ab hoc conatu retardetur.

Sed si negotiis sæcularibus se Is implicaret, retardaretur ab hoc co-
natu, nec se fidelem Deo probaret seruum.

Nemo igitur militans Deo implicat se negotiis sæcularibus.

I. PUNCTVM.

HIC etiam consultò multa ex Euangelico textu prætermittuntur, quæ suis quæque locis opportuniùs, vel iam dicta vel post dicenda sunt, vbi de tolerandis aduersis sermo recurret. Dum vero de his ageret Dominus, ait *Ei quidam de turba : Magister, dic fratri meo vt diuidat mecum hereditatem. At ille dixit ei : Homo, quis me constituit Iudicem, aut Diuisorem super vos? Id est, in tali negotio quod mihi offers decidendum, seu in re vestra temporali de qua disceptatis : Non sum ego missus vt de istis cognoscam & iudicem. Bene terrena declinat, inquit sanctus Ambrosius, qui propter diuina descenderat, nec Index dignatur esse litium.*

Luc. 12.
Luc.

& arbiter facultatum, viuorum habens mortuorumque iudicium, arbitriumque meritorum: Et paucis interiectis, unde non immerito refutatur hic frater, qui dispensationem cælestium gestiebat corruptibilibus occupare. Cui conformiter sanctus Augustinus: Petebat homo hic *mediam hereditatem in terra, Dominus offerebat totam in cælo, plus Dominus dabat quàm Ille postulabat.* Ser. 196.

Luculentum hîc itaque Dominus exemplum nobis statuit ut quicumque se arctius Deo addixissent, alienis à sua professione negotiis non se vîllo modo sinerent implicari. Quod expresse Apostolus, & ad Præcticam Veritatem accommodatissimè, sic omnibus commendatum reliquit: *Nemo militans Deo implicat se negotiis secularibus ut ei placeat cui se probauit*: quasi diceret quod modò perpendendum attentius proponitur: Nemo est Mortalium qui vel cuiquam Domino vel ipsi Deo sese totum addixerit ac velut seruum aut militem relictis aliis omnibus se in Eius mancipium consecrarit, qui non simul omni modo conetur illi placere, illi se probare, illi se fidelem & probatum exhibere. Cur enim se illi tradidisset nisi hoc intenderet? vel quomodo diceretur se illi tradidisse, nisi animum, nisi affectum, nisi conatum, nisi omnia sua sic eò vellet referre, ut quod incæpit pergeret, quod profiteretur efficeret, & vno verbo quod agit hoc ageret: nam esse Dei & placere Deo tam arcte simul cohærent ut non sis Dei nisi Deo placeas, nec Deo placeas nisi totus illius sis. *Qui me misit mecum est*, aiebat Ioan. 8. Christus Dominus, & non reliquit me solum, quia quæ placita sunt ei, facio semper. Hoc quasi vinculum indiuiduæ nostræ societatis & vnitatis est, quia non aliqua tantum sed omnia, non aliquo duntaxat loco vel tempore, sed semper & vbique, nec alia quam quæ ipsi placent facio. Quod & Apostolus se contendere, & nobis contendendum sæpe admonebat: *Ideo*, inquit, *contendimus, siue absentes, siue presentes placere illi.* 1. Cor. 5. Et rursum: *An quero hominibus placere? Si adhuc hominibus placerem, Christi seruus non essem*; quasi hoc vnum & idem esset, sicut dicebamus, non totum placere Christo, vel non totum eius esse.

Quod & alibi significanter exprimit, dum exhibenda Deo nostra vult corpora *tamquam hostiam viuentem, sanctam, Deo placentem*: quasi Deo sacra & addicta, quæ si aliis vsibus applicentur, profanentur. Et quasi hoc vnum docuisset, vel ex omnibus retinendum vellet, *De cætero*, inquit, *rogamus vos & obsecramus in Do-* Rom. 12. 1. Thess. 4.

mino Iesu ut quemadmodum accepistis à nobis quomodo oporteat vos ambulare & placere Deo, sic & ambuletis, & abundetis magis. Hoc enim vno dicto cetera comprehenduntur omnia; Et qui aliud querit quam placere Deo, inquit S. Chrysostomus, nescit quid sit placere Deo. Expende vim huius dicti.

II. PUNCTVM.

SED qui se Deo sic addixisset, ut se Dei totum esse profiteretur, & se tamen negotiis secularibus implicaret, non illi placeret, nec se probatum ac fidelem Deo seruum exhiberet.

Primò, tametsi alia deessent rationes, hæc vna sufficeret, quia sic est eius Voluntas, ut qui diuina singulariter sectari velit, se ab humanis abstrahat, quantum humana feret condicio. Nam quibus hæc Apostoli verba magis conueniunt, quàm istis bonis viris? *2. Cor. 6.* Quis consensus templo Dei cum idolis? Vos enim estis templum Dei vini, sicut dicit Deus: quoniam inhabitabo in illis, & inambulabo inter eos, & ero illorum Deus, & ipsi erunt mihi populus. Propter quod exite de medio eorum & separamini, & immundum ne tetigeritis.

Deinde, sic ipsa exigit vel sacerdotalis dignitas, vel Religiosa professio, ne terrenis vllis violentur curis aut negotiis, quæ sic animum implicat, ut iam non Diuinus non Cœlestis non Spiritua-
lis & Sacer homo sit, sed totus terrenus, luteus, inquinatus, aut certe longe alius quam sacrum eius exigit institutum. Nam verè *Ecclesi. 26.* id à Sapiente dictum, Difficile exuitur negotians à negligentia.

Tertio, cum cuncta Deus sapientissimè suis ponderibus, numeris, & mensuris digesserit, ut suo quæque starent in ordine, quid ei potest esse magis inuisum quam quòd est magis inordinatum? Et quid potest esse magis inordinatum quàm si profani sacris se immisceant, vel sacri se profanis implicent? Nonne audiisti quàm odiose ac perperam ausus aliquando fuisset Rex Ozias incensum adolere Deo, quàmque grauiter Sacerdos illi obstitens *2. Par. 26.* dixerit, Non est tui officij Ozia ut adoleas incensum Domino, sed Sacerdotum qui consecrati sunt ad huiusmodi ministerium: egredere de Sanctuario, ne contempseris, quia non reputabitur tibi in gloriam hoc à Domino Deo. Statimque orta est lepra in fronte eius coram Sacerdotibus, qua numquam plaga sanatus est. At Tu vero Sacerdos, Tu vel Religiose vel Ecclesiastice qui secularibus vacas negotiis, cur non

neus : qui scilicet status cum sit supernaturalis & ordinatus ad perfectionem Charitatis Dei principaliter , & proximi , secundario ; debent proinde actiones illi esse statui consentaneæ , aut ex vi sui obiecti tendentes in huiusmodi finem , aut ex intentione operantis ad illum eleuata. Et propterea Basilii non dixit esse malum visitare cognatos vel amicos hoc solo titulo , sed dixit esse alienum à religioso Instituto , quasi diceret , posse id quidem facere secularem , sed non religiosum , quia non decet , quia non placet Deo , quia non se probaret fidelem eius seruum.

III. PUNCTVM.

NEMO igitur militans Deo , implicat se negotiis secularibus , ut ei placeat cui se probauit. Nam se hoc ipso præuaricatorem constitueret , & secum ipse pugnaret , volendo simul & vnum atque idem nolendo , cum militare Deo nil sit aliud quam se illi gnauum probare seruum , sese autem secularibus implicare negotiis nihil aliud quam se talem non probare seruum : Vnde Apostoli , *act. 6.* non est æquum , inquebant , nos derelinquere Verbum Dei , & ministrare mensis. Quid est ministrare mensis ? non erat certe negotium seculare , sed totum pium ac religiosum , nempe vel sacra intelligitur Eucharistia quam ministrabant , vel commune illud conuiuium quod Agape , id est , Charitas dicebatur , in signum scilicet mutux Charitatis & beneuolentiæ ; quo ministerio quid erat æquius ? quid religiosius ? quia tamen impediabat aliud quod erat ipsis à Domino præsertim commendatum , rectè inquiunt , non est æquum nos derelinquere quod est præcipuum nostri Caput officij. Licet aliud sit in se bonum & valde bonum , sed tamen non est æquè bonum quia non est æquè commendatum. Tu vero serue Dei cuius est vel prædicare Verbum Dei , vel legere , vel meditari , vel quodpiam pietatis affine opus exercere in domo Domini , quid dices in tuis illis negotiis quibus te implicas ? Nonne saltem vides quam esset æquius dicere , non est æquum nobis derelinquere opus Dei & secularibus vacare negotiis. Quid sunt enim ista negotia si comparentur cum Sacramentis administrandis quæ tamen ministrare desinebant Apostoli , ne desinerent ministrare Verbum Dei.

act. 13. Sic cum paulò post Spiritus sanctus iussisset Apostolis ut segrega-

rent sibi Saulum & Barnabam in opus ad quod assumpsisset eos , cauebant hi duo diligenter Operarij ne quid aliud ab illo munere quantumuis pium fusciperent , vnde illorum vnus, *non enim misit me Christus baptizare, sed euangelizare* : quasi diceret, tamen si bonum est opus baptizare, non est tamen meum opus, segregatum ab hoc opere in aliud, nec me alteri ausim implicare negotio, quam cui à Domino sum destinatus. O Verbi efficaciam, *segregatus* ! ô si hanc Religiosus attenderet qui non minus est in suo statu segregatus à negotiis sæcularibus, quam sanctus Apostolus à baptismo conferendo !

Nec dicas, esse interdum prudentiæ, Charitatis & cuiusdam piæ Iustitiæ sese proximorum negotiis impendere, nam hoc poterant respondere Apostoli, hoc & ipse Dominus rogatus à fratre de diuidendo suo patrimonio poterat sibi proponere, quo ad componendam litem inclinaretur. Quid enim æquius videbatur quam duos litigantes adunare fratres ? Quid optabilius quam sic illos & vniuersam parentelam sibi demereri ? Quid magis diuino simile quam pacificare discordes ? Et tamen Christus noluit, nec talem prudentiam aut Charitatem aut pietatem exercuit, quia non ita sibi conuenire iudicabat, & ita nobis esse volebat exemplo vt quæ nobis minime conuenirent licet pia, licet sancta, minime tamen auderemus : neque inde propterea nobis quidquam deperiret, sicut neque propterea cessaremus à bono, quin potius & ipsa cessatio nobis in bonum cederet, & aliud interim præstantius quod nostrum esset agere, dum ageremus, maximam apud Deum & homines gratiam colligeremus.

Sic Christus Dominus non hîc omisit pium opus, non omnino negauit quod rogabatur, Dixit & fecit quod fraternam litem posset dirimere, non quo illi quidem modo expetebant, non quasi Diuisor aut Iudex laicus, non sæculari modo & sensu: sed spirituali, sed Euangelico sed Diuino qualem ipsum decebat Christum: *Videte*, inquit illis, & *canete ab omni auaritia, quia non in abundantia cuiusquam vita eius est ex his quæ possidet* : quasi aperte diceret, quando id quod vultis efficerem, non propterea viueretis foelicius, nam vitam foelicem non facit rerum abundantia: docebo vos autem modum vitæ facilius & foelicius traducendæ, reuocate animum ab inordinato rerum affectu, tunc nulla inter vos erit dissensio, & multa pace fruemini. Tum adiecit similitudinem aptissi-

mam de qua est sequens crastina Consideratio; nec dubium quin eis simul gratiam contulerit qua id possent si vellent quod monebat efficere.

Hoc est scilicet militare Deo, hoc est non implicari negotiis secularibus, hoc est placere ei cui te probaueris, hoc est quod probati faciunt operarii & quod probabiles illos facit & inconfusibiles, sicut monebat Apostolus: *Solicite cura teipsum probabilem exhibere Deo, operarium inconfusibilem, recte tractantem verbum Veritatis: profana autem & vaniloquia deuota.* Quasi diceret, in hoc vel maxime te qualem esse hortor exhibebis si profana deuotes & vaniloquia, quod & ante pridem Dominus per Prophetam edixerat: *Si separaueris pretiosum a vili, quasi os meum eris: conuertentur ipsi ad te, & tu non conuerteris ad eos.* Vide ne quantum intersit inter te conuertentem seculares, aut te ad eos conuersum, & ab eis peruersum ac factum secularem?

Vide in 2. p. Fer. 3. octauæ Ascensionis vbi hæc Veritas exhibetur: Sic internis externa sunt temperanda, vt neutrum eorum importunè, & vtrumque opportunè sibi cedat.



FERIA QUINTA.

DE NIMIA RERVM SVARVM CVPIDITATE QVÆ EST IPSA AVARITIA.

Anima, habes multa bona posita in annos plurimos, requiesce, comede, bibe, epulare. Luc. 12.

VERITAS PRACTICA.

Non solum auarus est qui cupit aliena, sed qui cupidius seruat sua.

Seruat autem cupidius qui sibi soli seruat.

Non solum auarus est qui cupit aliena, sed qui cupidius, &c. 493

RATIO primæ partis hæc est, quod cum duæ sint partes auaritiæ, non solum auarus est qui unam, sed & qui alteram explet partem.

Sed qui cupit aliena, partem unam auaritiæ: qui cupide uero seruat sua, partem is explet alteram.


Ergo non solum auarus est qui cupit aliena, sed qui cupidius seruat sua.

RATIO secundæ partis est, quod ille sua seruat cupidius qui cupiditate sua detinetur, ne in bonos ea usus impendat.

Sed qui sua sibi soli seruat, cupiditate sua detinetur, ne in bonos ea usus impendat.

Ergo & sua seruat cupidius; adde & damnosius quàm quisquam putat.

I. P V N C T V M.

 **UOD** Dominus commendarat ut ab omni auaritia siue à nimia rerum temporalium cupiditate caueremus, egregia & valde apposita parabola corroborauit firmius, quam sic refert sanctus Lucas: *Dixit autem similitudinem ad illos, dicens, Hominis cuiusdam diuitis vberes fructus ager attulit: & cogitabat intra se, dicens, quid faciam quia non habeo quò congregem fructus meos? Et dixit, Hoc faciam; Destruam horrea mea, & maiora faciam, & illuc congregabo omnia quæ nata sunt mihi, & bona mea, & dicam anime meæ, Anima, habes multa bona posita in annos plurimos, requiesce, comede, bibe, epulare. Dixit autem illi Deus, stulte! hac nocte animam tuam repetunt à te: quæ autem parasti, cuius erunt? Sic est qui sibi thesaurizat, & non est in Deum diues.*

Hæc est inquam parabola tam egregie composita non ad id solum quod prætendebat Christus, sed ad plures alios colligendos fructus, ut in ea pensiculatim expendenda, totum meritò primum hoc punctum impendi debeat, deinde duo sequentia duæ propositæ Veritates singulatim complectentur.

Ut autem tota oculis & animis fructuosius parabola subiciatur

tres in partes sic potest diuidi vt primo cogitetur quid sibi dicat iste Diues. Deinde quid illi Deus. Ac postremo quid nobis inde Christus.

Quid faciam, ait ille opulentus nouis redundans bonis, *quia non habeo quò congregem fructus meos*. Hic primum admirare quantam sollicitudinem & quas secum angustias inuehat rerum abundantia, quàm vere Christus dixerit ipinosas esse diuitias, nec in eorum abundantia quæ possidentur, vitam & pacem stare. Quod præclare admodum sanctus Gregorius prosequitur in illa verba libri Iob: *Cum satiatus fueris, ardebitur, astuabis, & omnis dolor irruet super eum*. *PRIVS*, inquit, anhelat per auaritiā concupita congregare, & cum quasi in quodam ventre auaritia multa congesse-rit, satiatus ardeatur: quia dum anxietur qualiter acquisita custodiat, ipsa eum sua satietas angustat. Qui ergo ex abundantia coangustatus dicebat, quid faciam, quasi multo cibo pressus astuabat. Pensemus quæ votis appetiit vt vberes fructus ager illius afferret. Ecce autem vota completa sunt quia fructus vberes ager attulerat, sed quia ad recondendum loca non sufficiunt, multiplicatus diues quid faciat, ignorat. O angustia ex satietate nata! de vbertate agri angustatur animus amari. Dicens namque quid faciam, profectò indicat quia votorum suorum affectibus pressus, sub quodam rerum fasce laborabat.

Rassi tract. de hac parabola Amb in Sermon. Sic sanctus Basilius & ex eo sanctus Ambrosius qui & addunt non tantum ex his verbis apparere angustias diuitis, sed & inopiam & egestatem. *Egens vox ista est*, inquiunt, *quid faciam! unde cibis? unde vestitus?* Iisdem cruciatibus pro solitudine facultatum quibus pauper pro egestate torquetur.

Ser. 64. Tum vero pergens miser ille diues, *hoc faciam*, ait, *Destruam horrea mea, & maiora faciam, & illuc congregabo omnia quæ nata sunt mihi, & bona mea*. *CVI* ego respondeo, inquit S. Ambrosius: *Et rectè quidem facis*, nam verè destruere debes horrea iniquitatis, & ea quæ male edificaueras manibus tuis ipse subuerrere: Destruere promptuaria, ex quibus nullus misericordiam consecutus est: deicere ac subuerrere mammona obscura & tetra domicilia. Destruam, inquit horrea mea, & maiora edificabo. Quod si & ista repleris, quid quasò facturus es? Et iterum sine dubio destrues, & iterum reedificabis. Et quis finis stulti huius laboris & brauij, & instantè edificare, & instantius destruere? Et alibi: Rectè destruet qui sapienter edificare non nouit. Destruet sua diues quia nescit æterna. Destruet horrea quia non nouit sua frumenta diuidere sed claudere. Et maiora, inquit, faciam. Infelix! vel id dispensato

I. de X. l. 7.

pauperibus quod pro sumptu adificationis impendis.

Concludit tandem Inops opulentus : Et dicam animæ meæ : Anima, habes multa bona posita in annos plurimos, requiesce, comede, bibe, epulare. O *VERBA*, inquit S. Basilii, verba stultissima! o demen- S. Basilii
hom. de hac
par.
tiam singularem! nam si porcinam habuisses animam, quid aliud ipsi enuntiare potuisses? Itane pecuinus sis? ita bonorum animæ ignorans, eam ut exceptes carnalibus bonis: & quacumque alui secessus recipit, anima destines? Si plena est bonis operibus, si Dei gratiam sibi conciliauit, & familiariter asciuit, tum sanè multa bona habet, tum latari poterit bona letitia. Iam quando terrena sapias, & Deum habes ventrem, totus quoque caro effectus, vitiosis affectibus obsequeris, audi te dignam appellationem quam tibi nullus hominum sed ipse Dominus indidit: Stulte, hac nocte animam tuam abs te repetunt; qua autem preparasti, cuius erunt?

SECUNDVM est huius Parabolæ Caput, nempe quid Diuiti responderit Deus ubi primum quod aduertat, sapiens est monitum Diui Ambrosij: Vide, inquit, dispensationem iusti iudicii Dei. ser. 64.
Indulget ei (diuiti) prodere ac proferre omnia consilia sua, publicare sententiam suam, ut & ipse dignam tali mente ac voto condemnationis sententiam ferat. Quod utique propterea scriptum est non tantum ut quid ille passus sit, nosceremus, sed quomodo nos effugere debeamus, ne similiter condemnemur.

Quis autem hominum credidisset hunc esse stultum qui tam vberes animi prouentus fecisset? Sed quam diuersa sint Iudicia Dei & hominum quis ignorat? Sic itaque iudicio Dei stultus est ille qui solum in bonis habet quæ caduca sunt & temporalia. Stultus ille est qui sibi plurimos promittit annos. Stultus ille qui sibi iam iam morituro nulla parat subsidia. Stultus qui cum cœlum sibi potuisset emere bonis suis, maluit cœlum & bona sua perdere. Stultus, qui bona sua vocat, quorum nulla secum auferre potest. Recte stultus, ait S. Ambrosius, quia anima sua corporalia subministrat, quia recondit quæ cui seruet, ignorat. Et ideo ei dicitur, quæ autem parasti cuius erunt? quid quotidie metiris & numeras & obsignas! quid aurum trutinas, argentum ponderas? Quanto melius est liberalem esse dispensatorem quàm sollicitum custodem? L. de Nati-
uitate c. 7.

Apte autem S. Gregorius in hæc verba Iobi trigesimo quarto, Iob 25.
subito morientur, & in media nocte curuabuntur populi, & pertransi- L. 25. Moral.
c. 2.
bunt, sic rem totam illustrat. Quamlibet, inquit, sero de hac vitæ tol-

lantur iniqui , subito & repente tolluntur , quia finem suum cogitando prauiderere nesciunt. Subitum est homini quod ante cogitare non potuit. Subito dives ille stultus raptus est , qui horrea qua preparabat , deseruit , & Inferni locum quem non prauidebat , inuenit. Ad aliud exercebat animam per cogitationem , sed ad aliud emisit per sententiam. Aliud dum viueret contemplatus est , aliud dum moreretur , expertus. Reliquit enim diu tractata temporalia & inopinata inuenit aeterna. Vnde ei propter hanc ignorantiam cacitatis suae , bene per diuinam sententiam dicitur : Haec nocte repetunt animam tuam à te. In nocte quippe ablata est quae in obscuritate est cordis amissa. In nocte ablata est quae considerationis lucem habere noluit , ut quod poterat pati , prauideret.

SVPEREST Tertium, quid inde Christus ad omnes docu-
menti eliciat. *Sic est qui sibi thesaurizat, & non est in Deum diues!*
Id est, sic stultus habetur Deo, sic dum sibi plures vitæ annos pol-
licetur, derepente incogitans rapietur, sic nihil secum auferet
nisi culpas & æternæ incentiua poenæ. Qua certe sententia vix
vlla est in Scripturis formidabilior; siue multitudinem hominum
species quos comprehendit, siue genus supplicij quod denuntiat.
Quis enim est hominum qui sit in Deum diues? quid est esse diui-
tem nisi abundare rebus, quid diuitem apud Deum, nisi abundare
his rebus quæ censentur apud Deum diuitiæ, quales sunt humili-
tas, contemptus sui, cæteræque virtutes integræ ac perfectæ? Quis
porro his abundat virtutibus? Quid rarius in terris quam verâ vir-
tus? Nonne verò est rarior veræ virtutis abundantia quàm ipsa
virtus? quis proinde censeri poterit diues apud Deum? Et tamen
qui non est ita diues, nullum alium expectare debet finem quàm
illius stulti qui morte improuisa raptus est; id est, impoenitens, id
est, in peccatis mortuus, id est, in inferno sepultus. Et potest dici
quid grauius? Et cum à nimia rerum cupiditate dimanet ista per-
niciēs; quis non attentius ad ipsas vsque radicum fibras hanc radi-
cem malorum omnium euellendam curabit?

II. P V N C T V M.

EX tota proinde Christi Domini parabolica similitudine discendum hoc in primis proponitur, quanto sit studio temperanda hæc rerum nostrarum cupiditas, quæ non minus avaritiæ nomen sibi allinit, quàm foeda ipsa rerum alienarum appetentia. Verè

Non solum avarus est qui cupit aliena sed qui cupidius, &c. 497

Verè enim verum est quod sanctus Augustinus docuit & iam ser. 128.
forte alias auditum est, sed modo expressius declarandum venit : ad temp.
Non solum avarus est qui cupit & qui rapit aliena, sed qui cupidius
servat sua.

Ratio quæ brevius contrahetur quàm fuerit proposita sic eviden-
ter constat, Nam si avarus est qui cupit aliena, quòd pars quædam
hæc sit & species avaritiæ ; cur non æque diceretur avarus qui cu-
pidius servat sua, cum sit ex æquo pars hæc avaritiæ, nec minus
propria species ? Audi enim Dium Thomam : *Avaritia peccatum* 2. 2. q. 138.
est quo quis supra debitum modum cupit acquirere vel retinere divitias. a. 1. ad 2.
Et paulo post declarans quomodo sit peccatum in proximum &
in seipsum, docet esse in proximum *indebite usurpando qua sunt pro-*
ximi : At vero in seipsum, *immoderatus amando & desiderando di-* a. 4.
vitias, aut se in eis delectando. Ac rursus ubi agit de virtute quæ
huic opponitur vitio, respondet esse Iustitiam *quoad illam scilicet*
primam partem & speciem qua quis cupit & retinet aliena : quoad
verò alteram *qua quis sua cupidius fovet & his detinetur*, Liberalita-
tem illi esse oppositam, cuius hoc proprium munus est affectio-
nem animi circa divitias moderari. Videsne quam pari modo de
utraque vitij loquatur specie, quàmque pariter avarus ille sit qui
sua tam cupide diligit ut sit tenax & parcus, quam qui aliena tam
avidè possidet ut sit iniustus ?

Sic omnes passim Scripturæ, sanctique Patres non aliter fre-
quentius avarum exprimunt quam qui nimio temporalium reti-
netur affectu, siue illa sint propria seu aliena fuerint. *Avarus non*
implebitur pecunia : & qui amat divitias fructum non capiet ex eis. Eccl. 5.
cupido & tenaci sine ratione est substantia. Qui aurum diligit, non iusti- ibid. 14.
ficabitur, Atque in hunc plane sensum quod gravius de avaritia ib. 31.
dicitur nempe quod *sit idolorum seu simulachrorum servitus* : sanctus
Augustinus de immoderato avarorum affectu interpretatur quo, Eph. 5.
inquit, *in sordibus pecunia inhærescunt, ibique suum finem ac summum* L. 11. de civi-
bonum ponunt, & tamquam idolum colunt. lit. c. 24.

Nonne hæc satis ad intellectum quo agnoscas te avarum esse si
cupidius tua servas aut diligis ? Eruntne vero satis ad affectum ?
Plurane tibi oportet ad detestationem vitij ? Possesne avari nomen
admittere ? non erubesceres ad hanc infamiam ? nonne ut iniuriã
acciperes si de te diceretur, *cor habet exercitatum avaritia.* Hoc ta- 2. Pet. 2.
men de te ait S. Petrus si cupidius tua servas & diligas.

4. Pars.

R r r

III. P V N C T V M.

SERVAT autem cupidum qui sibi soli servat.

Hæc adjungenda fuit præcedenti Veritas, ne quis forte ad equitandum avari nomen negaret se cupidius sua servare ac diligere; hoc est videlicet certissimum nimix cupiditatis argumentum si tibi soli tua serues, seu quod idem pene est, nisi libenter & liberaliter quantum potes, pauperibus eroges. Quid enim est illud servare cupidius nisi plus nimio, nisi plus quam oportet? Vnde nam autem agnoscet illud *nimum* aut illud *plus* nisi quando in bonos usus essent impendenda quæ seruas, sola cupiditate teneris, ne illa impendas?

At si tibi soli tua seruas, quid est quod te ab illis bonis vñibus sue opportunis impensis detineat, nisi sola illa tua cupiditas siue tuorum amor bonorum? unde quid sequitur nisi hoc idem esse servare sua cupidius, & sibi soli servare? Ac proinde ad praxim si quod cupidius in te est, si quod cupiditatis est nimium velis moderari ac temperare, ne tibi soli tua serues, da libenter egentibus: aut nisi dederis, nosce te ipsum, nosce te cupidius tua diligere, nosce non minus esse avarum quam si aliena cuperes aut raperes.

3. p. 127. ad m. 12. Sic ex utroque sanctus Gregorius; *Admonendi sunt*, inquit, *qui nec aliena appetunt nec sua largiuntur ut sciant sollicitè quod ea de qua sumpti sunt, cunctis hominibus terra communis est & idcirco alimenta quoque omnibus communiter profert. Incaustum ergo se innocentes putant qui commune Dei munus sibi priuatum vendicant, qui cum accepta non tribuunt, in proximorum nece grassantur, quia tot pene quotidie perimunt quot morientium pauperum apud se subsidia abscondunt.*

Et post nonnulla: *Hi autem dicere nonnumquam solent: Concessis vitimur, aliena non quarimus: & si digna misericordia retributione non agimus, nulla tamen peruersa perpetramus. Quod idcirco sentiunt, quia videlicet aurem cordis à Verbis cælestibus claudunt. Neque enim diues in Euangelio qui induebatur purpura & bysso, qui epulabatur quotidie splendide, aliena rapuisse, sed infructuosè proprius usus fuisse perhibetur: eumque post hanc vitam ultrix gehenna suscepit, non quia aliquid illicitum gessit, sed quia immoderato usu totum se licitis tradidit. Admonendi sunt tenaces ut nouerint quod hanc primam iniuriam faciunt Deo, quia danti sibi omnia, nullam misericordia hostiam reddunt. Hinc enim*

Psalmista ait , Non dabit Deo placationem suam , nec pretium redemptionis anima sua. Pretium namque redemptionis dare , est opus bonum praueniens nos gratia reddere. Hinc Ioannes exclamat , dicens , Iam enim securis ad radicem arboris posita est : omnis arbor quæ non facit fructum bonum excidetur , & in ignem mittetur. Qui ergo se innoxios quia aliena non rapiunt , æstimant , ictum securis vicina prouideant , & torporem improuida securitatis amittant , ne cum ferre fructum boni operis negligant , à presenti vita funditus quasi ex viriditate radicis exsecentur.

Atque hinc , ne à nostra Parabola longius abeamus , hinc certe sanctus Ambrosius , sanctum ut dixi sequutus Basilium , grauiter & multis illum nostrum parabolicum vrget Diuitem quod sibi sua soli seruaret , nec de aliis inde fouendis vlllo modo cogitaret. Vide , inquit , beneficiis diuinis diues quam ingratus existat : Communis hominum natura non meminit , æquum non putat saltem ex superfluis aliquid egentibus impertiri. Et post multa : Sed recordare ô homo , quis est qui largitus est tibi ? Te ipsum qui sis , in memoriam reuoca. Seruus es Dei , & dispensatio tibi commissæ est dominicæ facultatis. Quid est quod multis prælatus es ? Non est utique sine causa quod tibi à bono & iusto Deo officium tibi tribuitur largiendi , aliis necessitas imponitur indigendi. Dispensatorem igitur conseruorum tuorum te ex Dominicis facultatibus esse cognosce. Nec existimes quod omnia ventri & deliciis tuis terra producat. Quæ in manibus habes , commissæ tibi magis quam concessa cognosce : paruoque tempore aliquantulum super iis lateris , & abuti eis voluptuosius delecteris , Cum verò hæc pariter cum vita nostra defluerint , rationem dispensationis nostræ vocemur Domino reddituri. Hic mihi te paulisper indulge ô quis es qui diuitiarum dispensationem in hoc mundo sortitus es , & te in illo terribili Dei Indicij tribunali adstantem , paululum quid vacans , si tamen vacare potes à diuitiarum sollicitudinibus , intueri. Cum interrogari ceperis , commissas tibi opes cum quibus egentibus diuisti , quibus necessitatem patientibus subuenisti , quos de carceribus , de vinculis , de gladio profusa pecunia liberaisti , quibus pupillis pater , cui vidua vir castis prouisionibus extitisti : Pecunia mea , fructus mei quid apud te operis , quid utilitatis habuere ? Tu ad hæc sine dubio respondebis : omnia simul reposita ac recondita claustris validissimis & signaculis tutissimis communini ; nulli quidquam tribui , quinimo , & ad custodienda & vigilias meas addidi , curas impendi , sollicitudines tribui. Sed stulto consiliario usus es temetipso , deli-

berans enim ais, quid faciam? Consequens utique erat te de talibus deliberante dicere: Aperiam horrea mea, & replebo esurientes animas pauperum, patefaciam quo recondita sunt, & inuitabo indigentes, ac releuabo afflictos, imitabor beatum Ioseph, & humanitatis voce proclamabo, si quis indiget panibus, veniat ad me, & gratiam quam Dominus indulgentiori liberalitate mihi largitus est, communem cum omnibus faciam. Velut ex communibus ergo fontibus hauriat, unusquisque quod sufficit. Sed tu nihil tale non solum proloqueris, verum nec cogitas quidem, quinimo hominibus quidem diuina inuides beneficia, tuam verò ipsius animam malignis consiliis affligis, & cogitas abundantiam Dei, humanam facere penuriam.

Quod si difficile putas, o homo magnificentiam diuina largitionis imitari, imitare terram; si leuare sursum oculos non potes, saltem ea quæ deorsum sunt, & in pedibus tuis, intueri. Affer etiam tu fructum sicut terra, noli esse deterior insensibili elemento. Illa enim fructus quos affert, non suis vsibus vendicat, sed tuis ministrat obsequiis: Tu verò fructus illius solus inuadis, & tibi soli concludis. Quod si tantum auiditatis te morbus constringit, ut tua velis facere omnia, accipe & ad hoc salutare remedium: Beneficium Largientis, prabenti magis permanet quam suscipienti: Nam misericordia quidem ad Indigentem peruenit, gratia autem multiplicata mercedis permanet tribuenti. Esurienti dedisti panem, Ille quidem pastus est & refectus, sed ad te redit quod dedisti cum fructibus & usuris. Quod si id difficile putas, considera frumentum quod seminatur in terra, si non ad seminantis potius quam ad suscipientis lucra cedit. Et quæ illic plura fusius prosequitur; breuius autem, nec minus luculenter in libro quem inscripsit de Nabuthe, Tua, inquit, te voce conuenio: Habes multa bona in annos multos posita, potes & tibi & aliis abundare. Habes fecunditatem publicam. Quid destruis horrea tua? ostendo tibi ubi melius tua frumenta custodias, ubi benè sepias, ubi fures ea tibi auferre non possint. Include ea in corde pauperum, ubi nulla tineæ, nullus gurgulio ea consumat, nulla corrumpat vetustas. Habes apothecas, inopum sinus: habes apothecas viduarum domos; habes apothecas ora infantium orphanorum, ut dicatur tibi; ex ore infantium & lactentium perfecisti laudem. Ista sint tibi apotheca, quæ maneant in æternum, ista sint tua horrea quæ fecunditas futura non destruat; Dat tibi fecunditatem Deus, ut aut vincat aut condemnet auaritiam tuam, quo excusationem habere non possis. Tu verò quod per te multis nasci voluit, tibi soli reseruas, imò & tibi ipsi adimis. Ma-

Non auertes periculum, nisi aduertas diligentius.

301

gis enim seruares tibi, si disperderes alius.

Vide in 3. p. Dominica 6. & 8.



FERIA SEXTA.

DE PERDITIONIS ÆTERNÆ
PERICULO, EX DEFECTU PŒNITENTIÆ.

Nisi Pœnitentiam habueritis, omnes similiter peribitis.
Luc. 13.

VERITAS PRACTICA.

Non auertes periculum, nisi aduertas diligentius.

*RATIO EST, Quia perditionis æternæ periculum de quo hîc
agitur, non auertes, nisi veram habueris pœnitentiam.*

Sed nisi aduertas diligentius, veram non habebis pœnitentiam.

*Ergo nec auertes periculum, quod tamen subire nolles; ac proinde
præcauendum modò attentius.*

I. P V N C T V M.

ADERANT autem quidam in ipso tempore, ait sacer Euan-
gelista, nuntiantes illi de Galilæis, quorum sanguinem Pilatus
miscuit cum sacrificiis eorum. Rebelles scilicet contra Ro-
manos hi erant Galilæi, qui dum sacrificium offerrent, occisi sunt
& ita sanguis eorum mixtus est cum sanguine hostiarum quas tum
mactabant. Et respondens Dominus dixit illis: Putatis quod si Galilæi
præ omnibus Galilæis peccatores fuerint, quia talia passi sunt? Non, dico
vobis: Sed nisi pœnitentiam habueritis, omnes similiter peribitis. Sicut
illi decem & octo supra quos cecidit turris Siloe, & occidit eos, putatis quia
& ipsi debitores fuerint præter omnes homines habitantes in Ierusalem?
Non, dico vobis: Sed si pœnitentiam non egeritis, omnes similiter peribitis.

Ex quibus Domini verbis ita consequenter repetitis triplex elicitur morale documentum. Primum est quod ex humanis quæ videmus inferri suppliciis, æternæ cogitandæ sunt poenæ quas peccatores incurrunt. Secundum est, quod sicut apud homines non hi solum puniuntur qui sunt insigniores in aliquo crimine, sed qui etiam minora quædam perpetrant, quales erant isti Galilæi quos Pilatus iussit occidi, sic apud Deum, non deterrimi tantummodo sed quilibet peccatores nisi veram peccatorum habuerint poenitentiam, certissimè punientur. Tertium denique quod cum sint multi peccatores, & pauci quos verè poeniteat sui peccati, serio id cogitandum & aduertendum, ac proinde semel ac iterum duplicato exemplo repetit, & ad omnes pertinere periculum docet ut omnes sibi prospiciant; & quo minus forte sibi timerent aliqui quod non sint ex deterioribus, tanto illis cauendum attentius ne hac peccati fallacia deludantur, quia sic tanto damnosius periclitantur, quia tanto minus diligenter aduertunt ut auertant periculum, quamobrem quisquis ex illis est, audiat Veritatem propositam, *Non auertes periculum, nisi aduertas diligentius.*

Non auertes nempe periculum de quo Christus hic agit, periculum peccati commissi, periculum poenæ subeundæ, periculum perditionis æternæ, non auertes illud periculum nisi veram aliquando habeas poenitentiam. Nam cum reuera sis peccator & plurimum forte aut grauiorum quàm putes peccatorum reus, tam necessaria est tibi poenitentia, ut numquam alioquin possit peccatum remitti, neque nisi remisso plene peccato possit vñquam auerti periculum illius poenæ quod meretur. Nonne hoc ita esse credis? An putas quemquam in peccato posse saluari? An putas peccatum tolli nisi peccatorem poeniteat? quorsum illæ Christi voces tam absolutæ, tam constantes, tam omni ex parte certitudinis obfirmatæ: *Nisi poenitentiam habueritis; si poenitentiam non egeritis, similiter omnes peribitis*, Id est, tam verè de futuro, quam vere de præterito, cum non minus illud certo eueniat quam quod iam certò euénit.

Nec profecto est alia Sacramenti vllius necessitas, seu aliter declarata quam hac eadem voce, *Nisi*, vel simili poenarum denuntiatione quæ poenitentiam imperat: ut cum ait Dominus Sacramentorum omnium Institutor, de suo Corpore comedendo, *Nisi*

manducaveritis carnem filij hominis, non habebitis vitam in vobis: Et Joan. 6;
de baptismo: Nisi quis renatus fuerit ex aqua & Spiritu sancto, Ibid. 3.
non potest introire in regnum Dei. Nonne hoc propterea censetur
 necessaria Sacramenta? Cur non pari modo poenitentia quæ pari
 modo commendatur? Aut certe si quorum est Interpretum vel
 præsertim Ecclesiæ verba Christi ac mentem interpretari, vide
 quid sentiant, audi quid doceant & vno constanti sensu quid te-
 neant. Fieret potius, inquit omnes, vt non manducata carne
 Filij hominis haberetur vita in nobis: & non baptisati aqua introi-
 rent in regnum Dei, quàm quis hominum peccati, & poenæ con-
 sequentis remissionem haberet sine vlla poenitentia. Nam alio-
 rum quidem omnium Sacramentorum defectum supplere potest
 poenitentia, poenitentia vero defectum, nullum neque Sacra-
 mentum suppleat, nec oratio, nec eleemosyna, nec ieiunium,
 nec quidvis aliud. Sola tibi est supplemento poenitentia, nam si
 Sacramentum deest, virtus adsit necesse est: aut si perfecta virtus
 non est, Sacramentum adsit oportet: licque vt dictum est, sibi
 quidem & aliis omnibus supplere potest, sed aliud nihil ipsi, si de-
 ficit. Vnde illud inferitur, quod ex diuinis omnibus ad salutem
 institutis, nihil sit æque peccatoribus necessarium. *Nec quemquam* Ep. 18.
putes, inquit sanctus Augustinus, ab errore ad veritatem, vel à quo-
cunque seu magno seu paruo peccato ad correctionem sine poenitentia
posse transire. Nam dicendus esset simul in peccato esse & non esse,
 Non esse quidem quia transisset ab eo, vt supponitur: esset vero
 quia cum eum peccati non poenituisset, perinde est ac si peccatum
 retinuisset; quæ cum inter se pugnent, dici non possunt, atque ita
 manifeste patet quod nili veram habueris poenitentiam, pericu-
 lum peccati quod est æterna perditio non auertes, quia peccatum
 alioquin remanebit cum quo ita conjunctus est sempiternus inter-
 ritus, sicut rei male concupitæ connexum erat peccatum. No-
 luisses forte peccatum cum mala concupiscentia; sed frustra, cum
 separari non possint: sic illum nolles interitum qui peccatum con-
 sequitur, sed quamdiu peccatum erit, erit interitus; & donec poe-
 nitentia deleatur, tamdiu peccatum erit.

II. PUNCTVM.

SED nisi aduertas diligentius, veram non habebis poenitentiam.

III, P V N C T V M.

NON auertes ergo periculum, nisi aduertat diligentius, quia cum periculum ipse faciat impœnitens animus, numquam non faciet nisi quando esse quod est desinet, nisi quando ex impœniti flet pœnitens: quod numquam fiet nisi aduertat diligentius ad animæ tuæ statum; ad vocationis tuæ perfectionem; ad perfectionis tuæ gradum: ad sanctificationis tuæ medium singulare, quod vel agnoscere negligis vel consecrari fideliter. Sic Ipse suos Domiaus singulatim admonebat, tamen non illi essent ex deterioribus: Scio, inquit vni, opera tua, & laborem, & patientiam tuam, apoc. 2. multisque aliis commemoratis bonis, tum pergit: Sed habeo ad- 3. uersum te quod Charitatem tuam primam reliquisti. Memor esto itaque unde excideris & age pœnitentiam, & prima opera fac: sin autem venio tibi, & mouebo candelabrum tuum de loco suo, nisi pœnitentiam egeris. Sic alij non minus commendato: Sed habeo, inquit, aduersus te pauca, quæ postquam declarauit; similiter pœnitentiam age: si quo minus veniam tibi cito. Ac rursus alij: Scio opera tua, quia nomen habes quod viuas, & mortuus es. Esto vigilans, & confirma cætera quæ mortuata erant. Non enim inuenio opera tua plena coram Deo meo. In mente ergo habe qualiter acceperis & audieris, & serua, & pœnitentiam age. Si ergo non vigilaueris, veniam ad te tamquam fur, & nescies qua hora veniam ad te.

Videsne Lector, quanto in periculo illi essent? Videsne quod tale non auertissent periculum, nisi diligentius aduertissent? Videsne quod aduertendi modus est attentior sui cognitio? Videsne quod huius cognitionis fructus est vera pœnitentia? Videsne quod nisi cito veram adhibeamus, Ipse cito aderit quo dilationem puniat? Videsne tandem te his in omnibus designari; nec moueberris, nec aduertes diligentius, nec periculum imminens auertere statages, aut quoquo modo tibi cautiùs providebis? & quam ille Sapientior de quo in pari casu dicitur: *Respicit homines, & dicit, peccanti, & verè deliqui, & ut eram dignus non recepi,* tum statim ad- 101. B. dicitur. *Liberaui animam suam ne periret in interitum, sed viuens lucem videret.* Quodque hoc vnum sit quò suis monitis spectaret Dominus, sic pergit: *ecce, hac omnia operatur Deus tribus vicibus per singulos. Ut renocet animas eorum à corruptione, & illuminet luce viuendum.*

Vide in 1. p. Dominica 4. Aduentus, & in 2. p. Dominica Septuagesimæ.



S A B B A T O.

DE FICU INFRUCTUOSA, ET DE MULIERE INCURVATA.

Arborem fici habebat quidam plantatam in vinea sua, &c.

Et ecce mulier quæ habebat spiritum infirmitatis, annis decem & octo: & erat inclinata, nec omnino poterat sursum respicere. Luc. 13.

VERITAS PRACTICA.

Mens incuruata, mens infructuosa.

SENSVS ET RATIO EST, Quod mens incuruata quæ per hanc mulierem designatur, ipsa est naturalis & voluntaria propensio ad res creatas & infimas consecutandas.

Sed per hanc ipsam voluntariam propensionem ad res creatas & infimas Mens infructuosa redditur sicut illa ficus de qua est mentio.

Ergo & verum est affirmare quod mens incuruata, mens sit infructuosa; Cumque à praua voluntate præsertim fiat ut mens ita sit simul incuruata & infructuosa, corrigenda est illa praua voluntas.

I. P V N C T V M.

VIDERI debet Euangelicus textus ubi duplicis rei proposita narratio fusior exhibetur. Quàm vero apte res utraque simul conjungatur sic præclare, S. Gregorius exhibet: *Dominus ac Redemptor noster per Euangelium suum aliquando verbis, Hom. 31. in aliquando rebus loquitur; aliquando aliud verbis, atque aliud rebus: Euang. aliquando autem hoc verbis, quod rebus. Duas etenim res ex Euangelio, fratres audistis, ficulneam infructuosam, & mulierem curuam, & utrique est pietas impensa. Illud autem dixit per similitudinem, istud egit per exhibitionem. Sed hoc significat ficulnea infructuosa, quod mulier inclinata: & hoc ficulnea reservata quod mulier erecta. Et paucis interiectis: quid arbor fici nisi humanam naturam designat? quid mulier inclinata nisi eandem naturam significando denuntiat? quæ & benè plantata est sicut ficus, & benè creata sicut mulier: sed in culpam propria sponte lapsa, neque fructum servat operationis, neque statum rectitudinis. Ad peccatum quippe ex voluntate corruens, quia fructum obedientie ferre noluit, statum rectitudinis amisit quæ ad Dei similitudinem condita, dum in sua dignitate non perstitit, quod plantata vel creata fuerat, servare contempsit.*

In quibus sancti Doctoris verbis aduerte, causam perditæ rectitudinis poni defectum fructus siue defectum obedientiæ, quæ à primo parente reddenda Deo erat, quia sic reuera præcessit ille defectus obedientiæ, & inde amissa est mentis rectitudo, ac consequenter interior contracta est Curuatio quæ ad posteros omnes dimanavit. Nunc vero post Christi Redemptoris aduentum, si quæ damnosa est mentis humanæ curuatio & infœcunditas, non est causa curuationis infœcunditas: sed potius ipsa curuatio causa est infœcunditatis. Vnde in Veritate quæ modo considerata proponitur, sic illa duo simul connectuntur, ut prius mens incuruata, tum infructuosa denuntietur, quia non iam in nobis sit sicut in primo factum est homine, ut simus male incuruati quod simus infructuosi: sed contra potius infructuosi sumus quod simus incuruati. Quod certe ad Praxim sic est utilius Veritatem expendere: quia sic cognita mali labes quæ in sola est nostra voluntate facilius cum gratia curari poterit.

Sic ergo habe, sic perpende, sic intellige quàm sit utrumque

SSS ij

incuruatus, sed usquequaque incuruatus est. Hinc alius Propbeta de immundis spiritibus dicit: qui dixerunt anima tua, INCURVARE ET TRANSEAMVS. Recta quippe stat anima cum superna desiderat, & nequaquam flectitur ad ima: sed maligni spiritus cum hanc in sua rectitudine stare conspiciunt, per eam transire non possunt. Transire namque eorum, est immunda illi desideria spargere. Dicunt ergo, incuruare ut transeamus: quia si ipsa se ad ima appetenda non dejicit, contra hanc illorum peruersitas nullatenus conualefcit. Et transire per eam nequeunt quam contra se rigidam in superna intentione pertimescunt. Nos ergo fratres Charissimi, nos viam malignis in nobis spiritibus damus, cum terrena concupiscimus, cum ad temporalia appetenda curuamur. Pudeat ergo terrena concupiscere, & dorsa mentium ascendentibus aduersariis prabere. Terram semper intuetur qui curuus est, & quo pramio sit redemptus, non meminit qui ima quarit.

II. PUNCTVM.

SED per hanc ipsam voluntariam propensionem ad res creatas & infimas, mens infructuosa redditur, sicut illa ficus de qua est mentio. Quid est enim esse infructuosum, nisi bonorum esse operum fructu vacuum, nihil bene operari, nihil mereri dignum vitâ æternâ? Quid est autem quod nos ab illo præsertim fructu priuet, quàm defectus recti finis & puræ in operando intentionis, sine qua quidquid vel boni agas, nihil agis; & cum qua quidquid opereris, dum ex se malum non sit, rectum & fructuosum est opus? Quid denique mentem nostram à recto detorquet fine, nisi voluntaria illa propensio ad res creatas & infimas quæ dum pro fine & scopo nostrorum habentur operum, finem non faciunt satis approbatum, nec proinde ipsa probantur opera, nec proinde ullus eorum fructus? *Ventus urens siccauit fructus eius. OLIVETA vestra & ficeta vestra comedit cruce. MODICVM fermentum totam massam corrumpit. Per totam noctem laborantes nihil capimus.* Vide in i. p. Sabbato Hebdom. 2. post Epiph. & ubicumque de recto fine ac pura intentione differitur. Quod ex vno sancti Augustini loco plurimum illustratur, in illum scilicet Psalmi versiculum, *Auerte oculos meos ne videant vanitatem*, quæ verba postquam vno sensu explicuit: sed est hic alius, inquit, sensus, quem mihi fateor plus placere. Dominus in Euangelio dicit, si fuerit oculus tuus simplex, totum corpus tuum luci-

Ezech. 19.

Amos 4.

1. Cor. 5.

Luc. 5.

Ps. 118.

dum erit : si autem oculus tuus fuerit nequam , totum corpus tuum tenebrosus erit . Si ergo lumen quod in te est , tenebra sunt : ipsæ tenebra quantæ erunt ? PROINDE magni interest dum aliquid boni facimus cuius rei contemplatione faciamus . Officium quippe nostrum non initio sed sine pensandum est , ut scilicet non tantum si bonum est quod facimus , sed præcipue si bonum est propter quod facimus , cogitemus . Hos oculos quibus contemplamur quare faciamus quod facimus , auerti poscitur ne videant vanitatem , id est , ne hanc attendat , propter quam faciat cum boni aliquid facit : In qua vanitate præcipuum locum obtinet amor laudis humane , Contra quem laudis amorem postquam multa dixit , Non ergo , inquit , sit finis nostri boni operis in laudibus hominum , sed ipsas laudes hominum corrigamus , & ad Dei laudes omnia referamus , à quo nobis datur quicquid in nobis sine laudantis errore laudatur . Tum vero pergens consequenter : Porro si vanum est propter hominum laudes , bona facere ; quanto vanius propter adipiscendam pecuniam , vel augendam , siue retinendam , & si quid huiusmodi est commodi temporalis quod nobis accedit extrinsecus , quia omnia vanitas . Propter ipsam denique temporalem salutem non debemus facere bona opera nostra , sed potius propter illam quam speramus æternam , ubi bono immutabili perfruamur quod nobis erit ex Deo , imo quod nobis est ipse Deus . Quali diceret , licet bono aliquo potiremur cum in hac vita sine respectu ad futuram æternam operaremur ; quia tamen bonum illud esset mutabile , caducum & perituum , non esset ille fructus quem ex operibus nostris par est colligere , debet enim is esse fructus quem opera possunt edere , possunt autem perpetuum , immortalem , & qualis est ipse Deus aliquando possidendus . O quale meritum , ô qualis nostrorum fructus operum ! Sed nullus plane est iste fructus si mens naturalem sequatur affectum quo propendet in res hæc creatas & infimas , quia sic nullum habet probatum finem : & nisi finis operis sit probatus , nullus est operis fructus . Arbor illa fici est in qua quærens fructum Dominus non inuenit , & non inuento fructu , ait Cultori vineæ , succide illam , ut quid etiam terram occupat ?

Vide in 3. p. in fine , ubi de votorum renouatione agitur , siue de triiduana Recollectione quæ hanc Renouationem antecedit .

III. P V N C T V M.

MENS igitur incuruata, mens infructuosa est, quia scilicet illud quo incuruata dicitur, illud ipsum est quo infructuosa fit, cum non aliter incuruetur quam inordinate appetendo & agendo quidquid agit, quod quamdiu mens sic agitat, tam infructuosa est quam illud opus sine fructu est quod non est recto fine ordinatum. *Omnes declinauerunt, simul inutiles facti sunt, non est qui faciat bonum, non est usque ad unum.* Quia videlicet omnes incuruati sunt, omnes euerterunt sensum suum, & declinauerunt oculos suos ut non viderent cælum, neque recordarentur iudiciorum iustorum. Vnde S. Gregorius suum illum concludens discursum quem superius audiuius, Si ergo, inquit, iam bona cælestis patria agnouimus, displiceat nobis, fratres charissimi, quod curui sumus. Ponatur ante oculos Mulier curua, & arbor infructuosa: in quibus scilicet mens nostra se contempletur, ut quantum se videt curuam, tantum se infructuosam agnoscat. Et quantum curuatura displiceret in corpore, tantum in mente displiceat; imo tanto magis in mente displiceat quanto est foedior curuatura mentis quam corporis; Qua de re vide in 2. parte, Fer. 6. Hebd. 1. post octauam Paschæ. Et supra in hac Hebdomada, Feria tertia, ubi de cura interioris hominis supra exteriorem, quæ huc commodè referri possunt. Et vero maxime quæ de mala dicuntur arbore in 3. p. Dominica 7. ubi hæc Veritas declaratur:

Qua ratione fit, ut plures dici possint malæ quam bonæ arbores: eadem prorsus fiet, ni caueas, ut mala potius quam bona sis arbor.





DOMINICA XXIV

POST PENTECOSTEN.

HIC obseruanda est eadem Annotatio quæ seruat^r in vsu diuini officij circa Euangelium proprium Dominicis sequentibus vsque ad Aduentum.

Non possunt plures restare Dominicæ siue hebdomadæ quàm quinque, sed possunt esse pauciores. Si quinque restent, Euangelium hodiernum est de Leproso mundato & seruo Centurionis Sanato. De quo in 1. parte, Dominica 3. post Epiphaniam.

Si pauciores restent, consule Directorium, & statutum serua ordinem.



HAC HEBDOMADA, quædam occurrunt insignes Parabolæ seu celebriora Christi Domini dicta, quibus manifestum relinquit quantis quàmque suauibus ad se libertatem nostram alliciat modis; Et contrà quantis se illi nostra libertas opponat viis.
Ex tunc S. Luca.

FERIA SECUNDA.

DE COENA MAGNA.

Homo

Sicut nullis cœna est, nisi vocatis; sic nulli vocantur, &c. 513

Homo quidem fecit cœnam magnam, & vocavit multos. Luc. 14.

VERITAS PRACTICA.

Sicut nullis cœna est, nisi vocatis; sic nulli vocantur à Domino, nisi ad cœnam.

Quocumque nos Christus vocet, quasi ad cœnam vocat siue conuiuium.

RATIO postremæ partis quæ sola difficultatem habet, hæc est inter alias: Quod secura mens dicitur quasi iuge conuiuium.

Sed quocumque nos Christus vocet, sic vocat ad securam illam mentem, ut in eo solum quod vocat, sit illa secura mens.

Ergo & quocumque nos vocet, quasi ad cœnam vocat siue conuiuium: quod tamen ire multi refugium, quasi iuge tormentum esset eò ire, vel ibi stare.

I. P V N C T V M.

QVM Dominus à quodam Principe Pharizæorum invitatus esset ad prandium, multaque more suo de virtutibus & de futura bonorum operum compensatione differeret, Quidam è discumbentibus loquentem eum ita miratus est ut palam in has voces eruperit: *Beatus qui manducabit panem in regno tuo.* Tum verò Dominus illustrem illam Parabolam de vocatis ad cœnam magnam, & venire nolentibus proposuit, quæ cum multa significet, pro vario Scripturæ sensu, iam quidem de illa dictum est in 2. parte, prout repræsentat Sanctissimum Sacramentum; nunc autem opportune ad finem nobis in hac hebdomada propositum rursus exhibetur, ut agnoscamus quàm suauiter nobiscum agat Dominus cum ad sui cultum & obsequium nos omnes vocat, quemcumque tandem in vitæ statum vel perfectionis gradum nos aduocet, vel quidquid in eo difficultatis, &

4. Pars.

T t t

Sicut nullis cœna est, nisi vocatis; sic nulli vocantur, &c. § 13
cœli, quoddam sit veluti cœlum, & proinde quasi iuge conuiuium,
Vide ibi dicta.

II. P V N C T V M.

SE D quocumque nos Christus vocet, sic certò vocat ad securam illam
mentem, ut in eo solum quò vocat, sit mens illa secura.

Quæ securitas hîc haberi possit, docet sanctus Bernardus, & Ser. 2. in
est. Pasche.
In die S.
Ioan. Bapt. refertur in 2. & 3. parte, quo præsupposito, nihil ex omnibusquè po-
test esse securum quam quod ex Diuina manat sapientia, quæ
cum falli non possit in mediis ordinandis ad salutem, non potest
etiam quemquam fallere: vnde duo illa sequuntur euidenter, &
quod secure procedat qui, ut ait Iob, *vestigia eius sequitur*, & quod
extra illum nulla possit esse securitas; Quod vtrumque complexus
Apostolus: *Cum metu, inquit, & tremore, vestram salutem operamini*: Phil. 2.
Deus est enim qui operatur in vobis & velle & perficere pro bona volun-
tate. Id est, prout ordinauit & vnicuique præscripsit, in eoque me-
tus & tremor quem commendat, vertitur, ut ne quis vltra vel citrà
progrediatur quàm Ipse Deus velit: nam ipsa est Eius Voluntas
quæ suum ita omnibus statuit ordinem & certum medium, ad
æternam consequendam beatitudinem, ut quod est meum si vsur-
pare velles, & ego tuum si mihi vendicarem, nobis vtrumque
mors esset quod erat vtrique vita. *Hic liber mandatorum Dei & lex* Bar. 4.
qua est in æternum, inquit Propheta: *omnes qui tenent eam peruenient*
ad vitam: qui autem dereliquerunt eam, in mortem. *Conuertere Iacob*
& apprehende eam, ambula per eam ad splendorem eius contra lumen
eius, id est, iuxta & prope. *Ne trad. is alteri gloriam tuam, & dignita-*
tem tuam genti alienæ. *Beati sumus Israel, quia qua Deo placent, ma-*
nifesta sunt nobis, ut ea scilicet faciamus: & ea facientes, beati
simus.

Quod non tantum de ipsa beatitudinis quam vocant substantia
verum est, sed de ipsis etiam particularibus circumstantiis ac qui-
buscumque meriti conquirendi rationibus intelligendum est, vn-
de Diuus Thomas, *quacumq; alia*, inquit, *virtutum opera, ex hoc me-* 2. 2. q. 104.
ritoria sunt apud Deum quod fiant ut obediatur Diuina voluntati. Nam^a 3.
si quis etiam martyrium sustineret, vel omnia sua pauperibus erogaret
nisi hoc ordinaret ad impletionem diuina voluntatis, meritoria esse non
possent, sicut nec si fierent sine Charitate.

T t t ij

Luc. 14. Factum est ut imperasti, aiebat seruus à Domino suo missus ut invitatos vocaret ad cœnam magnam, non aliud dicit quod fecerit nisi quod imperatum est; quia hoc vno bene fecit quod fecit, quia factum est quod imperarat Dominus. Sic Apostolus, dum consummem, inquit, ministerium quod accepi à Domino Iesu, nihil me alia mouent: hoc vno premor, hoc vno vrgeor. Sequor, si quomodo comprehendam in quo & comprehensus sum à Christo Iesu; ad destinatum persequor, ad brauium supernæ vocationis Dei in Christo Iesu. Quin & ipse Dominus hoc vnum sibi faciendum, aut se hoc vnum fecisse affirmat quod sibi quodammodo præscriptum esset; Ut faciam, inquit, voluntatem eius qui misit me, ut perficiam opus eius. O PVS consummaui quod dedisti mihi (Pater) ut faciam.

Joan. 4. Ioh. 17.

Adeò verum & certum est, quod si quid certò & securè fiat ad promerendam beatam æternitatem, totum in eo sit, ut quo velit Deus in loco, in statu, in tempore, cæterisque ad rem spectantibus circumstantiis, plane fiat, nec aliter: Vnde non qualibet Dei voluntas sed omnis exigitur, nulla ut pars eius desit, ne quid securum non sit: Stetis pleni & perfecti in omni voluntate Dei. DIGNETVR vos vocatione sua Deus noster, & impleat omnem voluntatem Bonitatis, Id est, illam voluntatem qua primò ex bonitate sua nos vocauit ad certum vitæ degendæ statum, ne si ab illa discesserimus, non discedamus quidem ab eius voluntate, sed à voluntate bonitatis & vocationis in qua erat securitas, transeamus ad illam voluntatem Iustitiæ, quæ magis dubiam & suspensam tenet salutem.

Cels. 4.

III. P V N C T V M.

QVOCVMQVE nos igitur Christus vocet, quasi ad cœnam vocat siue conuiuium, quia securam vocat ad vitam, in qua securitate mens ita conquiescit, quasi continuò conuiuetur, sitque illud conuiuium de quo propheta: Conuiuium pinguium, conuiuium vindemiae, pinguium medullatorum, vindemia defecata. Id est, Conuiuium mentis & gaudium spiritus, non carnale non mundanum, sed ab illis terrenis expurgatum, ac proinde solidum & securum. Tum paulò post subdens causam & rationem tanti gaudij, sic loquentes inducit eos qui tali gaudent gaudio: Ecce Deus noster iste, expectauimus eum, & saluabit nos: iste Dominus, sustinuimus eum, exultabimus, & letabimur in salutari eius, Id est, in illo salutis assequendæ

Is. 25.

Sicut nullis cœna est, nisi vocatis; sic nulli vocantur, &c. 517

modo & medio quo vocationem nostram insigniuit.

Quæ certe Consideratio quanti valere debeat apud vnumquemque nostrum, vt quod tam sæpe monebat Apostolus, *Vocationem suam & ministerium suum videat & impleat*, facile est concludere, cum nihil æque animos nostros ad agendum possit pellicere, quàm quod suaue est simul & vtile, quæ duo si separentur distrahunt animum à suscipiendo quouis opere, cum hinc vtilitas, inde suauitas illum ad se alliciat: sed si simul iungantur, tum certe nullus est qui non id sentiat quod poëta dixit: *Omne tulit punctum qui miscuit utile dulci.* Vbinam verò apertius hoc vtrumque miscetur quàm in illo certo vocationis gradu, ad quem Christus vnumquemque vocat? Quid vtilius quàm quod viam facit ad summum bonum comparandum? Quid suauius quàm quod magis certam & securam illam facit viam? *Quos predestinauit*, inquit Apostolus, *hos & vocauit; & quos vocauit, hos & iustificauit & glorificauit.* Videsne quod iam ex sancto Bernardo forte aliàs audiisti, quàm scitè Apostolus mediam ponat vocationem inter prædestinationem & glorificationem, quasi aperte diceret, non aliter glorificari prædestinatos quam si vocationi suæ fideliter adhæreant, nec aliter efficacius cum gratia permoueri posse ad hanc fidelitatem exhibendam, quàm si attente considerent quanti hoc momenti sit, Certum salutis iter tenere.

Esto non careat suis difficultatibus, tanto est iter certius, quanto est difficilius: & tanto suauius quanto certius, quando illud præsertim quod suscipitur, Deo duce suscipitur. Sola suauitas sine aliqua difficultate mihi suspecta esset, ne quid forte mei solius gratia facerem: difficultas vero si à me solo procederet, non esset tuta, quia propriæ voluntatis vitio posset inquinari: vnde illud restat securius & certius, vt quæ est à Deo asperitas; à nobis libenter acceptetur; sicque fiat cumulatè, quod faciendum in perfecta docet obedientia sanctus Gregorius: vt aliquid nempe ex nostro habeat, & aliquid ex non nostro. Verba eius sunt, *Quia non-* L. 35. Mor.
numquam nobis huius mundi prospera, nonnumquam verò iubentur ad- c. 19.
uersa: sciendum summopere est, quod obedientia aliquando si de suo aliquid habeat, nulla est: aliquando autem si de suo aliquid non habeat, minima. Nam cum huius mundi successus precipitur, cum locus superior imperatur, is qui ad percipienda hæc obedit, obedientia sibi virtutem euacuat, si ad hæc etiam ex proprio desiderio anhelat. Neque

enim se sub obedientia dirigit, qui ad accipienda huius vite prospera, libidini propria ambitionis seruit. Rursum cum mundi despectus precipitur, cum probra adipisci & contumelia iubentur, nisi ex seipso animus hac appetat, obedientia sibi meritum minuit, quia ad ea quae in hac vita despecta sunt, inuitus nolensque descendit. Ad detrimentum quippe obedientia ducitur cum mentem ad suscipienda probra huius saeculi, nequaquam ex parte aliqua, etiam sua vota comitantur. Debet ergo obedientia, & in aduersis ex suo aliquid habere, & rursum in prosperis, ex suo aliquid omnimodo non habere: quatenus & in aduersis tanto sit gloriosior, quantum diuino ordini etiam ex desiderio iniungitur: & in prosperis, tanto sit verior, quanto à presenti ipsa quam diuinitus percipit gloria funditus ex mente separatur.


Exodi 4.

Act. 21.

Quod utrumque sanctus Doctor confirmat Moyses & Pauli exemplo, quorum alter gloriosum populi regimen pene renitens suscepit, alter vero intentatam Ierosolymis mortem libens adiuit; unde & concludit: Moyses itaque ad prospera de suo nihil habet, quia precibus renititur, ne Israelitica plebi preferatur. Paulus ad aduersa etiam ex suo voto ducitur, quia malorum imminentium cognitionem percipit, sed deuotione spiritus etiam ad acriora feruescit. Ille praesentis potestatis gloriam Deo voluit iubente declinare: Isse Deo aspera & dura disponente, se studuit ad grauiora preparare. Praeunte ergo utrorumque Ducum infracta virtute instituimur, ut si obedientia palmam apprehendere veraciter nitimur, PROSPERIS HVIVS SAECVLI EX SOLA IVSSIONE, ADVERTIS AVTEM ETIAM EX DEVOTIONE MILITEMVS.

Pr. 7.

O verba verba, in tabulis scribenda cordis tui.



FERIA TERTIA.

QVIDSITESSECHRISTI DISCIPVLVM.

Si quis venit ad me, & non odit Patrem suum, & matrem, & uxorem & filios, & fratres, & sorores, adhuc autem & animam suam, non potest meus esse Discipulus. Luc. 14.

VERITAS PRACTICA.

Hoc est esse Christi discipulum, solius esse Christi.

RATIO hac est inter alias quod quærenti quid sit esse discipulum Christi non potest aptioribus responderi verbis quàm quæ breuius & apertius rem totam continent.

Sed hæc verba, solius esse Christi, rem totam de qua est quæstio, breuius & apertius continent.

Sic fuit igitur respondendum : sic exprimenda Veritas fuit : Hoc est esse Christi discipulum, solius esse Christi.

I. P V N C T V M.

IBANT, inquit Euangelista, turba multa cum Eo : Sat multi videlicet sequebantur Christum Dominum passibus corporis, sed non cordis, quibus tamen magis, se sequerentur, optabat. Atque ut omnibus notum faceret quid esset se sequi passibus cordis & animi, sic conuersus dixit ad illos : *Si quis venit ad me, & non odit patrem suum & matrem & uxorem, & filios & fratres, & sorores, adhuc autem & animam suam, non potest meus esse discipulus. Et qui non bajulat crucem suam, & venit post me, non potest meus esse discipulus.* Quod confirmans allata similitudine volentis turrim ædificare vel bellum gerere, sic concludit, *Sic ergo omnis ex vobis qui non renuntiat omnibus quæ possidet, non potest meus esse discipulus.*

Quæ postrema sententia Veritatem maxime Practicam continens, quia iam fufius declarata fuit in 1. parte, Feria 3. Hebdomadæ quintæ post Epiphaniam : Idcirco hic aliud nihil videretur addendum : aut nisi breuius aliquid quod respondeatur indaganti & quærenti ex Verbis Domini, quid sit esse Christi discipulum ? Hoc nempe est *quod solius esse Christi.* Nec breuior posset esse responsio, nec aptior. Non ita quidem brevis esse debuit quin esset apta : Sed neque posset apta esse, nisi brevis esset. Nam hæc duo sunt singulariter quæ cuiuslibet rei definitionem commendent, si quibus fieri poterit breuioribus & aper-

2. Cor. 14. *tioribus verbis res tota de qua est questio comprehendatur. Etenim si incertam vocem det tuba, inquit Apostolus, quis parabit se ad bellum? Volo quinque Verba sensu meo loqui ut & alios instruam, quam decem millia Verborum in lingua. Id est, malo & facius ducere ad fructum colligendum, paucissimis Verbis & manifestis loqui, quam multis non ita manifestis.*

Nonne sic Christus *Verbum abbreviatum dicitur & abbrevians*, Quia in se Divina omnia continet, & quæ omnia continet tam compendiose contrahit non tantum in Evangelio, sed in sanctissimo Sacramento, ut illic discantur omnia breui compendio, nullo impendio, sicut videre est in 3. parte, Feria 6. primæ Hebdomadæ.

II. PUNCTVM.

SED hac Verba, solius esse Christi, rem totam de qua est questio, breuius & apertius continent.

Nam res tota, hæc est: ut quis ita sit expeditus & denudatus omnibus, nihil ut illum plane detineat quo minus promptè & constanter Christum sequatur, quocumque vocet. Qua in re, duo sunt præcipua Capita, quorum alterum affirmatiuum, & alterum negatiuum dici potest. Affirmatiuum est quo de Christi discipulo asseritur, quod promptè & constanter Christum sequi debeat, quocumque Christus vocet. Negatiuum autem quo dicitur propterea cæteris omnibus illum expeditum & denudatum esse oportere, nulla ut re, nulla persona, nullo affectu detineatur, quò minus Christum vocantem promptè sequatur. Iam vero quod hæc duo quantumcumque sint ampla & varia breuiter tamen & aperte contineantur his paucis Verbis, *Solius esse Christi*, quis non videat, quis non intelligat? Cum enim dicitur *esse Christi*, totum illud quod est affirmatiuum dicitur: & voce hac *solius* totum aliud negatiuum tam manifestè comprehenditur quam manifestum est hac voce totum excludi quo detineri posset quisquis à Christo vocatus sit. Si namque totius Christi est, quid est quod illum à Christo auocet? Aut si quid esset quo auocaretur, quomodo solius Christi esset? Nam, quod est valde notandum, non alia hîc ratione vox ista, *Solus*, usurpatur quam prout opponitur cæteris omnibus quæ à Christo suo sequendo discipulum retardare

retardare possent; nec alio sensu Christus Dominus ait patrem aut matrem aut alios proximos esse habendos odio, quam prout se ipsi opponunt Christo, cum sint alioquin præ cæteris diligendi. Quamobrem illuc redit oratio, ut quæ sunt rei de qua est quæstio, duo præcipua capita comprehendantur euidenter his verbis, *solius Christi*. Sic quando dicitur, *Dominum Deum tuum timebis, & illi soli seruias*, nonne sic excluduntur alij Dei & Domini, qui se nobis opponerent contra purum veri Dei cultum? Nonne sic Apostolus, *soli Deo reddendum aiti honorem & gloriam*; nulli prorsus ut creaturæ par reddi possit honor & gloria?

III. P V N C T V M.

HOC est igitur, esse Christi discipulum, SOLIVS ESSE CHRISTI. Hoc est certius & apertius quod responderi possit. Hic est præ aliis *matinus & expressus discipulorum Christi character si sint solius Christi*; si sint ita Christi, nullis ut ab Eo diuellatur creaturis, dicantq; cum Apostolo: *quis nos separabit à Charitate Christi?* Quod sanctus ille Martyr probe nouerat qui dicebat: *Nunc incipio Christi esse discipulus, nihil de his quæ videntur desiderans, ut Iesum Christum inueniam.* Hoc est quod multis iam supra Veritatibus explanatum fuit, quales sunt istæ:

S. Ignatius ex libr. S. Hier. de script. Eccl.

Aut nullam vitæ partem, aut totam Deo debes.

In 1. parte, Dic 4. Ianuarij.

Magis tenemur omnes affectu nostra relinquere, quàm effectu Apostoli.

In 1. parte, Fer. 3. Hebd. 2. post Epiph.

Sicut à veteri lege, sic à veteri homine, vnicuique Christiano est abstinendum.

In 1. p. Sabbato Hebdom. 5. post Epiph.

Quod difficillimè crederes te contra Christum esse, hoc est facillimum creditu si Christo credis.

In 2. parte, Dominica 3. Quadragesimæ.

4. Part.

Vuu



DOMINICA XXIV POST PENTECOSTEN.

HIC obseruanda est eadem Annotatio quæ seruat-
tur in vsu diuini officij circa Euangelium proprium
Dominicis sequentibus vsque ad Aduentum.

Non possunt plures restare Dominicæ siue hebdo-
madæ quàm quinque, sed possunt esse pauciores. Si
quinque restent, Euangelium hodiernum est de Le-
proso mundato & seruo Centurionis Sanato. De quo
in 1. parte, Dominica 3. post Epiphaniam.

Si pauciores restent, consule Directorium, & statu-
tum serua ordinem.



HAC HEBDOMADA, quædam occurrunt
infignes Parabolæ seu celebriora Christi Domini di-
cta, quibus manifestum relinquit quantis quàmque
suauibus ad se libertatem nostram alliciat modis; Et
contrà quantis se illi nostra libertas opponat viis.
Ex vno S. Luca.

FERIA SECVNDA. DE COENA MAGNA.

Homo

Sicut nullis cœna est, nisi vocatis; sic nulli vocantur, &c. 513

Homo quidem fecit cœnam magnam, & vocavit multos. Luc. 14.

VERITAS PRACTICA.

Sicut nullis cœna est, nisi vocatis; sic nulli vocantur à Domino, nisi ad cœnam.

Quocumque nos Christus vocet, quasi ad cœnam vocat siue conuiuium.

RATIO postremæ partis quæ sola difficultatem habet, hæc est inter alias: Quod secura mens dicitur quasi iuge conuiuium.

Sed quocumque nos Christus vocet, sic vocat ad securam illam mentem, ut in eo solum quò vocat, sit illa secura mens.

Ergo & quocumque nos vocet, quasi ad cœnam vocat siue conuiuium: quò tamen ire multi refugium, quasi iuge tormentum esset eò ire, vel ibi stare.

I. P V N C T V M.

QVM Dominus à quodam Principe Pharizæorum invitatus esset ad prandium, multaque more suo de virtutibus & de futura bonorum operum compensatione differeret, Quidam è discumbentibus loquentem eum ita miratus est ut palam in has voces eruperit: *Beatus qui manducabit panem in regno tuo.* Tum verò Dominus illustrem illam Parabolam de vocatis ad cœnam magnam, & venire nolentibus proposuit, quæ cum multa significet, pro vario Scripturæ sensu, iam quidem de illa dictum est in 2. parte, prout repræsentat Sanctissimum Sacramentum; nunc autem opportune ad finem nobis in hac hebdomada propositum rursus exhibetur, ut agnoscamus quàm suauiter nobiscum agat Dominus cùm ad sui cultum & obsequium nos omnes vocat, quemcumque tandem in vitæ statum vel perfectionis gradum nos aduocet, vel quidquid in eo difficultatis, &

4. Pars.

T t t

Sicut nullis coena est, nisi vocatis; sic nulli vocantur, &c. 513
coeli, quoddam sit veluti coelum, & proinde quasi iuge conuiuium,
Vide ibi dicta.

II. P V N C T V M.

SED quocumque nos Christus vocet, sic ceriò vocat ad securam illam
mentem, ut in eo solum quò vocat, sit mens illa secura.

Quæ securitas hîc haberi possit, docet sanctus Bernardus, & refertur in 2. & 3. parte, quo præsupposito, nihil ex omnibusquè potest esse securum quam quod ex Diuina manat sapientia, quæ cum falli non possit in mediis ordinandis ad salutem, non potest etiam quemquam fallere: vnde duo illa sequuntur euidenter, & quod secure procedat qui, ut ait Iob, *vestigia eius sequitur*, & quod extra illum nulla possit esse securitas; Quod vtrumque complexus Apostolus: *Cum metu, inquit, & tremore; vestram salutem operamini*: *Phil. 2.* *Deus est enim qui operatur in vobis & velle & perficere pro bona voluntate.* Id est, prout ordinauit & vnicuique præscripsit, in eoque metus & tremor quem commendat, vertitur, ut ne quis ultra vel citrà progrediatur quàm Ipse Deus velit: nam ipsa est Eius Voluntas quæ suum ita omnibus statuit ordinem & certum medium, ad æternam consequendam beatitudinem, ut quod est meum si usurpare velles, & ego tuum si mihi vendicarem, nobis vtrumque mors esset quod erat vtrique vita. *Hic liber mandatorum Dei & lex* *Bar. 4.* *que est in æternum, inquit Propheta: omnes qui tenent eam peruenient ad vitam: qui autem dereliquerunt eam, in mortem. Conuertere Iacob, & apprehende eam, ambula pex eam ad splendorem eius contra lumen eius, id est, iuxta & prope. Ne tradas alteri gloriam tuam, & dignitatem tuam genti aliena. Beati sumus Israel, quia quæ Deo placent, manifesta sunt nobis, ut ea scilicet faciamus: & ea facientes, beati simus.*

Quod non tantum de ipsa beatitudinis quam vocant substantia verum est, sed de ipsis etiam particularibus circumstantiis ac quibuscumque meriti conquirendi rationibus intelligendum est, vnde Diuus Thomas, *quacumque alia, inquit, virtutum opera, ex hoc meritoria sunt apud Deum quod fiant ut obediatur Diuina voluntati.* Nam^{3.} si quis etiam martyrium sustineret, vel omnia sua pauperibus erogaret nisi hoc ordinaret ad impletionem diuina voluntatis, meritoria esse non possent, sicut nec si fierent sine Charitate.

Itt ij

Luc. 14. *Factum est ut imperasti*, aiebat seruus à Domino suo missus ut inuitatos vocaret ad cœnam magnam, non aliud dicit quod fecerit nisi quod imperatum est; quia hoc vno bene fecit quod fecit, quia factum est quod imperarat Dominus. Sic Apostolus, *dum consummem*, inquit, *ministerium quod accepi à Domino Iesu*, nihil me alia mouent: hoc vno premor, hoc vno vrgeor. *Sequor*, si quomodo comprehendam in quo & comprehensus sum a Christo Iesu; ad destinatum persequor, ad brauium supernæ vocationis Dei in Christo Iesu. Quin & ipse Dominus hoc vnum sibi faciendum, aut se hoc vnum fecisse affirmat quod sibi quodammodo præscriptum esset; *Ut faciam*, inquit, *voluntatem eius qui misit me, ut perficiam opus eius. OPUS consummaui quod dedisti mihi (Pater) ut faciam.*

Adeò verum & certum est, quod si quid certò & securè fiat ad promerendam beatam æternitatem, totum in eo sit, ut quo velit Deus in loco, in statu, in tempore, cæterisque ad rem spectantibus circumstantiis, plane fiat, nec aliter: Vnde non quælibet Dei voluntas sed omnis exigitur, nulla ut pars eius desit, ne quid securum non sit: *Stetis pleni & perfecti in omni voluntate Dei. DIGNETUR vos vocatione sua Deus noster, & impleat omnem voluntatem Bonitatis*, Id est, illam voluntatem qua primò ex bonitate sua nos vocauit ad certum vitæ degendæ statum, ne si ab illa discesserimus, non discedamus quidem ab eius voluntate, sed à voluntate bonitatis & vocationis in qua erat securitas, transeamus ad illam voluntatem iustitiæ, quæ magis dubiam & suspensam tenet salutem.

III. P V N C T V M.

15. 25. **Q**UOCVMQVE nos igitur Christus vocet, quasi ad cœnam vocat siue conuiuium, quia securam vocat ad vitam, in qua securitate mens ita conquiescit, quasi continuò conuiuetur, sitque illud conuiuium de quo propheta: *Conuiuium pinguium, conuiuium vindemiae, pinguium medullatorum, vindemia defacata.* Id est, Conuiuium mentis & gaudium spiritus, non carnale non mundanum, sed ab illis terrenis expurgatum, ac proinde solidum & securum. Tum paulò post subdens causam & rationem tanti gaudij, sic loquentes inducit eos qui tali gaudent gaudio: *Ecce Deus noster iste, expectauimus cum, & saluabit nos: iste Dominus, sustinuimus eum, exultabimus, & latabimur in salutaris eius*, Id est, in illo salutis assequendæ

modo & medio quo vocationem nostram insigniuit.

Quæ certe Consideratio quanti valere debeat apud vnumquemque nostrum, vt quod tam sæpe monebat Apostolus, *Vocationem suam & ministerium suum videat & impleat*, facile est concludere, cum nihil æque animos nostros ad agendum possit pellicere, quàm quod suaue est simul & vtile, quæ duo si separentur distrahunt animum à suscipiendo quouis opere, cum hinc utilitas, inde suauitas illum ad se alliciat: sed si simul iungantur, tum certe nullus est qui non id sentiat quod poëta dixit: *Omne tulit punctum qui miscuit utile Horat. dulci*. Vbinam verò apertius hoc vtrumque miscetur quàm in illo certo vocationis gradu, ad quem Christus vnumquemque vocat? Quid vtilius quàm quod viam facit ad summum bonum comparandum? Quid suauius quàm quod magis certam & securam illam facit viam? *Quos prædestinauit, inquit Apostolus, hos & voca- Rom. 8. uit; & quos vocauit, hos & iustificauit & glorificauit*. Videsne quod iam ex sancto Bernardo forte aliàs audiuisti, quàm scitè Apostolus mediam ponat vocationem inter prædestinationem & glorificationem, quasi aperte diceret, non aliter glorificari prædestinatos quam si vocationi suæ fideliter adhæreant, nec aliter efficacius cum gratia permoueri posse ad hanc fidelitatem exhibendam, quàm si attente considerent quanti hoc momenti sit, Certum salutis iter tenere.

Esto non careat suis difficultatibus, tanto est iter certius, quanto est difficilius: & tanto suauius quanto certius, quando illud præfertim quod suscipitur, Deo duce suscipitur. Sola suauitas sine aliqua difficultate mihi suspecta esset, ne quid forte mei solius gratia facerem: difficultas vero si à me solo procederet, non esset tuta, quia propriæ voluntatis vitio posset inquinari: vnde illud restat securius & certius, vt quæ est à Deo asperitas; à nobis libenter acceptetur: sicque fiat cumulatè, quod faciendum in perfecta docet obedientia sanctus Gregorius: vt aliquid nempe ex nostro habeat, & aliquid ex non nostro. Verba eius sunt, *Quia non- L. 35. Mor. numquam nobis huius mundi prospera, nonnumquam verò iubentur ad- c. 10. uersa: sciendum summopere est, quod obedientia aliquando si de suo aliquid habeat, nulla est: aliquando autem si de suo aliquid non habeat, minima. Nam cum huius mundi successus precipitur, cum locus superior imperatur, is qui ad percipienda hæc obedit, obedientia sibi virtutem euacuat, si ad hæc etiam ex proprio desiderio anhelat. Neque*

enim se sub obedientia dirigit, qui ad accipienda huius vite prospera libidini propria ambitionis seruit. Rursum cum mundi despectus precipitur, cum probra adipisci & contumelia iubentur, nisi ex seipso animus hac appetat, obedientia sibi meritum minuit, quia ad ea quae in hac vita despecta sunt, inuitus nolensque descendit. Ad detrimentum quippe obedientia ducitur cum mentem ad suscipienda probra huius saeculi, nequaquam ex parte aliqua, etiam sua vota comitantur. Debet ergo obedientia, & in aduersis ex suo aliquid habere, & rursum in prosperis, ex suo aliquid omnimodo non habere: quatenus & in aduersis tanto sit gloriosior, quantum diuino ordini etiam ex desiderio iniungitur: & in prosperis, tanto sit verior, quanto à presenti ipsa quam diuinitus percipit gloria funditus ex mente separatur.


Exodi 4.

Act. 21.

Quod utrumque sanctus Doctor confirmat Moysis & Pauli exemplo, quorum alter gloriosum populi regimen pene renitens suscepit, alter vero intentatam Ierosolymis mortem libens adiuit; vnde & concludit: Moyses itaque ad prospera de suo nihil habet, quia precibus renititur, ne Israelitica plebi preferatur. Paulus ad aduersa etiam ex suo voto ducitur, quia malorum imminentium cognitionem percipit, sed deuotione spiritus etiam ad acriora feruescit. Ille presentis potestatis gloriam Deo voluit iubente declinare: Isse Deo aspera & dura disponente, se studuit ad graniora preparare. Praeunte ergo utrorumque Ducum infracta virtute instituimur, ut si obedientia palman apprehendere veraciter nitimur, PROSPERIS HVIVS SAE-
CVLI EX SOLA IVSSIONE, ADVERTIS AVTEM
ETIAM EX DEVOTIONE MILITEMVS.

Pr. 7.

O verba verba, in tabulis scribenda cordis tui.



FERIA TERTIA.

QVIDSITESSECHRISTI DISCIPVLVM.

Si quis venit ad me, & non odit Patrem suum, & matrem, & uxorem & filios, & fratres, & sorores, adhuc autem & animam suam, non potest meus esse Discipulus. Luc. 14.

VERITAS PRACTICA.

Hoc est esse Christi discipulum, solius esse Christi.

RATIO hac est inter alias quod quærenti quid sit esse discipulum Christi non potest aptioribus responderi verbis quàm quæ breuius & apertius rem totam continent.

Sed hæc verba, solius esse Christi, rem totam de qua est quæstio, breuius & apertius continent.

Sic fuit igitur respondendum : sic exprimenda Veritas fuit : Hoc est esse Christi discipulum, solius esse Christi.

I. P V N C T V M.

AB ANT, inquit Euangelista, *turba multa cum Eo* : Sat multi videlicet sequebantur Christum Dominum passibus corporis, sed non cordis, quibus tamen magis, se sequerentur, optabat. Atque vt omnibus notum faceret quid esset se sequi passibus cordis & animi, sic conuersus dixit ad illos : *Si quis venit ad me, & non odit patrem suum & matrem & uxorem, & filios & fratres, & sorores, adhuc autem & animam suam, non potest meus esse discipulus. Et qui non bajulat crucem suam, & venit post me, non potest meus esse discipulus.* Quod confirmans allata similitudine volentis turrim ædificare vel bellum gerere, sic concludit, *Sic ergo omnis ex vobis qui non renuntiat omnibus quæ possidet, non potest meus esse discipulus.*

Quæ postrema sententia Veritatem maxime Practicam continens, quia iam fufius declarata fuit in 1. parte, Feria 3. Hebdomadæ quintæ post Epiphaniam : Idcirco hic aliud nihil videtur addendum : aut nisi breuius aliquid quod respondeatur indaganti & quærenti ex Verbis Domini, quid sit esse Christi discipulum ? Hoc nempe est *quod solius esse Christi.* Nee breuior posset esse responsio, nec aptior. Non ita quidem brevis esse debuit quin esset apta : Sed neque posset apta esse, nisi brevis esset. Nam hæc duo sunt singulariter quæ cuiuslibet rei definitionem commendent, si quibus fieri poterit breuioribus & aper-

tetardare possent; nec alio sensu Christus Dominus ait patrem aut matrem aut alios proximos esse habendos odio, quam prout se ipsi opponunt Christo, cum sint alioquin præ cæteris diligendi. Quamobrem illuc redit oratio, ut quæ sunt rei de qua est quaestio, duo præcipua capita comprehendantur euidenter his verbis, *solius Christi*. Sic quando dicitur, *Dominum Deum tuum timebis, & illi soli seruias*, nonne sic excluduntur alij Dei & Domini, qui se nobis opponerent contra purum veri Dei cultum? Nonne sic Apostolus, *soli Deo reddendum ais honorem & gloriam*; nulli prorsus ut creaturæ par reddi possit honor & gloria?

III. P V N C T V M.

HOC est igitur, esse Christi discipulum, SOLIVS ESSE CHRISTI.

Hoc est certius & apertius quod responderi possit. Hic est præ aliis notius & expressus discipulorum Christi character si sint solius Christi; si sint ita Christi, nullis ut ab Eo diuellatur creaturis, dicantq; cum Apostolo: quis nos separabit à Charitate Christi? Quod sanctus ille Martyr probe nouerat qui dicebat; Nunc incipio Christi esse discipulus, nihil de his quæ videntur desiderans, ut Iesum Christum inueniam. Hoc est quod multis iam supra Veritatibus explanatum fuit, quales sunt istæ:

*S. Ignatius
in libr. S.
Hier. de
scrips. Ep.
cles.*

Aut nullam vitæ partem, aut totam Deo debes.

In 1. parte, Dic 4. Ianuarij.

Magis tenemur omnes affectu nostra relinquere, quàm effectu Apostoli.

In 1. parte, Fer. 3. Hebd. 2. post Epiph.

Sicut à veteri lege, sic à veteri homine, vnicuique Christiano est abstinendum.

In 1. p. Sabbato Hebdom. 5. post Epiph.

Quod difficillimè crederes te contra Christum esse, hoc est facillimum creditu si Christo credis.

In 2. parte, Dominica 3. Quadragesima.

4. Pars.

Vuu

522 *Feria 3. Hebd. 24. post Pent. Si quis venit ad me, &c.*

Quod petenti Christo iuxta Crucem non negasses, hoc à te semper petit, hoc illi numquam negandum.

Quod nouo negatur homini contra veterem, hoc indulgetur veteri contra nouum.

In 2. p. Feria 6. & Sabbato Hebdom. Passionis.

Solum pietatis genus est, in re salutis aduersa, suis esse crudelem.

In 3. p. Fer. 3. Hebdom. 5.

Non tam spectatur quid dones pro diuinis, quàm quid non dones.

In 3. p. Fer. 6. Hebd. 8.

Affectum probat effectus.

In 3. p. Fer. 2. Hebd. 9. Vide & Fer. 5. Hebd. 11.

Christo non seruit, qui Christo quidem laborat, sibi verò quiescit.

Quod præsertim spectat Christus, non est quid ad se afferas, sed quid à te auferas.

In 3. p. Fer. 2. & 3. Hebd. 13.

Vel Domino Deo, vel libidini renuntiandum.

In 3. p. Dominica 14.

Quarum omnium Veritatum Praxis eò spectat, vt solius Christi simus: in qua Praxi cum sit illud arduum & difficile, cæteris se omnibus abdicare, difficultatem peruincat Consideratio iam proposita, quod non sis aliter Christi discipulus. Quidquid sit quo te abdicēs, vel quæcumque sit difficultas in eo deserendo: majus & grauius tibi aliquid subministrabit hæc Consideratio, quo difficultas retundatur. Deserendane mundi Gloria? Sed quid gloriosius quam sequi Christum? Timetur forte probum aliquod? Sed quid probrosius quàm: Christo deficere? Rei externæ & domesticæ si damna metuis, cur non potius metuas rei damna internæ & spiritalis quæ incurres? Numquid decedet aliquid de solita viuendi iucunditate, si tam arctè te constringas vt sis Christi discipulus?

Numquam magis eris tuus, quàm cum minus eris tuus, &c. 523

at perpende, quid mœroris esse possit si ne decedat aliquid de solita viuendi iucunditate, decedas ex tali debito quo astringeris ad vnus Christi obsequium? Perpende quid dicat Sapiens: *Sapientiam enim & disciplinam qui abjicit, infelix est, & vacua est spes illorum, & labores sine fructu, & inutilia opera eorum.*

Sap. 3.



FERIA QVARTA.

DE OVE PERDITA, QVÆSITA ET INVENTA A PASTORE.

Cum inuenerit eam, imponit in humeros suos gaudens. Luc. 15.

VERITAS PRACTICA.

Numquam magis eris tuus, quàm cum minùs eris tuus
vt sis totus Christi.

RATIO EST, Quia numquam magis eris tuus, quàm cum
teipso in salutem tuam vtéris melius.

Sed numquam teipso in salutem tuam vtéris melius, quàm cum
minus eris tuus vt sis totus Christi.

Ergo nec vnquam aliter magis eris tuus; ac proinde libenter totus
à te deficias oportet vt sis Christi totus.

I. P V N C T V M.

ERANT appropinquantés ei, Publicani & peccatores vt audirent illum. Et murmurabant Pharizæi & Scribæ, dicentes, quia hic peccatores recipit, & manducat cum illis. Et ait ad illos Parabolam istam, dicens: quis ex vobis homo qui habet centum oves, & si eriderit vnâ ex illis, nonne dimittit nonaginta nouem in deserto, &

Vuu ij

vadit ad illam qua perierat, donec inueniat eam?

Vide quæ plura leguntur in Euangelico textu, & supra in 3. parte, Dominica 3. post Pentecostem, ex quibus considerata veniunt præcipue tanta Pastoris tui bonitas qui te olim perditum miramini sollicitudine, nec minori cura te inuentum conseruat, & sibi tam arcte iungit, ut suis velut humeris te portare non dedigneretur, ut sic te totum habeat, te totum possideat, te totum sibi vendicat. Nonne id libens voles? An forte metues ne quid tibi de te pereat si fueris Christi totus? nil metue. *Numquam magis eris tuus quam cum ita minus eris tui, ut sis solius Christi.*

Quæ proposita Veritas opportune præcedentem sequitur, & sequentes præcedit, ut simul conglobatis testimoniis magis ac magis innotescat quantum diuinæ debeas Bonitati, ac vehementius incendaris ad teipsum illi totum dedendum, consecrandum.

Ut autem facilius procedat Ratio quæ Veritatem demonstrat, obseruandum est tribus modis inter alios, hominem dici suum. Primo, Conditione libera quæ opponitur seruituti. Sicut enim seruus non est suus sed sui Domini; sic liber ab illa seruitute potest dici suus; de qua libertate vel seruitute, nulla hæc quæstio.

Secundo, quilibet hominum, siue liber siue seruus, dicitur suus quod quidquid bene vel male agat moraliter, liberè agat; sitque ita suarum Dominus actionum cum internarum tum externarum, ut nulla vi cogi possit, ad bonum benè vel ad malum male agendum nisi prout velit. Sic expresse sanctus Ambrosius: *Operatur prout vult, id est, pro libero voluntatis arbitrio.* Sic sanctus Gregorius Nazianzenus: *arbitrij libertas, parem in utramque partem, motum habet.*

2. 2. de fide

43

2. de gr. &

lib. arb. c. 2

Et sanctus Augustinus tale in homine liberum esse arbitrium ait

Deum nobis per Scripturas sacras reuclasse quarum hæc est insignis ex Sapiente sententia; *Deum reliquit hominem in manu consilij sui, adiecit mandata & præcepta. Si volueris mandata seruare, conseruabunt te: Apposuit tibi ignem & aquam, Ad quod volueris, porriges manum tuam. Ante hominem vita & mors, bonum & malum, quod placuerit ei, dabitur illi.* Sic itaque tuus es, dum teipso libere potes uti vel ad bonum vel ad malum.

Eccl. 15.

Sed tertio, longe magis tuus eris si quemadmodum prima refert propositio, tu teipso tantum utaris ad bonum, ad virtutem, ad salutem, ad æternum & beatum finem tuum. Nam cum vniuersim ex libero tui vsu, tuus sis; profecto quanto erit liberior &

Numquam magis eris tuus, quàm cum minus eris tuus, &c. 528

melior ille tui vsus, tanto & magis tuus eris. Certum est autem quod tui vsus ab bonum, melior est vsus quàm ad malum; quod autem dici etiam possit liberior, ex eo patet, quod alter qui est ad malum, sic pelliciat & corrumpatur à natura deprauata vt captiuari dicatur & seruire, vnde & dicuntur *serui corruptionis*, serui propriæ voluntatis, serui concupiscentiæ, mancipia *Dæmonis* & peccati, à quo enim quis superatus est, huius & seruus est. *An non seruus*, inquit S. Bernardus, *cui dominatur iniquitas? Et maxime. Nisi tu forte indignus indices, hominem tibi quàm vitium dominari. Quid interest volens seruus, an inuitus. Nam est coacta seruus miserabilior, sed affectata miserior est.* Non ita verò seruit qui se in bonum vitur, sed contra libere porius dominatur libidini, naturæ impetrat, & de peccato triumphat. *Nunc vero liberati à peccato, serui autem facti Deo, habetis fructum in sanctificationem: finem verò, vitam æternam.*

Seruit quidem Iustitiæ, seruit rationi, seruit Gratia, seruit Deo: sed ista seruitus, bona libertas est; seruitus quidem peccati libertas quædam est sed mala, & malus libertatis vsus; non enim idcirco data est libertas vt male vtaris & abutaris in malum: sed potius vt bene in bonum vtaris, quod est pluribus demonstratum in 2. parte, Sabbato Sancto: vnde id tandem sequitur quod tanto magis tuus sis quanto magis bene, magis laudabiliter & probatè tu teipso vtèris, quia hic est proprius tuæ libertatis seu liberi tui vsus, finis & perfectio. Quod vel ex eo maxime confirmatur quod qui etiam temporalibus negotiis licet ex se non malis, nimis tamen additi sunt, non tam dicuntur sui quàm qui sibi suæque salutis attentius vacant, vnde idem sanctus Bernardus Eugenio Papæ; *Cum omnes te habeant, esto etiam tu ex habentibus unus. Quid solum fraudaris munere tui?* Et post multa: *Memento proinde, non dico semper, non dico sape, sed vel interdum reddere teipsum tibi. Vtere tu quoque te inter multos, aut certe post multos.* Quasi diceret, hic est proprius tui vsus cum te vtèris in salutem tuam, sicque magis vere poteris dici tuus.

II. PUNCTVM.

SED numquam teipso in salutem tuam vtèris melius, quàm cum minus eris tuus, vt sis totus Christi.

Triâ distinctè sunt enucleanda. Primum quid sit *minus esse tuum*, nempe mala libertate, seu malo libertatis usu, quasi diceretur, minus tibi esse indulgentem, minus te tua uti libertate ad malum perpetrandum, minus tuis cedere cupiditatibus. *Non configuratum esse prioribus ignorantia tua desideriis, sed secundum eum qui vocauit te sanctum, & ipse in omni conuersatione sanctus sis*, ut ait sanctus Petrus.

Secundum est, quod sic oportet minus esse tuum ut sis totus Christi: nam nisi verus homo exuatur, nouus non induitur: sic est positus Christus in ruinam & in resurrectionem multorum ut quorum est resurrectio sit eorum prius ruina. Sic granum frumenti eadens in terram prius debet corrumpi & mori ut faciat fructum; De quibus passim supra in aliis partibus, atque infra etiam in hac parte, Fer. 5. sequentis hebdomadae, ubi hæc Veritas exponetur:

Non minus expedit ad salutem ut verus homo moriatur in nobis, quam ut nouus homo moreretur pro nobis.

Et quia sic ipse nouus homo Christus non resurrexit nisi postquam fuit mortuus, sic qui prius cum illo moriuntur ut simul etiam cum illo resurgant, dicuntur illi maxime similes, quod sic egregie sanctus Diadochus, Diuo Hieronymo ætate par: *Omnes, inquit, homines sumus ad imaginem Dei: Illud autem ad similitudinem, illorum tantum est qui per multam Charitatem, libertatem suam Deo in seruitutem addixerunt. Quando enim non sumus nostri, tunc similes sumus ei qui nos sibi per Charitatem reconciliauit.*

Tertium denique, quod numquam teipso in salutem tuam ueris melius, quam cum sic totus fueris Christi, quia quando vel hoc vnum esset, *te totum esse Christi*, hoc vnum sufficeret ad salutem & perfectionem, ut declaratum est in illa Veritate quæ habetur in 2. p. Fer. 3. Quinquagesimæ: *Quo magis Christo subijcitur, eo magis erigimur.* Sed & præterea vere hinc dici potest quod Sapiens de Sapientia prædicabat: *Venerunt mihi omnia bona pariter cum illa.* Quid enim certius ad salutem, aut quid vberius ad omne meritum, quam ab eo dirigi in cuius manu voluntas Domini dirigitur, ut est apud Prophetam. Quis autem dubitet quin à Christo dirigatur in omnibus quisquis se Christi totum profitetur? *Hæc enim dicit Do-*

Numquam magis eris tuus, quàm cùm minus eris tuus, &c. 527
minus, Redemptor tuus, sanctus Israel: Ego Dominus Deus tuus docens te
utilia, gubernans te in via qua ambulas.

III. P V N C T V M.

NUMQUAM igitur magis eris tuus, quàm cùm minus eris tuus, ut sis totus Christi; quia sic numquam melius tecum à teipso esse potest, quod est propriè tuum esse, & quod tam verè à Christo est quàm verè dicitur à Propheta, *Dominus Iustus noster*, vel à sancto *1er. 29.* Apostolo: *qui factus est nobis sapientia & Iustitia & sanctificatio & redemptio, ut quemadmodum scriptum est, qui gloriatur in Domino gloriatur. 1. Cor. 1.* Id est, qui aliquid gloriosum, sibi comparare voluerit, id à Christo putet hauriendum. Vel sic potius, si quid gloriosè quippiam gesserit, gloriam Christo referat, quia tota rei bene gestæ laus illi debetur & gloria.

Sic ad ipsam totius Veritatis Praxim, apte sanctus Ambrosius: *In Lucam* *Qui ad Deum regreditur, se sibi reddit: qui recedit à Christo, se sibi abdicat.* Sanctus item Augustinus non minus piè quam acutè: *Nescio, 1r. 123 in* *inquit, quo inexplicabili modo quisquis seipsum non Deum amat, non se* *amat: & quisquis Deum non seipsum amat, ipse se amat. Qui enim non* *potest vivere de se, moritur utique amando se: cum vero ille diligetur de* *quo vivitur, non se diligendo magis diligit qui propterea se non diligit,* *ut eum diligit de quo vivit.*

Nonne ovis sibi sola relicta perierat? Et nonne tunc magis sua fuit cum minus sua facta est, quando scilicet in Pastoris venit manum? Nonne sic adolescens ille filius de quo proxime sequenti die, numquam magis sibi est redditus & totus suus factus, quàm cum in paternam rediit potestatem, ut totus esset Patris? Sic te vni Christo trade regendum, nec putes tibi umquam melius quàm quod sæpe putas deterius. Contemplare rursus syestree lignum vel obtusum vel impositum lapidem, in cuiusdam periti manu artificis qui nobilem inde formet effigiem. An putas quor à ligno vel lapide segmenta detrahit artifex, tot sunt ligni vel lapidis detrimenda vel Incrementa? Non est dubium quin esse dicas incrementa & decora, si cogites inde formari effigiem ex detractis segmentis. Sic plane de te cogita, cum tua tibi vides eripi vel perire, sic poliris, sic efformaris, sic aptaris in formam & imaginem ipsius Christi, qui quantum de nostro à nobis detrahit, tantum de

L. 2. de Imi-
t. Chr. 637.

suo nobis restituit : & tanto nos magis nostros facit , quanto ipsi nos minus nostros facimus , ut ipse de nobis quod velit , faciat. Sic Ille propterea, *Fili, sine me*, inquit, *tecum agere quod volo*, ego scio quid expedit tibi. Tu cogitas ut homo, tu sentis in multis sicut humanus suadet affectus ; Vide quæ plura sequuntur, annotato loco ; & assume conformem animum. Videri etiam potest in 1. parte, die 6. Decembris, hæc valde affinis Veritas :

Numquam melius sibi prouidet Christi seruus , quam si nihil sibi retinens , totum se Domino suaque omnia consecrèt.



FERIA QUINTA.

DE FILIO PRODIGO.

Et cupiebat implere ventrem suum de siliquis quas Porci manducabant, & nemo illi dabat. Luc. 15.

VERITAS PRACTICA.

Qui se à Christo subducit ut foeliciùs viuat , viuit miseriùs ipso misero Prodigio.


RATIO EST, Quia ex duobus miseriis ille censetur miserior qui à meliori statu decidit in peiorem.

Sed qui se à Christo subducit ut liberiùs & foeliciùs viuat , à meliori statu decidit in peiorem.

Ergo ille est miserior ; ac proinde cauendum à nostra libertate quæ nos à Christi ductu & gubernatione retrahit.

L. PVN.

I. P V N C T V M.



VÆ in textu Euangelio sequitur consideranda Parabola de filio qui vulgò dicitur Prodigus legi potest, & ex multis quibus abundat documentis, illud præcipue colligi quod patebit quale sit Bonum, regi à Christo, quale autem malum, se ab eius regimine & ductu retrahere. Nam qui se ab eo retrahit ut liberius uiuat, non modo miser euadit ut iste perditus: sed eò longè miserior, quo à statu meliori excidit in peiorem. Hinc enim miseria status est agnoscenda, cum quis à florenti decidit in abiectum, & quo florentior seu melior fuerit ille status à quo decidit, quoue ille abiectior in quem est lapsus, eò censeri debet miserior. Sic quando representatur primi Angeli lapsus & infortunitas, primò describitur qualis esset ante lapsum: Qui dicebas in corde tuo, In cælum conscendam, super astra Dei exaltabo solium meum, similis ero Altissimo. Verumtamen ad infernum detraheris in profundum lacu. Et rursus: Tu signaculum similitudinis, plenus sapientia & decore, perfectus in viis tuis, à die conditionis tue, donec inuenta est iniquitas in te, Tum paucis interiectis, nihili factus es; & non eris in perpetuum, id est, neque vmquam redibis in eum statum vnde excidisti. Sic vniuersim de homine: Et homo cum in honore esset, non intellexit, comparatus est iumentis insipientibus, & similis factus est illis. Sic particulatim de quibusdam: Quando procedebam ad portam ciuitatis, inquit de se. Iob. 29. Iobus, & in platea parabant cathedram mihi, videbant me Iuvenes & abscondebantur & senes assurgentes stabant. Principes c. ssabant loqui, Et quæ fusius ibi prosequitur, ac post subdit: Nunc autem derident me Iuniores tempore, quorum non dignabar patres ponere cum canibus gregis mei, nunc in eorum canticum versus sum, & factus sum eis in prouerbiu. Abominantur me, & longè fugiunt à me, & faciem meam conspuere non verentur. Sic de Nabuchodonozore, Propheta Daniel ad filium eius Balthazarem: ô Rex, Deus altissimus, regnum & magnificentiâ, gloriam & honorem dedit Nabuchodonozor Patri tuo, Et propter magnificentiâ quam dederat ei, vniuersi populi, tribus & lingua tremebant & metuebant eum: quos volebat, interficiebat, & quos volebat, exaltabat. Quando autem elenatum est cor eius, & spiritus illius obfirmatus est ad superbiam, depositus est de solio regni sui, & à filiis hominum deiectus est, sed & cor eius cum bestiis positum est.

A. PARS.

X x x

cum onagris erat habitatio eius, fœnum quoque ut bos comedeat, & rore cœli corpus eius infectum est. Sic de Rege Antiocho: qui sibi videbatur etiam fluctibus maris imperare, supra humanum modum superbia repletus, & montium altitudines in statera appendere: nunc humiliatus ad terram in gestatorio portabatur: & qui paulo ante sidera cœli contingere se arbitrabatur, eum nemo poterat propter intolerantiam factoris portare.

In quibus & aliis illorum exemplis omnium qui recensentur infœlices, non aliter apertius eorum infœlicitas exhibetur quàm prius demonstrando quàm fœlices essent.

Quod ut fructuosius etiam ad rem præsentem accommodes, aduerte tria esse quæ statum florentem faciunt pro triplici genere Boni, nempe Honestas seu honor, Commoditas, & Iucunditas: Vnde illud sequitur ut quo honoratior erat status, quo commodior & ad Iucunditatem vitæ suavior; eo miseria major si in opposita mala mutetur, si in dedecus, in egestatem, & pœnas corporis aut animi. Nonne est ita? Nonne sic propterea miserandus est iste Prodigus quod à nobili filio-familias in pastorem porcorum euaserit, à rerum omnium copia ad eam inopiam reductus fuerit ut ne quidem porcorum reliquias sibi vendicare posset; ab illa denique vitæ iucunditate qua totos dies in paterna domo fruebatur, in illos corporis & animi cruciatus exciderit quos quotidiana famemes excitat, & in pascendis porcis operæ collocatæ infamia. *Quanti mercenarij, tum in se reuersus inquiebat, in domo patris mei abundant panibus! Ego autem hic fame perco! O si saltem sic posses in te reuerti.*

II. P V N C T V M.

SED qui se à Christo subducit ut liberius & fœlicius uiuat; à florentiori seu meliori statu excidit in priorem.

Id est, ab eo statu excidit in quo triplex illa boni ratio, honesti, utilis & iucundi magis reperitur; & in oppositum deuoluitur, ubi est majus dedecus, difficilior egestas, & pœna grauior. Sic autem facile demonstratur. Nam primo quid est honestum & quale in prodigo erat antequam à paterna domo egrederetur? Vel dixeris aliquid quod non probetur à Deo, vel quod probetur: si non probetur, ut mundana illa vanitas in qua solet vulgus honesti nomen

ponere, non est in quaestionem adducendum: Si quid vero sit quod proberetur, si recte composita domus eius esset, si sapientiae laude commendatus Pater, si filius obsequens Patri, nihil prorsus nisi ex eius praescripto faceret, atque adeo nihil nisi quod rationis regula penderetur; est illud quidem honestum tam Deo quam hominibus gratum & probatum: sed vbinam certius illud honestum repeñas? An apud patrem Prodigii quantumuis sapientem, an apud Christum qui diuina ipsa est Sapientia? Si dici potest honesta viuendi ratio filij qui se à Patre vel à quouis prudenti viro regi finit, quanto ea potius dici de illo poterit qui se totum Christo regendum tradidit? Quae comparatio Christi & hominis? Quænam humanæ cum diuina sapientia potest esse contentio? Si Sapiens *Sap. 8.* affirmabat se propter suam sapientiam habi, urum *claritatem qd turbas, & honorem apud seniores*, etiamsi Iuuenis esset: quanto putas, illa Christi Sapientia quæ tota impenditur in his regendis qui se illi gubernandos dedunt, maiorem & veriozem afferet claritatem, non tantum Christo sed & iis omnibus qui ab ea reguntur? Illa illa Sapientia est de qua verissimè dicitur, *Innumerabilis honestas per Sap 7. manus illius.*

De Utilitate vero quis dubitet longe ampliorem in Christi ductu quàm in domo cuiuspiam ditissimi Patris familias? Date huic adolescenti prodigo quantum libuerit bonorum temporalium: non coræquabunt omnia vel vnum minimum gratiæ gradum qui à Christo percipitur. *Omne aurum in comparatione illius arena est exi. 16. d. gna: & tanquam lutum aestimabitur argentum in conspectu illius.*

Deinde addo, quod licet æqualis esset temporalium & spiritalium bonorum valor, tanta est tamen abundantia gratiarum & donorum cœlestium in illo viuendi genere quod Christo duce traducitur, atque ita per totos crescunt non solum annos, non solum menses, non solum dies, sed per singula quæque dierum momenta, ut tantam sibi vel avarus quilibet, non possit per longum vitæ spatium, comparare bonorum copiam, quantam vir religiosus, & fidelis Christi sectator, paucis diebus poterit à Christo suo possidere. *Nam habenti dabitur, & abundabit. Ut ostenderet Math. 13. abundantes diuitiis gratia sue.* Solius est Apostoli de his loqui diuitiis, nam & sibi hanc singulariter asserit *datam gratiam euangeli. Ephes. 2. ize inuestigabiles diuitias Christi. ibid. 3.*

Denique, quando etiam concederemus æquales in vtrisque nu-

mero diuitias, & licet darenus prodigo tantum pecuniæ quantum suis Christus dat gratiæ, non esset tamen tanta eius utilitas neque tam florens ex hac parte fortuna prodigi, quanta Christi feciatoris. Nam quorsum illa tandem pecunia, quæ tam eius potest esse utilitas si cum utilitate gratiæ compararetur? Recte enim sanctus Ambrosius: *Nos autem nihil omnino nisi quod deceat & honestum sit futurorum magis quam presentium metimur formula: nihilque utile nisi quod ad vitam illius æternæ proficiat gratiam, definimus.*

Restaret de iucunditate dicere nisi iam supra multis in locis & variis modis demonstratum esset, quanto sit iucundius Christo seruire quam mundo vel libidini. Nam vel ipsa quæ à Christo est iustitia magis iucunda est quàm quæ à mundo iucunditas, ut habetur in 2. p. Domini. 3. post Pascha. Et maior est voluptas voluptatem nosse, quam velle: seu Voluptatem vicisse, quam capisse, ut declaratur in 3. p. ubi de Voto Castitatis. Quod genus iucunditatis, in sola voluptatis priuatione positum, si tale est ut superet omnem mundi voluptatem, quale illud erit quod in ipsis quas vocant possitiuis & infusis à Deo deliciis spiritualibus, quæ *exuperant omnem sensum*, omnem dicendi & cogitandi facultatem? Quid de tranquillitate Conscientiæ quæ est manna absconditum? quid de securitate mentis quæ est iuge Conuiuium? quid de amore reciproco Christi amantis & amatæ sponsæ quod est osculum oris castissimum? quid de ipso dicam centuplo quod in mediis persecutionibus adeo non tollitur ut ibi potissimum sentiat? *Phil. 4. Apoc. 2. Petri. 1. Cant. 1. Marti 10.*

Non sic ille adolescens Prodigus, non sic ille domi suæ contentus dici potest vixisse, cum inde egredi non petierit nisi quia domi contentus non vivebat, & nisi quia sperabat se alibi reperturum quod domi quærebat nec inueniebat. Quæ obrem ex hac parte iam habemus quod status ille viuendi qui Christo duce & Governatore vitæ peragitur longe est eminentior & florentior quàm qui esse potuerit illius filij qui è paterno ductu seipsum emancipauit; unde quando par esset vitæ calamitas in quam vterque decidit cum genus vitæ mutat, miserior tamen esset illius qui se à Christo subduceret quàm alterius, quia scilicet ex altiori loco caderet, qui certe casus esset calamitosior. At quantò id magis verum esse agnosceretur si & ipsa est longe impar & inæqualis calamitas, si quam incurrit Christi desertor miseria multo est dirior & infœlicior quàm quæ miseri prodigi spectanda nobis proponitur.

Hoc est quod sequitur exponendum, & per mala gradiendum opposita tribus illis bonis in quibus dictum est stare florentem statum; nempe honesto dedecus, utili paupertas, & iucundo poena opponitur. Nec immorandum longius quam acerba hæc prodigum tria mala circumdarent, patent enim apertius quam vlllo possint sermone promi. Quid enim nobili filio dedecorosius quam porcarium fieri? Quid egentius quam sola porcorum esca nutrir? Quid dolentius quam ne ipsa quidem posse uti? Sed videamus attentius quam longe hæc grauiora inuoluant eum qui relicto Christo sibi viuit!

Primò quidem maius est dedecus, quia de seruo Christi fit seruus Diaboli, fit seruus sui naturalis appetitus per quem in homine Dæmon regnat; à Christi ductu transit in ductum Dæmonis: & quando ille solum inordinatus spectaretur appetitus, pars illa est animalis in homine quæ si nobis dominatur, nos infra, nos ipsos infra porcos & alias quassibet immundas & foedas demittit animantes. Neque enim vllum Deo pecus ita inuisum est & odiosum quam iste animalis appetitus qui se Deo non veretur opponere, repugnare, anteferre: ac proinde non porcus solum sed sus reuoluta seu lota in volutabro luti dicitur, cuius qui fit seruus certe infamior & sordidior efficitur quam ille porculator qui pascentes & minus sordidos pascebat porcos. *Quam vilis facta es nimis iterans vias tuas? COMPVT RVERVNT iumenta in stercore suo. VIS I- TABO super viros defixos in facibus suis.* Potestne de viro religioso, de viro qui Christum aliquando vitæ suæ ducem habuit, probrolius aliquid pronuntiari?

De indigentia vero spiritali quæ damnosior est temporali, quid attinet dicere cum Christus euidenter suo desertori dicat: *Et nescis quia tu es miser & miserabilis, & pauper & cæcus & nudus.* In quibus verbis tria insunt quæ hanc extremam indicent esse miseriam, Primum est esse nudum, id est, exutum omni prorsus bono, quod & postea repetit, *non appareat confusio nuditatis tue.* Hoc est autem extremum paupertatis, sic esse nudum: nam vix vllum adeo pauperem videas qui sit omnino nudus; Ita vero se denudat qui Christum deserit, nam se bonis acquisitis ita per peccatum exuit quasi nihil boni prorsus vnumquam egisset. Deinde vero cæcus est ut neque se valeat regere, nec labore victum & vestitum comparare, nec se quòquam moueat ut regatur. Nam quod tertium est ex-

tremi mali signum, nescit se ita cecum & nudum esse, vnde nec sibi prouider, nec vt sibi prouideatur quemquam orat, & monentibus etiam obstreper, quod certe Prodigio malum non inerat, nam & gnoscebat suam inopiam, deplorabat statum suum, cogitabat de illo instaurando, sicut inde reuera emerit, & meliora suscepit consilia.

Atque hinc lachrymæ, hinc gemitus, hinc postremum è tribus quod miseriorem facit statum, nempe dolor & poena opposita incunditati vitæ; qui certe dolor tanto est grauior quanto magis vel minus aliquando cognoscer suam miseriam. Nam si vere in se reuersus se agnoscit, quis tandem dolor cogitanti se fuisse illam audacem animam cui Væ multoties intentatum fuit, quæ putauit relicto Deo se melius aliquid inuenturam? Quid recordanti se à Christo non recessisse, nisi quia plus sibi placebat viuere quam illi qui pro se fuit mortuus? Quid aperte videnti quantum errauerit recedens à Pastore suo, quantisque se periculis exposuerit nisi offensi pastoris bonitas eo se etiam extendisset vt se nolentem & inuitum protegeret? Quid dicet si reuertitur, cum non semel vt prodigus se à patre distraxerit, sed semel iterum & amplius iteratis promissis non steterit, nec dum vix vnumquam fidem datam liberarit! ô se infidum, ô se perduellem, ô impium, qui tot acceptas gratias conculcarit, tot rursus oblatas respuerit, tot necessarias ad salutem contempserit! Quo vultu Patrem adibit cuius foedauit imaginem; quo verbo Filium conueniet cuius verba spreuit omnia; quo inuocabit animo sanctum Spiritum, qui se toties insinuante in animum suum dissimulauit nosse, vel agnitiū repulit, & repulsum irrisit?

Nonne hæc & multo plura sentiat qui se aliquando sentiet suum reliquisse Christum, ne suos iocos relinqueret? Nonne hæc sentiens magis dolebit quam quiduis aliud perditum, aut non vere dolens & contritus id sentiet? nam dolor est super omnem dolorem aut non est dolor reuertentis.

Quod si numquam se agnoscat, si numquam ad Christum redeat, si sine Christo semper maneat: Putasne miseriorem isto fingi posse statum? Nonne hoc est supremum iudicii decernendum supplicium, *Discedite à me maledicti*. Iam mihi deinde vobiscum pars nulla restat.

Aut si forte anceps & dubius aliquando nutat animus quid

S. Aug. 15.

Matth. 15.

consilij capiat, quod excogitet medium inter Christum & Dæmonem, inter Gratiā & libidinem, inter virtutem & vitium: dic si potes quæ molestiarum moles interim animum obruat, quænam ex omni parte angustia nutantem versent animum; quantis & quam miris modis id Deus præstet quod se facturum dixit: *Et ego quasi tinea Ephraim, & quasi putredo Domini Iacob. Et vidit Ephraim languorem suum, & Iuda vinculum suum, & abiit Ephraim ad Assur, & misit ad regem ultorem: & ipse non poterit sanare vos, nec soluere poterit à vobis vinculum: quoniam ego quasi Leana Ephraim, & quasi catulus leonis domui Iuda. Ego ego capiam, & vadam: tollam & non est qui eruat; Quasi diceret, cum se animus ille suspensus & dubius in angustias redactum esse senserit, ut vel pereat in suo statu, vel statum mutet, & ad me reuertatur: his se angustis quæret expedire, & nihil humanum relinquet intentatum quo se in statu suo corroboret, nec tamen pereat, aut se perituum videat: sed frustra, nam nullas illi concedam doloris inducias, nullum eius sinam elabi vitæ momentum quo non angatur, exastuet, & dolorem dolori addat: donec tandem agnoscat aut pereundum aut redeundum: Nam ego contra humanas adinventiones instabo acrius, & praualebo, & cum vel adero vel abero, poenæ numquam illi deerunt.*

Vide supra in hac parte, Fer. 4. Hebdomada 17. vbi hæc habetur Veritas:

Animo inordinate affecto ad res creatas, angustia sunt vndique.

III. P V N C T V M.

QUIS QVIS igitur se à Christo subducit ut liberior & felicius uiuat, uiuit miserius ipso misero prodiga, quia videlicet à meliori statu decidit in peiorem: à maiori bono honesto in maius dedecus: à maiori bono utili ad maiorem inopiam: à maiori bono delectabili ad maiores poenas. *Mittet Dominus super te famem & esuriem, & increpationem in omnia opera tua quæ tu facies, donec conterat te, & perdat velociter propter adinventiones tuas pessimas in quibus reliquisti me. Multi ponderis hæc sunt duo verba, reliquisti me, sicque attentius perpendenda sunt ut non id solum cogites*

2er. 2.

quam sit id graue, Dominum reliquisse: sed quam sit verum, te reliquisse Dominum. *Scito & vide quia malum & amarum est, reliquisse te Dominum Deum tuum*, quali diceret, conjunge simul vtrumque, nec minus certum credas te reliquisse Dominum, quam verum videbis graue id esse malum. Non illum forte reliquisti tam longe quam iste prodigus, vel quam alij proiectiores ad vitium: sed parum refert, quantum ad mali de quo hic agitur, acerbicatem, nam siue longe siue prope abieris, malum in hoc est positum quod illum reliqueris à quo regebaris, & hoc potissimum nomine seu motiuo reliqueris, quia regebaris, seu quia regi ab eo noluisti.

ibid.

Hoc est quod ipse plangit acerbius, hoc est quod illum extitauit acrius ad accusandam liberiozem illam licentiam, & poenis debitis coercendam. *Numquid non istud factum est tibi quia dereliquisti Dominum Deum tuum quo tempore ducebat te per viam?* Id est, quo tempore minus eum relinquere debuisti, ac proinde quo tempore grauius deliquisti sic illum relinquendo.

Thren. 4.

His adde, quod non longius tibi abeundum fuit, vt in eam incideres miseriam quæ satis grauis & miseranda videtur Amantissimo Patri tuo. Quid enim putas iocos illos tuos, & scurriles quas tu tractas modo libentius, nugas; quid illa putas oblectamenta, linguæ, vestium, oculorum & similes naturæ se commodius quæritantis illecebras? Dic quidquid voles, sed coram Deo nil aliud sunt quam illæ porcorum uliquæ quibus pasci maus quam suauissimis apud Ipsum deliciis. *Qui nutriebantur in croceis, amplexati sunt stercora.* Persuasum tibi plane hoc sit, non esse tantam distantiam inter delicatissimos quibus vesci prodigus poterat in domo Patris cibos, & illas porcorum siliquas seu reliquias ad quas redactus est, quanta est inter solidas animi iucunditates quæ à Christi ductu & regimine redundant in totam vitam, & euanidas illas sensuum voluptates quæ in liberiori vita sentiuntur. *Numquid est Deus absque me, ait Dominus!* quasi diceret, si alius esset Deus præter me quo vere possent delectari, sicut apud me possunt, ego silerem: sed cum præter me non sit alius Deus, nec consequenter possit esse aliud solidum & purum gaudium, pati non possum quod me relicto summo bono, quærant infima quæuis alia quibus oblectentur. Quò referri possunt hæ Veritates:

2s. 44.

Omnis

Omnis copia quæ Deus non est, egestas censenda est.

In 1. parte, Fer. 3. Hebd. 4. Aduentus.

Qui vel vni Creaturæ nimis adhæret, duo mala facit de quibus ipse Creator: Me dereliquerunt fontem aquæ viuæ, & foderunt sibi cisternas, cisternas dissipatas quæ continere non valent aquas.

In hac 4. parte, Sabbato Hebd. 18.

Qui sibi palpat quod non longe erret, periculosius sæpe is errat quàm qui aberrat longius.

Quia scilicet sæpe minus reuertitur, sicque perit dum alius in se reuersus saluatur.

In 3. p. Dom. 3.

R E V E R T E N T I S autem seu poenitentis forma luculenter describitur in isto prodigo. Sex annotari possunt Capita quæ totum hoc negotium cum Diuina Gratia conficiunt. Primum his continetur verbis: *In se reuersus, dixit: quanti mercenarij in domo Patris mei abundant panibus: Ego autem hic fame pereo.* Sic primum debet agnosci miserandus peccatoris status, ac propterea in se suamque vitam, inspiciendum attentius; qua de re Vide in 1. p. Hebd. 3. post Epiph. *Scrutemur vias nostras, & quæramus & reuertamur ad Dominum.*

Secundum est, proponere serio se id omne acturum quod poenitentis status exigit; Sic ille confidenter: *Surgam, & Ibo ad Patrem meum. IVRAVI & statui custodire iudicia tua.*

Pf. 119.

Tertium est, non morari exequutionem propositi, vnde statim additur: *Et surgens venit ad Patrem.* **N O N** demoreris in errore impiorum. Vide in 1. p. Fer. 2. Hebd. 4. in Aduentu, & Fer. 2. Hebd. 4. post Epiph.

Quartum est, vera Contritio quantum per Dei Gratiam vera & perfecta esse potest, ex offenso Deo potius quam ex vlllo motu alio. Quam in rem, apta sunt illa verba filij ad Patrem: *Pater, peccavi coram te.* Cogitetur filius qui casu aliquo improviso Patrem grauius vulnerarit; Tum re cognita, quis sensus boni filij in bonum Patrem? Non tam erit sensus timoris poenæ quàm offensæ

4. Pars.

Y Y Y

Patris, sese ultro pœnis subijciat; Sed se ita Patrem vulnerasse, ah certe, dolebit istud vehementius. Sic tu Patrem offendisti, non ita quidem ignoranter quin peccaris, sed non ita tortè scienter, ut aduerteres te Patrem tuum lādere. Nunc vero qui probe id nosti, qui attente hoc cogitas, quid dices? quid senties? *Numquid non ipse est Pater tuus qui possit dī te, & fecit, & creauit te? ERGO saltem amodo voca me, Patre meum, Dux Virginitatis mea tu es.*

Quintum est, Confessio ingenua: *Peccanti in cœlum & coram te.* Nihil te Deus, celare volo, quia iam tibi patente omnia. Tu præsens aderas quando peccaui, hic velut te præsente confitebor peccata mea. *Fili mi, da gloriam Domino Deo Israel, & confitere, atque indica mihi quid feceris, ne abscondas. Responditque Achan Iosue, & dixit ei: Verè ego peccaui Domino Deo Israel, & sic & sic feci.*

Sextum est, Satisfactio quæ vulgo pœni: entia dicitur quia conjunctam habet pœnam & quidem duplicem, nempe priuatiuam & positiuam, Priuatia est qua delectabilibus quibusdam bonis nos priuamus: positia vero qua nos malis seu pœnis sensibilibus castigamus; sic propterea pœnitens Prodigus primo dicebat, *Iam non sum dignus vocari filius tuus*, quasi diceret, priuari me h. c. iure volo; priuandum me sentio bonis his omnibus quæ tamquam filius habere possem, nisi peccassem. Hæc sit peccati mei pœna ut deinceps me priuem quibus ante gaudebam, aut si me Deus priuare velit, libenter id patiar, & me his indignum ducam. Deinde vero pergit, *Fac me sicut unum de mercenariis tuis.* Aliud est scilicet pœnæ genus quod nobis ultro imponimus, vel quod aliunde impositum libenter acceptamus, quando scilicet mortificamur tota die sicut ones occisionis, *MERITO hæc patimur, quia peccauimus non modo in fratrem nostrum, ut dicebant fratres Ioseph, sed in Patrem nostrum, Patrem amantissimum, Patrem misericordiarum, & Deum totius consolationis.* Id est, extra quem non est alibi conquirenda Consolatio, vel si quæ sita est, peccatum est, & peccati pœna quamcumque grauis, hanc affert consolationem quod sic peccatum expietur. *Et hæc mihi sit Consolatio*, dicebat Iobus, *ut affligens me dolore, non parcat: nec contradicam sermonibus Sancti: hoc est, Dei iuste punientis, & se sanctum ostendentis in puniendo peccato.* Peccaui, & verè deliqui, & ut eram dignus non recepi. Et verò quam adiungit Bonitatem sanctitati suæ Deus in recipiendo prodigo seu quouis peccatore, multum etiam potest non modo ad puritatem

Quam detestantur omnes sortem diuitis Epulonis, &c. 539

perfectæ Contritionis ex tantæ Bonitatis affectu concitandam, sed ad reliquas poenitentia partes pari affectu semper obeundas.

Vide Fer. 4. Hebdomada Passionis, vbi quod de Cruce dicitur, de poenitentia debet intelligi:

CruX interdum quidem à corpore, sed numquam ab animo deponenda.

Videri etiam potest in 3. p. Dominica 3. Et dies 22. Iulij. Vbi multa de Conuersione peccatoris.



FERIA SEXTA.

DE MALO DIVITE, ET DE BONO PAUPERE LAZARO.

Fili, recordare. quia recepisti bona in vita tua, & Lazarus similiter mala: nunc autem hic consolatur, tu vero cruciaris. Luc. 16.

VERITAS PRACTICA.

Quam detestantur omnes sortem Diuitis Epulonis, eam pene omnes consecretantur.

RATIO EST, Quia Diuitis Epulonis hac est fors, quod cum receperit bona in vita sua, nunc cruciatur.

Sed hanc sortem hi pene omnes qui detestantur, eandem consecretantur.

Ergo est certissima Veritas, & præ cæteris quæ hic expendi possent, potissimum attendenda, ut sibi quisque prospiciat.

I. PUNCTVM.

CVM per Parabolam de Villico iniquitatis, exhortatus esset Dominus Auditores suos ad procurandum diligenter salutis negotium, vt abunde à nobis in 3. parte, Dominica octaua declaratum est: exhortationem suam confirmare voluit exemplo memorabili Diuitis Epulonis & mendici Lazari, quorum sicut vita multum dissimilis, ita exitus longè dispar fuit. Erat quippe homo Ille *dines qui induebatur purpura & bysso, & epulabatur quotidie splendide. Et erat mendicus quidam nomine Lazarus qui iacebat ad ianuam eius, vlceribus plenus, cupiens saturari de micis que cadebant de mensa diuitis, & nemo illi dabat: sed & canes veniebant & lingeabant vlcera eius. Factum est autem vt moreretur mendicus & portaretur ab Angelis in sinum Abrahe. Mortuus est autem & dines, & sepultus est in inferno.*

Nonne hæc sunt valde diuersa? si nobis optio concederetur alterutrius eorum eligendæ sortis, quis non mallet statum præsentem Lazari? Quis non detestetur horrendam alterius sortem? Et tamen ô dictu mirum, & inauditum! *Illam ipsam Diuitis Epulonis quam detestantur omnes sortem, pene omnes consecrantur!*

Hæc de multis seligenda est Veritas quæ accuratius expendatur, quia ceteras omnes continet, & proposita à Domino scopum historię spectat, attingitque directius. Sic autem esse demonstratur, quia Diuitis Epulonis hæc est consideranda fors, quod cum viuens receperit bona sua, post mortuus cruciatur in inferno. Sic enim illi responsum fuit prout habet historię narrationis series, cum scilicet in tormentis eleuans oculos suos vidit Abraham à longe, & Lazarum in sinu eius, & ipse clamans dixit: *Pater Abraham miserere mei, & mitte Lazarum vt intingat extremum digiti sui, in aquam, vt refrigeret linguam meam, quia crucior in hac flamma. Et dixit illi Abraham: fili recordare quia RECEPISTI BONA IN VITA TVA, & Lazarus similiter mala, nunc autem hic consolatur, tu vero cruciaris.* Quasi diceret, iam mutata sunt rerum vestrarum sortes. Tu cum viueres nihil pati voluisti, iam mortuus nihil nisi patieris. Tu bona tantum & nulla vitæ mala percepisti, iam mala tantum & nulla bona senties. Vnum ex alio consequenter emanat. Sicut Lazari viuents mala patienter tolerata sempiternam illi concia-

Harum requiem, sic hausta largius vitæ bona numquam desituros accersunt cruciatus. Quæ quisquis viuens seminauerit, hoc metet mortuus. Genialis vitæ melis, est inferorum cruciatus. *Quantum glorificauit se & in deliciis fuit, tantum date illi tormentum* Apo. 18.
& luctum. Ratum fixumque est. Hæc eorum omnium fors esse dicitur qui frui volunt vtendis: *Venite*, inquit, *& fruamur bonis* Sap. 2.
quæ sunt, ubique relinquamus signa lætitiæ, quoniam hæc est pars nostra, & hæc est fors. Inchoata fors scilicet quando sic viuunt & tunc completa fors, quando post mortem lutos contra se stantes *videbunt & videntes turbabuntur timore horribili, & mirabuntur in* ibid. 9.
subitatione insepulta salutis dicentes intra se, penitentiam agentes, & pro angustia spiritus gementes: Hi sunt quos habuimus aliquando in derisum, & in similitudinem improperij. Nos insensati vitam illorum aestimabamus insaniam & finem illorum sine honore: Ecce quomodo computati sunt inter filios Dei, & inter sanctos fors illorum est. Ergo errauimus à via Veritatis, & iustitia lumen non luxit nobis. Quid nobis profuit superbia? aut diuitiarum iactantia quid contulit nobis? Transierunt omnia illa tamquam umbra, Et quæ plura dicunt in inferno hi qui peccauerunt, vt refert Sapiens.

Ex quibus illud præsertim intelligas quod hic vsurpatur nomen sortis, vttramque vitam comprehendere, cum præsentem, tum futuram, quo in sensu dicitur hanc esse diuitis Epulonis sortem, quod cum receperit bona in vita sua, post crucietur, ne vnum ab alio seiungatur, nec enim solus seorsim cruciatus, neque sola bona recepta separatim considerata faciunt eius sortem, sed vtræque simul connexa, quandoquidem, vt dictum est, vnum pendet ab alio velut messis à seменте, velut effectus à sua causa.

Quæ autem bona Diues ille receperit, referuntur ad triplex illud toties inculcatum bonorum genus, quæ nomine Concupiscentiæ memorantur in scripturis, *Concupiscentia scilicet carnis,* 1. 1040 2.
concupiscentia oculorum & superbia vitæ, Concupiscentia carnis in eo patet quod epularetur quotidie splendide. Concupiscentia oculorum, siue bonorum temporalium, quod esset diues. Superbia denique vitæ, quod indueretur purpura & bysso. Contrà vero Lazarus quàm his bonis opposita sustineret mala, non minus liquet: nam contra diuitiarum cupiditatem, mendicus erat: contra delicias, erat vlceribus plenus; contra vitæ superbiam, ita erat cunctis despectus vt vel decedentes è mensa diuitis micæ

perenti nullus daret, solisque canibus non esset odiosus. Ecce quo cœlum emitur pretio ! Ecce quibus infernus vanit expensis : Ecce diuersam quæ faciunt bonorum aut malorum sortem : Ecce ubi reipsum contempleris, ubi à præsentis de futuro dijudicēs.

II. PUNCTVM.

SED *declaratam diuitis sortem hi pene omnes qui detestantur, eandem confectantur.*

Qua scilicet parte miser hic in inferno sepultus est, omnes hanc eius sortem detestantur; sed qua parte diues est, & superbè indotus & splendide saginatus, sic pene omnes confectantur, vt in aliam ex consequenti non aduertentes incidant & simili morte pereant quorum est vita similis.

Attende Lector, ac si quem forte habes de his admonendum, fac vt diligenter attendat Auditor. Duo enim proponuntur tam stupenda simul & momentosa vt ea ipsa sint de quibus scriptura dicit quod *qui ea audierint, tinniant amba aures eius.*

Primum est, quod pene omnes sic male viuunt, sicut hic malus Diues, aut etiam peius. Secundum vero quod sic etiam omnes sicut ille mala & pessima morte moriantur.

Atque illa duo sunt inter se simul ita connexa & colligata, vt simul eodem orationis contextu declarentur & comprobentur. Sicut enim omnes qui in peccato moriuntur, similiter pereunt & damnantur : sic plane qui in peccato viuunt nec resipiscunt, similiter in peccato moriuntur & peribunt ; Quamobrem ad hanc similem mortem declarandam satis est declarare similem esse vitam. Sic autem tripliciter declaratur, pro triplici hominum genere qui diuerso viuunt modo. Primo Potentiores sæculi, nonne ita sunt diuites, sicut iste famosus diues ? Nonne ita splendide vestiuntur & comedunt ? Nonne ita sæpius inanes remittunt pauperes ? Esto non sit Lazarus vlceribus plenus quem remittunt, esto non sit purpura qua induuntur, nec sit idem genus cibi quo epulantur, nihil refert ad vitæ similitudinem quæ non exigit paritatem in istis minutioribus circumstantiis, dum sint alia paria. Pauper est quem remittunt, splendida sunt vestimenta quibus induuntur, nimis sunt epulæ quibus quotidie conuiuuntur : satis est vt dicantur simili vita viuere qua malus diues. Non enim idcirco

præcise male vixit & male mortuus est quia pauper quem contempsit erat Lazarus; vel indumentum quo induebatur, erat purpura; vel cibus quo vesceretur erat altile certi generis. Non enim ista præcise faciunt malam vitam & malam mortem: sed aliud quoddam est in istis latens quod idem quia reperitur in illis Potentioribus sæculi de quibus loquimur, plane similem malo Diuiti vitam agere dicendi sunt. Quid sit autem illud, ex dicendis facile colligetur.

Secundo, licet alij non ita effuse vivant ac splendide, quia tamen viuunt etuius & splendidius, quam terat eorum status; satis est vt dicantur similem cum malo Diuite vitam agere: quia similiter mala est istorum vita splendida, suo in vitæ statu ac genere, sicut mala & peruersa est aliorum in suo. Nam perueritas vitæ splendida in omnibus viuendi statibus ex eo potissimum capitur, quod vita sit splendidior statu, seu quod vitæ splendor statum superet. Non enim simpliciter & præcise vt dicebatur de potentioribus, splendor vitæ arguitur, sed splendor deprauatus, splendor nimius, splendor mala quadam affectus circumstantia, quæ varia quidem esse potest, sed quæcumque tandem illa sit, malam illam facit splendidam vitam, à qua vita si abesset mala circumstantia, non esset male splendida nec mala vita. Possent scilicet si nihil aliud obesser, qui sunt statu superiores, eundem vitæ splendorem tenere quem tenent inferiores, nec peccarent illi, ratione sui status, sicut isti; quia talis vitæ splendor non repugnans statui, non est malus & peruersus, si vt dixi nulla sit aliunde perueritas. Cum vero repugnat statui, satis est vt sit malus vitæ splendor, licet aliunde non peruerteretur quàm ex hac status repugnantia. *Noli te in sublime tolli*, Id est, supra vos ne vos efferatis. Quapropter qui se ita supra se efferunt, licet non ita sublimiter sicut malus Diues, non minus tamen male viuunt: quia non idcirco male vixit malus Diues quod sublimiter tantum viueret, sed quod sublimius & splendidius quàm par esset, siue ratione sui status, siue alia quæcumque talem eius peruerteret vitæ splendorem prauitas.

Tercio denique, sunt infimi qui neque sunt diuites nec splendide vestiuntur aut epulantur, & tamen in simili viuunt vita genere quo vixit malus Diues: quia videlicet vellent esse diuites, vellent ita posse splendidam vitam agere, diuitibus inuidet, diuitiis acquirendis idcirco inhiant, beatos putant diuites, se autem

miseros, ac miseram suam vitam detestantur. Tunc affectu & voluntate sunt iidem prorsus qui alij: nam alij qui sunt diuites & splendidi, vt iam semel ac iterum diximus, non sunt mali nec propterea condemnantur quod sint diuites vel splendida vita, sed quod sint mali diuites & male splendentis vitæ. Sunt autem mali diuites & male splendentis vitæ, non ex ipsius diuitiis vel ex ipso vitæ splendore, sed ex malo diuitiarum & splendoris affectu vel vfu: qui affectus & vfu cum tam malus esse possit quando non habentur diuitiæ quàm dum habentur, idcirco quisquis etiam pauper & infimæ sortis diuitias inordinate appetit, & sic affectus est vt his inordinate vtatur, non minus malus est quam malus Diues, nec minus similem in illa malicia circa diuitias agit vitam, quam qui reipsa diuitias habendo mali sunt; quandoquidem non sunt mali quia diuitias habent, sed quia male seu malo-

2. 10. Mor. affectu & vfu illas habent, vt iam supra dictum est ex sancto Gregorio, qui affert exemplum mali Diuitis & Abrahami qui erat
4. 17. ditior illo malo diuite, sed quia non erat malus diues, diuitiis suis se saluum fecit Abrahamus cum Gratia, suis autem diuitiis se diues malus perdidit. Vide quæ supra habentur in hac parte multum his opportuna de diuitiis & paupertate, tota hebdomada
17. Expendi vero debet accuratius quod expresse habet in rem-

2. Tim. 6. nostram sanctus Apostolus: *qui volunt diuites fieri*, non dicit quæ abutuntur diuitiis, nec qui diuitias male possident, nec qui sunt mali diuites, sed vnum hoc tantum, *qui volunt Diuites fieri*, tunc pergens, *incidunt*, inquit, *in tentationem & in laqueum Diaboli, & desideria multa inutilia & nocua quæ mergunt homines in interitum & perditionem*. Id est, volendo esse diuites, non minus male viuunt, nec minus male pereunt quam ipsi mali diuites: quia voluntate peruersa diuitiarum, tam peruersi sunt quam si ipsas haberent diuitias. Et manifestam rationem affert, *Radix enim omnium malorum est cupiditas, quam quidam appetentes errauerunt à fide, & inferuerunt se doloribus multis*. Id est, ipsa est rerum mala cupiditas quæ malos facit, non res ipsæ si bene concupiscantur vel bene possideantur.

Quia vero pene omnes sic volunt diuites fieri & sic incidunt in illa pericula quæ denuntiat Apostolus, plane fit euidentius quod erat demonstrandum, nempe quod omnes viuant & pereant sicut iste malus Diues. Cur enim perit? & quid est quod male vixit, vt in inferno

inferno sepeliretur? Quid aliud refertur quam quod diues esset, quod indueretur & velceretur splendidius, nec pauperis misereretur? At quàm multos esse qui sic vivant, quis non videt? Aut etiam si non ita vivant, ita tamen vellent vivere, quod satis esse diximus ad similem vitam? Nam cur ille perierit & non illi? Quid dicent de illo diuite quod diues de illis non possit dicere? Imo quàm multa posset Diues illis objicere quæ non possent in ipsum retorquere? Nam neque ebrius, neque periurus, nec auarus, nec impudicus, nec detractor, nec vilo singulari notatur vitio quæ pene omnes iam inuruntur. Et tamen si vitiosus esset, non erat tamen Christianus, non abundabat illa gratia qua tu fruieris, vt vitium fugias; Non his erat imbutus præceptis, quibus te instructum gloriaris ad vitam rectius instituendum. Nesciebat Christum sicut tu didicisti; non audiuerat illum natum esse in præsepio, & in Cruce mortuum, vt contemnendas doceret diuitias; nec de alio malo diuite qui sepultus esset in Inferno quidquam audierat sicut audiisti. Et tamen ille periit! tu vero non modo illi similis, sed longe deterior, non eodem iactaberis casu, non eadem inuolueris ruina, non eundem in te effectum causa producat? Quid est quod ille pereat à concupiscentia sua mala, tu vero minime pereas in quo magis mala est concupiscentia? Videri debet quæ in 2. parte, Dominica Septuagesimæ ad verba Domini, *pauci electi*, habetur Veritas:

Quæ causa est cur pauci salui sint, hæc in te causa est, cur ex illis fortè non sis.

Quod si putes te bona quædam habere opera quæ non habebat iste diues, ac proinde non esse tibi timendum licet in vitiiis & concupiscentiis similem cum illo vitam ageres: Vide quid dicas, vide ne nimium de te præsumas, aut de aliis liberius iudices. Vnde habes istum diuitem non aliquid etiam boni egisse? Certe nouerat Abrahamum quem proprio compellat nomine, simulque patrem vocat, & tamquam loci præfectum in quo spectatur, illum agnoscit & omni cultu prosequitur; Quæ omnia plane indicant, miserum illum diuitem fuisse Iudæum, illum vel legisse sacros Codices, vel ex his audiuisse quæ ad legem & mores spectabant illorum temporum, ac consequenter templum adiuisse, Deum orasse, sacrificiis & orationibus interfuisse, dies festos obseruasse, &

talia legis præcepta quorum erant Iudæi obseruantissimi non omisit. Nemo enim tam impius qui non boni aliquid aliquoties operetur, sicut & nemo tam pius qui non interdum peccet. Atque idcirco responsum fuit diuiti, *quod recepisset bona in vita sua*, id est, compensationem & mercedem bonorum operum quæ fecerat, nullum est enim bonum opus quod non aliquo remuneretur præmio, siue in præsentī hac vita, siue in altera: sicut nec vllum omnino peccatum, quod non aliqua expietur poena, vnde & dictum de Lazaro *quod receperit mala*, id est, culparum quas committere potuit poenam. Et inde ratio redditur cur Diues in inferno sic sepultus & Lazarus in sinum Abrahamæ sit receptus, non quod diues nihil boni, vel Lazarus nihil mali fecerint, sed quod diues bona siue mercedem bonorum suorum operum in vita receperit, nempe diuitias & alia vitæ commoda; Lazarus autem similiter mala, id est, poenas suis debitas culpis, id est, mendicitatem, esuriem, vlcera, contemptum & alia quæ passus est; quasi aperte diceretur quod Scriptura passim & sancti Patres vno consensu doceant, quod qui non admodum probi sunt & tamen in hac vita multis temporalibus redundant bonis, ac paucis vexantur malis, præiudiciū esse futuræ damnationis, nec illis superesse quam æternas inferorum poenas. Receperunt bona in vita sua pro suis bonis operibus; nihil expectent in cælo. Non receperunt autem mala pro suis malis operibus, nec vllam sibi voluerunt infligere poenitentiam, timeant, omnino timeant quæ parata sunt illis suis malis operibus sempiterna supplicia.

Iam ergo tu qui gloriaris te multa bona præstare opera, nonne recepisti bona in vita tua? nonne recepisti bona temporalia, sanitatem, diuitias, & honores; aut certe nonne velles hæc recipere, nonne his velles abundare? Nolles quidem hæc recipere quasi in mercedem, quasi in vicem & locum æternæ beatitudinis; sed tamen illa libenter recipis, & gaudes his acceptis, & doles nisi accipias, & quantumcumque pecces, si te aliquibus castiget Deus poenis, id vehementer doles, & nihil vehementius oras quam vt te illis liberet, quam vt te sanum semper, numquam ægrotum, tibi prosperos semper, numquam aduersos permittat dies. Recepisti, recepisti bona in vita tua, non omnia quidem quæ velles, nam multo plura velles quæ non recepisti, sed tantò in perniciem tuam damnosius; sic enim euidenter significaste his ita delectari & affici

quasi sint summum bonum tuum, quasi non sis contentus sine illis, quasi essent illa tibi debita, quasi denique velles aliquid amplius quo esses similior illi Diuiti, quo esses ditior & splendidior in vestibus, epulis, domestica suppellectile, ceterisque vitæ præsentis commodis, quod est omnino velle recipere bona in vitâ sua; Quod tam commune est omnibus etiam Christianis, nisi diligenter aduertant & sibi temperandis studeant, quam familiare est & commune omnibus amare diuitias, honores & vitæ commoda: nolle vero egestatem, aduersos casus, abiectiorem statum, & quidquid corpus humanum lædit aut popularem gloriam.

III. P V N C T V M.

HINC ergo est quod habet Veritas: *Quam detestantur omnes sortem diuitis Epulonis, eam penè omnes consecrantur*, siue qua parte vixit, siue qua est mortuus & sepultus in Inferno. Quam quidem mortis & sepulturæ postremam partem vt detestandam nemo vellet, sed tamen quia primam volunt omnes, volunt simul & consecrantur hanc alteram quæ ita primæ iungitur vt nullus male pereat qui non male vixerit, nec ullus male viuât qui non male pereat, nisi à male viuendo resipiscat. *Nisi penitentiam habueritis, omnes similiter peribitis*, quia similiter nempe vixistis, licet dissimili vitæ modo. Similis illa est omnium vitæ quæ in explendis concupiscentiis transigitur; & talis eorum omnium vitæ mors est consimilis, similiter omnes pereunt, omnes similiter in Inferno sepeliuntur. Ibi cum diuitibus miscentur pauperes si pauperes tam male non habitas concupierunt diuitias quam eas male diuites habuerunt. Ibi à Ioanne cum homicidis fornicatores, & cum idololatriis mendaces visi sunt in eodem stagno ardenti igne & sulphure, quia licet eorum fuerit diuersus status, similiter tamen in suo peccarunt statu, nec proinde poena dissimilis. Luc. 13.

Quanam autem est illa poena? Quid est quod ait, *Crucior in hac flamma*; Quod genus flammæ? quæ species cruciatus? & quanta est eius duratio? Sunt ista modò nobis attentius expendenda, non ad tempus terendum quod datum est æternitati redimendæ, non ad miserationem in nobis excitandam erga infaustam illam animam quæ se ait in flamma cruciari, quia nulla est miseratione digna, nec vlla profit illi nostra commiseratio. Nos Lector, nos

Auditor spectare debet ista Consideratio, non ad solum mouendum terrorem qui vanus est sine fructu, non ad fructum aliqualem qui finita meditatione finiatur, sed ad se iam ad solidam & permanentem vitæ totius emendationem. Sic de illis cogitemus poenis quasi certo futuris nisi relipscamus. Ne à nobis illas disjungamus: cum alioquin quantumcumque graues represententur, nihil ista prorsus efficiat representatio, nisi certo nobis persuadeamus rem hic agi nostram, nos in harum periculo tamdiu versari poenarum, quamdiu versabimur in aliquo de tribus illis statibus quos supra vidimus habere similitudinem cum malo Diuite, id est, quamdiu circa terræ diuitias, circa carnis delicias, & circa mundi honores prauè affecti fuerimus. Aut deponenda ista prauitas concupiscentiæ, vel aliquando clamandum, *Crucior in hac flamma*. Res ista modo hic agitur, an malimus fouere concupiscentias & in illa flamma cruciari, quàm concupiscentias reprimendo cruciatum illum redimere. Concupiscentiæ flammam cum gehennæ flamma comparemus. Videamus an tale bonum sit concupiscere quod æternis ematur flammis; vel vtrum tale sit malum, concupiscentiam retinere, vt æternos infernalis flammæ cruciatus malimus pati quàm malum illud retinendæ concupiscentiæ subeamus. Quod futurum est tamquam præsens statuamus, quia & forte imitat præsentius quam putemus, & licet distaret longius, non potest illud longius non esse admodum breue si cum futura comparetur æternitate. Interrogemus animam in illis flammis cruciatam, quid de præterito suo, quid de nostro præsentis sentiat? Quid fecisse veller dum vixit? Quid si modo daretur viuere? Quid si nostro in statu esset, an recusaret poenam quæ subeunda nobis est in reprimenda concupiscentia? Quanto in lucro poneret temporales has quascumque pati poenas, ne suas pateretur æternas? Nonne id vero tibi hoc ipsum modo datur? Nonne poenas illas æternas aliquando meruisti? Quid est igitur quod ibi non crucieris nisi quia te diuina misericordia reseruauit ad hunc qualemcumque laborem qui ex te quarritur in continendis tuis concupiscentiis? Nonne par & æquale est beneficium vel etiam majus, non adiisse cruciatus illos sempiternos, quàm ex illis diu multumque toleratis ereptum esse? Si ereptus inde esses in hanc lucem vt iterum viueres, non dubitares pati quod patiendum est, & dubitabis detentus ne illuc incideres quò te tua vocabant cri-

mina? Si de suis fratribus sollicita est damnata Diuitis anima ne veniant in istum ubi cruciatur locum, te illa spectat sollicitudo animæ, tu ex illis vnus es eius frater, tu illi magis similis similitudine concupiscentiæ, quam frater fratri: nec minus profecto videt damnandum hominem ex tali concupiscentia quam se certo propterea sentit damnatam. Nō est illius Charitas quæ nulla est in inferno, sed diuina est misericordia quæ te torpentem excitat eius exemplo quod proponit, eius poenis quas repræsentat, eius dictis quæ modo tibi exhibet, vt dum clamantem audieris, *Crucior in hac flamma*, quasi tibi clamantem audieris; *Sic mecum cruciaberis nisi resipiscas. Resipisce ne sic mecum crucieris.*

Hac instructus fidei mente, iam abyssum illam ingredi, plenam horroris, plenam confusionis, plenam horrendæ societatis. Locus est stagnum igne ardens & sulphure, quò sententiâ post mortem pronuntiata detruditur peccatrix anima: & primum quod sentit supplicium, Dei est priuatio, poena est damni, poena est omnium grauissima. Sentitur quid sit Deus, quale sit animæ Bonum, visus Deus & amatus; quàm hoc solum esset eius bonum, & quo se priuauit in æternum sua culpa, sua concupiscentia! *Nō videbit Deum in æternum*, hoc vnum perpetuo cogitat, *numquam videbo Deum*, nulla spes, nulla melioris status expectatio! Cupit & desperat simul, se visuram Deum! Horret simul quod querendum videt; blasphematur, odit, & execratur quod summè tamen amandum nouit. Vitane dicenda sit, an mors quod viuunt, an neutrum, an vtrumque simul, difficile est definire; nam vitalis quædam mors est, mors est bonorum omnium, vita malorum omnium. Quod timent habent: & quod habent timent: quod magis amant, magis cruciat: quod magis querunt magis ab eis fugit: finem poenarum querunt, & cum vident nullum esse, tanto magis illum querunt & tanto magis inde cruciantur. *Fis miseris mors sine morte, finis sine fine, defectus sine defectu, quia & mors uiuit, & finis semper incipit, & deficere defectus nescit.*

*Greg. l. 9.
Mor. c. 48.*

Quidquid cogirent siue præteritum, siue præsens, siue futurum, nullum horum vellent cogitare; & tamen illud triplex tempus sic simul & semper cogitant vt dum in nullo conquiescunt, aliud semper & aliud sibi circumuoluant, & quem secum inuehunt illa tempora cruciatum, semper multiplicent: semper vnum fugientes semper alium reperiant & simul alium. Quæ poena poenarum

etum horribiles! cumque alia sciat ibi esse quæ non videt, suspicatur & metuit ne sint etiam grauiora quam quæ videt, & proinde illa videre vellet vt se suo metu liberaret. *Enigilabunt in opprobrium vt Dam. 10. videant semper.* Id est, sicut vigiles qui venturos obseruant hostes sunt semper inquieti, siue aliquid videant siue non videant, ne quid non visum lateat & inopinati appareat & magis noceat: sic miseræ damnatorum anguntur animæ.

In *auditu*, cum nulla sit anima quæ summis illis in cruciatibus non edat gemitus & ciulatus quos potest vehementissimos, quis cogitare possit, quanta sit in tot diuersis gemitibus audiendi acerbitas & molestia; cum præcipue sic singula distincte à singulis audiantur vt varietas & multitudo tot gemituum non confundat voces aut obruat, vnde aliud nascitur doloris incrementum vt quidquid vnaquaque gemat anima, non tantum nihil reportet solatii, sed cruciatus plurimum, quia quod singulæ gemunt, in se alterutrum vnusquisque retorquet cum tali probro & aculeo vt suæ damnationis causam in alium quiuis conjiciat. Pater accusat filium, & filius Patrem. Vir vxori maledicit, & vxor viro. *Illic gemitus & stridor dentium*, non tam frigore quam mutuis odiis quibus inter sese decertant & velut dentes exacuunt.

In *gustu*, sensibilem certe præ cæteris oportet huius sensus esse cruciatum, quandoquidem tacitis aliis hoc vnum nostri Diuitis anima gemit, deplorat, & petit sibi mitigari. *Pater Abraham*, inquit, *miserere mei, & mitte Lazarum vt intingat extremum digiti sui in aquam vt refrigeret linguam meam, quia crucior in hac flamma*, quali diceret quia cruciatum sitis sentio præ cunctis acerbissimum. Qua in petitione mirum quidem est quod tam modicum aliquid petat qualis est aquæ gutta, sed magis mirum quod nec ipsam obtineat.

In *odoratu*, cum satis ex se sit acutus ad horrorem iste sensus tum vero magis illic acuitur ex tribus causis, Prima ex situ loci qui cum sit terribilissimus, sulphureus, & à sole remotissimus, nihil nisi foetorem acerbissimum exhalare potest. Secunda, damnatorum est ipsa societas quæ cum sit conflata ex solis vitiosis & sceleratis animabus, habent singula suum putorem vitia, quem spiritus exuti carne sentiunt. Tertia, Dæmonum artificiosa malignitas qui quod possunt ad poenarum augmentum, non omittunt: nec dubium est quin multa possint ad hunc sensum exacerban-

rum aternitas vt eius euitando periculo satius iudicetur mutare mentem, vel adire periculum potius quam semel suscepta mens de bonis huius vitæ conquirendis immutetur?

Nec dicas si quid pecces te confessurum, quia nisi hoc sit mutare mentem, nihil dices. Neque id etiam objicias te sat multa mala recipere: nam nisi libenter & ex virtute recipias, nihil agis. Sicut enim esse diuitem & bona recipere nihil noceret si bene bonis vtereris, sic plane mala recipere nihil prodest si male malis vtaris, hoc est si repugnanter, inuitè, ac nonnisi murmurando. Neque aliud quidquam ex illis tuis malis referes quam quod miserior eris ipso non solum misero Prodigio, sicut ante consideratum est, sed ipso etiam damnato Diuite, quia hic saltem bona recepit in vita, & ex bonis ad mala transiit: tu vero ex malis ad mala gressum facies, sicut ait Propheta: *De malo ad malum egressi sunt.* 1er. 2^a Nonne hoc est omnium esse miserrimum, cum præsertim ex illis paucis malis scelicitissimus esse posses?

Vide supra in hac parte, Fer. 2. Hebdom. 22. vbi hæc demonstratur Veritas:

Qui sibi non cauent in prosperis, sunt illi stulti de quibus Sapiens, *prosperitas stultorum perdet illos.*

Videri possunt & multa passim his multum affinia.

S A B B A T O.

DE VIDVA IMPORTVNA CREBRO

HIS VERBIS ORANTE IUDICEM:

Vindica me de aduersario meo. Luc. 18.

VERITAS PRACTICA.

Si nos ita Deus non vindicat de aduersariis, sicut Iudex Viduam: Nos ita Deum non oramus sicut Vidua Iudicem.

suadebit si verum non constet quod persuadere contendit? Aut quomodo id verum esse constabit si orantes Deum, quod orabat Vidua vt se ab aduersariis vindicet, non tamen vindicat? Certe alterutrum ex his duobus concludendum, aut Christum non recte id affirmasse, quod dictu nefas est, & quod omnino nequit fieri; aut eos qui videntur orare Deum, non orare sicut orandus est, non orare sicut orabat Vidua Iudicem, quod tam facile est creditu quam factu facile. Si enim non eadem importunitate, & non eodem cordis affectu, seu affectus sinceritate, Deum orant, profecto non orant Deum sicut Vidua Iudicem: Nam hoc vno maxime commendatur oratio Viduæ quod esset frequens, importuna, vehemens, & singulari quodam ex affectu deprompta, vnde hoc vno etiam Iudex permotus est; quamobrem non potest significantius exprimi quantum oratio nostra conueniat cum oratione Viduæ, vel quantum ab ea dissentiat, nisi ex paritate vel imparitate affectus; atque adeo sicut qui pari affectu Deum oraret, Deum orare diceretur sicut illa suum orabat Iudicem, licet alia quedam abessent circumstantiæ, quia videlicet illa est primaria & capitalis quæ hoc in negotio spectari debet; sic plane qui non eodem oraret affectu Deum quo illa Iudicem precabatur, licet alia non deessent, ex hoc vno tamen defectu dicendus est non orare sicut illa, nec orare sicut oportet. *Populus hic labiis me honorat, cor autem eorum longe est à me*, quasi ex consequenti diceretur, nulla est illorum proinde oratio quia nullus est orantium affectus quem ita singulariter Deus spectat in orante, vt nisi orans ex affectu oret, non oret Deum. Adeps ille est victimæ quem sibi semper offerri volebat Deus, vt expresse dicitur: *Omnis adeps Domini erit iure perpetuo in generationibus & cunctis habitaculis vestris, nec sanguinem nec adipem omnino comedetis*. Hinc apte David dum se ad orandum aptaret cum gratia, *sicut adipe & pinguedine repleatur anima mea*. Id est, hoc affectu orem quo se Deus à me velit orari. 1f. 29.
Mich. 6. 7.

II. PUNCTVM.

SED cum de Aduersariis oramus Deum, non oramus illum quo affectu orabat Vidua Iudicem: & quo affectu Deus orari vult.
Triplex genus aduersariorum & tantundem de ipsis orationum.
Aaaa ij.

cogitari posset. Primum est de Dæmonibus qui nobis maxime aduerfantur & à quibus saepe oramus liberari. Secundum est de hominibus qui vel vniuersim oppugnantes Ecclesiam nos oppugnant, vel particulatim nostræ se opponunt salutis, vel quoquo modo nos infestant.

Tertium denique de nobis ipsis; Nos ipsi nobis acrius aduersamur, *Caro enim concupiscit aduersus spiritum: Spiritus autem aduersus carnem: hæc enim sibi inuicem aduersantur, ut non quacumque vultis, illa faciat*, nisi scilicet cum Gratia contra vestrum hunc dimicetis aduersarium. Atque hic est præ cæteris aduersarius de quo vnusquisque Deum orare debeat ac dicere; *Vindica me de aduersario meo*. Quod si vere ac sincere sicut Vidua diceret, profecto vindicaretur & spiritus aduersus carnem praualeret, sicut prauahit Dauid aduersus Philistæum. Sed quod est dolentissime deplorandum, ille est potissimum aduersarius de quo dum oramus, minus cum orante Vidua consentimus, minus pati cum illa minusque sincero affectu oramus. Talis quippe tantusque est internus noster affectus circa quoduis obiectum, qualis quætaque est illius obiecti æstimatio, siue nostrum de illo iudicium; nam appetitiuæ facultates sequuntur apprehensiuas: cum autem naturali iudicio corrupto & deprauato parum nobis aduersarium aut vix aduersum illud reputemus quod repugnat spiritui, sic propterea fit, ut vix vlllo affectu contra illum oremus, non eo certe quo Vidua contra suum, quia non sicut illa suum vere iudicabat aduersarium ita nos nostrum credimus, imo tamquam amicum fouemus, retinemus, sustentamus & ne à nobis discedat summo opere satagimus. Recte enim sanctus Augustinus de hac lucta spiritus & car-

nis agens: Hanc, inquit, pugnam non experiuntur in semetipsis nisi bellatores virtutum, debellatores vitiorum. Non expugnat concupiscentia malum, nisi continentia bonum. Sunt autem qui legem Dei omnino nescientes, malas concupiscentias nec in hostibus deputant, eisque miserabili cecitate seruientes, insuper etiam beatos se putant satiando eas potius quam domando. Quod verò dicit, legem Dei nescientes ita viuere, non eos solos comprehendit qui legem Dei penitus nesciunt, sed illos etiam qui sic effuse, sic intemperatè viuunt quasi nescirent quid Deus iusserit aut vetuerit, qui certè multi sunt ut deplorabat Apostolus: contra vero pauci qui arctam ingrediantur viam ut expresse Dominus docuit. Et certe quis appetitum laudis & bono-

Gal. 5.

2. de contin.

Phil. 3.

rum temporalium inter aduersa ponat, cum sine hoc appetitu vix quisquam oblatos honores acciperet, aut illos inter bona recenseret; vnde sicut omnes amant & appetunt honorem, pecuniam & voluptatem, ita hunc appetitum amant sine quo non amarent alia; *Concupiscunt concupiscunt*, vt ait Psalter; quasi diceret, *Ps. 105.* tantum abest vt tibi aduersam sentiant concupiscuntiam, quin porius omne aduersum sentiunt quod illi aduersatur concupiscuntia: & tibi satis non putant res humanas concupiscere nisi & ipsam rerum concupiscuntiam diligant, ac nouis quotidie stimulis se ad illam magis ac magis concupiscendam acuant. *Vt iniquum* *1or. 9.* *agerent, laborauerunt*, ait Propheta, id est, studio etiam & artificio, naturæ prouinitatem ad vitia concitant.

III. PUNCTVM.

S*I nos igitur non ita Deus vindicat de nostris aduersariis sicut Index Viduam, nos ita Deum non oramus sicut Vidua Iudicem*: Nos ita non censemus nostros esse aduersarios contra quos tamen saepe oramus, sicut Vidua censebat suos, nec proinde tali oramus affectus vehementia, sinceritate & constantia; sed quasi res nostra non esset, vel quasi res esset nobis indifferens, sic oscitanter & languide Deum oramus *vt oratio nostra fiat potius in peccatum*, sicut *Ps. 108.* ait Psalmista, quam in laudem Dei, nostramque spiritus utilitatem. Si de solis illis ageretur aduersariis qui vel nostro detrahunt nomini, vel bona diripiunt temporalia, vel nostris quoquo modo se opponunt cupiditatibus, quam longe alius nostras ardor inflammaret preces! Sed cum de ipsis cupiditatum hostibus deprenendis negotium nobis cum Deo est, tam leuiter illud pertractamus, vt cum ipsis contra Deum ac nos ipsos, hostibus conspirasse videamur.

Quod certe multis modis Deum offendit. Primo, manifesta dissensio est Iudicij nostri à diuino Iudicio, nam aliter atque illo de nostris iudicamus aduersariis. Secundo, pietatis & orationis quidam abusus est, cum in re grauiori leuius, & in leuiori grauius ac vehementius Deum precamur. Tercio, totius vitæ spiritualis dispendium est, nam cum illa consistat potissimum in internis animi motibus temperandis quod fit diuino per orationem impetrato auxilio potius quam nostra vlla industria: profectio quæ

1^a Thes. 6.

Rom. 8.

4^a 1.

Deum oret perperam, non magis illud exoret auxilium quam si penitus non oraret. Quarto, exarmamur & imbecilles valde redimur aduersus principes illos & potestates, aduersus mundi rectores tenebrarum harum de quibus sæpe Apostolus, Nam nostra contra illos armatura cum sit oratio, & mortificatio; perit illa prorsus armatura, quando acceptas non habet Deus nostras preces; & tantum Dæmoni contra nos damus roboris quantum ipsi nobis detrahimus; nam nostra Dæmon magis est infirmitate fortis quam suis viribus. Quinto, sic impie resistitur sancto Spiritui, nam quid oremus sicut oportet nescimus, sed ipse Spiritus postulat pro nobis gemitibus inenarrabilibus, Id est, postulare facit si consentimus. Nec dubium esse potest quin contra hos maxime nos inducat ad orandum quos suos deputat singulares aduersarios, quod cum illi negamus quid aliud est quam contra illum obniti. Sexto, sic nobis ipsi grantes repugnamus & contradicimus: Nam cum sæpe communes tum Scripturæ, tum Ecclesiæ recitemus preces quibus vehementer excitamur aduersus internos hosce nostros aduersarios: quomodo nobiscum conueniemus, si mentem linguæ non concordemus; aut quomodo non à nobis ipsi dissentiemus, si aliud ore, ac corde aliud teneamus? Quid est autem hypocritam agere, nisi hoc sit?

Quamobrem cum Diuo Augustino concludamus, in hunc psal-
mi versum: Prope est Dominus omnibus innocantibus eum, omnibus qui innocant eum in veritate, ERGO, inquit, qui Deum ipsum à quo accepit de quibus gaudet, praponit his omnibus rebus quas accepit, ipse innocat Deum in veritate. Nam ut noueritis, si talibus hominibus proponatur & dicatur, quid si ista omnia, de quibus gaudes velis tibi auferre Deus, iam non amabitur. Non erit qui dicat, Dominus dedit, Dominus abstulit, sicut Domino placuit, ita factum est, sit nomen Domini benedictum. Sed forte cui abstulit, quid dicit? Deus quid tibi feci? Quare mihi abstulisti, & illis dedisti? Iniqui das, & tuis tollis? Accusas Deum quasi iniustum, & laudas te quasi iustum. Convertere, accusa te, lauda illum. Tunc eris rectus cum in omnibus bonis que facit Deus, tibi placet; in omnibus malis que pateris, Deus tibi non displicet. Hoc est, innocare Deum in Veritate. Qui sic innocant Dominum exaudis Deus: prope est, ibi est, nondum dedit quod vis, ibi est tamen. Quomodo medicus si forse aliquid imponat, vel oculo vel visceribus quod vrendo sanat, si roget ager, ut tollatur illi, medicus expe-

Plat tempus, non facit quod rogat ager, non tamen recedit. Et propè est, & non facit, & idèd magis non facit quia propè est. Curando enim imposuit quod imposuit, & curando non facit quod rogatur. Non te exaudit ad presentem voluntatem, exaudiendo ad futuram sanitatem, & hoc utique ad voluntatem: Nam utique sanus esse vult etiam qui vri non vult. Propè est ergo Dominus omnibus inuocantibus eum. Sed quibus omnibus? Omnibus qui inuocant eum in veritate. Tales omnes confirmat decedentes: qui inuocant eum in Veritate.

Vide in 2. p. in Feriis Rogationum: Et infra in hac p. Fer. 2. Hebdom. 27.



FERIA SECVNDA. DE LAZARO INFIRMANTE.

Infirmetas hac non est ad mortem, sed pro gloria Dei. Ioan. II.

VERITAS PRACTICA.

Qui non libenter infirmatur pro Dei gloria; & grauius infirmatur, & contra Dei gloriam.

RATIO EST, *Quia qui non libenter infirmatur pro Dei Gloria, dolet se dolere, & dolorem animi iungit dolori corporis.*

Sed qui dolorem animi sic iungit dolori corporis, & grauius patitur, & contra Dei Gloriam.

Ergo & *qui non libenter infirmatur pro Dei Gloria; Quae certe est multum consideranda Veritas, ad quascumque corporis infirmitates libenter acceptandas.*

I. P V N C T V M.



VANDOQVIDEM pro Dei gloria Lazarus frater Marthaë & Mariæ fuit infirmatus, & mortuus, & suscitatus, maior apparebit hac Dei Gloria si triplicem illum statum, modico temporis interuallo, tam diuersum in tres singulos partiamur dies. Ac primo quidem hodie de infirmante, tum sequenti biduo de aliis statibus.

Tam insignis porro est historia, vt qui eam refert sanctus Ioannes, vix vllam eius omitat circumstantiam; expendi possent singula minutatim dum sacra legentur vel audientur Euangelistæ verba: *Erat quidam languens Lazarus à Bethania, de castello Mariæ & Martha sororis eius: Maria autem erat quæ unxit Dominum vnguento & extersit pedes eius capillis suis, cuius frater Lazarus infirmus*

batur. Miserunt ergo sorores eius ad Eum dicentes : Domine , ecce quem amas , infirmatur. Audiens autem Iesus dixit eis , Infirmitas hæc non est ad mortem , sed pro gloria Dei , ut glorificetur filius Dei per eam. Diligebat autem Iesus Mariham & sororem eius Mariam , & Lazarum.

Huius dilectionis præcipue meminit sacer Euangelista vel ut magis mirum & stupendum videatur quod qui singulariter à Christo diligerentur , ita tamen affligerentur : vel potius ne mirum & stupendum videatur si domus illa tam cara & dilecta Christo sic infirmetur , quia cum illa infirmitas futura esset pro Dei gloria , sic solet Deus ad hunc finem illis uti potius quos habet cariores quàm aliis , in eoque vel maxime ponit signum suæ dilectionis cum ex multis vnum ad suam gloriam destinat , quouis modo procurandam. *Servus meus es tu Israel , quia in te glorior.*

ff. 49.

Quod autem dicitur , Infirmitatem hanc non esse ad mortem , cum tamen ex ea Lazarus fuerit mortuus , verissime tamen dicitur cum & ipsa mors Lazari , ut ait sanctus Augustinus , non esset ad mortem quo sensu timere poterant eius sorores , sed potius esset ad miraculum quo facto Christus glorificaretur , & in eum crederent homines , ac vitarent veram mortem.

Sicut verò Lazarus , sic & omnes infirmi suo modo dici possunt infirmari pro Dei gloria , si modo patienter infirmitates suas tolerant ; atque ut etiam patienter eas tolerant , videtur hoc esse motuum efficax , si cogitent sic se infirmari pro Dei gloria : nam inde duo sequuntur bona non parvi momenti solat' j , quod sic videlicet & lenius reddatur infirmitatis malum & fructuosius. Ut è contra si quis non libenter pateretur pro Dei gloria , duo plane opposita sequerentur mala , nempe quod gravius pateretur & contra Dei gloriam ; quæ duo mala simul iuncta & simul opposita duobus bonis , quæ ex voluntaria infirmitatis tolerantia percipiuntur , longe potentius cum Gratia voluntariam hanc tolerantiam persuadebunt , quàm si sola esset bonorum inde fluentium confideratio.

Quamobrem sic considerata Veritas proponitur ut qui non libenter pro Dei gloria pati velit , certo sibi persuadeat , quod volens nolens in hæc duo incurrat incommoda , *Ut & gravius & contra Dei gloriam , patiatur.* Sic autem facile persuadetur. Nam qui non libenter pro Dei gloria velit infirmari , dolebit se dolere & dolorem animi iunget dolori corporis. Quod enim non libenter

ter toleratur, perinde quasi est ac tolerari coacte, inuite, dolenter, aigre, grauiter, & vno verbo non minus dolenti animo quam corpus ipsum dolet; Quod rex ille Antiochus satis suo probat exemplo, cum agrotans dicebat: *in quantam tribulationem deueni, & in 1. d. acch. 6. quos fluctus tristitia in qua nunc sum, qui iucundus eram & dilectus in potestate mea,* quasi diceret, sicut ex animi tristitia languescit corpus, ita ex languore corporis ingrauescit animi tristitia, seque ita mutuo conficiunt corpus & anima, vt sibi suæ poenæ reciprocum afferant incrementum, & poena corporis redundet in animum, & animus moerens virus effundat in suum corpus. Sic Sapiens in Prouerbiis, *Spiritus tristis exsiccat ossa,* Et Ecclesiasticus: *Pro. 17. a tristitia festinat mors, & cooperis virtutem. Et tristitia cordis, flectit ceruicem,* Id est, robur quodcumque debilitat, & tantum abest vt dolorem minuat, quin potius augeat.

II. P V N C T V M.

SED qui dolorem sic sibi auget & multiplicat, in duo illa incurrit incommoda, vt & grauius patiatur, & contra Dei gloriam.

De primo quidem patet: Nec minùs euidens erit alterum tantisper cogitanti quod sicut ille diceretur pro Dei Gloria pati qui libenter pateretur, quia sic indicaret quanti Deum faciat, cuius voluntatem præfert suæ sanitati, suo corpori, suæ vitæ, quod non potest non esse Deo gloriosum: sic prorsus ex opposito dicendus erit contra Dei gloriam infirmari & pati qui dolebit animo, quod corpore doceat: nam ex illo dolore animi manifeste indicat quod corpus suum præferat diuinæ voluntati, cuius nutu & imperio quam patitur infirmitas corporis accidit; quod profecto non parum diuinam oppugnat gloriam. *Numquid parum vobis est 1s. 7. molestus esse hominibus, quia molesti estis & Deo meo?* Quasi diceretur, ne quidem hominibus molestos esse oportet, quanto minus Deo! Aut certe si molesti estis Deo, satis indicatis quàm parui ducatis Eum: nam etsi solent infirmi esse molesti, non tamen viris præstantibus, quorum dignitate ac obseruantia se continent, sed infimis tantum personis molestiam illam suam exhibent; vnde patebit quod si molesti fuerint Deo, Deum velut in infimis & abiectis habent. Potestne aliquid magis esse aduersum diuinæ Gloriz?

Bbbb ij

cum inde tota sic pendeat, vt nisi libenter patiaris, ipsam funditus diuinam pessundes gloriam. Quid terribilius timenti Deum? Si de te solo ageretur, res tuas forte nolles à diuinis seorsum agere: Si de solo duntaxat Dei cultu negotium esset, fortasse nimis onerosum causarere negotium. Sed hic vtrumque simul tam facili nexu coniungitur, vt res tua, sit res Dei; & negotium Dei, tuum sit, tanto minus onerosum quanto erit magis Dei.

O quàm verè & praecepte sanctus Cyprianus de bono patientiæ: *ser. 3.*
Ad varia quoque, inquit, carnis incommoda, & crebras corporis durasque cruciatus quibus humanum genus quotidie fatigatur & patitur, patientia necessaria est. Examinandis autem nobis atque explorandis diuersi importantur labores & multiplex tentationum qualitas irrogatur, de iacturis facultatum, de ardoribus febrium, de cruciatu vulnerum, de amissione charorum. Nec aliud magis iniustos discernit & iniustos quam quod in aduersis per impatientiam queritur & blasphemias iniustus: patientiā iustus probatur sicut scriptum est, In dolore sustine, & in humilitate tua patientiam habe, quoniam in igne probatur aurum atque argentum.

Vide in 1. p. Sabbato Hebdom. 2. post Epiphan. Et in 2. p. Fer. 6. Sexagesimæ, & tota pene Hebdomada 2. Quadragesimæ.

FERIA TERTIA.

DE LAZARO MORTVO.

Tunc Iesus dixit eis manifestè, Lazarus mortuus est.

Ioan. 11.

VERITAS PRACTICA.

Quo minus accepta mors est, eo magis acceptanda.

Vel sic

Quod grauius in morte est malum, non ita effugies, fugiendo mortem quàm acceptando.

SENSVS ET RATIO EST, Quia quod grauius in morte est malum, malum est anima.

Sed non ita effugies hoc malum, fugiendo mortem, quàm libenter eam acceptando.

Ergo & certa est Veritas, & liberater moriendum, sic volente Domino.

L P V N C T V M.

V T ergo audiuimus Dominum quia infirmabatur Lazarus, tunc quidem mansit in eodem loco, duobus diebus. Deinde post hac dixit discipulis suis, Eamus in Iudeam iterum; Dicunt ei discipuli, Rabbi, nunc querebant Iudaei te lapidare, & iterum vadis illuc. Respondit Iesus paulo maiori sermone, cuius summa est, nihil illis esse timendum, se praesente, iamque Lazarum dormire dormitionem mortis, & esse verè mortuum. Et gaudeo, inquit, propter vos ut credatis, quoniam non eram ibi, sed eamus ad eum. Dixit ergo Thomas ad Condiscipulos: Eamus & nos, & moriamur cum eo. Venit itaque Iesus, & inuenit eum quatuor dies iam in monumento habentem. Quae sacra Euangelij verba dum pro affectu reuolueris, ingredi cum Domino Iesu lugubrem illam mortui domum Lazari. Septem aditur haec domus ad Conuiuium quod ibi paratur Domino celebrandum, nec infructuose redditur; Nunc vero ad luctum si adeatur, erit & forte fructuosior redditus, iuxta illud Sapientis, Melius est ire ad domum luctus quàm ad domum Conuiuij, in illa enim finis cunctorum admonetur hominum, & vinens cogitat quid futurum sit.

Ut nempe ad illud se cum gratia praearet, nam hic inter ceteros videtur optimus meditandae mortis scopus ac finis. Cum autem multa sint quae hanc animi praeparationem faciant, tum hoc vno praesertim continentur omnia, ut libenter ac voluntarie, quando dies noster aduenerit, moriamur. Eamus & nos & moriamur cum eo; tam libenter quam ipse Lazarus, tam libenter quam ipse Christi Discipulus, & quàm ipse Christus. Quid enim times timendo mortem? quidquid sit, Quod grauius in morte est malum non ita effugies fugiendo mortem, quàm libenter illam acceptando. Digna certe quae modò expendatur Veritas: & haec aperta Ratio qua declaratur; Nam quod grauius in morte est malum, malum est ani-

inā; Malum quidem est corporis, malum est vitæ præsentis, malum forte familiæ, forte & ciuitatis & prouinciæ, malum denique malorum temporalium hoc est extremum omnium. Sed quid omnia temporalia, si ad malum animæ comparentur? Non est dubium Christiano quin si saluetur anima, nihili prorsus fiat alia quæ uis ducenda: si uero pereat, hoc vnum maxime malum esse, hoc vnum grauius esse malum mortis, hoc vnum esse vere timeundum, sicut monebat Dominus: *Ne terreamini ab his qui occidunt* Luc. 12.
corpus, & post hac non habent amplius quid faciant. Ostendam autem vobis quem timeatis, timeate eum qui postquam occiderit, habet potestatem mittere in gehennam, ita dico vobis, hunc timeate. Nonne hoc est quod ipsi sanctiores Viri tremunt & pauent? Nonne hoc est quod instanti morte dicunt ad pauorem suum excitandum vel excusandum: Non se videlicet naturalibus illis moueri motibus quos vel amor vitæ vel honorum vel parentum vel quorumlibet bonorum omnium quæ deseruntur, aut malorum temporalium quæ importantur, excitare solent: sed quæ spectant animum, quæ diuinum iudicium, quæ horrendam poenarum æternitatem, illa esse videlicet illa esse quæ pauendam reddunt mortem; quia siue præteritum respiciant, vident multa mala quæ nolent se fecisse, & multa bona quæ fecisse vellent; siue præsentem suum spectent statum, ignorant prorsus *utrum amore an odio digni sint*; Non desperant, sed valde timeant quia vel peccata sua manifeste vident, vnde & gemunt; vel si non vident, tanto acrius timeant quia sciunt alios esse Dei oculos, alia Eius iudicia, & tam longe à nostris dissitas eius esse sententias de rebus temporalibus, & de humanis actibus, quàm coelum distet à terra. Siue ad futurum denique quod sequitur, se conuertant; occurrit illa Iudicis facies quæ in Apocalypsi describitur, & quam ipse dilectus Discipulus Scriptor non-Apoc. 1.
nisi tremens ac pauidus spectare potuit. *Et conuersus inquit, vidi septem candelabra aurea, & in medio septem candelabrorum aureorum similem filio hominis, vestitum podice.* Id est, veste talari propria Iudicis: *& præcinctum ad mamillas zona aurea.* Id est, nullo mouendum misericordiæ motu. *Caput autem eius & capilli erant candidi tamquam lana alba, & tamquam nix.* Hæc eius scilicet mentis puritas, hæc eius æternæ legis sanctitas, vnde iudicium de nobis feret, quia hæc erat vitæ nostra regula quam peccando infregimus. *Et oculi eius tamquam flamma ignis,* incensi scilicet contra peccata.

batur. Miserunt ergo sorores eius ad Eum dicentes: Domine, ecce quem amas, infirmatur. Audiens autem Iesus dixit eis, Infirmitas hæc non est ad mortem, sed pro gloria Dei, ut glorificetur filius Dei per eam. Dilegebat autem Iesus Martham & sororem eius Mariam, & Lazarum.

Huius dilectionis præcipue meminit sacer Euangelista vel ut magis mirum & stupendum videatur quod qui singulariter à Christo diligerentur, ita tamen affligerentur: vel potius neminum & stupendum videatur si domus illa tam cara & dilecta Christo sic infirmetur, quia cum illa infirmitas futura esset pro Dei gloria, sic solet Deus ad hunc finem illis uti potius quos habet cariores quàm alios; in eoque vel maxime ponit signum suæ dilectionis cum ex multis vnum ad suam gloriam destinat, quovis modo procurandam. *Servus meus es tu Israel, quia in te glorior.*

ff. 49.

Quod autem dicitur, Infirmitatem hanc non esse ad mortem, cum tamen ex ea Lazarus fuerit mortuus, verissime tamen dicitur cum & ipsa mors Lazari, ut ait sanctus Augustinus, non esset ad mortem quo sensu timere poterant eius sorores, sed potius esset ad miraculum quo facto Christus glorificaretur, & in eum crederent homines, ac vitarent veram mortem.

Sicut verò Lazarus, sic & omnes infirmi suo modo dici possunt infirmari pro Dei gloria, si modo patienter infirmitates suas tolerant; atque ut etiam patienter eas tolerant, videtur hoc esse motuum efficax, si cogitent sic se infirmari pro Dei gloria: nam inde duo sequuntur bona non parvi momenti solati, quod sic videlicet & lenius reddatur infirmitatis malum & fructus iustus. Ut è contra si quis non libenter pateretur pro Dei gloria, duo plane opposita sequerentur mala, nempe quod gravius pateretur & contra Dei gloriam; quæ duo mala simul iuncta & simul opposita duobus bonis, quæ ex voluntaria infirmitatis tolerantia percipiuntur, longe potentius cum Gratia voluntariam hanc tolerantiam persuadebunt, quàm si sola esset bonorum inde fluentium consideratio.

Quamobrem sic considerata Veritas proponitur ut qui non libenter pro Dei gloria pati velit, certo sibi persuadeat, quod volens nolens in hæc duo incurrat incommoda, *Ut & gravius & contra Dei gloriam, patiatur.* Sic autem facile persuadetur. Nam qui non libenter pro Dei gloria velit infirmari, dolebit se dolere & dolorem animi iunget dolori corporis. Quod enim non liben-

ter toleratur, perinde quasi est ac tolerari coacte, inuite, dolenter, aigre, grauius, & vno verbo non minus dolenti animo quam corpus ipsum dolet; Quod rex ille Antiochus satis suo probat exemplo, cum aegrotans dicebat: *in quantam tribulationem deueni, & in* Matth. 6. *quos fluctus tristitia in qua nunc sum, qui incundus eram & dilectus in potestate mea,* quasi diceret, sicut ex animi tristitia languescit corpus, ita ex languore corporis ingrauescit animi tristitia, sequae ita mutuo conficiunt corpus & anima, vt sibi suae poenae reciprocum afferant incrementum, & poena corporis redundet in animum, & animus mœrens virus effundat in suum corpus. Sic Sapiens in Prouerbiis, *Spiritus tristis exsiccat ossa,* Et Ecclesiasticus: *Pro 17.* *à tristitia festinat mors, & cooperit virtutem. Et tristitia cordis, flectit ceruicem,* Id est, robur quodcumque debilitat, & tantum abest vt dolorem minuat, quin potius augeat.

II. P V N C T V M.

SED qui dolorem sic sibi auget & multiplicat, in duo illa incurrit *incommoda, vt & grauius patiatur, & contra Dei gloriam.*

De primo quidem patet: Nec minùs euidens erit alterum tantisper cogitanti quod sicut ille diceretur pro Dei Gloria pati qui libenter pateretur, quia sic indicaret quanti Deum faciat, cuius voluntatem praeferat suae sanitati, suo corpori, suae vitae, quod non potest non esse Deo gloriosum: sic prorsus ex opposito dicendus erit contra Dei gloriam infirmari & pati qui dolebit animo, quod corpore doleat: nam ex illo dolore animi manifeste indicat quod corpus suum praeferat diuinæ voluntati, cuius nutu & imperio quam patitur infirmitas corporis accidit; quod profecto non parum diuinam oppugnat gloriam. *Numquid parum vobis est? 7.* *molestos esse hominibus, quia molesti estis & Deo meo?* Quasi diceretur, ne quidem hominibus molestos esse oportet, quanto minus Deo! Aut certe si molesti estis Deo, satis indicatis quàm parui ducatis Eum: nam etsi solent infirmi esse molesti, non tamen viris præstantibus, quorum dignitate ac obseruantia se continent, sed infimis tantum personis molestiam illam suam exhibent, vnde patebit quod si molesti fuerint Deo, Deum velut in infimis & abiectis habent. Potestne aliquid magis esse aduersum diuinæ Gloriz?

Quod si verò perpendas accuratius quid sit molestum esse Deo, nempe murmurare, conqueri, diuinam accusare Bonitatem, se velut innocentem prædicare: Deum autem quasi crudelem aut in se duriores clamitare, quid dices esse contra Dei gloriam, nisi hæc agnoscas esse? Perinde quasi est cum Deo velle contendere & de iustitia decertare. Sic apte sanctus Gregorius in illum Psalmi versum, *Non intres in iudicium cum seruo tuo: QVI contra Confessoris flagella murmurat, quasi cum eo in iudicium intrat. Dei namque accusat iudicium qui se astimat iniuste percussus. Et quasi cum Deo in iudicio contendit qui inter flagella innocentem se ostendit. Hinc etenim Dominus ad beatum Iob loquitur, dicens, numquid qui contendit cum Deo, tam facile conquiescit? utique qui arguit Deum debet respondere ei. Habesne quod contra respondeas?*

III. P V N C T V M.

HINC ergo manifestè patet, quod qui non libenter infirmatur pro Dei gloria, & grauius infirmatur, & contra Dei Gloriam: Nonne est enim grauius infirmari cum qui solo dolebat corpore, dolet simul & animo? Nonne hoc vero est diuinam expugnare gloriam cum sic animo doles quod de corporis tui statu disponat Deus prout velit? Quanti nempe Deum ducis? Hinc scilicet patet quantam Deo atferas vel auferas gloriam. Minoris autem Deum ducis quàm tuum corpus, si doles animo dolere corpus. Nam cum non doleat corpus nisi ex Dei nutu & voluntate; si dolet animus de hac diuina voluntate, mallet corpus suum sanum quam istam Dei voluntatem, sicque corpus suum præfert Deo; quod nisi cum ignominia diuini Numinis dici vel cogitari non potest: *Et cui assimilastis me, & adaquastis, dicit Sanctus?*

Certe quando Deum præferres corpori, semper hoc idem quæri posset, *Cui assimilasti & adaquasti Deum?* Quid magni Deo & gloriosi, si tantus tantillo præferatur? Sed cum etiam Deus corpori posthabetur, iniuriosa nimis est hæc diuina depressio.

Quamobrem ex omni parte vides, quanti referat, libenter infirmari & pati. Si te tui mouet ratio, vide quid proponitur: Tantò magis aut minùs infirmaberis, quanto magis aut minus libenter patieris; Quid potentius in rem tuam? Si te diuina tangunt, contemplare attentius quanta hinc resultet Dei gloria,

Qui non libenter infirmatur pro Dei gloria, & gravius, &c. 363

cum inde tota sic pendeat, ut nisi libenter patiaris, ipsam funditus diuinam pessundes gloriam. Quid terribilius rimentum Deum? Si de te solo ageretur, res tuas forte nolles à diuinis seorsum agere: Si de solo duntaxat Dei cultu negotium esset, fortasse nimis onerosum caularere negotium. Sed hinc utrumque simul tam facili nexu coniungitur, ut res tua, sit res Dei; & negotium Dei, tuum sit, tanto minus onerosum quanto erit magis Dei.

O quam verè & practice sanctus Cyprianus de bono patientiæ: *lv. 3.* Ad varia quoque, inquit, carnis incommoda, & crebros corporis duræque cruciatus quibus humanum genus quotidie fatigatur & patitur, patientia necessaria est. Examinandis autem nobis atque explorandis diversis importantur labores & multiplex tentationum qualitas irrogatur, de iacturis facultatum, de ardoribus febrium, de cruciatu vulnerum, de amissione charorum. Nec aliud magis iniustos discernit & iustos quam quod in aduersis per impatientiam queritur & blasphemias iniustus: patientiâ iustus probatur sicut scriptum est, In dolore sustine, & in humilitate tua patientiam habe, quoniam in igne probatur aurum atque argentum.

Vide in 1. p. Sabbato Hebdom. 2. post Epiphani. Et in 2. p. Fer. 6. Sexagesimæ, & tota pene Hebdomada 2. Quadragesimæ.

FERIA TERTIA.

DE LAZARO MORTVO.

Tunc Iesus dixit eis manifestè, Lazarus mortuus est.

Ioan. 11.

VERITAS PRACTICA.

Quo minus accepta mors est, eo magis acceptanda.

Vel sic

Quod grauius in morte est malum, non ita effugies, fugiendo mortem quàm acceptando.

ma; Malum quidem est corporis, malum est vitæ præsentis, ma-
lum forte familiæ, forte & ciuitatis & prouinciæ, malum denique
malorum temporalium hoc est extremum omnium. Sed quid
omnia temporalia, si ad malum animæ comparentur? Non est
dubium Christiano quin si saluetur anima, nihili prorsus sint alia
quauis ducenda: si vero pereat, hoc vnum maxime malum esse,
hoc vnum grauius esse malum mortis, hoc vnum esse vere timen-
dum, sicut monebat Dominus: *Ne terreamini ab his qui occidunt* Luc. 17.
corpus, & post hac non habent amplius quid faciant. Ostendam autem
vobis quem timeatis, timete eum qui postquam occideris, habet potesta-
tem mittere in gehennam, ita dico vobis, hunc timeate. Nonne hoc
est quod ipsi sanctiores Viri tremunt & paudent? Nonne hoc est
quod instanti morte dicunt ad pauorem suum excitandum velex-
cusandum: Non se videlicet naturalibus illis moueri motibus quos
vel amor vitæ vel honorum vel parentum vel quorumlibet bono-
rum omnium quæ deseruntur, aut malorum temporalium quæ
importantur, excitare solent: sed quæ spectant animum, quæ di-
uinum iudicium, quæ horrendam poenarum æternitatem, illa
esse videlicet illa esse quæ pauendam reddunt mortem; quia siue
præteritum respiciant, vident multa mala quæ nollent se fecisse,
& multa bona quæ fecisse vellent; siue præsentem suum spectent
statum, ignorant prorsus *utrum amore an odio digni sint*; Non despe- Ecc. 9.
rant, sed valde timent quia vel peccata sua manifeste vident, vnde
& gemunt; vel si non vident, tanto acrius timent quia sciunt alios
esse Dei oculos, alia Eius iudicia, & tam longe à nostris distas
eius esse sententias de rebus temporalibus, & de humanis acti-
bus, quàm cælum distet à terra. Siue ad futurum denique quod
sequitur, se conuertant; occurrit illa iudicis facies quæ in Apo- Apoc. 1.
calypsi describitur, & quam ipse dilectus Discipulus Scriptor non-
nisi tremens ac pauidus spectare potuit. *Et conuersus inquit, vidi*
septem candelabra aurea, & in medio septem candelabrorum aureorum
similem filio hominis, vestitum pedere. Id est, veste talari propria iu-
dicis: & præcinctum ad mamillas zona aurea. Id est, nullo mouen-
dum misericordiæ motu. Caput autem eius & capilli erant candidi
tamquam lana alba, & tamquam nix. Hæc eius scilicet mentis pu-
ritas, hæc eius æternæ legis sanctitas, vnde iudicium de nobis fe-
ret, quia hæc erat vitæ nostra regula quam peccando infregimus.
Et oculi eius tamquam flamma ignis, incensum scilicet contra peccat



FERIA QVARTA.
DE LAZARO SVSCITATO.

Lazare ueni foras ; Et statim prodiit qui fuerat mortuus. Ioan. II.

VERITAS PRACTICA.


Sicut nonnisi per Christum uiuis ; sic nonnisi propter ipsum uiuas.

RATIO EST, Quia idcirco nonnisi per Christum uiuis, quia te à morte per mortem suam ita redemit ut non uiueres, nisi te ita redemisset.

Sed cum sis ita redemptus, nonnisi propter ipsum uiuas oportet. Vel quod eodem recidit : Sic ille te redemit ut nonnisi propter ipsum uiueres.

Ergo alterum infer ex altero. Et sicut nonnisi per Christum uiuis, sic nonnisi propter ipsum uiuas.

E P V N C T V M.

 *V*Æ longior est narratio suscitati à mortuis Lazari, uideri debet apud Euangelistam, & ex singulis eius parribus nonnihil ad profectum delibari. Tum vero animus intendatur in Lazarum suscitatum, quo affectu Liberatorem suum Christum agnouerit, adorarit : quibus verbis se nouam ei debere uitam professus sit : quo deinceps Eum cultu ac studio fuerit prosequutus, ac se ipsi totum addixerit. Sic plane Tu quisquis hæc legis vel audis, si diligenter attenderis, non minus te Christi totum agnosces, quàm ipse Lazarus, hoc nouo nomine vel benefi-

cio quo illi singulariter astringeris de noua tibi vita per eum restituta. Tu non nisi per ipsum denuò uiuis sicut si suscitatus esses; ac propterea *Tu non nisi propter ipsū uiuas oportet sicut uiueret suscitatus.*

Ratio prorsus est eadem; Cur enim à Christo suscitatus sibi facile persuaderet non aliter esse uiuendum quam propter Christum, nisi quia nouam hanc ei vitam debet, quam protecto par est illi consecrare, ac reddere, si præsertim significet Christus se hanc uelle vitam suo mancipatam obsequio? At nonne tu sic nouam ab eo vitam accepisti? Hoc primum expende. Numquid non eras mortuus non tantum originali peccato cum vniuersis hominibus, sed actuali, quod vocant, & singulari tuo lethifero, statim atque peccasti? Nonne triplicem incurristi mortem, à qua te Christus liberauit, mortem scilicet animæ seu gratiæ, mortem salutis seu beatitudinis, mortem corporis seu vitæ præsentis? Expende hæc etiam atque etiam, & tibi singulariter applica, quod de omnibus vniuersim ait Apostolus, *nos mortuos fuisse in delictis, & cum Christo conuinificatos.*

Gal. 2.

Ezech. 18.
Iac. 1.

Ac primo quidem de morte animæ seu gratiæ non dubitas, quin, statim atque peccaueris, sequutum fuerit peccatum illud, quod idcirco mortale dicitur, quòd mortem afferat, *Anima enim qua peccauerit, ipsa morietur: Et peccatum cum consummatum fuerit, generat mortem,* mortem præsentem animæ, mortem spiritualem, mortem oppositam vitæ quam uiuebat, cum ante peccatum esset in gratia, & à qua morte per Christum resurgit, cum per ipsum redit in gratiam. Nonne id agnoscis?

Deinde vero de morte quam appellamus mortem salutis, & beatitudinis, quia reuera est eius priuatio, nonne tam verè mors dici debet, quam verè beatitudo dicitur vita beata & aterna? Nonne autem ista morstem certò infertur ex morte animæ, quàm mors animæ sequitur ex peccato? Nonne peccatum ex æquo priuat animam tam vita gloriæ, quàm vita gratiæ? Nonne denique si peccator gloriosam illam aliquando possideat vitam, non minus illam debet Christo, quàm vitam gratiæ spiritalem?

Restat itaque de tertia quam dicimus mortem corporis, & præsentis vitæ, quæ licet non ita consequenter ex peccato videatur sequi, ac duæ præcedentes: sequitur tamen hoc sensu, quòd nisi diuina interueniret misericordia, nisi diuinus intercederet Christi sanguis, qui propterea est effusus; statim post peccatum

peccator corpore, seu vita præsenti moreretur, sicut anima statim moritur morte quam diximus gratiæ. Sic enim primus homo post peccatum, eodem ipso instanti quo peccauit, & morte spiritali mortuus est, & mortis corporalis obeunda reus fuit; neque minùs à peccato mors corporis manat quàm mors animæ; cum ante peccatum corpus esset immortale, nec nili peccato, & inuidiâ diaboli mors introierit in orbem terrarum. Hæc sunt enim, ^{Sap. 2} vt ait Apostolus, *stipendia peccati, Mors*. Id est, omne genus mortis, Id est, mors corporis, & animæ: Vnde quod vixerit Adam post peccatum, & nouum fuit beneficium, & venturi Christi collatum meritis: nam nisi tùm prouisum, & promissum fuisset hoc remedium, perinde corpore, ac animo perisset. Quod idem dicendum prorsus est de vnoquoque particulari, sicut videlicet vnusquisque peccando perit morte animæ, sic periret morte corporis, nisi reseruaretur vita corporis, vt mors animæ reparari possit: neque ita quòd non pereat corpore, non minùs debeat Christo Redemptori, quàm quòd non pereat animâ, si respiscit; neque minùs quàm Lazarus, aut alius à Christo suscitatus nouam hanc illi suam deberet vitam.

Sic expressè sanctus Augustinus: *Vna, inquit, mors Christi duabus* ^{L. 4. de Ciuit. diu.} *moribus nostris, scilicet animæ & corporis salutis fuit*. Duas tantum meminit mortes quia mortem animæ confundit cum morte beatitudinis: apertè autem distinguit mortem animæ, & corporis, vt duplex illud beneficium distinctè notû faciat, quo per Christum viuimus animâ, & corpore, seu vita spiritali, & corporali. Esto id sit particulare Lazaro, & aliis à Christo suscitatis, quòd amissam vitam corporalem ab illo recuperarint, quo modo nostram nobis non restituit; sed de modo amissæ, vel restitutæ vitæ non hic agitur, satis est ad similitudinem recuperatæ vitæ, quòd quemadmodum suo modo Lazarus restitutam sibi vitam Christo debet, sic nos illi nostram nobis suo modo reparatam debeamus. Quo in modo si quid ex vna parte deest, suppletur & excedit ex altera: Nam neque solùm, sicut Lazarus, vitam corporis à Christo accepimus, sed vitam vtramque animæ, quæ longe est aliâ præstantior; neque id semel tantùm, sicut Lazaro, nobis id beneficij collatum est; at quoties post peccatum reuiximus in nouam Gratiam. Quoties autem istud accidit? Quoties id etiam citiùs id ipsum præstare voluit, & noluisse?

II. P V N C T V M.

SED cum sis ita redemptus, non nisi per ipsum viuas oportet: Vel quod eodem recidit, sic te Christus redemit, ut non nisi propter ipsum viueres.

Quasi gemina esset propositio, vel quasi duplex motiuum proponeret, quo ex prima præmissa sequeretur non aliter esse viuendum quam propter Christum.

Ep. 143. Primò quidem, quia id exigit beneficium Redemptionis. Cui enim iustius viuam, ait sanctus Bernardus, quàm ei, qui si non moreretur, ego non viuerem? Cui commodius, quàm promittenti vitam aeternam?

Deinde verò, quòd ea fuit intentio Christi nos redimentis, ut sic nouo hoc beneficio sibi nos astringeret, nulli ut alteri, nec nobis ipsis, sed illi soli viueremus. In hoc enim Christus mortuus est & resurrexit, ut & mortuorum & viuorum dominetur, ait Apostolus, Rom. 14. Et rursum: estimantes hoc; quoniam si vnus pro omnibus mortuus est, ergo omnes mortui sunt, & pro omnibus mortuus est Christus, ut qui viuunt iam non sibi viuunt, sed ei qui pro ipsis mortuus est. Quasi diceret, sic mortuus est propter nos, ut sic propter ipsum viueremus. Quod idem ipsum ait Dominus de alio genere mortis, quod in singulos quodammodo subit dies, cum se manducandum nobis præbet: Iam. 6. Sicut misit me viuens Pater, & ego viuo propter Patrem: & qui manducat me, & ipse viuet propter me.

Stupenda sane similitudo! sicut Christus propter Patrem, sic nos propter Christum: sic nos propterea redemit suo sanguine, sic pascit suo corpore!

III. P V N C T V M.

SICUT igitur non nisi per Christum viuis, sic non nisi propter Ipsum viuas oportet, quia quàm verum est vnum, tam certum est aliud, cum in vno Redemptoris titulo sit vtrumque fundatum; nec magis Christus te redimendo tibi tuam vitam restituerit, quàm tu illam Christo debeas totam reddere, viuendo secundum ipsum tanta religionis ac fidelitatis plenitudine, quantam hoc Beneficium Redemptionis exigit, & quanta hæc Apostolica declarant

Sicut non nisi per Christum vivis, sic non nisi propter, &c. 581

Verba : Non estis vestri : empti enim estis pretio magno. Quæ quia ^{1. cor. 6.}
pluribus alibi sunt declarata, satis hic fuerit illa breuiter indica-
re, quæ huc facilius & opportuniùs reuocare possis.

Aut nullam vitæ partem, aut totam Deo debes.

In 1. parte, Die 4. Ianuarij.

Nihil est in vitæ nostræ vsu minus nostrum, quàm
ipse vitæ vsus.

In 2. p. Feria 6. Quæ parasceue dicitur. Quæ hic sunt maxime pro-
pria.

Sicut à Deo, sic ad Deum.

In eadem 2. p. Dominica 4. post Pascha.

AD EADEM VERBA:

Lazare veni foras.

DE CONVERSIONE INDVRATI PECCATO-
RIS IN QVATRIDVANO LAZARO MORTVO,
ET SVSCITATO FIGVRATA.

VERITAS PRACTICA.

Si quid est in rerum natura Christo difficile, natura
est hominis in peccato indurati.

RATIO EST, Quia si quid est Christo difficile, hoc unum
est quod illi magis resistit.

Sed quod unum magis Christo resistit, natura est hominis in pec-
cato indurati.

Ergo & hoc unum est Christo difficile; ac proinde cauendum di-
ligenter ne hanc induamus naturam ita peruersam; & non ob-
duretur quis ex nobis fallacia peccati, vt commendat Apo- ^{Hebr. 3.}
stolus.

I P V N C T V M.

SI sola spectaretur diuina potentia cuius vnus est miracula facere, non esset vnum dicendum alio majus miraculum, sed tacta comparatione ad facultatem naturæ quam excedit, potest considerari triplex gradatio in miraculis, quorum alia dicantur maxima, tum media, & minima; quorum etiam quilibet habeant diuersos gradus, secundum quos diuerfimodè, ut ait Diuus Thomas, excedunt facultatem naturæ. Sanctus autem Augustinus inter omnia quæ fecit D. N. Iesus Christus, atque adeo inter ipsa maxima miracula, resurrectionem Lazari dicit præcipuè prædicari: nec aliam rationem magis vrgere quàm quæ peritur ex ipsius significatione miraculi. Tres, inquit, resuscitados mortuos in Euangelio legimus, & fortè non frustra. Domini quippe facta non sunt tantummodo facta, sed signa. Si ergo signa sunt præter id quod mira sunt, aliquid profecto significant, quorum factorum significationem inuenire, aliquanto est operosius quàm ea legere vel audire. Et nonnullis interieciis; Resuscitauit filiam Archisynagogi adhuc in domo iacentem: resuscitauit lumen filium viduæ extra portas ciuitatis elatam: resuscitauit Lazarum sepultum quadriduanum. Intueatur quisque animam suam; si peccat moritur: Peccatum, mors est anima. Delectauit quod malum est, consensisti, peccasti, consensus illa occidit te. Sed intus est mors quia cogitatum malum nondum processit in factum: talem animam resuscitare se significans Dominus, resuscitauit illam puellam quæ nondum erat foras elata, sed in domo mortua iacebat: quasi peccatum latebat. Si autem non solum mala delectationi consensisti sed etiam malum fecisti: quasi mortuum extra portam extulisti. Iam foris es & mortuus elatus es, tamen & Ipsam Dominus resuscitauit, & reddidit Viduæ Matri suæ. Si peccasti, pœniteat te & resuscitet te Dominus, & reddet Ecclesiæ Matri tuæ.

Tertius mortuus est Lazarus, est genus mortis immane, mala consuetudo appellatur: aliud est peccare, aliud peccandi consuetudinem facere. Qui peccat & continuo corrigitur, cito reuiuiscit quia nondum est implicatus consuetudine, non est sepultus. Qui autem peccare consueuit sepultus est, & bene de illo dicitur, fœtet; Incipit enim habere pessimam famam tanquam odorem teterrimum. Tales sunt omnes affectus sceleribus, perditis moribus. Dicis ei, noli facere, quomodo te audit quem

Terra sic premit, & tæbe corrumpitur, & mole consuetudinis pragnatur.

Tum post pauca: *Ecce ipsa soror Lazari melius suscitata est quam frater eius, de magna mala consuetudinis mole est liberata, erat enim famosa peccatrix, & de illa dictum est, dimittuntur ei peccata multa, quoniam dilexit multum.* Postquam autem fusius enarrauit quomodo Dominus, antequam mortuum suscitaret, seipsum turbauerit, fremuerit, fleuerit & contenta voce clamauerit, Lazare veni foras, tum ipse sanctus Doctor exclamando concludit, *ô quam difficile surgit quem moles mala consuetudinis premit!* Quasi diceret, hæc est plena significatio miraculi, hæc est ratio propter quam illud inter maxima repono miracula, quod rem scilicet valde difficilem & valde momentosam exprimat. Sicut enim Christus sic fremendo, lachrymando, & clamando videtur indicare, esse quodammodo difficilius, hunc mortuum suscitare, quam alios; sic planè significat hanc vel maximè reperiri difficultatem in illis inueteratis, & induratis peccatoribus conuertendis, qui quatríduo mortuo Lazaro figurantur. Infremendum, inclamandum, intonandum in his reuocandis ad veram vitam. *Si quid in tota rerum natura Christo est difficile, natura est huiusmodi peccatoris.* Et si quod est in tota hac maximi omnium miraculi considerandum historia, difficultas hæc est Christi laborantis in hoc negotio: Nempe ut omnes intelligant quàm sit deplorandus, & cauendus talis animi status, vnde sit tam operosum emergere: vel si qui fortè iam emiseriarum inciderint, ij discant cum Christo laborare, si sibi consultum velint.

Hoc itaque prius nobis est inquirendum, quid sit vniuersim quod dici possit Christo difficile: qua in quæstione videntur esse quatuor paucis quidem, sed distinctis articulis, enodanda.

Primus est, quòd, sicut dictum est de miraculis, si sola spectetur Christi potentia, nihil prorsus illi est difficile, nihil eorum, quæ potest, quidquam est quod non tam facile possit quàm velit, & nihil prorsus est quod non possit, quemadmodum Ipse ait in Euangelio: *Pater meus usque modo operatur & ego operor. Quacumque enim Ille fecerit, hæc & filius similiter facit.* Id est, simili & tam facili modo quàm ille qui dixit & facta sunt.

Secundus articulus est, quòd si quid propterea dicitur Christo difficile, id dicitur ratione rei faciendæ, quæ repugnat non omni-

Luc. 18. no quidem fieri, sed nonnisi difficulter ex parte sua; *Quàm difficile qui pecunias habent in regnum Dei intrabunt! Facilius est enim camelum per foramen acus transire, quàm diuitem intrare in regnum Dei!* Tum vero se Dominus explicans, *quæ impossibilia sunt apud homines, possibilia sunt apud Deum.* Id est, ista impossibilitas vel difficultas ex hominibus nascitur.

Tertius, cum difficultas illa ex multis possit manare causis, hinc fit, ut ex vario causarum concursu, major aut minor sit difficultas, ac propterea etiam vnum quid alio difficilius, Christo dicetur, quando scilicet ex pluribus vel implicationibus humanis causis difficultas orietur. Vnde Apostolus: *Impossibile est, inquit, eos qui semel sunt illuminati, gustauerunt etiam donum cælestē, & participes facti sunt Spiritus sancti & prolapsi sunt, rursus renouari ad pœnitentiam,* Id est, hoc est valde difficile propter illas simul concurrentes causas, quæ tantò maiorem difficultatem faciunt, quantò plures ita simul concurrunt.

Quartus, non obstantibus his oppositis causis, cum non cesset diuina Christi Bonitas homines ad se allicere, terrendo minis, blandiendo promissis, illustrando intellectum, mouendo voluntatem, & aliis innumeris modis *quemadmodum Gallina congregat pullos suos sub alas:* Et tamen nolunt, ac pro sua libertate recusant, resistunt, differunt; tunc illud quod difficilius Christo dicatur, dicitur ei resistere: & quod illi resistit pertinacius, dicitur illi etiam esse difficilius: *Seruire me fecisti in peccatis tuis: Præbuiſti mihi laborem in iniquitatibus tuis.* **LABORAVI** sustinens; laborans rogans. *Laborare fecistis Dominum:* nempe resistendo tot gratiis, quibus ad se peccatorem excitabat. O verè tanto maior malitia resistentis; quantò maior est bonitas excitantis!

LI. P V N C T V M.

SED quod vnum sic magis Christo resistit, natura est hominis in peccato indurati.

Iam fatet, quatrduanus est enim. Sicut ex parte mortui videtur esse difficilius iam resolutum in tabem & foetorem corpus reuocare ad vitam: sic induratum, & multo tempore tabescentem in peccato renouare ad pœnitentiam.

Ratio peti potest ex illo memorato quatrduo quo Lazarus in monumento

monumento iacuit : & de quo multi multa , quæ ut melius intelligantur , præmitto quod in hunc locum sanctus scribit Augustinus : *De quatuor, inquit, diebus multa quidem dici possunt sicut se habent obscura scripturam , quæ pro diuersitate intelligentium multos sensus pariunt. Dicamus & nos quid nobis videatur significare mortuus quatruiduanus , quomodo in illo cæco intelligimus quodammodo humanum genus , sic forte & in isto mortuo multos intellecturi sumus , diuersis enim modis una res significari potest. Homo quando nascitur , iam cum morte nascitur , quia de Adam peccatum trahit. Vnde dicit Apostolus , per unum hominem peccatum intravit in mundum , & per peccatum mors : & ita in omnes homines pertransiit , in quo omnes homines peccauerunt. Ecce habes unum diem mortis , quod homo trahit de pagine mortis. Deinde crescit , incipis accedere ad rationem , ut legem sapias naturalem quam omnes habent in corde fixam : Quod tibi vis non fieri , alij ne feceris. Numquid hoc de paginis discitur , & num in natura ipsa quodammodo legitur ; furtum vis pati ? utique non vis , Ecce lex in corde tuo quod non vis pati , facere noli : & hanc legem transgrediuntur homines. Ecce alter dies mortis.*

Data est etiam lex diuinitus per famulum Dei Moysen : dictum est illic non occides , non machaberis , non falsum testimonium dices , honora Patrem & Matrem , non concupisces rem proximi tui , non concupisces uxorem proximi tui. Ecce lex scripta est & ipsa contemnitur. Ecce tertius dies mortis.

Quid restat ? Venit & Euangelium , predicatur regnum Cælorum , diffamatur ubique Christus , minatur gehennam vita promittitur æterna , & ipsa contemnitur quartus : hic est scilicet dies , intelligendo , ut patet , per singulos quatuor dies , diuersa quatuor luminum genera quibus humanum genus illustratum fuit , & quibus se per peccatum suum priuat.

His vero quatuor luminibus , quatuor adduntur alia quibus cum se priuent Indurati Peccatores , facillimum erit intelligere quomodo præ cæteris peccatoribus resistent Christo. Primum est , lumen prudentiæ Christianæ quæ , ut ait sanctus Thomas , *ad bonum 2.2. q. 47. finem totius vitæ rectè consiliatur , indicat , & præcipit , & quæ sola dicitur prudentia simpliciter quæ in peccatoribus esse non potest ; aut si prudentes dicuntur , prudentes sunt in generatione sua , prudentes secundum carnem & mundum , sicut prudens diceretur latro qui convenienter vias adinueniret ad latrocinandum. An tibi prudens videretur ?*

¶ Pars.

Ecce

q. 51. a. 2. Secundum lumen est, quod donum Intellectus & Consilij dicitur, quo prudentia naturalis & humana maxime perficitur & iuuatur secundum quod regulatur & mouetur à Spiritu sancto, Vt Idem ait sanctus Doctor; Hoc se autem priuant peccatores, quatenus se habituali & sanctificante priuant Gratia seu Charitate, quam ita comitantur dona Spiritus sancti, vt destructa per peccatum Gratia, simul etiam dona destruantur.

1. a. q. 68. Tercium lumen est ad resipiscendum & resurgendum à lapsu, quod nisi proponeret Deus peccatori numquam resurgeret, nisi vero etiam hoc illustratus lumine velit resurgere, lumen repellit, lumen extinguit; *Ipsi fuerunt rebelles lumini, nescierunt vias eius, nec reuersi sunt per semitas eius.*

1. a. 4. Quartum denique lumen quod multa continet alia, lumen est internum quo peccatores miserandum suum videant itatum, & presentem, & futurum, cuius aspectu terreantur, moueantur, resipiscant. *Resipiscant à diaboli laqueis à quo captiui tenentur ad ipsius voluntatem.* Hos si viderent laqueos; si viderent se his implicatos, an vellent in peccato vel ad horam persistere? Quod si hoc tamen non vident, non est defectus luminis, sed lumen repellentis. *Et non fuit qui aspiceret;* ex illis scilicet qui horrenda hæc mala non viderunt.

1. Tim. 2. Iam vero quod est præcipuum rei discutiendæ Caput, ex horum quatuor contemptu luminum & fiunt peccatores indurati, & magis Christo resistunt. Nam indurari peccato cum nihil aliud sit, quàm sic illi assuescere, vt, quod primò erat tantum naturalis quædam libido & inclinatio, fiat consuetudo, & talis necessitas vt non putet peccator se posse aliter viuere *qui desperantes semetipsos tradiderunt impudicitia:* Vel priuabitur diuino illo lumine quod habuisset nisi sic desperatus esset & abiectus ad proprias concupiscentias; Vel interdum illustrabitur, & sibi notus fiet. Si lumen deest, en induratum hominem, sicut absente sole nigrescunt omnia. Si lumen adest, en rebellem lumini, en Christo resistentem, & Spiritui gratiæ contumeliam inferentem. Nam cum sit ipsa consuetudinis mole velut oppressus, quantum assurgit ex diuino lumine, tantum recidit & resupinatur ex opposita consuetudine. Hæc est videlicet, Hæc est natura indurati peccatoris, vt quantum est induratus peccato, tantum Christo resistat. Quod de se luculenter consitetur sanctus Augustinus; *Sic intelli-*

habebam, inquit, me ipso experimento, id quod legeram, quomodo caro concupisceret aduersus Spiritum, & Spiritus aduersus carnem. Ego quidem in utroque; sed magis ego in eo, quod in me approbavam, quam in eo, quod in me improbavam. Ibi enim magis iam non ego: quia ex magna parte id patiebar inuisum, quod faciebam volens. Sed tamen consuetudo aduersus me pugnacior ex me facta erat; quoniam volens, quo nollem, peruenieram. Et quis iure contradiceret, cum peccantem iusta pœna sequeretur? Et non eras iam ulla excusatio, qua videri mihi solebam, propterea ut nondum contempto saculo seruire tibi, quia incerta mihi esset perceptio veritatis. Iam enim & ipsa certa erat. Ego autem adhuc obligatus, militare tibi recusabam; & impedimentis omnibus sic timebam expediri, quemadmodum impediri timendum est. Ita sarcina saculi, velut somno affolet, dulciter premebat, & cogitationes, quibus meditabar in te, similes erant conatibus expergisci volentium: qui tamen superati soporis altitudine, remerguntur. Et sicut nemo est, qui dormire semper velit, omniumque sano iudicio vigilare prestat: differt tamen plerumque homo somnum excutere, cum grauis torpor in membris est, eumque iam displicentem cernit libentius, quamuis surgendi tempus aduenerit: Ita certum habebam, esse melius tua Charitati me dedere, quam mea cupiditati cedere.

Sed illud placebat, & vincebat; hoc libebat, & vincebat. Non enim erat, quod tibi responderem, dicenti mihi: Surge qui dormis, & exurge à mortuis, & illuminabit te Christus, & undique ostendenti vera te dicere: non erat omnino, quid responderem veritate conuictus, nisi tantum verba lenta & somnolenta: Modo, ecce modo, sine paululum. Sed modo & modo, non habebant modum: & sine paululum, in longum ibat. Frustra condelectabar legi tue secundum interiorem hominem, cum lex alia in membris meis repugnaret legi mentis meae, & captiuum me duceret in legem peccati, qua in membris meis erat. Lex enim peccati, est violentia consuetudinis, qua trahitur & tenetur etiam inuictus animus eo merito quo in eam volens illabitur.

Nonne hoc est Christo resistere, & tanto magis resistere, quanto Christus retardantem magis stimulat, & retardans magis repellebat stimulantem?

Non sic Dæmon, non sic resistit, nam ita induratus est in sua malitia, ut nullis à Christo molliatur, aut iuuetur auxiliis ad eam deponendam. Homo vero peccator vel antequam indureretur, vel postquam est induratus; non caret gratiis quibus emolliiri possit.

Eccc ij

si velit, & conuertì. Si autem pro sua libertate nolit, hoc est quod propriè, hoc est quod vnicè, hoc est quod maxime Christo resistit, hoc est quod Scripturæ gemunt, & deplorandum docent. *Percussisti eos & non doluerunt; attrinisti eos & renuerunt accipere disciplinam: indurauerunt facies suas supra petram, & noluerunt reuerti.* Quasi diceretur, si vellent, reuerti possent, nam idcirco percutiuntur, atteruntur & mouentur à Domino; sed nolunt, sed renuunt disciplinam, & hoc ipso quo sic nolunt, tum præcipue rebellare ac resistere dicendi sunt.

Jer. 5.

Num. 20.

Audite rebelles & increduli.

III. P V N C T V M.

SI quid est igitur in rerum natura, Christo difficile, natura est hominis in peccato indurati. Non alia quæuis natura, quantumcumque sit contumax, illi resistat: non ignis, non aquarum, non sensibilibum aut insensibilibum quodlibet rerum genus creatarum; non Angelorum, non Dæmonum, non Inferni, non Mortis; *omnia subiecta sunt ei:* Sola illi humana se opponit natura, quamquam inhumana potius dicenda est, quæ se tantæ Bonitati opponit; & nili humanitatem quodammodo exueret, non tam facile incurreret in diuinam offensam, aut facilius rediret in Gratiâ: sineret se moueri, crederet tot motiuis resipiscentiæ; iustum esse agnosceret, *subditum esse Deo:* Sed dum homo se potius liberum, quàm humanum sentiens, libertate sua sic fertur in peccatum, vt consuetudinem peccandi contrahat, & in peccato suo magis ac magis in dies roboretur, tunc ille est *rebellis aduersus Dominum*, ille est *qui tetendit aduersus Deum manum suam*, vt est in libro Iob, & *contra omnipotentem roboratus est; currebat aduersus eum erecto collo, & pingui ceruice armatus est.*

1. Cor. 15.

Iob. 15.

Sed quid tandem accidit? quò se tandem illa profert rebellio? quò demum tendit ille tam præceps aduersus Dominum cursus? Audi sanctum Gregorium in illa libri Iob iam prolata: *Sunt nonnulli qui etsi aliquando agere contra omnipotentis Dei iudicium nituntur, ipsa impossibilitate explenda suæ voluntatis fracti ad semetipsos respiciunt, atque ad eum, quem contemnere voluerant, conuertuntur: & qui discedere longe poterant, si quod vellent implere valuissent, per hoc aliquando saluantur, quia quod nequiter voluerunt, implere nequie-*

L. 12. Mor.

C. 22.

vunt: Vnde ad se reducti, cuius sint conditionis afficiunt, & plangunt se contraria Veritati voluisse. Et sunt nonnulli qui hoc quod peruersè contra Deum appetunt, in suo Dei iudicio implere nequius permittuntur. Et cum eos malitia accendit, potentia roborat, tanto iam semetipsos in errore cognoscere nequeunt, quanto in rebus affluentiis extra se semper per potentiam irabuntur: De quorum nunc intentione dicitur: tendit enim aduersus Deum manum suam & contra omnipotentem roboratus est. Contra Deum quippe manum tendere, est in operatione praua, despectus Dei iudicis, perscuerare. Et quia tunc magis irascitur Deus quando permittit impleri quod saltem concipi in cogitatione non debuit, contra omnipotentiam iniquus iste roboratur quia prosperari in mala sua actione permittitur, quatenus & peruersa faciat, & tamen feliciter viuat. De quo adhuc subditur: Cucurrit aduersus eum erecto collo. Erecto collo contra Deum currere, est ea quæ Creatori dissimulanti, cum audacia perpetrare, de quo rectè dicitur, cucurrit, id est, in malo opere obstaculum de aduersitate non habuit. De quo adhuc additur, & pingui ceruice armatus est. Pinguis ceruix est opulenta superbia, affluentiis videlicet rebus, quasi multis carnibus fulta. Potens igitur iniquus pingui ceruice contra Deum armatur, quia rebus temporalibus tumens contra præcepta Veritatis quasi de magnitudine carnis erigitur. Habent enim hoc potentes & iniqui proprium, ut fallacibus diuitiis occupati, veras Dei opes negligant, & quanto minus quod verum est inquirent, tanto amplius falsis diuitiis extollantur. Cura etenim multiplex terrenarum rerum quia occupat, excecatur; vnde adhuc aptè subiungitur: Operuit faciem eius cæcitas. Id est, oculos mentis premit seu cæcitatem mentis adducit, ut Idem sanctus Doctor prosequitur fufius.

Ex quibus videas quod quærebatur, quò tandem spectaret illa tam pertinax contentio quo induratus peccator resistit Christo, nempe in cæcitatem mentis, & grauiorem quandam duritiam. Vnde nihil expectes quam sempiternum eius interitum. Se prius ipse peccator excecatur & indurat ut dictum est; sed postquam diu multumque reuocanti Christo resistit, tum & ipse Christus sibi resistentem excecatur, & indurare dicitur. Sic de Pharaone & inde de aliis omnibus sanctus Augustinus: *Vt tale cor haberet Pharaon quod patientia Dei non moueretur ad pietatem, sed potius ad impietatem, vix proprij fuit: Quod verò facta sunt ea quibus cor, suo vitio tam malignum resisteret iussionibus Dei, hoc est enim quod dicitur induratum, dispensationis fuit diuina quæ tali cordi non solum*

*l. 2. in
Exod. c. 14.*

iusta, sed euidenter iusta pœna parabatur, qua timentes Deum corrigērentur.

Istam autem quam vocat dispensationem tribus hisce fieri modis docent Theologi, negative, permissiue, & per occasionem. *Negative*, quatenus subtrahit vel non impertit illa maiora interna, & externa auxilia, quibus peccator magis illustraretur, quàm si non ita Christo restitisset. *Permissiue*, quatenus permittit Diabolo tentationes quibus hominem impetat, & expugnet, quas non permisisset, vel quas homo superasset; *Per occasionem*, quatenus positiue vel permissiue, causa est aliquarum rerum ex quibus ille peccator occasionem accipit magis peccandi, vel errandi circa peccatum suum, vel sibi sic blandiendi, vt non illud agnoscat, vel negligat, vel præsumat, vel desperet se vniquam correcturum, sitque tandem peccatum illud, quod neque in hoc sæculo, nec in alio remittetur: Non quòd remitti non posset, sed non remitteretur, quia peccatorem non pœnitebit, in peccato suo morietur.

Iob. 12.

L. 11. Mo.
c. 5.

Quod præclare admodum in illa verba Iobi de Deo. *Si destruxerit, nemo est qui adificet; si incluserit hominem, nullus est qui aperiat*: sanctus Gregorius sic illustrat: *Omnipotens Deus humanum cor destruit cum relinquit: adificat dum replet. Neque enim humanam mentem debellando destruit, sed recedendo, quia ad perditionem suam sufficit sibi dimissa. Vnde plerumque fit vt cum audientis cor, exigentibus culpis, omnipotentis Dei gratia non repletur, incassum exterius à prædicatore moueatur.*

Obserua verbum, *repletur*, nam potest quis habere gratiam, & non repleri gratia; quando itaque puniri priuatione Gratia dicuntur indurati, non de omnis gratia priuatione intelligas, sed de illa pleniori quam recepissent si non essent indurati, aut si non punirentur.

Ad alterum porro propositæ Scripturæ membrum, *Si incluserit hominem, nullus est qui aperiat*, sic pergit sanctus Doctor: *Quis omnis homo per id quod malè agit, quid sibi aliud quàm Conscientia sua carcerem facit, vt hunc animi reatus premat, etiamsi nemo exterius accuset? Qui cum, iudicante Deo, in malitia sua cecitate relinquitur, quasi intra semetipsum clauditur, ne euadendi locum inueniat quem inuenire minime meretur. Nam sæpe nonnulli à prauis actibus exire cupiunt, sed quia eorundem actuum pondere premuntur, in male*

consuetudinis carcere inclusi, à semetipsis exire non possunt. Et quidam culpas proprias punire cupientes, hoc, quod recte se agere aestimant, in grauiores culpas vertunt: sitque modo miserabili, vt, quod exitum putant, hoc inclusionem inueniant. Dicatur ergo, si incluserit hominem, nullus est qui aperiat, quia sicut nemo obsistit largitati vocantis, ita nullus obuiat iustitia relinquentis. Includere itaque Dei, est clausis non aperire; Vnde & ad Moysen dicitur de Pharaone: Ego obdurabo cor eius; obdurare quippe per iustitiam dicitur Deus, quando cor reprobum per gratiam non emollit, Recludit itaque hominem quem in suorum operum tenebris relinquit. Quasi hoc ipsum rursus diceret, & confirmaret, quod paulo ante dictum est de cecitate, & obduratione, quæ primò est ab ipso homine sese per suam obstinationem indurante, rum à Deo post multas impertitas, & recusatas Gratiæ sic deserente hominem, vt, cum propter eam inueteratam consuetudinem opus esset robustioribus auxiliis ad resurgendum; tantum abest vt illa robustiora dentur, quin potius solita minuantur, atque ita tandem fiat, quod ait Sapiens & quod declaratum est in 3. p. Dominica 9. *Cor durum habebit malè in nouissimo.*

Ecclesi. 9.

Vide & supra in hac parte, FERIA 2. Hebdom. 17. Nec vero tantis hic opus est ad declarandum thesım, quantis ad hypothesım demonstrandam, qua tibi, Lector, vel Auditoribus tuis, illa omnia particulatim applies, quæ de induratis vniuersim commemorata sunt: Te illum scilicet esse nı caueas, qui assuetus peccato, grauem illam prauæ consuetudinis molem tibi accerfas, & imponas, vnde paulatim indurescas, obtenebreris, deseraris, & pereas. Satisne prouides extirpandæ superbix, vanitati, acedix, inuidix, similibusque vitiis? Nonne iam pridem in his obduruisti? Nonne saltem periculum, ne altiores ogant radices, & penitiora cordis possideant? Nonne tibi regius Psalter, & Apostolus ^{Pf. 94.} hodie suum illud incitamentum inspirare videntur, *Hodie si vo-* ^{Hebr. 3.} *cem Domini audieritis, nolite obdurare corda vestra*, Quo die scilicet vox illa Christi auditur, *Lazare veni foras*, vox illa Domini est quæ si auditur, non sunt obduranda corda, ne forte post non audiat. Da Domine da voci tuæ vocem virtutis, Tu qui iussisti famulis tuis Moysi & Aaron vt loquerentur ad petram, & illa daret aquas. Tu qui ossibus aridis vt audirent verbum tuum præcepisti, ^{Num. 20.} clamante Propheta palam tuo iussu: *Ossa arida, audite Verbum* ^{Eccl. 17.} *Domini*, Tu cuius verba sunt quasi malleus conterens petram. Tu ^{Mat. 23.}

Mat. 1.

qui Lazarum licet quatrIduanum, & foetidum è monumento suscitasti. Tu qui affirmas venisse horam, in qua omnes, qui in monumentis sunt, audiant vocem filij Dei, loquere vel mihi Lazaro: vel mihi Lazaris inclamanti, mecum loquere, vel ego tecum, *Lazare veni foras*: Miser & indurate peccator, incipe te hodie nosse, vide quàm sis illi similis mortuo quem funesta prauæ peccati consuetudinis molēs premit! *Veni foras*: ne diuinius simules peccatum tuum, ne tibi palpes, ne te tibi abscondas; agnosce qui sis, agnosce quam sis alienus à statu morituri & iudicandi. *Veni foras*: extra illam tuam libidinem, quæ te captiuum tenet in lege peccati, agnosce infamem tuum statum, egredere, veni quò te vocat Christus tuus.

Lazare, quem iacentem & mortuum profusis lacrymis deplorat Christus, veni foras ad vultum illum spectandum, qui tuo pudore rubet, qui tuis illacrymatur miseriis!

Indurate peccator! credis scripturis? credis Deo qui toties, & tam multa dixit contra cordis tui duritiem! Putasne te tutum viuere, qui non ignoras te in peccato esse obstinatum: aut si hoc ignoras, putasne hanc futuram ignorantiam indemnem & impunitam?

Obstinate! quid te in peccato retinet? quid te à peccato retrahit? *Veni foras*, vt quàm sint hæc longe diffita, spectes attentius.

Veni, & vide quid à te quæritur? Nihil prorsus quod non possis. Non jejunia, non eleemosynæ si non possis: non longiores, quàm quas commodè possis, preces fundere, non quidquid extra te est; sed hoc vnum quod à te totum est, vt te præteritorum pœniteat, & seriò resipiscas. Etiam si Christus non venisset, & loquutus esset, nonne satis erat momentosum salutis negotium cui procurando nihil negares operæ, nihil laboris? Nihilne vero dabis Christo? Nihilne proderit quod Christus venerit, quod sit loquutus, quod fleuerit, quod te rogarit, & te ad se inuitarit?

Perge in his affectibus, quantum aspirauerit gratia, & vide in 2. parte, In die Ascensionis Domini hanc Veritatem ibi expositam:

Sedentem in cœlo Christum, & inde nobis loquentem non audire, periculosius est, quàm dum in terris loqueretur.

Multà

Non minùs expedit ad salutem ut vetus homo moriatur, &c. 593

Multa his etiam conformia passim habentur, quæ collecta videri possunt in 1. p. Dom. 4. Aduentus; & in 2. p. Dominica Sexagesimæ.

Nec aliena forent à suscitato Lazaro quæ de aliis duobus mortuis suscitatis iam dicta sunt, & in plures Veritates distincta: In 3. p. Fer. 6. Hebd. 9. In 4. p. Dominica 15. & 23.



FERIA QUINTA.

DE CONCILIO PONTIFICVM

ET PHARISÆORVM COLLECTO POST SVSCI-

TATVM LAZARVM : VBI HÆC

CAIPHAS PROPHECAUIT.

Expedit vobis, ut unus moriatur homo pro populo.

Ioan. 11.

VERITAS PRACTICA.

Non minùs expedit ad salutem ut vetus homo moriatur in nobis, quàm ut nouus Homo moreretur pro nobis.

RATIO EST, Quia quacumque afferatur causa propter quam expediebat nouum Hominem mori pro nobis, si causa illa nullum habet effectum, nisi etiam vetus homo moriatur in nobis, non minus expedit hunc veterem hominem mori, quàm nouum.

Sed causa illa nullum alioquin habet effectum.

Ergo non minus unum expedit, quàm aliud: Atque ita prorsus quanti à nobis fieri debeat perfecta Mortificationis internæ praxis, patebit euidenter.

4. Pars,

Eff

I. P V N C T Y M.

AVDITO à Iudaïs stupendo illo miraculo, quo Christus quadriduanum mortuum suscitauit, *Collegerunt*, inquit Euangelista, *Pontifices & Pharizai Concilium*, & dicebant: *Quid facimus? quia hic Homo multa signa facit. Si dimittimus eum sic, omnes credent in eum, & venient Romani, & tollent locum nostrum & gentem. Vnus autem ex ipsis, Caiphas nomine, cum esset Pontifex anni illius, dixit eis, Vos nescitis quidquam nec cogitatis, quia expedit vobis vt vnus moriatur homo pro populo, & non tota gens pereat. Hoc autem à semetipso non dixit, sed cum esset Pontifex anni illius, prophetauit, quia Iesus moriturus erat pro gente; & non tantum pro gente, sed vt filios Dei qui erant dispersi congregaret in vnum. Ab illo ergo die cogitauerunt vt interficerent eum.*

In qua sacra narratione cum multa sint quæ ad fructum vtiliter expendi possent, tum illud maxime, quod ille dixit qui Concilio præsidebat Pontifex: *Vos nescitis quidquam nec cogitatis, quia expedit vobis, vt vnus moriatur homo pro populo.* Tria sunt enim quæ admirationem huius Dicti faciant; Primum, quod tam pie tam impie de futura Christi morte prophetarit: Sic videlicet Pietas & Veritas possunt etiam per Impios nobis prædicari. Secundum est, quod ita quidem pie locutus est Caiphas, vt impie simul quoddixit, dixerit: pie quidem locutus est non à semetipso, sed à Spiritu sancto id agente, & intendente ex verbis eius, vt mors Christi prædicaretur: sed impie simul hoc ipsum dixit, quatenus ea mente dixit, vt persuaderet Concilio cui præerat, melius esse si hunc hominem licet innocentem morti addicerent, quam vt propter ipsum omnis populus perderetur à Romanis, quod erat impium & scelestum sic de Christo sentire, & loqui. Sic tamen Deus peruersis hominum voluntatibus, seu dictis & factis bene vtitur, & ea ad diuinos suos fines conuertit, sicut Ioseph dicebat fratribus suis: *Vos cogitastis de me malum, sed Deus vertit illud in bonum.*

At quod tertium est admirandum in verbis illis: *Expedi vt vnus moriatur homo*: non verba, sed res ipsa est quæ omnem superat admirationis modum. Quale hoc enim, Deus immortalis, quale hoc reipsa est, quod illis verbis continetur? Quid est quamobrem ita expediret vt vnus homo moreretur pro populo? Quis ille vnus

moriturus? Cur ille vnus præ cæteris? Quo tandem mortis genere? Nonne sufficiebat pati, nec mori: aut si mori expediebat, cur ita pati?

Etiamsi horum nesciremus rationem, non est tamen dubium, quin ita expedierit, & oportuerit pati ac mori Christum, quandoquidem ita Spiritus sanctus expedire pronuntiauit; Sed aliud est inde ad praxim consequens, quod non ita forte patet, nec ita creditur, & quod tamen non minùs expedit, nempe, *Vt, sicut nouus Homo pro nobis, ita & vetus in nobis moriatur.* Hoc est scilicet, hoc est peniculatorius considerandum. Considerationis autem summa est vt firmiter illud apprehendamus, atque omnino persuasum habeamus, perinde vnum atque aliud expedire:

Non potest verò id manifestiùs persuaderi quàm declarando vnã amborum esse causam; sic enim ratiocinari fas est ad necessariam inde consecutionem inferendam pro morte veteris hominis: Si causa quæ affertur, quæcumque tandem illa sit, propter quam expediebat nouum hominem mori pro nobis, si causa, inquam, illa nullum habet effectum nisi etiam vetus moriatur in nobis, perinde profecto expedit hunc veterem hominem mori, sicut nouum. Quid clariùs? Nondum indagatur causa, cur nouus homo sit mortuus, nec dum etiam exponitur, quid sit veterem mori hominem; hæc facile postea suggerentur; quod vnum hic premitur, & vrgetur, hoc est, quacumque data causa cur expedierit nouum hominem mori, si ostendatur nullam esse talem causam nisi simul homo vetus moriatur, sic planè simul ostenditur, non minùs expedire hunc veterem hominem mori, quàm nouum. Nonne id euidentius? Quonam aptius modo concluderes necessarium fuisse saluti hominum, vt Christus carnem sumeret, vt pateretur, & moreretur; Nonne sic diceret? Si nulla est hominum salus nisi Christus incarnetur, patiatur & moriatur, necessarium est saluti hominum quod ita moriatur. Sic prorsus modo ad rem nostram: Si mortuo etiam nouo pro nobis homine, nulla est salus nisi vetus homo simul moriatur in nobis, perinde necessaria est ad salutem mors huius veteris quàm noui hominis. Quid similius, quid euidentius? Nonne sic talem Fidei, Baptismi, & Pœnitentiæ necessitatem, atque ipsius Christi mortis, Christus ipse demonstrat, quando his, aut similibus ait verbis *Nisi credideritis, nisi baptisati fueritis, nisi pœnitentiam habueritis, non in-*

Ffff ij.

Luc. 13.
Ioan. 8.

trahitis in regnum Dei. Omnes similiter peribitis. Si non credideritis quia ego sum, moriemini in peccati vestris, quasi diceret; si causa cur ego sum, suo frustretur effectu nisi credideritis quia Ego sum, non minus expedit vos id credere, quam me esse. Sic plane, si causa cur nouus homo sit mortuus, nullum habet effectum, nisi & vetus moriatur, nonne hunc expedit æque mori ac nouum? Velleſne talem causam suo defraudari effectu? Velleſne talem tibi effectum deperire?

II. P V N C T V M.

SED Causa illa nullum alioquin habebit effectum.

In 3. p. 91.
46. & 50.

Non vna sed plures à sanctis Patribus afferuntur causæ quas Diuus Thomas collegit, & seorsum tribus in locis refert, cum nempe quatit vtrum conueniens aut necessarium fuerit Christum incarnari, pati, & mori. Dic porro quamcumque voles, nihil dices quantum ad causæ verum effectum, nisi simul cum morte noui hominis includas mortem veteris. Visne quod multis placet, idcirco expediisse vt nouus Homo moreretur, quia sic vehementius nos ad se attrahebat, nos ad amorem sui prouocabat? Sed quis effectus huius causæ nisi hunc nouum ames hominem? Et quomodo hunc amabis, nisi concupiscentiam reprimas, & veterem cum ipso crucifigas hominem cum actibus suis? Nam sicut qui sunt Christi, carnem suam crucifixerunt cum vitiis & concupiscentiis, sic plane qui sic carnem non crucifigunt non sunt Christi, & quos vocat Apostolus inimicos crucis Christi, suos Christus vocat inimicos.

Gal. 5.

Phil. 3.

Job. 9.

Vis pro causa proferre quod sic definitum ac statutum erat diuinitus, non placandum homini Deum, nisi nouus hic homo moreretur? At numquid eodem statutum est diuino consilio, numquam homini Deum reconciliandum, nisi & ipse homo secundum illum quem dicimus veterem statum, aut hominem moreretur? Quæ pax cum Deo, cuius voluntati tantum resistis, quantum in te vetus homo viuit? Quis restitit ei, & pacem habuit?

Placetne magis causam afferre, vt aspecta Christi morte disceremus mortem non timere? Sed quis mortem potius non magis timeat, si post Christi mortem noluerit in se veterem mori hominem?

Dices forte contradius id ita factum à Christo, ut, quantum esset peccati malum, agnosceremus, atque ita illud vehementius fugeremus. Itane vero dices te peccatum fugere, nisi quæ malorum omnium radix est, Concupiscentiam reprimas, & morti tradas quantum mori potest? Quod si ad nostros Inimicos fortius debellandos, & prosternendos referas causam Christi morituri, sicut de Samfone dicitur quod *multo plures interfecit moriens, quam antè vivus occiderat*: quomodo id proferre audebis nisi veterem simul hominem moriturum concedas, cum per illum viventem hominem nostri æquè vivant in nobis inimici, & tam atrociter in nos defrauent, quàm si Christus non esset mortuus? Ind. 16.

Denique, si quod habet Evangelicus textus, & quod vnum cetera continet, sic expédiebat nobis ut vnus homo moreretur, *ne tota gens periret*, si tu hanc causam magis urgere velis quàm alias, magis etiam vrgeberis ad concedendum quod intenditur; cum nisi vetus homo moriatur, non minùs tota gens pereat, quàm si homo ille, quem mori expédiebat, non esset mortuus. Quid est enim gentem perire, quo sensu à Spiritu sancto asseritur, nisi animas damnari, nisi homines in peccato mori? Quid est verò cur homines in peccato moriantur nisi quòd affectus prauos circa res temporales non deponant, vnde nulla formetur Contritio, vel Atritio, ac proinde nulla peccati remissio? Quid postremò tandem est causæ, cur istos non deponant affectus, nisi quia vetus homo non est mortuus, nisi quia semper viget & regnat in animo, rerum Concupiscentia, quæ sicut causa est peccati, sic & causa est perditionis. Nonne hoc est quod supra tam sæpe est demonstratum, ac præsertim hisce tribus propositis Veritatibus:

Licet omni peccatori sit necessariò pœnitendum, vix tamen vllus est qui necessariam agat pœnitentiam. In 1. p.
Dom. 4.
Adventus.

Quæ causa est cur pauci salvi sint, hæc in te causa est, cur ex illis forte non sis. In 3. p.
Dom. 5.
Pruages.

Si ordinatis ad salutem mediis non vteris, Mediatore Christo abuteris. In 3. p.
Sabbato post
Cineras.

Recole quæ ibi dicta sunt, & videbis non minùs perire homines non mortuo veteri homine, quàm si nouus non esset mor-

Rom. 6.

tuus; ac proinde si hanc profers causam, cur hunc mori expediat, non certiore habebit effectum, quàm illæ priores aliæ, quæ nullum prorsus habent, nisi vetus homo simul moriatur. *Hoc scientes*, inquit Apostolus, *quia vetus homo noster simul crucifixus est, ut destruat corpus peccati*; Quasi diceret, ut verè peccatum destruat, sicut debet destitui ad plenam eius remissionem, debet vetus homo noster esse crucifixus, & mortuus: Atque hoc ita est consequens, & connexum cum illo nouo, qui crucifixus est homine, ut simul vetus sic crucifixus. Magnavis est in illa voce *simul*, nam perinde est ac si dicat, sic primò factum est in nouo homine, ut post idem fiat in vetere; aut nili fiat idem in vetere, nihil in nouo factum est.

III. P V N C T V M.

HINC ergo patet Veritas, *Quod non minus expedit ad salutem, ut vetus homo moriatur in nobis, quam ut nouus Homo moreretur pro nobis*, cum ex omnibus illis causis, quæ demonstrant quàm expediret nouum mori hominem, nulla sit quæ non idem concludat de vetere; nulla sit quæ suum habeat effectum, nisi simul cum nouo vetus moriatur; nulla vnadenique sit, ex qua non modo id inferatur quod intendimus, sed multò etiam magis quam ex proposita Veritate contendimus. Quod enim habet Veritas, non minus expedire ad salutem ut vetus homo moriatur, quam nouus, hoc ita rationes allatæ probant, ut non modo non minùs, sed magis etiam id expedire ostendant. Nam cum ex illis rationibus intelligatur mortem veteris hominis esse velut finem & effectum mortis noui, profecto quàm certò constat, finem in omnibus esse magis spectandum, quàm quæ ducunt ad finem, tam certum & constans esse debet, mortem veteris hominis magis expedire, quàm noui. Vnde si audimus Christum vel exultasse, vel doluisse cum ad mortem properaret, non alia magis de causa diuersos istos affectus induit, quàm ex proposito sibi fine suæ mortis.

Exultabat scilicet quod nobis monstraret viam mortis, & vitæ. Dolebat verò quòd pauci viam illam sectarentur. Ita vero propterea grauius angebatur quàm de doloribus corporis sui, quia quisquis sapiens magis dolet de priuatione finis intenti, quàm de mediis quibus intenditur. Vide in 2. parte, Fer. 5. primæ Hebdom. in Qua-

dragesima, ubi de dolore Christi ex perituris, & damnandis hominibus, pro quibus frustra passurus erat.

Atque hinc triplex motuum cum diuina gratia non parum efficax reuocandæ ad praxim huius Practicæ Veritatis, de morte veteris hominis.

Primum est, Necessitas, quanta scilicet & major etiam quam ipsius noui mors hominis, quem si expediebat mori ne periremus; sic planè magis nos mori expedit ob eundem finem: alioquin & perires, & periret quidquid Christus pro te viuens egit, & moriens. *Vt quid perditio hac!*

Math. 16.

Secundum est, Æquitas & decentia quædam tam rationabilis, ut non modo fidei, sed rationi sit quodammodo renuntiandum si post tale mortis exemplum, quod nostri causa nouus Homo subire voluit, nolimus nostrum veterem mori hominem. Quid enim vetus iste præ nouo? Si sic oportuit Christum pati & ita intrare in gloriam suam: adeone vesani erimus ut nobis non ita moriendum putemus, ad eandem participandam gloriam? Nolle ne cum illo beatus esse? At quomodo cum illo confurges nisi cum illo moriaris? Potestne quis resurgere à mortuis, nisi fuerit mortuus? Mirum certe videri nobis deberet quod etiam mortuis concederetur cum Illo resurgere; Nos enim omnes quid sumus? At quanto magis stupendum stupore quodam horrendo, si cum illo resurgere prætendamus non etiam cum illo mortui. Vide in die Paschæ, ubi hæc gemina Veritas exhibetur:

Luc. 24.

In 2. parte.

Nemo cum Christo mortuus, qui cum ipso non resurgat.

Nemo cum Christo resurgit, nisi qui cum Ipso sit mortuus.

Tertium est Facilitas, & suauitas huius mortis, si præsertim comparetur cum asperitate mortis Christi. Videsne quantos in Cruce moriens ferat cruciatus? Si tanti à te quærerentur, nonne Christus, nonne Salus, nonne Infernus euitandus, nonne Cælum possidendum hos à te sicut à cæteris Martyribus merito tolerandos exigerent? Sed pone metum: Non hoc à te exigitur, non Cruces, non cilicia, non flagella, non alia etiam jejunia quam quæ fieri vulgò solent. Quod vnum petitur, *nolle peccare est*; Non dicitur,

600 *Feria 5. Hebd. 25. post Pent. Expedit vobis, vt vnus, &c.*

non peccare, quis est enim qui non peccet? sed nolle peccare, id est, non peccare ex affectu, ex affectu voluntario rei creatæ cuiuslibet, hoc est veterem hominem mori cum actibus suis. Sentiatur licet affectus, licet animum moueat, pulset, incitet, molliat, & quouis verset impetu; tolerantur ista, nec adesse vetantur; sed absit consensus, absit affectus, absit voluntarius inde sequens affectus; & vetus homo est mortuus.

Adeone peccatum placere potest, vt non sit satis peccare vel ex imprudentia, vel ex infirmitate, vel ex repentino quodam impetu, nisi etiam ex complacentia vel ex affectu pecces? O detestandum affectum rei supra omnes detestabilis, quale est peccatum! Nec dicas te non affici circa peccatum: Nam inordinatus cuiuslibet rei affectus, quem emendare nolis, affectus peccati est: & donec talis affectus deponatur, vetus homo sic in te viuere dicitur, sicut illo affectu deposito diceretur mori.

Multæ his conformes passim occurrent Veritates, ex quibus hæ præcipuè videri debent:

Vel nouus homo Christus, veteris hominis est ruina, vel vetus noster homo ruina est nascentis noui hominis.

In 1. parte, 1. Dominica infra octauam Natiuitatis.

Quanta est modo nobis obligatio ad non suscipiendam circumcisionem legalem, tanta est ad suscipiendam spiritualem.

In 1. p. Die 1. Ianuarij.

Non quid liceat, sed quid magis expediat.

Die 8. Ianuarij.

Tantum proficies, quantum à te deficies.

In 1. p. Fer. 5. Hebdom. 4. post Epiph.

Sicut à veteri lege, sic à veteri homine, vnicuique Christiano est abstinendum.

In 1. p. Sabbato Hebdom. 5. post Epiph. Vbi fusius explicatur quid sit in praxi depositio huiusce veteris hominis.

Sicut

Non minùs expedit ad salutem ut vetus homo, &c. 608

Sicut martyrio vita naturalis, sic mortificatione vita sensualis.

Id est

Sicut ne pereat fides, perdenda est martyrio vita naturalis: sic, ne pereat fidelitas, perdenda est mortificatione vita sensualis.

In 1. p. De Communi sanctis Martyribus.

Nemo cum Christo candidus, nisi sit simul rubicundus.

In 2. p. Dominica Passionis, & tota ibi sequenti Hebdomada.

In morte Immortalitas.

In patientia Impassibilitas.

Feria 2. & 3. Hebdomada Resurrectionis Domini.

Satius esset nullo die velle viuere, quàm non omni die velle cum Christo mori.

In 3. p. Fer. 5. secunda Hebdomada.

Quò minùs concupiscentiæ mortificabis, eò magis à concupiscentia mortificaberis.

In 3. p. Fer. 4. Hebdomada quinta.

Videri etiam possunt tres postrema Feria Hebdom. 13.

Qui non vult mortificantem Dominum, non vult viuificantem.

In 3. p. Die 26. Iulij.

Mortificatione potius tibi sunt omnia subtrahenda, quàm quid mortificationi detrahendum.

In 3. p. Die 24. Augusti.

Quæ autem ex hac 4. parte videri possent, videri possunt facilius in Indice, quàm vt indicentur hic fusiùs.



FERIA SEXTA.

DE MATRE FILIORVM ZEBEDÆI,

PETENTE PRIMAS SEDES SVIS FILIIS.

Dic ut sedeant hi duo filij mei, unus ad Dexteram tuam, & unus ad sinistram, in regno tuo. Math. 20.

VERITAS PRÆCTICA.

Sic petendus à Deo status, ut, non quem quisque velit, Deus donet: sed quem Deus donet, quisque velit.

RATIO EST, Quia sic petendus à Deo status est, ut status possit esse certa viuendi regula.

Atqui ut status possit esse certa viuendi regula, non quem quisque velit petendus est, sed quem Deus donet.

Ergo hic est à Deo petendus status, & non alius; alioquin nescitur quid petatur.

I. P V N C T V M.

DISCEDENS à Bethania Dominus pergebat Hierosolymam cum duodecim discipulis, quibuscum & sermonem serebat de instanti sua Passione & Resurrectione. Tunc vero, inquit Euangelista, accessit ad eum Mater filiorum Zebedæi cum filiis suis Iacobo scilicet & Ioanne, adorans & petens aliquid ab eo. Qui dixit ei, quid vis? Ait illi, Dic ut sedeant hi duo filij mei, unus ad dexteram tuam, & unus ad sinistram in regno tuo. Respondens autem Iesus dixit, Nescitis quid petatis. Potestis bibere calicem quem ego bibiturus sum? Dicunt ei, possumus. Ait illis, Calicem quidem meum bibetis, sedere autem ad dexteram meam vel sinistram non est meum

dare vobis, sed quibus paratum est à Patre meo.

Hic inter alios aptissimè sanctus Ioannes Chrysostomus, *Patitur saepe Dominus discipulos aliquid non rectè dicere, aut agere, ut occasionem inuenias exponendi regulam pietatis.* Non rectè igitur discipuli à quibus mater fuerat sollicitata, & quos ipse Dominus arguit; at vero hinc sapientissimè Dominus regulam pietatis seu normam piè viuendi proposuit, cum dixit, à Patre suo, seu à diuina prouidentia status vitæ degendæ esse expectandos, non autem pro sua cuique cupiditate ambiendos. Quod ut altius animis nostris infigatur, hæc inde Veritas modo expendenda elicitur: *Sic petendus a Deo status, ut, non quem quisque velit, Deus donet: sed quem Deus donet, quisque velit.* Ratio est varia & multiplex, quæ sic tamen paucis contrahitur: Sic petendus à Deo status est, ut status possit esse certæ viuendi regula. Primò explicetur quid status. Deinde cur petendus à Deo. Ac tertio quamobrem designetur certa viuendi regula.

De primo, per statum hic intelligitur personæ quardam Condicio permanens, ac velut immobilis, aut, ut ait sanctus Thomas, *non ex aliqua causa leui, vel de facili mutabilis.* Et paulo post distinguens hæc tria, officium, gradum, & statum: *Officium, inquit, dicitur per comparisonem ad actum: Gradus autem dicitur secundum ordinem superioritatis, & inferioritatis. Sed ad statum requiritur immobilitas in eo quod pertinet ad conditionem personæ.* Sic dicitur status Clericalis, siue Ecclesiasticus, vel Laicus: Status Matrimonij vel Cœlibatus: status religiosus vel secularis. Sunt nempe hi tres præcipui status, vel ordines ad quos alij omnes referuntur: vnde sanctus Gregorius, *In tribus, inquit, ordinibus sancta Ecclesia constat, Coniugatorum videlicet, Continentium, atque Rectorum: vnde & Ezechiel tres Viros liberatos vidit, videlicet Noe, Daniel, & Iob: & in Evangelio Dominus, dum alios in agro, alios in tecto, atque esse in molendino alios perhibet, tres procul dubio in Ecclesia ordines ostendit.*

De his paulo fusiùs sanctus Bernardus: *Hoc mare magnum & spatiosum, in quo utique certum est nihil aliud quàm præsens sacrum amarum & fluctuans designari, tribus hominum generibus suo cuique modo peruium est ut transeant liberati. Tres enim sunt, Noe, Daniel & Iob, quorum primus navi, secundus ponte, tertius vado transit. Porro tres homines, tres ordines Ecclesia signant. Noe quidem arcam rexit ne periret diluvis, ubi protinus Rectorum Ecclesia formam agnosco. Da-*

niel vir desideriorum, abstinentiæ & castimoniæ deditus, ipse est soli Deo vacans, pœnitentium & continentium ordo. Iob quoque substantiam huius mundi benè dispensans in coniugio fidelem designat populum terrena licite possidentem.

Sub his vero statibus quàm sint alij multiplices, & diuersi quis non videt? Sic nempe diuina Prouidentia factum est, primo quidem ad necessitatem vitæ humanæ quæ sic exigit, ut se mutuis homines iuuent officiis, & variis officiorum actibus, sicut corpus humanum diuersis membrorum ac partium muneribus. Deinde vero ad decorem vniuersi quod non modo variis constat creaturis, sed distinctis etiam inter homines ordinibus, & ministeriis, ut, quandoquidem homo microcosmus seu parvus mundus dicitur, non deesset in illo varietas quæ in maiori mundo spectatur, & elucescit. Denique diuinum hæc diuersitas spectat cultum; quàm enim sunt varij hominum status, tam variis ipsi homines Deum colunt modis: qui cum in vna religione, atque in vno Spiritu ritè adunantur, non minorem Deo reddunt cultum in via, quàm exhibebunt in patria, dum suis quisque distingueretur meritis, & coronis.

Adde quod, sicut in variis creaturis perfectiones diuinæ repræsentantur, sic in diuersis statibus diuersi gradus perfectionis, quos Christus vniuersos possidet. Non poterat vna simplex creatura Deum repræsentare, idcirco plures sunt conditæ, quæ sparsim suo modo contineant quod vna simul complecti nequit. Sic neque poterat vnus aut alter status Ecclesiæ tam multiplices, quibus abundabat Christus, gratias continere, quamobrem varij fuerunt ordinandi, quibus diffunderentur vberius; quò illud Psalmi refert sanctus Chrysostomus: *Astitit regina à dextris tuis in vestitu deaurato, circumdata varietate. HANC, inquit, vestem rex texuit, eaque illam per baptismum induit, quotquot enim in Christo baptisati estis, Christum induistis. Antea enim erat nuda, turpis, & inhonesta, exposita omnibus qui transibant viam. Ex quo autem illam vestem induit, cuncta est ad illam altitudinem, & ut à dextris staret digna fuit habita. Pulchre autem ipsam quoque describit varietatem, non constat autem vestis ex vno tantum genere, neque enim licet seruari tantummodo ex gratia, sed fide quoque opus est, & post fidem, virtute. Quasi diceret, non id tantum consistit in interna gratia, sed in externis quoque ministeriis, ad quæ quique fidelium destinantur si modo*

se sinant regi.

Secundum est quod explanetur, cum sint videlicet tam varij status, ac varij etiam statuum gradus, cauenda hic potissimum naturæ corruptæ prauitas quæ velut hedera sursum semper adre-
pit, & parietem cui adhæret, paulatim exedit, & euertit. Hæc est filiorum Zebedæi ambitio, quæ primas eblanditur sedes, sola suæ cupiditatis ratione habita, non diuinæ dispositionis, cuius vnus est de vnoquoque nostrum statuere quid particulatim velit.

Neque verò sola cauenda est ambitio, sed & voluptas, & auaritia, quæ non primas quidem sedes semper ambiunt, sed commo-
diore, suauiores, atque huic sæculo conformiores; quæ peruerfa mentis cupiditas non minus obflare potest diuinis consiliis & decretis, quàm si altiora quærentur subsellia. Quamobrem quod dicitur petendum esse à Domino statum, perinde est, ac si diceretur, cauendam esse prauam illam concupiscentiam, quæ se semper in eligendo vitæ statui, nisi caueatur, obtrudit: & summissis Deo quibuscumque cupiditatibus, diuinum illud & summum agnoscendum est Dominium, quo, ut aiunt Scripturæ, *Dominus pauperem* 1. Reg. 2. *facit & ditat, humiliat & subleuat, suscitât de puluere egenum, & de stercore eleuat pauperem ut sedeat cum principibus & salum gloria reneat.* Et breuius, nec minus efficaciter: *Hunc humiliat & hunc exaltat* Ps. 74. *sai, quia calix in manu Domini; hoc est, propria cuiusque fors & conditio sic ab eo pendet, ut, nisi quam manu tenet, & proponit sortem acceptemus, nulla nobis sit propria. Loquere Domine, quia* 1. Reg. 1. *audis seruum tuum. Vias tuas Domine demonstra mihi, & semitas tuas* Ps. 24. *edoce me. Dirige me in veritate tua. Notam fac mihi viam in qua ambulæm. Docere me facere voluntatem tuam quia Deus meus es tu. Spiritus tuus bonus deducet me in terram rectam.* Sic aliæ scripturæ præscribunt ut deprecæris Altissimum, ut dirigat in veritate viam tuam. Id est, Ecclesiæ 37. prout ipse cognoscit.

Inter multas autem rationes cur ita sit petendus à Deo status, ista magni est ponderis, quòd cum status sit quædam viuendi regula, conandum omnino est ut sit certa, secunda, recta. Nam, ut ait sanctus Dorotheus, si regula praua est, totum id deprauari continget quod ad illam regulam exigetur. Quò spectat illud Domini: *si oculus tuus nequam fuerit, etiam corpus tuum tenebrosum erit. Cæcus* Luc. 11. *si cæco ducatur prætor, ambo in foveam cadunt.* Ita planè si quis du-
bitet quas expensas facere possit in mensa, in vestibulis, in domesti-

1. Cor. 1.

2f. 24.

ca supellectili, atque etiam in eleemosynis & quibusvis bonis operibus: quas item preces, quæ jejunia, quibus denique abstinere, quæ agere, & quæ pati potissimum debeat; Hoc à statu petendum est, hoc inde prorsus pendet. *Videte*, inquit Apostolus, *vocationem vestram*, quasi diceret, vultis scire in dubiis quid mali vel boni sit: quid fugere, vel amplecti debeatis, *Videte vocationem vestram*, Illa discernet, illa dijudicabit, illa dicet vni esse malum quod bonum dicet alteri, & verè dicet si vera est Vocatio, si certa est & secuta regula; sed si non certa, non secuta, quid videbis videndo Vocationem tuam nisi decipulam, & foueam qua capiaris & pereas? *Formido, & fovea, & laqueus super te qui habitator est terra*, id est, si tuum ita spectas statum, ut non sit certa vitæ regula, sicut spectare solet qui terræ dicitur habitator, qui terræ dicitur, non coeli cultor & amator.

I L P V N C T V M.

A *TQVI ut status possit esse certa viuendi regula, non quem quisque velit petendus est, sed quem Deus donet & destinet.*

1. 2. q. 71.
4. 6.

Non est enim certa viuendi regula, nisi prout subicitur & subordinatur primæ & summæ viuendi regulæ, quæ Lex æterna est, ut expresse habet Dñus Thomas: Status autem quem quisque velit, hoc ipso satis intelligitur non esse subordinatus legi æternæ, quo hîc distinguitur à statu quem ordinari Deus. Et reuera si spectemus quid quisque velit, cum statum eligit inconsulto, vel nolente Deo, quid aliud occurreret quàm quod iam dictum est de triplici concupiscentia, quæ tam vehementer hîc mouetur & regnat, ut vix vllus sit ex his qui sæculares dicuntur, seu filij huius sæculi, vix, inquam, vllus qui statum aliter eligat, nisi prout mouetur cupiditate aliqua vel honoris, vel voluptatis, vel terrenæ cuiuspiam commoditatis. Et putabis hunc statum certam esse viuendi regulam?

Nam quod est valde obseruandum, sic administratur status, sicut assumitur; quæ prima cupiditas fuit in eligendo statu siue honoris, siue pecuniæ, siue voluptatis, illa ipsa statum administrat, illa ipsa modum viuendi statuit, illa ipsa vbique regnat, domi, foris, priuatim, publice; quidquid vel humana ratio, vel diuina gratia possent contrà suggerere, praualet illa cupiditas.

Vnde apte apud Marcum de illis dicitur, *circa reliqua concupiscentia* Marci 4.
introcuntes suffocant verbum, & sine fructu efficitur; Cur enim in-
trocuntes dicuntur, nisi quod hi præsertim designentur, qui vitæ
statum ex aliquo concupiscentiæ motu inchoant, tum vero circa
reliqua concupiscentiæ magis ac magis progrediuntur, quasi hoc
vnum in suo statu intenderent, *cupiditatem explere*. Itane vero sta-
tus, regulam vitæ statuit?

O quam præclare contra sanctus Gregorius: *Numerari culpa ne-* L. 25. Mor. c. 16.
queunt, quæ habenda potestatis amore perpetrantur. Tunc solum verò
potestas bene regitur, cum non amando sed timendo retinetur. Quæ ut
ministrari recte valeat, oportet primum ut hanc non cupiditas sed ne-
cessitas imponat. Quia scilicet si sibi cupiditas potestatem seu statum
imponit, vix vnumquam status hanc cupiditatem deponet. Sicut
cupiditatem status est primò sequutus, sic deinde cupiditas statum
perpetuo sequitur. Aut deponat statum, aut non deponet cupi-
ditatem. Non est autem facile & obuium vnicuique statum depo-
nere, vnde licet aliquando quis vellet cupiditatem reprimere, vix
tamen possit, aut potius vix se posse putet, quamdiu statum admi-
nistrabit, in quo ita connexam fouet concupiscentiam, ut si sta-
tum administraret sine concupiscentia, non nisi agram & inuitam
in eo vitam traheret.

Quod luculente descriptum habes in libro Iob, & insigniter de- Iob 18.
claratum à magno sancto Gregorio: *Arctabuntur gressus virtutis*
eius, & præcipitabit eum consilium suum: immisit enim in rete pedes
suos, & in maculis eius ambulat, tenebitur planta illius laqueo. Tum
verò sanctus ille Doctor: *Fit plerumque ut ipsa huius mundi prosperi-* L. 14. Mor. c. 5. & 6.
tas, quæ ab impiis inhianter appetitur, eorum gressus ita obliget, ut etiam
cum ad bona opera voluerint redire, vix possint: quia recta agere non
valent, cum huius mundi amatoribus displicere timent. Vnde agitur, ut
per gloriam quam impius ex peccato assequitur, eius adhuc peccata am-
plius multiplicentur: quod bene Baldath exprimit cum subiungit, *im-*
misit enim in rete pedem suum, & in maculis eius ambulat. Qui pedes
in rete mittit, non cum voluerit ejicit: sic qui in peccata se dejicit,
non mox ut voluerit, surgit, & qui in maculis retis ambulat, gressus
suos ambulando implicat, & cum expedire ad ambulandum nititur, ne
ambulet obligatur. Sæpè namque contingit ut quisquis huius mundi dele-
ctatione persuasus in eo ad honoris gloriam pertingat, ut ad desideriorum
suorum effectum perueniat, & peruenisse se, ad hoc quod expetiit, late-

Sic petendus à Deo status, ut non quem quisque velit, &c. 609

Sic, unde necesse est, ut ad omne, quod in hac vita concupiscitur, prius *2. 15. Mar.
c. 16.*
expletur, ut qui non solum cor, sed etiam cordis aures percipere
appetit, sibi ipsa non verbis, sed rebus sonat; locus ergo regiminis
enim regendi, ubi sit: prius necesse est, ut quisque discutiat si loco
vita congruus, si ab honore actio non dissentit, ne iustus omnium Rector,
et post in tribulatione preces non audiat, quo ipsa quoque eius, de quo
tribulatio oritur, exordia honoris ignorat.

Aptissime autem sanctus Chrysostomus ad Christi verba quæ
ad rem proximè nostram spectant: *Principes gentium dominantur co-* *Matth. 20.*
rum. Tyannica, inquit, hæc passio est, & nonnumquam eximios etiam *Hom. 66. in*
viros perturbat, quapropter cum vehementiore etiam castigatione indi- *Matth.*
geat, acriter etiam ipse non pigrit comparatione gentium, tumentem ipsorum
animum retinens, ut non qui primatum quarunt, sibi ipsi de decori sunt,
ignorantes hoc se pacto in infima deindere. Itemque alibi: Quicum- *In Temp. F.*
que desiderat primatum in terra, inueniet confusionem in cæle, ut iam *Matth. 25.*
inter seruos Christi non sit de primatu querendum. Et infra: Volens Do-
minus duorum fratrum ambitionem extinguere, & decem discipulorum
inuidiam, introduxit differentiam inter Principes mundiales & Ecclesia-
sticos, ostendens quia primatus in Christo, neque ab aliquo appetendus
est non habente, neque alteri inuidendus est habenti.

Salubre est illud etiam Diui Leonis monitum: *Principatus quem* *Ep. 85.*
aut seductio extorsit, aut ambitus occupauit, etiamsi moribus aut actibus non
offendit, Ipse tamen Inimicus sui est perniciosus exemplo: & difficile est ut
bono peragantur exitu, quæ malo sunt inchoata principio.

Quæ his autem conformia possent aliunde peti, suggeruntur
in 8. parte, Feria 4. Hebdomada 2. in Quadragesima; & quæ Feria
sequenti proponitur Veritas, hodiernam confirmat.

SABBATO.

DE CÆCO ILLUMINATO

PROPE IERICHO.

Quid tibi vis faciam? Luc. 18.

4. Pars.

Hhhh.

Primo, ne vagetur in incertum oratio, querendum est determinatius quis ille sit, à quo querendum est quid sibi velit fieri, nempe is est, qui se indifferentem non præbet ad omnia quæ sibi vident à Deo, vel à superioribus iniuncta munera: qui se difficilem & morosum exhibet; qui quod potest recusat, & quod non potest experit; qui de bono vel malo iudicat prout ipsi sapit; qui nihil, nisi quod sapit bonum, sibi velit evenire: qui suum duntaxat spectat commodum; qui se fingit non posse quod non vult agere; qui libenter repellit quod non habet gratum, & qui nullam potest pati repulsam: qui tamquam debitum petit quod amat, & velut iniuriam ducit quod recusatur, vel quod non petenti offertur; qui denique liberum sibi putat resistere, vel contradicere quibus vult, sibi autem nolit contradici. Numquid iste est à quo superior, vel quis alius, ut pacem cum eo habeat, querere debet, quid sibi velit, ne si forte quod nolit offeratur, aut si quod velit non concedatur; immurmuret, dissentiat, alienetur, ægrotet, nihil possit, nihil agat, & omnis disciplina domestica proinde conturbetur? *Hi sunt*, inquit sanctus Iudas Apostolus, *semetipsos pascentes, nubes sine aqua quæ à ventis circumferuntur, arbores autumnales, infructuosæ, &c.* Ac paulo post: *Hi sunt murmuratores, querulosi, secundum desideria sua ambulantes, & os eorum loquitur superba*. Id est, magnificè de se sentiunt, quos volunt deprimunt, & quos volunt exaltant; Numquid sunt multi tales non tantum in secularibus familiis, sed in religiosis etiam institutis? Numquid tu ex illis? Numquid aliquando tu velles quod non habes: aut quod habes id nolles? An æqua lance pendis omnia quæ tibi possunt accidere?

2. *785. 14.* *An sicut Angelus Dei qui nec benedictione, nec maledictione utitur?* Hinc te agnosce, & quæ sequuntur tibi applicat. Nam quisquis ille est, videre non vult quod ex duobus multum inter se difficiat ut vñ altero dignius, nempe ex voluntate diuina & humana, quæ nā sit dignior & præstantior. Nonne sunt illæ duæ voluntates tantò à se magis discrepantes, quantò voluntas humana fuerit propria, sui, suorumque amans commodorum? nonne istæ duæ voluntates simul occurrunt, altera ut alteri cedat apud te, prout ille fueris à quo queratur, quid tibi velis fieri: vel qui querat à Domino, Domine quid me vis facere? Nonne tunc erit voluntas humana quando queretur, quid tibi velis fieri, sicut erit diuina quando quæres à Domino, quid ipse velit? Numquid denique qui suam potius

quam divinam vult fieri voluntatem, non vult videre vtra ex duabus voluntas sit melior, cum aliter non malit suam nisi quod sibi videat meliorem: quod tamen non ita esse profecto videre posset, si vellet: Sed videre non vult, ne contra quod ipse videret, cogeretur facere; quod se putat liberius posse si non id videat. Latet eos hoc volentes, ait sanctus Petrus: Sed an putant hoc latere Deum? *1. Pet. 3.*

III. PUNCTVM.

PERVERSE cæcus est igitur à quo querendum est potius, quid sibi velit fieri, quam cum Apostolo querat, Domine quid me vis facere? Nam cæcus est qui non videat quantum sit præstantius & utilius, divinæ magis voluntati adherere quam suæ: & perverse cæcus est qui maligne nolit id videre. Quod præclare regius expressit Psalter, cum dixit, *noluit intelligere ut bene ageret, iniquitatem meditatus est in cubili suo, astutus omni via non bona, malitiam autem non odit: Ibi est finis*, inquit sanctus Augustinus, *ibi est fructus: si non potest non habere malitiam, vel oderit illam. Cum enim odisti illam, vix tibi surrepit ut aliquid mali facias.* Quasi diceret, satis alioquin videres quid esset mali & illud evitares si velles: sed quia malitiam non odisti, propterea dissimulas te videre malum quod surrepit, licque tanto facilius & damnosius surrepit, quantum minus illud vides, nec propterea tamen es excusandus, imo inde magis condemnaberis, prout Ipse Iudex Christus Dominus iam pridem denuntiavit: *Hoc est iudicium, quia lux venit in mundum, & dilexerunt homines magis tenebras quam lucem, erant enim eorum mala opera. Omnis enim qui male agit, odit lucem, & non venit ad lucem, ut non arguantur opera eius.* Id est, ut quod velit faciat, potius quam quod velit Deus, nec arguatur à propria etiam Conscientia, quod suam voluntatem divinæ præferat. Hoc est veritatem in iniustitia detinere; Hoc est canteriatim habere conscientiam; Hoc est dolose cum Deo agere: Hoc est illi tacite dicere, *Recede à nobis & scientiam viarum tuarum nolumus: Hoc est velamen ponere super cor suum: Hoc est in tenebras diem vertere: Hoc est spiritui gratia contra meliam facere.* Quæ cum in scripturis, & multis iam ante propositis Veritatibus proscripta sunt, restat hanc Apostoli paranelim audire attentius, & imo insigere pectori: *Eratis aliquando tenebre,*

sint cogitanda: quin potius in eo ipso quod videmus abbreviatum, & contractum, magis est quod videndo admiremur, & quod minus intelligendo assequamur. Ibi enim agnoscitur, ut ait sanctus Bernardus, *longitudo brevis, latitudo angusta, altitudo subdita, profunditas plana*. Ibi agnoscitur lux non lucens, verbum infans, aqua siliens, panis esuriens. Videas, si attendas, potentiam regi, sapientiam instrui, virtutem sustentari: Deum denique lactantem, sed Angelos reficientem: vagientem sed miseris consolantem. Videas si attendas, tristari letitiam, pauere fiduciam, salutem pati, vitam mori, fortitudinem infirmari. Sed quod non minus mirandum est, ipsa ibi cernitur tristitia lacerans, amor confortans, Passio saluans, Mors viuificans, infirmitas roborans.

Nonne hæc sunt, quæ tanto minus comprehendî possint quanto magis à se distant, & simul tamen vnita sunt? Nonne hæc sunt, quæ quantumuis quisque norit, in his tamen melius agnoscendis potest ultra proficere? Nonne hæc est diuina Sapientia de qua non minus potes dicere, quàm Sapiens de humana: *Dixi, sapiens efficiar, & ipsa longius recessit à me, multo magis quàm erat: & alta profunditas, quis inueniet eam?* Id est, quanto plura de Christo didici tanto sublimiora restant quæ possim adhuc discere. Denique nonne est illa Sapientia quæ quasi obscurior dilucidari semper expectit, nec frustra se promittit elucidandam, cum præter fructum quem affert tum his quibus illustrata fuerit, tum his à quibus lucem acceperit, summum promittat præmium; *Qui elucidant me, inquit, vitam æternam habebunt*. Omnes alloquitur, omnibus idem seruetur donatiuum. Nam si quos forte non habes quibus elucides; tibi loquere, tibi quidquid ambiguum, quidquid obscurum occurrerit, meditare attentius, & meditando dilucidabitur.

III. P V N C T V M.

AVDIENDVS igitur Psaltes Regius: *querite Dominum, & confirmamini; querite faciem eius semper*. Audiendus & sanctus Augustinus in illa Psalmi verba: *Querite faciem eius semper, ut non huic inquisitioni qua significatur amor, finem præstet inuentio, sed amore crescente, inquisitio crescat inuenti*: quia videlicet semper erit in inuento quod quæras. Audiendus & rursus sanctus Leo, dicente Propheta, *querite Dominum & confirmamini, querite faciem eius semper, nemini præsumendum est quod totum quod querit, inuenit*.

liii ij

mines sui studiosos ita acuit & incendit, vt numquam non ipsum desiderent. *Qui edunt me, inquit, adhuc esurient, & qui bibunt me, adhuc sitient.* Quod de affectu simul, ac de intellectu sic apud Isaiam aptè nobis exprimitur: *si queritis querite, conuertimini, venite.* Si queritis intellectu, querite & affectu: si queritis intellectu & affectu, conuertimini, appareat in effectum, in praxi, & opere: tùm vero *venite*, Id est, rursum querite, & iterum conuertimini, sicque fiat *intellectus bonus omnibus faciensibus eum*, Id est, quod intel-
Eccl. 24.
15.
21.
Ps. 110.

Quò etiam illud Apostoli referas: *vt possitis comprehendere cum omnibus sanctis quæ sit latitudo & longitudo & sublimitas & profundum.* Nam si de intellectu intelligas, non est sensus, hæc posse intelligenda comprehendere; sed hæc cita sedulo & accuratè peruestiganda esse, quasi quæ possent comprehendere. Vel sic potius interpretare, tanta hæc sunt animi contentione reuoluenda, donec ea mente comprehenderis: & quia numquam illa comprehendes, idcirco semper sunt reuoluenda, idcirco contentio debet esse continua. *Sunt incomprehensibilia requirenda*, inquit sanctus Augustinus, *ne se existimet nihil inuenisse qui quàm sit incomprehensibile quod quærebat, potuerit inuenire.* Cur ergo sic queris, si incomprehensibile comprehendis esse quod queris, nisi quia cessandum non est, quamdiu in ipsa incomprehensibilitate rerum inquisitione proficiscitur, & melior meliorque sit querens tam magnum bonum, quod & inueniendum quæritur, & querendum inuenitur? Nam & queritur vt inueniatur dulcius: & inuenitur vt queratur auidius.
Eph. 3.
In Imperf.
Hom. 35.
L. 15. de
Trin. c. 2.

Quod si de affectu voluntatis verbum Apostoli comprehendatis accipias sicut sanctus Bernardus, vt supra iam vidimus, accipit & opponit verbo *cognoscere*: sensum hunc subijcit, vt non curiositate, inquit, contenti scientia, tota cura fructum inhiemus. *Non in cognitione est fructus sed in comprehensione*, alioquin scienti bonum & non facienti, peccatum est ei. Et ipse Paulus alio loco, sic currite, inquit, & comprehendatis. *Non ea disputatis comprehenditis sed sanctis.* Et quæ plura prosequitur, quorum omnium ac dicti Apostolici sensus & finis est, vt non cessemus meditando inuestigare quante sint Christi Domini virtutes omnes per quatuor illas positionum differentias quas enumerat, quanta earum latitudo per omnes virtutum actus: quanta longitudo per cuncta temporum spatia & momenta: quanta earum altitudo per excellentissimam Charitatem: quanta
L. 5. de con-
sid. c. 13.
& 14.

VERITAS PRACTICA.

Nullis parcendum bonis, ut Christi bonus odor simus.

RATIO EST, *Quia Christi bonus odor, est bonus de Christo sensus: Atque ut Christi bonus odor simus, sic nobis bene conuersandum est cum omnibus, ut omnes bene de Christo sentiant. Sed nullis propterea parcendum est bonis.*

Ergo neque ut Christi bonus odor simus. Quod tamen rarum est, cum omnes sua querant, non quæ sunt Iesu Christi.

I. PUNCTVM.

REDIISSE in Bethaniam Christum Dominum, antequam Ierosolymam ingrederetur, apertè docet sanctus Ioannes, cum eius in urbem ingressum nonnisi crastino, seu sequenti ab hac cœna die ponat. An vero hæc cœna sit ipsa eadem quam alij duo Euangelistæ factam narrant apud Simonem dicitum leprosum, dubitatur ab Interpretibus, propter nonnullas quæ earum diuersitatem indicant, circumstantias.

Iesus ergo, inquit facit Historicus, ante sex dies Pascha, venit Bethaniam ubi Lazarus fuerat mortuus quem suscitauit Iesus. Fecerunt autem ei cœnam ibi: & Martha ministrabat; Lazarus vero unus erat ex discumbentibus cum eo. Maria ergo accepit libram vnguenti nardi pistici, pretiosi, & unxit pedes Iesu, & extersit pedes eius capillis suis: **ET DOMVS IMPLETA EST EX ODORE VNGVENTI.** Tum verò cum propterea murmuraret Iudas, murmurantem repressit Dominus, & se Mulieris deuotionem probare professus est, ut eius exemplo disceremus quod expresse postea docuit Apostolus, *Nullis parcendum bonis ut Christi bonus odor simus.* Verba hæc sunt Apostoli, in quibus intelligendis tota consistit ratio Veritatis propositæ: Deo autem gratias qui semper triumphat nos in Christo Iesu, & odorem notitiæ suæ manifestat per nos in omni loco: quia Christi bonus odor sumus Deo, in iis qui salui sunt & in iis qui perunt: aliis quidem odor mortis in mortem, aliis autem odor vitæ in vitam. Et ad hæc qui tum ido-

Simonium bonum. Hoc de bono opere, tamquam de flore odor, procedit. Et quoniam tali flore & tali odore inter primordia nascentis fidei fideles anima veluti quasdam spirituales vinea referta apparuerunt, habentes testimonium bonum & ab his qui foris erant, non incongruè, ut opinor, de ipsis dictum sentimus quia vinea florentes odorem dederunt. Ad quid? ut eo sanè provocati, etiam qui necdum crediderant, ex bonis operibus illos considerantes, glorificarent & ipsi Deum, atque ita eis odor vite ad vitam esse inciperet. Idcirco ergo dedisse odorem non immeritò referuntur, qui non suam gloriam, sed aliorum de sua bona opinione quasiere salutem. Alioquin poterant, more quorundam, questum estimare pietatem, verbi gratia, ostentationis & mercedis. At istud esset non dare odorem sed vendere. Nunc verò quia omnia sua in Charitate faciebant, non planè vendiderunt odorem, sed dederunt.

Præclare omnino, & cohærenter his Diui Petri verbis, proposito nostro valde opportunis: *Conuersationem vestram inter gentes habentes bonam, ut in eo quod detrectant de vobis tamquam de malefactoribus, ex bonis operibus vos considerantes, glorificent Deum in die visitationis; Id est, cum placuerit Deo per inspirationes suas, Infideles siue mundanos visitare, & ad se adducere, sic multum illis proderit vestrum exemplum. Vel quasi diceretur, cum ad exercendam vestram patientiam, aut alterius cuiuspiam virtutis exemplum proximis dandum permiserit Deus vos affligi & vexari. Vel sic interpretare, cum Aduersarij, seu quiuvis Iudices, & Præfides de vobis inquirent, & vestra visitabunt, nihil mali deprehendentes, imo sancta esse omnia cognoscentes, bene de Deo ac de religione sentiant. Vel denique simplicius, cum ubicumque locorum fueritis, quemcumque visitabitis, aut à quocumque visitemini, sic modestè ac prudenter in omnibus agite, ut omnes ex vobis aliud nihil hauriant & referant, quàm sanos pietatis sensus, & verè pios in Christum affectus.*

Si qui male de Religione sentiunt: dedocete malum, & bonum explanare. Si quid asperius opinantur: quàm sit suaue iugum, & onus Christi leue declarate. Si quid anceps & dubium: soluite, probate, confirmate. Si quid latens & obscurum: aperite, diuulgare. Magis autem exemplo quàm verbo quosuis instruere. Hoc est scilicet Christi bonum esse odorem, hoc est quod aiebat Sapiès: *Unguento & variis odoribus delectatur cor, & bonis amici consiliis anima dulcoratur.* Hoc est quod de Iosia dicitur, cuius memoria in compositione *Ps. 27. Eccl. 19.*

tionem odoris facta, opus pigmentarij, quia Rex ille præ aliis insigniam diuinam apud Iudæos procurarat. Sic denique Sapientia: *Asanum*, inquit, *non mistum, odor meus*, Id est, sic Christus de se, de suis loquitur, quod in quibuscumque muneribus ac ministris ad proximum, non suam sed purè Dei Gloriam quaerent.

II. P V N C T V M.

SED nullis propterea parcendum expensis, seu bonis expendendis. Quæ propositio duplicem potest habere sensum: primus significetur, non posse id fieri quod dictum est sine iactura vel riculo bonorum omnium. Secundus quo excitemur ad talem tali causa iacturam.

De primo videretur nonnulla difficultas, seu dubium, Quomodo dici possit, quod necessaria sit iactura bonorum omnium inducendum in alios pietatis sensum de Christo Domino, cui dictum fuerit id potissimum fieri ex bona fama, quæ ex probis nostris operibus excitatur, & quæ cum sit vnum ex bonis nostris vel maximè carum & procurandum, quid est quod iacturam possimus facere?

Respondetur, & responsio secundam illam partem verborum Apostoli declarabit, quam huc remisimus, & quæ illa præcipue continet quibus dicitur odorem Christi esse odorem mortis in mortuis. Quam enim ratione sic dicitur, eadem prorsus intelligitur quomodo famæ fiat iactura. Quod vtrumque sanctus Augustinus sic perspicue demonstrat: *Non dixit Apostolus, bonus odor in iis qui salui fiunt, & malus odor in iis qui pereunt: sed quod ad nos attinet, bonus odor in iis qui salui sunt, & in iis qui pereunt. Saluum fieri hominem bono odore, non est improbable neque incredibile. Perire autem hominem bono odore, quæ ratio est? Magna vis, magna veritas, & si non potest, ita est. Nam ut noueritis quia difficile capitur, statim subiicitur. Et ad hæc quis idoneus? Quid est, ad hæc quis idoneus? Quis intellexit homines mori bono odore? Tamen aliquid dicam fratres, Ecce ipse Christus prædicabat Euangelium, multi illum amabant prædicatorem Euangelij, multi illi inuidebant. Qui illum amabant, bono odore saluabantur, qui illi inuidebant, bono odore peribant. Ideo & pereuntibus non malus odor, sed bonus odor. Ideo enim magis illi inuidebant, quia tantum bonum in illo gratia praualebat: nemo enim inuidet misero. Erat ergo gloria*

in predicatione verbi Dei, & viuens secundum regulam illius virga directionis, & diligebant eum qui in illo diligebant Christum, qui sequebantur bonum odorem. Diligebat amicum sponsi sui, sponsa ipsa qua dicitur in Canticis Canticorum, Post odorem unguentorum tuorum curremus. Illi autem alij quanto magis eum videbant in gloria predicationis Evangelij, & in vita inculpabili, tanto magis inuidia torquebantur & occidebantur bono odore.

Tu inde, Lector, collige, vel auditori colligendum expone quàm fuerit necessarium Apostolo, iacturam suæ famæ facere; non enim ei poterat invideri, nisi simul odiosus haberetur, nisi simul probris & maledictis inuidorum subiceretur, nisi simul derideretur; quod quid est aliud quam apud illos famæ iacturam facere? Neque hoc ignorabat Apostolus, ac propterea consequenter dicebat: *Non sumus sicut plurimi adulterantes verbum Dei, vt scilicet mundo placeam & mihi famam eloquentiæ comparem, sed ex sinceritate, sed sicut ex Deo, coram Deo, in Christo loquimur*, licet rudis, barbarus, imperitus, & ignarus viris illis appaream, qui multum ponunt in selectis verbis. Esto, apud illos fama excidam, libenter hoc patiar, libenter hoc impendam bonum, vt quibus me vult Christus proficere, proficiam. Quod & alibi reperens, *An quaro, inquit, hominibus placere? Si adhuc hominibus placerem, Christi seruus non essem.* Si placeret nempe fecus agendo quàm deceret Apostolum & Christi seruum, cum alioquin affirmet se per omnia omnibus placere, non quarendo quod sibi utile est, vtilitate temporali, sed quod multis vt salui fiant. Sic denique nobis omnibus idem commendans, *Nemini dantes, inquit, ullam offensionem vt non vituperetur ministerium nostrum, sed in omnibus exhibeamus nosmetipsos sicut Dei ministros in multa patientia, per arma Iustitiæ à dextris & à sinistris, per gloriam & ignobilitatem: per infamiam & bonam famam: quasi diceret, quidquid spectat hoc genus boni quod honorificum siue honestum vocant, totum est plane consecrandum.*

Neque verò minùs alia quæ sunt vtilitatis & voluptatis bona eam in rem expendenda sunt, cum oporteat Euangelium seu Evangelicam doctrinam non verbo solum sed facto confirmare. Quomodo enim beatos pauperes, beatos mites, lugentes, & persecutionem patientes asseremus nisi nos ipsi paupertatem, mansuetudinem, luctum, tribulationes & alia quæ mundus horret, &

tionem odoris facta, opus pigmentarij, quia Rex ille præ aliis insigni-
rem diuinam apud Iudæos procurarat. Sic denique Sapiencia: A-
sanum, inquit, non mistum, odor meus, Id est, sic Christus de se,
de suis loquitur, quod in quibuscumque muneribus ac ministris
ad proximum, non suam sed purè Dei Gloriam quærerent.

II. PUNCTVM.

SED nullis prospera parcendum expensis, seu bonis expendendis.
Quæ propositio duplicem potest habere sensum: primus
significetur, non posse id fieri quod dictum est sine iactura vel
riculo bonorum omnium. Secundus quo excitetur ad talem
tali causa iacturam.

De primo videretur nonnulla difficultas, seu dubium, Quo-
do dici possit, quod necessaria sit iactura bonorum omnium
inducendum in alios pietatis sensum de Christo Domino, cu-
dictum fuerit id potissimum fieri ex bona fama, quæ ex probis
nostris operibus excitatur, & quæ cum sit vnum ex bonis nos-
tris vel maximè carum & procurandum, quid est quod iacturam
possimus facere?

Respondetur, & responsio secundam illam partem verborum
Apostoli declarabit, quam huc remisimus, & quæ illa præcipue
continet quibus dicitur odorem Christi esse odorem mortis in morte.
Quæ enim ratione sic dicitur, eadem prorsus intelligitur quor-
do famæ fiat iactura. Quod vtrumque sanctus Augustinus sic p-
clare demonstrat: *Non dixit Apostolus, bonus odor in iis qui salui fi-
& malus odor in iis qui pereunt: sed quod ad nos attinet, bonus odor
mus, & in iis qui salui fiunt, & in iis qui pereunt. Saluum fieri ho-
nem bono odore, non est improbable neque incredibile. Perire a-
hominem bono odore, quæ ratio est? Magna vis, magna veritas, & si
non potest, ita est. Nam ut noueritis quia difficile capitur, statim subi-
Et ad hæc quis idoneus? Quid est, ad hæc quis idoneus? Quis inte-
homines mori bono odore? Tamen aliquid dicam fratres, Ecce ipse Ie-
lus predicabat Euangelium, multi illum amabant predicatorem Eua-
lij, multi illi inuidebant. Qui illum amabant, bono odore saluabantur
qui illi inuidebant, bono odore peribant. Ideo & pereuntibus non mor-
odor, sed bonus odor. Ideo enim magis illi inuidebant, quia tantum
in illo gratia praeualebat: nemo enim inuidet misero. Erat ergo glori-*

in predicatione verbi Dei, & vivens secundum regulam illius virga directionis, & diligebant eum qui in illo diligebant Christum, qui sequebantur bonum odorem. Diligebat amicum sponsi sui, sponsa ipsa quae dicitur in Cantica Canticorum, Post odorem unguentorum tuorum curtemus. Illi autem alij quanto magis enim videbant in gloria predicationis Evangelij, & in vita inculpabili, tanto magis invidia torquebantur & occidebantur bono odore.

Tu inde, Lector, collige, vel auditori colligendum expone quàm fuerit necessarium Apostolo, iacturam suae famae facere; non enim ei poterat invideri, nisi simul odiosus haberetur, nisi simul probri & maledictis invidiorum subiceretur, nisi simul denique derideretur; quod quid est aliud quam apud illos famae iacturam facere? Neque hoc ignorabat Apostolus, ac propterea consequenter dicebat: *Non sumus sicut plurimi adulterantes verbum Dei, ut scilicet mundo placeam & mihi famam eloquentiae comparem, sed ex sinceritate, sed sicut ex Deo, coram Deo, in Christo loquimur*, licet rudis, barbarus, imperitus, & ignarus viris illis appaream, qui multum ponunt in selectis verbis. Esto, apud illos fama excidam, libenter hoc patiar, libenter hoc impendam bonum, ut quibus me volet Christus proficere, proficiam. Quod & alibi repetens, *An quaro, inquit, hominibus placere? Si adhuc hominibus placerem, Christi servus non essem*. Si placeret nempe secus agendo quàm deceret Apostolum & Christi servum, cum alioquin affirmet se per omnia omnibus placere, non quarendo quod sibi utile est, utilitate temporali, sed quod multis ut salvi fiant. Sic denique nobis omnibus idem commendans, *Nemini dantes, inquit, ullam offensionem ut non vituperetur ministerium nostrum, sed in omnibus exhibeamus nosmetipsos sicut Dei ministros in multa patientia, per arma iustitiae à dextris & à sinistris, per gloriam & ignobilitatem: per infamiam & bonam famam: quasi diceret, quidquid spectat hoc genus boni quod honorificum siue honestum vocant, totum est plane consecrandum*.

Neque verò minùs alia quae sunt utilitatis & voluptatis bonam in rem expendenda sunt, cum oporteat Evangelium seu Evangelicam doctrinam non verbo solum sed facto confirmare. Quomodo enim beatos pauperes, beatos mites, lugentes, & persecutionem patientes asseremus nisi nos ipsi paupertatem, mansuetudinem, luctum, tribulationes & alia quae mundus horret, &

scilicet volest; nempe viliorẽ, & quam minùs caram habebit; nam quod sibi referuatur, hoc semper est pretiosius.

Præclare admodum propterea Sapiens: *Gratiam fideiussoris ne obliuiscaris, dedit enim pro te animam suam. Repromissorem fugit peccator & immundus. Bona repromissoris sibi ascribit peccator: & ingratus sensu derelinquit liberantem se.* Perpendi debent omnia, Primò vide quid sit esse Fideiussorem, seu Repromissorem, nempe qui se vadem, & sponsozem pro alio ita constituit, vt, quoties opportunum fuerit, hunc repræsentet, & quodcumque debitum soluat, seu pœnam eius loco subeat. Quod certe à Christo Domino plenè & cumulatè factum pro nobis nemo fidelis ambigat: vnde ipse in Psalms: *qua non rapui, tunc exoluebam.*

Ps. 68.

Secundò, contemplare quantam à nobis exigit Gratiitudinem tale Beneficium, vel quàm sit ille ingratus, qui Benefactorem suum non agnoscat. Tertiò, considera quid sit esse gratum vel ingratum. Hanc præcipue notam designant omnes, vt, si fieri potest, par simileque aliquid accepto reddatur Beneficio, vel quidquid sit, quo saltem modo & tempore Benefactor voluerit, hoc reddatur. Sic expressè Diuus Thomas; Et ita fert gratitudinis exprimendæ nomen vsitatum, *antipelargia*, cuius notio deducitur à Ciconiis, quarum hoc est proprium, vt quam pulli à parentibus receperunt gratiam, dùm volare non poterant, eandem illis vicissim referant, dum ad volandum impotentes sient.

1. 2. q. 106.
4. 4.

Quartò, inquire quid simile Christo fideiussori posses reddere, numquid te quodammodo fideiussorem suum appellat Christus, quando te testem sibi aduocat? Non credent homines Christo dicenti bonum esse pati, & contemni, nisi hoc homines ita esse testentur: fideiussorem Christi homines querunt, te vero Christus suum exhibet, te producit, te interponit, tuam obtestatur fidem, vt sibi hoc testimonium palam reddas, *quod sit bonum pati & contemni.* Hoc est scilicet par Christo reddere, si hoc testimonium reddideris; hoc est Benefactori suo gratum esse; hoc est Liberantem se liberare. Nam sicut Fides Christi laborat apud homines, & Veritas in iniustitia detinetur, ita liberatur dum nostro testimonio fides illa roboratur.

Sed nisi etiam hoc testimonium reddideris, nisi libenter in *humilitate tua patientiam habeas*, & sic toti mundo testèris bonum ac beatum esse pati, & contemni, hoc est par negare Christo, hoc est

Ecclesi. 1.

ingratum esse, hoc est quod ait Sapiens, *Ingratus sensu derelin-*
liberantem se, quo scilicet modo & tempore liberandus erat Li-
 rator! O quale beneficium, posse liberare Liberatorem suum C-
 sum! ô qualis ingratitudo, nolle quod possis!

III. P V N C T V M.

*Exod. 5.
15. 3.*

Is. 6.

Matth. 10.

*In 3. p.
Sub. Heb.
10.*

2. Cor. 9.

Matth. 10.

NULLIS igitur parcendum bonis ut Christi bonus odor simus
 alioquin nobis id exprobet, quod in Scriptura legitur
tere fecistis odorem meum. Et erit pro suavi odore factor. Nihil ne-
foetidius, quàm ut, eò quò honori tuo parcas, vel voluptati,
pecuniæ; Christi honor depercat. Perit verò dupliciter, & c-
salutis verbum retines, & cùm propterea retines, ne quid tibi
loquereris, pereat. Va mihi quia taciui, saltem si hoc agnosce-
Nec dicas te amore pacis id silere, quod alioquin dicendum est
Nam peruersa pax illa est, quam Christus dicit se non misiss-
terram, sed potius gladium illi oppositum: & iam alibi produ-
& probata hæc habetur Veritas:

Optabilius est bonum bellum, quàm mala pax.

Quod si qui etiam videantur offendi & scandalizari, cauend-
 id quidem omnino, ne tua culpa fiat; sed dum ipsorum viti-
 accidet; ferendum est, nec à bono propterea desistendum; n-
 hic est odor mortis in mortem qui ut dictum est, *aliis est vita in vit-*
SICUT fragrantia vnguenti columbam vegetat, scarabæum necat, inco-
 Nyssenus: & sicut lumen solis oculos sanos recreat, debiles offendit
cut ignis aurum purgat, stipulam absumit; sic Christus malis inruin-
est, & bonis in resurrectionem. An velles solem non lucere, ne q-
rundam offendantur oculi? An multum curant scarabæi nece-
qui odore vnguenti columbas ad se trahunt? O quàm rectè A-
stolus: Omnia sustinemus, ne quod offendiculum demus Evangelio C-
sii: hoc est, cauemus omnino, ne quem offendamus: sed si quis-
tro se offendat, cauemus etiam ne propterea cursus Euange-
seu prædicationis Euangelicæ retardetur.

Denique quid aptius ad rem nostram, quàm hæc Christi veri-
qui non accipio crucem suam, & sequitur me, non est me dignus. Q-
est accipere erucem suam, & sequi Dominum, nisi iacturam bon-
um omnium pati, sicut ille est passus, dum suam accepit cruce-

Nullis parcendum bonis, ut Christi bonus odor simus. 631

Quid est non esse dignum Christo, nisi ab illo esse quasi alienum, quasi reiectum, & repudiatum, ut qui terrena sapiat non æterna, non coelestia, non quæ sunt sursum, ubi Christus est in dextera *Coloss. 3.* Dei sedens?

Videri possunt huic multæ conformes Veritates:

Nemo magis sibi Christum seruat, quàm qui minùs si-
bi soli seruat.

In 1. parte, Die 18. Ianuarij.

Qui non renuntiat omnibus, non potest esse Christi
discipulus.

In 1. p. Fer. 3. Hebd. 6. post Epiphan.

Voluntatis eiusdem est, nolle afferre scandalum: &
sufferre velle, si quando prauè accipitur.

In 2. p. Fer. 3. Septuagesima.

Quæ in malo bona est Confusio, in bono mala est.

In 2. p. Fer. 6. prima Hebdom. in Quadragesima.

Charitas non quærendo sua melius inuenit, quàm si
quæreret.

In 2. p. Fer. 2. Hebdom. 3. post Pascha.

Solum pietatis genus est, in re saluti aduersa, suis esse
crudellem.

In 3. p. Fer. 3. Hebdom. 5.

Rape ad Eum quos potes. Nam si potes, & non ra-
pis, tot cælo perdis quot Christo lucrari poteras.

In 3. p. Sabbato Hebdom. 11.

FERIA QVARTA.
DE PERFECTA DISCIPVLORVM
OBEDIENTIA IN ADDVCENDO AD CHRISTVM
PVLLO ASINAE.

*Euntes autem Discipuli fecerunt sicut praeceperat
Iesus. Math. 21.*

VERITAS PRACTICA.

Quod in aliis Virtutibus magis esse posset vituperab
hoc est in Obedientia magis laudabile.

RATIO EST, Quia, quod magis esse posset vituperabile in
Virtutibus, est indiscretio.

Sed hoc est in Obedientia magis laudabile, si fuerit indiscreta,
sensu explicabitur.

Ergo hinc Veritas manifestè patet, & tantò magis hac salubris
discretio colenda est obedire volenti, quanto hac Obedientia
gularis est Virtus.

L P V N C T V M.

ET cùm appropinquasset Hierosolymis, & venisset Bethphage
montem Oliueti, tunc Iesus misit duos Discipulos dicens
Ite in castellum quod contra vos est, & statim inuenietis
nam alligatam & pullum cum ea, soluite & adducite mihi: & si
vobis aliquid dixeris, dicite, quia Dominus his opus habet, & con
stam dimittet eos. Euntes autem Discipuli fecerunt sicut praecepit
Iesus.

Consideranda certe Discipulorum Obedientia, ut, qui in re

tis difficili ad intellectum, & voluntatem, tam prompti fuerint, nulla vt intercedente mora præceptum adimpleuerint. Poterant enim hæere dubij quid veller Dominus, cum de asina sermonem, & præceptum illis faceret: Poterant cogitare id illi omnino insuetum, vt iumento vteretur: Poterant pudore quodam affici, & deterereri ab illis ignominiosis animalibus per urbem adducendis: Poterant denique metuere, ne qui viderent eos aliena rapientes, contra insurgerent, & obniterentur. Sed nihil horum apud se reputant, nihil discunt, nihil discernunt, nihil dijudicant, nihil verentur: toti sunt in his exequendis quæ sibi iussa sunt; *Et quod in aliis virtutibus magis esse posset vituperabile, hoc est in eorum obedientia magis laudabile.*

Mira certe sententia, & digna quæ attentius consideretur, tum vt aliis virtutibus genericum consulatur, tum particulatim obedientiæ.

Quid est autem in ceteris virtutibus magis vituperabile quam Indiscretio, cum vt ait sanctus Bernardus, *omni virtuti ordinem discretio ponat, ordo modum tribuat & decorem?* Unde & post alia quædam, concludit, *Est ergo discretio non tam virtus, quam quedam moderatrix & auriga virtutum, ordinatrixque affectuum & morum detrix.* Tolle hanc & virtus vitium eris, ipsaque affectio naturalis in perturbationem magis conuertetur, exterminiumque natura. Sic sanctus Papa Gregorius: *Bona quidem intentione amici Iob ad consolandum venerant, sed hoc quod pia mens Deo mundum obtulit, locutio præcipitata vitiauit; scriptum quippe est: si recte offeras, non recte autem diuidas, peccasti.* Recte namque offertur cum recta intentione quid agitur, sed recte non diuiditur, si non hoc quod pie agitur, etiam subtiliter discernatur. Oblata enim recte diuidere, est qualibet bona nostra studia sollicitè discernendo pensare. Sæpe ergo & quod bono studio gerimus dum discernere caute negligimus, quo indicetur sine nescimus: & nonnumquam hoc fit reatus criminis, quod putatur causa virtutis.

Sic ante hos omnes Cassianus, aut potius Antonius ille magnus quem refert Cassianus inter omnes virtutes Discretionem primas dedisse, cuius hæc verba sunt: *Hæc namque est discretio qua oculus & lucerna corporis in Evangelio nuncupatur, secundum illam sententiam Saluatoris, Lucerna corporis tui est oculus tuus: quod si oculus tuus simplex fuerit, totum corpus tuum lucidum erit; si autem oculus tuus nequam fuerit, totum corpus tuum tenebrosum erit: eo quod ipse cogitationes*

hominis uniuersas actusque discernens, cuncta que gerenda sunt peruideat atque perlustret: quæ si in homine nequam fuerit, id est, non vero iudicio & scientia communita, seu quolibet errore ac presumptione decepta, totum corpus nostrum faciet tenebrarum, hoc est, omnem aciem mentis actusque nostros reddet obscuros, cecitate scilicet uitiorum & perturbationum tenebris inuolutos. Si enim, inquit, lumen, quod in te est tenebra sunt, tenebra ipsa quanta erunt? Nulli namque dubium est, errante iudicio cordis nostri & ignorantie nocte possesso, cogitationes quoque & opera nostra quæ ex discretionis deliberatione descendunt, maioribus peccatorum tenebris implicari.

Atque hæc fulius tota collatione secunda confirmantur tum Scripturæ testimoniis, tum multis eorum exemplis, qui, quod indiscreti essent suis in virtutibus, suas ipsi virtutes in vitia conuertebant, & suis ipsi vitiis peruersi sunt. Potestne dici aliquid magis vituperabile?

II. PUNCTVM.

SED hoc est in Obedientia magis laudabile, si fuerit indiscreta, quo sensu ipsi sancti Patres intelligunt.

*Et ad frat.
de iunior.
Dicit.*

Hoc est, inquit sanctus Bernardus, docens perfectam obedientiam esse indiscretam, hoc est non discernere quid vel quare precipiatur, sed ad hoc tantum niti, ut fideliter & humiliter fiat quod à maiore precipitur. Lignum enim scientia boni & mali in paradiso, censura discretionis est; in conuersatione religionis penes Patrem spirituales qui diiudicat omnia, Ipse verò à nemine indicatur, Ipsius est discernere; aliorum est obedire. Adam gustauit in malum suum de ligno vetito, edoctus ab eo qui suggerendo ait, quare precepit vobis Deus ut de ligno non comederetis? Ecce discretio, cur preceptum sit. Et addit: sciebas enim quia qua die comederetis, aperientur oculi vestri, & eritis sicut dii. Ecce ut quid preceptum sit, scilicet quod Deos fieri non sinat. Discreuit, comedit, & inobediens factus est, & de paradiso eiectus est. Et paucis interiectis de vero loquens obediente; Stultus, inquit, fiat ut sit Sapiens: & hac omnis sit eius discretio, ut in hoc nulla sit ei discretio. Hac omnis Sapientia eius sit, ut in hac parte, nulla ei sit.

Et post multa: Propter quod, inquit, pia simplicitas, & in professione religionis & solitudinis nouus homo qui non habet vel rationem du-

sentem, vel affectum trahentem, vel discretionem moderantem, sed vā
quadam vertitur in semetipsum, tamquam à figulo figmentum, lege qua-
dam mandatorum Dei quasi manibus alienis faciendus est & formandus
in omni patientia, & in rota volubilis obedientia, & in igne probatio-
nis suae Plasmatoris & formatoris sui voluntati & arbitrio subdendus.
Nam etsi callet ingenio, si viget arte, si praeminet intellectu, instrumen-
ta sunt hac tam vitiorum quam virtutum. Non ergo refugiat doceri,
vbi eo in bono, quo & in malo vti potest, quia hoc primum virtutis opus
est. Ingenium corpus adoptet, ars naturam informet, & intellectus non
elatum faciat animum sed docibilem. Et contra quosdam minusquam
deceret obediētes, Non est, inquit, obediētia eorum plena: non in
omnibus parati sunt obsequi, non per omnia sequi proposuerunt Eum qui
non suam sed Patris venit facere voluntatem. Discernunt & dyndicant
eligentes in quibus obediānt Imperanti. Et nonnullis interiectis, ad
hæc de Paulo verba: Et apertis oculis nihil videbat, Fælix cecitas qua
male quondam illuminati in prauaricatione, tandem in conuersione oculi
salubriter excæcantur.

Serm. 1. de
Conuers. S.
Pauli.

Sic sanctus ille Gregorius vbi de puero Samuele agit: Puer, in-
quit, humiliter homini subiectus, atque obediētie ardua arce sublima-
tus, dum vocatus accessit, iussus rediit, quid aliud nobis exemplo præbet
nisi altissima formam obediētie? Vera namque obediētia nec Præposi-
torum intentionem discuit, nec præcepta discernit: quia qui omnis vita
sue iudicium Maiori subdidit, in hoc solo gaudet, si quod sibi præci-
piunt, operatur. Nescit enim iudicare, quisquis perfectè didicerit obedi-
re, quia hoc tantum bonum putat, si præceptis obediāt: Et post pauca:
Præceptum namque in hoc solo pensari debet, quod Maioris præceptum est,
& qui obediētia bonum exequitur non iniunctum opus debet considerare
sed fructum: quia ad promerenda aterna vitæ gaudia non exquiruntur
qualitas operis, sed mortificatio propria, & executio aliena voluntatis.

L. 2. in libris
Regum. c. 13.

Sic denique qui supra idem ipse Cassianus sic vere obediētes
Superiori describit, ut vniuersa compleant quacumque fuerint ab eo
præcepta, tamquam si à Deo sint cælitus edita, sine vlla discussione fe-
stinant: ut nonnumquam etiam impossibilia sibi met imperata ea fide ac
deuotione suscipiant ut tota virtute ac sine vlla cordis hastitatione perfi-
cere ea aut consummare nitantur, & ne impossibilitatem quidem præce-
pti pro sui Senioris reuerentia metiantur. Et ibidem longinquo pos-
capite: Quartum hoc, inquit, præ omnibus excole quod hac qua supra
diximus tria ornet atque commendet. Id est, ut solum te secundum

De insti-
tut. l. 4.
c. 103.

ibid. c. 91.

hominis uniuersas actusque discernens, cuncta que gerenda sunt peruideat atque perlustret: qua si in homine nequam fueris, id est, non vero iudicio & scientia communita, seu quolibet errore ac presumptione decepta, totum corpus nostrum faciet tenebrarum, hoc est, omnem aciem mentis actusque nostros reddet obscuros, cacitate scilicet uitiorum & perturbationum tenebris inuolutos. Si enim, inquit, lumen, quod in te est tenebra sunt, tenebra ipsa quanta erunt? Nulli namque dubium est, errante iudicio cordis nostri & ignorantie nocte possessio, cogitationes quoque & opera nostra quae ex discretionis deliberatione descendunt, maioribus peccatorum tenebris implicari.

Atque hæc fulius tota collatione secunda confirmantur tum Scripturæ testimoniis, tum multis eorum exemplis, qui, quod indiscreti essent suis in virtutibus, suas ipsi virtutes in vitia conuertunt, & suis ipsi vitiis peruersi sunt. Potestne dici aliquid magis vituperabile?

II. PUNCTVM.

SED hoc est in Obedientia magis laudabile, si fuerit indiscreta, quo sensu ipsi sancti Patres intelligunt.

Et ad frat.
de nouis
D.

Hoc est, inquit sanctus Bernardus, docens perfectam obedientiam esse indiscretam, hoc est non discernere quid vel quare precipiatur, sed ad hoc tantum nisi, ut fideliter & humiliter fiat quod à maiore precipitur. Lignum enim scientiæ boni & mali in paradiso, censura discretionis est; In conuersatione religionis penes Patrem spiritualem qui iudicat omnia, Ipse verò à nemine indicatur, Ipsius est discernere; aliorum est obedire. Adam gustauit in malum suum de ligno vetito, edoctus ab eo qui suggerendo ait, quare precepit vobis Deus ut de ligno non comederetis? Ecce discretio, cur preceptum sit. Et addit: sciebat enim quia qua die comederetis, aperientur oculi vestri, & eritis sicut di. Ecce ut quid preceptum sit, scilicet quod Deos fieri non sinat. Discreuit, comedit, & inobediens factus est, & de paradiso eiectus est. Et paucis interiectis de vero loquens obediente; Stultus, inquit, fiat ut sit Sapiens: & hac omnis sit eius discretio, ut in hoc nulla sit ei discretio. Hac omnis Sapiencia eius sit, ut in hac parte, nulla ei sit.

Et post multa: Propter quod, inquit, pia simpliciter, & in professione religionis & solitudinis nouus homo qui non habet vel rationem du-

centem, vel affectum trahentem, vel discretionem moderantem, sed vix quadam vertitur in semetipsum, tamquam à figulo figmentum, lege quadam mandatorum Dei quasi manibus alienis faciendus est & formandus in omni patientia, & in tota volubilis obedientia, & in igne probationis suae Plasmatoris & formatoris sui voluntati & arbitrio subdendus. Nam etsi callet ingenio, si viget arte, si praeminet intellectu, instrumenta sunt haec tam vitiorum quam virtutum. Non ergo refugiat doceri, uti eo in bono, quo & in malo uti potest, quia hoc primum virtutis opus est. Ingenium corpus adoptet, ars naturam informet, & intellectus non elatum faciat animum sed docibilem. Et contra quosdam minus quam deceret obedientes, Non est, inquit, obedientia eorum plena: non in omnibus parati sunt obsequi, non per omnia sequi proposuerunt Eum qui non suam sed Patris venit facere voluntatem. Discernunt & dydudicant eligentes in quibus obediant Imperanti. Et nonnullis interiectis, ad haec de Paulo verba: Et apertis oculis nihil videbat, Felix cecitas quae male quondam illuminati in prauaricatione, tandem in conversione oculi salubriter excecantur.

Serm. 1. de
Convers. S.
Pauli.

Sic sanctus ille Gregorius ubi de puero Samuele agit: Puer, inquit, humiliter homini subiectus, atque obedientiae ardua arce sublimatus, dum vocatus accessit, iussus rediit, quid aliud nobis exemplo praebet nisi altissima formam obedientiae? Vera namque obedientia nec Praepositorum intentionem discutit, nec praecepta discernit: quia qui omnis vitae suae iudicium Maiori subdidit, in hoc solo gaudet, si quod sibi praecipitur, operatur. Nescit enim iudicare, quisquis perfecte didicerit obedire, quia hoc tantum bonum putat, si praeceptis obediat: Et post pauca: Praeceptum namque in hoc solo pensari debet, quod Maioris praeceptum est, & qui obedientiae bonum exequitur non iniunctum opus debet considerare sed fructum: quia ad promerenda aeterna vitae gaudia non exquiritur qualitas operis, sed mortificatio propria, & executio aliena voluntatis.

L. 2. in lib.
Regum. c. 11.

Sic denique qui supra idem ipse Cassianus sic vere obedientes Superiori describit, ut universa compleant quaecumque fuerint ab eo praecepta, tamquam si à Deo sint caelitus edita, sine ulla discussione festinant: ut nonnumquam etiam impossibilia sibi met imperata ea fide ac deuotione suscipiant ut tota virtute ac sine ulla cordis hesitatione perficere ea aut consummare nitantur, & ne impossibilitatem quidem praecepti pro sui Senioris reuerentia metiantur. Et ibidem longinquo post capite: Quartum hoc, inquit, pra omnibus excole quod haec qua supra diximus tria ornet atque commendet. Id est, ut stultum te secundum

De inst.
Reg. l. 4.
c. 102.

ibid. c. 411.

Collat. 18.
c. 3.

Apostoli sententiam facias in hoc mundo; ut sis Sapiens: Nihil scilicet discernens, nihil dydicans ex his quæ tibi fuerint imperata; sed cum omni simplicitate ac fide obedientiam semper exhibeas, illud tantummodo sanctum, illud utile, illud Sapiens esse iudicaris, quidquid tibi vel Lex Dei, vel Senioris examen indixerit. Itemque in Collationibus: Ceterum, inquit, numquam rationem Veritatis intrabis quisquis à discussione caperit erudiri, quia videns eum Inimicus suo potius quam Patrum iudicio confidentem, facile in id usque propellit, ut etiam illa quæ maxime utilia atque saluberrima sunt, superflua ei videantur & noxia. Atque ita presumptioni eius callidus hostis illudit, ut irrationabilibus definitionibus suis pertinaciter inhaerendo, hoc solummodo sibi sanctum esse persuadeat, quod rectum atque iustissimum suæ tantum obstinationis errore censuerit.

Nonne hoc est aperte dicere non minus discretionē perire obedientiam & animam, quam aliæ pereant Indiscretionē virtutes? ac proinde non minus hoc esse laudabile in obedientia si fuerit indiscreta, quam in cæteris virtutibus hoc esset vituperabile?

III. P V N C T V M.

HINC ergo manifestè patet proposita Veritas, quæ si pluribus confirmanda esset, sanctus Ioannes Climacus in illo quem scripsit libro de Scala Paradisi gradu 4. de obedientia: & gradu 31. de discretionē, sat multa suggerit, ex quibus pauca hæc sint instar omnium: *Obedientia, inquit, est inexaminaus atque indiscussus motus, tuta navigatio, securum periculum, confectum dormiendo iter, sepulchrum voluntatis, nihil discernis, nihil resistit. Obedientia est discretionis depositio inter diuitias discretionis.* Quæ postrema sententia valde notanda est, simul enim conjungit & concordat quæ inter se videbantur dissidere, cum discretio tantopere commendaretur, ac culparetur, ut nec abesse ab obedientia, nec illi posse adesse censeretur. Sic tamen utrumque præclare conuenit, quando de obedientia dicitur, quod sit *discretionis depositio inter diuitias discretionis*; non enim discretionem perdit obediens, sed deponit; sicut si quis pecuniam suam deponeret apud aliquem valde fidelem, non haberet apud se pecuniam, sed apud alium; sic suo quodam modo qui obedit in rebus etiam intellectui repugnantibus, discretionem suam deponit apud illum à quo iubetur; discretio-

rem, qua iudicaret non ita esse faciendum, commutat cum Illo qui aliter iudicat, & qui rem imperat. Indiscretus est, vt sit discretus: Indiscretus est secundum quoddam corrupta naturæ iudiciū, vt sit discretus sano, & recto rationis consilio. Quod si abundare videtur rationibus contra id quod iubetur, ecce vbi viget, vbi vincit & triumphat Obedientia, cum inter falsas illas humanæ discretionis diuitias deponit hanc discretionem, & obedientem proprio denudat iudicio vt hoc vnum quod Superior iudicat & imperat, sic ille iudicet & exequatur.

Aut si, quod verius est de veris diuitiis illud Climaci dictum mauis interpretari, sic obedientia dicenda est discretionis depositio inter diuitias discretionis, Id est, inter multiplices & eximias illas rationes licet latentes, vel quibus abundat Superior, vt id quod iubet, iubeat, vel quibus abundat Inferior vt id agat quod iubetur, etiam contra proprium sensum: quod est apud Apostolum, *locupletari & abundare in omnem simplicitatem*. Sic Diuus Thomas exponens quo sensu dixerit sanctus Benedictus etiam tentanda esse impossibilia, quæ à Superiore iuberentur, *Quia, inquit, an aliquid sit possibile subditus non debet suo iudicio definire, sed in vnoquoque iudicio Superioris stare*. Sic Diuus Basiliius: *de Iudicij periculo, prorsus illum esse sollicitum finito, qui imperat*. 2 Cor. 9. 1. 2 q. 13. 5 In reg. f. 1. 26.

Quamobrem, vt ad praxim deueniatur, vide quanti facias Obedientiam, quid de hac virtute iudices, vtrum sit prudentius obedire, vel non? Nisi fueris filius Belial, id est, absque iugo, non dubitabis profecto affirmare, longè id esse melius, sapientius, & salubrius obedire. Sed persuasum habe, non esse aliud obedire, ac indiscretum esse, quo sensu dictum est; si times hanc discretam indiscretionem, times veram obedientiam. Quid est quod obedientiam profiteris & diligis, nisi vt perfectè viuas? sed quomodo perfectè viues in obedientia, nisi & ipsa perfectà fuerit obedientia? Quomodo autem perfectà, si discreta tuo sensu, si discernas quis iubeat, vel quæ iubeat; vel quo motiuo, vel similia, quæ occur-
rum discretis istis viris, contra quos apte sanctus Bernardus quæ tibi diligenter applices: Imperfecti cordis, & infirma prorsus voluntatis iudicium est, Statuta Seniorum studiosius discutere, hærere ad singula quæ intunguntur, exigere de quibuscumque rationem, & male suspicari de omni præcepto cuius causa latuerit, nec vñquam libenter audire nisi cum audire contigerit quod fortè libuerit, aut quod non aliter L. de gra. 1. 2. 13. 5 pio & dist. c. 13.

VERITAS PRACTICA.

Nisi Cor, Lingua, & Manus ad Deuotionem simul conspirent, ipsa expirabit Deuotio.

RATIO EST, Quia tunc dicitur expirare Deuotio, quando proprium illum suum non producit effectum, quo nos totos Deo deuouet, & addicit.

Sed nisi Cor, Lingua, & Manus ad deuotionem simul conspirent, non producet illum suum effectum.

Ergo & ipsa expirabit Deuotio: seu potius ne deficiat, & expiret, procuranda sunt diligenter illa tria, de quibus expresse propterea sanctus Bernardus sermonem instituit.

I. P V N C T V M.

IN hoc celeberrimo Christi triumpho, qui à quatuor Euangelistis fuscè describitur, iamque à Prophetis longè ante denuntiatus erat, & in Agno Paschali per urbem sic festiuè cum ramis deducto figuratus: quàm sint omnia mira & consideratione dignissima, nemo non videt.

Contemplare aliqua pro affectu; Admirare Dominum asinæ insidentem, plorantem in tali triumpho, prædicentem vbi exitium, Turbas præcedentes, & sequentes cum palmarum ramis; omnes vno ore, una mente acclamantes *osanna*, quæ vox erat lætitiæ; & fausta precantium; Discipulos & alios Cives sua vestimenta substernentes, solos Iudæos inuidia tabescentes, & infrendentes. Quorsum hæc omnia post aliquot dies crucifigendo? Nempe vt indicaret se libentem volentem moriturum, se Dominum & Regem hominum, à quibus quando velleret coleretur, & à quibus si malè aliquando tractaretur non nisi permissu suo id euenturum. Denique vt disceres ab his turbis, quæ profecto diuinitus edoctæ sunt, veram deuotionem. Vide attentius quàm mirè tria hæc simul coniungant *Cor, Linguam, & Manus*. Cor videlicet in ardenti illo affectu quem certatim demonstrant ad Christum

quàm possunt honorificè recipiendum ; Linguam vero in faustis acclamationibus ; Ac denique manus & opera in cædendis nobilissimarum arborum ramis, iisque palam proferendis nullo metu Indæorum, qui cauerant ne quis eum ut Prophetam haberet, nullo Herodis, nullo Præsidis, aut Præsidarij timore militis, qui in vrbe nouum Regem audiebant renuntiari. Hæc est scilicet vera Deuotio, nec aliter vera, nisi cum illa tria simul concurrunt, & concordant.

Ratio est euidentissima, quæ ab ipsa Deuotionis natura & nomine depromitur. Quid est enim Deuotio ? Vnde huic virtuti nomen ? Respondet sanctus Thomas his verbis : *Deuotio dicitur à deuouendo ; unde Deuoti dicuntur qui seipfos quodammodo Deo deuouent, ut ei se totaliter subdant, propter quod & olim apud Gentiles deuoti dicebantur qui seipfos Idolis deuonebant in mortem, pro sui salute exercitus, sicut de duobus Decijs Titus Linius narrat. Vnde deuotio nihil aliud esse videtur quàm voluntas quædam promptè tradendi se ad ea quæ pertinent ad Dei famulatum ; unde Exodi trigesimo quinto dicitur, quod multitudo filiorum Israël obtulit mente promptissima atque deuota primitias Domino.*

I. de Abraham Patriarcha.

Sic autè pridem inter alios insigniter sanctus Ambrosius deuotionem expresserat exemplo Patriarchæ Abrahami, cuius tria præcipue facta commemorat, in quibus sigillatim ostendit, huius virtutis hunc proprium esse actum seu effectum, quo se homo totum, suaque omnia Deo donat & consecrat.

Gen. 12.

Primum est cum iussus fuit Abraham à terra sua egredi ; quo de egressu sic Sanctus ille Doctor : *Itaque cuiusmodi fueris in eo Viro deuotio consideremus. Ea enim virtus ordine prima est, quæ est fundamentum cæterarum, meritoque hanc ab eo primam exegit Deus, dicens : Exi de terra tua, & de cognatione tua, & de domo Patris tui. Satis fuerat, dixisse de terra tua, ibi enim erat exire de cognatione, exire de paterna domo. Sed ideo addidit singula ut eius affectum probaret, Id est, ut quàm deuotus esset, significaret, deferendo sua omnia, ut se totum Deo daret ; sic enim pergit sanctus Ambrosius : Coaceruanda fuerunt præcepta ne quid lateret, proponenda præmia ne forte desperaret. Tentatur ut fortis, incitatur ut fidelis, prouocatur ut iustus, meritoque exiuit quemadmodum locutus est illi Dominus : Et paulo post in moralem sensum illa coaceruata præcepta conuertens : Consideremus, inquit, ne forte hoc sis exire de terra tua, de huius terræ, hoc est de*

de corporis nostri quadam commoratione egredi, de qua exiuit Paulus qui dixit, nostra autem conuersatio in cælis est: & de illecebris & delectationibus corporalibus, quas velut cognatas anima nostra dixit, quam compati necesse est corpori, donec eius colligata vinculo adheret. Ergo exire de conuersatione terrena, & à secularibus oblectamentis, & superioris vite moribus atque actibus debemus, ut non solum loca sed etiam nosmetipsos mutemus. Si cupimus adherere Christo, deseramus corruptibilia, Id est, nulla re terrena & humana detineamur quin ex totis nobis, Deitimus.

Secundum Abrahami factum, quod sanctus Doctor affert in exemplum vera deuotionis, hoc est quando fame urgente descendit in Aegyptum cum Sara coniuge. Pulcherrimus, inquit, & hic locus ad incitanda studium deuotionis quod is qui Deum sequitur, intus semper est. Et ideo Deum debemus praeferre omnibus, nec patrie conuitu, nec parentum filiorumque gratia, nec uxoris contemplatione reuocari debemus ab exequutione praeceptorum caelestium, quia Deus nobis omnia illa largitur, & potens est seruare qua donat. Itaque magnum exemplum deuotionis Abrahæ quod cum uxore speciosa descendit in Aegyptum. Erat quidem iusto viro cura conjugalis pudicitia, sed majus erat studium maturande deuotionis, ne praelisisset custodiam thori mandatis videretur caelestibus. Itaque quoniam propter Deum contempsit omnia, recepit à Deo multiplicata omnia.

Tertium denique factum Abrahami est, cum filium suum ad holocaustum iussus offerre, Non post dies, inquit sanctus Ambrosius, ut Cain obtulit, sed exurgens manè strauit asinam suam, & adhibuit secum duos pueros, & Isaac filium suum, & concidens ligna ad holocaustum surgens abiit; & venit ad locum quem dixerat ei Deus die tertia. Primo aduerte immolantis studium maturum atque festinum, ut mora expectationis non esset, nisi donec audiretur oraculum. Deinde ut sterneret asinam suam, obsequium omne ipse susceperet, & sacrificio necessaria praepareret; Quasi diceret sanctus Doctor, In hoc vno Abrahami facto tria continentur quibus manifestè Patriarcha indicauit, quàm se totum daret deuotioni, seu potius quàm se totum deuotione daret Deo. Primum est quòd filium suum Isaac, in quo habebat omnia, libenter Deo voluerit immolare. Secundum est, quod in hoc peragendo sacrificio nullam interposuerit moram, sed ipso, quo iussus est, momento temporis se ad iter accinxit, quasi qui nulla re detineretur quin totus esset Dei, licet

Licet enim Deuotio possit esse alia Cordis, alia Linguae, & alia quædam Operum, neque simul hæ tres actu semper conjungantur; si tamen illa quæ linguae aut operum diceretur deuotio, non aliquid participaret ex illa quæ esset Cordis; putasne quod esset vera deuotio? Putasne quod non esset illa hypocrisis, & simulata deuotio, propter quam dicebat Dominus: *Hypocrita, bene de vobis* Math. 15. *prophetauit Isaias, populus hic labiis me honorat, cor autem eorum longe est à me?* Quod si etiam sola esset Cordis deuotio, nec vlla linguae, vel operum ederetur, quando interdum sese daret eius exercendæ opportunitas vel publica, vel priuata, vt in templis frequentandis, in Sacramentis adeundis, & aliis Christianæ religionis muneribus excolendis, putasne quod illa cordis deuotio, vera esset deuotio? Nonne hoc hæreticum sapit, & impium, qui nulla templa recipiat, nullum sacrificium, nullas publicas preces, nullos religiosæ disciplinæ ritus, nullas ceremonias: totum corde, totum intus in animo, nihil extra prodatur? Et vbi vox Apostoli, *obsecro primum omnium fieri obsecrationes, orationes, postulationes, Gratiarum actiones, pro omnibus hominibus, pro Regibus & omnibus* 1. Tim. 2. *qui in sublimitate sunt vt quietam & tranquillam vitam agamus in omni pietate & castitate. Hoc enim bonum est & acceptum coram Salvatore nostro Deo qui omnes homines vult saluos fieri & ad agnitionem veritatis venire.* Ac paulo post: *Volo vos ergo viros orare in omni loco,* ibid. *leuantes puras manus sine ira & disceptatione.* Id est, toto corpore ad pietatem rite composito, secundum communem & ab omni Ecclesia probatum orandi morem, non ex vana quadam complacentia, vel prauo quouis affectu; sed purè propter Deum, leuando simul mentem & manus, vt exterior corporis species sit internæ figura puritatis. Atque in hoc situ & habitu sic omnes consentire velim, nullus vt omnino dissentiat.

Non semper autem ista exterior exercetur deuotio, sed semper vera deuotio paratum reddit hominem ad illam exteriorem exercendam, quando id Ratio siue Religio postulabit, aut non est vera deuotio, nec totum proinde hominem Deo subiciet.

Quod egregiè Diuus Thomas illustrat & confirmat cum ad illa quæ possent obijci contra quæ dixit & quæ supra commemorata sunt de proprio deuotionis actu & effectu, sic respondet: *Cum deuotio sit actus voluntatis hominis seipsum offerentis Deo ad ei seruendum* 2. 2. q. 82. a. 1. ad 4. *qui est vltimus finis, consequens est quod deuotio imponat modum hu-*

M m m m ij

manis actibus, siue sint ipsius voluntatis circa ea quæ sunt ad finem, siue etiam sint aliarum potentiarum quæ à voluntate mouentur. Et paulo post: *Deuotio*, inquit, inuenitur in diuersis generibus actuum, non sicut species illorum generum, sed sicut motio mouentis inuenitur virtute in motibus mobilium. Id est, vna est virtus, Deuotio, quæ quidquid corde, lingua, & opere circa Dei cultum exercetur, ipsa vna efficit si non actu semper, saltem virtute, ac propterea modum etiam ita imponit humanis actibus, vt nihil homo agat, quod deuotioni repugnet; & ea omnia sit paratus agere, quæ illa virtus exiget. Cum enim humani actus, siue boni siue mali sint, tribus hisce tantum modis fiant, vel cogitando, vel loquendo, vel operando vt expresse idem sanctus Doctor docet, & ipsa satis comprobatur experientia, notne quando dicit deuotionem imponere modum humanis actibus, perinde est ac si diceret imponere modum cordi, linguæ & manibus, imponere modum cogitationibus, verbis, & operibus; sicque hominem Deo subicere; ac consequenter nisi tria illa conspirent ad deuotionem, deuotionem non esse veram, nec posse illum suum effectum producere, quo sit homo totus Dei.

Quod & Diuus Bernardus fructuosè prosequitur in illo sermone quem scripsit de triplici custodia manus, linguæ, & cordis: *Omnes*, inquit, *nobis causamur deesse gratiam, sed iustius forsitan ipsa sibi queratur gratia deesse nonnullos.* Nempe res cordis est, gratia deuotionis ista quam querimus; & hoc munere ipse se fraudat qui internum ei dissimulat receptaculum exhibere. *Ceterum vnde illi cura cordis, cui ne ipsa quidem adhuc oris circumspectio, seu manus custodia subest? Non sibi deesse miretur consummationem qui nec initium apprehendit: sed ne is quoque qui initium iam tenere videtur, si ad medium non peruenit.* Quasi diceret sicut ad domum ædificandam tria hæc; fundamentum, parietes, & tectum, sunt ita necessaria, vt non sit domus, nisi tribus his constet: sic nec vera deuotio nisi tribus his rite custoditis, manu, lingua, & corde. Videri possent quæ plura persequitur: Et hæc tria magnifice continentur his sacris verbis: *Deus vobis* (Deus) *cor omnibus vt colatis eum & faciatis eius voluntatem; corde magno, & animo volenti. Adaperiat cor vestrum in lege sua, & in præceptis suis, & faciat pacem. Exaudiat orationes vestras, & reconcilietur vobis, nec vos deserat in tempore malo.* Quæ ad cultum Sanctissimi Sacramenti Diuus Thomas sic applicat: *Recedant vetera, noua sint omnia, Corda, voces, & opera.*

III. PUNCTVM.

HOC ipsum est igitur, quod habet Veritas: *Nisi Cor, lingua, & manus ad deuotionem simul conspirent, ipsa expirabit deuotio.* Diuersa est similitudo, sed ipsa prorsus res eadem; Nam quod est domum destrui, hoc est animam expirare; & sicut vtrumque illud accidit defectu partium, quibus & domus constat, & quoduis animatum; sic plane deuotio ruat & expiret necesse est, si aliqua trium illarum partium ipsi desit. *Nomen habes quod vinas & mortuus es. Esto vigilans & confirma cetera quae moritura erant.* Apo. 3.

Vix vlla est alia virtus, in qua magis decipiantur homines quam vera deuotio. Non est quod putant, multum orare, multum affici, multa scire de diuinis, vel multa de his loqui: sed hoc vnum vel maxime, *TOTVM ESSE DEI*, totum corde, lingua & manus, quod quia nil recte meditando comparatur, paucique sunt qui se rectis addicant meditationibus, idcirco tam pauci sunt qui non modo verè sint deuoti, sed quid sit esse deuotum vix sciant. Hinc apte Diuus Thomas expresso docet articulo deuotionis causam esse meditationem, *Dictum est enim, inquit, quod deuotio est quidam voluntatis actus ad hoc quod homo promptè se tradat ad diuinum obsequium.* 2. 2. q. 82. a. 3. Omnis autem actus voluntatis ex aliqua consideratione procedit eò quod bonum intellectum est obiectum voluntatis. Vnde & Augustinus dicit in libris de Trinitate quod voluntas oritur ex intelligentia. Et ideo necesse est quod meditatio sit deuotionis causa in quantum scilicet homo per meditationem concipit quod se tradat diuino obsequio. Tum post multa concludens articulum de viris doctis, qui sat multa considerant & meditantur nec tamen deuoti sunt, sic opportunè respondet hoc ita fieri, quod elati sua doctrina non se Deo totaliter tradant, si tamen, inquit, scientiam & quamcumque aliam perfectionem homo perfectè Deo subdat, ex hoc ipso deuotio augetur. Quasi diceret, totum est in se subdendis Deo. Si se melius Deo subdant indocti quam docti viri, certe indocti praestant deuotione doctis: sed si viri docti se suamque doctrinam Deo subdunt, tunc docti praestant aliis, non quod sint doctiores, sed quod doctrina recte vtantur, dum se recte Deo subdunt.

O quàm aptè propterea dictum à Psalte Regio, *Subditus esto Domino, & ora eum*: quasi diceret, nil putes alioquin te agere, quid-

quid ores, nisi te prius Deo subdas, aut nisi ores, & mediteris, ut discas quomodo te oporteat subiectum esse Deo. Tam multa sunt enim, quae si tantisper considerentur, nobis persuadeant hanc perfectam subiectionem, ut vel arguaris si non ea consideres: vel si consideres, te ipsum arguas & dicas, *Nonne Deo subiecta eris anima mea? Veruntamen Deo subiecta esto anima mea. Quantumcumque accedam, inquit ibi summus Doctor S. Augustinus, quantumcumque ascendam, quantumcumque transiliam, sub Deo ero, non contra Deum. Securus ergo transcendendo cetera, quando Ille me sub se tenet, qui est super omnia.*



FERIA SEXTA.

DE PVERIS SIMVL CVM VIRIS,

ET SEORSVM CLAMANTIBVS

Ozanna filio David.

Ex ore Infantium & lactentium perfecisti laudem:
Ps. 8. Math. 21.

VERITAS PRACTICA.

Sic sibi Christus placet in pueris, ut si pueros imitentur Viri, magis sibi Christus in viris placeat.

RATIO EST, Quia magis sibi Christus placet in vera virtute quam in non vera.

Sed si pueros imitentur viri, vera est virorum virtus, cum puerorum virtus non sit vera.

Ergo sibi magis Christus placet in viris quam pueris, unde est viris motuum efficax, ut, in quo pueros Christo placere vident, eos imitentur.

I. PUNCTVM.

QUAS Christo Domino Pueri dederunt laudes, singularem merentur admirationem & discursum; ob hæc tria præcipue. Primò quia laus ab Infantibus & pueris Christo data Diuinitatis eius testimonium perhibebat nobilior, quàm quæ à cæteris dari poterat; nam quòd virum laudabilem ratione præditi collaudarent nonnisi naturale & humanum videretur: sed quòd pueri & Infantes, qui nec naturaliter loqui, nec viros laude dignos agnoscere poterant, ita tamen Christum laudent, vt vox illorum præ cæteris audiatur, nonnisi miraculo, diuinæque potentiae referri potest. Vnde vbi ex Psalmo legitur, *ex ore Infantium & lactentium perfecisti laudem*, alia versio habet, *Ex ore Infantium & lactentium fundasti fortitudinem*, vel, *constituisti robur*. Quasi diceretur, vt interpretatur sanctus Chrysostomus; *Potentiam tuam ex hoc maxime ostendisti quod infantium linguas commoueris ad laudes tuas celebrandas.*

Secundò, magis mira est hæc à pueris Christo data laudatio, quia magis fuit constans & producta longius, non enim solum cum viris laudes suas adiungebant, quando Christus per urbem incedebat triumphanti similis, sed in ipso templo magnificos celebrabant choros; & postridie cum Dominus in urbem rediit, soli dicuntur pueri diuinas illas voces, *ozanna filio David*, decantasse, quod Phariseis tam æcerbum erat audire, vt de hoc maxime cum Christo expostularent.

Tertiò denique cum inter Iudæos illos, qui Christo laudes decantabant, pauci admodum, & vix vlli essent, qui puritatem mentis colerent, vitia vero sectarentur omnes; parum erat Christo talis accepta laus, quæ à puro non fundebatur pectore. Nec tamen laudes tali die sibi datas abnuebat; quamobrem pueros excitauit, vt quandoquidem laudandus erat, sic à puris laudaretur linguis & mentibus. Nesciebant certe infantes quid loquerentur, vnde ex hac parte laus ab illis profecta laus minus honorifica censeri posset: sed quia tamen à puro profecto laus erat organo, malebat Christus hoc laudandi sui genus, malebat ab imperitis, si puri essent, se laudari, quàm à peritis & quibusuis aliis, qui non ita puri essent.

nobis ad imitandum proponuntur: *Vade ad formicam o piger & considera vias eius, & discite sapientiam.* Discite veram à non vera; sicut à picta & non vera domo vera domus ædificari discitur.

III. P V N C T V M.

SIC verò patet quàm verè dictum sit, *quod si Christus sibi placeat in pueris quòd puri sint, longe magis sibi placet in vultis aut adultis, qui puerorum puritatem imitentur*; quia scilicet hæc Virorum puritas, vera est virtus, non autem puerorum, qui sensum non habent ad discretionem boni & mali, veram autem virtutem à Christo magis diligì quàm non veram, tam facile est intelligere quàm si diceretur virtutem supra id omne, quod non est virtus, à Christo diligì, cum reuera non sit virtus quæ non est vera virtus, Quis porro nescit & Christum magis diligere, quod est magis diligendum; & id esse magis diligendum quod est melius bonum; atque id denique melius esse bonum quod est virtus, quàm quod virtus non est? Quid est enim præter virtutem, in omni rerum natura, nisi rerum

natura, quæ qualecunque bonum sit, & à Deo dilectum, quia quæ fecit Deus diligit, non est tamen non est eius generis & ordinis bonum, cuius est virtus, si maxime Christiana virtus sit, de qua hîc solâ loquimur.

Non cunctis naturæ bonis daretur in præmium vel minimus gloriæ gradus: at minimo virtutis gradu tota deberetur, & tota reddetur cœlestis Gloria. Non pro tota rerum natura reparanda Christus venisset, nec propterea quidquam fecit; at pro vno Christianæ virtutis actu à nobis exercendo totum Christus profudit sanguinem. Non si Mater ipsius Christi, si quod est naturæ tantum in illa consideres, non ipsa Christi maternitas comparetur cum vno veræ virtutis actu. *Qua mihi mater, aut qui fratres, aiebat ipse Dominus, quicumque fecerit voluntatem Patris mei qui in cælis est, ipse meus frater, & soror, & mater est.* Quasi diceret, hoc est quod pluris facio. Qua de re alibi fusius.

Hinc autem ad praxim tria referes. Primum, cæteris omnibus virtutem anteponas. Secundum, præ cæteris virtutibus Puritatem infantilem colas, qua Christo maxime placeas. Tertium, quia in viris etiam virtus non vera, sed apparens, aut inchoata tantum, aut manca & modica reperitur, ut illi exprobratur cui dicitur,

Scio quia modicam habes virtutem, sit vera virtus tua, virtus robusta, virtus constans & integra, quæ omni vitiò tam seuerè opponatur, quàm omni Fides errori: Deponentes omnem malitiam, & omnem dolum & simulationes & inuidias, & omnes detractiones sicut modo geniti infantes lac concupiscite, ut in eo crescatis ad salutem. Vide in 2. parte, Dominica in Albis quæ est octaua Paschæ. Et in hac 4. parte: Feria 2. Hebdomadæ 16.

S A B B A T O.

DE QVIBVSDAM GENTILIBVS, IESVM VIDERE VOLENTIBVS.

Domine, volumus Iesum videre. Ioan. 12.

VERITAS PRACTICA.

Si forte times Mediatorem Christum, non ille timet alios mediatores.

Tot Ipse tibi exhibet, si velis, adhibendos, quot habet Sanctos.

RATIO quæ hoc unum, quod hic probandum est, probat, hæc est inter alias, quod Christus non timet, nec timendum docet alios adhibere mediatores, si propterea non desinat verus esse noster Mediator.

Sed quòd alios ad ipsum adhibeamus mediatores, non desinet verus esse noster Mediator.

Ergo nec Ipse timet, nec timendum docet, si alios ad Ipsum adhibeas mediatores: sicut isti Gentiles duos adhibuerunt Apostolos,

ita nomini, quod tam legitime possidet ut ipso se priuare non possit nomine; si quod reuera est, semper Christus manet Mediator Dei & hominum, quid est quod timeat alios sui consortes nominis quibus seipsum totum communicat & impartitur? Ita enim se immiscet nobis, inquit sanctus Paulinus, ac nos sibi conferit, ut quod Ipse accepit, nobis proficere faciat, qui quod nobis, id est, minimis eius tribuitur, sibi acceptum ferat. Sic & honori suo implicans suos, prope omnia nobis etiam nomina sua communicauit, ut virtus Dei dicitur: ita & nobis virtus esse dignatur.

Nescis ingratis nescis Christi Domini bonitatem qui negas eum velle quod bonitatis est maxime proprium, sese quantis potest modis effundere? Cur oleum effusum diceretur nomen eius? Cur dicerentur ascensuri Saluatores in montem Sion? Cur Ipse suos vocaret fratres quorum est Dominus? Nonne hæc sunt manifesta communicandi nominis argumenta, dum sacro eius nomini nullum fiat detrimentum?

II. PUNCTVM.

SED quid alios ad ipsum adhibeas mediatores, nihil de illius peribis nomine, nec esse desinet vnus ille Mediator Dei & hominum homo Christus Iesus, sicut ait Apostolus: 1. Tim. 2.

Tres enim sunt insignes differentie quibus præ cæteris ita est Christus Mediator, ut vnus esse dicatur. Prima est quod Christus sit mediator Redemptionis: Alij vero tantum Intercessionis. Sic enim Apostolus statim ad prædicta subjungit; qui dedit Redemptionem semetipsum pro omnibus. Sic se videlicet mediatorem inter Deum & homines exhibuit, dando semetipsum Deo pro hominibus, quod alij certe non faciunt, sed tantum orando, vel operando aliquid quod nobis applicant: & licet etiam semetipsos offerrent, non ij profecto sunt qui possent dare redemptionem semetipsos pro omnibus, sicut Christus homo Deus dedit, unde vnus hoc sensu iure merito dicitur mediator de quo apte sanctus Anselmus: Erant homines mortales & peccatores: Deus vero cui erant conciliandi ut possent saluari, immortalis erat & sine peccato. Mediator autem inter Deum & homines oportebat ut haberet aliquid simile Deo & aliquid simile hominibus; ne in vtroque hominibus similis longe esset à Deo, aut in vtroque Deo similis longe esset ab hominibus, & ita mediator non

offet. Ea ideo inter mortales peccatores. & immortalem iustum apparuit mortalibus cum hominibus, & iustus cum Deo. Sic etiam egregie Theodoretus; quemadmodum qui duos quissimam manibus inter se conferentes & confligentes vult reconciliare, se medium interponens, & hunc quidem dextra, illum vero sinistra tenens ad amicitiam deducit & coniungit, ita Ipse cum divinam naturam humanam unisset, inviolabilem & quam non potest dissolui, pacem conciliavit.

Secunda differentia est quod Christus per se & à seipso Mediator est omnium, non autem alij, qui non nisi per Ipsum, hanc participant dignitatem, & ita eam participant ut Ipso egeant mediatore Christo, per quem sicut ceteri hominum, Deo reconcilientur, omnes enim peccaverunt & egent Dei Gloria, Id est, Gratia quæ semen est gloriæ; Nec ipsa etiam Virgo mater, licet totius expers peccati, hoc à se habet ut sit mediatrix hominum, sed à Filio benefico qui nihil suum illi negat cuius habendi sit pura capax Creatura.

Tertia denique differentia quæ ex aliis profluit, Christus solus est Mediator principalis, immediatus & primarius; alij vero ministeriales, mediati & secundarij, ut ajunt sancti Patres, & cum Diuo Thoma Theologi. Præclare vero admodum sanctus Bernardus: Hic Christus Iesus mediator fidelis sicut in persona una, Dei hominibusque substantiam copulavit ineffabili Sacramento, sic & in ipsa reconciliatione, consilio usus altissimo, mediam non deseruit aequitatem, utrisque tribuens quod oportebat, Honorem Deo, homini miserationem. Hac enim optima inter offensum Dominum, & reum servum forma compositionis, ut nec honorandi Domini Zelo servus opprimatur auctiori sententia, nec rursus dum huic immoderatus condescenditur, ille debito fraudetur honore. Audi igitur & diligenter observa Angelicam in huius mediatoris ortu distributionem: Gloria, inquit, in altissimis Deo, & in terra pax hominibus bona voluntatis: Huius denique gratia observationis fidei Reconciliatori Christo nec timoris spiritus defuit quo Patri semper reverentiam exhiberet, semper ei deferret, semper gloriam eius quæreretur: nec spiritus Pietatis quo misericorditer compateretur hominibus: vnde & necessarium habuit spiritum quoque Scientia per quem timoris pariter & pietatis fieret distributio inconfusa. Et nota quod in primo illo parentum nostrorum peccato tres quidem auctores extiterunt: sed manifestè defuerunt tria tribus; Dico enim Evam, Diabolum, & Adam. Non habuit Eus scientiam qua ut ait Apostolus,

Cyril. l. 12.

Th. c. 10.

3. p. q. 26.

Serm. 2. de

Annunt.

secrarij, quorum videmur nobis quoddam corporis pignore patrocinium vendicare. Possunt pro peccatis rogare nostris, qui proprio sanguine etiam si quæ habuerunt peccata, lauerunt. Isti enim sunt Dei martyres, nostri praesules, speculatores vite æternæ nostrorum. Non erubescamus eos intercessores nostræ infirmitatis adhibere, quia ipsi infirmitatem corporis, etiam cum vincerent, cognouerunt.

Neque dicas, nihil opus esse istis, cum ex Diuo Bernardo supra relatum fuerit nihil esse nobis timendum in Christo qui frater noster esse voluit. Nam duplici certe de causa timere homo poterat accessum ad diuinam maiestatem: Prima quia homo, id est, pulvis & cinis, & primigenia peccati labe infectus. Secunda quæ est grauior, quod peccata peccatis addens se diuina prorsus reddat indignum benignitate. Quantum igitur ad primam spectat causam, non est quod homo timeat, cum Deus homo sit factus; quantum vero ad secundam, profecto est quod vereatur & paveat ut Idem sanctus ait Bernardus, iam supra in 2. parte in Felio Anuntiationis auditis: Quod & ipsum breuius his verbis repetit. *In omnibus siquidem & per omnia providens miseris, trepidationem nostram solatur, fidem excitat, spem roborat, diffidentiam abigit, erigit pusillanimitatem. Ad Patrem verebaris accedere, solo auditu territus ad solia fugiebas: Iesum tibi dedit Mediatorem. Quid non apud talem Patrem Filius talis obineat? Exaudietur utique pro reuerentia sua: Pater enim diligit filium. An verò trepidas & ad ipsum? frater tuus est, & caro tua, tentatus per omnia absq; peccato, ut misericors fieret. Hunc tibi fratrem Maria dedit. Sed forsitan & in ipso maiestatem vereare diuinam, quod licet factus sit homo, manserit tamen Deus. Advocatum habere vis & ad ipsum? Ad Mariam recurre. Puta siquidem humanitas in Maria, non modo pura ab omni contaminatione, sed & pura singularitate naturæ. Nec dubius dixerim, exaudietur & ipsa pro reuerentia sua. Exaudiet utiq; Matrem Filius, & exaudiet Filium Pater. Filioli, hæc peccatorum scala, hæc mea maxima fiducia est, hæc tota ratio spei meæ.*

Possesnetu dubitare, an idem possis dicere post talem tantumq; virum? si tanta S. Bernardi fiducia est in Beatissima Virgine, quamam erit, peccator, tu, nisi ad Illam recurras? tene Sanctiorem Sanctis reputes, tene securiorem columnis illis Ecclesiæ, tu virgultum leuissimum, tu arundo ventis omnibus agitata! Hoc de te si sentires, & quanto minus timeres, tanto tibi magis esset timendum. Vide supra dictam diem 25. Martij in 2. parte.



DOMINICA XXVII.

VEL XXVI, XXV, XXIV.

SECUNDVM REGVLAS DIVINI OFFICII,
VT SVpra EST MONITVM.

DE GRANO SINAPIS, ET FERMENTO FERMENTATO.

Vide in 1. parte. Dominica VI. post Epiphaniam.



HAC HEBDOMADA, reuersus iterum Ierosolymam Dominus, & ingressus in templum, ibi postremum Sermonem apud Iudæos habuit, in quo extremum malum illis impendens denuntiat, nempe priuationem tantarum quas hætenus habuerant Gratiarum, multis proinde in exemplum adductis parabolis, vnde Veritates eodem prorsus spectantes eruentur.

FERIA SECUNDA.

DE FICV MALEDICTA, ET EIECTIS

E TEMPLO VENDITORIBVS.

Jam non amplius in æternum, ex te fructum quisquam manducet. Marci II.

VERITAS PRACTICA.

Maledictus qui facit opus Domini fraudulenter.

Ier. 48.

Facit autem fraudulenter qui facit negligenter.

RATIO postremæ partis unde alia patebit euidentius, hæc est in primis quod fraudulenter facere aliquid est fictè ac simulate agere.

Sed qui negligenter facit opus Domini, sic fictè ac simulate agit.

Ergo & facit fraudulenter, & in expressam incurrit maledictionem.

L P V N C T V M.

ILLO ipso die quo triumphans, in urbem ingressus erat Dominus, cum iam vespera esset hora, inquit sanctus Marcus, exiit in Bethaniam cum duodecim. Et alia die cum exirent à Bethania, esuriit: cumque vidisset à longe ficum habentem folia, venit si quid forte inueniret in ea; & cum venisset ad eam, nihil inuenit præter folia, non enim erat tempus ficorum. Et respondens dixit ei, iam non amplius in æternum ex te fructum quisquam manducet. Et audiebant discipuli eius. Et veniunt Ierosolymam. Et cum introisset in templum capit ejicere vendentes & ementes in templo, & mensas numulariorum, & cathedras vendentium columbas euertit: & non sinebat ut quisquam transferret vas per templum, & docebat dicens eis, Nonne scriptum est, quia domus mea, domus orationis vocabitur omnibus Gentibus? vos autem fecistis eam speluncam latronum!

De hac vendentium & ementium ejectione dubitatur an pridie vel hac die, facta fuerit. De ficulnea vero, quantum ad factum, nulla superest quæstio nisi quod sanctus Matthæus addit, arfactam esse continuò ficulneam: Sanctus autem Marcus, aridam factam à radicibus, Vnde post sanctus Petrus Domino dixit: ecce ficus cui maledixisti, aruit.

Sed cur tanta in arborem seueritas cum vel maximè fructum

O o o o ij

ferendi tempus nondum adesset? Respondent omnes Patres hæc esse mystica, figurata, & quæ aliquid aliud significant quàm quod exhibent. Nam licet etiam tempus ferendi fructus esset, cum tamen sciret Christus, nullum in arbore fructum esse, cur eam adiunxisset nisi quid aliud adumbrasset? Volebat igitur Dominus maledicens arbori, suis demonstrare discipulis quàm sibi esset facile sibi aduersantes punire si vellet; Cum enim multa eius bonitatis in Iudæos signa vidissent, nulla vero seueritatis & iustitiæ, dubitare quodammodo poterant an si vellet, posset: vel potius licet posset, an tamen vellet aliquando illos punire. At ne dubitent, ecce quid possit, ecce quid velit, ecce quid aliquando sit facturus non tantum in Iudæos, sed in eos omnes qui multis acceptis gratiis ut multos fructus ferrent, non sunt vti, nihilque frugiferum retulerunt. Veniet aliquando tempus illud quo inquirat ab eis fructum, quem cum minime repererit, sic maledicentur, sic arefient, & sic ferendi deinceps fructus erunt incapaces, sicut ista quam vident maledicta ficus. Quod quidem supplicium tanto certius illis infrugiferis mentibus tuturum est, quanto magis nocentes sunt quàm ista ficus, quæ si fructum non retulit, non est mirum cum non esset tempus fructuum: At vero Gratiarum dissipatores non nisi tempore frugis reddendæ repetuntur, quam si non reddant, in culpa sunt; & culpam haud dubie poena sequetur. Nam si vel innocens arbor infrugifera punita est, quantò magis illi nocentes? Sicut autem arboris poena fuit, arefcere, nec vllum deinceps posse fructum ferre, sic illi quibus abusi sunt gratiis deferentur, & qui cum facile poterant, noluerunt; non ita poterunt quando volent.

Sed neque in externis suis negotiis sceliciores sibi promittant exitus, nihil illis prosperum stabit, quin potius cuncta illorum consilia, vota, negotia disturbabuntur, euerrentur & corruent: sicut enim Dei opus deseruerunt aut non nisi negligenter egerunt, ita deferentur à Deo suis in operibus & desideris. Quod figuratum etiam & adumbratum voluit Dominus in illis Emptoribus & Venditoribus, quos eiecit è templo, atque illorum mensas & merces evertit; quasi aperta voce diceret, sic evertentur rerum diuinatum contemptores, sic fraudulentis & negligentes in opere Domini, Dominum sentient sibi aduersantem.

Hoc est videlicet quod ante pridem per celebri ferebatur Pro-

pheta sententiâ, quam modo considerandum proponimus: *Maledictus qui facit opus Domini fraudulenter seu negligenter*: quod enim Hebræa dicunt *fraudulenter*, hoc ipsum græcè Septuaginta Interpretes reddiderunt *negligenter*: nec sine diuino prorsus consilio sic factum est, vt idem vnum, duabus hisce vocibus exprimeretur, quarum alteram altera longè clariorem facit. Quid enim esset opus Domini fraudulenter facere vix caperemus nisi diceretur hoc idem esse quod negligenter. At quale quantumcumque crimen esset, opus Domini negligenter facere, non tam euidenter intelligeretur quàm cum dicitur hoc ipsum esse quod fraudulenter. Cum huius itaque Considerationis Practicæ finis & fructus sit cauere negligentiam illam in opere Domini quæ diuinæ maledictioni subiaceret, non potest melius proponi quantopere sit cauenda, & quantæ maledictioni subiaceat quàm cum demonstratur negligentiam esse meram fraudem; nec minùs esse coram Deo negligenter eius opus operari, quam fraudulenter. Quis hoc enim crimen, & ipsum fraudulenti nomen non detesteretur?

Sic autem idem esse demonstratur: Nam quid est fraudulenter facere aliquid, nisi hoc idem quod fiste ac simulate? Quod certe non potest aptius declarari quàm ex illo infideli facto cuius causa Ieremias nobilem hanc quam versamus sententiam protulit. Cum nempe Chaldaïs iussisset Dominus per Ieremiam vt bellum inferrèt Moabitis, recusarentq; Chaldaei se in hanc dare pugnam, vrgentur illi acrius à Propheta: & tandem diuinis comminationibus excitantur ad arma quidem capienda contra Moab, sed non ad serio concertandum. Conueniunt ex vtraque parte hostes vt bellum indicetur, sed non geratur. Instruunt Chaldaei aciem, parant se Moabitæ ad pugnam, sed neutri pugnant nisi pugna ludicra & collusoria, nisi pugna fista & simulata, non seria, non hostili, non cruenta. Quamobrem contrà Ieremias, contra Chaldaeos instat vehementius; *Et maledictus, inquit, qui facit opus Domini fraudulenter, & maledictus qui prohibet gladium suum à sanguine*. Vocat opus Domini, bellum contra Moabitas imperatum à Domino, hoc opus dicit fieri fraudulenter, id est, fiste & simulate prohibendo gladium à sanguine, quasi qui vellent Deum aut Prophetam fallere, quasi qui vellent bellum gerere quod tamen nolunt.

Sic in sacris dicuntur Prouerbiis, *consilia impiorum fraudulenta*: Prou. 12. & *fraudulenta oscula odientis*, id est, fista & simulata. Quod egre Ibid. 27.

Ef. 32. gie Prophetæ Isaias neque minus claris quàm his fufis declarat verbis: *stultus enim fatua loquetur, & cor eius faciet iniquitatem ut perficiat simulationem, & loquatur ad Dominum fraudulenter, & vanam faciat animam esurientis, & potum sitienti auferat. Fraudulenti vasa pessima sunt, Ipse enim cogitationes concinnauit ad perdendos mites in sermone mendaci, cum loqueretur pauper iudicium.*

Videsne quid sit agere fraudulenter, & quàm sit impium, quando præsertim in opere Domini sic fecte agitur & simulate?

Act. 5. Anania, cur tentauit Satanas cor tuum, mentiri te Spiritui sancto, & fraudare de pretio agri?

II. P V N C T V M:

S E D qui negligenter facit opus Domini, sic fecte & simulate agit. Tria hic expendi possent; Primum quid sit opus Domini. Secundum quid negligenter facere. Tertium, quod sic consequenter fecte agatur. De primo, cum quidquid sit propter Deum, dici possit opus Domini, & cum quidquid facimus, non nisi propter Deum fieri debeat, sic profecto quidquid agimus dicetur opus Dei. Sed illa tamen quæ vel ad pietatem & cultum Dei, vel ad salutem animarum tum propriæ, tum proximorum, propius spectant, singulari quodam modo dicuntur opus Domini, quia directius & purius in illis operibus Dei Honor & Gloria solet intendi. Sic Apostolus de suo Timotheo scribens Corinthiis, *Videte, inquit, ut sine timore sit apud vos: opus enim Domini operatur, sicut & ego. Tum verò expressius eidem Timotheo, Exerce, inquit, te ipsum ad pietatem: Nam, corporalis exercitatio ad modicum utilis est, pietas autem ad omnia utilis est, promissionem habens vite quæ nunc est & futura. Fidelis sermo & omni acceptione dignus. In hoc enim laboramus & maledicimur quia speramus in Deum vivum. Et paucis interjectis: Attende lectioni, exhortationi, & doctrina. Hac meditare, in his esto, ut profectus tuus manifestus sit omnibus. Attende tibi & doctrina, insta in illis: Hoc enim faciens, & te ipsum saluum facies, & eos qui te audiunt.*

Hoc est scilicet opus quod præ cæteris operibus opus Domini meritò nuncupetur. Hoc est opus ad quod operandum maxime creati sumus & redempti. Hoc est opus quod vnicum Christus Dominus in terris est operatus, Hoc est opus in quo præcipue nobiscum Dominus operatur, & in quo maxime cum Christo nobis est

laborandum. Hoc est denique diuinum opus in quo decertandum est cum Christi hostibus. Vnde si bellum contra Moabitas imperatum dicitur opus Domini, cur non ita dicatur bellum illud quod imperatur in meditando & concionando, vel quiduis tale opus in quo bellum geritur contra Dæmones, contra mundum, & contra carnem, qui non minus sunt hostes Domini quàm Moabita?

Sed cauenda hic maxime negligentia, quod secundum est explicandum, & quod tribus modis potest intelligi. Primo ante ipsum opus, vel remotè vel proxime. Remote quidem cum in ipso totius vitæ decursu, negliguntur ea vel non satis diligenter curantur quæ Meditationi seu Prædicationi Euangelicæ forent vsui, de quibus dicebat Apostolus: *Attende lectioni & doctrinæ.* Tum vero proximè negligentes illi censentur qui sacra illa sapientum monita negligunt, *Hominis est animam præparare.* PRAEPARA fo. 16.
vis opus tuum, & diligenter exerce agrum tuum, ut postea ædifices domum tuam. 16. 27. ANTE orationem præpara animam tuam: & noli esse Eccl. 18.
quasi homo qui tentat Deum. OPERAMINI opus vestrum ante 16. 51.
tempus, & dabit vobis mercedem vestram in tempore suo.

Deinde autem in ipso dicuntur negligentes opere, qui quod agendum est non agunt fideliter, qui meditando non pugnant fortiter contra hostes, qui seipsos non suscipiunt debellandos, qui naturales concupiscentias circa vanos mundi honores, vel vitæ temporalis commoda non tam constanter quotidie aggrediuntur, quàm opus esset ut eas euellant & destruant, & dissipent & dissipent, & post ædificent & plantent. 1er. 1.
Qui magis placita populo quam salubria prædicant, qui Domino dicente ad Impium, *morieris, non annuntiant eam; neque loquuntur ut auertatur à via sua impia & viuat.* Ezech. 3 33.
Qui sunt speculatores cæci: qui sunt canes muti non valentes latrare, videntes vania, dormientes, & amantes somnia. 1f. 36.
Sunt hi scilicet in ipso Domini opere negligentes, quantumcumque aliter sibi videantur laborare, quia non agunt quod præsertim agendum est.

Post ipsum denique opus, non caret vitio qui caret vigilantia reflexione, vel in opus quod egit ut illud ad examen vocet an recte peractum fuerit; vel in ea quæ sequuntur agenda cum sibi tum aliis, pro vario rerum occurrentium statu, ut honestè omnia & se- 1. Cor. 14.
cundum ordinem fiant.

In his itaque tribus temporis differentiis qui parum seculi infansue solliciti fuerint, dici debent opus Domini facere negligenter; atque ex consequenti quod Tertium & postremum est hic enodandum dicuntur *fictè & simulate agere*, quia se prorsus eodem gerunt modo circa bellum contra spirituales nequitias suscipiendum, quo Chaldaei contra Moabitas. Educunt quodammodo suas in aciem copias nec tamen dimicant; meditantur, & prædicant, meditando etiam & prædicando vident quid sibi vel aliis agendum esset, nec tamen agunt aut serio agere statuunt. Diceret quasi ex condito conuenisse cum suis concupiscentiis ut eas quidem prouocarent ad pugnam, nec tamen contra pugnarent. Quid enim meditantur aut prædicant nisi quod Christus dixit & fecit? Quid autem aliud dixit aut fecit quam ut nosmetipsos abnegantes nostram post ipsum crucem tolleremus, quod est proprias concupiscentias debellare? At verò dum in hoc opere Domini negligentes sunt, dum id meditando vel prædicando non serio, non planè, non omnino concludunt; quid aliud dicas eos agere quàm *fictè & simulate agere*, quàm non id agere quod se fingunt & simulant agere? Dum meditantur & prædicant, videntur quidem agere: sed dum meditando ac prædicando negligentes sunt, nec tum illud agunt quod agendum esset; nonne totum quod agunt fictum est & simulatum? Nonne hoc ipsum est quod ait Apostolus, *sic pugnare quasi aërem verberando*? Non sic verò ille non sic Apostolus, *sed castigo*, inquit, *corpus meum & in seruitutem redigo*, quasi diceret, non *fictè & simulate* pugno sicut illi qui solum aërem verberant, sed serio sed ex animo, sed verè ac re ipsa, quoniam castigo corpus meum & in seruitutem redigo, ut caro subiaciatur Spiritui, & Spiritus Christo Domino; quæ verè & Christiana est pugna quam pugnare iubemur, aut quam nisi pugnemus, negamus agere quod iubemur, vel simulamus agere.

III. PUNCTVM:

FACIT igitur opus Domini fraudulentè qui facit negligenter, quia facit *fictè & simulate*. Quia verò sic *fictè* agit in re tam seria, quale est opus Domini, qualis est meditatio, vel prædicatio; propterea iure merito *maledictus* dicitur, & aptè comparatur illi maledictæ ficui quæ habebat tantum folia non autem fructus.

Arefecit

Creavit Dominus arborem maledictam, inquit Beda, ut homines hac *Hom. 7. in Quadrage-*
videntes sine audientes, multo magis intelligerent se diuino condemnandos esse iudicio, si absque operum fructu, de plausu tantum sibi religiosi sermonis velut de sonitu & tegumento blandirentur viridantium foliorum.

Mirum quidem videri potuisset sic negligentiam maledici, eum non videretur tale crimen quod ita puniretur; Sed cum intelligitur nihil minus esse quam dolum & fraudulentiam, non tam mira videri debet poena negligentiae, quam culpa negligentis. Quid enim magis execrandum quam fraudulentum & dolose cum Deo agere? Sic praeclare Sapiens dum grauioris cuiusdam supplicij diuinitus cuidam illati rationem reddit: *Quoniam, inquit, accepisti malignè ad Dominum; cor tuum plenum est dolo & fallacia!* *Ecclesi. 12.*

O si hæc intelligerent qui sacra meditantur & prædicant Evangelia, si cogitarent se dolosos illos & fallaces esse, si sint in opere Domini negligentes, nisi serio secum & cum illis quibuscum agunt, contra vitiosas pugnent concupiscentias; Nonne acrius ad hoc sacrum bellum inflammarentur? Bellum illud est de quo dicitur, *bellum Domini eris contra Amalec à generatione in generationem,* *Exodi 17.*
 Id est, semper pugnandum contra semper rebellantes naturæ corruptæ morus. Et quoniam huius pugna nobilior exercitatio fit meditando & prædicando, sic eò semper dirigi debet meditatio ut quomodo semper sit pugnandum, doceat, aptet, informet. Sibi hæc dicta putet quisquis verbum Domini mente vel ore sit tractaturus: *Vade & percuti Amalec, & demolire vniuersa eius, non parcas ei, & non concupisces ipsius aliquid, sed interfice à viro usque ad mulierem, & paruulum atque lactentem, bonem & ouem, camelum & asinum.* *1. Reg. 15.*
 Quæ postquam omnia suo more sanctus Gregorius in moralem traduxit sensum, sic concludit: *omnia igitur Amalec demoliri iubentur, quia qui castè proponunt viuere, de blandimento carnis in se aliquid retinere non debent. In carne quidem esse debent, ut bona per carnem agant, sed sic debent à carnis voluptate per mentis subtilitatem discedere, ut contumelias de carne non tolerant.*

Quam malè autem cesserit Sauli & populo, quod quæ pulchriora erant Amalec, reseruauit: habetur in eodem scripturæ textu, quem Idem sanctus Doctor fusè in rem nostram exponit; & ipsa satis aperte patet funesto Saulis exitu quem ut alibi est obseruatum Amalecita reseruatus interfecit. Sic plane, quod meditando ne-

gliges oppugnare vitium, te in conflictu expugnabit.

3. parte,
num. 26.

Nec minus apta sunt & opportuna quæ de cauenda in prædicando negligentia Diuinus ille Præco & Pontifex in Pastoralis refert: *Si medicinalis*, inquit, *artis minimè ignari, secundum vulnus cernerent, & tamen secare recusarent, profecto peccatum fraternæ mortis ex solo torpore committerent. Quanta ergo culpa inuoluantur, aspiciant qui dum cognoscunt vulnera mentium, curare negligunt ea, sectione verborum. Vnde & benè per Prophetam dicitur: Maledictus qui prohibet Gladium suum à sanguine. Gladium quippe à sanguine prohibere est Prædicationis verbum à carnalis vitæ interfectione retinere, de quo rursus Gladio dicitur, Et Gladius meus deuorabit carnes. Tum post multa, in illud Moïsis: Si quis Domini est, iungatur mecum. Ponat vir Gladium super femur suum: Si ergo, inquit, ille Dei dicitur qui ad ferienda vitia Zelo diuini amoris excitatur: profecto esse se Dei denegat qui in quantum sufficit, increpare vitam carnalium recusat.*

Exodi 31.

Vide in 3. p. Sabbato Hebdom. vndecimæ: Nec non in fine eiusdem partis, vbi ad Renouationem Votorum, Parabola de arbore fici plantata in vinea, nec ferente fructum, exponitur.



FERIA TERTIA.

PARABOLA DE DVOBVS FILIIS A PATRE IN VINEAM IRE IVSSIS.

Quis ex duobus fecit voluntatem Patris?

VERITAS PRACTICA.

Licet non facias semper quod proponis, semper est tamen proponendum quod facias.

RATIO EST euidens, Quia licet non facias aliquod boni generis, non est idcirco aliud omittendum.

Licet non facias semper quod proponis, semper est, &c. 667

Sed si non semper proponeres quod facias, tu omitteres aliquod boni genus, quia non facis aliud.

Ergo licet non facias semper quod proponis, semper est tamen proponendum quod facias.

I. P V N C T V M.

DV M Iudæos in Templo doceret Dominus, hæc inter alia quæ perfidiam eorum fidem demonstrarent, proponebat: *Homo quidam habebat duos filios, & accedens ad primum dixit, fili, vade, hodie operare in vineam meam. Ille autem respondens ait: Nolo. Postea autem pœnitentia motus, abiit. Accedens autem ad alterum dixit similiter. At ille respondens ait: Eo Domine, & non iuit. Quis ex duobus fecit voluntatem Patris? Dicunt ei, primus. Tum verò Dominus responsum eorum in ipsos retorquens, ostendit illos esse similes huic secundo qui non fecit quod proposuit: Publicanos vero & alios peccatores conuersos siue ex Gentilibus ad fidem, siue ex Iudæis ad meliorem frugem, esse velut illum primum qui licet nihil boni se facturum promitteret, fecit tamen, & hoc suo facto sese magis obedientem præstitit & longè magis laudabilem.*

Quæ vt nobis fructuosius applicemus, obserua in vtroque hoc filio esse simul aliquid boni & aliquid mali. Nempe in primo malum est quod dixit, Nolo ire: bonum vero, quod iuit. In secundo autem, bonum est quod promisit, malum vero quod promissis non stetit. Quibus quidem vtriusque status incommodis quæ nobis etiam nimis sunt communia, facile esset remedium adhibere, si & diceremus nos facturos, & faceremus quod dicimus: Sed cum multi proponant nec tamen faciant quod proponunt, licet retineant semper bonam boni faciendi voluntatem, videretur illis aliquando satius esse non proponere quod faciant, quàm non facere quod proposuerunt.

At vero errant & contrà est Veritas quæ modo expendatur: *Licet non facias semper quod proponis, semper est tamen proponendum quid facias.*

Neque est opus longo discursu ad explanandam Veritatem: quid enim notius quàm quod licet non facias aliquod boni genus, non sit tamen aliud omittendum? *Nec enim omnia possunt esse in Ecclesi. 17.*

Pppp ij

hominibus, inquit Sapiens, *Quid lucidius sole? & hic deficiet.* Tamen si vero in te illa esse possent in quibus deficiis, quid stultius quàm si quod boni genus deficiat, tum & aliud idcirco velis deficere: quasi qui post iacturam aliquam vellet aliud sibi damnum adjicere, quod Impatientis est vitium & detrimentum, vt ait Sapiens: *qui impatiens est sustinebit damnum, & cum rapuerit, aliud apponet.* Vnde & Idem de eodem; *Impatiens, inquit, operabitur stultitiam.* Et rursum paulò post, *qui impatiens est exaltat stultitiam suam.* Nam profecto qui sapit, si quo in genere boni deficit, cogitat potius de damno refarciendo per aliquod aliud boni genus, quàm de malo augendo per nouum boni defectum. *Fili, peccasti? non adjicias iterum, sed & de pristinis deprecare vt tibi dimittantur.*

Pr. 12.
Ibid. 14.
Ecclesi. 21.

I L P V N C T V M.

SED si non semper proponeres quod facias, tu omitteres aliquod boni genus quia non facis aliud.

Omitteres enim proponere, quod cum seriò fit, id est, cum vera & sincera faciendi quod proponis voluntate, quoddam est boni genus valde laudabile, licet postea non actu fiat quod proponis, & licet tua culpa sit quod non fiat. Nam dum ita proponis, non modò bonam boni faciendi voluntatem concipis, sed conceptam probas, corroboras, & tunc saltem in internum formas effectum.

Deinde, non ita facile raperis in oppositum bono proposito vitium quàm si nullo modo firmasses animum in illo bono præstando; Nam vt optime Vir pius ait, *quod si fortiter proponens saepe deficit, quid ille qui raro aut minus fixè aliquid proponit?*

Ex. de imit.
Chr. c. 19.

Tertiò, licet deficias, defectus saepe non est ita voluntarius ac si contrà nihil statuisses, repentinus forsan est motus, forsan iniecta grauis tentatio, forsan humana quædam infirmitas, aut quid simile non præuisum, irrepens & sese insinuans in animum: quod certe malum est, sed non ita voluntarium quàm si plenè aduerteres & liber esses sicut cum antè contra malum illud statueras te facturum. Sic nempe multis sapius accidit quod aiebat Apostolus, *non quod volo bonum, hoc ago: sed quod odi malum, illud facio;* quo in facto licet nonnulla intercederet culpa, non ita tamen grauis esset, ac si non esset oppositus animi status quem illa declarant verba, & quem ea quæ vocantur bona proposita quotidie magis

Rom. 7.

ac magis stabiliunt.

Denique, licet cadas, resurgis tamen velocius, cum cecidisti contra propositum. Statim enim ut illecebra peccandi desit, recurrit animo quod proposueras, siue bonum agendum, siue malum euitandum; & siue alterum omiseris, siue alterum commiseris, ibi statim præter admissam culpam, agnoscitur mentis inconstantia, tum mens ipsa confunditur, erubescit, compungitur, respiscit, & sanior sæpe à culpa resurgit quam si non cecidisset. Hinc apte Sapiens: *sepius cadit Iustus & resurgit*: id est, quotiescumque Prov. 24: cadet, toties resurget, & nihil illi casus oberit quin potius inde proficiet, unde illud frequentissimum sancti Gregorij: *Electorum* 2. Mor. 24: *corda ad se semper sollicitè redeunt & semetipsa grauitè vel pro leui motu excessionis affligunt, & dum mota discunt quomodo stare debuerint, aliquando melius concussa solidantur.*

Iam verò nonne hoc est maximi boni genus sic rarius cadere & velocius atque etiam foelicius resurgere? Nonne hoc autem te priuare bono si non semper proponeres, cum ex frequentatis bonis propositis bonum illud emanet?

III. P V N C T V M.

LICET ergo non semper facias quod proponis, semper est tamen proponendum quod facias; Nam etsi pecces non faciendo quod proposueras, non idcirco tamen peccasti quia proposueras non peccare, nam vel frequentius vel grauius forte peccasses, si nulum antecessisset bonum propositum. Et esto quacumque de causa peccaueris, nonne resurgendum? *Numquid qui cadit non resurget, & qui auersus est, non reuertetur?* 1. Cor. 8: At vero resurgenti nonne necesse est renouare mentem, & obfirmare animum contra peccatum? nonne necesse est conteri de peccato? nonne Contritio nouum includit quod vocamus bonum propositum? Nonne sic expressè Tridentinum: *Contritio est animi dolor ac detestatio de peccato commisso*, Sess. 14. c. 4. **CVM PROPOSITO NON PECCANDI DE CAETERO.** Nonne qui hoc propositum omitteret, non diceretur conteri?

Denique si quoties peccatur, toties est resurgendum; si nemo resurgit à peccato nisi conteratur: si nemo conteritur nisi cum proposito non peccandi, Vide etiam atque etiam quid inde sit concludendum, nempe toties repetenda esse bona proposita,

quoties peccaueris. Tantum abest ut post peccatum desistas à proponendo quod facias, quin potius quia peccasti, proponendum; quia statim à peccato resurgendum, quia poenitendum, quia con-
 terendum; quæ nulla prorsus hæc sunt nisi proponas. Ego dixi in
 29. abundantia mea, non mouebo in æternum. DIXI confitebor aduersum
 31. me iniustitiam meam Domino. DIXI, custodiam vias meas ut non de-
 58. linquam in lingua mea. DIXI, nunc capi. Quid sunt ista nisi quoti-
 76. die vel etiam sæpius renouantis & meliora semper proponentis consilia?

Vide in 1. parte, die 25. Ianuarij, In Conuersione S. Pauli Apo-
 stoli, vbi hæc Veritas declaratur:

Sicut frequenter dicendum cum Dauide: *Dixi nunc capi:*
 sic simul cum Apostolo, *Domine, quid me vis facere.*

L. I. c. 19. Nec omittendum ex Imitatione Christi, tam opportunum Mo-
 nitum: *Omni die, inquit, renouare debemus propositum nostrum, & ad
 fernorem nos excitare: quasi hodie primum ad conuersionem venissemus,
 atque dicere, Adiua me Domine Deus in bono proposito, & sancto
 seruitio tuo: & da mihi nunc hodie perfecte incipere, quia nihil est quod
 hæcenus feci.*

AD stabiliendam verò firmitus mentem in promissis Deo factis,
 conjungi posset præcedenti, vel separatim proponi hæc alia Ve-
 ritas.

Quàm pudendum tibi esset, si quod promittis homini
 non solueres, tam impudenter agis si quod promit-
 tis Deo non exoluas.

RATIO EST, Quia ubi est maior ratio promissi exoluendi;
 siue quod idem est, ubi est major pudendi ratio si promissum
 non solueres, tam impudenter agis si non soluas.

Sed si quid promittis Deo, major est ratio promissi exoluendi, seu
 major est pudendi ratio si non soluas, quàm si quod promissum
 homini non exoluas.

Quàm pudendum tibi esset, si quod promittis homini, &c. 671

Ergo quàm pudendum tibi esset si quod promittis homini non solueres, tam impudenter agis si quod promittis Deo non exoluas.

I. P V N C T V M.

NE simus similes isti perfido Filio qui iussus à Patre in vineam ire, respondit, *Eo Domine, & non iuit*, multum confirmandi sumus in promissis adimplendis quæ Deo facimus. Nihil est autem quod nos facilius in id officij persoluendum adducat quàm consideratio fidelitatis quæ seruari solet inter homines qui sibi aliquid repromittunt. Vix enim vllus est qui non putet nomini suo non paruam inferri notam & iniuriam si sine legitima causa, promisso & fidei datæ non respondeat. Nimis enlm probrosa est & quam vocant honesto viro non ferenda prorsus hæc iniuria quæ nomen eius statim insequitur qui datam non seruat fidem, *Homo nullius fidei, Homo cui nullus tuto fidat; Homo perfidus & infidelis*. Quis has infames tibi accersat voces? quem non pudeat sic maledici, sic infamari?

Quamobrem vt inde ad promissa Deo facta non minori fidelitate ac animo seruanda excitemur, Videtur peropportuna hæc Veritas, quæ modò diligenter expendatur: *Quàm pudendum tibi esset si quod promittis homini non solueres, tam impudenter agis, si quod promittis Deo non exoluas.*

Nam quid est agere impudenter apud aliquem vel in quouis negotio, nisi pudorem illum exuere quem naturalis verecundia solet ita in nobis excitare vt homo verecundus non audeat quidquam loqui vel agere quod honesto repugnet, quod personam dedeeat, quod vel loco vel tempori non conueniat? Quid porro magis esse impudentem quàm eo loco vel tempore vel negotio talern esse, quo minùs esse oportebat, quo maior erat seruandi pudoris ratio? *Canes impudentissimi nescierunt saturitatem*; Hi nempe de quibus Propheta loquitur cum latrare & seruandis inuigilare deberent domesticis, tunc sibi saturandis vacabant; hoc erat esse impudentissimos. 15. 56.

Sic prorsus ad rem nostram, cum ita sit à natura comparatum vt nos pudeat si fidem homini datam non seruemus; profecto non potest non esse impudentis & inuerecundi hominis quem tunc

Dent. 32.

Luc. 9.

non pœniteat si fidem fallat, & quo maior erat pudendi ratio, sem quo maior erat obligatio fidei data: seruandæ, quæ tamen perfidie & malignè est violata, tanto ille impudentius agere dicendus est qui promissa non exoluit & datam rupit fidem. *Generatio peruersa est & infideles filij! O generatio infidelis & peruersa, usquequo era apud vos, & patiar vos?*

II. PUNCTVM.

SED si quid promittis Deo, maior est ratio promissi exoluendi, sem maior est pudendi ratio, si non soluas, quam si quid promissum homini non exoluas.

Nam quæcumque ratio pro fide seruanda inter homines afferatur siue ex natura ipsius promissionis datæ & acceptæ, quæ talis est vt obligetur promittens se daturum quod promittit, neque nisi legitime possit à promissione resilire, vt passim docent Iuris & Casuum Interpretes: siue id à virtute fidelitatis procedat quæ sic seruari debet in humano consortio, vt vix vlla esset hominum associatio nisi fidelitas seruaretur: siue ex alijs commodis aut incommodis quæ inde plurima recensentur; Quidquid denique proferri possit, longe magis valet pro soluendis Deo promissis. Nam res de quibus agitur inter Deum & homines sunt longè majoris momenti. Personæ illæ diuinæ cum quibus homo rem habet, sunt longe præstantiores. Fidelitas quæ debetur Deo longe magis obstringit promittentem vel sese offerentem. Quidquid inde commodi vel incommodi sequitur longe est ponderosius quàm quidquid creata omnia creare nobis possint. Quale putas enim illud esse, vel quanto interesse putas interuallo, si quis apud Deum aut fidelis aut infidelis reperiatur? Nonne audiuiisti quod ait Sapiens in infidelis viri derisum: *Nubes & ventus & pluvia non sequentes, sic vir Gloriosus & promissa non cõplens*. Nonne quod Idem de Deo alibi docet expressius: *Displicet Ei infidelis & stulta promissio*. De fideli autem seruo quàm sit ipsi carus & acceptus tam multa passim occurrunt vt vni fidelitati cetera quodammodo videantur subijci & seruire.

Prov. 25.

Eccl. 1.

Psalm. 25.

Serue bone & fidelis intra in Gaudium Domini tui.
Et certe si tollis fidelitatem in promissis Deo factis, qualis erit tandem tota nostra Religio? qualis nostra pœnitentia? qualis oratio? qualis nostra publica vel priuata Pietas quæ tota vel in no-

stris

stris Deo dandis, vel in diuinis acceptandis promissis ponitur? Nonne ridicula & quasi ioco dicta erunt nostra omnia, si facta dictis non conformentur? Itane Deus verbis & labiis colitur, non autem corde & factis? Itane deludentur quæ tam seuerè præcepit ad integram promissorum fidem? *Quod semel, inquit, egressum est* Dent. 23. *de labiis tuis, obseruabis; & facies sicut promissisti Domino Deo tuo, & propria voluntate, & ore tuo loquimur es.* An quando promissisti, sic reuera volebas agere, vel nolebas? Si nolebas, nonne Deum latere aut deridere te putas? Si reuera volebas, quid te ab illa voluntate dimouit, nisi Caro & sanguis quæ si Deo comparentur, Vide quam iniuriam Deo facias cui quod in humanis infirmius & indignius est audes præferre!

Nec dicas, non esse votum, nec te ita fidem obstrinxisse promittendo ut te obligatum propterea crederes: Nam etsi hoc verum esse potest in quibusdam casibus ut in orando, vel in quopiam simili opere, quod vocant supererogatorium; operando: non ita tamen est in his quæ ut plurimum promittendo complectimur; sunt enim per se suo modo iam debita; Etiam si non promitteres te futurum humilem, patientem, castum ac benignum, nonne id iam debes? nonne si quid horum promittis, duplici hoc debes nomine, tum ratione rei iam debita, tum ratione promissionis quam de re ipsa danda Deo facis? Quod certe nil tale est in promissis homini factis quæ tales ordinarie non includunt res debitas, sed vel gratuitas, vel reciprocas, vel neglectas; Vnde illud evidens est quod habet propositio, quod si quid promittis Deo, maior est ratio promissi exoluentis, seu maior est pudendi ratio, si non illud soluas quam si quod promissum homini non exolueres. *Non est mentis* Act. 5. *titus hominibus, sed Deo.*

III. PUNCTVM.

QUAM pudendum igitur tibi esset si quod promittis homini non solueres, tam impudenter agis si quod promittis Deo non exoluas. Cur enim te puderet coram hominibus, aut cur non ita pudendum tibi videatur coram Deo, nisi quia non vides Deum, aut non cogitas te ab eo videri, vel quod eius de te iudicium non ita reuereris sicut humanum iudicium? Itane verò de Deo sentis? At nonne hoc pudendum est, ita de Deo ac de diuinis sentire ut minus apud te va-

leant quàm humana? quid magis potens ad diuinam in te prouocandam Iustitiam quàm sic illam conculcare? aut quid magis alienum à diuina bonitate quàm reluctet in promissis à Deo tibi factis? Itane putes illum suis in te promissis esse obstrictum, te vero tuis in ipsum non credas obligatum? quod promissit se daturum sic se daturum profecto voluit, nec se à volendo vel dando reuocabit,

2. Cor. 13.

1. Ion. 10.

2. Tim. 2.

Non est Deus quasi homo ut mentiatur, nec ut filius hominis ut mutetur. Dixit ergo & non faciet, locutus est & non implebit? NON potest solui Scriptura. ILLI FIDELIS permanet, negare seipsum non potest. Quantum in se est videlicet, quantum adiecta condicio promissionis facta subsistet. Promissit regnum Cœlorum, sed violentis sed vim sibi facientibus. Promissit peccatorum veniam, sed vere poenitentibus non autem aliis. Promissit misericordiam, sed misererenti, sed misericordiam facienti. Vnde tu nisi vim tibi facias vel nisi te poeniteat, & nisi aliorum misereat, quod sæpe promissisti te facturum: an putas illum suis se obstrictum promissis? Quid ergo speras nisi tu & ipse tuis te astringas? quid vero damni si nil ab illo speres?

Videsne quò res deuoluatur? & quantum insit periculi, quantum momenti, quantumue ponderis in promissis Deo factis exoluendis: Atque adeo si quid nos mouet humanitùs ad fidem liberandam datam hominibus, illo ipso magis accendamus ad fidem Deo datam exoluendam. Sic Scriptura de utroque simul promissionis genere: *si sponderis pro amico tuo, illaqueatus es verbis oris tui, & captus propriis sermonibus, incidisti in manum proximi tui: discurre, festina, temetipsum libera.* Et rursum: *Ne ponas scandalum in aequitate tua. Id est, ne te infamem reddas, & ne propterea scandalum parias, quod sis iniquæ fidei.* Si quid rogaveris ab aliquo contra fidem & promissionem alteri datam, nonne responderes te non posse, te fidem obligasse; te teneri verbo & promisso? Sic loquere de tuis Deo factis & toties repetitis promissis, *Aperiui os meum ad Dominum, & aliud facere non potero. NON enim possumus aliquid aduersus Veritatem, sed pro Veritate.* Sic loquendum, sic agendum. Vide in 1. parte, Fer. 3. Hebdom. primæ in Aduentu, vbi hæc Veritas exhibetur:

Psalm. 6.

Eccl. 7.

Isa. 11.

2. Cor. 13.

Quam in se attrahit gratiam qui se Deo libens offert, eandem sibi detrahit qui quod offert non reddit.



FERIA QVARTA.

PARABOLA DE VINEA LOCATA

MALIS AGRICOLIS, QUI NEGATO FRUCTU

SERVOS ET FILIUM DOMINI SUI

OCCIDERUNT.

Insignis est ista parabola & in quatuor partes posset eius *Tr*atio diuidi. Prima est, de vinea suis omnibus partibus absoluta & locata Vinitoribus siue Agricolis qui tempore fructuum missos ad se seruos Domini sui occiderunt.

Cum tempus fructuum appropinquasset, misit seruos suos ad Agricolas, ut acciperent fructum eius. Et Agricola apprehensis seruis eius alium ceciderunt, alium occiderunt, alium vero lapidauerunt. Math. 21.

VERITATES PRACTICÆ.

Quod te imparatum magis reddit ad reddendum fructum, hoc te parationem magis deberet reddere.

Nempe incertitudo exigendi & reddendi fructus.

Quanto minus puniri timet Infructuosus, tanto iam magis punitus est.

Nempe hac magna pœna est non sentire suum miserum statum, nec ei providere: qua punitur pœna Infructuosus qui puniri non timet.

Frustra tibi Cultor, si culturam non pateris.

Id est, si non vis excoli.

Qqqq ij

In 3. p. in fine, ubi de Votorum Renouatione agitur. Videri etiam potest in 2. p. Dominica Septuagesima, ubi de missis operariis in vineam.

SECUNDA Pars Parabolæ continetur his verbis Patris-familias mittentis ad Agricolas filium suum :

Verebuntur filium meum.

Quem tamen sicut seruos prius missos Agricola occiderunt.

VERITAS PRACTICA.


Cum sit iste omnis fructus vt auferatur peccatum ; non veretur Filium Dei qui peccare non veretur.

RATIO EST, Quia non veretur Filium Dei qui negat ei fructum quem requirit.

Sed qui peccare non veretur, negat ei fructum quem requirit.

Ergo non veretur Filium Dei qui peccare non veretur ; quod certe est ad cuiusque peccati fugam Incitamentum efficax.

I. P V N C T V M.

 VANTA sit Diuina Bonitas Dei Patris sic mittentis Filium suum post missos & occisos seruos, si dici posset, hic esset dicendi locus ; vel certe reseruetur in discursum particularem, & videatur in 1. parte, FERIA secunda primæ Aduentus Hebdomadæ ; ubi ad verba Christi Domini, *Sic Deus dilexit mundum vt Filium suum Vnigenitum daret*, hæc proponitur Veritas :

Sic Deus dilexit mundum, vt sic mundus diligeret Deum sicut dilectus est.

Neque donando ei quod carius & pretiosius habuerit sicut Deus dedit nobis charissimum suum Filium. Vnde & in præsentī parabola secundum Marcum dicitur de Patre-familias siue de Deo mittente filium : *Adhuc ergo vnum habens filium charissimum, & il-*

Itum missis ad eos nouissimum, dicens, quia reuerbuntur Filium meum.

Sed quidquid sit de opere ipso missi ad nos Filij, non minori dignus est admiratione Finis propter quem mittitur & qui hac voce exprimitur: *Reverbuntur*, nempe Agricola, nempe omnes homines pro quibus mittitur, *Reverbuntur Dei filium*, Id est, pro reuerentia quæ tali debetur Personæ, reddent fructum petenti Domino, cessabunt à peccatis. *Iste est enim omnis fructus ut auferatur peccatum*, si-
 cut dixit Isaias, & hic proprius effectus est talis reuerentiæ ut qui
 reverbuntur Eum, non audeant id perpetrare quod perpetrassent
 nisi, essent reueriti talem Personam ut mox diceretur plenius; Vnde
 vix vlla posset aptior ad veram praxim perpendi Veritas quàm
 quæ hic proponitur. *Si quis adhuc peccare non veretur, non veretur*
filium Dei; quidquid dicat, quidquid sibi fingat de pio sensu quem
 erga illum habet, non veretur filium Dei qui negat ei fructum
 quem ab eo præsertim exigit, & propter quem exigendum præ-
 cipue venit. Cum enim inter plures qui de vno & eodem opere
 possint haberi fines, vnus esse soleat Operantis præcipuus & pri-
 marius quidam finis, à quo vel cæteri pendent, vel ad quem om-
 nes referuntur, profecto quidquid aliud obtineat, nihil se obtine-
 re credet qui operatur, nisi finem illum propter quem præcipue
 operatur attingat. *Da mihi liberos, alioquin moriar*, dicebat Ra-
 chel marito suo Iacob, quia fructus & finis conjugij præcipuus hic
 est; habere liberos, quantumcumque pulchra sit Rachel, quan-
 tumcumque cara sit suo viro, quantumcumque diues & honorata,
 nihil se habere putabit, nisi quod vnum præcipue desiderat, habeat;
 vnde & de alia muliere non habente filium recte seruus Elizæi ad
 Dominum suum qui ab illa petebat muliere quid vellet sibi fieri,
Ne quæras, inquit seruus, *filium enim non habet*; Quasi diceret, hoc
 præcipue vellet habere, filium; cum sit præcipuus Coniugum finis.

Sic superbus ille Aman cum tam multa possideat quanta ipse
 narrat, nil se habere putat quamdiu viderit Mardocheum seden-
 tem & non sibi accidentem sicut ceteros, quia hoc vnum præser-
 tim in mente habebat ut sibi omnes cultum exhiberent, ex quibus
 si vel vnus eximatur, nihil alij omnes conferent ad ipsius foelicitatem,
 quia nulla foelicitas nisi sine quem intendis adepto.

O quàm proinde expedit rectum sibi finem proponere, ne si er-
 res in fine, cuncta in errorem trahantur! O quàm proinde iuuerit
 rectè intueri quem sibi finem Christus præcipue proposuerit, ne si

ab illo fine deeremus, ab ipso longè Christo procul retrahamur? Certè dubitari non potest, quod si quem Christus præcipuum habuerit finem, aut si quem maximè fructum à nobis ipse requirat, quin sit illi tam integrè concedendus, ut quisquis illi hunc neget fructum, neget se illum reuereri, quia hoc est illum reuereri, hunc illi dare fructum quem requirit. Vnde ipse Dominus postquam dixit ex fructibus arborem esse agnoscendam, statim intulit:

Math. 7. Non omnis qui dicit mihi, Domine, Domine, intrabis in regnum celorum: Vel ut habet sanctus Lucas: Quid vocatis me, Domine, Domine, & non facitis quæ dico? quasi diceret Dominus, neque mihi neque vobis id proderit, quia non propterea præsertim veni ut me vocaretis Domine, Domine, sed ut faceretis quæ dico; Hic est fructus vnde arbor cognoscetur an sit bona vel mala, prout quis scilicet perfectiùs quæ dico faciet: & hic est fructus quem requiro quem quisquis mihi negauerit, non me verebitur.

II. PUNCTVM.

SED qui peccare non veretur, negat hunc Christo fructum quem requirit.

Nam ut iam ex Propheta dictum est, *Iste est fructus eius ut auferatur peccatum*, Id est, potissimus & primarius quo habito sequuntur vel supplentur cætera quæ desiderari possent: & quo non habito nihil profunt alia: quemadmodum fusè demonstratum est in hac 4. parte, Dominica decima octaua de Paralytico, cuius cum peteretur sanitas, Christus ante omnia remissionem ei peccatorum impertiuit, *Homo confide. Fili remittuntur tibi peccata tua*. Vnde hac ibi proponitur Veritas:

Nulla nisi primaria satis esse potest cura de peccatis euitandis.

Quia scilicet nulla est cura nisi quæ suo modo respondeat curæ quam Christus Dominus habet de his expellendis: Cura eius autem est primaria, vnde & talem necesse est esse nostram concluditur.

Deinde verò, cum in hac parabola nostra Paterfamilias mittens Filium ad Agricolas expressis dicat verbis, *Verebuntur filium meum*, profecto sic euidenter exprimit primarium hunc esse finem

suum ut expellatur peccatum. Nam perinde est ac si diceret, hoc est quod primum intendo *ut vereantur filium meum*; Quid est autem *vereantur* nisi ut quod odit & vetat, caueant pro eo quem illi deferunt cultu; vel certe si non caueant, quantumcumque aliud illi præstent officium, non illum vereantur; Hoc est enim proprie reuereri aliquem, nec erat vlla vox aptior qua finis iste de peccato primum expellendo declarari posset.

Nam hoc est maxime quod peccati malitia opponitur, & quod veræ virtutis bonitatem ac meritum indicat manifestius. In hoc enim malitia peccati est non tantum ut semel aut iterum offendat Deum, sed toties offendat quoties peccatori libuerit, nullo legum aut iuris respectu habito; *sic fortitudo nostra, lex iustitia*; *Di-* Sap. 2.
xerunt hoc inter alia peccatores, inquit Sapiens, cogitantes apud se non recte. Vnde & alius Sapiens qui dictus est Ecclesiasticus singulariter rogabat Dominum: *Anima irreuerenti & infrunita ne tradas* Ecclesi. 23.
me. Id est, ne permittas ita mihi peccatum dominari, ut velut omnipudore excusso, nihil verear, nihil me à peccando retardet; Quæ peccati siue peccantium peruersitas cum ab ipsa mundi origine viguerit, tum senescenti mundo futuram grauiorem prædicens Apostolus, *Hoc autem scito*, inquebat, *quod in nouissimis diebus* 1. Tim. 3.
instabunt tempora periculosa: erunt homines seipsos amantes, cupidi, elati, superbi, proditores, proterui, tumidi & voluptatum magis amatores quam Dei, hoc est Impudentes, Inuerecundi.

Quamobrem quid erat aptius quod contra opponeretur nisi quod dicitur, *Verebuntur filium meum!* discent à Filio meo, timere me: Vnde & filius dictus est *plenus Spiritu timoris Dei*, Quasi hoc vnum 1. Tim. 3.
præ cæteris inspirare deberet. Nempe hic excellens Timor est qui dicitur reuerentialis quo, ut ait expressè sanctus Thomas, *voluntarie & filiorum more Deum reueremur & nos ipsi subducere refugimus.* 2. 2. q. 19. a. 9.

ATQVE hinc alterum quod præmiseramus de vera & perfecta virtute patet, nempe hoc filiali timore continetur quidquid perfectius & efficacius de vera praxi virtutum dici potest; Nam timor sine amore nimis seruus est & captiuus: amor autem sine timore, nimis liber est & solutus. Quod vtrumq; extremum ita temperat reuerentialis iste Timor, ut quod esse potest vel in solo timore, vel in solo amore vitiosum, planè resecet; atque inde duntaxat quod est optimum in duobus simul iunctis ita retineat ut fiat ille timor Dei qui *super omnia se superposuit*, super omnia Ecclesi. 25.

mala quæ fugiat, super omnia bona quæ perficiat.

Videsne quantæ virtutis sit vox illa, *Verebuntur*? Nec dicas, nullam tamen aut modicam vinam habuisse, cum nec Iudæi nec alij peccatores qui propè sunt numero infiniti, Filium Dei magis vereantur quàm si non venisset. Respondet enim S. Chrysostomus, sic dictum esse, *Verebuntur*, quati diceretur, *habebunt homines quem vereantur: habebunt homines quo discant vereri Deum*: Liberum illis quidem erit vereri aut non reuereri, vnde & vnus Euangelista sic refert: *Forſitan cum hanc viderint, verebuntur*, VT libera reſeruetur voluntas, inquit sanctus Hieronymus: sed tamen nihil illa libertas obſtat quo minus habeant quod vereantur, nec quo minus vereri debeant.

Nec rursus inſtes, id quidem verè dici poſſe de Iudæis qui cum præſentem Chriſtum haberent, eius præſentiam reuereri poterant & ita contineri: Non ita verò de nobis qui abſentem Chriſtum non cernimus, nec proinde illum quem eius Præſentia produceret ſentire affectum reuerentiæ poſſumus, nec à peccato coërceri. Falleris, longe falleris qui hæc ſentis, Nam *Ieſus Chriſtus heri & hodie; ipſe & in ſæcula*, inquit Apoſtolus, Hoc habet Fides ſi vera de Chriſto fides eſt, hoc habet maximè proprium vt quantum ad affectum & effectum de quo hic potiſſimùm agimus, nempe odium & fugam peccati, tam præſentem nobis Chriſtum ſubſi-
ciat, quàm dum ageret inter viuos, ſiue quod idem eſt, tam reue-
rendum nobis, tam timendum & diligendum faciat quàm ſi præ-
ſens adeſſet iſtis ſubiectus oculis. *Eſt enim fides, ſperandarum ſiue*
abſentium ſubſtantia rerum, græcè *πίστις* ſubſiſtentia, quaſi quæ
res ſubſiſtere faciat velut præſentes, vnde in ſacro textu ſequitur,
argumentum non apparentium, *ἐλεγχος* demonſtratio, conuictio,
firma perſuaſio, at longè certior ac nobilior quàm quæ ex ſenſi-
bus, ex opinione, vel ſcientia depromi poſſit. Sic apertè ſanctus
Leo, ubi agit de Aſcenſione Domini: *Tunc*, inquit, *Filius hominis,*
Dei filius excellentius ſacratiusque innotuit, & ineffabili modo capiti
eſſe Diuinitate præſentior qui factus eſt humanitate longinquior.

Sic dicitur, quod fide Moſes inuiſibilem tamquam videns ſuſtinuit. Sic denique ſanctus Apoſtolus ex hac ſibi propoſita per fidem præſentia Chriſti Domini, docet examinandam vniuſcuſque fi-
dem, an vera ſit & probata: *Vosmetipſos*, inquit, *tentate, ſi eſtis in fide*;
Ipsi vos probate. An non cognoscitis vosmetipſos, quia Chriſtus Ieſus in
vobis

vobis est, nisi forte reprobis sitis? Quasi diceret, hæc est certa fidei vestra probatio, si de Christo ita sentitis sicut si præsens esset, sicut reuera præsens in vobis est per suam sanctificantem Gratiâ, quam omnes habent qui extra peccati mortalis statum viuunt. Unde & Idem alibi postquam dixit, *Hoc sentite in vobis quod & in Christo Iesu*, & quæ multa prosequitur, tandem concludit, *Itaque Charissimi mei, sicut semper obedistis, non ut in præsentia mei tantum, sed multo magis nunc in absentia mea: cum metu & tremore vestram salutem operamini*. Nam si & ipsis Dominis carnalibus vult seruos obedire cum timore & tremore, in simplicitate cordis sicut Christo, non ad oculum seruientes, quasi hominibus placentes, sed ut seruos Christi, facientes voluntatem Dei ex animo: quanto magis ipsi Christo semper seruiendum, tamquam præsentem? Si nimis indignum & abiectum est Christiano seruo seruire ad oculum Domino suo, id est, quia tantum præsens est, quanto magis indignum, ita seruire Christo?

Quapropter quod dictum est, *verebuntur filium meum*, tam verè dictum est de consequentibus futuris sæculis, quàm de illo ipso tempore quo præsens aderat Dominus; cum vel maxime, quod est valde notandum, reuerentia illa quam adhibendam Filio Pater prædicat, non sit tantum veneratio quædam exterior, nec internus animi cultus qui solo in affectu sistat, sed in effectum & in opus transeat necesse est, atque ita in praxi Christum vereamur sicut Deo dicebat Iob: *Verebar omnia opera mea, sciens quod non parceres delinquenti*.

Hoc est enim verè Christum vereri quando in occurso peccati admittendi, peccatū admitteres nisi verereris illum offendere qui se tibi tot nominibus astrictum voluit; aut quando per illius vitam & mortem agnoscis quàm sit graue peccatum, & quàm grauis futura sit peccatoris pœna, si tam graui: et ipse Christus pro nostris peccatis passus est: atque in particulari etiam quàm sit execranda superbia, quàm sint cauenda murmura in nostris humiliationibus, quàm sit ipsa humilitas, patientia, mansuetudo cæteræque virtutes amplexanda, atque eorum opposita vitia detestabilia; cum in Christo luculentè videamus quid fugere quid amplecti expediat.

Hic est germanus verborum sensus, *Verebuntur filium meum*; Verebuntur delicias & diuitias quærere, aspicientes eius asperissimam paupertatem; Verebuntur honores ambire, considerantes

Dent. 32.

Luc. 9.

non poeniteat si fidem fallat, & quo maior erat pudendi ratio, sem quo maior erat obligatio fidei data seruandæ, quæ tamen perfidè & malignè est violata, tanto ille impudentius agere dicendus est qui promissa non exoluit & datam rupit fidem. *Generatio peruersa est & infideles filij! O generatio infidelis & peruersa, usquequo era apud vos, & patiar vos?*

II. PUNCTVM.

SED si quid promissis Deo, major est ratio promissi exoluendi, sem major est pudendi ratio, si non soluas, quam si quid promissum homini non exoluas.

Nam quæcumque ratio pro fide seruanda inter homines afferatur siue ex natura ipsius promissionis datæ & acceptæ, quæ talis est vt obligetur promittens se daturum quod promittit, neque nisi legitime possit à promissione resilire, vt passim docent Iuris & Casuum Interpretes: siue id à virtute fidelitatis procedat quæ sic seruari debet in humano consortio, vt vix vlla esset hominum associatio nisi fidelitas seruaretur: siue ex alijs commodis aut incommodis quæ inde plurima recensentur; Quidquid denique proferri possit, longe magis valet pro soluendis Deo promissis. Nam res de quibus agitur inter Deum & homines sunt longè majoris momenti. Personæ illæ diuinæ cum quibus homo rem habet, sunt longe præstantiores. Fidelitas quæ debetur Deo longe magis obstringit promittentem vel sese offerentem. Quidquid inde commodi vel incommodi sequitur longe est ponderosius quàm quidquid creata omnia creare nobis possint. Quale putas enim illud esse, vel quanto interesse putas interuallo, si quis apud Deum aut fidelis aut infidelis reperiatur? Nonne audiuiſti quod ait Sapiens in infidelis viri derisum: *Nubes & ventus & pluuia non sequentes, sic vir Gloriosus & promissa non cõplens*. Nonne quod Idem de Deo alibi docet expressius: *Displicet Ei infidelis & stultia promissio*. De fideli autem seruo quàm sit ipsi carus & acceptus tam multa passim occurrunt vt vni fidelitari cætera quodammodo videantur subijci & seruire.

Prou. 25.

Ecc. 1.

Matth. 25.

Serue bone & fidelis intra in Gaudium Domini tui.

Et certe si tollis fidelitatem in promissis Deo factis, qualis erit tandem tota nostra Religio? qualis nostra poenitentia? qualis oratio? qualis nostra publica vel priuata Pietas quæ tota vel in no-

stris

stris Deo dandis, vel in diuinis acceptandis promissis ponitur? Nonne ridicula & quasi ioco dicta erunt nostra omnia, si facta dictis non conformentur? Itane Deus verbis & labiis colitur, non autem corde & factis? Itane deludentur quæ tam seuerè præcepit ad integram promissorum fidem? *Quod semel, inquit, egressum est Deut. 23. de labiis tuis, obseruabis; & facies sicut promissisti Domino Deo tuo, & propria voluntate, & ore tuo loquutus es.* An quando promissisti, sic reuera volebas agere, vel nolebas? Si nolebas, nonne Deum latere aut deridere te putas? Si reuera volebas, quid te ab illa voluntate dimouit, nisi Caro & sanguis quæ si Deo comparentur, Vide quam iniuriam Deo facias cui quod in humanis infirmius & indignius est audes præferre!

Nec dicas, non esse votum, nec te ita fidem obstrinxisse promittendo ut te obligatum propterea crederes: Nam etli hoc verum esse potest in quibusdam casibus ut in orando, vel in quopiam simili opere, quod vocant supererogatorium; operando: non ita tamen est in his quæ ut plurimum promittendo complectimur; sunt enim per se suo modo iam debita; Etiam si non promitteres te futurum humilem, patientem, castum ac benignum, nonne id iam debes? nonne si quid horum promittis, duplici hoc debes nomine, tum ratione rei iam debita, tum ratione promissionis quam de re ipsa danda Deo facis? Quod certe nil tale est in promissis homini factis quæ tales ordinarie non includunt res debitas, sed vel gratuitas, vel reciprocas, vel neglectas; Vnde illud euidentius est quod habet propositio, quod si quid promittis Deo, maior est ratio promissi exoluendi, seu maior est pudendi ratio, si nos illud soluas quam si quod promissum homini non exolueres. *Non es mentitus hominibus, sed Deo.* Act. 5.

III. P V N C T V M.

QUAM pudendum igitur tibi esset si quod promittis homini non solueres, tam impudenter agis si quod promittis Deo non exoluas. Cur enim te puderet coram hominibus, aut cur non ita pudendum tibi videatur coram Deo, nisi quia non vides Deum, aut non cogitas te ab eo videri, vel quod eius de te Iudicium non ita reuereris licet humanum iudicium? Itane verò de Deo sentis? At nonne hoc pudendum est, ita de Deo ac de diuinis sentire ut minus apud te va-

leant quàm humana? quid magis potens ad diuinam in te prouocandam Iustitiam quàm sic illam conculcare? aut quid magis alienum à diuina bonitate quàm relucet in promissis à Deo tibi factis? Itane putes illum suis in te promissis esse obstrictum, te vero tuis in ipsum non credas obligatum? quod promisit se daturum sic se daturum profecto voluit, nec se à volendo vel dando reuocabit,

Num. 23. *Non est Deus quasi homo ut mentiatur, nec ut filius hominis ut mutetur.* Dixit ergo & non faciet, locutus est & non implebit? NON po-

Joan. 10. *test solui Scriptura. ILLI fidelis permanet, negare seipsum non potest.*

2. Tim. 2. *Quantum in se est videlicet, quantum adiecta condicio promissionis factæ subsistet. Promisit regnum Cœlorum, sed violentis sed vim sibi facientibus. Promisit peccatorum veniam, sed vere poenitentibus non autem aliis. Promisit misericordiam, sed miseri, sed misericordiam facienti. Vnde tu nisi vim tibi facias vel nisi te poeniteat, & nisi aliorum misereat, quod sæpe promissisti te facturum: an putas illum suis se obstrictum promissis? Quid ergo speras nisi tu & ipse tuis te astringas? quid vero damni si nil ab illo speres?*

Videsne quò res deuoluatur? & quantum insit periculi, quantum momenti, quantumue ponderis in promissis Deo factis exoluendis: Atque adeo si quid nos mouet humanitùs ad fidem liberandam datam hominibus, illo ipso magis accendamus ad fidem Deo datam exoluendam. Sic Scriptura de utroque simul promissionis genere: *si sponderis pro amico tuo, illaqueatus es verbis oris tui, & captus propriis sermonibus, incidisti in manum proximi tui: discurre, festina, temetipsum libera.* Et rursum: *Ne ponas scandalum in aequitate tua. Id est, ne te infamem reddas, & ne propterea scandalum parias, quod sis iniquæ fidei.* Si quid rogareris ab aliquo contra fidem & promissionem alteri datam, nonne responderes te non posse, te fidem obligasse; te teneri verbo & promisso? Sic loquere de tuis Deo factis & toties repetitis promissis, *Aperiui os meum ad Dominum, & aliud facere non potero. NON enim possumus aliquid aduersus Veritatem, sed pro Veritate.* Sic loquendum, sic agendum. Vide in 1. parte, Fer. 3. Hebdom. primæ in Aduentu, ubi hæc Veritas exhibetur:

Quam in se attrahit gratiam qui se Deo libens offert, eandem sibi detrahit qui quod offert non reddit.



FERIA QVARTA.

PARABOLA DE VINEA LOCATA

MALIS AGRICOLIS, QUI NEGATO FRUCTU

SERVOS ET FILIVM DOMINI SVI

OCCIDERVNT.

Insignis est ista parabola & in quatuor partes posset eius Tractatio diuidi. Prima est, de vinea suis omnibus partibus absoluta & locata Vinitoribus siue Agricolis qui tempore fructuum missos ad se seruos Domini sui occiderunt.

Cum tempus fructuum appropinquasset, misit seruos suos ad Agricolas, ut acciperent fructum eius. Et Agricola apprehensis seruis eius alium ceciderunt, alium occiderunt, alium vero lapidauerunt. Math. 21.

VERITATES PRACTICÆ.

Quod te imparatum magis reddit ad reddendum fructum, hoc te parationem magis deberet reddere.

Nempe incertitudo exigendi & reddendi fructus.

Quanto minus puniri timet Infructuosus, tanto iam magis punitus est.

Nempe hac magna pœna est non sentire suum miserum statum, nec ei providere: qua punitur pœna Infructuosus qui puniri non timet.

Frustra tibi Cultor, si culturam non pateris.

Id est, si non vis excoli.

In 3. p. in fine, ubi de Votorum Renouatione agitur. Videri etiam potest in 2. p. Dominica Septuagesima, ubi de missis operariis in vineam.

SECUNDA Pars Parabolæ continetur his verbis Patris-familias mittentis ad Agricolas filium suum :

Verebuntur filium meum.

Quem tamen sicut seruos prius missos Agricola occiderunt.

VERITAS PRACTICA.

Cum sit iste omnis fructus vt auferatur peccatum, non veretur Filium Dei qui peccare non veretur.

RATIO EST, Quia non veretur Filium Dei qui negat ei fructum quem requirit.

Sed qui peccare non veretur, negat ei fructum quem requirit.

Ergo non veretur Filium Dei qui peccare non veretur; quod certe est ad cuiusque peccati fugam incitamentum efficax.

I. P V N C T V M.

QUANTA sit Diuina Bonitas Dei Patris sic mittentis Filium suum post missos & occisos seruos, si dici posset, hic esset dicendi locus; vel certe reseruetur in discursum particularem, & videatur in 1. parte, FERIA secunda primæ Aduentus Hebdomadæ, ubi ad verba Christi Domini, *Sic Deus dilexit mundum vt Filium suum Vnigenitum daret*, hæc proponitur Veritas:

Sic Deus dilexit mundum, vt sic mundus diligeret Deum sicut dilectus est.

Nempe donando ei quod carius & pretiosius habuerit sicut Deus dedit nobis charissimum suum Filium. Vnde & in præsentī parabola secundum Marcum dicitur de Patre-familias siue de Deo mittente filium: *Adhuc ergo unum habens filium charissimum, & il-*

Marci 11.

Eum misit ad eos nouissimum, dicens, quia reuerentur Filium meum.

Sed quidquid sit de opere ipso missi ad nos Filij, non minori dignus est admiratione finis propter quem mittitur & qui hac voce exprimitur: *Verebuntur*, nempe Agricola, nempe omnes homines pro quibus mittitur, *Verebuntur Dei filium*, Id est, pro reuerentia quæ tali debetur Personæ, reddent fructum petenti Domino, cessabunt à peccatis. *Iste est enim omnis fructus ut auferatur peccatum*, si-
15 17.
cut dixit Isaias, & hic proprius effectus est talis reuerentiæ ut qui verebuntur Eum, non audeant id perpetrare quod perpetrassent nisi essent reueriti talem Personam ut mox diceretur plenius; Vnde vix vlla posset aptior ad veram praxim perpendi Veritas quàm quæ hic proponitur. *Si quis adhuc peccare non veretur, non veretur filium Dei*; quidquid dicat, quidquid sibi fingat de pio sensu quem erga illum habet, non veretur filium Dei qui negat ei fructum quem ab eo præsertim exigit, & propter quem exigendum præcipue venit. Cum enim inter plures qui de vno & eodem opere possint haberi fines, vnus esse soleat Operantis præcipuus & primarius quidam finis, à quo vel cæteri pendent, vel ad quem omnes referuntur, profecto quidquid aliud obtineat, nihil se obtinere credet qui operatur, nisi finem illum propter quem præcipue operatur attingat. *Da mihi liberos, alioquin moriar*, dicebat Ra-
Gen. 30.
chel marito suo Iacob, quia fructus & finis conjugij præcipuus hic est, habere liberos, quantumcumque pulchra sit Rachel, quantumcumque cara sit suo viro, quantumcumque diues & honorata, nihil se habere putabit, nisi quod vnum præcipue desiderat, habeat; unde & de alia muliere non habente filium recte seruus Elizai ad Dominum suum qui ab illa petebat muliere quid vellet sibi fieri, *Ne queras*, inquit seruus, *filium enim non habet*; Quasi diceret, hoc
4. Reg. 4.
præcipue vellet habere, filium; cum sit præcipuus Coniugum finis.

Sic superbus ille Aman cum tam multa possideat quanta ipse narrat, nil se habere putat quamdiu viderit Mardocheum sedentem & non sibi accidentem sicut cæteros, quia hoc vnum præsertim in mente habebat ut sibi omnes cultum exhiberent, ex quibus si vel vnus eximatur, nihil alij omnes conferent ad ipsius foelicitatem, quia nulla foelicitas nisi fine quem intendis adepto.

Esther 5.

O quàm proinde expedit rectum sibi finem proponere, ne si erres in fine, cuncta in errorem trahantur! O quàm proinde iuuerit recte intueri quem sibi finem Christus præcipue proposuerit, ne si

ab illo fine deerremus, ab ipso longè Christo procul retrahamur. Certè dubitari non potest, quod si quem Christus præcipuum habuerit finem, aut si quem maximè fructum à nobis Ipse requirat, quin sit illi tam integrè concedendus, ut quisquis Illi hunc neget fructum, neget se illum reuereri, quia hoc est illum reuereri, hunc Illi dare fructum quem requirit. Vnde ipse Dominus postquam dixit ex fructibus arborem esse agnoscendam, statim intulit:

Math. 7.

Luc. 6.

Non omnis qui dicit mihi, Domine, Domine, intrabis in regnum celorum: Vel ut habet sanctus Lucas: Quid vocatis me, Domine, Domine, & non facitis quæ dico? quasi diceret Dominus, neque mihi neque vobis id proderit, quia non propterea præsertim veni ut me vocaretis Domine, Domine, sed ut faceretis quæ dico; Hic est fructus vnde arbor cognoscetur an sit bona vel mala, prout quis scilicet perfectius quæ dico faciet: & hic est fructus quem requiro quem quisquis mihi negauerit, non me verebitur.

II. P V N C T V M.

SED qui peccare non veretur, negat hunc Christo fructum quem requirit.

Nam ut iam ex Propheta dictum est, *Iste est fructus eius ut auferatur peccatum*, Id est, potissimus & primarius quo habito sequuntur vel suppleantur cætera quæ desiderari possent: & quo non habito nihil profunt alia: quemadmodum fusè demonstratum est in hac 4. parte, Dominica decima octaua de Paralytico, cuius cum peteretur sanitas, Christus ante omnia remissionem ei peccatorum impertiuit, *Homo confide. Fili remittuntur tibi peccata tua*. Vnde hac ibi proponitur Veritas:

Math 9

Nulla nisi primaria satis esse potest cura de peccatis euitandis.

Quia scilicet nulla est cura nisi quæ suo modo respondeat curæ quam Christus Dominus habet de his expellendis: Cura eius autem est primaria, vnde & talem necesse est esse nostram concluditur.

Deinde verò, cum in hac parabola nostra Paterfamilias mittens Filium ad Agricolas expressis dicat verbis, *Verebuntur filium meum*, profecto sic euidenter exprimit primarium hunc esse finem

suum ut expellatur peccatum. Nam perinde est ac si diceret, hoc est quod primum intendo *ut vereantur filium meum*; Quid est autem *vereantur* nisi ut quod odit & verat, caueant pro eo quem illi deferunt cultu; vel certe si non caueant, quantumcumque aliud illi præstent officium, non illum vereantur; Hoc est enim proprie reuereri aliquem, nec erat vlla vox aptior qua finis iste de peccato primum expellendo declarari posset.

Nam hoc est maximè quod peccati malitiæ opponitur, & quod veræ virtutis bonitatem ac meritum indicat manifestius. In hoc enim malitia peccati est non tantum ut semel aut iterum offendat Deum, sed toties offendat quoties peccatori libuerit, nullo legum aut iuris respectu habito; *sit fortitudo nostra, lex iustitiæ*; Di- Sap. 1.
xerunt hoc inter alia peccatores, inquit Sapiens, *cogitantes apud se non rectè*. Vnde & alius Sapiens qui dictus est Ecclesiasticus singu- Ecclesi. 23.
lariter rogabat Dominum: *Anima irreuerenti & infrunita ne tradas me*. Id est, ne permittas ita mihi peccatum dominari, ut velut omnipudore excusso, nihil verear, nihil me à peccando retardet; Quæ peccati siue peccantium peruersitas cum ab ipsa mundi origine viguerit, tum senescenti mundo futuram grauiorem prædicens Apostolus, *Hoc autem scito*, inquebat, *quod in nouissimis diebus* 2. Tim. 3.
instabunt tempora periculosa: erunt homines seipsos amantes, cupidi, elati, superbi, proditores, proterui, tumidi & voluptatum magis amatores quàm Dei, hoc est Impudentes, Inuerecundi.

Quamobrem quid erat aptius quod contra opponeretur nisi quod dicitur, *Verebuntur filium meum*! discent à Filio meo, timere me: Vnde & filius dictus est *plenus Spiritu timoris Dei*, Quasi hoc vnum Is. 11.
præ cæteris inspirare deberet. Nempe hic excellens Timor est qui dicitur reuerentialis quo, ut ait expressè sanctus Thomas, *volunta- 2. 2. q. 19.
riè & filiorum more Deum reueremur & nos ipsi subducere refugimus.* 4. 9.

ATQVE hinc alterum quod præmiseramus de vera & perfecta virtute patet, nempe hoc filiali timore continetur quidquid perfectius & efficacius de vera praxi virtutum dici potest; Nam timor sine amore nimis seruus est & captiuus: amor autem sine timore, nimis liber est & solutus. Quod vtrumq; extremum ita temperat reuerentialis iste Timor, ut quod esse potest vel in solo timore, vel in solo amore vitiosum, planè rescet; atque inde duntaxat quod est optimum in duobus simul iunctis ita retineat ut fiat ille timor Dei qui *super omnia se superposuit*, super omnia Ecclesi. 24.

vobis est, nisi forte reprobatus? Quasi diceret, hæc est certa fidei vestra probatio, si de Christo ita sentitis sicut si præsens esset, sicut reuera præsens in vobis est per suam sanctificantem Gratiâ, quam omnes habent qui extra peccati mortalis statum viuunt. Unde & Idem alibi postquam dixit, Hoc sentite in vobis quod & in Christo Iesu, & quæ multa prosequitur, tandem concludit, Itaque Charissimi mei, sicut semper obedistis, non ut in præsentia mei tantum, sed multo magis nunc in absentia mea: cum metu & tremore vestram salutem operamini. Nam si & ipsis Dominis carnalibus vult seruos obedire cum timore & tremore, in simplicitate cordis sicut Christo, non ad oculum seruientes, quasi hominibus placentes, sed ut seruos Christi, facientes voluntatem Dei ex animo: quanto magis ipsi Christo semper seruiendum, tanquam præsentem? Si nimis indignum & abiectum est Christiano seruo seruire ad oculum Domino suo, id est, quia tantum præsens est, quanto magis indignum, ita seruire Christo?

Quapropter quod dictum est, *verebuntur filium meum*, tam verè dictum est de consequentibus futuris sæculis, quàm de illo ipso tempore quo præsens aderat Dominus; cum vel maxinè, quod est valde notandum, reuerentia illa quam adhibendam Filio Pater prædicat, non sit tantum veneratio quædam exterior, nec internus animi cultus qui solo in affectu sistat, sed in effectum & in opus transeat necesse est, atque ita in praxi Christum vereamur sicut Deo dicebat Iob: *Verebar omnia opera mea, sciens quod non parceres delinquenti.*

Hoc est enim verè Christum vereri quando in occurso peccati admittendi, peccatū admitteres nisi verereris illum offendere quæ se tibi tot nominibus astrictum voluit; aut quando per illius vitam & mortem agnoscis quàm sit grave peccatum, & quàm grauis futura sit peccatoris poena, si tam graui et ipse Christus pro nostris peccatis passus est: atque in particulari etiam quàm sit execranda superbia, quàm sint cauenda murmura in nostris humiliationibus, quàm sit ipsa humilitas, patientia, mansuetudo cæteræque virtutes amplexanda, atque eorum opposita vitia detestabilia; cum in Christo luculentè videamus quid fugere quid amplecti expediat.

Hic est germanus verborum sensus, *Verebuntur filium meum; Verebuntur delicias & diuitias quærere, aspicientes eius asperitatem paupertatem; Verebuntur honores ambire, considerantes*

eius humilitatem : continebunt se in aduersis , nec audebunt mur-
 murare , contemplantes quanta sit ipse filius Dei passus. Sic olim
 Ier. 45. cuidam conquerenti dicebat Deus : *Ece quos edificaui , ego destruo :*
 & *quos plantauit , ego euellio : Et tu quæris tibi grandia ! noli querere.*
 Ibid. 49. Et paulo post : *Ece quibus non erat iudicium ut calicem biberent , bi-*
bentes bibent : Et tu quasi innocens relinqueris ? Non eris innocens : sed
bibens bibes. Nonne hic veritus esset murmurare in aduersis quan-
 do ita loquentem Dominum audiisset ? At quanto magis illo viso
 quem Pater ita percussit propter scelus populi sui. Nonne propterea
 Ier. 53. dicebat Christus : *quia si in viridi ligno hæc faciunt , in arido quid*
fiet ? Quam diceret , si ego tam sanctus , tam innocens , & tam lon-
 gue positus à culpa & à pœna , tamen sic patior , quid peccatoribus
 Iuc. 23. fiet ? Numquid est quod vereantur & paucant ? Primo quidem ne
 peccent ; tum si peccauerint , ut quibuscumque pœnis peccatum
 expient , & ad meliorem frugem redeant. Hic est itaque fructus
 quem quærebat Christus , & quem ipsi negat qui peccare non
 veretur.

III. P V N C T V M.

EX quibus manifestè concluditur quod nec igitur Ipsum Chri-
 stum veretur qui sic eum fraudat sibi debito & qua sito fructu ,
 unde quasi nil aliud sibi redditum reputaret , Is apud Prophetam
 Ier. 49. conqueritur , *In vacuum laboraui , sine causa & vane fortitudinem*
meam consumpsi ; ergo iudicium meum cum Domino , & opus meum
cum Deo meo. Quasi diceret , Ego quod meum fuit , feci : quàm
 graue malum esset , peccare , sat euidenter docui ; quænam essent
 peccati radices & quanto essent euellendæ studio , non cessaui
 verbo & exemplo demonstrare. Iam vero cur inde tam pauci pro-
 ficiant , cur tam multi adhuc peccatores , adhuc superbi , adhuc
 impudici & auari , Deus videat & iudicet , an sit meum vel pecca-
 toris vitium ? an mea id culpa fiat an hominum qui me nolunt
 aspicere tanquam exemplar suæ vitæ.

Quod ipsum expressius in Euangelio dixit : *Ego non indico quem-*
quam. Ego non quero Gloriam meam , est qui quærat & iudicet. Nempe
 Ille qui quondam agens de mittendo filio sic se denunciabat futu-
 rum eorum Iudicem , qui debitum inde fructum non redderent :
Renam, inquit, *verba mea in ore eius loqueturq; ad eos omnia quæ praece-*

id illi. Qui autem verba eius qua loquetur in nomine meo audire noluerit, ego ultor existam. Quibus & plane sunt illa conformia quæ rursus Dominus dixit: qui spernit me, & non accipit verba mea, habet qui iudicet eum; sermo quem loquutus sum, ille iudicabit eum in nouissimo die. Quia ego ex meipso non sum loquutus, sed qui misit me Pater, ipse mihi mandatum dedit, quid dicam, aut quid loquar. Et scio quia mandata eius, vita aterna est. Qua ergo ego loquor, sicut dixit mihi Pater, sic loquor.

Ex quibus verbis tria possunt ad rem nostram aptè derivari. Primum est, quanti sint facienda ea omnia quæ Christus dixit, quæ non temerè, non fortuito, sed ante pridem in ipso Sanctissimæ Trinitatis concilio sunt præconcepta. Secundum, quale in illis obseruandis exemplum nobis Christus dederit, cum Ipse totus in eis ex certa quadam obedientia, seruandis & docendis fuerit, nihilque prorsus aliud quàm quod Pater dederat in mandatis, loqui voluerit.

Tertium denique, quàm multorum sit criminum reus qui se illis Christi Domini verbis non conformarit, nam præter certum peccatum quod vnicique dictorum opponitur, contemptus quidam est Christi Domini, ex quo contemptu iudicium peccatoris extremum magis formabitur quàm ex ipso peccato per quod Christus contemnitur. Tam graue est illud quod Christus venerit, neque eius aduentu & cultu à peccatis homo deſerit: vt quasi nihil aliud peccatum esset aut quasi nullum esset cæteroquin peccatum, nihil quodammodo in examen, in iudicium, & in condemnationem aduocetur, quàm quod homines non fuerint reueriti filium Dei: quàm quod peccare non desierint, postquam Ille venit & postquam loquutus est quæ à peccatis eos reuocarent. *Si non venissem, inquit, & locutus fuisset eis, peccatum non haberent, nunc autem excusationem non habent de peccato suo.* Nimis hoc scilicet inuerecundum est non Eum reuereri quem Ille qui non fallitur affirmavit talem esse quem vel ipsi proditores & homicidæ vererentur. Vide in 2. p. Feria 5. primæ Hebdom. in Quadrag. Et in hac 4. parte, Sabbato Hebdom. 19. vbi hæc demonstratur Veritas:

Si cum nostris vitiis nostræ virtutes comparentur, plus nostris vitiis inhonoratur Dominus, quàm nostris virtutibus honoretur.

TER TIA Pars propositæ Parabolæ considerari potest in his quæ Iudæi responderunt Christo interroganti:

Cum venerit Dominus Vineæ, quid faciet agricolis illis? Aiunt illi: Malos male perdet, & vineam suam locabit aliis agricolis qui reddant ei fructum temporibus suis; Vnde hæc esse posset

VERITAS PRACTICA.

Malos quidem omnes perdet Deus; sed non male omnes, nisi qui benè perdi nolint,
Tam porro bonum est malis, benè perdi, quàm malè perdi malum est.

AD declarationem utriusque sententiæ, præsupponendum est quid sit perdi, quid benè vel male perdi. De primo, nihil hic aliud est perdi quam puniri, quodcumque sit genus poenæ quo puniuntur qui dicuntur perdi. De secundo bene perdi est, ex poena bonum elicere seu poenam bene & foeliciter cedere; male autem perdi, malum ex malo deriuare, seu poenam male & infoeliciter cedere.

Quibus ita præsuppositis, Sensus prioris sententiæ est, sic malos omnes à Deo puniri ut nullis malè cedat poena nisi qui nolint eam bene sibi cedere. Quod perinde est atque illud Diui Chrysostomi, *Nemo leditur nisi à seipso.*

Ratio est, quia nemo leditur nec ulli male cedit poena, nisi qui peccat in poena.

Sed nemo peccat in poena nisi à seipso, nisi volens & lubens.

Ergo & nemo leditur nisi à seipso, nec ulli male cedit poena nisi qui nolit eam bene sibi cedere, non peccando in poena. Quod certe est non parum efficax ad bonum poenarum vsum.

PRIMA propositio satis alioquin per se clara, clarius tamen

Illucidabitur si tria quædam distinctè perpendantur. Primum est non esse hoc in poena lædi quando plus emolumenti capitur ex poena quam detrimenti; Nam lædi proprie nihil aliud est quam detrimentum capere siue sanitatis siue honoris, siue pecuniæ, siue cuiuslibet similis boni temporalis vel etiam spiritualis: unde manifeste sequitur quòd si quis nulla in re detrimentum caperet, non læderetur: Non est autem detrimentum capere quando ex alia parte plus emolumenti accedit quam quid detrimenti capiatur; sicut nec censetur emolumentum capi quando plus erit aliunde detrimenti.

Secundum est, quod licet in pœnis non nihil detrimenti capiatur pro qualitate pœnæ, si tamen detrimentum illud tamquam à Deo missum religiose seu Christiane capiatur, maximum inde lucrum & emolumentum prouenire. Siue ad eluendas præteritæ vitæ noxas; siue ad præsentis cuiuslibet necessitatis subsidium promerendum; siue ad futuram comparandam Gloriam, nihil efficacius quam tribulatio quæ patientiam operatur, patientia spem, spes autem Rom. 5. non confundit.

Tertiū est, quod quæ multa dici possent ad detrimentū seu malū aliquod Christianè ferendum, tūc eò maximè recidunt, vt ne tūc pecces, ne tūc murmures, ne tūc impatientiam, tristitiam, diffidentiam, tadium, abiectiōem animi, acediam, incuriam vel nimiam sollicitudinem, aut alium denique prauum siue inordinatum affectum admittas, propter Deum quem vereris offendere & cui te velis submittere. Hoc est vnum quo cætera omnia comprehendantur, & quod de Iobo viro illo ad omnis exemplar patientiæ nobis exhibito commemoratur: *In omnibus his, nempe immis-* Job. 2. *sis à Deo detrimenti, non peccauit Iob labiis suis.* Sic itaque clariùs prima patet propositio, quod nemo læditur nec vlli male cedit poena nisi qui peccet in poena, quia quantum ex vna parte lædatur, si ex alia tantum emolumenti capiat, non dicetur lædi.

Sed, quæ secunda est propositio, *nemo peccat in pœna nisi à seipso, nisi volens & lubens*; Licet enim pœna repugnet sensui, nec nisi repugnanter capiatur, ac proinde in impatientiam, in murmura & in alios suprà relatos animi siue corporis inordinatos motus & affectus inducat hominem, potest tamen homo cum Gratia sic illam sentire & sustinere repugnantium vt non peccet, id est, vt ne quid corde vel ore vel opere voluntarium edat quod offendat

Deum vel proximum. Nam sicut solum est peccatum quod est voluntarium, sic solum est voluntarium quod à libera voluntate procedit, & solum libera dici potest voluntas, siue libertate necessaria, siue coactionis ut vocant, quando quis à seipso se mouet ad volendum, ad cogitandum, vel loquendum vel agendum. *Habens potestatem suae voluntatis*, inquit Apostolus, qua de re pleni Codices, & Vide in 1. parte, Fer. 4. Hebd. 2. post Epiphaniam. In 2. pene tota, vbi de Passione Domini & patientia.

1. Cor. 7.

Ecclesi. 20.

Prov. 24.

Ecclesi. 2.

Ex quibus ita delibatis facis euidenter Concluditur proposita Veritas, quod malos quidem omnes perdet Deus sed non male omnes nisi qui bene perdi nolint; Nam licet omnes puniantur, non omnes tamen in poenis peccant, non enim peccant nisi qui volunt, qui volunt autem peccare in poenis, nolunt bene perdi, nolunt quod possent emolumentum ex poenis capere. Foelix esset & optanda perditio si quid in poenis perderent quod ingenti poenarum lucro redimeretur: Vnde Sapiens, *Est qui multa redimat modico pretio, & restituens ea in septuplum*, sed cum in poenis peccant, suo se lucro priuant, & poenis poenas accumulunt dum inde rursus punientur quod in poenis peccauerint, *Impij autem conuertent in malum*. At nonne est potens incitamentum ad *sustinendas sustentationes Dei*?

Vide praxim accurate descriptam ex D. Augustino in 2. p. FERIA 3. Hebd. 1. in Quadragesima, contra excusantes humanam infirmitatem.

Tàm porro bonum est malis, bene perdi, quàm male perdi, malum est.

Ecclesi. 39.

Hæc est altera Veritatis propositæ sententia cuius Ratio ex dictis manifestè liquet; Nam cum bene vel male perdi nil sit aliud quam bene vel male vti poenis, profectò tam bonum est malis hominibus bene vti suis poenis, quàm malum est & infaustum non bene illis vti. *Hæc omnia Sanctis in bona*, inquit Ecclesiasticus, *sic & impiis & peccatoribus in mala conuertentur*. Hæc est scilicet differentia poenarum quas boni vel mali patiuntur, nam vtrique patiuntur in hoc mundo; sed illi ex poenis suis meliores euadunt, alij autem peiores. Qua in re boni Deum, & mali Dæmonem imitantur, nam hoc est maxime proprium Dei, ex malis bona facere: contra vero Dæmonis hoc est opus, ex bonis mala & ex malis peiora

Semper efficere, Imitantur illum qui sunt ex parte illius, inquit Sa- ^{Sap. 2.}
piens.

Quamobrem caue ne despondeas, aut animum nimis abjicias non tantum in poenis quas sustines, sed neque in peccatis quæ commisti, dummodò velis respicere, sic enim poenitentem decet loqui sicut suadet sanctus Bernardus: *male quidem egi, sed factum est, & iam non potest non fieri. Quis scit si hoc mihi Deus expedire prou-* ^{Ep. 87.}
derit, & de malo meo Ipse qui est bonus, bonum mihi operari voluerit. Malum ergo puniat quod ego feci: bonum autem maneat quod Ipse prou-
idit. Nostis quippe inordinatis seu voluntatibus seu affectionibus nonis
Bonitas Dei vi, semper quidem recte in sui ordinis pulchritudinem:
sape autem pie in nostram utilitatem. Itemque alibi; Non mentitur ^{Ser. de sat-}
Apostolus assensurans scire se quoniam diligentibus Deum omnia coope- ^{lacia pra-}
rantur in bonum his qui secundum propositum vocati sunt Sancti. Ve- ^{sentis vita.}
rumtamen soletter attende quod non ad libitum famulari sed cooperari ^{Rom. 8.}
dicit ad bonum. Neque enim ad voluntatem seruiunt sed ad utilitatem;
non ad voluptatem sed ad salutem: non ad votum, sed ad commodum
nostrum. Usque adeo siquidem in hunc modum omnia nobis cooperantur
in bonum, ut inter hac omnia, etiam ea quæ nihil sunt, numerentur:
Molestia, morbus & ipsa mors, etiam & peccatum, quæ quidem constas
naturas non esse, sed natura corruptiones. An vero ei peccata ipsa non
cooperantur in bonum quæ ex eis humilior, seruentior, sollicitior, timora-
tior, & cautior inuenitur?

Sic aptè sanctus Gregorius ubi de malis agit hominibus quos ad ^{L. 39. Mor.}
bonorum utilitatem finit Deus: *quorum, inquit, vitam Dominus to-* ^{ca. 11.}
lerat quia eos ad Iustorum suorum probationem seruat: Vt cum aduer-
sarius noster Diabolus tentare nos nititur, eorum moribus quasi suis
contra nos armis viatur. Per ipsos quippe nos sapiens cruciat, sed nes-
ciens purgat. Peccatis namque nostris ipsi flagella sunt de quorum tali
vita dum percutimur, ab aeterna morte liberamur. Vnde agitur ut Ele-
ctorum vita proficiat, etiam perditæ vita reproborum, & utilitati no-
stræ dum illorum perditio militat, mira dispensatione fiat, quatenus Ele-
ctis Dei non peccat etiam omne quod perit.

Contrà verò quod malis omnia in peius ruant, & à poenis ad ^{L. 4. Mor.}
poenas transeat, Idem sanctus Dator sic prius dixerat: *Duobus* ^{ca. 14.}
modis in hac vita hominem Deus iudicat, quia aut per mala præsentia ir-
vogare iam tormenta sequentia incipit, aut tormenta sequentia flagel-
lis præsentibus extinguit. Nisi enim delictis exigentibus iustus Index

& nunc & postmodum quosdam percuteret, Iudas Apostolus minime dixisset, secundo eos qui non crediderunt perdidit. Et de iniquis Psalmista non diceret, Induantur sicut diploide, confusione sua, Diploidem quippe, duplum vestimentum dicitur: Confusione ergo sicut diploide induti sunt, qui iuxta reatus sui meritum, & temporali & perpetua animadversione feriuntur. Solos quippe pœna à supplicio liberat, quos immutat: Nam quos presentia mala non corrigunt, ad sequentia peccant.

Sed quid aptius & opportunius ad hoc ipsum demonstrandum quam quod ipse Dominus in hac nostra Parabola cum in Iudæos retoritur qui ipsi dixerant de Malis malè perdendis: Ideo dico vobis quia auferetur à vobis regnum Dei, & dabitur Genti facienti fructus eius. Et qui ceciderit super lapidem istum, confringetur; super quem vero cecideris, conteret eum. In quibus verbis duo genera pœnarum sic manifestè declarantur ut postremum quod est conterì sit grauius quam primum quod est confringi. Nam ut ait sanctus Ioannes Chrysostomus, de eo quod confringitur, aliquid manet: quod autem comminuitur siue conteritur, quasi in puluerem vertitur. Quod verumque pœnæ genus Iudæis accidit, nam primo in cap. iuitate Hierosolymitana confracti sunt; Deinde vero contriti & comminuti velut puluis, quando per totum orbem sparsi sunt & ventilitati ut ab arca palæa, sicut ait Theophylactus.

Beda vero ad peccatores hanc duplicem transferens pœnam sic ex sanctis Hieronymo & Ioanne Chrysostomo rem illustrat: Peccator credens Christo, cadit super lapidem & conquassatur, siue confringitur: reseruatur enim per patientiam ad salutem. Cui vero lapis irruit, id est, qui ipsum negat comminuitur, ut nec testa remaneat in qua hauriatur pusillum aquæ. Vel sic interpretare. Qui modo illam contemnunt, non penitus intereunt sed conquassantur: At quibus superueniet, in iudicio comminuentur, & projicientur tamquam puluis a facie terra.

Vide in 1. p. Fer. 4. 5. & 6. Hebdom. 5. post Epiphaniam. Et in 3. p. Fer. 4. Hebd. 13. vbi hæc Veritas explicatur:

Res aduersa non possent quemquam deicere, nisi se his prius vellet subicere.

QVARTA denique Pars Parabola conficitur ex his quæ in fine dicuntur:

Et cum audissent Principes Sacerdotum & Pharizæi parabolas eius, cognoverunt quid de ipsis diceret, Unde hæc eruitur satis opportuna Veritas:

Tam facile est malis in aliena se persona nosse, quàm in sua difficile.

Ratio est, quia tam facile est malis se nosse quando non obest amor proprius, quàm difficile est se nosse quando talis amor obest.

Sed in aliena persona qua malos representet non obest ille amor proprius; obest vero in sua propria.

Ergo tam facile est illis in aliena se persona nosse, quàm in sua difficile. Ac proinde ut se agnoscant, se modo videant in ludæis diuinæ Gratia perfidis, sicut Iudæi se agnoverunt in representatis illis Agricola quos ipsi male perdendos & puniendos iudicarunt.

TOTVS discursus est facilis, aut si quæ desiderari possent ad eum declarandum satis obuia quæque occurrunt apud Authores qui de propria sui cognitione tractant. Ut tamen ordinatè procedant omnia, sic prima propositio videtur explananda: Quando rei alicuius explorandæ vel excolendæ difficultas in vno sistit obice, tunc si obicem tollas, tollis & difficultatem. Quid clarius & apertius? Si argentum sola obscuret rubigo, nonne si tollas rubiginem, tollis obscuritatem? Nonne sic Sapiens; *Aufer, inquit, Pro. 25. rubiginem de argento, & egredietur vas purissimum. Nonne sic Apostolus in morali sensu, Si quis emundaueris se ab istis, erit vas in honorem, sanctificatum, & vile Domino.* 2. Tim. 2.

Solum autem sui noscendi obicem ab amore proprio provenire dicunt Docti omnes, omnes autem indocti sentiunt, *Difficillimum L. 2. Magn. est, inquit Aristoteles, seipsum cognoscere, quilibet amore sui impedi- Me. al. tur, ne recte de se indices. Ex sacris vero documentis, celebris est illa Diui Basilii sententia: Firmissimum illud tenendum, rem omnium In Consil. esse difficillimam seipsum cognoscere & curare, propterea quod natura 231. hinc seipsum qui amat, & quilibet propterea, quod in seipsum propens*

sunt, in veritatis iudicio falluntur. Porro ab alio cognosci curarique facile est, cum iis qui ceteros iudicant nequaquam obstat amor sui ipsorum.

Ex quibus sancti Doctoris verbis non habetur solum quod difficultas sui noscendi proueniat ex amore proprio, sed cur etiam inde talis difficultas proueniat, nempe quod iudicium veritatis impediatur, qua de re videri debet in prima p. Dominica 2. Aduentus, ubi dictum illud Apostoli, *Veritatem in iniustitia detinent*, explicatur apposite ad rem hanc nostram. Quod refer etiam admirandum illud Domini semel & iterum ad Iudæos dictum: *Iudicium meum iustum est quia non quero voluntatem meam sed voluntatem eius qui misit me.* Quali diceret, si quærerem meam voluntatem, iudicium meum vobis forte suspectum videretur quia voluntas humana sic solet in suis iudicium iustum corrumpere. Ac rursum paulo post: *Iudicium meum verum est quia solus non sum: sed ego & qui misit me Pater.* Ac si diceret, qui solus de se iudicat, suspectus ille est sui Iudex. Quod expressa veritate declaratum habetur in 3. p. Fer. 3. Hebd. 14.

Nemo sui boni vel mali bonus Iudex.

Ad secundam vero propositionem qua dicitur, *in aliena persona que malos representet non obesse amorem proprium, qui obest in sua propria.* Primò explicari posset planius quid sit in aliena persona nos representari: quando scilicet vel ficta quaedam persona supponitur quasi fecerit quod narratur, vel si vera est persona, factum eius aliquod nobis exhibetur quod habet talem similitudinem cum vita nostra, vel cum aliqua vitæ nostræ parte & actione, ut in illa persona facile nos adumbratos possimus agnoscere. Sic illi agricola seu vinitores de quibus est Parabola, dum negatis vineæ fructibus dicuntur occidisse seruos & filium Domini sui, dumque propterea ponuntur, aptè representant Iudæos qui ex tam multis quas à Deo acceperant Gratijs nullo fructu reddito Prophetas ad se missos ac ipsum etiam Dei filium occiderunt, & ipsi misere perierunt. Sic illi met agricolæ & Iudæi nobis in sua persona ficta & vera, nos singulatim exhibent & representant dum quis gratijs acceptis non profecerit, & filium Dei conculcaverit, & sanguinem testamenti pollutum duxerit, in quo sanctificatus est, & spiritui Gratiæ contumeliam fecerit, nihil aliud expectare potest quàm Infidelitatis suæ poenas.

Hoc est in aliena persona representari: Sed quod deinde Propositio continet, præcipuum est quod expendatur, dum illa scilicet nobis spectanda proponuntur persona, in quibus nos agnoscamus, non inest ille obex, non ille occurrit amor deprauatus qui nostri cognitionem ex nobis ortam infuscat & peruertit. Non enim ita naturali affectu circa illas personas ac circa nos ipsos permouemur, non illis amamus bonum aut timemus malum sensibile sicut nobis: non de illorum honore vel dedecore sit certamus sicut de nostro: quamobrem statim ac audimus illorum factum impium, detestamur, & condemnamus. Statim ac audiuit Dauid quod nefas perpetrarat circa pauperis vnius ouem paruulam, nequam ille Diues quem Propheta Nathan finxerat, statim, inquam, *iratus indignatione Dauid aduersus hominem illum nimis, dixit ad Nathan, Vivit Dominus, quoniam filius mortis est vir qui fecit hoc: ouem reddet in quadruplum.* At tu es ille vir, tu qui tam facile virum ouis occisorem condemnas, quid est quod post multos occisi à te hominis menses temetipsum non iudicas & condemnas? quia videlicet in illo ficto viro non occurrit Dauidi quod in Dauide occurrisset, si se sibi Dauid in sua propria repræsenteret persona.

Quod egregie admodum declaratur in varia quam varij Evangelistæ referunt narratione nostræ Parabolæ; Nam ad interrogationem Domini querentis, quid ergo Dominus vineæ veniens acutus sit agricolis illis, sanctus Matthæus dicit Scribas & Sacerdotes tum præsentibus respondisse, *malos male perdet, & vineam suam locabit aliis.* Sancti autem Marcus & Lucas rem ita narrant ut Dominus ipse dixerit, *veniet & perdet colonos illos, & vineam suam dabit alijs.* quo audito dixerunt Scribæ & alijs, *absit.* Nonne hæc varia narratio seipsam videtur destruere? quid magis oppositum quam de eisdem dicere quod vnum & idem affirmant & negent? nonne hoc est affirmare quando Christo interroganti responderunt *malos male perdet*: Et nonne hoc est ipsum idem negare quando dicenti Christo, *perdet colonos istos*, clamant, *absit.* Sed vtrumque tamen apte sibi connectitur, & quod probandum hic habetur, valde confirmat. Nam ut scribit Diuus Chrysostomus, primo quidem dum de solis agricolis egit Dominus, responderunt statim Iudæi quod refert Sanctus Matthæus, *malos male perdendos*, ignorabant scilicet se proferre contra seipsos sententiam: Deinde vero Dominus hoc ipsum repetiit quod illi dixerunt confirmando & appro-

SSSS ij

bando eorum sententiam : sed ita repetiit & ita protulit vt ex verbis & gestu ipsius intellexerint illud contra se dictum, & tum responderint quod habet Sanctus Lucas: *Abst.* Nempe vbi se clarius vident, de se negant quod de aliis non verentur affirmare, quia non ille obstat in aliena persona proprius sui amor qui occurrit in propria priuataque persona. Cum tamen postea pluribus illos vgeret Christus & manifeste ostenderet illos esse agricolas qui nullum Domino suo fructum redderent, ac proinde illos etiam esse perdendos, tunc plane nihil habuerunt quod opponerent, & suo ipsi exemplo demonstrarunt, quod tam facile est malis in aliena persona se nosse, quam in sua difficile.

Quamobrem quantum ad praxim, vide quid censes de Iudæis, nonne tu illos recte à Christo condemnatos credis, quòd nullum fructum reulerint? Cur igitur pari sententia temetipsum non condemnas, aut te condemnatum cur non vides qui non maiorem fructum refers? An putas quod Iudæi haberent in fictis agricolis quod se agnoscerent: & non putabis te hoc ipsum habere in Iudæis? Fictum erat quod proponebatur Iudæis, nec vlli fuerunt vnquam tales Agricola, & tamen tuo ipsius iudicio satis erat efficax quo se Iudæi possent agnoscere. At verum omnino est quod tibi modò proponitur, nam vere Iudæi puniti sunt: & poena eorum grauior ea fuit quam Christus his expressit verbis, *Auferetur à vobis regnum Dei*; transferetur à vobis in alios Gratia quam neglexistis. Nonne hoc putas tibi timendum? Nonne prælumere est, nisi hoc putes, nisi hoc timeas? Nonne hoc denique est quod tam fusc ac grauius premit & vrget Apostolus: *Tu fide stas, noli altum sapere, sed time. Si enim Deus naturalibus ramis non pepercit, ne forte nec tibi parcat. Vide ergo bonitatem & seueritatem Dei: In eos quidem qui ceciderunt, seueritatem: in te autem bonitatem Dei, si permanseris in bonitate, alioquin & tu excideris.* Formidanda sane verba.

Rom. II.



FERIA QUINTA.

NON QUID MALE FACIANT
SED QUID BENE DOCEANT SUPERIORES,
ATTENDENDVM.

*Super cathedram Moysi sederunt Scribae & Phari-
zæi ; omnia ergo quaecumque dixerint vobis , ser-
uate , & facite : secundum opera verò eorum ,
nolite facere. Dicunt enim & non faciunt. Math. 23.*

VERITAS PRACTICA.

Si non facis quod doceris, quia qui hoc docent non
faciunt, tam falsò te excusas, quàm verè illi à Do-
mino accusantur.

*RATIO EST, Quia tam falsò te excusas quàm falsa illa est
ratio quam excusationi tue prætendis.*

*Sed tam falsa est illa ratio quam prætendis quàm vere illi à Do-
mino accusantur qui dicunt & non faciunt.*

*Ergo si quod doceris non facis quia qui hoc docent non faciunt,
tam falsò te excusas, quàm vere illi à Domino accusantur,
Qua ex Veritate attentius considerata, non modo
qui docentes audiunt, sed & qui docent, admo-
nentur sui officij.*

I. PUNCTVM.

QUAE vigesimo secundo capite refert sanctus Matthæus, magnam habent affinitatem materiæ cum præcedenti, & iam variis in locis consideranda occurrerunt, quapropter his omittis, transiit ad vigesimum tertium Caput ubi Dominus grauius arguit Doctores legis, seu Scribas & Phariseos qui alii prorsus docerent ac facerent.

Ne tamen illorum Doctrinæ & authoritati videretur quidquam detraxe e, prius moneturbas & discipulos suos, vt illos audiant & auditis obediant, dum in cathedra Moysi sedent, id est, dum scripturam sacram interpretantur, aut ex scripturis peritos mores docent. Quod autem male agant, nihil ad Scripturam aut Moysen id spectare, & idcirco nihil inde in mores transferendum. Neque propterea se à faciendis his quæ docentur, quisquam excuset: *Nam si non facis quod doceris quia qui hos docent non faciunt, tam falso te excusas quam vere illi à Domino accusantur.*

Hæc modo Veritas ex multis quæ proponi possent, videtur consideranda, quod docentes simul & audientes ita spectet, vt vtrisque sua subministrantur monita quibus quod suum est fideliter agant.

Primò quidem sanè deceret eos omnes qui docent, nonnisi sanam docere doctrinam, neque nisi conformes doctrinæ mores exhibere, vt exemplo confirmarent quod verbo docent: si tamen ista morum desit conformitas, neque facta dictis respondeant, non habent Auditores propterea quod excusent si non id faciant quod docentur: Habent quidem quod arripiant & quod prætendant suæ vel negligentia vel concupiscentiæ, quæ cum repugnet auditis sacra scripturæ verbis, vellent se inde posse tutò eximere, cumque aliud nihil occurrat facilius quam illa morum & doctrinæ dissonantia quæ apparet in his qui alios docent, libenter hoc assumit, & quàm deprauata est concupiscentia tam prauè accipit quod docetur, si prauus ipse est qui Doctoris officio fungitur.

Sed frustra, sed ralsò, sed perperam se inde quisquam excuset: Tam falsa est enim excusatio quàm falsa est ratio quam prætendit qui se idcirco excusat. Quærit nempe rationem qui rationi repugnat, nam cum rationi non repugnet nisi vt liberius & iucundius viuatur, non sit autem iucundum viuere contra rationem, quid agat

qui rationi viuendo repugnat nili vt rationem ratione pellat? In his quidem qui se ad omnem libidinem proiecerunt sola libido illis pro ratione prætenditur, *transierunt in concupiscentiam, & in affectum cordis.* Sic totus eorum intellectus, tota mens, & tota in hoc vnum eorum ratio conuersa est, vt quod plæue concupiscunt, rationabile censeatur. Sed non omnes eo dementiae deueniunt, non omnes ita omnem exuerunt pudorem vt pudeat non esse impudentes. Contrà prorsus puderet illos suæ libidinis, si sola libido esset, nec adiunctam haberet rationem. Moueret libido Conscientiam, & conscientia libidinem accusaret, nili Ratio intercederet & nili excusando libidinem, pacaret Conscientiam.

Sed qua participatio Iustitia cum iniquitate? aut qua societas luci ad tenebras? quid commune libidini cum ratione? Quid vitio cum virtute? Nihil plane quidem si vera ratio, veraque virtus quæreretur: sed adumbrata sed falsa quædam supponitur, fingunt sibi quod volunt & fictum pro vero affingunt, vnde & iam supra notatum est, quod in vulgata legitur, *transierunt in affectum cordis*, alij legunt *in fictionem suæ in picturam cordis*, quasi diceretur, sed fingunt & colorant nescio quid aliud quàm affectum cordis, quo se in suo affectu regant honestius. Sicut quondam Gentiles humanos suos affectus faciebant Deos, vt ne affectus colerent religiosius & liberius: sic eisdem modò affectus e mentito quodam Virtutum & rationabilium animi motuum vestimus nomine, quo illis facilius indulgeamus, & rationis excusatione vitium obtegamus.

At contrà maneat illud firmum & constans, quòd nulla est excusatio si nulla est ratio quam excusationi prætendimus. *Mentis* est iniquitas sibi, non Deo, non hominibus qui fallaciam detegunt, sed sibi vini suamque prorsus in perniciem.

II. PUNCTVM.

SED quam rationem affers cur non facias quod doceris, quia ipsi qui hoc docent non faciunt, tam falsam & nullam esse patet quam vere illi à Domino accusantur.

Nam, quod est valde notandum, non tantum accusantur à Domino quod male faciant sed quod male faciendo peruertant quod bene docent, & prauis suis exemplis destruant quod verbis adificauerant, id est, abducant à bono suos auditores, & in malum in-

ducant; Hoc est enim primum quod illis objicit: *Va vobis scribae & Pharisei hypocritae, quia clauditis regnum caelorum ante homines: Vos enim non intratis, nec introeuntes sinistis intrare.* Et paulo post, *Va vobis, quia circumitis mare & aridam ut faciatis unum proselytum: & cum fueris factus, facitis eum filium gehennae duplo quam vos.* Quia deprauatus malo exemplo redit ad vomitum; & melius erat illis non cognoscere viam Iustitiae quam post agnitionem retrorsum conuertere ab eo quod illis traditum est sancto mandato.

2. Pet. 2.

Nunc itaque quare abs te, qui à peruersis Doctorum exemplis tua perueritatis excusationem quaeris, non rectè, an legitime Doctores illi à Domino arguantur, quod peruersis suis exemplis te peruertant? Dices profecto legitime, ne blasphemare cogaris, Dominum arguendo. Sed ausculta, si legitime propterea Dominus illos arguit, nonne & te simul accusat qui pro ratione id assumas quod ille tamquam vitiosum iudicat & condemnat? Nonne hoc ipso quo vere accusat praua Doctorum exempla, manifeste significat rationem ab ipsis prauis exemplis petitam, nullam esse posse, cum praua illa exempla rationi repugnent & idcirco condemnentur? Nonne hoc ipsum est quod dicebat Dominus, *si cecus cecum ducat, ambo in foveam cadunt?* Nonne idcirco toties & qui scandalizant & qui se scandalizari sinunt, id est, in peccatum induci, pariter arguuntur quod non minus aliorum praua exempla fugere quam non aliis dare teneamur? *Non sequeris turbam ad faciendum malum: nec in iudicio, plurimorum acquiesces sententia ut à vero denies.* **VIDETE**, ne & vos similes efficiamini factis alienis. **DISCEDE** ab iniquo & desicient mala abs te. *Non te reputes in multitudine indisciplinatorum*, Id est, non te propterea iustum putes quod alij multi tecum peccent, non enim facit multitudo peccantium ut peccatum non sic peccatum, licet qui peccent sint docti, sint primores, sint seniores, sint quauis insignes dignitate, licet ad peccatum excitent, licet minentur, licet blandiantur. Nonne hic Mundus est, nonne ex tribus vnus est hostis cui non minus est resistendum quam Carni vel Dæmoni? Quod praesertim locum habet in nostra hyporhesi cum ipse ille mundus qui peccat, peccatum semper doceat esse vitandum, ac propterea se peccantem condemnet sicut & alios. Vnde fit ut quantumcunque te excuses, semper agnosces, aut certe habeas quo agnoscas te non minus peccare illis peccantibus quam si solus peccares: Quod vel ex eo patet euidentissime,

Ex. 23.

Mat. 6.

Eccl. 7.

ibid.

dentissime, quod tu ipse non ignores nec diffitearis illos peccare qui quod docent non faciunt. Nec temerarium est illos iudicare & condemnare quando se ipsi palam iudicandos & condemnandos exhibent.

Denique, nonne in te retorquetur quod contra illos virget Apostolus: *In quo iudicas alterum, teipsum condemnas: eadem enim agis qua iudicas.* Primo quidem, ut dixi, contra bene docentes & male agentes dictum illud intorquetur, quia qui pradicat non furendum, & furatur, se sua predicatione condemnat; sed deinde etiam illud ipsum tibi quadrat qui rationem excusati peccati tui, trahis ex peccato docentis, quia iudicando docentem, tu teipsum condemnas qui eadem agis qua iudicas. Rom. 2.

Non argueris quod eum iudices qui se iudicandum palam exponit, sed quod illum iudicando, tu idem agas, & te tamen excusas quasi minus peccares. *Ex verbis tuis condemnaberis.* Matth. 23.

III. P V N C T V M.

QUAM OBREM aperta est Veritas, quod si non facis qua doceris, quia qui hoc docent non faciunt, tam falso te excusas quam vere illi à Domino accusantur, Nam dum vere à Domino accusantur, patet eos peccare, & dum patet eos peccare, patet nullam esse rationem qua te excuses. Nam excusare peccatum ex manifesto alterius peccato, se potius accusare est, cum ex eo ipso quod manifestum esset alterius peccatum, tu ignorare non poteras, & quanto erat magis manifestum, tanto erat manifestius evitandum: *qui cum iustitiam Dei cognovissent, non intellexerunt quoniam qui talia agunt, digni sunt morte; & non solum qui ea faciunt, sed etiam qui consentiunt facientibus,* Rom. 3.

Magna quidem peccandi est illecebra, prauum illorum exemplum qui secus agunt quam docent, sed quis nescit ab his illecebris esse cavendum? Quis nescit quod ait Sapiens: *Ne accipias faciem aduersus faciem tuam, nec aduersus animam tuam, mendacium.* Eccl. 5. 4.
Et rursus, ne ponas anime tue scandalum. Et ne accipias personam ut delinquas. 32.
Aut si hæc forte ignorentur, quis nescit dictum Domini, *Cavete ab hominibus: scandalizabuntur multi & inuicem trahent.* 43.
Quis nescit, oculum scandalizantem esse eruendum, aut quis ignorat tali oculo designari Doctorem & duem qui cavenda

ducant; Hoc est enim primum quod illis objicit: *Va vobis scribae & Pharisei hypocrita, quia clauditis regnum celorum ante homines: Vos enim non intratis, nec introeuntes finitis intrare.* Et paulo post, *Va vobis, quia circumitis mare & aridam ut faciatis unum proselytum: & cum fueris factus, facitis eum filium gehennae duplò quam vos.* Quia deprauatus malo exemplo redit ad vomitum; & melius erat illis non cognoscere viam iustitiae quàm post agnitionem retrorsum conuerti ab eo quod illis traditum est sancto mandato.

Nunc itaque quæro abs te, qui à peruersis Doctorum exemplis tua perueritatis excusationem quæris, an rectè, an legitime Doctores illi à Domino arguantur, quod peruersis suis exemplis te peruertant? Dices protestò legitime, ne blasphemare cogaris, Dominum arguendo. Sed ausculta, si legitime propterea Dominus illos arguit, nonne & te simul accusat qui pro ratione id assumas quod ille tamquam vitiosum iudicat & condemnat? Nonne hoc ipso quo vere accusat praua Doctorum exempla, manifeste significat rationem ab ipsis prauis exemplis petitam, nullam esse posse, cum praua illa exempla rationi repugnent & idcirco condemnentur? Nonne hoc ipsum est quod dicebat Dominus, *si cæcus cæcum ducat, ambo in foveam cadunt?* Nonne idcirco toties & qui scandalizant & qui se scandalizari sinunt, id est, in peccatum induci, pariter arguuntur quòd non minus aliorum praua exempla fugere quam non aliis dare teneamur? *Non sequeris turbam ad faciendum malum: nec in iudicio, plurimorum acquiesces sententia ut à vero denies. VIDETE, ne & vos similes efficiamini factis alienis.* DISCEDE ab iniquo & deficiant mala abs te. Non te reputes in multitudine indisciplinatorum, Id est, non te propterea iustum putes quòd alij multi tecum peccent, non enim facit multitudo peccantium ut peccatum non sic peccatum, licet qui peccent sint docti, sint primores, sint seniores, sint quauis insignes dignitate, licet ad peccatum excitent, licet minentur, licet blandiantur. Nonne hic Mundus est, nonne ex tribus vnus est hostis cui non minus est resistendum quàm Carni vel Dæmoni? Quod præsertim locum habet in nostra hypothesi cum ipse ille mundus qui peccat, peccatum semper doceat esse vitandum, ac propterea se peccantem condemnet licet & alios. Vnde fit ut quantumcumque te excuses, semper agnosces, aut certe habeas quo agnoscas te non minus peccare illis peccantibus quàm si solus peccares: Quod vel ex eo patet euidentissime,

2. Pet. 1.

Matth. 15.

Ex. 23.
Bar. 6.
Ezechiel. 7.
ibid.

dentissime, quod tu ipse non ignores nec diffitearis illos peccare qui quod docent non faciunt. Nec temerarium est illos iudicare & condemnare quando se ipsi palam iudicandos & condemnandos exhibent.

Denique, nonne in te retorquetur quod contra illos urget Apostolus: *In quo iudicas alterum, teipsum condemnas: eadem enim agis que iudicas.* Primo quidem, ut dixi, contra bene docentes & male agentes dictum illud intorquetur, quia qui pradicat non firrendum, & tuatur, se sua pradicacione condemnat, sed deinde etiam illud ipsum tibi quadrat qui rationem excusati peccati tui, trahis ex peccato doceris, quia iudicando docentem, tu teipsum condemnas qui eadem agis que iudicas. Rom. 2.

Non argueris quod cum iudices qui se iudicandum palam exponit, sed quod illum iudicando, tu idem agas, & te tamen excusas quasi minus peccares. *Ex verbis tuis condemnaberis.* Matth. 23.

III. PUNCTVM.

QUAM OBREM aperta est Veritas, quod si non facis que doceris, quia qui hoc docent non faciunt, tam falso te excusas quam vere illi à Domino accusantur, Nam dum vere à Domino accusantur, patet eos peccare, & dum patet eos peccare, patet nullam esse rationem qua te excuses. Nam excusare peccatum ex manifesto alterius peccato, se potius accusare est, cum ex eo ipso quod manifestum esset alterius peccatum, tu ignorare non poteras, & quanto erat magis manifestum, tanto erat manifestius evidendum: *qui cum iustitiam Dei cognouissent, non intellexerunt quoniam qui talia agunt, digni sunt morte; & non solum qui ea faciunt, sed etiam qui consentiunt facientibus,* Rom. 3.

Magna quidem peccandi est illecebra, prauum illorum exemplum qui secus agunt quam docent, sed quis nescit ab his illecebris esse cauendum? Quis nescit quod ait Sapiens: *Ne accipias faciem aduersus faciem tuam, nec aduersus animam tuam, mendacium.* Eccl. 31. Et rursus, *ne ponas animæ tuæ scandalum. Et ne accipias personam ut delinquas.* 42. Aut si hæc forte ignorentur, quis nescit dictum Domini, *Cauete ab hominibus: Scandalizabuntur multi & inuicem trahent.* Matth. 23. Quis nescit, oculum scandalizantem esse eruendum, aut quis ignorat tali oculo designari Doctorem & ducem qui cauenda

videt nec tamen cauet, qui foueam aperio, & in eam incidit atque alios secum trahit. Erue hunc oculum, erue: Id est, longe procul inde disjungere: & quantumvis videretur prudentis esse, virorum alioquin insignium facta sequi, caue hanc prudentiam, dum eorum facta repugnant ipsorum dictis. Memento quod scribit Diuus Hieronymus aduersus Pelagianos: *Vicina sunt vitia virtutibus, ut si paululum declinaueris, aut errandum tibi sit, aut in praeceps cadendum. Quantum inter se distant pertinacia & Perseuerantia: Parsimonia & frugalitas: Liberalitas & profusio: Prudentia & calliditas: Fortitudo & temeritas: Cautela & timiditas, quorum alia ad bona, alia referuntur ad mala? Non est prudentis sed callidi hoc in Doctore imitari quod Doctor improbat, sic enim callidè vis facto approbati quod verbo improbat: sic enim callidè vis ut appareat ratione fieri, quod contra rationem facias.*



FERIA SEXTA.

DE PRUDENTI ZELO IN
ARGVENDIS ALIIS: NE QUI ALIOS ARGVIT,
DE IPSIS DETRAHAT.

*Serpentes Genimina Viperarum, quomodo fugietis à
iudicio Gehennae? Matth. 23.*

VERITAS PRACTICA.

In arguendis aliis nisi prudentiam serpentis adhibeas,
serpentis virus exhibebis.

SENSVS & RATIO EST, Quod in arguendis aliis nisi prudentiam & cautionem magnam adhibeas, de ipsis imprudenter detrahes.

In arguendis aliis nisi prudentiam serpentis adhibeas, &c. 699

Sed detrahere imprudenter de aliis, perinde est ac serpentis virus exhibere.

Ergo & patet Veritas, & patet quàm sit damnosum de aliis detrachere, Ac proinde quàm necessarium in arguendis aliis prudentiam adhibere, qualem Christus adhibuit in arguendis Pharizæis, qui contra toti vt serpentes virulenti erant cùm Christum & Apostolos arguerent.

L P V N C T V M.

EX multis quæ contra Pharizæos hîc Christus Dominus accumulat, hæc visa est potissimum sententia seligenda quæ materiam nondum tractatam continet, & quæ tamen sæpe tractanda potest occurrere. Dum enim dicuntur Pharizæi serpentes & genimina Viperarum, arguuntur maxime vitij quod Detractio dicitur; simulque indicatur quàm graue sit & damnosum hoc vitium: quod & apertius significatur cùm ab illis quaritur, *quomodo fugietis à iudicio Gehennæ*, Id est, iudicium quod mittit in gehennam. Id est, quomodo poteritis hoc iudicium effugere & saluari, cùm toti vt serpentes ac vipera toti sitis in effundendo malignæ vestræ linguæ virus in me ac meos discipulos; quod sane vitium tam capitale est vt infernum & gehennam præ cæteris certò accersat. Nonne hoc est quod merito, paulò attentius expendatur? Quia vero nobis non solum id incumbit ne detrahamus, sed vt detrahentes & alios peccantes arguamus, nonne periculosum est ne dum alios arguas, tu ipse de illis detrahas? Et nisi discreto ac prudenti Zelo mouearis, nonne etiam proclive est vt in patrociniū tuæ temeritatis adducas exemplum Christi, qui Pharizæos acriter & aculeate arguit? Quamobrem cautio non leuïs est adhibenda; quæ vt concilietur facilius sic est concepta Veritas: *Quod in arguendis aliis nisi prudentiam serpentis adhibeas, serpentis virus exhibebis*. Id est, de aliis imprudenter detrahes, quod est virus more serpentis effundere, & quod ita damnosum est vt eius consideratione damni, discas & velis cum gratia non nisi prudenter & caute de aliis loqui.

Quod hic porrò primum occurrit explanandum, nullam habet difficultatem, cum & sacris Scripturæ testimoniis & ipsa satis sit notum experientia, quod nisi prudentiam & cautionem magnam adhibeas in loquendo de aliis, dum præsertim arguuntur; tu de ipsis detrahas, id est, perperam de his loqueris, id est, aliud aut aliter aut alio fine quàm loqui debuisses. Nonne sic aperte *Coloss. 4.* Apostolus: *sermo vester semper in gratia sale sit conditus, ut sciatis quomodo oporteat vos unicuique respondere*, quando scilicet vobis obijcietur aliquid grauius, vel quando quid de aliis inquiretur; caute prudenter quid respondeatis, nam nisi hanc prudentiam & cautionem adhibueritis, excidet aliquod vobis verbum quo vel præsentem quì vobiscum loquitur offendatis, vel absentem de quo est sermo.

Tanta est humanæ linguæ ad vitium proclivitas ut nisi cum Divina Gratia diligenter cohibeatur, vix de alio sermonem habeat, quin sermo ille sit vitiosus, vel imponens aliquid vitiosi quod non est; vel si quod forte est, illud amplificans: vel quod occultum est manifestans: vel quod in bonum sensum verti posset, in malum vertens: vel negando recte facta & dotes: vel ea diminuendo: vel tacendo cum bene loquendum esset, vel annuendo detrahentibus, vel tam remisse laudando, ut laus illa sit potius vituperium. Tot enim modis fieri potest Detractio, qui partim affirmativi seu directi sunt circa malum alterius quod detrahendo manifestatur; partim negativi sue indirecti sunt circa bonum quod tacetur: & his duobus versiculis continentur:

Imponens, augens, manifestans, in mala vertens.
Qui negat, aut minuit, tacuit, laudatque remissè.

Sic Pharizæi de Christo Domino; at non sic Christus de illis, nam quantum illi de Christo imprudenter ne dicam impie detrahebant, tam prudenter & piè Christus illos arguebat. Sunt enim inter utrosque multa quæ multum inter se discrepant & unde prudens ab imprudenti locutio quæ de aliis habetur, discerni possit. Primum est Authoritas; Nempe Christus cum summus esset omnium Dominus, Magister, Pontifex, Pastor, Iudex; & promissus in lege Propheta qui Iudæos erudiret, poterat pro sua scilicet Authoritate quos vellet, arguere, increpare,

corripere, iudicare, condemnare: *Pater omne iudicium dedit filio.* Ioan. 5.
ERAT docens eos sicut potestatem habens: & non sicut Scriba eorum Matth. 7.
& *Pharizai*, qui cum modicam in alios haberent potestatem, certè nullam in Christum. Secundum est, manifesta Veritas, nihil enim Christus de Pharizais dicebat quod non esset manifestò arguendum: Non ita vero quod Pharizai de Christo murmurabant. Nam vel erat falsum, vel prauè acceptum, vel nullo prorsus modo arguendum. *Quis ex vobis arguet me de peccato?* Ioan. 8.
Tertium, Finis seu Intentio, quod enim argueret Pharizaios Dominus eò tantum spectabat vt vel ipi corrigerentur, vel ne ipsorum exemplo ceteri deprauarentur: *Intuemini & caute à fermento Pharizaeorum & Saducaeorum.* Hi autem Christi hostes non alio fine Christum insectabantur, quàm vt illum perderent, quàm vt eius doctrinæ obfisterent, quàm vt bonum quod construebat destruerent, & malum quod destruebat construerent. Quartum, Animus seu Affectus quo quis de alio loquitur, nam Christi animus sola Charitate mouebatur, vnde sua concludens Monita sic vniuersis materno plane affectu loquebatur: *Ierusalem Ierusalem quæ occidis Prophetas & lapidas eos qui ad te missi sunt, quoties volui congregare filios tuos, quemadmodum gallina congregat pullos suos sub alas, & noluisti?* At Pharizai contrà nonnisi ex æmulatione & contentione, non nisi per inuidiam & superbiam, nonnisi ex illo vecordi odio quo Christus dicit mundum se odisse, *Quia, inquit, ego testimonium perhibeo de illo quod opera eius* Ioan. 7.
mala sint. Et viderunt, & oderunt & me, & Patrem meum: vt impleatur sermo qui in lege eorum scriptus est, quia odio habuerunt me Matth. 15.
Gratis.

Quando itaque sic ex odio, vel inuidia, vel maligno quouis affectu miscetur sermo de aliis quem non libenter audirent, & quem de te nolles haberi, qui nec prodest loquenti vel audienti vel illi de quo est sermo, tunc est detractio, tunc est imprudens & nociua locutio, tunc est vitium in quod labi proclue est, nisi cautionem adhibueris & nisi cum Sapiente sollicitus de refranda lingua dixeris, *quis dabis ori meo custodiam & super labia mea* Eccl. 13.
signaculum certum, vt non cadam ab ipsis, & lingua mea perdat me?

I L P V N C T V M.

SIC autem lingua perdit detrahentem, dum perdit eum de quo detrahitur, & eum qui detractionem audit, nec quantum potest impedit.

Quæ ut triplex perditio melius intelligatur, comparatur DetraCTOR cum serpente, & hoc esse detrahere affirmatur perinde ac serpentis aut viperæ virus exhibere. Sic aperte Sapiens: *si mordeat serpens in silentio, nihil eò minus habet qui occulte detrahit.* Et Psaltes regius: *Acuerunt linguas suas sicut serpentis, venenum aspidum sub labiis eorum, Apte sub labiis,* inquit S. Augustinus: *Vt aliud sub labiis, aliud in labiis aduertamus.* Sic & sanctus Hieronymus: *Serpens & detractor. aequales sunt, ut ille occultè mordens venenum inserit, sic iste clàm detrahens, pectoris sui virus infundit.* Atque ut serpentis lingua dicitur esse trifurca quod quasi tres aculeos siue cuspides habeat quibus venenum suum spargit, ita detractor ut dictum est, Et se & præsentem & absentem sua lingua lædit quæ propterea dicitur *inquietum malum & plena veneno mortifero.* Id est, tam noxio & insanabili, ut mortem præsentem afferat.

Sicut autem triplex Genus est vitæ, sic triplicem mortem affert detractio, cuius vix ullum est remedium. Prima dicitur vita civilis quæ in fama consistit quam si quis perderet, diceretur infamis & civiliter quodammodo mortuus, id est, priuatus bono nomine & bona fama quæ altera reputatur vita, quatenus alioquin vix inter homines viuat qui est infamatus. Hanc porro vitam detractor tollit ab illis de quibus detrahit, tollit eorum famam, tollit bonum eorum nomen. *Directe,* inquit D. Thomas, *detrimētum infert fama, inquantum huiusmodi verba occultè proferens, quantum in ipso est, eos qui audiunt facit malam opinionem habere de eo contra quem loquitur.* Quod cum sit graue malum, hinc aliud genus mortis quod in ea vitæ priuatione ponitur quæ vita Gratiæ dicitur, vita interior animæ, vita qua Deus viuat in anima, & anima in Deo suo; vita quæ per solum illud peccatum tollitur quod propterea mortale dicitur quia mortem animæ affert iuxta illud Prophetæ, *Anima quæ peccauerit, ipsa morietur.* Hæc est detractoris anima, hæc est eius mors animæ, hoc est eius peccatum, pecca-

tum mortale, peccatum graue & damnosum. Nam vt ait expressis verbis Idem Diuus Thomas, *Auferre alicui famam valde graue est, quia inter res temporales videtur fama esse pretiosior per cuius defectum impeditur homo à multis bene agendis, propter quod dicitur Ecclesiastici quadagesimo primo, Cūram habere de bono nomine, hoc enim magis permanebis tibi quàm mille thesauri magni & pretiosi. Et ideo, detractio per se loquendo, est peccatum mortale. Et paulo post, comparans illud peccatum cum furto, ait grauius esse detrudere quàm furari, quia, inquit, fama præminet diuitiis, eo quod propinquior est spiritualibus bonis; unde dicitur Proverbiorum vigesimo secundo, melius est nomen bonum quàm diuitia multa. Et ideo Detractio secundum suum genus est maius peccatum quàm furtum. Addunt etiam aliqui quàm homicidium, cum sint multi qui famam seu vitam ciuilem naturali præferant vitæ, & longè malint non viuere quam fama sublata viuere. Quidam comparant Detractores Antropophagis, id est, barbaris qui humanas carnes comedunt, sic detractor dentibus quodammodo lacerat eos de quibus detrahit unde dicebat Beatus Iob, *quare persequimini me, & carnibus meis saturamini*: Et Propheta Psaltes: *Appropiant super me nocentes, vt edant carnes meas*. Sic & Sanctus Apostolus: *si inuicem mordeatis & comeditis, videte ne ab inuicem consumamini*. Barbarum porro vitium & ab humano sensu longe remotum, hoc enim omnes sentimus in nobis quàm graue nobis sit, maledici, detrahi, male audire, & vel leuem famæ iniuriam pati! Nonne hunc igitur humanitatis sensum exuisse videatur, qui quod sibi tam graue sentit, tam leue ducat in aliis?*

Sed quod mali pestilentiam augeat, tertium est vitæ Genus seu mortis oppositæ quàm sibi Detractor infert, nempe illius mortis quæ mors secunda dicitur, mors æterna consequens internam animæ. Nam hoc ipso vel maxime vipereum virus est Detractio, quod detrahentem ita peruat, ita inficiat, ita penetret vt vix viqueam eo liberari possit, vix viqueam sanari & saluari, sed æternæ reus poenæ, iudicium illud gehennæ subeat de quo expresse Dominus, *serpentes genimina viperarum, quomodo fugietis à iudicio gehennæ?* Nam si numquam peccatum dimittitur, nonne manet semper luendum? Si vero sublatam famam & damna inde consequentia cum posset & deberet detractor restituere non restituit, quomodo peccatum dimittetur? Quàm rarum denique, quod subla-

Prov. 13.
Ibid. 29.

tam famam restituat ! Ac proinde quàm frequens & ordinarium ;
ut peccati veniam non consequatur & sic pereat in æternum ! O
quam præclare propterea Sapiens : *qui detrahit alicui rei, ipse se in
futurum obligat. Et rursus : que viderunt oculi tui, ne proferas in
iurgio cito : ne postea emendare non possis, cum dehonestaveris amicum
suum.*

III. PUNCTVM.

Ps. 63.

QUAMOBREM aperte patet quod in arguendis aliis nisi pru-
dentiam serpentis adhibeas, virus serpentis exhibebis. Non ar-
gues vicia sed de vitiosis detrahes : non tanabis morbum sed auge-
bis ; nulli proderis, & tui multum nocebis. Sagitta paruulorum fa-
cto sunt plage eorum. Id est, verba quæ proferuntur contra proxi-
mum non seruatis debitis circumstantiis, sunt velut sagittæ quas
paruuli infantes volunt ex arcu emittere, partimque laidunt quos
petunt, partim in ipsos recidunt sagittarios, partim in circum-
stantes detorquentur, non sine graui omnium vulnere, non sine va-
riis ac multiplicibus singulorum detrimentis ; vnde tam crebra in
scripturis monita de cauenda non tantum detractiōe, sed & ipsis
detractoribus fugiendis, *quoniam repente, inquit Sapiens, consurget
perditio eorum : & ruinam vtriusq; quis nouit ?* Id est, detractoris & au-
ditoris ; quasi diceretur, tam repentina, tam multiplex, & tam gra-
uis est vtriusq; ruina ; ut nemo satis eam norit. Vel sit interpreta-
tiō : Tam multi sunt detractores & detractorum socij ; tam verò pau-
ci qui ruinas eorum cogitent, ut merito quæri possit, *ruinam vtrius-
que quis nouit ?* Si enim nossent non ita faciles essent in carpen-
dis alijs ; Vel cum ita sint faciles, damna sua non cogitant.

Ep. ad Co-
lontiam.

Hinc apte S. Hieronymus : *Nulli vniquam omnino detrahas : &
si aliorum vituperatione te laudabilem videri velis, magis tuam vitam
ornare discas, quàm alienam carpere : ac semper memor esto scriptura
dicentis, noli diligere detrahere, ne eradiceris. Pauci etenim sunt qui
huic vitio renuntiant ; rarumque inuenies qui irreprehensibilem vitam
suam exhibere velis, ut is non libenter reprehendat alienam : tantaque
huius mali libido mentes hominum inuasit, ut etiam qui procul ab alijs
vitijs recesserunt, in istud tamen quasi in extraneum laqueum diaboli
incidant. Iam vero vide nùm sit illa opus singulari cautione ac
prudencia quam requirit proposita Veritas in eo declinando vitio
cuius*

In arguendis aliis nisi prudentiam serpentis adhibeas, &c. 705

cuius lapsus est valde facilis, difficilis admodum regressus, & mora damnosissima.

Insignis est ad omnem memoriam poena inflicta Mariae sorori Moysis, quod de fratre suo paulo liberius detraxisset, nam & illa ^{Nam. 12.} tunc leprosa facta est & separata septem diebus ab humano consortio, & nisi frater eius orasset, grauiora forsitan passa esset, quae certe indicant quàm vere dixerit Apostolus, *Detrahentes, Deo odibiles.* ^{Rev. 2.}

Illustris est etiam ille psalmorum locus ubi detrahentem de futuro supplicio monet Dominus, ut inde sibi prospiciat. *Sedens aduersus fratrem tuum loquebaris, & aduersus filium matris tuae ponebas scandalum: haec fecisti, & tacui. Existimasti inique quod ero tui similis, arguam te & stitui contra faciem tuam.* Id est, non ero similis tui de te loquens in occulto sicut de aliis loqueris, sed palam, sed manifestè coram omnibus te arguam: te castigabo, & illud ipsum probum quod intulisti proximis, in faciem tuam Ego ipse iudex tuus aliquando refundam: & hoc velim omnes intelligant, ne pari culpa peccent, ne pari poena puniantur. ^{Ps. 42.}

Vide in hac 4. parte, Feria 3. Hebd. 16. de Correptione fraterna. Et Fer. 2. Hebdom. 19. ubi multa de aliis non temere accusandis.

S A B B A T O.

DE TEMPLI DESTRUCTIONE QUAM PRAEDICIT DOMINVS.

Amen dico vobis, non relinquetur hic lapis super lapidem qui non destruatur. Math. 24.

VERITAS PRACTICA.

Chara Deo anima si chara esse desinit, tantò euadit vilior, quantò erat charior,

A. PAYS.


Vuuu

RATIO EST, Quia si chara Deo anima, chara esse desinit, oportuit gravem intervenisse causam, oportuit eam fuisse multum infidelem & ingrata.

Sed anima sic infidelis & ingrata, tanto evadit vilior quanto erat charior.

Brgo & certa Veritas, & certè multum pauenda.

I. P V N C T V M.

 T'egressus Iesus de templo, ibat. Et accesserunt Discipuli eius, ut ostenderent ei adificationes templi. Ipse autem respondens dixit illis: Videtis hac omnia? Amen dico vobis, non relinquetur hic lapis super lapidem qui non destruat. Tum secedens longius in montem Oliueti, denuntiat eis diuersa calamitatum genera quæ venura essent in vniuersum orbem. Primo quidem contra Iudæos qui prorsus exterminandi erant. Deinde contra ipsos Discipulos qui variis erant cruciandi tormentis. Ac denique contra totum quæ late patet mundum, regnante Antichristo, & redeunte ad iudicandos homines Christo Domino, Iudice viuorum ac mortuorum, quem multa & horrenda signa præcedent de quibus cristinum occurret Euangelium. Nunc quod Templi tam auguti destructionem & tam charæ ciuitatis euersionem spectat, paulò attentius consideremus. Satis enim admirari nemo queat quomodo illa quæ præ cæteris totius vniuersi partibus Deo chara erant, vel destructa fuerint, vel numquam restitui potuerint, quantacumque vis humana, collatis pene omnium Christianorum Regum viribus in id contenderit.

*Phren. 1.
Ebid. 4.*

Quomodo sedet sola Ciuitas, plena populo! facta est quasi vidua, Domina Gentium, princeps prouinciarum facta est sub tributo! Quomodo obscuratum est aurum, mutatus est color optimus, dispersi sunt lapides Sanctuarij in capite omnium platearum. Compleuit Dominus furorem suum, effudit iram indignationis suæ, & succendit ignem in Sion & deuorauit fundamenta eius. Hac & plura Ieremias quæ modò possunt dolentius deplorari non solum de destructis & numquam restituentis sacris illis Locis, sed multo magis de tam multis animabus quæ cum in primis charæ Deo essent, sic esse desierunt ex pri-

mis & charioribus, vt quanto erant chariores, tanto euaserint viliores. Hoc est enim quod euerso postremum templo nec vnquam deinceps restituto figuratur; hoc est expressum & ad posteros omnes transmissum exemplar infidelis & ingratae animae calligatae: sic plerumque destruitur, vt numquam reparetur, sic discedit vt non redeat: sic cadit vt non resurgat, sic peccat vt non resipiscat, sic vilis & exosa redditur, vt quanto erat charior, tanto euadat vilior. Nonne hoc stupendum, nonne hoc perpendendum?

Quod vt solidius & fructuosius fiat, tria sunt primo declaranda ex quibus Ratio constet qua proposita Veritas magis illustretur. Primum est, hoc esse maxime proprium diuinæ Charitati qua Deo chara est anima, vt quantum in se est, *numquam excidat*, sicut ait 1^a Cor. 13. Apostolus, Id est, ita sibi Deus quam charam habet animam, vniet & vnitam conseruet, vt nisi se inde anima volens & lubens separet, numquam à se Deus illam disiungat. *In Charitate perpetua* 1^a in dilexi te. Nam enim ille amat & deserit, qui singulariter ait: *Ego* Mat. 3. *Domini & non mutior*. Nec illa Charitas ex se mutabilis dici potest quæ est vinculum perfectionis.

Secundum quod inde sequitur est, vt cùm varij sint Charitatis Gradus, quanto quis in sublimiori existat, & magis charus Deo fuerit, tanto etiam arctius illi vnitus est, & strictiori vinculo quodammodo colligatus, vnde licet semper pro sua libertate possit se homo separare, difficilius tamen hæc separatio fiat propter vim vnitivam quam vocant & constrictivam Charitatis. *Quis nos separabis à Charitate Christi?* Rom. 8. *L'AEV-A eum subcapite meo, & dextera illius amplexabitur me.* Cant. 8. *Pone me vt signaculum super cor tuum, vt signaculum super brachium tuum, quia fortis est vt mors dilectio; dura sicut Infernus amulatio: Lampades eius, lampades ignis atque flammaram. Aqua multa non potuerunt extinguere Charitatem, nec flumina obruent illam.* Quæ sunt omnia firmitatis & constantiæ symbola.

Tertium denique est, quod si proinde anima Deo chara se à Deo separet & chara esse desinat, oportet interuenisse non vulgarem aliquam causam; oportet primo illud quod causa peccati & recessus à Deo fuerit, fuerit admodum graue ac vehemens. Deinde vero licet peccarit; cur non statim resurgat, cur non Gratia statim peccatorem ad se reuocet, vel cur peccator Gratia non obse-

Ier. 8:

Cant. 6.

21. q. 186.
4. 10.

Ps. 54.

Ier. 1.

cundet, mirum id certe in tali anima, cum de ipsis quibuscumque peccatoribus mirari videatur Deus, & per Prophetas querat. Numquid qui cadit non resurget? & qui auersus est non reuertetur? quare ergo auersus est populus iste in Ierusalem auersione contumiosa? Quare ergo illa tam chara Deo anima quae cecidit non resurgit, & quae auersa est, non statim reuertitur, cum statim sponsus ad se illam reuocet, *Reuertere, reuertere, Sulamitis: reuertere, reuertere ut intulamur te*; aut certe si non ita reuocetur, oportet sponsum esse valde offensus: oportet causam offensionis esse valde grauem.

Sic plane est, quidquid illa mortale peccarit anima, non potest non esse admodum graue, propter acceptas maiores Gratias quibus erat prae ceteris Deo charior: vnde, inquit Diuus Thomas: *Elect alia minus chara idem specie peccauisset, non idem tamen grauitate peccasset, quia non esset tam infidelis & ingrata: quia non sancta receperat beneficia quorum ratione magis aut minus infidelis & ingrata dicitur peccatrix anima.*

Quoniam si inimicus meus maledixisset mihi, sustinuissem utique. Et si is qui oderat me, super me magna locutus fuisset, abscondissem me forsitan ab eo. Tu vero homo unanimis dux meus & notus meus, qui simul mecum dulces capiebas cibos, in domo Dei ambulauimus cum consensu. Quasi diceret, ut interpretatur sanctus Augustinus, vnde ergo dissensio! qui intus erat, foris factus est. *Ambulaui tecum in domo Dei cum consensu: aliam domum erexit contra domum Dei. Quare illa relicta est ubi ambulauimus cum consensu? quare illa desertata est, ubi dulces simul capiebamur cibos? Non potest certe non id ingratiissimum recenseri.*

II. PUNCTVM.

SED anima sic infidelis & ingrata, tanto euadit vilior quanto erat charior.

Ita enim Deo displicet ingratitudo, ut quanto anima est ingratiior, tanto magis displiceat: quanto autem erat charior, tanto est ingratiior si per suam culpam chara esse desinit, vnde necesse est ut tanto etiam magis displiceat & vilior fiat, sicut expresse dicitur *quam vilis facta es nimis, iterans vias tuas.* Id est, non reuertens à peccato; Id est, in eo statu quo esse chara desi-

nis, Id est, quanto magis procedis in illo ingratitudeinis statu, tanto magis mihi vilescis, & sic tandem fiet vt nimis, id est, valde vilis fias. Vnde & ipsa post si quando resipiscat; Vide, inquit, Domine & considera, quoniam facta sum vilis. Quasi diceret, sentio quàm sum vilis, sentio quàm sit mihi damnosum, sic esse vilem; aut quia sic vilis sum coram Deo, inde prouocor ad resurgendum, inde ipsum prouoco Deum vt me in nouam recipiat Gratiâ.

Thren. 1.

Sap. 16.

Sed raram istud est & valde difficile, nam hoc habet annexum ista vilitas vt maioribus sublatiis Gratiis, ratiore conferantur; & qui ambulare noluerunt in lumine, in tenebris ambulent: qui lucentem sibi solis ardorem neglexerunt, tabescant frigore. Ingrati enim spes, inquit Sapiens, tamquam hybernalis glacies tabescet, & disperiet tamquam aqua superuacua.

Quod præclare admodum & fuse prosequitur S. Bernardus Sermone contra pessimum vitium ingratitudeinis: postquam enim commemorauit acceptas à Religiosis diuinas Gratiâs: Sed iam, inquit, omnino monet fratres mei, quid sibi velis, quod minus erga nos, liberalis nunc diuina clementia videatur, vt quibus tanta contulit non rogantibus, non desiderantibus, imo & fortasse recusantibus: nunc orantibus, obsecrantibus, postulantibus sapissime, imo continuè, videatur multa minora negare? Quid enim putamus, charissimi? Abbreviata est manus Domini, an forte thesauri gratia defecerunt? Quid inquam, putamus, utrum voluntas mutata sit, an immutata facultas? Neutrum sane de eo estimare licet: neutrum fas est credere de omnipotenti & immutabili maiestate. Quid sibi vult ergo quod incessanter orantes, obsecrantes, postulantes non exaudit, quibus tantam & tam gratuitam misericordiam prerogauit? Tam vero id declarans ex Ingratitude fieri sic pergit demonstrare quanta inde in ruinam detrimenta impotentur: quàm multos enim videmus & plangimus, fratres, qui dummodo maneat habitus & tonsura, salua sibi omnia arbitrantur, non considerantes miseri quemadmodum Ingratitudeinis vermis interiora corrodens, ob hoc tantum corticem quem videt transforare dissimulet, ne forte recogitent & erubescant, ipsaque verecundia emendetur. Qui sic interdum in nonnullis consumpta esse interiora vniuersa presumit, vt non vereatur ad ea quoque quæ foris apparent venenatum ducere caput: nisi forte quos videmus manifestè apostatâre à Deo, repente fieri pessimos arbitrantur, & non magis paulatim defecisse, cum comedimus alieni

robatur eorum & nescierunt.

Serm. 63. in
sanctis.

Potestne cogitari quid illa vilis anima : quid illa vilitate deterius ? De illo autem frigore cui comparata est Ingratitudo sic Idem sanctus Abbas non minus opportunè : *Hoc frigus si semel animum, anima quidem, ut assolet, incuria, spiritu dormitante peruerferit, ac nemine deinde, quod absit, inhibente, ad interiora eius pervenerit, descenderit in viscera cordis & sinum mentis, concusserit affectiones, occupauerit consilij semitas, perturbauerit indicij lumen, libertatem ad-dixerit spiritus; mox, ut in corpore solet euenire febricitantibus, subit quidam animi rigor, & vigor lentescit, languor fingitur virium, horror austeritatis intenditur, timor sollicitat paupertatem, contrahitur animus, subtrahitur Gratia, protrahitur longitudo vite, sopitur ratio, spiritus extinguatur, deservescit novitius servor, ingrauescit tepor fastidiosus, refrigerat fraterna Charitas, blanditur voluptas, fallit securitas, renouat consuetudo. Quid plura? dissimulatur lex, abdicatur ius, fas prescribitur, derelinquitur timor Domini. Dantur postremò impudentia manus, presumitur ille temerarius, ille pudendus, ille turpissimus, plenus ille ignominia, & confusione saltus de excelso in abyssum, de pavimento in sterquilinum, de solio in cloacam, de cælo in cænium, de claustro in saculum, de paradiso in infernum.*

Spec. 3.

Boll. 4. c. 1.

Ecce quò tandem ille miserandus tendit status! ecce quam sit vilis in oculis Dei, ecce quid sit ita esse vilem in eius oculis, nempe ut iacentem in eo statu animam oculi Domini plane auerferant! Quod & alia similitudine valde apta Dominus ipse, ut iam alibi diximus repræsentat, cum ait ingrato cuidam : *Quia tepidus es, incipiam te euomere ex ore meo. Nec immerito, inquit Abbas Daniel apud Cassianum, eos Dominus quos iam in visceribus receperat Charitatis, naxiè tepesfactos cum quadam convulsione pectoris sui euomendos esse pronuntiat, qui cum salutarem quodammodo ei potuissent præbere substantiam, aucti ab eius visceribus maluerunt, tanto deteriores effecti illis qui nunquam ori Dominico illati sunt cibis, quanto id quod nausea compellente projecimus, odibilis detestamur.* Et post pauca : *quod semel vitio pernicioso teporis abiectum est, non dicam labijs admo-uere, sed etiam eminus intueri, sine ingenti horrore non possumus.* Et quæ plura ibi habentur ad hanc animæ vilicatem & extremam vililitatis perniciem demonstrandam.

Vide supra in hac p. Dominica vigesima prima, ubi de seruo nequam à quo repetiit Dominus quæcumq; remisera, quia nō remisit.

Chara Deo anima si chara esse desinit, tanto euadit, &c. 747

vnus ex conseruis suis, eandem petenti gratiam; quod serui factum Dominus cum velut Ingratitudinem interpretatus esset, sic illam vnā sibi displicere significauit, quanta displicerent illa omnia quæ iam remiserat: Non enim proprie reuocauit remissa & condonata, sed Ingratitudinem tali pœna multauit, qualem illa multa & grauiā merebantur peccata, quæ condonauerat.

Vnde rursum apposite sanctus Bernardus: *Dico ego vobis quoniam* ser. 2. de
pro meo sapere, nihil ita displicet Deo, praesertim in filiis Gratia, in Euang. septem paruo,
hominibus conuersionis, quemadmodum Ingratitudo. Vias enim obstruit
Gratia, & ubi fuerit illa, iam Gratia accessum non inuenit, locum
non habet. VINDEMLAVIT me ut locutus est Dominus in die Tob. 1.
ira furoris sui.

III. PUNCTVM.

HINC ergo patet Veritas: quod chara Deo anima si chara esse desinat, tanto euadit vilior, quanto erat charior: & tanto difficilius redit ad gratiam unde excidit, quando ei erat facilius, non excidere si stare voluisset. Sic thesauri bonitatis & gratiarum trans- Rom. 2.
seunt in thesauros iræ & suppliciorum: utrobique thesauri sed Ibid. 5.
longe varij & diuersi. Sic ubi abundauit delictum abundat gratia: & ubi abundauit gratia, illic abundat delictum, siue culpam siue pœnam respicias. Quid melle dulcius? Sed si perperam & indif-
crete sumatur, tanto euadit amarius quanto erat dulcius. Nihil magis decet Regem quàm Clementia, sed irritata regis clementia transit in iram quæ leonina dicitur, id est, in humanis grauissima. Prov. 19.
Malacia seu tranquillitas maris quo est diuturnior seu quicior, eo sauiorem cogit tempestatem. Vidistine fratres, aut consanguineos aut affines inter se dissidentes? nihil illis reconciliandis difficilius, quia cum illi natiuo essent coniuncti amoris vinculo, non facilis causa fuit, cur tale vinculum dissolueretur, nec de facili etiam, iteratò ligabitur.

Hoc & humanis accidit corporibus quæ quo firmitius sana & valida constiterunt, eo periculolior morbus est quo derepente corripuntur, quia tam valida corpora morbus nonnisi grauis & pestifer posset inuadere, siq; sapissime vt diuturnior sanitas, morborum ac mortis causas damnosius nutriet. *Ascendunt, inquit David, 27. 106,*
usque ad caelos, & descendunt usque ad abyssos. Diceret fieri pondus



DOMINICA XXVIII.

ET POSTREMA POST PENTECOSTEN.

Quæ & potest esse xxvii. xxvi. xxv. xxiv. aut. etiam
xxiii. secundum regulam suprà datam.

DE SIGNIS DESTRVENDÆ CIVITATIS ET EXTREMI APPROPINQVANTIS JVDICII.

*Cùm videritis abominationem desolationis, qua
dicta est à Daniele Propheta, stantem in loco
Sancto. Matth. 24.*

VERITAS PRACTICA.

Quidquid abominandum desolatæ ciuitati acciderit,
nulla tam grauis abominatio desolationis quàm
lethale peccatum.

*RATIO EST, Quia nulla tam grauis abominatio desolatio-
nis est quàm quod est grauius malum.*

Sed nullum est grauius lethali peccato malum.

Ergo nec ulla grauis abominatio desolationis est.

AD primam propositionem declarandam tria breuiter recen-
seri possunt. Primum quid sit abominatio desolationis, nempe

4. Pars.

X x x x

712 *Sabbato Hebd. 27. post Pent. Amen dico vobis, &c.*

ab ascensu, ut quo est ascensus sublimior, eo sit descensus rapidior & depressior. Denique ut vnde sermo est ortus, illic concludatur. Vide Ieremiam in lamentationibus destructæ & destruendæ ciuitatis Ierusalem, ubi beatiore euadunt miseriore, discursu quodam facto per omne miseriarum genus quod facile est animæ peccatrici applicare. *Qui vefcebantur voluptuose, interierunt in viis: qui nutiebantur in croceis, amplexati sunt stercora. Et major effecta est iniquitas filia populi mei peccato Sodomorum, quæ subuersa est in momento, & non ceperunt in ea manus. Id est, vix vlla fuit distantia temporis à quo incepta est & finita vallatio ciuitatis, adeo repentina & cumulata fuit, Candidiores Nazaræ eius niue, nitidiores lacte, rubicundiores ebore antiquo, saphiro pulchriores: Denigata est super carbones facies eorum, & non sunt cogniti in plateis. Tantùm scilicet à seipsis mutati, ut in aperto etiam & patenti loco, qui magis fuerant in ciuitate clari, magis essent obcuri.*

Vide in 1. p. Die 5. Ianuarij. In 2. parte, Fer. 5. Hebd. 4. post Pascha. In 3. p. Sabbato Hebdomadæ 2. ubi hæc tractatur Veritas valde his opportuna:

Agni vel maxime formidanda ira.



DOMINICA



DOMINICA XXVIII.

ET POSTREMA POST PENTECOSTEN.

Quæ & potest esse xxvii. xxvi. xxv. xxiv. aut etiam
xxiii. secundum regulam suprâ datam.

DE SIGNIS DESTRVENDÆ CIVITATIS ET EXTREMI APPROPINQVANTIS JVDICII.

*Cum videritis abominationem desolationis, qua
dicta est à Daniele Propheta, stantem in loco
Sancto. Matth. 24.*

VERITAS PRACTICA.

Quidquid abominandum desolatæ ciuitati acciderit,
nulla tam grauis abominatio desolationis quàm
lethale peccatum.

*RATIO EST, Quia nulla tam grauis abominatio desolatio-
nis est quàm quod est grauius malum.*

Sed nullum est grauius lethali peccato malum.

Ergo nec ulla grauis abominatio desolationis est.

A D primam propositionem declarandam tria breuiter recen-
seri possunt. Primum quid sit abominatio desolationis, nempe

4. Pars.

X x x x

Prov. 13.
Ibid. 25.

tam famam restituat ! Ac proinde quàm frequens & ordinarium, ut peccati veniam non consequatur & sic pereat in æternum ! O quam præclare propterea Sapiens : *qui detrahit alicui rei, ipse se in futurum obligat.* Et rursus : *quæ viderunt oculi tui, ne proferas in iurgio cito : ne postea emendare non possis, cum dehonestaueris amicum tuum.*

III. PUNCTVM.

Ps. 63.

Prov. 24.

QUAMOBREM aperte patet quod in arguendis aliis nisi prudentiam serpentis adhibeas, virus serpentis exhibebis. Non argues vicia sed de vitiosis detrahes ; non sanabis morbum sed auges ; nulli proderis, & tibi multum nocebis. Sagitta paruulorum factæ sunt plagæ eorum. Id est, verba quæ proferuntur contra proximum non seruatis debitis circumstantiis, sunt velut sagittæ quas paruuli infantes volunt ex arcu emittere, partimque laidunt quos petunt, partim in ipsos recidunt sagittarios, partim in circumstantes detorqueantur, non sine graui omnium vulnere, non sine variis ac multiplicibus singulorum detrimentis ; vnde tam crebra in scripturis monita de cauenda non tantum detractiōe, sed & ipsis detractoribus fugiendis, *quoniam repente*, inquit Sapiens, *consurget perditio eorum : & ruinam vtriusq; quis nouit ?* Id est, detractoris & auditoris ; quasi diceretur, tam repentina, tam multiplex, & tam grauis est vtriusq; ruina ; ut nemo satis eam norit. Vel sit interpretata : Tam multi sunt detractores & detractorum socij ; tam verò pauci qui ruinas eorum cogitent, ut meritò quaeri possit, *ruinam vtriusque quis nouit ?* Si enim nossent non ita faciles essent in carpendis alijs ; Vel cum ita sint faciles, damna sua non cogitant.

Ep. ad Cels.
Iulianum.

Hinc apte S. Hieronymus : *Nulli unquam omnino detrahas : & si aliorum vituperatione te laudabilem videri velis, magis tuam vitam ornare disce, quàm alienam carpere : ac semper memor esto scripturæ dicentis, noli diligere detrahere, ne eradiceris.* Pauci etenim sunt qui huic vitio renuntiant ; rarumque inuenies qui irreprehensibilem vitam suam exhibere velit, ut is non libenter reprehendat alienam : tantaque huius mali libido mentes hominum inuasit, ut etiam qui procul ab alijs vitijs recesserunt, in istud tamen quasi in extraneum laqueum diaboli incidant. Iam vero vide nūn sit illa opus singulari cautione ac prudentia quam requirit proposita Veritas in eo declinando vitio cuius

In arguendis aliis nisi prudentiam serpentis adhibeas, &c. 705

cuius lapsus est valde facilis, difficilis admodum regressus, & mo-
ra damnosissima.

Insignis est ad omnem memoriam poena inflicta Mariae sorori
Moyſis, quòd de fratre suo paulo liberius detraxisset, nam & Na-^{Nam. 12.}
tim leprosa facta est & separata septem diebus ab humano con-
sortio, & nisi frater eius orasset, grauiora forsan passa esset,
quæ certe indicant quàm vere dixerit Apostolus, *Detrahentes,* ^{Rom. 1.}
Deo odibiles.

Illustris est etiam ille psalmorum locus ubi detrahentem de fu-
turo supplicio monet Dominus, ut inde sibi prospiciat. *Sedens*
aduersus fratrem tuum loquebaris, & aduersus filium matris tue po-
nebas scandalum: hæc fecisti, & iacui. Existimasti inique quòd ero ^{Ps. 42.}
tui similis, arguam te & statnam contra faciem tuam. Id est, non
ero similis tui de te loquens in occulto sicut de aliis loqueris, sed
palam, sed manifestè coram omnibus te arguam: te castigabo,
& illud ipsum probum quòd intulisti proximis, in faciem tuam
Ego ipse iudex tuus aliquando refundam: & hoc velim omnes in-
telligant, ne pari culpa peccent, ne pari poena puniantur.

Vide in hac 4. parte, Feria 3. Hebd. 16. de Correptione frater-
na. Et Fer. 2. Hebdom. 19. ubi multa de aliis non temere accu-
sandis.



S A B B A T O.

DE TEMPLI DESTRUCTIONE QUAM PRÆDICIT DOMINVS.

Amen dico vobis, non relinquetur hic lapis super
lapidem qui non destruatur. Math. 24.

VERITAS PRACTICA.

Chara Deo anima si chara esse desinit, tantò euadit
vilior, quantò erat charior,

A. PAYS.

Vuun

RATIO EST, Quia si chara Deo anima, chara esse desinit, oportuit grauem interuenisse causam, oportuit eam fuisse multum infidelem & ingrati.

Sed anima sic infidelis & ingrata, tanto euadit vilior quanto erat charior.

Ergo & certa Veritas, & certè multum pauenda.

I. P V N C T V M.

ET egressus Iesus de templo, ibat. Et accesserunt Discipuli eius, ut ostenderent ei adificationes templi. Ipse autem respondens dixit illis: Videtis hæc omnia? Amen dico vobis, non relinquitur hic lapis super lapidem qui non destruat. Tum secedens longius in montem Oliueti, denuntiat eis diuersa calamitatum genera quæ ventura essent in vniuersum orbem. Primo quidem contra Iudæos qui prorsus exterminandi erant. Deinde contra ipsos Discipulos qui variis erant cruciandi tormentis. Ac denique contra totum quæ late pater mundum, regnante Antichristo, & redeunte ad iudicandos homines Christo Domino, Iudice viuorum ac mortuorum, quem multa & horrenda signa præcedent de quibus cristinum occurret Euangelium. Nunc quod Templi tam augusti destructionem & tam charæ ciuitatis euersionem spectat, paulò attentius consideremus. Satis enim admirari nemo queat quomodo illa quæ præ cæteris totius vniuersi partibus Deo chara erant, vel destructa fuerint, vel numquam restitui potuerint, quantacumque vis humana, collatis pene omnium Christianorum Regum viribus in id contenderit.

Quomodo sedet sola Ciuitas, plena populo! facta est quasi vidua, Domina Gentium, princeps prouinciarum facta est sub tributo! Quomodo obscuratum est aurum, mutatus est color optimus, dispersi sunt lapides Sanctuarij in capite omnium platæarum. Complens Dominus furorẽ suum, effudit iram indignationis suæ, & succendit ignem in Sion & deuorauit fundamenta eius. Hæc & plura Ieremias quæ modò possunt dolentius deplorari non solum de destructis & numquam restitutis sacris illis Locis, sed multo magis de tam multis animabus quæ cum in primis charæ Deo essent, sic esse desierunt ex pri-

mis & charioribus, vt quanto erant chariores, tanto euaserint viliores. Hoc est enim quod euerso postremum templo nec vniquam deinceps restituto figuratur; hoc est expressum & ad posteros omnes transmissum exemplar infidelis & ingratae animae castigatae: sic plerumque destruitur, vt numquam reparetur, sic discedit vt non redeat: sic cadit vt non resurgat, sic peccat vt non resipiscat, sic vilis & exosa redditur, vt quanto erat charior, tanto euadat vilior. Nonne hoc stupendum, nonne hoc perpendendum?

Quod vt solidius & fructuosius fiat, tria sunt primo declaranda ex quibus Ratio constet qua proposita Veritas magis illustretur. Primum est, hoc esse maxime proprium diuinæ Charitati qua Deo chara est anima, vt quantum in se est, *numquam excidat*, licet ai- 1a Cor. 13. Apostolus, Id est, ita sibi Deus quam charam habet animam, vniet & vnitam conseruet, vt nisi se inde anima volens & lubens separet, numquam à se Deus illam disiungat. *In Charitate perpetua* 1a in dilexi te. Nam enim ille amat & deserit, qui singulariter ait: *Ego* Mat. 3. *Dominum & non mutor*: Nec illa Charitas ex se mutabilis dici potest quæ est vinculum perfectionis.

Secundum quod inde sequitur est, vt cum varij sint Charitatis Gradus, quantò quis in sublimiori existat, & magis charus Deo fuerit, tanto etiam arctius illi vnitus est, & strictiori vinculo quodammodo colligatus, vnde licet semper pro sua libertate possit se homo separare, difficilius tamen hæc separatio fiat propter vim vnitivam quam vocant & constrictivam Charitatis. *Quis nos sepa-* Rom. 8. *rabit à Charitate Christi? LAEVA eius subcapite meo, & dextera* CAR. 8. *illius amplexabitur me. Pone me vt signaculum super cor tuum, vt signaculum super brachium tuum, quia fortis est vt mors dilectio; dura sicut Infernus emulatio: Lampades eius, lampades ignis atque flammavum. Aqua multa non potuerunt extinguere Charitatem, nec flumina obruent illam. Quæ sunt omnia firmitatis & constantiæ symbola:*

Tertium denique est, quod si proinde anima Deo chara se à Deo separet & chara esse desinat, oportet intervenisse non vulgarem aliquam causam; oportet primo illud quod causa peccati & recessus à Deo fuerit, fuerit admodum graue ac vehemens. Deinde vero licet peccarit, cur non statim resurgat, cur non Gratia statim peccatorem ad se reuocet, vel cur peccator Gratia non obse-

1er. 8:

Cant. 6.

21. q. 186.
a. 10.

Pf. 54.

2er. 1.

cundet, mirum id certe in tali anima, cum de ipsis quibuscumque peccatoribus mirari videatur Deus, & per Prophetas quærat, *Numquid qui cadit non resurget? & qui auersus est non reuertetur?* quare ergo auersus est populus iste in Ierusalem auersione contentiosa? Quare ergo illa tam chara Deo anima quæ cecidit non resurgit, & quæ auersa est, non statim reuertitur, cum statim sponsus ad se illam reuocet, *Reuertere, reuertere, Sulamitis: reuertere, reuertere ut intulamur te*; aut certe si non ita reuocetur, oportet sponsum esse valde offensus: oportet causam offensionis esse valde grauem.

Sic plane est, quidquid illa mortale peccarit anima, non potest non esse admodum graue, propter acceptas maiores Gratias quibus erat præ cæteris Deo charior: vnde, inquit Diuus Thomas: *Ulcet alia minus chara idem specie peccauisset, non idem tamen grauitate peccasset, quia non esset tam infidelis & ingrata: quia non tanta receperat beneficia quorum ratione magis aut minus infidelis & ingrata dicitur peccatrix anima.*

Quoniam si inimicus meus maledixisset mihi, sustinuissem utique. Et si is qui oderat me, super me magna locutus fuisset, abscondissem me forsitan ab eo. Tu vero homo unanimis dux meus & notus meus, qui simul mecum dulces capiebas cibos, in domo Dei ambulauimus cum consensu. Quasi diceret, ut interpretatur sanctus Augustinus, unde ergo dissensio! qui intus erat, foris factus est. Ambulaui tecum in domo Dei cum consensu: aliam domum erexit contra domum Dei. Quare illa relicta est ubi ambulauimus cum consensu? quare illa deserta est, ubi dulces simul capiebamus cibos? Non potest certe non id ingratißimum recenferi.

II. PUNCTVM.

SED anima sic infidelis & ingrata, tanto euadit vilior quanto erat charior.

Ita enim Deo displicet ingratitude, ut quanto anima est ingrator, tanto magis displiceat: quanto autem erat charior, tanto est ingrator si per suam culpam chara esse desinit, vnde necesse est ut tanto etiam magis displiceat & vilior fiat, sicut expresse dicitur *quàm vilis facta es nimis, iterans vias tuas.* Id est, non reuertens à peccato; Id est, in eo statu quo esse chara desi-

nis, Id est, quanto magis procedis in illo ingratitudeis statu, tanto magis mihi vilescis, & sic tandem fiet vt nimis, id est, valde vilis fias. Vnde & ipsa post si quando resipiscat; *Vide, inquit, Domine & considera, quoniam facta sum vilis.* Quasi diceret, sentio quàm sim vilis, sentio quàm sit mihi damnosum, sic esse vilem; aut quia sic vilis sum coram Deo, inde prouocor ad resurgendum, inde ipsum prouoco Deum vt me in nouam recipiat Gratiâ.

Sed raram istud est & valde difficile, nam hoc habet annexum ista vilitas vt maioribus sublati Gratiis, ratiore conferantur; & qui ambulare noluerunt in lumine, in tenebris ambulent: qui lucentem sibi solis ardorem neglexerunt, tabescant frigore. *Ingrati enim spes, inquit Sapiens, tamquam hybernalis glacies tabescet, & sap. 16. differiet tamquam aqua superuacua.*

Quod præclare admodum & fuse prosequitur S. Bernardus Sermone contra pessimum vitium ingratitudeis: postquam enim commemorauit acceptas à Religiosis diuinas Gratiâs: *Sed iam, inquit, omnino monet fratres mei, quid sibi velit, quod minus erga nos, liberalis nunc diuina clementia videatur, ut quibus tanta contulit non rogantibus, non desiderantibus, imo & fortasse recusantibus: nunc orantibus, obsecrantibus, postulantis sapissime, imo continuè, videatur multa minora negare? Quid enim putamus, charissimi? Abbreviata est manus Domini, an forte thesauri gratia defecerunt? Quid inquam, putamus, vtrum voluntas mutata sit, an immutata facultas? Neutrum sane de eo aestimare licet: neutrum fas est credere de omnipotenti & immutabili maiestate. Quid sibi vult ergo quod incessanter orantes, obsecrantes, postulantes non exaudis, quibus tantam & tam gratuitam misericordiam prerogauit? Tam vero id declarans ex Ingratitude fieri sic pergit demonstrare quanta inde in ruinam detrimenta importentur: quàm multos enim videmus & plangimus, fratres, qui dummodo maneat habitus & tonsura, salua sibi omnia arbitrantur, non considerantes miseri quemadmodum Ingratitude vermis interiora corrodens, ob hoc tantum coricem quem videt transforare dissimulet, ne forte recogitent & erubescant, ipsaque verecundia emendetur. Qui sit interdum in nonnullis consumpta esse interiora vniuersa presumit, vt non vereatur ad ea quoque que foris apparent venenatum ducere caput: nisi forte quos videmus manifestè apostatâre à Deo, repente fieri pessimos arbitramur, & non magis paulatim defecisse, cum comederint alieni*

Chara Deo anima si chara esse desinit, tanto euadit, &c. XX

¶ Vni ex conferuis suis, eandem petenti gratiam; quod serui factum Dominus cum velut Ingratitudinem interpretatus esset, sic illam vnam sibi displicere significauit, quanta displicerent illa omnia quæ iam remiserat: Non enim proprie reuocauit remissa & condonata, sed Ingratitudinem tali poena multauit, qualem illa multa & grauiam merebantur peccata, quæ condonauerat.

Vnde rursus apposite sanctus Bernardus: *Dico ego vobis quoniam* Ser. 2. de
Euang. seq-
tem panem.
pro meo sapere, nihil ita displicet Deo, præsertim in filiis Gratia, in
hominibus conuersionis, quemadmodum Ingratitudo. Vias enim obstruit
Gratia, & ubi fuerit illa, iam Gratia accessum non inuenit, locum
non habet. VINDEMIAVIT me ut locutus est Dominus in die
ira furoris sui. Tha. 1.

III. PUNCTVM.

HINC ergo patet Veritas: quod chara Deo anima si chara esse desinat, tanto euadit vilior, quanto erat charior: & tanto difficilius redit ad gratiam unde excidit, quando ei erat facilius, non excidere si stare voluisset. Sic thesauri bonitatis & gratiarum tran- Rom. 2.
Ibid. 5.
seunt in thesauros iræ & suppliciorum: utrobique thesauri sed longe varij & diuersi. Sic ubi abundauit delictum abundat gratia: & ubi abundauit gratia, illic abundat delictum, siue culpam siue poenam respicias. Quid melle dulcius? Sed si perperam & indif-
crete sumatur, tanto euadit amarius quanto erat dulcius. Nihil magis decet Regem quàm Clementia, sed irritata regis clementia Prou. 19.
transit in iram quæ leonina dicitur, id est, in humanis g. auissima. Malacia seu tranquillitas maris quo est diuturnior seu quietior, eo sauiorem cogit tempestatem. Vidistine fratres, aut consanguineos aut affines inter se dissidentes? nihil illis reconciliandis difficilius, quia cum illi natiuo essent coniuncti amoris vinculo, non facilis causa fuit cur tale vinculum dissolueretur, nec de facili etiam, iteratò ligabitur.

Hoc & humanis accidit corporibus quæ quo firmitus sana & valida constiterunt, eo periculosior morbus est quo derepente corripuntur, quia tam valida corpora morbus nonnisi grauis & pestifer posset inuadere, sitq; sæpissime vt diuturnior sanitas, morborum ac mortis causas damnosius nutriat. *Ascendunt, inquit David, Ps. 106,*
usque ad caelos, & descendunt usque ad abyssos. Diceres fieri pondus



DOMINICA XXVIII.

ET POSTREMA POST PENTECOSTEN.

Quæ & potest esse xxvii. xxvi. xxv. xxiv. aut etiam
xxiii. secundum regulam suprà datam.

DE SIGNIS DESTRVENDÆ CIVITATIS ET EXTREMI APPROPINQVANTIS JVDICII.

*Cum videritis abominationem desolationis, qua
dicta est à Daniele Propheta, stantem in loco
Sancto. Matth. 24.*

VERITAS PRACTICA.

Quidquid abominandum desolatæ ciuitati acciderit,
nulla tam grauis abominatio desolationis quàm
lethale peccatum.

*RATIO EST, Quia nulla tam grauis abominatio desolatio-
nis est quàm quod est grauius malum.*

Sed nullum est grauius lethali peccato malum.

Ergo nec ulla grauis abominatio desolationis est.

A D primam propositionem declarandam tria breuiter recen-
seri possunt. Primum quid sit abominatio desolationis, nempe

¶ Pars.

X x x x

aliquid abominandum propter quod desolata sit ciuitas; vel ipsa tam grauis desolatio, vastitas, solitudo & expilatio ciuitatis vt abominatione sui excitet, hoc est enim proprie desolari, expilari & ita suis exspoliari bonis nihil vt super sit quam solitudo & vastitas.

Secundo, quid illud fuerit abominandum in loco sancto propter quod diceretur esse talis desolatio, vel quomodo fuerit ita desolatum templum & in solitudinem ac vastitatem redactum. Varia est interpretum opinio. Alij enim referunt ad Antichristum qui se velut Deum in templo volet adorari; sed minus literalis est ista interpretatio. Alij ad exercitum Romanorum moenia ciuitatis obsidentem, vel ipsum templum, & tum suas aquilas, aliaue signa bellica praefertentem quae Iudaei abominabantur. Alij dicunt esse imaginem Caesaris quam iussit Pilatus in templo vel in ipsis etiam Sanctis sanctorum collocari. Alij potius interpretantur de statua Adriani Imperatoris quam ipse in loco templi erexit. Sunt qui probabilius referant ad seditionem illam de qua Iosephus l. 6. de bello Iudaico c. 1. quando scilicet quidam e Iudaeis Zelotae dicti ob nimium Legis Iudaicae Zelum, se in templum receperunt, vt dum illud ac patriae leges contra Romanos tueri voluerunt, illud potius contaminarint. Alij denique non aliam volunt esse abominationem desolationis in loco sancto quam ipsam templi euerisionem, ac vniuersam illam stragem quam tota ciuitas in abominandam solitudinem, vastitatem & desolationem versa est de qua, die praecedenti.

Quidquid sit, certum est intelligi grauissimum aliquod malum quo praeteritis desolarentur Iudaei & quod praesertim abominari dicerentur. Vnde illud Tertium superest satis perspicuum quod habet propositio, quod nulla est tam grauis abominatio desolationis quam quod est grauius malum siue in se, siue in personis quarum est malum, siue in quos alios redundare possit. Nam si vniuersum dicatur abominandum quod desolet & vastet; certe quando quid magis desolabit & vastabit, tanto magis aut grauius dicitur abominandum, aut ipsa grauior abominatio desolationis. Sic Propheta Ezechiel ait se à Domino ductum vt videret in templo quas Iudaei committerent abominationes, primò quidem magnas, deinde vero maiores ac maiores prout grauius malum Deo Iudice continebant. Diuino nempe iudicio res pendere debent, seu rerum maior aut minor grauitas aestimari.

Ezech. 8.

Qui quod legit, intelligere negligit, negligentia suæ pœnas legit. 715.

AD SECVNDAM vero propositionem:

Sed nullum est grauius lethali peccato malum.

Sive illud in se consideres, prout æqua diuini iudicii lance pendendum est; siue in bonis quibus animam priuat, & in miserandam solitudinem, vastitatem, ac desolationem adigit: siue in damnis tēporalibus & æternis quæ secum infert: Vide in appendice ad Missiones in 3. p. post Hebdomadam vndecimam, capite decimo tertio; vbi hæc fusius exponuntur: vnde Veritas euidenter patet, *quod quicquid abominandum desolata ciuitati acciderit, nulla tam grauis abominatio desolationis quam lethale peccatum.* Mala simul omnia conferantur, nihil tale est malum quàm offensa Dei. Vide & pro veniali peccato in 2. p. Fer. 6. Hebdom. 1. post Octauas Paschæ. Et Ibid. Sabbato Hebdom. 3. Praxis vero est illud sentire & dicere quod Psaltes regius, *Iniquitatem odio habui & abominatus sum. Omnem viam iniquitatis odio habui.* QVEMADMODVM Pf. 119. aliquod, inquit S. Augustinus immanissimum marini itineris saxum declinabat, vbi tam pretiosarum rerum necesse est pati naufragium. Quod ut non contingat, longe inde velificat qui in ligno crucis cum mandatorum diuinorum oneribus navigat.

Qui legit intelligat.

VERITAS PRACTICA.

Qui quod legit intelligere negligit, negligentia suæ pœnas legit..

SENSVS & RATIO EST, Quod qui legit obseruanda, nec habet animum obseruandi quæ legit, peccat peccato negligentia & peccati sui debitas pœnas legit.

Sed qui negligit intelligere quod legit, non habet animum obseruandis ea quæ legit.

Ergo & peccat & negligentia suæ pœnas legit, quas ut euitet, audiat Christum admonentem, QVI LEGIT, INTELLIGAT.

XXXX ij

CVM Christus Dominus de futura loquens abominatione desolationis dixisset eam esse quæ à Daniele Prophetâ quondam prædicta est, statim addidit, *qui legit intelligat*, quia subobscurum erat quid illa significarent Prophetæ verba, idcirco admonet ne leuiter & præproperè vt solet fieri, legantur, sed studiose, diligenter, & tam accurate vt intelligantur, & inde fructus colligantur. Quod sanè Monitum ad alia quæ legimus vel ex sacris libris vel ex aliis quos spirituales vocamus, transferri potest, & inde contra solitam plurimorum negligentiam qui transcursum omnia legunt, saluberrima Veritas elici, *Vt qui quod legit, negligit intelligere, timeat ne peccati sui penas legat.*

Sensus est autem præcipue de his quæ præcepta morum continent & quæ ita veniunt in praxim & in obseruationem, vt eorum prætermisio possit esse culpabilis; tunc planè Veritas locum habet, & sic aperte ac breuiter declaratur, quia qui legit sibi obseruanda, nec habet animum ea obseruandi, peccat vel peccato particulari quod his opponitur quæ tum legit, vel peccato generali quod dicitur Negligentiæ quæ negligimus quæ sunt nostræ salutis & perfectionis, cuius si studiosi essemus vt par est, statim atque cognoscimus quid ad illam spectet, tota mente atque ambabus vt dici solet vlnis amplecteremur. Quod præclare admodum significauit Ecclesiasticus cum dixit, *Verbum sapiens quodcumque audierit, sciens laudabit & ad se adjiciet: audiuit luxuriosus & displicebit illi, & projiciet illud post dorsum suum.* Quò etiam referri potest illud Ecclesiastæ, *qui timet Deum, nihil negligit.* Atque illud etiam Apocalypsis, *In mente habe, qualiter acceperis, & audieris, & serua.* Quamobrem hinc illud euidentius est quod qui hunc animum intendo non habet, plane negligens habeatur.

Et quod aliud habet Propositio, non minus euidenter sequitur quòd lux negligentia poenas legit quas nempe passim Scripturæ denunciant, vt cum in Prouerbiis dicitur, *qui negligit viam suam, mortificabitur:* Et manifeste Apollolus, *propterea, inquit, abundantius oportet obseruare nos ea quæ audiuimus, ne forte perefluamus. Si enim qui per Angelos dictus est sermo, factus est firmus, & omnis præuaticatio & inobedientia accipit iustam mercedis retributionem, quomodo nos effugiemus, si tantam neglexerimus salutem?*

SED, quæ est altera & præcipua propositio, *qui quod legit, ne-*

Ecclesi. 21.

Eccel. 7.

Apoc. 3.

Prim. 19.

Hebr. 2.

Qui quod legis, intelligere negligis; negligenter sua pœnas legis. T. 7.
gligit intelligere, non habet animum obseruandi ea quæ legis. Habet
enim animum plane oppositum: Nam hoc ipso quo negligit in-
telligere, non vult obseruare, cùm ad obseruationem sit ita opus
intelligentia vt qui obseruanda non intelligat non obseruet; &
qui nolit ea intelligere, nolit ea obseruare. Sicut enim intelligen-
tia medium quoddam est ad obseruantiam, ita negligentia siue
ignorantia quæ ex negligentia prouenit, obex quidam est ne ob-
seruetur quod legitur. Qui ponit autem obicem obseruândi aliquid,
plane non habet animum illud obseruandi. Vnde illa sunt tam
frequentur repetita ex Scripturis: Noluit intelligere vt bene ageret. ps. 36.
QVI dixerunt Deo, recede à nobis & scientiam viarum tuarum nolu-
mus. Quod autem non excusetur talis ignorantia quæ est volunta-
ria, & eorum quæ sciri debent & possunt, habes fuscè alibi de-
monstratum. Vide in 2. p. die 25. Martij, ad verba illa Beatæ Vir-
ginis, quomodo fiet istud, quoniam virum non cognosco, vbi hæc ex-
hibetur Veritas:

**Frustra Beatam Virginem oras, si non quæris sicut
 Illa quod ignoras.**

Ex quibus patet Veritas; Et diligenter indagandum quam mul-
 ta sint in Euangelio quæ occurrunt in singulos pene legenda dies
 quæ vix adhuc intelligis, & quoties ea legisti, toties ea intelligere
 neglexisti. *Adhuc & vos sine intellectu estis? An satis probè hæc*
capis? Quod altum est hominibus, abominatio est ante Deum. NISI
efficiamini sicut paruuli, non intrabitis in regnum cælorum. QVI non
est mecum, contra me est. Si oculus tuus dexter scandalizat te; erue eum.
 Cum enim tam aperte his & similibus vitâ contradicas, non
 aliunde prouenit quam quod nolis te illis conformare, vel non
 intelligas quomodo aliter te his conformare possis. *Intellige qua*
dico, inquit Apostolus, dabit enim tibi Dominus in omnibus intelle-
ctum, quasi hoc tibi diceretur, Intellige quæ dico ad teipsum co-
gnosendum quàm longè erres ab his quæ legis & audis ex Verbis
Domini. Tum vero, si quod est, fatearis & velis reuiscere ac te
magis Euangelio conformare, dabit tibi Dominus in omnibus in-
tellectum, vt quod leges intelligas: Super senes intellexi, quia man-
data tua quasiui.

Quod eleganter admodum prosequitur sanctus Gregorius ad
 illa verba Iob: *bibent suientes diuitias eius. SÆPE stultus habet*

718 Dominica 28. post Pent. De signis extremi iudicii, &c.

interni liquoris fontem, sed non bibit, quia ingenium quidem intelligentia accipit, sed tamen Veritatis sententias cognoscere legendo contemnit; scit, quia intelligere studenda praeualeat, sed ab omni doctrina studio fastidians cessat. Diuitias quoque mentis, sunt verba sacra locutionis: sed has diuitias stultus oculus aspiciit, & in ornamenti sui usum minime assumit, quia verba legis audiens, magna quidem esse considerat: sed ad comprehendenda hac nullo studio amoris elaborat. At contra alius sitim habet, ingenium non habet: amor ergo hunc ad meditandum pertrahit, sensus hebetudo contradicit, & saepe hoc in diuina legis eruditione, quandoque studendo intelligit, quod per negligentiam ingeniosus nescit. Huius ergo stulti diuitias sitientes bibunt, dum praecepta Dei quae ingeniosi fastidientes nesciunt, hebetes amantes assequuntur. In his nimirum tenebras hebetudinis illustrat oculus amoris: Nam hoc tardioribus sitis aperit, quod velocioribus fastidium claudit.

Vide in 2. p. Fer. 2. Pentecostes, ad hanc Veritatem ibi expositam: Quod Intellectus confert actioni, hoc actio refert intellectui.

Ne tamen curiosius in aliis speculatiuis & quae non ita ducunt ad praxim, velis immorari, praesto est in eadem parte proposita Veritas:

Per. 2. Hebdom.
4. post Pascha.

Non est prius intelligendum vt credas, sed primò credendum est vt post intelligas.

Tunc qui in Iudaea sunt, fugiant ad montes.

Vt saluti suae scilicet consulant, tutiora sunt enim montana loca quam plana & campestria.

Et qui in tecto non descendat tollere aliquid de domo sua.

Habebant Iudaei tecta plana in quibus versari, operari & quidlibet agere soliti erant; Monentur vero ne inde descendant in inferiorem domum sed aliunde foras sese proripiant, vt quam mature fieri poterit, sibi fuga prospiciant.

Et qui in agro, non reuertatur tollere tunicam suam.

Qui quod legit, intelligere negligit; negligentia sua poenas legit. 719.

Ne videlicet retardetur, sed rectâ fugam ineat.

Va autem pregnantibus in illis diebus.

Quia impediuntur à fuga, cum vterum gerant mulieres, aut infantulos sinu portant, quibus lac præbent.

Orate autem ut non fiat fuga vestra hyeme vel Sabbato.

Quia hyeme tempus est incommodum fugæ, propter dies breviores, aërem frigidiorum & iter magis lutulentum. Non licebat autem Sabbato longum iter agere.

Quorum omnium verborum sensus & finis est ut quando Romani aduentabunt obsessuri civitatem Ierusalem, statim sine mora fugiant si se saluos velint, quia tanta erit obsessæ urbis vexatio, ut nullistunc sit securum in ea permanere.

Quæ in moralem sensum traducta, plane significant, maturandam esse vitiatorum fugam, non differendam poenitentiam, seu conuersionem in melius, seu bonorum desideriorum executionem propter instantes vndequaque hostes, quibus si permittat Deus animum obsideri ut sæpe fit, tum miserandum in modum vexabitur, nec erit saluti tutum præsidium in poenam dilationis.

Quò referuntur hæ Veritates, iam alibi declaratæ :

Quidquid offerendum Deo sciet vera Deuotio, differre nesciet.

In 1. p. Feria 2. Hebdom. 4. in Aduentu.

Sicut discursum nostri Intellectus statim sequi debet affectus voluntatis: ita & affectum effectus seu executio.

In 1. p. Die 29. Decembris.

Dum lucet ambulandum, ne tenebræ fiant.

In 1. p. Die 5. Ianuarij.

Quò longius differes, difficultatem difficilius tolles.

In 1. p. Fer. 2. Hebdom. 4. post Epiph.

Periculum in mora.

In 1. p. Die 8. Decembris. Et in 4. p. Dominica 23.

720 *Dominica 28. post Pent. De signis extremi Iudicij, &c.*

Si Tentatorem permiseris ingredi, non se permittet egredi.

Facilius excluditur quàm ejicitur.

In 2. p. Dominica 1. Quadragesima.

Si dum adest occasio, virtus abest; vix umquam virtus aderit.

In 2. p. Fer. 2. Hebdom. 2. in Quadragesima.

Præcipitatio animi in statu vitæ deligendo, præcipitium est animæ.

Non euitat præcipitium sed mutat, qui ne nimis sit præceps, nimis est lentus.

In 2. p. In fine, Consideratione 1. & 2. de statibus.

Quò minus potes reddere quæcumque debes, eo magis ac celerius debes reddere quæcumque potes.

In 3. p. Fer. 2. Hebdomade primæ.

Affectum probat effectus.

In 3. p. Fer. 2. Hebd. 9.

Quod vidèris tibi velle, velles quidem, sed verè non vis.

In 3. p. Fer. 2. Hebdom. 12.

Erit tunc tribulatio magna, qualis non fuit ab initio mundi, &c.

Ecce prædixi vobis.

Quantum obest aduersitas improuisa, tantum præuisa prodest.

In 2. p. Fer. 6. Sexagesima.

Quæ viuenti res fuit gratior, hæc fiet morienti gratior.

In

Qui quod legit intelligere, negligit; negligenter sua poenas legit. 721

In 2. p. Feria 4. Cinerum. Et Vide in hac parte, sequentem Hebdomadam, ubi de preparatione ad mortem, seu de vigilantia contra hostes animae.

Statim post tribulationem dierum illorum sol obscurabitur, &c.

Cum dies illi quorum hinc tribulatio describitur non sint tantum dies Antichristi qui paulò ante secundum Christi aduentum Christianos persequetur, sed dies illi sint, ut plures aiunt Interpretes, quibus eversa Ierosolymorum ciuitate & dispersis hinc inde per vniuersum terrarum orbem Iudæis, tanta illorum exitit tribulatio quanta vmquam fuerit maxima; quid est quod Dominus ait, *statim post tribulationem dierum illorum* signa futuri Iudicii proditura, cum iam ab illis diebus supra mille sexcenti & plures anni effluxerint, neque dum tamen signa illa prodierint? Mirum id sane & scitu dignum. Duplex affertur ratio, Prima quòd ita suos omnes Christus velit viuere quasi iam iam morituros & iudicandos, quod tota sequente Hebdomada, ex Iplius Domini verbis patebit euidenter.

Secunda, quod quantumcumque spatiosum videatur hoc tempus, tam breue tamen & tam modicum est si coram Deo spectetur & cum æternitate comparetur, ut rectè à Christo dicatur, *statim post tribulationem dierum illorum* qui iam à multis annis elapsi sunt, futurum illud quod adhuc expectamus iudicium. Sic sanctus 2. Pet. 3. Petrus, *unum hoc*, inquit, *non lateat vos, charissimi, quod unus dies apud Dominum sicut mille anni, & mille anni sicut dies unus.* Sic & sanctus Ioannes, *filioli, nouissima hora est*, Et ne quis dubitet, iterum repetens, *scimus*, inquit, *quia nouissima hora est*, hoc totum scilicet tempus quod nondum finitum est sed quod tandem finiet, & quod ubi finitum est, tam cito pertransisse cognoscitur ut qui vixerunt clament: *nos nati continuo desuimus esse*. 1. Ioan. 2. Sap. 5.

Denique dum verba illa Domini explicarentur in 2. parte Domini. 3. post Pascha: *Modicum & non videbitis me & iterum modicum & videbitis me.* Sic Diuum Augustinum de futuro iudicio iam audiuius esse interpretatum ut diceret, *Modicum est hoc totum spatium quo praesens pernoctat saeculum.* Quamobrem quæ illic ha-

4. Pars.

Yyy

722 *Dominica 28. post Pent. De signis extremi Iudicii, &c.*

bentur Veritates hūc apte referri possunt contra eos qui diuturnitate vitæ longioris, nullo venturi iudicii metu mouentur.

Nil tam modice creditur, quam modicum vitæ tempus, cum nil tamen sit tam credibile.

Ex modico illo quo viuīs tempore, plus etiam vitæ perdis quā viuas.

Tunc parebit signum filij hominis in cælo, & tunc plangent omnes tribus terra.

Hoc signum, signum esse Crucis quod obscuratis sole & luna parebit in cælo splendide: sic interpretantur omnes Patres ut vniuersa id profiteatur Ecclesia: *Hoc signum Crucis erit in cælo, cum Dominus ad iudicandum venerit.* Cur autem plangent omnes dum hoc parebit signum, manifestari potest hæc Veritate proposita:

Quā aperte parebit signum Crucis in Iudicio, tam aperte patebit cur plangent Iudicandi.

RATIO EST, Quia tam aperte patebit cur plangent Iudicandi quā apertum illud erit propter quod se videbunt iudicandos.

Sed quā aperte parebit signum Crucis, tam apertum illud erit propter quod se videbunt Iudicandos.

*Ergo & cur plangent patebit; Quod modo tamen vtilius si vel-
lent, plangerent.*

PRIMA propositio difficultatem non habet; ad pleniorē tamen eius intelligentiam, tria possent breuiter declarari. Primum, licet de omnibus iudicandis siue bonis siue malis dicatur quod viso Crucis signo plangent, tamen longe diuersus erit alterutrorum planctus. Plangent boni, sicut tremunt in cælo Angeli, ex quodam diuinæ maiestatis tremendo cultu. Plangent vero mali, sicut tremunt Dæmones ex quodam imminētis suæ

Pœnæ metu. O quanta planctus diuersitas!

Secundum, de hoc malorum planctu præsertim intelligendam esse Veritatem propositam, sic enim ad fructum vberior erit discursus.

Tertium, si manifestum esse quod habet Propositio, tunc patere cur plangent iudicandi & condemnandi quando id aperte patet propter quod se videbunt condemnandos. Nam si causa eorum planctus est pœna imminens, certe quanto hæc futura pœna patebit apertius, aut quàm propius subeunda timebitur, tanto & cur plangent, apertius esse dicetur. *Et planget terra, familia & familia seorsum*, inquit Propheta. Id est, vnusquisque separatim, vel aliqui simul seorsum ab alijs, prout quique videbunt apertius propter quod sint iudicandi. O quis tum singulorum & omnium planctus!

SECUNDA vero Propositio sensum hunc habet, quòd viso Crucis signo videbunt mali propter quod sint iudicandi, quod vt facilius & fructuosius expendatur, tria sunt etiam quæ obseruentur. Primum est, quod licet immediata & proxima causa cur mali condemnentur sint eorum peccata siue commissionis vt vocant siue omissionis; tamen ipsa peccatorum causa spectanda est, & tum maxime spectabitur in tremendo illo iudicio siue à Iudice vt æquitatem sui Iudicij manifestiorem faciat, siue à Iudicandis vt se magis agnoscant reos & condemnandos. *Deducam eos in vallem Iosaphat, & disceptabo cum eis ibi.* O qualis disceptatio. O homo tu quis es qui respondeas Deo!

Secundum est, vniuersalem & magis spectandam peccatorum omnium causam esse Concupiscentiam non repressam & domitam. Hæc lata porta, & spatiosa via est quæ ducit ad perditionem; Vnde hoc sacrum est Monitum quod de continendis peccatis cetera continet, *Post concupiscentias tuas ne eas, & à voluntate tua auertere. Si præstes animæ tuæ concupiscentias eius, faciet te in gaudium inimicis tuis.*

Tertium denique est, quod ad reprimendam & damnandam concupiscentiam Christus Dominus Crucem subire voluit, & tamquam vexillum huius sacra militiæ Crucem exaltauit, vnde quod dicebat ad se venientibus vt se abnegarent & crucem ferrent hoc vnum erat vt suam concupiscentiam reprimerent, vnde &

Y y y ij

Apostolus, veterem nostrum hominem cum Christo esse crucifixum affirmabat, hoc sensu ut intelligeremus sic nos debere moveri exemplo Christi ad illum veterem hominem, id est, corruptum & depravatum, qualem ex Adamo accipimus, continendum; Quod & alio sapius, de se & aliis, *Christo confixum cruci.*

Gal. 2.
Ibid. 5.

Qui sunt Christi, carnem suam crucifixerunt cum vitis & concupiscentiis. Atque hinc sit ut sicut in hac vita Crucis aspectus erat vehementius incentivum ad illam concupiscentiam reprimendam, ita & in altera post mortem & in Iudicio, cum parebit Signum hoc crucis, signum illud erit quo intelligent mali & iudicandi se praesertim malos & iudicandos esse, quod crucem oderint, quod crucem suam non tulerint, quod se suasque concupiscentias non represserint; Nam si eas repressissent, non peccassent, aut illos peccati poenituisset & iudicandi non essent. Adde, quod cum ex Christo propterea crucifixo, tantum haberent subsidij, motui, & exemplaris, idem ut suo modo praestarent; cum se videbunt nihilo fecius Crucem tulisse quam si de Cruce Christus nihil unquam egisset; o vere tunc illud videbunt propter quod iudicandi erunt. Hoc vnum illis exprobrabitur, hoc illis ipsa Crux quae parebit, obiciet; hoc erat signum in quo pugnandum & vincendum erat, quod cum neglexeritis, hoc est modo signum in quo iudicandi estis.

Is. 53. 11.
G. 15.

Nonne hoc aperte Christus Dominus cum proxime Crucem aditurus esset, *Nunc iudicium est mundi, Nunc princeps huius mundi eiicitur foras. Si non venissem, & locutus fuisset eis, peccatum non haberent*, Id est, excusari quodammodo possent; Nunc autem excusationem non habent de peccato suo, quia quam soleat omnes excusationem à concupiscentia sua petere, nullam prorsus esse declarat exemplum Crucis seu Christi crucifixi; Nimis enim potens erat hoc exemplum ut qui eo se permoveri & attrahi noluerint, sibi omne detraxerint praesidium, sibi omnem excusationis viam praecluserint. Hoc signum cui contradicetur, & hoc signum cui contradicentes se condemnatos intelligent. Quamobrem hic postquam dictum est, *Tunc parebit signum filij hominis*, aptè subiungitur, *Et tunc plangent omnes tribus terra.* Quia scilicet tunc videbunt quid plangent; tunc videbunt quid sit quamobrem in Iudicium advocentur: tunc videbunt quam sic illud formidandum: tunc videbunt quam se longe à Cruce, dum viverent retraxerint;

quàm se longe à salute moriendo disunxerint, tunc videbunt quàm se multis idcirco peccatis implicauerint, & quàm se grauius inde poenis addixerint, quibus emergendi iam nulla pateat via.

Nonne hoc pauendum omnibus, nonne hoc plangendum & eximo deffendum pectore! Sed frustra tunc plangent omnes, sed ferrius, sed luctuosius! Nunc peccator, nunc fructuose Signum hoc Crucis spectandum esset? Nunc ibi deploranda præterita, corrigenda præsentia, præcauenda futura. Nunc ibi discendum est quale de rebus iudicium ferri debeat; quale de peccatis iudicium repetatur; quale de diuina Iustitia sit statutum exemplum. Quia si in viridi ligno hæc faciunt, in arido quid fiet? Perge *Luc. 13.* vltius, quantum cum gratia se pius prodet affectus.

Et mittet Angelos suos cum tuba & voce magna, & congregabunt electos eius à quatuor ventis.

NON est dubium quin congregentur cum Electis simul & reprobi, cum aperte Dominus dixerit. *Omnes qui in monumentis sunt, audient vocem filij Dei.* Et rursum: *mittet filius hominis Angelos* *Ioan. 5. Matth. 13.* *suos, & colligent de regno eius omnia scandala & eos qui faciunt iniquitatem, & mittent eos in caminum ignis.* Hic autem solum Electos memorat quia primo & directe Dominus intendit beatificare homines, cum hic sit finis ad quem creati sunt; Secundario vero & indirecte tantum eos punire, quatenus scilicet peccauerint & se indignos æterna foelicitate reddiderint, vnde & dicet beatis: *Venite benedicti Patris mei, possidete paratum vobis regnum à constitutione mundi.* *Matth. 25.* Reprobis autem: *Discedite à me maledicti in ignem æternum qui paratus est Diabolo & Angelis eius,* quasi diceret, qui non erat vobis paratus nisi vos ei peccando destinassetis.

Sicut autem multum accrescet Electorum splendor ex compactione miserandi status reproborum, sic deplorandus horum status multo deploratio apparet ex illorū Conspectu quē *videntes turbabuntur timore horribili,* & horrendis illis agitantur motibus, qui fuscæ toto capite quinto libri Sapientiæ describuntur, ex quibus quod spectat ad Confusionem, attentius est perpendendum contra peruersum illum naturalem metum quo quis facilius peccat &

726 Dominica 28. post Pent. De signis extremi iudicii, &c.
difficilius peccata confiteretur, ne scilicet confundatur. At contra
potius,

VERITAS PRACTICA.

Nemo magis confundetur quam qui peccat ne confundatur.

RATIO est manifesta, quia nemo magis confundetur, quam qui extremo illo in iudicio coram omnibus confundetur.

Sed qui peccat ne confundatur, is inter omnes extremo illo in iudicio coram omnibus confundetur.

Certa est igitur Veritas, & eius fructuosa praxis dum minor quaedam confusio majori metu confusionis auferetur.

AD PRIMAM PROPOSITIONEM triplex posset declarari confusio quam in extremo illo iudicio peccator sentiet, Prima est à seipso, Vix enim dici potest quàm sit omne peccatum ipsi peccatori pudendum quando videtur in sua foeditate, nec ullis exculationum integumentis veratur. *Deum meus confundor, & erubescio lenare faciem meam ad te.*

Secunda est ab aliis hominibus ibi tum congregatis, quibus quod latebat & quod latere semper peccator voluerat, dum apparebit, mirum quanto pudore suffundat peccatorem, sicut sentitur ex hac vita quando vel vni homini nostrum patet crimen. *Quomodo confunditur fur quando deprehenditur, sic confusi sunt domus Israel, ipsi & reges eorum, principes & sacerdotes.* Id est, quique securiores.

Tertia est à Christo Domino qui se coram Patre suo & Angelis eius affirmat confusurum eos qui metu confusionis peccauerint. O qualis tum confusio! Describi debet & perpendi fusi.

AD SECUNDAM PROPOSITIONEM, triplex offertur ratio cur qui peccat ne confundatur, is inter omnes extremo illo in iudicio coram omnibus confundetur.

Prima est, quòd Scripturæ potissimum dicant, id in iudicio manifestum iri quod latere volebant peccatores. *Revelabunt celi iniquitatem eius, & terra consurget adversus eum qui nempe in tene-*

bris se obregit, vt versu præcedente describitur: *Qui sanctificabantur & mundos se putabant, simul confumentur dicit Dominus: Ego autem opera eorum & cogitationes eorum venio ut congregem cum omnibus gentibus & linguis.* Id est, vt omnibus patefaciam quod latebat. *Luxa est dies Domini magnus, dies ira, dies illa, dies tribulationis & angustia, dies calamitatis & miseria, dies tenebrarum & caliginis, dies nebula & turbinis, dies tuba & clangoris super ciuitates munitas & super angulos excelsos.* *VID* enim per ciuitates munitas exprimitur, inquit sanctus Gregorius, nisi suspecta mentes & fallaci semper defensione circumdata, qua quoties earum culpa corripitur, Veritatis ad se iacula non admittunt? Et quid per excelsos angulos nisi duplicitas impura mentis intelligitur: Duplex quippe semper est in angulis paries. Quid per angulos parietis nisi impura corda signantur? quæ dum veritatis simplicitatem fugiunt, ad semetipsa quodammodo duplicitatis peruersitate replicantur. Et quod est deterius, apud cogitationes suas in fastu prudentia ex ipsa se culpa impuritatis extollunt. Dies igitur Domini vindicta atque animaduersionis plena super ciuitates munitas & super excelsos angulos venit, quia ira extremi iudicii humana corda & defensionibus contra Veritatem clausa destruit, & duplicitatibus inuoluta dissoluit. Tunc enim munita ciuitates cadunt quia mentes Deo suspecta damnantur. Tunc excelsi anguli corruunt quia corda quæ se per impuritatis prudentiam erigunt, per Iustitiæ sententiam prosternuntur. Sic & Apostolus, in die cum iudicabis Deus occulta hominum, quasi diceret, in illa die quæ præsertim destinata est ad occulta hominum iudicanda. Sopl. 1.

Secunda ratio est, quod sic videtur æquum postulare vt quæ peccator celare putauit Deum, Deus illa reuelet manifestius; Et sciunt omnes Ecclesia, inquit, quia ego sum scrutans renes & corda, *Apoc. 2.* & dabo unicuique vestrum secundum opera sua. *TV fecisti abscondire: 2. Reg. 12.* ego autem faciam verbum istud in conspectu omnis Israel, & in conspectu solis. *REVELABITVR* ignominia tua, & videbitur opprobrium istud: ultionem capiam, & non resistet mihi homo. Rem. 1.

Tertia denique ratio, quia sic etiam conuenienter humana prospicitur fragilitati; cum videlicet tam grauis denuntiatur confusio peccatoribus qui ne confundantur peccant liberius; habent certe quo libertatem illam coërceant audientes se tanto grauius confundendos quanto hic minus confundi voluerint. *Timebunt & confundentur,* inquit Propheta, Timebunt scilicet maiorem con- Is. 20.

† 28 Dominica 28. post Pent. De signis extremi Iudicij, &c.

fusionem, & confundentur si res ita postulet, vel in humanis respectibus contemnendis, vel in profitendis religiose virtutum omnium actibus, vel in peccatis fideliter confitendis: ne si alioquin confundi metuant, & metu confusionis peccent, magis inde confundantur, in celeberrimo illo totius vniuersi theatro, vbi confundi quid retrius? quid ignominiosius? quid ad omnem æternitatis memoriam dedecorositus?

Is. 29.

O quam proinde sapienter dictum de his qui timent hic confundi: *Confundentur vehementer, quia non intellexerunt opprobrium sempiternum quod nunquam delebitur!* Tota praxis siue totus Veritatis huius practicæ finis & effectus, his Ecclesiastici continetur sententiis: *Non contradicas verbo veritatis villo modo, & de mendacio inervationis tue confundere. Non confundaris consieri peccata tua; & ne subicias te omni homini pro peccato.* Id est, ne quemquam ita timeas vt ne ab illo fortè confundaris, pecces in eius gratiam. Quod etiam referri possunt hæ Veritates:

Ecclesi. 4.

Qui nimis humana timet iudicia, non satis reueretur diuina.

In 1. p. Fer. 4. Hebdom. 6. post Epiphan.

Quæ in malo bona est confusio, in bono mala est.

In 2. p. Fer. 6. prima Hebdom. in Quadrag.

Humanus respectus, inhumanus Christi respectus.

In 2. p. Sabbato Hebdom. 4. in Quadrag.

Ab arbore fici discite parabolam.

VERITAS PRACTICA.

Non tantum quòd sit Iudicium, ab arbore fici discendum est, sed quòd sit valde tremendum.

RATIO EST, Quod ab arbore fici discimus accuratam eorum omnium quæ accepimus rationem esse reddendam.

Sed hinc valde, hinc præcipue tremendum est extremum illud iudicium.

Hoc

Hoc est igitur quod ab arbore fici descendum est; Atque hic est totus hodierni Evangelij fructus.

PRIMA propositio sic breuiter dilucidéque exponitur: Idcirco ficus inter ceteras arbores aduentantem certo æstatem prænuntiat quod sole per vernum tempus incalcescente flores seu gemmas florentes proferat. Quod autem sic suos tempestiue flores adæquet incalcescenti soli, symbolum quoddam est fidelitatis reddendæ Gratiis, quæ fidelitas in eo maxime sita est vt quàm fieri possit ex æquo virtutes & actiones nostræ respondeant acceptis gratiis, quæ velut sol lumen & ardorem animis nostris infundunt. Atque hoc est quod in Iudicio potissimum agitur. Hoc est quam obrem dicitur, *Mane, Tecel, Pharez, Numerauit Deus regnum tuum, Dan. 5. & compleuit illud. Appensus es in statera & inuentus es minus habens. Diuisum est regnum tuum.* Vide quinto Danielis. Hoc est quod ait Villico Dominus, *Redde rationem villicationis tue.* Hoc est quod ipse Iudex sæpe denuntiat his & similibus verbis, *Ille seruus qui cognouit voluntatem Domini sui, & non præparauit & non fecit secundum voluntatem eius, vapulabit multis: qui autem non cognouit & fecit digna plagis, vapulabit paucis.* Luc. 12. *Omni autem cui multum datum est, multum quæritur ab eo: & cui commendauerunt multum, plus pesent ab eo. Ignem veni mittere in terram, & quid volo nisi vt accendatur?*

Nonne hæc accuratam significant rationem reddendam? nonne in iudicio iudicæ ratio hæc vitæ redditur? Nonne idcirco ficus quæ non respondit curis coloni sui, iubetur succidi & extra vineam exportari? Nonne hæc sæpius iam audiisti?

SED, quæ Secunda est propositio declaratæ Veritatis, hinc maxime tremendum est illud iudicium: Nam maxime tremendum est unicuique ne multas in vanum gratias acceperit, ne dissiparit bona Domini sui, ne sit minus habens, ne talentum inoderit, ne fructum denique conuenientem culturæ non fecerit. *Hæc dicit qui habet septem spiritus Dei, & septem stellas;* Apoc. 3. Id est, numeratas gratias quas iudicando Iudex representat vt inde fiat examen vitæ ac iudicium conforme statuatur. Hæc sunt autem quæ dicit nondum quidem extremum ferens iudicium, sed iudicandum præmonens quid in illo iudicio sit dicturus & factururus: *Scio opera tua* Apoc. 3.

quia nomen habes quod viuas & mortuus es. Esto vigilans & confirma cetera que moritura erant. Non enim inuenio opera tua plena coram Deo meo. In mente ergo habe qualiter acceptus & audieris & serua, & penitentiam age. Si ergo non vigilaueris, veniam ad te tanquam fur, & nescies qua hora veniam ad te.

In quibus verbis sicut magna & multum colenda est Bonitas Iudicis sic præmonendo Iudicandos, sic magna prorsus erit & multum tremenda eius Iustitia quando sic vnumquemque Iudicabit vt ex æquo singula exigat prout quisquis acceperit.

Hoc est ergo discendum ex fici arbore, hoc est discendum ex Euangelio, discendum ex Apostolis, ex sanctis Patribus, & ipsa ratione qua tale futurum credat aliquando Iudicium.

Omnes nos, inquit Apostolus, manifestari oportet ante Tribunal Christi, vt referat unusquisque propria corporis, prout gessit, sine bonum sine malum. Scientes ergo, Timorem Domini hominibus suademus. At vnde Timor potissimum? Audi vt apte nobis exprimit: Voluntariè peccantibus nobis post acceptam notitiam Veritatis, iam non relinquitur pro peccatis hostia, terribilis autem quadam expectatio Iudicii, & ignis amulatio qua consumptura est aduersarios.

Iustorum mens, inquit S. Gregorius, semper sollicita venturo examini intendit, omne enim quod agunt metunt, dum cautè considerant ante quantum Iudicem stabunt. Enumerant mala proprii operis, & contra hac exaggerant bona Gratia Conditoris. Quomodo sint autem exaggeranda docet sanctus Augustinus, dum sic loquentem inducit Christum Iudicem. Ego te, o homo, de limo manibus meis feci, ego terrenis artubus infudi spiritum, ego tibi imaginem nostram, similitudinemque conferre dignatus sum, ego te inter paradisi delicias collocaui, in vitalia mandata contemnens, deceptorem sequi quam Deum maluisti! Cum expulsus de paradiso iure peccati, mortis vinculum teneris, virginalem uterum sine dispendio virginis pariendus introiui, in praesepio expositus & pannis obuolutus iacui, infantia, contumelias humanosque dolores, quibus tibi similis fierem, ad hoc scilicet vt te mihi similem facerem, pertuli: irridentium palmas & sputa suscepi, acetum cum felle bibi: flagellis casus, verberibus coronatus, cruci affixus, vulnere perfoctus, vt tu eripereris morti, animam in tormentis dimisi. En clauorum vestigia, quibus affixus pependi! En perfoctum vulneribus latus! Suscepi dolores tuos, vt tibi gloriam darem: suscepi mortem tuam, vt in æternum viueres. Conditus iacui in sepulchro, vt tu

*Ser. 67. de
comp.*

2. Cor. 5.

Hebr. 10.

*L. B. 1017.
c. 1017.*

Non tantum quod sit Iudicium, ab arbore fici discendum, &c. 731

Regnare in calo. Cur quod pro te pertuli perdidisti? Cur ingratis, redemptionis tua munera remisisti? Non te ego de morte mea quaro, redde mihi vitam tuam pro qua meam dedi. Redde mihi vitam tuam, quam vulneribus peccatorum indefinenter occidis. Cur habitaculum quod mihi in te sacraueram, luxuria sordibus polluisti? Cur corpus meum illecebrarum turpitudine maculasti? Cur me grauiore criminum tuorum cruce quam illa in qua quondam pependeram, affixisti? Grauior enim apud me peccatorum tuorum crux est, in qua inuitus pendeo, quam illa in quam tui misertus mortem tuam occisurus ascendit. Cum essem impassibilis, pro te pati dignatus sum: sed tu despexisti in homine Deum, in infirmo salutem, in via reditum, in iudice veniam, in cruce vitam, in suppliciis medicinam. Et quia post omnia mala tua ad medicamenta penitentia confugere noluisti, ab auditu malo non mereberis liberari. Qui tunc eris stridor dentium, cum sanctorum multitudine ad dexteram regis & ad gloriam segregata, peccati populus in profunda tartari sine ulla miserationis ac venia spe demersus, excludi se tenebris suis à beata sanctorum luce viderit, & in profundi sinum sine fine descendens, urgente os suum puteo, aeterna supplicia & perpetuam mortem non moriturus aspexerit.

Denique quam sit periculosum tanto in periculo non timere Sanctus idem Doctor paucis sed sane terrificis declarat verbis: *Irremediabile periculum est sic aliquem vitii & cupiditatibus frana laxare, ut se rationem Deo non memineris redditurum. Puto quia magna sit iam peccati pena, metum ac memoriam futuri perdidisse indicij.* *Ser. 101 de temp.*

Vide in 3. p. Dominica 8. de villico iniquitatis, ubi hæc inter alias opportuna proponuntur Veritates:

Qui ne terreatur, non cogitat reddendam rationem; magis terrendus est quia illam non cogitat.

Qui se interrogat ante Iudicium, interrogatus in iudicio facilius respondebit.

Sic nempe Sapiens: *Ante iudicium interroga teipsum, & in conspectu Dei inuenies propitiationem.* *Ecclesi. 18.*

Cælum & terra transibunt, verba autem mea non transibunt.

7f 148.

2. Pet. 3.

Id est, potius pereant, quam quid ex verbis meis excidat; Neque enim peribunt Cœli nec alstra quantum ad substantiam, *nam statuit ea in æternum, & in sæculum sæculi*: Sed peribunt quantum ad accidentia quædam, ad eorum nempe motum & effectus, quo sensu & sanctus Petrus dixit, *Adueniet dies Domini sicut fur, in qua cœli magno impetu transibunt*. Id est, cessabunt ab illo motus impetu quo rapiuntur, & agere in inferiora desinent. Quidquid sit, certum est ex omnibus creaturis cœlos esse firmissimos, quamobrem cum illis potissimum sua verba Christus comparat ut tam certo sciamus euenturum quod dixit quam quid est in rerum natura certissimum. Atque idcirco vult nos istud intelligere ut in sancto timore Diuini Iudicij confirmemur, neque inde vllis humanis promissis aut comminationibus auocemur, quia nil tam certum in humanis verbis quam in diuinis.

Hinc postrema hæc quæ cæteras in se continet

VERITAS PRACTICA.

Humana verba quàm sunt incerta, tam certa sunt & timenda Diuina.

Id est

Qua ratione incerta esse hominum verba demonstratur, eadem prorsus patet certa esse quæ Christus dixit.

RATIO hæc petitur ex certis quibusdam condicionibus seu qualitatibus quæ ita requiruntur ad verborum certitudinem, ut quam incerta vel certa fuerint in loquente, tam incerta vel certa sunt eius verba.

Sed hæc condiciones prorsus incerta sunt in hominibus, & prorsus certa in Christo Domino.

Qua igitur ratione incerta esse hominum verba demonstratur, eadem prorsus patet certa esse quæ Christus dixit, Vnde simul discas quàm parum humana, quàm vero multum timenda sint diuina verba.

AD PRIMAM PROPOSITIONEM; multa quidem in loquendo requiruntur conditiones, sed hic tantum exiguntur quæ verborum in loquente certitudinem faciunt, & quæ quatuor numero recensentur.

Prima est, *Sapientia seu scientia* qua quisquis loquitur probe sciat quid loquatur, probe sciat quàm sit illud certum & verum. Quomodo enim id affirmabit aut negabit quod nesciet.

Secunda est, *Veritas seu veracitas* qua id velit vere loqui prout vere norit; quàm sunt enim multi mendaces qui contra mentem loquuntur!

Tertia est, *Potestas* in his maxime quæ quis loquendo promittit aut minatur. Nam si reuera non potest exequi quod denuntiat, quantumcumque se putet vera dicere, reuera tamen non erunt quæ dicit, defectu potestatis.

Quarta est, *Constantia & firmitas*, qua quis loquitur, Idem semper permaneat, Idem semper velit & possit, nam si mutatur, nihil fiet.

Hæ sunt itaque conditiones quæ simul ita in loquente requiruntur ad eius verborum certitudinem, ut quàm in Eo fuerint vel incertæ vel certæ, tam incerta vel certa dici debeant eius verba. Si vel vna desit condicio nil profunt ceteræ, nam simul omnes ad certitudinem certo debent adesse, valentque plane hic diuina illa Effata: *Bonum ex integra causa, malum ex quouis defectu. VERITAS indiuisibilis: aut tota simul vnat, aut tota perstet.*

SED, quæ secunda est propositio, *quàm sunt incerte quatuor hæ conditiones in hominibus, tam certa sunt in Christo Domino.* Nam primo de sapientia seu scientia qua quis scire debet quod loquitur, En ipsa Sapientia quid sentiat de hominibus, En ipse hominum Sapientior quid de se ac de cæteris sit sentiendum, profiteatur: *Quis hominum poteris scire consilium Dei? aut quis poteris cogitare quid velit Deus? Cogitationes enim mortalium timide, & INCERTAE PROVIDENTIAE NOSTRAE.* Corpus enim quod corrumpitur, aggrauat animam, & terrena inhabitatio deprimis sensum multa cogitantem. Et difficile estimamus quæ in terra sunt, & quæ in prospectu sunt, inuenimus cum labore: quæ autem in cælis sunt, quis inuestigabit? Quasi diceret, non modo cœlestia parum certo scimus, sed nec ipsa terrena: sitque vnum ex alio, ut parum norimus cœlestia quia plus

Unum aut vnus apex vniquam desit quin omnia prorsus fiant. *Non enim cogitationes mea, cogitationes vestra: neque via vestra, via mea, dicit Dominus. Quia sicut exaltantur cæli à terra, sic exaltata sunt via mea à viis vestris, & cogitationes mea à cogitationibus vestris. Et quomodo descendit imber, & nix de celo, & illuc ultra non reuertitur, sic eris verbum meum quod egredietur de ore meo, non reuertetur ad me vacuum, sed faciet quaecumque volui, & prosperabitur in his ad quæ misi illud.* Nempe illud prosperari est quando fit illud quod intenditur. Sic autem semper fit quod intenditur verbo Dei: nam vel ipsum verbum recipitur & in effectum venit, ac mercedem suam confert. Vel si negligitur, poenam infert, seriùs ocyùs. Vnde est alibi declarata hæc Veritas:

Verbum Dei non redit vacuum: aut proffit necesse est recipienti, vel obsit. *In 3. p. Jer. 2. Hebd. 8.*

Apte autem dictum nobis fuit à Domino, *Non enim cogitationes mea, cogitationes vestra: neque via vestra, via mea.* Quod enim cogitant homines de diuinis verbis, hoc in viis suis demonstrant: quod vero demonstrant in viis suis tam alienum à Deo est quam à terra coelum; Nam quæ sunt viæ hominum nisi viuendi ratio? Quæ porro viuendi ratio nisi plane opposita diuinis verbis, diuinis cogitationibus & diuinis viis? Nonne hæc communis omnibus viuendi ratio vt superbiant, vt superiora semper ambiant, vt cupiditati quantum possunt satisfaciant, aut si minus possunt quàm velint, plura quàm possint enitantur, nec aliter gaudeant & doleant, nec aliter se beatos aut miseros putent quam si cupiditates expletæ fuerint vel vacuæ? Quid autem Scripturæ, quid Euangelio, quid Verbis Domini magis aduersatur? Quid vero cogitas dū sic diuinis verbis aduersaris? quid cogitas quando audis, *Nisi conuersi fueritis, & efficiamini sicut paruuli non intrabitis in regnum cælorum?* Cogitasne tibi hanc paruitatem tam esse necessariam quàm verè tibi denuntiatur? Cogitasne te alioquin non intraturum in regnum cælorum? Nihil horum plane cogitas, nam neque tibi vlllo modo prouides illam infantiam, neque propterea times illo excludi regno.

Quid ergo restat te cogitare nisi quod verba illa nō sint certa, non sint statuta & firma, non ita futurum sit vt verba sonant? Neque hoc etiam fortè expressâ mēte cogitas, sed quales sunt viæ tuæ vt dixi,

duceretur, ut qui conformes libri scriptis reperirentur, promissam ibi mercedem reciperent; & qui dissentaneam egissent vitam, poenis illic recensitis subicerentur. Adeo verum est non posse solui scripturam, & coelum potius desitutum quod tamen nunquam desinet, quàm vllum ex Christi verbis frustra dictum.

Quò apte referri possit volumen illud volans quod vidit Zachearias, cuius longitudo viginti cubitorum, & latitudo eius decem cubitorum. Et dictum illi fuit: *Hac est maledictio quæ egreditur super faciem omnis terræ: quia omnis fur sicut ibi scriptum est, iudicabitur: & omnis iurans ex hoc similiter iudicabitur.* Zach. 3.

Nempe volumen istud, sacra est Scriptura quæ poenas peccatoribus denuntiatis continet. Volare dicitur non quiescere quia pro certo illæ infligentur poenæ. Longitudo eius duplo major est quàm latitudo, quia cum sint æternæ poenæ grauior est illa poenarum æternitas quàm illarum sensus licet acutissimus. *Hac est maledictio* dicitur, id est, condemnatio inde petita seu damnatio cuius hæc forma exprimitur: *Ite maledicti, &c.* sic porro *fur damnabitur ut ibi scriptum est*, sic maledicetur, hoc est quisquis in proximum positivè, ut dicitur, vel negativè peccauerit, vel abripiendo bonâ eius, vel negando illi necessaria ut infra dicitur, Sabbato sequentis Hebdomadæ: Sic & *omnis iurans*. Id est, omnis in Deum peccans, omnis periurus, impius & superbus, inde iudicium, inde suam referet damnationem. Vide in 3. p. Fer. 5. Hebdom. 12. ubi hæc habetur Veritas:

Superbo maxime formidandum diuini Tribunal Iudicij,

Quod & expressius fuit demonstratum in 1. parte, Dominica prima Aduentus.



HAC HEBDOMADA, quod superest considerandum ex verbis & factis Domini, ad Eius usque passionem, totum refertur ad Vigilantiam in nobis excitandam, seu quâ parati simus ad mortem, seu

quâ resistamus Inimicis & tentationibus, seu quâ recipiamus Gratias, & iis tam fideliter vti discamus quàm necessarium est ad earum rationem reddendam in extremo Iudicio, vel in extremo vitæ die.

FERIA SECVNDA.

COMMENDATIO VIGILANTIÆ

CHRISTI VERBIS, RATIONE CONFIRMATIS.

Vigilate ergo, quia nescitis qua hora Dominus vester venturus sit. Math. 24.

Videte, vigilate, & orate. Nescitis enim quando tempus sit. Marci 13.

VERITAS PRACTICA.

Si sola seorsum Ratio; vel si solus Christus sufficeret, quanto magis simul, Christus & Ratio?

SENSVS EST, Quod licet ad commendationem Vigilantiæ sufficeret sola Christi vel sola Rationis auctoritas, cum tamen simul uniuntur Christus & Ratio, ad illam commendandam, multo magis ad id valent; & commendatio nobis esse debet vehementior; & nisi vigilemus, culpa est grauior.

RATIO EST, Quia generatim loquendo, illa duo simul iuncta magis valent ad suum producendum effectum, quorum unum suppletur si quid fortè desiderari posset in altero seorsum sumpto. Sed ita se habent Christus & Ratio ad Vigilantiam commendandam.

Si ſeorsum ratio, vel ſi ſolus Chriſtus ſufficeret, &c. 739
dam, ut quod in alterutro ſeparato, deſiderari poſſet, ſupplea-
tur in utroque ſimul iuncto.

Ergo ſimul iuncta magis valent ad hunc effectum; Ac proinde
ſimul proponenda nobis eſt Chriſti & Rationis authoritas, ut
quàm fieri poteſt vehementer ſacra illa in nobis excitari poſſit
Vigilantia.

L P V N C T V M.

INCHOATVM in monte Oliueti ſermonem produ-
cens Dominus, antequam traderetur Iudæis, penè totum
abſoluit in Vigilantia nobis commendanda. Nam quod
de hoc argumento dicebat ſuis, expreſſe addidit, *quod vobis dico,*
omnibus dico; Vigilate. Tam multis autem & tam grauibz illam
commendat verbis, ut ſola eius Verba, ſola eius loquentis Au-
thoritas ſufficeret ad eam nobis commendandam, ſive ad nos ex-
citandos in huius virtutis cultum & ſtudium. Et verò etiam, quod
mireris, tam exquisitis & multiplicatis rationibus dicta ſua Chri-
ſtus cõfirmat, ut ſi ſolæ rationes ſeparatim à Dicentis authoritate
perpenderentur, multum ſane valerent ad hanc eandem virtutis
praxim in nobis operandam. At quantò magis putas valere poſ-
ſunt cum ita nobis hodie proponuntur ſimul & conjunctim, ut ne-
que ſola Ratio ſine loquente Chriſto proferatur, neq; ſolus loqua-
tur Chriſtus ſine rationis teſtimonio? *Vigilate ergo, inquit, quia nesci-*
tis qua hora Dominus veſter venturus ſit. Et expreſſius apud ſanctum
Marcum, *Videte, vigilate, & orate, nescitis enim quando tempus ſit.*
Quali diceret, non fruſtra id vobis dico; ne mihi ſoli dicenti cre-
datis velim; ratio eſt valida & efficax cur ita vobis commendem.
Vos ipſi rationem expendite; Vos ipſi iudicate, nùm ſit æquum
& conſultum quod commendo. Commendanda certe Chriſti
Bonitas & Sapientia ſic vtrumque ſimul coniungentis incenti-
um ne quid omnino nobis deeſſet ad tantæ rei dignitatem & neceſſi-
tatem agnoſcendam.

Quamobrem ut quantum valeat hæc amborum inter ſe vnitas
& conſenſio maniſeſtius intueamur, proponenda hæc Veritas
fuit, & ad eam declarandam, hoc præmittendum, quòd licet ex

A a a a ij

dam, ut quod in alterutro separato desiderari posset, suppleatur in utroque simul iuncto.

Nihil quidem est mancum & imperfectum in Christo, quia Christus est, & quantum in Ipso est; sed ex parte nostra, seu qua ex parte inducendi sumus ad illam observandam Vigilantiam, si sola Christi loquentis proponeretur authoritas, dicerent forte aliqui, non esse Christi præceptum, sed perfectioris vitæ quoddam consilium; Dicerent alij hoc Pastoribus animarum magis competere: dicerent vero Pastores satis esse vel in periculis, vel in grauioribus negotiis vel certis quibusdam temporibus vigilare sicut de oratione dicitur, quæ non minus quam vigilantia commendatur, & putatur tamen satis esse si quibusdam horis oretur. Nonne hoc ipsum de Vigilantia putabitur, si nihil aliud quam Christi commendatio proponatur? Non est tamen non est illa mens Christi ut aliquoties tantum vigiletur, sed omni tempore, sed omni hora, sed incessanter. At quomodo mens illa Christi capietur? O Diuinam Christi sapientiam in suis dictis declarandis! En dictis rationem subijcit qua quid velit quid intendat demonstret euidentissime: *Nescitis enim*, inquit, *quando tempus sit.* Et seipsum clarius explicans: *sicut homo qui peregrè profectus reliquit domum suam, & dedit seruis suis potestatem cuiusque operis, & Ianitori præcepit ut vigilet. Vigilate ergo, nescitis enim quando Dominus domus veniat, sero, an media nocte, an galli cantu, an mane: ne cum venerit repente, inueniat vos dormientes.* Quali diceret: Non dubitatis quin seruis illis esset omni tempore vigilandum qui omni tempore suum expectarent Dominum. At vos illi estis serui qui venturum habetis Dominum siue ad gratias conferendas, siue ad collatas examinandas an profecerint, siue ad vitam terminandam, & particulare Iudicium exercendum, siue ad aliquid quod à vobis velit expressius indicandum, & nescitis quo tempore quæue hora veniat Dominus. Ergo vobis est vigilandum. Nonne id concludit Ratio? & nonne id concludens Ratio multum valet ad id quod commendat, si præsertim consideretur ab Eo data qui pro sua poterat authoritate præcipere, qui pro sua nouerat sapientia quantum quæque valeat ratio, & qui pro sua bonitate lumen infundit quo illorum mentes illustret quibuscum loquitur?

Seruate mihi puerum Absalom, dicebat suis Dauid qui contra erant pugnaturi; tum vero paulo post, cum Miles diceret se perfidum. 2. Reg. 15

illum Absolonem vidisse pendentem de quercu, & argueretur & Ioabo quod eum non occidisset, & sibi amplam hoc facinore conciliaisset mercedem atque famam: *Si appenderes, inquit, in manibus meis mille argenteos, nequaquam mitterem manum meam in filium regis: Audientibus enim nobis praecepit rex tibi dicens: Custodite mihi puerum Absalom. Sed & si fecissem contra animam meam audacter, nequaquam hoc regem latere potuisset, & tu stares ex aduerso.* Quali diceret: Et dictum regis & dicti ratio me continuit, nam praeterquam quod rex vetuit ne Absalom occideretur, rationem Rex ipse addidit quia filius eius esset: quae sola quidem ratio sufficeret ne occideretur: at cum ei accesserit mandatum regis, nefas prorsus duxit & regi simul & rationi repugnare.

III. P V N C T V M.

SIC plane nobis est sentiendum, sic loquendum, sic respondendum omnibus qui nos forte arguerent quod nobis attentius inuigilemus quasi tristiore agamus vitam, quali periculum valetudinis incurramus: Sed audiant quod audientibus nobis praecepit Dominus ut vigilemus ne alioquin ab ipso Domino non vigilantes deprehendamus: Audiant quantum valere in seruum debeat quod commendat ei Dominus, & quod ratione confirmat commendatum. Considerent qualis sit ille Dominus cuius imperium nemo detractare possit, & qualis sit ea Ratio quam sensus ipse communis & quotidiana probat experientia.

15. 1.

Venite & arguite me, dicit Dominus, quasi diceret, nisi rationem habuero qua id æquum ostendero quod à vobis exigo, nolim credatis: aut si quæ est cuiusdam ratio quam dictis meis opponat, veniat, & rationem proponat. Reduc me, inquit, in memoriam & iudicemur simul: narra si quid habes ut iustificeris. Pater tuus primus peccauit: & Interpretes tui prauaricati sunt in me. Hoc est, idcirco pater tuus primus peccauit quod rationem meis dictis oppositam audire & sequi voluerit: & illi ipsi mundani qui se dictis opponunt meis, aliud quam dicunt sentiunt, neque enim ignorant quod est in sacris Prouerbiis: *Non est sapientia, non est prudentia, non est consilium contra Dominum.* Neque quod ait Ecclesiastes: *nec opus, nec ratio, nec sapientia, nec scientia erunt apud Inferos quò tu properas:* Nam illi omnes vel inuiti fatentur quod iuste damnati fuerint, &

Pe. 21.

Ecc. 9.

Si sola seorsum ratio, vel si solus Christus sufficeret, &c. 745

quod in malignitate sua consumpti sint; quia scilicet nullum virtutis signum valuerunt ostendere, quia sibi quantum erat opus non vigila-^{Sap. 5.} runt. Rata est enim hæc Veritas:

Quod quantum cuique est vigilantia, tantum est virtutis & meriti.

Vide in 1. p. In Communi de Sanctis Confessoribus non Pontificibus.

Super custodiam meam stabo, & figam gradum super munitionem: Hab. 2. & contemplantur ut videam quid dicatur mihi, & quid respondeam ad arguentem me. Et respondit mihi Dominus, & dixit, scribe visum & explana eum super tabulas ut percurrat qui legerit eum. Quia adhuc visus procul, & apparebit in finem, & non mentietur. Si moram fecerit expecta illum, quia veniens veniet & non tardabit.

Mira certe Prophetæ visio; cum vigilaret attentius ut quid à se Deus vellet, audiret & annuntiaret, hoc responsum accepit, ut scriberet quod omnes legerent, & diceret quod audirent omnes, sic esse omnibus semper vigilandum sicut ipse Propheta vigilabat, sic esse semper expectandum Dominum qui licet moram faciat, veniet tamen, & quasi iam iam venturus sic est semper expectandus. Ecce venio cito, & merces mea mecum est reddere unicuique se-^{Apoc. 21.} cundum opera sua.



FERIA TERTIA.

*EXPRESSIOR PARABOLA DE SERVO
EXPECTANTE DOMINUM SUUM.*

Et vos similes hominibus expectantibus Dominum suum. Luc. 12.

VERITAS PRACTICA.

Qui non est semper paratus, numquam est paratus.

RATIO EST, Quia numquam est paratus, qui non est paratus eo tempore quo præsertim paratum esse oportet.

Sed qui non est semper paratus, non est paratus eo tempore, quo præsertim paratum esse oportet.

Ergo numquam est paratus. Quæ certe Consideratio diligenter expensa multum valere potest ad persuadendum unicuique, ut semper sit paratus.

I. P V N C T V M.

QUAM SANCTUS MARCUS parabola de seruo expectare iussio Dominum suum, breuiter narrat, alij duo Euangelistæ fulius commemorant. Et quidem sanctus Lucas iam pridem ipsam eandem retulit alio loco & tempore à Christo Domino pronuntiatam, longè hunc ante sermonem quem ipse Dominus postremum habuit de Vigilantia: siue quod Christus pluries eam repetierit, siue quod Euangelista temporis rationem in ea referenda non seruarit, quod est sacris Scriptoris satis familiare.

Hæc est autem insignis Parabola de qua in prima parte cum de Sanctis Confessoribus in communi ageretur, instituta est Consideratio, frequenterque recurrit in celebranda Sanctorum memoria.

Sicut lumbi vestri præcincti; more scilicet Orientalium qui cum vestes talares numquam deponerent, illas colligebant & præcingebant quando ad iter se comparabant, vel ad aliquod ministerium exercendum.

Et lucerna ardentes in manibus vestris, quasi qui de nocte redeuntem domum, expectetis Dominum vestrum. Sed mirum prorsus & inauditum cur ita in expectando Domino iubeantur haberi ardentes in manibus faces vel lucernæ. Nonne satis erat eas habere paratas ut cum aduentaret Dominus, illas accenderent & tum manu gestarent ad lucem præferendam? Nonne sic ordinariæ fieri solet à seruis qui cum de nocte suos comitantur Dominos, tum quidem gerunt suas faces lucentes & accensas, sed dum illos domi expectant, non lucentes manu gestant, sed extinctas in procinctu habent, & ad manum ut quando se opportunitas dederit, eas accendant?

At-

At vero Christus Dominus aliquid amplius à suis exigit ; Non modò sic paratas ad manum vult haberi lucernas, vt cum venerit, mox accendantur ; sed cum etiam abest & expectatur, tum paratos vult habere seruos, tum arduos vult haberi rases perinde prorsus ac si præsens adesset. Nam eius aduentus ita est repentinus, ita subitaneus & improuisus, & quando præsens aderit ita vult seruos suos expeditos ad sibi obsequendum vt nisi dum abest sint ita semper parati, non erunt satis parati dum aderit.

Vnde quod addit postea : *Et vos similes hominibus expectantibus Dominum suum quando reuertatur à nuptiis, vt cum venerit, & pulsauerit, confestim aperiant ei*, hunc habet sensum, vt sint ita vigilantes, sic attentis & arrectis, quasi qui præsint iam iam aduentantem, quasi qui præsint ad eum recipiendum, quasi qui spectent nùm adsit, quasi qui auscultent nùm pulset.

Quibus verbis, quauis similitudine quid expressius, quid significantius ad exprimendum parabolæ finem & scopum qui eo spectat vt discamus sic inuigilare nobis quasi iam iam essemus morituri ; discamus eo in statu viuere, in quo vellemus mori ; Discamus sic semper abstinere malis, & bona facere, sicut vellemus instante morte. Hoc est enim præcinctos habere lumbos, si caremus vitiis, hoc est habere lucernas ardentes, si lucemus virtutibus, si ardemus Charitate. Hoc est Dominum venire ad seruos, quando serui sunt morituri, quando mortui sunt iudicandi. Hoc est denique paratos inueniri seruos quando sic suis erunt purgati vitiis, & præscriptis ornati virtutibus, vt statim à morte transferantur in Beatitudinem : Hoc est quod optaret Dominus, sic inuenire suos vt ex mortali vita migrantes statim in æternam demigrarent. Hoc est quamobrem illos tam multis instruit ; Hoc est quod illis præcipue vigilantiem commendat sollicitudinem quam si obseruent, beati erunt : quam si negligant, ætuum est de illorum salute. Sic enim ait, sic affirmat, sic definit : *Beati serui illi quos cum venerit Dominus, inuenerit vigilantes, amen dico vobis quod præcignet se, & faciet illos discumbere, & transiens ministrabit illis.* Brevis quædam est descriptio beatitudinis, quasi diceret, tam beati sunt serui illi, vt quia fideliter Domino suo seruierunt, Dominus vicissim illis seruiat, Id est, omnia subministret quæ desiderare possint, quasi si mensæ accumberent quibus ipse Dominus omne ciborum genus inferret : Tanta est videlicet Beatitudo vt ad beatorum

voluntatem abunde omnia suppetant.

*Luc. 11.
Matth. 24.*

E contra verò de seruo non vigilanti, audi quid pronuntiet: *Veniet Dominus servi illius in die qua non sperat, & in hora qua nescit & diuidet eum; partemque eius cum infidelibus, & cum hypocritis ponet: ibi erit fletus & stridor dentium.* Id est, sera erit poenitentia de male instituta vita siue de imparata morte; Nec aliud addit grauius quò describantur vel declarentur illa interiorum supplicia; Nam quò grauius in illis est, hoc est non fuisse vigilantem, hoc est non emisisse tam modico pretio tantam beatitudinem; hoc est tam leuiter excidisse beata illa felicitate. Satis inde alia significantur supplicia, neque ad aeterni metum supplicij tantum valet poenae grauitatem describere, quàm demonstrare periculum eius incurrenda. Satis itaque dictum fuit ad terrorem de non vigilanti seruo, quod poenam infidelium & hypocritarum subiret: Tùm verò si velit cogitet quanam sit illorum poena, seu potius si sapit cogitet de illa euitanda, & discat non alium esse modum quàm vt vigilet, quàm vt ita viuat & ita semper paratus sit sicut aliquando vellet esse paratus. Nam pro certo ac constanti habere debet, *quod nisi semper sit paratus, numquam erit paratus, & male omnino peribit.*

Hoc est quod breuiter cætera omnia complectitur; hoc est quod præsertim ex dictis eliciendum & expendendum est; hoc est quod aperta ratione probatur, quia numque ille paratus dici debet, qui non est paratus eo præsertim tempore quo paratum esse conuenit, siue propter quod tota exigitur præparatio. Redeamus ad similitudinem serui expectantis Dominum suum. Quomodo illum expectat? Vigilando. Cur autem ita vigilando? Vt cùm Dominus venerit, sit paratus. En finis ille quem sibi statuit qui expectat & vigilat, vt illo scilicet tempore sit paratus quo Dominus veniet. Iam vero, quod est præcipue considerandum, si seruus ille quævis alio tempore semper paratus esset & numquam illo quo Dominus venit, nonne de illo diceretur seruo, quod numquam esset paratus? Cur porro id diceretur, nisi quia non esset illo paratus tempore quo præcipue paratus esse debebat, nempe illo quo venit Dominus; cum propterea tantùm, vt supponimus, paratum esse oporteret, vt venientem Dominum seruus quo decet modo exciperet. Esto expectarit, esto vigilarit, esto semper paratus fuerit alio tempore, præterquam isto præcisè ac determinate; nihil profecit, nihil egit, quia tempus illud erat propter quod tota

instituta erat præparatio.

Sic miles ense semper accinctus & semper paratus sit præterquam pugnae tempore; numquam esse paratus hic dicetur, & ignaviae poenam subibit, quia pugnae tempus, tempus est singulare quo esse paratum oporteret. Sic dicuntur *omnia tempus habere*, Eccl. 3. & *suis spatiis transire uniuersa sub caelo*. Sic esse *omni negotio tempus*, Ecclesi. 8. & *opportunitas ita esse dicitur ut nisi adsit tempus & opportunitas vix ullum fiat negotium*. Hæc est valde opportuna Veritas superius demonstrata in hac parte, Feria 4. Hebdomadae decimæ octauæ, ubi quæ desiderari possent hic fusius, habentur declarata. Vide & hoc esse tempus opportunum agnosce quo has intelligas Veritates.

II. P V N C T V M.

SED *qui non est semper paratus, non est paratus eo tempore, quo præsertim paratum esse oportet.*

Quodnam est enim tempus, quo præsertim paratum esse oportet? Nonne est tempus mortis? Nonne est tempus quo venit Dominus ad particulare iudicium? Nonne est tempus quo si paratus non sis, non sis paratus eo tempore quo te præsertim paratum esse oportet. Iam vero siste, audi, vide, & quidquid est virium animi collige ut semel aliquando plene intelligas te mortis tempore non paratū fore nisi semper paratus sis: quia scilicet nisi semper paratus sis, tempus mortis erit dies illa qua non speras, & illa erit hora qua nescies tibi esse moriendum. Sic enim expressis & disertis verbis Dominus; sic minatur futurum illi seruo qui non omni hora vigilauerit. Ipse est Dominus qui expectatur Iudex, & qui venturus est ad te iudicandum qui hoc affirmat. Ipse est qui consultò & deliberatò tale hoc tempus eligit quo veniat & quo te iudicet. Ipse est qui probè scit quid sit factururus & dicturus, qui nec errare potest dicendo quid faciet, nec faciendo quod dixit. Nonne credis hoc dixisse Christum, & hoc esse verum & futurum quod Christus dixit?

Quod si autem tempus tuæ mortis, tempus sit illud quo te mori nescies, nonne tempus erit quo non eris paratus? Nam licet de Iusto dicatur *quod si præoccupatus morte fuerit, in refrigerio erit*; ta-^{Sap. 4.}men quis se iustum ita potest arbitrari ut non periculosum sibi putet tempus mortis quo mori nesciet? Nonne iusti quique orant.

Bbb b b ij

De mente vero Christi loquentis, non est ambigendi locus quin hoc verè intenderit quod verba sonant & significant. Nam cum vellet nos esse semper paratos, atque inter alia quibus utebatur ad hanc præparationem persuadendam, hoc vnum crebrius proponeret, nos alioquin imparatos morituros, profecto nisi constaret hoc ab eo ita esse intentum, & ita verè futurum, nullam vim prorsus haberet eius suasio, dicerentque omnes quod impij tantum audent apud Prophetam: *manda remanda, expecta reexpecta, modicum ibi, modicum ibi*: quasi diceretur, hoc vnum decantant Scripturæ ut cito venturum dicant quod minantur, nectamen venit. Sed frustra id dicent, nam & ipse Dominus has omnes præoccupauit elusiones cum dixit cœlum potius perituum quam quid ex verbis suis.

Atque ita omnes Sancti Patres eius mentem interpretantur, ut non alia de causa incertum mortis nostræ diem, & suspensam sui aduentus expectationem fecisse dicant quàm ut omni tempore ac singulis obseruaretur momentis sicut qui singulis venturus esset. *Paratos igitur esse nos conuenit, inquit S. Hilarius, quia diei ignoratio intentam sollicitudinem suspensæ expectationis exagitet.* In S. Math. Sic & sanctus sæpe Augustinus: *Nescis qua hora veniat, semper vigila, ut quod nescis quando veniat, paratum te inueniat cum venerit: & ad hoc forte nescis quando veniat ut semper paratus sis.* In Epist. Et rursum: *Vigilare debet omnis Christianus ne cum imparatum inueniat Domini aduentus: Imparatum autem inueniet dies ille, quem imparatum inueniet sua vite ultimus dies.* Sanctus autem Gregorius tam frequens & tam multus est in istis commendandis, ut quia tam multus est, pateat omnibus obuius, & vix vllam eorum quæ scripsit paginam voluas quin hæc aut similia legas: *horam ultimam idcirco Dominus noster nobis voluit esse incognitam ut semper possit esse suspecta: ut dum illam præuidere non possumus, ad illam sine intermissione properemus, Id est, illam præ oculis & in mente semper habeamus.*

Nec dicas, raras esse mortes repentinas & improuiskas, cum tamen multi sint qui se non semper paratos teneant. Respondetur enim improuiskam mortem non eam tantum dici quæ repentina est & subitanea, sed quæ quocumque modo adueniat, insperatò aduenit, quo sensu diximus eum qui moritur sperare se non morituum, sicque suis rebus æternis non satis caute ac diligentur prouidurum. Vel enim morbus lentus est vel violentus: Si lentus est,

non multum mouetur æger, & facile sperat se melius habiturum: Si violentus est morbus, non vacat agro multum cogitare de anima, speratque morbum de violentia remissurum, ac tum, inquit ille, serio mentem inspiciet, & interim moritur: & tu negabis hanc improuisam esse mortem vel hac morte non multos interire?

Neque rursus objicias, sentiendum melius de Dei bonitate qui non punit bis in idipsum; cum enim iam morte naturali puniat, credibile est aliam poenam spiritalem cohibere, nec proinde timendum ne imparatus discedat qui non semper est paratus. Falleris, omnino falleris quisquis ita discurre. Nam primò iam dictum est non hîc agi de morte corporis immatura & casu aliquo repentino illata; sit moriturus quantumuis fenex, aut naturali cursu delapsus in extremum suum diem: hic est de quo agitur, hic est qui dicitur imparatus mori, hic est qui dicitur punitus & castigatus non morte naturali sed spiritali, quatenus his priuatur gratiis quas habuisset si se semper paratum reddidisset, & quibus illo mortis suæ tempore dum priuatur, imparatus moritur. Neque ut vides propterea bis punitur in idipsum, quia non duplex sed vna tantum mors est in poenam neglectæ præparationis animi.

Deinde vero nihil de bonitate Dei detrahitur, dum diuina Iustitia exercetur; Nam ut præclare Sapiens, *omnis misericordia facit locum unicuique secundum meritum operum suorum, & secundum intellectum peregrinationis ipsius*. Iam non erit locus bonitatis sed iustitiæ. Bonitas fuit te præmonere, bonitas fuit, te differentem expectare: bonitas fuit te contemnentem sustinere! bonitas fuit te hac etiam hora prouocare ad præcauendum; bonitas etiam est tibi præterita condonare si verè resipueris; Numquid sat multa hæc sunt vnde tu de bonitate Dei sentias? At vero si hæc multa pergas contemnere, nonne quanto major illa fuit bonitas, tanto erit major tua culpa, & tanto majori poena dignior? Ille seruus qui cognouit voluntatem Domini sui, & non preparauit, & non fecit secundum voluntatem eius, vapulabit multis: qui autem non cognouit & fecit digna plagis, vapulabit paucis. Sic Christus Dominus præsentem concludens parabolam: Vnde tu qui omnium maxime voluntatem Christi noris de habendo animo semper parato ad mortem obeundam, quid expectare debes nisi hanc voluntatem adimpleas?

Ecclesi, 16.

Luc 12.



FERIA QVARTA.

PARABOLA DE PATREFAMILIAS, VIGILANTE OB METVM FVRIS.

*Hoc autem scitote, quoniam si sciret Paterfamilias
qua hora fur veniret, vigilaret utique, & non si-
neret perfodi domum suam. Et vos estote parati,
quia qua hora non putatis, filius hominis veniet.
Luc. 12. Math. 24.*

VERITAS PRACTICA.

*Qui non obseruat furem, obseruatur à fure & capitur.
Sicut à fure sic à fine vitæ timendum est.
Vel omni hora vigilandum, vel nulla vigilatur.*

*RATIO postremæ partis ad quam duæ priores referuntur, hæc est
inter alias, quod cum Ingenium furis tale sit ut ipse obseruet
horam furti faciendi qua non obseruatur, idcirco contra vel
omni hora vigilandum est vel nulla vigilatur.*

*Sed finis vitæ qui & aduentus Christi dicitur sic veniet tamquam
fur qua non expectatur hora, si non omni hora expectetur.*

*Ergo vel omni hora vigilandum est, ad hunc vitæ finem obser-
uandum, vel nulla vigilatur; Et non minus inde animæ
quàm à fure domui, damnum infertur.*

I. P V N C T V M.

CVM præsentis Parabola sit idem Finis & scopus qui præcedentis ac sequentium, de habenda perpetua Vigilantia circa finem vitæ præsentis, eò discursus etiam fuit dirigendus, & tota mentis acies nunc intendenda, ut cum diuina Gratia probe intelligatur ex allata furis similitudine quàm sit omni hora vigilandum, vel nulla vigiletur, & sic locus furi ac damnis inde sequentibus detur, quod est diligenter cauendum.

Sic autem explananda breuiter videtur similitudo: Cum de nocte fur venturus timetur, ita timetur, ut omni mortis hora caueatur; aut nisi omni hora obseruetur & caueatur, non satis cautè timeatur, nec possit dici quod vlla caueatur hora: quia scilicet talis est furum industria & genius, ut toti sint in obseruanda hora qua non obseruantur, ut sic tutius fures agant, cum alioquin se in manifestum vitæ periculum conjicerent. Nonne res patet? Nonne sic Scriptura toties in nos id retorquet: *Si fures introissent ad te, si latrones per noctem, quomodo conticuisses? nonne furati essent sufficientia sibi? si vindemiares introissent ad te, numquid saltem racemum reliquissent tibi? quomodo scrutati sunt Esaii, inuestigauerunt abscondita eius!* Id est, quo te modo gereres circa fures & latrones qui te interdiu vel de nocte inuaderent? Nonne omni modo caueres ne tibi damnum inferrent? Cur non igitur pari cura inuigilas contra tuos animæ hostes vel ut eos anteuertas, vel ut accedentes arceas & prohibeas? An putas minus isti damnum animæ inferrent quam alij bonis tuis temporalibus? Certe fures aliquid domi relinquunt, at hostes animæ cuncta diripiunt.

II. P V N C T V M.

SED finis vitæ qui & aduentus Christi dicitur sic veniet tamquam fur, direpturus omnia, qua non hora expectatur, nisi omni hora expectetur.

Primò, finis vitæ dicitur aduentus Christi, siue quia Christus tunc venit ad iudicium particulare morituri, iuxta illud Apostoli, *statutum est hominibus semel mori, post hoc autem iudicium*: siue quia.

quia imperio eius vita finitur : *Vita in voluntate eius. Dedit ei Pater, Ps. 19.*
potestatem omnis carnis. Ioan. 17.

Deinde vero finis vitæ siue aduentus Christi sic venire dicitur tamquam fur quia sic incautos reuera intercipit & bona omnia diripit, siue temporalia quæ deferuntur, siue spiritualia quæ iam partim amissa erant per peccatum, & quæ restant, vt Fides & Spes, per iudicium & damnationem auferuntur; ac denique beata illa & æterna Bona quibus fruendis creata erat anima, penitus pereunt. Nonne hoc est furem esse? Nonne hoc est quod omnes post Christum dicunt Apostoli, siue de extremo siue de particulari iudicio: siue de postremo fine omnium hominum, siue de cuiusquam singulari? *Non tardat Dominus promissionem suam*, inquit sanctus Petrus, *Id est, verbum quod dixit de aduentu suo. Adueniet autem dies Domini ut fur. Quales oportet vos esse in sanctis conuersationibus & pietatibus, expectantes & properantes in aduentum diei Domini!* Quasi diceret, quales esse velletis illo die, tales omnino vos esse oportet omni die propter eius incertitudinem.

Sic & sanctus Paulus: *Ipsi diligenter scitis quia dies Domini sicut 1. Thess. 5.*
fur in nocte, ita veniet: Cum enim dixerint, pax & securitas, tunc
repentinus eis superueniet interitus, sicut dolor in utero habenti, &
non effugient. Quod & illud sancti Iacobi referas: Patientes estote 1ac. 5.
vsque ad aduentum Domini: Patientes estote, & confirmate corda ve-
stra, quoniam aduentus Domini appropinquauit. Ecce Iudex ante ianuam
assistit. Sanctus denique Ioannes, siue per Ioannem Dominus: Si
non vigilaueris, inquit, veniam ad te, tamquam fur: & nescies qua hora *apoc. 3.*
veniam ad te.

Possentne restare dubium post tot testimonia, de rei veritate?

III. P V N C T V M.

ERG O *vel omni hora vigilandum est ad hunc vitæ finem obseruan-*
dum, vel nulla vigiletur. Nam si fateris ita esse Vigilandum ad
 furem præcauendum, si quis forte domui paret insidias, cur non
 idem fateberis ad hunc postremum diem & hunc aduentum Do-
 mini obseruandum, qui non aliter Furis nomen habet quam quia
 non vigilantes occupat? Sic enim aperte Apostolus quod est val-
 de notandum: *Vos autem fratres non estis in tenebris ut vos dies illa Thess. 5.*
tamquam fur comprehendat, Quasi diceret, solis illis vere fur dici de-

ber qui non eum cauent vt furem ; nam quibus est fur vt obseruetur , non est fur vt furetur : Illa enim observatio , velut quædam lux est & dies , quam fures ita fugiunt vt quamdiu lux est , fures non sint.

Quod certe non poterit non esse valde gratum Christo Domino , cui non potest non esse inuisum fatale furis nomen. Putasne libens hoc sibi nomen assumat ? Etiam plane , dum tibi profit ad salutem , dum tibi profit ad cautelam : sed satis alioquin tibi significat quam longe sit ab hoc infami nomine cum te toties monet & vrget vt caueas. Non ita Latro nocturnus qui vere velit domum diripere : Non ita Dæmon qui nihil nisi perniciem tuam concupiscit , non se ita palam producit tamquam furem , cum alioquin se proderet , & prædam ipse sibi subriperet : Sed Christus qui bona potius dare quam auferre cupit , se aperte furem pronuntiat ne furem agat. *Dedisti metuentibus te significationem , vt fugiant à facie arcus , vt liberentur dilecti tui.*

Vide in 2. p. Fer. 4. Cinerum.

Vt vita mortem ordinat , sic mors vitam.

POSSET & similitudo hæc furis accommodari Diabolo , iuxta illud Diui Hilarij dicentis de Domino quod in hac parabola *furem esse ostendit Zabulum ad detrahenda ex nobis spolia peruigilem , & corporum nostrorum domibus insidiantem ; vt ea incuriosis nobis & somno deditis , consiliorum suorum atque illecebrarum iaculis perfodiat.* Neque mirum videatur si de duobus tam diuersis quales sunt Christus & Diabolus , vnum & idem dicatur , cum id diuersis etiam dicatur rationibus. Sic enim Deus & Dæmon dicuntur tentare homines , sed quàm longe aliis & modis & finibus ? Hinc autem Vigilantiæ perpetuæ Motuum satis efficax elicietur si attente consideretur quàm sit totus Dæmon in obseruando tempore quo non obseruatur vt furem agat. Cum enim dolis & cuniculis potius agat quàm apertis viribus ; in hoc vel maxime suos ponit dolos vt incautos inuadat. Hoc est nempe quod ait Apostolus , *vt non circumueniamur à Satana , non enim ignoramus cogitationes eius.* Idcirco & vocatur coluber seu serpens tortuosus , qui se videlicet varios in flexus torquet & flectit vt faciliorem in mentes nostras aditum tentet.

2. Cor. 2.
Iob. 26.
Is. 27.

Ps. 12.

Aptè contra hos dolos Dauid : *Illumina Domine oculos meos nequam obdormiam in mortem , ne dicat Inimicus meus , preualui ad,*

versus eum. Egregiè vero S. Chrysostomus in hunc Psalmi versiculum: Papa! quanta est stultitia, quanti stuporis, aduersariis aduersus seipsum ferre auxilium, & ut ij qui animam excruciant & affligunt, letentur & exultent! Vide quæ absurda, cum inimicum vincere oportet, vincimur: nec id solum sed etiam validum & potentem reddimus, nec eò usque sistit extrema amentia & summus morbus noster, sed quæ eis etiam letitiam & exultationem afferant, comparamus.

Huc spectant multæ Veritates passim expositæ:

Nemo periculosè magis tentatur, quàm qui se non putat tentatum.

In 1. p. Die 15. Ianuarij.

Nisi quod monet Sapiens: omni custodia serues cor tuum, non omnino seruas.

In 1. p. Fer. 4. Hebd. 4. post Epiph.

Qua facilitate vincimur, eadem vincere possumus.

In 3. p. Fer. 5. Hebd. 7.

Quod monet Sapiens: Eris eruditus in omnibus, aut eris contra Dæmonem rudis in omnibus.

In 4. p. Fer. 4. Hebd. 15.



FERIA QVINTA.

PARABOLA DE DECEM VIRGINIBVS.

*Tunc simile erit regnum cælorum decem Virginibus
quæ accipientes lampades suas, exierunt obuiam
sponso & sponse. Math. 25.*

Cccccij

VERITAS PRACTICA.

Perpetuata est quædam mentis Virginitas, perpetua Vigilantia.

RATIO EST, Quia Virginitas quædam mentis est, eius incorruptio & puritas ab omni affectu inordinato.

Sed illa Incorruptio præcipuè conseruatur & quodammodo perpetuatur per Vigilantiam perpetuam.

Ergo & perpetuata quædam est mentis Virginitas hæc perpetua Vigilantia, Proindeque plurimum commendanda, cum quidem omnibus, tum his vel maximè qui Virginitatem corporis colunt.

I. P V N C T V M.

CVM frequenter occurrat huius Parabolæ de decem Virginibus commemoratio, non est cur eam fusius hic enarremus. Iam suprâ etiam in prima parte, ubi de Communi Virginum agitur, instituta est eius Consideratio qua ostenditur quamlibet Virginem non posse dici prudentem sed fatuam nisi tantum aduigilet ad cæteras omnes virtutes suo tempore exercendas, quantum ad Virginitatis custodiam. Nunc pergentes cum Christo de Vigilantia cogitare & loqui, obseruemus ad faciliorem intelligentiam parabolæ, morem hunc apud Iudæos fuisse, ut Virgines sero cum lampadibus sponsum & sponsam deducerent domum, ad nuptiales epulas.

Antequam vero paratus esset sponfus deducendus, expectabant eum parato in loco Virgines, quò antè simul omnes conuenisse oportebat. Et quia dubium ac incertum erat quamdiu se sponfus pararet, quauè se hora sisteret exiturus, tamdiu præstolabantur & vigilabant Virgines, sæpe ad mediam vsque noctem, unde fiebat ut oleum semel effusum in lampades, diuturnitate temporis consumeretur; ac proinde ne deficeret, prudenter vasa quædam oleo plena secum deferrebant, aut certe nisi deferrent, insipienter

agerent: nam deficiebat oleum, deficiebat tempus, deficiebat ornatus nuptialis, deficiebant ipsæ sibi, cum alioquin comitari sponsum non possent extinctis lampadibus, & dum illis accendendis oleum sibi conquirerent, sponsalis interim celebritas perageretur, & nuptiale conuiuium clausis ianuis celebraretur, quod certe durum & infame ducebatur. Sed ipsarum erat culpa, sed ipsarum erat impudentia & mera fatuitas quod non vigilassent, quod non sibi necessaria prouidissent, quod sumptibus pepercissent vel labori; Vnde tandem illarum exemplo concluditur, quod nisi vigilemus quantum satis est ad Christi sponsi aduentum, sic excludemur cœlesti conuiuium, nec quidquam proderit ipsa corporalis Virginitas quæ non habuerit comitem Vigilantiam, ad Virginitatem mentis & ad cæteras comparandas Virtutes peridoneam. *Amen dico vobis, Nescio vos: Vigilate itaque quia nescitis diem neque horam.*

Hæc est perpetuæ Vigilantiæ ratio quæ hætenus nobis proposita fuit; Nunc vero aliam addimus qua non tantummodo malum cuitatur, sed bonum insigne comparatur quod est *Virginitas quedam mentis qua ex perpetua vigilantia perpetuari dicitur*, & sic aperte demonstratur. Nam quid est virginitas mentis, nisi mentis incorrupta puritas, quantum quidem haberi potest in corpore quod corruptum est & quod aggrauat animam multa cogitantem? Sic sanctus Ambrosius ad Virgines, vt quantum possint Beatam Virginem imitentur qua Virgo erat non solum corpore, sed etiam mente, qua nullo doli ambitu sincerum adulteraret affectum. Sic & sanctus Cyprianus de disciplina Virginum, vt qua à carnali concupiscentia recedentes, inquit, tam carne quam mente se Deo vouerint, consumment opus suum magno premio destinatum; nec ornari iam aut placere cuiquam nisi Domino suo studeant à quo & mercedem Virginitatis expectant: Vnde apte sanctus Chrysostomus de quinque fatuis Virginibus quarum est mentio in nostra parabola, dicit eas cum fornicatoribus ejici, quod pecuniarum cupiditas qua detenta, oleum sibi non emerant, sit quedam mentis corruptela, atque adeo licet corpore Virgines fuerint, mente tamen corrupta sint; quia videlicet sua est mentis virginitas, cum mētis puritas sic custoditur vt nulla prauitate affectus corrumpatur. Hinc beatus ille qui inuentus est sine macula qui post aurum non abiit, nec sperauit in pecunia & thesauris, quis est hic & laudabimus eum? sup. 91
L. 2. de Vir-
ginib.
Euseb. 31

II. P V N C T V M.

SED per Vigilantiam perpetuam illa præcipue Puritas custoditur & quodammodo perpetuatur.

Nam hic eius primus est & magis commendatus actus, ut ab omni non modo peccato vigilantem præseruet, sed à leui etiam affectu qui mentem eius possit corrumpere. Ad quid enim anima vigilaret nisi ad sui custodiam? at in quo est animæ custodia nisi à peccato, quod est eius perditio? Si enim petimus à Domino ne nos inducat in tentationem, Dominus etiam à nobis petit, *Vigilate & orate ut non intretis in tentationem*, Id est, ne succumbatis, & peccetis, hoc enim est proprium Vigilantiæ munus & officium quo quidem ita perfecte defungitur ut qua parte homo est debili-
Matth. 26. *orare ut non intretis in tentationem*, Id est, ne succumbatis, & peccetis, hoc enim est proprium Vigilantiæ munus & officium
2. Cor. 16. *lancia est acrior. Quod præclare sanctus Gregorius, Vnde se, inquit, pertimescit grauitate cadere, inde accipit fortiter stare; non solum vires à quo accipiat discit, sed quanta eas vigilantia seruet intelligit; ad insidias prouidendas euigilat, ut hostem se in certamine cautius ac-*
3. Mor. 18. *cingat. Et alibi: Etsi aliquando usque ad delectationem tentata mens rapitur, ipsa tamen citius subreptionem sua delectationis erubescunt, & forti censura redarguunt quidquid intra se exurgere carnale deprehendunt.*

2. de Confid. 7. Sic fusè sanctus Bernardus, ubi agit de Consideratione quæ est ipsa hæc nostra Vigilantia: *Primum quidem, ipsum fontem suum, id est, mentem de qua oritur, purificat Consideratio: Deinde regit affectus, dirigit actus, corrigit excessus, componit mores, vitam honestat & ordinat.* Et quæ plura prosequitur: Vnde apte Apostolus, *Euigilate iusti, & nolite peccare; Quasi diceret; ad hoc præsertim euigilate ne peccare velitis, ne peccetis ex affectu, non tantum ex affectu peccati, sed ne cuiusquam rei affectu inordinato qui peccatum generat, & peccatum quod præcipue cauet qui vigilat.*
1. Cor. 15.

III. P V N C T V M.

EST igitur perpetuata quadam mentis Virginitas perpetua Vigilantia, quæ puritatem mentis tamdiu perpetuat, quamdiu perpetua est; cum ad hoc vnum præcipue vigilet ut nulla peccati

labemens nostra corrumpatur. *Fiat cor meum immaculatum in tuis* ps. 118.
iustificationibus, ut non confundar. Hæc est lampas semper accensa
in sapientibus illis Virginibus quæ idcirco ad nuptias sunt intro-
ductæ. Et certe quàm essent Sapientes in hoc præcipuè ostende-
runt quòd essent constantes in perpetua Vigilantia. Nam quid est
Sapientem esse nisi tenere constanter media quæ proposito fini
magis conueniunt? Quis est autem primus finis noster, nisi pu-
rum esse ab omni peccato, vt sic aliquando Deum videamus?
Quodnam est porro medium ad illam puritatem nisi perpetua Vi-
gilantia? Vnde quid sequitur nisi veram in ea sola esse sapientiam
quæ sic suauiter & fortiter finem suum attingit?

Sic præclare Cassianus: *Finis quidem nostra professionis, vt dixi-* collat. 1.
c. 4.
mus, regnum Dei seu regnum cælorum est; destinatio verò nostra, id
est scopus, Puritas est cordis, sine qua ad illum finem impossibile est
quempiam peruenire. In hac ergo destinatione desigentes nostra dire-
ctionis obtutus, velut ad certam lineam, cursum rectissimum diriga-
mus: Ac si paululum quid ab hac cogitatio nostra deflexerit, ad con-
templationem eius illico recurrentes, rursus eam velut ad quandam nor-
mam rectissime corrigamus: qua semper omnes conatus nostros ad vnum
hoc reuocans signum, arguet statim si à propostita directione mens nostra
vel paululum deuiauerit. Et paulo post: quidquid ergo nos ad hunc
scopum, id est, puritatem cordis potest dirigere, tota virtute spectan-
dum est; quidquid autem ab hac retrahit, vt perniciosum ac noxium
deuitandum. Pro hac enim vniuersa toleramus & agimus. Pro hac, pa-
rentes, patria, dignitates, diuitiæ, delicia mundi huius, & voluptas
vniuersa contemnuntur, vt scilicet puritas cordis perpetua retineatur. cap. 5.
Hac itaque nobis destinatione propostita, semper actus nostri & cogita-
tiones ad eam obtinendam rectissime diriguntur. Quæ si præ oculis no-
stris iugiter statuta non fuerit, non solum cunctos labores nostros vacuos
pariter atque instabiles reddens, incassum eos ac sine vllò emolumento
compellet effundi, sed etiam cogitationes omnes diuersas sibi que contra-
ritas suscitabit. Necesse est enim mentem quòd recurrit cuius principaliter
inhæreat non habentem, per singulas horas atque momenta pro incur-
suum varietate mutari, atque ex his quæ extrinsecus accidunt, in illum
statum continuo transformari qui sibi primus occurrerit.

Hinc namque est, quòd nonnullos mundi huius maximas facultates, cap. 6.
& non solum multa auri atque argenti talenta, verum etiam prædio-
rum magnificentiam contemnentes, post hæc vidimus pro scalpello, pro

graphio, pro calamo commoueri. Qui si contemplationem cordis in Deum fixam tenerent, numquam utique pro paruis rebus admitterent, quod ne pro magnis ac pretiosis incurrerent opibus, easdem penitus abjicere maluerunt. Nam & plerumque nonnulli tanto Zelo codicem seruant, ut eum ne leuiter legi quidem, vel contingi ab aliquo patiantur, & inde occasiones impatientie ac mortis incurrunt, unde monentur stipendia patientie & Charitatis acquirere. Cumque omnes diuitias suas pro Christi amore disperserint, pristinum tamen cordis affectum in rebus minimis retinentes, & pro ipsis nonnumquam mobiliter irascentes, veluti qui non habeant apostolicam Charitatem, ex omnibus infructuosi sterilesque redduntur.

Ecel. 9.

Atque idcirco sanctus Chrysostomus sapienter aduertit, rectissime fatuas illas esse Virgines dictas, quae cum tam multa iam fecissent pro sponso quem expectabant, in illo tamen modico defectu olei, bonis omnibus exciderunt. O quam vere Sapiens: qui in uno peccauerit, multa bona perdet!

Vide in 1. parte, In Communi Sanctorum non Pontificum, ubi haec Veritas exponitur:

Quantum cuique est Vigilantiae, tantum Virtutis & Meriti.



FERIA SEXTA.

PARABOLA DE TALENTIS.

Sicut homo peregrè proficiscens, vocauit seruos suos, & tradidit illis bona sua; & uni dedit quinque talenta: alij autem duo: alij verò unum; unicuique secundum propriam virtutem; & profectus est statim. Matth. 25.

VERITAS

VERITAS PRACTICA.

Temperamenti regendi parata Ratio, parata ratio est reddendi Deo talenti.

SENSVS EST, Quod prout quisque cum gratia vigilabit naturali suo temperamento rationabiliter temperando, tam aptus & paratus erit ad multiplicandum talentum, & reddendam de illo rationem.

RATIO EST, Quia paratum esse ad reddendam de talento rationem nihil aliud est quam quod quisque talentum acceperit recte impenderit.

Sed prout quisque cum gratia vigilabit naturali suo temperamento rectè & rationabiliter temperando, tam recte quod accepit talentum impenderit.

Ergo & ita paratus erit ad reddendam de talento rationem: Et sic temperamenti regendi parata Ratio, parata ratio est reddendi Deo talenti; Quod sane plurimum valere potest ad curam & vigilantiam adhibendam circa temperamentum naturale rationabiliter & Christianè temperandum.

I. P V N C T V M.

COMMENDATÆ iam multoties Vigilantiæ vera & solida praxis nunc apertius exprimitur, cum in naturali temperamento, ratione & Gratia temperando ponitur. Ponitur autem cum de distributis talentis Parabola proponitur, cuius hæc summa est: Tribus servis pecunia quæ Talentum dicitur inæqualiter prout cuiusque vires ferebant à suo Domino ad negotiandum conceditur. Duo primi quorum unus quinque acceperat, & alter duo, rem foeliciter confecerunt, sua duplicata retulerunt talenta, & hanc vterque à Domino suo promeruit compensatio.

4. Pars.

D d d d d

nem: *Euge serue bone & fidelis, quia super pauca fuisti fidelis, supra multa te constituam.* Tertius vero qui vnum duntaxat talentum acceperat, nihil ex eo fructus retulit, sed vano quodam metu deteritus pecuniam suam otiosam & infrugiferam in terra detinuit: quod cum rescuisset Dominus seruum inutilem vehementer obiurgauit & male mulctatum iussit in tenebricosissimum detrudi carcerem.

Nunc vero quid tota significet Parabola, quid sit talentum multiplicare, & veris horum trium similiores simus vt constet planius, proponitur hæc valde consideranda Veritas ad praxim Vigilantiæ magis ac magis declarandam, *Quod prout quisque suo naturali temperamento, ratione & gratia temperando vigilarit, tam feliciter aut infeliciter cum illo de talentis agetur: tam paratam aut imparatam de acceptis & reddendis rationem habere dicendus erit.* Quid est enim talentum? Quid multiplicatum talentum? Et quid eius reddendi paratam aut imparatam habere rationem? Tria sunt hæc nobis particulatim enucleanda.

De primo, sic sanctus Ioannes Chrysostomus: *Talenta hic pro eo quod unusquisque facere potest, accipimus, siue autoritate protegere, siue pecuniis inuare, siue doctrina admonere: siue alia quapiam re, proximis prodesse queas.* Sic conformiter Glossa in hanc parabolam: *Nota, inquit, quod quidquid datur in rebus mundanis vel spiritualibus pro talento imputatur, de quo est reddenda ratio.* Sic sanctus denique Gregorius: *Talenti nomine cuiuslibet reputabitur quod vel minimum acceperit quo nempe bene uti possit in suam & proximorum utilitatem.*

Iam verò, quid est multiplicare talentum nisi hoc ipsum quod accepisti proximis impendendum sic recte ac fideliter impendere vt acceptæ gratiæ respondeat vel effectus æqualis vel talis cura producendi effectus, vt penes te non steterit quin fructuosus fuerit labor tuus. *Curam illius habe,* dicebat Samaritanus stabulario cui vulneratum à latronibus hominem commendabat, vbi cura non curatio memoratur.

Luc. 10.

Denique quid paratam aut imparatam habere reddendi rationem talenti nisi sic paratum esse ad omnem bene merendi de aliis occasionem, vt non minus diligenter, non minus fideliter, circa omnes, omni loco & tempore te impendas & superimpendas quam si tum esses moriturus, & Christo rationem redditurus. *Sic loquimini & sic facite, sicut per legem libertatis incipientes indicari.*

Luc. 2.

Agit hic manifeste sanctus Iacobus de Charitate proximi siue de operibus in proximorum vtilitatem exercendis, monetque sic verbo & opere benefaciendum esse proximo, sicut lex Euangelica præcipit quæ lex est libertatis, id est, quæ liberè præcipit omnibus vel quæ præcipit omnibus vt libere & liberaliter agant, non more seruatorum qui metu tantum mouentur, & qui non plura quam exigantur faciant, sed amore filiorum qui plura vellent quàm præstent si plura possent, qui nulla re propria detinentur quo minus liberi sint ad agendum, qui tam liberi sunt & expediti ad agenda omnia vt quidquid agunt non oneri sed honori vertant; qui denique sic amore, sic libere, sic non coactè mouentur ad benefaciendum proximis, vt tamen tam sedulò, tam religiosè, tam efficaciter benefaciant quàm si peccarent non faciendo quod libere faciunt, & quam si proxime iudicandi essent de peccato, & iudicandi secundum exactiorem Euangelicæ legis normam: quasi iam inciperent iudicari & condemnari si quod possunt non facerent.

Hoc est paratam habere talenti rationem; hoc est quod illi duo boni & fideles serui fecerant; hoc est quod seruus inutilis non præstitit; hoc est quo istum seruum magis imitaris quam duos alios.

II. P V N C T V M.

SED hæc omnia sic procedunt & pendent à naturali temperamento recte temperando, vt prout quisquis in hoc inuigilauerit, tam certo proximis omni virtute sua curam omnem impendet, vel negabit.

Tria hic etiam sigillatim expendi possent. Primò quid temperamentum. Deinde quid temperatum temperamentum. Ac terriò, quomodo inde talenti valor & ratio.

De primo, Temperamentum est naturalis illa quæ vulgò dicitur Complexio, siue sanguinea, siue biliosa, siue melancholica, siue phlegmatica, siue sic mixta & temperata ex his quatuor quos vocant humoribus vt vix vllus emineat, siue sit aliquis eminentior & prædominans aliis, Vnde formatur Indoles & natia quædam propensio in amorem & lætitiâ potius quàm tristitiâ, vel è contra; vnde & alij conformes facilius in vno quam in alio excitantur affectus; Qua de re sic egregie Philo Iudæus: *Iisdem quidam L de Tem. ul. delectantur, quidam offenduntur, nam quæ his probantur aliis displicent; quæ hi vltro accersunt vt domestica, alij procul in malam rem*

Dddd ij

profligant ut alienissima. Equidem fortè fortuna theatrum ingressus, aliquoties animaduerti ad unum carmen tragædorum citharædorumque in scenâ certantium, alios sic demulceri, ut non temperarent sibi quin assurgentes acclamarent & applauderent: alios non magis moueri hoc, quam illos ipsos gradus saxeos quibus insisterent: alios in tantum offendi, ut è theatro se proriperent utraque manu compressis auriculis, ne quid ex eo sono reliquum molestiam crearet fastidiosis animis.

Hinc etiam tam diuersæ ingenij qualitates, aptitudines & capacitates, ut vnus in speculatiuis scientiis plurimum valeat, alius in humanioribus studiis, alius in mathematicis, alius in mechanicis, alius vrbanam, alius agrestem magis colat vitam; alius loquendo, alius scribendo excellat; alius ad gubernandum aptus, & alius ad inferiora quædam excolenda ministeria magis idoneus, quibus variis ingenij dotibus accedunt mores etiam valde discrepantes, quales in illis duobus geminis Iacob & Esau sancti Patres obseruant.

Cùm sit autem in libero cuiusque arbitrio ac potestate cum diuina Gratia quæ numquam tota deest suos prauos mores corrigere, ac temperare; hinc fit quod secundo loco proponitur Temperamentum, non naturaliter ut supra dictum est quantum ad humores, sed moraliter quoad mores, qui si nimis propendent in aliquem naturalem affectum, retorquentur in oppositum, vel ad auream mediocritatem in qua consistit Virtus reuocantur. *Inereps illos durè*, inquit Apostolus, sed valde mirum quod id Tito commendet quod verabat Timotheo, quia scilicet in quo vnus deficiebat, alter excedebat, & sic vtriusque temperamentum temperabat, cùm vterque sibi suo studio comparare niteretur quod natura non dederat.

Atque hinc tertium & præcipuum quod expendas, hinc scilicet prout recte ac fideliter suum quisque temperamentum temperarit, correxerit, gubernarit, tam recte ac fideliter suum talentum exercebit: siue id naturaliter, siue id supetnaturaliter ita fiat. Naturaliter quidem, quatenus ipsi temperamento naturali talentum inhæret suo modo, velut insitus arbori surculus: Vnde & naturam temperamenti necesse est ut induat & sapiat: si verbi gratia qui concionatur aut qui gubernat fuerit cholericus aut melancholicus, ipsa eius Concio, ipsa eius gubernatio choleram aut melancholiam sapiet, & inde tantum detrimenti capiet quantus erit

Excessus vel defectus naturalis quem non satis temperarit.

Sic sanctus Gregorius scribens ad Abbatem qui multum laborabat in suis regendis subditis, *quod ex nulla, inquit, alia te euenire valuit, nisi quia tua dilectio in regimine suo inordinata est, nec cum gravitate aliquid valet disponere; sed modo studet peccantibus leniter blandiri: modo inordinatè, & extra modum nimium irasci. Nam si semetipsam in mentis sue ratione potuisset, ipsa eius maturitas haberi in reuerentia potuit, & disciplina ordo seruari.* L. 9. Ep. 42. ad Vrbicum Abbatem.

Id etiam supernaturaliter & diuinitus ita fit, ita permittentè vel agente Deo, vt in pœnam vel in præmium minoris aut maioris operæ positæ in regendo temperamento, minores aut maiores gratias conferat ad talendum exercendum, & vberiore inde fructum colligendum. *Qui vicerit, faciam eum columnam in templo Dei mei.* Apoc. 3. Qui vicerit suos scilicet hostes domesticos, suos naturales motus & impetus rationi repugnantes, faciam eum columnam, nempe firmum & efficacem in operando quidquid operetur. Hinc apte Apostolus, postquam dixit, *semper mortificationem Iesu in corpore nostro circumferentes vt & vita Iesu manifestetur in corporibus nostris,* tum paulo post subdit & concludit; *Ergo mors in vobis operatur, vita autem in vobis,* quasi diceret, morte nostra vobis vitam operamur, nos mortificati vos viuificamus. Quod Christus de se ac de suis expresse dixerat, *Nisi granum frumenti cadens in terram mortuum fuerit, ipsum solum manet: si autem mortuum fuerit, multum fructum affert.* Ioan. 12. Ac rursus. *Ego sum vitis vera, & Pater meus agricola est: omnem palmitem in me non ferentem fructum, tollet eum: & omnem qui fert fructum, purgabit eum, vt fructum plus afferat.* Ibid. 15. Quid est, *purgabit eum,* nisi temperamentum eius temperabit? Quid porro, *fructum plus afferat,* nisi quod talentum fructuosius inde reddetur?

III. P V N C T V M.

PATET igitur quantum conferat ad rationem de talento reddendam, temperamenti rectè compositi & temperati ratio, non solum vt talentum non remaneat otiosum, non solum vt actu & frequenter exerceatur: sed vt fructuose ac laudabiliter ad Dei gloriam, ad proximorum utilitatem, & æternam Operantis mercedem impendatur: cum alioquin nisi quis seipsum in ea præsertim

parte animi qua magis inordinatus est prius ordinet & componat, vix aptus umquam erit ad opem aliis conferendam, quantumcumque præstanti excellat ingenio; nam in illud quod aliis conferet, semper redundabit aliquid ex illa sua prauitate quam non correxit, ex quo fiet vt totum opus deprauetur vel in substantia, vel in modo, vel in fine, nec quidquam aliud inde resultet quàm *as sonans aut cymbalum tinniens.*

1. Cor. 13.

Vnde enim putas tam modicus in Ecclesia fructus & profectus in omni hominum statu, cum abundant Viri excellentes qui præ sint, qui loquantur, qui conuersentur? vnde inquam tam modicus tam excellentium virorum fructus nisi quia non manent in eo qui dixit *sine me nil potestis facere*; non manent autem quia suis inde affectibus non satis recte compositis auertuntur, non quod vellet Christus docent, non quo vellet modo vel fine; sed pro suo quique ingenio, *vident vana & diuinant mendacium*, dicentes, ait Dominus, *cum Dominus non miserit eos, & perseuerarunt confirmare sermonem.*

Ieron. 15.

Ezech. 13.

Ibid.

Hi nempe sunt quibus Dominus per Prophetam: *Va prophetis insipientibus qui sequuntur spiritum suum & nihil vident, quasi vulpes in desertis.* Id est, dolosi & latentes quando quid contra spiritum suum pro Dei gloria loquendum esset & agendum, vnde & pergit Dominus: *Non ascendistis ex aduerso neque opposuistis murum pro domo Israël ut staretis in praelia, in die Domini.* Et paulo post: *Eò quod deceperint populum meum dicentes, Pax, & non est pax: Et ipse adificabat parietem, illi autem linebant eum luto absque paleis.* Dic ad eos qui liniunt absque temperatura quod casurus sit. Et quæ plura ibi prosequitur contra eos qui consuunt puluillos sub omni cubito manus: & faciunt cernicalia sub capite vniuersa ætatis ad capiendas animas. Qui quidem viri sic adulantes & palpantes suis auditoribus vocantur filia seu foemina quasi qui leuiter suis vanis affectibus sicut foemina moueantur quos tamquam viri fortiter repressisse debuerant, vt fructum facerent.

Prou. 24.

Quamobrem recte Sapiens: *Prepara foris opus tuum, & diligenter exerce agrum tuum vt postea adifices domum tuam*: quasi diceret, non aliter tuos domesticos ales ac nutries, nisi prius quod te magis spectat excolueris & ordinaueris. Sic apte sanctus Ambrosius: *Vnusquisque suum ingenium nouerit, vt ad id se applicet quod sibi aptum elegerit. Non solum nouerit bona sua, sed etiam vitia cognoscat,*

1. de officiis

34.

æqualemque se Iudicem sui præbeat ut bona intendat ; vitia declinet. Quasi diceret, non aliter bona intendet erga proximos, nisi sua declinet vitia. Nam alioquin cum sua vitia declinabunt ne in proximos bonum intendat, atque idcirco æqualem se sui Iudicem præbeat, id est, æqualiter in vtrumque semper inuigilet ut & sua vitia refecet, & sua conferat aliis bona.

Quod ita verum est & fixum ratum in praxi ad operam suam aliis conferendam, ut propterea non solum suis se oporteat prauis exuere cupiditatibus, sed piis etiam quibuscumque priuaris affectibus quæ alioquin retardare possent aut quoquo modo sacrum Operarium impedire ne quantum necesse est aliis vacet. Sic de se sanctus Bernardus, *Charitas*, inquit, *qua non quarit quæ sua sunt, id* Serm. 51. in Cantica. *mibi iam dudum facile persuasit, nihil desiderabilium eorum vestris præferre utilitatibus: orare, legere, scribere, meditari: & si quæ sunt alia spiritualis studij lucra, hac arbitratus sum propter vos detrimenta: ne si videlicet hæc quantumuis pia quæ temperamento suo congruebant temperaret, non æquè posset talentum, & debitum Charitati fraternæ stipendium, reddere, nec suo satis fideliter defungi officio. Tanti refert propterea seipsum prius regere ut recte regantur alij.*

Quod postremò videre est euidenter in misero illo seruo quæ talentum infodit & otiosum reddidit. Cur enim ita languit & deficit? quia scilicet cum naturæ timidioris esset, naturale hoc temperamentum non temperauit, timiditatem suam non satis acriter expugnauit sicque factum est ut cum timeret talentum perdere si forte illud exponeret, non exponendo perdidit. *Timens*, inquit, *abij, & abscondi talentum tuum in terra.* Sed ô serue male & piger, expugnanda erat illa timiditas quam si exuisses, talentum non infodisses: Vnde apte Diuus Hieronymus: *quod pro excusatione dixit, in culpam vertitur.* Nec omittenda hîc Glossa quæ pecuniā in sudario absconditam sic interpretatur: *In sudario pecuniā reponit qui ad predicandum idoneus, amore puritatis Conscientiæ officium predicationis suscipere renuit, vel susceptum non bene gerit.* Stupenda certe verba: Nam si amor ipse puritatis temperandus, quanto magis amor impuritatis? si puritatis amator punitur operarius ille qui operari renuit ne quidquam suæ officeret puritati: vel qui puritatis amorem non ita temperauerit ut nihil inde à talento exercendo dimoueretur; quantò magis impurus punietur si suam

Eccl. 14. propterea impuritatem non castigauerit? Ab immunda quid mundabitur? Et à mendace quid verum dicetur?



S A B B A T O.

DE POSTREMA EXTREMI IUDICII SENTENTIA.

Tunc dicet Rex his qui à dextris eius erunt: Venite Benedicti Patris mei: Possidete paratum vobis regnum à constitutione mundi: Esuriui enim & dedistis mihi manducare, &c.

Tunc dicet & his qui à sinistris erunt: Discedite à me maledicti in ignem aeternum qui paratus est Diabolo & Angelis eius: Esuriui enim & non dedistis mihi manducare, &c.

Et ibunt hi in supplicium aeternum: Iusti autem in vitam aeternam. Matth. 25.

VERITATES PRACTICÆ.

QVÆ multæ possunt ex proposita depromi materia, designantur in 2. parte, Feria 2. Hebdomadae primæ in Quadragesima, quibus hæc sequentes adduntur, seruatō narrationis Euangelicæ textu.

Cum venerit Filius hominis in maiestate sua, & omnes Angeli cum eo, tunc sedebit super sedem maiestatis suæ.

In regia Christi Maiestate nihil majus quàm Rex ipse Christus.

Vide

Vide in 1. parte, Die 6. Januarij. In die Epiphania Domini.

Lethale quoduis peccatum, crimen est læsæ majestatis.

Vide in 3. p. post Hebdomadam decimam in Appendice ad Missiones, Capite 13. ubi fufe ostenditur quale sit malum Christi, peccatum.

Et congregabuntur ante Eum omnes gentes, & separabit eos ab invicem sicut Pastor segregat oves ab hædis.

Qui nunc Pastorem tuum non agnoscis Christum, tunc te Christus suam non agnoscet ovem.

Ratio quæ te potissimum spectat declarando quod nunc in praxi Pastorem tuum non agnoscis Christum, ac proinde tunc non agnoscèris à Christo tamquam sua ovis, hæc est inter alias, quod qui se non finit pasci à Christo iuxta suum ordinem, prout alibi demonstratur, non agnoscit Christum vt Pastorem suum, nec à Christo agnoscetur tamquam ovis sua.

Sed si te nosti, agnosces quod non te finis pasci à Christo iuxta ordinem tuum.

Ergo nec ab Illo tunc cognoscèris tamquam sua ovis, sed velut hædus segregaberis ab ouili.

Vide in hac 4. parte, Feria 3. & sequentibus Hebdomada vigesima prima.

Et statuet oves quidem à dextris suis, hædos autem à sinistris.

Qui nunc à dextris volunt statui, tunc à sinistris statuentur.

Qui nunc primi esse volunt, tunc erunt infimi.

Quò quis inferior est in ordine hominum, eò superior est in Christi ordine.

Vide in 2. parte, Feria 3. Hebdom. 4. in Quadragesima; & explana fufius quod habetur Genesis Quadragesimo octavo, de duobus filiis Ioseph Ephraim & Manasse, quorum ille minor primò

770 *Sabbato Hebd. 28. post Pent. De postrema extremi, &c.*

positus erat ad sinistram Iacob, & alter major ad dextram: Post vero conuersis & cancellatis à Iacob manibus, inuentus est minor in dextra Iacob, major autem in sinistra. Sic plane qui se modo statui volunt ad dexteram tamquam maiores & primores, tunc statuentur ad sinistram, pudendo certe dedecore.

Vide & supra vigesima octaua Dominica, ubi multa huius spectantia.

Tunc dicet Rex his qui à dextris eius erunt: Venite Benedicti Patris mei, Possidete paratum vobis regnum à constitutione mundi.

Inter Benedictos hinc incipit benedici non cui melius omnia, sed qui ex omnibus melior.

Vide in 2. parte, Die 21. Martij.

Quantam in te vim habet desiderium Regni cœlestis, tantam tibi vim facies.

Sic dignum est cœlum nostris desideriis vt nisi cœlum desideres, cœlo sis indignus.

Vide in 2. parte, Feria 2. & 6. Hebdomada Ascensionis Christi.

Esuriui enim & dedistis mihi manducare: sitiui & dedistis mihi bibere:

Et quæ sequuntur, videnda in textu, ubi sex genera misericordiarum corporalis recensentur, septimum vero in libro Tobiae designatur, quod est sepelire mortuos.

In paruis, major est serui Dei fidelitas.

In 1. p. Fer. 6. Hebd. 6. post Epiphan.

Cura rerum minimarum, rem procurat omnium maximam.

In 3. p. Sabbato Hebd. 4.

Ars omnium artium quaestuosissima, est Eleemosyna. Nisi pauper affectu sis, vix satis affectus eris in pauperes.

In 3. p. Dominica sexta post Pentecostem, Vide & Dominicam octavam.

**Hoc amanti cælum paupertas est vel Eleemosyna,
quod amanti terram diuitiæ.**

Aut cælum perit diuitiis, aut emitur.

In 4. p. Fer. 3. & 5. Hebdom. 17. ubi & multa alia quæ huc commodè referri possint.

Amen, dico vobis, quamdiu fecistis uni ex his fratribus meis minimis, mihi fecistis.

**Quò minus potes Christo reddere quæcumque debes,
cò magis debes reddere quæcumque potes.**

In 3. p. Fer. 2. Hebdom. 1. Quibus hæc adde pro his declarandis quæ potes circa proximum, & quæ proinde debes reddere.

Primum est, quidquid agas interius vel exterius, positivè vel negativè, totum id præstes propter Christum qui hoc à te pro suo iure postulat. Nonne hoc potes cum eius gratia? Nonne hoc debes? Sic autem fiet ut quoties in paupere Christum respicies sicut Ipse ordinat, tres illas insigniores virtutes quæ Theologicæ dicuntur, exerceas: nempe Fidem, dum credis Christum in paupere pati, & foueri. Deinde Spem, dum speras quod Ille promittit futurum in Iudicio. Denique Charitatem, dum Christum in paupere diligis, & in Christo pauperem, & in paupere Christo, Deum ac hominem simul diligendo amplecteris. Ex quibus vides quam multa possis.

Secundo quid pecuniæ, quid facultatum possis elargiri, potes conferre cum Directore qui perpenlis omnibus candide doceat quid ex obligatione, quid ex consilio debeas.

Tertio, potes abstinere contumeliis, probris, & verbis asperis quibus sæpe pauperes imperuntur.

Quarto, potes omnibus compati, omnibus bene velle, gaudere bono quod illis præstat ab aliis, & siue concedas siue neges quod petitur, Charitatem & beneuolum animum semper seruare, iuxta illam Veritatem quæ in 2. parte asseritur.

Ecccc ij

Si quid Charitas negat, tam benigna negando est, quàm concedendo.

In 2. parte, Feria 3. Hebdom. 1. post octauam Pasche.

Tunc dicet & his qui à sinistris erunt: Discedite à me maledicti in ignem æternum qui paratus est Diabolo & Angelis eius. Esuriui enim, & non dedistis mihi manducare, &c.

Verendum, ne quod tibi deest ad perfectionem, desit etiam ad salutem.

In hac 4. parte, Feria 2. Hebdom. 17.

Non tam spectatur quid dones pro Diuinis, quam quid non dones.

In 3. p. Fer. 6. Hebd. 8.

Quò magis oculata est Concupiscentia, magis est cæca.

In 3. p. Sabbato Hebd. 9. Vbi quæ de oculata dicuntur concupiscentia, referri debent ad illas ratiunculas quas dum quisque sibi proponit, ne benefaciat pauperibus, magis cæcutit non videndo periculum damnationis in quod se conjicit.

Dum te à dando excusas, magis accusas.

Ratio est valde consideranda, vel seorsum in priuato discursu, vel conjunctim cum alio, nempe cum te à dando excusas, hoc vnum pene objicis, quod nil dandum habeas. Sed hoc dicendo, te magis accusas. Et mendacio ac fraude cum Deo agis.

Multis id quidem modis. Primò sæpe mentiris. Secundò, vel agnoscis apertum mendacium, vel non agnoscis nec cogitas. Si agnoscis, aperta malitia est, quæ sæpius transit in peccatum obstinationis & in peccatum contra Spiritum sanctum, quod vix vquam remittitur, vt demonstratum est in 2. parte in die Pentecostes. Quod si non agnoscis nec cogitas esse mendacium, malitia quædam est perniciosior, nam illa est voluntaria & affectata ignorantia quam Scriptura condemnat, *noluit intelligere vt bene ageret,*

& quam damnari præsertim gemunt, *Ergo errauimus à via Veritatis, & iustitiæ lumen non luxit nobis*, & quæ plura deplorant ab ignorantia sua.

Tertio te aperti conuincunt mendacij, superflua illa quibus abundas impensæ vestium, supellectilis, exquisitarum dapum, equorum, currum, & similium in omni splendoris genere domesticarum rerum. Nihilne habes in istis effundendis? Nihilne superest quod in illis augendis vel conseruandis reserues? Et cum est assis dandus pauperi, audebis negare te quidquam habere quod dones, nec timebis comparere iudici qui tam seuerè de his te monuit, nec timebis illam sententiam: *Discede à me maledicte, discede in ignem æternum, Esuriui enim & non dedisti mihi manducare.* O mi frater, numquid ferreae sunt carnes nostræ vt non contremiscant? Et quæ plura sanctus Augustinus in 1. parte. Dominica 1. Aduentus:

Et ibunt hi in supplicium æternum, iusti autem in vitam æternam.

Quod ageres iudicatus si posses, hoc ipsum debes agere iudicandus.

Ratio est, quia vbi est par aliquid agendi ratio, hoc pariter est agendum. Sed par est ratio tibi, vt iudicandus id agas quod ageres iudicatus; Quænam enim est ratio cur iudicatus aliquid ageret nisi vt se à pœnis redimeret? At nonne iudicandus perinde est vt se à pœnis redimat ac iudicatus? Imo est aliquid amplius quod iudicandum premat & vrgeat. Primo nempe facultas agendi cum gratia quam habet iudicandus & nondum iudicatus. Deinde voluntas Dei quam probe scit iudicandus vt interim dum iudicetur, aliquid agat. Ac tertio Diuinus amor quo moueri potest iudicandus, cum iudicatus solo pœnarum metu moueretur.

Videsne quàm multo magis iudicandus debeas agere quam ageres iudicatus? Videsne vero quàm longe minus agas? An si posses dare pauperi iudicatus, negares id quod posses? Et tamen toties negas, cum sis iudicandus de illa negata quam dare poteras pecunia! Dubitasne futurum quod dixit Christus? *Credisne com-*

penſandum qui dederit, & non puniendum qui negarit? Quid eſt quod illud credas, & non illud? An alius Chriſtus eſt qui benedixit: *Venite poſſidete paratum vobis regnum*: & alius qui maledixit: *Diſcedite à me in ignem æternum*? An alia cauſa eſt primæ ſententiæ quam quod eſuriuit & paſtus eſt: & alia cauſa ſecundæ quam quod eſuriens non paſtus eſt? Cur ergo qui non paui eſurientem non æquè timeat, ac alter ſperet qui paui? Nec dicas te multis dare, licet non omnibus, nam ſi cuiquam negas cui poſſis & debeas, ille eſt in quo Chriſtus erat paſcendus. Ille eſt de quo dicet: *Eſurivi & non dediſti mihi manducare.*

Ne vero renitens & inuitus dones quidquid dones, audi ſubiectam Veritatem:

Si recte affectus eſſes, quo affectu eſſes vel in æternam vitam vel in æternum ſupplicium, hoc ipſo dare gauderes vel non dare timeres quod dandum eſt.

Ratio eſt, quia medium ex diuina ordinatione conſtitutum ad finem aliquem ſeu ad bonum aliquod obtinendum, vel malum euitandum, tali affectu eſt proſequendum quo ipſe finis.

Sed dare pauperi quod dandum eſt, eſt medium ex diuina ordinatione conſtitutum ad æternam vitam obtinendam, vel æternum ſupplicium euitandum.

Ergo eſt euidentis Concluſio quæ ſuſe declaratur in 2. parte, Fer. 5. Hebdom. ſecundæ in Quadrageſima ubi conſimilis proponitur Veritas:

Quo in cælis Corona gloriæ ſumetur vultu, hoc in terris Calix ſumendus eſt.

DENIQUE cum hæc Anni Eccleſiaſtici poſtrema ſit dies, & hoc ſit hodie poſtreimum eorum omnium quæ à nobis dicenda de Chriſto Domino ſuſcepta ſunt: opportune videtur hæc Sapientis Eccleſiaſtæ Clauſula poſſe huc deriuari. *Finem loquendi pariter omnes audiamus. Deum time, & mandata eius obſerua: hoc eſt enim omnis homo: & cuncta quæ ſunt adducet Deus in iudicium pro omni errata, ſue bonum ſue malum illud ſit.*

In quibus verbis illud præſertim expendendum eſſet quod ait: *hoc eſſe omnem hominem ut Deum timeas & mandata eius obſerues.*



776 *Sabbato Hebdomadae 18. post Pentecostem. De postrema extremi, &c.*

detorquet ad suum prauum finem, sic illas etiam vanas & cassas suo fine facit. Vnde & dicitur *Vanitas vanitatum*, id est, causa est cur vana sint alia.

Quamobrem ne sic erres vel ignorantia vel imprudentia siue inaduertentia, memento esse iudicium, memento quod cuncta quae sunt adducet Deus in iudicium pro omni errore, Id est, siue voluntario siue inuoluntario, siue excusabili siue inexcusabili. Quod enim praeferunt in suis erratis homines ut se excusent, hoc ipsum adducetur in iudicium, hoc ipsum discutietur an excusationem mereatur, an vero damnandum sit. Interim vero, qui timet Deum, nihil negligit. Et haec est nota certior verè timentis Deum.

Exil. 7.

**FINIS CONSIDERATIONVM ET VERITATVM
QUARTAE PARTIS DE VITA DOMINI IESV.**



VERITATES



VERITATES PRACTICÆ.

AD DIES FESTOS SANCTORVM,
QVI INCIDVNT IN HANC
QUARTAM PARTEM

IN NATIVITATE BEATÆ <sup>Die 8.
Septembris</sup>
MARIAE VIRGINIS.

Quæ est ista quæ progreditur quasi Aurora consurgens?
Cant. 6.

VERITAS PRACTICA.

Quàm sit nobis colenda nascens Virgo, plus vna
monstrat Angelorum admiratio, quàm multa eorum
ratio.

RATIO EST, Quia quàm sit nobis colenda nascens Virgo plus
illa res monstrat quæ magis monstrat qualis illa sit quæ nascitur.
Sed plus vna monstrat Angelorum admiratio qualis illa sit quæ
nascitur, quam multa eorum ratio.

Ergo & magis monstrat quam sit nobis colenda & quomodo,
quod certe Cultor Beata Virginis libenter audiat.

I. P V N C T V M.



HODIERNA nascentis Beatae Virginis Dies habet multa quidem insignia quibus etsi sola essent, iure merito nobis hæc dies colenda esset: Sed quod in aliis etiam Personis illustribus fieri solet vt dum eorum natiuitas celebratur, non solum ille primus colatur natus dies, sed totus vitæ consequentis simul spectetur cursus; hoc præsertim in nascente Beata Virgine nobis seruandum est, cum præsertim quæcumque sint eius nascentis insignia sic dependeant à consequentibus eius vitæ partibus, vt non ita spectetur quid sit modo dum nascitur, quàm quæ futura sit dum Mater Dei fiet, & dum in coelos supra creaturas omnes euehetur. Sic sancta ipsa Ecclesia dum solennem hunc celebrat diem, nihil habet illustrius quod de nascente proponat Virgine quàm quod ait Euangelista Matthæus, *de qua natus est Iesus qui vocatur Christus.* Hinc enim & quæ in illa præcedunt, & quæ sequuntur, totius vitæ partes quidquid habent inuigius, in se deriuant.

Matth. 1.

Si nascitur ex sterili matre, si cum rationis vsu nascitur, si tam multis repleta est gratiis vt ea vna plures habeat quàm cæteræ simul omnes creaturæ, hoc totum inde est quod sit futura Dei Mater, & quod Dei Matrem hæc insignia deceant.

Hinc profecto factum est vt cum pridem hunc celeberrimum nascituræ Virginis diem prospicerent & celebrarent Angeli, non hunc solum diem, non hanc solam Natiuitatis gratiam suis modularentur canticis; sed quidquid in consequentes annos eximium & diuinum in illa esset, complecterentur. *Quæ est ista, inquit, quæ progreditur quasi aurora confurgens, pulchra vt luna, electa vt sol, terribilis vt castrorum acies ordinata?* Totum videlicet simul effundunt quo tota simul agnoscatur; & totam simul volunt agnosci, vt totus qui debetur illi cultus, nobis demonstretur, & excitetur.

Cant. 6.

Sed mea quidem sententia quidquid dicant, quidquid proponant, non ita cultum illum loquendo demonstrant quàm quo loquuntur modo: Non ita ratione rem conficiunt quàm admiratione, non ita persuadent affirmando quàm quærendo, quæ sit illa & plus vna valet eorum admiratio quàm multa ratio.

Quod vt modò fructuosè perpendatur; præmittendum est quod

nihil æque facit ad cultum Beatæ Virginis promouendum quàm quod facit ad maiorem eius in animis nostris illustrandam notitiam, vt qualis sit agnoscamus. Cum enim maior aut minor cultus personæ debeat quò persona maior aut minor est, profectò si maiorem Beatæ Virgini me voles adhibere cultum, fac vt Maiorem Illam agnoscam. Si me voles Illam supra ceteros omnes Sanctos colere, si cultum hyperdulciæ reddere, si vnum infra Deum, sanctam illam venerari Virginem, fac vt intelligam quod ceteris omnibus sic præster & præcellat. Nonne hoc est quod intendunt sancti Patres cum illam suis extollunt laudibus?

Expende aliquas. *Mons*, inquit sanctus Gregorius, *mons Illa fuit* 1. Reg. 4.
que omnem electæ creaturæ altitudinem electionis suæ dignitate transcendit. An non mons sublimis Maria, quæ vt ad conceptionem æterni Verbi peringeret, meritum verticem supra omnes Angelorum choros usque ad solium Deitatis erexit?

QVID nobilius Dei matre? Quid splendidius Ea quam splendor 1. de Virg.
elegit? Quid castius quæ corpus sine corporis contagione generauit? Sicgitur
fuit sanctus Ambrosius.

Breuius vero nec minus excellenter S. Hieronymus: *Si diligenter attendas, nihil est virtutis, nihil splendoris, nihil gratiæ & nihil candoris quod non resplendeat in Virgine gloriosa.* Quod sic sanctus Bernardus sigillatim prosequitur ad illa Sapientiæ verba, *In plenitudine Sanctorum detentio mea: VERE in plenitudine Sanctorum* Ecclesiæ. 1.
detentio Virginis Mariæ, cui non defuit Fides Patriarcharum, Spes Prophetarum, Zelus Apostolorum, Constantia Martyrum, Sobrietas Confessorum, Castitas Virginum, Facunditas Coniugatorum, sed nec ipsa Puritas Angelorum.

Nonne hæc sunt quæ tanto magis cultum B. Virginis promouent, quantò eam Majorem & Digniore prædicant?

II. PUNCTVM.

SED plus una monstrat Angelorum admiratio, qualis illa sit quæ nascitur, quam multa eorum ratio.

Primo videri debet quænam sit eorum & quàm multa ratio quæ cognosci possit illa quæ nascitur. Nec longe à proposito discedetur, nam in illis ipsis verbis quæ usurpant Angeli quatuor continentur symbola quibus in quocumq; spectetur statu Beata Virgo,

FFFFF ij

sive in quocumque, ut vocant, essendi genere, non obscure profecto nec inueniste, qualis illa sit, nobis demonstrant.

Quod ut apertius pateat, reuocetur in mentem quintuplex essendi genus circa quod quaeri potest de Beata Virgine, *quæ est ista?* Nec melius agnosci queat, quid sit, quàm verbis illis Symbolicis, siue rebus ibi contentis.

Primum genus est quod *Ideale* dicunt, id est, in diuinis ideis seu in diuina mente, quæ rerum omnium creandarum ideam & formam quandam præfert. In quo essendi statu commune habet cum cæteris creaturis Beata Virgo ut ab æterno fuerit ordinata: Sed hoc habet singulare præ cæteris ut ordinata & prædestinata fuerit ad quatuor insignes honorum gradus. Primus est Maternitas Dei, quæ per *Auroram* aptissime designatur, nam sicut à Sole aurora est, & Sol ab aurora, sic plane Beata Virgo & à Deo est tamquam creatura, & ab illa Deus est tamquam à matre filius. Secundus honorum gradus est, plenitudo gratiarum vnde est animæ pulchritudo quæ per *Lunam*, nonnisi aliena luce lucentem, luculenter exprimitur. Tertius est Electio ad singularem illam gloriam quæ in suo gradu vna & sola, velut vnus in mundo *Sol*, plus illa vna beatitudinis ac gloriæ possidet quàm cæteræ beatæ mentes, sicut lumen solis majus ac illustrius est quam reliquorum omnium quæ lucent in cœlo syderum. Quartus denique est amplissima illa potestas qua in res omnes creatas, atque in ipsum etiam Deum quem sibi subditum habuit, tam potens est ut significantius declarari non potuerit quam cum dicta est, *terribilis ut castrorum acies ordinata*. O qualis infans illa quæ nascitur?

Secundum essendi genus est naturale seu naturæ humanæ quod propius spectat hodiernam Beatæ Virginis Natiuitatem. Nam quando nata est, sic etiam nata est ut quatuor insignes corporis & animæ dotes secum aduexerit. Primò enim velut *aurora consurgens* cum vsu rationis orta est, ut cum sancto Bernardino multi probant Theologi, quorum rationes infra producentur. Deinde ut quàm pulchra est luna, toto illa corpore atque animo sic pura fuit nulla ut labe, nullo defectu inficeretur. Terriò Solis instar lucen-
tissimi, sic intellectu ac voluntate lucebat simul & ardebat, ut quàm naturaliter fieri potest Deum à creatura cognosci & amari, Deum illa perfecte cognosceret & ex æquo amaret. Quartò denique sicut nihil ordinatius quam *Acies bene ordinata* quæ ta-

Hæc ipsa de
Veritate
quarta.

men constat partibus multum in se diuersis, sic plane totis in Personæ ac vitæ suæ partibus, quanta quanta Virgo illa fuit, sic ordinata fuit, vt quæ pars inferior dicitur, Superiori prorsus esset subiecta, nec appetitus Rationi, nec ratio repugnaret vnquam Deo. Nulla quippe repugnantis naturæ causa inerat, nulla rebellantis in animum rixa carnis. O quis inde non cognoscat quàm excellens, quàm cœlestis & tota si fas est loqui tota diuina sit quæ mundum hodie suo Natali recreat!

Tertium essendi genus est spiritale seu diuinæ gratiæ, quo in statu Beata Virgo sic à primo vitæ suæ ortu iam incæpit lucere, vt si ad cæteras ipsorum etiam Beatorum mentes conferretur, Sol esset splendidissimus: sed tibi comparata dum pergir viuere ac viuendo semper progredi, non nisi aurora est. Tum vero tamquam Luna tacitis & rapidis semper proficiens motibus: & velut ipse Sol sic perfecte ardens fuit, numquam vt deficeret, nec minus fortis & constans in spiritualis vitæ instituto esset, quàm acies ordinata quæ nulla vi hostium frangitur. *Sanctificauit tabernaculum Ps. 45. sum Altissimus, Deus in medio eius non commouebitur, Adiuuabit eam Deus manè diluculo.* Sic eius vitæ spiritualis initium, progressus, perfectio & firmitas mirè adumbrantur.

Quartum sequitur essendi genus magis adhuc cœleste ac gloriosum, quæ in cœlo & in æterna uiuitur gloria: quo de statu Beatæ Virginis quid aptius dici potest quam quod velut aurora prius eius anima separatim à corpore gloriosam incæperit vitam. Post verò Corpus eius assumptum & ex gloriosis animæ dotibus velut Luna reluxerit. Ac tandem vnita simul anima & corpore coronata fuerit in throno gloriæ, sicut iam dictum est, cum de eius electione ad gloriam ageretur. Et quia cæteros omnes Angelorum ac Beatorum diuersos ordines illa vna in se complectitur, nonne est velut acies ordinata? & nonne est vnde illa cognoscatur?

Restat quintum genus quod relatiuum ad alios dicitur, vnde sanctus Bernardus de Sacra nostra Virgine, *Omnibus, inquit, omnia facta est vt de plenitudine eius accipiant vniuersi*: Sic pueris & peccatoribus aut meliorem inchoantibus vitam tamquam Aurora est, sic se illis accommodat, quia nondum splendidius ferre lumen possunt. Sæcularibus verò personis, id est, in sæculo quod nocti comparatur, temporalia sua negotia gerentibus velut quædam Luna est quæ sic terrena eorum moderatur vt ad æterna dirigat,

Iob 19.

meritoque possit quiuis è mundo de Illa dicere quod est apud Iobum, *ad lumen eius ambulabam in nocte*. Perfectis autem & maiorum capacibus luminum velut Sol irradiat, & de diuinis tantos infundit splendores, quantum cuiusque status ac gradus perfectionis exigit. Actandem, quia nobis omnibus militandum est in hac vita quæ *militia dicitur super terram*, facta est hostibus nostris terribilis tamquam acies ordinata, contra quos vel vnum Mariæ nomen inuocatum sufficiat, vel sola eius recordatio religiose suscepta. Nonne hæc sunt quæ satis aperte significant quæ & qualis Illa sit quæ hodie nascitur & ex qua paulo post nasceretur Dei filius?

Ibid 7.

SED quod est aliud & præcipuum declarandæ propositionis Caput, licet tam multa sit & tam varia cognitio quam de Illa nobis exhibent Angeli, plus tamen monstrant qualis quantaque sit dum admirantes quærunt *Quæ est ista*, nec nisi admirando monstrant quid sit, quàm si affirmando definirent & concluderent. Nam quantumcumque sublime sit illud quod ab eis dictum audiuius, si tamen ita esset dictum quasi definitum & suis constrictum terminis, sane minus esset quàm quod indeterminatè quærunt *quæ est ista*? Et licet addant sibi eam videri tamquam aurotam, aut velut lunam & solem & aciem ordinatam; Non sictamen istis eius magnitudinem designant Symbolis, quasi eam tam breuibus constringerent spatiis; sed potius inde suam augment admirationem, inde hauriunt & colligunt esse in Illa longe amplius aliquid quàm in singulis excellentioribus creaturis. Nam Illa vna ceteras omnes continet, Illa simul Coelum & terra est, Illa simul quidquid in terra est magnificentius, nempe homines, & quidquid inter homines terribilius est & potentius, nempe aciem ordinatam repræsentat & continet. Illa simul quidquid in cœlo est splendidius & ordinatius complectitur, nempe simul aurora est, simul Luna, simul & Sol. Illa illa infans quæ corporali magnitudine non excedit aliorum molem infantium, ita tamen excedat totius amplitudinem vniuersi, vt quidquid ex mundo sit erutum cui comparetur, restet semper aliquid quod supra mundum in illa reperiant, quod mirentur, quod ignorent, quod suspiciant, quod stupeant: certe hoc est aliquid sublimius dicere quam quod dicunt. Hoc est profiteri se nescire quod spectant; hoc est palam testari maiorem illam suo esse intellectu & sua, quamcumque ma-

gnam habeant, cognoscendi scientia. Stupent attoniti quod nesciunt; & hoc in creatis vnum mirantur quod ignorant & cuius sublimitatem cogitando penetrare non possint. Quod certe est euentius significare quàm sit Illa excellens, cum supra tantam facultatem cognoscendi, qualis est in Angelis, in Thronis, in Cherubinis & Seraphinis excellat. Quod & alias sæpe repetunt, & quoties de illa cogitant aut loquuntur, non aliis vtuntur terminis quam qui stuporem eorum indicent: *Quæ est ista quæ ascendit Cant. 3. per desertum sicut virgula sumi ex armatibus myrrha, & thuris, & vniuersi pulueris pigmentarij? QVÆ est ista quæ ascendit de deserto Ibid. 2. delicias affluens innixa super dilectum suum?* Quasi rursus dicerent, quocumque eam in statu contemplemur, ita nobis stupenda videtur & admirabilis vt hoc vnum inter nos de illa conferamus, *quæ est ista?* quàm est ista excellens & sublimis vt nostram omnium excedat cognoscendi & dicendi facultatem?

III. P V N C T V M.

SIC ergo quàm sit nobis colenda nascentis Virgo, & qua potissimum ratione cultus, plus una monstrat Angelorum admiratio, quam multa eorum ratio; Cum illi nempe nascentem admirantes magis doceant quid illa sit, quam si docerent expressius. Ad quorum imitationem facri nostri Patres quo illam prosequerentur nomine non inuenire sacratius & aptius quàm miraculi, prodigij, spectaculi, vel simillimæ cuiuspiam appellationis quæ nos à communi vocatione & rerum intelligentia transferret in aliquid singulare. *Ma- Apud Me- gnum reuera miraculum, inquit sanctus Chrysostomus, fuit beata raphr. semper Virgo Maria. Quid namque illa maius aut illustrius ullo vni- quam tempore inuentum est seu aliquando inueniri poterit? Hac sola Cælum ac terram amplitudine superat. Quidnam illa sanctius? Non Propheta, non Apostoli, non Martyres, non Patriarchæ, non Angeli, non Throni, non Dominationes, non Seraphim, non Cherubim, non denique aliud quidpiam inter creatas res visibiles aut inuisibiles maius aut excellentius inueniri potest.*

Sanctus autem Ioannes Damascenus vocat eam miraculum mi- *Gen. 1. 24* raculorum, quasi diceret magis mirandum, magisque singulare, vel *28. tim. Maria,* potius quia cum multa in se contineret miracula; miraculorum Ipsa suorum omnium maius esset miraculum quæ se omnium



Non est seruus qui Domino suo magis seruire debeat, &c. 785

E O D E M D I E.

DE DOMINIO BEATÆ VIRGINIS.

ET DE NOSTRA ERGA ILLAM SERVITUTE.

*EX NOMINE MARIAE QVOD DOMINAM
SIGNIFICAT.*

Dominare nostri, Tu es Filius tuus. Iudicum 8.

VERITAS PRACTICA.

*Non est seruus qui Domino suo plus debeat, & minus
reddat quàm Tu Christo & Virgini Matri.*

Vel sic

*Non est seruus qui Domino suo magis seruire debeat,
& minus seruiat quàm Tu Mariæ Matri.*

*RATIO quoad primam partem de debito seruitutis, hac est, quod
non sit seruus qui Domino suo magis seruire debeat, quàm qui
seruire debet ex pluribus vel altioribus vel strictioribus titulis.*

*Sed non est seruus qui Domino suo seruire debeat ex pluribus vel
altioribus vel strictioribus titulis quàm Tu Mariæ Matri.*

*Ergo non est seruus qui magis Domino suo seruire debeat quam Tu
Illi.*

*QVOD nec sit autem qui minus seruiat, facile tibi erit advertere,
nec non inde ad debitum Ei persoluendum vehementius exci-
tari.*

I. P V N C T V M.

QUVM ex omnium communi more gentium recens natis imponi nomina soleant, aut licet paulo tardius apud Hebræos suum puellis nomen daretur, decimo scilicet vt quidam volunt à nataliis die, dubitari non potest quin circa hoc tempus, Sacrum Mariæ nomen illi Puellæ fuerit impertitum cuius Natiuitas hodie celebratur; Atque ita satis opportuna de hoc Nomine seu de nominis significatione Consideratio potest institui.

Quàm sint verò diuersa eius significata pro diuersitate linguarum quibus vsurpatur, nemo nescit & omnibus satis est obuium; Nos vnum modò quod est notius & excellentius nempe quò significatur Domina seu magistra, nobis proponimus expendendum.

Sic enim sanctus Ioannes Damascenus qui præter cæteros Patres de Natiuitate Virginis expressius scripsit, præter cæteras etiam nominis notiones hanc præsertim exponit & profecto appositè dum ait: *Itaque Gratia, nam hoc sonat Anna vocabulum, Dominam parit, id enim Maria nomine significatur. Vere etenim rerum omnium conditarum Domina facta est, cum Creatoris mater exiit.*

Sed quid prodest illam scire nostram esse Dominam, nisi nos eius etiam seruos profiteamur? Aut quid est nos eius esse seruos, nisi verè quantum se occasio dederit, illi ex animo seruiamus? Hoc est in primis hoc est vel maxime nobis spectandum vt quàm multum ei debeamus, & quàm parum ei reddamus, innotescat. Quod sane si diligenter expenderis, probrosum illud & pudendum inuenies quod habet proposita Veritas: *Non est seruus qui Domino suo magis seruire debeat & minus seruiat quam Tu Virgini Matri.* Sed non erit infructuosum illud probrum, neque illiberalis pudor cum inde plurimum, fauente gratia, possimus excitari ad aciuendam nostram seruitutem & eius debita fidelius perfoluenda.

Cum autem propositæ Veritatis duæ sint partes & duæ velut quæstiones, vna Iuris, & altera Facti; prius illam quæ Iuris est accuratius indagemus, tum deinde altera quæ Facti est facilius exponetur.

Sicut non est seruus qui non sit alicuius Domini seruus, sic non est legitimus Dominus qui non sit ex aliquo Titulo vel Iure Dominus. Cur enim alter alteri dominetur nisi ius habeat? aut si nullum

ius habeat, quis non contrà reclamet? Triplex autem communi-
ter Ius esse dicitur, naturale aut quasi naturale, acquisitum, &
donatum. Naturale ius habent Creator in creaturam, Vir in vxo-
rem, & Parentes in filios: aut quasi naturale ius est in adoptiuos
filios quos qui sibi adoptant, in omnia parentum iura per leges
& per ipsum quodammodo ius naturæ intrant, nec minus sibi sub-
ditos faciunt adoptatos quàm Genitor generatos. Ius acquisitum
est cum quis vel bello vel fundatione, vel successione, vel emptio-
ne, vel pactione aliqua sibi ius in aliquos acquisiuit, quale est Do-
minorum in seruos, Ducum in milites, & Potestatum sublimio-
rum in subditos de quibus Apostoli, vt sæpe aliàs diximus: *Omnis* Rom. 13.
anima potestatibus sublimioribus subdita sit. SVBIECTI estote omni hu- 1. Pet. 2.
mane Creatura propter Deum, siue Regi quasi præcellenti, siue Ducibus
tamquam ab eo missis. Donatum denique ius est quando vel Deus
qui est supremus omnium Dominus dat cui vult imperium in ali-
quos vt Sauli, Dauidi, Ieroboamo in Israelitas: Vel quando quis
vltro se in seruum dederit alteri, vt cum Rex eligitur, cum fetali
Viro mulier in vxorem tradit, cum religiosum institutum assumi-
tur, licet vñtate Religiosi non dicantur Superiorum serui, sunt
tamen subditi & eorum obedientia seruitus quædam est, sed vo-
luntaria sed libera.

Possunt his vero titulis seu iuribus alia quædam addi ex Legibus
seu Consuetudinibus, ex Gratitude, Religione, & aliis quæ vsu
fatis agnoscuntur, ex quibus illud tandem asseritur quod quando
plures accedunt Tituli seu quando plura simul iunguntur iura quî-
bus alter alterius est Dominus, tunc debet seruus tanto magis ser-
uire Domino quantò iura illa vel plura sunt vel altiora, vt si quis
filius, Patri offensi reus esset à quo vitam pluries vel insigniora re-
cepisset beneficia, quis dubitat quin ei strictiùs obligatus esset &
quin ei magis quam alius Patri filius, seruire teneretur? Nonne sic
Diuus Augustinus sanctam Monicam duplici nomine Matrem
suam agnoscebat: *Qua me, inquit, parturivit & carne, vt in hanc l. 9. Conf.*
temporalem; & corde vt in æternam lucem renasceretur. c. 8.

II. P V N C T V M.

SED non est seruus qui suo Domino seruire debeat ex pluribus
vel altioribus Titulis quàm Tu Virgini Matri.

G g g g g ij

Quia scilicet omnibus illis simul titulis Dominium in te habet, quibus particulatim alij dominari possunt suis seruis.

Primus qui naturalis aut quasi naturalis dictus est quo Mater dominatur filiis, quo filij seruire debent Matri, quo sanctus Augustinus suam duplici nomine, quod iam audiuius, agnoscebat Matrem. Hic inquam Maternitatis titulus, primus dici posset Titulus quo Beata Christi Mater, nostra est Domina, quia nostra est etiam Mater. Primò quidem quia mater est Christi in quo nos omnes continebamur, & in quo gignendo genuisse dicitur omnes electos. Cur enim Eua dicatur Mater viuientium: Cur de Sara dicatur Iudæis, *attendite ad Saram qua peperit vos*: Et cur Rebecca dictum fuit, *dua gentes sunt in utero tuo*: Nisi quia Iacob & Esau duo fratres erant vterini Rebecca filij, qui cæteros omnes consequentes genituri erant & eos repræsentabant? At nonne sic Christus *primogenitus* dicitur in multis fratribus quasi nos in illo tamquam fratres secundò geniti censeamur? Nonne propterea Beatæ Virgini dicitur in Canticis Canticorum, *Venter tuus sicut aceruus tritici, vallatus liliis*, Id est, vt ait sanctus Ambrosius *totius acerni mater quia totus filiorum vel fratrum Christi aceruus in utero eius fuit contentus*. Dicitur autem vallatus liliis ob candorem puritatis qua Virgo Mater suorum fuit.

Deinde verò si mater illa est quæ dedit vitam, aut si propterea mater est Domina filiorum quia dedit eis vitam, quid est quod Beata Virgo non dicatur Mater & Domina nostra cum nobis toties vitam dederit non solum in Christo filio qui vita nostra est, sed in nobis ipsis qui non nisi per eam accepimus spiritualem vitam, id est, gratiam qua per peccatum excideramus, & quæ numquam nobis restituta fuisset nisi nobis eam suis meritis promeruisset, vt fusè in 2. parte declaratum est in Festo Annuntiationis, vbi hæc Veritas exhibetur:

Non tam sibi quam nobis Christus elegit Matrem.

Vnde quantum naturali vitæ præstat hæc vita spiritualis & æterna quam inde speramus in cælo possidendo: tantum certe præstat ille maternitatis titulus quo nostra est mater & Domina, cum præsertim non semel aut iterum sed multoties gratias illas atque adeo spiritualem & æternam vitam ab illa receperimus.

Perpende hoc etiam atque etiam quod si pro vna fragili, cadu-

Non est seruus qui Domino suo magis seruire debeat. &c. 789

ta, exigua, & miseris omnibus exposita vita semel tantum data, tantum obtinet iuris Mater in filium, vt filius sit pars matris: quale tandem in filios ius & dominatum illa meretur Mater quæ duas illas simul vitas tam nobiles tam excelsas, tam optandas & tam multis modis ac vicibus repetitis impertit?

Sufficiebat hoc vnum quod esset mater Creatoris vt simul esset omnium domina rerum creatarum, vt iam ex S. Ioanne Damasceno audiuius. Aut si ad eius in nos dominationem requiritur quod sit etiam mater nostra, sufficebat quod esset mater Christi, vt nostra etiam diceretur; at quanto magis id verum est cum ab ipsa vitam & salutem hauriamus, prout illa ipsa pronuntiat: *Qui me inuenit, inueniet vitam, & hauriet salutem à Domino?* Nonne hæc itaque satis superque demonstrant quam sit maternum illius in te ius ac proinde quàm sit naturale ac sanctum?

Sed quia forte longius repetitam istam maternitatem, aut non nisi mystico sensu tibi accommodatam objiceret, En tibi aliud à proximo & certo naturæ principio petitum argumentum, & quod nascenti etiam Virgini sit propius opportunum vnde liquidò pateat quanto consensu Gratia simul & Natura conuenerint vt naturalem Mariæ Dominatum in omnes creaturas conderent. Non est dubium quin Illa sit omnium excellentissima Creaturarum quæ puræ dicuntur creaturæ qualis non erat Christus qui Creator simul & Creatura est, & quales sunt reliquæ prorsus res omnes creatæ. Certum est inquam tanto illas omnes excellentis intervallo naturæ superare, quanto ille Status diuinæ Maternitatis ad quem euecta est, excedit omnem alium dignitate statum. At pro certo etiam & constanti habetur apud omnes, quod quidquid excellit aliis, naturalem inter illa quæ sunt eiusdem generis principatum tenet: idque ex eo apparet, inquit Philosophus, *quod homines cum aliquem corporis forma excellentem vident, cum dicere solent dignum esse imperio; Et addit, quod si in corporibus verum est, multo magis in animis, sed corporis pulchritudinem facile videri, non autem animi.* Atque hinc fit vt cum homo duabus constet partibus, anima & corpore, quarum illa quæ spiritualis est sit excellentior, idcirco naturale in corpus habet imperium; Et cum humanum etiam corpus diuersas habeat partes quarum præcipuæ sunt Cor & Caput, propterea etiam illis naturale est quoddam regimen & dominatum in reliquum corpus; ac vicissim conseruan-

L. Polit.

1. 34. 83.

do cordi ac capiti sic adlaborant cætera corporis partes vt potius pereant quàm perire sinant Cor vel Caput suum.

Quod si supra vel infra hominem quæ spectantur creaturæ velis intueri, nonne hoc ipsum vniuersum naturali iure seruator, vt quæ sunt superiora dominantur inferioribus, cælum terræ, cœlis primum mobile, vel sua cœlis quam vocant Intelligentia: quin & ipsos inter Angelos, qui sunt supremi ordinis, supremi sunt etiam potestate. Quod & videre est in ipsis animantibus belluis cùm inter feras Leo, inter volucres Aquila, inter serpentes Basiliscus, & Delphis inter pisces ea ipsa qua cæteris congeneribus suis excellunt eminentia, simul & dominatione quadam emineant. Quamobrem quis dubitet quin pari iure præstantissima Creaturarum omnium cunctis autoritate præset cum vel Ipsa dicat *In omni terra steti, & in omni gente primatum habui*: & ipsum Mariæ Nomen significet etiam *Excellentem* quali prænosceretur quod idcirco Domina esset quod præ cæteris esset excellens.

Quod si secundum illud spectemus Caput quo quis in alios ius & potestatem acquirit, certe non impar hac in parte sibi erit Beata Virgo cùm tripliciter dici possit suis meritis ius illud acquisuisse, vt re ac nomine Maria esset & Domina.

Primo quidem cum meruit esse mater Christi quo sensu docet Diuus Thomas, quia scilicet *meruit ex gratia sibi data illum puritatis & sanctitatis gradum, vt congruè posset esse Mater Dei*: Sunt ipsa sancti Doctoris verba ex quibus facile est ius dominationis acquiritum agnoscere; Nam si, vt dictum est, hoc ipso quo fuit Mater Christi, fuit hominum Mater & Domina, profecto dum meruit esse Mater, meruit & esse Domina. Deinde vero singulariter illo actu quo se ancillam Domini & postremam omnium sese professa est, sic meruit supra omnes eminere, vt quod ait san-

Serm. de verb. Apoc. signum mat. 2. 11. ad 3. ctus Bernardus constanter omnes recipiant, *merito facta est nouissima prima, qua prima cum esset, omnium sese nouissimam faciebat.*

Merito facta est omnium Domina qua se omnium faciebat ancillam. Tertio denique, dum in cælum assumi meruit & super ipsos Angelorum Choros exaltari, quid est nisi meruisse ius illud & imperium quod inde sequitur in eos omnes quibus gloria & honore præcellit? Quod præclare Diuus Bonaventura exponit cum ait naturam Angelicam & humanam esse ad Beatam Virginem velut illas duas ancillas quæ Regiam Esther honoris gratia comi-

stabantur, eique ministrabant.

Restat tertium quod diximus Donatione fieri ius & potestatem in alios, quo iure tam certum est Beatam Virginem nobis præesse ac dominari, quàm certo creditur datam illi gratiarum omnium dispensationem vt, sicut ait Diuus Bernardus *cui velit, quando velit & quantum velit, tantum è cælestibus illis thesauris effundatur, iureque dicat, mecum sunt diuitia & gloria, & iustitia.* Prou. 8, *In vis iustitia ambulo, in medio semitarum iudicij, vt ditem diligentes me, & thesauros eorum repleam.* Quasi diceret, non tantum ad salutem sed etiam ad perfectionem: non tantum quod est necessarium subministro, sed quod etiam abundet ad maiorem Sanctitatem. *In me gratia omnis via & Veritatis: In me omnis Spes vita & virtus.* Ecclesi. 24. *Transite ad me omnes qui concupiscitis me, & à generationibus meis implemini.* Quid illustrius simul & suauius?

III. P V N C T V M.

NON est igitur seruus qui Domino suo magis seruire debeat, quàm tu Virgini Matri, Quia non est Dominus qui tam multo, tam arcto & tam alto iure suis dominari possit, quam Illa tibi, quæ quàm reuera est Christi Mater, vt alios omittam titulos, tam vere ac proprie mater est & Domina tua, cui proinde seruire debeas tot debitorum generibus quæ illius iuri respondeant. Dico verè ac propriè, ne forte putes mysticè, figuratoque sensu id dici; Neque id tamquam meum dico & affirmo, sed hoc ipsum est in terminis quod magnus ille Athanasius, acerrimus ille fidei ac sinceræ religionis assertor, scriptum reliquit, cuius hæc verba referuntur: *Quandoquidem ipse Rex est qui natus est de Virgine, Idem- Serm. de que Dominus & Deus: Eapropter & Mater qua eum genuit, & Re- Disp. gina & Domina PROPRIE ET VERE censetur, quasi diceret, tam verè & propriè illi conuenit quàm vere & propriè Mater est Christi, aut quam vere ac proprie Christus est Deus & Dominus.* Nam mater ita participat hanc filij dominationem, vt simul ac mater est Domini, sit consequenter eorum Domina quorum ipse est Dominus, siue ex naturali consecutione id proueniat, siue ex filij donatione, siue ex matris merito, siue quod verius est, ex tribus illis simul iunctis & aliis pluribus titulis, de quibus in 3. p. In die Assumptionis B. Virginis, vnde Illa nos affectu plane ma-

Pron. 8.

terno compellans, *Nunc ergo, inquit, filij audite me.* Quasi diceret, quandoquidem sum vestra Mater, vos estis filij mei: & quandoquidem sum vestra Domina, vos me audire, vos mihi obedire deberis. Quid respondes? Nonne id æquum? Nonne id debitum? Audisne verò quod illa imperat? Putasne porrò tibi faciendum quod imperatum audiueris? Facisne tandem quod factò esse opus ab illo noueris?

Hæc tria si accurate discussæ, non obscure perspicies quàm sit verum & nefandum quod erat alterum propositæ Veritatis membrum: *Non esse scilicet seruum qui minus suo seruiat Domino quàm Tu Virgini Matri.* Non est enim seruus, non est qui Domino imperanti nec aurem præbere velit; Quis enim Dominus hunc ferret seruum? At tu serue nequam, fatere quod est, nonne tu ille es seruus qui nec aurem aliquando imperanti Mariæ præbueris? Dic sodes, quid illa imperat? narra si quid audiueris? Surdo loquor, sed surdo impio, surdo voluntario qui nec intelligat quid sit Mariam loqui, vel quid loquentem audire, cùm ipsa tamen clamare non esset, *Nunc ergo filij audite me.*

Pron. 8.

Quod si verò quæ illa pergit loqui, audiueris, vt profecto negare non potes te audiuisse, *Beati qui custodiunt vias meas; audite disciplinam, & estote sapientes, & nolite abjicere eam,* Id est, Videte quomodo ambulauerim, quomodo vixerim, quàm pauper, quam pudica, quam parùm mundo cognita, quam arctæ viuendi disciplinæ submissa, sic me imitamini, sic vitam instituete quæ meos mores referat sicut decet filios non esse degeneres neque discipulos indociles, nec seruos desides. Tu quid censes de his dictis & audiris? Putasne quod Illa petit te posse vias eius custodire, te posse virtutes eius imitari? Nonne hoc tamquam sublimius aliquid auersaris; aut potius tamquam inferius aliquid tuo statu esset, sic humilem & abiectam vitam ducere, quidquid de illius vita moribus exprimenda proponitur, abjicis; & in claustra religiosa detrudis, quasi quod illis esset proprium, alienum à te esset? Estne vero seruus qui quod videt Dominum facientem ita repudiet: aut si facturum se neget, non vicissim à Domino repudietur?

Quod si, vt plerumque sit, tibi distinctius & particulariùs explicetur quid sit illam imitari, quid Illa de suis moribus à te velit; quid de suis virtutibus in tuo viræ statu, satisque modo intelligas

intelligas hoc illam vnum præferim à te velle, ut quod salutis tuæ præferim obest, auteras: nec ipse dubites id ita tibi præstandum, & ita velis aliquando: sed non modo, sed nondum tempus. Nonne sic eludis elus imperia? Nonne sic differs in futuros & numquam forte futuros annos quod non ignoras tibi esse agendum ad salutis negotium peragendum? Nonne quam in te nosti superbiam, libidinem, & pravam quamque cupiditatem vis aliquando projicere? Quando nam vero? Quando scilicet alluebit. Estne vero servus qui sic imperata, sibi à Domino ludificetur; qui nil agat nisi quod lubeat, nisi quando velit, & raro velit, & vix unquam cum imperatur, velit? At te rursus appello, nonne tu ille es servus qui nedum incepisti superbiam tuam comprimere, quin potius in dies magis ac magis crescit, licet iam multoties audieris & satis probe intelligas id à te tam certo quæri à Virgine quam certo illam oras de salute tua, cum aliter saluare te non possit nisi superbiam aut simile aliud vitium tuum quancocyus discas comprimere. Nec enim illa superbos aut impudicos fovet, quasi si quoquomodo illam colant, salva sunt eis omnia. *Non sic impij, non sic;* Hoc postremum audite quod loquitur; *Arrogantiam & Præ-* *superbiam & viam pravam, & os bilingue detestor.* Os bilingue detestor qui me suam vocat Dominam & se meum servum, qui me tamen non audit: Os bilingue quo quis se iactet velle mihi obsequi, sed non quibus obsequiis velim: Os bilingue, qui se facturum semper dicat, & numquam faciat: Os bilingue, qui me supra omnes Dominos potestate colendam dicat, & me infra omnes, pro innata sua libidine, colat aut ne vix colat. Vide in 3. p. In die Assumptionis, quarta ibi Veritate proposita: Et conclude aliquid deinceps efficacius refecandum ex vitiis quod colenda Beata Virgini, salutique tuæ magis obesset.

Hunc in finem proderit etiam sequens Veritas, vel præcedenti conjuncta, vel separatim proponenda:

Tam proprium Mariæ dicitur, superbiam detestari, quam proprium illi est Mariæ Nomen, seu quam proprie Maria dicitur Domina.

RATIO EST, *Quia tam proprium Mariæ dicitur nos regere quam proprie Mariæ dicitur Domina.*

Sed quàm proprium Mariæ dicitur nos regere, tam propriè dici debet superbiam detestari.

Ergo illi h c esse dicitur tam proprium quàm nostra propriè Domina dicitur; Unde profecto patebit quod quantum ab illa regi volumus, tantum cum illa necesse sit superbiam & alia quæ recensentur vitia detestari.

PRIMA propositio clara est in terminis. Quid est enim propriè dici & esse Dominam nisi Dominari his, vel quod idem est, nisi eos regere quorum sit Domina? Nam sicut in 3. parte dictum est Reginam esse sine regno quæ nullos habeat quos verè regat, vel quæ non regat quos regendos habet; sic profecto Domina dici debet sine Dominio, quantum saltem ad vsum, & sine nominis sui significatione propria, quæ multos habeat quibus dominaretur si essent subditi, & nullos habeat quibus reipia dominetur quod nolint esse subditi. Velle sine sic vacuum & inane reddere sacrum Mariæ Nomen?

SED, quæ secunda est propositio; quàm proprium Mariæ dicitur nos regere, tam proprium dici debet, superbiam detestari, non tantum in se, sed in illis quos regit; quia videlicet eius regimen valde turbat regendorum superbia. Primo enim cum eius regimen sicut & Christi filij sit spirituale & animorum magis quam corporum, atque ad vitam magis æternam quàm temporalem, nihil habet commendatius quod in animis nostris operetur quàm vitium illud exsecrare quod saluti nostræ plurimum obest, quale est vitium arrogantiae & superbiæ, quod est initium omnis peccati.

Deinde verò, cum alias virtutes velit animis nostris inferere, sitque virtutum omnium pestis superbia; necesse omnino est hoc pestilens eradicare germen, ne quidquid virtutis Virgo infereret, hac interiret lue; fieretque superbo virtus in interitum potius quàm in salutem. Nam cum omnia vitia in male factis timenda sint, inquit sanctus Augustinus, superbia in bene factis potius metuenda est.

In 758.

Adde, quòd cum anima Sanctificatio, Virtutumque actus sine multis gratiarum donis effici nequeant, nihil verò magis pugnat cum Gratijs quàm superbia; quid ageret in superbo Maria quæ ni-



incutio, superbiam ego detestor quæ presumptionem & vanam
creat fiduciam. Si Pietatem, si Deuotionem, si Virtutes & Verita-
tes Euangelicas persuadere agredior, superbiam ego detestor,
quia *Mundum* illa statim obicit eorum animis quibuscum ago,
sicque fit vt cum aliud quodlibet expugnatur vitium, cum vno
tantum homine pugna sit: at cum debellatur superbia, tunc simul
cum toto mundo siue cum totis simul hominibus certamen sit
habendum. Nam superbia toto se mundo tegit, totum sibi
mundum habet foederatum, toti sunt simul debellandi homines
quos in sui defensionem aduocat, quatenus qui superbus est, pla-
cere semper hominibus appetit, aut semper displicere timet: at-
que ira priusquam Veritati consentiat, prius inquit quid sentiat
mundus, quid mundani de illa Veritate loquantur homines, nec
prius Veritas in eius mente persuadebitur quàm totus fuerit per-
suasus mundus.

1a. 49.

O quàm vere propterea superbo dictum est: *Arrogantia tua dece-
pit te, & superbia cordis tui!* Visne sic semper decipi, sic deceptus
vivere, sic viuens mori? Nihil est quod minus velimus quàm ab
aliis decipi; nihil tamen est quod agamus frequentius quam nos
ipso decipere. Quasi minus esset à se quàm ab aliis decipi! De-
plora hanc amentiam, & disce à Sacra Virgine quid, & quomodo
sit plorandum. Sequens id docet Veritas.

DE ALIA NOMINIS MARIE SIGNIFICATIO- NE, QVA MARE AMARVM DICTVR.

VERITAS PRACTICA.

Plorat Maria nascens sicut cæteri: sed non quamob-
rem cæteri.

Si quamobrem ploret Maria nascens quæritur, plus
illa cæteris omnibus plorasse reperitur.

RATIO EST, *Quia quem videbat miserandum mundi sta-
tum reperitur deplorasse.*

*Sed qui miserandum mundi statum videat & depleat, plus aliis
omnibus ploret.*

Si quamobrem plorat Maria nascens queritur plus illa, &c. 797

Ergo ita plus ceteris Maria nascens plorauit: Unde merito mare amarum dicta est, & quod flere potissimum debeamus, euidenter edocemur.

I. P V N C T V M.

MIRVM certe videri posset, in vno Nomine tam variare-
periti significata! Quis enim non videat quàm sint illa di-
uerſa, Dominam esse, siue Excellentem, sicut ante au-
diuimus ex Sacro Mariæ nomine: nunc autem *mare amarum* co-
dem Nomine designari? Sed quàm magis mirum in eadem Virgi-
nis mente res tam diuerſas simul conuenire, quæ sub illis latent si-
gnificatis? Certe quod idem nomen tam varia significet, hoc à
diuerſitate linguarum quæ in sacram concurrunt Scripturam pro-
uenit, quæ prout Hebraicè, vel Chaldaicè, vel Syriace legitur,
tam multa, tamque varia denotat: Vnde vero & quomodo res
diuerſæ sub eodem nomine significatæ simul conueniant in eadem
Sacra Mente, Mysterium sublimius est, quod nostræ modo Con-
sideratione subijcitur inuestigandum. Sicitaque sacræ linguæ In-
terpretes Mariæ Nomen *mare amarum* vertunt, quæ significatio
quàm recte quadret in Virginem Matrem satis est euidens cogi-
tanti quàm amarum hauserit calicem iuxta Crucem, dum Filio
patienti Mater dolentissima compateretur. Sed huius maris amari
origo coquirenda videtur altius & ab ipsis vitæ nascentis exordiis
repetenda: vnde hæc statuitur Veritas, *Quod si queramus quamob-
rem ploret Maria nascens, plus ceteris omnibus plorasse reperitur.* Non
enim plorabat solum quam sentiebat humanam miseriam, fri-
gus, famem, dolores, & alia corporis incommoda, quæ quique
solent Infantes gemere, quod de seipſo dicebat Sapiens: *Primam* Sap. 7.
vocem similem omnibus emiſi plorans. Sed Christus Dominus, ac
Beata eius parens Virgo, longè alia defleuerunt mala; longè ama-
rius & diuturnius fuit quod plorarunt. Neque enim tempus vitæ
fuit quod non fuerit amaræ vitæ. Si soli quidem fuissent, nihil erat
illis pacatius, nihil quietius, nihil à fletu remotius: Sed cùm mi-
serandum spectarent mundi statum; nihil erat illis miserius, nihil
flebilius, nihil deploratius. Quod vt melius intelligatur de nostra
præsertim nascente Domina: cogitari distincte tria debent, Pri-

*S. Hier. lib.
de nom.
Hebr.*



*certe non est suspicari, tanta Virgini esse negatum, per quam omnis mortalitas emerfit ad vitam. Nec dicas non id ita fuisse infantili conforme itatui sic Rationis vsu habere sicut virili & maturo, qualis eorum erat Mortalium status qui producti sunt in exemplum: Nam neque Sanctificatio, nec tam multa quæ Illam comitantur Gratiæ, magis sunt conformes infantili itatui quam Rationis vsus; Quis neget tamen Beatam Virginem natam esse cum sanctificante gratia, cæterisque donis cœlestibus quæ cum illa sociantur? Cur non æque de vsu rationis ac diuinis gratiis liceat dicere quod docet Diuus Thomas: *Rationabiliter creditur Beatam Virginem Mariam quæ genuit Vnigenitum à Patre, plenum gratia & veritatis, maiora omnibus gratia privilegia accepisse, atque fuisse in utero sanctificatam.* 3. p. 947. a. 1. Quid est, quod de illa Beata Virgine non liceat dicere quod sapienter dixit Diuus Ambrosius de sancto Ioanne Baptista: *Tempus sileatur infantia; eò quod infantie impedimenta nesciuit. Neque enim ullam infantia sensit ætatem qui supra naturam, supra ætatem in utero positus Mariæ, à mensura capis ætatis plenitudinis Christi.* L. 1. in Lu. c. 1. Putasne plus concessum seruo quàm Matri? Putasne quod si Præcursoris dignitas id exigebat, non id magis exigeret Maternæ Dignitatis Majestas? Audi quid Idem Diuus Ambrosius de eodem Sancto Infante dicat cum de trimestri agit quo Beata Virgo mansit apud Zacchariam: *Quantum, inquit, putamus vsu tanti temporis Sancta Mariæ addidisse præsentiam? Vngebatur itaque & quasi bonus athleta exercebatur in utero matris Propheta; amplissimo enim virtus eius certamini parabatur.* Quasi diceret, idcirco ex ipsa Infantia sic debuit exerceri, sic excoli vt sic se pararet ad sublime illud officium quod gesturus erat, & ad ampla illa certamina quæ in suo subiturus erat officio. At quanto id verius de Deipara Virgine pronuntiandum est? Cum enim paranda & disponenda esset vt digna Dei Mater efficeretur, nonne id æquius vt ab eius infantia sumeretur huius præparationis Initium, quàm vt Ioannes esset præcursor aut Baptista? Si autem non solis Gratiis quibus præuenta Maria est, sed suis etiam meritis se dignam debuit exhibere Matrem, cur non ab Infantia diceretur inchoasse hoc mereri, cum tanto majus erit eius meritum, quanto maturius ac celerius inceperit, nec consequenter destiterit? Cur tam multos annos velut otiosa transegisset quos opportunè poterat in se ad tantum Munus paranda & colenda ponere? Si Mariæ nomen etiam significat Illuminatam & illuminantem, cur*

non statim ac nomen habet, non haberet vim & effectum nominis? cur vacuum nomen gereret? cur illuminata diceretur quæ iaceret in tenebris? cur amicta Sole quæ omni priuata esset lumine? Sed, quod multum ad rem facit, si maternam decuit Dignitatem vt Virgo esset, vt Virginitatis votum faceret, vt tertio ætatis anno id faceret cum se Deo scilicet triennis præsentauit, quod nullus orthodoxus in dubium vocat; Quid est quod eorum denegetur Rationis usus, cum sine tali usu nesciret quid Virginitas, quid Virginitatis votum, quid Præsentatio?

Denique, cum talem habuisse Rationis usum, non parua sit laus & commendatio Virginis, cur Eam illa laude fraudemus quæ est omni laude dignissima? Cum nemo neget id potuisse fieri, cur negemus factum quod fieri potuit, quandoquidem id magis redundat in Filij simul & Matris gloriam? Si cuiquam id liceat salua fide non credere, cur non mihi magis licebit credere quod mihi digniorem exhibebit Dei Matrem? Si res in dubium vertitur, cur non id credam potius quod creditum nihil nocet & multum prodest: & quod non creditum nihil prodest, & multum nocet: multum nempe detrahit de merito Beatæ Virginis, multum detrahit de multis inde gratiis quas sanctus Bernardinus & alij pietate insignes collatas aiunt nascenti Virgini, quæ omnes præsupponunt hunc Rationis usum. Cur non his magis credam & probatissimis Doctoribus hoc idem sentientibus quàm quibus non id placet?

De Festis
B. V. c. 1.

O si possem ad laudes tuas aliquid addere, Virgo maxime prædicanda! Sed quod possum, saltem id faciam, ne quid de Tibi datis laudibus velim vmquam detrahere.

Tertium quod hic restaret expendere satis euidenter colligitur, & patebit etiam manifestius ex sequenti Puncto, nempe cum infans Maria ratiocinari posset, videre simul poterat qui essent mores hominum, quàm alieni à Ratione, & ab illo Fine ad quem creati essent homines, quàm grauiter inde Deus offenderetur, quàm lata esset via quæ ad perditionem duceret, & quàm multi per eam incederent, quàm angusta & arcta quæ ad vitam, & quàm pauci essent qui vellent eam sectari. Hoc aperte videbat suis illis illustrata Luminibus quibus iam agnoscebat quid Lex diuina esset, quid contra hanc peccate legem, & quanta inde damna, quanta pericula, quanta excidia non corporum modò sed animarum; Hoc videbat Maria quantum vigeat Ratio, quantum Fides & dona

Si quamobrem ploret Maria nascens queritur, plus, &c. 801

& dona Intellectus quibus hæc patent manifeste, neque hoc videre poterat quin doleret quin gemeret, quin totam in gemitibus funderet vitam. *Ne vocetis me Noemi*, Id est, *pulchram*, sed *vocate me Ruth*, *id est, amaram*: quia amaritudine valde replevit me Omnipotens. Sic Noemi Socrus Ruth: Sic Maria Mater Christi.

IL PUNCTVM.

SED vltius procedit Veritas, cum luctuosum illum mundum statum Maria gemeret; *plus ceteris gemebat infantibus qui suas tantum & humanas corporum plorant miseras.*

Quò est enim luctuosius lachrymarum obiectum, eo certe fundi debent profusiores lachrymæ, cum præsertim in fundendis lachrymis quoddam est operæ pretium quale hic reperitur, nempe multarum actus virtutum, Misericordiæ, Zeli Diuini, Charitatis, Pœnitentiæ, quibus peccata diluuntur & plurimorum salus comparatur.

Repræsentat tibi Nosocomium ingens, & plenum vndeque tetrus & horrendum in modum ægris iacentibus. Illic forte vel consultò quis ad miserationem valde pronus ingreditur, vnoque omnes obrutu videat apertissimè quàm dolcant, quàm dolenter gemant! Hic cholicam, ille calculum, alius podagram, & alius intestinorum lanienam. Quid tùm putas animi, quid sensus habiturum illum quem natura seu Gratia finxit ad Misericordiam? Hoc idem senti de Beata Virgine Matre de qua non minus dici potest quam qui de se hoc dixit: *Ab infantia mea creuit mecum miseria: & de utero Matris meæ egressa est mecum.* 1ob 38.

Sic illa quando nascens mundum ingreditur, Nosocomium ingreditur in quo non horrendi morbis sed vitiiis cuncti iacebant homines quorum aspectus cum tantò esset tetrior quantò erat illi nota lues animarum perniciosior; quibus non illa gemitibus tantam prosequabatur perniciem, cum aliud præcipue non haberet quo tantæ posset opitulari miseriæ, multum autem posset suis gemitibus vel accelerando promissi aduentum Messiæ, vel diuinas eliciendo gratias quibus aliqui tandem resipiscerent, & sanarentur.

Tres sunt viæ quibus inuestigetur quanti, quàm acres, quàm acerbè esse potuerint illi singultus ac gemitus. Prima, si compa-

2. Reg. 19.
Tob. 10. rentur cum his quos homines edunt in temporalibus suis iacturis;
si filius Patrem extinctum doleat, si Pater aut Mater filium: *Fili mi Absalom! HEV heu me fili mi, ut quid te misimus peregrinari?*
At longe acerbior erat Mariæ moeror, quia iactura quam plorabat erat grauior.

Exodi 31.
Rom. 9. Secundò, si considerentur eorum gemitus & interni dolores qui pari de causa doluerunt, qui talem animarum iacturam deplorarunt, qui de libro vitæ propterea petierunt deleri, qui anathema esse à Christo, Id est, qui tanta miseratione perditionis eorum quos deplorabant mouebantur, ut si fieri potuisset, morte & damnatione sua mortem & damnationem illorum redemissent. Hic nempe Moïsis & Pauli dolor fuit. Sed longe major Mariæ Matris acerbitas quia longe major eius Virtus, major Dei offensi cognitio, major eius Zelus & Charitas.

Phil. 2.
Luc. 2. Tertiò, si secum ipsa comparetur Virgo Deipara, si cum dolore dolor, si cum gemitu gemitus. Non est dubium quin peracerbis fuerit cruciata doloribus cum iuxta Crucem morientis Filij staret, expende quàm tum verè Maria, mare amarum fuerit, quàm tum de illa verè dictum, *magna velut mare contritio tua. Et tuam ipsius animam pertransibit gladius.*

Et tamen cum gemeret Dei offensam, cum sempiternum animarum interitum deploraret, dolebat illa dolentius, sicut expresse probatum habes in 1. parte, In die Purificationis: vbi hæc Veritas declaratur:

Doloris gladium animæ Virginis acerbiozem infert
vita peccatoris, quàm mors Filij.

III. P V N C T V M.

Heleff. 7.
Tob. 4. SIC igitur manifestè patet ex ipso primo nascentis Virginis die quàm apte Maria dicta sit, quàm apte Maria mare amarum significet, quàm vere totam Nominis significationem impleuerit, quàm longe supra cæteros omnes Infantes doluerit quæ longe aliam dolendi causam sibi proponebat, nempe totius mundi quem spectabat deplorandum statum, deplorandum omnium pene animarum interitum! O quantum illi debes quæ sic miseras tuas doluit. *Gemitus Matris tua ne obliuiscaris. MEMOR esse debes qua*

& quanta passa sit propter te.

Hic est primus consideratæ Veritatis fructus. Deinde verò, nonne sicut Illa posses gemere? Nonne sicut Illa videre posses eandem gemitus causam? Nonne satis evidens est, quàm multi etiam nunc pereant, quam pauci sint qui saluentur? Nonne nunc omnes tanta cupiditate volunt esse diuites, quanta vñquam voluerint? At nonne omnes qui volunt esse diuites pereunt? Nonne hoc pridem denuntiavit Apostolus? Nonne apertam protulit causam? Nonne iam sapiùs audiuiſti? *Deduc quasi torrentem lachrymas, per diem & noctem: non des requiem tibi, neque taceat pupilla oculi tui. Effunde sicut aquam cor tuum ante conspectum Domini.* *1. Tim. 6.*

Denique quidquid sit de aliis, teipsum non negligas. Vide quàm luctuosam egerit vitam Beata Virgo! Vide quàm longe absis ab eñs sensu, quàm longe procul erres, qui vel iucunda semper appetis, vel nihil aliud gemis quam terrena quædam & humana incommoda; quàm vel sis nimius in mala quadam tristitia, vel in falso quodam mentis gaudio; quàm parum serues quod habet Veritas in prima parte, Die 9. Ianuarij:

Amaritudo in pace, & pax in amaritudine.

Ne desperes salutem aut perfectionem tam multis irroratus lachrymis quas pro te Maria fudit: sed ne præsumas caue diligenter, & propterea sequentem audi Veritatem:

Sic est Maria refugium Peccatorum, vt quo passu ad illam Peccatores confugiunt, à peccatis refugiant.

SENSVS & RATIO EST, Quod sic Maria refugium est Peccatorum vt qui alioquin diuina exigente Iustitia punirentur & perirent, si tamen ad illam confugiant, diuina Iustitia liberentur, & salui fiant.

Sed non aliter liberantur & salui fiunt nisi quo passu ad illam confugiunt, à peccatis suis refugiant.

Ergo neo aliter refugium est Peccatorum, vnde nec ullus quantumvis grauius sibi conscius peccatorum desperare debet: nec ullus quantumvis leuiter reus potest præsumere qui peccatum nolit deponere.

I. P V N C T V M.

SICVT nullum est malum cui curando diuina Prouidentia non prouiderit, sic nullum est bonum hominibus à diuina Bonitate concessum quo non abutantur homines, & in perniciem suam trahant quod illis erat datum in salutem. Quid peccato damnosius quo solo damnantur homines? At ecce peccati remedium in Christo & Maria. Quid hoc remedio utilius? Quid beatius? Sed tale vellent peccatores peccati remedium vt peccati pœnam non culpam fugerent; & dum sibi promittunt impunitatem peccandi, liberiores fiunt in peccando, quod est plane abuti remedio. Quamobrem opportunè hæc Veritas potest aliis adjungi; *Quod sic Maria refugium est peccatorum, vt quo passu ad illam peccatores confugiunt, à peccatis refugiant; aut nullum in ea sperent refugium, nam inde nullum trahent subsidium.*

Ratio est euident, & sæpe aliàs agitata: Quod enim dicitur Maria refugium peccatorum hoc sensu dicitur vt qui peccatores mole & grauitate suorum oppressi peccatorum non auderent ad Christum accedere; vel qui reuera sic merentur puniri vt quam resurgendi à peccatis gratiam accepissent nisi tot se peccatis obstrinxissent, non accipiant, sicque in peccato sint morituri, nisi ad Beatam Virginem, tamquam ad ciuitatem refugij, tamquam ad aram & portum salutis confugiant; & sic liberentur vt declaratum est in 1. p. Feria 6. primæ Hebdomadæ. Et in 2. parte, In die Annuntiationis, hac potissimum Veritate qua dicitur, *non tam Christo quàm nobis datam esse in Matrem*, In 3. p. In die Assumptionis. Et in hac 4. parte, Sabbato Hebdomadæ 26. quibus adde quod peccatoribus ex sancto Bernårdo magnos addere debet animos vt ad ipsam confugiant. Hoc enim præsertim illam nomine laudat & prædicat, Tu, inquit, peccatorem quantumlibet fatidum non horres, non despicias, si ad te suspirauerit, tuumque interuentum pœnitenti corde flagitauerit, Tu illum à desperationis barathro pia manu retrahis, spei medicamen aspiras, foves, non despicias, quousque horrendo iudicii miserum reconcilies. Famosum huius tuæ benignitatis testimonium est, per te Theophilus restauratus gratia. Et quæ plura prosequitur.

*Ad glor.
Virg. Depr.*

II. P V N C T V M.

SED non aliter liberantur & salvi sunt nisi quo passu ad illam confugiunt à peccatis refugians.

Nam ut supra dictum est, & locis citatis fufius demonstratur, non aliter liberantur peccatores eius auxilio, quàm quod recipiunt resurgendi à peccato gratiam quam non receperunt nisi pro prius orasset, nisi quod orabat impetrasset, nisi quod impetraverat, peccatoribus obtulisset; & nisi quod offerebat receperunt peccatores. Quid est verò talem obtinere & recipere gratiam qua resurgas à peccato, nisi à peccatis resurgere? Nonne voluntas non peccandi semper includitur in voluntate resurgendi, aut non est vera ista resurgendi voluntas, nec vere umquam à peccato quis resurgat nisi simul velit à peccato ad gratiam refugere? Nonne hæc sunt aperta Tridentini Concilij verba dum quid sit Contritio explicat, *cam proposito*, inquit, *non peccandi de cætero*. S. B. 14. c. 4.

Neque vlla prorsus aliter pœnitentia concipi, nedum peragi potest nisi hoc formato proposito de quo vide in 1. p. Dominica 4. Adventus, ubi defectu huius propositi declaratur quam verum sit quod ait Propheta, *Nullus est qui agat pœnitentiam super peccato suo*. ter. 8. Sicut itaque sine pœnitentia nullum Virgo liberat, nullum saluat; ita plane nullum nisi velit à peccato resurgere: cum alioquin vè dictum est sine tali virtute nulla sit pœnitentia, nulla resipiscencia, nulla contritio, nulla confessio. *Projicite à vobis omnes iniquitates vestras in quibus pravaricati estis, & facite vobis cor novum, & spiritum novum*. Ez. 18. Hoc ipsum Beata Virgo quod Deus exigit, neque potestas eius est ut sine Contritione salueris, aut sine Gratia conteraris; sed ut gratiam obtineas qua & conteraris, & salueris. *In eis* Eph. 5. 24. *etis meis mitte radices*; dixit ei quĩ creavit eam.

III. P V N C T V M.

SIC est igitur Maria refugium peccatorum ut quo passu ad illam confugiunt, à suis peccatis refugiant; Nam nisi à peccatis refugerent, in peccato semper viverent & morerentur, quo in statu quisquis vivit & moritur, non à divina iustitia liberatur, sed

tanto magis puniatur, quanto fauente Virgine poterat non puniri si poenitere voluisset.

Recordare Theophili de quo supra sanctus Bernardus : Se miser ille Dæmoni dederat : deditiois chirographum tenebat Hostis : condita iam aderat pactionis dies : iam iam prope hora quo dedititium suum ex pacto Dæmon raperet. At ecce in clama- ta Virgo iubet reddi syngrapham ; paret iubenti Dæmon , & liberatur Theophilus. An putas vero quod liberatus esset nisi pro- fanam reuocasset pactionem ? Sic plane quisquis peccat , *peccati sui literas*, inquit Origenes , *scribit* ; Et sanctus Augustinus : *Vnus-*

In Ep. ad Rem.

2. de beata vita.

quisque peccanda , Diabolo animam suam vendit , accepto tamquam pre- tio dulcedine temporalis voluptatis. Sanctus quoque Ambrosius : *Ne- minem iugo seruitutis astrictum possidet nisi se ei prius peccatorum ara vendiderit* : Atque ita prorsus ad salutem obrinendam , reuocan- da est ista scriptio, solum verò reuocatur dum à peccato refugitur, vnde vides quam sit istud necessarium , & nisi hoc velis dum ad Virginem confugis , perinde est ac si Theophilus ab ea peteret sibi damnationis suæ syngrapham reddi quam tamen nollet irritam, aut quam paulo post veller ratam haberi. Nonne totus ad ista per- horrescit animus ! Audi hoc tandem indurate peccator ; Minus colis Beatam Virginem quàm ipse Dæmon : Nam illi iubenti pa- ruit, reddendo chirographam ; Tu toties iubenti vt peccatum de- feras, nondum paruisti ! Hæc obedientia Dæmonis tuam condem- nat inobedientiam.

Vide in 3. p. Fer. 4. Hebd. 9.



Die 14. Septembris.

IN FESTO EXALTATIONIS SANCTÆ CRVCIS.

Hæc dicit Dominus Deus : Ad populos exaltabo si- gnum meum. Is. 49.

HOCEST SIGNVM CRVCIS.

VERITAS PRACTICA.

Dicensi Domino se Crucem suam exaltaturum tam contradicit Superbus quàm se exaltat.

RATIO EST, Quia Is Domino tam contradicit, quàm dictis Domini contrarium volens facit.

Sed quàm Superbus se exaltat, tam contrarium volens facit dictis Domini quibus ait se Crucem suam exaltaturum.

Ergo & tam illi contradicit & se illi opponit in re admodum gravis. Quod certe est ad retundendam nostram superbiam efficax.

I. P V N C T V M.

IN hodierno Euangelio quod ex duodecimo Ioannis capite sumitur, *Nunc iudicium est mundi, nunc princeps huius mundi ejicietur foras. Et ego si exaltatus fuero à terra, omnia traham ad meipsum*: In his inquam & aliis sequentibus, non desunt quidem quæ apte Festo conveniant & fructuose considerentur: Sed egregium illud est & insigne quod refert Isaias in quo & ipsum totum quod legitur Euangelium continetur, vt infra patebit. Quamobrem iam in ipso primo Considerationis aditu acclimare, loquentem audi Prophetam, seu potius Christum Dominum: *Hac dicit Dominus Deus: Ecce levabo ad Gentes manum meam: Id est, aliquid grande efficiam: dignum mea manu opus, & dignum quod attentè spectetur. Quid tandem illud? Ad populos, inquit, exaltabo signum meum.* Hoc est sine dubio signum Sanctæ Crucis cuius est hodierna Exaltatio seu exaltationis memoria. Sed dubitari potest an illa exaltatio quam se facturum dicit Dominus, sit illa quæ celebratur hodie; dubitari potest quomodo & quando à Christo facta fuerit; dubitari potest quomodo à nobis digne celebretur; dubitari potest quod præ cæteris omnibus præsertim intelligendum est, quod quidquid dicat Dominus se facturum de exaltando Signo suo, contradicit Superbus qui se exaltat & se exaltans ita Christo se opponit vt non magis opponatur Humilitati superbia, quam exaltandæ à Christo Cruci, superbus.





licentius decoratos gloriarentur, unde illa sunt egregia sancti
*In 254. Augustini, Attende gloriam Crucis, in fronte Regum Crux illa fixa est
 cui inimici insultauerunt.*

Tr. 1.3. i
10.50.

Nonne hoc est exaltare signum suum? Addi posset quod certe

his omnibus longe magnificentius & gloriosius iudicari debet, cum in extremo nempe iudicio iudicandi omnes resurgent homines, cum Iudex ipse magnifico, regio, angelico apparatu conspiciendum se omnibus dabit, *Tunc parebit signum filij hominis in caelo, Tunc plangent omnes tribus terra*, quæ suum scilicet ibi iudicium tam manifeste agnoscent quàm aperte videbunt se conformem Cruci vitam non egisse. Vide in hac parte, Dominica 28. vbi de his expresse & fusè agitur. Math. 24.

Restat tertium Crucis Genus de quo præsertim, & de quo minus tamen dicendum quam de cæteris cum apertius pateat quam sublimiter & gloriose Dominus illud exaltarit. Quodnam est enim Genus illud Crucis nisi miseria, nisi depressio, nisi humilitas? Quanam est autem eius exaltatio nisi vt quantum quis se humiliauerit tantum in caelo exaltetur? Quid porro est gloriosius quam sic ex humili & abiecto tam gloriosum & sublimem fieri vt quàm quis fuerit voluntate humilis & abiectus, tam sit verà sublimis glorià? Hoc est autem hoc est quod iua Christus humilitate perfecit; Primò quidem in se, cum non nisi per Crucem & humilitatem intrare voluerit in gloriam suam, & mensuram seu magnitudinem suæ gloriæ à mensura suæ paruitatis voluerit sumere, sicut passim Apostolus, *Quod ascendit quid est nisi quia & descendit, primum in inferiores partes terra. Qui descendit, Ipse est & qui ascendit super omnes caelos.* Et alibi: *Videmus Iesum propter passionem mortis, gloria & honore coronatum.* Deinde vero in nobis omnibus cum hanc velut fundamentalem regni sui legem statuerit vt qui fuerit minor, erit maior, seu quantum quis se humiliauerit tantum exaltetur. Vnde est illa Veritas, in 2. parte, die 2. Aprilis vbi de sancto Francisco de Paula, Minimorum Fundatore:

Qui verè est minimus vere est maximus.

Et rursum:

Quo quis inferior in ordine hominum, eo superior in Christi ordine.

Atque hinc præcipuum illud Caput quod Propositio continet sit euidentissimum, nempe quod superbus qui se exaltat, contrarium volens facit dictis Domini quibus se suam Crucem aiebat exaltaturum. Nam vt omittam dicere quòd superbis non placet

K k k k k ij

Crucem primo & secundo sensu acceptam, tanta veneratione colere quantam ei fideles & humiles exhibent; vt præteream quod superbus id nimia simplicitati & anili cuidam superstitioni solet referre quidquid in hoc pietatis genere frequens viurpat deuotio: vt sciam quod superbos plerumque pudet coram aliis se signare signo Crucis, quati aliquid sua dignitate inferius agerent, quasi se nimis abjicerent, quasi se ridendos exponerent; Ne inquam, in illis immorer, & quod est Tertium Crucis Genus magis commendatum, magis spectemus, quid est magis contrarium facere dictis Domini quàm prius ponere quod ille ponit posterius, & posterius habere quod ille prius habet? Nonne hoc est totum plane peruertere? At nonne hoc est quod superbus facit dum se exaltat? En Christus ait, *exaltabo signum meum*, exaltabo Crucem meam, exaltabo meam & meorum humilitatem: Superbus verò contrà, quod tu exaltas, humiliabo: & quod humilias, exaltabo. Non hoc verbis dicit sed factis, nam dum superbit, humilitatem quam Christus exaltat detestatur, abjicit & suo modo humiliat iuxta illud Sapientis, *abominatio est superbo humilitas*: Dum verò se exaltat, superbiam quàm Christus humiliat, ipse contra magnificat & exaltat; siue quod idem est, se per illam exaltat, *Vir vanus in superbiam erigitur*, vt per eam se supra cæteros erigat: *Superbia cordis tui extulit te*, non virtus tua, non humilitas, non humiliatio, non via quam Christus aperuit ad exaltationem, sed porius oppositum directè iter; Vnde illi apte dicatur quod Balaamo, *peruersa est via tua mihiq; contraria*. Vel quod mago Bariesu, *ò plene omni dolo & fallacia, non desinis subuertere vias Domini rectas?*

Licet enim non desinat verum esse in aliis quod Christus dixit, *exaltabo signum meum*, licet inquam in aliis non desinat exaltare patientiam & humilitatem: quia tamen in superbo non id facit, superbus Christi dictis se opponit, quatenus scilicet se opponit quod minus id in se faciat quod faceret nisi superbus esset, & nisi se ipse per superbiam suam mallet extollere, quàm se per humilitatem sinere à Christo extollendum. Et certè, si superbus etiam posset in aliis quod in se facit, non minus Christo se opposeret extra se vniuersim quàm intra se solum; vellet enim funditus exterminatam humilitatem, vellet illam penitus euersam angustam portam aut obrutam arctam viam quam Christus prædicauit. Sicut qui Crucem non coleret aut qui sacras nollet imagines vene-

rari, vellet nullam esse Crucem, nullam imaginem. Nonne hoc volebant Iconoclastæ? Nonne hoc vellent hæretici? Sic plane vellet superbus non esse Cruces humiliationes, non esse Christi virtutum imagines, non prædicari Crucifixum imitandum; *Contrarius est, inquit, operibus nostris, factus est nobis in translationem cogitationum nostrarum.* ^{Cap. 2.} Grauis est nobis etiam ad videndum, quoniam dissimilis est aliis vita eius. Tamquam nugaces aestimati sumus ab illo. Hoc factis superbi dicunt, & sic sibi contrarium agnoscunt esse Christum, & se Christo contrarios.

Vide in 1. p. Dominica 3. Aduentus, & Fer. 4. Hebdom. 4. ubi hæc exponuntur Veritates:

Quam bene de Christo humilis, tam male meretur arrogans.

Quanto se humilis minorem facit, tanto magis magnificat Deum.

III. PUNCTVM.

SIC igitur dicenti Domino se Crucem suam exaltaturum contradicit superbus qui se exultat: Nam neque Crucem Christi patitur exaltari, nec se per eam exaltandum: vult quidem exaltari sed non quo Christus modo, non qua decreuit via. Sicut ille qui apud Lobum dicitur *Rex super vniuersos filios superbia*, qui aliquando gratiosus nunc insensus Christi & hominum hostis Diabolus, sic superbiit, sic superbiendo se exaltare voluit, sic se exaltando misere periit, sic sibi consortes superbos perdit. *Quomodo cecidisti de celo* ^{Isa. 14.} *Lucifer?* Non idcirco præcise cecidit quod gloriam appeteret, nam & illi Deus gloriam offerebat, sed quod indebito modo appeteret, non quo vellet Deus modo, non qua statuta via, non se dimittendo & humiliando sicut volebat Deus, sed se in seipso nimis effereudo & exaltando quod Deus auersatur.

Hinc Christus Iudæos arguebat non quod gloriam simpliciter quærent, sed gloriam quæ ab hominibus est & gloriam quæ a solo Deo est non quærent. Quod spectabat illud etiam quod supra ex hodierno Euangelio relatum est, cum Christus diceret, *nunc iudicium est mundi, nunc princeps mundi iudicatus est*, nempe *hic*, in per Crucem & per humilitatem suam qua superbos quosque iudi-

314 Die 14. Septembris. In Festo Exaltationis sanctæ Crucis.

cat & condemnat, dum exemplo suo docet viam exaltationis & gloriæ non esse superbiam quam execratur, sed humiliationem quam omni modo sectatur. Sic enim simul dicit se exaltatum in Cruce, dum ibi fuit humiliatus, quia nunc inde exaltandus erat dum gloriosus resurrexit & dum suos sibi similes in humilitate, similes facit in gloria. *Et ego si exaltatus fuero*, inquit, *omnia traham ad meipsum*, hoc erit exemplum peridoneum quo trahantur omnes ad me imitandum; aut certe hoc exemplo tamquam iudicio trahentur ad eorum supplicia quorum imitari maluerunt superbiam. Rata est enim Veritas, & in 2. parte, Feria 4. primæ Hebdomadæ comprobata:

Qui se Christi exemplo non humiliat, exemplo Dæmonis humiliabitur.

Ecclesi. 1.

Quantum itaque voles Crucem Christi exaltare, tantum te deprime; aut quantum te inaniter exaltabis, Crucem & Christum deprimes, quocumque sensu Crucem accipias. Nam eò tandem spectat quidquid in illa Christus gessit, ut in *humilitate nostra patientiam habeamus*. Velleſne Crucem collo pendentem abjicere? Velleſne oblatam despuere, vel occurrentem conculcare? At quid putas esse superbiam, quid in superbia tuam impatientiam, nisi abiectam & repudiatam Crucem? Nonne ſcis illud quod patiendum est, esse Crucem, esse Christi Crucem, esse Crucis Christi similitudinem, finem & effectum? Nonne ergo si hoc abjicis, tu Crucem abjicis?

Vide in 2. parte, die 3. Maij, In die Inventionis sanctæ Crucis, ubi hæc exhibetur Veritas:

Si quid forte asperius inueniatur de quo conquereris, de inuenta Cruce conquereris.

Inuentæ Cruci tantum quis detrahit, quantum in pœnis murmurat.

Ecclesi. 7.

Ibid. 1.

Humilia valde spiritum tuum. DEPRIME Cor tuum & sustine, sustine sustentationes Dei.

Ad hoc plurimum valet exemplum Heraclij qui cum ferret Christi Crucem auro & gemmis ornatus, ultra Caluarie portam progredi non potuit, quod aduertens Antistes, *Vide*, inquit, *Impe-*

Quis sit homo nouus & Euangelicus, ex Matthæo, &c. 313

*vator, ne isto triumphali ornatu in Cruce ferenda, parum Iesu Christi paupertatem & humilitatem imiteris. Tum Heraclius abiectio tali ornatu, ac plebeio amictu indutus reliquum viæ facile confecit. Tibi hoc vero dictum puta: Vide ne tuo fastu siue corporis siue animi, siue verborum, siue factorum, parum Iesu Christi humilitatem secteris. Extende hoc ad singulos quosque superbix motus & actus. Ne longius differas quod iam pridem factum esse oportebat: Audi Christum in Euangelio: *Adhuc modicum lumen in vobis est, ambulate dum lucem habetis, ut non vos tenebra comprehendant.**

Dum lucet, ambulandum, ne tenebræ fiant:

Vide in 1. parte, die 5. Ianuarij.



IN FESTO S. MATTHÆI Die 21. Septembri. APOSTOLI ET EVANGELISTÆ.

Cum transiret Iesus, vidit hominem sedentem in telonio, Matthæum nomine, & ait illi, Sequere me. Et surgens sequutus est eum. Matth. 9.

Similitudo vultus eorum, facies hominis, &c. Ezech. 1.

VERITAS PRACTICA.

In Matthæo facies hominis.

Quis sit homo nouus & Euangelicus, ex Matthæo cognoscitur, velut homo ex facie.

RATIO EST, Quia ex Matthæo cognoscitur quo sit modo sequendus Christus.

Sed hoc est nouum & Euangelicum esse hominem, sic sequi Christum quo agnoscitur esse modo sequendus.

Ergo ex Matthæo velut ex facie, & nativo exemplari agnoscitur quis sit homo nouus & Euangelicus; Quæ certè laus est non exigua Sancti huius Apostoli & Euangelistæ, nec parui ducendum quod inde proponitur documentum.

L P V N C T V M.

I A N T A est eorum quæ de sancto Matthæo dici possunt cum Veritate proposita connexio, vt vix de Sancto aliquid expromatur quin simul attingatur illa Veritas quæ partim ex veteri, partim ex nouo Testamento depromitur. Ex veteri, reuocanda in memoriam admiranda illa Visio quam fusc narrat Propheta Ezechiel de quatuor animalibus quæ quatuor Euangelistas adumbrant, quorum Primus qui scripsi sanctus Matthæus illa figura representatur quæ faciem hominis exhibebat quia de Christo vt homine frequentius loquitur, & ab humana eius generatione suum Euangelium exorditur, vt aiunt sancti Hieronymus & Gregorius.

Hom. 4. in
Ezech.

Ex nouo autem Testamento, audiendus est ipse sanctus Euangelista quid dicat de sua per Christum admirabili ad Apostolatam vocatione: Tum ex his simul coniunctis & adunatis Consideretur quàm apte & opportunè Practica hæc Veritas eliciatur; In Matthæo, facies hominis, hominis scilicet qui per excellentiam Homo absolute & simpliciter dicitur, vel ad distinctionem veteris & corrupti, Homo Nouus & Euangelicus nuncupatur, huius inquam hominis facies & imago sic in Matthæo relucet, vt inde quis qualisue sit nouus iste Homo tam facile agnoscatur, quam ex facie cuius homo cognoscitur. Nonne hoc mirum & stupendum? Nonne hoc plurimum ad Sancti gloriam & nostrum simul profectum redundare potest, si bene expendatur? Non potest vero melius expendi quam reuoluendo totum eius Vocationis progressum in quo quis sit homo nouus continetur.

Vide quàm promptè quàm integrè, quàm hilariter Christum vocantem sequatur. Tria hæc sunt præcipue obseruanda. Primum quàm promptè, nam statim atque dixit illi Dominus, *sequere me*, tum nulla interposita mora surrexit & sequutus est Eum; Quod certe mirum in tali Viro qui multis erat implicatissimus negotiis,

riose, lætanter quasi ob fœlicem euentum publica facta lætitia, quasi parta de hostibus victoria, quasi actio triumpho sic Matthæus conuocatis suis Contribulibus exquisitum instrui curat conuiuium quo luculenter proficteatur se tam libenter ac iucunde Christum sequi quàm quidquid iucundè agitur.

O quale discrimen sequentis & non sequentis Dominum ! Res prorsus mira ! Miser ille adolescens qui sequi Dominum noluit, non nisi tristis abiit, licet ad suas rediret diuitias, licet ad illas non rediret nisi vt magis lætaretur, licet à Christo non abieret, nisi vt tristitiam quam timebat, effugeret. Et tamen non nisi tristis abiit, non nisi tristis sua reuisit, non nisi tristis sua possidet ? E contrà verò Matthæus qui suas diuitias, suas reputabat delicias, dum diuitias simul & delicias relinquit, dum pauperem simul & arctam Christi viam ingreditur, non nisi lætus achilaris ingreditur, & manifeste confirmat quod habet ante pridem declarata hæc Veritas :

Quæ à Christo est tristitia magis iucunda est, quàm quæ à mundo iucunditas.

Vide in 2. parte, Dominica 3. post Pascha.

II. PUNCTVM.

SED hoc est nouum & Euangelicum esse hominem, sic sequi Christum quo in Matthæo agnoscitur esse modo sequendus.

Cum enim dicitur Homo nouus & Euangelicus perinde est ac si diceretur homo supra humanos affectus sese ad Diuina Christo iuuante promouens; homo contra naturales veteris hominis propensiones ad ea quæ sunt spiritus & internæ perfectionis aspirans : homo non transitoriis sed æternis rationibus de quouis occurrenti negotio iudicans. Hoc est nempe hoc est quod Euangelium annuntiat, hoc est quod in animis noua Lex Gratiæ primum operatur : Hoc est edoctum esse in Christo, sicut est Veritas in Iesu, inquit Apostolus, deponere nos secundum pristinam conuersationem, veterem hominem, qui corrumpitur secundum desideria erroris : renouari autem spiritu mentis nostræ, & inducere nouum hominem qui secundum Deum creatus est in iustitia & sanctitate Veritatis. Et rursus : expoliantes vos veterem hominem, cum actibus suis, & induentes nouum cum quô

Ephes. 4.

Coloss. 3.





ad eum reuocantem à quo defecimus, tam obstinatè repellamus, cum tamen pauca sint aut penè nulla quæ nos auocare possent. Ne conqueramur de Gratia, quasi tanta nobis non adesset quanta Matthæo adfuit, nam Illa potius de nobis posset conqueri quod quantà nobis est opus ad quod vocamur, non ex se desit; Sed vel eam auertimus, vel in dies retrahimus, vel quod placet ex his quæ suggerit, diutaxat facimus, cæteris pro nostro libito repudiatis; Quod profecto est *spiritui gratia contumeliam facere*, quæli nos at- Hebr. 10. bitros & Iudices statuereimus vt quid probandum vel improbandum in Gratia videatur definiamus, decidamus; *Numquid Deum* Job. 41. *docebit quispian scientiam qui Excelsos iudicat?*

Vide in 1. parte, tota Hebdomada s. post Epiphaniam, vbi per singulos dies de hac sancti Matthæi Vocatione agitur. Necnon in 2. parte, vbi de statibus in fine, siue pro statu opportunè eligendo, siue pro electo fideliter administrando: siue pro neglecto & deserto solícite reuocando, quod postremum quia frequentius est & minus tamen frequenter agitur, vrgeri potest hæc præcipue Veritas:

Reuocanti hominem Deo ab errore *viz* suæ non obsequi, peius est, quàm primò vocantem ne erraret, non sequi.

Videnda ibidem quæ postrema proponitur Veritas, vbi multa de relinquendis omnibus, & quæ huc spectant ex hac 4. parte suggeruntur tota Hebdomada 17.



IN FESTO S. MICHAELIS

ARCHANGELI.

*Die 29.
Septembris.*

Quis Deus similis tui? Mich. 7.

VERITAS PRACTICA.

Quis ut Deus?

Qui expugnando Dæmoni Michaelis est gladius, noster est si nostra hæc verba facimus, *Quis ut Deus?*

Vel sic breuius

Quo Michael gladio Dæmonem vicit, hoc cum ipso vincimus, si volumus.

RATIO EST, Quia gladius quo Michael Dæmonem expugnauit & vicit, hæc verba sunt quæ contra hunc rebellantem Angelum protulisse dicitur, Quis ut Deus?

Sed hæc etiam verba si probe intelligimus & religiose proferimus tantum apud nos valere possunt cum Gratia ut nos impugnantem Dæmonem sic vincamus.

Ergo & ipso Michaelis gladio Dæmonem vincimus si ut Ille fortiter nos ita velimus hoc uti gladio. Quem in vsum & finem opportunè hæc in hodierno leguntur Euangelio: si manus tua, vel pes tuus scandalizat te, abscide eum, & projice abs te. Et si oculus tuus scandalizat te, erue eum & projice abs te. Quæ ad rem nostram seu ad Veritatem elucidandam ita exponentur, ut elucidata Veritas pari sensu cedat in gloriam Sancti huius Archangeli, ac in nostrum profectum.

I. P V N C T V M.

IANTA est Angelicæ naturæ dignitas, & inter Angelos, tantus semper Archangelo Michaeli honor est habitus, ut qui ab errore Infidelium non omnino sed ex parte tantum ad fidem Christianam conuerterentur, aut qui ab illa deficerent, cum audirent tam mira de hoc diuini exercitus Principi-



test excidere cum ad eius statum spectet firmitas sine metu cadendi. Creati sunt itaque Viatores non Comprehensores; creati sunt in gratia, non in gloria; creati sunt in statu mutabili non immobili; creati sunt ut beati essent si vellent: vel si pollent, infelices & damnati essent; creati sunt ut aliquo libera voluntatis actu cum gratia mererentur beatitudinem, non ut illam solum gratis possiderent.

Ad hoc meritum sibi comparandum, propositus & praeceptus illis fuit à Deo quidam actus Humilitatis vel quo agnoscerent se à Deo in beatitudine consequenda dependere, vel quo se Dei filio incarnando subjicerent: vel quo demum alio submissionis suae solverent debitum, quo certe nil erat iustius.

Noluerunt verò quidam eorum se huic praecepto subjicere, sed satis se beatos reputarunt sua naturali beatitudine, vel se satis fortes & potentes ut ad supernaturalem suis ascenderent viribus sine tali demissionis actu, quos inter qui Primus erat omnium & qui ob insignem formam dictus est Lucifer, arrogantius insurrexit in Deum, dixitque prouocans alios ad eandem audaciam: *Ascendam, similis ero Altissimo*, Id est, sicut Deus ex seipso beatus est, Ita Ego, ita nos omnes possumus beatos facere, sicque tertiam Angelorum partem in suam trahit rebellionem.

Alij contra se libenter praecepto submiserunt, è quibus eminentior qui postea dictus est Michael ita exardere cepit in rebelles illos qui Dei similitudinem affectabant ut contenta voce clamauerit quod supra dictum est, *Quis ut Deus?* Quis quantumcumque sit excelsus se audeat comparare Deo qui sicut vnus est, ita nullum habet sibi similem? Quis hoc audeat nisi vecors, nisi temerarius, & impius? Quis nostrum sibi tantum arrideat quin multa plura quæ nos vere beatos faciant, in Deo esse cogitet? Sic pugnas se dicitur quando sic alijs Angelis suos verè pios exposuit affectus & conceptus.

Ex his autem verbis sic prolatis duo illa contigerunt quæ iam prælibata sunt, sed quæ vberius debent enarrari. Primum est quod qui ea protulit cum proprium nomen quo à cæteris dignosceretur non haberet, tunc ab alijs Angelis dictus est Michael, constat scilicet in hoc vnum vocabulum tribus illis verbulis quæ usurparat, *quis est Deus?*

Sicut Sen.
et Biblioth.

Sicut asserunt quidam Authores Iudam filium Matthatie, dictum

passus, Et quæ plura prosequitur, quibus insignes eius describatur naturæ dotes, Unde tandem concludit: *perfectus in viis tuis à die conditionis tue, donec inuenta est iniquitas in te. Et peccasti, & eiecisti de monte Dei. Et eleuatum est cor tuum in decore tuo, perdidisti sapientiam tuam in decore tuo!* Diuina plane verba quæ luculenter rem totam exprimunt.

Denique, tali ex prælio factum creditur vt in locum Luciferi qui summus erat omnium, successerit merito suo Michael, quod illicerte est in omnem æternitatem honorificentius quàm si primò talis creatus esset. Hoc autem ex Scripturis colligitur vbi, *Princeps magnus qui stat pro filiis populi*, hoc est vniuersæ Præpositus synagogæ, prædicatur, tantæque constat esse authoritatis, vt cum duo Angeli piè disceptarent inter se de reditu Iudæorum in Palestinam, disceptationis palmam is retulerit cuius se partibus Michael iunxit.

Nec refert quod in sacris Scripturis vocetur Archangelus, quasi ex eorum esset numero qui nouem inter Angelorum ordines, penultimi recensentur. Nam hoc nomen Archangeli seu Angeli non est naturæ sed officij. Id est, non ita certo cuidam ordini affixum est quin aliis omnibus attribui & applicari possit. Quisquis enim è supernis illis Spiritibus ad homines mittitur hoc ipso quo mittitur, nuntiaturus aliquid, Angelus dicitur. Cum vero illud opus quod nunciat vel quod exequitur, maiori s est momenti, dicitur Archangelus: ac proinde sicut ex quolibet ordine possunt assumi qui mittantur, vt patet ex illo qui ad Isaiam missus est & qui ex Seraphim vnus dicitur, ita possunt dici omnes Archangeli, ex officio scilicet quod illis creditum fuerit, licet non omnes sint ex illo singulari ordine cui hoc nomen Archangeli magis propriè conuenit.

Quod ergo Michael dicatur Archangelus, non magis obest quin sit vnus vel etiam Primus ex Seraphim qui sunt inter omnes primi, quam obesse nil possit quin alius ex ipsis Seraphim dici possit Archangelus vel Angelus. Quod valde confirmatur, quantum maximè spectat ad sanctum Michaellem, ex his quæ refert Apostolus, cum secundum Christi aduentum describens ait Thessalonicensibus: *Ipse Dominus in insu & in voce Archangeli & in tuba Dei descendet de caelo.* Quid est in voce Archangeli? & quis est ille Archangelus in cuius voce descendet Dominus? Ad primum respon-

Dan. 12.

Ibid. 10.

1. 6.







vis mundus, nunquid potest dare quantum dabis iusto Deus? Quidquid tibi iusto minatus fuerit mundus, nunquid potest facere quod facit iniquo Deus? Vis audire quid daturus est Deus, si iuste vixeris? Venite benedicti Patris mei, percipite regnum quod vobis paratum est ab origine mundi. Vis audire quid factururus est impiis? Ille in ignem æternum, qui paratus est Diabolo & Angelis eius. Bene quidem tu nihil aliud vis, quam ut bene tibi sit: Nam in eo quod amas, vis ut bene tibi sit: & in eo quod times, non vis ut male tibi sit: sed non in ea regione quæris, in qua querendum est. Festinas: Nam & sine indigentia vis esse & sine molestia. Bonum est quod vis, sed tolera quod non vis, ut assiquaris quod vis.

Mat. 25.

1b. 2.

III. P V N C T V M.

QVAMOBREM aperte vides quid sit quod in præxi proponitur, & quam sit affine illi quod gessit Michael dum expugnauit Dæmonem; simulque vides quam esse possit efficax si opportune & religiose illa usurpes verba quibus bonum melius bono inferiori, & malum grauius malo leuiori opponatur: Quid est igitur quod non illa usurpes? Accipe gladium Sanctum, dicebat Ieremias Iudæ Machabæo, munus à Deo, in quo dejicies aduersarios populi mei Israel. Quod & reuera contigit. Accipe & tu gladium in quo tuos dejicies aduersarios. Accipite armaturam Dei, clamabat Apostolus, ut possitis resistere in die malo, & in omnibus perfecti stare. Quænam autem hæc armatura nisi quam ipse induerat & induendam omnibus proponebat; Nihil horum vercor, nempe malorum quæ proponebantur, Nec facio animam meam pretiosorem quam me. Id est, nec bonum vllum est in hac vita quod tanti faciam quanti bonum æternum. Non contemplantibus nobis quæ videntur, sed quæ non videntur. Quæ enim videntur temporalis sunt: quæ autem non videntur, æterna sunt. Sic Hebræis congratulans, rapinam, inquit, bonorum vestrorum cum gaudio suscepistis, cognoscentes vos habere mercedem & manentem substantiam.

1. Mach. 15.

Ephes. 6.

Ab. 20.

2. Cor. 4.

Hebr. 10.

In hoc multum erras quando se mala quædam offerunt patientia, vel bona quædam sensibilia perfruenda. Tu quod præsens est solum cogitas, non quod futurum. Times malum præsens & fugis, sed non vides te fugiendo istud præsens malum, incidere in grauius; quod certe impudentis est & incauti. Qui timens pruinam, 1. b. 6.

832 Die 29. Septembris. De S. Michael Archangelo.

irruet super illos nix, quæ pruina est grauior.

Vide in 2. p. Dominica Sexagesimæ. In 3. parte, die 21. Iunii. In hac 4. parte tota Hebdomada. vbi de paupertate & diuitiis. *Nate nate, memento aeterna vita, cælum suspice & ibi regnantem intueri: tibi enim vita non eripitur, sed mutatur in melius.* Sic mater Symphoriani Martyris, puerum filium in tormentis patientem confirmabat: sic filius à matre confirmatus patienter & late martirium consummauit.

Dices forte, quòd si de fide ageretur, ita te gereres. Sed cur ita porro nisi quia vel Dei gloria vel tua salus, te mouerent ad agendum? At quoties de vitando peccato agitur, quod sæpe fit in isto conflictu cum carne & Dæmone; nonne & Dei gloria, nonne & tua salus in apertum satis discrimen adducuntur, nisi pro illis dimices, & oblato aduersarium impetas gladio? Parum illi est an te fide vel castitate violata impugnet dum te expugnet. Vnum hoc cogita in cuiusvis peccati periculo, te pugnare cum Dæmone. Non minus peccatum horreas quam ipsum Satanam. Sic vtrumque Apostolus eodem nomine comprehendens: *Deus*, inquit, *pacis conterat Satanam sub pedibus vestris velociter.* Quid est conterat Satanam nisi peccatum obterendo, nisi conferendo gratiam qua tu cum illo peccatum, & in peccato Satanam sub tuis pedibus conteras? ô te foelicem si sic tuis substratum pedibus Satanam habeas, si sic gladium exertum geras quo illum tibi substernas? Nonne sic Michaellem exhibebis, nonne sicut ceteri Angeli cum illo contra Draconem pugnabis? E contra vero nisi pugnes, nisi vincas, quid nisi sub Satanæ pedibus iaceas? *A quo enim quis superatus est, huius & seruus est.* Itane vero possis id ferre? *Quasi à facie colubri*, dicebat Sapiens, *fuge peccata*, non cum solum intelligens colubrum qui sensibilem sui horrorem injicit sed eum etiam quem nisi cogitando & credendo exhorrere possis; quasi diceret tamquam à facie Dæmonis fuge peccatum, nam reuera facies Dæmonis, non est alia quàm peccati facies, cum nisi à peccato habeat quod sit ita deformis vt pingitur. Iam enim supra dictum est, tolle peccatum à Dæmone, nec minus erit decorus quam Michael: pone in Michaelle peccatum, nec minus erit indecorus quam ipse Damon. Solo peccato seu Gratia opposita distinguuntur illi duo. Vides quanto interuallo distinguantur? Hoc est interuallum status gratia & peccati, hoc est interuallum boni & mali.

Rom. 16.

2. Pet. 2.

Ecclesi. 31.

Tunc minus obseruas Angelum, cum magis esset, &c. 833

& malipro quo dimicas quando contra Dæmonem, quando contra Carnem, quando contra peccatum dimicas. Aut Michaelem te oportet esse aut Satanam. Hoc agitur in hoc certamine quo de peccato agitur.

Vide in 3. parte post Hebdom. 10. vbi de Missionibus c. 15.

DE S. ANGELO CVSTODE.

*Dier:
Ostendit,*

Ecce ego mitto Angelum meum qui pracedat te, & custodiat in via, & introducat in locum quem paravi. Obserua eum, nec contemnendum putes, quia non dimittet cum peccaueris, & est Nomen meum in Illo. Exodi 23.

VERITAS PRACTICA.

Non est minus obseruandus à nobis Angelus quàm seruandi sumus ab Angelo.

Nisi autem diligenter aduertas, tunc minus illum obseruas, cum magis esset obseruandus.

RATIO postrema partis quæ priorem completitur hæc est, quod tunc minus obseruas Angelum cum tentationi succumbis.

Sed tunc magis esset obseruandus.

Ergo tunc minus illum obseruas cum magis illum omni cultu & officio deberes obseruare. Quod certe est iniuriosum Angelo, & tibi valde damnosum.

I. P V N C T V M.



BSERVANDVM esse à nobis nostrum Custodem Angelum sic evidens est ipso naturali lumine, vt non sit tam perspicuum esse Custodes singulorum hominum Angelos, quam sit evidens illos esse à nobis colendos & obseruandos. Certum quidem est & indubitatum ex fide, singulis animabus suum esse à Deo constitutum Angelum quem vocamus Tutelarem & Custodem, nam id Christus Dominus manifeste docet cum in hodierno Euangelio rationem hanc afferat de pueris non offendendis, *Quia, inquit, Angeli eorum semper vident faciem Patris mei,* apud quem scilicet expostulent & conquerantur de offensa suis illata: Vnde Diuus Hieronymus; *Magna dignitas animarum, vt vnaquaque habeat ab ortu natiuitatis in custodiam sui, Angelum delegatum.* Et in libro Actuum Apostolorum de sancti Petri Custode Angelo fit expressa mentio cum dicitur: *Angelus eius est.* Sed quæ sunt ex fide, licet sint certa, non sunt tamen euidencia: quæ sunt autem ex fide simul & ratione præter certitudinem quam habent ex fide, habent euidenciam ex ratione, quale est istud quod dicimus, illos nostros Angelos esse obseruandos; Hoc enim & Deus iubet, *obserua eum,* hoc & Ratio persuadet, Eum qui naturæ est sublimioris, Eum qui se ad nos tam libenter demittit, Eum qui de nobis tam multis modis meretur, vt colamus vt obseruemus vt cum illo recte conueniamus, cum præsertim nos seruare & custodire non possit nisi nos illum sic obseruemus vt eius ductum sequamur. Quis tam hebes vt hoc non videat, quis tam parum cultus vt hoc nolit? Non est itaque fusior habendus sermo vt hunc deferendum Angelo cultum tam euidenter debitum vrgeamus.

Sed quod mirum, & quod numquam satis exagitatum est, ita tamen deficimus in hoc reddendo debito, vt quibus locis & temporibus noster hic præsertim Custos Angelus à nobis esset obseruandus, tunc illum minus, aut omnino non obseruemus. Nonne hoc expauendum, nonne arguendum, nonne corrigendum?

Sic itaque breuiter & dilucide declaratur: Tunc minus obseruamus nostrum Custodem Angelum cum cuius oblata tentationi succumbimus. Quid est enim obseruare aliquem nisi vel illum colere, vel sic illi attendere vt ad eius nutum te componas, vel

Alius denique ductum sequi? Quid vero est tentationi succumbere, nisi aliter prorsus & opposito modo se gerere circa tuum illum Custodem Angelum? Nam si vel illum tantisper coleres, aude-
resne in eius conspectu foedam illam, exempli gratia, cogitationem vel actionem suscipere de qua erat in mente tua, contentio seu tentatio? Si tuo illi castissimo Comiti attendisses, si consilium, si ductum eius esses sequutus, eone te flagitij miserè proiecisses? eone te ille impellebat, an potius nonne hinc te totum auerte-
bat? Audes illo praesente, illo contuente, illo auertente id facere quod me praesente non auderes, ait S. Bernardus; Et dices te illum ob-
seruare! Ne dixeris, ne forte addas contemptum contemptui. In Ps. 90. habita.
Nam sic turpiter labi contra retrahentem Angelum, nihil aliud est quam illum contemnere: Et simul velle profiteri te illum ob-
seruare, hoc est contemptum addere, quasi nescires quid agas, quasi tuo facinori consentiret. O probum! ô infamiam! Quàm
præclare hic Origenes; *Quod si Princeps meus, Angelum dico, qui est mihi assignatus, commonefacit de bonis, & locutus est in corde meo, sed ego contemptis eius monitis & spreto conscientia retinaculo, præceptis in peccati cornu: duplicabitur mihi pœna vel pro contemptu Monitoris vel pro facinore commisso.* Item 10. in c. 25 Num.

II. PUNCTVM.

SED illo præsertim tempore quo te urgebat tentatio, tuus ille Angelus erat obseruandus.

Nam tum maxime præsens aderat, tum præcipue te monebat, tum præsertim te sibi volebat obsequentem, tum pro te contra hostem attentius decertabat, tum vniuersa denique pietatis suæ conferebat officia, quæ si aliquando cultum merentur & obseruantiam, tum certe deferendum erat quod debebas, cum præsertim tua res ageretur vel maxima, cum ipsum Dei negotium esset quod ipsi erat Angelo creditum, cum de summo bono vel malo disceptaretur. Hoc nempe est quod *mandauit Deus Angelus suos ut custodiant te in omnibus viis tuis.* Hoc est quod Sancti quique agnosce-
bant dum se aliquo peccandi periculo videbant erutos: *Vinit Dominus, inquit illa Iudith fortissima, quoniam custodiuit me Angelus eius, & hinc euntem, & ibi commorantem, & inde huc reuertentem.*

Sic de tribus illis in fornacem coniectis Viris dicitur: *Benedictus* Gen. 3.

Nnnn ij

III. PUNCTVM.

CVM verò tempus illud, tempus sit tentationis cui dum succumbis, minus illum obseruas: Nonne patet euidenter quod habet Veritas, & quod Ratio non potest non execrari, *te nunquam minus quam cum magis tam insignem deberes agnoscere & obseruare Benefactorem?* Quid porro est Ingratitudo nisi hoc sit, cum expresse dicatur Gracitudinem eo vel maxime reddendam esse tempore quo Benefactor velit? Quod certe verius est in nostris apud Angelos reddendis obsequiis & muneribus, quam apud homines: nam quocumque tandem tempore benefacias homini, beneficium illi semper & proprium potest esse munus: Sed Angelis quid nostra profunt munera? Pleni sunt & nostris prorsus non egent. Hoc vnum potius spectant in suis beneficiis vt nobis profint, hoc vnum sibi à nobis reddi vellent, vt acceptis rectè vteremur donis; Hoc si vnum reddas, quidquid aliud negaueris, abunde sibi à te satisfactum profitebuntur. Hoc si vnum neges, quidquid aliud effuse dederis, nihil sibi à te redditum conquerentur.

1.2. 9. 107.
2. 1.

Salua animam tuam, quidquid sit de cunctis aliis, salua animam tuam, hoc vnum à te quod à Letho petebant Angeli, *festina & ibid. saluare*, de manifesto scilicet in quo versaris peccandi periculo. Quid dixisses de Tobia si post tam multa quæ à suo Comite Raphael Archangelo beneficia receperat, ingratus exiisset? Certe Sanctus scribit Ambrosius idcirco diuinitus factum esse vt domesticus canis illum toto comitaretur itinere vt ab illo animali quod gratitudinis exhibenda signum refert & symbolum, Tobias disceret non ingratus esse. Didicit profecto, didicit siue à cane siue à seipso, siue à Deo potius, tantamque suo Comiti refundere voluit gratiam, quanta patet in eo sacro qui Tobia liber dicitur.

Tob. 5. 12.

Sed quid tandem ab illo recepit Angelus? Vnum hoc quod volebat, vt se sineret duci & dirigi. Nil prorsus aliud ex omnibus sibi oblati ac ne quidem ex verbis & productis effuse affectibus. Vnde tu cum hoc præsertim neges, quid nisi mere ingratus audias? Sed si mera solum esset ingratitude, vitium quidem esset, at vitium quoquo modo ferendum: sed vide rursum, qualis ingratitude, quam iniusta sancto Angelo qui sic à te contemnitur, vt magis Dæmonem quam ipsum audias & obserues; quam tibi

perniciosa cui nihil propterea profit Angelus cum sine te nihil possit, & tu in sine illo nil nisi pereas!

O quàm diuinum erat illud Monitum de obseruando Angelo, *Nec contemnendum putes!* Nouerat enim Diuina Sapiencia, nouerat quid esset *non obseruare Angelum!* Nouerat quàm parum duceremus, non illum obseruare, quem nollemus tamen contemnere: Quamobrem dum nos monet illum obseruandum, monet simul non contemnendum, vt quantum nollemus illum contemnere, tantum velimus illum obseruare. Nam qui non illum obseruat, contemnit: & qui nolit illum contemnere, prorsus obseruet necesse est.

Tob. 6.

Egregia est Tobix praxis cum à pisce teneretur: tum enim statim ad Angelum, *Domine inuadit me*, Sic agitur quocumque vitio; clama, ne cesses, donec ipsa cesset vel agitatio, vel ne potius inde vitium concitetur.

Et verò non essent leuiter pratereunda Verba illa quæ præcedunt in eadem Dei sententia, *Ecce ego mitto Angelum meum qui præcedat te, & custodiat in via, & introducat in locum quem parauimus*: Sed vel coniunctim cum præcedenti Veritate, vel separatim vrgenda sunt in hunc semper finem & scopum vt inde magis obseruetur Angelus & auscultetur.

Si separatim tractentur, formari possent varix Veritates, quales sunt istæ;

Frustra præcedit Angelus nisi sequaris.

Am. 3.

RATIO est aperta, nam frustra præcedit nisi te adiuuet & ab inimicis liberet, cum sit propterea tibi datus. Sed nisi sequaris, non te adiuuat, aut frustra te adiuuat quia de tuo conferre debes ad illos hostes tuos debellandos. *Numquid ambulabunt duo pariter nisi conueneris eis?*

Sicut est certus locus in quem te introducat Angelus, ita & via per quam introducat.

Nisi viam cum illo tenueris, nec te custodiet in via: nec in locum paratum te introducet.

RATIO postremæ partis quæ priorem comprehendit hæc est, quod sicut certus tibi locus paratus est ex ordinatione diuina, sic

& certa via seu certa quædam Media quibus ad locum illum intro-
ducaris.

Sed nisi teneas Media quæ sunt à Deo præstituta, & ordinata
ad finem aliquem, non peruenies ad illum finem. Ergo & certa
Veritas; ad cuius primam propositionem, distincè declarandum
est, quomodo sit vnique suus præscriptus ordo, suus certus glo-
riæ gradus & gratia per quam eo perueniatur. Sic enim de vno
quoque Sanctorum dicitur, *Non est inuentus similis illi.* VNVS QVIS-
QVE proprium donum habet ex Deo, alius quidem sic, alius vero sic.
VNVS QVIS QVE in suo ordine. Alia claritas Solis, alia claritas Luna,
& alia claritas stellarum. Stella enim differt à stella in claritate, sic &
resurrectio mortuorum. Certorum autem finium certa sunt & pro-
pria sua media, sicut videmus certas dari gratias ad certos fines: &
certa etiam Sacramenta ad illas certas gratias. *Non enim omnia* Eccl. 7. 37.
omnibus expediunt.

Hinc autem secunda etiam Propositio facillime demonstratur,
quandoquidem tanta est colligatio mediorum cum fine, vt nisi
media teneas, finem non attingas. Nisi baptizeris, non eluas ori-
ginalem noxam: nisi baptizeris aqua & cum forma præstituta,
non baptizeris. Sic de aliis Sacramentis sentiendum, vt videre est
in 2. p. Sabbato post Cineres, vbi hæc Veritas explicatur:

**Si ordinatis ad salutem mediis non vteris, Mediatore
Christo abuteris.**

Hoc est præsumere vel desperare, si quid præter diuinum ordi-
nem in his quæ spectant ad salutem, tentaueris: vt expressè habet
Diuus Thomas. Nihilque aliud vehementius Dæmon circa nos
agit, quàm vt extra rectam viam in illa extrema præsumptio-
nis vel desperationis, in quibus ipse perit, nos conijciat. Quod fusè
& præclare sic prosequitur sanctus Bernardus: Videamus & Dæmo-
num vias, videamus & caueamus, videamus & fugiamus eas. Siqui-
dem via illorum præsumptio & obstinatio. Scire vultis vnde id sciam?
Considerate eorum principem, qualis ille est, tales & domestici eius.
Considerate viarum ipsius principia, si non manifeste in immanissimam
statim præsumptionem profuerit, dicens, Sedebo in monte testamenti,
in lateribus aquilonis, similis ero Altissimo. Quam temeraria, quamque
horrenda præsumptio! Numquid non illic ceciderunt omnes qui operantur
iniquitatem? expulsi sunt nec potuerunt stare. Propter præsumptionem

Eccl. 1. 4.
1. Cor. 7.

Ibid. 15.

Eccl. 7. 37.

1. 2. 9. 11 &
9. 13.

St. 11 in
Ps. qui ha-
bitas.

stare non potuerunt : Propter obstinationem qui cecidit non adiciet ut resurgat. Ex hac namque spiritus vadens, ex illa non rediens est. Quam peruerso & euerso sunt corde filij hominum quicumque sectantur vestigia Daemonum ? Hæc enim tota aduersum nos spiritualium colluctatio nequiorum est, ut nos seducant, ut nos inducant in vias suas, ut deducant ipse eis, & perducant ad destinatum finem qui paratus est eis. Fuge homo presumptionem, ne gaudeat de te Inimicus tuus. Nempe in his maxime vitis gaudet, in seipso expertus quàm difficile possis ab hac tanta voragine respirare.

Ecclij. 2. Quæ quidem omnia breuius Sapiens : *Va his qui perdidit sustinentiam, & qui dereliquerunt vias rectas, & diuerterunt in vias prauas. Et quid facient cum inspicere caperit Dominus ?*

I. Par. 29. Denique, quanta est Viatoris signari viarum cura ne à suo discedat Duce, ne forte deuiet & pereat, tanta profectio nobis esse debet cum nostro Custode Angelo, quandoquidem peregrini sumus & aduena sicut Patres nostri. Quò apte sanctus Gregorius : *In presenti*
Rom. 10. in *vita quasi in via sumus quæ ad patriam pergitur. Maligni autem spi-*
Euang. *ritus iter nostrum quasi quidam latrunculi obsident. Quis hic audeat*
Prov. 12. *sine comite peregrinari ? Via stulti recta in oculis eius : Qui autem sapiens est, audit consilia, interna scilicet & externa.*



Die 4.
Octobris.

IN FESTO SERAPHICI S. FRANCISCI CONFESSORIS DE SACRIS EIVS STIGMATIBVS.

VERITAS PRACTICA.

RESPONDENS HIS PROPHETÆ VERBIS:

Quid sunt Plagæ istæ in medio manuum tuarum ? Zacch. 13.
 Sunt certa signa quibus in S. Francisco agnoscas, & in te exprimas veram Sanctitatem, seu Euangelicam Perfectionem.

RATIO

RATIO EST, Quia vera Sanctitatis seu Evangelica perfectionis tunc certa dici debent signa cum ex illis agnoscitur triplex via perfectionis, Purgativa, Illuminativa, & Vnitiva, secundum exemplar quod in Cruce Christi monstratum est.

Sed plage seu stigmata quæ in corpore sancti Francisci diuinitus impressa sunt, sic considerari possunt ut ex illis agnoscat in Sancto triplex ista via perfectionis.

Ergo & certa signa sunt quibus in sancto Francisco agnoscamus, & in nobis exprimamus veram Sanctitatem, seu Evangelicam perfectionem. Quæ certe Veritas sic Sancto erit gloriosior quàm nobis erit utilior.

I. P V N C T V M.

QUOD vniuersim ait Apostolus: Inuisibilia Dei à creatura mundi per ea quæ facta sunt, intellecta conspiciuntur, hoc ^{Rom. 1.} particulatim de sancto Francisco liceat usurpare, sive ut dicamus Eum esse velut visibilem quendam Gratiarum Mundum per quem Inuisibilia Dei Attributa cognoscantur: sive ut consideremus impressas eius Corpori Plagas tamquam visibile signum quo inuisibiles & in eius animo latentes illæ Gratiæ splendidius totum mundo lucent. Et sicut vniuersus hic mundus aut quæ in illo singulæ visuntur partes, dici possunt Sacramenta Dei, quatenus signa sunt quædam visibilia quibus Inuisibilis Dei Virtus velut sub specie quadam tegitur, & velut in figura demonstratur, Vnde Sapiens de impiis qui hanc Dei virtutem in creaturis noluerunt agnoscere, *nescierunt*, inquit, *Sacramenta Dei*: Sic profecto sanctus ipse Franciscus vel sacræ ipsius plagæ non aliter quàm ut Sacramentum Dei, nobis colendæ sunt, cum sint visibilia, manifesta, & certa signa quibus inuisibilis eius Sanctitas & perfectio nobis innotescat.

Sic eius vitæ Scriptor Dignus Bonauentura cum de his sacris plagis sermonem instituit, hoc expresse verbum usurpans ex libro Tobie: *Quoniam*, inquit, *Sacramentum regis Seraphicus vir abscondere bonum esse optime noras, secreti regalis conscius, signacula illa*





II. P V N C T V M.

SED Plage seu Stigmata qua in corpore sancti Francisci diuinitus impressa sunt, sic considerari possunt ut ex illis agnoscat in Sancto triplex ista via perfectionis.

Agnoscutur certe ex eius factis, sed facta eius roborantur & velut sigillo quodam regio per istas Plagas muniuntur, nemo ut dubitet quin quod egit sit præclare actum. Tam multa enim, tam noua, tam inusitata, tam ardua & admiranda potius quam imitanda faciebat & facienda suis proponebat, ut iam ex illis primis fundati ordinis exordiis multi ambigerent an illa rationabilis esset vita & regula quæ supra rationem tota esset. Sed ne dubitent, primò quidem delapsa coelitus voce testatum est de qua inferius suo loco dicetur; tum verò post ad maiorem etiam firmitatem, & perpetuam memoriam, in eius corpore, diuina hæc sigilla imprimuntur, quasi coeleste diploma esset quo eius viuendi ratio probaretur, fulciretur, commendaretur: Quasi epistola coelitus ad nos missa & annulo signata regio; Quasi de sancto Francisco diceret quod de se Christus: *Hunc Pater signauit Deus*: Id est, signo quodam vi-

Ioan. 6.

Sed videamus singula per tres illas vias. Prima quæ purgatiua dicitur triplicem habet concupiscentiam bonorum scilicet temporalium, voluptatum, & honorum expurgandam. Sic autem S. Franciscus his plane solutus & purgatus fuit concupiscentiis ut quod spectat ad bona temporalia, nemo pauperior unquam extiterit, nemo re ipsa & affectu magis omnibus bonis denudatus, nemo egentior cum nihil plane suum haberet. Erant illi omnino quatuor ad vitam sustentandam & religiose transigendam necessaria, victus, vestis, habitaculum, & libellus precum. Victus erat parcissimus & mendicatus; vestis vilissima nec nisi precario sumpta, quod præsertim in extremo deficientis vitæ momento patuit, cum nudus humi iacens vestem qua moriens tegeretur, humiliter petiit à suo quem vocabat Guardiano. Si quis porro de eius tecto vel libello tamquam de propria ipsius suppellectile loqueretur; at quandoquidem dicis esse meum, inquebat, iam non erit meus; & illo amandato, si quid esset quo carere non posset, postulabat illud eleemosynæ nomine seu in nomine Domini.

Ecclesi. 31.

Hoc est esse pauperem, pauperem Spiritu, pauperem Euangelicum, pauperem Perfectissimum, affectu & effectu: Hoc est esse purgatum animo: Hoc est esse beatum illum virum quem olim quærebat Sapiens, *Beatus vir qui inuentus est sine macula qui post aurum non abiit, nec sperauit in pecunia & thesauris. Quis est hic & laudabimus eum?* Profecto Franciscus est: & hoc etiam nominose ab Angelis sic ab Ecclesia triumphante & militante laudatur: *Franciscus pauper & humilis cælum diues ingreditur, hymnis cælestibus honoratur.*

Quid de concupiscentia carnis seu voluptatis expurgata, & penitus extirpata dicam, cum corpus suum tot ieiuniis tot suppliciis, tot crucibus toto vitæ maclasset tempore, vt prope instanti morte veniam ab eo postularit si forte austerior in illud extitisset. Petierat aliquando veniam quod dum ægrotaret, atque omne cibi genus fastidiret, nescia quid esolenti postulauerat quo tantisper recrearetur, nempe huius innoxie petitionis tantopere pauld post illum pœnituit vt proparulum & eminentius totius ciuitatis compitum adiens, conuocata illuc plebe palam professus sit se non illum esse quem putabant, non abstinentem, non sobrium sed edacissimum & gulæ addictissimum vt qui petierit aliquid sibi comedendum dari! Propterea verò cum multa etiam negasset corpori, non minus ab eo voluit sibi condonari si quid contra ipsum peccasset, quàm dum illi fuisset vt putabat indulgentior, quia scilicet Vir sagacissimus optime nouerat Virtutem in medio consistere, cauenda esse quauis extrema, vix vllum esse qui se his perfecte temperet aut qui horum alterutro non aliquoties aberraret; Vnum hoc superesse remedium, vt pœnitentia reparetur, quod excessu vel defectu peccatum fuerit. Qua in re quid mirer magis nescio, an eius Temperantiam, an Humilitatem. Hoc est enim esse temperantem simul & humilem sic se in omni naturæ appetitu continere, vt neque nimis aliquid aut minus agas: & postquam medium inter hæc duo pro virili parte constanter tenueris, peccasse tamen meruas, & de peccato potius expiando cogites quàm de virtutis premio postulando.

Hæc est tertia concupiscentia quæ circa propriam excellentiam, & humanos honores versatur, quam ita S. Franciscus repressit, vt inter bonos se postremum, & inter malos primum sentiret, diceret, prædicaret, & ab omnibus credi vellet. Nulli enim inquebat,

nulli alteri quas agnoscebat in se diuinitus datas gratias si dedisset Deus, quin eis fructuosius usus esset. Nullus vero tam impius quem non impietate superaret si diuina gratia destitutus esset.

Tria sibi representabat quæ honorem magis conciliant & quæ nulla in se videbat, nempe nobilitatem, scientiam, & virtutem. Filium se Bertrami Mercatoris passim profitebatur. Scientiam non contemnebat sed ob eius defectum se contemptibilem affirmabat. Virtutem denique si quam haberet non esse suam sed Dei à quo est omne datum optimum & omne donum perfectum, Cuius est iudicare de homine, hominis autem in ignorantia diuini iudicij sic parum de se sentire vt si quis supra quemuis alium se efferret, diuinum contra se prouocaret iudicium. Quo in humili sensu sanctus Franciscus sic sese semper continuit vt numquam Sacerdos fieri voluerit, quod certe est abiectionis propriæ certissimum argumentum, cum alioquin sacris operari periuicundum illi fuisset.

Sed non quod iucundum, non quod vtile, non quod sibi proprium attendebat, vt posset cum Apostolo dicere, *Quæ mihi fuerunt lucra, hæc arbitratus sum propter Christum detrimenta: Verumtamen existimo omnia detrimentum esse propter eminentem scientiam Iesu Christi Domini mei propter quem omnia detrimentum feci & arbitror ut stercorea vt Christum lucrifaciam.* Hæc est scilicet eminens Scientia in qua qui magis eminent, minus aliis eminere volunt vt de-
Phil. 3.
1re.
Ter. 13. Pen.
Gal. 6.
Rom. 8.
Gal. 5.
*quantissimum illi erat in ore & in corde, Mihi autem absit gloriari nisi in cruce Domini nostri Iesu Christi per quem mihi mundus crucifixus est & ego mundo, Quod certe non dixisset nisi hoc in se ita sensisset; non ita vero sensisset nisi quibus purgandis omnibus vita illa deseruit quæ purgatiua dicitur, plene purgatus esset: quod qui effecerit, quid aliud quam Crucifixo similis intus efficitur? Quid aliud clamat Apostolus cum ait *veterem nostrum hominem cum Christo crucifixum?* Quid est vetus homo nisi triplex illa concupiscentia de qua nunc sermo est? Quid est illam habere subactam sicut sanctum Franciscum vidimus habuisse, nisi habuisse crucifixam, nisi hoc ipsum quod Idem aiebat Apostolus, *qui sunt Christi carnem suam crucifixam cum vitiis & concupiscentiis?**

Hoc est autem, hoc est quod significant illæ Plagæ quibus insignitum eius Corpus fuit. Tres plagæ Corporis partes in similitudinem Crucifixi, crucifixam exhibent triplicem Concupiscen-



Primò, sicut in negatiuis Virtutum actibus quos ad purgantem viam pertinere diximus, homo Virtutis studiosus, Sculptoris partes agit, qui non nisi scalpendo & detrahendo suum elaborat opus, ita in positiuis Pictorem agere dicendus est, qui colorem colori addens non nisi apponendo perficit quod suscepit: Sic præclare sanctus Gregorius Nyssenus, *sua quisque vita pictor est, artifex huius operis est voluntas, colores sunt Virtutes, exemplar Christus.* Ep. 1.

Cum itaque totus esset S. Franciscus in illa idea quam à Christo præcipue Crucifixo in se exprimebat contemplanda, sic in seipso Crucifixum pinxit & formauit vt interior formæ species etiam foras erumperet. Hac est enim vis imaginationis nostræ quando firma & fixa est vt in corpus aliquo modo transfundat quam format rei speciem. Aut certe si non ipsa semper apparet in corpore species, quando radicitus & penitus infixa est animo, tam multis extrâ signis, tam multis naturæ seu corporis motibus se repræsentat vt sicut anima dicitur forma corporis, ita & corpus sit quædam animæ forma, prout foris spectandum id exhibet quod latebat intus in anima. Quapropter, licet studiosè ac diligenter Franciscus se contineret, ne quid eorum quæ pretiosa & illustria gerebat animo, exponeret humanis oculis, noluit tamen Deus hunc in illo latere thesaurum, & quam intus Crucifixi formarat speciem, dum eius in se virtutes tamquam pictor ab exemplari suo deprompserat, patere voluit per illas quinas Plagas quas alio etiam modo, vt dicitur, in eius depinxit corpore.

Deinde vero, cum acquirendarum aut exercendarum Virtutum is sit præcipuus Finis vt Virtutis cultor sit fidelis Christi Cultor, nec Virtuti seruiat nisi quia sic Christo seruitur, nisi quia sic seruum Christi oportet esse mitem, deuotum, humilem & aliis ex cultum Virtutibus quas qui faciles habet tum aptus Christi est seruus; & quisquis verè seruus Christi esse dicetur, hæc ipso Virtutes omnes habere credendus est; *Numquid considerasti seruum meum Iob quod* Job 1. *non sit ei similis in terra, homo simplex & rectus ac timens Deum?* Quasi diceret quod non sit alius qui Virtutes tam euidenter habeat quæ seruum Dei deceant. Quamobrem vt toti mundo notificaret Christus quale iudicium de Francisci Virtutibus ac meritis faceret, eum insigniter & singulariter indicare voluit suum esse seruum. Nempe sicut antiquis tum sacris tum profanis Mos erat seruos illos quos Domini vellent ex mutuo consensu sibi retinere in perpetuum

impositis quibusdam notis in corpore quasi suos sic designare ut patet Exodi capite vigesimo primo: Sic planè Christus sic Franciscum esse suum palam testatum voluit imponendo illi suas Plagas tamquam notas certissimas quibus esse Christi perpetuus & præcipuè commendatus agnosceretur.

Agg. 1. Sic sanctus Bonaventura cum sermonem inchoat de his Plagarum notis, *Fidelis reuera*, inquit, *famulus & minister Christi Franciscus*, quasi diceret, reuera patuit quam fidelis esset Christi seruus cum fidelitatis suæ luculentas ab ipso Christo notas accepit. Sic olim dicebat Deus de quodam inter Iudæos Nobili, Zorobabele dicto, cuius opera volebat uti ad reuocandum suum populum in Terram Sanctam, & reparandum dirutum templum: *Assumam te Zorobabel serue meus, & ponam te quasi signaculum, quia elegi te.* Id est, ponam in te signum quo pateat omnibus te in illud opus à me designatum & electum esse. Sic prorsus Francisco dictum à Domino, *Vade Francisce & repara domum meam*, non saxeam non inanem non artefactam, sed rationalem sed spirituales simul & visibilem quæ ipsa est vniuersalis Ecclesia, quam corrupti mores labefactant; Vade in hoc grande opus ad quod te assumo & eligo tamquam fidelem seruum meum; Et ne in dubium veniat talis electio, ponam in te signaculum quo meus esse insigniter agnosceris.

Rem. 1. Sic magnus ille Paulus, se singulariter seruum Christi profitebatur, quia videlicet suæ seruitutis impressas gerebat notas, unde audacter ait *Paulus seruus Iesu Christi*. At nonne Iudæus es, nonne ad pedes Gamalielis edoctus Moysem & Prophetas? Nonne sic Moysis aut Samuelis aut Eliæ vel Elizæi seruus? Respondet, & notanda valde est eius responsio, *Nemo mihi molestus sit, ego enim stigmata Domini Iesu in corpore meo porto*, Germanus hic nempe est horum sensus verborum: Nemo mihi deinceps tale facessat negotium inquirendo cuius sim seruus, an Moysis, an Christi, an vtriusque simul: Patet enim euidenter in corpore meo cuius sim seruus. Cuius enim stigmata siue impressas porto notas, huius & seruus sum. Ego autem non Moysis aut Samuelis sed Christi Iesu stigmata in corpore meo porto. Id est, cicatrices & plagas quas pro Christo accepi, Ergo & eius seruus sum. Dicamus & nos, Ergo & Franciscus singulariter seruus Christi est, quia stigmata Domini Iesu in corpore suo portat.

Et quemadmodum cicatrices & Plagæ Paulum esse Christi seruum non tam vere ac propriè denotabant quam Patientia, Mansuetudo, Charitas, ceteræque Virtutes quas in Plagis acceptandis exercuerat, & quarum Plagæ erant signa; sic planè non tam in Plagis sancti Francisci sistendum est quàm in eius Virtutibus per Plagas designatis; non enim plaga, non pœna, non flagella seruum Christi faciunt, sed Virtus in ferendis plagis. Virtus Francisci est quæ Franciscum fecit Christi seruum, seruitutis autem & Virtutis Signa sunt Plagæ.

Quod & tertio demonstratur; Cum enim ardentissimo patiendo & moriendi desiderio pro salute proximi teneretur, ut supra dictum est, nec nisi obita morte, ac tolerato extremo supplicio sibi vnquam satisfecisse videretur, tentaretque omnes quas licite poterat, moriendi pro Fide ac saluandis animabus vias; non ita visum est Deo, nec tamen visum est etiam seruum suum suo penitus desiderio defraudare, nam illi quidem Martyrium concessisse subeundum, sed non quale optabat, non Martyrium à tyranno inferendum, non Martyrium quo vita tolleretur, non Martyrium quo Fides tantum probaretur; Sed Martyrium Charitatis, Martyrium Humilitatis, Martyrium Pietatis, Martyrium totius Virtutis vel iam exercitæ vel deinceps perfectius etiam exercendæ signum certissimum: Sic enim expresse, sacer eius vitæ Author vbi de Spiritu Seraphico in specie Crucifixi apparente & Plagas Francisci manibus, cordi & pedibus inferente sic ait: *Intellexit nempe Franciscus, illo docente interiùs, qui & apparebat exterius, quod licet passionis infirmitas cum immortalitate Spiritus Seraphici nullatenus conueniret: ideo tamen huiusmodi visio suis fuerat presentata conspectibus, ut amicus ipse Christi pranosceret, se non per Martyrium carnis sed per incendium mentis, totum in Christi Iesu crucifixi expressam similitudinem transformandum.*

Ex quibus postremis Sancti Doctoris verbis quod postremum erat explicandum de Vita vniùsa manifeste patet: Sicut enim vita illa consistit in expressa perfectè Christi crucifixi similitudine ut dictum est, ita plane qui totus in illam similitudinem transformatus fuerit, in illa vita est. Cum verò ex illis constet Plagis sic Franciscum totum in illam expressam similitudinem transformatum esse, quid restat quin hæ Plagæ certa sint signa perfectæ illius Sanctitatis, & Evangelicæ perfectionis? Nec enim frustra sanctus

PPPPP ij

Apoc. 5.

Doctor addidit *totum*; Nam perinde est ac si diceret interius & exterius; Est enim duplex Christi crucifixi similitudo, nempe interior & exterior, siue dupliciter considerari potest in cruce Christus. Primo quidem quantum ad externam illam speciem qua pendet cruci affixus & quinque Plagis præcipuis male affectus. Deinde vero, quantum ad internam mentis Crucem quæ in eo sita erat ut amore langueret; Quantus enim amor, tantus languor, quantus Dei & hominum amor in Christi pectore, tantus ibi dolor de offenso Deo, & de puniendis hominibus. Sic Christus propterea dicitur *Liber scriptus intus & foris*. Prius quidem intus, nam inde est quidquid foris aspicitur. Sic itaque dupliciter considerati Christi crucifixi duplex eius in nobis est similitudo respondens externæ & internæ cruci; quapropter, ut dicebamus, cum sanctus Bonaventura dixit totum Franciscum in expressam Christi similitudinem transformatum esse, perinde est ac si dixisset, in internam ac externam similitudinem. Et sicut externa crux Christi ab interna pendebat & internæ signum erat, quatenus ex illo amore & dolore quem intus sentiebat, voluit pati quod extra in corpore passus est, ita similitudo Christi exterior in Francisco ducebatur ab interna, id est, quod Franciscus extra in corpore quinque Plagas haberet sicut Christus in cruce, proveniebat ex eo quod Franciscus ita intus amaret Deum & homines ut inde langueret seu vehementer doleret sicut Christus amore languebat & dolebat. Hæc erat prima Christi similitudo in quam Franciscus transformatus est: deinde cum alia exterior sequuta est, tum totus in Christi similitudinem, intus & extra transformatus fuit.

*Tract. de
amore Dei
lib. 6. c. 25.*

Hoc itaque probe nobis intelligendum est, quod suo more luculenter exponit Illustrissimus & de re tota spirituali ac præsertim de diuino amore optime meritus Episcopus Gebennensis; Cum nempe S. Franciscus ardentissimo Dei & Christi Domini flagraret amore, atque intima perfectissimæ Charitatis unionem cum ipso conjunctus esset, ita compatiebatur eius doloribus, ita condolebat peccatis alienis, ita conspirabat cum Christo ad diuinam placandam iustitiam & promerendam in peccatores misericordiam, ut ex illius vi & virtute unionis sentiret in animo & corpore quidquid sentiebat intus & foris in cruce Christus, gaudebatque se ita dolere & cum illo pati ob eosdem fines propter quos ipse est passus. Producebat igitur hanc utramque similitudinem hæc

Christi & Francisci cordium Vnio : & sicut sigillum cera impostum figuram suam exprimit, sic Christus crucifixus contemplatione & amore Francisco vnitus & quodammodo applicitus & impositus, expressam sui similitudinem ibi formabat, prius quidem intus quia ibi primus amoris ortus est, deinde foris ex abundantia, & singulari quadam communicatione omnium, qualis inter amantissimos esse solet.

Sic David & Ionathas cum simul ardentissimo conglutinati essent affectu dedit Davidi Ionathas suam vestem, sicque David Ionathæ similis extrâ fuit, sed prius illi similis intus erat vnde illud exterius emanauit. Vide in vultu corporis bene sani & affecti, ut purpureus in illo splendet rubor : non à rubore est sanitas, sed à sanitate rubor ; non ipse splendidus rubor ita est sanitas quam signum sanitatis. Sic plane diuinus ille & sanguineus rubor qui splendet in corpore sancti Francisci non tam ipsa est diuina vnio quam signum vnionis. O quale signum ! ó qualis vnio ! Qualis Christi & Francisci similitudo ! Pone Francisci vestem in Crucifixo, quem dixeris Christum nisi Franciscum ? Tum vero Franciscum nudum respice, quem illum dixeris nisi Christum ?

III. PUNCTVM.

Si quis igitur querat ex Propheta de Seraphico sancto Francisco, quid sunt Plagæ istæ in medio manuum tuarum ? respondere non dubites, Sunt certa signa quibus in sancto Francisco agnoscamus, & in nobis exprima mus veram Sanctitatem, & Evangelicam perfectionem. Sunt enim signa quibus liquet eum per vias rectas esse deductum à Domino, nec in primis eum destitisse quin ad suprema peruenerit ; nec ad suprema peruenisse quin à primis incaperit, & per media coherrentia progressus fuerit. Paris namque periculi, vel etiam maioris damni est supremum sine infimo, ac sine supremo infimum. Non est quidem satis à malo declinare nisi bonum facias : sed bonum non facies nisi à malo declinaueris. Si sanctus Franciscus in vna comprimenda concupiscentia totus fuisset, non crederetur quod diuinas illas Christi Plagas accepisset ; aut certe quantumcumque diceretur his esse plagatus in domo Domini, non dicerem Plagas illas certa esse Sanctitatis signa nisi edomitas eius concupiscentias mihi repræsentarent.

Cum Saulus ille acerrimus Christianorum persecutor repente factus esset prædicator, vix credebant alij Apostoli tam modico temporis interuallo ab vno extremo in aliud potuisse hominem pertransire; vix se illi audebant iungere, vix eius miraculis credere, vix in Ecclesiam illum admittere. Quid hic agat ille à Christo singulariter vocatus Apostolus, quibus certis suam Signis vocationem significet? suam certam faciat conuersionem? Audite & crudimini, *Continuò*, inquit, *non acquiesci carni & sanguini*. Quasi diceret, ne sit vobis suspecta vel dubia tam repentina mea vocatio, certas eius notas vobis produco, statim atque vocatus sum, sensi me à carne & sanguine reuocatum. Hoc est scilicet, hoc est firmum fundamentum quo vera nititur Sanctitas. Miremur sacras Francisci Plagas quantum voletis, admitemur tantam à Christo communicatam gratiam: Proclamemus illud Assueri Regis de Mardochæo, *sic honorabitur quemcumque Rex voluerit honorare*; Nulli cedere vellem in tali Viro celebrando; sed quod magis celebrare vellem, non est quod magis mirum & singulare videtur, non illa est Seraphici apparitio, non est illa Plagarum impositio, non est illa exterior cum Christo similitudo; Verùm quod illis Plagis significatur, hoc est quod veneror, hoc est quod colo, nempe Sanctitas, honorum contemptus, sui despicientia, Paupertas, Mansuetudo, Patientia, ceteræque Virtutes quibus tota eius vita contexta est; Hoc est inquam quod in illo magis velim celebrandum, quia hoc est quod veram Sanctitatem indicat, hoc est quo alia promeruit admiranda. Et certe laudabilius est, esse honore dignum quam honorari; longe id magis est honorificum quod honorem conciliat quam ipse honos collatus. Idcirco mira in Sanctis Deus operatur non quod mira Sanctitatem faciant, neque sint illi Sanctiores qui mira ipsa operantur: Sed quod illa mira qui spectant vel audiunt excitantur ad cultum & venerationem Sanctitatis & Virtutis quæ per illa Signa demonstrantur. Sicut cum aliqua in cœlo vel in aëre portenta nobis apparent quibus intuendis prouocati conquiramus quid illa significant aut portendant, & si quod forte malum impendat, illud auertamus, Sic Christus, sic Franciscus, sic ejus fideiores alumni velut quoddam signum & portentum apparent in mundo vt mundani hoc excitati spectaculo prouocentur ad querendum, Quinam illi? Quorsum ita? Quid sunt Plagæ istæ in medio manuum tuarum. Sic de se Christus ac de suis, *Ecce*

Ego & pueri mei quos dedit mihi Dominus in signum & in portentum ^{1. 2.}
Israel: Sic de se ac de suis Apostolus: spectaculum facti sumus mundo
& Angelis & hominibus. Id est, vnicuique Creaturæ quæ in illis Vi- ^{1. Cor. 14.}
ris habet aliquid quod suo modo spectet & miretur videndo tam
infirmos homines, tam potentes factos ut nullum adeo sublime
& arduum viuendi genus sit quod non aggrediantur & superent.

Hoc est scilicet, hoc est vel maxime quod referre debemus ex
illo Sanctitatis spectaculo quod nobis hodie proponitur, nullam
ut deinceps in Virtutibus exercendis causemur difficultatem, aut
in difficultatibus impotentiam. Sic ab ipso Christo pronuntiatum,
cum in fauorem suæ familiæ Franciscus has è cælo accepit voces:
Francisce nihil hic tuum, mea sunt omnia, regulam volo seruari ad
literam, scio Vires humanas, & quid eis conferre possim, abeant procul
qui velint aliter viuere. Tum vero Ille, *Auditis, auditis: vultis iterum*
repeti quod audiistis. Nos autem, Lector siue Auditor, nos hoc
ipsum ita videmus factum in illis religiosis Hominibus, ut quantò
visus est efficacior ad persuadendum quàm auditus, tanto nobis ex
illorum factis potentiùs excitetur ad agendum in nostro statu,
quod in suo verbis nos Illi docent & exemplis.



IN FESTO S. BRVNONIS ^{Die 6. Ochobris.} CARTHVSIIENSIVM FVNDATORIS.

Ecce elongavi fugiens & mansi in solitudine. Pl. 34.

VERITAS PRACTICA.

Quò magis inter homines, eò minor homo:
Quo minus inter homines fueris, eo maior homo
cuades.

RATIO EST, Quia maiorem aut minorem fieri hominem est,
magis aut minus constanter vera & Christiana ratione constare.

Sed quò magis inter homines fueris, eò minus constanter vera & Christiana ratione constabis; Ut è contra quo minus inter homines versaberis, eò constantius in illa Christiana ratione persistes.

Ergo & utrimque certissima Veritas; Unde quàm magnus fuerit S. Bruno, & quàm solícite nobis sit cauendum ab hominibus, facile colligetur.

I. P V N C T V M.

VIX dum puer esse desierat sanctus Bruno, cum Vir esse cepit; lam enim inde ab ipsis prope incunabulis dicitur infantiam deposuisse, ac virili quadam maturitate animi, non modo suos superasse coetanos, sed multos etiam tum proventus aetate viros. Nec dubium quin procedente tempore, procederet etiam Ratio, & accedentibus omnis literaturæ studiis, simul accederet quidquid superiorem illam animi partem ornare potest ac perficere. Quod vel ex eo patuit quod cum dignitatem quandam Ecclesiasticam multi ambirent, illius dignitati ac meritis vltro delata est, & suum ipse munus magis honorificauit quam à suo munere fuerit illustratus.

At verò cum stupendum illud religiosæ vitæ genus suscepit, cum egressus mundo, asperrimos illos & ab omni hominum congressu remotissimos montes qui apud Gallos in Delphinatu Carthuliæ nuncupantur, incoluit: cum ibi tam solitariam vitam instituit ut Silentio & Solitudine vita ipsa fundaretur, nutriretur, ac conseruaretur: tum profectò tum Vir supra viros, tum supra ceteros homines Homo major esse dicendus est, & prope illi similis, *quo major inter natos mulierum non surrexit.* Hoc est enim naturæ seu Gratiae perpetuum quoddam miraculum ut cum naturæ rationali nihil magis videatur proprium quam socialis hominum vita, conuersatio, colloquia; nihilque magis alienum & abhorrens quam solitudo & silentium; sic tamen Ratio deficiat ex mutua hominum consuetudine ac colloquiis; contrà vero perficiatur ex solitudine & silentio ut quò quis frequentius inter homines fuerit, eò minor homo redeat; & quantò quis minus hominibus assueuerit,

assueuerit, maior homo euadat.

Hoc pridem ex antiquis Philosophis Ille agnouit de quo sic Thomas à Kempis : *Dixit quidam : quoties inter homines fui, minor* L. 1 de imit.
homo redij, & addit ; Hoc sepius experimur, quando diu confabulamur. Ch. c. 20.
Mirum sane quod profanum & stoicum illum Authorem tam pius Scriptor protulerit, & vix in toto de Imitatione Christi opere reperias aliud ex profanis relatum. Sed tam vera, tam solida & memoranda illi vifa est hæc Sententia, vt minime dubitarit eam scriptis suis inferere, & Christianam quodammodo reddere. Quod autem scriptis Authores prodiderunt, hoc factis sanctus Bruno demonstrauit: nec iam vt vetus dictum, sed vt recens & præsens factum quod in Charthusiana perstat familia, licet nobis contemplari & quærere quid sit quamobrem, *quantò quis magis inter homines fuerit, tanto minor homo ; Vel quanto quis minus homines frequentarit, tanto major homo euadet?*

Hæc autem inter alias occurrit Ratio, quod scilicet Christiano, maiorem aut minorem esse hominem, nihil aliud sit quam magis aut minus constanter vera & Christiana ratione constare. Licet enim, si homo consideretur in illa quam dicunt substantia qua non recipit magis & minus, non sit vnus magis homo quam alius : si tamen attendatur vt, ratione constat, tamquam essentiali differentia qua in se constituitur & ab aliis differt creaturis, potest & debet homo dici tanto maior aut minor homo, quanto magis constanter de vera ratione participabit. Dico de vera ; & constanter, nam humana ratio nisi diligenter caueatur, tam multis infuscatu tenebris, tam variis implicatur erroribus, & humanis ipsis affectibus tam diuerse mouetur, vt multum distinguenda sint vera vel falsa Ratio, cæta vel incerta, mundana denique vel Christiana quæ sola vera est, quia sola primæ Rationi respondet, congruit, & coheret; tantumque discriminis interest inter humanam ipsam rationem, & hæc nostram Christianam, quantum inter stultitiam & Sapientiam : neque naturalis stultitia magis differt ab humana Sapientia, quam hæc humana sapientia differat à Diuina, quod fufè probatum habes in 2. parte, in die Festo Pentecostes; Vnde id liquet quod habet Propositio, tunc illum esse dicendum maiorem hominem qui de Christiana ratione magis constanter participauerit, quia hæc est sola vera Ratio cuius maior participatio tam verè facit maiorem hominem, quam simplex eius ca-

pacitas simpliciter constituit hominem.

Matth. 13.

Additur vero *constanter* quo vno totum constat, nam Tempora-
les repudiantur à Christo Domino qui eos comparat terræ lapi-
dæ non ferenti fructum, de quibus dictum est variis in locis, & ubi
præsertim hæc explanatur Veritas:

Qui ad tempus credunt nullo credunt tempore.

Qui temporales sunt, nullius sunt temporis.

Tabern.
Sancti.

Dom. 6. post
Epiph.

In 2. parte, Dominica Sexagesimæ; Quamobrem oportet esse
tam constantes in hac participanda ratione, quam in ipsa possi-
denda, quia non est vera possessio nisi sit ita firma constans & in-
concussa nullis ut cedat oppositis. Quod sapienter intellexit Ec-
clesia dum sic Deum orat: *Deus qui mirabiliter creasti hominem, &
mirabilius redemisti, da nobis quasumus contra oblectamenta peccati,
mentis ratione persistere, ut mereamur ad æterna gaudia pervenire. Et
rursum: Præsta quasumus omnipotens Deus, ut semperrationabilia me-
ditantes qua tibi sunt placita, & dictis exequamur & factis. Vbi hæc
voces persistere & semper, sunt præsertim expendendæ.*

IL P V N C T V M.

SED quo magis inter homines fueris, eò minus *constanter* vera illa
& Christiana Ratione constabis; Vt è contra, quo minus inter homi-
nes versaberis, eo *constantius* in illa *perstare* poteris.

Matth. 13.

Nam cum illa Ratio potissimum consistat in Veritatibus Evan-
gelicis quæ totæ à mundo siue à mundanis hominibus expugnan-
tur; nisi quis diligentissime sibi caueat, statim ut audit uniuersos
homines suo modo ac more contrario loquentes & sentientes, si-
mul ita loquetur & sentiet, cum præsertim à natura corrupta
tam suauiter eò moueatur ut vix motum percipiat, nisi forte cum
illi resistendum esset quod valde paucorum est, valde rarum, &
valde modicum, quia de honore tùm agitur, quàm tum à mundo
irridetur qui se mundo non conformat; Nemo autem libenter
irridetur, sicque fit ut desistat profiteri & sentire & credere quod
alioquin pro certo crederet nisi se contra mundus opposeret. Pro-
pter verbum, inquit Dominus, continuo scandalizantur: Credunt ad
tempus & in tempore sentationis recedunt non à mundo, sed à Veri-

Lumen diuini vultus, id est, insita nostris mentibus Lex naturæ, sacros religionis cultus instituit; At quàm paucis vel personis vel temporibus constiterint, doceat hæc Scripturæ verba quæ de ipsis mundi proferuntur initiis: *Videns Deus quod multa malitia hominum esset in terra; & cuncta cogitatio cordis intenta esset ad malum omni tempore, penituit eum quod hominem fecisset in terra.*

Gen. 6.

Ps. 106.

Is. 2.

Tum vero post sibi selectum Dominus populum fecit quem certis erudiret legibus, bearet præmiis, & puniret poenis: Nihil illo tamen inconstanter populo; & quantumcumque reuocaretur ad meliorem à Deo latum, *Cito fecerunt, inquit Dauid, obliti sunt operum eius, & non sustinuerunt consilium eius.* Ipsi Deorum fabricatores inanum longè constantiores erant in falsitate sua, quàm veri Dei Cultores in veritate obsequij quo se illi astrinxerant; Vnde ad illos in suæ probrum perfidiæ, mittuntur & audiunt à Propheta: *Transite ad insulas Cethim & videte: in Cedar mittite, & considerate vehementer, & videte si factum est huiusmodi: si mutauit gens Deos suos; Et certe ipsi non sunt Dij: populus vero meus mutauit gloriam suam in idolum!*

At vero etiam in religione Christiana, quæ ad firmandam constantiam tam multis sustentatur præsiidiis, quis nescit quantus esset in primis eius exordiis feruor & zelus? Quis verò ignorat quàm parum durauerit, quàm multum intepuerit, quàm pene totus abierit? Et ne longum faciam, percurrite si lubet, consequentium annales sæculorum: reuolue animo quàm multi quàm aliter quàm præclare instituti diuersorum ordinum status, siue quos vocant Ecclesiasticos, siue Regulares, siue Clericos, siue Mendicantes; quàm foede omnes ante ducentos annos à primaria sua forma defecuerint! Quàm prauè omnes in laxatos soluti mores defecerint; Cum inter illos tamen soli Carthusiani constantes & sibi semper similes in primo suo persisterint statu, & decore. Non illos longitudo temporum, non disciplinæ asperitas, non naturæ infirmitas, non aliorum exemplum à natiuo suo proposito ne latum quidem vnguem reuocarunt. Idem hodie post sexcentos fere annos qui primo die habitus, idem victus, idem vultus, idem est animus. Idem omnes quasi vnus Bruno, quasi iam nunc inciperet quod per tam multa & varia propagatum miramur sæculà.

Vnde porro ista est firmitas, vnde talis Constantia? *Ecce, inquit, elongaui fugiens & mansi in solitudine!* Solitudo & silentium

Quò minus inter homines fueris, eò major homo euades. 361

cum diuina gratia, singulare hoc opus effecerunt: opus sane tam mirandum quàm est singulare: tam porrò singulare quam caste & sincere custodita fuit illis solitudo & taciturnitas.

Oppositorum eadem prorsus in sua est oppositione ratio. Sicut nimia hominum inter sese consuetudo & familiaritas causa est Inconstantiae religionis seu Christianae & religiose pietatis, sic solitudo & silentium causa est constantis in Euangelica Veritate animi, veraeque Rationis statu firmiter retinendo, *Propter quod exite 2. Cor. 6. de medio eorum & separamini, dicit Dominus, & immundum ne tetigeritis.*

III. P V N C T V M.

HINC igitur patet quàm sit ex vtraque sua parte, certa Veritas, *Quò magis inter homines, eò minor homo: Et quo minus inter homines fueris, eò major homo euades.* Quia scilicet inde maior & constantior pender illa Ratio quàm qui magis aut minus abundat, maior aut minor homo dicendus est: Vnde est illud Prophetæ, *Sedebit solitarius & tacebit, quia leuauit super se.* Quod sic rlm. 31 quidam videntur clarius reddere cum dicunt *quia sedebit solitarius & tacebit, idcirco seipsum leuauit super se*, Id est, maior seipso & maior homo factus est. Alij tamen adhaerentes Scripturae prout jacet, hunc afferunt duplicem sensum sanè opportunum. Primò, *sedebit solitarius & tacebit quia leuauit super se*, Id est, quisquis se solitudini & silentio dederit, signum est iam magnum esse hominem, & suprâ quàm solet fieri, nam pauci hoc faciunt. Deinde vero postquam sic solitarius & taciturnus extiterit, maior adhuc euadet, & tanto fiet seipso maior manens in solitudine, quantò erat aliis eminentior cum solitudinem petiit.

In quem pari modo sensum, Sapientis illud adducas: *Non ventiles te in omnem ventum, & non eas in omnem viam. Eslo firmus in via Domini & in Veritate sensus tui, & scientia.* Quali diceretur, si firmus in via Domini fueris, non ventilabis te in omnem ventum: Vel potius, si te non ventiles in omnem ventum, si te turbis non immisceas, si te domi religiosè contines, nec multum extra diuageris, tunc firmus eris in via Domini, & in Veritate sensus tui, quia videlicet illa sensus tui Veritas periret foris, quæ domi conseruabitur; Nimis enim verum est quod Isaias deplorauit, *quia corruit Is. 52.*

in platea Veritas : vnde & illud quod ibidem sequitur apud Prophetam, discursum nostrum valde confirmat, sic enim pergit : *Et vidit Dominus, & malum apparuit in oculis eius quia non est iudicium, & vidit quia non est Vir.* Sicut qui intellectu vel iudicio naturali penitus careret, quales sunt fatui & amentes, non diceretur vir, aut diceretur quasi non vir quasi non homo, quia cum iudicium pars illa sit hominis quæ homini magis conuenit, quisquis parte illa deficit, deficit ab homine. Sic coram Deo, iudicium sanum & rectum quale solum est illud quod secundum Veritates æternas de rebus iudicat, pars illa est in homine qua quantum quisque fuerit præditus, talis tantusque vir siue homo censebitur. Et quia in plateis, siue in conferta hominum turba tale iudicium corrumpit, sic nullus vir inter eos qui turbas illas nimis frequentaret, esse dicitur : aut quanto magis aut minus illas frequentes, tanto major aut minor homo fueris.

At dices, nonne ad necessarios vitæ usus, nonne ad ciuilem cultum, atque ad communem viuendi morem frequentandi sunt homines, & illa interdum etiam adeunda triuia & compita quæ frequentia hominum celebrantur ?

Responderi multa possunt. Primo, sapientes & beatos illos esse qui se inde subtraxerunt, & quibus tamen nihil deest ad vitam transigendam, nam optimam illi partem elegerunt.

Secundo, qui necessitate suæ Conditionis eò redigentur vt turbas frequentent, necessitati solum seruiant, non curiositati, non vanitati, non cupiditati, non libidini, nec aliis humanis affectibus qui plurimum ibi exardescunt : sic vtentur hoc mundo, tamquam non vtantur, de quibus apte sanctus Gregorius : *Sunt nonnulli qui vt fruantur Deo, dispensatoriè vtuntur hoc saculo ; Et sunt nonnulli qui vt fruantur hoc saculo, transitoriè vtunt Deo.* Et alibi : *Sancti viri nequaquam illas occupationes appetunt, sed occulto ordine sibi superimpositas gemunt, & quamuis illas per meliorem intentionem fugiant, tamen per subditam mentem portant, quas quidem summopere si liceat, vitare festinant, sed timentes occultas Dei dispensationes tenent quod fugiunt, & exercent quod vitant.*

Tertio, Laudabiles illi plane sunt qui vt sæcularem illum puluerem exeunt se aliquoties in anno à solitiis retrahunt negotiis, aut sæpius etiam in mense, vel in hebdomada, salutari se dedunt otio quo sua melius conficiant negotia, sicut suprà passim ex mul-

Quò minus inter homines fueris, eò major homo euades. 363

et Veritatibus patuit, atque in primis ista quæ habetur in 2. p. Dominica Septuagesimæ:

Sicut nemo otiosus operatur in vinea Domini, sic nemo bene operatur nisi otiosus.

Et FERIA 2. infra octauas Ascensionis:

Nulli magis necessario secedendum quàm qui minus necessarium sibi putat secessum.

Quartò denique, solitudo quadam est mentis quæ in mediis turbis & negotiis seruari potest & debet, vt docent sancti Patres:

Imò & quo est magis necessarium frequentare homines, magis necessaria est talis solitudo:

Quæ certe Veritas seorsum aut conjunctim cum alia proponi posset, & sic declarari: *Quo est magis necessarium frequentare homines, maius est periculum contrahenda multa macula qua puritas animæ non parum infuscescit*: Quid enim in animos non efficit necessitatis prætextus? Quos non affectus excitat? Quas non sollicitat curas? Quos non timores commouet? Quantum his deuotio laeditur, Charitas, Mansuetudo, Benignitas, cæteræque Virtutes? *Difficile Ecclesiæ, exuitur negotians à negligentia*, vt ait Sapiens.

Sed quando tale periculum imminet, tunc illa mentis solitudo magis est necessaria, qua se homo scilicet ab illis humanis affectibus seuocet & contineat; qui sine cura in mediis versetur curis: qui sine metu inordinato caueat quidquid cauendum est: qui nihil eorum negligat quæ sibi agenda sunt, quæ scilicet à se pendent; & nihil eorum aggrediatur quæ sibi Deus soli reſeruat; qui res suas vt res Dei vel res Dei tamquam suas suscipiat; aut vt vno verbo dicantur omnia, qui ex multis negotiis, vnum tantum existimet quod est diuinam exequi voluntatem. Tunc suo modo sedebit solitarius & tacebit, aut quantumcumque cum aliis ambulet & loquatur, solus erit interna illa solitudine quæ mundo & mundanis curis animum soluit, & quæ ita suo modo Magnos etiam ex paruis efficit Viros, vt contra, ex magnis parui fiant si se rebus humanis subdant & premi sinant.

Audi rursus sanctum Gregorium, ad illa verba Iob, *Cui dedit 1ob 39. in solitudine domum. Quid prodest solitudo corporis si solitudo de-*

2.30. *Mr.* fueris cordis? Qui enim corpore remotus vixit sed tumultuantibus con-
 2.12, uersationis humana terrenorum desideriorum cogitationibus se inferis,
 non est in solitudine. Si vero prematur aliquis corporaliter popularibus
 turbis, & tamen nullos curarum secularium tumultus in corde patiatur,
 non est in urbe. Itaque vere conuersantibus primum solitudo mentis tri-
 buitur ut exurgentem intrinsecus strepitum terrenorum desideriorum pre-
 mant, & ebullientes ab infimis curas cordis per superni gratiam restrin-
 gant amoris, omnesque motus importunè se efferentium lenium cogita-
 tionum quasi quasdam circumuolantes muscas ab oculis mentis abigant
 manu granitatis, & quoddam sibi cum Domino intra se secretum qua-
 rant, ubi cum illo exteriori cessante strepitum, per interna desideria se-
 lenter loquantur:

Vide in 1. p. Die 14. Ianuarij, vbi hæc Veritas exhibetur:
 Nemo secure apparet nisi qui libenter later.
 Nemo secure loquitur nisi qui libenter tacer.



Die 15.
Octobris.

IN FESTO S. TERESIAE CARMELITARVM DISCALCEATORVM FVNDA TRICIS.

*Una Mulier Hebraea confusionem fecit in domo Regie
 Nabuchodonozor. Iudith 14.*

VERITAS PRACTICA.

Aut pati aut mori, vel confundi.

Aut pati aut mori cum sancta Teresa, vel confundì
 ab ea, quòd nolis pati.

Quam confusionem Iuditha fecit in domo Nabucho-
 donozor, hanc Teresa fecit in vniuerso mundo
 qui nil volebat pati.

RATIO

RATIO poſtrema partis quæ alias complectitur hæc eſt, quod idcirco Iuditha confuſionem fecit in domo Regis Nabuchodonozor, quia cum eſſet mulier ſexu infirma, Ducem potentiſſimi proſtrauit exercitus, quod eſt valde probroſum & pudendum.

Sed ſancta Tereſia ſic uniuerſum ſuo modo proſtrauit mundum qui nil volebat pati.

Ergo eandem confuſionem in mundo fecit; Ergo confundatur & erubeſcat quiſquis adhuc ita de mundo fuerit ut nolit pati quod patiendum eſt; & tali confuſione percuſus reſipiſcat & pati diſcat.

I. P V N C T V M.

QUANDO dixit Apoſtolus, voluntatem Dei eſſe San-
ctificationem noſtram, non hoc ſenſu tantum dixit quod
Deus vellet nos eſſe Sanctos, ſed quod noſtra potiſſimum
Sanctitas in eo eſſet perfecte adimplendo quod à nobis ſingulari-
ter vellet Deus. Neque enim omnia pari vult modo ab omnibus,
cum vnusquiſque proprium donum & ordinem ſuum habeat quo
ſibi perfectam videre poſſit Dei voluntatem, & in quo proinde
vno excolendo tota cuiuſque Sanctitas & perfectio ſita eſt. *Virum* 1. Cor. 7.
voluntatis mee, ſic vocat Deus Sanctum quali qui deſponderit cer-
tam Dei voluntatem velut ſponſam cui totus adhareat, & quem
illa totum poſſideat; ut ſicut ſponſus & ſponſa iam non ſunt duo
ſed vnum, ſic Vir ſanctus & diuina voluntas cuius ſe fecit virum.

Atque hinc fit ut qui dignas Sancto Viro laudes agnoſcere,
meditari & prædicare velit, non aliunde oportuniùs poſſit eas
depromere quàm ex illo ſingulari Sanctitatis gradu quò vocatus
eſt, & vbi Sanctificatus eſt. In quo certe multi errant qui ex San-
ctorum factis ea magis ſeligunt prædicanda, non quibus Sancti
facti ſunt ſed quibus magis mirabiles, ut & ipſi qui eos prædicant,
admirationis quandam partem ſibi concilient non Sanctitatem.

Quod præcipue cauendum eſt in hac noſtra celebranda Sancta,
quæ cum tota ſit mirabilis, tota ſublimis, tota Seraphica, niſi di-
ligenter caueatur ſic totus abibit diſcurſus in illis mirabilibus com-

mendandis vt quod Sanctitatis eius Caput est deferatur. Habet enim Illa suum donum proprium, suam diuinæ Virtutis certam notam & Sanctitatis tesseram qua veræ laudes eius continentur. Non sunt porro ectases, non raptus, non volatus, non quidquid huiusmodi magnificentius decantari potest, non illis sancta Teresa sanctificata est, non istis proprium eius donum consistit. Sunt illa quidem stupenda & omni veneratione digna, sed sunt alijs sanctis communia. Quod illa proprium & singulare habet, hoc est *Mulierem esse fortem* quam inuenire sit valde rarum.

Præm. 31.

Supra.

Inuenta est aliquando Iuditha quæ cum aliquot hostes suæ patriæ sublato eorum duce fugasset, hanc Nominis sui celebritatem retulit vt de illa diceretur: *Vna mulier fecit confusionem in domo Regis Nabuchodonozor!* Insigne profecto fortitudinis ad omnem memoriam facinus: sed quid Rex ille Nabuchodonozor, aut quæ domus eius præ toto Mundo quem vna Teresa suscepit impugnandum & expugnauit? Nonne tanto fortior dicenda est quanto eius hostis erat potentior? Nonne pari saltem iure de illa dici debet *Vna mulier fecit confusionem in vniuerso quem vicit mundo?* Quid potentius? Quid nobilius? Quid commendatius? Hoc est autem, hoc est proprium & singulare donum Teresiæ quo & eximiam suam Sanctitatem consecuta est, & vnde potissimum peti debet quidquid de illa rectius dici debet. Hoc est quod modo proponitur expendendum quàm illa fortiter mundum vniuersum expugnauit: quàm merito inde mundus confundi debeat, & quàm prudenter ex hac confusione discat sibi prospicere, seque in triumphum Victricis suæ libenter dare, quo & victi vincent, & triumphati triumphabunt.

Quamobrem cum Finis practicus iste sit, vt quisquis de mundo est, ex facto sanctæ Teresiæ confundatur & resipiscat, Videndum primo est ex facto Iudithæ, quid sit confundi, quid sit quod in domo Regis Assyriorum dicatur inde orta confusio. Tribus id modis explicari potest. Primus est confundi hoc idem esse quod exterius permisceri, turbari, perueri, sicut confusus exercitus, confusa turba dicitur cum suum quisque deserit ordinem, & confuse progreditur.

Secundò in animum id transfertur, cum qui confunduntur exterius inde fiunt consilij inopes, stupefacti & incerti quid agant, hoc est rursus confundi.

Tertiò denique cùm exterius & interius illi ipſi conſequenter pudeſcunt & erubeſcant quod ſuam ibi perire famam animaduertant, pudor iſte confuſio dicitur, quo in ſenſu hic potiſſimum debet intelligi. Nam licet aliis duobus modis confuſi fuerint Aſſyrij, licet turbata & diſſipata fuerint eorum caſtra, licet ipſi mente perturbati quaquaueſum ſe fugæ dederint, tamen quod illos pelus affecit, hoc vnum fuit quod viderint vel audierint manu ſœminæ ſuum Ducem truncatum, & ſe ita deluſos ac proſtratos, quod certe Viris eſt pudendum, & bellicofis hominibus toleratu difficile. Quod ſenſit ille quondam Abimelech qui graui percuſſus à ſœmina vulnere, prouocauit armigerum ſuum vt ſe interficeret, *Ne dicatur, inquit, quod à ſœmina interfectus ſim.* Sic ipſa Iudith in *Indicum 9.* Cantico ſuo dum de parta victoria gratias Deo redderet, ſic illudens Holoferni à ſe occiſo dicebat: *Dominus tradidit eum in manū ſœminæ: non Filij Titan percufferunt eum, nec Gigantes, ſed Iudith filia Merari in ſpecie faciei ſuæ.* Quod & diuino conſilio ſic factum eſt vt qui contra populum Dei ſuis confidentes armis pugnare præſumebant, ſic magis vincerentur dum confunderentur, magis autem confunderentur dum à ſœmina vincerentur. Sicut quando à *1. Cor. 12.* muſcis & locuſtis Pharao vexatus eſt; & Dauidis funda proſtratus Goliath: ſic infirma mundi Deus eligit vt confundat fortia, & diſcant confuſi fortes fortioſiorem ſe agnoſcere, non contrā obuii ſed potius ſeſe illi ſubmittere ac proſtreri quod humiliatus ille Antiochus tandem agnouit, *Iuſtum eſt ſubditum eſſe Deo.* Confundantur, reuereantur, & reuertantur ad Dominum, Hic finis quem à confuſis peccatoribus intendit Deus, vt pudore victi ſacilius & vltro reuertantur. *2. Mach. 9.*

II. PUNCTVM.

SED ſancta Tereſia velut altera Iudith aut etiam illa maior ſic vniuerſum proſtravit mundum.

Primo explicandus quis ſit ille Mundus, tum deinde quomodo proſtratus fuerit. Cùm autem varia Mundus ſignificet tum hic præſertim ſumitur pro malis aut imperſectis hominibus qui ſe Bonis opponunt aut qui meliori bono aduerſantur, ſiue id fiat aperta vi, ſiue oppoſitis moribus, ſiue ſuppoſitis rationibus, ſiue illatis

Rrrr ij

probris, aut faceris diſtictis, ſive id tandem quocumque ſit modus dum virtuti & perfectioni ſe opponunt, ac modus ipſe quo ſe opponunt quicumque prorsus illi fuerint, Mundus dicuntur, Mundus qui non cognouit ſaltem in praxi, Dominum; Mundus qui cum carne ac Dæmone conſpirat in animarum perniciem: Mundus qui quo eſt blandior eo eſt pernicioſior: Mundus qui quod claudeſtinè machinatur Dæmon, aut tacite Caro, palam & apertè proficitur ac prædicat: Mundus qui fidem Euangelicam omnino abrogat, ſed quidquid eſt auſterius in Religioſorum clauſtra procul amandat: Mundus qui ſe his etiam religioſis induans clauſtris, ad Nouitios remittit quæ ſunt primi feruoris, & perfectioris inſtituti: Mundus qui plus deferens carni quam ſpiritu, plus tempori quàm æternitati, cauet diligenter ne quid admittat quod vitæ obſit vel ſanitati: Mundus qui nimiam difficultatem in his quæ non placent cauſatur, & qui nimiam difficultatem velut impoſſibilitatem interpretatur: Mundus qui Conſcientiæ pacem, & vitæ laxitatem ſic vellet ſimul conjungere, vt dum laxius viueret, Conſcientiæ pacem ſeruaret: Mundus qui naturæ corruptionem pro Naturæ lege ſtatuit, & qui talem naturæ legem, legi Gratiæ præponit: Mundus qui quod in aliis bonum ædificat, in ſe imprudenter deſtruit, & quod in aliis deſtruit malum, in ſe latenter ædificat. Mundus denique qui virtutes humilitatem, patientiam & alias ſatis commendat, ſed qui nollet humiliari nec pati, nec alias virtutum tenere vias.

Hic eſt Mundus, hi ſunt homines, hæc eſt viuendi ratio quæ tum præſertim in toto terrarum orbe vigeſcit cùm Tereſia viueret proxime ſcilicet præcedenti ſæculo circa ſalutis annum quingenteſimo & triceſimum ſupra milleſimum. Nunc videamus quomodo hunc deuicerit mundum.

Multis id modis dici poſſet. Primò cum adhuc duodennis legiſſet vitam Sanctorum & quæ paſſi erant Martyres pro fide Chriſtiana propaganda, iam ex illa ætate tantum exarſit in amorem Dei, vt relictæ domo paterna ſe in viam vnà cum fratre dederit qua Mauros, Turcas, Saracenos, & alios fidei hoſtes peteret vt ab illis vel in ſeruitutem redigeretur vel necaretur. Hoc eſt certe mirum & planè nouum: Nam quod alij multi fuerint Martyres, & nonnullæ etiam puellæ, ratio erat euident quod inter Inimicos Chriſtiani nominis verſarentur, vel ab iſtis ita quærerentur ad ne-

cem ut vel moriendum eſſet vel fides abiuranda. Sed nihil hîc tale eſt, nulli hoſtes, nulla perſecutio, nullum periculum, nulla occaſio: domi reſideat, templum adeat, ibi oret, ibi Sacramenta frequentet, nonne illi ætati ſatis erat ad colendam pietatem? Erat certe ſatis caſicumque alteri, ſed non Tereſia quæ iam aliquid grandius ad mundum ſuperandum ex illa prima ætate meditabatur. *Nempe hæc eſt Victoria qua vincit mundum fides noſtra.*

1. Ioan. 5.

Veni cum ex illo itinere reuocata in domum fuerit & ſuis reddita parentibus, non immoremur diutius in illa prima Mundi Victoria. Secundo itaque dici poſſet quod Mundum vicit quando non longè poſt illum ſuum reditum àquærendo martyrio, religioſum ingreſſa eſt inſtitutum. Hoc eſt quod vulgò dicimus Mundum deſerere, & cum multa ſint in mundo quæ hoc diuinum opus impugnent & impedian, quando illa ſuperantur obſtacula, tunc dicitur vinci mundus, ſicut & vincuntur Dæmon & Caro quando eis reſiſtitur, *Gratias Duo*, ait Apoſtolus, *qui dedit nobis victoriam*, per Ieſum Chriſtum, nempe illorum victoriam qui ſe opponebant *noſtris* obſtaculis. Erant porro tria in mundo quæ ſingulariter Tereſiam retardare poterant; Primum, tenera & infirma valde complexio; robuſtos namque ac validos requirit religioſa profeſſio. Secundum, ſublimis quædam & generoſa indoles quæ nihil inſimul & ſeruile ſapit, ſed ſurſum ſemper emînens, nil niſi dominari appetit, quæ certe naturalis conſtitutio multum abhorret à clauſtrali vitæ forma quæ tota eſt in humili obedientia, quæ tota eſt in elatione deprimenda. Tertium denique quod aliis erat grauius, mutus erat parentum amor qui vtrîque filialem animum non mediocriter impetebant: Quâ enim parte diligebatur à ſuis, ô quæ vincula! Quæ retinacula! Et qua parte ſuos diligebat, ô qui ſenſus: ô quæ certamina! Vicit tamen, vicit hæc omnia religioſus animus, & naturæ infirmitatem, & indolis appetitum, & parentum affectum: & ſe in Sacram Carmelitarum familiam admittere petit, vrget & impetrat. Quæ certe mundi victoria non potuit non eſſe glorioſa, ſed potuit eſſe communis aliis, & eſt aliqua in Tereſia ſingularius quo Mundum viciſſe dicenda eſt.

Erat illa Carmelitarum Religio religioſa quidem & quantum ſerebant illa tempora, ſuis aſtriſta regulis: ſed non ſerebant tempora multum diſtriſtas regulas. Remiſerat nonnihil à primævo Inſtituti ſeruore ac rigore ſtatus domeſticus: Viſtus, veſtitus, ſer-

mo, congreſſus, non ita parcus, non ita durus, non ita grauis: Molliora permittébantur plurima: mitius agebatur cum corpore: mitigatum erat vitæ genus: ſic toleratum, ſic permiſſum, ſic paſſim ad omnibus viſitatum. Viginti totos annos in hoc viuendi genere Tereſia poſuit, ſed non plures. Audiuit, legit, conſiderauit quæ priſca fuerat Primorum ordinis forma: Quid ſanctus Alber- tus ante quadringentos annos ſtriſte ac ſancte conſtituerit, quid conſequentibus poſt ſæculis religioſe ſeruatum fuerit, reuocauit in mentem, & alte penitus in animum iniecit ſuum, quo caput ipſa in ſe ingredi, ratiocinari, circumſpicere omnia, conferre præterita cum præſentibus, mirari diſparitatem, tædere laxitatis, ſuſpirare ad illa quæ fuerunt, audere aliquid in ſe priuata, tum vni aut alteri ſororum familiarium idipſum communicare, ac denique totam quam habitabat domum, totum quem profitebatur ordinem, ac ipſum vniuerſum ſi poſſet mundum, incipit velle in melius reſtituere, reformare, redintegrare.

Quale opus, Deus immortalis, quale hoc opus, vt vna tam mul- tos conuertat, vna tam multos viros mulier, indocta doctos, Infirmi fortes, egena diuites? Sapſne Tereſia cum de aliis, cum de Viris, cum de Superioribus cum de toto cogitas Ordine ſuam in priſtinam reſtaurando diſciplinam? Quid dices, quid facies quod illi Viri non ſtatim reſellant & repudient? Priſcum inſtitutum allegabis: At dicent eſſe priſcum, & iam aliud in vſu eſſe. Tu reuocandum illud vrgebis: At illi cauſam cur non reuocetur hanc eandem adhuc eſſe quæ aliquando fuit vt mutaretur. Tu cauſam ſciſcita- beris: Et illi protinus, naturæ infirmitatem, debiliores corporis vires, & iniquiora eſſe tempora quàm vt ſtriſtius ſeruetur regula, reſpondebunt, probabunt, confirmabunt. Tu quid dices? Nonne tu ipſa ſentis quàm ſis infirma, quàm ſis inualida? Negabiſne quod ipſo ſenſu magis in dies experiris? NON negabo, inquit, infirmitatem meam, ſed ſimul tamen audebo cum Apoſtolo dicere,

2. Cor. 12. *Cum infirmor, tunc potens ſum.* Date mihi hanc veniam ſi libentius loquar, dum vires noſtras nimis deprimitis, vires ipſas humanas nimis extollis, quaſi poſſimus aliquid ex nobis tamquam ex nobis! quaſi poſſemus ex noſtris viribus ſi robuſtiores eſſent, perfectionem attingere. Quaſi à nobis alij fuerint qui primi noſtrum fundarunt inſtitutum.

Non eſt iſtud negotium, non eſt humanis metiendum viribus,

ſed diuinis ſuſtentandum conſiliis ac præſidiis. Qui dedit velle, dabit poſſe ac perficere. Dedit vero velle quidquid perfectius eſt, qui dedit velle pati. Non poſſe prætendimus, ſed nolle in cauſa eſt. Cauſa eſt inquam totius laxitatis diſciplinæ, nolle iugum Chriſti ferre, nimis amare vitam, nimis timere mortem. Non poſſumus quidem non pati, neque ad hoc promittitur gratia vt non patiamur nec moriamur, ſed poſſumus velle pati ac velle mori, atque hoc eſt quod noſtræ nobis confert Vocationis Gratia. Hoc eſt quod ipſa ſentio, pari ſenſu cum infirmitatibus meis. Continuus mihi dolor eſt capitis: hunc dolorem volo & dolor mihi ſuauiſ eſt. Languentem pene ſemper ſtomachum gero; ſed languor iſte placet & viuio ſœlicior quàm ſi non languerem. Instantem mihi mortem intentant quotidiana cordis deliquia, ſed mortem illa tam lubens volo, & adeo non eius pericula metuo quin mihi potius hoc vnum in votis eſt, *AVT PATI AVT MORI*. Si viuio, mihi patientum eſt: aut niſi patiar, mihi moriendum: adeo pati ſuaue eſt volenti, vt vita ipſa ſit inſuauiſ niſi viuendo patiar.

Timetis mihi à tam infirmo corpore ne diutius viuam, ego vero vt viuam longe alia mihi quero quàm patiar. Dato mihi vni totum illud ſimul collectum quod ſingulis ſeorſum aliis diuiſum eſt; hoc ego quero quod patiar; neque ceſſabo querere donec omne genus tolerantia mihi conciliauerim & meum fecerim, ieiunia, nuditatem pedum, flagella, cilicia, ſilentium, ſolitudinem, contemplationem, correptiones, humiliationes & quidquid rerum eſt huiusmodi, res illæ meæ ſunt, & in illis ferendis tam arcte velim conſtringi, vt quoties maior aderit Dei gloria, ſingulari voto me obligate decernam, ne vlla in parte penitus mihi laxari & indulgeri poſſit.

Quid his ruriſum opponeret Mundus dictis videri poteſt ſuſius in eius conſcripta vita; ſed vide etiam quàm conſtanter contra obſiſterit, quàm fideliter cuncta quæ dixit ſe poſſe & velle in Domino, ſit exequuta; quàm ſœliciter ſuum Ordinem in priſtinum actioris vitæ ſtatum reuocarit; quàm fortiter idcirco aduerſa quæque obſtantia pertulerit, & tandem ad optatum finem perduxerit, Vide hæc attentius & agnoſce nùm ſit hoc Mundum illum vincere quem ante deſcripſimus, cùm vincere mundum in Scripturis nihil ſit aliud quam contra mundanos ſenſus & ſermones ſic pugnare vt à malo ad bonum, vt à bono ad melius quo te diuina

Joan. 16.

vocat gratia te convertas & alios qui te vident & audiunt. *In mundo pressuram habebitis, sed confidite quia vici mundum*, quali diceret Christus suis, sicut vici mundum sic vos oportet vincere: sic autem vici dum pressuras eius lubenter tuli, & propterea non deerunt vobis pressuræ ne vincendi desit occasio. Confidite porro in adversis quia sic semel in me vici mundum, ut semper in vobis vincam; Quod illud sancti Ioannis refert, *Major est qui in vobis est quam qui in mundo*, nempe ipse Christus in nobis vincens.

Joan. 4.

III. P V N C T V M.

HINC igitur ad praxim concludendum, aut pati aut mori, quo sensu id dicebat sancta Teresa; vel confundi, quo sensu dictum est de Iuditha *quod confusionem feceris in domo Regis Nabuchodonozor*. Quo enim sensu id dictum est nisi quia pudendum est viros alioquin bellicosos à foemina vinci? At nonne hoc idem patet ex Teresa? Nonne illi homines ab ea superantur qui negabant tanta posse homines pati quanta religiosus ordo si arcte servaretur, patienda complectitur? Quid est in hoc certandi genere superari nisi convinci falsitatis aut pudendæ ignaviæ?

Nonne porro sic convincuntur quando Hæc totum id præstat & exequitur quod illi negant se posse? Nonne sic funditur, nonne sic à fundamentis quodammodo subvertuntur, quando Quæ est inter illos infirmior id libenter & perfecte agit quod illi dicunt præ humana infirmitate non posse agi?

Eccl. 36.

Hoc enim vnum est ut iam dictum fuit, hoc vnum in quo fundant & statuunt suam laxitatem, nempe humana infirmitas; Et ecce illa ipsa humana infirmitas longe fractior & debilior in invalido illo Teresiæ corpore quam in viris ætate & robore firmis & validis; nec tamen impedit quo minus arcta viuat in disciplina, quid sequitur nisi quod ergo convincuntur apertæ falsitatis, & probrosæ cuiusdam ignaviæ, quæ tantam menti confusionem & pudorem ingerat ut sui prorsus poeniteat, sicut ait Propheta, *Confundimini & erubescite super viis vestris*, ut vel inde demigrent ad strictiores, vel saltem non accusent in viis suis humanam infirmitatem, nec se idcirco excusent.

Quod certe Christo Domino ac sanctæ Teresiæ gloriosum, & nobis perutile sic confundi & converti. Christo quidem, quia sic eius

eius Virtus Gratiæ maniſeſtius apparet; ſic eius Incarnationis conſilium apertius maniſeſtatur quo nempe decreuit infirmis firma confundere; ſic eius exemplum infirmitatis validius roboratur, cur enim ita infirmus in horto Ierſemani fuerit vt tremere et pauperet, hoc ipſum eſt quod infirmam fecit Tereſſam, vt ex vtroque ſimul conſtaret non eſſe malum aut probroſum quod infirmos ſe ſentirent homines ſed quod infirmitati cederent.

Sanctæ hoc etiam Tereſſæ perhonorificum fuit ſic ſeruïre Diuinæ gloriæ, ſic mundum vincere, ſic illum Euangelio ſubjicere. Quid enim amplius Sancti præſtant Doctores quam rectas Dei docere vias, quas illa verbo & exemplo demonſtrauit? Quid ipſi Martyres fructuoſius ad Euangelium contulerunt quam vt eſſent Teſtes eiſdem Veritatis Euangelicæ quam Tereſſa palam profeſſa eſt contra quosuis impugnantes? Quid denique magis Apoſtolicum & Diuinum quam ſic cooperari Chriſto in reducendis ad eum animis?

Si Debboræ glorioſum fuit in pugnam ſe dare contra hoſtes Dei eum vix ulli auderent viſi contra ire, cur non Tereſſæ quæ hoc ſacrum certamen ſuſcepit quod memoratum eſt? Cur non de illa hoc ipſum dicatur quod Scriptura refert: *Ceſſauerunt ſortes in Iſrael* Ind. 5^a
& quieuerunt donec ſurgeret Debbora, ſurget Mater in Iſrael; Noua bella elegit Dominus, & portas hoſtium ipſe ſubuertit.

Cur non Idem ac de Iuditha: *Tu gloria Ieruſalem, tu latitua Iſrael, tu honorificentia populi noſtri; quia feciſti viriliter, & confortatum eſt cor tuum?* Indib. 15^a

Adde quod ex hoc vno quod magis pati appeteret quàm viuere, tot eius perfectiſſimæ Charitatis actuum licet exempla colligere quot vitæ actus edidit. Nam quò eſt purior Charitas ab omni eo quod non eſt Charitas, eò eſt maior & perfectior: tunc autem eſt proſecto purior Charitas quò ſe ſuaque quis minus quærit; Minus ſe vero quærit qui pati appetit; nam ſolus patiendi timor nos nobis retinet; vnde vides quo vſque prouchi perfectionis potuerit, & quam apte propterea dictum à ſancto Iacobo, *Patientia opus perfectum habet.* Luc. 1.

Denique noſtra inde vtilitas effuſè profluït; Primo quidem quod ab illa Sanctiſſimum habemus ordinem cum Virorum tum Virginum cuius non ſolum exemplo moueamur, ſed etiam precibus & meritis ſingulariter adiuuemur. Hoc enim ſancta Tereſſa

singulare voluit in hac sua tota Familia vt non magis sibi quam toti mundo laborarent, eò sua referrent omnia, quò ipse Christus ad æternam animarum salutem: Nec sibi aliter persuadeat soror vocationi suæ satisfacere nisi dimidium vitæ det peccatoribus conuertendis. O quale beneficium tam peruerso mundo collatum! Nescis peccator vnde aliquando tam boni motus resipiscentiæ tuum occupent animum! Carmelitani ordinis hic labor, hoc opus est. Et vos ó fœlices animarum Zelatores qui plures quam sciat in æternam prouehitis beatitudinem, hoc ipso fœliciores quo minus hoc scitis.

Deinde verò, nos in partem datæ confusionis venimus, noster est iste pudor, nostra hæc verecundia, qui nil minus quam pati volumus, & nil magis quam infirmitatem prætendimus. Detecta, detecta est hodie malignantis naturæ dolositas quæ se fingit non posse quod non vult: quia nolle non ita excusatur sicut non posse. Sed fictum est & suppositum illud non posse: posses si velles, hoc te docet Teresa, nec magis deinceps excularis dicendo te non posse, quam si te nolle diceres; potes amice Lector, potes pati si velis: qui vult autem libenter pati, potest id omne quod ait se non posse qui non vult pati. Solus hic defectus est quod nolis pati, defectus autem est non potestatis sed voluntatis. Hinc omne vitium ab impatientia sicut paulò ante dicebatur, omnem esse virtutis perfectionem à patientia. Quod grauis Author aperte pridem docuit: *Matrix impatientia in omne delictum diffundens de suo*

*Terrell. de
patientia.*

fonte varias criminum venas. Omne peccatum impatientia ascribendum. Malum, impatientia est boni. Nemo impudicus non impatiens pudicitia, & improbus probitatis, & impius pietatis, & inquietus quietis. Id est, cum sit opus pati ad virtutem exercendam: qui non vult pati, non vult virtutem, & vult oppositum vitium; Vnde hic triplex voluntatis defectus est, nolle pati, nolle virtutem, & malle vitium.

At cum primus horum defectuum sit nolle pati, reliquos sustulit qui primum auferat & qui libenter velit pati.

O quantum debet Mundus Teresiæ quæ tam breuem salutis ac totius perfectionis viam aperuit, aut apertam monstrauit! Ó quantum Illa mundo exprobrabit quod tam breuem & apertam salutis viam non introierit!

Vide in 2. p. Fer. 3. Dominicæ 1. in Quadragesima. Fer. 4. Paschæ. Et Feria 5. Pentecostes. Vbi hæc scorsum Veritates demonstrantur.

Quæ laus Sanctorum est in Euangelio maxima, laus est, &c. 875

Ab imitando Christo excusantis humanam infirmitatem infirma est & nulla excusatio.

In infirmitate virtus: In impotentia potentia.

Qui non satis audet in magnis, nimis audet in parvis.



IN FESTO S. L V C Æ Die 18^a Octobris.

EVANGELISTÆ.

Cuius laus est in Euangelio per omnes Ecclesias.
2. Cor. 8.

VERITAS PRACTICA.


Quæ laus Sanctorum est in Euangelio maxima: laus est Sancto Lucæ maxime propria.

RATIO EST, Quia laus Sanctorum quæ in Euangelio maxima recensetur, est continua Crucis mortificatio.

Atqui hæc est sancto Lucæ laus maxime propria.

Ergo & quæ est in Euangelio maxima, Illi maximè & proprie conuenit: Quæ cum sit simul valde practica, non minus erit Consideranti utilis quàm Sancto gloriosa.

L. P V N C T V M.

 **V**OD de Christo Domino ac sancto Ioanne Baptista dicitur qui mutuum de se testimonium perhibuerunt, hoc ipsum de sanctis Paulo & Luca dici quodammodo potest qui de se inuicem sic suis scriptis testantur, vt quemadmodum Lucas Paulum in illo quem de actis Apostolorum scripsit libro luculento celebrat, sic Paulus Lucam passim in epistola egregie

SSSS

c. 8.

prædicet ; atque in illa præsertim quam ad Corinthios secundam scripsit , ubi paucis multa complectitur ; *Misimus*, inquit, *fratrem cuius laus est in Evangelio per omnes Ecclesias : non solum autem , sed & ordinatus est ab Ecclesia comes peregrinationis nostre , in hanc gratiam qua ministratur à nobis ad Domini gloriam , & destinatam voluntatem nostram* ; Quæ postrema verba quàm sint insignia patebit clarius , si prima illa prius expendimus , *Cuius laus est in Evangelio* : Non enim solum Apostolus Evangelistam laudat quod scripserit Evangelium valde accuratum & omni laude dignum , sed quod Evangelio conformem vitam ageret , seu quod ita laudabilem se præberet ut quæ laus Sanctorum est in Evangelio præcipua & maxima , laus hæc illius esset. Quod certe est consideratione dignissimum , siue ut intelligatur attentius quamnam viæ degendæ laus sit in Evangelio maxima , siue ut agnoscatür apertius quàm vere sancto Lucæ conveniat , indeque nobis ad praxim quid conferri possit.

17. Ps.

Rom. 9.

Luc. 9.

L. 2. de temis.

Chr. c. 12.

Gal. 5.

2. Cor. 4.

De primo , iam supra dictum est Christum Dominum Sacri Authorem Evangelij dici à Prophetis abbreviatum verbum simul & abbrevians , quod in Evangelio tota vetus Scriptura sic esset abbreviata ut ipse etiam Christus Evangelium abbreviavit , cum dixit *Crucem unicuique suam quotidie ferendam esse. ECCE in Cruce totum constat , & in moriendo totum iacet , & non est alia via ad vitam , & ad veram internam pacem nisi via sanctæ Crucis , & quotidiana mortificationis*. Hoc signum Christiani , hæc Evangelij tessera , hic electorum Liber scriptus intus & foris. *Qui sunt Christi , carnem suam crucifixerunt cum vitiis & concupiscentiis* , hæc illi nota designantur. Hoc in ipso primo ad Christum introitu , denuntiatur , cum in baptismo vetus homo cruci affigitur quam baptisatus nunquam deponat ut possit cum Apostolo dicere : *Semper mortificationem Iesu in corpore nostro circumferentes , ut & vita Iesu manifestetur in corporibus nostris. Semper enim nos qui vivimus , in mortem tradimur , propter Iesum : ut & vita Iesu manifestetur in carne nostra mortali* : Vnde & concludit , *Ergo mors operatur in nobis*. Id est , ergo hinc concludendum quod si quid operamur laude dignum , hoc totum in Cruce & Morte est : hæc est Crucis mortificatio quæ cum Christo totum in nobis operatur. Nihil enim ad cuiusque rei per Christum aptius quam quod ei primum esse contulit ; Vnde cum à Cruce & morte vita nostra spiritalis effluerit , in una

cruce propterea perfectius promouetur, & quidquid in toto laudabilius Euangelio prædicatur, hoc à Cruce ferenda totum depromitur. *Qui non accipit crucem suam, & sequitur me, non est me dignus*, ait Dominus: quasi diceret, nihil habet quo à me meoque Euangelio commendetur, quasi diceret, qui autem accipit Crucem suam hic est me dignus, hic est quem singulariter meum agnosco, hic est quem commendo & prædico.

II. P V N C T V M.

AT QV I hac est Sancto Lucæ laus maxime propria.

Sic enim expressis de Illo verbis Ecclesia, dum eius interuentionem à Deo postulat: *Interveniat pro nobis, quasumus Domine, Sanctus tuus Lucas Evangelista, qui Crucis mortificationem iugiter in suo corpore pro tui nominis honore portauit.* Obserua illud iugiter, quasi hoc ipsum esset quod vox Euangelica quotidie quam usurpat Dominus ubi de Cruce ferenda sermonem habet: quasi hac ipsa esset nostra Propositio, quod talis omnino fuerit sanctus Lucas qualem vult Dominus in Euangelio. Quod profecto sic expresse de Illo non diceret Ecclesia, nisi singulari hac laude commendaretur; Nam orando Deum ut apud Ipsam interueniat pro nobis sanctus Lucas, hanc rationem adjicit velut motiuum quo nitatur oratio, *qui Crucis mortificationem iugiter in suo corpore pro tui nominis honore portauit*; Quod nisi esset verum, destrueret potius orationem quam firmaret.

Confirmatur vero egregie postremis illis Apostoli verbis quæ huc declaranda remisimus, *Non solum autem, inquit, laus eius est in Euangelio per omnes Ecclesias, sed & ordinatus est ab Ecclesiis Comes peregrinationis nostræ*, quasi diceret, sic omnium iudicio mortificandæ carni & ferendæ cruci studebat; ut dum passim quærerem peregrinationis meæ Comitem qui tam multa pericula quibus quotidie peregrinando exponor, mecum ferret, oblatus Ille sit & constitutus quasi aptissimus omnium iudicaretur, quod satis innotesceret quàm iugiter in suo corpore Crucis mortificationem portaret.

Quod si porro talis esset dum Paulo datus est comes, qualem putas extitisse dum Apostolum peregrinando comitatur? Nostide Paulum Apostolum? Audisti in quas Ille peregrinationes per vi-

2. Cor. 11. uersum mundum suscepit, & quæ tùm pericula subierit? In laboribus, inquit, plurimis, in carceribus abundantius, in plagis supra modum, in mortibus frequenter. A Iudæis quinquies quadragenas, una minus accepi. Ter virgis casus sum, semel lapidatus sum, ter naufragium feci; nocte & die in profundo maris fui, in itineribus sæpe, periculis fluminum, periculis latronum, periculis ex genere, periculis ex gentibus, periculis in ciuitate, periculis in solitudine, periculis in mari, periculis in falsis fratribus; in labore & arumna, in vigiliis multis, in fame & siti, in ieiuniis multis, in frigore & nuditate: Præter illa quæ extrinsecus sunt, instantia mea quotidiana, sollicitudo omnium Ecclesiarum.

At Paule, nullumne habes comitem peregrinationis tuæ? Nul-
lumne qui te tantis in periculis comitetur? Habeo, inquit habeo
2. Tim. 4. fratrem illum cuius laus est in Euangelio per omnes Ecclesias, quem & Timotheo nominatim designans, *Lucas est, inquit, mecum solus.*

Certe hoc mirum, non iam quod Lucas sit comes Pauli, sed quod solus sit comes, quasi duo illi soli pares essent tot ferendis periculis: quasi duo illi velut boues Euangelici iuncti essent eidem iugo, sicque simul vniuersum peragrarent & excolerent terrarum orbem.

Ex 11. O mira certe nostri laus Evangelistæ! Numquid propterea bo-
uis similitudo præ cæteris illi conuenit ex illo mystico Prophetæ
curru qui à quatuor animalibus trahitur? Non improbandum
quod ait sanctus Hieronymus de sacrificio Zacchariæ Sacerdotis à
quo suum Lucas Euangelium inchoat; Sed neque is aberret qui
dixerit bouis similitudinem Lucæ præsertim competere quòd sin-
gulariter cum Apostolo, terras Infidelium peragrandò, laborem
suum contulerit: & per iugem illam Crucis mortificationem
quam portabat in Corpore suo, suum Corpus exhibuerit velut sa-
80m. 12. crificium, *velut hostiam viuentem, Sanctam, Deo placentem, qualem*
Ipse describit Apostolus, & qualem optat Dominus.

III. P V N C T V M.

CERTA est igitur Veritas quòd *qua laus Sanctorum est in Euan-*
gelio maxima, laus est sancto Luca maxime propria, Quia laus
illa est quæ illi per omnes Ecclesias hodie datur quod Crucis mor-

tificationem iugiter in suo corpore pro Dei honore portaret, & portandum doceret; & quod supremæ laudis est, sic etiam apud Deum mereretur ut singulariter pro nobis interueniret & gratiam obtineret ad eandem scilicet Crucis mortificationem nostro in statu portandam.

Opportunè autem obseruat sanctus Augustinus in sententiis S. m. 132.
quod sicut duo sunt officia medicina, unum quo sanatur infirmitas, aliud quo custoditur sanitas: ita sunt duo gratiæ dona & mortificationis opera, unum quod aufert carnis cupiditatem, aliud quod facit animæ persenerare virtutem. Quasi diceret, unum ad malum euitandam, & aliud ad bonum iugiter peragendum; Nam nisi carnem mortificaueritis, secundum carnem viuetis, *si autem secundum carnem vixeritis, moriemini: mortificate ergo membra vestra quæ sunt super terram,* ex quibus sancti Apostoli & Augustini verbis aperte liquet quod non minus sit necessaria vitæ spirituali mortificatio, quàm vitæ corporali medicina. Quem in finem aptè quod sanctus Lucas medicus fuerit, & comparandæ nobis medicinæ modum & praxim quæ verbo & exemplo docuerit. Quò forte spectat illud Apostoli: *Salutat vos Lucas medicus carissimus.* Cur enim medici Rom. 8. Coloss. 3. Galoss. 4. mentionem faceret nisi ad aliquid medicinæ spiritualis attenderet? Vnde Diuus Hieronymus: *De medico corporum, inquit, in Medicum est versus animarum.* Et de illius scriptis sic præclare, *Si nouerimus eorum Scriptorem esse Lucam medicum cuius laus est in Euangelio, anima lueremus pariter omnia verba illius, anima languentis esse medicinam.*

Ex multis hæc pauca quæ Ille vnus refert collige, quæ sint tam familiaria & vlitata ut in mentem succurrant hoc ipso momento temporis quo aliqua trium cupiditatum vnde omnes animæ profluunt infirmitates, te inuasit. Contra cupiditatem opum: *Va vobis diuitibus quia habetis consolationem vestram.* Contra cupiditatem laudis & gloriæ: *Va cum benedixerint vobis homines: Vos estis qui iustificatis vos coram hominibus, Deus autem nouit corda vestra, quia quod hominibus altum est, abominatio est ante Deum.* Stupenda sanè sententia. Contra cupiditatem carnis: *Attendite vobis ne forte grauentur corda vestra in crapula & ebrietate, & curis huius vitæ: & superueniat in vos repentina dies illa: Tamquam laqueus enim superueniet in omnes qui sedent super faciem omnis terra.* Nonne hæc sunt certa cupiditatum medicamenta? cur non his vteris? cur excusas in-

Luc. 6. Ibid. Ibid. 16. Ibid. 21.

880 Die 21. Octobris. De SS. Virgin. & Mart. Visula & sociis.

1er. 8.

firmitatem cum habeas presentem medicinam? Nonne hinc potius argueris quod presente medico totque salubribus presentatis medicamentis nondum conualeas? Nonne toties audiisti quod vel semel audiuisse sufficeret: *Numquid resina non est in Galaad, aut Medicus non est ibi? Quare igitur non est obducta cicatrix?* Ratio in promptu est quia sanari non vis. Sed an putas, proba hac ratio?

Vide in 1. p. Fer. 5. Hebd. 6. post Epiphaniam. In 3. p. Fer. 2. Hebd. 12. In 4. p. Fer. 5. Hebd. 18. ubi de defectu voluntatis nostrae circa sanitatem & salutem animae.

Videri etiam potest in 3. p. Hebdomada decima quae tota ex hodierno Evangelio de missis ad praedicandum Discipulis.



Die 21.
Octobris.

IN FESTO S. VRSVLÆ. ET SOCIARVM VIRGINVM AC MARTYRV M.

Multa filia congregauerunt diuitias, Tu supergressa es vniuersas. Prou. 31.

VERITAS PRACTICA.

Ad congregandas cœli diuitias nihil aptius quàm aptum fieri ad congregandas cœlo animas.

RATIO EST plana & obuia, nam ad congregandas cœli diuitias nihil aptius quàm multa & multum posse mereri.

Sed aptum fieri ad congregandas cœlo animas, hoc est multa & multum posse mereri.

Ergo ad congregandas cœli diuitias, nihil aptius quàm aptum fieri ad congregandas cœlo animas; Quo in prestanti opere cum excelluerit sancta Visula, mirum quantas sibi congregarit diuitias,

1163

Ad congregandas colli diuitias nihil aptius quam, &c. 881
tias, & quantis sibi congregandis viam his aperuerit, quibus
datum est eius exemplo congregare & nutrire cælo animas.

I. P V N C T V M.

SANCTVS ille Doctor quæ ab ore aureo nomen accepit, & vulgò Chrysostomus dicitur, vix vniquam purius & abundantius ex ore suo fundit aurum, quàm cum de Virginitate & Virginibus sermonem habet; Nam præterquàm quod iugulares de hoc argumento tractatus edidit, nulla se passim in totis quas explanat Scripturis offert occasio, quin tantæ Virtutis præstantiam profusiori prosequatur eloquio. Cum verò Parabolam de decem Virginibus quarum erant quinque sapientes, & quinque fatuæ declarandam aggreditur, quærit studiosè ac sollicitè quid sit quamobrem Dominus hanc in persona Virginum instituerit; cum præsertim in ea videatur paulò indignius habere virgines quas & fatuas nominat, & expellit à nuptiis, & se nescire affirmat.

Respondet ipse Sanctus Doctor tantùm abesse vt hinc aliquid de virginitatis dignitate detrahatur, quin potius illi multum inde accedat. Nam cum illius parabola finem ac scopum sibi præscriberet Dominus Vigilantiam in bonis operibus, & præsertim in his quæ ad iuandos proximos conferuntur valdè commendatam reddere, non iudicauit id aptius & efficacius posse fieri quàm ex alterius comparatione Virtutis quæ iam satis commendata censeretur, cui tamen cum præferret Vigilantiam, tanto inde altius Vigilantiæ commendatio cresceret, quanto Virginitas quam illa excedebat esset alta & sublimis virtus.

Non dicit quidem Christus quàm sit alta & sublimis sed supponit iam ante dictum, aut per se satis patere, quo præsupposito sic euidentius quod intendebat concludit maximam igitur & commendatissimam esse Vigilantiam quæ Virtutem magnæ & tam multoties commendatæ præferretur. Quæ certe Conclusio non valeret nisi euidentia esset quàm magna & quàm multum commendata esset Virginitas. Posita verò hac euidentia, multum sanè vallet Conclusio quæ ex duobus laudabilibus inter se comparatis inferitur magis esse laudabile quod est præstantius, & tanto id magis



videamus quàm sit vniuersum verum quòd congregandis sibi cœli diuitiis, id est, veris ac solidis bonis, id est, æternæ beatitudini nihil aptius sit quàm aptum fieri ad congregandas cœlo animas, Id est, quàm se exemplo sanctæ Vrsulæ pro suo statu & gradu comparare, ac omnibus modis exhibere ad catecheses habendas, ad instruendos quosque obuios de Fidei nostræ mysteriis, de peccatis cuitandis, de Virtutibus acquirendis, de salute operanda, de cœlo denique possidendo. Hi sunt videlicet hi sunt de quibus singulariter dicitur: *Qui docti fuerint fulgebunt quasi splendor firmamenti, & qui ad iustitiam erudiunt multos quasi stellæ in perpetuas æternitates.* Id est, præ aliis in cœlo Beatæ insigni quodam radiabunt fulgore beatitudinis, quasi ex abundantia gloriæ, diuitiarum, & deliciarum cœlestium quibus illi perfruuntur. Dan. 12.

Et ratio est euident, ipsiſque nota terminis; Nam sicut cœlestes illæ diuitiæ non dantur nisi meritis quæ per Christi gratiam hic comparantur, sic profectò quantò quis vel plura numero merita, vel dignitate insigniora sibi suis laboribus compararit, tantò in cœlis plures sibi diuitiarum thesauros cumulat de quibus dicebat Dominus: *thesaurizate vobis thesauros in cœlo, THESAURVM non deficientem in cœlis* id est, vestris id vobis comparate meritis vt quàm plures cœli diuitias possideatis quæ non dantur nisi meritis hic acquisitis: *Quæ enim seminauerit homo, hæc & metet.* Vide quæ plura passim obuia. Matth. 6. Luc 12. 1

II. PUNCTVM.

SED aptum fieri quo sensu diximus ad congregandas cœlo animas, hoc est multa & multum posse mereri: hoc est multa numero merita, & valore insignia sibi cum gratia comparare.

Nam opus istud, opus est eximie Charitatis ex qua quisquis operatur, multum omnino meretur. Deinde vero est plurimum simul conjunctarum Virtutum, ex quarum actibus sæpe frequentatis multa numero merita cumulantur. Sic enim Zelus, Humilitas, Mansuetudo, Patientia, Fortitudo, Temperantia, Pietas, multæque aliæ non semel aut transcursum sicut in aliis Deuotionis exercitationibus Virtutes exercentur, sed multoties, cumulatè, continuo, pene incessanter & importune opportune quæ se cumque

Terre II



D. N. Iesum Christum estis in adiutorium eius? Vos enim estis gloria nostra & gaudium.

Sic de suis Apostolus quos cœlo præparauerat, parata sibi etiam gratulabatur merita, neque majus est meritum Apostolici muneris quàm ex impensa saluandis animis opera. Vnde in quo se usque meritum efferat?

Videri etiam debet in tertia parte, Dominica 3. & Sabbatum undecimæ hebdom. ubi hæ præter alias Veritates exhibentur.

Quod vnius conuersi peccatoris esse videtur, hoc est totius vniuersi negotium.

Nempe toti vniuerso, quod certe mirum est, bene vel male vertitur ex vnius conuersione peccatoris.

Rape ad Eum quos potes. Nam si potes & non rapis tot cœlo perdis quot Christo lucrari poteras.

Vel è contra:

Si quos potes ad Christum rapis, Tot cœlo lucraris animas, quot Christo perdidisses.

Addi verò etiam potest, quod iam monuimus, tale huius esse operis meritum, vt etiamsi nullus inde fructus emergeret, etiamsi nullus à te conuerteretur, tuo tamen non careres merito, cum satis sit suam in hoc opere nauasse operam, Vnde in Euangelio dicitur, *Curam illius habe*, non curationem, & hoc vno contentus est Apostolus quod abundantius omnibus laborarit.

Si tamen ex adhibita maiori opera, vel ex particulari Diuina fieret prouidentia vt plures vel conuertendi vel seruandi ne peruerterentur, occurrerent, tunc sine dubio meritum tanto magis augeri posset quanto maior esset adhibita opera, quoue plures seruati essent ne perirent. Quo in genere nostra se profecto multum commendat Heroïna, nostra inquam plurimum meriti consequuta est Vrsula, cuius opera sic Deo disponente factum est, vt tot millia Virginum Sanctitatem Martyrio consecratam & consummatam obtinuerint, & quæ alioquin forte periissent, seruata cœlo sint omnes.

Hoc enim illius sermonibus, hoc illius exemplis, hoc illius meritis datur vt omnes cum illa consenserint in paratam sibi necem

ne paratam labem ullam contraherent. Sic potenter omnium animos sibi demeruit ut omnium animas Christo seruare meruerit. *Agedum*, inquiebat illis, dum ad barbarorum ferociam trepidarent, *agedum* filia carissima venit hora quam multis nos desideriis attrahere decuisset, quanto magis oblatam recipere? Venit hora fidelitatis exhibenda quam si negauerimus negabit nos qui fatuus virgines à nuptiis repulit. Sponsum quarebamus in terris, in caelestis & Diuinus se nobis offert. Iam patria nobis relicta est, quid superesse poterat nisi caelum cum quo uno mutanda erat patria? Quod speramus in terris incertum est, quod se offert in caelis, certum & fixum. Si de vita duntaxat temporali ageretur, Ego me unam pro vobis omnibus mactarem hostiam, sed quandoquidem de caelo agitur, nostra omnium interest ne una nostrum desit coronanda. Ego prima in certamen ibo, ego tela hostium toto recipiam pectore, ut pateat omnibus Virginem posse mori non corrumpi.

Iam pridem nos praeceperunt Agnetes, Agatha, Lucia, quibus non erat tam facile solitarias mori quam nobis simul congregatas. Nos consequentia spectant secula, nostro ut exemplo discant, non posse caelum nimis caro emi. Ne spectemus terram qua relinquitur, sed caelum quod praesentatur. Non vita tollitur sed mutatur. Palma est in manibus nostris: nam in hac mori pugna, vincere est & triumphare. Si qua est infirmioris animi qua timeat, timeat velim & horreat, maiora scilicet sibi preparata supplicia, si hac leuia fugiat. Aut non amatur Christus aut non recusatur pro Christo mori; nam hoc amare Christum est iam sibi esse mortuam ut uni Christo viuat. Non effugietur pena sed augebitur fugiendo martyrium, nam grauior pena est negasse Christum quam pro Christo necatam esse.

Non nostra, filia, non nostra sed Christi vita petitur. Christus in nobis uiuit si morimur: Christus in nobis moritur si viuimus. Mors & vita Christi à vobis est. Vita nostra in manu est hostium, sed Christi vita in manu vestra est. Nos hostes Christi sumus, si hos timemus hostes: Nos Christum trucidamus si trucidari pro Christo fugimus. Hoc unaquaeque cogitet, hoc sibi omnes mutuo suggerant, Mors nostra, Christi vita est: & vita nostra mors Christi est. Aut Christo per nos iam moriendum est, aut viuendum. De vita Christi agitur. Ah milles moriar ut Christus viuat.

Sic fortitior repleta sapientia, & famine cogitationis masculinum *animum* inserens loquebatur, sicut de matre Macchabeorum dicitur.

dura sicut Infernus emulatio; Lampades eius lampades ignis atque flammarum; Aqua multa non potuerunt extinguere Charitatem, nec flumina obruent illam. Si dederit homo omnem substantiam domus sue pro dilectione, quasi nihil despiciet eam.

2.7.6.4.

Ex quibus verbis, sex diuini amoris gradus eliciunt sacri Scriptores, quos inter Thomas Massutius in tractatu de coelesti conuersatione de his fufe agit, ex quo hæc pauca.

Primus diuini amoris gradus dicitur *assimilatiuus*, sicut res signata similis omnino est illo sigillo cuius est mera expressio: sic vera Christi sponsa Sponso se similem & conformem omnino reddit; sic sancta Vrsula se suasque omnes Diuinæ conformauit Voluntati quæ talem vitæ morisque statum de se omnibus ordinabat.

Secundus dicitur *mortificatiuus* & fortiter separatiuus ab aliis sicut mors separat animam à corpore; & corpus à sensibus. Sic sponsa vt Sponso adhæreat, reliqua prorsus abiecit. At nonne hoc ipsum est quod in se suisque facit Vrsula cum cuncta mundi pro Sponso libentius deserunt quam carnales sponsæ cuncta mundi appeterent.

Tertius est quem dicunt *destructiuium & annihilatiuum*, sicut corpus mortuum in sepulchro quod Inferni nomine significatur cum dicitur, *dura sicut infernus annulatio*; Vel sicut in loco tormentorum anima cruciatur sine vlla spe libertatis, sic amor sponsæ ad Sponsum non tantum separat animam à rebus mundi, sed à seipsa quodammodo, quam ita exinanit & euacuat vt præter Sponsum nil sibi vmquam superesse velit. Quod quàm egregie præstiterit Vrsula, præstandumque suas docuerit quis non videt, cum in hoc mortis genere quod subierunt, multa profectò esse possent non quibus mortem auerterent sed mortis genus, non ita scilicet lentum sicut in ferendis sagittis; sic vitæ tempus optare poterant paulo longius ad præparandos animos; sic sepulturæ locum paulo certiore quam mare vel arena deserta, vbi se vident enecandas, & vel insepultas fore vel aquis absorbendas. Sed nihil horum vetentur dum sibi Sponsum lucrentur, cetera pereant.

Prim 30.

Quartus est *insatiabilis*. *LAMPADES* eius lampades ignis atque flammarum. Id est, sicut ignis accendit simul & accenditur, & numquam dicit, *sufficit*, sic amor sponsæ Sponsi amorem ita communicat vt numquam sat multis aut satis vehementer se illum communicare putet. Et quantis alios inflamat incendiis, ipsa etiam

etiam tantis & velut reciprocantibus incendatur flammis. O quam excellens in hoc perfecti gradu amoris Vrsula, cuius amor creuit ex omnium animis in quos ipsum amorem injiceret.

Quintus sequitur, *insuperabilis* dictus, quem scilicet aquæ multæ nec flumina possint extinguere, quia verus sponsæ amor nullis aduersis, nullis oppositis, quacumque tandem illa sint vel à carne vel à mundo, vel à dæmone, nullis prorsus cedit suppliciis, nullis mollitur blanditiis. O quantas hostis Vrsulæ proposuit! quæ promissa, quas minas, quos cruciatus, antequam ad extrema veniretur? Sed frustra, nam superari non potest qui Christo adhæret, adhærebit autem Vrsula quamdiu viuet, & postquam vixit.

Superest sextus qui cæteros suo coronans merito dicitur *inexhaustus*, qui postquam dederit omnem substantiam domus suæ, quasi nihil dedisset, sic eam despicit, quasi nihil fecisset. Licet fecerit omnia, sic se seruum dicit inutilem: & datis omnibus dum se nihil dedisse credit, hoc ipso nouum aliquid inuenit quod exhauriri non potest, & quod incessanter dare queat. Hic profecto, hic erat Vrsulæ animus dum prima se hostiam obtulit, quasi nihil dedisset, se ita Sponso debtricem semper credidit, vt in reliquis sequentis holocaustis perpetuum & inexhaustum fieret sacrificium, & holocausta potius, quàm illa sacrificanda deficeret. O vere Charitas quæ non excidit! ó vere pars optima quam elegit
1. Cor. 13.
Luc. 10.
& quæ non auferetur ab ea.

III. P V N C T V M.

SIVE igitur de gratiæ vel de gloriæ diuitiis intelligas, habes somnino quod Sanctæ gratuleris Vrsulæ, dicæque confidenter, *Multa filia congregauerunt diuitias, Tu supergressa es vniuersas*: quia dum aliis sibi meritorum diuitias congregandi modum ac viam patefecisti, Tu ipsa cunctarum merita tibi collegisti, & tantis vniuersas supergressa es diuitiis, quantæ sunt plures simul ex omnibus congregata quàm in vna singularum diuisa parte. Cum autem gratiarum ac sanctitatis merito respondeat gradus Gloriæ, quos Tu Ipsa gradus, quoniam vsque tuam protenderis gloriam quis narrando explicet, cum tot Vna possideas quot non illa modo Virginum millia quibus es comitata, sed quæ deinceps per consequentes annos in Sacris tibi Caribus & Collegiis terra marique

collaborant animis ad pietatem excolendis, quarum omnium Mater es, omnium Ductrix, omnium Exhortatrix & Exemplar ad salutem.

Sic perge cum Illa congaudere ut tamen ad te redeas, hoc ipsum vniuersim inferendo de his vtriusque sexus qui se proximorum procurandæ salutis consecrant, nihil aptius ad multas in cœlo sibi congregandas diuitias, quam sic aptos in dies fieri ad congregandas & lucrandas cœlo animas, quia ut dictum est ex ipso opere ac operis fructu tantum cuique confertur meriti ac mercedis quanta est Charitas qua in illud tendit opus, quàm multa sunt quæ propterea facit aut patitur, aut quam sunt multi quibus laborat. *Math. 18.* Nam si quis scandalum vel causam peccati præbuerit, peccatum idem ipsum contrahit & tam grauibus poenis subiaceret quantæ à Christo denuntiantur: cur non pari modo bonum ad se opus conuertet qui boni operis author extiterit? Cur non æquius de Christo sentias quod sacrum opus large compenset qui propensior est ad beneficia quàm ad poenas inferendas? Si vel vno seruato ciue Romano seruatori corona singularis perquam honorifica tradebatur, quid putas tradendum ei qui non caducam sed æternam vitam tam multis conseruauit quam multos à peccato reuocauit, vel ne peccarent obstitit?

L. 4. Epist. 26. Cum sanctus Cyprianus quosdam Christianos carceri propter Fidem mancipatos scriptis ad eos literis hortatus esset ad Constantiam, Vide quas illi rependunt grates, Vide quibus verbis illi respondent: *Reddet tibi Dominus pro ista tua Charitate mercedem, & huius tanti boni operis representabit debitam frugem. Non minus enim corona mercede condignus est qui hortatus est quàm qui & passus est, non minus laude dignus qui docuit quàm qui & fecit: non minus honorandus est qui monuit, quàm qui dimicauit, nisi quod nonnumquam magis glorie cumulus redundat ad eum qui instituit quàm ad eum qui se docibilem discipulum subministravit; hic enim fortassis hoc quod exercuit non habuisset nisi ille docuisset.*

Huc referri posset quod ait Sapiens: *De fructu oris sui unusquisque replebitur bonis*: Id est, quantum loquendo aliis fructum fecerit, tantum ipse sibi fecit. Imo, ut diximus, etiam si fructum alij sua culpa non recepissent, non defraudabitur tamen suo fructu sicut Christus discipulis de pace hospitibus danda dicebat, quam si digni non essent recipere, reuerteretur ad ipsos. *Lnc. 10.*

Quamobrem in id opus tam pium tam sanctum ac frugiferum diligenter incumbendum : nec fugienda est opera licet opera fructus non videatur respondere. Satis cuique sit fecisse quod suum est in Domino : sed nisi etiam fecerit , non se satis tutum putet. Cum autem ex docendis Veritatibus Practicis hæc vna sit præcipua qua nocturnus ille difficultatum timor pellitur quas sibi fingunt homines in virtutum praxi , propterea frequens & familiare sit exemplum sanctæ Vrsulæ quæ cunctis proponatur velut Illa nobilis & illustris Matrona quæ Sancto quondam apparuit Augustino , suisque nutantem dictis plurimum confirmauit. Nec enim aptius in imagine repræsentari posset quod dixit & quod fecit Vrsula , quam quod illa Matrona dixisse fingitur , neque hoc ipsum quod fingitur , posset verius & reipsa magis confirmari quam ex eo quod cum suis Vrsula fecisse dicitur. Audi Sanctum ipsum Augustinum & tibi tuisque crebrius applices ; *Aperiebatur ab ea parte,* L. 8. c. 22.
f. 8. c. 11.
qua intenderam faciem , & quo transire trepidabam , Casta Dignitas Continentia , serena , & non dissolutè hilaris , honestè blandiens ut venirem , neque dubitarem , & extendens ad me suscipiendum & amplectendum piæ manus , plenas gregibus bonorum exemplorum. Ibi tot pueri & puella ; ibi iuuentus multa , & omnis ætas , & graues viduæ , & virgines ævis ; & in omnibus ipsa Continentia , nequaquam sterilis , sed fecunda mater filiorum gaudiorum de marito te Domine. Eg irridebas me irrisione exhortatoria , quasi diceret : Tu non poteris , quod isti & ista ? An vero isti & ista in semetipsis possunt , ac non in Domino Deo suo ? Dominus Deus eorum me dedit eis. Quid in te stas , & non stas ? Projice te in Eum , noli metuere , non se subtrahet , ut cadas. Projice te securus , excipiet & sanabit te. Et erubescbam nimis : quia illarum nugarum murmur adhuc audiebam , & cunctabundus pendebam. Et rursus illa , quasi diceret ; Obsurdesce aduersus immunda illa membra tua super terram , ut mortificentur. Narrant tibi delectationes , sed non sicut lex Domini Dei tui.



Die 28.
Octobris.

IN FESTO SS. APOSTOLO- RVM SIMONIS ET IVDÆ.

Ecce Simon frater vester, Scio quòd Vir Consilij est, ipsum audite semper, Et ipse erit vobis Pater. Et Iudas fortis Viribus à Iuuentute sua, sit vobis princeps militia. Mathatias. L. 1. Mach. c. 2.

VERITAS PRACTICA.

Consilium & Fortitudo rebus bene agendis sic conueniunt, vt nisi simul conueniant, res nulla bene agatur.

Quæ simul juncta se iuuant, disiuncta se destruunt.

SENSVS & RATIO EST, Quod nulla res bene agi possit, nisi prudenter suscipiatur, & constanter ad exitum perducatur.

Sed nisi Consilium & Fortitudo simul conueniant ad res agendas, res neque prudenter suscipietur, neque ad exitum perducetur.

Ergo nec ulla res sine illis bene agetur; quin & ipsæ duæ Virtutes quæ simul junctæ se plurimum adiuuarent, si disiungantur se mutuo destruunt. Quod ne accadat, diligenter cauendum, vt Consilium & Fortitudo rebus agendis semper adhibeantur, exemplo Sanctorum Simonis & Iudæ, qui duobus in filiis Mathathia, Viri quondam inter Iudæos illustrissimi, figurantur: siue quod eiusdem sunt Nominis, siue quòd eiusdem fuerint Virtutis.

I. P V N C T V M.

QUAE de his duobus sanctis Apostolis selectiora & probatiora proponuntur ab Ecclesia, cum multa paucis comprehendant, videntur primo hic praemittenda: *Simon Chananæus qui & Zelotes; & Thadaeus qui & Iudas Iacobi appellatur in Evangelio, unus ex Catholicis Epistolis Scriptor: Hic Mesopotamiam, Ille Aegyptum Evangelica predicatione peragrarunt. Postea in Persidem conuenientes cum innumerabiles filios Christo peperissent, fidemque in vastissimis illis regionibus, & effratis Gentibus disseminassent; doctrinam & miraculis, ac denique glorioso martyrio, simul Sanctissimum Iesu Christi Nomen illustrarunt.*

Pauca quidem hæc sunt protantium Virorum meritis, sed in illis paucis tria possunt attentius considerari, quæ insignem illorum Virtutem & Gloriam aperte manifestent. Primum est, quod cum iam multos annos disiunctim laborassent in diuersis mundi partibus, conuenerunt simul in Persidem, & vastissimas illas regiones in extrema sua senectute ac rerum omnium inopia tam prompte peragrarunt ac si florente adhuc vigerent ætate, vel quasi abundarent omnibus ad iter necessariis. Nonne hoc mirum? Nec putes eos miraculis usos ut se vel viarum incommodis, vel inopie difficultatibus liberarent; Non enim sibi sed aliis gratias illas usurpabant, nec aduersa declinabant sed ferebant, & tolerando superabant.

Secundum est, Gentem illam quam adierunt, id est, Persas, Parthos, Medos ac finitimos alios, Gentem esse non exultam non humanam, sed efferatam sed barbaram & immanem quæ vix alium nosset Deum quàm solem, vix aliam legem quàm libidinem & naturam deprauatam, ac proinde quibus admodum difficile esset hominem Crucifixum persuadere Deum esse ac omnium hominum Iudicem, longèque difficilior crucifigendam esse carnem cum vitiis & concupiscentiis. Et tamen hoc erat illis prædicandum, hoc persuadendum! ô quantis omnium sannis & irrisionibus, quantis contumeliis, & verberibus se necessum erat exponere! Quis ex tam ingrato solo fructum sperasset aliquem?

Tertium est, quod alia duo miratione superat, sic illarum ubique gentium fructuose laborarunt, sic Christianas Veritates de

Christo & de virtutibus persuaferunt ut eorū qui ad fidem conuerſi ſunt tanta fuerit multitudo, numerari ut numquam potuerit, unde vno verbo de his dictum, *innumerabiles Christo filios pepererunt!* O diuini verbi potentiam! O vbi modò hæc potentia! O quam mutata rerum vicēs! En Duo ſoli prædicant, & conuertunt innumerabiles: Nunc autem innumerabiles prædicant, & vix duò conuertuntur! Erant quidem Apoſtoli multis donis cœleſtibus præditi quibus caremus, ſed noſtra eſt ſocordia, noſtrum eſt probum quod his careamus quæ vel orando vel laborando poſſemus facile confequi.

Sunt autem inter alia quæ cuiſcumque rei bene gerendæ potiſſimum conueniant, duo Dona inſignia quæ, ut dixi, præluxerunt in duobus illis fratribus Simone & Iudæ quos Marthathias Pater moriens propterea commendauit, & quæ in duobus noſtris Apoſtoliſ inſigniter eminebant: *CONSILIUM* ſcilicet & *FORTITUDO*, Non illis alia deerant, nec vtrumque hoc nominatim Donum vtrique horum deſuit; ſed ut par omnium Doni gradus non erat, plus vno alter eminebat, & plus alter alio. Præcellebat nimirum in ſancto Simone Donum Conſilij: in ſancto autem Iudæ Donum Fortitudinis; ut abunde patet ex fuſioribus eorum actis apud ſanctum Antoninum, Surium, & alios ſacros Hiſtoricos.

S. Ant. 1. p.
Hiſt. lit. 6.
c. 14.

Hinc autem factum eſt ſic cooperante Domino, ut cum ſimul conueniſſent in idem opus & in eandem arenam, tam ſœliciter ac fructuoſe laborarint ut dictum eſt, & tam glorioſe rem Chriſtianam promouerint; Nam ſe ita mutuò roborabant, ſe ita iunctis viribus, ſeipſos potentiores faciebant. Quod vnus Conſilio ſuggerbat, hoc alter Fortitudine perficiebat. Principium rei dabat Vnus, dabat Alter finem: & cum rei principium ac finis per illa dona cœleſtia præclare conuenirent, ſic præclare res eorum omnīs procedebat.

Prov. 18.

Eccle 4.

Sic frater qui adjuuatur à fratre quaſi ciuitas firma, & iudicia quaſi veſtes vrbium, inquit Sapiens: Vnde & alibi: *Melius eſt ergo duos eſſe ſimul quam vnum, habent enim emolumentum Societatis ſuæ. Si vnus ceciderit, ab altero ſulcietur. Va ſoli quia ſi ceciderit, non habes ſubleuantem ſe.* Et quæ plura pergit in hunc finem ut agnoſcatur quod quantum bene cedit his qui Conſilio & Fortitudine muniuntur, tantum male cedat ſi horum alterutro careant; Et quia duo hæc facilius reperiuntur in ſocietate quam in ſolitudine, pro-

pterea solitudini præferenda est multorum Societas recte in Domino conuenientium.

Siue autem multi, siue sint soli, totum negotium in quibusvis negotiis, & summa rei, rebus in omnibus, hæc est, ne quid sine Consilio facias, nec sine Fortitudine; Ne alterum vñquam disiungas ab altero. Quæ simul enim iuncta plurimum valent, disiuncta plurimum nocent. Quæ se simul iuuarent si simul iungerentur, se mutuo destruunt si disiunguntur. Expressa sunt sancti Gregorij L. 1. M^o,
c. 15. verba: *Vile est, inquit, Consilium cui robur Fortitudinis deest, quia quod tractando inuenit carens viribus vsque ad perfectionem operis non perducit. Et valde Fortitudo destruitur nisi per Consilium fulciatur, quia quò plus se posse conspicit, eò virtus sine rationis moderamine deterius in præceps ruit.*

Quæ Sancti Patris sententia, simulque Veritas quæ modò expendenda proponitur vt magis elucescant, & quibusvis applicentur rebus agendis, sic digerenda est eius Declaratio per ipsas agenda rei partes. Nulla res dici potest bene agi nisi partibus ipsa suis totis constet & compleatur, nisi apto principio cohærenter & fine consistat, nisi prudenter suscipiatur, & constanter vsque ad exitum suum perducatur. Nonne hoc ita censes? Quale hoc putas esse opus cuius si peruersum esset initium peruerteretur & finis, vel cuius si probatum esset principium, ibi desineret: nullo vel nisi peruerso sequenti fine? Nonne id monstro simile diceretur? Nonne Is præuicatore ageret qui quod ædificasset, destrueret: vel quod ædificare cepisset, non consummaret?

II. P V N C T V M.

SED nisi Consilium & Fortitudo simul conueniant ad res gerendas, res nulla rectè suscipietur: aut si rectè sit instituta, non recto fine concludetur.

Sicut enim Consilij est rem inchoare, ita & Fortitudinis illam perficere. Absit Consilium à fortitudine, quid erit fortitudo nisi temeritas & peruicacia? Desit autem Consilio robur & fortitudo quid erit illud Consilium nisi mollis & dissolutus animus qui *frater est sua opera dissipantis*? Egregium plane est exemplum infortunis huius exitus in illis Sacerdotibus qui cum temere processissent ad bellum, turpiter fugati sunt, *Quia, inquit Scriptura, non audierunt* Prou. 18.
1. Macch. 5.

Iudam & fratres eius, existimantes fortiter se facturos. Et paulò post, ut tale animis firmiùs exemplum hareat; In die illa ceciderunt Sacerdotes in bello, dum volunt fortiter facere, dum sine consilio exeunt in prælium. Quasi diceretur, hùc tandem recidunt quæ sine consilio res geruntur, quantumcumque fortiter putentur geri, non est fortitudinis istud opus cuius initium non est consilij. At vero Saul, Salomon, Afa, Ichu, multique alij sapienter & cum diuino ipso Consilio res priuatas & publicas inchoarunt, sed quia tali Consilio Fortitudinem non adiunxerunt, parem cum illis habuerunt exitum qui suæ Fortitudini Consilium non adhibuerant. Va dissolutis corde! Va his qui perdiderunt sustentiam! O quàm aptè propterea Bethulix Ciues, suæ Iudithæ precabantur: Det tibi Deus gratiam & omne consilium cordis tui virtute sua corroboret; Quasi dicerent, sicut à Deo est tuum consilium, ita & Deus addat fortitudinem, ne si à te disiuncta fuerint Consilium & Fortitudo, nil à te præclare fiat.

Non aliter denique diuina Sapientia dicitur operari nisi quod attingat à fine usque ad finem fortiter, & disponat omnia suauiter, sic vtrumque coniungens ut nihil ad finem ducat nisi quod Sapienter inchoatum fuerit, & quidquid sapienter inchoarit, hoc ipsum Fortiter ad finem ducat: Firmum fundamentum Dei stat habens signaculum hoc. Cognouit Dominus qui sunt eius, inquit Apostolus, Id est, sic opus esse Dei agnoscitur, quando sic constanter perficitur, neque aliud habet signaculum vel sigillum quo signetur Dei opus, quam ipsa perfecti operis consummatio: nec est illustrior alia qua suos Deus ab alienis notà designet quàm si fortiter perficiant quod prudenter inchoarunt.

III. P V N C T V M.

SIC igitur Consilium & Fortitudo rebus bene gerendis conueniunt ut nisi sic simul conueniant res nulla bene geri possit, Quia vel perperam inchoabitur, vel perperam finietur, quod certe est rem male geri: Quamobrem sic apte Sapiens de vtriusque simul iunctis vel disiunctis: Lorummentum, inquit, id est, alligamentum, ligneum colligatum in fundamento adificij non dissoluetur, sic & cor confirmatum in cogitatione consilij. Cogitatus sensati in omni tempore metu non deprauabitur. Sicut pali in excelsis & camenta sine impensa posita contra faciem

faciem venti non permanebunt, sic & cor timidum in cogitatione stulti contra impetum timoris non resistet. Quæ sententia si quid lucis desideret, petenda est præcipue ab his verbis, *camenia sine impensa*, quæ magnam habent emphasim: Sicut enim qui parcut impensis lapides impositos & rudes ac sine sufficienti calce projiciunt in ædificium quod proinde male materiaturum est, & ventis flantibus non resistit, sic qui sine consilio ac fortitudine res suas gerunt, res casuras & primo aduersante impetu prosternendas gerunt. Quod & Propheta Ezechiel, seu Propheta Dominus graui stylo tusè prosequitur: *Dic ad eos qui liniunt (parietem) absque temperatura*, *Ezech 13.* *quod casurus sit.* Quid porro est temperatura nisi duorum mixtio sine qua quod linitur non stabit?

Apposita verò est Diui Gregorij Admoniùo circa hanc deficientem temperaturam in his qui suscepta consilia non roborant satis firma & constanti fortitudine: *Admonendi sum, inquit, qui inchoata bona minimè consummant, ut cauta circumspectione considerent* 3. p. Pastor. adm. 33. *quia dum proposita non perficiunt, etiam quæ fuerant capta conuellunt. Si enim quod videtur gerendum, sollicita intentione non crescit, etiam quod fuerat bene gestum decrescit. In hoc quippe mundo humana quasi more naui est contra ictum fluminis condescendentis: Vno in loco nequaquam stare permittitur, quia ad imarelabitur, nisi ad summa conetur. Si ergo inchoata bona fortis Operantis manus ad perfectionem non subleuat, ipsa operandi remissio contra hoc quod operatum est pugnat. Et nonnullis interiectis: Hinc Sardis Ecclesia Angelo dicitur, Esto vigilans & confirma cetera quæ moritura erant, non enim inuenio opera tua plena coram Deo meo. Si enim quod mortuum in nobis est ad vitam non accenditur, hoc etiam extinguatur quod quasi adhuc vinum tenetur. Et quæ ibi plura pergit, de quibus & sæpe alias, vbi de fortitudine ac perseuerantia.*

Multis autem & præclaris documentis Euangelium hodiernum ex 15. cap. Ioannis abundat, quibus conformes aliunde Veritates eruere non est magni negotij. Quæcumque porrò Veritas exponatur, non omittenda hæc Christi Domini Sententia, quæ certe est vehemens ad affectum ex quacumque pertractata materia citandum: *Si non venissem, & loquutus fuisset eis, peccatum non haberent, nunc autem excusationem non habent de peccato suo.*



IN FESTO
SANCTORVM
 OMNIVM.

Die 1.
 N uembris.

QVÆ multa & varia de hoc Feflo ex antè iam dictis colligi
 vel noua formari poffunt, ad quadruplex Caput referuntur.

Primum eft in quo de Sanctis vniuerfim agatur, fiue vt funt co-
 lendi & inuocandi, fiue vt Imitandi: Quò fpectant hæ fubiectæ
 Veritates:

Si forte times Mediatorem Chriftum, non Ille timer
 alios Mediatore.

Tot Ipfe tibi exhibet adhibendos, quot habet San-
 ctos.

In 4. parte, Sabbato Hebdomada 26.

Quanta olim erat Sanctorum gloria, mundum vin-
 cere: tanta modo eft noftra Ignominia, vinci à
 mundo.

In 2. p. Dominica 1. poft Pafcha.

Qui te à Sanctitate acquirenda excufas, ex aliis ac-
 quifitis bonis te condemnas.

In 2. p. Fer. 6. poft Cineres.

Qua vna re potiffimum à diuino cultu auocamur, ea-
 dem potius ad Eum aduocandi effemus, Nempè Li-
 bertate qua bene vfi funt Sancti, & qua nos male vtimur.

In 4. p. Sabbato Hebdomada 15.

Defecit Sanctus, quoniam diminutæ sunt Veritates.

Pf. 11.

Vide in 1. p. præfationem.

SECUNDVM Caput est de cœlesti & æterna Sanctorum
foelicitate quam speramus post hanc vitam : & cuius Consideratio
multum valet ad Sanctos imitandos. Quo de argumento fufe in 2.
parte, tota Hebdomada s. post Pascha, præsertim vero Fer. 2. 3. 6.
& Sabbato, ubi hæ Veritates exponuntur :

Quantam in te vim habet desiderium regni cœlestis,
tantam tibi vim facies.

Qua ratione terrena tantum & non cœlestia deside-
ras, eadem necesse est vt cœlestia tantum, & non
terrena desideres.

Sic dignum est Cœlum nostris desideriis, vt nisi cœ-
lum desideres, cœlo sis indignus.

Spes cœli, cœlum est.

His conformes addi possunt sequentes.

Qui terrena nimis desiderat, timet potius quàm reuera
desideret, ne adueniat regnum Dei.

In 3. p. Fer. 3. Hebdom. 6.

Qui cœlesti pane viuunt, cœlestes fiunt : & ita viuunt
in suis corporibus, sicut Cœlites in assumptis.

In 3. p. Fer. 6. Hebdom. 13.

Sicut portauimus imaginem terreni hominis, porte-
mus & imaginem Cœlestis.

In 4. p. Dominica 22.

Quàm difficile est cogitare quid sit videre Deum,
tam facile est cogitare quod sit magnum Bonum.
Ex difficultate facilitas.

Ratio est, quia idcirco difficile est cogitare quid sit videre
Deum, quia nec oculus vidit, nec auris audiuit, nec in Cor ho-

X x x x x ij

1. Cor. 13. 64.

minis ascendit quæ præparauit Deus iis qui diligunt illum. Quod autem tale est, protecto nec facile potest explicari nec cogitari.

Sed inde tamen oritur vt sit facillimum cogitare quod sit magnum bonum. Nam quod omnem creatam cogitationem superet, oportet illud certe magnum esse bonum; Quid enim humanus vel Angelicus Intellectus non potest fingere? Quid si multi, quid si omnes quotquot sunt ingenio acutiores intelligentiæ simul conueniant vt fingendo exprimant magnum aliquod Bonum: Nonne magnum illud erit quod fingent? At cum tamen longe sit impar & inferius eo Bono quod dicitur Beatitudo, cum vix minimam eius partem attingant, nonne facile est inde fateri & concludere, quod magnum igitur est illud Bonum quod longe maius & superius illo est in quo fingendo tam multa laborarunt ingenia?

Videndus esset sanctus Anselmus in libro de similitudinibus vbi à capite quadragesimo septimo ad multa inde sequentia fusè & distincte per partes omnes quæ dici & fingi possunt ad beatam constituendam vitam progreditur, & ostendit in cœlo talem esse, quibus etsi luculenter enarratis, manet tamen quod ait sanctus Petrus, læticiam illam esse inenarrabilem, *exultabitis*, inquit, *læticia inenarrabili & glorificata*, quasi diceret, quæ inde magis glorificatur & innotescit quod sit inenarrabilis. Quamobrem ne quis se propterea putet excusatum si tanti Boni desiderio non moueatur ardentius ad illud consequendum, quasi Bonum illud non posset cogitari; Nulla hæc prorsus excusatio, quia hoc ipso quod cogitari non potest, satis cogitandum relinquitur quale sit Bonum & quā potens ad inflectendos animos ad sui desiderium, & ea omnia libentissimè toleranda quæ nos eò ducunt.

Intoleranda certe res est, ibi difficultatem causari & excusare vbi ceteræ omnes molliuntur difficultates. Quid magis oppositum Euangelicæ Gratiæ quæ ad superanda quauis ardua cœlestia proponit præmium cogitandum, quid magis inquam oppositum quàm si dicas hoc ipsum esse difficile cogitare quale sit istud præmium? Quale id quidem omnino in se sit nec est facile nec possibile cogitare, vt dictum est; sed quod reuera sit magnum, eximium, omnique cogitatione maius Bonum tam facile est scire ac intelligere quàm quidquid aliud ex creatis & humanis quod ratiocinando potest intelligi.

Ratio hæc ad supradictam adiungitur, quod facile est illud nosse,

In cuius cognitionem ex aliis iam cognitis & vltro concessis manifeste deuenitur. Sic enim naturali & euidenti consequentia quasi manu ducti à notioribus ad minus cognita manifeste cognoscenda deuenimus. Sic à visibilibus ad inuisibilia, & à mobilibus ad Motorem, à creaturis ad Creatorem ascendimus. Hinc cognitio matutina & vespertina cum à causa descenditur ad cognitionem effectus, vel cum ab effectis ascenditur ad causæ cognitionem.

Sed quale sit bonum, Beatitudo, sic consequenter cognosci potest ex aliis euidenter notis, & vltro concessis: Vnde profecto concluditur, quod facile est ergo cogitanti nosse quale sit Bonum, & inde cum Gratia permoueri vehementius ad illud assequendum.

Quænam sint autem illa vnde ad istud perueniri possit, vt commodius intelligas, gradatim procedendum est, & cum sponsa dicendum, *Dixi, ascendam in palmam, & apprehendam fructum eius.* Cam. 7. Palma nomen est pugnæ, nomen victoriæ, nomen & triumphii ac gloriæ, vt infra dicetur capite quarto. Ascenditur vero ad hanc gloriosam palmam hinc intellectu apprehendendam per octo Gradus de quibus Propheta Ezechiel vbi coeleste templum describit, *Et calata palma*, inquit, siue vt paulo post habet, *Et calatura palmarum in fronte eius hinc & inde, & in octo gradibus ascensus eius.* C. 40. N. 34. N. 37.

Primus gradus est à cognitione sui. Nonne sentis quàm multa desideres, quàm multa desiderabilia videas, quæ si haberes contentus esses: si autem contentus esses, te beatum putares, sicut putas multos esse contentos & beatos? Nonne ita sentis? & rectè quidem quod te putes fore beatum si contentus esses, sed male quod putes te contentum fore, si quæ hinc desideras, possideres; nam nullus hominum etsi solus omnia possideret, fuit contentus in his possidendis, cum metus amittendi hæc omnia tantò sit maior quantò est eorum affectus vehementior; & quò quis propterea videretur magis contentus quia maiora possideret, minus esset contentus quia magis timeret, & magis doleret cum illa esset relicturus.

Coelum, coelum est vnicus locus vbi omnia quæ desiderare possis, habebis: vbi plenè ac cumulatè contentus eris sine vllò metu amittendi quæ possides, sine vlla cupiditate plura possidendi, sine vlla inuidia vel actiua vel passiuæ, Id est, nec aliis inuidebis,

nec tibi alij inuidebunt, sed in mutuo quique singulari ac omnium voluntatum complexu conquiescent, quo fiet vt omnes suo particulari bono sint ita contenti vt communi etiam gaudeant, & bonum vnius sit bonum meum, & bonum meum sit alterius bonum, & ita omnes denique sint contenti nihil vt desiderent quod non habeant, nihil vt habeant quod non desiderent.

Iam vero dic, iam vero agnosce ex tuo sensu num sit facile cogitare quale id tandem sit Bonum quo sic omnes contenti sint vt non aliter contenti esse possint sine illo, & quo semel possesso non possint non esse contenti. *Satiabor cum apparuerit gloria tua.*

Secundus gradus est à cognitione sensibili bonorum omnium quæ hîc possidentur; Non satiant quidem nec explent animum, quantumuis illa nobis abundant, imo & quo magis abundant & quo magis sentiretur animus his se velle satiari, tanto minus explerent si animus tantisper religiosus & timoratus esset: Sed tamen consideremus quantis exultent gaudiis qui mundi possunt & volunt sentire gaudia: sic ea certe mundani æstimant vt licet in se multum exigua, licet exigui sint temporis, licet multis consent impensis, licet multa inuehant incommoda & detrimenta, vel- lent tamen sic posse semper viuere nec aliam sibi vellent foelicitatem.

At quæso te, quale inde argumentum cognoscendæ cœlestis Beatitudinis! Confer enim totam illam cœlestem Beatitudinem vbi est omne bonum sine vlllo malo cum illis exiguis gaudiis vbi vix vllum est bonum cum multis malis, & conclude quod si tale est bonum quo hîc se contentos dicunt qui eo perfruuntur, quale tandem illud esse oportet quod in cœlo sentitur! Si tanta peccatoribus, blasphemis, ingratis & hostibus suis prouidit & vtenda reliquit Deus, quanta suis fidelibus seruis, amicis, & filiis reseruauit, qui dum in eius cultu viuerent, nihil nisi morientem, & omnibus mundi poenis obnoxiam vitam duxerunt?

Tertius hic gradus est quo in cognitionem magnitudinis gradiorum cœlestium possis ascendere: Si nempe consideres quàm multa quàm graua quàm extrema Sancti quique sint passi pro diuino cultu, quos tantùm abest vt compensarit Deus, quin eos potius diris quibusque suppliciis tamquam malefactores & reos omnium criminum exposuerit aut permiserit cruciandos. Et quod mirum est Illi ipsi qui plura patiuntur se beatiores putant & cla-

Octo gradus per quos ascenditur ad cognoscendā Beatitudinē. 90,

manant omnibus non esse *condignas passionēs huius temporis ad futuram gloriam quæ reuelabitur in nobis.* Dic porro quantum inde necesse est colligere futuram illam gloriam quæ tam carè emitur à carioribus Christi amicis? & quæ ab illo emitur qui ne quidem aquæ potum suo nomine pauperi datum sinet suo carere præmio? *Rom. 8. Mat. 10.*

Quod si dicas illos dum paterentur tot internis abundasse deliciis ut vix se sentirent pati. Erras si tibi hoc persuades communi multis ut suas non sentirent pœnas; sentiebant scilicet sed se sentire ac pati gaudebant, & fateor ita inde gaudebant ut nolissent non pati, & maluissent illas subire pœnas quibuscum delicias spirituales sentiebant, quam priuari suis pœnis ne suis priuarentur deliciis. Sed te huc prouoco qui quale sit gaudium, Gaudium cœli cupis agnoscere.

En quartus gradus est quo id magis ac magis agnoscas. Nam si tale est gaudium ut hic in mediis suppliciorum cruciatibus non pleno gutture haustum, non ad satietatem potatum, non ad illam abundantiam qua in cœlo percipitur sed primoribus tantum ut dicitur labris degustatum, ita tamen reficit ut quandoquidem in tormentis sentitur, tormenta desiderentur ut tùm simul sentiantur? Quiddices ignare cœli, quid iam dices de tali gaudio cum vberim in suo fonte quoscumque Sanctos inebriabit? An ignorare deinceps poteris quale quantumcumque sit illud Gaudium?

Sed quandoquidem de Martyribus aut aliis qui pro Christo Sanctis tormenta passi sunt sermo iniectus est, subeat animum ipsa Christi patientis memoria; Contemplare quis, quid, & quo fine is patiatur; Hinc enim quintus construitur gradus quo pergas nosse clarius quale sit illud Bonum cui nobis comparando Christum oportuit pati & mori. Christum pati & mori! Quid non meretur tale patientis & morientis meritum? Sed quid tandem nobis mereatur? Quid sua morte intendit, quid assequetur, quid nobis obtinebit? Nonne illud est gaudium de quo hic agitur, nonne illud est quod dicebat, *sic Deus dilexit mundum ut filium suum unigenitum daret, ut omnis qui credit in eum non pereat, sed habeat vitam æternam?* Hic nempe finis omnium quæ Christus egit & passus est. Itane vero tanta sit Christus passus pro fine seu pro Bono quod non esset magnum & ita magnum ut possideri non potuisset: nisi Christus esset passus ac mortuus? Quid tibi videtur de Christo? Cuius meriti, cuius dignitatis, & cuius excellentiæ?

Dic quid sentis ? Et idem prorsus de cœlo sentias quod non minoris valet quam ipse totus Christi Sanguis , quàm Ipse totus pro cœlo tibi comparando Christus impensus. Non est tui tantum laboris merces quam speras , sed Christi ; Christus est in te compensandus , Christus in te totius sui meriti pretium & præmium est accepturus quia se totum pro te tradidit ! Possesne dubitare de propensa in Filium summi Patris dilectione ? Nec minus dubitare de propensa eius in Sanctos omnes large & effusè compensandos voluntate , quia quod largitur Sanctis , suo largitur Filio ; & quantà in Filium effusa Patris largitas , tanta est suo modo in Sanctis eius qui propterea suas illi coronas subjiciant , quasi dicerent , tibi debemus quod sumus , & tibi sumus quod debemus :

Apoc. 4.

Accedit quod in sextum gradum te prouehat atque inde in altiore rem eius rei quam inuestigamus causam & noticiam ; Illic in Cœlo Æmpyreo ubi exultant Sancti in gloria , locus & tempus est diuinæ exhibendæ Magnificentiæ , quo vno verbo satis facile comprehendes quidquid esse potest eximium. Cogita enim quid sit esse magnificum in magnis & summis illis viris , in Salomone , in Assuero & aliis qui hoc nomine celebrantur. Nempe est exhibere suam potentiam , suas communicare diuitias , suam in alios prosperam deriuare fortunam , & quidquid sublimus possident hoc spectandum , hoc vtendum & fruendum proponere. Quod tantò quidem sit magnificentius quantò qui velit haberi magnificus majorem habeat sapientiam , potentiam , & munificam voluntatem. Nam oportet primo scire quid sit splendidum , quid decorum , quid magnum & quid magnificum. Deinde vero id oportet posse ; ac postremo velle ; quorum trium si vel vnum absit ac nisi ex æquo tria concurrant , deficiet Magnificentia ; quæ ratio est cur inter homines sit tam rara & parca quia qui possunt nōlunt , & qui volunt non possunt aut nesciunt quid sit esse magnificum.

At in Deo non dubitasteria illa inesse tam firmo nexu conjuncta vt desineret esse Deus nisi esset sapiens , potens , & bonus : quam obrem illam omnem suam sapientiam in cœlis explicat vt quantum potest & velit tantum sciat esse magnificus , & quantum id probe scit , tantum possit & velit esse : *Quia solummodo ibi magnificus est Dominus noster* , inquit Propheta , quasi diceret , etsi apparet in terris esse magnificus , quam in cœlo tamen exhibet magnificentiam tanta est , vt ibi solum esse magnificus sit dicendus. Vel

N. 33.

sic

hic interpretare dictum Prophetæ : quod solum & quod vnum in cœlis agit Deus, hoc est esse magnificum, in eo totus est vt suis magnificentiam suam exhibeat, sua communicet, & communicando lætificet. Qualem porrò inde lætitiā oportet esse Beatis omnibus in qua communicanda totus est Deus; profecto facilius est concipere quam dicere.

Nam si, quod septimū esse possit vnde alius etiā progrediaris, si tanta est in Infernis pœna quantam oportet esse ad diuinam Iustitiam exhibendam, & quantam non dubitas à damnatis sustineri; nonne tantundem senties de Domino in bonitate, vt ubi bonitatem & magnificentiam suam notificat, non minus saltem sit bonus in cœlis Deus quam in Inferno est iustus? Quod ex ipsa grauiori damnatorum pœna quæ Damni dicitur, facile colliges. Nam illa tota est in priuatione Beatitudinis, in priuatione Dei qualis videretur & amatur in cœlo à Beatis; quale autem oportet esse illud Bonum cuius sola priuatio pœna est grauior quàm quidquid reliquum apud Inferos cruciet.

Denique quod octauum & postremum est, quia rem omnem conficit; Beatitudo cœlestis, ipsa est Dei beatitudo. Non ignoras quàm sit summè Deus beatus, & quale quantumque bonum sit illud gaudium quo est beatus. At vero idem est Beati cuiusque gaudium. Licet in Beatis sit variū, nec sit idem in omnibus, nullus tamen est beatus quin ipsa Dei beatitudine ac gaudio beatus sit, vnde sermo duorum æque ac seruo quinque talentorum dicitur, *intra in gaudium Domini tui*: quia reuera ipso Dei gaudet gaudio quo ita totus possidetur vt in ipsum intrare dicatur. Sic & Sanctus *1. Ioan. 3.* Ioannes de quouis Beatorum affirmat, *Scimus, quoniam cum apparuerit, similes ei erimus, quoniam videbimus eum sicuti est.* Sic videre Deum sicuti est, est esse similem Deo: sic autem similem esse Deo, est gaudere sicut gaudet, & beatum esse sicut beatus est.

Antibi vero hoc non satis magnum videatur? non satis potens ad agendum vel patiendum quidquid propterea te oportet pati vel agere? Non est dubium quin si in terris hoc idem patiendum esset pro aliquo terreno præmio, libenter patereris: at pro cœlo, at pro tali bono laborem detraheris, infrendebis & murmurabis! Plane cauendum est ne hoc idem sit eorum crimen quorum pœna fuit terram promissam non ingredi, quibus à Domino dictum est: *Omnes qui murmurastis contra me, non intrabitis Terram super quam le-*

*naui manum meam, ut habitare vos facerem! Expendi multum pos-
sent hæc postrema verba.*

TERTIVM Caput est de octo Beatitudinibus in hodierno
Euangelio recensitis, & in 3. parte, Hebdomada 3. & 4. figillatim
explicatis. Quò referri etiam possunt hæ cognatæ Veritates:

Qui non seruat consilia, quia non sunt præcepta, nec
ipsa etiam præcepta seruabit.

In 3. p. Fer. 2. Hebdom. 5.

Hoc amanti cœlum paupertas est seu contemptus ter-
renorum, quod amanti terram, diuitiæ.

In 4. p. Fer. 3. Hebd. 17.

Si quod futurum est in æterna vita, fieret in præsentî,
nemo dubitaret pauperem esse diuite ditiozem seu
beatiorem.

*In 4. p. Fer. 5. Hebd. 17. Veritate 9. Vbi & videnda hæc quæ est numero
duodecima.*

Vix se vllus ralem putat diuitem qualis in Euangelio
improbatur: Et vix tamen vllus est qui non sit talis.

QVARTVM Caput dici potest mixtum ex tribus aliis quod
ea contineat consideranda quæ totum simul procurandæ salutis
opus comprehendunt, sicque vno contextu partim Sanctorum
Imitationem seu Sanctitatem, & partim Cœlestem Beatitudinem
aut ipsas Beatitudines Euangelicas, Id est, laborem, certamen &
proxima propriaque singulis suæ salutis & perfectionis Media
complectuntur, quales sunt hæ Veritates:

Porro, unum est necessarium:

Hæc est Veritas Veritatum.

In 4. p. Fer. 2. Hebd. 23.

Salutis operi nullum par opus.

Nisi cum metu & tremore salutem opereris, non ope-
raris.

Falsò excusas mundi negotia cùm sit nullum in mundo tale negotium.

In 3. p. post finem Hebdom. decimæ, ubi de Missionibus, Capite 3.

Multi quidem Beati, sed multo plures damnati.

Quæ causa est cur multo plures sint damnati, hæc forte causa est quod sis ex illis pluribus.

Ibid. c. 5. & in 2. p. Dominica Septuagesima. Necnon in 3. p. Dominica 7.

Certa salutis præjudicia tuam faciunt valde incertam & dubiam.

Ibid. c. 4. Vbi de lata & arcta via.

Vnde timorem minuis, magis inde esset timor augendus:

Perisisti firmamentum tuum, formidinem. ex Ps. 88.

Ibid. c. 8. & in 2. p. Dominica Septuagesima, ad hæc verba: An oculus tuus nequam est, quia Ego bonus sum?

Verendum ne quod deesse tantum putas ad perfectionem, desit ad salutem.

In 4. p. Fer. 2. Hebd. 17.

Salutis animæ nulla est certior certitudo quàm in certo Vocationis gradu attingendo.

In 1. p. Fer. 2. Hebdom. 5. post Epiph. Et in 4. p. Fer. 3. Hebd. 21.

Nihil æstimatione speculatiua nobis pretiosius animâ nostra, sed practicâ, nihil vilius.

In 2. p. Dominica 2. post Pascha.

Cur autem tam parui faciamus in praxi quod tanti momenti est, cùm inde solum proueniat quod praxis videatur difficilis seu quod difficultatem & laborem fugiamus, hinc omni modo laborandum, si tibi & aliis consultum velis, vt laborem commendes, nec alia melior eius commendandi via & ratio, quàm ex necessitate quam vocant Medij vel Præcepti. Sic enim est necessarius ad salutem labor vt nulla sit sine labore salus, quia nulla salus sine

Y y y y ij

virtute, sed nulla virtus sine labore. Nec ergo salus aliter. Quod diuersis & multiplicibus aliis loquendi modis variari potest ex sacra Scriptura & Sanctis Patribus.

Apte occurret illud ex Epistola hodierna quod Sanctus ait Ioannes de Sanctis omnibus à se in coelo visis :

Apc. 7.

Et palma in manibus eorum.

Nullus sine palma Sanctus. Nullus est qui non triumphet, nullus triumphus sine victoria, nulla victoria sine certamine, nullum certamen sine labore. Quò etiam spectat Illud Apostoli :

2. Tim. 2.

Qui certat in agone, non coronatur nisi legitime certauerit.

1. Cor. 9.

Nam non coronatur nisi qui vicerit : at nemo vincat nisi qui certet ; Ergo & non coronatur nisi post certamen & laborem. *Sic currite ut comprehendatis.* Non apprehendes nisi curras ; sed non cures, nisi obstitentia deuiceris & contrà prius certaueris.

Serm. 47.

de Sanctis.

Opportunum etiam illud esset Sancti Augustini : *Nos volumus gaudere cum Sanctis, & tribulationem mundi nolumus sustinere cum ipsis.* Quasi diceret, ridiculi certe sumus, & in re tam graui ac seria prope blasphemi & impij : Nam quod volumus hoc ipsum nolumus : imo & quod magis videmur velle, hoc est quod minus volumus. Quid enim magis volumus aut quid magis optandum quam gaudere cum Sanctis ? Nonne hoc velles ? Sed quid est quod minus nolumus quàm tribulationem mundi sustinere ? Nam hæc est propriè tribulatio mundi cum quid accidit quod nostræ aduersatur voluntati, cum id accidit quod nolumus, vel cum id minime aduenit quod volumus ; Nonne hoc est quod minus velis ? Et tamen hoc est quod sustinendum esset cum Sanctis ut gaudere posses cum illis : quia hoc est quod cum accidit, ita ordinatur à Deo tamquam medium ad salutem tuam, quod quidem salutis medium si non vis acceptare, hoc ipso non vis ipsam salutem tuam, sicut qui necessariam sanitati seu vitæ conseruandæ medicinam recusaret, recusaret sanitatem, renuntiaret vitæ ; & quantumcumque diceret se velle viuere, nollet tamen cum nollet id quod ad vitam conseruandam esset necessarium.

Hoc est pigrum illum esse qui *vult & non vult*, vult finem sed non media, nolle autem media necessaria iam non est velle si-

nem, non est velle absolute & efficaciter, non est verè velle, non est velle rationabiliter, non est velle sicut vult Deus qui non aliter quam cum ipsis ordinatis mediis ordinavit finem.

Qua de re fusius in 3. p. Dom. 7. & Fer. 2. Hebdom. 12. vbi expressa hæc Veritas declaratur:

Quod vidéris velle, velles quidem: sed reuera non vis.

Iam vero nolle salutem, nolle beatum esse, nolle quod præ te fers magis velle, quid est hoc quam ridiculum esse, quam aut infidelem, aut desperatum? Vellesne hoc ita esse? Vellesne post peccatum numquam poenitere? Putaresne te velle salutem tuam, si nolles poenitentiam? Cur porro non putares nisi quia Poenitentia sic est ordinatum medium ad peccati remissionem & salutem ut sicut nulla est salus sine remisso prius peccato, sic nulla prorsus sit peccati remissio sine præuia poenitentia? Cur verò non idem senties de tribulationibus mundi sustinendis cum sint æque ordinata salutis media? Cur non idem concludes vel illas esse sustinendas vel renuntiandum salutem?

Nec dicas te peccare quidem quod illa nolis aduersa quæ Deus ordinabat ad salutem, sed tamen non ita omnia esse desperata, cum ipsa supersit Poenitentia qua peccatum illud eluatur. Ne id inquam, dicas: nam quid esse putas poenitere? Nonne est voluntatem mutare circa illud cuius te poenitet? Nonne si te peccati poeniteat quod contraxisti tuis murmuribus, tuis in Deum & homines iniuriis ac blasphemis, tuis naturæ repugnantis insultibus, nonne te oportet ab illa mente resipiscere? nonne te oportet hunc mutare animum? nonne te oportet velle quod volebas, aut nolle quod volebas? nonne te oportet internam illam concupiscentiam vel honoris vel voluptatis vel bonorum temporalium quæ est omnium murmurum & rebellionum radix & causa velle reprimere: vel non te prorsus poenitebit? Nam alioquin voluntatem non mutares, & nisi mutes voluntatem non resipisces, non te conuerteres, non te peccati poenitebit. Vnde vides quòd quàm ipsa est necessaria poenitentia, tam est necessaria voluntas patiendi quicquid Deus voluerit, quod expresse dixit Apostolus, *Patience vobis necessaria est ut voluntatem Dei facientes, reportetis promissionem.* Ac proinde nisi velis pati, hoc ipso nec poenitere nec saluari velis.

Mat. 3.

Vndenam putas aliter tam raram esse poenitentiam vt affirmet Scriptura, nullum esse qui agat poenitentiam, Id est, valde rarum & pene nullum? Licet multi confiteantur, licet multos sui poenitere videatur; Rarum id tamen est & penè nullum, quia rarum omnino est homines, suis addictos concupiscentiis voluptatem suam mutare circa illud quod amant vel oderunt; atque ita dum idem semper volunt & nolunt, numquam mutantur, numquam conuertuntur, numquam eos poenitet. Vnde apte Sanctus Ioannes: *Blasphemauerunt nomen Dei habentis potestatem super has plagas, neque egerunt poenitentiam, vt darent illi gloriam.*

Luc. 16.

O qui hæc serio sicut res postulat, cogitaret & apprehenderet? *Conuertere Iacob & apprehende.* Conuertere vt apprehendas, & apprehende vt conuertaris.

Mat. 4.

Nec dicas id esse difficile & arduum sic se in alium mutare hominem; Nam ipsa rei necessitas & magnitudo difficultatem omnem perumpit. Vide quid sit de quo agitur: De cælo negotium est, de cælorum vel inferorum æternitate comparanda: totumque negotium in hoc vertitur, vt Rationi & Gratia concupiscentiam subiciās, vt tantum laboris sumas quantum est opus ad hanc necessariam subiectionem. Itane hoc arduum & operosum est opus quod Sancti omnes præstiterunt, quod inferno redimendo, & cælo possidendo postulatur, vt te id redditurum neges, & malis iacturam tanti boni facere, quam quid damni propterea pati? Malis non gaudere cum Sanctis, quam lene aliquid sustinere cum ipsis; malis denique Sanctos omnes in te tuamque perniciem hodie prouocare quàm illos tibi patronos adhibere?

Sic enim est si nolis pati, si difficilius id affirmas quam vt possis sustinere:

Tot in te prouocas hodie testes, quot Sanctos inuocas.

Quæ Veritas multum expendenda vt altius repetatur propone tibi & aliis considerandum quod licet Christus pro summo suo Iure, vel pro æquitate ac sapientia sua quam nihil prorsus latet, posset quosuis peccatores iudicare & condemnare, tamen pro sua bonitate & clementia vult seruare quandam formam iudicii, nec nisi auditis quodammodo partibus, nec nisi ex allegatis, vt dicitur, & probatis quemquam iudicare; Vnde ipse Iudex aiebat, *sicut audio, iudico.* Audit Dæmonem accusantem; audit accusa-

Mat. 1.

tum se excusantem, audit testes ad id prouocatos; tunc ex auditis iudicat. *Reduc me in mentem, & iudicemur simul; narra si quid habes ut iustificeris.* Hoc Iudex reo peccatori, hoc tibi modo Christus. En accusaris ignauia quod nolis sustinere aduersa, quod nolis laborare in reprimendis cupiditatibus quæ nimis auide blanda consecretantur, & nimis odiosè contraria quæque auersantur. Hinc omnium origo peccatorum, hinc maxime peccatores accusantur. In id vnum retundi debet eorum superbia, libido, auaritia, gula, ira, inuidia ceteraque vitiolorum pestes, quod seipsos non reprimant, siue quod laborare nolint in seipsis reprimendis. Tu quid dicis, quid excusas, quid opponis? Negare certe non potes te superbum, te cupidum, te elatum, inuidum, iracundum, murmuratorem, gulæ ac ventri deditum, iniuriæ supra modum impatientem & lasæ sapius Charitatis ac castitatis reum. Esto aliquid horum fortè desit, satis est si vnum adsit ut accuseris; satis est si sis ita superbus ut contra tuum nomen nil velis pati, nec tamen parcas alieno nomini. Negare hoc certe non auderes; Etiam tacente Dæmone, Vita hoc tua nimis clamat & propalat.

Iam quid dicis? quid excusas? Audio, te hominem ais fragilem, infirmum, sic à natura constitutum ut non possit ferre iniuriam quin parem referas? Nonne hoc dicis, nonne hoc cogitas? Et quidem ad te reuincendum & mendacij condemnandum sufficeret ipse Iudicis certa scientia, sufficeret quod dixit Sapiens, *Si dixeris, Vires non suppetunt, qui conspector est cordis Ipse intelligit, & Seruatorem anime tue nihil fallit, reddetque homini iuxta opera sua.* Nihil scilicet infirmitatis illum fallit aut ignauia tua. Non ignorat quam sis infirmus à natura tua, sed probe scit etiam quam sis potens à sua gratia. Sufficiebat inquam Iudicaturæ suæ hæc accurata scientia, vnde apud Iobum: *Ecce Deus magnus vinctus scientiam nostram.* Sufficiebat & Exemplum ferenda iniuriæ tam luculenter ab ipso nobis datum. Sufficiebat ipsa eius naturæ humanæ sensibilitas quam assumpsit, ut paritate sua totam euerteret prætextu causam excusationis tuæ, sic Ipse ait apud Prophetam: *Ego sum Iudex & testis.*

Sed tamen, ut mitius & accommodatiùs tecum agat, meros ipsos producit homines qui dum viuerent, iniurias, calumnias, expilationes, & alia quæuis passi sunt, ut testentur & dicant, an id fieri nequeat, an id tolerari sit ita difficile ut vires omnes diuina

Chrysostomus, *aduersus peccatum Sancti, sic & laborando fortiores, & moriendo victores effecti sunt. Nullus athletes sine certamine fortior dici, nullus sine victoria poterit coronari. Nemo miles sine pralio hostem subiecit, nemo sine bello Imperatorem promeruit. Habes Christiane competentia arma quibus hostem expugnes, habes fortissima tela quibus inimicum debelles. Et alibi. Si propterea Iustos fidelesque diligimus, quod in ipsis institiam fidemque suspicimus, possumus nos quoque esse quod sunt si faciamus quod ipsi faciunt. Neque enim difficile nobis est quod ab ipsis geritur, imitari.* Et quæ plura pergit, ex quibus patet quam falso excusamur quasi non possimus; & quam merito arguamur quod nolimus.

Serm. quod sunt imitandi, aut non laudandi.

Par utrobique potestas cum gratia, sed dispar utrorumque voluntas. Poterant illi nolle sicut nos pro sua libertate voluntatis: sic & nos possumus velle sicut illi, cum æquè simus liberi. Libertas inter nos eadem, sed non idem libertatis usus. Libertatem illi suam adjugebant gratiæ, ut contra seipsum pugnarent: nos vero nostram nobis ipsis, id est, cupiditatibus, adiungimus libertatem ut contra gratiam deceremus. Quod præclare Diuus Augustinus, vel ut alij volunt, Sanctus Fulgentius insigniter declarauit exemplo Regum Pharaonis & Nabuchodonozoris, quorum vitæ ac morum paritatis longe dispar fuit exitus: *Quantum ad naturam, inquit, ambo homines erant: quantum ad dignitatem, ambo Reges: quantum ad culpam, ambo captiuum populum Dei possidentes: quantum ad pœnam, ambo flagellis Dei clementer admoniti. Quid ergo fines eorum fecit esse diuersos, nisi quod vnus manum Dei sentiens, in recordatione propria infirmitatis ingemuit; alter libero contra misericordissimam Dei Veritatem pugnavit arbitrio?*

De predest. & gratia.

Quamobrem hoc vnum restat ne sic deinceps repugnes gratiæ quali non possis tecum pugnare, & quasi tu inde exculeris: Nam testimonio Sanctorum omnium aperta conuinceris falsitatis, iamque tot annorum reo decretoria lata esset sententia nisi te singularis clementia Iudicis in hunc usque diem reseruasset quo tantis conuictus testibus resipiscas, & ad seriam tecum ineundam pugnam vehementius accendaris.

Sic nobilis ille Athleta Iobus hunc inde stimulum ad suas generosius ferendas pœnas sentiebat tam vehementem ut Domino diceret: *Instauras testes tuos contra me, & multiplicas iram aduersum me, & pœna militans in me: Vbi Sanctus Gregorius, testes, inquit, suos*

Job. 10.

- L. o. inoy.** *contra nos Dominus inflaurat cum Electorum vitam prauitati nostra contrariam ad arguendos nos multiplicat. Tum post multa: Et pœna militat in me, Id est, metus futuri Iudicij, quali diceret, conflictus quidam in me est presentis pœnæ quam patior, & futura quam metuo. Præsens pœna fex corpus atterit vt ea vellem liberari, sed nisi libenter patiar exemplo confirmatus eorum qui totos vitæ annos in tolerandis difficultatibus posuerunt, pœna me futuri terret iudicij, sicque hæc futura pœna cum presenti militat vt dum nolo pœnam quam sentio, velim tamen quod nolo, dum futuram metuo grauiorem. Sicut autem lobo veteres illi Patriarchæ Abrahamus, Isaacus, Iacob & pauci alij proponebantur in exemplum fortitudinis & in testimonium oppositæ laxitatis, sic ipse Iob & consequentes Viri patientiæ, nobis in eundem exhibentur finem. Ecce,*
- Iacobi 5.** *inquit Sanctus Iacobus, Ecce Iudex ante ianuam assisist: Exemplum accipite fratres exitus mali, laboris, & patientia Prophetas qui locuti sunt in nomine Domini. Ecce beatificamus eos qui sustinuerunt. Sufferentiam Iob audistis, Et nonnullis interjectis: Elias homo erat similis nobis passibilis, quali diceretur, En suos Iudex contra nos producit testes omni exceptione maiores: Nam erant nobis similes, Id est, ita infirmi & passibiles, vt nihil habeamus excusandum quod illi non haberent & quod tamen non opposuerunt ne paterentur; vnde*
- Hebr. 12.** *tandem concludens Apostolus, Ideoque, inquit, & nos tantam habentes impostam nubem testium, deponentes omne pondus & circumstant nos peccatum, per patientiam curramus ad propositum nobis certamen. Id est, libenter suscipiamus tale certamen quod est propositum seu quod est necessarium ad expugnandas concupiscentias quæ sunt causa peccati, vel ad eas ita continendas ne peccetur. Currendum etiam dicit Apostolus quasi qui sequuntur currentes alios, quasi quibus est in mora periculum, quasi iam omnia sint deliberata, præuisa, constituta: neque aliud quid supersit quam certare. Qui sic enim non currit, vel sedet otiosus, & nihil agit; vel si lentius & mollius pugnet tum repugnantem audit naturam & illi cedit quam currendo facilius repulisset, aut ne quidem audiuisset. Num-*
- 1. Cor. 9.** *quid fratres vestri ibunt ad pugnam, & vos hic sedebitis? Aptè illud Moïsis in ignauos detorqueatur; Aut ne ignaui sint, aptissima matris Machabæorum ad Filium natu minimum adhortatio: Fili mi miserere mei, quæ te in utero nouem mensibus portauit: & lac triennio dedi, & alui, & in aetatem istam perduxi. Peto nate vt aspicias in cælum:*

ita fiet ut non timeas Carnificem istum, sed dignum fratribus tuis effectus particeps, suscipe mortem ut in illa miseratione cum fratribus tuis te recipiam.

Sic suos hodie teneriores filios Ecclesia cohortatur proposito Cœlo & Sanctorum exemplo; Quæ duo certe sunt acerrimi ad certandum aculei. Nam si non aliter cœlum obtinetur quàm pugna, quis audeat cœlum sperare nisi pugnet? Quis audeat non pugnare, ne sperare cœlum non possit?

Cum talis itaque pugnandi secum necessitas tam manifestè probetur, ut vel desperandum sit cœlum vel pugnandum, cauenda hic diligenter fallax naturæ nostræ indoles quæ si non potest vniuersim negare quod sit cœlo acquirendo laborandum, negat tamen, particularim & recusat in quouis occurrenti casu; quasi hoc in casu non sit ita necesse; sicque in singulis pene difficultatibus pugnam detrectat. Non omnem quidem generatim, sed istam particularem, vel quia videtur difficilior, vel non necessaria; vel quia quouis modo non placet.

In quo certe triplex & damnosa est Illusio. Prima quidem quòd sic numquam pugnetur, cum semper pugna differtur. Secunda, quod qui differt non aduertit periculum & damnosum statum in quo viuit; nam cum velit aliquando sibi vim facere, sibi facile persuasum habet hanc voluntatem sufficere, nec sibi cautius prospicit. Tertia denique, quod & differendo existimat se minus difficultatis experturum in se vincendo, cum ordinariè secus eueniat ut quo quis differt longius difficultatem tollere, tollat difficilior, ut fusc declaratur in 1. parte, Fer. 2. Hebdom. 4. post Epiphaniam.

Quod quidem accidit naturaliter & supernaturaliter; nempe ex ipsa repugnante concupiscentia quæ totius difficultatis est radix, & quæ in dies magis ac magis crescit: Tum vero etiam ex Permissione diuina qua fit ut crescente concupiscentia decreseat Gratia, minusque detur auxilij, cum majus esset magis opportunum, quo statu quid deploratius? Cum è contra quid felicius cuiquam possit accidere, quàm si decrescere concupiscentia crescat major ac major diuina Gratia, quod felicitæ euenturum his qui se quamprimum expugnant & vincunt, hæc Christi verba satis denuntiant: *Qui vicerit, faciam illum Columnam in templo Dei mei*: Id est, ita firmum & robustum illum reddam ut si quibus tan- Apoc. 3. gatur cōcupiscentiæ motibus, nullis tamē moueatur aut quatiatur.

Z z z z ij

De his dices comparatis ad alios, quod Scriptura refert
 2. Reg. 3. de Dauide & Saule : *Dauid proficiens & semper feipfo robustior, do-*
mus autem Saul decrefcens quotidie. Quò referri etiam poffet quod
 de fe Dauid Sauli quondam narrabat cum peteret facultatem
 1. Reg. 17. congregiendi cum Gygante Goliatho : Nempe quod leonem &
 vrsum interfeciffet, Vnde & concludebat ; *Dominus qui eripuit me*
de manu Leonis, & de manu Vrſi, Ipſe me liberabit de manu Philiftai
huius : Quafi diceret, ſic eos Deus facit fortes ac robustos qui ſe
 prius fideliter exercuerunt in quibufuis oppoſitis expugnandis :
 2. Mc. 16. *Sic omni habenti dabitur & abundabit : ab eo autem qui non habet, &*
quod habet, auferetur ab eo.

Hinc apte Hugo Viſtorinus : *Alij ſtantes, alij nutantes, alij va-*
gantes : Stantes confirmati, nutantes nondum radicati, vagantes diſſi-
pati : Stantes vicerunt, nutantes pugnant, vagantes victi ſunt : Stantes
in pace, nutantes in luctamine, vagantes in abalienatione. Nempe
 illi vagantes ſunt qui vt dicebatur, de labore vagantur in laborem,
 de præſenti ac certa certandi occaſione vagantur in futuram &
 incertam, ſicque vix vmquam certant, vix vmquam figunt pedem
 vt certent, vnde & dicuntur in Euangelio, *radicem non habere,* nec
 audito bene vtî verbo ; audiunt quidem ſatis libenter, & quo id
 1. Manb. 13. tempore audiunt, credunt, *Credunt ad tempus,* inquit Dominus,
 2. Luc. 8. *ſed in tempore tentationis recedunt ;* Id eſt, dum audiunt eſſe certan-
 dum & laborandum, id ita vident æquum eſſe, vt minime dubi-
 tent eſſe neceſſarium, ſed cùm actu & reipſa eſt laborandum, ſic
 deficiunt animis & laborem fugiunt quali non crederent eſſe cer-
 tandum. Vagè credunt, nec determinatè nec fixe aliquid certi.
 Credunt extra certamen, eſſe certandum, ſed non ipſo credunt
 1. Pf. 77. certamine, quod eſt recedere, quod eſt non credere, *Filij Ephrem*
intendentes & mittentes arcum, conuerſi ſunt in die belli. Quamob-
 rem qua fide vniuerſim creditur eſſe certandum : eadem proſus
 particulatim credendum eſt, de vnoquoque certandi tempore ;
 Quod ita verum eſt, & ita neceſſarium credere, vt quidquid
 Sancti decertarint, eorum fidei detur, quod ita certarint & vico-
 1. Habr. 11. rint, *Qui per fidem vicerunt regna, adepti ſunt repromiſſiones :* Et
 quæ multa proſequitur Apoſtolus, Vnde & apte Sanctus Augu-
 1. in Pf. 32. ſtinus ; *Si credis canes : ſi autem canes conaris : & conatum tuum no-*
uit Deus, & voluntatem tuam inſpicit, & luctam cum carne conſide-
nat : & hortatur vt pugnes, & adiuvat vt vincas, & certantem inſpe-

Etat ; & deficientem subleuat , & vincentem coronas.

Hoc est bonum certamen fidei quod suo Timotheo consulebat ^{1. Tim. 6.} certandum Apostolus , & quod ipse certans sibi certam inde speraret coronam gloriæ. *Bonum*, inquit, *certamen certavi , cursum consummaui , fidem seruaui*, quasi diceret , in hoc esse bonum certamen certauisse , si cursum consummaueris : & tunc cursum consummasse si fidem in vnoquoque certandi & currendi casu seruaaueris sicut dictum est ; si nempe sic fideliter tum credas esse certandum & certes , quam vniuersum credis esse aliquod certandi tempus. Vnde & securus pergit. *In reliquo , reposita est mihi corona iustitie quam reddet mihi Dominus in illa die , iustus iudex : non solum autem mihi , sed & his qui diligunt aduentum eius.* Quasi diceret , tam securre id affirmo quam certus sum Christum Dominum esse iustum & fidelem , qui quod promittit dabit ; promissit autem coronam certantibus ; ergo illam profecto dabit ; Ergo etiam propterea fideliter omnibus est certandum. *Ergo*, inquit, *fidelis usque ad mortem , &* ^{Apoc. 2.} *dabo tibi coronam vite.* Iam enim eam paratam habet , iam contextam & apud se repositam tuam coronam , quasi iam esset tua , quasi non esset iustus aut fidelis qui quod tuum est & quod promissit redditurum , nollet reddere ; Ne dubites quin omnino velit , nam id iam actum est , iam corona tibi reposita , tibi seorsum assertuata , tibi prorsus secura.

Quo in sensu vocis huius, *Reposita* , non tantum inest accipiendæ certitudo coronæ , quæ multum certe potest ad certamen fideliter consummandum , sed & particularis certandi modus quem quisque certando tenere debet. Hoc est enim aliquid vni esse repositum quasi sepositum , quasi ab aliis segregatum , quasi aliis non dandum , nisi consentiat & velit ille cuius id esse dicitur quod est repositum. Sic Samuel reponendam iussit partem illam ciborum ^{1. Reg. 9.} quam Sauli referuabat. Sic Raphaël reponendum piscis jecur ^{Tob. 6.} quod sibi seruaret Tobias. Sic apte reposita dicitur esse à Christo nostra Corona , quod sit ita nostra vt non sit alterius , nisi quod nostrum est repudiemus , nec nisi nobis scientibus volentibus transferatur ad alios , vnde illud Domini : *Tene quod habes vt nemo accipias coronam tuam* ; ^{Apoc. 3.} Non enim aliter acciperet nisi velis & nisi tu ipse deponas quod habes , Id est , præsentem occasionem patiendi ac certam gratiam qua certes cum aduersis siue cum illis cupiditatibus quæ aduersis repugnant. Ex quibus ita declaratis tam pro-

prius certandi modus vnicuique nostrum indicatur quam proprie & vere à Christo reponitur vnicuique nostrum sua certa corona.

Quod & illustrius ab Ecclesia nobis proponitur cum Iesus esse dicitur CORONA SANCTORVM OMNIVM, Vnde hæc formari potest Veritas Practica:

Quo singulariter modo Iesus esse dicitur Corona Sanctorum omnium, hic singularis modus est quo Sanctis omnibus certandum fuit.

RATIO iam indicata est, & patebit euidentius ex ipso singulari modo quo inter alios qui offeruntur, magis proprie dicitur Iesus esse Corona Sanctorum omnium. Quod cum ad Christi Domini Sanctorumque gloriam & nostros inde acuendos ad certandum animos maxime faciat non fuit omittendū; Nec leuiter certe perpendendum esset, tametsi breuius de vnoquoque modo disseritur, sed facile cuique est quod velit fusius explanare.

Cum sint autem varij modi quibus id dici possit, tum tres præcipui producantur qui spectant tres differentias temporis, *Præteritum, Præsens ac Futurum*: Præteritum scilicet quo in terris vixerunt Sancti: Præsens quo in coelis viuunt: Et Futurum quo simul anima & corpore post resurrectionem & generale Iudicium viuēt.

Primò quoad præteritum: Sicut Corona significat gloriosum rei complementum, quod & Coronis dicitur, id est, suprema & extrema pars operis foeliciter adhibita: sic quando dicitur Iesus corona Sanctorum omnium, perinde est ac si diceretur, Sanctæ omnium vitæ quam egerunt in terris esse Author, Perfector & Consummator, qualem Eum expressè vocat Apostolus: *Aspicientes in Authorem fidei & Consummatorem Iesum*, Id est, vsque ad extremum vitæ finem fideles suos protegentem & perducentem.

Hebr. 11.

Pf 5.

Ps. 102.

Quò & illa Scripturæ referas: *Scuto bonæ voluntatis tuæ coronasti nos. Qui coronat te in misericordia & miserationibus*. Dicitur enim coronare & esse simul Corona quia dum suos coronat, dum illis benefacit vsque ad mortem, sic eos quodammodo cingit & circumdat, velut corona Caput, sic eos protegit, sic seipsum illis communicat, sic se ipsis vnit vt coronam capiti; *Cecidit corona capitis nostri, Væ nobis*: sic Ieremias de mortuo Rege Iosia qui corona suorum dicebatur, quia sanctè, constanter, gloriose ac fideliter

Thren 3.

regebat ; At quanto magis Christus, dum sancto fine Sanctos suos consummat ?

S E D quia dum sic Sancti consummantur in hac vita, corpus suum deponunt, nec nisi animâ in cœlo, non corpore, beati sunt, Videtur certe nondum esse completa consummatio seu Beatitudo, donec Corpus illam participet, donec suo modo Corpus Deum videat & Beatum sit, sicut anima Deum videns Beata est. Quamobrem & hoc secundo sensu qui futurum respicit, Iesus est Corona Sanctorum omnium, id est, complementum æternæ ac Beatæ vitæ, quatenus se post resurrectionem Corporum corporeis Sanctorum oculis videndum dabit. Cum enim diuina Essentia videri non possit oculo corporeo, mansisset in omnem æternitatem priuatum corpus hac sublimiori parte Beatitudinis quæ videndo Deo possideretur, nisi prouisum esset à Christo, qui cum Ipse sit Deus & Corpus habeat gloriosum, ac viliibile, sic proinde Corpus Sanctorum suis oculis videndo Christum, videbit Deum, & intrabit in partem gaudij Domini sui: Vnde & Christus Corona fiet, Coronis erit & complementum totius Beatitudinis, atque illud adimplebitur quod ipse Dominus Patrem orans, optabat, *Pater quos dedisti mihi, volo ut ubi ego sum, & illi sint mecum, ut* Ioan. 17. *videant Claritatem meam.* Quod sic præclare sanctus explanat Augustinus: *Vt totus sensus hominis in illo beatificaretur & reficeretur, oculus cordis in eius Diuinitate, oculus corporis in eius humanitate, factus est Deus homo.* Id est, hic finis & extremum quod assumpta confert à Verbo Humanitas, ut in ea nempe videnda conquiescant Sanctorum corpora sicut in videnda Diuinitate reficiuntur illorum animæ. Nonne sic tandem Iesus vere est verè est Corona Sanctorum omnium ?

A T vero cum nec præteritum nec futurum reuera sint, sed præsens tantum quod durat tempus, dicaturque de hoc præsentis tempore quod Iesus sit Corona Sanctorum omnium, quocumque id sensu ac modo dicatur, verior hic videtur modus & magis considerandus qui ad præsens refertur. Sic autem facile declaratur, ut quemadmodum Corona quæ in præmium, in gloriam & honorem bene merito datur, tam conuenienter ipsius aptatur Capiti ut neque sit laxior nec strictior: sic plane cœlestis Beatitudo, sic tamquam Corona gloriæ totum Beati animum circumquaq; replet & possidet ut sit ipsi commensurata & eius meritis omnino adæqua-

ta, neque maior neque minor quam eius merita ferant : Vnde fit vt quàm fint omnium Sanctorum diuerfa merita, tam fint diuerfa Corona quæ fingulorum ex æquo respondeant meritis, velut Corona capiti : *Sicut stella differt à stella, & sicut alia claritas Luna & alia claritas Solis. Vnusquisque autem in suo ordine*, inquit Apostolus.

1. Cor. 15. Hic autem ordo totus à Christo est, *Secundum mensuram donationis Christi*, ait Idem Apostolus ; mensura primò est gratiarum & meriti, tum gloriæ ac Beatitudinis, de qua Christus tam vere ordinat & disponit quàm verè dixit : *Pater diligit Filium, & omnia dedit in manu eius. PATER omne iudicium dedit Filio, vt omnes honorificent filium. PATER clarifica filium tuum vt filius tuus clarificet te sicut dedisti ei potestatem omnis carnis, vt omne quod dedisti ei, det eis vitam æternam*, suo scilicet diuerso modo possidendam. In quo quidem modo licet inferiores alij sint alijs, ita tamen omnes acquiescunt vt nollent alium beatitudinis gradum, quia magis in Christo ac Deo gaudent quàm in se, videntque omnia tam sapienter tam iuste tam sancte, tam vere, *in mensura & numero & pondere disposita*, vt in hac vna dispositione laudanda & amanda toti sint vnanimes & vno incessanter ore glorificantes Christum Dominum à quo habent quidquid habent. Vnde quid euidentius & quid aptius quàm quod sit Corona Sanctorum omnium, sicut expresse Propheta denuntians : *In die illa*, inquit, *eris Dominus exercituum Corona Glorie & Sertum exultationis residuo populi sui*. Quatenus scilicet de singulari omnium Gloria, & singulorum exultatione disponet.

Hoc nempe Regnum eius est & Imperium sic de cunctis dispo-
nere, prout suis dicebat Apostolis : *Ego dispono vobis sicut disposuit mihi Pater meus regnum*. Nec obstat quod eorum duobus respondeat, *Non est meum dare vobis* : Nam vt apte Sanctus Hieronymus, *Non est tantum dantis hoc regnum sed accipientis, non persona sed vita paratum*. Petebant duo illi Discipuli rationem suæ duntaxat haberi personæ, non meriti, At Christus, non est meum, inquit, sic dare vobis. Contendite intrare per angustam portam, certate, vincite, *Vincenti dabo edere de ligno vite. Qui vicerit, dabo ei sedere mecum in Throno meo, sicut & ego vici & sedi cum Patre meo in Throno eius. VENI, coronaberis de capite Amara, de vertice Sanir & Hermon, de cubilibus Leonum, de montibus Pardorum*, Id est, ex variis mundi difficultatibus quæ vnicuique occurrunt, me ita disponente, in quibus

bus

bus expugnandis & superandis proprius & singularis certandi modus consistit.

Non enim minus disponit & ordinat Christus de his quæ vel casu occurrunt aduersa, vel statui nostro sunt annexa, vel temperamento naturali coniuncta, quam de ipsa corona gloriæ, quæ ut diuersa sit in singulis, singulorum etiam debent esse diuersa merita, ut dictum est, ac proinde etiam diuersa Christus procurat omnibus agenda & patienda, ut sementi messis respondeat, labori præmium, & Corona Capiti. Sic vnusquisque suam iubetur ferre Crucem, & non aliam; *quæ merito ferri, unicuique suadetur, inquit* Serm. 9. in Quadr. *Sanctus Leo, quia propriis modis atque mensuris ab vnoquoque toleratur.* Vnde & apte Sanctus Chrysostomus, *Exere vires, fortiter dimica, atrociter in prælio isto concerta. Considera pactum, conditionem attende, militiam nosce: pactum quod spondidisti; conditionem qua accessisti; militiam cui nomen dedisti;* Quæ non tantum Religioni Christianæ, sed vniuscuiusque vocationi & statui singulariter applicanda sunt, ut tantum quisque norit & intelligat sibi certandum, quanti occurrent in illo suo statu certandi casus.

Vide in 2. parte, Fer. 5. Hebd. 2. in Quadrag. Feria item 2. & 5. Hebd. Passionis, vbi hæ Veritates proponuntur:

Quo in cœlis Corona gloriæ sumetur vultu, hoc in terris Calix sumendus est.

Non quæsitæ Cruces, sunt magis exquisitæ.

Qui à Cruce suas tollit dimensiones, tollit à se suam Crucem, & suam gloriam.

Qua facilitate vincimur, eadem vincere possumus.

In 3. p. Fer. 5. Hebd. 7.

Qui melius de pœnis sentiunt, hi minus pœnas sentiunt.

In 4. p. Fer. 3. Hebd. 15.



Die 2.
Nouembris.

IN COMMEMORATIONE OMNIVM FIDELIVM DEFVNCTORVM.

*Miseremini mei, miseremini mei, saltem vos amici
mei, quia manus Domini tetigit me. Iob 19.*

VERITAS PRACTICA.

Miserius est animæ neganti misericordiam quàm
poscenti.

*RATIO EST, Quia miserius est illi animæ quæ se in pericu-
lum miserie sempiternæ præcipitat, quàm temporali miseria la-
boranti.*

*Sed Anima quæ hîc vivens negat defunctis misericordiam se in
periculum sempiternæ miserie præcipitat, cùm defunctus tempo-
rali tantum labore miseria.*

*Ergo miserius est animæ negantis misericordiam quam poscentis,
vnde nisi te fleat aliena miseria, sine te tangi tuâ.*

*CVM autem vna in toto hoc discursu possit esse difficultas de
sempiterna miseria in quam se præcipitat anima quæ misERICOR-
diam negat, Vide in 3. p. Fer.6. Hebdom.3. vbi de 4. Beatitudine:
Beati misericordes quoniam ipsi misericordiam consequentur; vnde con-
cluditur miseros fore immisericordes quoniam misericordiam non
consequentur, vt expresse Sanctus Iacobus, Iudicium sine miseri-
cordia illi qui non fecit misericordiam.*

Eccl. 2.

A L I A V E R I T A S.

Sicut à pœnis quas Boni patiuntur, cognoscuntur Beatorum gaudia : Sic à Beatorum gaudiis cognosci possent pœnæ quas Boni patiantur.

RATIO præsupponit vnum, vt alterum inferat : Nam idcirco à pœnis quas Boni patiuntur, cognoscuntur Beatorum gaudia, quod cum sint pœnæ grauissimæ, consequens est vt eorum etiam futura sint magna omnino gaudia ; Neque enim diuina Bonitas tam dura illos sineret pati : Aut si diuina id exigit Iustitia, non erit minor Bonitas in eis compensandis quàm puniendis. Vbi vides præsupponi, vel certè declaratur, quam sint illæ graues pœnæ quas in vita & post mortem in Purgatorio Boni patiuntur, quod erat argumentum hesternum.

Sed pari modo ex Beatorum gaudiis quæ supponenda vel exponenda sunt, cognoscuntur pœnæ quas patiantur Boni : Nam ante disponendi sunt, purgandi sunt, parandi sunt tantis bonis perfruendis. Quo est autem nobilior forma in subiectum introducenda, eò & subiectum debet aptius reddi & disponi. Videsne quantam oportuerit esse Virginitatis puritatem, ad diuinam Maternitatem ? Videsne quantam Humanitatis à Verbo assumptæ sanctitatem, vt sic vnita hæreret Verbo ? Sic cogita, sic conclude de beatifica Visione, & vnione animæ cum Diuina essentia. Nam hæc tria *Maternitatem Dei, Vnionem Hypostaticam, & Visionem Beatificam* pari quodam modo prope infinita esse docet Diuus Thomas. Vnde ad parandam tali bono animam tot terrenis inquinamentis infectam, quantis putas purgationum generibus Deum velle vt emundetur ? Audi quid vel vnus Scripturæ locus referat ; vbi de Ipso in terras venturo Deo loquitur, *Ipse enim quasi ignis conflans, & quasi herba fullonum, & sedebit conflans, & emundans argentum, & purgabit filios Levi, & colabit eos quasi aurum & quasi argentum.* In quibus verbis tria sunt ad indicandam puritatem quam Deus optat maximam, valde consideranda. Primum est quòd multa simul conglobantur verba quæ vnum & idem significant, vt tanto id scilicet apertius intelligatur. Secundum est quòd res per verba significata multum momenti addunt ad hoc ipsum exprimendum ; quid enim purius

A a a a a ij

quam quod igne conflatur, quam quod conflatorio purgatur, aut alio quouis modo colatur aurum & argentum? Tertium denique, quod verbis & rebus additur modus conflandi & purgandi suos, non leuis, non subitaneus, non præceps, non expeditus: sed lentus, grauis, cogitatus, *Sedebit*, inquit, *conflans*, quasi qui meditatò rem agat, quasi qui tantum spatij sumat, tantumque ponat operæ, quantum res purganda exigit. Quod particulatim ad Purgatorium applicans Sanctus Augustinus, *Quantum*, inquit, *exegerit culpa, tantum sibi ex homine vindicabit quedam rationabilis flamma disciplina: & quantum stulta iniquitas suggesserit, tantum sapiens flamma deficiat*, Quæ cuncta facilius ex sequentibus intelligentur.

I. 53. Hom.
Hom. 10.

ALIA VERITAS PRACTICA.


Incredulitatis est vel Crudulitatis nimix, non miseri petentium misericordiam animarum.

RATIO EST, Quia non credere quæ sunt digna fide de graui aliquorum miseria, vel nolle illis succurrere cum facile possis, Incredulitatis est vel nimix Crudulitatis.

Sed non miseri petentium misericordiam animarum hoc ipsum est non credere quæ sunt digna fide de graui & extrema ipsarum miseria: Vel nolle illis quod facile possis, succurrere.

Ergo & Incredulitatis est vel Crudulitatis nimix non illarum miseri. Quod certe si diligenter expandatur; & annuerit diuina Bonitas, erit operæ pretium.

I. P V N C T V M.

 VOD vniuersim de Fidei nostræ Mysteriis deplorabat Ieremias, hoc particulatim de Animabus in purgatorio detentis dici debet, *Nullus est qui recogitet corde. Non est qui cogitet esse aliam vitam, esse cœlum, esse infernum, esse alterutrius æternitatem aliquando nobis ad eundam. Non est qui recogitet esse purgatorium, ibi esse animas in extremis suis poenis inclamantes quod olim Iobus in suis: Misere mini mei, misere mini mei vos*

Ier. 12.

faltem amici mei, quia manus Domini tetigit me. Nam si hoc vere cogitaretur ut vere est, quis amico, quis fratri, quis parentibus suam non ferret operam?

Videris hodie quanti motus animorum omnium in hoc exhibenda pietatis opus! quia videlicet eius excitatur cogitatio, memoria reuocatur, statim Intellectus apprehendit quid sit rei, & quid facto sit opus, tum pari gressu Voluntas mouetur, & in omnes se inflectit partes ut cum Gratia, tam iustum tam iuste debitum exoluit Religionis Officium.

O si diutius hæc duraret cogitatio! Si quod optabat Dauid, nobis eueniret *ut reliquia cogitationis diem festum agerent*, hoc vnum Ps. 75. sufficeret ad conferendam quam poscunt à nobis Animæ misericordiam; hoc vnum Scriptura exigit: *Sancta & salubris cogitatio* 1. Mac. 12. *pro defunctis exorare*, non dicit institutio festi, vel officij, vel alterius ordinanda deuotionis, sed sola Cogitatio cum diuina gratia subeat animum, satis erit ad flectendos animos nostros in id quod poscunt à nobis Animæ laborantes, omni loco & tempore fideliter impertiendum.

Ad hanc autem firmitus animis infingendam cogitationem, & crebrius frequentandam memoriam, crediderim id ipso primis opportunum, ut Mens graui aliqua & vehementi percellatur ac imbuatur Veritate qua non modo quid sit boni cognoscat in hoc pietatis officio, sed quid mali esse possit iam ex hac vita, si suo desit muneri.

Vide num talis futura sit illa Veritas quæ idcirco præ cæteris paulo latius expendenda nobis modo proponitur. Experire num ita sit, vel quàm sit intolerandum si sentis ita esse, quod vel nimis incredulum vel crudelem esse oportet si quam postulant Animæ purgatorij misericordiam deneges. Quod ut clarius liqueat, Perpende minutatim quid sit esse in præfenti negotio vel Incredulum vel Crudelem. Nonne tibi videatur nimis incredulus qui digna fide, qui audita ex pluribus omni fide dignis supplicia quæ vel affinis vel amicus inter hostes patiatur, & nolit credere? Vel si credat & rogetur opem ferre quam facile posset si veller, nolit tamen, & in suis eum facere poenis malit quam villo se mouere loco; Nonne is tibi Crudelis, Nonne ferus ac barbarus censeatur?

Nonne propterea Simon Ionathæ frater voluit potius argenti talenta centum dare quæ Fratri redimendo Thryphon petebat 1. Mach. 7.

quàm fratrem in vinctis relinquere, ne aut incredulus haberetur si non crederet licet homini vatro & fallaci, fratrem hac pecunia redimendum; vel si nollet redimere, crudelis & inhumanus audiret apud populum, indeque inuidiam contraheret numquam eluendam?

Nonne secus factum ab Imperatore Mauritio deplorant omnes Historici? Nonne id in illo arguunt quod cum audisset Milites Christianos bello ab hostibus captos & male habitos, posse si vellet nonnulla data pecunia redimi: vel auditis non credidit, vel audita contempsit, & miseris misericordiam abnuuit, vnde ipse paulo post à Phoca simul cum liberis est interfectus?

Ex quibus, atque ex ipso communi sensu satis patet quid sit incredulum aut crudelem esse: Faceret Deus ne id etiam tam multis liqueret exemplis.

II. P V N C T V M.

SED non misereri petentium misericordiam animarum, hoc ipsum est, vel non credere quæ fide digna dicuntur de extrema ipsarum miseria; vel nolle illis quod facile possis, succurrere.

Pedetentim hîc incedendum; & primo non misereri censendus est qui nihil de suo confert ad subleuandam animarum miseriam. Non quæ possunt conferri omnia, de quibus infra diceretur, non inquam requiruntur ab vnoquoque conferenda; Satis est si quod horum commodius possit, ita velit & agat: Sed nisi etiam aliquid suum agat aut patiat, quantumcumque pium sentiat erga illas affectum, non potest dici misericors: Vnde illud Sapientis præclare dictum, *Multi homines vocantur misericordes, virum autem fidelem quis inueniat?* Id est, solo nomine sunt misericordes non reipsa, paucique tales sunt qui vim nominis impleant, quia pauci hoc agunt quod possint, in quo vno consistit fidelitas.

Deinde verò, quænam sit animarum in purgatorio detentarum miseria, quàmque sit omni fide dignum quod de illa refertur, paulo attentius inuestigandum; atque ex his quatuor circumstantiis breuiter indicatis, fusius explanandum. Prima est, Grauitas poenæ, quæ grauitate superat quidquid in hac vita pati possimus, vt expresse & luculenter ait Sanctus Augustinus: *Non solum, inquit, de illo æterno qui in æternum cruciaturus est impios: sed etiam de illo qui emen-*

Ps. 20.

In Ps. 37.

dabit eos, qui per ignem salui erunt. Dicitur enim, Ipse autem saluus ^{1. Cor. 3.} erit, sic tamen quasi per ignem. Et quia dicitur, saluus erit, contemnitur ille ignis. Ita planè quamuis salui per ignem: grauior tamen eris ille ignis, quam quidquid potest homo pati in hac vita. Et nostis quanta hic passi sunt mali, & possunt pati, tamen tanta passi sunt, quanta potuerunt pati & boni. Quid enim quisque maleficus, latro, adulter, sceleratus, sacrilegus pertulit legibus, quod non pertulit Martyr in confessione Christi? Ista ergo quæ hic sunt mala, multo faciliora sunt: & tamen videte quemadmodum ea homines ne patiantur, quidquid iusseris faciunt. Quanto melius faciunt quod iubet Deus, ne illa grauiora patiantur!

Secunda circumstantia est, poenæ diuturnitas, quæ definiri quidem præcisè non potest, sed vniuersim asseritur ad multos produci annos, nisi viuorum suffragiis contrahatur; Vnde apte Origenes, pro defunctis semper orandum, quia nescimus quamdiu cruciatus ^{In Ep. ad Rom.} perduret. Et sanctus Bernardus, In purgabilibus, inquit, locis centu- ^{In obitu Humberti Monachi.} pliciter quæ fuerint neglecta redduntur, usque ad nouissimum quadrans- ^{L. 2. de genis columba c. 9.} sem. Quibus si placet addere Cardinalem Bellarminum, hæc sunt eius verba: Purgatorij pœnas ultra decem aut viginti annos extendi, & fortasse ultra centum propagari posse, non dubium est.

Tertia circumstantia est, Impotentia sui iuuandi; quidquid enim orent, quidquid agant aut patiantur, nihil ipsis confert ad poenarum leuamen aut subsidium, sunt enim extra viam meriti; possunt quidem suis poenis contracta soluere debita, sed non possunt se per seipsas à poenis eximere. Quia nec opus, nec ratio, nec ^{Ecc. 9.} sapientia erunt apud Inferos quò tu properas, inquit Sapiens, Inferorum nomen vsurpans pro quocumque loco ex infernis extra viam & patriam.

Quarta est, quo vno se solari posse videntur, hoc ipso magis affliguntur, spe scilicet futuræ beatitudinis; Nam spes illa est ^{Tren. 13.} quæ cum differtur affligit animam, animam carne exutam, animam quæ valde apprehendit Bonum quo priuatur, animam quæ nouit se sua culpa tanto priuari bono, animam quæ Deum diligit & quæ à dilecto separata non potest viuere nisi cum ingenti dolore; animam quæ videt in se reatum poenæ quò à videndo Deo & possidendo impeditur, animam quæ multos in viuis nouit à quibus si vellent iuaretur, & quantocyus in diuinos introduceretur amplexus: & tamen ab illis non auditur, negligitur, obliuioni datur!



gna quæ de poenis animarum audiisti, cum sint ipsius obiecta diuinæ fidei quibus nihil certius, nihil firmitus esse potest. Pergamus in aliis propositionum partibus enucleandis: Dicitur est quod Animæ suæ in illa miseria misericordiam poscant; Quis porro dubiter ita esse cum videant se à nobis iuuari posse, cum certò sciant id esse gratum Deo ut à nobis iuuentur & liberentur, cum & intelligant id esse nobis facile, & adeo non damnosum quin potius valde utile & fructuosum? Hoc sequitur explicandum, & res ita est in aperto ac confesso apud omnes cuiuscumque sint status ut qui diceret se non posse, hunc ego dicerem magis posse. Hoc ipsum nempe quod agimus, hoc ipsum quod nil aliud possumus, offeramus Deo pro ipsis, id acceptabit Deus, & tantum illis poenæ relaxabit, quantum erit oblationis nostræ meritum.

Sunt alia quidem aliis valore ac merito præstantiora: Sacrosanctum Missæ sacrificium pro defunctis oblatum primas meriti tenet partes, ut iam audiuius ex Tridentino. Deinde indulgentiarum lucra, & preces Ecclesiæ quas fundunt Sacerdotes, vel quas priuatim quisque recitet. Tum Eleemosynæ, ieiunia, macerationes corporis, & quidquid satisfaciendi pro peccatis vim habet, vim illam potes quibus volueris applicare. Quod si nil horum habes nec potes, quod si tuo sis ita intentus operi ut præter illud tuum opus tuamque paupertatem, tota die nil cogites; huc te appello, hic te expecto, quantumcumque sis pauper nil ut habeas quod in Eleemosynam largiaris, quantumcumque sis infirmus nihil ut possis de corporis detrahere necessitatibus, quantiscumque sis implicatus negotiis vel tuo affixus operi, nil ut possis orare longius; bene habet, sola restet bona voluntas quam nullus à te auferre potest, & satis diues es satisque potens ad eruendam à suis poenis vnoquoque die animam vel etiam plures. Offer ut dicebam, illud opus tuum, illum laborem hodiernum, illam tuam paupertatem, infirmitatem, iniuriam & quidquid patiaris, aut quidquid agas per singulas quantum distinguì possunt diei partes; Offer inquam Deo semel ea mente ut prosit animabus illis; & proderit suo modo ne dubites, perinde ac si orasses aut ieiunasses in hunc ipsum finem.

Sicut enim pecuniam ex diurno tuo collectam penso si dares in solutionem alieni debiti, solueretur certe hoc debitum; sic plane tuus labor siue laboris tui meritum si velis ad soluendas ex vinculis

fuis animas deriuare, saluasti animam vel ex toto vel ex parte, pro adaequata meriti ratione cum debito. Neque vero hinc tibi aliquid deperibit vel ex temporali mercede, vt patet, vel ex spiritali lucro, vt constat ex ipso Charitatis quæ tum exercetur valore ac pretio quod tanti apud Deum est meriti, vt tanto maius in te lucrum refundatur, quanto minus tibi de tuo reseruaris.

Pf. 17.
2. Reg. 2.

Adde, quanto affectu illa per te donata cœlo Anima, quantum tibi necesse est apud Deum impetrabit & obtinebit gratia, virtutum, & Beatitudinis? Certe hoc non minus certum quam Beatorum animas esse gratas & memores bonorum quæ acceperunt, ipsumq; Deum esse bonum cum bonis & cum sanctis sanctū, vt ait Dauid qui & facto suo rem valde illustrat & confirmat. Nam cum viri Iabes Galaad Saulis occisi caput religiose sepelissent, ita gratum hoc habuit vt præter illam quam à Deo Charitatis mercedem acciperent, se ipsis etiam regia munificentia gratiam redditurum promiserit: *Benedicti vos*, inquit, *à Domino, qui fecistis misericordiam hanc cum Domino vestro Saul, & sepulistis eum. Et nunc retribuet vobis quidem Dominus misericordiam & veritatem: sed & ego reddam gratiam eò quod fecistis verbum istud.*

Quibus ita declaratis, quid restat nisi vt euidenter intelligas quod habet Propositio, Non misereri scilicet petentium misericordiam animarum, hoc est vel non credere quæ fide digna dicuntur de extrema ipsarum miseria, vel nolle illis quod facile possis, succurrere? Quid sit autem hoc ita non credere, vel hoc nolle, iam disce ex proposita Veritate, cuius certa & euidentis inde Conclusio ducitur.

III. P V N C T V M.

HOC nempe est nimia vel Incredulitatis vel Crudelitatis Ingenium. Hoc est esse prorsus incredulum, non credere quæ audiuntur tali fide digna, quæ ipse Deus creditur. Vel hoc planè est supra modum esse crudelem, non subuenire quibus possis dum te rogant, dum te sollicitant, dum te adjurant extrema sua in miseria, mediis in ignibus vnde se non possunt eripere: Possunt vero per te tam facile eripi quam tibi facile est id velle, volendo laboris tui partem aliquam sine ullo tuo detrimento impertiri. Et tu nolis! tu dissimules! tu negligas! tu alia omnia cogites! Dic quæso quid

fit esse inhumanum, immanem & feris ipsis ferociorem, nisi hoc sit?

Cum de fundendis ad conuertendos peccatores precibus ageretur, in tertia parte, id tam pium esse dictum est, ut impium esset non id præstare Officij propter miserandum nempe statum in quo jacet peccator, & quo potest oratione liberari. Miserandum certe peccati lethalis statum, & omni modo liberandum! Sed tamen attentè consideranti nonnulla occurrunt quæ diriores quandam impietatem arguant si neges Animæ quod à te petit quàm si peccatori non redderes.

Primum est quod peccator seipsum per Dei gratiam iuuare potest, non autem anima ut dictum est. Quid autem miserius & quid ad flectendos in misericordiam animos potentius quàm impotentia miseri? Quid contra dirius & crudelius quàm illa vîsa vel audita non omnino flecti?

Secundum est quod non ita possis quæ velis in peccatoris gratiam, sicut potes subsidium afferre animæ suis in poenâ destitutæ; Nam Ipse sæpius tuis peccator obsistit monitis & precibus, & quam à Deo peteres gratiam, ipse suis auerit flagitiis. Non sic autem anima, non sic vnquam sibi aut tibi obstat, nec vllum ex se ponit obicem tuis participandis beneficiis.

Tertium est quod ipse Deus non ita plerumque velit se orari pro peccatoribus sicut pro animabus; *Vsq; quò tu luges Saul cum ego projecerim eum ne regnet super Israël?* Sic Samueli dictum à Domino; *1. Reg. 16. 7.* Et Prophetæ Jeremiæ, *Tu noli orare pro populo hoc, nec assumes pro eis laudem & orationem, & non obsistas mihi, quia non exaudiam te.* At non ita de quacumque anima, quæcumque tandem illa sit, nulla vna est pro qua non libenter orari velit Deus, nihilque habeat optabilius, quam ut quoquo modo Iustitiæ suæ satisfiat, & bonitatis thesauros aperiat, vnde nihil dubites in defunctorum gratiam quidquid velis profundere. Nam si opus aliquod misericordiæ sic Deus diligit ut in extremo Iudicio de solis his operibus videatur esse quæstio, nec saluandum vllum aut damnandum nisi qui misericors aut immisericors fuerit: qualem putas futurum in eos Deum qui patientes animas libenter subleuarint, cum in vno hoc opere cætera pene omnia quæ dicuntur opera misericordiæ contineantur? Hoc est enim esurientes pascere seu sitientes potare, nam nullus mortalium tanta vnquam siti premitur, quanta illæ animæ ut Deo perfruantur. Hoc est in carcere positos visitare;

Bbbbbb ij

932 Die 2. Nouembris. In Commemoratione fidelium Defunct.

Hoc est solari afflictos ; Et longe est hoc amplius quàm corpus, mandare sepultura, vel peregrinum hospitio suscipere, cum in æterna illa tabernacula quæ tantis petūt laboribus, promoueātur.

Adde quòd sæpe naturalis est compassio quæ nos ad subleuandam miserorum miseriam trahit, quæ licet bona sit, tanto tamen minus est bona, quanto magis est naturalis. At vero in mortuos misericordia tota est ex auditu, tota ex fide, tota supernaturalis, & proinde maioris profecto meritū.

Denique, licet hæ ipse pro quibus oras animæ iam fruerentur gloria, tamen illud ita gratum habet Deus vt numquam irritum esse sinat, sed vel in alios vel in teipsum multiplici refundat foenore. Cum è contra si te ita sæuum & crudelem viuens præstiteris in mortuos nulla vt in illos flectaris misericordia, sic permittet Deus vt tibi mortuo par referatur sæuitia : & cogaris aliquando sentire quod Rex ille crudelissimus Adonibézec agnoscebat, dum cæsis summitatibus manuum ac pedum suorum dicebat : *Septuaginta Reges amputatis manuum ac pedum summitatibus colligebant sub mensa mea ciborum reliquias. SICUT FECI, ITA REDDIDIT MIHI DEVS.*

Vide in 3. p. Dominica 10. vbi de homine qui in latrones incidit quem Samaritanus curandum suscepit, *Si vis curari, cura. Quam mensura mensus fueris, eadem & remetietur tibi.* Et Dom. 11. *Qui non audit, non audietur.*



Die 11.
Nouembris.

IN FESTO S. MARTINI CONFESSORIS PONTIFICIS.

Expoliauit se Ionathas tunica qua erat indutus, & dedit eam David. 4. Reg. 18.

VERITAS PRACTICA.

Momentum illud ex quo pendet aeternitas, saepe momentum tale est quo se sua Martinus expoliavit tunica.

Saepe momentum illud est in quo petitur Eleemosyna. Saepe momentum illud est in quo de vno Virtutis actu statim agendo agitur.

SENSVS & RATIO EST, Quòd momentum illud ex quo pendet aeternitas, saepe momentum illud est quo suos probare solet Deus.

Sed momentum quo sic homines probare solet Deus, saepe momentum illud est in quo petitur Eleemosyna, vel de vno quopiam Virtutis actu statim agendo agitur.

Ergo & momentum illud est ex quo pendet aeternitas. Quod sane est diligenter expendendum; & in omnem bene agendi occasionem intendendum, exemplo sancti Martini.

I. P V N C T V M.



Beatum Pontificem qui totis visceribus diligebat Christum Regem, & non formidabat imperij principatum!

Sic Ecclesia de Sancto Martino compendiosè Virtutes eius quæ multæ sunt & insignes referens ad singularem qua in Christum ferebatur dilectionem, cuius euidentissimum dedit testimonium cum adhuc esset Catechumenus. Nam sicut Ionathas Saulis filius amore Dauid raptus, qua induebatur tunica Dauidem induit, sic Martinus militem agens in Gallia cum esset Ambiani, ac nihil præter arma & vestimentum quo erat indutus haberet, pauperi nudo tum ab eo petenti vt Christi nomine sibi Eleemosynam tribueret, partem clamydis dedit: Quod factum Christus sic gratum habuit vt sequenti nocte, dimidiata illa veste indutus ei apparens dixerit: *Martinus Catechumenus has me veste contem*

xit. Tum vero statim Miles relicta militia Christo se totum dedit, & factus Sacerdos, Episcopus, & Religiosus simul Cœnobarum pater, tam multa, tam mira, & prope singularia cuiuscunque Virtutis exempla dedit, ut Sacerdotum, & Præsulum & Religiosorum omnium perfectæ fuerit Exemplar vitæ.

Sic enim in omnibus temperate agebat, ut Virtutes ipsas mirum in modum temperaret, & quæ magis à se videntur dissita simul in vnum magis conjungeret. Quid nempe magis disiunctum videtur quam solitudo monastica, & sollicitudo Pastoralis? Vtrumque tamen simul junxit Martinus. Quid magis Humilitati videtur oppositum quàm vel insignes honorum Tituli, vel insignium Virorum frequentia, vel morum tanta grauitas ac Majestas ut ipsis Imperatoribus imperare videretur? Et tamen ita humilis simul & excelsus semper vixit. Nihil illo pauperius, nihil illo tamen magnificentius. Orabat ita frequenter ut nihil agere præterea videretur: Tam multa vero agebat ut orationi locus & tempus non apparerent. Numquam otiosus, sed numquam etiam negotiosus. Sic omnibus mitis & facilis, ut nulli tamen indulgentior, & cunctis semper esset colendus. Sic amabat suos ut paratus esset ab eis numquam digredi: Sic paratus erat ab eis digredi quasi qui, suos non amaret. Non de suis benefactis præsumebat, & tamen viso humani generis hosti jamiam moriturus audacter dicebat, *Quid aistas cruenta bestia, nil in me funeste reperies. O VIRVM ineffabilem, nec labore victum, nec morte vincendum, qui nec mori timuit, nec viuere reusauit.* Plura hoc vno certe verbo dicuntur cum *virum ineffabilem* tota Eum prædicat & demiratur Ecclesia, quàm si longo illum sermone celebrandum susciperemus.

O quanti refert se semel totum Christo dare! O quanti res est momenti præcedentem sine mora sequi gratiam, & singula vitæ momenta sic diligenter cauere ac religiose reuereri, nullum ut sit quo rei bene gerendæ se dedat occasio quo ei statim non acquiescas. Ecce qualis quantusque fuerit Sanctus Martinus dici non potest, quia supra nostram omnem dicendi facultatem Virtus eius euecta est; Sed vnde talis tantusque fuerit, dici potest, & dici debet, multumque ponderari, quia multum profecto facit ad salutem & perfectionem omnium.

Audisti pauperem à Martino perentem aliquid; Audisti quid Martinus dederit, Audisti quid Christus idcirco dixerit. En prima

quam sciamus tāta sanctitatis origo. Præcessit quidem Gratia, *Ipse* ^{1. Ioan. 4.} *prior Deus dilexit nos*, prius Ipse nobis donat quod possimus ei dare; sed prima illa præsupposita Gratia, quod prius consequenter à Martino Deus expectiuit, fuit illa pars chlamydis quam dedit pauperi, fuit ille Charitatis actus quem in Christum exercuit, fuit ille promptus animus quo se impellentem Gratiam sequutus est. Hinc inde series illa Gratiarum quibus tota eius vita contexta est. Ab illo sic incipit momento saluus & Sanctus esse vt si ab illo non ita incipisset momento, numquam forte incipisset, nec ita saluus ac Sanctus vnquam fuisset. Quod vulgo dicitur, **EX MOMENTO AETERNITAS**, Momentum illud Martino fuit quo pauper eleemosynam ab eo petiit, quo dandi talem eleemosynam iniecta cœlitus Mens illi est, & mentem sequuta est actio siue actus Charitatis. En momentum ex quo Martini pendebat aternitas.

Et quod de illo dicimus, de vnoquoque nostrum debet intelligi. Quod de illo Charitatis in pauperem opere pronuntiamus; hoc ipsum de quouis alio, vel agendo vel non agendo, prout aliquando nobis occurrat, dici fas est; Et in multis quæ hic possent expendi, primum & præcipuum est quod attente consideretur. Quid enim momentosius & pretiosius quam quod summam illam aternitatem sic attingit vt eam planter & ædificet, aut euertat & destruat?

Ac primo vulgare dictum illud, *Ex momento aternitas*, paulo fufius declarandum. Tres sunt enim modi quibus ita dici potest. Primus est de tota hominis vita quæ quam sit brevis & momento similis, explicatum habes in 2. p. Dominica 3. post Pascha; satis autem patet quam vere pendeat ex tali momento aternitas.

Secundus est, cùm multi ac varij sint vitæ casus & tam repentini vt aliud prorsus cogitantes homines quam citissime abripiant, & abrepti transferantur illico in *domum aternitatis*, vt loquitur Sa- ^{Ecc. 12.} piens, nonne tum etiam liquet quam verè sit ex momento aternitas? Nempe in quali animæ statu mortem illam improvifam homo morietur, in eo permanebit ad omnem aternitatem. ^{Ecc. 11.} *Si ceciderit lignum ad austrum aut ad aquilonem, in quocumque loco ceciderit, ibi erit.* Quod figurate dictum est à Sapiente de statu morientis; Nam vt paulo ante dixerat: *Nescit homo finem suum, sed sicut pisces* ^{Ibid. 9.} *capiuntur hamo, & sicut aues laqueo comprehenduntur, sic capiuntur homines in tempore malo, cùm eis extemplo supervenerit.*

Tertius denique modus is eſt quem indicauimus, quando ſcilicet ſuos Deus tentat & probat, propoſitis aut permiſſis quibuſdam rerum euentis quæ ad inſtar momenti pertranſeunt, & de quibus in ſequenti puncto commodius, cum hic ſufficiat intelligere tales rerum caſus licet fortuitos aut naturales, aut etiamſi ex malitia Dæmonum vel hominum componantur, eſſe tentationes & probationes ex parte Dei ad faciendum noſtri experimentum, quaſi vt homo nobiſcum ageret, quaſi cum Herus data occasione ſeruum experitur an ſit fidelis, Sic Deus tentaffe Abraham dicitur: ſic probaſſe populum ſuum ad aquas contradictionis: ſic Tobie dictum, *neceſſe fuit vt tentatio probaret te.* Sic ſæpe Sapiens, *tamquam aurum in fornace probauit illos.* Sic Iudith paulo ſuius, *Memores ſint quia tentati ſunt Patres noſtri, vt probarentur ſi verè cole- rent Deum ſuum. Memores eſſe debent quomodo Pater noſter Abraham tentatus eſt, & per multas tribulationes probatus, Dei amicus effectus eſt. Sic Isaac, ſic Iacob, ſic Moyses,* Et quæ plura proſequitur, quam & imitatus Apoſtolus longum eorum textit catalogum quoſ variis tentatos modis Scripturæ referunt.

Gen. 22.
Pf. 80.
Tob. 12.
Sap. 3.
Eccleſ. 2.
Iudith 8.

Hebr. 11.

Tunc verò quod eſt præcipuum Propoſitionis Caput, tanti cuiusquam noſtrum intereſt fidelem eſſe, vt ex illo momento ſeu momentaneo tempore quo illius noſtræ fidelitatis experimentum capitur, ex illo inquam momento, prout fideles aut infideles tum fuerimus, noſtra pendeat æternitas ſiue Coeli ſiue inferni: Totus ſalutis noſtræ cardo tum plerumque vertitur, de rei ſumma tum ſæpius agitur. *Argentum reprobum vocate eos,* Nempe poſt factam probationem. Tremenda certe probatio, ſeu potius tremenda noſtra dum ſic probatur, infidelitas.

Ier. 6.

II. P V N C T V M.

SE D momentum illud quo ſic homines probare ſolet Deus ſæpe momentum illud eſt in quo petitur Eleemoſyna, vel de alio quouis virtutis actu ſtatim agendo agitur.

Videtur eadem Propoſitio cum præcedenti, ſed tamen diuerſa eſt, & magis determinate designat quinam ſint illi occurrentes caſus & euentus quibus vtitur Deus ad probationem hominum; Nempe illi vel quotidiani qui ſat frequenter incurrunt in communem vitæ uſum, vel infrequentes alij qui virtutis illius exercendæ quam

quam vocant Heroicæ præbent ansam de quibus nil planè certum dici potest, siue quoad objecti speciem, siue quoad modum, siue quoad tempus exercendæ virtutis quia *momenta sunt quæ Pater possit in sua potestate*: Quod vnum dici debet hoc est, fieri posse, Imo & sapius fieri, quod tale probationis tempus sit valde subitaneum siue in occurſu, siue in duratione, atque in illis interdum verſetur occasionibus quæ nos singulis penemomentis circumstant, vt sicut de mortis hora dicitur, tantò cautioreſ ſumus, ne vt ait Sapiens de Ecclesi. 14. *fraudemur à die bona, & particula boni doni non nos prætercat*, quanto magis ſumus incerti de tempore; vel quanto magis ſumus certi quod tempus illud potest eſſe quodlibet tempus & quodlibet momentum temporis. *Videte, vigilate, & orate, nescitis enim quando Marc. 13. tempus ſit*, dicebat Dominus.

Vis autem noſſe quàm parùm duret illud tempus, & quàm rectè momentum appelletur, aut quàm frequenter vnicuique poſſit ad probationem ſui ſic ſemel euenire vt vix aliud detur? Reuolue præteritorum ſeriem ſæculorum: Et ne multitudo te obruat, primos cuiuſque gentis repræſenta tibi Duces in quibus Deus conſtituit quid de cæteris inferioribus iudicari poſſet. Conſidera primum illum Angelum qui de Lucifero factus eſt tenebrarum Princeps & Rector, quantum putas moræ ac durationis habuit quo probaretur ad Cælum vel ad infernum? Mirum certe dictu, ſed tamen verum; Vix inſtans & momentum fluxit inter illum & illum, inter illum qui erat & inter illum qui modò eſt.

Creatus poſt Adamus, ſuum etiam probationis tempus habuit, paulò quidem longius quam inſtans Angeli, ſed quantam putas illam fuiſſe longitudinem? Quantum videlicet ſpätij poſitum eſt in vno aut altero verbo quòd Eva protulit cum Adamo cum illi pomum obtulit comedendum. Nonne hoc tibi ſatis breue videtur vt momentum dici poſſit? Et nonne hoc momentum fuit, in quo Adami virtus probata fuit, & nulla inuenta eſt?

Sic Moyſes celeberrimus ille populi Dux Iſraelitici tot inter proſperos & aduerſos caſus, vnum præcipue habuit quo probaretur, in aqua ſcilicet ex petra populo danda; Tantisper hæſit, non ſatis Deo fidit, vix ſcitur quid peccarit; peccauit tamen quia punitus eſt, ſed peccati ac probationis mora tam momentanea fuit vt niſi Deus reuelaffet, nemo illum peccaſſe diceret. Num 20.

Primus Regum Saul quo nepo melior in toto populo, proban-

1. Reg. 13.

dust amen fuit, an talis permaneret; Datur ei tempus, datur ei virtutis exercendæ occasio: Samuelem expectet ad aliquot dies. Expectat ad extremum vsque diem, sed non extremam diei horam. Ecce in extrema hac hora tentatus probatur, & deficit. At verò quantum hoc dices funestum horæ tempus nili momentum? Et licet non ad extremam omnes perniciem deciderint quos in exemplum adductos vides; valent tamen ad exemplum rei propositæ: & euidenti sunt documento quàm sit momentaneum illud quod probandis suis tempus definit Deus: Vnde & Illi à lobo dicitur, *Quid est homo quia magnificas eum, aut quid apponis erga eum cir tuum? Vistas eum diluculo, & subito probas illum.*

Job 7.

III. P V N C T V M.

Apoc. 21.

2ap. 3.

PATET hoc igitur quod ore omnium vsurpatur, **EX MOMENTO** **ÆTERNITAS**, non de momento tantum vita naturalis intelligi, sed de momento præsertim illo quo in vita sæpius accidit ut subitaneis & improvisis à Deo probentur homines casibus, utrum fideles, utrum humiles, utrum casti, utrum patientes, & subditi; Quo in occurſu virtutis exercitæ vel omiſſæ præiudicata quodammodo ſalus & æternitas dicitur, prout cuiusque Virtus probata vel improbata fuerit. Ecce venio cito, & merces mea mecum est, reddere unicuique ſecundum opera ſua. Hæc ad vnumquemque generatim; ſed vni cuidam particulatim dictum à Domino perinde quaſi ac Martino quod certe ſatis frequenter aut ponderoſe numquam ſatis expendi poteſt: *Quoniam*, inquit, *tu ſeruasti verbum patientiæ meæ, & ego ſeruabo te ab hora tentationis qua ventura eſt in orbem vniuerſum tentare habitantes in terra. Ecce venio cito, tene quod habes ut nemo accipiat coronam tuam.* Hæc hora tentationis, ut alias forte dictum eſt, dira fuit perſecutio quam Trajanus mouit contra Fidem. In hac perſecutione defecerunt multi metu tormentorum quos inter Iſte de quo eſt ſermo miſerandum in modum periſſet, niſi ſingulariter à Domino ſeruatus eſſet; Quod autē ſic ſeruatus fuerit, datur fidelitati eius in ſeruando verbo patientiæ, Id eſt, in continendo verbo quod ex impatientia protuliſſet niſi per Dei gratiam verbum illud continuſſet. Ecce igitur in vno verbo continendo continebatur hominis probatio, & in tali probatione vertebarur eius æternitas! Ecce igitur in tam exiguo tempore quo proferri ver-

bum vel fileri potest, agebatur illud discrimen quo vel homo Martyr Christi esset & Beatus: vel desertor fidei & in sempiternos amandandus ignes. Quis non sibi cauisset in illo proferendo verbo! in illo tam pretioso vitæ aut mortis æternæ dato momento?

At cum Lector, tale hoc momentum possit hoc ipsum esse quo hæc legis, nonne tibi timendum est ne nimis transcursum legas, nec satis apprehendas quanto in pretio sit vnaquæque pars habenda Temporis? Vix forte aliàs tale occurreret argumentum quod legas; vix vnumquam forte talem hanc singulis tuis actionibus adhibendam cautionem & vigilantiam discas nisi modo melius intelligas quid sit & quanti reuerat eam adhibere.

Hinc apte Sapiens: *Fili, conserva tempus, & deuita à malo*: Tempus quodcumque sit, obseruandum est, ne forte quod non seruaris, tempus sit quod maxime seruandum erat ad exhibendam fidelitatem. Sic oportet habere semper cinctos lumbos, & lucernas ardentes in manibus, & similes esse hominibus expectantibus Dominum suum, vt videre est in hac parte, Hebdomada vltima. Vnde in Euangelio hodierno de lucerna corporis agitur quæ dicitur esse oculus, Id est, attenta sui consideratio ne quid verbo vel opere perperam fiat. Ecclesi. 4.
Luc. 12.
Ibid. 12.

Cauenda præsertim est astuta quædam naturæ corruptæ fallacia quæ in occurſu Virtutis exercendæ Virtutem quidē non abnegat sed non talem quæ se offert, aut non talem eius virtutis actum, quasi vel eundem vel alium aliàs possit exercere quando volet. At fallitur, nam etsi virtutem non videtur abnuisse, tempus eius tamen quod se offerebat abnuat, & cum huic forte tempori connexa esset Gratia quæ non alteri connectetur, quid ages illa destitutus gratia sine qua non potes agere quod agendum erat illa præsentē?

Fallitur verò etiam quod difficultatem prætendat ad excusandam inertiam vel dilationem operis: Nam in illa difficultate vertebatur probatio: difficultas illa probationem declarabat prout superata vel non superata esset: Actus virtutis heroicus qui occurrat vt dictum est, is inter alios merito censeretur probationis index & testis: talis autem difficultatem inuoluit, vt inimicis parcere, contemptum pati, non referre iniuriam, filere verbum quod libenter effunderes, naturam denique magis effrænem refranare & diuinæ subicere Gratia.

Memor ero Rasb & Babylonis scientium me, Id est, eorum qui quo Ps. 16.

CCCCC ij

940 Die 21. Nouemb. In Festo Præsentationis B. Mariæ Virg.

tempore magis in vitium mouerentur se continent, & oppositam
exercent virtutem. Vnde in quibus magis vincimur magis vincere
deberemus, nempe in istis difficilioribus in quibus certamen datur
vt vincas, iuxta illud Sapientiæ de Patriarcha Iacob, certamen
forte dedit illi vt vinceret: atque illud etiam Apostoli, *gloriamur
in tribulationibus scientes quod tribulatio patientiam operatur, patientia
autem probationem, probatio verò spem.*

Vide in 2. p. Fer. 2. Hebdom. 2. in Quadragesima.

Si dum adest occasio virtus abest, vix vnquam virtus
aderit.

Sic est omni negotio tempus & opportunitas, vt nisi
adsit tempus & opportunitas, vix fiat vllum nego-
tium.

In 4. p. Fer. 4. Hebdom. 18.



Die 21.
Nouembris.

IN FESTO PRÆSENTATIO- NIS B. Mariæ VIRGINIS.

*Adducentur Regi Virgines post Eam, proxima eius
afferentur tibi. Afferentur in letitia & exultatione.*

Ps. 44.

Ego autem sicut Oliua fructifera in Domo Dei. Ps. 51.

DVO illi diuersorum Versus Psalmerum, duo quædam nobis
repræsentant ad praxim & imitationem Beatæ Mariæ Virginis in
Templo præsentatæ, præsertim consideranda. Primum est, ipsa
multarum Virginum, & quarumlibet sponsarum Christi præsen-
tatio seu oblatio, qualis fit vel per vota, votorumque renouatio-
nem: vel ex propria cuiusque Deuotione.

Secundum est, Earum Constantia, & firmitas in oblatione
seruanda, ne non progressus in virtutem & perfectionem, sicut
Beata Virgo proficiebat & fructificabat tamquam oliua fructifera

in domo Dei. Sic de illa expresse sanctus Ioannes Damascenus: *In lucem, inquit, editur, in domo probatica Ioachim; atque ad Templum adducitur: ac deinde in domo Dei plantata, atque per Spiritum saginata, instar oliuæ frugifera, virtutum omnium domicilium efficitur, ut quæ videlicet ab omni huiusce vitæ & carnis concupiscentia mentem abstraxisset, atque ita Virginem unâ cum corpore animam conseruasset, ut Eam decebat quæ Deum sinu suo exceptura erat.*

Circa hæc autem duo Capita tam multæ se offerunt quæ perpendi possint Veritates, ut eas indicasse sufficiat.

Ad primum de oblatione sui ex proposito Psalmi versiculo,
Adducentur Regi Virgines post Eam.

Nemo est qui possit omni modo quod fecit Beata Virgo, facere: Sed nemo est qui non possit suo modo quod Illa fecit.

Nemo est scilicet qui cum diuina Gratia non possit se Deo præsentare & offerre quidquid habet, quidquid potest, & quidquid est. Nec quemquam retardare debet quod iam sæpius id fecerit sine fructu:

Licet enim non semper facias quod proponis, semper est tamen proponendum quod facias.

Vide in hac 4. parte, Fer. 3. Hebd. 27.

Proximæ eius afferentur tibi:

Hoc ipso quo afferuntur & offeruntur Deo, proximæ fiunt Beatæ Virginis.

Nam sic Illi fiunt singulari puritate & Sanctitate similes.

Affinitas verò Sanctitatis cum B. Virgine magis æstimanda quàm sanguinis.

In 2. p. Die 20. Martij, In Festo sancti Ioachimi.

Afferentur in letitia & exultatione. Hilarem enim datorem diligit Deus.

Sic seruiendum Domino in lætitia, ut nisi lætetur in Domino seruus, non lætetur in seruo Dominus.

In 4. p. Fer. 4. Hebd. 22.

942 Die 21. Nouembr. In Feflo Præfentationis B. Mariæ Virg.

QVIA vero quod præcipuum, quod magis adipale ac Deo earum est in hac oblatione fui, plures omittunt qui sibi aliquid retinent, nec se totos tradunt sicut se Beata Virgo tradidit, idcirco præcipue hoc vrgendum, vt sequitur:

Non se præfentat cum præfentata Virgine qui se magis in præfens offert quàm in futurum tempus.

Non se præfentat nempe cum Illa qui se sicut Illa non præfentat: Illa autem non ad præfens aut aliquod duntaxat tempus, sed in perpetuum, immobiliter, integre, se totâ penitus totam, sicut Deus nos sibi totos optat, vnde & de nostris ait oblationibus, *Ps. 49. locusta tua in conspectu meo sunt semper.* Semper te talem effectum volo, qualem te affectu vidi cum te offerres. Te obseruo an sis semper idem, an verbis facta respondeant: Rata enim & certa Veritas:

Professus idem ac profitens.

In 3. p. In fine ubi de Votis.

Aut nullam vitæ partem aut totam Deo debes.

In 1. p. Die 4. Ianuarij.

Numquam melius sibi prouidet Dei seruus quàm si nihil sibi retinens se suo Domino suaque omnia consecrat.

In 1. p. Die 6. Decembris.

Magis tenemur omnes affectu nostra relinquere, quàm effectum Apostoli, vel quiuis alij.

In 1. p. Fer. 3. Hebd. 2. post Epiphaniam.

Non tam spectatur quid Deo dones, cum te illi præfentat, quam quid non dones.

Quod præsertim spectat Deus, non est quid ad se afferas, sed quid à te auferas.

In 3. p. Fer. 5. Hebd. 8. Et Fer. 3. Hebd. 13.

Non quantum, sed ex quanto.

Cupiditas non refrænata, rapina quædam est in holocausto, ac sacrilegium.

In leui quidem cupiditate pars tantum cordis detrahitur : In graui autem totum Cor Deo perit.

In 4. p. Dominica 17.

Plura dat Christo qui dat omnia licet pauca & vilia quàm qui multa & pretiosa non datis omnibus.

In 4. p. Fer. 6. Hebdom. 17.

Nec timenda donatio, seu priuatio libertatis post integram sui donationem :

Nam nemo liberior quàm qui minus est liber.

In 2. p. Sabbato Sancto.

Hoc est esse Christi, solius esse Christi.

Numquam magis eris tuus, quàm cum minus eris tuus, vt sis totus Christi.

In 4. p. Fer. 3. & 5. Hebdom. 24.

Vota non rectè renouas, nisi te Vota renouent.

In 3. p. In fine ubi de renouatione Votorum.

QVÆ verò spectant ad alterum Caput de Constantia & firmitate in promissis Deo factis, hæ sunt ex multis aliquæ Veritates :

Quam in se attrahit Gratiam qui se Deo libens offert, hanc sibi detrahit qui quod offert non reddi.

In 1. p. Fer. 3. Hebdom. 1. in Aduentu.

Dum lucet, ambulandum : ne tenebræ fiant.

In 1. p. Die 5. Ianuarij.

Quo minùs potes reddere quæcumque debes, eò magis debes reddere quæcumque potes.

In 3. p. Fer. 2. Hebdom. 1.

Qui non seruat consilia quia non sunt præcepta, nec ipsa etiam præcepta seruat.

In 3. p. Fer. 2. Hebdom. 5.

Qua ratione fit vt plures dici possint malæ quam bo.

944 Die 21. Nouemb. In Festo Presentationis B. Mariæ Virg.

næ arbores, eadem prorsus fiet, ni caucas, vt mala
potius quam bona sis arbor.

In 3. p. Dominica 7.

Quod te imparatum magis reddit ad ferendum fru-
ctum, hoc te paratiorem deberet reddere.

Quanto minus puniri timet Infructu-
sus, tantò iam
magis punitus est.

In 3. p. ubi de Votorum renouatione, in fine.

Cæteræ pugnant virtutes, sed vincit Perseuerantia.

In 2. parte, Fer. 5. Hebd. 3. in Quadragesima.

Quàm pudendum tibi esset si quod promittis homini
non solueres, tam impudenter agis si quod promit-
tis Deo non exoluis.

In 4. p. Fer. 3. Hebd. 27. Non in postremis hæc habenda Veritas.

Vide in Festis B. Mariæ Virginis, Et ubi de statibus ac de votis
agitur, In fine secundæ ac tertix partis, nec non Fer. 6. Hebd. 25.
huius 4. partis.



Die 25.
Nouembris.

IN FESTO S. CATHARINÆ VIRGINIS ET MARTYRIS.

*Corona aurea expressa signo Sanctitatis : Et gloria ho-
noris : Et opus virtutis, seu fortitudinis. Ecclesi. 45.*

VERITATES Practicæ commodius infra proponuntur
post explicatum hunc Scripturæ locum qui triplex Coronæ genus
continet, quo cum insigniter decorata fuerit Sancta Virgo Catha-
rina, triplex Ei etiam Veritatum genus in totidem punctis apta-
bitur.

I. PVN.

I. P V N C T V M.

PRÆTER Coronam gloriæ quæ est conjuncta ipsi quam vocant essentiali Beatitudini & qua proinde omnes Beati coronantur in cælo, ut supra in Fæsto Sanctorum omnium sæt sæpe dictum est, triplex aliud Coronæ genus his Sanctis dari dicitur qui nobiliss certamen certarunt dum viuerent, cuius certaminis præmium & quoddam accidentale decus ac gaudium Corona illa est quæ Aureola dicitur, qualem in arca testamenti fuisse appositam Scriptura refert. Exodi 25.

Quodnam vero sit nobiliss istud certamen, seu quinam præ cæteris illud certasse dicantur, hi sunt scilicet qui notos illos æternæ salutis hostes, Carnem, Mundum & Dæmonem expugnarunt insignis, Nempe Virgines, Martyres & Doctores. Carnem Virgines domuerunt: Martyres mundum, & Doctores Dæmonem qui cum sit falsitatis author non debellatur aptius quam ab his qui errores contra fidem & bonos mores confutant, & Veritatem docent ac persuadent. Triplex istud porro Coronæ genus videtur paucis illis Scripturæ verbis comprehendî quæ supra ex Ecclesiastico retulimus & quæ huc remissimus explicanda, Nempe *Corona Sanctitatis*, aureola est Virginitatis quæ Sanctimonia dicitur. *Corona gloria & honoris*, aureolam exhibet Doctoratus qui singularem apud omnes meretur gloriam. Ac denique *Corona virtutis*, siue vt habet alia versio, *Fortitudinis*, manifesta est aureola Martyrij quod totum ad Fortitudinem referri certum est. 1. Cor. 13.

Quibus ita breuiter explicatis, quanta sint Sanctæ Catharinæ Merita, quàm insignia, quàm illustria licet inde colligere cum illa simul triplex hoc certaminis & Coronæ genus promeruerit, triplici simul hoste debellato. Primo quidem Virgo fuit Alexandrina, tam insignis & omni laudum genere commendata, siue quæ à natalibus, siue quæ ab ingenio, siue quæ à forma perantur corporis, vt omnibus admirationi esset, atque ipsi etiam Imperatori Maximino qui blanditiis, qui muneribus, qui minis & quacumque posset illecebra nihil non tentauit vt illam ad se pelliceret. Sed frustra omnia; Perstat Virgo immobilis, immobilis inquam in seruando Virginitatis proposito, sed tam multa & varia locorum mutans & peragrans spatia, donec illic tuta posset consistere vbi

946. Die 25. Nouembris. In Festo S. Catharinæ Virg. & Mart.

& nullum præter Sponsum suum Christum nosset & à nullo nosceretur. Sic Baronius ex Eusebio, ad annum Christi trecentessimum septimum.

Quò aptè spectat Illa Veritas quæ habetur in 1. p. Sabbato Hebdomadæ sextæ post Epiphaniam:

Hæc Sponsæ fides est, vt sicut neminem præter Sponsum velit diligere: sic velit à nullo diligi.

Videri hæc etiam posset in eadem 1. p. Fer. 6. Hebd. 4. in Aduentu:

Securior est Castitatis victoria fugiendo, quàm pugnando.

Et in hac 4. p. Fer. 5. Hebd. 28.

Perpetuata quædam est mentis Virginitas, perpetua Vigilantia.

II. P V N O T V M.

QVOCVMQVE pergeret Sacra Virgo vt Sacram Deo Virginitatem tutius conseruaret, eò Maximianus suos illico iubeat Emissarios currere, nec à cursu cessare donec eam ad se adducerent cuius amoribus magis erat subiectus quàm subiectum sibi teneret imperium. Reuocatur tandem & Imperatori sistitur qui cum blandè Virginem mollire tentaret, Illa virilem & Christianum gerens animum, de Fide, de Salute, de Christo Sermonem habet, Christianam se proficitur, paratam se potius quamuis subire necem quàm suæ fidei vel integritatis minimam pati labeculam; Vesanum illum esse & profanum qui victimas Daemonibus immolaret; Crudelē vero & impium qui tot suppliciis veri Dei mactaret Seruos; cessaret aliquando insanire & inciperet sapere: se fore magistrā eius, se satis in Christo doctā & idoneā quantum satis esset vt erudiretur. Sensit verbi aculeum Imperator, sed secum dissimulans & miratus Ingenium Virginis ac generosos animos, iubet vnde quaque quari & quamprimum congregari quoscumque Scientia celebres & nominatos faceret, qui cum Catharina de religione differerent, & ad idola traducerent.

Dicta certamini dies & palestra fuit. Stant ex vna parte, bene

multi Philosophi, doctrina, ætate, moribus graues; ex alia vero, sola Virgo sola illis opponitur: Quos inter, prima mouetur quæstio de vnitæte Dei, tum de Christi Diuinitate ac sensim de inaniæ fallitate Deorum. Decertatur vtrunque acriter, pugnant, repugnant quantum illi omnes dicendo possunt, siue vnus omnium ore loquatur, siue suam quisque sententiæ dixerit. Sic omnes tandem conuincuntur, sic omnes silent & cedunt, vt hoc vnum illis restet loqui, se hoc ipsum iam credere ac profiteri quod Virgo; suam ipsorum omnes magistræ agnoscere, se Ipsius fore discipulos, se Christianis imbui velle præceptis & Sacramentis: se velle viuere, se velle mori Christianos. Quis tum animorum infortis, quis Maximini, quis Procerum, quis vniuersæ clamor & plausus fuerit plebis, facilius est cogitando assequi quam dicendo. Tantam certe nouitatem vix credebant qui aderant, adeo stupefacti omnes, vt ne quid grauius contra falsos Deos accideret, iusserit illico Maximinus subduci Virginem, & vinculis mancipari, atque ad vnum omnes illos Philosophos extemplo flammis addici. Factum est quod imperauit, & facti sunt Christianæ fidei Testes qui facti fuerant accusatores.

Interea verò Carcerem Augusta Maximini Coniunx, cum Porphyrio belli Duce adeunt, inclusam inuifunt Virginem, alloquuntur, interrogant de Christo, de Fide, de Salute, de quibus ita dilucide instruantur, vt abdicato mox profano cultu, se vero Deo ac Christo Iesu dediderint, ac deditionem suam fuso propterea Sanguine confirmarint. Nonne hoc est Doctoris siue Doctrinis palmam præferre & coronam demereri? Sic Sapiens Sapientiam vocat *Doctrinæ disciplinæ Dei*, quo certe nomine Catharina digna esset si nomen in terris quæreret. Tota vero Ecclesiæ sic eius Nominis & Memorix celebritatem commendat, vt inter Sanctas Virgines sola vna diem festum obtrineat; quia nempe singularem inter omnes Ecclesiæ ac Religionis nauauit operam cuius doctrinæ tam multi ac insignes Christianam fidem essent amplexi.

Quò referri possunt hæ Veritates:

Sic cauendum ne Scientia præferatur Virtuti, vt tamen Scientia non negligatur.

In 1. parte, De sanctis Doctoribus, in fine.

Nemo magis sibi Christum seruat, quàm qui minus

D d d d d ij

948 Die 25. Nouemb. In Festo S. Catharina Virg. & Mart.

sibi soli seruat.

In eadem 1. p. Die 18. Ianuarij.

Scientia sine Zelo, arma sine milite : Zelus sine scientia, miles sine armis.

In 2. parte, Fer. 2. Quinquagesima.

Nec lucere tantum nec ardere : sed vtrumque simul.

In 3. p. Die 4. Augusti.

Rape ad Eum quos potes, Nam si potes, & non rapis, tot cœlo perdis quot Christo lucrari poteras.

In 3. p. Sabbato Hebd. 11.

Cos bonæ libertatis, mala libertas.

Id est, Tanto magis acui & excitari debemus ad verum liberè prædicandum, & bonum bene agendum, quantò alij liberiores sunt ad illud impugnandum.

Aut sis æquus dispensator, aut iniquus dissipator.

Quod de Gratiis quæ dicuntur gratis datæ, & quæ in alios dispensari debent, intelligitur.

In hac 4. p. Fer. 5. & 6. Hebdom. 20.

III. P V N C T V M.

QUO molliores alij reddebantur, eò ferocius sœuebat Maximinus, & conuerso in odium ac rabiem quo ferebatur amore in Virginem, iam non Pellaces aduocat quî Catharinæ pectus molliant, non Doctores qui animum mutant, sed Tyrannos qui corpus crucient & noua suppliciorum architectentur instrumenta; Nulla quibus hæcenus in Christianos sæuitum est satis sunt acerba & acuta, non nisi nouis & insolitis concitati furor Imperatoris sedari posse videtur.

Ergo expeditur rota crebris & acutis præfixa gladiis vt Virginis corpus tot diuersis partibus & vicibus dilaniari possit quot essent gladij, & quoties illis affixa per rotam deuolueretur : Quod erat prorsus inauditum tormenti genus; sed Virgo accedit intrepida, plus gerens animi ad ferendam quàm essent acuti gladij ad infe-

rendam laniemam. Se suumque certamen Christo suo commendat, & dum fatalem illam attingit rotam, ecce in partes dissoluitur, quasi ferrum illud insensatum plus haberet sensus & humanitatis in Virginem quam ipsi homines. Non declinandis tormentis tormenta mitigabat, sed magnificando Christo cuius esset tanta virtus ut si vellet suos protegere nullus eis nocere posset. Atque ut videant quid in Christo suo possit & velit; pergant in se ferocius deservire, supplicia geminant, flagella exacuant, venas incidant, nervos atterant, totum effundant sanguinem, totum corpus dilanient, tot lucra reputabit quot detrimenta sentiet: tot animi sui sentiet gaudia, quot feret tormenta corporis. Quamobrem non defuit illa tormentis sed illi tormenta defuerunt. Non est deterrita suppliciis, sed supplicia sic deterruerunt Tyranni animum ut ne Virgo viveret diutius, magis cogitarit, quam ut moreretur crudelius.

Sic itaque gloriosa Martyr ad tertiam sibi Coronam debitam euolavit, & quam in coelis illustris est hoc triplici diademate coronata, tam in terris insignis est ad exemplar Fortitudinis & cuiuscumque virtutis exhibendae potius quam infringendae, vel quoquo modo remittendae fidelitatis in Christum Iesum. Quem in finem haec possunt referri Veritates:

Quot peccavit in Virginem Martyrem Tyrannus vitiis, tot illam pluribus adauxit Martyriis & coronis.

Ratio est, quia Martyrem non poena sed causa facit: & quam multae possunt dici causae propter quas Martyr Martyrium sustinet, tam multiplex potest eius dici martyrium.

Sed quot vitiis peccat Tyrannus in Martyrem, tam multae possunt dici causae propter quas Martyr Martyrium sustinet. Nempe in Exemplo nostro, peccabat Maximinus in sanctam Catharinam Libidine, Impietate, & Iniustitia: Et his tribus ex vitiis tres causae factae sunt eius Martyrij. Prima ex libidine qua deperibat Virginem & quam cum Virgo contemneret, haec fuit causa quamobrem Imperator Martyrium Virgini decreverit.

Secunda ex Impietate contra Christianam Religionem quam Catharina profitebatur & quam Maximinus persequebatur, quae ratio cum à precedente sit diuersa, diuersam etiam constituit Martyrij causam.

Tercia ex Iniustitia & ferocitate, quod nempe Virgo conuertit-

958 *Die 25. Nouemb. In Feste S. Catharina Virg. & Mart.*

set Philosophos, Imperatricem & Ducem belli, tum furens Maximinus iniuste Virginem velut ream & noxiam condemnauit: quæ causa cum sit etiam ab aliis distincta & diuersa propter quam separatim quando illa sola fuisset, mortem libens Catharina passa esset, profecto non desinit habere suum effectum & meritum licet iuncta sit aliis. Sicut enim Tyrannus Martyrium imperans extriplici vitio ter Tyrannus dici potest, sic profecto ter Martyr Catharina, propter triplicem eius Virtutem oppositam tribus illis vitiis, nempe Virginitatem, Fidem, & Fidei Zelum, quæ sunt tria motiua quorum ex vno separato parata Virgo erat mortem subire, sicut reuera subiit conjunctim cum aliis duobus motiuis.

O quàm proinde vera est illa Veritas qua dicitur:

Inimici nostri magis prodesse possunt odio quàm profuissent obsequio.

In l. p. Die 28. Decembris.

Ne quemquam pudeat recedere ab errore, & cedere Veritati: non enim minus est sæpe gloriosum in hoc certamine vinci quàm vincere.

Ratio est, quia vinci hoc in certamine nihil aliud est quàm errorem suum agnoscere, ac oppositam Veritatem profiteri.

Sed non minus sæpe est hoc gloriosum coram Deo quàm vincere seu docere ac reuocare ad Veritatem errantes: Vbi aduerte parem in imparitate Victoriæ. Nam victrix Catharina fuit non solum quia Philosophos vicit sed quod à Tyranno victa non fuit. Sic Ipsi Philosophi victores fuerunt non tantum quia fuerunt Martyres, sicque vicerunt Tyrannum: sed quia etiam à Catharina victi sunt, cum sic vinci sit vincere.

Vide in 3. p. Fer. 2. Hebd. 7. vbi hæc Veritas exhibetur:

Majoris est animi se diuinæ Fidei supponere quàm se illi opponere.

Videri & possent quæ sequuntur:

Sicut martyrio vita naturalis, sic mortificatione vita sensualis.

Id est,

Sicut ne pereat fides, perdenda est martyrio vita na-

curialis, sic ne pereat fidelitas, perdenda est mortificatione vita sensualis.

In 1. p. De sanctis Martyribus.

Nemo cum Christo cādidus, nisi sit simul rubicundus.

Id est, nisi sic amet candorem & puritatem Conscientiæ, ut pro ea tuenda sit paratus mori.

In 2. p. Dominica Passionis.

In Infirmitate virtus; In Impotentia Potentia.

In 2. p. Fer. 4. Pascha.

Quanta olim erat fidelium gloria, mundum vincere, tanta modò est ignominia vinci à mundo.

In 2. p. Dom. 1. post Pascha, Hac est victoria que vincit mundum, fides nostra.

Satius esset nullo die velle viuere, quam non omni die velle cum Christo mori.

In 3. p. Fer. 5. Hebdom. 2.

Plus est quod Christus monet ne terreamur, quàm quod mouent Inimici vt nos tercant.

In 3. p. Fer. 6. Hebdom. 10.

Mortificatione potius tibi sunt omnia subtrahenda, quàm quid mortificationi detrahendum.

In 3. p. Die 24. Augusti.

Nisi diligenter aduertas, ore facta Confessio, factis à te negatur.

In 4. parte, Fer. 2. Hebd. 15.

Quàm gloriosa est victoria finiti certaminis, tam metuendum est ne certamen non sit finitum.

Victori sæpe grauius à victoria certamen nascitur, quàm dum certaret vt vinceret.

Ratio est, quia Victori à victoria sæpe certamen nascitur contra vanam gloriam & complacentiam.

Sed certamen istud sæpe est grauius alio quia minus hostis percipitur, minus expugnatur, & maior inde pernicies. Quin quod victus hic hostis à se ipso victo & expugnato nouas in vincentem ac-

capit & maiores ad repugnandum vires. Superata vanitas vanitatem generat, & dum repellitur gloria, repulsa redit quia repulsa fuit. *Omnia vitia superata marcescunt*, inquit Cassianus, & *deuicta per singulos dies infirmiora redduntur*: hoc verò deiectum acrius resurgit ad luctam, & cum putatur extinctum, sua morte viuacius conualescit. Cetera genera vitiorum eos tantum impugnare solent, quos in certamine impugnarint, hoc verò suos Victores acrius insectatur, quantoque fuerit validius elisum, tanto vehementius Victoria ipsius elatione concreditur. Et hac est subtilis inimici versutia ut militem Christi propriis faciat telis occumbere, quem hostilibus armis superare non potuit. Et paulo post: *Postremo*, inquit, cetera perturbationes à contrariis sibi virtutibus dissidentes, & ex aperto, tamquam die claro bellantes & superantur facilius & canentur: Hac autem Virtutibus inserta & aciei permixta velut in nocte ceca dimicans, atrocius inopinatos decipit & incautos.

Quamobrem sicut Virginibus & Martyribus in primis commendatissimum erat, sancta Virgo & Martyr Catharina sui laudem certaminis & totius gloriam Victoria Deo referens, sic tota Deo plena erat, ut oblita sui, Deum vnum & Christum suum cogitaret, extolleret, glorificaret & magnificeret quasi hoc ipsum esset quod Deus suis promiserat: *Laudē meā infranabo te, ne intereas.*

Hinc apte Diuus Augustinus ad illud sancti Apostoli: *Bonum certamen certavi.* *QUAERO* qua virtute certauerit, utrum qua illi ex semetipso fuerit, an qua desuper data sit? Sed absit ut tantus Doctor ignorauerit legem Dei cuius vox est in Deuteronio: *Ne dicas in corde tuo, fortitudo mea & potentia manus mea fecit mihi virtutem magnam hanc, sed memoraberis Domini Dei tui quia Ipse tibi dat fortitudinem facere virtutem. Quid autem prodest bonum certamen nisi sequatur victoria? Et quis dat victoriam nisi Ille de quo dicit Ipse: Gratias Deo qui dat nobis victoriam per D. N. Iesum Christum.*

Sic itaque finiendum quoduis opus ut numquam sit finis dicendi Deo cum Propheta Daniele: *Tibi Domine Iustitia: nobis autem confusio faciei. Domine nobis confusio faciei: Tibi autem Domino Deo nostro misericordia & propitiatio.*

De sancto Andrea, Vide in i. p. in quam frequentius Dies eius Festus incurrit.

FINIS QUARTÆ PARTIS.

INDEX

INDEX

RERVM PRÆCIPVARVM QVARTÆ PARTIS.

- A** **BNEGATIO.** De hac fuse p. 24. nil magis in eam rationabile quàm quod minus videtur rationabile 25. abnegatio intellectus 288.
- Actio.** Actionum nostrarum bonitas à fine 125. offerri possunt Deo pro defunctis.
- Adolescentia.** Adolescenti mors frequentius cogitanda quàm seni p. 1. quàm sint illis cauendi mundani affectus, & de vtili eorum educatione 264.
- Adversitas.** Præuisa minus nocet, & hæc potentes mundi parùm prævalent 135. Divinæ voluntati tunc nostra maximè conformanda 280. qualis tùm gratitudo redditur 196. letandum in adversis 443. quanta in adversis Dei gloria, & nostra utilitas 450. Adversitatis damnum à nobis est 684.
- Adulator.** Magis timendus quàm Calumniator 382.
- Adificatio.** Vide, Exemplum.
- Aeternitas.** Ex momento 133.
- Affectus.** Quam sint omnes mortificandi 29. quàm sint periculosi ad salutem 106. quàm inquieti 117. qui adhæret minis creaturæ duo mala facit, &c. 188.
- Amor Dei & Christi.** Quis sit purus 30. de hoc amore Dei, multæ simul propositæ Veritates 97. Amoris Christi motiva 361. sex divini amoris gradus ex Canticis 288.
- Amor proximi.** Quam diligenter fovendus 51. Amor parentum in filios ordinatus & inordinatus 248.
- Amor sui.** Cauendus etiam in spiritalibus 29. quò in alienis videt clarius, in se obscurius 212. impedit cognitionem sui 689.
- Angelus.** De his uniuersim in Festo S. Michaelis, & particulatim de S. Angelo Custode 832.
- Anima.** Qui animam suam pro mea Christus posuit, tanti æstimabilem fecit animam meam, quanti suam 359. quanta eius habenda cura 483. tanto euadit vilior, quàmto erat Deo carior si cara esse desinit 706.
- Appetitus.** Quomodo subiciatur rationi 21. quod sanati corporis erat indicium, ferre testum à quo ferebatur, hoc idem est sanati animi si regit appetitum à quo trahatur 151. mens incuruata per appetitum, mens instructuosa 107.
- Avarus.** Quam sit iniquus 126. non solam avaris qui cupit aliena, sed qui cupidinis seruatus 492.
- BEATITUDO.** In solo est Deo 190. de hac fuse in Festo Sanctorum omnium, S. Bruno. In eius die Festo 855.
- CELYM.** Vide Beatiudo.
- Calliditas.** Quam sit noxia 377.
- S. Catharina.** In eius die Festo 244.
- Cenitulum.** De hoc fuse 142.
- Certamen.** Acce & perpetuum contra Demonem 35. subeundum pro Veritate 300. pro celesti gloria, fuse in Festo Sanctorum omnium 908. & seq. pro fuganda vana gloria 952.
- Charitas.** Aptè describitur ab Apostolo & explicatur 36. quàm sit subiecta simul & imperiosa 43. quanto studio fovenda 51. Non quantum sed ex quanto quarit Deus 98. quàm sit ab omni cu-

Eccccc

- piditate purganda 100. Quantum hæc pura Charitas conferat ad bonum opus 164. quid Charitati feruor conferat 165. quomodo mitis & humilis 463.
- Christus*. Nisi quis se aptè Christo conformet, sibi Christum in septe conformabit 13. ubi multa de illius falsa cognitione quam habent homines. De puro eius amore 30. quàm sit illi peccator iniuriosus 39. lingunt sibi Christum mundani non verum colunt 222. de Christi Voce & imagine simul comparatis ad cultum 369. sicut portauimus imaginem terreni, portemus & cœlestis 403. In eandem imaginem transformemur 409. quàm meritò toti eius esse debeamus, hebdomada 24. fere tota 577. Inuentus etiam & cognitus semper est querendus 616. Vnus præ cunctis mediator 653. Corona Sanctorum omnium 918.
- Cognitio Dei, Christi & sui*. 216. 356. 616. Tam facile est malis hominibus in aliena se persona nosse, quàm in sua difficile 689.
- Communio*. Non differenda 197. quibus periculosa 492.
- Concupiscentia*. Hydropisis quædam est animi 56. Nulla superesse debet in conuerso quin reprimatur 65. quantum obstat charitati 100. quàm sit lethalis & mortifera 235. excæcat intellectum 690. causa est malorum omnium 729. aspectu Crucis refrænatur 730. his etiam verbis reprimatur, *Quis ut Deus?* 829. sententiæ quædam Evangelicæ contra illam 879. crescit non repressa 915.
- Confusio*. Quæ de peccato est, bona est 397. Nemo magis confundetur quàm qui peccat ne confundatur 726. Confundi ex ignauiâ quàm pudendum 867.
- Conscientia*. Valde inquieta inordinatè affectis 216. nulla nisi primariæ de peccatis euitandis cura potest sufficere 553 quàm sit religiosè colenda 483. secûra mens iuge conuiuium 514. vt veretur peccare 680. Conscientiæ puritas finis omnium excitationum spiritualium 759.
- Consideratio*. Adhibenda in negotiis ad eorum obseruandam opportunitatē 169.
- Consilium*. Iungatur necesse est fortitudini 892.
- Contentio*. Multum cauenda 91.
- Contentus*. Qui se dicit reliquisse omnia nec contentus viuit, mentitur aut mendacem facit Christum 142.
- Conuersatio*. Quantæ debeat esse ædificationis & boni odoris 625. rara sit & prudens cum hominibus huius sæculi 857.
- Conuersio*. Quæ sit vera declaratur 6. sit voluntatis simul & intellectus 65. ad eam plurimùm valent hæc verba: Cuius est imago hæc 395. expressa eius forma in prodigo 537. valde difficilis in indurato peccatore 581.
- Corona*. Iesus est corona Sanctorum omnium 918. De coronis quæ dicuntur aureolæ 945.
- Correctio*. De actiua & passiva fufe 77. multa hinc spectantia, ubi de non accusandis aliis 211. quinquam arguendi & corripiendi 325. multa hinc prudentia opus 699.
- Crudelitas*. Genus quoddam crudelitatis non orare pro defunctis.
- Crux*. Frænum est concupiscentiæ 729. parebit in Iudicio 724. De Exaltatione S. Crucis 807.
- DESIDERIUM*. In solo Deo completur 190. & fufe in Festo Sanctorum omnium.
- Detractio*. Quam graue sit malum 700.
- Deus*. Summum est nostrum bonum 189. quanta in aduersis, eius æquitas & iustitia 281. non irridetur 376. *Quis ut Deus?* expenduntur hæc sacra verba 822.
- Deuotio*. Sensibilis quomodo cauenda 29. vera & solida vt procuranda 555. Cor lingua & manus simul ad caput conspiciunt debent 639.

Diabolus. Quanta sit opus armatura contra eum 35, quamam sit apta 818.

Didrachma. Soluit Christy, & nunc etiā soluendum à peccatore exigitur 29.

Difficulus. Sola est à repugnantia voluntatis 142, nulla in ferendo Christi iugo 415, quanta in peccatore indurato ut conuertatur 581.

Dilatio. Quàm cauenda 310, 971.

Discipulus. Hoc est esse Christi discipulum, solius esse Christi 519.

Discretio. Quanta sit opus ad tentationes superandas 31, quanta in virtutibus exercendis 633.

Diuitia Diuites. Multa ex Christo D. contra diuitiarum affectum 121, 235, 497, de Diuite Epulone 939.

Doctrina Doctor. Doctrina potius quam vita docentis spectanda est 693, quāti sit meriti docere alios scientiam salutis 883, Doctorum aureola 945.

ILLUDIOSA. Quanta sit eius faciendae obligatio 499, quā verè Christo fiat quæ sit pauperi, & quale inde motuum 771.

Excusatio. Undenam peti possit 176, magis se accusat iustus quā excuset, quanto magis iniustus 217, prætenditur excusationi semper aliqua ratio 695, falsum esse quod excusamus testantur Sancti 910.

Exemplum. Quam sit nocuum quod prauum est, præsertim parentum erga filios 266, 273, nullis parcendum bonis ut bono exemplo bonus odor Christi simus 613, quā sint prauo exemplo qui quod docent, non faciunt 695, lingua tersa est quæ multos commouet 887, 891, & fusc in Festo Sanctorum omnium quorum exemplis accusamur, iudicamur, condemnatur.

FERVOR. Quod feruori tempus negat, hoc feruor affert tempori 163.

Fides, Fidelitas. Confessio fidei ore facta, factis negatur 15, Major est infania non credere Christo quā Christum

170, fidelitas obseruanda in dispensandis donis celestibus 309, quantum præstet fides humanis nostris iudiciis 334, 340, quanta sit fidelitas in obseruanda Christi voce 371, satis est ad fidem quod semel locutus sit 373, In omnibus sumentes scutum fidei 387, fides repræsentat res absentes 680, fides de Purgatorio quā certa 928.

Fiducia. Multa in Deum habenda 333, atque in Christum D. 355.

Finis. Volitio finis, volitio mediorum 112, 910, finis supernaturalis habendus in viu rerum omnium 125, 510, primum & præcipuum est quod intenditur 677.

Fortitudo. Quā simus fortes in Christo 349, 916, Fortitudo jungi debet Coniunctio 892.

S. Franciscus. In eius die Festo 840.

CAVDIVM. Prauum est quod à concupiscentia sentitur 59, Ritus error, gaudium deceptio 433, de vero gaudio multa 437.

Gloria. Quomodo Deus quærat suam gloriam 448, quale certamen contra vanam gloriam 951.

Gratia. Media quibus gratiæ conferuntur obseruanda 289, quā sint diuersæ gratiæ, & unicuique sua diligenter obseruanda 340.

Gratitudo. De hac fusc 191, & 619, vñ de fideiussore Christo.

HOMO. Interior & exterior inter se comparati 286, 481, Deum time & mandata eius obserua, hoc est omnis homo, Nouus & Euangelicus cum vetere comparatus 818, quod magis inter homines, eò minor homo 855.

Humilitas. Multa simul collectæ Veritates quæ hanc virtutem spectant 61, quod quis minor, eò maior 73, Initium, medium & summum est omniū virtutum 87.

IESVS. Sic propterea dictus quod à peccato saluet 156, Corona est Sancto-

Ecccc ij

948 Die 25. Nouemb. In Feflo S. Catharina Virg. & Mart.

sibi foli feruat.

In eadem 1. p. Die 18. Ianuarij.

Scientia fine Zelo, arma fine milite : Zelus fine scientia, miles fine armis.

In 2. parte, Fer. 2. Quinquagesima.

Nec lucere tantum nec ardere : fed vtrumque fimul.

In 3. p. Die 4. Augufti.

Rape ad Eum quos potes, Nam fi potes, & non rapis, tot cælo perdis quot Chrifto lucrari poteras.

In 3. p. Sabbato Hebd. 11.

Cos bonæ libertatis, mala libertas.

Id eft, Tanto magis acui & excitari debemus ad verum liberè prædicandum, & bonum bene agendum, quantò alij liberiores funt ad illud impugnandum.

Aut fis æquus dispensator, aut iniquus dissipator.

Quod de Gratiis quæ dicuntur gratis datæ, & quæ in alios difpenfari debent, intelligitur.

In hac 4. p. Fer. 5. & 6. Hebdem. 20.

III. P V N C T V M.

QUO molliores alij reddebantur, eò ferocius fœuiebat Maximinus, & conuerfo in odium ac rabiem quo ferebatur amore in Virginem, iam non Pellaces aduocat quî Catharinæ pectus molliant, non Doctores qui animum mutent, fed Tyrannos qui corpus crucient & noua suppliciorum architectentur inftrumenta; Nulla quibus hætenus in Chriftianos fœuitum eft fatis funt acerba & acuta, non nifi nouis & infolitîs concitati furor Imperatoris fedari poffe videtur.

Ergo expeditur rota crebris & acutis præfixa gladiis vt Virginis corpus tot diuerfis partibus & vicibus dilaniari poffit quot effent gladij, & quoties illis affixa per rotam deuolueretur : Quod erat prorfus inauditum tormenti genus; fed Virgo accedit intrepida, plus gerens animi ad ferendam quàm effent acuti gladij ad infe-

rendam lanienam. Se suumque certamen Christo suo commendat, & dum fatalem illam attingit rotam, ecce in partes dissolvitur, quasi ferrum illud insensatum plus haberet sensus & humanitatis in Virginem quam ipsi homines. Non declinandis tormentis tormenta mitigabat, sed magnificando Christo cuius esset tanta virtus ut si veller suos protegere nullus eis nocere posset. Atque ut videant quid in Christo suo possit & velit; pergant in se ferocius defauire, supplicia gement, flagella exacuant, venas incidant, nervos atterant, totum effundant sanguinem, totum corpus dilanient, tot lucra reputabit quot detrimenta sentiet: tot animi sui sentiet gaudia, quot feret tormenta corporis. Quamobrem non defuit illa tormentis sed illi tormenta defuerunt. Non est deterri-
ta suppliciis, sed supplicia sic deterruerunt Tyranni animum ut ne Virgo viveret diutius, magis cogitarit, quàm ut moreretur crudelius.

Sic itaque gloriosa Martyr ad tertiam sibi Coronam debitam euolauit, & quam in coelis illustris est hoc triplici diademate coronata, tam in terris insignis est ad exemplar fortitudinis & cuiuscumque virtutis exhibendæ potius quam infringendæ, vel quoquo modo remittendæ fidelitatis in Christum Iesum. Quem in finem hæc possunt referri Veritates:

Quot peccauit in Virginem Martyrem Tyrannus vitiis, tot illam pluribus adauxit Martyriis & coronis.

Ratio est, quia Martyrem non pœna sed causa facit: & quàm multæ possunt dici causæ propter quas Martyr Martyrium sustinet, tam multiplex potest eius dici martyrium.

¶ Sed quot vitiis peccat Tyrannus in Martyrem, tam multæ possunt dici causæ propter quas Martyr Martyrium sustinet. Nempe in Exemplo nostro, peccabat Maximinus in sanctam Catharinam Libidine, Impietate, & Iniustitia: Et his tribus ex vitiis tres causæ factæ sunt eius Martyrij. Prima ex libidine qua deperibat Virginem & quam cum Virgo contemneret, hæc fuit causa quamobrem Imperator Martyrium Virgini decreuerit.

Secunda ex Impietate contra Christianam Religionem quam Catharina profitebatur & quam Maximinus persequebatur, quæ ratio cum à præcedente sit diuersa, diuersam etiam constituit Martyrij causam.

Tercia ex Iniustitia & ferocitate, quod nempe Virgo conuertit-

950 Die 25. Nouemb. In Feste S. Catharina Virg. & Mart.

set Philosophos, Imperatricem & Ducem belli, tum furens Maximinus iniuste Virginem velut ream & noxiam condemnauit: quæ causa cum sit etiam ab aliis distincta & diuersa propter quam separatim quando illa sola fuisset, mortem libens Catharina passa esset, profecto non desinit habere suum effectum & meritum: licet iuncta sit aliis. Sicut enim Tyrannus Martyrium imperans extriplici vitio ter Tyrannus dici potest, sic profecto ter Martyr Catharina, propter triplicem eius Virtutem oppositam tribus illis vitiis, nempe Virginitatem, Fidem, & Fidei Zelum, quæ sunt tria motiua quorum ex vno separato parata Virgo erat mortem subire, sicut reuera subiit conjunctim cum aliis duobus motiuis.

O quàm proinde vera est illa Veritas qua dicitur:

Inimici nostri magis prodesse possunt odio quàm profuissent obsequio.

In 1. p. Die 28. Decembris.

Ne quemquam pudeat recedere ab errore, & cedere Veritati: non enim minus est sæpe gloriosum in hoc certamine vinci quàm vincere.

Ratio est, quia vinci hoc in certamine nihil aliud est quàm errorem suum agnoscere, ac oppositam Veritatem profiteri.

Sed non minus sæpe est hoc gloriosum coram Deo quàm vincere seu docere ac reuocare ad Veritatem errantes: Vbi aduerte parem in imparitate Victoriæ. Nam victrix Catharina fuit non solum quia Philosophos vicit sed quod à Tyranno victa non fuit. Sic Ipsi Philosophi victores fuerunt non tantum quia fuerunt Martyres, sicque vicerunt Tyrannum: sed quia etiam à Catharina victi sunt, cum sic vinci sit vincere.

Vide in 3. p. Fer. 2. Hebd. 7. vbi hæc Veritas exhibetur:

Majoris est animi se diuinæ Fidei supponere quàm se illi opponere.

Videri & possent quæ sequuntur:

Sicut martyrio vita naturalis, sic mortificatione vita sensualis.

Id est,

Sicut ne pereat fides, perdenda est martyrio vita na-

curialis, sic ne pereat fidelitas, perdenda est mortificatione vita sensualis.

In 1. p. De sanctis Martyribus.

Nemo cum Christo candidus, nisi sit simul rubicundus.

Id est, nisi sic amet candorem & puritatem Conscientiae, ut pro ea tuenda sit paratus mori.

In 2. p. Dominica Passionis.

In Infirmitate virtus; In Impotentia Potentia.

In 2. p. Fer. 4. Pascha.

Quanta olim erat fidelium gloria, mundum vincere, tanta modò est ignominia vinci à mundo.

In 2. p. Dom. 1. post Pascha, Hac est victoria qua vincit mundum, fides nostra.

Satiuseffet nullo die velle viuere, quam non omni die velle cum Christo mori.

In 3. p. Fer. 5. Hebdom. 2.

Plus est quod Christus monet ne terreamur, quàm quod mouent Inimici ut nos terreant.

In 3. p. Fer. 6. Hebdom. 10.

Mortificatione potius tibi sunt omnia subtrahenda, quàm quid mortificationi detrahendum.

In 3. p. Die 24. Augusti.

Nisi diligenter aduertas, ore facta Confessio, factis à te negatur.

In 4. parte, Fer. 2. Hebd. 15.

Quàm gloriosa est victoria finiti certaminis, tam metuendum est ne certamen non sit finitum.

Victori sæpe grauius à victoria certamen nascitur, quàm dum certaret ut vinceret.

Ratio est, quia Victori à victoria sæpe certamen nascitur contra vanam gloriam & complacentiam.

Sed certamen istud sæpe est grauius alio quia minus hostis percipitur, minus expugnatur, & maior inde pernicies. Quin quod vi-
cushic hostis à se ipso victo & expugnato nouas in vincentem ac-

capit & maiores ad repugnandum vires. Superata vanitas vanitatem generat, & dum repellitur gloria, repulsa redit quia repulsa fuit. *L. II. c. 7.* Omnia vitia superata marcescunt, inquit Cassianus, & deuicta per singulos dies infirmiora redduntur: hoc verò deiectum acrius resurgit ad luctam, & cum putatur extinctum, sua morte viuacius conualescit. *E. 9.* Cetera genera vitiorum eos tantum impugnare solent, quos in certamine impugnarint, hoc verò suos Victores acrius insectatur, quantoque fuerit validius elisum, tanto vehementius Victoria ipsius elatione concreditur. Et hac est subtilis inimici versutia ut militem Christi propriis faciat telis occumbere, quem hostilibus armis superare non potuit. Et paulo post: Postremo, inquit, cetera perturbationes à contrariis sibi virtutibus dissidentes, & ex aperto, tamquam die claro bellantes & superantur facilius & cauentur: Hac autem Virtutibus inserta & aciei permixta velut in nocte ceca dimicans, atrocius inopinatos decipit & incautos.

Quamobrem sicut Virginibus & Martyribus in primis commendatissimum erat, sancta Virgo & Martyr Catharina suam laudem certaminis & totius gloriam Victoria Deo referens, sic tota Deo plena erat, ut oblita sui, Deum vnum & Christum suum cogitaret, extolleret, glorificaret & magnificeret quasi hoc ipsum esset quod Deus suis promiserat: *N. 48.* *L. de gr. & lib. arb. c. 6.* Laude mea infranabo te, ne intereas.

Hinc apte Diuus Augustinus ad illud sancti Apostoli: Bonum certamen certavi. *QVÆRO* qua virtute certauerit, utrum qua illi ex semetipso fuerit, an qua desuper data sit? Sed absit ut tantus Doctor ignorauerit legem Dei cuius vox est in Deuteronio: Ne dicas in corde tuo, fortitudo mea & potentia manus mea fecit mihi virtutem magnam hanc, sed memoraberis Domini Dei tui quia Ipse tibi dat fortitudinem facere virtutem. Quid autem prodest bonum certamen nisi sequatur victoria? Et quis dat victoriam nisi Ille de quo dicit Ipse: Gratias Deo qui dat nobis victoriam per D. N. Iesum Christum.

Sic itaque finiendum quoduis opus ut nunquam sit finis dicendi Deo cum Propheta Daniele: Tibi Domine Iustitia: nobis autem confusio faciei. Domine nobis confusio faciei: Tibi autem Domine Deus nostro misericordia & propitiatio. *2.*

De sancto Andrea, Vide in i. p. in quam frequentius Dies eius Festus incurrit.

FINIS QVARTÆ PARTIS.

INDEX

INDEX

RERVM PRÆCIPVARVM QVARTÆ PARTIS.

- A** **BNEGATIO.** De hac fufe p. 24. nil magis in ea rationabile quàm quod minùs videtur rationabile 25. abnegatio intellectus 288.
- Actio.** Actionum nostrarum bonitas à fine 125. offerri possunt Deo pro defunctis.
- Adolescens.** Adolescēti mors frequentius cogitanda quàm seni p. 1. quàm sint illis cauendi mundani affectus, & de vtili eorum educatione 264.
- Aduersitas.** Præuisa minùs nocet, & hæc potentes mundi parùm præuidēt 135. Diuinæ voluntati tunc nostra maximè conformanda 180. qualis tùm gratitudo redditur 196. lætandum in aduersis 443. quanta in aduersis Dei gloria, & nostra vtilitas 450. Aduersitatis damnum à nobis est 684.
- Calulator.** Magis timendus quàm Calumniator 383.
- Adificatio.** Vide, Exemplum.
- Accidit.** Ex momento 133.
- Affectus.** Quàm sint omnes mortificandi 29. quàm sint periculosi ad salutem 106. quàm inquieti 117. qui adhæret minis creaturæ duo mala facit, & c. 188.
- Amor Dei & Christi.** Quis sit purus 30. de hoc amore Dei, multæ simul propositæ Veritates 97. Amoris Christi motiua 361. sex diuini amoris gradus ex Canticis 888.
- Amor proximi.** Quàm diligenter fouendus 51. Amor parentum in filios ordinatus & inordinatus 258.
- Amor sui.** Cauendos etiam in spiritalibus 29. quò in alienis videt clarius, in
- se obscurius 212. impedit cognitio nem sui 689.
- Angelus.** De his vniuersim in Festo S. Michaelis, & particularim de S. Angelo Custode 833.
- Anima.** Qui animam suam pro mea Christus posuit, tanti æstimabilem fecit animam meam, quanti suam 359. quanta eius habenda cura 483. tanto euadit vilior, quantò erat Deo carior si cara esse desinit 706.
- Appetitus.** Quomodo subijciatur rationi 21. quod sanati corporis erat indicium, ferre testum à quo ferebatur, hoc id est sanati animi si regit appetitum à quo trahatur 151. mens incuruata per appetitum, mens instructuosa 507.
- Avarus.** Quàm sit iniquus 126. non solum avarus qui cupit aliena, sed qui cupidinis seruatus 492.
- BEATITUDO.** In solo est Deo 190. de hac fufe in Festo Sanctorum omnium, S. Bruno. In eius die Festo 855.
- COELVM.** Vide Beatitudo.
- Caliditas.** Quàm sit noxia 377.
- S. Catharina.** In eius die Festo 944.
- Censura.** De hoc fufe 142.
- Certamen.** Acce & perpetuum contra Demonem 35. subeundum pro Veritate 200. pro celesti gloria, fufe in Festo Sanctorum omnium 908. & seq. pro fuganda vana gloria 952.
- Charitas.** Aptè describitur ab Apostolo & explicatur 36. quàm sit subiecta simul & imperiosa 43. quanto studio fouenda 51. Non quantum sed ex quanto querit Deus 98. quàm sit ab omni cu

Eccccc

Diabolus. Quanta sit opus armatura contra eum 35. quamam sit apta 82.8.

Didrachma. Soluit Christus, & nunc etiā soluendum à peccatore exigitur 39.

Difficultas. Sola est à repugnantia voluntatis 142. nulla in ferendo Christi iugo 455. quanta in peccatore indurato ut conuertatur 587.

Dilatio. Quam cauenda 310. 971.

Discipulus. Hoc est esse Christi discipulum, solius esse Christi 519.

Diferentia. Quanta sit opus ad tentationes superandas 31. quanta in virtutibus exercendis 633.

Dinitia Dinites. Multa ex Christo D. contra effuiciarum affectum 121.235.497. de Diuite Epulone 939.

Doctrina Doctor. Doctrina potius quam vita docentis spectanda est 693. quāti sit meriti docere alios scientiam salutis 883. Doctorum aureola 945.

ILLUMINATIO. Quanta sit eius faciendae obligatio 499. quā verè Christo fiat quæ sit pauperi, & quale inde motuum 771.

Excusatio. Vndenam peti possit 176. magis se accusat iustus quā excuset, quanto magis iniustus 213. prætenditur excusationi semper aliqua ratio 695. falsum esse quod excusamus testantur Sancti 910.

Exemplum. Quam sit nocivum quod primum est, præsertim parentum erga filios 166.272. nullis parcendum bonis vel bono exemplo bonus odor Christi sit 623. quā sint prauo exemplo qui quod docent, non faciunt 695. lingua tertia est quæ multos commouet 887.891. & fuit in Festo Sanctorum omnium quorum exemplis accusamur, iudicamur, condemnatur.

FERVOR. Quod feruori tempus negat, hoc feruor afferre tempori 163.

Fides, Fidelitas. Confessio fidei ore facta, factis negatur 15. Major est insania non credere Christo quā Christum

270. fidelitas obseruanda in dispensandis donis celestibus 305. quantum præstet fides humanis nostris iudiciis 334.340. quanta sit fidelitas in obseruanda Christi voce 371. satis est ad fidem quod semel locutus sit 373. In omnibus fumentes scutum fidei 387. fides repræsentat res absentes 680. fides de Purgatorio quā certa 928.

Fiducia. Multa in Deum habenda 333. atque in Christum D. 355.

Finis. Volitio finis, volitio mediorum 112.910. finis supernaturalis habendus in vfu rerum omnium 125.510. primum & præcipuum est quod intenditur 677.

Fortitudo. Quā simus fortes in Christo 349.916. Fortitudo jungi debet Confilio 892.

S. Franciscus. In eius die Festo 840.

GAUDIUM. Prauum est quod à concupiscentia sentitur 59. Risus error, gaudium deceptio 433. de vero gaudio multa 437.

Gloria. Quomodo Deus quærat suam gloriam 448. quale certamen contra vanam gloriam 951.

Gratia. Media quibus gratia conferuntur obseruanda 289. quā sint diuersæ gratiæ, & vnicuique sua diligenter obseruanda 340.

Gratitudo. De hac fusè 191. & 619. vbi de fideiussore Christo.

HOMO. Interior & exterior inter se comparati 286.481. Deum time & mandata eius obserua, hoc est omnis homo. Nouus & Euangelicus cum vetere comparatus 818. quod magis inter homines, eò minor homo 855.

Humilitas. Multæ simul collectæ Veritates quæ hanc virtutem spectant 61. quod quis minor, eò maior 73. Initium, medium & summum est omniū virtutum 87.

IESVS. Sic propterea dictus quod à peccato saluet 156. Corona est Sancto-

Eccece ij

peccato mori quibus contingat, & quàm pauendum 129. 342. quod grauius in morte est malum non ita effugies fugiendo mortem quàm acceptando, & de libera eius acceptatione 165. qui non est semper paratus mori nunquam est paratus 741.

Mortificatio. Tota est in repugnantia voluntatis cum obiecto 19. etiam in spiritualibus procuranda 29. mortificanda concupiscentia 58. non minùs expedit ad salutem vt vetus homo moriatur in nobis, quàm vt nouus Homo moretur pro nobis 593. quanta eius commendatio in Euangelio 876.

Mundus. Qui lucem mundi Christum proficis, & mundum potius quàm Christum sequeris, palpas in meridie 216. mandari Christum nesciunt 222. Mundanis precipue tremendum illud, In peccato vestra moriemini 228. Accessus Christi, recessus mundi 468. Nemo militans Deo implicat se negotiis secularibus 486. deplorandus mundi status cum Christo venit 798. ampla mundi seu mundanorum descriptio 848. victoria quæ de mundo refertur 869.

NECESSITAS. Non est tanta vitæ quantitas putatur 337. Porro, vnum est necessarium 474.

Negligentia. Maledictus qui facit opus Dei fraudulenter seu negligenter 659.

OBEDIENTIA. Debetur voci Christi 370. Non redditur Deo nisi reddatur hominibus quibus debetur 414. Non bene etiam redditur hominibus nisi propter Deum 420. quomodo indifcreta simul & discreta 632. Non quid faciant sed quid dicant Superiores, attendendum 692.

Oblatio. De suis omnibus relinquendis & offerendis, ac præsertim scripto 139. & in Festo Præsentationis B. Virginis 21. Nouembris.

Obstinatio. Quam sit cura difficilis 85.

Ocasio. Quam sit omnis bene agendi occasio sollicitè capienda: vide in Festo S. Martini.

Officium. Quam in eo nos excusent vel arguant 176. quantum obliget ad dispensanda sibi credita 305. qualis in eo exequendo iucunditas 515.

Oratio. Vnde defectus orationum nostrorum 557. orandum sæpe pro defunctis.

PARENTES. De parentum cura erga filios 158.

Passiones. Videntur aliquando mortuæ sed dormiunt 471.

Patientia. Quam sit bonum pati 20. quantum debeamus diuinæ patientiæ, & quantum inde nostra debeat excitari 321. qui non libenter patitur pro Dei gloria, & grauius patitur, & contra Dei gloriam 561. patiens malis bene vitetur & in bona conuertit 687. aut pati aut mori 871. ex defectu patientiæ deficiunt alie virtutes 874. quàm sit necessaria patientia 909.

Paupertas. Hoc amanti cælum paupertas est quod amanti terram diuitiæ 111. Non est tam certum ad salutem, seruare sibi aliquid quod dones pauperibus quàm talem esse pauperem qui nec sibi nec aliis quidquam seruet 121.

Pax. Nulla est inordinate affectus 117. certa est relinquenti omnia 142. pax ficta mundanorum 224. pax in mansuetudine & humilitate 461. securamens iuge conuiuium 512.

Peccatum. Fugatur cogitatio mortis 7. sicut à peccato sic à peccati reliquiis resurgendum 7. peccator à Christo exigit tributum quoddam 39. peccatum sub spe veniæ veniam non meretur 41 expellit Charitatem 104. Nulla nisi primaria satis esse potest cura de peccatis euitandis 153. peccatum ad mortem, & in peccato mori 235. de miserrima seruitute peccati 239. peccatum quodlibet etiam remissum, semper timendum 328. Imago Dei

Seruitus, seruus. Libera Dei seruitus 43. miserrima peccati seruitus 240.

Seueritas. Ut cauenda 92. Non est bona, nisi cum mala esset suauitas 209.

S. Simon. In eius die Festo 892.

Simplicitas. Valde commendatur in Infantia Christiana 69.

Solitudo. Multiplex & eius bonum 861.

Strenus. Suus unicuique est diligenter obseruandus 340. quomodo petendus à Deo status 602.

Superbia. Contra hoc vitium multæ simul expolitæ veritates 61. qui maior, minor 72. signum reprobationis 89. hanc maximè detestatur B. Virgo 794. Christo & Cruci exaltandæ se opponit 807

TALENTUM. Parabola de talentis, & de eorum reddenda ratione 761.

Temperamentum. De hoc regendo fusi 763.

Tempus. Nil magis nostrum, & nil minus nostrum 159. obseruandum in omni negotio 169.

Tentatio. Quibus armis resistendum 35. preualere non potest contra resistentem 248. 349. In omnibus sumentes scutum fidei 387. *Quis vt Deus?* aptum contra omnes tentationes remedium 823. Tunc esset magis obseruandus Angelus custos, & tunc minùs obseruatur 833.

Trepiditas. Quanta sit vilitas animæ tepiditatis 707.

S. Terebia. In eius die Festo 864.

Timor. Mundanus expellendus 52. vt bonus sit debet esse discretus 198. de timore mortis à iudicijs 567. timor qui dicitur reuerentialis 681. magis timenda verba Dei quàm hominum 733

Transfiguratio. Medit. de hoc mysterio 29.

Tristitia. Quænam bona & mala 56. quæ multa sunt de vero habendo gaudium malam tristitiam satis condemnant. 447.

VANITAS. Homo vanitas vanitatum 776.

Verbum Dei. Quàm sit certum & infalli-

bile 733.

Veritas. Ex ipsa iudicandum de rebus, non vt apparent 186. Veritatibus Euangelicis multum excolendus intellectus 276. propugnanda contra impugnantes 300. Error illi oppositus 433. Veritas Veritatum, *verum est necessarium* 475.

Vigilantia. Quanta sit opus contra Dæmonem 35. & vniuersim ad vitam rectè instituendam: Vide totam hebdomadam vigesimam octauam. Magna in peccatis euitandis adhibenda 244. præfertur Virginitati 881.

Vindicta. Quàm sint omnes omnino condonandæ iniuriæ 81.

Virginitas. Vigilantia perpetua, perpetua est quædam mentis Virginitas 756. nihil obest laudi virginitatis maior Vigilantiæ commendatio 881. Virginitas aureola debita 545.

Virtus. Cum ratione perficitur 25. non sunt meræ nostræ virtutes sicut meræ sunt vitia 249. virtutis meritum 457. discretio adhibenda 633. vera virtus proponitur 648.

Vita. Vitæ præsentis æstimatio minuenda 2. tota debetur Deo 160. 577. non est necessaria si quid ad eam conseruandam desit 335.

Vitia. Nostra magis inhonorant Christum quàm nostræ Virtutes eum honorant 249.

Vocatio. Viuendum conformiter 340.

Voluntas Dei. Si non agis quod velit Deus, hoc vnum infame habes quod respondeas, *Nolo* 174. voluntati diuinæ in aduersis subiiciendus animus 278. Cæna magna est & iuge conuiuium sic semper facere voluntatem Dei 514. cæcus sit qui suam potius quam Dei voluntatem velit heri 610. Sanctificatio nostra est 865.

Voluntas nostra & voluptas. Non est aliter bona voluntas quam si diuinæ conformetur 82. malitia nostræ voluntatis sa-

Deo opponentis 179. videmur velle,
sed nolumus quando media nolumus
910.

Ysa. V. Promissa.

S. Vrsula. In eius die Festo 880.

ZELVS. Cauendus indiscretus 91. multa

de zelo in arguendis aliis 206. 200.
meritum iuuandi proximos excitat
zelum iuuandi 306. nullis parcendum
bonis vt bonus Christi odor simus
613. mortificatio sui ex zelo iuuandi
proximos 766.

FINIS.



INDEX TERTIUS

I

INDEX TERTIVS
QVI SELECTARVM EST TOTIVS
QVADRIPARTITI OPERIS VERITATVM;
SECYNDVM TRIPLICEM PERFECTIONIS VIAM.

PRIOR NVMERVS, PARTEM:
POSTERIOR PAGINAM DESIGNAT.

CAPVT PRIMVM.

DE FINE SEV TERMINO QVEM SPECTARE
DEBET QVI SALVTIS ET PERFECTIONIS VIAM
INGREDITVR.

ARTICVLVS PRIMVS.

Quòd ante omnia, Finis hic omnibus sit praefigendus.

Recte ne viam instituat an peruersè, cum nemo scire possit qui nesciat & qui non cogitet quò velit tendere, propterea Primum illud est quod Christus Dominus nobis proponit: *Quærite primum regnum Dei, & Iustitiam eius*: Atque illa prima est Veritatum Praxis quam vnusquisque statuatur, vt quò sensu, quo animo Regnum illud sit quærendum, intelligat, & reipsa quærat sicut hæc docent Veritates:

Nisi primum quæras Regnum Dei, quantumuis aliter quæras, non acquies. 3. 662.

Sic primò quæri debet Regnum Dei, vt secundò nil ita quæri possit. *Nempe vt finis.* 3. 667.

Sic dignum est Cælum nostris curis & desideriis, vt nisi Cælum primò desideres, Cælo sis indignus.

2. 699.

A

Qua ratione terrena tantum, & non cœlestia desideras,
eadem necesse est vt cœlestia tantum & non terrena
desideres. 2. 672.

Hoc est *Vnum* quod Christus dixit esse *necessarium*: Et
hæc est Veritas Veritatum, quæ illis contenta est
Christi verbis. 4. 474.

ARTICVLVS 2.

*Sive hic finis dicatur Dei gloria, Dei regnum, Dei cultus, sive
regnum cœlorum, sive nostra salus & perfectio, perinde modo
est dum id serio apprehendatur quod quanti quanti sumus,
cotti sumus oportet ad illum finem consequendum. Quod de-
monstrant hæc Veritates:*

Sicut à Deo, sic ad Deum. 2. 612.

Id est, qua fide Deum confitemur esse Principium à quo & in
quo vivimus, mouemur & sumus, sic plane profiteamur oportet
Eum esse Finem & Terminum ad quem viuamus, moueamur &
sumus.

Satis id ore confiteris, sed ore facta confessio factis ne-
gatur, dum multa facis in alium finem. 4. 15.

Non quid Deo reddas vitæ & operum, sed quid tibi
reserues Deus spectat, cum totum Ipsi debeas. 3. 394.

Aut nullam vitæ partem aut totam Deo debes. 1. 194.

Nihil in vsu vitæ nostræ minùs est nostrum quam ipse
vitæ vsus. 2. 382.

Nisi te totum Deo dedas & subdas, Deum tibi subdis;
quo quid peruersius? 1. 235.

Mendaces filij hominum in stateris, si res creatas alio
quàm Cœli pendunt pretio. 3. 705.

Non redderes quidem Deo quæ Dei sunt nisi redderes
Cæsari vel cuipiam hominum, quæ sunt eius. 4. 413.

INDEX TERTIVS.

Sed si quid etiam Cæsari vel cuiquam reddas non propter Deum, non reddes Deo quæ Dei sunt. 4. 419.

ARTICVLVS 3.

Quod putant omnes se satis velle saluari, reuera tamen nolunt.

Speculatiua quidem æstimatione nihil nobis pretiosius Animâ nostrâ; sed practicâ, nihil vilius. 2. 522.

Quod vidêris tibi velle, velles quidem, sed reuera non vis. 3. 593.

Vult & non vult piger. 3. 299.

Affectum probat effectus. 3. 418.

Si non facis quod vult Deus ad salutem, hoc vnum infame habes quod respondeas, *Nolo, Non placet.* 4. 174.

ARTICVLVS 4.

Hinc illud Psalmi luctuosum, Omnes declinauerunt, nempe Ps. 13. *à fine vel à mediis.*

A fine quidem qui dicuntur filij huius sæculi, qui vix aliûm finem sibi præscribunt quàm vt mundo fruantur: à mediis autem filij lucis, qui cum videant & velle videantur illud Vnum quod est necessarium, media tamen respuunt quæ rectius eò ducunt, vnde in Euangelio Dominus, *filij huius sæculi prudentiores sunt filiis lucis.* Luc. 16.

Quæ omnia paucis his comprehenduntur Veritatibus:

Indigni sunt sua luce Filij qui minus clare vident in suis quàm filij huius sæculi. 3. 345.

Hoc nempe filiis lucis paupertas, ignominia, luctus & dolor esse deberent, quod filiis sæculi diuitiæ, gloria, prosperitas & valetudo.

Væ filio lucis mundanas sectanti tenebras; Væ Religioso non relinquenti omnia. 4. 139.

Filij autem sæculi quò prudentiores in generatione

A ij.

INDEX TERTIVS.

4. sua sunt, eò sibi majorem ingenerant imprudentiam. 3. 350.

Quò nempe prudentiores sunt, tantò magis vacant suis secularibus negotiis, & tantò minus suæ salutis: Quæ verò major imprudentia quàm quod est omni ex parte majus negotium sic posthabere minimis?

Hæc humana sapientia sic Diuinæ opponitur sicut humanæ stultitia. 2. 748.

Hæc sũnt humana consilia tanto pejora, quantò meliora. 3. 687.

Hic est homo exterior in quo colendo qui sapientior est, stultior est qui non magis interiorē colat. 4. 480.

ARTICVLVS 5.

Illud ipsum quod omnes declinent vel à fine, vel à mediis sic temperavit Dominus, ut dixerit multos perire, paucos saluari.

Quia lata porta, inquit, & spatiosa via est quæ ducit ad perditionem, & multi sunt qui intrant per eam. Quàm angusta & arcta via est quæ ducit ad vitam, & pauci sunt qui inveniunt eam. Matth. 7.

Ex quibus verbis hæc depromptæ duæ Veritates te tibi manifestant:

Quæ causa est cur pauci salui sint, hæc in te causa est cur ex illis fortè non sis.

Vel te oportet in lata esse via, vel in arcta: Sed si te probè noris, non es in arcta: Ergo in lata, & in manifesto salutis periculo.

ARTICVLVS 6.

Quid faciat latam aut arctam viam: unde se quis nosse possit.

INDEX TERTIVS.

Quà latè patet Mundus, nihil est vspiam ita damnosum ac nociuum quàm quod intus in te vno latet, Nempe Illa triplex Concupiscentia de qua sanctus Ioannes. *Omne quod est in mundo, concupiscentia carnis est,* 1. Ioan. 2. & *concupiscentia oculorum, & superbia vite.* 2. 153.

Hæc est triplex Concupiscentia quæ facit latam portam & spatiosam viam, sicut facit peruersum mundum, aut sicut à mundo peruersa fit. Primum enim fit à mundo peruersa Concupiscentia quando illa peruersè vtuntur homines ad appetenda & prosequenda ea quæ sibi videntur vtilia, delectabilia & honorifica. Tum vero peruersum facit mundum quando sic homines assuefacit & inducit ad illa perpetuò prosequenda bona sensibilia, & fugienda mala opposita, vt toti viuant, toti moueantur & toti sint in illis suis adimplendis concupiscentiis. Ac demùm illa est assuetudo, illa est perpetuitas vitæ sensualis ac mundanæ, siue vt vocant habitualis ad res terrenas affectio quæ facit latam & spatiosam viam quæ ducit ad perditionem, ducendo ad finalem impoenitentiam vt infra memorabitur. Quamobrem hæ, similesue voces, *Mundus, mundani, lata Via & Concupiscentia*, pro eodem in Scripturis atque hic deinceps vsurpantur: quo in sensu dicebat Dominus, *Non pro* 1. Ioan. 17. *mando rogo*, Id est, inquit S. Augustinus, *non pro iis qui viuunt secundum mundi concupiscentiam*. Nunc autem ex opposito facile est intelligere quid sit angusta & arcta via, nempe illa eorum vita continua, qui se suasque naturales concupiscentias ita semper arctant & constringunt intra Rationis & diuinæ Legis terminos vt quod aliis vitium est, istis sit virtus; Quæ certe vita paucorum est; Et an sit tua, Lector, tuum erit iudicare.

ARTICVLVS 7.

Quàm sit opposita Deo generatim triplex illa Concupiscentia.

Hæc est peruersa in mundo Trinitas quæ nisi caueatur Diuinam in nobis peruertit Trinitatem. 3. 1.

Hæc est aliena dominatio quæ se ita Diuinæ opponit, vt quia nemo potest duobus seruire Dominis, Vel re-

INDEX TERTIVS.

nuntiandum sit Domino Deo, vel libidini seu concupiscentiæ. 3. 652.

Hæc est rapinā in holocausto quam Deus odit. 4. 101.

Hæc est stupenda cœlo duplex malignitas de qua Deus conqueritur, *Duo mala fecit populus meus: Dereliquerunt me fontem aquæ viuæ, & foderunt sibi cisternas, cisternas dissipatas quæ continere non valent aquas.* 4. 186.

Hæc est perpetuata Dæmonis in Deum conspiratio, quæ semper Illi vult esse similis; & contra quam intorquenda essent illa Michaelis Archangeli, *Quis ut Deus?* 4. 822.

Hinc illud est, ut quod magis nos lætificat, magis contristet Spiritum Sanctum. 2. 751.

Hinc illud est, ut, quantum est Cupiditatis augmentum, tanta sit diminutio Charitatis. 4. 100.

ARTICVLVS 3.

Quàm sit iniuriosa Christo Domino Concupiscentia. Quæ mundi vel mundani nomine designatur, ut supra dictum est.

Matth. 23. Verebuntur filium meum, dicebat Pater mittens in terras Filium: sed inuerecunda Concupiscentia verecundiam & venerationem hanc à peccatore prorsus tollit: Nam cum iste sit omnis Christi fructus ut auferatur peccatum, non veretur Filium Dei qui peccare non veretur. 4. 676.

Luc. 11. Quam vere Christus dixit, *qui non est mecum contra me est,* tam vere contra Christum, mundanus est. 2. 248.

Nullus est quidem Christianus qui non credat Christum esse filium Dei, sed vix est vllus è mundo Christianus qui hoc vere credat, quia vix vllus est qui

INDEX TERTIVS.

7

non vivat secundum concupiscentiam quæ fidem Christi evertit. 3. 812.

Non minùs modò quàm olim Christus in propria venit, nec sui magis Eum recipiunt: quia magis concupiscentiam audiunt, quàm eius disciplinâ. 1. 114.

Christum sibi fingunt Mundani non verum colunt; Nam qui se Christo non conformant, Christum sibi conformare vel negare coguntur. 4. 15.

Quidquid de Christo se scire ac bene sentire dicant Mundani, Christum nescire dicendi sunt. 4. 220.

Nunc est iudicium mundi, dicebat Christus de primo suo aduentu; sicq; propterea Primus Christi Aduentus tam timendus mundano esset quam secundus, 1. 5.

Tam formidandum mundo præsepe Christi nascentis, vel patibulum morientis, quàm Tribunal iudicantis, *Quia scilicet in præsepi & in cruce Iudicium est mundi.* Ib.

At contrà de Christo mundus iudicat, Christum mundus condemnat, nec vllus vmquam Christianus Christi iudicio condemnabitur nisi qui prius suo Christum iudicio condemnauerit. 1. 1.

ARTICVLVS 9.

Quàm sit aduersa B. Maria Virgini, nec non Custodi Angelo, ac Sanctis omnibus Concupiscentia.

Tanta est nobis Mariæ Matris necessitas, vt non tam sibi quam nobis Christus eam elegerit Matrem. 2. 827.

Sed talis est cuiusque mundani ac præsertim superbi fastus, vt nec suam nec Dei matrem, illam agnoscat aut veneretur. 2. 845.

INDEX TERTIVS.

Non est in mundo seruus qui Domino suo plus debeat
& minus reddat quàm mundanus Christo & Vir-
gini Matri. 4. 785.

Sicut omnis à Maria respectus, impossibile est vt pe-
reat: ita omnis ab ea despectus necesse est vt intereat.
1. 32.

Ita verò Mundanus à Maria despicitur vt quàm pro-
prium Mariæ est hoc Mariæ Nomen, & quàm pro-
priè Nomen hoc Dominam significat, tam Illa verè
mundanum detestetur. 4. 793.

Doloris gladium animæ Virginis acerbiores infert
vita mundani peccatoris, quàm mors ipsius Christi
filiij. 1. 510.

Frustrà te Angelus etiam Custos comitatur, cum te ab
illo per Concupiscentiam subtrahas: Et tunc minùs
Illum obserues quo tempore magis esset obseruan-
dus. 4. 833.

Nec de cuiusquam Sancti patrocinio tibi promittas,
nisi de propria cupiditate remittas, tecumque cer-
tes sicut Illi certarunt omnes qui propterea dicuntur
habere in manibus suis palmas. 4. 908.

Tot enim aliòquin contra te Testes prouocas quot
Sanctos inuocas. 4. 910.

Quam habes concupiscentiam, illi habuerunt: sed
quam in se arctarunt resistendo, tu illam in te laxas
consentiendo. 4. 912.

Qua verò facilitate vinceris, eadem posses cum Illis
vincere, si velut Illi certare velles. 3. 331.

Quem Christus protegit si ab hoste vincatur, non est
victoris Virtus sed victi vitium. 4. 348.

Quanta porrò quondam fuit Sanctorum gloria, mun-
dum

INDEX TERTIVS.

dum vincere, nunc tanta est ignominia vinci à mundo.

2. 483.

ARTICVLVS 10.

Quàm sit nobis nocua & damnosa Concupiscentia.

Hæc est febris animi animo longe perniciosior quam febris corporis, corpori.

1. 288.

Hæc est hydropisis animi quæ quanto sibi est indulgentior, tantò sibi est dirior.

4. 55.

Hæc est mundi ac peccati fallacia, dum quæ magis oculata est concupiscentia, magis est cæca.

3. 439.

Hinc est ille Cæcus à quo magis quærendum est quid sibi velit fieri, quàm cum Apostolo dicat, Domine quid me vis facere?

4. 610.

Hæc est peccati seruitus, quæ quantò est suauior, tanto crudelior.

4. 238.

Hæc est Euangelici Prodigii miseranda calamitas, dum se quis per concupiscentiam à Deo retrahit vt viuat foelicius: & ipso misero Prodigio viuut miserius.

4. 528.

Hæc est Epulonis diuitis infausta fors dum sua bona recepit in vita sua, nunc vero cruciatur: quam quidem sortem licet mundani detestentur, dum cruciatum eius cogitant, eam tamen omnes consecretantur, dum sicut ille, bona sua volunt recipere in vita sua.

4. 539.

Hæc est Lazari quattriduani & foetentis deploranda condicio, qui non nisi fusis à Christo lachrymis & contentiori voce suscitatur. Nam si quid est in tota rerum natura Christo difficile, natura est hominis in peccato per concupiscentiam indurati.

4. 581.

B

Iean. 8.

Hæc est futura mors in peccato sic euidenter expressa
 vt quibus dictum est, *In peccato vestro moriemini*, statim
 illis dicatur, *Vos de deo sum estis, vos de mundo hoc estis,*
dixi ergo vobis quia moriemini in peccatis vestris. 4. 228.

Hæc est in Spiritum sanctum peccati remittendi difficultas, quæ tota est à resistente concupiscentia deprauata. Nullum est enim peccatum quod repressa concupiscentia non faciliè remittatur; sed non facile reprimitur concupiscentia quando peccatum est in Spiritum sanctum. 4. 757.

Et vero licet huius peccati malignitas sit singularis, ita tamen sit communis omnibus per concupiscentiam, vt vix iam è mundanis vlli peccent qui non peccent & blasphemèt in Spiritum sanctum. 4. 758.

Hæc est denique pernicax Iudæorum durities, & indurata perniciacia quam desolebat Christus dum ciuitatem ingrediens fletet & diceret, *quia si cognouisses & tu*, vnde sunt hæc duæ Veritates quæ te ad teipsum reuocent:

Quod si te nosses, hoc in te flendum nosses quod Christus flebat. 3. 414.

Eccl. 3.

Nisi verò Cor tuum moueatur ad Christi verba lachrymantis, Cor illud est de quo Sapiens, *Cor durum habebit malè in nouissimo.* 3. 408.

ARTICVLVS II.

De singulis in particulari concupiscentiis, ad hunc scilicet finem vt agnoscas periculum tuum.

Et primum de illa quæ dicitur oculorum, Id est, concupiscentia diuitiarum, de qua sic Dominus:

Quàm difficile qui pecunias habent in regnum Dei introibunt! Et rursus, Filioli, quàm difficile est

confidentes in pecuniis, in regnum Dei introire!
Facilius est camelum per foramen acus intrare Matth. 104.
in regnum Dei.

Quantò id minùs verum aut minus sibi dictum Mundani putant quod Christus dixit de pecuniis, tantò id magis verum esse putandum est. *Quia nempe minus sibi cauent.* 4. 121.

Non fit à Christo Diuitibus difficultas regni cœlorum, sed illam sibi faciunt contra Christum qui volunt esse diuites. 4. 122.

Quantà est facilitas diuitiarum vt amentur, tanta est eorum difficultas vt saluentur qui diuitias amant. *Ibid.*

Nisi Diues diuitias faciat bonas, diuitiæ malum facient diuitem. Aut cœlû perit diuitiis, aut emitur. 4. 123.

Sicut accusandi non sunt diuitiarum cupidi quod sint malæ diuitiæ, sic neque sunt excusandi quod non sint malæ; Nam totum ipsa Cupiditas malum facit, & cæterorum radix malorum est. 4. 127.

Quantumcumque sint necessariae ac licitæ diuitiæ, numquam est tamen necessarium aut licitum, velle esse diuitem sicut omnes volunt; sic enim velle est in interitum mergi ac perditionem, vt expresse ait 1. Tim. 6. Apostolus. 4. 128.

Cum vix vllus denique se talem putet circa pecunias qualis in Scriptura improbatur, vix tamen vllus est qui non sit talis; *Quia vix vllus est qui non amet pecunias, & hoc est maxime quod à Scripturis improbatur.* 4. 133.

ARTICVLVS 12.

De Concupiscentia Carnis seu voluptatis.

B II

Quàm sit plena periculi ac dampnosa hæc concupiscentia, satis patet; Sed in quo consistat damnum ac periculum, non ita forte liquet & tanto inde est periculosior: Non enim tantum ipsa quæ horrorem incutit, rei tæditas, damnum affert, sed quæ leuiores putantur & nihili fiunt, vt oculorum aspectus, animorum affectus, colloquiorum libertas, vestium luxus, frequentia & familiaribus diuersi sexus, ac similia quæ vel honestatis vel vrbauitatis vel amicitia nomine colorantur: hæc sunt videlicet quæ damnum faciunt dum periculum damni quod inde sequitur tegunt; quamobrem Christus, *si oculus tuus dexter, inquit, scandalizat te, erue eum, & projice abs te. Et si dextra manus tua: Et si pes tuus te scandalizat, amputa illum.* Id est, perinde horum vsu membrorum abstinere, ac si re ipsa priuatus his esses; perinde oculos ab aspectu, manum à tactu, & pedem à congressu continere ac si cæcus, aut aliis esses mutilatus membris; quæ licet videantur esse consilia non præcepta, quid sit tamen damni à non seruatis illis consiliis, hæc Veritas fufius explanata declarat:

Qui non seruat consilia quia non sunt præcepta, nec ipsa etiam præcepta seruabit. 3. 221.

Propter mutuam scilicet quam inter se habent connexionem vbi de hac præferim agitur concupiscentia.

Quò spectat Illa quæ ad sextam orationis Dominicæ petitionem, *Ne nos in ducas in temptationem*, sic profertur:

Hanc ad cæteras impudentiam Impudicus adjicit, vt Deum orando irrideat. 3. 294.

Nam dum Ipse se ipsum per oculos, manus, & pedes in temptationem inducit, nonne Deum irridet dum id Ipse facit quod ne fiat à Deo, Deum orat & quibus & affines hæc sunt:

Sæpe putatur Charitas, & est magis carnalitas. 2. 105.

Nemo cum Christo candidus nisi sit simul rubicundus.

Nemo effectu candidus nisi sit affectu rubicundus.

Nemo actu satis purus nisi actum puritatis suo sit paratus tueri sanguine contra præsertim impuritatis peccatum.

2. 312.

Nisi quod monet Sapiens: *Omnis custodia serues cor tuum,* non omnino seruas. I. 354.

Matth. 5.
Marc. 9.

Si nec in ipso cœlesti gustu sistendum est ; quanto minus in sensuali? 4. 28.

Aut baptismalis seruanda est innocentia , aut per infantiam spiritualem reuocanda. 4. 64.

Mors Ioannis Baptistæ, Vox clamantis in deserto cordis est, contra hanc maxime Concupiscentiam. 3. 872.
Vide infra cap. 2. art. 8.

ARTICVLVS 13.

De tertia concupiscentia quæ dicitur superbia vite.

Quod ab illa impendat salutis periculum, inde est quod sit maius in se malum quàm putes, & maior in te superbia quàm sentias. Quod vtrumque quam sit periculosum & damnosum, hæ patefaciunt Veritates:

Primæ petitioni *Sanctificetur nomen tuum*, prima se opponit superbia; Quod illa petit, hoc ista impetit. 3. 269.
Se anteponebat Christo qui se omnibus non postponit. 1. 65.

Qui nimis humana timet iudicia, non satis reueretur diuina. 1. 427.

Qui se Christi exemplo non humiliat, exemplo Demonis humiliabitur. 2. 29.

Qui sectatur honores mundi quos fugit Christus, à Christo fugit ad mundum. 2. 280.

Quem pro Christo sperni pudet, Christi pudet. 2. 288.

Quò quis superior est in ordine hominum, inordinate scilicet, cò inferior est in Christi ordine. 2. 294.

Gloriam Christi vertimus in ignominiam, si aliam à Christo quærimus gloriam. 3. 125.

Dat cuncta Christus vt contemnatur, nos cuncta damusne contemnamur; quid repugnantius? 4. 443.

INDEX TERTIVS.

Ille est videlicet prudens Negotiator qui inuentam pretiosam margaritam, id est, humiliationem, suis omnibus idcirco datis, tibi eam comparauit; Nos contra cum sese nobis offert, nihil illa uilius æstimamus, & nihil nostrum est quod non demus ne nostra sit.

3. 400.

Omnes insipientes & infœlices supra modum superbi. Superbo maxime formidandum diuini Tribunal Iudicij.

3. 607.

Nemo magis confundetur quam qui peccat ne confundatur.

4. 726.

Plura inferius c. 2. art. 15.

In quibus dictis hoc obserua quod quidquid proponitur tam graue est & ita tibi proprium, ut si vel vnum esset ex illis pluribus, satis esset ad significandum tibi periculum quod ex superbia uitæ tuæ certo sequeretur nisi prouideas. Cui periculo si iungas alia quæ supra ex aliis audiuit articulis, potesne dubitare quàm sit periculosa Concupiscentia, quam sit opposita Fini tuo, quam sit lata illa via quæ perditionis est via, & quàm late incedas per hanc viam? Aut certe si dubitas, lege hanc Veritatem quæ tota tibi scripta est: Licet in quibusdam Cupiditas tam leuis sit, ut peccatum eorum etiam minuat, in te tamen tam grauis est, ut peccatum tuum augeat.

3. 692.

In illa leui cupiditate pars aliqua cordis eorum detrahitur: in tua vero graui, totum Cor Deo perit.

4. 103.

ARTICVLVS 14.

Quod restaret remedij est Pœnitentia, sed quod restat in concupiscentia, nullam sinit esse veram pœnitentiam.

Ipsis Scripturæ verbis proposita constat Veritas:

Nullus est qui agat pœnitentiã super peccato suo. 1. 105.

Quia nullus scilicet est qui deponat Concupiscentiam sicut deponi debet ad Pœnitentiam.

Nec auertes periculum nisi aduertas diligentius. 4. 501.

ARTICVLVS 15.

Qualis inde Conuersio concludenda.

Trium tibi datur optio; Vel negligenda salus animæ: vel neganda Veritas manifesta: vel conuertendus animus. Nolles duo priora, Tertium posterius itaque concludendum, conformiter his Veritatibus:

Nisi ab omni cupiditate Voluntas sicut ab omni errore Intellectus vere conuertatur, vix vlla est vera Conuersio, & vix vlla est salus. 4. 65.

Sicut à peccato, sic à peccati reliquiis resurgédum. 4. 6.

Sicut à veteri lege, sic à veteri homine penitus abstinendum. 1. 404.

Non minus expedit ad salutem vt vetus homo moriatur in nobis, quam vt nouus Homo moreretur pro nobis. 4. 593.

Vides mulierem peccatricem & pœnitentem? Tantum à perfecta pœnitentia deficies, quantum à pœnitente Magdalena discedes. 3. 745.

ARTICVLVS 16.

Non differenda Conuersio, sed quæ forte his legendis vel aliis mediis Gratia Conuersionis offeretur, quamprimum acceptanda.

Qui legit intelligat; Nam qui legit, & intelligere negligit, negligentia suæ pœnas legit. 4. 715.

Qui negligit negligetur. 3. 480.

Qui non audit, non audietur. 3. 542.

Ecce nunc tempus acceptabile, ecce nunc dies salutis,

Tale hoc tempus Crisis est æternitatis.

Tales hi dies non minus diligenter sunt obseruandi pro

- salute animæ quam dies Critici pro sanitate corporis. 2. 356.
- Momentum illud ex quo pendet æternitas sæpè momentum illud est, quale modo tibi occurrit dum hæc legis vel audis. 4. 933.
- Nisi verbum Dei te conuertat, tu peruerres verbum Dei. 2. 49.
- Verbum Dei non redit vacuum: aut profit necesse est recipienti, vel obsit. 3. 375.
- Dum lucet, ambulandum: ne tenebræ fiant. 1. 197.
- Quò longius differes, difficultatè difficilior tolles. 1. 344.
- Volenti bonum & differenti præstaret nolle quam velle. 4. 311.
- Nam sibi blanditur in illa bona voluntate quam præterdit aliquando futuram, & interim perit, dum nil efficitur.
- Qui sic eludit diuinà Monita vt se dicat quidem velle, sed non hodie, Deum irridet. At Deus non irridetur. Ipse deludet Illusores. 4. 375.

ARTICVLVS 17.

Quid retardet à vera Conuersione.

Quidquid sit quod te à doctrina Christi & à vera Conuersione reuocet, vel ob id maxime doctrina Christi recipienda est, & conuersio non retardanda. 1. 291.

Quia scilicet tanto magis se prodit malum quanto te magis retardat, & idcirco prospiciendum est.

Verendum, ne quod putas tantum tibi deesse ad perfectionem, desit etiam ad salutem. 4. 106.

Qui te à sanctitate acquirenda excusas, ex aliis tuis bonis acquisitis te condemnas. 2. 158.

Vnde timorem minuis, magis augendus esset, iuxta illud

illud psalmi *posuisti firmamentum eius, formidinem.* 3. 302. *Ps. 18.*
 Tu quis es qui reuocanti resistis Deo? Tremenda Veritas. 1. 72.

ARTICVLVS II.

Quid inuict & promoueat efficacius cum Gratia, Conversionem!

VNIUS scilicet Christi Consideratio tam multis ac variis modis hoc à te postulantis, atque in hoc vno totam Vitam suam & Evangelicam ponentis doctrinam, vt veterem hominem in nouum conuertamus, Id est, concupiscentiam Rationi subiciamus & rationem Gratiz. Vide Christi Factum, & audi Veritatis conforme Dictum.

VIDE vt nascitur in stabulo & reclinatur in præsepî; Quamobrem vero?

Aut Christus fallitur, aut mundus errat. 1. 140.

VIDE vt circumcissus nominatur Iesus, & audi:

De pretio tanti Nominis tanto plus circumciditur, & nobis deperit, quanto minus perfectè nos circumcidimus. 1. 174.

Audi quòd quanta est modò nobis obligatio ad non suscipiendam circumcisionem legalem, tanta est ad suscipiendam spiritualem. 1. 182.

VIDE vt à magis Rex agnoscitur, & audi:

Quod nonnisi tribus oblatis concupiscentijs, Rex à nobis reuera cognosci potest. 1. 201.

VIDE vt in templo præsentatur, & audi ex sene Simeone quomodo sit positus in signum cui contradicetur, quando sit positus in ruinam & in resurrectionem multorum, quia scilicet

Vel nouus homo Christus, veteris nostri hominis est ruina: vel vetus noster homo, ruina est noui hominis. Alteruter alterius est ruina. 1. 160.

VIDE vt totos triginta laret annos: Audi vero

Quod nemo manifestius cum Christo viuit quàm qui

CAPVT SECVNDVM.

DE VIA PURGATIVA, QVI
STATVS EST INCIPIENTIVM.PRO TRIPLICI DIFFERENTIA TEMPORIS,
PRAETERITI, PRAESENTIS, ET FUTVRI

ARTICVLVS 1.

*Cauenda duo extrema, & idoneus Director eligendus.*Non dixeris, per Deum abest *Ecclesi. 15.* Hoc est primum cauendum. 1. 301.Nec dicas, sufficiens mihi sum *Ecclesi. 11.* Hoc est extremum alterum in scripturis prohibitum. 1. 316.

Multorum est Conscientia cauteriata & peruersa, nisi se sinant dirigi. 1. 307.

Quod magis confert ad faciendam Confessionem minuscificitur nisi cū Sacerdote prius conferatur. 1. 312.

Nemo sui boni vel mali bonus Iudex. 3. 677.

14. 5. *Pascentur agni iuxta ordinem suum*, inquit Propheta, hoc sensu vt nisi suo quique contineantur in ordine, non pascantur. 4. 339.

Si ordinatis ad salutem mediis non vteris, Mediatore Christo abuteris. 2. 163.

Frustra etiam Mariam oras, si non quæris sicut Illa quod ignoras, *quomodo fiet istud?* 2. 834.

ARTICVLVS 2.

Dirigendus Directori sit valde docilis, siue ad malum euitandum siue ad bonum faciendum.

Vx duplici corde, & peccatori terram ingredienti duabus vijs. 1. 324.

Frustra tibi Cultor, si culturam non pateris. 3. 913.

Grande malum voluntas propria, quæ se in malo vitando vel bono bene faciendo non finit dirigi. 1. 319.

Suam ille vestem nuptialem recusat induere qui recusat instrui de debito Sacramenti usu. 1. 329.

Qui sibi suas solus aptat Cruces, vix vnquam aptas efficiet. 2. 322.

Quantæcumque sis ætatis, quasi modo genitus Infans Patri tuo te subijce: Non est ætas maturior hac infantia Christiana. 4. 68.

Nec timeas libertati tuæ: Nemo liberior quam qui minus est liber. 2. 431.

Numquam magis eris tuus, quam cum minus eris tuus, vt fistotus Christi. 4. 324.

ARTICVLVS 3.

Incipiat serio velle, & quos gratia motus sentiet ad se totum Deo dandum: sequatur, ac se illi dedat, dedicet, consecret.

Quam frequenter cum Davide dices, *Dixi tunc capi*, tam sincere simul dicas cum Apostolo: *Domine quid me vis facere?* Hæc est perfectæ Conuersionis forma. 1. 495.

Continuè non acquiesci carni & sanguini, Hæc est vere conuersi, & verè seruorum Christi vera nota. 4. 854.

Non quod iam perfectus sit qui hæc dicat, sequatur autem quos sentiet conuersionis & perfectionis motus, *Nam & Patres tales quæ* (san. 4.) *vis qui adorem eum*, In Spiritu scilicet & Veritate, Id est, omnino, ex totis nobis: Vnde hæc Veritas:

Sicut Spiritus & Veritas sunt indiuisibiles & totis se si-

mul communicant non ex parte, sic plane nos indiuifim, quanti quanti fumus, toti velimus eius esse qui se totum nobis dedit. 3. 564.

Hoc est enim esse Dei, solius Dei esse. Hoc est esse Christi discipulum, solius Christi esse. 4. 519.

Satis est autem primis his animi se conuertentis initiis talem esse in voto, vt vocant, & desiderio, tum pergat cum Dei Gratia & Directoris opera: neque sibi suisque vereatur si se totum dedat.

Nam numquam melius sibi quis prouider, quam si nil sibi retinens, se Domino Deo suaque omnia consecreret. I. 462.

Et licet nondum aut non semper faciat quod proponit, incipiat tamen velle, ac proponat semper quod faciat.

4. 666.

SI de petendo secessu aliquo sibi sentiat mentem injici, mentem sequatur, ac secedat: aut si potius solitudinem abhorreret, nec crederet sibi necessarium esse secessum, diffidat sibi & hanc audiat Veritatem:

Nulli magis necessario secedendum, quam qui minus necessarium sibi putas secessum. 2. 716.

Quidquid sit de loco ac de negotiis, cum quidquid deinceps agat, totum id ad supremum Finem vt dictum est & dicetur amplius, dirigere debeat; nihil habeat commendatius, nil crebrius ac vehementius quam renuntiare carni & sanguini, hoc est tribus illis concupiscentiis quæ rectum finem ita detorquent & deprauant, vt quidquid mane statuas, quidquid puræ intentionis in totum infundas diem: si tamen interdum diligentius non aduigiles, si qualis hactenus in sequendo corruptæ naturæ ductu fuisti, si esse pergas, difficile admodum fuerit definire an quidquid feceris, satis ex recto fine puraque intentione feceris; Vnde attentius hæc reuoluenda Veritas:

Totius difficultatis de pura intentione solutio, studium est continuum reprimendæ Concupiscentiæ. 1. 189.

2. 207. 3. 214. 4. 214.

ARTICVLVS 4.

Quæ circa præteritum tempus agenda sint.

VT euidenter videas te infructuosam illam fuisse arborem quæ nullum fructum attulit, & quæ succidenda erat nisi hoc poenitentia concessum esset tempus; expende has Veritates:

Qua ratione fit vt plures dici possint malæ quam bonæ arbores, eadem prorsus factum est vt mala potius quam bona sis arbor. 3. 334.

Quod te imparatum magis reddebat ad ferendum fructum, hoc te paratiorem debebat reddere. 3. 905.

Quantò iam minus deplorares tempus perditum, aut quantò minus timeres te propterea puniendum, tanto iam magis deploratus & punitus esses. 3. 909.

QUANDO sola esset boni faciendi omissio, sat tibi multa esset dolendi & reparandi temporis necessitas: sed cogitanti tot admissa mala, tot peccata perpetrata quorum forte nunquam poenituit, & quibus plene numquam est satisfactum; Tum certè

Vox clamantis in deserto, vox quædam est peccati Conscientia, peccatori tum audienda. 1. 75.

Non est habenda quidem sollicitudo anxia & scrupulosa de peccatis præteritis, sed rationabilis non est deponenda. 1. 348.

Peccatum quodlibet etiam remissum, magis ac magis semper timendum est: Quanto magis non remissum? 4. 328.

Quàm verò prudenter timere debeat ne sibi non sit remissum qui de concupiscentiis reprimendis vix cogitauit, satis illa demonstrant Veritates quæ de rara poenitentia proponuntur, quibus hæc debent addi pro illis qui sibi inuis id timendum putarent:

Quæ putatur aliquando viuens anima, non viuit sed mortua est: & quæ non putatur mortua, quoties ac-

- cedit ad sacrâ Mésam, magis ac magis moritur. 4. 471.
- Numquam autem illustrius se manifestat Christus, quàm dum animæ peccatricis illustrat Conscientiam, & peccatum latens ipsi manifestat. 3. 559.
- Tunc lachrymæ, tunc gemitus, tunc recentes resipiscientis animi sensus, qui multum inardescunt ad hæc Christi quærentis verba: *Cuius est imago hæc?* 4. 386.
- Tunc illa est lachryma quæ passionis Christi Vicaria dicitur. 2. 353.
- Tunc illi gemitus qui tantò suaviore sunt quantò amariore. 3. 328.
- Sit sensibilis dolor vel non sensibilis, parum refert dum sit verus dolor, dum sit vera Concupiscentiæ deinceps refrænandæ Volûtas: Vera enim Contritio dolorem illum sensibilem nec includit nec excludit. 2. 202.
- At voluntatem efficacem reprimendæ concupiscentiæ sic includit, & 2.
- 10. 46.** Quidquid aliud agas ad resipiscentiâ, nihil agas. 2. 378.
- Frustrâ multiplicas medicamina, sanitas non erit tibi: Quod grauius in te est malum sanari non vis. 1. 432.
- Nisi scilicet serîo velis refrænare concupiscentiam.
- Geme ad Christi pendentis pedes quantum volueris, frustrâ te Christi miseret nisi te tui prius misereat. 2. 188.
- Sit timoris etiam an amoris iste dolor, non quæritur in hoc primo Incipientium & se purgantium statu. Satis modo est dum securis ad radicem ponatur, dum Cor ita peccatum doleat ut quæ est causa peccati Cupiditas euellatur, destruatur, dissipetur ne peccatum reproducat. Non est sine amore hic timor, nec certe amor reuens sine aliquo timore certus est; Quod sic manifestè demonstratur:
- Amori potius ab amore timendum est quàm à timore. 2. 791.

Denique

Denique multum valet ad praxim hæc Veritas:

Ex vulnere remedium.

1. 489.

Id est, quisquis ex illo quo præsertim vulneratus est vitio verè resurgit, diligentius cauet ne in illud recidat, & quantò in illud naturaliter magis inclinatur, tantò inde magis cum Gratia declinare conatur. Quod & alia Veritate confirmatur

Nihil est ad Amorem augendum magis appositum quàm quod Amori fuit aliquando magis oppositum.

3. 329.

ARTICVLVS 5.

De presenti tempore, circa peccatum in genere: quàm sit semper flendum, execrandum, cauendum.

Si scires quid sit Deum offendisse, non minus forte fletes quàm illa peccatrix & pœnitens Mulier quæ à fletu numquam cessauit. At vero non excusaris, si nescias.

3. 330.

Malo peccati nullum par aliud malum.

3. 509.

Grauius est Christo pati à peccato, quàm pro peccato.

2. 392.

Nisi cum Christo plus doleas de peccato, quam de quouis alio malo, neque cum Christo doles, nec de peccato. Si vero non doles cum dolente Christo, nec cum Illo gaudente gaudebis.

2. 178.

At quantò erit major de peccato tristitia, tanto pòst majus gaudium haurietur de fontibus Saluatoris.

2. 482.

Non sunt facienda mala, ne minima quidem, vt eueniant bona, bonà quantumuis maxima.

1. 184.

Minima quæuis inordinatio cordis immundi major est maxima quæuis inordinatione huius mundi.

2. 512.

D

Inordinata quævis affectio licet parum sit mala, non est tamen paruum malum. 2. 616.

Sapienter Ille qui maluit liber peccato possideri à Dæmone, quam vel leui cum peccato liberare possessos. 2. 606.

Non tam à Dæmone quantumvis immundo, immunda fit anima, quàm à seipsa per peccatum. 1. 285.

Sæpe in minimis non est minima culpa. 3. 213.

Nulla nisi primaria satis esse potest Cura de peccatis cuitandis. 4. 153.

ARTICVLVS 6.

Nec dignitas quemquam, aut difficultas, aut tempus, aut quid huiusmodi quod peccatores causari solent, excusat à peccato.

Indignum sua dignitate se Ipse profert qui dignitatem suam Legi præfert. 1. 502.

Qui à lege excludit aliquid, excludit à se totam legem. 1. 503.

Qui culpam refert temporì, pœnæ tempus non aufert. 1. 505.

Quibus armis Impietas antequadragesimali tempore propugnatur, iisdem impugnatur. 2. 100.

Nihil vnquam Christiana Religio passa est grauius, quàm quod à Christianis tùm patitur. 2. III.

Magis etiam peccant qui ne boni appareant hominibus, non ieiunant cum ieiunandum est, quam olim tristes hypocritæ, qui vt boni apparerent, ieiunabant. 2. 146.

Nec est minus hypocrita qui ne appareat hominibus non ieiunat, quàm qui ieiunat vt appareat. 2. 148.

Quæ in malo bona est Confusio, in bono mala est. 2. 107.

INDEX TERTIVS.

27

Sicut scandalizans , sic est scandalizatus ; pari peccat
vterque vitio. 1. 47.

Non putes te bene semper excusatum , cum dicis, Non
putabam. 3. 380.

ARTICVLVS 7.

*Certandum acriter contra septem illa quæ dicuntur Capitalia, exem-
plo Christi D. patientis, cuius aspectu etiam superantur.*

Sic est propositum nobis certamen in septem Christi
patientis stationibus , vt qui vel vnam deserat , to-
tius militiæ sit desertor. 2. 419.

In hoc signo vinctes. 2. 177.

In plagis sanitas. 2. 478.

Ille inter potentes Potentissimus qui contra magnam
peccandi potentiam certat & vincit. 3. 856.

ARTICVLVS 8.

*Qui ab his vitijs alienum non habet animum, non potest vere domi-
nicam proferre orationem, nec ipsum Iesu nomen.*

Qui sibi non contradicit in suis malis desideriis , sibi
contradicit in bonis.

Quia scilicet septem Petitionibus septem illa opponuntur vi-
tia quibus qui consentiret, dissentiret à seipso, petitiones pronun-
tante; Quod vniuersim declaratur in 2. p. pag. 68. Et particula-
rius ac fusiùs de singulis singillatim petitionibus, in 3. p. pag. 269.

Discedat ab iniquitate omnis qui nominat Nomen 1. Tim. 2.
Domini. 1. 179.

Sicut cera fluit à facie ignis , sic peccatum à Christi
facie. 3. 76.

Sicut ad Sacramentum , sic ad sacrum quemuis locum.

1. 554.

ARTICVLVS 2.

*De peccatis in particulari, quantum spectat ad eorum detestationem
& fugam. Ac primo de superbia.*

Nulla re homo quantūvis gloriosa, gloriari potest. 1. 50.

Nulla res est in humanis vere gloriosa. 1. 53.

Ad laudes nostras tremere potius conuenit quàm exultare. 1. 56.

Quàm bene de Christo humilis, tam malè meretur arrogans. 1. 69.

Nisi te humilies in prosperis, prospera te humiliabunt. 3. 186.

Qui suam iustitiam facit ut videatur, maximam quæ fieri possit iniustitiam videtur facere. 3. 242.

Claritas quæ ab hominibus accipitur, mera est obscuritas. 3. 612.

Qui mundi lucem Christum confiteris, & mundum sequeris potius quàm Christū, palpas in meridie. 4. 216.

Vide plura superius c. 1., articulo ubi de tertia concupiscentia quæ est superbia vitæ: Et infra cap. 3. ubi de humilitate.

De Inobedientia, Discordia & Contentione.

Quasi peccatum ariolandi est, repugnare; Et quasi scelus Idololatriæ, nolle acquiescere. 2. 648.

Qui rationes inquit obediētīæ, rationem quærit suæ inobediētīæ. 2. 728.

Obedientia quam Christo reddunt Dæmones, nostræ est inobediētīæ condemnatio. 3. 428.

Qui sensu suo priuato saniores se aliis putat, sano se priuat sensu. 2. 732.

Licet obtineres quod ambis, non esset contendendum:
at vero licet contendas, non obrinebis. 2. 44.

Quidquid acquiras æmulando, plus perdis quàm ac-
quiras. 2. 508.

De Invidia, malo Zelo, & Odio.

Charitas alienis bonis gaudet vt propriis, aut non est
Charitas. 1. 123.

Qui ruina gaudet inimici, ruinā eius in se trahit. 2. 275.

Gaudere super iniquitate, plerumq; est iniquius quàm
ipsam iniquitatem committere. 2. 598.

Quantò inter probos putatur invidia leuior, tanto est
sæpe grauior. 4. 44.

Qui falso proximum accusat animo, licet verè, non mi-
nus tamen peccat quàm qui falsi accusat. 4. 205.

Malo Zelo bonum facere peius ex se est quàm bono
Zelo malum perpetrare. 4. 206.

Major perspicuitas in alienis, maior in suis cæcitas. 4. 211.

Sicut non sunt amanda vitia propter amicos homines,
sic non sunt odio habendi homines propter eorum
vitia. 1. 363.

De Ira, Impatientia, Vindicta & Seueritate.

Iniuriam infert Gratia maximam qui pro ferenda iniu-
ria non certat fortiter. 1. 149.

Iniuriosum Christo est si nulli quidem velis inferre in-
iuriam, nolis autem illatam ferre. 1. 251.

Qui sibi innocenti factam iniuriam nimis dolet, suæ
Ipse innocentiz iniuriam facit. 2. 283.

Voluntatis eiusdem est, nolle afferre scandalum, &

- Sufferre velle si quando prauè accipitur. 2. 24.
 Illustrior de inimicis palma est, mori pro eis ne moriantur, quam ipsis perditis, triumphare. 2. 347.
 Esto appareant aliquæ irascendi causæ, multo tamen plures sunt & validiores ne irascaris. 2. 585.
 Hæc est iræ nostræ iniquitas, quòd in aliis semper iniusta, semper in nobis iusta videatur. 3. 216.
Vel sic
 Hoc ipso ira est iniustior, quòd nulli vmquam irascenti, sua ira videtur iniusta. *Ibid.*
 Nihil Iracundi minus volunt quàm quod magis patet Deum velle. 3. 278.
 Si quis corripì noluerit, hoc ipso magis est corripendus. 4. 76.
 Si semel sunt condonandæ iniuriæ, sunt semper condonandæ.
 Vel nullas vmquam recte voles condonare, vel semper omnes condonare voles. 4. 80.
 Quidquid profers ne parcas aliis, contra te profers ne parcat tibi Deus. 4. 312.
 Sicut pauci dimittunt suis debitoribus, ita & paucis sua dimittuntur debita. 3. 288.
 Vel non erat tibi petenda debitorum remissio, vel non erat aliis deneganda. 4. 323.
 Si Deum imitari nolumus in reddendo aliis bono quod nobis facit, nos Deus imitabitur in reddendo nobis malo quod ipsis facimus. 4. 327.
 Non in commotione Dominus, & non in igne Dominus. 4. 90.
 Non est bona Seueritas, nisi cum esset mala Suauitas. 4. 209.

*De Intemperantia quæ Luxuriam & Gulam
comprehendit.*

Securior est Castitatis victoria fugiendo quàm pug-
nando. 1. 132.

Qui non diligit cordis munditiem, non habebit ami-
cum Regem. 1. 153.

Multi cum Herode Ioannem tenent in vinculis. 1. 45.

Id est, Veritatem se arguentem, quam audire nolunt ne suis pri-
uentur deliciis.

Aut puritatem Beatissimæ Virginis neget Impurus,
aut concedat se abnegatum à tam pura Virgine. 1. 471.

Non intrabit in Eam aliquod coinquinatum. 1. 470.

Nemo amans impuritatis amat Beatam Virginem.

1. 474.

Quam in se amat Beata Virgo puritatem, in nobis
amat: & quam in se odit impuritatem, in nobis odit.

1. 475.

Hæc est magis aut minus puræ mentis nota certior,
velle magis semper, aut minus purificari. 1. 509.

Sibi non Domino viuit qui temperatè non viuit. 1. 102.

Vix aliud peccatum est minus solubile quàm soluti je-
junij. 2. 150.

Major esset voluptas voluptatem nolle quàm velle, vo-
luptatem vicisse quàm cæpisse. 3. 883.

Liberior & beatior est Ioannes in vinculis quàm He-
rodes in epulis. 1. 42.

Vide supra, vbi de concupiscentia carnis.

De Avaritia & terrenis sollicitudinibus.

Omnis copia quæ Deus non est, egestas est. 1. 129.

Non solum avarus est qui cupit aliena , sed qui cupidius servat sua.

Servat autem cupidius qui sibi soli servat. 4. 492.

Qui terrena nimis desiderat , timet potius quàm reuera desideret ne adueniat regnum Dei. 3. 274.

Tanti cuiusque refert se à terra retrahere , quanti ad cœlum trahi. 2. 688.

Solicitudo animi tantò minus probanda est , quantò magis probat Christus , seu quantis demonstrat rationibus ne simus solliciti. 3. 659.

Octo afferuntur rationes *Matth. 6.*

Inordinatæ sollicitudines ita nociuæ sunt vt illud ipsum Christi verbum quo dicuntur alia Dei verba suffocare , suffocent. 2. 61.

Nemo militans Deo implicat se negotiis sæcularibus. 4. 486.

Nisi pauper affectu sis , vix satis eris in pauperes benè affectus. 3. 264.

Vide suprà , vbi de concupiscentia oculorum.

De Acedia, Negligentia, Tepiditate, similibusq; vitiis.

Maledictus qui facit opus Domini fraudulenter. *Ier. 48.*

Facit autem fraudulenter qui facit negligenter. 4. 659.

Quàm gloriosum est Sacramento multa in nos posse si vellemus , tam ignominiosum est pauca posse quòd nolimus. 2. 643.

Qui oblatam expellit Sacramenti gratiam , non minus forte peccat quàm qui olim manna repulerūt. 3. 646.

Quibus amarum est conuersari cum Christo , delicias eius conuertunt in amaritudinem. 3. 46.

Si tempus respicis comparandæ tibi Virtutis , vix vllam tibi comparatam respicies. 2. 865.

Melius

Melius erat viam Iustitiæ non introisse quam retroisse.

2. 638.

Chara Deo anima si chara esse definit, tanto fit vilior,
quanto erat charior. 4. 705.

Sic cauendum est ne scientia præferatur Virtuti, vt ta-
men Scientia non negligatur. 1. 522.

Scientia sine Zelo aut Virtute, arma sine milite: Zelus
aut Virtus sine scientia, miles sine armis. Sicut
vtrumque simul jungere, gnaui est hominis: ita
ignauus est disiungere. 2. 120.

De vitio lingue.

Quantum fas est in ira loqui, tantum ex ira nefas.
2. 253.

Qui loquendo vinceris, silendo vincis. *Vel.* Qui si-
lendo vinceris, loquendo vinceris. 2. 257.

Qui audacius loquitur inferiori, timidius Superiori lo-
quetur. 2. 262.

Vel nulla Christi recoletur memoria, vel nulla erit in
eius cultu querimonia. 2. 711.

Si quid forte asperius inueniatur de quo conquereris,
de inuenta Cruce conquereris:

Inuentæ Cruci tantum quis detrahit, quantum in
pœnis murmurat. 2. 870.

Quantò minus autem murmuramus, aut omnino tace-
mus flagellati à Domino, tanto altius Altissimum
Eius Dominium prædicamus. 1. 418.

Ea est oris intemperantia in loquendo quæ est in edendo.
Nam quæ est regula in edendo, eadem est in loquendo.

3. 335.

Agitato ventis mari cum Christus dixit, *Tace, obmu-*
E

tesce, cessauit ventus. Et vox illa, vox Christi est dum commoueris: Tace, obmutesce, nec tamen taces aut obmutescis. 3. 424.

Proximum accusantis lingua, velut nouacula: nisi sit illi tanta suæ linguæ cura quanta est suæ manus curantis vulnus, Tortorem agit non Medicum. 4. 208.

Nemo bene alium arguit qui non est paratus argui. Tam libenter accusari quàm accusare: Tam repugnanter accusare quam accusari; sunt hæc duo bene arguentis argumenta. 4. 210.

Vix alius est homo malus qui sit minus excusabilis quam qui malè accusat alium. 4. 211.

In arguendis aliis nisi prudentiam serpentis adhibeas, serpentis virus exhibebis. 4. 698.

Detractione scilicet & calumniis, Quod quale sit vitium fusè declaratur.

Adulator verò sæpe magis timendus quàm Calumniator. 4. 383.

ARTICVLVS IO.

Ad canenda in futurum peccata & animum plane vitiis perpur-gandum valde confert consideratio Nouissimorum, & periculosi vitæ præsentis status.

De Morte.

Ecclesi. 7. In omnibus operibus tuis, memorare nouissima tua, & in æternum non peccabis. 2. 143.

Mortificandis ipsis Concupiscentiis, opportuna mortis memoria. 2. 133.

Quæ viuenti res fuit gratior, hæc fiet morienti grauior. 2. 139.

Vt Vita mortem ordinat, sic Mors vitam, 2. 141.

Adolescenti etiam frequentius mors cogitanda quàm
seni. 4. 7.

Quod grauius in morte est malum non ita effugies
fugiendò mortem, quàm acceptando. 4. 565.

Qui non est semper paratus, numquam est paratus.
4. 743.

Qui non obseruat furem, obseruatur à fure & capitur.
Sicut à fure, sic à fine vitæ timendum est.

Vel omni hora vigilandum, vel nulla vigilatur. 4. 751.

De Iudicio.

Ab arbore fici discite parabolam, inquit Dominus de Iudicio
loquens:

At vero non id tantùm quod sit iudicium ab illa fici
arbore discimus, sed quàm sit graue ac tremen-
dum. 4. 728.

Quod ageres iudicatus si posses, hoc ipsum debes agere
iudicandus. 4. 773.

Redde rationem Villicationis. Qui ne terreatur non cogitat
reddendam rationem, magis terrendus est quia non
illam cogitat. 3. 358.

Qui se interrogat ante Iudicium, interrogatus in iu-
dicio facilius respondebit, Iuxta illud Sapientis:

Ante iudicium interroga teipsum: & in conspectu Dei inuenies Ecclesi. 12.
propitiationem. 3. 363.

Nihil in futuro iudicio magis timendum est peccatori
quam quod minus timet. 1. 13.

Nempe Christi benignitas qua si abutitur, nihil illa formidabi-
lius: quod hac alia Veritate declaratur:

Agni vel maxime formidanda ira. 3. 130.

Cui conformis & ista est, ad verba Christi, *An oculus tuus nequam
est, quia Ego bonus sum:*

Qua parte peccator à se timorem excutit, eadem Deus

peccatori magis inquit.

2. 6.

Nos terret Deus sua bonitate quia nos inde Dæmon la-
etat & decipit : quamobrem quod monet Sapiens :
Eris eruditus in omnibus, aut eris contra hostes rudis in
omnibus.

4. 35.

De Inferno in 4. parte. pag. 549.

De Cælesti Beatitudine. In 2. & 4. p. Vide Indices.

De periculoso vitæ præsentis statu.

Nemo periculosè magis tentatur, quam qui se minùs
putat tentatum.

1. 247.

Nemo minus securus quam qui se magis putat securum :
Nimia firmitas, infirmitas.

2. 71.

Qui se existimat stare, videat ne cadat, videat pericu-
lum in quo viuit.

2. 39.

Peregrinantis in corpore animæ majus est periculum
quàm periclitantis in naui corporis.

1. 339.

Vbi scilicet singulis vitæ momentis agitur de cœli vel Inferni
æternitate.

Quia vero fluctus illi quibus totum naufragij periculum conflare
dicitur, sunt prospera vel aduersa, quæ improuisa nos subuertunt,
idcirco his præcauendis præsto sunt hæ Veritates :

Non quia mala sunt, perturbamur in aduersis : sed
quia perturbamur, aduersa mala sunt.

1. 334.

Nisi probè paratus sis ad aduersa, nec ad ipsa prospera
bene paratus es.

1. 400.

Quod Christus semel suis, hoc in omni semper casu
tibi dicit : *Non turbetur Cor tuum.*

2. 74.

Quantum obest aduersitas improuisa, tantum præuisa
prodest.

2. 87. & 223.

Res aduersæ non possent quemquam dejicere, nisi se
his priùs vellet subijcere.

3. 635.

Qui sibi non cauent etiam in prosperis, sunt illi stulti
de quibus Sapiens: *Prosperitas stultorum perdet illos.* 4. 425. *Prov. 1.*

ARTICVLVS II.

Unde desumi possint indicia presentis animæ status, & futuri.

Primò quidem à Verbis Domini, quibus quantò magis aut minus animum conformaueris, tantò magis aut minus animæ consultum erit.

Quàm sunt nempe incerta humana Verba, tam certa sunt & timenda Diuina. 4. 732.

Deinde ab exemplis aliorum, siue in alienis personis quarum exempla proponuntur, vnde dicuntur Pharizæi ex auditis Christi parabolis cognouisse quod de Iphis diceret; Sic vniuersum dicitur, quod

Tam facile est malis hominibus in aliena se nosse persona, quàm in sua difficile. 4. 689.

Denique à nobis ipsis, si non ita peruersi sumus vt quod monebat Dominus aduertamus, *quid à vobis ipsis non iudicatis quod iustum est?* *Luc. 21.*

Sicut enim prima & puerilis ætas, index est secuturæ vitæ præsentis: ita hæc cuiusque vita præsens, indicium quoddam est futuræ post æternitatis. 3. 709.

Indicium autem foelicius seu foelicitatis æternæ certius est, si quis sibi vim faciat in omnibus; Hinc arcitudo viæ quæ ducit ad vitam, cum è contrà laxitas quæ huic opponitur, oppositam etiam faciat perditionis viam, vt suprà dictum est, & confirmatur hac memoranda Veritate:

Quantam in te vim habet studium & desiderium Regni cœlestis, tantam tibi vim facies,

Vel sic è conuerso

Quantam tibi vim facies, tantam habere vim puta quod habere putas desiderium regni cœlestis. 2. 666.

Regnum hoc nempe vim patitur, & violenti rapiunt illud. Hanc *Matth. 11.* verò vim & violentiam non aliter tibi foelicius inferes quàm si de

rebus humanis non iudices secundum exteriorem & apparentem speciem quæ tota penè fallax est, decepatrix & illusoria : sed iustum iudicium iudices , prout scilicet de rebus ipsis iudicat Dominus, & prout Ipse nos admonebat, *Nolite iudicare secundum faciem, sed iustum iudicium iudicare*, Vnde hæc sanè tremenda Veritas:

Ioan. 7.

Apparet quàm sis ipse iudicandus, qui de rebus iudicas
ut apparent. 4 181.

ARTICVLVS 12.

Postrema hæc tandem sit huius purgantis viæ Veritas quæ te ad sequentem introducat:

Tantum proficies, quantum à te deficies. 1. 359.

Siue quoad appetitivas facultates, resistendo inferioribus, ut Superiori quæ est Ratio, à Gratia subjiciantur : siue quoad apprehensivas, captiuantes Intellectum & iudicium in obsequium Fidei.

CAPVT TERTIVM.

DE VIA QVÆ DICITVR ILLV-
MINATIVA ET STATUS PROFICIENTIVM.

PER TRES SOLITOS VIRTVTVM ACTVS,
Abstinendi, Sustinendi & Agendi.

ARTICVLVS 1.

De Christo Viæ Duce, ac Lumine.

Sic certum est Viæ Ducem esse Christum : & sic certa est Via Christo Duce, ut melius sit in illa via claudicare, quàm præter viam fortiter ambulare. 2. 78.

Quod olim Christus dans lumen Cæco secus viam, hoc ipsum modò facit illuminans in Virtutum vsu & praxi, si qui forte essent cæcutientes. 2. 95.

Sacra Christi Schola, Sacro-sanctum Sacramentum.

INDEX TERTIVS.

39

Illic totum disces Euangelium, breui compendio, nullo impendio. 3. 80.

Quia scilicet totius Euangelij, quoad moralem Doctrinam & Practicas Veritates, breue Compendium repræsentat & docet, quod continetur his Christi Verbis quæ tres memoratos complectuntur Virtutum actus, *abstinendi, sustinendi & agendi*: Si quis Luc. 9. vult venire post me, abneget semetipsum, & tollat Crucem suam quotidie, & sequatur me.

Nulla idcirco in re frequentius Spiritui sancto resistitur, quàm quod infrequentius de Christo cogitur. 1. 24.

Quia nihil est quod frequentius cogitandum inspiret Spiritus sanctus.

ARTICVLVS 2.

Quod semper magis ac magis sit desiderandus & querendus Christus.

Vix vllus est qui non se verè putet desiderare Christum: Et vix vllus est qui Eum verè desideret. 1. 27.
Sicut semper in Christo est quod quæras & inuenias: sic licet inuentus & cognitus, semper est quærendus.

4. 616.

Affectu potius quàm studio quæritur & inuenitur.

1. 79.

Quod Christus Samaritanæ dicebat, *Ego sum qui loquor tecum*, sic semper nobiscum vellet loqui & agere, si vellemus; Et certè sic volendum nobis esset. 3. 568.

ARTICVLVS 3.

Quod præsertim imitandus nobis proponatur Christus.

Qui dicit se in Ipso manere, debet sicut Ille ambulauit, à Ipse ambulare. 1. 256.

Exemplo suo Christus nos magis urget quàm Imperio.

1. 238.

Non quidquid Christus fecit, sed quomodo. 2. 128.

Ab imitando Christo excusantis humanam infirmitatem, infirmia valde est & nulla prorsus excusatio.

2. 183.

Nullis parcendum bonis vt Christi bonus odor simus.

4. 623.

ARTICVLVS 4.

Quidquid de cura salutis, de cultu animæ, ac de studio spiritualis profectus dicitur, ad hanc spectat viam, & plurimum, promouetur à Christo D.

Sic beati sunt qui esuriunt & sitiunt Iustitiam, vt nisi eam esuriant & sistant, non illam obtineant, nec sint beati. 3. 172.

Qui Animam suam pro mea Christus posuit, tanti æstimabilem fecit animam meam quanti suam. 4. 319.

Quod dicebat Christus. *Ego sum panis vite*, vitam hanc spirituales intelligebat de qua hic agitur, & pretium in quo habenda est illa vita, designabat. Quàm pretiosus est enim sacer ille Panis quem quotidie pro tali vita nobis subministrat, tanto in pretio deberet esse vita, cuius est panis & nutrimentum.

Aut certè quàm modica spiritualis Vitæ cura tibi erit, tam modico in pretio tibi esse Panem illum, manifeste ostendes. 3. 639.

Nisi Christo resisteres, sic te Christus in se quotidie sicut Panem consecratum conuerteret. 3. 86.

Renouata quotidie Christi Natiuitas in sacratissimo Sacramento, nostram in Christo prouocat quotidianam nouitatem. 3. 36.

ARTI-

ARTICVLVS 5.

Quòd gradatim, & quietè simul ac sollicitè sit proficiendum, quodue sit certius proficientis signum.

Qui non gradatim procedit in via Virtutis, non in via Virtutis incedit, sed vitij. 3. 202.

Neque quies nisi sollicita, neque sollicitudo nisi quieta:

Id est,

Quæ ad progressum spirituales sollicitudo valet, sit quieta, vel non valet. 3. 385.

Quàm pudendum tibi esset si quod promittis homini non solueres, tam impudenter agis si quod toties ad profectû tuû promittis Deo, non exolvas. 4. 670.

Quod Paralytico fuit signum sanati corporis, ferre letum à quo ferebatur: hoc ipsum est sanati animi & proficientis animæ signum, si regat appetitum à quo regebatur. 4. 151.

ARTICVLVS 6.

Dum appetitus regitur, Rationi simul & Christo subicitur, atque inde multum accedit ponderis ad hanc subiectionem inducendam.

Si sola Ratio, vel si solus Christus sufficeret, quantò magis Christus simul & Ratio? 4. 738.

Si quid videtur difficile quod dicat Ratio, dicitque Christus; hoc ipso facile redditur, quod illud dicet Ratio, dicatque Christus. 3. 233.

Si naturæ humanæ, quâ parte caro est, durum videtur in multis obedire Christo: longe est durius ipsi humanæ naturæ, quâ parte Ratio est, Carnem Christo non obedire. 3. 273.

Quò magis Christo subijcitur, eò magis erigimur.

2. 124.

Quà vnà re magis à Christo auocamur, eà vel maxime nos ad Ipsum par esset aduocari.

4. 41.

Nempe libero voluntatis & actionum nostrarum vsu cum Gratia.

ARTICVLVS 7.

De Virtute generatim in cuius exercitio consistit profectus Spirituallium.

Vera Virtus tùm præsertim probatur, cùm oppositum eius vitium constanter improbat.

1. 232.

Si forte nescis, veras Virtutes magis times quàm ames, quod tamen non est Virtutis.

1. 265.

Si times difficultatem Virtutis in opere, maior est difficultas operis sine Virtute.

2. 65.

Si dum adest occasio, Virtus abest, vix vmquam virtus aderit.

2. 215.

Sicut ex necessitate Virtus, Ita ex Virtute necessitas.

2. 241.

Id est, tam constanter exercenda est virtus in omni casu, quasi non esset liberum sed necessarium eam exercere.

Nec modus sine Virtute, nec Virtus sine modo.

3. 724.

Non est propterea mediocris Virtus quòd in mediocritate consistat.

1. 171. 3. 599.

Non potest dici Virtus comparata si non æquatur temporì quo comparanda fuit.

2. 866.

Si cum nostris vitiis nostræ Virtutes comparantur, plus forte nostris vitiis inhonoratur Dominus, quàm nostris Virtutibus honoretur.

4. 246.

Non est opponenda Virtutibus exercendis naturæ nostræ infirmitas, nam Virtus in infirmitate, in impotentia Potentia.

2. 460.

Sic Virtus in arcta via est, ut quò magis Virtus arctata fuerit, major eius sit amplitudo & dignitas. 3. 496.

Ita sibi Christus placet in pueris, ut si puerorum Virtutem imitentur Viri, magis sibi Christus in Viris placeat. 4. 646.

Quia scilicet quæ adumbrata est virtus in pueris, vera in Viris est, si quod est bonum in pueris imitentur.

ARTICVLVS 8.

*De Virtutibus singulatim prout ordinatè solent exerceri vel acquiri.
Ac primum de Humilitate & Modestia.*

Interrogatus quid primum in præceptis Christianæ religionis obseruandum, quid secundum, quid tertium? Responde cum S. Augustino, Humilitatem. 4. 85.

Hæc est maximè laudabilis Humilitas quæ sic laudes fugit, ut quæ laudanda sunt non omittat. 3. 597.

Sic semper etiam pugnat cum honoribus ut numquam tamen repugnet obedientiæ. 1. 59.

Quantò se Humilis minorem facit, tantò maiorem Christum facit, tanto magis Christum magnificat. 1. 126.

Si iustus est prior accusator sui, quantò magis iniustus? 4. 213.

Humilitati tamen tuendæ tutius est, vix de se loqui quàm vel humiliter loqui. 2. 517.

Sicut vinum nouum, sic nouus honor maximè temperandus. 2. 527.

Quæ sunt ambitioso detrimenta, hæc sunt Humili lucra. 2. 535.

Quo gressu Charitas humilis nobilem fugit suggestum, F ij

codem petit ignobilem.

2. 539.

Humilitas interior & exterior sic indiuisa est, vt utrâ-
que simul ex parte nisi humiles simus, neutrà simus.

3. 62.

Qui humilitati suæ partem aliquam detrahit, totam
destruit.

3. 832.

Inspectio sui, sui despectio: Et quæ à Christo hauritur
nostri Cognitio, factum prorsus omnem exhaurit.

3. 555.

Imo & qui eminentior est in illa quæ dicitur Eminens
Scientia, minùs inter homines eminere cupit. 2. 772.

Vide suprâ vbi de superbia, & infra vbi de supremo gradu Cha-
ritatis.

De Mansuetudine & Pace.

Qui factus est in pace Christi locus: à Mansuetudine
factus est:

Mansuetudo domans iram facit Pacem, & internam
simul Christo domum.

1. 136.

Mansuetudinis Christianæ non est tantùm, nullam
inferre iniuriam, sed illatam ferre.

1. 251.

Quò quis est mitior, eò & generosior.

2. 219.

Læsi amoris ira quò est suauior, eò & potentior. 2. 271.

Beati mites. Beati pacifici.

3. 163. 191.

Pax in pugna.

3. 460.

Nempe in concupiscentiis expugnandis, vnde pax oritur.

In spiritali pugna fortior est ovis lupo.

3. 463.

Plus est quod Christus monet *ne terreamur*, quàm quod
mouent Inimici vt nos terreant.

3. 468.

Optabilius tamen bonum bellum quàm mala Pax.

3. 473.

Sic mitis & humilis inuenit requiem, vt nisi simul sit mitis & humilis, non sit quietus. 4. 460.

De Mortificatione interna & externa.

Non est sæpe minùs perfectæ mortificationis, bene vti rebus, quàm omnino non vti. 1. 391.

Si quid interdum sensibus licite indulgetur, non vt sensuale est, sed vt est licitum, accipiendum est.

1. 395.

Cruce non esset bona nisi bonum esset cruciari. 1. 447.

Non quæsitæ Cruces sunt magis exquisitæ. 2. 317.

Qui quærit Crucem, nec oblatam accipit, non quærit veram crucem. 2. 320.

Qui quærendo crucem se inuenit, licet crucem inueniat, perdit quod quærit. *Ibid.*

Præuaricari est se in sua cruce quærere, nam se quærendo reedificatur quod quærendo crucem destruitur. *Ibid.*

Cruce aliquando quidem à corpore, sed numquam ab animo deponenda. 2. 327.

Qui à Cruce suas tollit dimensiones, tollit à se suam Crucem. 2. 333.

Satius esset nullo die velle viuere, quàm nos omni die velle cum Christo mori. 3. 120.

Mortificatione potius tibi sunt omnia subtrahenda, quàm quid mortificationi detrahendum. 3. 851.

Quò minus Concupiscentiæ mortificabis, eò magis à concupiscentia mortificaberis. 3. 228.

Qui verè mortificati sunt, Cælestes fiunt, & ita viuunt in suis corporibus sicut Cælites in assumptis. 3. 643.

Qui non vult mortificantem Dominum, non vult vi-

uificantem.

3. 759.

Quæ laus denique de quibusdam Sanctis maxime dicitur, quod Crucis mortificationem iugiter in suo corpore portauerint, hæc est Sanctorum laus quæ in Euangelio maxima recensetur.

4. 875.

Vide infra de abstinendi actu.

De Fortitudine & Constantia.

Quanta est difficultas Mulierem fortem inueniendi, tanta est facilitas inuentam prædicandi.

1. 539.

Qui non satis audet in magnis, nimis audet in parvis.

2. 781.

Fortioris est animi non vinci à bonis blandientibus, quàm ipsa vincere mala terrentia.

2. 860.

Sicut possumus, sic debemus.

Id est,

Qua ratione tenemus nos posse bibere Calicem Domini, eadem tenemur bibere.

3. 753.

Majoris est animi teipsum vincere, qua parte major es, quam à teipso vinci, qua parte minor es.

3. 315.

Hoc vnum Sancti timent, ne quid vehementius quàm Deum timeant.

3. 472.

Quantò magis aut minus fortiter tecum pugnas, tanto magis crescit aut decrescit fortitudo.

4. 915.

Vide infra in actu sustinendi & de Charitate in via vnitua.

De Misericordia, Beneficentia & Largitate in proximos.

Quàm sunt beati misericordes, tam sunt miseri non misericordes, quia misericordiam non consequuntur.

3. 176.

Si vis curari, cura.

3. 584.

Ars omnium artium quatuordecim est Eleemosyna.

3. 257.

Importuni, opportuni:

Hoc est,

Illi ipsi quos modò magis habes importunos in petendo, si quod à te petunt obtineant, possunt esse aliquando tibi magis opportuni, ut quod à Deo petes, obtineas.

3. 368.

Si quid petenti negandum est, non minùs Ratione & Virtutis motiuo negandum est, quam dandum esset nisi obstarer Ratio. Cum sic autem negatur aliquid, tam benigna est negando Charitas, quàm concedendo.

2. 501.

Non negatur Charitas, etiam si nihil detur, cum benignè negatur: Nam Charitas non de sacculo erogatur.

2. 504.

Nemo melius sibi sua servat quàm ea dando aliis, propter Christum.

4. 500.

Quo minus potes Christo reddere quæcumque debes, eò magis proximo debet dare, quæcumque potes.

4. 771.

Ibi multa proponuntur quæ possis, & quæ non reddis.

Dum te à dando excusas, magis te accusas.

4. 772.

Cum scilicet dicis te nihil habere quod dones, & mentiris.

Aut certe si verum dicis, cum tamen tam multa vanè impendas, hoc ipso accusaris si nihil restet dandum pauperibus. Nam illud erat dandum quod male impendisti.

Aut sis æquus dispensator, aut iniquus dissipator.

4. 303.

Quod de bonis spiritualibus & temporalibus potest intelligi.

Quod Christus futurum dixit in extremo iudicio de saluandis & damnandis si crederes, ut patet credere.

re, quo animo velles vitam æternam, vel quo nolles æternum supplicium, hoc ipso plane velles dare, vel nolles recusare quod dandum est. 4. 774.

*De Religione, Deuotione, Oratione, & aliis Cultum
Diuinum spectantibus.*

Quam in se attrahit Gratiā qui se Deo libens offert, eandem sibi detrahit qui quod offert nō reddit. 1. 20.

Quidquid offerendum Deo sciet vera Deuotio, differre nesciet. Nescit tarda molimina Spiritus sancti Gratiā. 1. 119.

Sicut discursum nostri Intellectus Diuina meditantis statim sequi debet affectus Voluntatis, ita & affectum effectus seu exequutio. 1. 162.

Sensitiuæ Deuotionis subtractio, veræ ac solidæ Deuotionis est probatio. 1. 231.

Vera Deuotio inter varietates locorum & temporum, inuariabilis. 3. 846.

Sicut Pietas valet ad omnia, sic omnia valent ad Pietatem. 2. 786.

Diuina licet magis timenda sint quàm humana : In Diuinis tamen minùs timenda est familiaritas quàm in humanis. 3. 55.

Impietatis genus est, Pietatis Cultoribus nimis commune, plura quàm possint velle facere, & quæ possint non facere. 2. 363.

In tam multis quæ Deo debes & non reddis cum hoc vnum habeas quo te excuses quòd non omnia possis reddere: nihil restat quod excuses si quæ possis non reddas. 3. 31.

Qui se inuitatum ad Cænam magnam excusat, Inuitantem

tantem accusat.

3. 92.

Sat multis frequens Cæna est, quibus magna Cæna est infrequens.

Quos à Cæna videlicet res humanæ non auocant, hos à Cæna magna sæpe impediunt.

3. 97.

Nil petitur in nomine Domini quod non impetretur.

2. 653.

Hinc plane fit ut post orationem nulla in aduersis conquerendi sit ratio: vel nulla fuit conquerentis oratio.

2. 91.

Nulla enim fuit oratio si non fuit in nomine Domini: quod si facta est in nomine Domini, habet quod petisti, & nihil habes quod queraris.

Erranti in dubiis & non oranti sicut oportet, nulla est erroris excusatio.

2. 736.

Qui cum affectu incomposito Deum consulit, non Deum sed Deo consulit:

Non à Deo consiliū petere sed Deo dare videtur.

2. 776.

Nisi diligenter aduertas, quod petis à Deo iustius, hoc est quod petis iniustius.

3. 340.

Quid nempe iustius quàm Virtutes, & inter Virtutes humilitatem petere? Sed quid iniustius quam eam velle sine humiliatione obtinere?

Sic sæpe quò vehementiùs Deum oras, ore quidem Illi adstas propiùs, sed corde distas longiùs.

3. 683.

Atque hinc etiam fit ut si nos Deus non ita vindicet de nostris aduersariis, sicut Iudex orantem Viduam: nos ita Deum non oramus sicut orabat Vidua Iudicem.

4. 553.

Denique nisi Cor, Lingua & Manus ad Deuotionem conspirent, ipsa citò expirabit Deuotio.

4. 639.

G

INDEX TERTIVS.

De Fide ac Fidelitate.

Qui ad tempus credunt, nullo credunt tempore:

Qui temporales sunt, nullius sunt temporis. 2. 58.

Quæ duo Infidelem à Christo auocant, dolor & Ignominia, fidelem magis ad Christum vocant. 2. 298.

In tenebris Claritas: Et præmium obscuritatis Fidei fideliter toleratæ, lumen est Intellectus. 2. 469.

Non est prius intelligendum vt credas, sed primò credendum est vt pòst intelligas. 2. 624.

Majoris est animi se Diuinæ Fidei supponere quàm se Illi opponere. 3. 313.

Cùm Diuinæ Fidei se opponat humana gloria, ne diuina pereat Fides, ~~percat potius~~ humana gloria. 3. 616.

Sicut Fide sic moribus. 3. 718.

Magna est infania Christum non credere, sed major illa eorum est, qui cùm credant Christum esse Deum, Christo tamen non credunt. Sic viuunt quasi non crederent, imo quasi de opposito non dubitarent. 4. 270.

In paruis, major est serui Dei fidelitas. 1. 436. 2. 813.

Sicut Imaginem aut Faciem Christi, sic eius Vocem fidelis anima reueretur. 4. 368.

Semel loquutum esse Christum, satis est fideli Animæ vt Vocem eius semper audiat & sequatur. 4. 372.

Denique, quod sanctus ait Apostolus, *In omnibus sumen-^{Ephes. 6.}tes scutum fidei*, sic necessarium ad praxim est vt nisi hoc scutum sumas in omnibus, iam non sit tibi scutum fidei, iam in nullis possis hoc sumere. 4. 386.

De Spe ac Fiducia.

Nemo Christum amittit nisi qui dimittit:

Nemo Christum tibi auferre potest nisi te Illi auferas.

1. 234.

Vera Fiducia verè confidenti numquam infida. 2. 628.

Spes cœli, cœlum est.

2. 703.

Qui cum Fiducia non ad eunt ad Gratia Christi Thronum, Id est, Sanctissimum Sacramentum, hi se à Throni secludunt gratia, & Christum excludunt à Throno Gratia.

3. 50.

Non quod times timendum est, ne desit tibi Deus, sed ne tu desis Deo.

3. 247.

Qui nimis timet ne desit ipsi Deus, non satis timet quod est magis timendum, ne Ipse Deo desit.

3. 253.

Non certius in Spem itur quàm contra Spem.

3. 319.

Vbi scilicet sperandum est de diuina Prouidentia, tunc magis sperandum est, cum minus apparet esse sperandum si humana tantum respiciantur subsidia. Tunc in desperatis rebus maior sperandi ratio, & quanto minus humana fiducia, tanto magis Diuinæ.

Humana confidentia tumulus sunt Incanabula Diuinæ Spei.

3. 323.

Numquam quietior animus bene sperantis quàm cum videretur magis turbandus:

Cum nil de Deo videt suis in rebus quæ tamen Deo magis propinquant:

Cum lucem quærit & nihil nisi tenebras percipit, tunc cum Iobo ait, *In tenebris stravi lectulum meum.*

4. 278.

Id est, tunc magis speraui & quieui cum minus viderem cur illo vel illo modo res nostræ regerentur.

Non satis Deo fidit qui nimis satagit, sed neque verò is qui quod suum est agere, non satis agit.

3. 696.

Hoc est solidum Diuinæ Spei nutrimentum, *Dominus regit me, & nihil deerit:*

Si quid autem creditur necessarium quod petenti tamen & speranti desit, credendum potius est non illud esse necessariū quàm quod petenti desit. 4. 330.

Quantumcumque duris & asperis qui Christo fidit se sentiat regi modis, sensum illum facile mitigat cū ita secum ait: *Cognovit me meus Pastor, & ego novi Eum.* 4. 353.

Spes nostra noster est Christus, Mediator apud Patrem. Quod si tamen Christum ut Iudicem tuum nimis times, non ille timet alios Mediatore. Tot Ipse tibi exhibet adhibendos quot habet Sanctos. 4. 651.

Inter omnes Beata Virgo Mater cū sit potentissima, nihil petit à Filio quod non obtineat: sed quanta est Filij Pietas erga Matrem, tanta est nostra impietas cū ei recusamus quod à nobis postulat ad salutem aut perfectionem. 3. 838.

Qui dicunt se non posse quod iubentur, non possunt dicere sine tantæ Matris iniuria, quasi non posset quod vellet apud Filium, & quasi nobis nollet quod nobis posset. 2. 839.

Male desperaret qui cum Diuina Gratia, faciendo quod suum est nō speraret in Maria post Christum: qui vero quod suum est non faceret & se sperare diceret in bona Virgine, non speraret sed præsumeret. Spes vera sic inter ista duo graditur, ut quo passu ad potentissimam Matrem pro salute tua confugas, eodem prorsus refugas ab his quæ salutis tuæ repugnant. Non est aliter Refugium Peccatorum, nisi sua Peccatores peccata refugiant. 4. 803.

ARTICVLVS 9.

De Primo Virtutum omnium actu qui est abstinere à vetitis, ab imperfectis, & quibusvis defectibus.

Non tam spectat Christus quid ad se afferas, quàm quid à te auferas. 3. 630.

Non quid liceat, sed quid magis expediat. 1. 215.

Nemo securè apparet nisi qui libenter latet:

Nemo securè loquitur nisi qui libenter tacet. 1. 242.

Quo minus inter homines, eo major homo. 4. 855.

Quæ sponsa Christi est Anima tam diligenter inuigilat vnicuique Virtuti quàm castitati. Quæcumque foret macula, maculata foret puritas animæ. 1. 535.

Si Tentatorem permiseris ingredi, non se permittet egredi. Facilius excluditur abstinendo, quàm agendo ejicitur. 2. 174.

Infantes nos esse oportet, bona vel mala Infantia.

Sicut vero tunc bona est cum abstinemus illicitis aut imperfectis: sic mala illa est quæ se non continet.

Intemperantiæ vitium puerile est vitium. 2. 491.

Abstinemus & sæpe bonis dum à labore quiescimus, & dum cessamus ab opere; sed tunc bonum non tam dimittitur quàm mutatur. Non minùs Virtus est illa quies & illa cessatio quàm essent labor & opus, dummodo propter Christum sic quiescat & cessetur, sicut laboratur. Nec aliter Christo seruire dicendus esset qui Christo quidem laboraret, sibi vero quiesceret. 3. 627.

Sic mundus & mundana quæuis hoc abstinendi actu faciliùs contemnuntur quàm vllq expresso alio. Sic humana de nobis iudicia non sunt humanitùs au-

dienda : sed quasi non audires , vel quasi non id esset quod audis , humanus ille sensus reprimatur qui vel nimis extollitur aut deprimitur , prout illa placent iudicia, vel displicent.

4. 12.

ARTICVLVS 10.

Ad hunc abstinendi actum spectat Abnegatio interior , & moderatio passionum , praesertim amoris & timoris humani , necnon tristitia & gaudij , de quibus haec sunt Practicae Veritates.

Nihil est in abnegatione rationabilius quàm quod in illa videtur minus rationabile.

4. 23.

In dubio certius est & rationi conformius aliorum rationi & voluntati se conformare quàm suae propriae.

2. 547.

Quod in aliis Virtutibus magis esse posset vituperabile, hoc est in Abnegatione seu Obedientia magis laudabile.

4. 632.

Nempe indiscretum esse, non discernere, non dijudicare quod iubetur.

Non timet Observatores & Censores qui paratus est omnia sibi observanda observare :

Vel si quis non est paratus observari ab aliis omnibus, & in omnibus suis dictis à factis, non est paratus observare omnia sibi observanda.

4. 50.

Qui nimis suos & sua diligit, non satis diligit.

2. 367.

Qui non magis salutem filij quàm sanitatem amat, non amat filium.

4. 258.

Solum pietatis genus est in re saluti adversa, suis esse crudelem.

3. 255.

Beatius est omni carere solatio quàm eo vel abundare.

2. 371.

In pace amaritudo, & pax in amaritudine. 1. 220.

Sic pia etiam desideria debent esse ordinata, ut quæ ratione sint ardentia, debeant esse temperata. 2. 375.

Prov. 12. Non contristabit Iustum quidquid ei acciderit. 1. 223.

Nec meliore rerum statu magis gaudebit Iustus quam deteriore doluit. 1. 227.

Non minus periculosa sunt læta quam tristitia, neque minus in illis quam in istis aduocandus est Iesus qui auertat periculum. 1. 274.

Non est magis fidendum humano gaudio quam homini mentienti. 1. 275.

In die bona nisi memores mala, non erit dies bona:

Et in die mala si memores bona, non erit dies mala.

2. 220.

Vt fur de furto, sic mundus de mundo gaudet. 2. 567.

Non te contristes contristatus, & ipsa tua tristitia iam vertetur in gaudium. 2. 569.

Quæ à Christo est tristitia, magis iucunda est quam quæ è Mundo iucunditas. 2. 573.

Et quantò est foelicius illud gaudium quod nemo potest à te tollere, tantò tu infœlicior qui hoc à te tollis. 2. 577.

Animo inordinate affecto angustia sunt vndique, quibus non liberabitur quidquid extra se ordinet nisi primo in se ordinetur. 4. 116.

Rideant licet frequenter inordinate affecti, & beati vulgo prædicentur: Erras, nisi risum illum errorem reputes: Deciperis, nisi credas illud decipi gaudium.

4. 431.

Quàm facile est gaudere in prosperis, tam difficile est vere gaudere. 4. 437.

Veri

Veri & perfecti gaudij verum & perfectum exemplar
Christus est, cum præsertim exultavit in Spiritu san-
cto, & dixit: *Confiteor tibi Pater, Domine cæli & terra, &*
quæ sequuntur Lucæ decimo. 4. 437.

Quale in prosperis fuerit gaudium, probatur in aduer-
sis. 4. 439.

Sicut numquam magis servitur Domino, quam in ad-
uersis, sic numquam magis lætandum est: quia sic
serviendum est Domino in lætitia, ut nihil lætetur in
Domino servus, nō lætetur in servo Dominus. 4. 442.

Non est minus malum, non gaudere bono gaudio,
quam gaudere malo. 4. 441.

Sic porro est gaudendum in Domino, ut in eo solo sit
gaudendum. 4. 439.

ARTICVLVS II.

*De secundo Virtutum actu qui est Bonum agere conformiter suo sta-
tui, suæque vocationi.*

Ac primum de statu eligendo & exploranda Vocatione.

Est Vocatio ad statum: Est in statu Vocatio ad certum perfe-
ctionis gradum: Et est in hac Vocatione Illuminatio seu illumina-
tiua Via qua quis videt particulariùs quid sit sibi agendum & quo-
modo; Quod partim spectat ad Prudentiam quæ est Directrix Vir-
tutum omnium, & partim ad vnamquamque Virtutem circa suum
obiectum. Primo itaque statuendum de vitæ statu eligendo, vel si
electus est, examinando an recte ac prudenter in Domino sit ele-
ctus. Qua de re fusè disseritur vbi hæ proponuntur Veritates:

Præcipitatio animi in statu vitæ deligendo, præcipi-
tium est animæ. 2. 875.

Non cuitat præcipitium sed mutat qui ne nimis sit
præceps, nimis est lentus. 2. 878.

Sic petendus à Deo status est, ut non quem quisque ve-

fessus suscipit, nouum quod sentit Cordis gaudium,
sed in nouo corde, quod quamdiu durat vel cessat,
durat vel cessat gaudium. 2. 907.

ARTICVLVS 13.

Quod sit unicuique viuendum conformiter sue Vocationi.

Sicut Professus sic Profitens, sic cunctis professionis
sue diebus sicut quo primo die professus est. 3. 877.

Sic prorsus in qua Sanctitate Ordinandus esse debet,
debet Ordinatus semper esse. 2. 898.

Sicut à Domino quærendum est officium, ita in officio
quærendus est Dominus, nec alibi certius inuenitur.
2. 883.

Sicut in manu Domini fors nostra est, sic in sorte no-
stra manus est Domini. 2. 798.

Id est, eius operatio & Virtus.

Hoc est verè laudabile, laudari ab officio. 1. 39.

Salutis animæ nulla est certior certitudo quàm in certo
Vocationis gradu attingendo. 1. 379.

Nec vlla formari potest animi gratitudo digna benefi-
cio Vocationis, nisi se animus dignè conformet Vo-
cationi. 1. 386.

Religiosus infra vel supra regulam suam viuens, Ficus
est ficum non ferens. 3. 899.

Non plus ultra, nec minus. 3. 454.

Quò nos cumque Christus vocet quasi ad carnem vocat:
Nam secuta mens quasi iuge conuiuium, non est
autem magis secuta quàm in eo quò vocamur statu.
4. 513.

Hinc illud etiam oritur, vt nec propter alios à Bono te
excusabis, nec quemquam alium propter te accu-

fabis.

3. 673.

Nam ex Vocatione sua potest quisque obligari ad aliquid quod alius non tenebitur.

Si verò non facis quod doceris quia qui hoc docent non faciunt, tam falsò te excusas quàm Illi verè à Domino accusantur.

4. 693.

Denique sic prudenter cauendum est ne vituperetur ministerium tuum, vt si nimis id caues, non satis caueas.

2. 302.

Dum enim nimis caueatur apparet saepe id potius fieri ex inordinato affectu quàm sincero: Latet ambitio sub prætectu tuendi ordinis quæ post dum apparet, magis vituperabile reddit ministerium & Ministrum.

ARTICVLVS 14.

De quibusdam vniuersim spectantibus ad bene agendum in omni statu & opere.

Si spiritu viuimus, spiritu & ambulemus.

1. 86.

Et communia singulariter: & singularia communiter.

1. 508.

Ne quid nimis aut quid minus cum proximo.

1. 170.

Quantum cuique est in agendo solertiæ seu vigilantia, tantum Illi Virtutis est & meriti.

1. 527.

In ingressu, progressu & egressu operum siue actionum ex æquo est vigilandum ne quid humani affectus subrepat, quo fructus operis decerpatur; Nam Mens incuruata, mens infructuosa est.

4. 506.

Sicut nemo otiosus operatur in vinea Domini, sic nemo bene operatur, nisi otiosus, nisi otiose perpendens singula.

2. 1.

In illo otio magnum negotium, & mira est in tarditate Agilitas.

2. 465.

INDEX TERTIVS.

61

Quod Intellectus confert actioni, hoc Actio refert Intellectui. 2. 767.

Consilium à Fortitudo rebus agendis sic conueniunt, ut nisi simul conueniant, res nulla bene agatur:

Quæ simul juncta se iuuant, disiuncta se destruunt. 4. 892.

Sic internis externa sunt temperanda, ut neutrum eorum importunè, & vtrumque opportunè sibi cedat.

2. 722.

Sicut humanæ aspectu gloriæ non est opus ponendum, ita nec eius despectu deponendum. 3. 206.

Nulla operando potest esse major gloria quàm quærendo maiorem Dei Gloriam. 3. 763.

Excellentior mentis excessus Ille est qui dicitur operis siue actionis. 3. 772.

Cura rerum minimarum rem procurat omnium maximam. 3. 210.

Nec magna benè si parua male. 3. 389.

Denique, quidquid quisquis operetur, inter benedictos ex operibus suis benedicetur, non cui melius omnia, sed, qui melior ex omnibus:

Nec enim melius agitur aut succedit opus, quàm cum ex opere melior fit Operans. 2. 808.

ARTICVLVS 15.

Ratio & usura temporis, plurimi facienda.

Nisi aduertas diligentius, non nisi stulto labore consumeris. 1. 295.

Nihil est magis nostrum quàm Tempus. & nihil est minus nostrum. 4. 159.

Nihil est nobis tempore vilius, quo tamen nihil est

pretiosius.

4. 162.

Nil minus creditur quàm quod dicitur de modico vitæ tempore; cum tamen nihil sit magis credibile. 2. 552.

Sed quod deploratius est, ex modico illo quo vivis tempore plus vitæ perdis quàm viuas. 2. 560.

Sic est omni negotio tempus & opportunitas, ut si vel antecedas, vel non proxime sequaris tempus, vix vllum fiat negotium. 4. 168.

Quod feruori Tempus negat, hoc Feruor affert tempori. 4. 163.

Nempe diuturnitatem. Neque enim diu durant saltem quoad sensum, quæ multum feruent, sicque tempus à feruore aufert longitudinem & diuturnitatem: sed hanc ipsam tamen alio sensu diuturnitatem feruor affert tempori, quatenus id suo merito efficit ut tempus alioquin breue si feruenter in Domino collocetur, æquiualeat longi temporis diuturnitati, iuxta illud Sapientis: *Consummatus in breui expleuit tempora multa*: & conformiter dictis Domini, *Erunt nouissimi primi*, qui scilicet vna tantum hora vel paucis aliquot vitæ diebus feruenter laborauerint, æquabunt merito vel etiam superabunt alios qui plus temporis sed minus feruoris adhibuerint in agendo, quidquid varium & multiplex egerint.

Sap. 4.

Matth. 10.

ARTICVLVS 16.

De tertio Virtutum actu qui est Sustinere seu pati libenter, in Domino.

Iam multa quæ hinc spectant, producta sunt in articulis de Mortificatione & Fortitudine, quarum est aduersa generatim tolerare. Sed quia singulæ proprium aliquid quod sustineant Virtutes habent, & in quo sustinendo Profectus spiritalis multum procedit & roboratur, idcirco hinc distinctæ adunguntur Veritates quæ hoc præsertim demonstrent quàm sit voluntariè ac libenter sustinendum quidquid occurrerit in cuiusque Virtutis particulari obiecto.

Si quæ sunt aspera Christianæ Virtutis, sic facta sunt

in vias planas, vt si velimus, tam iucunde per aspera
quàm per plana viuamus. 1. 109.

Majus est Christi beneficium amaritudines nobis reli-
quisse amabiles, quàm nullas reliquisse. 1. 111.

Nullus est labor nisi in Vinea Domini, & in vinea Do-
mini nullus est labor laborare volenti. 2. 5.

Qui timent pruinam, irruet super eos nix. Qui timent
laborem Virtutum, magis laborabunt sine Virtuti-
bus & sine merito. 2. 65.

Quo in cœlis Corona Gloriæ sumetur vultu; hoc in
terris Calix sumendus est:

Quo affectu Finis amatur, hoc amari debet & Medium
quod à Deo talem in finem ordinatur. 2. 232.

Quod si propter Scripturas quæ aduersa beatificant,
~~sunt aduersa toleranda, sunt libenter toleranda:~~
quia non aliter Tolerantes beatificant, quàm si li-
benter tolerant. 2. 237.

Non tollit patiendi sensum Patientia, sed tamen est
in Patientia, quædam Impassibilitas. 2. 466.

Sicut tolerandis aduersis sacra nobis Mensa parata est,
sic aduersa libenter tolerata nos parant ad illam
Mensam. 3. 116.

Sic beati sunt qui persecutionem patiuntur propter
Iustitiam siue Virtutem, vt nisi propter Virtutem
patiantur non sint beati sed miseri. 3. 193.

Iniquè multum agunt qui tam multa patiuntur &
agunt sanando Corpori, tam pauca saluandæ ani-
mæ. 3. 431.

Quòd à suis laborantibus Christus abesse putatur lon-
gius, hoc ipso propius ipsis adesse putandus est.
3. 810.

Sic laborantes Christus reficit, non vt labor ipsis deficiat, sed ne Ipsi laborantes labori suo deficiant.

4. 446.

Sic suaue Christi iugum est vt sit semper iugum, sed iugum amabile:

Si vero ferendum esset, licet insuaue, quanto magis suaue?

4. 453.

Qui non libenter infirmatur & patitur pro Dei gloria, & grauius patitur, & contra Dei gloriam. 4. 561.

Cum malos male perdere Deus dicitur, malos illos intellige qui bene perdi nolint. Malos omnes perdit Deus, sed non male omnes:

Tam porrò bonum est malis benè perdi, quàm male perdi, malum est.

4. 684.

Quod denique Domino seruus dicit, *Patientiam habe in me*, hoc idem seruo Dominus:

Et sicut diuinæ debemus Patientiæ quod non extrema quæque patimur, sic nostra Deo debetur patientia quæ leuiora libenter toleret.

4. 319.

CAPVT

INDEX TERTIVS.

67

- quereret : Tanto ditior, quanto pauperior. 2. 580.
 Aut nulla aut tota est Charitas in agendis quæ Agentem perfectè Deo iungat ; sicut tota est Fides in credendis. 2. 632.
 Nemo paratior ad omnia Dei dona recipienda quàm qui ad nulla sibi danda, ex æquo paratus est. 2. 740.
 Sicut negando potius quam affirmando Deus cognoscitur, ita & diligitur. 3. 10.
 Sagittæ divini amoris quântò magis lethiferae, tantò magis viuificæ. 3. 862.

De tertio Gradu.

- Non viuitur in amore Christi, sine dolore. 1. 90.
 Aut non amatur Christus, aut amatur asperitas. 1. 112.
 Hæc sunt Apostolatus & perfectioris viæ duo signa certissima ; Velle abstinere libenter ab omnibus bonis : Et omnia mala sustinere propter Dilectû. 1. 452.
 Aut amandus tui contemptus & Contemnenti congaudendum : aut non amanda Charitas quæ congaudet Veritati. 2. 602.
 Aut pati aut mori, vel confundi, quod est tali vita & morte durius. 4. 864.
 Amori nihil est amarûs quàm quod sentitur suavius. 3. 328.
 Sicut Amor de Christo triumphat in Cruce, sic Christus de amore in Anima secum crucifixa, secum moritur, secum exinanita. 3. 752.

De quarto Gradu.

- Aurum ignitum est Amor Christi, in quo præcipue

fectus suscipit, nouum quod sentit Cordis gaudium,
sed in nouo corde, quod quamdiu durat vel cessat,
durat vel cessat gaudium. 2. 907.

ARTICVLVS 13.

Quod sit unicuique viuendum conformiter sue Vocationi.

Sicut Professus sic Profitens, sic cunctis professionis
sue diebus sicut quo primo die professus est. 3. 877.

Sic prorsus in qua Sanctitate Ordinandus esse debet,
debet Ordinatus semper esse. 2. 898.

Sicut à Domino querendum est officium, ita in officio
querendus est Dominus, nec alibi certiùs inuenitur.
2. 883.

Sicut in manu Domini fors nostra est, sic in sorte no-
stra manus est Domini. 2. 798.

Id est, eius operatio & Virtus.

Hoc est verè laudabile, laudari ab officio. 1. 39.

Salutis animæ nulla est certior certitudo quàm in certo
Vocationis gradu attingendo. 1. 379.

Nec vlla formari potest animi gratitudo digna benefi-
cio Vocationis, nisi se animus dignè conformet Vo-
cationi. 1. 386.

Religiosus infra vel supra regulam suam viuens, Ficus
est ficum non ferens. 3. 899.

Non plus vltra, nec minus. 3. 454.

Quò nos cumque Christus vocet quasi ad cænam vocat:
Nam secuta mens quasi iuge conuiuium, non est
autem magis secuta quàm in eo quò vocamur statu.
4. 513.

Hinc illud etiam oritur, vt nec propter alios à Bono te
excusabis, nec quemquam alium propter te accu-
sabis.

fabis.

3. 673.

Nam ex Vocatione sua potest quisque obligari ad aliquid quod aliud non tenebitur.

Si verò non facis quod doceris quia qui hoc docent non faciunt, tam falsò te excusas quàm Illi verè à Domino accusantur.

4. 693.

Denique sic prudenter cauendum est ne vituperetur ministerium tuum, ut si nimis id caues, non satis caueas.

2. 302.

Dum enim nimis cauetur apparet saepe id potius fieri ex inordinato affectu quàm sincero: Latet ambitio sub prætectu tuendi ordinis quæ post dum apparet, magis vituperabile reddit ministerium & Ministrum.

ARTICVLVS 14.

De quibusdam vniuersim spectantibus ad bene agendum in omni statu & opere.

Si spiritu viuimus, spiritu & ambulemus.

1. 86.

Et communia singulariter: & singularia communiter.

1. 508.

Ne quid nimis aut quid minus cum proximo.

1. 170.

Quantum cuique est in agendo solertiæ seu vigilantia, tantum Illi Virtutis est & meriti.

1. 527.

In ingressu, progressu & egressu operum siue actionum ex æquo est vigilandum ne quid humani affectus subrepat, quo fructus operis decerpatur; Nam Mens incuruata, mens infructuosa est.

4. 506.

Sicut nemo otiosus operatur in vinea Domini, sic nemo bene operatur, nisi otiosus, nisi otiose perpendens singula.

2. 1.

In illo otio magnum negotium, & mira est in tarditate Agilitas.

2. 465.

INDEX TERTIVS.

61

Quod Intellectus confert actioni, hoc Actio refert Intellectui. 2. 767.

Consilium à Fortitudo rebus agendis sic conueniunt, ut nisi simul conueniant, res nulla bene agatur:

Quæ simul juncta se iuuant, disiuncta se destruunt. 4. 892.

Sic internis externa sunt temperanda, ut neutrum eorum importunè, & vtrumque opportunè sibi cedat.

2. 722.

Sicut humanæ aspectu gloriæ non est opus ponendum, ita nec eius despectu deponendum. 3. 206.

Nulla operando potest esse major gloria quàm quærendo maiorem Dei Gloriam. 3. 763.

Excellentior mentis excessus Ille est qui dicitur operis siue actionis. 3. 772.

Cura rerum minimarum rem procurat omnium maximam. 3. 210.

Nec magna benè si parua male. 3. 389.

Denique, quidquid quisquis operetur, inter benedictos ex operibus suis benedicetur, non cui melius omnia, sed, qui melior ex omnibus:

Nec enim melius agitur aut succedit opus, quàm cum ex opere melior fit Operans. 2. 808.

ARTICVLVS 15.

Ratio & usura temporis, plurimi facienda.

Nisi aduertas diligentius, non nisi stulto labore consumeris. 1. 295.

Nihil est magis nostrum quàm Tempus. & nihil est minùs nostrum. 4. 159.

Nihil est nobis tempore vilius, quo tamen nihil est

pretiosius.

4. 162.

Nil minus creditur quàm quod dicitur de modico vitæ tempore; cùm tamen nihil sit magis credibile. 2. 552.

Sed quod deploratius est, ex modico illo quo vivis tempore plus vitæ perdis quàm viuas. 2. 560.

Sic est omni negotio tempus & opportunitas, ut si vel antecedas, vel non proxime sequaris tempus, vix ullum fiat negotium. 4. 168.

Quod feruori Tempus negat, hoc Feruor affert tempori. 4. 163.

Nempe diuturnitatem. Neque enim diu durant saltem quoad sensum, quæ multum feruent, sicque tempus à feruore aufert longitudinem & diuturnitatem: sed hanc ipsam tamen alio sensu diuturnitatem feruor affert tempori, quatenus id suo merito efficit ut tempus alioquin breue si feruenter in Domino collocetur, æquua-
 Sap. 4. leat longi temporis diuturnitati, iuxta illud Sapientis: *Consumma-
 tus in breui expleuit tempora multa*: & conformiter dictis Domini,
 Matth. 10. *Erunt nouissimi primi*, qui scilicet vna tantum hora vel paucis aliquot vitæ diebus feruenter laborauerint, æquabunt merito vel etiam superabunt alios qui plus temporis sed minus feruoris adhibuerint in agendo, quidquid varium & multiplex egerint.

ARTICVLVS 16.

De tertio Virtutum actu qui est Sustinere seu pati libenter, in Domino.

Iam multa quæ huc spectant, producta sunt in articulis de Mortificatione & Fortitudine, quarum est aduersa generatim tolerare. Sed quia singulæ proprium aliquid quod sustineant Virtutes habent, & in quo sustinendo Profectus spiritualis multum procedit & roboratur, idcirco hinc distinctæ adunguntur Veritates quæ hoc præsertim demonstrent quàm sit voluntariè ac libenter sustinendum quidquid occurrerit in cuiusque Virtutis particulari obiecto.

Si quæ sunt aspera Christianæ Virtutis, sic facta sunt

in vias planas, vt si velimus, tam iucunde per aspera
quàm per plana viuamus. 1. 109.

Majus est Christi beneficium amaritudines nobis reli-
quisse amabiles, quàm nullas reliquisse. 1. 111.

Nullus est labor nisi in Vinea Domini, & in vinea Do-
mini nullus est labor laborare volenti. 2. 5.

Qui timent pruinam, irruet super eos nix. Qui timent
laborem Virtutum, magis laborabunt sine Virtuti-
bus & sine merito. 2. 65.

Quo in cœlis Corona Gloriæ sumetur vultu; hoc in
terris Calix sumendus est:

Quo affectu Finis amatur, hoc amari debet & Medium
quod à Deo talem in finem ordinatur. 2. 232.

Quod si propter Scripturas quæ aduersa beatificant,
sunt aduersa toleranda, sunt libenter toleranda:
quia non aliter Tolerantes beatificant, quàm si li-
benter tolerant. 2. 237.

Non tollit patiendi sensum Patientia, sed tamen est
in Patientia, quædam Impassibilitas. 2. 466.

Sicut tolerandis aduersis sacra nobis Mensa parata est,
sic aduersa libenter tolerata nos parant ad illam
Mensam. 3. 116.

Sic beati sunt qui persecutionem patiuntur propter
Iustitiam siue Virtutem, vt nisi propter Virtutem
patiantur non sint beati sed miseri. 3. 193.

Iniquè multum agunt qui tam multa patiuntur &
agunt sanando Corpori, tam pauca saluandæ ani-
mæ. 3. 431.

Quòd à suis laborantibus Christus abesse putatur lon-
gius, hoc ipso propiùs ipsis adesse putandus est.
3. 810.

Sic laborantes Christus reficit, non vt labor ipsis deficiat, sed ne Ipsi laborantes labori suo deficiant.

4. 446.

Sic suaue Christi iugum est vt sit semper iugum, sed iugum amabile:

Si vero ferendum esset, licet insuaue, quanto magis suaue?

4. 453.

Qui non libenter infirmatur & patitur pro Dei gloria, & grauius patitur, & contra Dei gloriam. 4. 561.

Cum malos male perdere Deus dicitur, malos illos intellige qui bene perdi nolint. Malos omnes perdit Deus, sed non male omnes:

Tam porrò bonum est malis bene perdi, quàm male perdi, malum est.

4. 684.

Quod denique Domino seruus dicit, *Patientiam habet in me*, hoc idem seruo Dominus:

Et sicut diuinæ debemus Patientiæ quod non extrema quæque patimur, sic nostra Deo debetur patientia quæ leuiora libenter toleret.

4. 319.

CAPVT

- puritas quæritur, ut sit vnus & idem Amor quo
Amans fertur in Christum & proximum. 1. 82.
- Nemo magis sibi Christum seruat quàm qui minus sibi
soli seruat. 1. 260.
- Colloquendo de diuinis, quanto magis luces quàm
ardet, tâtò in te minùs Diuina lucet Charitas. 2. 542.
- Nec luceret tantum, nec ardere tantum: sed vtrumque
simul indiuisim. 3. 796.
- Rape ad Eum quos potes: Nam si potes & non rapis,
tot Christo & cœlo perdis quot Illi lucrari poteras.
3. 573.
- Amanti Deum animæ magis est mirum quod non à
Mundo sic ametur & colatur Deus, quàm sit mi-
rum Mundo non amanti, quod ab Amante sic ame-
tur. 3. 329.

De quinto Gradu.

- Numquam est Dei Amor otiosus. 1. 94.
- Cui nimis adhuc durum videretur pro Christo pati,
nimis etiam durum videretur amare Christum. 1. 112.
- Sic Charitas & Constantia simul iunctæ constant, ut
nisi sint simul iunctæ non sibi consent. 2. 83.
- Tam vere autem Charitas includit in se Patientiam,
ut qui esset impatiens excluderet à se Charitatem.
2. 496.
- Cæteræ pugnant Virtutes, sola vincit Amoris Perseue-
rantia. 2. 267.
- Si non semper, si non æqualiter magnificaret Amor
Deum, numquam se magnificare crederet. 1. 369.
- Sic porro semper Idem perseuerat Amor, ut vix vm-
quam sit Idem, sed major seipso in dies, se non minus.

quàm cætera omnia superet: non vt aliud noui agat,
sed aliter, atque aliter: nobiliùs, excelsiùs, excellen-
tiùs.

1. 212.

De sexto Gradu.

Certa constansque lex est in Amoris regno, Quò quis
est maior eò & humilior.

1. 62.

Hic verè omnium Maximus qui vere omnium mini-
mus.

2. 856.

Tunc ascendit ad summos & transcendit, cùm descen-
dit ad infimos.

2. 531.

Sed quod magis miram reddit huius humilis & demissi
amoris Celsitudinem, nullus est Diues humili quan-
tumuis pauperi magnificentior.

3. 602.

Atque hæc de humili Charitate sic rata fixæque sunt,
vt quàm verè Christus maior est inter omnes homi-
nes, tam certè qui minor est inter nos omnes, hic
Maior est: Et quisquis maior est, debet esse sicut
minor.

4. 71.

Hæc sunt ipsa Christi Domini Verba quæ Humilitatem simul &
Charitatem comprehendunt, hoc sensu, vt qui se minorem inter
omnes vera humilitate sentiat, mox euadat Major vera Charitate.

Math. 20.

Marci 10.

Lucæ 22.

Ac vicissim qui vera Charitate maior est, tum vera humilitate fit
Minor, aut non est vera & perfecta Charitas, cuius superior gradus
est, supremum simul ac postremum fieri. Hoc est Christi Iudicium
ac decretum de vera magnitudine ac perfectione hominis, quod
quidem Iudicium quàm sit certum supra quauis alia Iudicia quæ ab
Illo dissentiant, humanâ simul & diuinâ fide patet euidenter. Hu-
manâ quidem qua constat tanto illud esse certius iudicium quod
qui pronuntiat certior est in iudicando, vt nec falli possit nec falle-
re. Diuina verò qua creditur Christus Dominus hanc Vnum inter
homines habere certitudinem.

Quamobrem hæc sit postrema simul & suprema Veritas quæ

Rem omnium maximam simul & minimam nobis insinuet, ut
quantumcumque magni simus, numquam parui esse desinamus:

Perfecta Humilitas, demissa Charitas : Perfecta Cha-
ritas, exaltata Humilitas.

2. 859.

P I N I S.

ROTHOMAGI;

Ex Typographia LAURENTII MAURRY junioris
prope Collegium Societatis I E S V.

M. DC. LIV.

